

Holy Bible

Aionian **Edition®**

ဓမ္မသစ်ကျမ်း ရခိုင်ဘာသာစကား
Rakhine Bible

Holy Bible Aionian Edition ®

ဓမ္မသစ်ကျမ်း ရရှိငါဘာသာစကား

Rakhine Bible

Language: Rakhine

Myanmar (Rakhine), Bangladesh, India (Tripura, Mizoram)

Creative Commons Attribution ShareAlike 4.0 International, 2018-2026

Source text: eBible.org

Source version: 8/8/2026

Source copyright: Creative Commons Attribution ShareAlike 4.0

The Word for the World International, 2025

Formatted by Speedata Publisher 5.9.2 (Pro) on 8/31/2026

100% Free to Copy and Print

TOR Anonymously and <https://AionianBible.org>

Published by Nainoia Inc, <https://Nainoia-Inc.signedon.net>

All profits are given to <https://CoolCup.org>

We pray for a modern Creative Commons translation in every language

Translator resources at <https://AionianBible.org/Third-Party-Publisher-Resources>

Volunteer help and comments are welcome and appreciated!

Celebrate Jesus Christ's victory of grace!

Preface

ရခိုင်ဘာသာ at AionianBible.org/Preface

The *Holy Bible Aionian Edition* ® is the world's first Bible *un-translation*! What is an *un-translation*? Bibles are translated into each of our languages from the original Hebrew, Aramaic, and Koine Greek. Occasionally, the best word translation cannot be found and these words are transliterated letter by letter. Four well known transliterations are *Christ*, *baptism*, *angel*, and *apostle*. The meaning is then preserved more accurately through context and a dictionary. The Aionian Bible un-translates and instead transliterates eleven additional Aionian Glossary words to help us better understand God's love for individuals and all mankind, and the nature of afterlife destinies.

The first three words are *aiōn*, *aiōnios*, and *aiōdios*, typically translated as *eternal* and also *world* or *eon*. The Aionian Bible is named after an alternative spelling of *aiōnios*. Consider that researchers question if *aiōn* and *aiōnios* actually mean *eternal*. Translating *aiōn* as *eternal* in Matthew 28:20 makes no sense, as all agree. The Greek word for *eternal* is *aiōdios*, used in Romans 1:20 about God and in Jude 6 about demon imprisonment. Yet what about *aiōnios* in John 3:16? Certainly we do not question whether salvation is eternal! However, *aiōnios* means something much more wonderful than infinite time! Ancient Greeks used *aiōn* to mean *eon* or *age*. They also used the adjective *aiōnios* to mean *entirety*, such as *complete* or even *consummate*, but never infinite time. Read Dr. Heleen Keizer and Ramelli and Konstan for proofs. So *aiōnios* is the perfect description of God's Word which has *everything* we need for life and godliness! And the *aiōnios* life promised in John 3:16 is not simply a ticket to eternal life in the future, but the invitation through faith to the *consummate* life beginning now!

The next seven words are *Sheol*, *Hadēs*, *Geenna*, *Tartaroō*, *Abyssos*, and *Limnē Pyr*. These words are often translated as *Hell*, the place of eternal punishment. However, *Hell* is ill-defined when compared with the Hebrew and Greek. For example, *Sheol* is the abode of deceased believers and unbelievers and should never be translated as *Hell*. *Hadēs* is a temporary place of punishment, Revelation 20:13-14. *Geenna* is the Valley of Hinnom, Jerusalem's refuse dump, a temporal judgment for sin. *Tartaroō* is a prison for demons, mentioned once in 2 Peter 2:4. *Abyssos* is a temporary prison for the Beast and Satan. Translators are also inconsistent because *Hell* is used by the King James Version 54 times, the New International Version 14 times, and the World English Bible zero times. Finally, *Limnē Pyr* is the Lake of Fire, yet Matthew 25:41 explains that these fires are prepared for the Devil and his angels. So there is reason to review our conclusions about the destinies of redeemed mankind and fallen angels.

The eleventh word, *eleēsē*, reveals the grand conclusion of grace in Romans 11:32. Please understand these eleven words. The original translation is unaltered and a highlighted note is added to 64 Old Testament and 200 New Testament verses. To help parallel study and Strong's Concordance use, apocryphal text is removed and most variant verse numbering is mapped to the English standard. We thank our sources at eBible.org, Crosswire.org, unbound.Biola.edu, Bible4u.net, and NHEB.net. The Aionian Bible is copyrighted with creativecommons.org/licenses/by/4.0, allowing 100% freedom to copy and print, if respecting source copyrights. Check the Reader's Guide and read at AionianBible.org, with Android, and with TOR network. Why purple? King Jesus' Word is royal and purple is the color of royalty! All profits are given to CoolCup.org.

History

ရခိုင်ဘာသာ at AionianBible.org/History

06/21/75 - Two boys, P. and J., wonder if Jesus saves all and pray.
04/15/85 - Aionian Bible conceived as B. and J. pray.
12/18/13 - Aionian Bible announced as J. and J. pray.
06/21/15 - Aionian Bible birthed as G. and J. pray.
01/11/16 - AionianBible.org domain registered.
06/21/16 - 30 translations available in 12 languages.
12/07/16 - Nainoia Inc established as non-profit corporation.
01/01/17 - Creative Commons Attribution No Derivatives 4.0 license added.
01/16/17 - Aionian Bible Google Play Store App published.
07/01/17 - 'The Purple Bible' nickname begins.
07/30/17 - 42 translations now available in 22 languages.
02/01/18 - Holy Bible Aionian Edition® trademark registered.
03/06/18 - Aionian Bibles available in print at Amazon.com.
09/15/18 - Aionian Bible dedicated as J. and J. pray again.
10/20/18 - 70 translations now available in 33 languages.
11/17/18 - 104 translations now available in 57 languages.
03/24/19 - 135 translations now available in 67 languages.
10/28/19 - Aionian Bible nursed as another J. and J. pray.
10/31/19 - 174 translations now available in 74 languages.
02/22/20 - Aionian Bibles available in print at Lulu.com.
05/25/20 - Illustrations by Gustave Doré, La Grande Bible de Tours, Felix Just.
08/29/20 - Aionian Bibles now available in ePub format.
12/01/20 - Right to left and Hindic languages now available in PDF format.
03/31/21 - 214 translations now available in 99 languages.
11/17/21 - Aionian Bible Branded Leather Bible Covers now available.
12/20/21 - Social media presence on Facebook, Twitter, LinkedIn, YouTube, etc.
01/01/22 - 216 translations now available in 99 languages.
01/09/22 - StudyPack resources for Bible translation study.
01/23/22 - Volunteers celebrate with pie and prayer.
02/14/22 - Strong's Concordance from Open Scriptures and STEP Bible.
02/14/23 - Aionian Bible published on the TOR Network.
12/04/23 - Eleēsē added to the Aionian Glossary.
02/04/24 - 352 translations now available in 142 languages.
05/01/24 - 370 translations now available in 164 languages.
08/05/24 - 378 translations now available in 165 languages.
08/18/24 - Creative Commons Attribution 4.0 International, if source allows.
10/20/24 - Gospel Primer handout format.
11/24/24 - Progressive Web Application off-line format.
01/28/25 - All profits are given to CoolCup.org.
03/12/25 - 382 translations now available in 166 languages.
06/21/25 - 468 translations now available in 230 languages.
09/01/25 - 538 translations now available in 291 languages.
08/31/26 - 539 translations in 291 languages with 9,609,899 verses.

Table of Contents

NEW TESTAMENT

မသဲ	1
မာကု	49
လုကာ	78
ယောဟန်	126
တမန်တော်	165
ရောမ	215
၁ ကောရိန္တီ	238
၂ ကောရိန္တီ	260
ဂလာတီ	274
ဧဖက်	282
ဖိလိပ္ပို	290
ကောလောသဲ	295
၁ သက်သာလောနိတ်	300
၂ သက်သာလောနိတ်	305
၁ တီမောသေ	308
၂ တီမောသေ	314
တိတု	319
ဖိလေမုန်	322
ဟေဗြဲ	323
ယာကုပ်	340
၁ ပေတရု	346
၂ ပေတရု	352
၁ ယောဟန်	356
၂ ယောဟန်	362
၃ ယောဟန်	363
ယုဒ	364
ဗျာဒိတ်တော်	366

APPENDIX

Reader's Guide

Glossary

Maps

Destiny

Illustrations, Doré

NEW TESTAMENT



ယေသုက “အိုအဖ၊ သူရို၏ အပြစ်ကို ခွင့်ခွတ်တော်မူပါ။ သူရိုသည် ကိုယ်ပြုနိုင်သောအမှုကို မသိကတ်ပါ”
ဟု မြက်ဆိုတော်မူ၏။ ထိုသူရိုသည် ကိုယ်တော်၏အဝတ်တော်ကို မချ၍ ဝီယူကြ၏။

Luke 23:34

1 အာဗြဟံ၏အနွယ် ဒါဝိဒ်၏အမျိုးမှ ဆင်းသက်လာသော ယေသျှု ခရစ်တော်၏ ဆွီစဉ်မျိုးဆက်စာရင်းမှာ ဤသို့ ဖြစ်၏။

2 အာဗြဟံသည် ကူဇာကံ၏ အဖ ဖြစ်၏။ ကူဇာကံသည် ယာကုပ်၏ အဖ၊ ယာကုပ်သည် ယုဒနှင့် သူညီအစ်ကို မောင်နှမတစ်စု၏ အဖ၊ **3** ယုဒသည် မယားတမာနှင့် မွီးသောသား ဖာရက်နှင့် ဇာရရို၏ အဖ၊ ဖာရက်သည် ဟောဇရုံ၏ အဖ၊ ဟောဇရုံသည် အာရံ၏ အဖ၊ **4** အာရံသည် အမိနဒပ်၏ အဖ၊ အမိနဒပ်သည် နာရှုန်၏ အဖ၊ နာရှုန်သည် စာလမုန်၏ အဖ၊ **5** စာလမုန်သည် မယားရာခပ်နှင့် မွီးသော ဟောဇ၏ အဖ၊ ဟောဇသည် မယားရုသနှင့် မွီးသော ဩဗက်၏ အဖ၊ ဩဗက်သည် ယေသျှု၏ အဖ၊ **6** ယေသျှုသည် ဒါဝိဒ်မင်းကြီး၏ အဖ ဖြစ်၏။ ဒါဝိဒ်မင်းကြီးသည် မယားဥရိယနှင့် မွီးသော သျှောလမုန်၏ အဖ၊ **7** သျှောလမုန်သည် ရောဗောင်၏ အဖ၊ ရောဗောင်သည် အဘိယ၏ အဖ၊ အဘိယသည် အာသ၏ အဖ၊ **8** အာသသည် ယောသျှုဖတ်၏ အဖ၊ ယောသျှုဖတ်သည် ယဟောရံ၏ အဖ၊ ယဟောရံသည် ဩဇီ၏ အဖ၊ **9** ဩဇီသည် ယောသံ၏ အဖ၊ ယောသံသည် အာခတ်၏ အဖ၊ အာခတ်သည် ဟောဇကီ၏ အဖ၊ **10** ဟောဇကီသည် မနာသျှော၏ အဖ၊ မနာသျှောသည် အာမုန်၏အဖ၊ အာမုန်သည် ယောသျှု၏ အဖ၊ **11** ဗာဗုလုန်ပြည်သို့ ကူသရေလအမျိုးသားတို့အား ဖမ်းဆီးခေါ်ဆောင်လားချိန်၌ ယောသျှုသည် ယေခေါန်နှင့် သူ၏ညီအစ်ကိုများ၏ အဖ ဖြစ်ကြ၏။ **12** ဗာဗုလုန်ပြည်မှ ကူသရေလလူမျိုးတို့ ပြန်လာပြီးနောက်၊ ယေခေါန်သည် သျှောလသေလ၏ အဖ ဖြစ်၏။ သျှောလသေလသည် ဇေရုဗဗေလ၏ အဖ၊ **13** ဇေရုဗဗေလသည် အာဗျုဒ်၏ အဖ၊ အာဗျုဒ်သည် ဇလျှာကိမ်၏ အဖ၊ ဇလျှာကိမ်သည် အာဇော်၏ အဖ၊ **14** အာဇော်သည် ဇာဒုတ်၏ အဖ၊ ဇာဒုတ်သည် အာခိမ်၏ အဖ၊ အာခိမ်သည် ဇလုဒ်၏ အဖ၊ **15** ဇလုဒ်သည် ဇလာဇာ၏ အဖ၊ ဇလာဇာသည် မဿန်၏ အဖ၊ မဿန်သည် ယာကုပ်၏ အဖ၊ **16** ယာကုပ်သည် မာရိ၏ လင်ယောက်ျား ယောသပ်၏ အဖ၊ မာရိသည် ခရစ်တော်ဟု ခေါ်သော ယေသျှုကို မွီးသော အမိ ဖြစ်၏။ **17** ဤကား အာဗြဟံမှ ဒါဝိဒ်အထိ ဆွီစဉ်မျိုးဆက် တစ်ဆယ့်လေးဆက်၊ ဒါဝိဒ်မှ ဗာဗုလုန်ပြည်သို့ ကူသရေလလူမျိုးတို့ကို အကျဉ်းသားအဖြစ် ဖမ်းဆီးခေါ်ဆောင်ခံရသည့် အချိန်ထိ တစ်ဆယ့်လေးဆက်၊ ဗာဗုလုန်ပြည်မှ ထွက်လားသော အချိန်မှ ခရစ်တော်မွီးဖွားသည့် အချိန်ထိ ဆွီစဉ်မျိုးဆက် တစ်ဆယ့်လေးဆက် ဖြစ်၏။ **18** ယေသျှု ခရစ်တော်၏ ဖွားမြင်တော်မူခြင်းမှာ ဤသို့ ဖြစ်၏။ ယောသပ်နှင့် စုံစပ်ပြီးနောက် ပေါင်းသင်းနီထိုင်ခြင်း မပြုခင် မယ်တော်မာရိသည် သန့်ယှင်းသောဝိညာဉ်တော်အားဖြင့် ပဋိသန္ဓေ စွဲနိုင်၏။ **19** ယောသပ်သည် ဖြောင့်မတ်သောသူ ဖြစ်သည်နှင့်အညီ မာရိကို လူပုံအလည်၌ အသရေမပျက်စီလို၍ လူသိသျှင်ကြား စုံစပ်ထားသည်ကို တိတ်တဆိတ် ဖျက်သိမ်းရန် ကြံစည်နိုင်၏။ **20** ထိုသို့ ကြံစည်နိုင်စဉ်တွင် အိပ်မက်ထဲ၌ သခင်ဘုရား၏ ကောင်းကင်တမန်တစ်ပါးသည် ပေါ်လာ၍ “ဒါဝိဒ်အမျိုး ယောသပ်၊ မာရိကို မယားအဖြစ် ပေါင်းသင်းနီထိုင်ဖို့ရန် မကြောက်ကော့။ သူမ၏ကိုယ်ဝန်သည် သန့်ယှင်းသောဝိညာဉ်တော်အားဖြင့် ဖြစ်၏။ **21** သူမသည် သားယောက်ျားကို ဖွားမြင်လိမ့်မည် — သူ၏လူတို့ကို အပြစ်မှ ကယ်တင်မည့်သူဖြစ်သောကြောင့် — သူ့ကို ယေသျှုဟူ၍ အမည်မှည့်ရလိမ့်မည်” ဟု ကောင်းကင်တမန်က ပြောလေ၏။ **22** အကြောင်းမူကား၊ ထာဝရဘုရားသည် ပရောဖက်အားဖြင့် မိန့်မှားထားသော ဗျာဒိတ်တော်အားလုံး ပြည့်စုံရန် ဖြစ်လေ၏။ **23** ဗျာဒိတ်တော်သည်ကား “အပျိုစင်တစ်ယောက်သည် ပဋိသန္ဓေတည်၍ သားယောက်ျားကို ဖွားမြင်လိမ့်မည်၊ ထိုသားကို ဧမာနွေလဟူ၍ အမည်မှည့်ရလိမ့်မည်” ဟု လာသတည်း (ဧမာနွေလ၏အဓိပ္ပာယ်ကား “ငါရိနှင့်အတူဟိသော ဘုရားသခင်” ဖြစ်၏)။ **24** ယောသပ်သည် အိပ်ပျော်ရာမှ နိုးလာပြီးလျှင် သခင်ဘုရား၏ ကောင်းကင်တမန် မှာထားသည့်အတိုင်း မာရိကို လက်ထပ်ထိမ်းမြားလေ၏။ **25** သို့ရာတွင် သားကို ဖွားမြင်ပြီးသည့်တိုင်အောင် ယောသပ်သည် မာရိနှင့် ယှက်တင်ခြင်းကို မပြုဘဲ နိဂုံးလေ၏။ ထို့နောက် ယောသပ်သည် ထိုသားကို ယေသျှု ဟူ၍ နာမည်မှည့်လေ၏။

2 ဟေရုဒ်မင်းကြီး နန်းစံကာလ၊ ယုဒပြည် ဗက်လင်မြို့၌ ယေသုကို ဖွားမြင်ခလေ၏။ ဖွားမြင်တော်မူပြီးနောက် အရှိုအရပ်မှ နက္ခတ်ပညာဟိတချို့သည် ယေရုဆလင်မြို့သို့ ရောက်လာကြပြီးလျှင် **2** “ဖွားမြင်တော်မူသော ယုဒလူမျိုးတို့၏ သျှင်ဘုရင်သည် ဇာနည်ရာမှာဟိလ။ ငါရိုသည် အရှိုအရပ်၌ သူ၏ဦးနက္ခတ်နှင့်ဆိုင်သော ကြယ်ကို မြင်ရ၍ သူ့ကို ဖူးမြော်ရန် လာကြသည်” ဟု ပြောကြ၏။ **3** ဤအကြောင်းကို ဟေရုဒ်မင်းကြားသော် မင်းကြီးနှင့်အတူ ယေရုဆလင်မြို့၌ ဟိသော အပေါင်းအဖော်များသည် အလွန်စိတ်နှလုံးမငြိမ်မသက် ဖြစ်ကြ၏။ **4** ဟေရုဒ်မင်းသည် ယဇ်ပုရောဟိတ်အကြီးတို့နှင့် ကျမ်းတတ်ဆရာတို့အားလုံးကို ခေါ်၍ “ခရစ်တော်ကို ဇာအရပ်မှာ ဖွားမြင်လိမ့်မည်နည်း” ဟု မိန်း၏။ **5** “ယုဒပြည် ဗက်လင်မြို့၌ ဖြစ်ပါ၏။ အကြောင်းမူကား၊ ပရောဖက် ရီးထားခသည်မှာ၊ **6** “အို၊ ယုဒပြည် ဗက်လင်မြို့၊ သင်သည် ယုဒပြည်၏မြို့များထဲမှာ သိမ်ငယ်သောမြို့ တစ်မြို့ မဟုတ်။ ငါ၏ကူသရေလလူမျိုးတို့ကို လမ်းပြမည် ခေါင်းဆောင်တစ်ယောက်သည် သင်၏အထဲမှ ပေါ်ထွန်းလာလိမ့်မည် ဟူ၍ ဖြစ်သည်” ဟု သူရိုက ဖြေကြ၏။ **7** ထိုစကားကို ကြားသည်နှင့် ဟေရုဒ်မင်းကြီးသည် အရှိုအရပ်က နက္ခတ်ပညာဟိများကို တိတ်တိတ်ချေ ခေါ်ပြီးလျှင် ကြယ်ပေါ်ချိန် အတိအကျကို မိန်းလေ၏။ **8** “သင်ရိုသည် လား၍ သူငယ်ကို စုံစိစပ်စပ် ရှာကတ်၊ ငါလည်း သူ့ကို လား၍ ဖူးမြော်ချင်သည်ဖြစ်၍ တို့လျှင် ငါ့ကို ပြောကြလော့” ဟု ပြောကာ မင်းကြီးက နက္ခတ်ပညာဟိရိုကို ဗက်လင်မြို့သို့ ရွတ်လိုက်၏။ **9** ထိုသူရိုသည် မင်းကြီးစကားကို နာခံပြီးနောက် ထွက်လာကြ၏။ အရှိုအရပ်၌ သူရို မြင်ခသည့် ကြယ်သည် သူရို၏ရိုက လားလေ၏။ သူငယ်ဟိရာအရပ်၏ အထက်တည့်တည့်သို့ ရောက်သောအခါ ထိုကြယ်သည် တန်ခိုန်၏။ **10** သူရိုသည် ထိုကြယ်ကို မြင်ကြသောအခါ အလွန် ဝမ်းမြောက်ကြ၏။ **11** ကြယ်ပညာဟိရိုသည် အိမ်ထဲသို့ ဝင်ကြသောအခါ မိခင်မာရ်နှင့်အတူ သူငယ်ကို တို့ကြသဖြင့် သူငယ်ကို ပျပ်ဝပ်လျက် ကိုးကွယ်ကြ၏။ သူရိုယူလာသော လောဗန်၊ မုရန်၊ ရွှံ့ စသော လက်ဆောင်များကို ထုတ်၍ သူငယ်ကို ပူဇော်ကြ၏။ **12** ဘုရားသခင်က ဟေရုဒ်မင်းကြီးထံပါးသို့ ပြန်၍ မလားကြရန် အိပ်မက်ထဲ၌ နက္ခတ်ပညာဟိရိုကို ပြောထားပြီးဖြစ်သောကြောင့် သူရိုသည် မိမိတိုင်းပြည်သို့ အခြားသောလမ်းဖြင့် ပြန်လားကြ၏။ **13** နက္ခတ်ပညာဟိရို ထွက်လားပြီးနောက် သခင်ဘုရား၏ ကောင်းကင်တမန်တစ်ပါးက ယောသပ်အား “ဟေရုဒ်မင်းကြီးသည် ဤသူငယ်ကို သတ်ခြင်းငှာ လိုက်ရှာခိုန်၏။ ယေဇူးနုနု ထလော့၊ သူငယ်နှင့် သူ၏အမိကို ခေါ်၍ အဲဂုတ္တာပြည်သို့ ထွက်ပြီးလားလီ၊ သင့်ကို ငါ တစ်ခုခု မပြောမချင်း အဲဂုတ္တာပြည်မှ ထွက်မလာကတ်ကေ့” ဟု အိပ်မက်ပီး၏။ **14** ထို့ကြောင့် ယောသပ်သည် ချက်ချင်း ထ၍ သူငယ်နှင့် အမိကို ခေါ်၍ ညတွင်းချင်း အဲဂုတ္တာပြည်သို့ ထွက်ပြီးကြလေ၏။ **15** ဟေရုဒ် အနိစ္စရောက်သည့်တိုင်အောင် အဲဂုတ္တာပြည်၌ နီထိုင်ကြလေ၏။ ဤကား “ငါ့သားသျှောက် အဲဂုတ္တာပြည်မှ ငါ ကိုယ်တိုင် ခေါ်ထုတ်လာမည်” ဟူသော ထာဝရဘုရားက ပရောဖက်အားဖြင့် ဟောထားခသောစကားသည် ပြည့်စုံခြင်းသို့ ရောက်လေ၏။ **16** ဟေရုဒ်သည် နက္ခတ်ပညာဟိရိုက မိမိအား လှည့်ဖျားလားခသည်ကို သိသောအခါ အလွန်ဒေါသဖြစ်လေ၏။ သို့ဖြစ်၍ သူသည် နက္ခတ်ပညာဟိရိုပါးမှာ မိန်းမြန်းလေ့လာထားသော အချိန်ကာလအရ ဗက်လင်မြို့နှင့် အနီးတဝိုက်၌ ဟိကြသော အသက်နှစ်နှစ်နှင့် နှစ်နှစ်အောက် ယောက်ျားသူငယ်တို့အားလုံးကို သတ်ရန် အမိန့်ထုတ်လေ၏။ **17** ထိုအခါ ပရောဖက် ယေရမိအားဖြင့် ဟောထားခစကားသည် ပြည့်စုံခြင်းသို့ ရောက်လေ၏။ သူ၏စကားမှာ၊ **18** “ရာမအရပ်၌ ကြီးစွာသော ငိုကျွီးမြည်တမ်းသံကို ကြားရ၍၊ ရာဇဝေလမှာ မိမိ၏သူငယ်တို့အတွက် ငိုခိုန်ရ၏။ သို့ဖြစ်၍ ဖြေမဆည်နိုင် ဖြစ်ရလေ၏။ အကြောင်းမူကား၊ သူငယ်တို့အားလုံး သီကျလား၍ ဖြစ်၏” ဟူ၍ ဖြစ်လေ၏။ **19** ဟေရုဒ် အနိစ္စရောက်ပြီးနောက် အဲဂုတ္တာပြည်တွင် ယောသပ်၏အိပ်မက်ထဲ၌ သခင်ဘုရား၏ ကောင်းကင်တမန်တစ်ပါး ပေါ်လာ၍ **20** “ယောသပ်၊ ထလော့၊ သူငယ်နှင့် သူ၏အမိကို ခေါ်ပြီးလျှင်၊ ကူသရေလပြည်သို့ ပြန်လားကတ်လီ၊ သူငယ်၏အသက်ကို သတ်ဖို့လူတိ သီကျလားပြီးယာ” ဟု ပြောလေ၏။ **21** ထိုအခါ ယောသပ်သည် သားအမိနှစ်ယောက်ကို ခေါ်၍ ကူသရေလပြည်သို့ ပြန်လာလေ၏။ **22** ထိုအချိန်၌ ဟေရုဒ်၏သား အာဇေလသည် ယုဒပြည်၏ဘုရင်အဖြစ် ခမည်းတော်နန်းရာကို

ဆက်ခံနိုင်သည်ကို ကြားသဖြင့် ယောသပ်သည် ယင်းပြည်သို့ ပြန်လားဖို့ရန် ကြောက်နိန်၏။ အိပ်မက်ထဲ၌ ဗျာဒိတ်တော်ကို မြင်ပြီးခါမှသာ၊ ဂါလိလဲနယ်ထဲသို့ ဝင်ရောက်ကာ 23 နာဇရက်ဟုခေါ်သော မြို့တစ်မြို့တွင် နီထိုင်လေ၏။ ထို့ကြောင့် “ကိုယ်တော်အား နာဇရက်မြို့သားဟု ခေါ်ဝေါ်ကြလိမ့်မည်” ဟူသော ပရောဖက်တိအားဖြင့် ဟောထားခသောစကားသည် ပြည့်စုံခြင်းသို့ ရောက်လေ၏။

3 ထိုအချိန်၌ ဗတ္တိဇံယောဟန်သည် ယုဒပြည်၏ တောကန္တာရတွင် တရားတော်ကို စတင်ဟောပြောလျက်ဟိ၏။ 2 သူဟောပြောသည်မှာ “ကောင်းကင်နိုင်ငံတော် တည်လုနီးပြီ ဖြစ်သောကြောင့် သင်ရှိသည် အပြစ်မှ နောင်တရကြပါ” ဟူ၍ ဖြစ်၏။ 3 ပရောဖက်ဟေသျှာယက “တောကန္တာရထဲ၌ အော်ဟစ်နိုင်သော သူ၏အသံမှာ၊ ‘ထာဝရဘုရား အတွက် လမ်းကို ပျင်ဆင်ကြလော့၊ ကိုယ်တော်အတွက် လမ်းကို ဖြောင့်စီကြလော့’” ဟူ၍ ဟောပြောသည်မှာ ထိုယောဟန်ကို ဆိုလိုသတည်း။ 4 ယောဟန်သည် ကုလားအုတ်အမွှီးနှင့် ရက်လုပ်ထားသော ဝတ်ရုံကိုဝတ်၍ ခါး၌ သားရဲခါးပတ်ကို ပတ်ပြီးလျှင် ကျိုင်းကောင်းနှင့် တောပျားရည်ကို စားသောက်လျက်နိန်၏။ 5 ယော်ဒန်မြစ်ဝှမ်းဒေသအားလုံးမှစ၍ ယေရုဆလင်မြို့အပါအဝင် ယုဒပြည်တဝှမ်းလုံးမှ လူအပေါင်းရှိသည် ယောဟန်ပါးသို့ ရောက်လာကြ၏။ 6 သူရှိသည် မိမိ အပြစ်တိကို ဝန်ခံကြပြီးနောက် ယောဟန်သည်လည်း သူရိအား ယော်ဒန်မြစ်၌ ဗတ္တိဇံကို ပီး၏။ 7 ဖာရိယုရိနှင့် ဇေဒုကရိသည် ဗတ္တိဇံခရန် လာကြသည်ကို ယောဟန် မြင်လျှင် “မြီဆိုးအမျိုးတိ၊ သင်ရှိသည် ရောက်လတ္တံ့သော ဘုရားသခင်၏ အပြစ်စီရင်ခြင်းမှ လွတ်လိမ့်မည်ဟု ဇာသူက ပြောသနည်း။ 8 သင်ရှိသည် နောင်တရကြောင်းကို သင်ရှိအကျင့်နှင့် သက်သီ ပြကြလော့။ 9 သင်ရှိသည် အာဗြဟံအမျိုးဖြစ်၍ အပြစ်စီရင်ခြင်းမှ လွတ်လိမ့်မည်ဟု မထင်ကတ်ကော့။ ငါဆိုသည်ကား ဘုရားသခင်သည် ဤကျောက်တုံးတို့ကို ပင်လျှင် အာဗြဟံ အမျိုးဖြစ်အောင် ဖန်ဆင်းနိုင်၏။ 10 ကောင်းသောအသီးကို မသီးသောအပင်ဟိသမျှကို ခွတ်ပြီးလျှင် မီးထဲသို့ ချလိုက်ခြင်းငှာ ပေါက်ဆိန်ကို အပင်ခြံရင်း၌ အဆင်သင့် ထားလျက်ဟိ၏။ 11 သင်ရှိ နောင်တရကြောင်းကို ပြသည့်အနိန်ဖြင့် ငါသည် သင်ရှိအား ရီ၌ ဗတ္တိဇံကို ပီး၏။ ငါ့နောက်မှ ကြွလာမည့်သူသည် ငါ့ထက်ကြီးမြတ်သူဖြစ်၍ ထိုသူသည် သင်ရှိအား သန့်ယှင်းသော ဝိညာဉ်တော်၌ လည်းကောင်း၊ မီး၌ လည်းကောင်း ဗတ္တိဇံကို ပီးလိမ့်မည်။ သူ၏ခြံနင်းတော်ကို ကိုင်ဆောင်ခြင်းငှာ ငါသည် မထိုက်တန်။ 12 ထိုသူသည် မိမိ၏ ကောက်နယ်တလင်းကို ယှင်းလင်းရန် လက်၌ ဆန်ကောက်ကို ကိုင်ထားတော်မူသည်ဖြစ်၍ ဂျုံစပါးတို့ကို ပုတ်ထဲတွင် စုသိမ်းပြီးလျှင် အဖျင်းတိုက်မှုကား မငြိမ်းနိုင်သောမီးထဲ၌ လောင်ကျွမ်းစီတော်မူလိမ့်မည်” ဟု သူရိကို ပြောဆို၏။ 13 ထိုအချိန်၌ ယေသျှာသည် ယောဟန်ထံပါးတွင် ဗတ္တိဇံကို ခံယူရန် ဂါလိလဲနယ်မှ ယော်ဒန်မြစ်နားသို့ ရောက်လာ၏။ 14 “အကျွန်ုပ်သည်သာ ကိုယ်တော့်ထံ၌ ဗတ္တိဇံကို ခံယူထိုက်သည်ဖြစ်၍ အကျွန်ုပ်ပါးသို့ ကိုယ်တော်ကြွလာခြင်းသည် အကျွန်ုပ်နှင့် မထိုက်တန်ပါ” ဟု ယောဟန်က ဟန်တားရန် ကြိုးစားလေ၏။ 15 သို့သော် ယေသျှာက “ငါရှိသည် ဘုရားသခင် အလိုတော်ဟိသမျှတို့ကို လုပ်ဆောင်ရမည်ဖြစ်သောကြောင့် အဂုဏ် လုပ်ခွင့်ပီးပါ” ဟု ပြန်ပြောတော်မူ၏။ ထိုအခါ ယောဟန်သည် ဝန်ခံလေ၏။ 16 ယေသျှာသည် ဗတ္တိဇံကို ခံယူပြီး၊ ရီထဲမှ ထလာစဉ်တွင် ကောင်းကင်ဖွင့်လှစ်၍ ဘုရားသခင်၏ဝိညာဉ်တော်သည် မိမိအထက်၌ ပြုံးငှက်ကဲ့သို့ ဆင်းသက်လာသည်ကို ကိုယ်တော်သည် မြင်လေ၏။ 17 ထို့နောက် “ဤသူကား ငါနှစ်သက်မြတ်နိုးသော ငါ၏ချစ်သား ဖြစ်၏” ဟူသော ကောင်းကင်မှ အသံတော် ထွက်လာလေ၏။

4 ထို့နောက် ဝိညာဉ်တော်သည် ယေသျှာကို တောကန္တာရထဲသို့ ပို့ဆောင်ပြီးလျှင် မာရ်နတ်၏ စုံစမ်းခြင်းကို ခံတော်မူ၏။ 2 ယေသျှာသည် ရက်လေးဆယ်ပတ်လုံး အစာပျောင်းပြီးနောက် အလွန်ဆာမွတ်လျက်ဟိ၏။ 3 ထိုအခါ မာရ်နတ်သည် ရောက်လာပြီးလျှင် “သင်သည် ဘုရားသခင်၏ သားမှန်လျှင် ဤကျောက်ခဲတို့ကို မုန့်ဖြစ်အောင် အမိန့်ပီးတော်မူပါ” ဟု ဆို၏။ 4 ယေသျှာက “ကျမ်းစာလာသည်ကား၊ ‘လူသည် အစာအားဖြင့်သာ အသက်ရှင်သည်မဟုတ်၊ ဘုရားသခင်

မိန့်တော်မူသမျှအားဖြင့်သာ အသက်ရှင်ရမည်” ဟု ပြန်၍ မိန့်တော်မူ၏။ 5 ထို့နောက် မာရ်နတ်သည် ယေသျှုကို သန့်ယှင်းသောမြို့တော် ယေရုဆလင်သို့ ခေါ်ဆောင်၍ ဗိမာန်တော်၏ အမြင့်ဆုံးအထွဋ်၌ တင်ထားပြီးလျှင် 6 ကျမ်းစာလာသည်ကား၊ “ဘုရားသခင်က သူ၏ကောင်းကင်တမန်တို့ကို သင့်အဖို့ မိန့်မှာတော်မူထားသည်ဖြစ်၍၊ သူရို့သည် မိမိရို့၏လက်များဖြင့် သင့်ကို ပင့်ချီထားကြလိမ့်မည်၊ ထို့ကြောင့် သင်၏ခြံကို ကျောက်နှင့် မထိမခိုက်စီရ၊ သို့ဖြစ်၍ သင်သည် ဘုရားသခင်၏သားမှန်လျှင် ခုန်ချလိုက်ပါ” ဟု ဆိုလေ၏။ 7 ယေသျှုက “သင်၏ဘုရားသခင် ထာဝရဘုရားကို စုံစမ်းခြင်း မပြုရဟူ၍ ကျမ်းစာ၌ ရီးထား၏” ဟု ပြန်၍ မိန့်တော်မူ၏။ 8 ထို့နောက် မာရ်နတ်သည် ယေသျှုကို အလွန်မြင့်မားသော တောင်ထိပ်သို့ ခေါ်ဆောင်၍ လောကီနိုင်ငံအသီးသီးနှင့်တကွ ထိုနိုင်ငံများ၏ ကြီးကျယ်ခန့်နားမှုများကို ပြလေ၏။ 9 မာရ်နတ်က “သင်သည် ငါ့ကို ပျပ်ဝပ်လျက် ကိုးကွယ်လျှင် ဤအရာ အားလုံးတို့ကို သင့်အား ငါပီးမည်” ဟု ပြောလေ၏။ 10 ထိုအခါ ယေသျှုက “အချင်း စာတန်၊ ငါနှင့် ဝီးရာသို့ ထွက်လားလီ။ ကျမ်းစာက မိန့်မှာထားသည်မှာ သင်၏ဘုရားသခင် ထာဝရဘုရားသခင်ကိုသာ ကိုးကွယ်ရမည်၊ ထိုဘုရားသခင်၏ အမှုကိုသာ ဆောင်ရွက်ရမည်” ဟု မိန့်တော်မူ၏။ 11 ထို့နောက် မာရ်နတ်သည် ယေသျှုထံပါးမှ ထွက်လားလေ၏။ ထိုအခါ ကောင်းကင်တမန်တို့ ရောက်လာ၍ ကိုယ်တော့်ကို ပြုစုကြလေ၏။ 12 ယောဟန်သည် ထောင်ထဲ၌ ချထားခြင်းကို ခံနိုင်ရသည်ကို ယေသျှု ကြားလျှင် ဂါလိလဲပြည်သို့ ကြွလားတော်မူ၏။ 13 နာဇရက်မြို့ကို ကျော်ဖြတ်ကာ ဇာဗုလုန်ဒေသနှင့် နုသလိဒေသကြား၊ ဂါလိလဲအိုင်နား၌ဟိသော ကပေရနောင့်မြို့၌ နီထိုင်ရန် ကြွတော်မူ၏။ 14 ဤကား ပရောဖက် ဟေသျှုယအားဖြင့် ဟောထားခသောစကားသည် ပြည့်စုံခြင်းသို့ ရောက်လေ၏။ ထိုစကားမှာ၊ 15 “အို၊ ဇာဗုလုန်ဒေသနှင့် နုသလိဒေသတည်းဟူသော ယောဒန်မြစ်တစ်ဖက်ကမ်း ပင်လယ်သို့ ထွက်ရာလမ်းတလျှောက်၌ဟိသော တခြားလူမျိုးတို့နီထိုင်ရာ ဂါလိလဲပြည်၊ 16 မှောင်မိုက်ထဲ၌ နီထိုင်ကြသောသူတို့သည် ကြီးစွာသောအလင်းတစ်ခုကို မြင်ရကြလိမ့်မည်။ သီမင်း၏အရိပ်ဖြစ်သော ထိုပြည်၌ နီထိုင်ကြသော သူရို့တွင် ထိုအလင်းသည် ထွန်းလင်းလာလိမ့်မည်” ဟူ၍ ဖြစ်၏။ 17 ထိုအချိန်မှစ၍ ယေသျှုက “ကောင်းကင်နိုင်ငံတော် တည်လုနီးပြီ ဖြစ်သောကြောင့် သင်ရှိသည် အပြစ်မှ နောင်တရကြလော့” ဟူသော တရားတော်ကို စတင်၍ ဟောကြားတော်မူ၏။ 18 ယေသျှုသည် ဂါလိလဲအိုင်ကမ်းနား၌ ကြွတော်မူစဉ် တံငါညီအစ်ကို နှစ်ယောက်ဖြစ်သော သျှိုမုန်ဟု ခေါ်သော ပေတရုနှင့် သူ၏ညီ အန္ဒြေရို့သည် ပိုက်တစ်လက်ဖြင့် အိုင်ထဲမှာ ငါးဖမ်းနိုင်သည်ကို တွေ့တော်မူ၏။ 19 ယေသျှုက “ငါနှင့်အတူ လိုက်ကတ်၊ ငါသည် သင်ရဲ့အား လူတို့ကို ဖမ်းဖို့ သင်ပီးမည်” ဟု မိန့်တော်မူ၏။ 20 သူရို့သည် ပိုက်တို့ကို ချက်ချင်း ပစ်ထားခပြီးလျှင် ကိုယ်တော်နောက်သို့ လိုက်ကြ၏။ 21 တဖန် ကိုယ်တော်သည် ဆက်လက်၍ ကြွတော်မူလျှင်၊ ဇေဗေဒ၏သားနှစ်ယောက်ဖြစ်သော ယာကုပ်နှင့် ယောဟန် ညီအစ်ကိုနှစ်ယောက်ကို မြင်တော်မူ၏။ သူရို့သည် ဖခင်ဇေဗေဒနှင့်အတူ ငါးဖမ်းရန် လောင်းထဲ၌ ပိုက်တို့ကို ပျင်ဆင်နိုင်ကြ၏။ ယေသျှုသည် ထိုသူရို့အား နောက်တော်သို့ လိုက်ရန် ခေါ်တော်မူ၏။ 22 သူရို့သည် ဖခင်နှင့် သူရို့၏လောင်းကို ထားပစ်ခပြီးလျှင် ချက်ချင်း ယေသျှုနောက်သို့ လိုက်ကြ၏။ 23 ယေသျှုသည် ဂါလိလဲပြည်တစ်ခုလုံးသို့ ကြွတော်မူပြီးလျှင် တရားဇရပ်များ၌ ဘုရားသခင်၏နိုင်ငံတော်နှင့်ဆိုင်သော သတင်းကောင်းကို ဟောကြားတော်မူလျက်၊ မကျန်းမာသူများကို ကျန်းမာစီ၏။ ရောဂါအမျိုးမျိုးကို ခံစားနိုင်ကြရသော လူတို့ကိုလည်း ရောဂါပျောက်ကင်းစီတော်မူ၏။ 24 ယေသျှု၏သတင်းတော်သည် ယုရိပြည် တစ်ဝှမ်းလုံးသို့ ပြန့်နှံ့လား၏။ လူတို့က သွက်ရှာပါဒ်ရောဂါသည်၊ ဝက်ရှူပြန်ရောဂါသည်၊ နတ်ဆိုးဝင်ပူးနိုင်သည့်သူများနှင့် အနာရောဂါအမျိုးမျိုး ခံစားနိုင်သူများကို ကိုယ်တော့်ထံပါးသို့ ခေါ်ဆောင်လာကြ၏။ ယေသျှုသည် ထိုသူအားလုံး၏ အနာရောဂါတို့ကို ပျောက်ကင်းစီတော်မူ၏။ 25 ဂါလိလဲပြည်၊ ဒေကပေါလိပြည်၊ ယေရုဆလင်မြို့၊ ယုဒပြည်နှင့် ယောဒန်မြစ်တစ်ဘက်ကမ်းမှ လူအပေါင်းရို့သည်လည်း ကိုယ်တော်၏နောက်တော်သို့ လိုက်လာကြ၏။

5 ယေသုသည့် လူအုပ်ကြီးကို မြင်တော်မူလျှင် တောင်ကုန်းထက်သို့ တက်ကြွတော်မူပြီး ထိုနိရောဓ် ထိုင်တော်မူ၏။ တပည့်တော်ရှိသည်လည်း ကိုယ်တော်၏ပတ်လည်၌ ဝိုင်း၍ ထိုင်ကြ၏။ **2** ထို့နောက် ဆုံးမဩဝါဒများကို ပီးတော်မူ၏။ **3** “မိမိရှိသည့် ဝိညာဉ်ရေးရာ၌ အားနည်းသူများ ဖြစ်ကြောင်း သိသောသူရှိသည် မင်္ဂလာဟင်္ဂါ၏။ ကောင်းကင်နိုင်ငံတော်သည် ထိုသူရှိအတွက် ဖြစ်၏။ **4** စိတ်မသာ ညည်းတွားလျက်ဟိသော သူရှိသည် မင်္ဂလာဟင်္ဂါ၏။ ဘုရားသခင်သည် သူရှိကို နှစ်သိမ့်ပီးတော်မူလိမ့်မည်။ **5** စိတ်နှလုံးနှိမ့်ချသောသူရှိသည် မင်္ဂလာဟင်္ဂါ၏။ ထိုသူရှိသည် ဘုရားသခင်ပီးထားသော ကတိတော်ကို ခံစားရလိမ့်မည်။ **6** ဘုရားသခင်အလိုတော်ကို လုပ်ဆောင်လိုစိတ် ပြင်းပြသောသူရှိသည် မင်္ဂလာဟင်္ဂါ၏။ ဘုရားသခင်သည် သူရှိ၏လိုအပ်ဆန္ဒကို ပြည့်စုံစီလိမ့်မည်။ **7** သူတစ်ပါးကို သနားကရုဏာထားသော သူရှိသည် မင်္ဂလာဟင်္ဂါ၏။ ထိုသူရှိသည် ဘုရားသခင်၏ သနားခြင်းကရုဏာကို ခံစားရကြလိမ့်မည်။ **8** စိတ်နှလုံး သန့်ယှင်းဖြူစင်သော သူရှိသည် မင်္ဂလာဟင်္ဂါ၏။ သူရှိသည် ဘုရားသခင်ကို မြင်တို့ကြရလိမ့်မည်။ **9** ရန်အပေါင်းကို ငြိမ်းချမ်းစီသောသူရှိသည် မင်္ဂလာဟင်္ဂါ၏။ ထိုသူရှိသည် ဘုရားသခင်၏ သားသမီးများဟု အခေါ်ခံရလိမ့်မည်။ **10** ဘုရားသခင်အလိုတော်ကို လိုက်နာသောကြောင့် ညှဉ်းပန်းနှိပ်စက် ခံရသောသူရှိသည် မင်္ဂလာဟင်္ဂါ၏။ ထိုသူရှိသည် ကောင်းကင်နိုင်ငံတော်ကို အမှီခံရကြလိမ့်မည်။ **11** “သင်ရှိသည် ငါ့တပည့်ဖြစ်သောကြောင့် လူတိက မဟုတ်မမှန် စွပ်စွဲ၍ အပြစ်ရှာလျက် ညှဉ်းပန်းနှိပ်စက်လာကြသောအခါ သင်ရှိသည် မင်္ဂလာဟင်္ဂါ၏။ **12** အကြောင်းမူကား၊ သင်ရှိအတွက် ကောင်းကင်ဘုံ၌ ပျဉ်ဆင်ထားသောဆုကျေးဇူးသည် ကြီးမြတ်သည်ဖြစ်၍ ဝမ်းမြောက်ကြလော့။ သင်ရှိရှိက ပေါ်ထွန်းသော ပရောဖက်တိလည်း ထိုကဲ့သို့ ညှဉ်းပန်းနှိပ်စက်ခြင်းကို ခံခဲ့ရ၏။ **13** “သင်ရှိသည် ဤလောက၏ ဆား ဖြစ်ကြ၏။ ဆားသည် အငန်ဓာတ်ကင်းပျောက်လားလျှင် ၎င်းကို တဖန်ဇာပိုင် ပြန်ရဖို့သိမ့်လဲ။ အပြင်သို့ ဝေးပစ်ခြင်းခံရပြီး လူတိ ကျော်နင်းခြင်းမှတစ်ပါး တစ်ခုလည်း အသုံးမဝင်ယာ။ **14** “သင်ရှိသည် ဤလောက၏အလင်း ဖြစ်ကြ၏။ တောင်ထိပ်၌ တည်ထားသောမြို့ကို ကွယ်ဝှက်၍ မရနိုင်။ **15** မီးခွက်ထွန်းပြီး တောင်းနှင့် အုပ်ထားသောသူဟူ၍ မဟိ။ တစ်အိမ်လုံးကို အလင်းရစီခြင်းငှာ မီးခွက်စင်ထက်မှာသာ တင်၍ ထွန်းထားလေ့ဟိကြ၏။ **16** ထိုနည်းတူ လူတိုင်းသည် သင်ရှိပြုသော ကောင်းသောအကျင့်တို့ကို မြင်၍ ကောင်းကင်ဘုံ၌ ဟိတော်မူသော သင်ရှိအဖကို ချီးမွမ်းစီခြင်းငှာ သင်ရှိ၏အလင်းကို လူတိရှိမှာ လင်းကြလော့။ **17** “မောသျှ၏ပညတ်ကျမ်းနှင့် ပရောဖက်များ၏ကျမ်းတို့ကို ပယ်ဖျက်ခြင်းငှာ ငါလာသည် မဟုတ်။ ထိုကျမ်းတို့ကို ပယ်ဖျက်ခြင်းငှာ ငါလာသည် မဟုတ်။ ပြည့်စုံစီခြင်းငှာ ငါလာ၏။ **18** ငါသည် သင်ရှိအား အမှန်ဆိုသည်ကား ကောင်းကင်နှင့် မြီကြီး တည်သရွေ့ကာလပတ်လုံး ပညတ်ကျမ်း၏ အငယ်ဆုံးသောစာလုံးနှင့် အငယ်ဆုံးသော ဝစ္စတစ်လုံးမျှ ပြည့်စုံခြင်းသို့ မရောက်ခင် မပျက်စီးစီရ။ **19** ယေဇူးနန် အငယ်ဆုံးသောပညတ်ကို လွဲမှားစွာခံယူပြီး၊ သူတစ်ပါးကိုလည်း လွဲမှားစွာ သွန်သင်သောသူသည် ကောင်းကင်နိုင်ငံ၌ အငယ်ဆုံးသောသူ တစ်ယောက်သာ ဖြစ်လိမ့်မည်။ ထိုကျမ်းများကို တစ်လုံးမကျန် ကိုယ်တိုင် အတိအကျ နာခံပြီး တခြားလူတို့ကိုလည်း တိကျမှန်ကန်စွာ သင်ပီးသောသူသည် ကောင်းကင်နိုင်ငံတော်၌ အကြီးဆုံးသောသူ ဖြစ်လိမ့်မည်။ **20** ထို့အပြင်၊ ငါဆိုသည်ကား သင်ရှိသည် ဘုရားသခင်၏အလိုတော်ကို လိုက်လျှောက်ရာ၌ ဖရိယုံနှင့် ကျမ်းတတ်ဆရာတိ ကျင့်သောအကျင့်ထက် မသာလွန်လျှင် ကောင်းကင်နိုင်ငံတော်သို့ ဝင်ခွင့်ရကြလိမ့်မည် မဟုတ်” ဟု မိန့်တော်မူ၏။ **21** “သင်ရှိသည် ‘လူ့အသက်ကို မသတ်ရ၊ သတ်သောသူကား တရားစီရင်ခြင်းကို ခံရမည်’ ဟူသော ရှီးစကားကို ကြားဖူးကြပြီး ဖြစ်ကြ၏။ **22** သို့သော်၊ သင်ရှိကို ငါဆိုသည်ကား၊ မိမိညီအစ်ကိုအား စိတ်ဆိုးဒေါသဖြစ်သူသည် တရားရုံး၌ အပြစ်စီရင်ခြင်းကို ခံထိုက်၏။ မိမိ၏ညီအစ်ကိုတစ်ယောက်ကို ‘အသုံးမကျသောသူ’ ဟု ပြောဆိုသောသူသည် လွှတ်တော်ရုံး၌ တရားစီရင်ခြင်းကို ခံထိုက်၏။ မိမိညီအစ်ကိုအား တန်ဖိုးမဟိသောသူ၊ အရှုံးဟု ပြောဆိုသောသူသည် ငရဲမီးအိုင်ထဲသို့ ပစ်ချခြင်းကို ခံထိုက်၏။ (Geenna g1067) **23** ထို့ကြောင့် သင်သည် ဘုရားသခင်ကို ပူဇော်သကာပြုခြင်းငှာ

ယဇ်ပလ္လင်သို့ လာစဉ်၊ သင်၏ညီအစ်ကို တစ်ယောက်သည် သင်၌ အပြစ်တင်စရာ တစ်စုံတစ်ခု ဟိသည်ဟု သတိရလျှင်

24 သင်၏ပူဇော်သကားကို ယဇ်ပလ္လင်ရှိမှ ချထားခပြီးလျှင် ထိုညီအစ်ကို ပါးသို့ ချက်ချင်း လား၍ အသင့်အတင့်ဖြစ်အောင် လုပ်ပြီးခါမှ ယဇ်ပလ္လင်သို့ ပြန်လာပြီး ထိုပူဇော်သကားကို ဆက်သလော့။ **25** “တစ်စုံတစ်ယောက်က သင်ရဲ့ကို တရားစွဲရန် တရားရုံးသို့ ဆွဲခေါ်လာမည်ဆိုလျှင် တရားရုံးကို မရောက်ခင် လမ်းမှာ ထိုသူကို အချိန်မီ ကြေနှပ်အောင် လုပ်လိုက်ပါ။ ထိုသို့ မဟုတ်လျှင် ထိုသူသည် သင့်ကို တရားသူကြီးလက်သို့ အပ်လိမ့်မည်။ တရားသူကြီးက သင့်အား ရဲလက်သို့ အပ်လိမ့်မည်။ ရဲတို့က သင့်ကို ထောင်ထဲ၌ ချထားလိမ့်မည်။ **26** သင်ရဲ့ကို ငါ အမှန် ဆိုသည်ကား၊ လျော်ဖြစ်စွ်တိသမျှကို မပီးမချင်း သင်သည် ထောင်ထဲက လွှတ်လိမ့်မည် မဟုတ်။ **27** “သင်ရဲ့သည် ‘သူ့မယားကို မပြစ်မှားရ’ ဆိုသည့် စကားကို ကြားဖူးကြပြီးဖြစ်၏။ **28** သို့သော်၊ အဂ္ဂ ငါဆိုသည်ကား၊ ကိလေသာစိတ်နှင့် မိန်းမတစ်ယောက်ကို ကြည့်သောသူသည် ထိုသူ၏စိတ်ထဲ၌ ထိုမိန်းမနှင့် ပြစ်မှားပြီးပြီ။ **29** အကယ်၍ သင်၏ညာဖက်မျက်စိက သင့်အား အပြစ် ဖြစ်စီလျှင် ယင်းမျက်စိကို ဖောက်ထုတ်၍ ဝေးပစ်လိုက်။ သင်၏ခန္ဓာတစ်ခုလုံး ငရဲထဲသို့ ကျသည်ထက် အင်္ဂါတစ်ခု ပျက်လားသည်က သာ၍ ကောင်းပေ၏။ (Geenna g1067) **30** အကယ်၍ သင်၏ညာဖက်လက်က သင့်ကို အပြစ် ဖြစ်စီလျှင် ထိုလက်ကို ဖြတ်၍ ဝေးပစ်လိုက်။ သင်၏ခန္ဓာတစ်ခုလုံး ငရဲထဲသို့ ကျသည်ထက် အင်္ဂါတစ်ခု ပျက်လားသည်က သာ၍ ကောင်းပါ၏။ (Geenna g1067) **31** “‘မိမိမယားနှင့် ကွာယုင်းလိုသောသူသည် မယားကို ကွာယုင်းစာ ပီးရမည်’ ဟု ရှိုးအဆိုဟိ၏။ **32** သို့သော်၊ အဂ္ဂသင်ရဲ့ကို ငါ ဆိုလိုသည်ကား၊ ဖောက်ပြန်တတ်သော မိန်းမကလွဲ၍ ဇာအကြောင်းနှင့်မဆီ မိမိမယားကို ကွာသောသူသည် မိမိမယားကို ပြစ်မှားခြင်းဖြစ်၏။ လင်ကွာထားသောမိန်းမနှင့် ပေါင်သင်းသော ယောက်ျားသည်လည်း သူတစ်ပါးမယားကို ပြစ်မှားခြင်းဖြစ်၏။ **33** “သင်ရဲ့သည် ‘ဘုရားသခင်ရှိ၌ ကျိန်ဆိုထားသည့် သစ္စာကတိကို မဖျက်ရ၊ ကျိန်ဆိုထားသည့်အတိုင်း လုပ်ရမည်’ ဟု အယင်က လူတိပြောသောစကားကို ကြားဖူးကြ၏။ **34** သို့သော်၊ အဂ္ဂ သင်ရဲ့ကို ငါဆိုသည်ကား၊ ဘုရားသခင်ရှိ၌ ကျိန်ဆိုသစ္စာပြုခြင်း လုံးဝမလုပ်ရ။ ကောင်းကင်ဘုံသည် ဘုရားသခင်၏ ပလ္လင်တော်ဖြစ်သောကြောင့် ကောင်းကင်ဘုံကိုလည်းကောင်း၊ **35** ထိုနည်းတူ ဤကမ္ဘာမြေကြီးသည် ဘုရားသခင်၏ ခြံတင်ရာခုံ ဖြစ်သောကြောင့် မြေကြီးကိုလည်းကောင်း၊ ထိုနည်းတူ ယေရုဆလင်မြို့သည် မဟာမင်းကြီး၏ မြို့တော်ဖြစ်သောကြောင့် ဤမြို့ကိုလည်းကောင်း တိုင်တည်၍ မကျိန်ဆိုရ။ **36** ထိုနည်းတူ သင်ရဲ့သည်ကား၊ ဆံချည်တစ်မျှင်ကိုတောင်မှ ဖြူအောင်၊ မဲအောင် မလုပ်နိုင်ကြသည်ဖြစ်၍ မိမိဦးဂေါင်းကိုပင်လျှင် တိုင်တည်၍ မကျိန်ဆိုရ။ **37** ဟုတ်သည်ကို ‘အဟုတ်’ မဟုတ်သည်ကို ‘မဟုတ်’ ဟူ၍သာ ပြောရမည်။ ဤထက်ပိုသောစကားသည် မကောင်းသောအရာနှင့် စပ်ဆိုင်၏။ **38** “သင်ရဲ့သည် ‘မျက်စိအစား မျက်စိကိုလည်းကောင်း၊ သွားအစား သွားကိုလည်းကောင်း ပီးရမည်’ ဟူသော စကားကို ကြားဖူးကြ၏။ **39** သို့ရာတွင် အဂ္ဂ သင်ရဲ့ကို ငါ ပြောလိုသည်မှာ၊ သင်ရဲ့ကို ပြစ်မှားသော ဇာသူ့ကို မဆို လက်တုံ့မပြန်ကတ်ကော့။ တစ်စုံတစ်ယောက်က သင်၏ညာဖက်ပါးကို သတ်လျှင် ဘယ်ဖက်ပါးကိုပါ လှည့်၍ ပီးလိုက်။ **40** တစ်စုံတစ်ယောက်က သင်၏အင်္ကျီကို လျချင်လို့ တရားစွဲလာလျှင် သင်၏ ဝတ်ရုံကိုပါ ချွတ်ပီးလိုက်။ **41** တစ်စုံတစ်ယောက်က သင့်အား သူ၏ဝန်ထုပ်ကို ထမ်း၍ မိုင်တိုင်တစ်တိုင် အကွာအဝေးသို့ အနိုင်အထက်ပြု၍ လိုက်ပို့ခိုင်းလျှင် မိုင်တိုင်နှစ်တိုင်ခရီးထိ လိုက်ပို့ပီးလိုက်။ **42** သင်ရဲ့ကို တောင်းသောသူအား ပီးကတ်ပါ။ သင်ရဲ့ပါးက ချီးငှားလိုသောသူကိုလည်း မငြင်းပယ်ကတ်ကော့။ **43** “သင်ရဲ့သည် ‘မိတ်ဆွီကို ချစ်ကြပါ၊ ရန်သူကို မုန်းကြပါ’ ဟူသော အဆုံးအမကို ကြားဖူးပြီးဖြစ်ကြ၏။ **44** သို့ရာတွင် အဂ္ဂ သင်ရဲ့ကို ငါ ပြောလိုသည်ကား၊ ရန်သူကို ချစ်ကတ်ပါ။ သင်ရဲ့ကို ညှဉ်းပန်းနှိပ်စက်သော သူတိအတွက် ဆုတောင်းပီးကတ်ပါ။ **45** သို့မှသာ ကောင်းကင်ဘုံ၌ဟိသော သင်ရဲ့အဖ၏သားသမီးများ ဖြစ်ကြလိမ့်မည်။ အကြောင်းမူကား၊ ကိုယ်တော်သည် ကောင်းသောသူ၊ မကောင်းသောသူတိ အထက်မှာ နီရောင်ခြည်ကို ထွန်းလင်းပီးတော်မူ၏။ သုစရိုက် ပြုသောသူနှင့် ဒုစရိုက် ပြုသောသူတိ အထက်မှာလည်း မိုးကို ရွာသွန်းပီးတော်မူ၏။ **46** သင်ရဲ့အား ချစ်သောသူတိကိုသာ ချစ်ကြမည်ဆိုလျှင် ဘုရားသခင်၏ဆုလာဘ်နှင့် ဇာပိုင်

ထိုက်တန်မည်နည်း။ အခွန်ကောက်ခံသောသူရှိတောင်မှ ဤသို့ ပြုကြသည် မဟုတ်လား။ 47 သင်၏မိတ်ဆွေတို့ကိုသာ ပေါင်းသင်းဆက်ဆံလျှင် ဇာပိုင် ထူးမြတ်မည်နည်း။ သာသနာပလူတိတောင်မှ ထိုသို့ ပြုကြသည် မဟုတ်လား။ 48 သင်ရှိ၏ ကောင်းကင်ဘုံသျှင်အဖသည် ပြည့်စုံသည့်နည်းတူ — သင်ရှိသည်လည်း ပြည့်စုံခြင်း ဟိကြလော့။

6 “သင်ရှိသည် ဘာသာရေးဆိုင်ရာ ဝတ္တရားများကို လူအများ မြင်သာအောင် လူမြင်ကွင်းမှာ မလုပ်ဆောင်ကြဖို့ အထူး သတိထားကတ်ပါ။ ယင်းပိုင် လူမြင်ကွင်းမှာ လုပ်ပြလျှင် ကောင်းကင်ဘုံသျှင် သင်ရှိအဖထံတော်ပါးက ဇာဆုကျေးဇူးကိုလည်း ရလိမ့်မည် မဟုတ်။ 2 “ထို့ကြောင့် သင်သည် လိုအပ်နိုင်သောသူတစ်ယောက်ကို တစ်စုံတစ်ခု ပီးကမ်းစွန့်ကြဲကြသောအခါ လမ်းဆုံလမ်းခွဲ၌ လည်းကောင်း၊ တရားဇရပ်၌ လည်းကောင်း၊ သူတော်ကောင်းယောင်ဆောင်သောသူရှိကဲ့သို့ လူမြင်ကောင်းအောင် လုပ်ပြမနိန်ကတ်ကော့။ သူတော်ကောင်းယောင် ဆောင်သောသူရှိသည် သူရှိကို လူတိက ချီးမွမ်းစီချင်လို့ ထိုသို့ လုပ်ပြနိုင်ကြခြင်း ဖြစ်၏။ ငါ အမှန်ဆိုသည်ကား ထိုသူရှိ လိုချင်စွာကို ရထားကြပြီး ဖြစ်၏။ 3 သို့ဖြစ်၍ သင်သည် လိုအပ်နိုင်သောသူ တစ်ယောက်ကို ကူညီကြသောအခါ သင်၏ အရင်းနှီးဆုံး မိတ်ဆွေတစ်ယောက်ကိုတောင်မှ ထိုအကြောင်းကို မသိစီကော့။ 4 ထိုအမှုသည် ထိုသူ တစ်ဦးတစ်ယောက်နှင့်သာ သက်ဆိုင်သောကိစ္စဖြစ်ရမည်။ သို့မှသာ ဆိတ်ကွယ်ရာ၌ သင်ပြုသမျှကို သိမြင်တော်မူသော သင်၏အဖသည် သင်အား အကျိုးကို ထင်ရှားစွာ ပီးတော်မူလိမ့်မည်။ 5 “သင်သည် ဆုတောင်းကြသောအခါ သူတော်ကောင်း ယောင်ဆောင်သောသူတို့ပိုင် မတောင်းကတ်ကော့။ သူရှိသည် လမ်းဆုံလမ်းခွဲ၌ လည်းကောင်း၊ တရားဇရပ်များ၌ လည်းကောင်း သူရှိကို လူတိုင်းမြင်ကြစီရန် မတ်တပ်ရပ်၍ ဆုတောင်းခြင်းကို နှစ်သက်ကြ၏။ ငါ အမှန်ဆိုသည်ကား သူရှိအလို ပြည့်စုံပြီးဖြစ်ကြ၏။ 6 သို့ဖြစ်၍ သင်သည် ဆုတောင်းသည့်အခါ အခန်းထဲသို့ ဝင်၍ တန်းခါးကို ပိတ်ပြီးလျှင် လူတိမမြင်နိုင်သော သင်၏အဖကို တောင်းကြလော့။ ဆိတ်ကွယ်ရာအရပ်၌ သင်ပြုသမျှကို သိမြင်တော်မူသော သင်၏အဖသည် သင့်အား ပီးတော်မူလိမ့်မည်။ 7 “သင်သည် ဆုတောင်းသောအခါ သာသနာပလူတိကဲ့သို့ အဓိပ္ပာယ်မဟိသည့် စကားတိနှင့် အထပ်ထပ်မြှတ်ဆို၍ တောင်းမနိန်ကတ်ကော့။ သူရှိသည် ဆုအရှည်ကြီးတောင်းလျှင် တောင်းသမျှကို သူရှိဘုရားတိက ကြားကတ်လိမ့်မည်ဟု ထင်ကြ၏။ 8 သူရှိပိုင် မတောင်းကတ်ကော့။ သင်မတောင်းခင်ကပင် သင်လိုအပ်သည်ကို သင်၏အဖက သိထားပြီးဖြစ်၏။ 9 ထို့ကြောင့် သင်ရှိ ဆုတောင်းရမည်မှာ၊ “ကောင်းကင်ဘုံသျှင် အကျွန်ရုံ၏အဖ၊ ကိုယ်တော်၏ သန့်ယှင်းသောနာမတော်အား ရိုသီးလေးမြတ်ခြင်း ဟိကြပါစီသော။ 10 နိုင်ငံတော် တည်ထောင်ပါစီသော။ အလိုတော်သည် ကောင်းကင်ဘုံ၌ ပြုသကဲ့သို့ မြီကြီးပေါ်၌ ပြုပါစီသော။ 11 အကျွန်ရုံလိုအပ်သောအစာကို ဤနို့ ပီးသနားတော်မူပါ။ 12 သူတစ်ပါးသည် အကျွန်ရုံ၌ ပြုမှားမိသောအပြစ်တိကို အကျွန်ရုံသည် ခွင့်ရွတ်သကဲ့သို့ အကျွန်ရုံ ပြုမှားမိသော အပြစ်တိကိုလည်း ခွင့်ရွတ်တော်မူပါ။ 13 အကျွန်ရုံ၌ ကြီးမားသော စုံစမ်းသွီးဆောင်ခြင်းကို မကျရောက်စိဘဲ၊ မကောင်းသောအမှုမှလည်း ကယ်နှုတ်တော်မူပါ။’ ဟူ၍ ဆုတောင်းကြလော့။ 14 “သင်ရှိသည် သူတစ်ပါးက သင်ရှိကို ပြုမှားမိသောအပြစ်တိကို ခွင့်ရွတ်မှသာလျှင် ကောင်းကင်ဘုံ၌ ဟိတော်မူသော သင်ရှိအဖက သင်ရှိကို ခွင့်ရွတ်လိမ့်မည်။ 15 သို့သော် သင်ရှိသည် သူတစ်ပါးအပြစ်ကို ခွင့်မရွတ်လျှင် သင်ရှိ ပြုမှားမိသော အပြစ်တိကိုလည်း သင်ရှိအဖက ခွင့်ရွတ်လိမ့်မည် မဟုတ်ပေ။ 16 “သင်ရှိသည် အစာယောင်ကြသည့်အခါ သူတော်ကောင်းယောင်ဆောင်သောသူတိကဲ့သို့ မျက်နှာညှိုးငယ်ခြင်း မဟိကတ်ကော့၊ ထိုသူရှိသည် သူရှိအစာယောင်သည်ကို လူတိုင်းမြင်ကြစီရန် သူရှိ၏သရုပ်မှန်ကို ကွယ်ဝှက်ထားတတ်ကြ၏။ ငါ အမှန်ဆိုသည်ကား သူရှိသည် မိမိရှိ၏အကျိုးကို ခံစားရပြီးဖြစ်၏။ 17 သင်သည် အစာယောင်ကြသောအခါ မျက်နှာကိုသစ်၍ ဂေါင်းကိုလည်း ပြီးထားကတ်။ 18 သင်အစာယောင်နိုင်သည်ကို တခြားလူတိအား မသိစိဘဲ မမြင်နိုင်သော သင်ရှိ၏အဖကို သာလျှင် သိမြင်စီပါ။ သို့ပြုလျှင် ဆိတ်ကွယ်ရာအရပ်၌ သင်ရှိပြုသမျှကို သိမြင်တော်မူသော သင်၏အဖသည် သင်အား ကောင်းချီးများစွာကို ပီးတော်မူလိမ့်မည်။ 19 “သံချီး၊ ပိုးရွှေ ဖျက်ဆီး၍ ဒါးပြတိ

ထွင်းဖောက်ခိုးယူနိုင်သော မြကြီးထက်မှာ မိမိအတွက် ဘဏ္ဍာကို မစုဆောင်းကတ်ကော့။ 20 သို့သော်လည်း သံချိုး၊ ပိုးရွှံ့ မဖျက်ဆီးနိုင်၊ ဒါးပြတ် မထွင်းဖောက်နိုင်သော ကောင်းကင်ဘုံ၌ မိမိအတွက် ဘဏ္ဍာကို စုဆောင်းကတ်။

21 အကြောင်းမူကား သင်၏စိတ်နှလုံးသည် သင်၏ဘဏ္ဍာဟိသောအရပ်သို့ အစဉ်အမြဲ ရောက်တတ်၏။ 22 “မျက်စိသည် ခန္ဓာ၏မီးခွက်ဖြစ်၏။ မျက်စိကြည်လင်လျှင် သင်၏ခန္ဓာတစ်ကိုယ်လုံး လင်းလိမ့်မည်။ 23 သို့သော် သင်၏မျက်စိမကောင်းလျှင် သင်၏ခန္ဓာသည် မှောင်မိုက်ထဲ၌ ဟိန်နီလိမ့်မည်။ ထို့ကြောင့် သင်ရို့အထဲ၌ ဟိသော အလင်းသည် မှောင်မိုက်နိမ့်မည်ဆိုလျှင် ထိုမှောင်မိုက်သည် အလွန် ကြောက်စရာကောင်းပါ၏။ 24 “ဇာသူလည်း သခင်နှစ်ယောက်၏ကျွန် မဖြစ်နိုင်။ သခင်တစ်ယောက်ကို မုန်း၍ တစ်ယောက်ကို ချစ်မည်၊ တစ်ယောက်ကို သစ္စာဟိ၍ တစ်ယောက်ကို ငြင်းပယ်မည်။ သင်ရို့သည် ဘုရားသခင်အမှုကိုလည်းကောင်း၊ လောကီစည်းစိမ်အမှုကိုလည်းကောင်း တစ်ပြိုင်တည်း မဆောင်ရွက်နိုင်ကြ။ 25 “ထို့ကြောင့် သင်ရို့ကို ငါဆိုသည်ကား အသက်ရှင်ရန် သင်ရို့လိုအပ်သော အစားအသောက်အတွက် သော်လည်းကောင်း၊ သင်ရို့ခန္ဓာအတွက် လိုအပ်သော အဝတ်အတွက် သော်လည်းကောင်း မစိုးရိမ်ကတ်ကော့။ အစာထက် အသက်က သာ၍ မြတ်ပြီး၊ အဝတ်ထက် ကိုယ်က သာ၍ မြတ်သည် မဟုတ်လော။ 26 ငှက်တို့ကို ကြည့်ကတ်ပါ။ သူရို့သည် မျိုးစုံလည်းမကြ၊ စပါးလည်းမရိတ်၊ ပုတ်ထဲ၌လည်း မစုဆောင်းကတ်၊ သို့သော်လည်း ဤသို့သော ငှက်တို့ကို တောင်မှ သင်ရို့၏ ကောင်းကင်ဘုံသျှင်အဖက ကျွေးမွီးထားလျှင် သင်ရို့သည် ငှက်တို့ထက် သာ၍ မြင့်မြတ်ကြသည် မဟုတ်လော။ 27 စိုးရိမ်ပူပန်ခြင်းအားဖြင့် ဇာသူက မိမိ၏အသက်ကို တစ်ကေလောက် ရှည်စီနိုင်သနည်း။ 28 “ဇာကြောင့် အဝတ်အဖို့ စိုးရိမ်နိမ့်ကြသနည်း။ တောနင်းပန်းများကို ကြည့်ကတ်ပါ။ ဤတောပန်းပွင့်များသည် မိမိရို့အတွက် ခြည်လည်းမဝင်၊ ဗိုင်းလည်းမဝင်ကြ။ 29 သို့သော်လည်း သင်ရို့ကို ငါ ဆိုသည်ကား ဘုန်းကြီးသော သျှာလမုန်တောင်မှ ဤတောပန်းပွင့် တစ်ပွင့်ကဲ့သို့ မဆင်မြန်းနိုင်ခပေ။ 30 ယုံကြည်ခြင်း အားနည်းသူရို့၊ ဤနို့မြင်၍ နက်ဖြန်ခါ မီးဖိုထဲသို့ ချရမည့် မြက်ရိုင်းပန်းတို့ကိုတောင်မှ ဤသို့သောအဝတ်နှင့် ဝတ်ဆင်ပီးသော ဘုရားသခင်သည် သာ၍ လှပသောအဝတ်များနှင့် သင်ရို့ကို ဝတ်ဆင်ပီးလိမ့်မည် မဟုတ်ပါလား။ 31 “ထို့ကြောင့် ‘ငါ ဇာပိုင်စားရဖို့လဲ၊ ဇာပိုင် သောက်ရဖို့လဲ၊ ဇာပိုင် ဝတ်ရဖို့လဲ’ ဆိုသည်ကို မစိုးရိမ်ကတ်ကော့။ 32 (သာသနာပလူတိကသာ ဤအရာများအတွက် စွဲလမ်းတတ်ကြ၏။) ကောင်းကင်ဘုံသျှင် သင်ရို့၏အဖသည် သင်ရို့ လိုအပ်ချက်ကို သိတော်မူပြီးဖြစ်၏။ 33 သို့ရာတွင် ဘုရားသခင်၏နိုင်ငံတော်နှင့် ဖြောင့်မတ်ခြင်းတရားကို ရှိုးဦးစွာ ရှာကတ်ပါ။ နောက်မှ ဤအရာအားလုံးကို သင်ရို့အား ထပ်၍ ပီးတော်မူလိမ့်မည်။ 34 နက်ဖြန်ခါအတွက် မစိုးရိမ်ကတ်ကော့။ နက်ဖြန်နီက နက်ဖြန်နီအတွက် စိုးရိမ်လိမ့်မယ်။ ဤနို့၌ဟိသော မကောင်းသောမှုအရာများသည် ဤနို့အဖို့ လုံလောက်ပေ၏။

7 “တခြားလူတို့ကို တရားမစီရင်ကတ်ကော့၊ ထိုသို့ပြုလျှင် သင်ရို့သည် ဘုရားသခင်၏ တရားစီရင်ခြင်းမှ ကင်းလွတ်လိမ့်မည်။ 2 သင်ရို့သည် တခြားလူတို့ကို တရားစီရင်သည့်နည်းတူ သင်ရို့ကိုလည်း ဘုရားသခင်က တရားစီရင်လိမ့်မည်။ သင်ရို့သည် တခြားလူတို့ကို ပြုသည့်နည်းတူ ဘုရားသခင်က သင်ရို့ကို ပြုလိမ့်မည်။ 3 သင်၏မျက်စိထဲ၌ ဟိသော သစ်စကို အာရုံမစိုက်ဘဲ၊ သင်၏ညီအစ်ကိုမျက်စိထဲ၌ ဟိသော အမှုန်ကို ဇာဖြစ်လို့ ကြည့်နိုင်လဲ။ 4 သင်၏မျက်စိထဲ၌ သစ်စ ဟိပါလျက်နှင့် ‘သင်၏ညီအစ်ကို မျက်စိထဲမှာဟိသော အမှုန်ကို ထုတ်ပီးပါရစီ’ ဟု ဇာကြောင့် ပြောဝံ့လဲ။ 5 သူတော်ကောင်းယောင် ဆောင်သောသူရို့၊ သင်ရို့မျက်စိထဲမှ သစ်စကို အယင် ထုတ်ပြီးခါမှ သင်၏ညီအစ်ကို မျက်စိထဲမှ အမှုန်ကို ယှင်းလင်းစွာ မြင်ရ၍ ထုတ်ပီးနိုင်လိမ့်မည်။ 6 “သန့်ယှင်းသောအရာကို ခွီးတိုက် မပီးကတ်ကော့။ သူရို့သည် သင့်ကိုလှည့်၍ ကိုက်ကတ်လိမ့်မည်။ ပုလဲရတနာကို ဝက်တိရှိမှာ မချထားကတ်ကော့။ သူရို့သည် ထိုအရာကို ကျော်နင်း၍ လားကတ်လိမ့်မည်။ 7 “တောင်းကတ်ပါ၊ တောင်းလျှင် ရလိမ့်မည်။ ရှာကတ်ပါ၊ ရှာလျှင် တွေ့လိမ့်မည်။ ခေါက်ကတ်ပါ၊ သင်ရို့အဖို့ တန်းခါး ပွင့်လာလိမ့်မည်။ 8 တောင်းသောသူတိုင်း ရလိမ့်မည်။ ရှာသောသူတိုင်း တွေ့လိမ့်မည်။ ခေါက်သောသူတိုင်းလည်း တန်းခါးကို ဖွင့်ပီးလိမ့်မည်။ 9 သားသည် မုန့်ကိုတောင်းလျှင် ကျောက်ခဲကို ပီးသောအဖ

သင်ရိုး၌ ဟိကြသလား။ 10 ထိုနည်းတူ ငါးကို တောင်းကေ မြို့ကို ပီးသောသူ သင်ရိုး၌ ဟိကြသလား။ 11 သင်ရိုးသည် အဆိုးဖြစ်လျက်ပင် သားသမီးတိ တောင်းကြသည့်အခါ ကောင်းသောအရာတိကိုသာ ပီးတတ်ကြ၏။ ထိုသို့ ဖြစ်လျှင် ကောင်းကင်ဘုံသျှင် သင်ရိုးအဖက တောင်းသောသူတိအား သာ၍ ကောင်းသောအရာများကို ပီးလိမ့်မည် မဟုတ်ပါလား။ 12 “သင်ရိုးသည် မိမိကိုယ်ကို ပြုစုလိုသည့်အတိုင်း သူတစ်ပါးကို ပြုစုကတိပါ။ ဤတရားသည် မောသျှ၏ပညတ်တရားနှင့် ပရောဖက်ရို၏ သွန်သင်ချက်များ၌ အဓိကအချက် ဖြစ်၏။ 13 “ကျဉ်းသောတန်းခါးကို ဝင်ကတိပါ။ အကြောင်းမူကား၊ ငရဲသို့ ဝင်သောတန်းခါးဝသည် ကျယ်ဝန်း၍ ထိုအရပ်သို့ ဦးတည်သောလမ်းသည် လွယ်ကူ၏။ ထို့ကြောင့် ထိုလမ်း၌ လားသောသူလည်း အလွန် များပြား၏။ 14 သို့သော်လည်း အသက်ရှင်ခြင်းသို့ ရောက်သောတန်းခါးဝသည် အလွန်ကျဉ်း၍ ထိုအရပ်သို့ ဦးတည်သောလမ်းသည် အလွန် ခက်ခဲ၏။ ထို့ကြောင့် ထိုလမ်းကို တို့၍ လားသောသူ အလွန် နည်း၏။ 15 “မိစ္ဆာပရောဖက်တိကို သတိထားကတိပါ။ သူရိုးသည် အတွင်း၌ ကြမ်းတမ်းသောမြီခွီး ဖြစ်သော်လည်း အပြင်ဖက်က သိုးကဲ့သို့ အယောင်ဆောင်၍ သင်ရိုးပါးကို လာကြလိမ့်မည်။ 16 သင်ရိုးသည် သူရိုးပြုသောအမှုအားဖြင့် သူရိုးကို သိကြလိမ့်မည်။ ဆူးပင်များသည် စပျစ်သီးကို သီးလေမဟိ။ ထိုနည်းတူ ဆူးလေးပင်များသည် သဖန်းသီးကို သီးလေမဟိ။ 17 ထို့အတူ ကောင်းသောအပင်သည် ကောင်းသောအသီးများကို သီးတတ်၏။ သို့သော်လည်း မကောင်းသောအပင်သည် မကောင်းသောအသီးကို သီးတတ်၏။ 18 ကောင်းသောအပင်သည် မကောင်းသောအသီးကို မသီးနိုင်၊ ထိုနည်းတူ မကောင်းသောအပင်သည် ကောင်းသောအသီးကို မသီးနိုင်။ 19 ကောင်းသောအသီးကို မသီးသော ဇာအပင်ကိုမဆို ခွတ်၍ မီးထဲသို့ ချပစ်ကြ၏။ 20 ထိုသို့ ဖြစ်လျှင် သူရိုးပြုသောအမှုအားဖြင့် မိစ္ဆာပရောဖက်တိကို သင်ရိုးသည် သိကြလိမ့်မည်။ 21 “ငါ့ကို ‘အသျှင်ဘုရား၊ အသျှင်ဘုရား’ ဟု ခေါ်သောသူတိုင်း ကောင်းကင်နိုင်ငံသို့ ဝင်ရလိမ့်မည် မဟုတ်။ သို့သော် ကောင်းကင်ဘုံသျှင် ငါ့အဖ၏ အလိုတော်အတိုင်း လုပ်ဆောင်သော သူရိုးသာလျှင် ကောင်းကင်နိုင်ငံတော်သို့ ဝင်ရလိမ့်မည်။ 22 တရားစီရင်သောနို့ ရောက်သောအခါ လူတိက ငါ့ကို ‘အသျှင်ဘုရား၊ အသျှင်ဘုရား၊ အကျွန်ရိုးသည် ကိုယ်တော်၏နာမ၌ ဘုရားသခင်၏ သတင်းစကားကို ဟောပြောခကြ၏။ အကျွန်ရိုးသည် ကိုယ်တော်၏နာမဖြင့် နတ်ဆိုးတိကို မောင်းထုတ်ကြပြီးလျှင် နိမိတ်လက္ခဏာများစွာကို ပြခကြ၏’ ဟု ပြောကြလိမ့်မည်။ 23 ထိုအခါ ငါက ထိုသူရိုးအား ‘သင်ရိုးကို ငါ လုံးဝမသိ။ မတရားသောသူရိုး၊ ငါနံပါးက ထွက်လားကတိ’ ဟု ပြောလိမ့်မည်။ 24 “ထို့နောက် ငါစကားတိကို ကြား၍ လိုက်နာသောသူတိုင်းသည် မိမိ၏အိမ်ကို ကျောက်ထက်မှာ တည်ဆောက်ထားသော ပညာဟိနှင့် တူ၏။ 25 မိုးရွာ၍ မြစ်ရီကြီးပြီး လီပြင်းတိုက်သော်လည်း ထိုအိမ်သည် ပြိုလဲကျလားခြင်းမဟိ၊ အကြောင်းမှာ ကျောက်ထက်မှာ တည်ဆောက်ထားသောကြောင့် ဖြစ်၏။ 26 “သို့သော်လည်း ငါ့စကားကို ကြား၍ မလိုက်နာသောသူသည် မိမိ၏အိမ်ကို သဲထက်မှာ တည်ဆောက်ထားသော ပညာမဟိသောသူနှင့် တူ၏။ 27 မိုးရွာ၍ မြစ်ရီကြီးပြီး လီပြင်းတိုက်ခိုက်သောအခါ ထိုအိမ်သည် ပြိုလဲလားခ၏။ ထိုသို့ ဖြစ်လျှင် ထိုအိမ်သည် ကြီးစွာသော ပြိုလဲခြင်းဖြစ်လေ၏။” 28 ယေသျှသည် ဤအရာများကို ဟောပြောပြီးသောအခါ လူအပေါင်းရိုးသည် ကိုယ်တော်၏ဆုံးမဩဝါဒပီးခြင်းကို အလွန်အံ့သြကြ၏။ 29 အကြောင်းမူကား ကိုယ်တော်သည် ကျမ်းတတ်ဆရာကဲ့သို့ မဟုတ်ဘဲ၊ အခွင့်အာဏာဟိသောသူ တစ်ယောက်ကဲ့သို့ ဆုံးမဩဝါဒပီးတော်မူ၏။

8 ယေသျှသည် တောင်ထက်မှ ဆင်းလာသောအခါ လူအုပ်ကြီးသည် ကိုယ်တော်နောက်သို့ လိုက်လာကြ၏။ 2 ထိုအခါ နူနာရောဂါ ခံစားနိုင်ရသော လူတစ်ယောက်သည် ကိုယ်တော်ထံပါးသို့ ရောက်လာပြီး ကိုယ်တော်ရှိမှ ခူးထောက်၍ “ဆရာ၊ အလိုတော်ဟိလျှင် အကျွန်ုပ်ကို သန့်ယှင်းစီတော်မူပါ” ဟု လျှောက်ထားလေ၏။ 3 ယေသျှသည် လက်တော်ကိုဆန့်၍ ထိုသူကို တို့တော်မူပြီးလျှင် “ငါ အလိုဟိသည်ဖြစ်၍ သန့်ယှင်းခြင်းသို့ ရောက်စီ” ဟု မိန့်တော်မူသောအခါ ထိုသူသည် ချက်ချင်း နူနာရောဂါ ပျောက်ကင်းလား၏။ 4 ထို့နောက် ယေသျှက “နားထောင်၊ သင်သည် ဤအကြောင်းကို တစ်ယောက်ကိုလေ့ မပြောလီကေ၊ ယဇ်ပုရောဟိတ်ပါးသို့ လား၍

သင့်ကိုယ်ကို ပြလော့။ ထို့နောက် သင့်ရောဂါကို ပျောက်ကင်းစီသည့်အကြောင်း လူတိုင်းရှိမှာ သက်သိဖြစ်ခြင်းငှာ မောသျှမိန်မှာထားသည့်အတိုင်း ပူဇော်သကာကို ဘုရားသျှင်အား ဆက်ကပ်လော့” ဟု ထိုသူအား မိန့်တော်မူ၏။

5 ယေသျှုသည် ကပေရနောင်မြို့သို့ ရောက်လာသောအခါ ရောမစစ်ဗိုလ်တစ်ယောက်သည် ကိုယ်တော်ပါးသို့ ရောက်လာပြီးလျှင် ကူညီရန် တောင်းပန်သည်မှာ။ 6 “ဆရာ၊ အကျွန်ုပ်တပည့်တစ်ယောက်သည် အဖျားရောဂါကို ပြင်းထန်စွာ ခံစားနိုင်ရ၍ အိမ်၌ အိပ်ရာထက်မှာ တုံးလုံးလှဲနိုင်ပါ၏” ဟု ဆိုလေ၏။ 7 ယေသျှုကလည်း “ငါလား၍ သူ့ကို ကျန်းမာစီမည်” ဟု မိန့်တော်မူ၏။ 8 ရောမစစ်ဗိုလ်က “ဤသို့ မဟုတ်ရပါ ဆရာ၊ ကိုယ်တော်တိုင် အကျွန်ုပ်အိမ်သို့ ကြွလာခြင်းငှာ အကျွန်ုပ်နှင့် မထိုက်တန်ပါ။ အမိန့်ပီးလိုက်ရုံမျှဖြင့် အကျွန်ုပ်၏တပည့်သည် နီကောင်းလားပါလိမ့်မည်။

9 အကြောင်းမူကား အကျွန်ုပ်သည် အထက်အရာဟိတိ အမိန့်အာဏာအောက်၌ နီရသောသူတစ်ယောက် ဖြစ်ပါ၏။ အကျွန်ုပ်မှာလည်း စစ်သားတိ အများကြီး ဟိပါ၏။ စစ်သားတစ်ယောက်ကို အကျွန်ုပ်က ‘လား’ ဟု အမိန့်ပီးလိုက်လျှင် သူသည် လားရပါ၏။ ‘လာ’ ဟု အမိန့်ပီးလိုက်လျှင် လာရပါ၏။ အကျွန်ုပ် အစီအပါအား ‘ဤအရာကို လုပ်ပါ’ ဟု အကျွန်ုပ်က ဆိုလျှင် သူသည် လုပ်ရပါ၏” ဟု သူက လျှောက်လေ၏။ 10 ယေသျှုသည် ထိုစကားကို ကြားသောအခါ လွန်စွာအံ့ဩတော်မူ၍ ကိုယ်တော်၏နောက်သို့ လိုက်လာကြသောလူများကို ဤသို့ မိန့်တော်မူ၏။ “ငါဆိုသည်ကား၊ ဤသို့သောယုံကြည်ခြင်းကို ဣသရေလလူမျိုးထဲ၌ပင်လျှင် ငါ မတွေ့ဖူးသိမ့်။ 11 သင်ရိုက် ငါအမှန်ဆိုသည်ကား၊ လူရှိသည် အရှိရပါ။ အနောက်ရပ်က ရောက်လာကြပြီးလျှင် ကောင်းကင်နိုင်ငံ၏ပွဲတော်၌ အာဗြဟံ၊ ဣဇာက၊ ယာကုပ်ရှိနှင့်အတူ ထိုင်ကြလိမ့်မည်။ 12 သို့သော်လည်း နိုင်ငံတော်သား ဖြစ်ထိုက်သောသူများသည် ငိုကြွေးမြည်တမ်း၍ အံသွားကြိတ်နိန်ရမည့် မှောင်မိုက်ထဲသို့ ပစ်ချခြင်းကို ခံရကြလိမ့်မည်။” 13 ထို့နောက် ယေသျှုသည် ရောမစစ်ဗိုလ်အား၊ “သင့်အိမ်သို့ ပြန်လော့၊ သင်ယုံကြည်သည့်အတိုင်း ဖြစ်လိမ့်မည်” ဟု မိန့်တော်မူ၏။ ထိုသို့ မိန့်တော်မူပြီးသည်နှင့် ရောမစစ်ဗိုလ်၏တပည့်သည် အဖျားရောဂါ ပျောက်ကင်းလေ၏။ 14 ယေသျှုသည် ပေတရုအိမ်သို့ ရောက်သောအခါ ဖျား၍ အိပ်ရာထက်မှာ လှဲနိုင်သော ပေတရု၏ယောက္ခမကို တွံ့၏။ 15 ကိုယ်တော်က ထိုမိန်းမ၏ လက်ကို တို့လိုက်သည်နှင့် ထိုမိန်းမသည် အဖျားရောဂါပျောက်၍ အိပ်ရာမှ ထပြီးလျှင် ကိုယ်တော်အား အာဂန္တုဝတ်ကို ပြုလေ၏။ 16 ညအချိန်ရောက်သောခါ၌ နတ်ဆိုးပူးနိုင်သောသူတို့ကို ယေသျှုပါးသို့ ခေါ်ယူလာကြ၏။ ယေသျှုသည် နတ်ဆိုးတို့ကို စကားတစ်ခွန်းတည်းဖြင့် အမိန့်ပီး မောင်းထုတ်လိုက်သည်နှင့် ထိုသူအားလုံး ကျန်းမာကြလေ၏။ 17 “အကျွန်ုပ်ရို့၌ ဟိသော ဖျားနာခြင်းတို့ကို သူကိုယ်တိုင် နုတ်ယူ၍ အကျွန်ုပ်ရို့၏ ရောဂါတို့ကိုလည်း ဖယ်ပွားပစ်လိမ့်မည်” ဟု ပရောဖက်ဟေသျှုယ ဟောထားသော ကျမ်းစကားသည် ပြည့်စုံလာခြင်းသို့ ရောက်လေ၏။ 18 ယေသျှုသည် မိမိကို ဝိုင်းရံထားသော လူအစုအဝေးကို မြင်သောအခါ သူ၏တပည့်တိအား အိုင်တစ်ဖက်ကမ်းသို့ ကူးရန် မိန့်တော်မူ၏။ 19 ကျမ်းတတ်ဆရာတစ်ယောက်သည် ကိုယ်တော်ပါးသို့ ရောက်လာပြီးလျှင်၊ “ဆရာ၊ ကိုယ်တော်လားရာနောက်သို့ ကိုယ်တော်နှင့်အတူ အကျွန်ုပ်လည်း လိုက်ပါမည်” ဟု ခွင့်တောင်း၏။ 20 ယေသျှုက “ဗြီဒိုးတိမှာ တွင်းဟိ၏၊ ငှက်တိမှာလည်း အသိုက်ဟိ၏။ သို့သော် လူသားမှာ လဲလျောင်းအနားယူဖို့ရန်ပင် နီရာမဟိ” ဟူ၍ မိန့်တော်မူ၏။ 21 အခြားသော တပည့်တော်တစ်ယောက်က “ဆရာ၊ အကျွန်ုပ်၏အကို ရှီးဦးစွာ သဂြိုဟ်ခြင်းငှာ ပြန်လားခွင့်ပီးပါ” ဟု လျှောက်သော်၊ 22 ယေသျှုက “ငါ့နောက်သို့ လိုက်လော့၊ လူသီတိက မိမိရို့၏လူသီတိကို သဂြိုဟ်ကြလိမ့်မည်” ဟု မိန့်တော်မူ၏။ 23 ယေသျှုသည် လောင်းတစ်စင်းထဲသို့ တက်တော်မူလျှင် သူ၏တပည့်တော်တိလည်း ကိုယ်တော်နှင့်အတူ လိုက်ပါကြ၏။ 24 ထိုအခါ အိုင်ထဲတွင် လီပြီးမုန်တိုင်းတစ်ခုသည် ရုတ်တရက် ထလာသောကြောင့် လောင်းသည် မြုပ်လုမြုပ်ချင် ဖြစ်နိုင်၏။ သို့သော်လည်း ယေသျှုသည် အိပ်ပျော်နိုင်၏။ 25 တပည့်တော်ရို့သည်လည်း ကိုယ်တော်ပါးသို့ လာ၍ ကိုယ်တော်ကို နှိုးကြ၏။ “အသျှင်ဘုရား၊ အကျွန်ုပ်ရို့ သီဖီယာ၊ အကျွန်ုပ်ရို့ကို ကယ်တော်မူပါ” ဟု လျှောက်ကြ၏။ 26 ယေသျှုကလည်း “သင်ရို့သည် ဇာဖြစ်လို့ အကြောက်လွန်နိုင်ကတ်လဲ၊ အလွန် ယုံကြည်ခြင်း နည်းကတ်တေကား” ဟု ဆိုပြီးနောက်

အိပ်ရာမှ ထ၍ မုန်တိုင်းနှင့် ရီလှိုင်းကို ရပ်တန့်ရန် အမိန့်ပေးလိုက်သဖြင့် လိပြင်းမုန်တိုင်းသည် ငြိမ်သက်လားလေ၏။ 27 လူတို့သည် အလွန်အံ့သြကြသည်ဖြစ်၍ “ဤသူကား ဇာပိုင်လူလဲ၊ လီနှင့် လှိုင်းတိတောင် သူ့အမိန့်ကို နာခံကတ်တေကား” ဟု ပြောကြ၏။ 28 ယေသျှုသည် အိုင်တစ်ဖက်ကမ်း၊ ဂါဒရန်ယံစပ်ကို ရောက်သောအခါ နတ်ဆိုးဝင်ပူးနိုင်သော သူနှစ်ယောက်သည် သချိုင်းဂူများကြားက ထွက်လာပြီး ကိုယ်တော့်ကို လာ၍ တွဲကြ၏။ လူများသည် ထိုနတ်ဆိုးပူးသော လူနှစ်ယောက်ကို အလွန်ကြောက်လန့်ကြသဖြင့် ထိုလမ်းမှ မလားဝဲကြ။ 29 ချက်ချင်းပင်လျှင် ထိုသူနှစ်ယောက်က “ဘုရားသခင်၏သားတော် ယေသျှု၊ အကျွန်ရဲ့ကို ဇာလုပ်ပါဖို့လဲ၊ အချိန်မရောက်ခင် အကျွန်ရဲ့ကို အပြစ်ပီးဖို့ လာယာလား” ဟု အော်ဟစ်ကြ၏။ 30 ထိုအရပ်နှင့် မနီးမဝေးတွင် ဝက်အုပ်ကြီးတစ်အုပ် အစာစားနိုင်ကြ၏။ 31 “အကျွန်ရဲ့ကို နှင်ထုတ်မည် ဆိုလျှင် ထိုဝက်အုပ်ထဲသို့ ဝင်ခွင့်ပီးပါ” ဟု နတ်ဆိုးတိက ယေသျှုအား တောင်းပန်ကြ၏။ 32 ထိုသို့ဆိုလျှင် “ဝင်ကတ်လီ” ဟု ယေသျှုက မိန့်တော်မူလိုက်သောကြောင့် နတ်ဆိုးများသည် ထိုသူရဲ့ထဲမှ ထွက်၍ ဝက်များထဲသို့ ဝင်ကြ၏။ ထိုဝက်အားလုံးသည် အိုင်ကမ်းထောင်းစောက်မှ ရီအိုင်ထဲသို့ တစ်ဟုန်ထိုး ပြီးဆင်းကြပြီးလျှင် ရီထဲ၌ သီကြလေ၏။ 33 ဝက်ကျောင်းသားများသည်လည်း မြို့ထဲသို့ ပြီး၍ ဝင်ကြပြီးလျှင် နတ်ဆိုးပူးနိုင်သောသူတို့၌ ဖြစ်သည့်အကြောင်းစုံကို ပြောပြကြ၏။ 34 ထိုမြို့တွင် ဟိသမျှသော လူတို့သည် ယေသျှုအား တွဲရန် ထွက်လာကြ၏။ ထို့နောက် သူရဲ့သည် ကိုယ်တော့်ကို တွဲကြသောအခါ သူရဲ့နယ်မှ ထွက်လားရန် တောင်းပန်ပြောဆိုကြလေ၏။

9 ယေသျှုသည် လောင်းစီး၍ အိုင်ကို ဖြတ်ပြီးလျှင် မိမိ၏ဇာတိမြို့သို့ တဖန် ကြွတော်မူ၏။ 2 လူတချို့သည် ခြံ၊ လက်သီနိုင်၍ အိပ်ရာထက်၌ တုံးလုံးလှဲနိုင်သောသူတစ်ယောက်ကို အထံတော်သို့ ထမ်းယူလာကြ၏။ ယေသျှုသည် ထိုသူရဲ့၏ကြီးမားသော ယုံကြည်ခြင်းကို မြင်သောအခါ ခြံ၊ လက်သီနိုင်သူအား “ငါ့သား၊ မစိုးရိမ်ကေ၊ သင်၏အပြစ်အားလုံးကို ခွင့်ရွတ်ပြီးယာ” ဟု မိန့်တော်မူ၏။ 3 ထို့နောက် တချို့ကျမ်းတတ်ဆရာတိက “ဤသူသည် ဘုရားသခင်ကို ပြစ်မှား ခြင်းဖြစ်သည်” ဟု မိမိရဲ့၏စိတ်ထဲ၌ ထင်မှတ်နိုင်ကြ၏။ 4 ယေသျှုက သူရဲ့သည် ဇာကို စဉ်းစားနိုင်ကြသည်ကို သိမြင်သောကြောင့် “သင်ရဲ့သည် ဇာကြောင့် အေပိုင် မကောင်းသောအမှုအရာတိကို စဉ်းစားနိုင်ကတ်စွာလဲ၊ 5 ‘သင့်အပြစ်ကို ခွင့်ရွတ်ပြီးယာလို့ ပြောစွာက သာ၍ လွယ်ကူမည်လော’ သို့မဟုတ် ‘ထပြီးကေ လမ်းလျှောက်လိုက်’ ဟု ပြောစွာက သာ၍ လွယ်ကူမည်လော။ 6 လူသားသည် မြို့ကြီးထက်တွင် အပြစ်ရွတ်ပိုင်ခွင့် အာဏာဟိသည်ကို ငါ သက်သီပြမည်။” ထို့ကြောင့် ကိုယ်တော်က ခြံလက်သီနိုင်သူအား “ထ၍ သင့်အိပ်ရာကို ယူဆောင်ပြီးလျှင် အိမ်သို့ ပြန်လီ” ဟု မိန့်တော်မူ၏။ 7 ထိုအခါ ခြံ၊ လက်သီနိုင်သောသူသည် ထ၍ အိမ်သို့ ပြန်လားလေ၏။ 8 လူတိက ဤအရာကို မြင်ကြသောအခါ အလွန်ကြောက်ရွံ့ကြ၏။ ဤသို့သော အခွင့်အာဏာကို လူတိအား ပေးတော်မူသော ဘုရားသခင်၏ဂုဏ်တော်ကို ချီးမွမ်းကြ၏။ 9 ယေသျှုသည် ထိုအရပ်မှ ထွက်၍ လမ်းလျှောက်လာသောအခါ မသဲဟုခေါ်သော အခွန်ကောက်ခံသူ တစ်ယောက်သည် သူ၏ရုံး၌ ထိုင်နိုင်သည်ကို မြင်လျှင် “ငါ့နောက်ကို လိုက်ခ” ဟု မိန့်တော်မူ၏။ မသဲသည်လည်း ထ၍ ယေသျှုနောက်သို့ လိုက်လေ၏။ 10 ယေသျှုသည် မသဲ၏အိမ်၌ ထမင်းစားနိုင်စဉ်တွင် အခွန်ကောက်ခံသောသူတိ၊ အပယ်ခံထားရသောသူတိသည်လည်း ယေသျှုနှင့် တပည့်တော်တိစားပွဲ၌ ဝင်ရောက်ကာ စားသောက်နိုင်ကြ၏။ 11 ထိုအမှုအရာကို ဖာရိယုရဲ့သည် မြင်သောအခါ “သင်ရဲ့ဆရာသည် ဤသို့သောသူတိနှင့်အတူ ဇာကြောင့် စားသောက်နိုင်သနည်း” ဟု တပည့်တော်ရဲ့အား မိန်းကြ၏။ 12 ယေသျှုသည် ထိုအကြောင်းကို ကြားတော်မူလျှင် “ကျန်းမာသောသူတိသည် ဆီးသမားကို အလိုမဟိ၊ မကျန်းမာသောသူတိကသာ ဆီးသမားကို အလိုဟိကြ၏။ 13 ‘တိရစ္ဆာန်နှင့် ယဇ်ပူဇော်ခြင်း အကျင့်ထက် သနားကရုဏာထားခြင်း အကျင့်ကို ငါ ပို၍ နှစ်သက်၏’ ဟူသော ကျမ်းစကားကို နားလည်စီခြင်းငှာ သင်ရဲ့သည် လား၍ သင်ယူကြလော့။ ငါမူကား ဖြောင့်မတ်သောသူတိကို ခေါ်ခြင်းငှာ လာသည် မဟုတ်၊ အပြစ်သားတိကို ခေါ်ခြင်းငှာ ကြွလာခြင်းဖြစ်၏။” 14 ထိုအခါ ဗတ္တိဇယောဟန်၏တပည့်များသည် ယေသျှုထံပါးသို့ ရောက်လာကြပြီးလျှင်

“အကျွန်ုပ်ရဲ့နှင့် ဖာရိယဲ့ရဲ့သည် မကြာခဏ အစာယောင်ကြပါ၏။ သို့ရာတွင် ကိုယ်တော်၏ တပည့်တော်ရဲ့သည်ကား စာကြောင့် အစာမယောင်ကြသနည်း” ဟု မိန်းလျှောက်ကြ၏။ 15 ယေသျှုကလည်း “မင်္ဂလာဆောင်ပွဲ၌ အာဂန္တုရဲ့သည် မင်္ဂလာဆောင်သတို့သားနှင့် အတူဟိန်နိကြစဉ်တွင် သူရဲ့သည် ဝမ်းနည်းကြမည်ဟု သင်ရိုထင်ကြသလား။ ထိုသို့ မဟုတ်၊ မင်္ဂလာဆောင်သတို့သားကို သူရဲ့ထံပါးမှ ခွဲယူလားသောနို့ ရောက်လာသောအခါ သူရဲ့သည် အစာယောင်ကြလိမ့်မည်။ 16 “ဇာသုလည်း အကျီဟောင်းကို အထည်သစ်နှင့် ဖာလေမဟီ။ ထိုသို့ပြုလျှင် အထည်သစ်က စားသဖြင့် အကျီအပေါက်သည် သာ၍ ကျယ်တတ်၏။ 17 ထိုနည်းတူ ဇာသုလည်း သားရီဘူးအဟောင်းထဲမှာ စပျစ်ရည်အသစ်ကို ထည့်လေ့မဟီ။ ထိုသို့ ထည့်လျှင် သားရီဘူးအဟောင်းသည် ကွဲထွက်၍ စပျစ်ရည်သည်လည်း ယိုထွက်လားပြီးလျှင် သားရီဘူးလည်း ပျက်စီးတတ်၏။ သို့ဖြစ်၍ စပျစ်ရည်အသစ်ကို သားရီဘူးအသစ်ထဲ၌သာ ထည့်ကြ၏။ ယေမရာ နှစ်ခုစလုံးကို ကောင်းမွန်စွာ ထိန်းသိမ်းထားနိုင်လိမ့်မည်။” 18 ယေသျှုသည် ဤအကြောင်းအရာများကို မိန်းတော်မူနိုင်စဉ် ယုဒလူမျိုး အရာဟိတစ်ယောက်သည် ကိုယ်တော်ပါးသို့ ရောက်လာ၍ ကိုယ်တော်ရှိတော်၌ ပျပ်ဝပ်လျက် “အကျွန်ုပ်သမီး သီကျလားသည်မှာ မကြာသိမ့်ပါ။ သို့သော်လည်း ကိုယ်တော်သည် ကြွလာ၍ သူမထက်မှာ လက်ကို တင်ပီးတော်မူပါ။ သူမသည် အသက်ရှင်လာလိမ့်မည်” ဟု လျှောက်လေ၏။ 19 ထို့ကြောင့် ယေသျှုသည် ထ၍ သူ့နောက်သို့ လိုက်လေ၏။ ကိုယ်တော်၏တပည့်တော်တို့လည်း ကိုယ်တော်နှင့်အတူ လိုက်ပါကြ၏။ 20 ထိုအခါ တစ်ဆယ့်နှစ်နှစ်ကာလပတ်လုံး သွီးသွန်နာစွဲနိုင်သော မိန်းမတစ်ယောက်သည် ယေသျှုနောက်သို့ လိုက်လာပြီး ကိုယ်တော်၏ဝတ်ရုံအနားပန်းဖွားကို တို့ထိလေ၏။ 21 သူမက “အကျွန်ုပ်သည် ကိုယ်တော်၏ဝတ်ရုံအနားပန်းဖွားကို တို့ထိခွင့်ရလျှင် တောင်မှ ကျန်းမာလားလိမ့်မည်” ဟု မိမိကို မိမိ ပြောဆိုနိုင်၏။ 22 ယေသျှုသည် နောက်သို့ ပြန်လှည့်ကြည့်၍ သူမကိုမြင်ပြီး “မစိုးရိမ်ကေ့ ငါ့သမီး၊ သင်၏ယုံကြည်ခြင်းသည် သင့်ကို ကျန်းမာစီယာ” ဟု မိန်းတော်မူ၏။ ယင်းအချိန်၌ပင် ထိုမိန်းမ၏အနာသည် ပျောက်ကင်းလားလေ၏။ 23 ထိုနောက် ယေသျှုသည် အရာဟိအိမ်သို့ ရောက်လေ၏။ ကိုယ်တော်သည် အသုတအခမ်းအနားအတွက် တီးမှုတ်နိုင်ကြသူများနှင့် ရုတ်ရုတ်တံသံသံ ဖြစ်နိုင်ကြသောလူအုပ်ကြီးကို မြင်သောအခါ 24 ကိုယ်တော်က “အားလုံး အပြင်သို့ ထွက်ကတ၊ ဤမိန်းမသျှေသည်ကား သီလားစွာ မဟုတ် — အိပ်ပျော်နိုင်စွာရာဖြစ်သည်” ဟု မိန်းတော်မူလိုက်၏။ ထိုအခါ သူရဲ့အားလုံးက ကိုယ်တော်ကို ပျက်ရယ်ပြုကြ၏။ 25 သို့သော် လူတိ ထွက်လားကြသည်နှင့်တပြိုင်နက်၊ ယေသျှုသည် မိန်းမသျှေ၏အခန်းထဲသို့ ဝင်ပြီးလျှင် သူမ၏လက်ကို ကိုင်၍ ဆွဲထူလိုက်သောခါ သူမသည် မတ်တတ်ထလေ၏။ 26 ဤသတင်းသည် ထိုဒေသတစ်ခုလုံး၌ ပြန့်နှံ့လားလေ၏။ 27 ယေသျှုသည် ထိုအရပ်မှ ထွက်၍ လမ်းလျှောက်လာစဉ်တွင် မျက်ကန်းနှစ်ယောက်သည်လည်း ကိုယ်တော်၏နောက်မှ လိုက်လာကြ၏။ သူရဲ့က “ဒါဝိဒ၏သားတော်၊ အကျွန်ုပ်ရဲ့ကို သနားတော်မူပါ” ဟု အော်ဟစ်ကြ၏။ 28 ယေသျှုသည် အိမ်ထဲသို့ ဝင်သောအခါ မျက်ကန်းနှစ်ယောက်သည်လည်း ကိုယ်တော်၏နောက်က ဝင်လာကြသဖြင့် ကိုယ်တော်က “ငါသည် သင်ရဲ့ကို ကျန်းမာအောင် လုပ်နိုင်သည်ဟု သင်ရဲ့ ယုံကြည်ကတ်လား” ဟု သူရဲ့အား မိန်းတော်မူ၏။ သူရဲ့ကလည်း “ဟုတ်ပါရေ၊ ခြာ” ဟု လျှောက်ကြ၏။ 29 ထိုအခါ ယေသျှုသည် သူရဲ့၏မျက်စိကို တို့တော်မူပြီးလျှင် “သင်ရဲ့ ယုံကြည်သည့်အတိုင်း သင်ရဲ့၌ ဖြစ်ကတစီ” ဟု မိန်းတော်မူသည်နှင့် — 30 သူရဲ့သည် မျက်စိပြန်မြင်ကြလေ၏။ ယေသျှုက “ဤအကြောင်းကို တစ်ယောက်ကိုလည်း မပြောကတကေ့” ဟု ထိုသူရဲ့အား တင်းကြပ်စွာ မိန့်မှာတော်မူလေ၏။ 31 သို့သော်လည်း သူရဲ့ထွက်လားပြီးနောက် ယေသျှု၏ သတင်းသည် ထိုဒေသတစ်ခုလုံးသို့ ပြန့်နှံ့လေ၏။ 32 ထိုသူနှစ်ယောက် ထွက်လားကြသောအခါ လူတချို့သည် နတ်ဆိုးဝံ့ပူးနိုင်သောကြောင့် စကားမပြောနိုင်သော လူအ တစ်ယောက်ကို ယေသျှုပါးသို့ ခေါ်ဆောင်လာကြ၏။ 33 သို့သော် နတ်ဆိုးကို မောင်းထုတ်လိုက်သည်နှင့်တပြိုင်နက်၊ ထိုသူသည် စကားပြောနိုင်သည်ဖြစ်၍ လူတိုင်းက အံ့သြကြလေ၏။ သူရဲ့က “ဣသရေလလူမျိုးထဲ၌ ဤသို့သော အရာတိကို ငါရဲ့ တစ်ခါမျှ မတွေ့ဖူးပါကား” ဟု အံ့သြကြ၏။ 34 သို့ရာတွင် ဖာရိယဲ့ရဲ့က “နတ်ဆိုးတို့ကို မောင်းထုတ်ဖို့အတွက်

နတ်ဆိုးခေါင်းဆောင်က ယေသျှုကို တန်ခိုးပီးထားခြင်း ဖြစ်သည်” ဟု ပြောဆိုကြ၏။ 35 ယေသျှုသည် အားလုံးသော မြို့များနှင့် ကျေးလက်တောရွာများကို လှည့်လည်၍ ကြွချီတော်မူ၏။ ကိုယ်တော်သည် တရားဇရပ်များ၌ ဆုံးဩဝါဒ ပီးတော်မူ၍ နိုင်ငံတော်နှင့်ဆိုင်သော သတင်းကောင်းကို ဟောကြားပြီးလျှင် မကျန်းမာသောသူတို့နှင့် အနာရောဂါအမျိုးမျိုး ခံစားနိုင်ရသောသူရို့ကို ကျန်းမာစီတော်မူ၏။ 36 ကိုယ်တော်သည် လူစုလူဝေးကြီးကို မြင်သောအခါ သူ၏နှလုံးသားထဲ၌ ထိုသူများကို အလွန်သနားစိတ်ဝင်လေ၏။ ဇာကြောင့်ဆိုသော် သူရို့သည် သိုးထိန်းမဟိသော သိုးများကဲ့သို့ ကူညီသူမဟိဘဲ စိုးရိမ်စိတ် ဝင်နံနံကြသောကြောင့်ဖြစ်၏။ 37 ထို့ကြောင့် ကိုယ်တော်က “ရိတ်စရာစပါးတိ အများကြီးဟိသော်လည်း ရိတ်သိမ်းသောသူ အလွန်နည်းကြသည်ဖြစ်၍ 38 စပါးရိတ်သိမ်းမည့်သူများကို စီရွတ်ပီးရန်၊ စပါးသျှင်ပါးမှာ ဆုတောင်းကြပါ” ဟု တပည့်တော်တို့အား မိန့်တော်မူ၏။

10 ယေသျှုသည် တပည့်တော် တစ်ဆယ့်နှစ်ယောက်ကို အတူတကွ ခေါ်ပြီးလျှင် ဝိညာဉ်ဆိုးတို့ကို နှင်ထုတ်နိုင်ခြင်းငှာ လည်းကောင်း၊ အနာရောဂါအမျိုးမျိုးကို ပျောက်ကင်းစီခြင်းငှာ လည်းကောင်း၊ သူရို့အား အခွင့်အာဏာများကို ပီးတော်မူ၏။ 2 ထိုတမန်တော်ဆယ့်နှစ်ယောက်၏ နာမည်များမှာ ပထမဆုံးအားဖြင့် သျှိုမုန်ဟု ခေါ်သော ပေတရုနှင့် သူ၏ညီ အဒြေ၊ ဇေဗေဒဲ၏သားနှစ်ယောက်ဖြစ်သော ယာကုပ်နှင့် သူ၏ညီ ယောဟန်၊ 3 ဖိလိပ္ပ၊ ဗာသာလမဲ၊ သောမ၊ အခွန်ကောက်ခံသူ မသဲ၊ အာလဖဲ၏သား ယာကုပ် နှင့် သဒ္ဒဲ၊ 4 မျိုးချစ်ပုဂ္ဂိုလ် သျှိုမုန်နှင့် ကိုယ်တော်ကို သစ္စာဖောက်သောသူ ယုဒသျှာကာရုတ် ဟူ၍ ဖြစ်ကြ၏။ 5 ယေသျှုက တပည့်တော် ဆယ့်နှစ်ယောက်ကို ဩဝါဒပီး၍ စီရွတ်လိုက်တော်မူသည်မှာ၊ “သင်ရို့သည် ယာမာရီ မြို့ရွာများနှင့် တစ်ပါးအမျိုးသားတို့ အရပ်ဒေသသို့ မလားကတ်ကော့။ 6 ထိုသို့လားကြမည့်အစား၊ ဣသရေလလူမျိုး၌ ပျောက်ဆုံးနိုင်သော သိုးတိ ဟိရာအရပ်သို့ လားကြပြီးလျှင်၊ 7 ‘ကောင်းကင်နိုင်ငံတော် တည်လုနီးပြီ’ ဟု ဟောပြောကြလော့။ 8 မကျန်းမာသောသူတို့ကို ကျန်းမာစီကြလော့၊ သိန်နိသောသူတို့ကို ထမြောက်စီကြလော့၊ နူနာစွဲခိုနိသောသူတို့ကို ပျောက်ကင်းစီကြလော့၊ ပြီးနောက် နတ်ဆိုးတို့ကို နှင်ထုတ်ကြလော့။ သင်ရို့သည် အဖိုးအခမပီးဘဲ ရထားကြသည်ဖြစ်သောကြောင့်၊ အဖိုးအခမယူဘဲ ပြန်ပီးကြလော့။ 9 သင်ရို့၏အိတ်ထဲ၌ ရွှီဒင်္ဂါး၊ ငွီဒင်္ဂါး၊ ကြီးဒင်္ဂါးတို့ကို ယူမလားကတ်ကော့။ 10 လမ်းခရီးအတွက် ခရီးဆောင်အိတ်နှင့်တကွ အင်္ကျီအပို၊ ဖိနပ်အပိုနှင့် တောင်မွှိတ်ကိုလည်း ယူမလားကတ်ကော့။ အကြောင်းမူကား လုပ်ဆောင်သောသူသည် ကျွေးမွီးခြင်းကို ခံထိုက်မည်။ 11 “သင်ရို့သည် မြို့တစ်မြို့ သို့တည်းမဟုတ် ရွာတစ်ရွာသို့ ဝင်ကြသောအခါ သင်ရို့အား လက်ခံလိုသောသူတို့ကို ရှာပြီးလျှင် ထိုအရပ်မှ ထွက်ခွာသည်တိုင်အောင် ထိုသူ၏အိမ်၌ တည်းခိုကြလော့။ 12 သင်ရို့သည် အိမ်တစ်အိမ်သို့ ဝင်သောအခါ ‘သာလီစွပါ’ ဟု အယင်ဆုံး နှုတ်ဆက်ကြလော့။ 13 ထိုအိမ်သည် ထိုက်တန်လျှင် သင်ရို့၏မင်္ဂလာစကားသည် ထိုအိမ်၌ ကျန်ခံလိမ့်မည်။ သို့ရာတွင် ထိုအိမ်သည် မထိုက်တန်လျှင် သင်ရို့၏မင်္ဂလာစကားသည် သင်ရို့ပါးသို့ ပြန်လာလိမ့်မည်။ 14 ပြီးနောက် တချို့အိမ် သို့မဟုတ် မြို့တိက သင်ရို့စကားကို နားမထောင်၊ သင်ရို့ကို လက်မခံလျှင် သင်ရို့၌ဖဝါးက မြီမုန်ကို ခါချပြီးလျှင် ထိုအရပ်မှ ပြန်ထွက်လာကြလော့။ 15 ငါ အမှန်ဆိုသည်ကား တရားစီရင်သောနိရက်၌ ဘုရားသခင်သည် ထိုမြို့၏လူများထက် သောဒုံနှင့် ဂေါမောရ မြို့သူမြို့သားတို့ကို သာ၍ သနားကရုဏာကို ပြလိမ့်မည်။ 16 “နားထောင်ကတ်၊ မြီခွတ်အုပ်စုထဲသို့ သိုးတို့ကို စီရွတ်လိုက်သကဲ့သို့ သင်ရို့အား ငါ စီရွတ်လိုက်၏။ ထို့ကြောင့် သင်ရို့သည် မြို့ကဲ့သို့ လိမ္မာ၍ ဂြိုးငှက်ကဲ့သို့ အဆိပ်ကင်းကြလော့။ 17 သတိထားကတ်ပါ။ သင်ရို့ကို ဖမ်းဆီး၍ တရားရုံးသို့ အပ်နှံကြလိမ့်မည်၊ ထိုသူရို့သည် တရားဇရပ်များထဲ၌ သင်ရို့အား သတ်ပုတ်ကြလိမ့်မည်။ 18 ငါကြောင့် အာဏာပိုင်များနှင့် သျှင်ဘုရင်များ၏ရှီမောက်၌ စစ်ဆီးမိန်းမြန်းရန်လည်းကောင်း၊ ထိုသူရို့နှင့်တကွ တခြားလူမျိုးတို့ကို သတင်းကောင်းတရား ဟောကြားခြင်းငှာလည်းကောင်း သင်ရို့ကို ဖမ်းဆီးခေါ်ဆောင်လားကတ်လိမ့်မည်။ 19 ထိုသူရို့က

သင်ရိုးကို စစ်ဆေးမိန်းမြန်းရန် ခေါ်ဆောင်လာကြသောအခါ ဇာကိုပြောရမည် သို့မဟုတ် ဇာပိုင် ပြောရမည်ကို မစိုးရိမ်ကတ်ကျေ၊ အချိန်ရောက်လာသောအခါ သင်ရိုး ဇာကိုပြောရမည် ဆိုသည်ကို သိလာကတ်လိမ့်မည်။ 20 အကြောင်းမူကား၊ သင်ရိုးပြောရမည့်စကားသည် သင်ရိုး စကား မဟုတ်၊ ထိုစကားကို သင်ရိုးအဖွဲ့၏ဝိညာဉ်တော်က သင်ရိုးအားဖြင့် ပြောလိမ့်မည်။ 21 “ညီအစ်ကိုအချင်းချင်း တစ်ယောက်ကိုတစ်ယောက် အသိသတ်ကတ်လိမ့်မည်။ အဖက သားသမီးတို့ကိုလည်းကောင်း၊ သားသမီးက မိဖကိုလည်းကောင်း၊ အသိ သတ်ကတ်လိမ့်မည်။ 22 ငါ့ကြောင့် သင်ရိုးကို လူတိုင်းက မုန်းကတ်လိမ့်မည်။ သို့သော် အဆုံးထိတိုင်အောင် တည်ကြည်သောသူသည် ကယ်တင်ခြင်းခံရ လိမ့်မည်။ 23 မြို့တစ်မြို့၌ သင်ရိုးကို ညှဉ်းဆဲကြလျှင် တခြားမြို့ တစ်မြို့သို့ ထွက်ပြီးကြလော့။ ငါ အမှန်ဆိုသည်ကား သင်ရိုးသည် ဣသရေလမြို့ရွာအားလုံး၌ သင်ရိုး၏အလုပ် မပြီးစီးခင် လူသားသည် ကြွလာလိမ့်မည်။ 24 “ဆရာထက် သာသော တပည့် ဟူ၍ မဟိ၊ အသျှင်ထက် သာသော ကျွန်ဟူ၍ မဟိ။ 25 ထို့ကြောင့် တပည့်သည် ဆရာကဲ့သို့လည်းကောင်း၊ ကျွန်သည် အသျှင်ကဲ့သို့လည်းကောင်း ဖြစ်လာလျှင် ကြွနပ်လောက်ပေ၏။ အိမ်ထောင်ဦးစီးကို ဗေလဇေဗုလ ဟူ၍ ခေါ်ကြလျှင် အိမ်သူအိမ်သားတို့ကို ဤထက်ဆိုးသောနာမည်ဖြင့် ခေါ်ကြလိမ့်မည်။ 26 “ထို့ကြောင့် ထိုသူရိုးကို မကြောက်ကတ်ကျေ။ အဂု ဖုံးထားသည့်အရာဟူသမျှသည် ပေါ်လာကြလိမ့်မည်။ လျှို့ဝှက်ထားသောအရာအားလုံးသည်လည်း ထင်ရှားလာကြလိမ့်မည်။ 27 ငါသည် သင်ရိုးအား မှောင်မိုက်ထဲ၌ ပြောသောအရာများကို သင်ရိုးသည် အလင်းထဲ၌ ပြန်ပြောကြရလိမ့်မည်။ ဆိတ်ကွယ်ရာ၌ သင်ရိုးကြားရသောစကားကို သင်ရိုးသည် အိမ်ခေါင်မိုးထိပ်က ကြွေးကြော်ရလိမ့်မည်။ 28 ခန္ဓာကိုယ် ကိုသာ အသိသတ်နိုင်ပြီး စိတ်ဝိညာဉ်ကို အသိမသတ်နိုင်သော သူတို့ကို မကြောက်ကတ်ကျေ။ ခန္ဓာကိုယ်နှင့် စိတ်ဝိညာဉ်နှစ်ခုလုံးကို ငရဲထဲမှာ ဖျက်ဆီးနိုင်သော ဘုရားသခင် ကိုသာ ကြောက်ကြလော့။ (Geenna g1067) 29 စာငှက်နှစ်ကောင်ကို ဒင်္ဂါးတစ်ပြားနှင့် ဝယ်ရသည် မဟုတ်လား၊ သင်ရိုးအဖ အလိုမဟိလျှင် ထိုစာငှက်တစ်ကောင်မျှ မြှီကြီးထက်သို့ မကျစီရ။ 30 ထို့အပြင် သင်ရိုးဂေါင်းက ဆံပင်တို့ကို တောင်မှ တစ်ပင်မကျန် ရှိထားတော်မူ၏။ 31 ထို့ကြောင့် ဇာသူ့ကိုလေ မကြောက်ကတ်ကျေ၊ သင်ရိုးသည် များစွာသော စာငှက်တိထက် သာ၍ တန်ဖိုးဟိကြ၏။ 32 “ငါ့အား လူအများတိရှိ၌ ဝန်ခံသောသူကို ကောင်းကင်ဘုံသျှင် ငါ၏အဖရှိ ၌လည်း ငါ ဝန်ခံလိမ့်မည်။ 33 သို့ရာတွင် ငါ့ကို လူအများတိရှိမှာ ငြင်းပယ်သောသူကို ကောင်းကင်ဘုံသျှင် ငါ့အဖ၏ရှိ ၌လည်း ငါ ငြင်းပယ်လိမ့်မည်။ 34 “ဤလောကကြီးသို့ ငြိမ်သက်ခြင်းကို ယူဆောင်၍ ငါ ကြွလာသည် ဟု မထင်ကတ်ကျေ။ ငြိမ်သက်ခြင်းကို ယူဆောင်၍ ငါ ကြွလာသည် မဟုတ်၊ ပဋိပက္ခဖြစ်စီရန် ငါ ကြွလာခြင်းဖြစ်၏။ 35 သားက အဖကို ဆန့်ကျင်ဖက်ပြုခြင်းငှာ လည်းကောင်း၊ သမီးက အမိကို ဆန့်ကျင်ဖက်ပြုခြင်းငှာ လည်းကောင်း၊ ခြင်္သေ့က ယောက္ခမကို ဆန့်ကျင်ဖက်ပြုခြင်းငှာ လည်းကောင်း ငါ ကြွလာ၏။ 36 သင်၏မိသားစု ဝင်များသည် သင်၏အဆိုးဆုံးရန်သူများ ဖြစ်လာကြလိမ့်မည်။ 37 “မိမိ၏ အမိ အဖတို့ကို ငါ့ထက် သာ၍ ချစ်သောသူတို့သည် ငါ၏တပည့် မဖြစ်နိုင်၊ မိမိ၏သားသမီးတို့ကို ငါ့ထက် သာ၍ ချစ်သောသူတို့သည်လည်း ငါ၏တပည့် မဖြစ်နိုင်။ 38 မိမိ၏လက်ဝါးကပ်တိုင်ကို ထမ်း၍ ငါ၏ခြံရံနောက်သို့ မလိုက်သောသူတို့သည် ငါ့တပည့် မဖြစ်နိုင်။ 39 မိမိအသက်ကို ရခြင်းငှာ ကြိုးစားသောသူသည် အသက်ယှုံးလိမ့်မည်။ သို့သော်လည်း ငါ၏အကျိုးအလို့ငှာ မိမိအသက်ကို စွန့်သောသူသည်ကား အသက်ကို ရလိမ့်မည်။ 40 “သင်ရိုးကို ကြိုဆိုလက်ခံသောသူသည် ငါ့ကို ကြိုဆိုလက်ခံသောသူ ဖြစ်၏။ ငါ့ကို ကြိုဆိုလက်ခံသောသူသည်လည်း ငါ့ကို စီရော်သောသူတစ်ယောက်ကို ကြိုဆိုလက်ခံသူဖြစ်၏။ 41 ပရောဖက်တစ်ပါးကို ကြိုဆိုလက်ခံသောသူမည်သည်ကား ထိုသူသည် ပရောဖက်ဖြစ်သောကြောင့် ပရောဖက်၏အကျိုးကျေးဇူးကို ခံစားရလိမ့်မည်။ ထို့အပြင် သူတော်ကောင်းတစ်ယောက်ကို ကြိုဆိုလက်ခံသောသူ မည်သည်ကား ထိုသူသည် သူတော်ကောင်းဖြစ်သောကြောင့် သူတော်ကောင်းကပီးသော ကောင်းကျိုးကို ခံစားကြရလိမ့်မည်။ 42 ငါ၏တပည့်များထဲက အငယ်ဆုံးသောသူတစ်ယောက်ကို သူသည် ငါ၏တပည့်ဖြစ်ခြင်းကြောင့်

ရီအီးတစ်ခွက်ကို ပီးသောသူသည် ထိုရီတစ်ခွက်၏အကျိုးကို ဧကန်အမှန် ခံစားရပါလိမ့်မည်ဟု သင်ရိုးအား ငါ အမှန်ဆို၏” ဟု မိန့်တော်မူ၏။

11 ယေသျှုသည် တပည့်တော် တစ်ဆယ့်နှစ်ပါးကို ဆုံးမသြဝါဒ ပီးပြီးလျှင် ထိုနိရာမှ ထွက်ခွာ၍ အနီးအနားမြို့ရွာများသို့ ဆုံးမသြဝါဒပီးလျက် တရားဟောခြင်းငှာ ကြွတော်မူ၏။ **2** ခရစ်တော်ပြုတော်မူသည့် အရာများကို ဗတ္တိဇံယောဟန်သည် ထောင်ထဲမှ ကြားသောခါ သူ၏တပည့်တချို့ကို ကိုယ်တော့်ပါးသို့ စီစွပ်လိုက်၏။ **3** သူရိုက “ကိုယ်တော်သည် ဗတ္တိဇံယောဟန်ဟောထားသော ကြွလာတော်မူမည့် အသျှင်ဟုတ်ပါလား၊ ထိုသို့ မဟုတ်လျှင် အကျွန်ရိုသည် နောက်တစ်ပါးကို စောင့်နိုင်ရပါဖို့သိမ့်လား၊ အကျွန်ရိုကို ပြောပါ” ဟု ယေသျှုအား မိန်းကြ၏။ **4** ယေသျှုကလည်း “ပြန်လားကြပြီးလျှင် သင်ရို့ ကြားသမျှ မြင်သမျှတို့ကို ယောဟန်အား ပြန်ပြောကြလော့။ **5** မျက်စိကန်းသောသူများ ပြန်မြင်ကြပြီ၊ ခြံထောက်ကျိုးသောသူတို့လည်း လမ်းလျှောက်နိုင်ကြပြီ၊ နှုနာစွန့်သည့်သူတို့လည်း နှုနာပျောက်ကင်းကြပြီ၊ နားပင်းသောသူတို့လည်းနားကြားနိုင်ကြပြီးလျှင် သီသောသူတို့လည်း ထမြောက်ကြပြီ၊ ဆင်းရဲသားတို့လည်း သတင်းကောင်းကို ကြားရကြပြီ။ **6** ငါ့အကြောင်းကို စိတ်မပျက်သောသူများသည် မင်္ဂလာဟုကြ၏” ဟု မိန့်တော်မူ၏။ **7** ယောဟန်၏တပည့်များ ပြန်လားကြသောအခါ ယေသျှုက ယောဟန်နှင့် ပတ်သက်၍ လူထုပရိတ်သတ်အား မိန့်တော်မူသည်မှာ၊ “သင်ရို့သည် ယောဟန်နီထိုင်ရာ တောကန္တာရထဲသို့ လားကြသောအခါ ဇာချင်ကို မြင်တို့ဖို့ မျှော်လင့်၍ လားကတ်ပါလဲ၊ လီတိုက်၍ လှုပ်နိုင်သော ကျူပင်ကို မြင်တို့ဖို့ လားကတ်စွာလား၊ **8** သို့တည်းမဟုတ်၊ သင်ရို့သည် ဇာကို မြင်တို့ဖို့ လားကတ်စွာလဲ၊ ကောင်းမွန်သော အဝတ်တန်ဆာကို ဝတ်ဆင်ထားသော သူတစ်ယောက်ကို မြင်တို့ဖို့ လားကတ်စွာလား၊ ထိုသို့သော အဝတ်တန်ဆာတို့ကို ဝတ်ဆင်လေ့ဟိသူများသည် နန်းတော်တွင်း၌သာ နီထိုင်ကြသည် မဟုတ်ပါလား၊ **9** ထို့အပြင် သင်ရို့သည် ဇာကို မြင်တို့ဖို့ ထွက်လားကတ်စွာလဲ၊ ပရောဖက်ကို မြင်တို့ဖို့ လားကတ်စွာလား၊ ငါ့ကို ပြောကြလော့။ ငါအမှန်ဆိုသည်ကား၊ သင်ရို့သည် ပရောဖက်ထက် ကြီးမြတ်သောသူကို မြင်တို့ ကြပြီးယာ။ **10** ကျမ်းစာ၌ ‘သင်၏လမ်းခရီးကို ပျင်ဆင်မည့် ငါ၏တမန်တော်တစ်ယောက်ကို သင်၏ဗိုလ် ငါ စီစွပ်လိုက်မည်’ ဟူ၍ ဖော်ပြထားသောသူမှာ ယောဟန်ပင်ဖြစ်၏။ **11** ငါ အမှန်ဆိုသည်ကား မိန်းမဗွီးသော သူတို့ထဲမှာ ဗတ္တိဇံယောဟန်လောက် ကြီးမြတ်သောသူ တစ်ယောက်မျှ မဟိခသိမ့်။ သို့ရာတွင် ကောင်းကင်နိုင်ငံ၌ အငယ်ဆုံးသောသူတစ်ယောက်သည် ယောဟန်ထက် သာ၍ ကြီးမြတ်၏။ **12** ယောဟန် လက်ထက်ကစ၍ အဂုဏာလတိုင်အောင် ကောင်းကင်နိုင်ငံတော်ကို အနိုင်အထက်ပြုနိုင်ကြ၏။ ထိုသို့သော ရက်စက်ယုတ်မာသောသူတို့သည် ကောင်းကင်နိုင်ငံတော်ကို လုယူရန် ကြိုးစားလျက်ဟိကြ၏။ **13** ဗတ္တိဇံယောဟန်၏ကာလ ရောက်သည့်တိုင်အောင် မောသျှု၏ ပညတ်ကျမ်းနှင့် ပရောဖက်အားလုံးသည် ကောင်းကင်နိုင်ငံတော်အကြောင်းကို ဟောပြောနိုင်ခဲ့ကြ၏။ **14** တဖန် သင်ရို့သည် ထိုပရောဖက်ရို့၏သတင်းစကားကို လက်ခံလိုစိတ် ဟိကြမည်ဆိုလျှင် ယောဟန်သည် ကြွလာတော်မူမည့် ဧလိယ ဖြစ်၏။ **15** နားဟိသောသူရို့ ကြားကတ်ပါစီ။ **16** “ဤခေတ်ကာလလူတို့ကို ဇာဥပမာနှင့် နှိုင်းပြရဖို့လဲ၊ သူရို့သည် ပွဲလမ်းသဘင်၌ ထိုင်နိုင်ကြသော သူငယ်တို့နှင့် တူ၏။ သူငယ်တစ်စုက အခြားတစ်စုကို လှမ်း၍ အော်ကြသည်မှာ၊ **17** ‘ငါရို့သည် သင်ရို့အတွက် နဲ့ကို ပျော်ရွှင်ဖွယ် တီးမှုတ်ကြသော်လည်း သင်ရို့သည် လိုက်၍ မကကြ။ ငါရို့သည် သင်ရို့အတွက် အလွမ်းတေးခြင်းကို ဆိုပီးနိုင်ကြသော်လည်း သင်ရို့သည် မငိုတတ်ကြ’ ဟူ၍ ဖြစ်၏။ **18** ဗတ္တိဇံယောဟန်သည် မစားမသောက်ဘဲ လာသောအခါ လူတိုင်းက ‘ဤသူသည် နတ်ဆိုးစွန့်သောသူပါတကား’ ဟု ပြောကြ၏။ **19** လူသားသည် စားသောက်လျက် လာသောအခါ၌လည်း လူတိုင်းက ‘ကြည့်ကတ်၊ ဤသူသည် အစားကြီးသောသူ၊ စပျစ်ရည်သောက်ကြူးသောသူပါတကား၊ အခွန်ကောက်ခံသောသူ၊ အပြစ်သားတို့၏ အပေါင်းအသင်းပါတကား’ ဟု ပြောကြပြန်၏။ သို့သော်လည်း ဘုရားသခင်သည် မိမိ၏ဉာဏ်ပညာကို

မိမိဖန်ဆင်းထားသော အရာများဖြင့် အမှန်ပင် ဖော်ပြလျက်ဟိ၏။” 20 ထို့နောက် ယေသျှုသည် မိမိ၏နိမိတ်လက္ခဏာကို အများဆုံး ပြတော်မူသောမြို့များမှ လူရှိသည် နောင်တမရကြသောကြောင့် ထိုမြို့ များကို အပြစ်တင်တော်မူ၏။

21 “အို၊ ခေါရာဇိန်မြို့၊ သင်သည် အမင်္ဂလာဟိ၏။ အို၊ ဗက်ဇဒမြို့ သင်သည် အမင်္ဂလာဟိ၏။ သင်ရှိအား ငါ ပြသော နိမိတ်လက္ခဏာတို့ကို တုရုနှင့် ဇိဒန်မြို့၌သာ ငါ ပြလျှင် ထိုမြို့သူမြို့သားများသည် ထိုကာလ၌ လျှော်တေအဝတ်ကို ဝတ်ကာ ပြာမှာ လူးလျက် မိမိရိုအပြစ်မှ နောင်တရကြောင်းကို ဖော်ပြကြလိမ့်မည်။ 22 ငါအမှန်ဆိုသည်ကား၊ တရားစီရင်မည့်နိရက်၌ တုရုမြို့နှင့် ဇိဒန်မြို့မှ လူရှိသည် ဘုရားသခင်၏ သနားကရုဏာကို သင်ရိုထက် သာ၍ ခံစားကြလိမ့်မည်။ 23 အို၊ ကပေရနောင့်မြို့ သင်သည် မိမိကိုယ်ကို ကောင်းကင်နိုင်ငံထိတိုင်အောင် ချီးမြှောက်လိုသော်လည်း သင်သည် ငရဲထဲသို့ ပစ်ချခြင်းကို ခံရလိမ့်မည်။ အကြောင်းမူကား၊ သင်၌ ငါ ပြသော နိမိတ်လက္ခဏာကို သောဒုံမြို့၌သာ ပြလျှင် ထိုမြို့သည် အဂုဏာလတိုင်အောင် တည်နိုင်လိမ့်မည်။ (Hadēs g86) 24 တရားစီရင်သောနိရက်၌ ဘုရားသခင်သည် သောဒုံအရပ်ဒေသကို သင်ရိုထက် သနားခြင်းကရုဏာပြုလိမ့်မည်မှာ အမှန်ပင် ဖြစ်၏” ဟု မိန့်တော်မူ၏။ 25 ထိုအခါ ယေသျှုက “ကောင်းကင်နှင့် မြီကြီး၏အသျှင်သခင်ဖြစ်တော်မူသောအဖ၊ ကိုယ်တော်သည် ပညာဟိတိအား ဂုဏ်ထားသောအရာများကို အသျှေတိအား ဖွင့်ပြကာ သွန်သင်တော်မူသောကြောင့် ကျေးဇူးတော်ကို ချီးမွမ်းပါ၏။ 26 မှန်ပါ၏ အဖ၊ ဤသို့ ဖြစ်လာခြင်းသည် အဖ၏ အလိုတော်ကြောင့်သာ ဖြစ်ရပါ၏။ 27 “ငါ၏အဖသည် အရာဝပ်သိမ်းကို သားတော်အား ပီးထားပြီးဖြစ်၏။ အဖက လွဲ၍ သားတော်ကို တစ်ယောက်လည်း မသိကြ။ ထိုနည်းတူ သားတော်နှင့် သားတော်က ဖွင့်ပြရန် ရှီးချယ်သောသူရှိမှလွဲ၍ ခမည်းတော်ကို တစ်ယောက်လည်း မသိကြ။ 28 “လေးသောဝန်ကို ထမ်း၍ ပင်ပန်းနိန့်ကြသော သူအပေါင်းရှိ၊ ငါ့ထံသို့ လာကြလော့၊ ငါသည် သင်ရိုကို ချမ်းသာပီးမည်။ 29 ငါ့ထမ်းပိုးကို ယူ၍ သင်ရိုထက်မှာ တင်ကြလော့၊ ငါ့ထံ၌ သင်ခန်းစာ ယူကြလော့၊ ငါသည် နှည့်သိမိမ့်၍ စိတ်နှလုံးနှိမ့်ချသောသူ ဖြစ်သဖြင့် သင်ရိုသည် စိတ်သက်သာခြင်း ရကြလိမ့်မည်။ 30 အကြောင်းမူကား သင်ရိုကို ငါပီးမည့် ထမ်းပိုးသည် ထမ်းရလွယ်၍ သင်ရိုထက်မှာ ငါတင်ပီးမည့်ဝန်သည်လည်း ပေါ့၏။”

12 ထိုနောက် ယေသျှုသည် ဥပုသ်နိတစ်နိဉ် သီးနှံခင်းများကို ဖြတ်၍ ကြွတော်မူစဉ်၊ သူ၏တပည့်တော်တို့သည် ဝမ်းဆာသောကြောင့် သီးနှံများကို စားရန် ခူးဆွတ် ကြ၏။ 2 ထိုအခြင်းအရာကို ဖာရိယုရိုသည် မြင်ကြသောအခါ သူရိုက “ကြည့်လိုက်ပါ၊ ဥပုသ်နိဉ် ကိုယ်တော်၏တပည့်တော်တို့ ဤသို့ ပြုခြင်းသည် ငါရို၏ပညတ်တရားကို ဆန့်ကျင်နိုင်ကြခြင်း ဖြစ်၏” ဟု ယေသျှုကို ပြောကြ၏။ 3 ယေသျှုက “ဒါဝိဒ်သည် သူနှင့် သူ့အဖော်တို့ ဝမ်းဆာလာကြသောအခါ ဇာပိုင် လုပ်ခသည်ကို သင်ရို တစ်ခါမျှ မဖတ်ဖူးကြလော့။ 4 သူသည် ဘုရားသခင်၏အိမ်တော်ထဲသို့ ဝင်၍ ယဇ်ပုရောဟိတ်တိသော စားခွင့်ဟိသော ဘုရားသခင်အား ပူဇော်ထားသည့်မှန်ကို ယူ၍ သူနှင့် သူ့လူတို့သည် ပညတ်တရားကို ချိုးဖောက်လျက် စားခကြ၏။ 5 ဤတင်မကသိမ့်၊ ဗိမာန်တော်၌ဟိသော ယဇ်ပုရောဟိတ်များသည် ဥပုသ်နိတိုင်းတွင် ၎င်းဥပုသ်နိနှင့် ပတ်သက်သောပညတ်တရားများကို ချိုးဖောက်ကြသော်လည်း သူရိုသည် အပြစ်မကျ။ ဟု မောသျှေ၏ပညတ်ကျမ်း၌ ရိုးထားသည်ကို သင်ရိုသည် မဖတ်ဖူးကတ်လား။ 6 ငါဆိုသည်ကား၊ ဗိမာန်တော်ထက် ကြီးမြတ်သောအရာသည် ဤအရပ်၌ ဟိ၏။ 7 ‘တိရုစ္ဆာန်နှင့် ယဇ်ပူဇော်ခြင်းအကျင့်ထက် သနားကရုဏာထားခြင်းအကျင့်ကို ငါ အလိုဟိ၏’ ဟု ကျမ်းစာက ပြောထား၏။ ဤကျမ်းစာ ဆိုလိုချက်ကို သင်ရိုသည် အမှန်အကန် နားလည်ကြမည်ဆိုလျှင် အပြစ်မဟိသောသူကို အပြစ်တင်ကြလိမ့်မည် မဟုတ်ပေ။ 8 လူသားသည် ဥပုသ်နိ၏ အသျှင်သခင် ဖြစ်၏။” 9 ယေသျှုသည် ထိုနီရာမှထွက်၍ တရားဇရပ်တစ်ခုသို့ ဝင်ရောက်လေ၏။ 10 ထိုနီရာ၌ လက်တစ်ဖက်သီနိန်သော လူတစ်ယောက်ဟိ၏။ ယေသျှုကို အမှားရှာ၍ အပြစ်တင်စွပ်စွဲလိုသော လူအချို့သည်လည်း ထိုနီရာ၌ ဟိနိန်ကြ၏။ ထို့ကြောင့် ထိုသူရိုက “ဥပုသ်နိမှာ အနာရောဂါပျောက်စီခြင်းသည် ငါရို၏ ပညတ်တရားကို ဆန့်ကျင်သည် မဟုတ်ပါလား” ဟု မိန့်ကြ၏။

11 ယေသျှုက “အကယ်၍ သင်ရိုသဲက တစ်ယောက်ယောက်မှာ သိုးတစ်ကောင်ဟိ၏။ ထိုသိုးသည် ဥပုသ်နိဋ္ဌ တွင်းနက်ကြီးတစ်ခုထဲသို့ ကျန်ရှိလျှင် သင်ရိုသည် ထိုသိုးကို တွင်းထဲက ဆယ်တင်ကြမည်လော။ မဆယ်တင်ဘဲ နီကြမည်လော။ 12 လူတစ်ယောက်သည် သိုးတစ်ကောင်ထက် သာ၍ တန်ဖိုးကြီး၏။ သို့ဖြစ်၍ ဥပုသ်နိဋ္ဌ တစ်စုံတစ်ယောက်ကို ကူညီခြင်းငှာ ငါရို၏ပညတ်တရားက ငါရိုကို ခွင့်ပြုထား၏” ဟု မိန့်တော်မူ၏။ 13 ထို့နောက် ယေသျှုက လက်တစ်ဖက်သီနှိန်သောသူအား “သင်၏လက်ကို ဆန့်လိုက်” ဟု မိန့်တော်မူသည့်အတိုင်း၊ ထိုသူသည် လက်ကို ဆန့်လိုက်လျှင် ထိုလက်သည် အခြားလက်တစ်ဖက်ကဲ့သို့ အကောင်းပကတိ ဖြစ်လားလေ၏။ 14 ထိုအခါ ဖာရိယုရိုသည် တရားဇရပ်မှ ထွက်လား ကြပြီးလျှင် ယေသျှုကို သတ်ရန် ကြံစည်ကြလေ၏။ 15 ယေသျှုသည် သူ့အား လျှို့ဝှက်ကြံစည် နိန့်ကြသည့်အကြောင်းကို ကြားသောခါ၊ ထိုအရပ်မှ ကြွတော်မူ၏။ လူအုပ်ကြီးကလည်း ကိုယ်တော်နောက်သို့ လိုက်လာကြ၏။ ကိုယ်တော်သည် မကျန်းမာသူအားလုံးကို ကျန်းမာစီတော်မူပြီးလျှင်၊ 16 သူ၏အကြောင်းကို တခြားလူတို့အား မပြောကြရန် မိန့်မှာတော်မူ၏။ 17 ဤသို့ ပြုတော်မူခြင်းမှာ ပရောဖက် ဟေသျှုယအားဖြင့် ပြောထားသည့်ကျမ်းစကားတိ မှန်လာခြင်း ဖြစ်၏။ ကျမ်းစာလာသည်ကား၊ 18 “ဤသူကား ငါ ရှိုးချယ်ထားသော ငါ၏ကျွန် ဖြစ်၏။ ဤသူသည် ငါ့ကို ရွှင်လန်းစီ၍ ငါချစ်ရသောသူ ဖြစ်၏။ ငါ၏ဝိညာဉ်ကို သူ၌ တည်စီမံမည်။ သူသည် လူအမျိုးမျိုးတို့အား ငါ၏တရားစီရင်ခြင်းအကြောင်းကို ဟောပြောလိမ့်မည်။ 19 သူသည် အော်ဟစ်ခြင်း၊ ငြင်းခုံခြင်းကို မပြုသည်ဖြစ်၍ သူ၏အသံကို လမ်းများ၌ မည်သူမျှ မကြားစီရ။ 20 ကောက်နိန့်သော ကျူပင်ချေတစ်ပင်ကို မချိုး၊ မီးတောက်ငယ်တစ်ခုကို မမှုတ်သတ်၊ တရားမျှတမှုကို အောင်မြင်သည့်တိုင်အောင် မဆုတ်မနစ်ဆက်လက် ဆောင်ရွက်လိမ့်မည်ဖြစ်၍ 21 လူမျိုးအားလုံးက သူ့ကို မျှော်လင့်နိန့်ကတ်လိမ့်မည်” ဟူ၍ ဖြစ်သတည်း။ 22 ထို့နောက် လူအချို့သည် နတ်ဆိုးဝင်ပူးသောကြောင့် မျက်စိကန်း၍ စကားအ နိန့်သော သူတစ်ယောက်ကို ယေသျှုပါးသို့ ယူလာကြ၏။ ယေသျှုသည် ထိုသူအား ကျန်းမာစီတော်မူသဖြင့် ထိုသူသည် မျက်စိမြင်၍ စကားပြောနိုင်လေ၏။ 23 ယေသျှုပြုတော်မူသောအမှုကို လူအပေါင်းရိုးသည် အံ့သြကြလေ၏။ “ဤသူသည် ဒါဝိဒ်၏သား ဖြစ်သလော” ဟူ၍ သူရိုက မိန်းမြန်းကြ၏။ 24 ဤအကြောင်းကို ဖာရိယုတိကြားသောခါ၊ “သူသည် နတ်ဆိုးတို့ကို မောင်းထုတ်နိုင် သည်မှာ နတ်ဆိုးခေါင်းဆောင် ဗေလဇေဗုလက တန်ခိုးပီးထားသောကြောင့်ဖြစ်၏” ဟု ပြန်ပြောကြ၏။ 25 ယေသျှုသည် ထိုသူရို၏စိတ်ကို သိသောကြောင့် “တိုင်းနိုင်ငံတစ်ခု၌ အုပ်စုကွဲပြီး အချင်းချင်း တိုက်ခိုက်နိန့်ကြလျှင် ထိုနိုင်ငံသည် မရပ်တည်နိုင်။ မိသားစုတစ်စု၊ မြို့ရွာတစ်ခုသည်လည်း အချင်းချင်း ကွဲပြားနိန့်ကြလျှင် ထိုမိသားစု၊ ထိုမြို့ရွာတို့သည်လည်း မရပ်တည်နိုင်။ 26 စာတန်က စာတန်ကို မောင်းထုတ်နိုင်လျှင် သူသည် မိမိကိုယ်တိုင် ကွဲပြားအောင်လုပ်နိုင်ခြင်းဖြစ်၏။ ထိုသို့ ဆိုသော် သူ၏နိုင်ငံသည် ဇာပိုင် ရပ်တည်နိုင်မည်နည်း။ 27 ငါသည် ဗေလဇေဗုလ၏တန်ခိုးကို အမှီပြု၍ နတ်ဆိုးတို့ကို မောင်းထုတ်နိုင်သည်ဟု သင်ရိုက ဆိုလျှင် သင်ရို၏တပည့်တို့သည် ဇာသူတန်ခိုးဖြင့် နတ်ဆိုးတို့ကို မောင်းထုတ်နိုင်ကတိစွာလဲ။ သင်ရိုတပည့်တို့က သင်ရို၏အမှားကို သက်သီပြနိုင်ကြ၏။ 28 ငါသည် ဗေလဇေဗုလနတ်ဆိုး၏တန်ခိုးနှင့် လုပ်နိုင်သည် မဟုတ်၊ ဘုရားသခင်ဝိညာဉ်တော်တန်ခိုးဖြင့် နတ်ဆိုးတို့ကို နှင်ထုတ်နိုင်ခြင်းဖြစ်၏။ သို့ ဖြစ်၍ ဘုရားသခင်နိုင်ငံတော်သည် သင်ရိုပါးသို့ ရောက်နိုင်ယာ။ 29 “ခွန်အားကြီးသော လူတစ်ယောက်၏ အိမ်သို့ ဝင်၍ ထိုသူ၏ပစ္စည်းများကို လူယူမည်ဆိုလျှင် ထိုသူကို ဦးစွာ ချိုင့်ထားပြီးမှ သူ၏အိမ်၌ ဟိသောပစ္စည်းများကို ရယူနိုင်လိမ့်မည်။ 30 “ငါဖက်၌ မဟိသောသူသည် ငါ့ကို ဆန့်ကျင်ဘက် ပြုနိုင်သောသူ ဖြစ်၏။ ငါနှင့်အတူ တစ်စုတည်း မဟိသောသူသည် ပြန်ကြနိန့်သောသူ ဖြစ်၏။ 31 သို့ဖြစ်၍ ငါဆိုသည်ကား လူတို့သည် နှုတ်ဖြင့် ပြစ်မှားမိသော အပြစ်နှင့် အပြစ်အမျိုးမျိုးမှ ခွင့်ခွတ်ခြင်းရနိုင်ကြ၏။ သို့ရာတွင် သန့်ယှင်းသောဝိညာဉ်တော်ကို နှုတ်ဖြင့် ပြစ်မှားမိသောသူသည် အပြစ်မှ ခွင့်ခွတ်ခြင်း မရနိုင်။ 32 ဇာသူမဆို လူသားကို ဆန့်ကျင်ပြောဆိုမိသောသူသည် အပြစ်မှ ခွင့်ခွတ်ခြင်း ရနိုင်၏။ သို့ရာတွင် သန့်ယှင်းသောဝိညာဉ်တော်ကို

“အပင်ကောင်းလျှင် ထိုအပင်၏အသီးသည် ကောင်းလိမ့်မည်၊ အပင်မကောင်းလျှင် ထိုအပင်၏အသီးသည် ကောင်းလိမ့်မည် မဟုတ်။ အသီးအားဖြင့် အပင်၏သဘောကို သိရ၏။ 34 မြို့ဆိုးအမျိုးရိုး သင်ရိုးကဲ့သို့ လူဆိုးလူယုတ်တို့၏နှုတ်ထဲက ကောင်းသောစကားတို့ ဇာပိုင် ထွက်လာနိုင်ဖို့လဲ။ စိတ်နှလုံးထဲ၌ ပြည့်လျှံလာသောကြောင့် နှုတ်မှ ထွက်လာခြင်းဖြစ်၏။ 35 ကောင်းသောသူသည် ကောင်းသောဘဏ္ဍာတိုက်ထဲက ကောင်းသောအရာတို့ကိုသာ ထုတ်ဖော်တတ်၏။ မကောင်းသောသူသည် မကောင်းသောဘဏ္ဍာတိုက်ထဲက မကောင်းသောအရာတို့ကိုသာ ထုတ်ဖော်တတ်၏။ 36 “သို့ရာတွင် သင်ရိုးကို ငါဆိုသည်ကား တရားစီရင်သည့်နိရုဏ်၌ လူတိုင်းသည် မိမိပြောသမျှသော အကျိုးမဟိသည့်စကားအတွက် ပီးဆပ်ကြရလိမ့်မည်။ 37 အကြောင်းမူကား သင်ရိုး၏စကားအားဖြင့် သင်ရိုးသည် အပြစ်လွတ်ကြလိမ့်မည်၊ ပြီးနောက် သင်ရိုး၏စကားဖြင့် သင်ရိုးသည် ပြစ်ဒဏ်စီရင်ခြင်းကို ခံကြရလိမ့်မည်။” 38 ထို့နောက် ကျမ်းတတ်ဆရာတချို့နှင့် ဖာရိယုတချို့က “ဆရာ၊ အကျွန်ုပ်ရုံသည် ကိုယ်တော်ပြသော နိမိတ်လက္ခဏာတစ်ခုကို မြင်ချင်ပါ၏” ဟု ကိုယ်တော်ကို တောင်းလျှောက်ကြ၏။ 39 ယေသျှုက “ဆိုးယုတ်ပြီး ဘုရားတရားမရှိကြသော ဤခေတ်လူရိုး သင်ရိုးသည် ငါ့အား နိမိတ်လက္ခဏာကို တောင်းဆိုနိုင်ကတ်တေလား။ မဖြစ်နိုင်။ သင်ရိုးကို ပြမည့်နိမိတ်လက္ခဏာမှာ ပရောဖက်ယောန၏ နိမိတ်လက္ခဏာမျှသာ ဖြစ်၏။ 40 ယောနသည် ငါးကြီးဝမ်းခေါင်းထဲ၌ သုံးရက်နှင့် သုံးည ကြာနိုင်ခဲ့သည့်နည်းတူ လူသားသည် မြို့ကြီးထဲမှာ သုံးရက်နှင့် သုံးည နီရလိမ့်မည်။ 41 တရားစီရင်သည့်နိရုဏ်၌ နိနောဓမြို့သူပြီးသားတို့သည် သင်ရိုးတစ်ဘက်မှာရပ်လျက် သင်ရိုးကို အပြစ်တင်ကဲ့ရဲ့ကြလိမ့်မည်။ အကြောင်းမူကား သူရိုးသည် ယောန ဟောသောတရားကို ကြားသောအခါ အပြစ်မှ နောင်တရကြသောကြောင့်ဖြစ်၏။ ငါ့အမှန်ဆိုသည်ကား၊ ယောန ထက် ကြီးမြတ်သောသူသည် ဤအရပ်၌ ဟိ၏။ 42 တရားစီရင်သည့်နိရုဏ်၌ တောင်ပြည်ကို အုပ်စိုးရသည့်မိဖုရားသည် သင်ရိုးတစ်ဖက်၌ ရပ်၍ သင်ရိုးကို ပြစ်တင်ကဲ့ရဲ့လိမ့်မည်။ အကြောင်းမူကား ထိုမိဖုရားကြီးသည် သျှောလမုန်မင်းကြီး၏ ပညာတရားကို နာယူလို၍ ခရီးအဝီးကြီးက လာရောက်လေ့ဟိ၏။ ငါ့အမှန်ဆိုသည်ကား၊ သျှောလမုန်ထက် ကြီးမြတ်သောသူသည် ဤအရပ်၌ ဟိ၏။ 43 “ဝိညာဉ်ဆိုးတစ်ကောင်သည် လူတစ်ယောက်ထဲက ထွက်လာသောအခါ အလွန်ခြောက်သို့သော အရပ်ဒေသတစ်ခုလုံးကို လှည့်လည်လျက် နားခိုမည့်နီရာတစ်ခုကို လိုက်ရှာ၏။ တစ်နီရာ မတို့လျှင် 44 ‘ငါ ထွက်လာသည့် အိမ်သို့ ပြန်လားရဖို့’ ဟု သူ့ကိုသူ ပြောလျက်၊ ထိုအိမ်သို့ ပြန်လာ၍ ထိုအိမ်၌ နီထိုင်သူ တစ်ယောက်လည်း မဟိဘဲ၊ သန့်ယုင်း သပ်ယပ်လျက်ဟိသည်ကို တွေ့ရ၏။ 45 ထိုအခါ ဝိညာဉ်ဆိုးသည် ထွက်လားပြီးနောက် မိမိထက်ဆိုးသော တခြား ဝိညာဉ်ဆိုး ခုနစ်ကောင်ကို ခေါ်၍ ထိုအိမ်သို့ ပြန်လာကာ ဝင်ရောက်နီထိုင်လေ၏။ ထိုအခါ ထိုသူ၏ နောက်မှဖြစ်လာသောအခြေအနေသည် ရှိကဖြစ်ခဲ့သည့်အခြေအနေထက် သာ၍ ဆိုးလေ၏။ ဤခေတ်ကာလ၏ ဆိုးသောသူတို့သည်လည်း ဤသို့ ဖြစ်လာကြလိမ့်မည်” ဟု မိန့်တော်မူ၏။ 46 ယေသျှုသည် ပရိသတ်တို့နှင့် စကားပြောနိုင်သောအခါ သူ့အမိနှင့် သူ၏ညီအစ်ကိုတို့ ရောက်လာကြ၏။ သူရိုးသည် သူနှင့် စကားပြောချင်၍ အပြင်က ရပ်စောင့်နိုင်ကြ၏။ 47 ပရိသတ်ထဲမှ တစ်ယောက်က “ကြည့်လိုက်ပါ၊ ကိုယ်တော်၏အမိနှင့် ညီအစ်ကိုရိုးသည် ကိုယ်တော်နှင့် စကားပြောချင်၍ အပြင်မှာ ရပ်စောင့်နိုင်ကြ၏” ဟု ပြော၏။ 48 ယေသျှုက “ငါ့အမိသည် ဇာသူနည်း၊ ငါ့ညီအစ်ကိုတိကား ဇာသူရို့ဖြစ်သနည်း” ဟူ၍ မိန်း၏။ 49 ထို့နောက် ကိုယ်တော်က သူ၏တပည့်တော်တို့ကို လက်ညှိုးထိုးပြပြီးလျှင် “ကြည့်ကတ်ပါ၊ ဤနီရာ၌ ဟိသောသူတို့သည် ငါ့အမိနှင့် ငါ့ညီအစ်ကိုတို့ ဖြစ်ကြ၏။ 50 ကောင်းကင်ဘုံသျှင် ငါ့အဖ၏ အလိုတော်ကို လုပ်ဆောင်သောသူသည် ငါ့အမိ၊ ငါ့ညီအစ်ကိုနှင့် ငါ့ညီမဖြစ်ကြ၏” ဟု မိန့်တော်မူ၏။

13 ထိုနိဉ် ယေသျှုသည် အိမ်မှထွက်၍ အိုင်ဘေးနားသို့ လားပြီးလျှင် တရားဟောခြင်းငှာ ထိုင်တော်မူ၏။ 2 လူအုပ်ကြီးသည် ကမ်းခြံ၌ ရပ်နီကြစဉ်တွင် ကိုယ်တော်၏ပတ်လည်၌ စုရုံးရောက်လာကြသည့်လူတို့သည်

အလွန်များလာကြသဖြင့် ကိုယ်တော်သည် လောင်းတစ်စင်းထက်သို့ တက်၍ ထိုင်လေ၏။ 3 ကိုယ်တော်သည် ပုံဥမာတိနှင့် ခိုင်းနှိုင်းကာ သူရိုအား ဆုံးမသြဝါဒ ပီးတော်မူ၏။ တစ်ခါက လူတစ်ယောက်သည် မျိုးစုံကြွရန်လားခ၏။ 4 မျိုးစုံတိကို လယ်ထဲ၌ ကြသည့်အခါ မျိုးစုံတချို့သည် လမ်းမှာကျသဖြင့် ငှက်တိ လာ၍ ကောက်စားပလိုက်ကြ၏။ 5 တချို့မျိုးစုံတိသည် မြီဆီလွှာနည်းသော ကျောက်တောမှာ ကျကြ၏။ ထိုမျိုးစုံတိသည် မြီဆီလွှာပါးသောကြောင့် ချက်ချင်း အညှောက်ပေါက်ကြ၏။ 6 သို့သော်လည်း အမြစ်များသည် ကျောက်ခဲတိကို မထိုးဖောက်နိုင်သောကြောင့်၊ နီထွက်လာသောအခါ အပင်ချေတိကို နီပူလောင်သဖြင့် ထိုအပင်ချေတိသည် ချက်ချင်း ခြောက်လားကြ၏။ 7 အချို့မျိုးစုံတိသည် ဆူးပင်များကြား၌ ကျသဖြင့်၊ ဆူးပင်တိသည် ကြီးထွားကာ ထိုအပင်ချေတိကို ဖိစီးထားကြ၏။ 8 သို့သော် မျိုးစုံတချို့သည် ကောင်းသောမြီဆီလွှာမှာ ကျသဖြင့် အပင်များသည် အသီးသီးကြပြီးလျှင် အဆသုံးဆယ်၊ အဆခြောက်ဆယ်၊ အဆတစ်ရာ စသည်ဖြင့် ပွားများကြလေ၏။ 9 ယေသျှုက “နားဟိသောသူတိ ကြားကတ်ပါစီ” ဟူ၍ အဆုံးသတ်လေ၏။ 10 ထို့နောက် တပည့်တော်ရှိသည် ယေသျှုပါးသို့ ချဉ်းကပ်၍ “ကိုယ်တော်သည် လူတိကို ပြောသည့်အခါ ပုံဥမာတိကို ဇာကြောင့် အသုံးပြုပါလဲ” ဟု မိန့်ကြ၏။ 11 ယေသျှုကလည်း “သင်ရှိသည် ကောင်းကင်နိုင်ငံတော်နှင့် ပတ်သက်သော နက်နဲခက်ခဲသည့် လျှို့ဝှက်ချက်တိကို သိရသောအခွင့်ဟိကြသော်လည်း ထိုသူရိုမျှကား သိခွင့်မဟိကြ။ 12 ထို့ကြောင့် ရတတ်သောသူကို သာ၍ ပြည့်စုံစီခြင်းငှာ တဖန်ထပ်၍ ပီးလိမ့်မည်၊ ဆင်းရဲသောသူ၌ သူ့မှာဟိသမျှကို နုတ်ယူလိမ့်မည်။ 13 ငါသည် သူရိုကို ပုံဥမာတိသုံး၍ ပြောရသည့်အကြောင်းရင်းမှာ၊ ဤသူရိုသည် ကြည့်သော်လည်း မမြင်၊ နားထောင်သော်လည်း မကြား၊ နားမလည်ကြသည့်အတွက်ကြောင့်ဖြစ်၏။ 14 ထို့ကြောင့် ပရောဖက်ဟေသျှုယက သူရိုကို ဤသို့ ဟောထားခ၏။ “ဤသူရိုသည် နားထောင်ပြီးယင်း နားထောင်သော်လည်း နားမလည်ကတ်၊ သူရိုသည် ကြည့်ပြီးယင်း ကြည့်သော်လည်း မမြင်ကတ်။ 15 ဇာကြောင့်လဲဆိုကေ၊ သူရို၏စိတ်နှလုံးသည် အမှောင်ဖုံးနိုင်သောကြောင့်ဖြစ်၏။ သူရို၏နားသည် ပင်းနိုင်ကတ်၏။ သူရို၏မျက်စိသည်လည်း ကန်းနိုင်ကတ်၏။ ထိုသို့ မဟုတ်လျှင် သူရိုမျက်စိသည် မြင်ကတ်လိမ့်မည်။ နားသည်လည်း ကြားကတ်လိမ့်မည်။ သူရို၏အသိစိတ်ထဲမှာ နားလည်သဘောပေါက်ကြလျှင် သူရိုသည် ငါ့ပါးသို့ ပြန်လှည့်လာကြလိမ့်မည်ဟု ဘုရားသခင်က မိန့်တော်မူ၏။ ငါသည်လည်း သူရိုကို ကျန်းမာစီမည်။” 16 “သို့သော် သင်ရှိ၏မျက်စိတိသည် မြင်သောကြောင့်၊ သင်ရှိ၏နားတိသည် ကြားသောကြောင့် မင်္ဂလာဟိကြ၏။ 17 သင်ရှိကို ငါ အမှန်ဆိုသည်ကား ပရောဖက်တိနှင့် ဘုရားသခင်၏လူတိသည် သင်ရှိမြင်သည့်အရာများကို အလွန် မြင်ချင်သော်လည်း မမြင်ခရကတ်။ သင်ရှိကြားသည့်အရာများကို အလွန် ကြားချင်သော်လည်း မကြားခရကတ်။ 18 “မျိုးစုံကြသူ ပုံဥမာ၏ ဆိုလိုရင်းကို နားထောင်၍ သင်ခန်းစာယူကြလော့။ 19 နိုင်ငံတော်၏တရားစကားကို ကြားသော်လည်း နားမလည်သောသူသည် လမ်းတလျှောက်မှာ ကျန်နိုင်သည့် မျိုးစုံများနှင့် တူ၏။ နတ်ဆိုးသည် လာ၍ သူရို၏စိတ်နှလုံးထဲ၌ ဟိသောတရားစကားကို လုယူဖယ်ပွားတတ်၏။ 20 ကျောက်ခဲမြီမှာ ကျသည့် မျိုးစုံများသည်ကား တရားစကားကို ကြားသည်နှင့် ဝမ်းမြောက်စွာ လက်ခံတတ်သောသူကို ဆိုလိုခြင်းဖြစ်၏။ 21 သို့သော်လည်း ထိုတရားစကားသည် သူရို၏ စိတ်နှလုံးထဲ၌ အမြစ်မစွဲသဖြင့် ကြာရှည်စွာမခံ၊ ထိုတရားစကားကြောင့် အမှုအခင်း သို့မဟုတ် နှိပ်စက်ညှဉ်းဆဲခြင်းနှင့် ကြုံတို့ရသောအခါ သူရိုသည် ချက်ချင်း ဖောက်ပြန်လားတတ်ကြ၏။ 22 ဆူးပင်များကြား၌ ကျသောမျိုးစုံဟူသည်ကား တရားစကားကို ကြားသော်လည်း ဤဘဝအတွက် စိုးရိမ်စိတ်များနှင့် လောကီတပ်မက်မှုများက တရားစကားကို လွှမ်းမိုးကြီးစိုးထားသဖြင့် အသီးမသီးနိုင်သောသူကို ဆိုလိုခြင်းဖြစ်၏။ (aiōn g165) 23 ထို့နောက် ကောင်းသောမြီမှာ ကျသောမျိုးစုံ တိသည်ကား တရားစကားကို ကြား၍ သဘောပေါက်နားလည်ပြီး အဆသုံးဆယ်၊ အဆခြောက်ဆယ်၊ အဆတစ်ရာ၊ စသည်ဖြင့် ပွားများကာ အသီးကို သီးတတ်သောသူတိကို ဆိုလိုခြင်းဖြစ်သည်” ဟု မိန့်တော်မူ၏။ 24 ယေသျှုသည် သူရိုအား အခြားသောပုံဥမာကို ဆောင်၍ မိန့်တော်မူသည်မှာ “ကောင်းကင်နိုင်ငံတော်သည် ဤပုံဥမာနှင့်

တူ၏။ လူတစ်ယောက်သည် မိမိလယ်၌ ကောင်းသောမျိုးစိကို ကြွထားခ၏။ 25 တစ်ညတွင် လူတို့ အိပ်နိုင်ကြသောအခါ ရန်သူတစ်ဦးသည် လာ၍ ဂျုံမျိုးစိများကြားထဲ၌ မြက်ရိုင်းမျိုးစိများကို ကြွထားခပြီး၊ အဝီးကို ထွက်လားခ၏။ 26 အပင်တိကြီးထွားလာပြီး ကောက်နှံထွက်လာချိန်တွင် ဂျုံပင်တိနှင့်အတူ မြက်ရိုင်းပင်တိလည်း ပေါ်ထွက်လာ၏။ 27 ယင်းအခါ အခိုင်းအစီတိက ပိုင်သျှင်ပါးသို့ ရောက်လာကာ ‘ဆရာ၊ လယ်ကွက်ထဲ၌ ကောင်းသောဂျုံမျိုးစိများကိုသာ ကြွခသည် မဟုတ်ပါလား၊ ဤမြက်ရိုင်းပင်တိသည်ကား ဇာက ရောက်လာကတ်ပါလဲ’ ဟု မိန်းကြ၏။ 28 ပိုင်သျှင်က ‘ဤသည်ကား ရန်သူတချို့ ကြွထားခစွာ ဖြစ်တေ’ ဟု ပြန်ပြော၏။ ‘အကျွန်ုပ်ရဲ့သည် ဤမြက်ရိုင်းပင်တိကို လား၍ နုတ်ပစ်ခီရပါဖို့လား’ ဟု သူရို့က မိန်းကြ၏။ 29 ပိုင်သျှင်က ‘နုတ်စရာမလို၊ ဇာကြောင့်လဲဆိုကော မြက်ရိုင်းပင်တိကို နုတ်လိုက်လျှင် ထိုအပင်တိနှင့်အတူ ဂျုံပင်တိပါ ရောပါလားလိမ့်မည်။ 30 ရိတ်သိမ်းချိန်ရောက်သည့်တိုင်အောင် မြက်ရိုင်းပင်တိသည် ဂျုံပင်တိနှင့်အတူ ကြီးထွားနိုင်ကတ်ပါစီ။ ရိတ်သိမ်းချိန်ရောက်ခါမှသာ မြက်ရိုင်းပင်တိကို ဦးစွာ ရှီးနုတ်ပြီး စုစည်းကာ မီးရှို့ပစ်လိုက်ကတ်၊ ဂျုံနှုတ်ကိုမူကား ရိတ်သိမ်း၍ ပုတ်ထဲမှာ စုထားလိုက်ကတ်ဟု ကောက်ရိတ်သမားတို့ကို ငါ မှာထားမည်’ ဟု မိန့်တော်မူ၏။” 31 ယေသျှုသည် အခြားသော ပုံဥပမာတစ်ခုကို သူရို့အား ပြောပြသည်မှာ “ကောင်းကင်နိုင်ငံတော်သည် ဤပုံဥပမာနှင့် တူ၏။ လူတစ်ယောက်သည် မုန့်ညှင်းစိ တစ်စုံကို ယူ၍ သူ၏လယ်ထဲ၌ ကြွလိုက်၏။ 32 မုန့်ညှင်းစိသည် မျိုးစိအားလုံးထဲမှာ အသေးငယ်ဆုံးဖြစ်သော်လည်း အပင်ပေါက်၍ ကြီးလာသောခါ သီးနှံပင်အားလုံးထဲမှာ အကြီးဆုံး အပင်တစ်ပင် ဖြစ်လာ၏။ အပင်ကြီးတစ်ပင် ဖြစ်လာသောအခါတွင် ငှက်တိ လာ၍ ထိုအပင်၏ အကိုင်းအခက်များ၌ မိမိရို၏အသိုက်များကို တည်ဆောက်တတ်ကြ၏” ဟူ၍ မိန့်တော်မူ၏။ 33 ယေသျှုသည် တပည့်တော်တို့အား အခြားသော ပုံဥပမာတစ်ခု၌ မိန့်တော်မူသည်မှာ၊ “ကောင်းကင်နိုင်ငံတော်သည် ဤကဲ့သို့ ဖြစ်၏။ မိန်းမတစ်ယောက်သည် တဆီးအချို့ကို ယူ၍ မုန့်ညက်သုံးတောင်းနှင့် ရောနယ်လိုက်သောအခါ ထိုတဆီးသည် မုန့်ညက်အားလုံးကို ဖောင်းပွလားစီတတ်၏” ဟု မိန့်တော်မူ၏။ 34 ယေသျှုသည် လူထုပရိသတ်များအား ဟောပြောသောခါတိုင်း၌ ပုံဥပမာများကို အသုံးပြုတော်မူ၏။ ကိုယ်တော်သည် သူရို့အား ပုံဥပမာမသုံးဘဲ ဇာအကြောင်းကိုမျှ ဟောပြောတော်မမူ။ 35 ဤသို့ ဟောပြောရသည့်အကြောင်းမှာ ပရောဖက် ဟောထားခသော ကျမ်းစကား ပြည့်စုံလာခြင်းဖြစ်၏။ ထိုကျမ်းစကားများမှာ၊ “သူရို့ကို ငါ ပြောသောအခါ ပုံဥပမာများကိုသာ အသုံးပြုမည်။ ဤလောကကို ဖန်ဆင်းစဉ်ကတည်းကပင် သူရို့မသိယောင် ဝှက်ထားသောအရာများကို ငါသည် ဖော်ထုတ်၍ ပြောရလိမ့်မည်” ဟု ဖြစ်သတည်း။ 36 ယေသျှုသည် လူစုလူဝေးကို ထားခပြီး အိမ်ထဲသို့ ဝင်ရောက်လာ၏။ သူ၏တပည့်တော်ရို့သည်လည်း နောက်တော်သို့ လိုက်လာလျက်၊ “အကျွန်ုပ်ရို့အား မြက်ရိုင်းပင်၏ ပုံဥပမာအကြောင်းကို ယှင်းပြတော်မူပါ” ဟု လျှောက်ကြ၏။ 37 ယေသျှုကလည်း “လူသားသည် ကောင်းသောမျိုးစိကို ကြွသောသူဖြစ်၏။ 38 လယ်ကွက်သည်ကား လောကဖြစ်၏။ ကောင်းသောမျိုးစိ ဟူမူကား နိုင်ငံတော်သားတိ ဖြစ်ကြပြီး၊ မြက်ရိုင်းပင်များမှာ နတ်ဆိုး၏သားများ ဖြစ်ကြ၏။ 39 မြက်ရိုင်းမျိုးစိကို ကြွသောရန်သူမှာ မာရ်နတ်ဖြစ်၏။ ရိတ်သိမ်းသောကာလသည်ကား ကပ်ကမ္ဘာကုန်ဆုံးချိန် ဖြစ်၍ ကောက်ရိတ်သမားများမှာ ကောင်းကင်တမန်များဖြစ်ကြ၏။ (aiōn g165) 40 မြက်ရိုင်းပင်တိကို စုသိမ်း၍ မီးရှို့သကဲ့သို့ ကပ်ကမ္ဘာကုန်ဆုံးချိန်၌ ထိုသို့ ဖြစ်လိမ့်မည်။ (aiōn g165) 41 လူသားသည် မိမိ၏ကောင်းကင်တမန်တိကို စီစွတ်ပြီး မကောင်းမှုကို ပြုသောသူတို့နှင့် အပြစ်သို့ သွီးဆောင်သောသူ အားလုံးကို သူ၏နိုင်ငံတော်ထဲက ရှီးထုတ်ရန် သူ၏ကောင်းကင်တမန်များကို စီစွတ်လိမ့်မည်။ 42 ထို့နောက် ထိုကောင်းကင်တမန်များသည် ထိုသူရို့ကို မီးအိုင်ထဲသို့ ပစ်ချလိမ့်မည်။ ထိုသူရို့သည် ထိုမီးအိုင်ထဲ၌ အံသွားခဲကြိတ်ကာ ငိုကျွီးရကြလိမ့်မည်။ 43 ထို့နောက် ဘုရားသခင်၏ လူတိသည်ကား သူရို့အဖ၏နိုင်ငံတော်၌ နီကဲ့သို့ ထွန်းလင်းကြလိမ့်မည်။ နားဟိသောသူရို့ ကြားကတ်ပါစီ” ဟု မိန့်တော်မူ၏။ 44 “ကောင်းကင်နိုင်ငံတော်သည် ဤကဲ့သို့ ဖြစ်၏။ လူတစ်ယောက်သည် လယ်ကွက်တစ်ခု၌ ဝှက်ထားသော ပစ္စည်းဥစ္စာကို တွံ့၏။ ထိုသူသည် ထိုပစ္စည်းဥစ္စာကို

တဖန် ဖုံးအုပ်ထားခဲ့ပြီးလျှင် ဝမ်းမြောက်သောစိတ်ဖြင့် ပြန်လားကာ သူ၌ ဟိသမ္မု ပစ္စည်းကို ရောင်း၍ ထိုလယ်ကို ဝယ်၏။

45 “ကောင်းကင်နိုင်ငံတော်သည် ဤကဲ့သို့လည်း ဖြစ်၏။ လူတစ်ယောက်သည် ကောင်းသော ပုလဲကို ရှာနိန်၏။ **46** ထိုသူသည် ထူးဆန်းသောပုလဲကို တွေ့သောအခါ သူသည် ပြန်လား၍ မိမိ၌ ဟိသမ္မုကို ရောင်းချပြီးလျှင် ထိုပုလဲကို ဝယ်ယူလေ၏။ **47** “ကောင်းကင်နိုင်ငံတော်သည် ဤကဲ့သို့လည်း ဖြစ်၏။ တံငါသည် တချို့သည် သူရို၏ငါးဖမ်းပိုက်ကို အိုင်၌ ချကာ ငါးမျိုးစုံတို့ကို ဖမ်းကြ၏။ **48** ငါးမျိုးစုံတို့ ပိုက်မှာ ကျန်ရှိကြသောအခါ ထိုတံငါများသည် ပိုက်ကို သောင်ပြင်သို့ ဆွဲတင်၍ ငါးရွီးရန် ထိုင်ကြ၏။ ကောင်းသောငါးများကို ပလိုင်းထဲသို့ ထည့်ကြပြီးလျှင် မကောင်းသောငါးများကိုမူကား ဝေးပစ်လိုက်ကြ၏။ **49** ကပ်ကမ္ဘာကုန်ဆုံးချိန်၌ ဤကဲ့သို့ ဖြစ်လာလိမ့်မည်။ ကောင်းကင်တမန်တို့ ဆင်းလာကြပြီးလျှင် ဖြောင့်မတ်သောသူရို့အထဲမှ ဆိုးသောသူတို့ကို ရွီးထုတ်ကာ (aiōn g165) **50** မီးအိုင်ထဲသို့ ပစ်ချကြလိမ့်မည်။ ထိုသူရို့သည် ထိုမီးအိုင်ထဲ၌ အံသွားခဲကြိတ်၍ ငိုကျွေးရကြလိမ့်မည်။ **51** “သင်ရို့သည် ဤအရာများကို နားလည်ကတ်လား” ဟု ယေသျှုက မိန်းတော်မူသောအခါ၊ တပည့်တော်ရို့က “နားလည်ပါရေ” ဟု ပြန်၍လျှောက်ကြ၏။ **52** ထိုအခါ ကိုယ်တော်ကလည်း “ကောင်းကင်နိုင်ငံတော်၌ တပည့်တော် တစ်ယောက်ဖြစ်လာသော ကျမ်းတတ်ဆရာသည်ကား မိမိအိမ်၏စတုရန်းထဲက ပစ္စည်းအဟောင်းနှင့် အသစ်များကို ထုတ်ယူသုံးစွဲတတ်သော အိမ်သျှင်နှင့် တူ၏” ဟု မိန့်တော်မူ၏။ **53** ယေသျှုသည် ဤပုံဥပမာများကို ပြောပြီးနောက် ထိုအရပ်မှ ထွက်ခွာပြီးလျှင် **54** သူ၏ဇာတိမြို့သို့ ပြန်ကြွတော်မူ၏။ တရားဇရပ်၌ ဆုံးမဩဝါဒများကို သွန်သင်တော်မူ၍ ကြားနာသောသူများသည် အလွန်အံ့ဩကြ၏။ “ဤသူကား ဤသို့သောပညာကို ဇာနီရာက ရလာစွာလဲ။ သူသည် ဤနိမိတ်လက္ခဏာတို့ကို ဇာကြောင့် လုပ်နိုင်စွာလဲ။ **55** သူသည် လက်သမား၏သားဖြစ်သည် မဟုတ်လား။ သူ့အမိသည် မာရ်ဖြစ်ပြီး ယာကုပ်၊ ယောဟန်၊ သျှိုမုန် နှင့် ယုဒရို့သည် သူ၏ညီအစ်ကိုတို့ ဖြစ်ကြသည် မဟုတ်လား။ **56** သူ၏ညီမတိလည်း ဤအရပ်၌ နီထိုင်ကြသည် မဟုတ်ပါလား။ သူသည် ဤအရာတို့ကို ဇာနီရာက ရလာစွာလဲ” ဟု အချင်းချင်း ပုတ်ခတ်ပြောဆိုလျက် **57** ကိုယ်တော်ကို ငြင်းပယ်ကြ၏။ ထို့ကြောင့် ယေသျှုက သူရို့အား “ပရောဖက်တစ်ယောက်သည် မိမိဇာတိမြို့နှင့် မိမိ၏မိသားစုကလွဲ၍ နီရာတိုင်းမှာ အရိအသိခံရ၏” ဟူ၍ မိန့်တော် မူ၏။ **58** သူရို့သည် မယုံကြည်ကြသောကြောင့် ကိုယ်တော်သည်လည်း ထိုအရပ်၌ နိမိတ်လက္ခဏာများစွာကို ပြတော်မမူခဲ့ပေ။

14 ထိုအချိန်၌ ဂါလိလဲပြည်ကို အုပ်ချုပ်သည့် ဟေရုဒ်မင်းသည် ယေသျှုအကြောင်းကို ကြားလေ၏။ **2** ထိုအခါ သူက “ဤသူသည် သီခြင်းက ထမြောက်လာသော ဗတ္တိဇံယောဟန် အမှန်ပင်ဖြစ်၏။ ထို့ကြောင့် နိမိတ်လက္ခဏာတို့ကို ပြရန် တန်ခိုးဟိ၏” ဟု မိမိအရာဟိတို့ကို ပြော၏။ **3** ဟေရုဒ်မင်းသည် မိမိ၏ညီ ဖိလိပ္ပု၏မယား ဟေရောဒိနှင့် ပတ်သက်၍ ယောဟန်ကို သံကြိုးနှင့် ချိုင့်၍ ဖမ်းဆီးကာ ထောင်ထဲ၌ ချထားခ၏။ **4** အကြောင်းမူကား၊ ဗတ္တိဇံယောဟန်က “သင်သည် ဟေရောဒိကို လက်ထပ်ခြင်းသည်ကား တရားတော်နှင့် မကိုက်ညီ” ဟု မကြာမကြာ ပြောဆိုခြင်းကြောင့် ဖြစ်၏။ **5** ဟေရုဒ်သည် ယောဟန်ကို သတ်လိုသော်လည်း ယုဒလူများက သူသည် ပရောဖက်တစ်ပါးဖြစ်သည် ဟု သိနိန်ကြသောကြောင့် ထိုသူရို့ကို ကြောက်နိန်ကြ၏။ **6** ဟေရုဒ်၏မွီးနို့ပွဲတွင် ဟေရောဒိ၏သမီးသည် ပရိသတ်တိရိစ္ဆာန်တွင် ကပြဖျော်ဖြေ၏။ ဟေရုဒ်မင်းသည် အလွန်စိတ်ရွှင်လန်းသည်ဖြစ်၍ **7** “သင်တောင်းသမျှကို ငါ ပီးမည်ဟု သင့်ကို ငါ ကျိန်ပြော၏” ဟု သူမအား ကတိပီးလိုက်၏။ **8** ထိုမိန်းမငယ်ကလည်း သူမ၏မိခင် အကြံပီးထားသည့်အတိုင်း “ဗတ္တိဇံယောဟန်၏ဦးဂေါင်းကို ဤဗျူထက်၌ အဂုပင်လျှင် ပီးတော်မူပါ” ဟု တောင်းလေ၏။ **9** ထိုအခါ မင်းကြီးသည် အလွန် စိတ်ထိခိုက်သော်လည်း ဧည့်ပရိသတ်တို့ရှင်တွင် ကတိပီးထားပြီးဖြစ်သောကြောင့်၊ သူမ၏ဆန္ဒအတိုင်း လုပ်ပီးရန် အမိန့်ပီးလိုက်၏။ **10** ယေဇူးနုနု ထောင်ထဲ၌ ချထားသော ယောဟန်၏ဦးဂေါင်းကို ဖြတ်ပြီးလျှင် **11** ဗျူ၌ ထည့်၍ သူမအား ပီးလိုက်၏။ သူမသည် ယောဟန်၏ဦးဂေါင်းကို မိခင်၏လက်သို့ အပ်လေ၏။ **12** ယောဟန်၏တပည့်များသည်လည်း ယောဟန်၏ အလောင်းကို သယ်ယူ၍ သင်္ဂြိုဟ်ကြ၏။ ထို့နောက်

သူရိသည့် လား၍ ယေသျှုအား ပြောကြလေ၏။ **13** ယေသျှုသည် ယောဟန်၏သတင်းကို ကြားသောခါ၊ ထိုအရပ်မှ လောင်းတစ်စီးဖြင့် လူသူကင်းမဲ့ရာအရပ်သို့ တစ်ယောက်တည်း ကြွတော်မူ၏။ ဤသတင်းကို လူတိကြားသောအခါ မိမိရှိပြီဟုအသီးသီးမှ ထွက်၍ ကုန်းကြောင်းခရီးဖြင့် ကိုယ်တော်၏နောက်သို့ လိုက်ကြ၏။ **14** ယေသျှုသည် လောင်းထက်မှ ဆင်းပြီးနောက် လူအုပ်ကြီးကို မြင်သောအခါ စိတ်နှလုံးထဲ၌ အလွန် သနားတော်မူသည်ဖြစ်၍ မကျန်းမာသောသူများကို ကျန်းမာစီတော်မူ၏။ **15** ထိုနိဉာဏ်၌ တပည့်တော်တို့သည် ကိုယ်တော်အပါးသို့ ရောက်လာကြပြီးလျှင် “မိုးချုပ်ပြီဖြစ်၍ လူသူကင်းမဲ့သည့် အရပ်ဖြစ်၏။ ဤသူရိအဖို့ စားစရာဝယ်ခြင်းငှာ လူအချို့ကို ကျေးရွာများသို့ စီစွပ်တော်မူပါ” ဟု လျှောက်ကြ၏။ **16** ယေသျှုကလည်း “သူရိလားစရာမလို၊ သင်ရိုကိုယ်တိုင် သူရိကို စားစရာ တစ်စုံတစ်ခု ပီးကတ်ရဖို့” ဟု မိန့်တော်မူ၏။ **17** ထိုအခါ တပည့်တော်တို့က “အကျွန်ရဲ့အားလုံးမှာ မုန့်ငါးလုံးနှင့် ငါးနှစ်ကောင်ရာ ဟိပါ၏” ဟု ပြန်လျှောက်ကြ၏။ **18** ကိုယ်တော်ကလည်း “ထိုသို့ဆိုသော်၊ သင်ရိုမှာ ဟိသောအရာများကို ငါးပါးသို့ ယူလာကတ်” ဟု မိန့်တော်မူ၏။ **19** ကိုယ်တော်သည် လူပရိသတ်တို့ကို မြက်ခင်းပြင်ထက်မှာ ထိုင်ခိုင်းလိုက်၏။ ထို့နောက် မုန့်ငါးလုံးနှင့် ငါးနှစ်ကောင်ကို ယူ၍ ကောင်းကင်သို့ မျှော်ကြည့်လျက် ဘုရားသခင်၏ကျေးဇူးတော်ကို ချီးမွမ်းပြီးမှ မုန့်ကိုဖွဲ၍ တပည့်တော်တို့ကို ပီး၏။ တပည့်တော်တို့သည် ထိုမုန့်ကို လူတိအား ဝိဝုပီးကြ၏။ **20** လူအားလုံး ဝစ္စာစားကြပြီးမှ၊ စားကြွင်းစားကျန်တို့ကို လိုက်၍ ကောက်သိမ်းသောအခါ တောင်းနှင့် တစ်ဆယ့်နှစ်တောင်း အပြည့် ရ၏။ **21** စားသုံးကြသောလူဦးရေမှာ မိန်းမနှင့် အသွေတိမပါဘဲ၊ ယောက်ျားတို့ချည်း သီးသန့် ၅,၀၀၀ ခန့် ဟိလေ၏။ **22** ယေသျှုသည် လူတို့ကို ပြန်ရွတ်တော်မူစဉ်၊ တပည့်တော်ရိုကိုလည်း လောင်းထဲသို့ ဝင်ခိုင်းကာ အိုင်တစ်ဘက်ကမ်းသို့ သူ၏ရှိုက ကူးခိုင်းလိုက်၏။ **23** လူတို့ကို ပြန်ရွတ်လိုက်ပြီးနောက် ကိုယ်တော်သည် ဆုတောင်းရန် တောင်ကုန်းထက်သို့ တက်လား၏။ ညအချိန်ရောက်သောအခါ ကိုယ်တော်သည် ထိုအရပ်၌ တစ်ယောက်တည်း ဟိလေ၏။ **24** ထိုအချိန်၌ လောင်းသည် ကမ်းနှင့် ဝီးကွာလာသောခါ၊ လီဆန်ဖြစ်သောကြောင့် လှိုင်းထသဖြင့် လောင်းသည် လူးလွန်လျက် ဟိ၏။ **25** မိုးသောက်ဘက် သုံးချက်တီးချိန်နှင့် ခြောက်ချက်တီးအချိန်ကြားတွင် ယေသျှုသည် ရီထက်၌ လမ်းလျှောက်၍ တပည့်တော်တို့ပါးသို့ လာ၏။ **26** ထိုသို့ ကိုယ်တော်သည် ရီထက်က လမ်းလျှောက်လာသည်ကို တပည့်တော်ရိုသည် မြင်ကြသောအခါ ထိန်လန်တုန်လှုပ်လျက်၊ “ဆစ်စီ” ဟု ကြောက်ရွံ့စွာ အော်ဟစ်ကြ၏။ **27** ယေသျှုလည်း ချက်ချင်းပင် “မကြောက်ကတ်ကော့၊ တည်ကြည်ကြလော့၊ ငါရာဖြစ်၏” ဟု ပြန်ပြောလေ၏။ **28** ထိုအခါ ပေတရုက “သခင်ဘုရား၊ ကိုယ်တော်သာမန်လျှင် အကျွန်လည်း ရီထက်က လမ်းလျှောက်၍ ကိုယ်တော်ပါးသို့ လာစီခြင်းငှာ မိန့်တော်မူပါ” ဟု လှမ်း၍ ပြော၏။ **29** ယေသျှုကလည်း “လာလော့” ဟု အမိန့် ပီးလိုက်သည်နှင့် ပေတရုသည် လောင်းထဲက ဆင်းကာ ရီထက်မှာ လမ်းလျှောက်၍ ယေသျှုပါးသို့ လား၏။ **30** သို့သော် သူသည် လီကြမ်းတိုက်သည်ကို သတိထားမိသဖြင့် ကြောက်စိတ်ဝင်လာ၍ ရီထဲသို့ မြုပ်လှသည်ဟိသော် “အသျှင်၊ အကျွန်ကို ကယ်တော်မူပါ” ဟု အော်ဟစ်လေ၏။ **31** ယေသျှုသည် ချက်ချင်း လက်ကို ဆန့်၍ ပေတရုကို ဆွဲကိုင်ပြီးလျှင် “ယုံကြည်ခြင်းအားနည်းသောသူ ဇာကြောင့် မယုံသင်္ကာဖြစ်နိုင်လဲ” ဟု မိန့်တော်မူ၏။ **32** သူရိနှစ်ယောက်သည် လောင်းထက်သို့ ရောက်သောအခါ လီသည်လည်း ငြိမ်လေ၏။ **33** ထိုအခါ လောင်းထဲ၌ ဟိသောတပည့်တော်တို့က ယေသျှုကို ကိုးကွယ်လျက် “ကိုယ်တော်သည် ဘုရားသား အမှန်ပင် ဖြစ်၏” ဟု လျှောက်ကြလေ၏။ **34** ယေသျှုနှင့် တပည့်တော်ရိုသည် အိုင်ကို ဖြတ်၍ ဂန့်သရက်အရပ်သို့ ရောက်လာကြ၍ **35** ထိုအရပ်၌ နီထိုင်ကြသော လူများက ကိုယ်တော်ကို သိကြ၏။ ထို့ကြောင့် သူရိသည် ပတ်ဝန်းကျင်အနီးအနားမှ မကျန်းမာသောသူများကို ယေသျှုထံသို့ ခေါ်ဆောင်လာကြ၏။ **36** ထိုမကျန်းမာသောသူများက ကိုယ်တော်၏ဝတ်ရုံအနားပန်းဖွားကို တို့ခွင့်ရစီခြင်းငှာ တောင်းဆိုကြ၏။ ဝတ်ရုံအစွန်အဖျားချေကို တို့ရုံမျှဖြင့် လူမမာတိအားလုံး ကျန်းမာကြလေ၏။

15 ထိုအခါ ဟရိယုနှင့် ကျမ်းတတ်ဆရာတချို့သည် ယေရုဆလင်မြို့မှ ယေသျှုပါးသို့ ရောက်လာကြပြီးလျှင်

2 “ကိုယ်တော်၏တပည့်တော်တို့သည် အစာမစားခင် လက်ကို မဆီးကြသည်မှာ အကျွန်ုပ်ရဲ့အဖိုးအဖိုးတိ၏ ရိုးရာအစဉ်လာကို ချိုးဖျက်နိုင်ကုန်၏။ ဇာကြောင့်ပါလဲ” ဟု ကိုယ်တော်ကို မိန်းကြ၏။ **3** ယေသျှုကလည်း “သင်ရဲ့သည် ဘုရားသခင်၏ပညတ်တော်တို့ကို ချိုးဖျက်၍ သင်ရဲ့ဖိုးဖိုးများ၏သွန်သင်မှုနောက်ကို လိုက်နိုင်ကြသည်မှာ ဇာကြောင့်လဲ ဟု မိန့်တော်မူ၏။ **4** ဘုရားသခင် မိန့်တော်မူသည်ကား ‘သင်ရဲ့၏ အမိနှင့် အဖကို ရိုသီစွာ ပြုကြပါ’ ထို့နောက် ‘သင်ရဲ့သည် သင်ရဲ့၏အမိ သို့မဟုတ် အဖကို ကျိန်ဆဲသောသူသည် အသိသတ်ခြင်းကို ခံထိုက်၏။’ **5** သို့ရာတွင်၊ လူတစ်ယောက်၌ သူ၏အမိ သို့မဟုတ် အဖအား ထောက်ပံ့ရန် ပစ္စည်းတစ်စုံတစ်ခု ဟိသော်လည်း ‘ဤအရာသည် ဘုရားသခင်နှင့် သက်ဆိုင်တော်မူ၏။’ **6** မိမိ၏အဖအား ကန်တော့ရန် မလို ဟူ၍ ပြောဆိုလျက် သင်ရဲ့သည် သွန်သင်နိုင်ကြ၏။ ဤနည်းအားဖြင့် သင်ရဲ့သည် ဖိုးဖိုးရဲ့၏သွန်သင်မှုနောက်ကို လိုက်နာရန် ဘုရားသခင်၏ပညတ်တော်ကို ပယ်ထားကြ၏။ **7** သူတော်ကောင်းယောင်ဆောင်သောသူရဲ့၊ ပရောဖက် ဟေသျှုယသည် သင်ရဲ့အတွက် ဟောထားခဲ့သည်မှာ ကောင်းကောင်း မှန်နိုင်၏။ **8** “ဤလူတို့ကား ငါ့ကို နှုတ်ဖြင့်သာ ရိုသေကြ၏။ စိတ်နှလုံးမူကား ငါနှင့် အမှန်ပင် ဝီးကွာလျက် ဟိကြ၏။ **9** ငါ့အား ဝတ်ပြုခြင်းသည် သူရဲ့အတွက် အချည်းနှီးဖြစ်၏။ အကြောင်းမူကား သူရဲ့သည် လူ၏ကျင့်ဝတ်ကို ငါ၏ ပညတ်ကဲ့သို့ သွန်သင်နိုင်ကြ၏။” **10** ထို့နောက် ယေသျှုသည် လူအပေါင်းရဲ့ကို မိမိထံပါးသို့ ခေါ်ပြီးလျှင်၊ “နားထောင်၍ သဘောပေါက်ကြလော့။ **11** လူတစ်ယောက်၏ ခံတွင်းထဲသို့ ဝင်သောအရာများသည် ထိုသူကို ညစ်ညမ်းစီသည်မဟုတ်။ ထိုသူ၏ခံတွင်းထဲမှ ထွက်လာသောအရာများကသာ ထိုသူကို ညစ်ညမ်းစီ၏” ဟု မိန့်တော် မူ၏။ **12** ထို့နောက် တပည့်တော်ရဲ့သည် ကိုယ်တော်ထံပါးသို့ လာ၍ “ကိုယ်တော် ပြောသောစကားကြောင့် ဖာရိယုရဲ့သည် အလွန် စိတ်နာကြသည်ကို ကိုယ်တော်သိပါလား” ဟု လျှောက်ကြ၏။ **13** ယေသျှုကလည်း “ကောင်းကင်ဘုံသျှင် အကျွန်ုပ်အဖ စိုက်တော်မမူသော အပင်ဟိသမျှသည် အမြစ်ပါ မကျန်ယောင် နတ်ပစ်ခြင်းခံရလိမ့်မည်။ **14** ဟရိယုတို့ကို စိုးရိမ်စရာမလို။ သူရဲ့သည် မျက်စိကန်းနိုင်သောသူရဲ့ကို လမ်းပြနိုင်ကြသော မျက်ကမ်းလမ်းပြများသာ ဖြစ်ကြ၏။ အကန်းကို အကန်းက လမ်းပြလျှင် ထိုသူနှစ်ယောက်စလုံးသည် ချောက်ထဲသို့ ကျလားကတ်လိမ့်မည်” ဟု မိန့်တော်မူ၏။ **15** ပေတရုကလည်း “ဤပုံပဃာကို အကျွန်ုပ်ရဲ့အား ယှင်းပြပီပီ” ဟု လျှောက်ဆို၏။ **16** ယေသျှုက “သင်ရဲ့သည် အခြားလူတို့ထက် သာလွန်သောဉာဏ်ပညာ မဟိကြသိမ့်ပါကား။ **17** လူတစ်ယောက်၏ခံတွင်းထဲသို့ ဝင်သောအရာဟူသမျှသည် သူ၏အစာအိမ်ထဲသို့ ဝင်လားပြီးနောက် ခန္ဓာကိုယ်၏ပြင်ပ ရီအိမ်ထဲသို့ ထွက်လားသည်ကို သင်ရဲ့ မသိကတ်သိမ့်လား။ **18** သို့သော်လည်း ခံတွင်းမှ ထွက်သောအရာများသည် စိတ်နှလုံးထဲမှ လာကြသောကြောင့် ကိုယ်ကျင့်သီလနှင့်ပတ်သက်၍ လူကို ညစ်ညမ်းစီတတ်၏။ **19** အဘယ်ကြောင့်ဆိုသော်၊ လူအသက်ကို သတ်ခြင်း၊ သူမယားကို ပြစ်မှားခြင်း၊ မတရားသောမေထုန်မှီဝဲခြင်း၊ သူတစ်ပါးဥစ္စာကို ခိုးယူခြင်း၊ မမှန်သောသက်သိခံခြင်း၊ သူတစ်ပါးကို အတင်းပြောခြင်း စသောအရာတို့ကို ပြုခြင်းငှာ ထိုသူအား ဦးဆောင်နိုင်သော မကောင်းသည့် အကြံအစည်များမှာ စိတ်နှလုံးထဲမှ ထွက်လာကြခြင်းဖြစ်၏။ **20** ဤအရာများသည် လူတစ်ယောက်ကို ညစ်ညမ်းစီသည့်အရာများ ဖြစ်ကြ၏။ သို့ရာတွင် သူရဲ့ပြောသည့်အတိုင်း လက်မဆီးဘဲ အစာစားခြင်းသည်ကား လူတစ်ယောက်ကို ညစ်ညမ်းစီသည် မဟုတ်” ဟု မိန့်တော်မူ၏။ **21** ယေသျှုသည် ထိုအရပ်မှ ထွက်ခွါပြီး တုရုနှင့် ဇိဒုန်မြို့ အနီးဝန်းကျင်ဒေသသို့ ကြွတော်မူ၏။ **22** ထိုဒေသ၌ နီထိုင်သော ခါနာန်မိန်းမ တစ်ယောက်သည် ယေသျှုပါးသို့ ရောက်လာပြီး “ဒါဝိဒ်၏သားတော် အကျွန်ုပ်ကို သနားတော်မူပါ အသျှင်၊ အကျွန်ုပ်၏သမီးသည် နတ်ဆိုး ဝင်ပူး၍ ပြင်းထန်စွာ ဝေဒနာခံစားနိုင်ရပါ၏” ဟု ငိုယို၍ လျှောက်လေ၏။ **23** သို့သော်လည်း ယေသျှုသည် သူမအား စကားတစ်ခွန်းမျှ ပြန်ပြောတော်မမူ။ ကိုယ်တော်၏တပည့်တော်ရဲ့သည် ကိုယ်တော်ပါးသို့ လာရောက်ကာ “သူမကို ပြန်ခိုင်းလိုက်ပါ။ သူမသည် နားပူနားဆာ လုပ်ကာ အကျွန်ုပ်ရဲ့နောက်က လိုက်နိုင်ပါရေ” ဟု တောင်းပန်ကြ၏။ **24** ယေသျှုကလည်း “ဣသရေလအမျိုးထဲမှ ပျောက်နိုင်ကြသောသိုးများ အတွက်သာ

ငါ့ကို စီစွတ်လိုက်၏” ဟု မိန့်တော်မူ၏။ 25 သို့သော်လည်း ထိုအမျိုးသမီးသည် ကိုယ်တော်၏ ခြံတော်ရင်းသို့ လာ၍ ပျပ်ပပ်လျက် “ဆရာ၊ အကျွန်ုပ်ကို ကူညီတော်မူပါ” ဟု လျှောက်၏။ 26 ယေသျှုကလည်း “သားသမီးတိ စားမည့်အစာကို ခွီးတိုက် မချပီးအပ်” ဟု ပြန်ပြောတော်မူ၏။ 27 မိန်းမကလည်း “မှန်ပါ၏ အသျှင်၊ သို့သော်လည်း ခွီးတိတောင်မှ မိမိသခင်၏စားပွဲက ကျလာသော စားကြွင်းစားကျန်တို့ကို စားရခွင့်ဟိပါ၏” ဟု လျှောက်လေ၏။ 28 ထို့နောက် ယေသျှုက “အချင်းမိန်းမ၊ သင်သည် ယုံကြည်ခြင်းကြီးမားသော သူတစ်ယောက် ဖြစ်၏။ သင် လိုသမျှ ပြည့်စုံပါစီ” ဟု မိန့်တော်မူ၏။ ထိုအခါတွင် ထိုမိန်းမ၏သမီးသည် ကျန်းမာခြင်းသို့ ပြန်ရောက်လေ၏။ 29 ယေသျှုသည် ထိုအရပ်မှ ထွက်၍ ဂါလိလဲအိုင်နားတလျှောက် ကြွတော်မူ၏။ ကိုယ်တော်သည် တောင်ကုန်းထက်သို့ တက်၍ ထိုင်တော်မူ၏။ 30 လူအပေါင်းရှိသည် ခြံမစွမ်းသူ၊ မျက်စိကန်းသူ၊ ကိုယ်အင်္ဂါချို့တဲ့သူ၊ ဆွံ့အသူများနှင့် တခြားရောဂါစွဲသူများကို ခေါ်ဆောင်လာကြပြီးလျှင် ကိုယ်တော်၏ခြံတော်ရင်း၌ ချထားကြ၏။ ကိုယ်တော်ကလည်း ထိုသူအပေါင်းရှိကို ကျန်းမာစီတော်မူ၏။ 31 သူရှိသည် ဆွံ့အ သူများ စကားပြောနိုင်သည်ကိုလည်းကောင်း၊ ကိုယ်အင်္ဂါချို့တဲ့သူများ ပကတိ ကျန်းမာခြင်း ရကြသည်ကိုလည်းကောင်း၊ ခြံမစွမ်းသူများ လမ်းလျှောက်နိုင်ကြသည်ကိုလည်းကောင်း၊ မျက်စိကန်းသူများ ပြန်မြင်နိုင်ကြသည်ကိုလည်းကောင်း တို့မြင်ရသောအခါ အံ့သြကြသည်ဖြစ်၍ ဣသရေလလူမျိုး၏ဘုရားသခင်ကို ချီးမွမ်းကြလေ၏။ 32 ယေသျှုသည် တပည့်တော်တို့ကို မိမိထံပါးသို့ ခေါ်ပြီးလျှင် “ငါသည် ဤလူတို့ကို သနားမိပါ၏။ ဇာကြောင့်လဲဆိုကော ဤသူရှိသည် သုံးရက်ကြာ ငါနှင့် အတူနီထိုင်ကြပြီးပြီဖြစ်၍ ဂုဏ်ရှိသော စားစရာတစ်ခုလေ မဟိကတိယာ။ ငါသည် သူရှိကို တစ်ခုလည်း မကျွေးဘဲ ပြန်မရွတ်ချင်၊ သူရှိသည် လမ်းခရီး၌ အားပြတ်ကြလိမ့်မည်” ဟု မိန့်တော်မူ၏။ 33 တပည့်တော်ရှိကလည်း “ဤကန္တာရတော၌ ဤမျှလောက် များစွာသောလူရှိကို ကျွေးမွီးခြင်းငှာ လုံလောက်သောအစာကို ဇာနီရာမှာ အကျွန်ုပ်ရရှိ ရှာရပါဖို့လဲ” ဟု လျှောက်တော်မူကြ၏။ 34 ယေသျှုက “သင်ရို့၌ မုန့် ဇာလောက်ဟိလဲ” ဟု မိန့်တော်မူလျှင်၊ တပည့်တော်ရှိက “မုန့်ခုနစ်လုံးနှင့် ငါးချေ အနည်းငယ် ဟိပါ၏” ဟု လျှောက်ကြလေ၏။ 35 ထိုအခါ ယေသျှုကလည်း လူတို့ကို မြီကြီးထက်မှာ ထိုင်ကြရန် မိန့်တော်မူ၏။ 36 ထို့နောက် ကိုယ်တော်သည် မုန့်ခုနစ်လုံးနှင့် ငါးများကို ယူ၍ ဘုရားသခင်အား ကျေးဇူးတော်ချီးမွမ်းပြီးမှ၊ မုန့်နှင့် ငါးကို ဖဲ့ပြီးလျှင် တပည့်တော်တို့အား ပီးလေ၏။ တပည့်တော်တို့ကလည်း ထိုမုန့်နှင့် ငါးကို လူတို့အား ဝီပီးကြ၏။ 37 လူအပေါင်းရှိသည် ဝစ္စာ စားကြလေ၏။ ပြီးနောက် တပည့်တော်ရှိသည် စားကြွင်းစားကျန်များကို ကောက်သိမ်းကြသောအခါ တောင်းခံခုနစ်လုံး အပြည့် ရလေ၏။ 38 စားသုံးသောသူများတွင် မိန်းမနှင့် သူငယ်တိ မပါဘဲ ယောက်ျားချည်းသက်သက် ၄,၀၀၀ ဟိလေ၏။ 39 ထို့နောက် ယေသျှုသည် လူတို့ကို ပြန်ရွတ်လိုက်ပြီးလျှင် လောင်းထက်သို့ တက်ကာ မာဂဒါလနယ်သို့ ကြွတော်မူ၏။

16 ယေသျှုထံပါးသို့ ရောက်လာကြသော ဖာရိယှုနှင့် ဇဒ္ဒကဲအချို့သည် ကိုယ်တော်ကို စုံစမ်းလိုစိတ်ဟိကြ၏။ ထို့ကြောင့် ဘုရားသခင်သည် ကိုယ်တော်ဖက်မှာဟိကြောင်း ထင်ရှားစီခြင်းငှာ နိမိတ်လက္ခဏာ တစ်ခုကို သူရို့အားလားပြရန် တောင်းဆိုကြ၏။ 2 သို့သော်၊ ယေသျှုက “နီဝင်ချိန်၌ ‘အာကာပြင်သည် အနီရောင်တောက်ပနိန်သောကြောင့် ရာသီဥတု သာယာမည်’ ဟု သင်ရို့သည် ပြောဆိုတတ်ကြ၏။ 3 မိုးထစောစော၌ ‘အာကာပြင်သည် နီ၍ မည်းမှောင်နိန်သောကြောင့် မိုးရွာမည်’ ဟု သင်ရို့သည် ပြောဆိုတတ်ကြ၏။ သင်ရို့သည် အာကာပြင်ကို ကြည့်၍ ရာသီဥတုကို ခန့်မှန်းနိုင်သော်လည်း မျက်မှောက်ကာလ၌ ဖြစ်နိုင်သော အမှတ်လက္ခဏာများ၏ အဓိပ္ပာယ်ကို မသိနိုင်ကတိပါတကား။ 4 အဂုကာလ၌ ဆိုးမိုက်၍ ဖောက်ပြန်နိုင်ကြသောသူရို့၊ သင်ရို့သည် ငါ့အား နိမိတ်လက္ခဏာ တစ်ခုကို တောင်းဆိုနိန်ကတိတေလား။ မဖြစ်နိုင်။ သင်ရို့ကိုပြမည့် နိမိတ်လက္ခဏာသည် ယောန၏နိမိတ်လက္ခဏာမျှသာဖြစ်သည်” ဟု ပြောဆိုပြီး၊ ကိုယ်တော်သည် သူရို့ကို ထားခပြီးလျှင် ထွက်ခွါလားတော်မူလေ၏။ 5 တပည့်တော်ရှိသည် အိုင်တစ်ဘက်ကမ်းသို့ ရောက်ကြသောအခါ သူရို့သည် မည်သည့်စားစရာကိုမျှ မယူလာမိခဲ့ပေ။ 6 ယေသျှုက တပည့်တော်ရှိအား “သင်ရို့သည် ဖာရိယှုနှင့် ဇဒ္ဒကဲရို့၏ တဆီးကို အထူး သတိထားကြလော့” ဟု မိန့်တော်မူ၏။ 7 တပည့်တော်ရှိကလည်း

“ငါရို့သည် စားစရာတစ်ခုမျှ မယူလာခသောကြောင့် ကိုယ်တော်သည် ဤသို့ ပြောခြင်းဖြစ်သည်” ဟု အချင်းချင်း ပြောဆိုကြ၏။ **8** ယေသျှုသည် သူရို့ပြောဆိုနိုင်ကြသည်ကို သိတော်မူ၏။ ထို့ကြောင့် ကိုယ်တော်က “သင်ရို့သည် စားစရာမဟုတ်သည့်ကို ဇာကြောင့် အချင်းချင်း ပြောဆိုနိုင်ကတ်လဲ။ ကောင်းကောင်း ယုံကြည်ခြင်း အားနည်းတက်တေကား။

9 သင်ရို့သည် ဂုထိတောင် နားမလည်ကတ်သိမ့်လား။ ငါသည် မုန့်ငါးလုံးနှင့် လူ ၅,၀၀၀ ကို ကျွေးမွီးခစွာကို သင်ရို့ သတိမရကတ်ယာလား။ စားကြွင်းစားကျန်ကို သင်ရို့ ဇာနှစ်တောင်း ကောက်သိမ်းရခလဲ။ **10** ထို့အပြင် မုန့်ခနုနစ်လုံးနှင့် လူ ၄,၀၀၀ ကို ကျွေးခသိမ့်ရမလား။ စားကြွင်းစားကျန် ဇာနှစ်တောင်း သင်ရို့ ကောက်သိမ်းရခလဲ။

11 အစားအစာနှင့် ပတ်သက်၍ သင်ရို့ကို ငါပြောနိုင်ခြင်း မဟုတ်သည်ကို ဇာပိုင် နားမလည်ကတ်စွာလဲ။ ဖာရိယုံနှင့် ဒွေကရို့၏ တဆီးကို သင်ရို့ကိုယ်တိုင် သတိထားကြလော့” ဟု မိန့်တော်မူ၏။ **12** ထို့နောက် တပည့်တော်ရို့သည် မုန့်၌ ထည့်သောတဆီးကို ယောင်ကြည့်ရန် ကိုယ်တော်က သူရို့ကို သတိပီးနိုင်ခြင်း မဟုတ်၊ ဖာရိယုံနှင့် ဒွေကရို့၏ သွန်သင်မှုကို ယောင်ကြည့်ရန် သတိပီးနိုင်ခြင်းဖြစ်ကြောင်းကို နားလည်လာကြ၏။ **13** ယေသျှုသည် ဖိလိပျက်သရိဗြူအနီး ကျေးလက်ဒေသသို့ ရောက်သောအခါ “လူတိက လူသားကို ဇာသူလို့ ပြောနိုင်ကတ်လဲ” ဟု တပည့်တော်တိအား မိန်းတော်မူ၏။ **14** တပည့်တော်ရို့ကလည်း “တချို့က ဗတ္တိဇယောဟန်ဖြစ်သည် ဟူ၍လည်းကောင်း၊ တချို့က ဇလိယဖြစ်သည် ဟူ၍လည်းကောင်း၊ တချို့က ပရောဖက်ယေရမိဖြစ်သည် ဟူ၍လည်းကောင်း၊ တချို့က တခြားပရောဖက်တစ်ပါးပါးဖြစ်သည် ဟူ၍လည်းကောင်း ပြောနိုင်ကြ၏” ဟု လျှောက်ကြ၏။ **15** ကိုယ်တော်က “သင်ရို့သည် ငါ့ကို ဇာသူဖြစ်သည် ဟု ပြောကြသနည်း” ဟု တပည့်တော်တိအား မိန်းလျှင်၊ **16** သျှိုမုန့်ပေတရက “ကိုယ်တော်သည် အသက်ရှင်တော်မူသော ဘုရားသခင်၏သားတော် မေသျှိုယ ဖြစ်တော်မူ၏” ဟု ပြန်လျှောက်၏။

17 ယေသျှုကလည်း “ယောန၏သား၊ သျှိုမုန့် သင်သည် မင်္ဂလာဟိ၏။ အကြောင်းမူကား ဤအမှန်တရားသည် လူအားဖြင့် မဟုတ်၊ ကောင်းကင်ဘုံ၌ဟိတော်မူသော ငါ၏အဖသည် သင့်အား တိုက်ရိုက် ဖော်ပြတော်မူခြင်းဖြစ်၏။”

18 ထို့အပြင် ငါဆိုသည်ကား “သင်သည် ပေတရ ဖြစ်၏။ ငါသည် ဤကျောက်ထက်၌ ငါ၏အသင်းတော်ကို တည်ထောင်မည်။ ဤအသင်းတော်သည် မရဏာနိုင်ငံ၏တန်းခါးကို ကျော်လွှားနိုင်လိမ့်မည်။ (HadEs g86) **19** ငါသည် သင့်အား ကောင်းကင် နိုင်ငံတော်၏ သော့များကို ပီးမည်။ သင်က မြီကြီးထက်၌ တားမြစ်သည့်အရာများကို ကောင်းကင်ဘုံတွင်လည်း တားမြစ်လိမ့်မည်။ သင်က မြီကြီးထက်၌ ခွင့်ပြုသမျှကို ကောင်းကင်ဘုံ၌လည်း ခွင့်ပြုလိမ့်မည်။”

20 ဤသို့ တပည့်တော်တိအား ဆုံးမသွန်သင်ပြီးနောက် ယေသျှုက သူသည် မေသျှိုယဖြစ်ကြောင်းကို ဇာသူကိုမျှ မပြောစီခြင်းငှာ တပည့်တော်တိအား မိန့်မှာတော်မူ၏။ **21** ထိုအချိန်မှစ၍ ယေသျှုက “ငါသည် ယေရုဆလင်ကို လားရမည်။ ဘာသာရေးခေါင်းဆောင်တိ၊ ယဇ်ပုရောဟိတ်တိ၊ ကျမ်းတတ်ဆရာတိ လက်ထဲ၌ ဒုက္ခဝေဒနာကို ပြင်းစွာခံစားရမည်။ အသီသတ်ခြင်းကိုလည်း ခံရလိမ့်မည်။ သို့သော်လည်း ငါသည် သုံးရက်မြောက်သောနိဉ် သီခြင်းမှ ထမြောက်လာလိမ့်မည်” ဟု တပည့်တော်တိအား ပွင့်လင်းထင်ရှားစွာ မိန့်ကြားတော်မူ၏။ **22** ပေတရက ကိုယ်တော်ကို ဘေးနားသို့ ခေါ်ယူကာ “သခင်ဘုရား၊ ဘုရားသခင်သည် ထိုအမှုကို တားဆီးတော်မူ၏။ ထိုအမှုသည် ကိုယ်တော်၌ လုံးဝ မဖြစ်စီရ” ဟု တားမြစ်ပြောဆို၏။ **23** ယေသျှုကလည်း ပေတရဘက်သို့ လှည့်ကြည့်ပြီးလျှင် “အချင်းစာတန်၊ ငါ့အနားက ထွက်လားလီ။ သင်သည် ငါ၏လမ်းခရီး၌ အတားအဆီး ဖြစ်၏။ သင်၏အတွေးကား ဘုရားသခင်ထံမှ လာသည် မဟုတ်၊ လူ၏အတွေးသာ ဖြစ်၏” ဟု မိန့်တော်မူ၏။ **24** ထို့နောက် ယေသျှုသည် တပည့်တော်ရို့အား “ဇာသူမဆို ငါနှင့်အတူ လိုက်ချင်လျှင် မိမိကိုယ်ကို ငြင်းပယ်ရမည်၊ မိမိ၏လက်ဝါးကပ်တိုင်ကို ထမ်း၍ လိုက်ကြရမည်။ **25** ဇာသူမဆို မိမိအသက်ကို ကယ်တင်လိုသောသူသည် အသက်ဆုံးယှုံးရလိမ့်မည်။ ဇာသူမဆို ငါ့အတွက်ကြောင့် မိမိအသက်ကို ဆုံးယှုံးခံသောသူသည် အသက်ကိုရ လိမ့်မည်။ **26** လူသည် လောကတစ်ခုလုံးကို အစိုးရသော်လည်း မိမိအသက်ဆုံးယှုံးလျှင် ဇာမှာ အကျိုး ဟိပါဖို့သိမ့်လဲ။ မိမိအသက်ကို ဇာအရာနှင့် လွဲနိုင်ပါဖို့လဲ။ **27**

အကြောင်းမူကား၊ လူသားသည် မိမိအဖေ၏ဘုန်းတန်ခိုးတော်ဖြင့် ကောင်းကင်တမန်များနှင့် အတူ ကြွလာလိမ့်မည်။ ထိုအခါ လူတစ်ယောက်စီတိုင်းအား မိမိရို့ပြုသည့်အတိုင်း ခံစားစိလိမ့်မည်။ 28 သင်ရို့ကို ငါ အမှန်ဆိုသည်ကား လူသားသည် သျှင်ဘုရင်အဖြစ်ဖြင့် ကြွလာတော်မူသည်ကို မြင်ကြရသည့်တိုင်အောင် ဤအရပ်၌ ဟိနိန်ကြသော လူတချို့သည် မသိကြရသိမ့်” ဟု မိန့်တော်မူ၏။

17 ခြောက်ရက်ကြာသောအခါ ယေသျှုသည် ပေတရု၊ ယာကုပ်၊ ယာကုပ်ညီ ယောဟန်ရို့ကို မိမိနှင့် အတူ ခေါ်ယူပြီးလျှင် လူသူကင်းမဲ့သော တောင်ကုန်းမြင့်ထက်သို့ ကြွတော်မူ၏။ 2 ထိုအရပ်၌ တပည့်တော်ရို့ ရှိတွင် ယေသျှုသည် အဆင်းသဏ္ဌာန်ပြောင်းလဲလာ၏။ ကိုယ်တော်၏မျက်နှာတော်သည် နီကဲ့သို့ ထွန်းလင်းနီနီပြီး၊ ဝတ်ရုံတော်သည် ငွီရောင်ကဲ့သို့ လင်းလက်တောက်ပနီနီ၏။ 3 ထို့နောက် သူရို့၌ မောသျှုနှင့် ဇလိယသည် ပေါ်လာ၍ ယေသျှုနှင့် စကားပြောနိန်ကြ၏။ 4 ထိုအခါ ပေတရုက “အသျှင်ဘုရား၊ ဤအရပ်သည် အကျွန်ရို့အတွက် နီစရာကောင်းပါ၏။ သို့ ဖြစ်၍ ကိုယ်တော်အလိုဟိလျှင် အကျွန်သည် ကိုယ်တော်အတွက် တဲတစ်ဆောင်၊ မောသျှုအတွက် တဲတစ်ဆောင်၊ ဇလိယအတွက် တဲတစ်ဆောင်၊ တဲသုံးဆောင် ဆောက်ပါမည်” ဟု ယေသျှုအား ပြောလေ၏။ 5 ပေတရု စကားပြောနိန်ချိန်မှာ တလက်လက်တောက်ပနီနီသော မိုးတိမ်တိုက်တစ်ခုသည် သူရို့ထက်၌ ပေါ်လာပြီး “ဤသူသည် ငါ နှစ်သက်မြတ်နိုးသော ငါ၏ချစ်သား ဖြစ်၏။ သူ၏စကားကို နားထောင်ကြလော့” ဟူသော အသံဖြင့် ထိုမိုးတိမ်မှ မိန့်တော်မူ၏။ 6 တပည့်တော်ရို့သည် ထိုအသံကို ကြားသောအခါ အလွန်ကြောက်ရွံ့တုန်လှုပ်လျက် မိမိရို့၏မျက်နှာကို မြီးကြီးပြင်းပြင်း ကပ်ထားကြ၏။ 7 ထိုအခါ ယေသျှုသည် ရောက်လာ၍ သူရို့ကို လက်နှင့် ပုတ်ပြီးလျှင် “ထ၊ ကြောက်မနိန်ကတ်ကေ့” ဟု ပြောလေ၏။ 8 တပည့်တော်ရို့က မော့ကြည့် လိုက်သည့်အခါ ယေသျှုမှတပါး တခြားမည်သူမျှ မဟိ။ 9 သူရို့သည် တောင်ထက်မှ ဆင်းလာကြသောအခါ ယေသျှုက “လူသားသည် သီခြင်းမှ ထမြောက်လာသောအချိန်ထိ သင်ရို့ မြင်တို့ခသည်အရာကို ဇာသူကိုလည်း ဖွင့်မပြောကတ်ကေ့ဦး” ဟု တပည့်တော်တို့ကို မိန့်မှာတော်မူ၏။ 10 ထိုအခါ တပည့်တော်တို့က “ဇလိယအယင်ဆုံး ရောက်လာလိမ့်မည်ဟု ကျမ်းတတ်ဆရာတို့က ဇာအကြောင်းကြောင့် ပြောနိန်ကတ်ပါလဲ” ဟု ယေသျှုအား မိန်းလျှောက်ကြ၏။ 11 ယေသျှုက “ဇလိယ အယင်ရောက်လာမည်မှာ အမှန်ပင်ဖြစ်၏။ သူသည် အရာအားလုံးကို အဆင်သင့်ပျင်ဆင်လိမ့်မည်။ 12 သို့သော်၊ သင်ရို့ကို ငါဆိုသည်ကား ဇလိယ ရောက်လာခပြီးပြီ၊ သို့သော်လည်း လူတို့ မသိလိုက်ကြ။ ထို့ကြောင့် သူ့ကို လူတို့က စိတ်တိုင်းကျ နှိပ်စက်ကြ၏။ ထိုနည်းတူ သူရို့သည် လူသားကို နှိပ်စက်ကြလိမ့်မည်” ဟု မိန့်တော်မူ၏။ 13 ထိုအခါမှ ကိုယ်တော်သည် ဗတ္တိဇယောဟန်အကြောင်း သူရို့အား ပြောပြနိန်သည်ကို တပည့်တော်တို့က နားလည်ကြ၏။ 14 ယေသျှုနှင့် တပည့်တော်ရို့သည် လူထုပရိသတ်ပါးသို့ ပြန်ရောက်လာကြသောအခါ လူတစ်ယောက်သည် ကိုယ်တော်ထံပါးသို့ ရောက်လာပြီး ရှိမှ ခူးထောက်လျက်၊ 15 “အသျှင်ဘုရား၊ အကျွန်သားကို သနားတော်မူပါ။ သူသည် ဝက်ရူးပြန်ရောဂါကို ပြင်းထန်စွာ ခံစားနိန်ရပြီးလျှင် မီးထိ၍လည်းကောင်း၊ ရီထိ၍လည်းကောင်း မကြာမကြာ လဲကျတတ်ပါ၏။ 16 အကျွန်သည် ကိုယ်တော်၏တပည့်တို့ပါးသို့ သူ့ကို ပို့ဆောင်ပြီးပါပြီ။ သို့သော် သူရို့သည် သူ့ကို ကျန်းမာစီခြင်းငှာ မတတ်နိုင်ကတ်ပါ” ဟု လျှောက်၏။ 17 ထိုအခါ ယေသျှုက “သင်ရို့သည် ယုံကြည် ခြင်းမဟိ၊ ဖောက်ပြန်တတ်သောအမျိုးပါကား၊ ငါသည် သင်ရို့နှင့်အတူ ဇာလောက်ကြာကြာ နီရပါဖို့လဲ။ ငါသည် သင်ရို့ကို ဇာလောက်ကြာကြာ သည်းခံနိန်ရပါဖို့လဲ။ သူငယ်ကို ငါ့ပါးသို့ ယူလာခ” ဟု မိန့်တော်မူ၏။ 18 ယေသျှုက နတ်ဆိုးကို အမိန့်တစ်ချက် ပီးလိုက်သည်နှင့် ထိုနတ်ဆိုးသည် သူငယ်ပါးမှ ထွက်လာသဖြင့်၊ သူငယ်သည် ချက်ချင်း ကျန်းမာလာ၏။ 19 ထို့နောက် တပည့်တော်ရို့သည် ယေသျှုပါးသို့ သီးသန့် လာတို့ကြပြီးလျှင် “အကျွန်ရို့သည် နတ်ဆိုးကို ဇာဖြစ်လို့ မမောင်းထုတ်နိုင်ကတ်ပါလဲ” ဟု မိန်းလျှောက်ကြ၏။ 20 ကိုယ်တော်က “သင်ရို့၌ ယုံကြည်ခြင်း အလွန် အားနည်းသောကြောင့်ဖြစ်၏။ ငါ အမှန်ဆိုသည်ကား သင်ရို့သည် မှန်ညှင်းစိလောက်မျှ ယုံကြည်ခြင်းဟိမည်ဆိုလျှင် ဤတောင်ကို ‘ဤနီရာက ထိုနီရာသို့ ရွှိလော့’ ဟု ဆိုလျှင် တောင်သည်

ရွှိလားမည်ဖြစ်၏။ သင်ရိုမလုပ်နိုင်သောအရာသည်မဟုတ်” ဟု မိန့်တော်မူ၏။ 22 ဂါလိလဲဒေသ၌ အားလုံးသော တပည့်တော်တို့နှင့် အတူကြွတော်မူစဉ်၊ ယေသျှုက “လူသားကို လူရိုလက်သို့ အပ်နှံကြလိမ့်မည်၊ 23 ထိုသူရိုက သူ့ကို သီယောင် သတ်ကတ်လိမ့်မည်။ သို့သော်လည်း သုံးရက်မြောက်သောနှိုမှာ သူသည် သီခြင်းက ထမြောက်လာလိမ့်မည်” ဟု သူရိုအား မိန့်မှာတော်မူ၏။ ထိုအခါ တပည့်တော်ရိုသည် အလွန်ဝမ်းနည်းကြ၏။ 24 ယေသျှုနှင့် သူ၏တပည့်တော်ရိုသည် ကပေရနောငမြို့သို့ ရောက်လာကြသောအခါ ဗိမာန်တော် အခွန်ကောက်သူများသည် ပေတရုပီးသို့ ရောက်လာကြပြီးလျှင် “သင်ရိုဆရာသည် ဗိမာန်တော်အခွန်ကို ပီးပါလား” ဟု မိန့်ကြ၏။ 25 “ပီးပါရေ” ဟု ပေတရုက ပြန်ပြော၏။ ပေတရုသည် အိမ်ထဲသို့ ဝင်လာသောအခါ ယေသျှုက “သျှိုမုန့်၊ သင်၏ထင်မြင်ယူဆချက်က ဇာပိုင်လဲ။ လောကီ သျှင်ဘုရင်တို့ကို ဇာသူတို့က အခွန်ပီးကတ်ရလဲ။ တပါးအမျိုးသားတို့က ပီးကတ်ရလား၊ မိမိနိုင်ငံသားတို့က ပီးကတ်ရလား” ဟု ဦးစွာ မိန့်တော်မူ၏။ 26 “တပါးအမျိုးသားတို့ကသာ အခွန် ပီးကတ်ရပါရေ” ဟု ပေတရုက ဖြေ၏။ ထိုအခါ ယေသျှုက “ကောင်းပြီ၊ ဆိုလိုသည်မှာ မိမိနိုင်ငံသားတို့က ပီးစရာမလို။ 27 သို့သော်လည်း ငါရိုသည် အခွန်ကောက်သောသူရိုကို စော်ကားပြစ်မှားခြင်းငှာ အလိုမဟုတ်။ ထို့ကြောင့် အိုင်သို့ လား၍ ငါးမျှားခီ။ သင်သည် ပထမဆုံး မျှားလို့ရသည့်ငါးကို ဆွဲတင်၍ ထိုငါး၏ ပါးစပ်ကို ဖွင့်လိုက်လျှင် ငါနှင့် သင်ရို၏ ဗိမာန်တော်အခွန်အတွက် လုံလောက်သော ဒင်္ဂါးတစ်ပြားကို တွေ့လိမ့်မည်။ ထိုဒင်္ဂါးကို ယူ၍ ငါရိုအတွက် အခွန်ကို သူရိုအား ပီးလိုက်ကြ” ဟု မိန့်တော်မူ၏။

18 ထိုအချိန်၌ တပည့်တော်ရိုသည် ယေသျှုထံပါးသို့ ရောက်လာကြပြီးလျှင် “ကောင်းကင်နိုင်ငံတော်မှာ ဇာသူသည် အကြီးဆုံးဖြစ်ပါလဲ” ဟု မိန့်ကြ၏။ 2 ယေသျှုက သူငယ်တစ်ယောက်ကို ခေါ်၍ တပည့်တော်တို့ရှိမှာ ရပ်ခိုင်းထားပြီးလျှင် 3 “သင်ရိုကို ငါ အမှန်ဆိုသည်ကား သင်ရိုသည် သူငယ်တို့ကဲ့သို့ မပြောင်းလဲလျှင် ကောင်းကင်နိုင်ငံသို့ လုံးဝ ဝင်ရကြလိမ့်မည် မဟုတ်။ 4 ဤသူငယ်ကဲ့သို့ မိမိကိုယ်ကို နှိမ့်ချသောသူသည် ကောင်းကင်နိုင်ငံတော်၌ အကြီးဆုံးသောသူ ဖြစ်၏။ 5 ပြီးနောက် ဇာသူမဆို ငါ၏ နာမည်ကို ထောက်၍ ဤကဲ့သို့သော သူငယ်တစ်ယောက်ကို လက်ခံသောသူသည် ငါ့ကို လက်ခံသောသူ ဖြစ်၏။ 6 “သို့ရာတွင် မည်သူမဆို ငါ့ကို ယုံကြည်သော ဤသူငယ်များထဲက တစ်ဦးတစ်ယောက်ကို ပြစ်မှားစီသောသူဖြစ်လျှင် ထိုသူသည် ကြိတ်ဆုံကျောက်တုံးကြီးကို မိမိလိုင်းပင်းမှာ ချိုင်ဆွဲကာ ပင်လယ်နက်ထဲမှာ နှစ်မြုပ်ခြင်းကို ခံရသည်က သာ၍ ကောင်း၏။ 7 လူတို့ကို ပြစ်မှားစီတတ်သော အရာများသည် ဤလောက၌ ဟိန်နိန်ကြသောကြောင့် ဤလောကသည် အမင်္ဂလာဟိ၏။ ဤသို့သော အရာများသည် ဟိန်နိန်ကြရမည်။ သို့သော်လည်း ထိုသို့ ပြစ်မှားစီသောသူသည် အမင်္ဂလာဟိ၏။ 8 “သင်၏လက် သို့မဟုတ် သင်၏ခြံက သင့်ကို ပြစ်မှားစီလျှင် ၎င်းကို ဖြတ်၍ ဝေးပစ်လိုက်။ ခြံစုံ၊ လက်စုံနှင့် ငရဲမီးထဲကို ပစ်ချခံရသည်ထက် ခြံ၊ လက် မပါဘဲ အသက်ရှင်ရခြင်းသည် သာ၍ ကောင်း၏။ (aiōnios g166) 9 သင်၏ မျက်စိက သင့်ကို ပြစ်မှားစီလျှင် ၎င်းကို ထုတ်၍ ဝေးပစ်လိုက်။ မျက်စိအစုံနှင့် ငရဲမီးထဲသို့ ပစ်ချ ခံရသည်ထက် မျက်စိတစ်ဘက်နှင့် အသက်ရှင်ရခြင်းသည် သာ၍ ကောင်း၏။ (Geenna g1067) 10 “သင်ရိုသည် ဤသူငယ်များထဲက ဇာသူတစ်ဦး တစ်ယောက်ကိုမျှ မထိမ့်မြင် မပြုစီခြင်းငှာ သတိထားကတ်ပါ။ သင်ရိုကို ငါဆိုသည်ကား သူရို၏ ကောင်းကင်တမန်များသည် ကောင်းကင်ဘုံ၌ ငါ့အဖ၏ရိုမှာ အမြဲတမ်း ခစားနိုင်ကြ၏။ 12 “သင်ရို ဇာပိုင် စဉ်းစားကတ်ဖို့လဲ၊ လူတစ်ယောက်၌ သိုးအကောင် ၁၀၀ ဟိ၏။ ထိုအထဲက တစ်ကောင် ပျောက်လားသော်၊ ထိုသူသည် သိုး ၉၉ ကောင်ကို စားကျက်ကောင်းသည့် တောင်ကုန်းထက်မှာ ထားခပြီးလျှင် ပျောက်သည့်သိုးတစ်ကောင်ကို လား၍ ရှာလိမ့်မည်။ 13 သင်ရိုကို ငါ ဆိုသည်ကား၊ ထိုသူသည် သူ၌ဟိသော သိုး ၉၉ ကောင်ကို မြင်၍ ဝမ်းမြောက်သည်ထက် ပျောက်လားသည့် သိုးတစ်ကောင်ကို ပြန်တို့သောအခါ သာ၍ ဝမ်းမြောက်၏။ 14 ထိုနည်းတူစွာ ကောင်းကင်ဘုံ၌ ဟိတော်မူသော သင်ရို၏အဖသည် ဤသူငယ်များထဲက ဇာသူတစ်ဦး တစ်ယောက်ကိုမျှ ဆုံးယှုံးရန် အလိုမဟိပေ။ 15 “သင်၏ညီအစ်ကို တစ်ယောက်သည် သင့်ကို ပြစ်မှား မိလျှင် သူ့ပါးသို့ လား၍ သူ၏အမှားကို သူ့အား ဖော်ပြပါ။ သို့ရာတွင် ထိုအမှုကို နှစ်ယောက်တည်း တိတ်ဆိတ်စွာ ဆောင်ရွက်ပါ။ သူသည် သင့်စကားကို

နားထောင်လျှင် သင်သည် သင့်ညီအစ်ကိုအား ပြန်ရယူ။ 16 သို့သော် သူက သင့်စကားကို နားမထောင်လျှင် သင်နှင့်အတူ လူတစ်ယောက် နှစ်ယောက်ကို ခေါ်၍ သူ့အား ပြောပြလော့။ အကြောင်းမူကား ကျမ်းစာလာသည့်အတိုင်း သင်၏စွပ်စွဲချက်များကို နှစ်ဦး သို့မဟုတ် နှစ်ဦးထက်ပိုသော သက်သိတိဖြင့် အတည်ပြုရန် ဖြစ်၏။ 17 သူသည် ထိုသူရှိ၏စကားကိုလည်း နားမထောင်လျှင် ဖြစ်သမျှအားလုံးကို အသင်းတော်အား တိုင်ကြားလော့။ နောက်ဆုံးအနေဖြင့် သူသည် အသင်းတော်၏စကားကိုလည်း နားမထောင်လျှင် ထိုသူကို ဘုရားတရားမဲ့ သာသနာပလ္လ သို့မဟုတ် အခွန်ခံကဲ့သို့ ပြုကြလော့။ 18 “တဖန် သင်ရှိအားလုံးကို ငါ ဆိုသည်ကား၊ သင်ရှိသည် မြီကြီးထက်မှာ တားဆီးပိတ်ပင်သမျှတိကို ကောင်းကင်ဘုံမှာ တားဆီးပိတ်ပင်လိမ့်မည်။ သင်ရှိသည် မြီကြီးထက်မှာ ခွင့်ပြုသမျှကို ကောင်းကင်ဘုံမှာလည်း ခွင့်ပြုလိမ့်မည်။ 19 “တဖန်၊ သင်ရှိကို ငါ ဆိုသည်ကား၊ သင်ရှိသည် မြီကြီးထက်မှာ စိတ်သဘော တစ်ညီတစ်ညွတ်တည်း နှစ်ယောက်အတူ ဆုတောင်းလျှင် ကောင်းကင်ဘုံ၌ ဟိတော်မူသော ငါ၏အဖေက သင်ရှိ တောင်းသည့်အရာကို ပီးလိမ့်မည်။ 20 အကြောင်းမူကား လူနှစ်ယောက် သို့မဟုတ် သုံးယောက်သည် ငါ၏နာမ၌ အတူစုရုံးကြလျှင် ငါသည်လည်း ထိုနီရာ၌ သူရှိနှင့် အတူဟိ၏။” 21 ထိုအခါ ပေတရုသည် ယေသျှုပါးသို့ လာပြီးလျှင် “အသျှင်ဘုရား၊ အကျွန်ုပ်ကို အပြစ်လုပ်နိုင်သော အကျွန်၏ညီအစ်ကို တစ်ယောက်ကို ဇာနစ်ကြိမ်၊ ဇာနစ်ခါ ခွင့်ရွတ်ရပါဖို့လဲ၊ ခုနစ်ကြိမ်လား” ဟု မိန်း၏။ 22 “ခုနစ်ကြိမ်မက ခုနစ်ဆယ့်ခုနစ်ကြိမ် ခွင့်ရွတ်ရမည်” ဟု ယေသျှုက မိန့်တော်မူ၏။ 23 အကြောင်းမှာ၊ ကောင်းကင်နိုင်ငံတော်သည်ကား ဤဥပမာနှင့် တူ၏။ တစ်ခါက မိမိ၏အခိုင်းအစီများနှင့် အကြီးစာရင်းကို ယှဉ်လိုသော သျှင်ဘုရင်တစ်ပါး ဟိ၏။ 24 ထိုသျှင်ဘုရင်သည် အမှုထမ်းအားလုံးထဲက ဖဲသာအများကြီး အကြီးတင်နိုင်သော သူတစ်ယောက်ကို ခေါ်၍ အကြီးစာရင်းယှဉ်သည့်အခါ 25 ထိုသူ၌ အကြီးဆပ်ရန် ဖဲသာမဟိသောကြောင့် ဘုရင်ကြီးက သူနှင့်တကွ သူ၏မယား၊ သားသမီးမှစ၍ ဟိသမျှအားလုံးကို ရောင်းချပြီးလျှင် ထိုအကြီးအားလုံးကို ပြန်ပီးရန် အမိန့်ထုတ်လိုက်၏။ 26 ထိုအခါ ထိုအမှုထမ်းသည် မင်းကြီးရှိမှာ ပျပ်ဝပ်လျက် “အကျွန်ုပ်ကို သည်းခံတော်မူပါ၊ အကြီးအားလုံးကို အသျှင်အား အကျွန် ပြန်ဆပ်ပါမည်” ဟု တောင်းပန်သောအခါ 27 မင်းကြီးက သူ့အား အလွန် သနားတော်မူသည်ဖြစ်၍ ထိုအခိုင်းအစီ၏ အကြီးအားလုံးကို ရွတ်ပီးလိုက်ကာ သူ့ကို ပြန်ခွင့်ပြုလိုက်၏။ 28 ထိုသူသည် မင်းကြီးထံပါးမှ ထွက်လာ၍ သူပါးမှာ ဖဲသာ စိတ်ကေချေ အကြီးတင်နိုင်သော သူ၏အမှုထမ်းတစ်ယောက်ကို တွံ့၏။ သူက ထိုသူအား လှမ်းဆွဲကာ လိုင်စိုကို ဖျစ်လျက် “မင်း ငါ့ကို ပီးစရာဟိရေ အကြီးကို ပြန်ပီး” ဟု တောင်းလေ၏။ 29 သူ၏အမှုထမ်းက “အကျွန်ုပ်ကို သည်းခံပီးပါ။ အကျွန်ုပ်ပီးစရာဟိသော အကြီးကို ပြန်ပီးပါမယ်” ဟု ပျပ်ဝပ်လျက် တောင်းပန်လေ၏။ 30 သို့သော်လည်း သူသည် လက်မခံဘဲ၊ ထိုသူအား အကြီးတိကို မပီးမချင်း ထောင်ထဲမှာ ချထားလိုက်၏။ 31 ထိုအဖြစ်အပျက်ကို အခြားအမှုထမ်းတိ မြင်ကြသောအခါ သူရှိသည် အကြီးအကျယ် ဒေါသဖြစ်လျက် အကြောင်းစုံကို အသျှင်မင်းကြီးအား လျှောက်တိုင်ကြ၏။ 32 ထိုအခါ အသျှင်မင်းကြီးသည် ထိုအမှုထမ်းကို ခေါ်ပြီးလျှင် “အသုံးမကျသည့် ကျွန်စုတ် သင်တောင်းပန်သည့်အတိုင်း ငါ့အား ပီးစရာဟိသော အကြီးအားလုံးကို ငါသည် ခွင့်ရွတ်ထားခ၏။ 33 ငါသည် သင့်ကို သနားကြင်နာသကဲ့သို့ သင်သည်လည်း သင်၏အခိုင်းအစီတိကို သနားကရုဏာ ထားသင့်ပေ၏” 34 ဟူ၍ အသျှင်မင်းကြီးက အလွန်စိတ်ဆိုးဒေါသထွက်ကာ သူ၏အကြီးအားလုံးကို မကျီမချင်း ထိုအမှုထမ်းကို အပြစ်ပီးရန် အကျဉ်းထောင်ထဲသို့ ပို့လိုက်၏။ 35 ဤပုံပြင်ကို အဆုံးသတ်ပြီးလျှင် ယေသျှုက “သင်သည် သင့်နုလားသားထဲ၌ သင်၏ညီအစ်ကိုအား ခွင့်မရွတ်လျှင် ကောင်းကင်ဘုံ၌ ဟိတော်မူသော ငါ၏အဖေသည် သင့်ကို ခွင့်ရွတ်လိမ့်မည် မဟုတ်” ဟု မိန့်တော်မူ၏။

19 ယေသျှုသည် ဤတရားတော်များကို ဟောပြောပြီးသောအခါ ဂါလိလဲပြည်မှ ထွက်ခွါပြီး ယော်ဒန်မြစ် တစ်ဖက်ကမ်း ယုဒနယ်သို့ ကြွတော်မူ၏။ 2 လူစုလူဝေးကြီးသည်လည်း ကိုယ်တော်နောက်သို့ လိုက်ပါလာကြ၏။ ကိုယ်တော်သည် ထိုနီရာ၌ သူရှိကို ကျန်းမာစိတော်မူ၏။ 3 ဖာရိယုတချို့သည် ကိုယ်တော်ထံပါးသို့ ရောက်လာကြပြီးလျှင် “မိမိ၏

ဆန္ဒသဘောဖြင့် ဇာအကြောင်းပြချက်နှင့်မဆို မိမိမယားနှင့် ကွာချင်သောသူကို ပညတ်တရားက ကွာခွင့်ပြုပါလား” ဟု ကိုယ်တော့်ကို ပရိယာယ်ဆင်၍ မိန်းမြန်းကြ၏။ 4 ယေသျှုက “ဖန်ဆင်းသွင်သည် အစကတည်းက ယောက်ျားနှင့် မိန်းမကို ဖန်ဆင်းတော်မူသည်ဟူသော ကျမ်းစာကို သင်ရို့ မဖတ်ဖူးကတ်လားဟု မိန့်တော်မူ၏။ 5 “ဤအကြောင်းကြောင့် ယောက်ျားသည် သူ၏အမိ အဖကို စွန့်၍ သူ၏မယားနှင့် တစ်လုံးတစ်ဝတည်း ပေါင်းသင်း နီထိုင်လိမ့်မည်၊ သို့ဖြစ်၍ သူရို့နှစ်ယောက်သည် ခန္ဓာကိုယ်တစ်ခုတည်း ဖြစ်လာလိမ့်မည်” ဟု ဘုရားသခင် မိန့်တော်မူ၏။ 6 ထို့ကြောင့် သူရို့သည် ခန္ဓာနှစ်ခု မဟုတ်၊ တစ်ခန္ဓာတည်း ဖြစ်၏။ သို့ဖြစ်၍ ဘုရားသခင် အတူတကွ ပေါင်းဖက်ထားသည်ကို လူသည် ခွဲခွဲခွဲမဟီ” ဟု မိန့်တော်မူ၏။ 7 “ဤသို့ဆိုလျှင် လူတစ်ယောက်သည် သူ၏မယားကို ကွာယှင်းစာပီး၍ ကွာလို့ ရသည်ဟု မောသျှုက ပညတ်ထားသည်မှာ ဇာကြောင့်ပါလဲ” ဟု ဖာရိယုတိက ကိုယ်တော့်ကို မိန်းကြပြန်၏။ 8 ယေသျှုက “သင်ရို့သည် စိတ်နှလုံးခက်ထန်မာကျောသူများ ဖြစ်သောကြောင့် မောသျှုက သင်ရို့ကို သင်ရို့မယားနှင့် ကွာခွင့် ပီးထား၏။ အစဉ်းက ထိုသို့ မဟုတ်။ 9 သင်ရို့ကို ငါ ဆိုသည်ကား၊ မည်သူမဆို ကာမဖောက်ပြန်ခြင်းကလွဲ၍ မိမိမယားကို ကွာပြီး တခြားမိန်းမနှင့် ပေါင်းသင်းသောသူသည် သူတစ်ပါးမယားကို ပြစ်မှားခြင်းဖြစ်၏။” 10 “လင်နှင့်မယားကိစ္စသည် ဤသို့ ဖြစ်နိုင်လျှင် လက်မထပ်ပါက သာ၍ ကောင်းပါဖို့သိမ့်” ဟု တပည့်တော်တိက ကိုယ်တော့်ကို လျှောက်ကြ၏။ 11 ထိုအခါ ယေသျှုက “ဤစကားကို လူတိုင်းလက်မခံနိုင်၊ အခွင့်ပီးထားသောသူရို့သာလျှင် လက်ခံနိုင်၏။ 12 အကြောင်းမူကား တချို့မှာ မွီးကတည်းက မယူမများ ဖြစ်ကြ၏၊ တချို့မှာ မယူမဖြစ်ယောင် ပြုလုပ်ခြင်းခံကြရ၏။ တချို့မှာ ကောင်းကင်နိုင်ငံတော်အကျိုးကို ထောက်၍ အိမ်ထောင်မပြုကြ။ ဤစကားကို လက်ခံနိုင်သောသူသာလျှင် လက်ခံကြပါ” ဟူ၍ ဖြေကြားတော်မူ၏။ 13 လူအချို့သည် လက်တင်၍ ဆုတောင်းပီးခြင်းငှာ သငယ်တိကို ယေသျှုပါးသို့ ခေါ်လာကြ၏။ တပည့်တော်တိက ထိုသူရို့ကို အပြစ်တင်၍ တားမြစ်ကြ၏။ 14 ယေသျှုက “သငယ်တိကို ငါ့ပါးသို့ လာခွင့်ပြုလိုက်ပါ၊ သူရို့ကို မတားဆီးကတ်ကော့။ ဇာကြောင့်လဲဆိုကော၊ ကောင်းကင်နိုင်ငံတော်သည် သူရို့အတွက် ဖြစ်တော့” ဟု မိန့်တော်မူ၏။ 15 ထို့နောက် ကိုယ်တော်သည် သူငယ်တိဂေါင်းထက်၌ မိမိ၏လက်ကို တင်တော်မူပြီးလျှင် ထိုအရပ်မှ ထွက်ခွာလားလေ၏။ 16 တစ်နိမ့်တွင် လူတစ်ယောက်သည် ယေသျှုပါးသို့ လာ၍ “ဆရာ၊ ထာဝရအသက်ကို ရခြင်းငှာ ဇာကုသိုလ်ကောင်းမှုကို အကျွန် လုပ်ရပါဖို့လဲ” ဟု မိန်းလေ၏။ (aiōnios g166) 17 ယေသျှုက “ဇာအရာသည် ကောင်းမြတ်ပါလဲလို့ ငါ့ကို ဇာကြောင့် လာမိန်းနီနီလဲ။ ကောင်းမြတ်သောအသျှင် တစ်ပါးတည်းသာ ဟိ၏။ သင်သည် အသက်ရှင်ခြင်းသို့ ဝင်ရောက်လိုလျှင် ပညတ်တရားတိကို စောင့်ထိန်းလော့” ဟု မိန့်တော်မူ၏။ 18 “ဇာပညတ်တိကို စောင့်ထိန်းရပါဖို့လဲ” ဟု သူက လျှောက်ပြန်၏။ ယေသျှုက “လူ့အသက်ကို မသတ်ကော့။ မတရားသောမေထုန်ကို မပြုကော့။ သူ့ဥစ္စာကို မခိုးကော့။ ဇာသူ့ကိုမဆို မမှန်သော သက်သိကို မခံကော့။ 19 သင်၏အမိနှင့် အဖကို ရိုသီးစွာပြုလော့။ ပြီးနောက် မိမိနှင့် အတူ နီထိုင်ကြသောသူရို့ကို မမိကဲ့သို့ ချစ်ပါ” ဟုမိန့်တော်မူ၏။ 20 ထိုလူငယ်က “အကျွန်သည် ဤပညတ်အားလုံးကို စောင့်ထိန်းပါ၏။ တခြား ဇာတိကို အကျွန် လုပ်ရပါဖို့သိမ့်လဲ” ဟု မိန်းလျှောက်ပြန်၏။ 21 ထိုအခါ ယေသျှုက “သင်သည် ပြည့်စုံသောသူတစ်ယောက်ဖြစ်ချင်လျှင် သခင်၏ဥစ္စာဟိသမျှကို ရောင်းချပြီး၊ ဆင်းရဲသားတိကို ပီးလိုက်ပါ။ ထိုသို့ပြုလျှင် သင်သည် ကောင်းကင်ဘုံ၌ ဘဏ္ဍာကို ရလိမ့်မည်။ ပြီးမှ ပြန်လာ၍ ငါ့နောက်သို့ လိုက်လော့” ဟု မိန့်တော်မူ၏။ 22 ထိုလူငယ်သည် ဤစကားကို ကြားသောအခါ ဝမ်းနည်းစွာဖြင့် ထွက်လား၏။ အကြောင်းမှာ သူသည် များစွာသောစည်းစိမ်ဥစ္စာတိကို ပိုင်ဆိုင်ထားသောကြောင့် ဖြစ်၏။ 23 ထို့နောက် ယေသျှုသည် တပည့်တော်တိကို မိန့်မှာတော်မူသည်မှာ၊ “သင်ရို့ကို ငါ အမှန်ဆိုသည်ကား စည်းစိမ်ဥစ္စာ ကြွယ်ဝသောသူတိသည် ကောင်းကင်နိုင်ငံတော်သို့ ဝင်ရောက်ရန် လွန်စွာ ခဲယင်း၏။ 24 တဖန်ငါဆိုသည်ကား စည်းစိမ်ဥစ္စာ ကြွယ်ဝချမ်းသာသူများသည် ကောင်းကင်နိုင်ငံတော်သို့ ဝင်ရောက်ရန်အလို့ငှာ ကုလားအုတ်တစ်ကောင်ကို အပ်နဖားပေါက်ထဲသို့ မောင်းသွင်းရသည်ထက် သာ၍ ခက်ပေ၏။” 25 တပည့်တော်ရို့သည် ဤစကားကို ကြားသောခါ

လွန်စွာ အံ့အားသင့်ကြလေ၏။ “ဤသို့ဆိုလျှင် ကယ်တင်ခြင်းကို ဇာသု ရနိုင်ပါဖို့လဲ” ဟု သူရိုက် မိန်းလျှောက်ကြ၏။ 26 ယေသျှုက သူရိုက်ကို စိုက်ကြည့်ပြီးလျှင် “ကယ်တင်ခြင်းရရန် လူ့အနေဖြင့် မတတ်နိုင်သော်လည်း ဘုရားသခင်သည် အရာအားလုံးကို တတ်နိုင်တော်မူ၏” ဟု မိန့်တော်မူ၏။ 27 ထိုအခါ ပေတရုက “အကျွန်ုပ်တို့သည် ဟိသမျှကို စွန့်၍ အသျှင်ဘုရားနောက်ကို လိုက်လာကြပါ၏။ အကျွန်ုပ်တို့မှာ ဇာအကျိုး ဟိပါဖို့လဲ” ဟု ကိုယ်တော့်ကို လျှောက်၏။ 28 ယေသျှုက “ခပ်သိမ်းသော အရာများသည် အသစ်ဖြစ်လာသောကာလ၌ လူသားသည် မိမိ၏ ဘုန်းတန်ခိုးပလ္လင်တော်ထက်၌ စိုးစံတော်မူသောအခါ ငါ၏ တပည့်တိဖြစ်ကြသော သင်ရိုသည် ကုသရေလလူမျိုး တစ်ဆယ့်နှစ်မျိုးကို တရားစီရင်လျက် ပလ္လင်တစ်ဆယ့်နှစ်လုံးထက်၌ ထိုင်ကတ်ရလိမ့်မည်ဟု သင်ရိုကို ငါ အမှန်ပြောလိုက်၏။ 29 ငါ၏အကျိုးကို ထောက်ရှု၍ မိမိရို၏အိမ်၊ ညီအစ်ကိုမောင်နှမ၊ အမိအဖ၊ သားသမီး၊ လယ်ယာကင်းကျွန်း တစ်ခုခုကို စွန့်ထားသောသူသည် ထိုထက်မက အဆတစ်ရာများပြားစွာ ခံစားရလိမ့်မည်။ ထိုမျှမက ထာဝရအသက်ကို အဖို့ခံရလိမ့်မည်။ (aiōnios g166) 30 သို့သော် အဂုတွင် ရှိဆုံးက ရောက်သောသူတို့သည် နောက်ဆုံး၌ ဟိကြလိမ့်မည်။ နောက်ဆုံး ရောက်လာသော သူရိုသည် ရှိဆုံး၌ ဟိကြလိမ့်မည်” ဟု ယေသျှုက တပည့်တော်တို့ကို မိန့်တော်မူ၏။

20 “ကောင်းကင်နိုင်ငံတော်သည် ဤဥပမာ နှင့်တူ၏။ တစ်ခါက လူတစ်ယောက်သည် မိမိ၏စပျစ်ဥယျာဉ်၌ အလုပ်လုပ်ရန် လူတချို့ကို ငှားဖို့ မိုးထစောစော ထွက်လာ၏။ 2 တစ်ရက်လျှင် လုပ်ခ ငွီဒင်္ဂါး တစ်ပြားစီဖြင့် သဘောတူကြပြီးလျှင် အလုပ်သမားများကို ဥယျာဉ်ထဲသို့ ရွတ်လိုက်၏။ 3 သူသည် ကိုးနာရီလောက်တွင် ဈေးသို့ တဖန် လားသည့်အခါ အလုပ်လက်မဲ့ ရပ်နိန်ကြသည့်လူတချို့ကို တွေ့၏။ 4 ထိုအခါ သူက ‘သင်ရိုသည်လည်း ငါ၏စပျစ်ဥယျာဉ်သို့ လား၍ အလုပ်လုပ်ကြ၊ ငါသည် သင်ရိုအား သင့်တော်သောလုပ်ခကို ပီးမည်’ ဟု သူရိုကို ပြော၏။ 5 ထို့ကြောင့် သူရိုသည်လည်း ထိုဥယျာဉ်သို့ လား၍ အလုပ်လုပ်ကြ၏။ သူသည် ထိုနည်းတူ နောက်ထပ် ဆယ့်နှစ်နာရီမှာ တစ်သုတ်၊ သုံးနာရီမှာ တစ်သုတ်၊ အလုပ်လုပ်ရန် ဥယျာဉ်ထဲသို့ စီရွတ်လိုက်၏။ 6 သူသည် ငါးနာရီလောက်တွင် ဈေးသို့ တဖန်လားသောအခါ အလုပ်လက်မဲ့ရပ်နိန်ကြသည့်လူတို့ကို တဖန်တို့ပြန်သဖြင့် ‘သင်ရိုသည် ဇာဖြစ်လို့ တစ်ရက်လုံး အလုပ်လက်မဲ့ အချိန်ဖြုန်းနိန်ကတ်လဲ’ ဟု သူရိုကို မိန်း၏။ 7 ‘အကျွန်ုပ်တို့ကို ငှားမည့်သူ မဟိလို့ပါ’ ဟု သူရိုက ပြောကြသောအခါ ဥယျာဉ်သျှင်က ‘ကောင်းပြီ ဤသို့ဆိုလျှင် သင်ရိုသည်လည်း ငါ၏ဥယျာဉ်သို့ လား၍ အလုပ်လုပ်ကတ်ပါ’ ဟု သူရိုကို ပြော၏။ 8 “ညစာဘက်ချိန်ရောက်သောအခါ ပိုင်သျှင်က ‘နောက်ဆုံးငှားလာသော အလုပ်သမားမှစ၍ ပထမဆုံးငှားသည့် အလုပ်သမားများထိ၊ အလုပ်သမားအားလုံးကို လုပ်ခပီးဖို့ ခေါ်လိုက်’ ဟု သူ၏အလုပ်ကြပ်ကို ပြော၏။ 9 “ငါးနာရီမှစ၍ အလုပ်လုပ်ကြသော အလုပ်သမားများကို ငွီဒင်္ဂါးတစ်ပြားစီ ပီး၏။ 10 ပထမငှားခသော အလုပ်သမားတိက သူရိုကို ငွီဒင်္ဂါး ပို၍ ပီးလိမ့်မည် ဟု စိတ်အထင်ဖြင့် လာကြ၏။ သို့ရာတွင် သူရိုကိုလည်း ငွီဒင်္ဂါး တစ်ပြားစီသာ ပီးလေ၏။ 11 ထို့ကြောင့် သူရိုသည် ထိုငွီကို ရသောအခါ အလုပ်သျှင်ကို မကြေနပ်ကြောင်း ပြောကြ၏။ 12 ‘နောက်ဆုံး ငှားလာသောသူရိုသည် တစ်နာရီမျှသာ အလုပ်လုပ်ကြ၏။ အကျွန်ုပ်တို့မှာ နီပူထဲ၌ တစ်ရက်လုံး လုပ်ကြရ၏။ သို့သော်လည်း သင်သည် ငါရိုကို ပီးသလောက် သူရိုကို ပီးပါရကား’ ဟု သူရိုက ပြောကြ၏။ 13 “ထိုအခါ ဥယျာဉ်ပိုင်သျှင်က ‘အဆွီ၊ ငါ့စကားကို နားထောင်၊ သင့်ကို ငါ မဟုတ်မမှန် လုပ်သည် မဟုတ်။ သင်သည် တစ်ရက်လုပ်ခ ငွီဒင်္ဂါးတစ်ပြားနှင့် အလုပ်လုပ်ဖို့ သဘောတူခဲ့သည် မဟုတ်လား။ 14 နောက်ဆုံး အငှားသားကိုလည်း သင့်ကို ပီးသည်နည်းတူ ငါပီးလို၏။ သို့ ဖြစ်၍ သင်သည် မိမိလုပ်ခကို ယူပြီးလျှင် အဂုပင် အိမ်သို့ ပြန်လော့။ 15 ငါ့စွဲကို ငါ့ဆန္ဒအတိုင်း လုပ်ရသော အခွင့်မဟိပါလား။ သို့မဟုတ် ငါ သဘောကောင်းသည်ကို သင်ရိုသည် မနာလိုဖြစ်သလော” ဟု သူရိုထဲက တစ်ယောက်ကို ပြော၏။ 16 ယေသျှုက “သို့ဖြစ်၍ နောက်ကျသောသူများသည် အဦးဆုံး ဖြစ်ကြလိမ့်မည်။

အဦးကျသောသူများသည် နောက်ဆုံး ဖြစ်ကြလိမ့်မည်” ဟု နောက်ဆုံးမိန့်တော်မူ၏။ 17 ယေသျှုသည် ယေရုဆလင်မြို့သို့ ကြွတော်မူစဉ်၊ တပည့်တော် တစ်ဆယ့်နှစ်ပါးကို ဘေးနားက ခေါ်ဆောင်လျက် လမ်းလျှောက်ယင်း သူရိအား သီးသန့် မိန့်မှာတော်မူသည်မှာ၊ 18 “နားထောင်ကတ်။ ငါရှိသည် ယေရုဆလင်မြို့သို့ လားကြပြီ။ ထိုနီရာ၌ လူသားကို ယစ်ပရောဟိတ်အကြီးအကဲတို့၊ ကျမ်းတတ်ဆရာတို့ လက်ထဲသို့ အပ်နှံကြလိမ့်မည်။ သူရိသည် လူသားကို အသက်သီယောင်ထိ ပြစ်ဒဏ်ပီးကတ်လိမ့်မည်။ 19 ထို့နောက် သူရိသည် လူသားကို လူမျိုးခြားတိလက်သို့ အပ်ကြလိမ့်မည်။ ထိုသူရိသည် လူသားကို လောင်ပြောင်ခြင်းကိုပြု၍ ကြာပွတ်နှင့် သတ်ကြလိမ့်မည်။ နောက်ဆုံး၌ လူသားကို လက်ဝါးကပ်တိုင်မှာ တင်၍ သတ်ကြလိမ့်မည်။ သို့သော်လည်း လူသားသည် သုံးရက်မြောက်သောနို့မှာ သီခြင်းက ထမြောက်လိမ့်မည်” ဟု ပြော၏။ 20 ထိုအခါ ဧဗေဇဒေါဗယားသည် သူမ၏သား နှစ်ယောက်နှင့်အတူ ယေသျှုထံပါးသို့ ရောက်လာ၍ ယေသျှုရှိမှာ ပျပ်ဝပ်ကာ သူမ လိုချင်သောအရာတစ်ခုကို တောင်းဆို၏။ 21 ယေသျှုက၊ “သင်သည် ဇာကို လိုချင်ပါလဲ” ဟု သူမအား မိန်း၏။ “အသျှင်ဘုရားသည် သျှင်ဘုရင်ဖြစ်လာသောအချိန်မှာ အကျွန်သားနှစ်ယောက်ကို အသျှင်ဘုရား၏ လက်ယာရံ၊ လက်ဝဲရံ အဖြစ်စံမြန်းရပါမည့်အကြောင်း ကတိစကားတစ်ခွန်းကို အကျွန်အား ပီးတော်မူပါ” ဟု ထိုမိန်းမက တောင်းလျှောက်၏။ 22 ယေသျှုကလည်း “သင်ရို့ဇာကို တောင်းနိုင်သည်ကို သင်ရို့မသိကတ်။ ငါ သောက်ရမည့် ခွက်ကို သင်ရို့ သောက်နိုင်ကတ်ဖို့လား” ဟု သူမ၏ သားနှစ်ယောက်ကို မိန့်တော်၏။ သူရိကလည်း “အကျွန်ရို့ သောက်နိုင်ပါ၏” ဟု လျှောက်ကြ၏။ 23 ယေသျှုက “သင်ရို့သည် ငါ၏ခွက်ကို အမှန်ပင် သောက်ရကြလိမ့်မည်။ သို့သော် ငါ၏လက်ယာဖက်၊ လက်ဝဲဖက်မှာ ထိုင်မည့်သူတို့ကို ငါသည် ရှီးချယ်ပိုင်ခွင့် မဟိ။ ငါ၏အဖက ရှီးချယ်ထားသောသူရိသာ ဤနီရာကို ပိုင်ထိုက်တော်မူ၏” ဟု သူရိအား မိန့်တော်မူ၏။ 24 ကျန်သော တပည့်တော်ဆယ်ယောက်က ဤအကြောင်းကို ကြားကြသောအခါ ထိုညီအစ်ကို နှစ်ယောက်ကို စိတ်ဆိုးကြ၏။ 25 ထို့ကြောင့် ယေသျှုက တပည့်တော်အားလုံးကို ခေါ်ပြီးလျှင်၊ “လောကီမင်းတို့မှာ လူထုကို အုပ်ချုပ်ရန် အာဏာသုံးကြ၏။ အစိုးရခေါင်းဆောင်တို့မှာလည်း အခွင့်အာဏာကို ကျင့်သုံးကြသည်ကို သင်ရို့ သိကြ၏။ 26 သို့သော်လည်း သင်ရို့တွင် ဤသို့ မဟုတ်။ အကြီးအကဲ လုပ်ချင်သောသူသည် အားလုံး၏ အခိုင်းအစီဖြစ်ရမည်။ 27 သင်ရို့တွင် အမြင့်ဆုံးမှာ နီချင်သောသူသည် အားလုံး၏အစီခံကျွန် ဖြစ်ရမည်။ 28 လူသားသည် သူတစ်ပါးကို စီခိုင်းရန် ကြွလာခြင်း မဟုတ်။ လူတို့ကို ရှီးနတ်ခြင်းငှာ မိမိအသက်ကို စွန့်၍ အစီခံရန် ကြွလာခြင်းဖြစ်၏” ဟု ဆုံးမဩဝါဒ ပီးတော်မူ၏။ 29 ယေသျှုနှင့် သူ၏တပည့်တော်ရို့သည် ယေရိခေါမြို့က ထွက်လာကြသောအခါ လူအုပ်ကြီးလည်း နောက်မှ လိုက်လာကြ၏။ 30 လမ်းဘေးမှာ ထိုင်နိုင်သော မျက်မမြင်နှစ်ယောက်က ယေသျှု ဖြတ်လားသည်ကို ကြားသောအခါ “ဒါဝိဒ၏သားတော် အကျွန်ရို့ကို သနားတော်မူပါ၊ အသျှင်” ဟု အော်ဟစ်၍ လျှောက်ကြ၏။ 31 လူအုပ်ကြီးက သူရိကို ဆူပူကြိမ်းမောင်းလျက် တိတ်ဆိတ်စွာ နီကြရန်ပြောကြ၏။ သို့သော်လည်း သူရိက “ဒါဝိဒ၏သားတော် အကျွန်ရို့ကို သနားတော်မူပါ၊ အသျှင်” ဟု သာ၍ ကျယ်သောအသံနှင့် အော်ဟစ်ကြ၏။ 32 ထိုအခါ ယေသျှုက ရပ်တော်မူလျက် သူရိကို ခေါ်၍ “သင်ရို့အဖို့ ငါ ဇာလုပ်ပီးရဖို့လဲ” ဟု မိန်း၏။ 33 သူရိက “အသျှင်၊ အကျွန်ရို့ မျက်စိမြင်ချင်ပါရေ” ဟု တောင်းလျှောက်ကြ၏။ 34 ယေသျှုသည် လွန်စွာ သနားစိတ်ဝင်၍ သူရိ၏မျက်စိကို တို့တော်မူလျှင် သူရိသည် ချက်ချင်း မျက်စိမြင်လာကြပြီး ကိုယ်တော်နောက်သို့ လိုက်လားကြ၏။

21 ယေသျှုနှင့် သူ၏တပည့်တော်ရို့သည် ယေရုဆလင်မြို့သို့ လာကြရာ၊ သံလွင်တောင်ခြေရင်း၌ဟိသော ဗက်ဖာဂေရွာနားသို့ ရောက်လာကြ၏။ ထိုနီရာ၌ ယေသျှုသည် တပည့်တော်နှစ်ယောက်ကို၊ 2 “သင်ရို့သည်ကား ရှိုက ရွာကို လားကတ်လီ။ ရောက်လျှင် ဘေးနားမှာ သားချေတစ်ကောင်နှင့် တွဲ၍ ချိုင့်ထားသော မြည်းမတစ်ကောင်ကို တို့လိမ့်မည်။ ယင်း မြည်းမနှင့် မြည်းချေကို ကြိုးဖွဲ့ပြီးလျှင် ငါ့ပါးသို့ ယူလာကတ်။ 3 သို့သော် တစ်ယောက်ယောက်က တစ်ခုခုပြောလျှင် ‘သခင်က ဤမြည်းမနှင့် မြည်းချေကို အလိုဟိလို့ပါ’ ဟု သူ့ကို ပြန်ပြောလိုက်ပါ။ သူသည်

ချက်ချင်း ယူခွင့်ပီးလိမ့်မည်” ဟု ညွှန်ကြားကာ ရှိက စီစဉ်လိုက်၏။ 4 ဤအကြောင်းအရာကား ပရောဖက် ဟောထားချက်တိ ပြည့်စုံလာခြင်းဖြစ်၏။ 5 “ကြည့်ကတိပါ၊ သင်ရို၏ သျှင်ဘုရင်သည် မြည်းမနှင့် မြည်းချေကို စီး၍ စိတ်နှလုံးကို နှိမ့်ချလျက် သင်ရိုပါးသို့ ရောက်လာယာ ဟု ဇီအုန်သတို့သမီးကို ပြောကတိပါ” ဟူ၍ ဖြစ်၏။ 6 တပည့်တော်ရိုသည် ထွက်လားကြပြီးလျှင် ယေသျှု စီခိုင်းသည့်အတိုင်း လုပ်ဆောင်ကြ၏။ 7 သူရိုသည် သားချေတစ်ကောင်နှင့် မြည်းမကို ယူဆောင်လာကြပြီးလျှင် ထိုမြည်းထက်၌ သူရို၏ဝတ်ရုံများကို ခင်းပြီးနောက် ယေသျှုသည် စီးတော်မူ၏။ 8 များစွာသောသူရိုသည် မိမိရို၏ဝတ်ရုံများကို လမ်းမထက်မှာ ဖြန့်ခင်းထားကြ၏။ တချို့သည် သစ်ပင်မှ အကိုင်အခက်များကို ခွတ်၍ လမ်းမထက်မှာ ဖြန့်ခင်းထားကြ၏။ 9 ယေသျှု၏ ရှိမှလည်းကောင်း၊ နောက်မှလည်းကောင်း လမ်းလျှောက် လာကြသော လူတို့က “ဒါဝိဒ်သားတော်အား ဟောသျှုဏ္ဏ ဖြစ်ပါစီ။ ထာဝရဘုရားသခင်၏ နာမတော်နှင့် ကြွလာသော သူသည် မင်္ဂလာဟိပါစီ။ အမြင့်ဆုံးသောကောင်းကင်၌ ဟောသျှုဏ္ဏ ဖြစ်ပါစီ” ဟု ကြွေးကြော်ကြ၏။ 10 ယေသျှုသည် ယေရုဆလင်မြို့သို့ ဝင်လာသောအခါ တစ်မြို့လုံး ရုတ်ရုတ်သံသံ ဖြစ်ကြပြီးလျှင် “ဤသူက ဇာသူလဲ” ဟု အချင်းချင်း မိန်းမြန်းကြ၏။ 11 လူအုပ်ကြီးက “ဤသူသည် ဂါလိလဲပြည် နာဇရက်မြို့သား ပရောဖက် ယေသျှု ဖြစ်၏” ဟု ပြောကြ၏။ 12 ယေသျှုသည် ဗိမာန်တော်သို့ ဝင်လာပြီး၊ ဗိမာန်တော်ထဲ၌ အရောင်းအဝယ် လုပ်နိုင်ကြသောသူ အားလုံးကို မောင်းထုတ်၏။ ဦးလုံးကောင်းတာစားပွဲတို့ ဂြိုးငှက်ရောင်းသူများ၏ ထိုင်ခုံ စားပွဲတို့ကို တွန်းလှဲကာ မှောက်လှန်ပစ်လိုက်၏။ 13 ကိုယ်တော်က “ဘုရားသခင်နှုတ်ကပတ်တော်ကျမ်းစာ၌ ရိုးထားသည်မှာ ‘ငါ၏အိမ်တော်ကို ဆုတောင်းပတ္တနာပြုရာ အိမ်တော်ဟု ခေါ်ဆိုရလိမ့်မည်’ ဟု ဖော်ပြထား၏။ သို့ရာတွင် သင်ရိုသည် ဤဗိမာန်တော်ကို သူခိုးခါးပြ ပုန်းအောင်းသည့် နီရာအဖြစ် လုပ်နိုင်ကြသည်တကား” ဟု မိန့်တော်မူ၏။ 14 ယေသျှုသည် ဗိမာန်တော်ထဲမှာ ဟိန်နိန်သောအခါ မျက်မမြင်များနှင့် ခြံထောက်မသန်စွမ်းသူများသည် ကိုယ်တော်အပါးသို့ ရောက်လာကြ၏။ ကိုယ်တော်က သူရို၏ရောဂါများကို ပျောက်ကင်းစီတော်မူ၏။ 15 ယဇ်ပရောဟိတ်အကြီးအကဲများနှင့် ကျမ်းတတ်ဆရာများသည် ကိုယ်တော်ပြုတော်မူသော အံ့ဩဘွယ်အရာများကို မြင်၍ လည်းကောင်း၊ ဗိမာန်တော်ထဲမှာ ဟိန်နိန်ကြသောသူငယ်တို့က “ဒါဝိဒ်၏သားတော်အဖို့ ဟောသျှုဏ္ဏဖြစ်ပါစီ” ဟု ကြွေးကြော်နိုင်ကြသည်ကို မြင်ရ၍လည်းကောင်း၊ ဒေါသထွက်လာကြ၏။ 16 ထို့ကြောင့် သူရိုက “ဤသူငယ်တို့၊ ဇာပိုင် အော်နိုင်ကြသည်ကို သင်ကြားသလား” ဟု ယေသျှုကို မိန်းကြ၏။ ယေသျှုက “ငါ အမှန်ပင် ကြား၏။ ‘ကိုယ်တော်သည် နိဗ္ဗိဇ္ဇာငယ်တို့နှင့် အချေတိကို ကျေးဇူးတော် ချီးမွမ်းတတ်စီရန် သင်ကြားပီးလေပြီ’ ဟု ကျမ်းစာမှာ ရိုးထားသည်ကို သင်ရို့ မဖတ်ဖူးကတ်လား” ဟု ယေသျှုက ပြော၏။ 17 ယေသျှုသည် သူရိုကို ထားခပြီးလျှင် မြို့မှ ထွက်ခွါ၍ ဗေသန်ရွာသို့ ကြွတော်မူကာ ထိုရွာ၌ ညအိပ်တော်မူ၏။ 18 ယေသျှုသည် နောက်တစ်နိမ့် ထောစောစော မြို့သို့ ပြန်ကြွတော်မူသောအခါ လမ်းမှာ ဝမ်းဆာတော်မူ၏။ 19 ကိုယ်တော်သည် လမ်းဘေးမှာ သဖန်းပင်တစ်ပင်ကို မြင်၍ လားကြည့်တော်မူ၏။ သို့ရာတွင် အရွက်များသာဟိပြီး အသီးတစ်လုံးမျှ မထွ်သဖြင့် ကိုယ်တော်က “ဤအပင်သည် နောက်တစ်ခါမျှ အသီးမသီးပါစီကေ” ဟု မိန့်တော်မူလိုက်သည်နှင့် သဖန်းပင်သည် ချက်ချင်း ခြောက်သွိုလားလေ၏။ (a19n g165) 20 တပည့်တော်ရိုသည် ဤအခြင်းအရာတို့ကို မြင်ကြသောအခါ အလွန်အံ့အားသင့်ကြ၏။ “ဤသဖန်းပင်သည် ချက်ချင်း ဇာပိုင် ခြောက်လခလဲ” ဟု သူရိုက မေးကြ၏။ 21 ယေသျှုက “သင်ရိုကို ငါ အမှန်ဆိုသည်ကား သင်ရိုမှာ သံသယကင်းသည့်ယုံကြည်ခြင်းသာ ဟိမည်ဆိုလျှင် ဤသဖန်းပင်ကို ငါ လုပ်ရေပိုင် လုပ်နိုင်သည်သာမက ဤတောင်ကုန်းကို ‘ပင်လယ်ထဲသို့ ကျလီ’ ဟု ဆိုလျှင် သင်ရိုဆိုသည့်အတိုင်း ဖြစ်လိမ့်မည်။ 22 သင်ရိုသည် ယုံကြည်ခြင်း ဟိကြလျှင် သင်ရို့ တောင်းသမျှကို ရကြလိမ့်မည်” ဟု မိန့်တော်မူ၏။ 23 ယေသျှုသည် ဗိမာန်တော်သို့ ဝင်ရောက်၍ ဆုံးမဩဝါဒကို ပီးတော်မူစဉ်တွင် ယဇ်ပရောဟိတ် အကြီးအကဲရိုနှင့် ဘာသာရေးခေါင်းဆောင်ရိုသည် ကိုယ်တော်ပါးသို့ ရောက်လာကြ၏။ သူရိုက “သင်သည် ဤရာတို့ကို ဇာအခွင့်အာဏာနှင့်

လုပ်နိုင်ပါလဲ။ ယေပြီးကေ သင့်အား ဤအခွင့်အာဏာကို ဇာသူက ပီးထားလဲ” ဟု မိန်းကြ၏။ 24 ယေသူက “ငါလည်း သင်ရဲ့ကို မိန်းခွန်းတစ်ခု မိန်းမေ။ သင်ရဲ့ ငါ့ကို အဖြေပီးနိုင်လျှင် ငါသည်လည်း ဤအရာတို့ကို ဇာအခွင့်အာဏာနှင့် လုပ်နိုင်လည်းဆိုစွာကို သင်ရဲ့အား ငါ ပြောပြမည်။ 25 ဗတ္တိဇံပီးခြင်းငှာ ယောဟန်၏အခွင့်အာဏာသည် ဇာက လာလဲ၊ ဘုရားပါးက လာလား သို့တည်းမဟုတ် လူပါးကလား” ဟု မိန်းလေ၏။ “ငါ့ဇာပိုင် ဖြေရပါဖို့လဲဟု သူရဲ့အချင်းချင်း ငြင်းခုံကြ၏။ ‘ဘုရားပါးက’ ဟု ငါရဲ့ဖြေလျှင် ‘သင်ရဲ့သည် ယောဟန်ကို ဇာကြောင့် မယုံကတ်လဲ’ ဟု သူက ငါရဲ့ကို မိန်းမည်။ 26 သို့တည်းမဟုတ် ‘လူပါးက’ ဟု ဖြေလျှင် သူရဲ့အားလုံး ယောဟန်ကို ပရောဖက်တစ်ပါးလို့ ယုံကြည်ထားရေ အတွက်ကြောင့် လူထုပရိသတ်ကို ငါရဲ့ကြောက်ရ၏” 27 ထို့ကြောင့် သူရဲ့က “အကျွန်ရဲ့မသိပါ” ဟု ပြန်ပြောကြ၏။ ထိုအခါ ယေသူက “ငါသည်လည်း ဤအရာတို့ကို ဇာအခွင့်အာဏာနှင့် လုပ်နိုင်သည်ကို သင်ရဲ့အား ပြောလိမ့်မည် မဟုတ်” ဟု သူရဲ့အား မိန်းတော်မူ၏။ 28 “အဂ္ဂ သင်ရဲ့ ဇာကို စဉ်းစားနိုင်ကတ်လဲ။ တစ်ခါက လူတစ်ယောက်မှာ သားနှစ်ယောက် ဟိ၏။ သူသည် သားကြီးပါးသို့ လားပြီးလျှင် ‘သားကြီး၊ ဤနို့ စပျစ်ဥယျာဉ်မှာ အလုပ် လားလုပ်ခီ’ ဟု ရွတ်လိုက်၏။ 29 သားကြီးက ‘အကျွန် မလားချင်ပါ’ ဟု ပြောသော်လည်း သူသည် တဖန် စိတ်ပြောင်းလဲကာ ဥယျာဉ်သို့ လား၍ အလုပ်လုပ်၏။ 30 သူသည် သားငယ်ပါးသို့ လား၍ ထိုနည်းတူပြောသောခါ သားငယ်က ‘အကျွန် လား၍ လုပ်ခိမေ’ ဟု ပြောသော်လည်း မလားဘဲနိုင်၏။ 31 ထိုသားနှစ်ယောက်တွင် ဇာသူက သူ့အဖေ၏အလိုတော်ကို လုပ်ဆောင်လဲ” ဟု ယေသူက မိန်း၏။ “သားကြီးပါ” ဟု သူရဲ့က ဖြေကြားကြ၏။ ယေသူက “သင်ရဲ့ကို ငါ အမှန်ဆိုသည်ကား အခွန်ကောက်သောသူတို့နှင့် ပြည့်တန်ဆာမတိသည် သင်ရဲ့ထက် ရှိက ဘုရားသခင်၏နိုင်ငံတော်သို့ ဝင်နိုင်ကတ်ယာ” ဟု သူရဲ့အား မိန်းတော်မူ၏။ 32 အကြောင်းမူကား ဗတ္တိဇံယောဟန်သည် သင်ရဲ့အား ဖြောင့်မတ်ခြင်းတရားလမ်းကို ညွှန်ပြရန် သင်ရဲ့ပါးသို့ ရောက်လာသော။ သင်ရဲ့သည် သူ့ကို မယုံကတ်။ အခွန်ကောက်သောသူတို့နှင့် ပြည့်တန်ဆာမတိက သူ့ကို ယုံကတ်တော။ သင်ရဲ့သည် ဤအကြောင်းအရာကို မြင်တို့သော်လည်း သူ့ကို ယုံကြည်ရန် သင်ရဲ့သည် နောက်တဖန် စိတ်ပြောင်းလဲခြင်း မဟိကတ်ပါတကားဟု မိန်းတော်မူ၏။ 33 ယေသူက “နောက် ပုံဥပမာတစ်ခုကို နားထောင်ကတ်။ တစ်ခါက စပျစ်ဥယျာဉ်စိုက်ပျိုးသော မြို့ပိုင်သျှင်တစ်ယောက်ဟိ၏။ သူသည် ဥယျာဉ်ဝင်းပတ်လည်ကို ခြံစည်းရိုး ကာပြီး ခြံထဲ၌ စပျစ်သီးနယ်ရန် တွင်းကို တူး၍ လင့်စင်တစ်ခုကို ဆောက်၏။ ပြီးလျှင် သူသည် ထိုစပျစ်ဥယျာဉ်ကို ဥယျာဉ်စိုက်ပျိုးသူတချို့ကို ငှားထားခပြီးနောက် ခရီးလားခလေ၏။ 34 စပျစ်သီးခူးချိန် ရောက်သောအခါ သူသည် သူ၏ခြံငှားခရမည့် သီးနှံစိုက် တောင်းရန် သူ၏ကျွန်တို့ကို ခြံငှားတိပါးသို့ ရွတ်လိုက်၏။ 35 ခြံငှားတိက သူ၏ ကျွန်တို့ကို ဖမ်းဆီးကာ တစ်ယောက်ကို ရိုက်ပုတ်ကြ၏။ တစ်ယောက်ကိုကား အသိသတ်ကြ၏။ တစ်ယောက်ကို ကျောက်ခဲနှင့် ပစ်ကြ၏။ 36 ခြံပိုင်သျှင်က ပထမအကြိမ်ထက်များသော ကျွန်တို့ကို နောက်ထပ်တစ်ခါ ရွတ်လိုက်၏။ ခြံငှားတိက ထိုနည်းအတိုင်း ပြု၍ ရွတ်လိုက်ကြပြန်၏။ 37 နောက်ဆုံး၌ ပိုင်သျှင်က ‘သူရဲ့သည် ငါ၏သားကို အမှန် ရှိသိကြလိမ့်မည်’ ဟု ဆိုကာ သူ့သားကို သူရဲ့ပါးသို့ ရွတ်လိုက်၏။ 38 သို့ရာတွင် သီးစားအငှားသားတိက သူ၏သားကို မြင်သောအခါ ‘ဤသူသည် ခြံပိုင်သျှင်သား ဖြစ်တော၊ လာကတ်၊ သူ့ကို သတ်ပြီးကေ သူ့အဖို့ကို ငါရဲ့ ယူကတ်မေ’ 39 ဟု ခြံငှားတိက ပိုင်သျှင်၏သားကို ဖမ်းဆီးကာ ခြံပြင်သို့ ထုတ်၍ သတ်ပစ်လိုက်ကြ၏။ 40 “သို့ ဖြစ်လျှင် စပျစ်ခြံပိုင်သျှင် လာသောအခါ သူသည် ထိုခြံငှားတိကို ဇာပိုင် လုပ်လိမ့်မည်နည်း” ဟု ယေသူက မိန်းတော်မူ၏။ 41 “သူရဲ့က သူသည် ထိုဆိုးယုတ်သောသူတို့ကို ဧကန်မချ သတ်ပစ်လိမ့်မည်၊ သူ၏စပျစ်ဥယျာဉ်ကိုလည်း အသီးပေါ်ချိန်မှာ သီးစားခပီးသော တခြားလူတို့ကို ငှားပစ်လိမ့်မည်” ဟု ဖြေကြ၏။ 42 ယေသူက သမ္မာကျမ်းစာကို သင်ရဲ့ တစ်ခါလည်း မဖတ်ဖူးကတ်လား၊ “တိုက်အိမ်ကို ဆောက်သောသူတိက အသုံးမဝင်၍ ပယ်ထားသော ကျောက်တုံးသည် အဆောက်အဦးတစ်ခုလုံး၏ အရေအကြီးဆုံးနီရာ၌ ပြန်ရောက်လာ၏။ ဤကား ဘုရားသခင် ပြုတော်မူသောအမှု ဖြစ်၏။ ငါရဲ့ အမြင်မှာ အလွန်အံ့သြဖို့ ကောင်း၏” ဟု မိန်းတော်မူ၏။ 43 “ထို့ကြောင့် ယေသူက သင်ရဲ့ကို ငါဆိုသည်ကား

ဘုရားသခင်၏နိုင်ငံတော်ကို သင်ရိုးပါးက သိမ်းယူ၍ နိုင်ငံတော်၏အသီးကို သီးမည့် လူတိပါးသို့ ပီးအပ်လိမ့်မည်” ဟု ထပ်၍ မိန့်တော်မူ၏။ 45 ယစ်ပုရောဟိတ်အကြီးအကဲများနှင့် ဖာရိယုများသည် ယေသျှုပြောသည့် ပုံဥမာကို ကြားကြသောအခါ မိမိရို၏အကြောင်းကို ပြောနိုင်သည်ဟု သိကြ၏။ 46 ထို့ကြောင့် သူရိသည် ယေသျှုကို ဖမ်းဆီးရန် ကြိုးစားကြ၏။ သို့သော်လည်း လူအများက ယေသျှုသည် ပရောဖက်တစ်ပါးဖြစ်သည်ဟု ယုံကြည်ကြသောကြောင့် လူထုပရိသတ်ကို ကြောက်နိန့်ကြ၏။

22 ယေသျှုသည် လူတို့ကို ပုံဥမာကို သုံး၍ တဖန် မိန့်တော်မူပြန်၏။ 2 “ကောင်းကင်နိုင်ငံတော်သည် ဤဥပမာနှင့် တူ၏။ အယင်က သျှင်ဘုရင်တစ်ပါးသည် မိမိသားတော်အတွက် မင်္ဂလာပွဲတစ်ခုကို ပျဉ်ဆင်ကျင်းပ၏။ 3 ထိုမင်းကြီးသည် မိမိ၏အခိုင်းအစီများအား မင်္ဂလာပွဲသို့ ဖိတ်ထားသော ဧည့်သည်တော်များကို ခေါ်ခိုင်းလိုက်၏။ သို့သော်လည်း သူရိသည် မလာဘဲနိန့်ကြ၏။ 4 မင်းကြီးက ‘ငါ၏နွားထီးတိ၊ နွားချေတိုကို သတ်ပြီး အားလုံးကို အဆင်သင့်ပျဉ်ထားပြီးယာ၊ သို့ဖြစ်၍ မင်္ဂလာပွဲတော်သို့ လာရောက်ရန် ဖိတ်ကြားထားသောသူတို့ကို လားပြောကတိ’ ဟု သာ၍များသော အခိုင်းအစီတို့ကို စီစဉ်လိုက်၏။ 5 သို့သော်လည်း ဖိတ်ကြားထားသောသူများသည် ဂရုမစိုက်ဘဲ မိမိရို၏စီးပွားရေးအလုပ်သို့သာ လားကြ၏။ တစ်ယောက်က လယ်တောသို့ လား၏။ တခြားတစ်ယောက်က ဈေးရောင်းဖို့ ထွက်လား၏။ 6 တခြားလူတို့က အခိုင်းအစီတို့ကို ဖမ်းဆီး၍ ထုထောင်းကာ သတ်ဖြတ်ကြ၏။ 7 ထို့ကြောင့် ဘုရင်မင်းကြီးသည် လွန်စွာစိတ်ဆိုးလျက် သူ၏ စစ်တပ်ကို စီစဉ်၍ ထိုလူသတ်သမားတို့ကို သတ်ဖြတ်ပြီးလျှင် သူရိ၏ မြို့ကိုလည်း မီးတိုက်ပစ်လိုက်လေ၏။ 8 ထိုအခါ ဘုရင်မင်းကြီးက အခိုင်းအစီကျွန်ုပ်တို့ကို ခေါ်ပြီးလျှင် ‘ငါ၏ မင်္ဂလာပွဲသည် အဆင်သင့် ဖြစ်နိုင်ပြီ သို့သော်လည်း ငါ ဖိတ်ထားသောသူတို့သည် မင်္ဂလာပွဲသို့ လာရောက်ခြင်းငှာ မထိုက်တန်။ 9 ထို့ကြောင့် သင်ရိုးသည် အဂုပင် လမ်းဆုံ လမ်းခွဲများသို့ လား၍ တို့သမျှ လူတို့ကို မင်္ဂလာပွဲသို့ ဖိတ်ခေါ်ကတိ’ ဟု စီစဉ်လိုက်၏။ 10 ထို့ကြောင့် အခိုင်းအစီများသည် လမ်းကြိုလမ်းကြားသို့ ဝင်၍ လူဆိုးလူကောင်းမကျန် တို့သမျှ လူတို့ကို စုလိုက်ကြသဖြင့် မင်္ဂလာခန်းမတစ်ခုလုံး လူတို့ ပြည့်လျှံလားလေ၏။ 11 “သို့သော်လည်း မင်းကြီးသည် ဧည့်သည်တို့ကို ကြည့်ရှုရန်ဝင်လာသောခါ မင်္ဂလာအခမ်းအနားဝတ်စုံ မဝတ်ထားသော လူတစ်ယောက်ကို မြင်တို့၏။ 12 မင်းကြီးက ‘အဆွေ၊ သင်သည် မင်္ဂလာအခမ်းအနားဝတ်စုံ မဝတ်ဘဲ ဤနီရာကို ဇာပိုင် ရောက်လာလဲ’ ဟု ထိုသူအား မိန်းလေ၏။ သို့ရာတွင် ထိုသူက တစ်ခုလည်း ပြန်မပြောဘဲ နိန့်၏။ 13 ထိုအခါ ဘုရင်မင်းကြီးက ‘ဤသူ၏ ခြံလက်တို့ကို တုတ်ချိုင်ပြီးလျှင် ပွဲအပြင်ဖက် မှောင်မိုက်ထဲသို့ ဝေးထုတ်ပစ်လိုက်ကတိ။ ယင်းသူသည် ယင်းနီရာမှာ အံကြိတ်၍ ငိုကျိုးလျက် နိန့်ရလိမ့်မည်’ ဟု အခိုင်းအစီတို့ကို မိန့်တော်မူ၏။” 14 ယေသျှုက “ဖိတ်ခေါ်ထားသောသူ များစွာဟိသော်လည်း ရွီးကောက်ခံရသူ အလွန်နည်း၏” ဟု ပြော၍ ပုံပြင်ကို အဆုံးသတ်လိုက်၏။ 15 ဖာရိယုများ ထွက်လားပြီးနောက် ယေသျှုကို မိန်းခွန်းများ မိန်း၍ အပြစ်ရှာခြင်းငှာ စီမံကြ၏။ 16 ထို့ကြောင့် သူရိသည် မိမိ၏တပည့်တိနှင့် ဟောရခို၏လူရိုကို ကိုယ်တော်ပါးသို့ စီစဉ်လိုက်ကြ၏။ သူရိက “ဆရာ ကိုယ်တော်သည် ဇာသူတစ်ယောက်၏ အဆင့်အတန်းကိုလည်း စိတ်မဝင်းစားသည်ဖြစ်၍ တခြားလူတို့၏ ထင်မြင်ချက်ကို စိုးရိမ်စိတ် မဟိဘဲ လူတို့အား ဘုရားသခင်အလိုတော်နှင့် ဆိုင်သော သမ္မာတရားကို သွန်သင်ပီးပါ၏။ ကိုယ်တော်သည် သမ္မာတရားကို ဟောကြားတော်မူသည်ကို အကျွန်ုပ်ရို သိကြပါ၏။ 17 သို့ ဖြစ်၍ ရောမဇကရာဇ်ဘုရင်ကို လူခွန်ပီးခွင့် ဟိပါသလား၊ ကိုယ်တော်၏ ထင်မြင်ချက်က ဇာပိုင်လဲ၊ အကျွန်ုပ်ရိုအား မိန့်ကြားတော်မူပါ” ဟု လျှောက်ကြ၏။ 18 သို့သော်လည်း ယေသျှုသည် သူရိ၏ယုတ်ညံ့သော အစီအစဉ်ကို သတိမူ၍ “သူတော်ကောင်းယောင်ဆောင်သောသူတို့၊ ငါ့ကို အပြစ်ရောက်စီခြင်းငှာ ဇာကြောင့် ကြိုးစားနိုင်ကတိလဲ။ 19 သင်ရိုး အခွန်ပီးသော ဒင်္ဂါးပြားကို ငါ့ကို ပြကတိပါ” ဟု မိန့်တော်မူ၏။ သူရိသည် ဒင်္ဂါးပြားကို ယေသျှုပါးသို့ ယူလာကြသောအခါ၊ 20 ကိုယ်တော်က “ဤဒင်္ဂါးပြားမှာ

ဇာသု၏မျက်နှာပုံနှင့် နာမည်ပါလဲ” ဟု သူရိုက် မိန်း၏။ 21 သူရိုက် “ဧကရာဇ်မင်းကြီး၏ မျက်နှာပုံနှင့် နာမည်ပါ၏” ဟု လျှောက်ကြ၏။ ထို့ကြောင့် ယေသျှုက “ကောင်းယာ၊ ဧကရာဇ်မင်းကြီးပိုင်သောအရာကို ဧကရာဇ်မင်းကြီးအား ပီးကြ။ ဘုရားသခင်ပိုင်သောအရာကို ဘုရားသခင်အား ပီးကြ” ဟူ၍ မိန့်တော်မူလိုက်၏။ 22 သူရိုသည် ဤစကားကို ကြားကြသောအခါ အလွန်အံ့ဩလျက် ကိုယ်တော်ပါးက ထွက်ခွာလားကြ၏။ 23 ထိုနိဗ္ဗိဒ္ဓ ဇွဲကရိုသည် ယေသျှုပါးသို့ ရောက်လာကြ၏။ ထိုသူရိုက လူသည် သီပြီးလျှင် သီခြင်းက ထမြောက်ခြင်းမဟုတ် အခိုင်အမာ ယုံကြည်ကြ၏။ 24 သူရိုက “ဆရာ၊ မောသျှုက အကျွန်ရိုကို ပြောထားသည့်မှာ အချေမရဘဲ သီကျလားသည့် လူတစ်ယောက်အတွက် မျိုးဆက်မပြတ်စီခြင်းငှာ၊ ကျန်နိဗ္ဗိဒ္ဓသော မုဆိုးမကို သူ၏ညီ တစ်ယောက်ယောက်နှင့် ပီးစပ်ရမည်ဟူ၍ ပြောကြ၏။ 25 ဂုအချိန်မှာ ဤအရပ်၌ ညီအစ်ကို ခုနစ်ယောက်ဟိပါ၏။ အစ်ကိုအကြီးဆုံးသည် လက်ထပ်ပြီး၍ အချေမရဘဲ သီလားခ၏။ ထို့ကြောင့် ကျန်နိဗ္ဗိဒ္ဓသည့် မုဆိုးမကို ဒုတိယညီဖြစ်သူက လက်ထပ်ယူ၏။ 26 သူသည်လည်း သူမကို လက်ထပ်ပြီးနောက် သားသမီးမရဘဲ သီလားသဖြင့် တတိယညီက ထိုမိန်းမကို လက်ထပ်ပြန်၏။ နောက်ဆုံး ညီအစ်ကို ခုနစ်ယောက်လုံးနှင့် လက်ထပ်ပြီးသော်လည်း သားသမီးမရဘဲ ညီအစ်ကိုအားလုံး သီကျလားကြ၏။ 27 နောက်ဆုံး၌ ထိုမိန်းမပါ သီကျလား၏။ 28 ဤသို့ ဖြစ်လျှင် ထိုသူအားလုံးသည် သီခြင်းက ထမြောက်လာကြသည့်အခါ ထိုမိန်းမသည် လက်ထပ်ကြသောညီအစ်ကို ခုနစ်ယောက်ထဲက ဇာသုမယား ဖြစ်လိပ်ဖို့လဲ” ဟု မိန်းကြ၏။ 29 ယေသျှုက “သင်ရိုသည် ဘုရားသခင်၏တန်ခိုးကိုလည်းကောင်း ကျမ်းစာကိုလည်းကောင်း မသိကြသောကြောင့် အလွန် လွဲမှားနိုင်ကြ၏။ 30 သီခြင်းက ထမြောက်ကြသောသူများသည် ကောင်းကင်တမန်များကဲ့သို့ ဖြစ်ကြပြီးလျှင် လက်ထပ်ထိမ်းမြားခြင်းကို မပြုကတိယာ။ 31 သင်ရိုသည် သီခြင်းက ထမြောက်ခြင်းနှင့် ပတ်သက်၍ ဘုရားသခင်၏နှုတ်ကပတ်တော်ကို တစ်ခါလည်း မဖတ်ဖူးကတိပါလား။” 32 “ငါသည် အာဗြဟံဘုရား၊ ဣဇာကဘုရား၊ ယာကုပ်ဘုရား ဖြစ်၏” ဟု မိန့်တော်မူသည့်အတိုင်း “ဘုရားသခင်သည် သီကျလားသူရို၏ဘုရား မဟုတ်။ အသက်ရှင်နိုင်သောသူရို၏ဘုရား ဖြစ်၏” ဟု မိန့်တော်မူ၏။ 33 လူအုပ်ကြီးက ဤအကြောင်းကို ကြားကြသောအခါ သူ၏ဆုံးမဩဝါဒကို အလွန် ချီးမွမ်းအံ့ဩကြ၏။ 34 ယေသျှုသည် ဇွဲကရို ပြန်မပြောနိုင်လောက်အောင် ဩဝါဒ ပီးတော်မူသည်ကို ဖာရိယုံရို ကြားကြသည့်အခါ သူရိုသည် အတူတကွ စုရုံးကြ၏။ 35 ထိုအခါ သူရိုအထဲက ကျမ်းတတ်ဆရာတစ်ယောက်သည် မိန်းခွန်းတစ်ခုကို မိန်းကာ ကိုယ်တော်ကို အပြစ်ရှာရန် ကြိုးစားလေ၏။ 36 “ဆရာ၊ ပညတ်တရားထဲမှာ ဧပညတ်သည် အကြီးမြတ်ဆုံးပါလဲ” ဟု သူက မိန်း၏။ 37 ယေသျှုက “‘သင်ရို၏အသျှင် ထာဝရဘုရားကို မိမိ၏ စိတ်နှလုံး အကြွင်းမဲ့ ဉာဏ်ဟိသမျှနှင့် ချစ်ကြလော့’ 38 ဤပညတ်သည် ပထမဆုံးနှင့် အကြီးမြတ်ဆုံး ပညတ်ဖြစ်၏။ 39 ထို့နောက် ဒုတိယပညတ်မှာ ‘ကိုယ်နှင့်စပ်ဆိုင်သောသူကို ကိုယ်နှင့်အမျှ ချစ်လော့’ ဟူ၍ ဖြစ်၏။ ပထမပညတ်နှင့် တူ၏။ 40 ဤပညတ်နှစ်ပါးသည် မောသျှု၏ပညတ္တိကျမ်းနှင့် ပရောဖက်ကျမ်းများ၏ အချုပ်ဖြစ်၏” ဟု မိန့်တော်မူ၏။ 41 ဖာရိယုံရို အတူတကွ စုရုံးနိုင်ကြသောအခါ ယေသျှုက၊ 42 “သင်ရိုသည် မေသျှိယအကြောင်းကို ဇာပိုင် စဉ်းစားနိုင်ကတိလဲ၊ သူသည် ဇာသု၏သားလဲ” ဟု သူရိုကို မိန်း၏။ သူရိုက “သူသည် ဒါဝိဒ်၏သား” ဟု ဖြေကြ၏။ 43 ယေသျှုက “ယင်းပိုင်ဆိုင်ကေ ဒါဝိဒ်သည် ဝိညာဉ်တော်အားဖြင့် မေသျှိယကို ‘သခင်’ ဟု ခေါ်သည်ကို ဇာပိုင် ဟိကတိဖို့လဲ။ အကြောင်းမူကား ဒါဝိဒ်က ပြောသည်မှာ 44 “‘ထာဝရဘုရားသည် ငါ၏သခင်အား မိန့်တော်မူသည်မှာ ငါသည် သင်၏ရန်သူအားလုံးကို သင်၏ဗြီဟိအောက်၌ ချထားသည့်တိုင်အောင် သင်သည် ငါ၏လက်ယာဖက်၌ ထိုင်နိုင်လော့’ ဟူ၍ ဖြစ်၏။ 45 ထိုသို့ ဒါဝိဒ်က မေသျှိယကို ‘သခင်’ ဟု ခေါ်ခလျှင် မေသျှိယသည် ဒါဝိဒ်၏သား ဇာပိုင် ဖြစ်နိုင်ဖို့လဲ” ဟု ဖာရိယုံရိုကို မိန်း၏။ 46 ယေသျှု၏ မိန်းခွန်းကို တစ်ယောက်လည်း မဖြေနိုင်ကြ။ ထိုနိမ့်မှစ၍ မည်သူတစ်ဦးတစ်ယောက်ကမျှ ယေသျှုအား မိန်းမြန်းစုံစမ်းခြင်း မလုပ်ဝံ့ကတိယာ။

23 ထို့နောက် ယေသျှုသည် မိမိ၏တပည့်တော်ရိုနှင့် လူထုပရိသတ်တို့ကို မိန့်တော်မူသည်မှာ 2 “ကျမ်းတတ်ဆရာနှင့် ဖာရိယုံရိုသည် မောသျှု၏ပညတ်တရားများကို ဘာသာပြန်ခွင့်ဟိသူများ ဖြစ်ကြ၏။ 3 ထို့ကြောင့် သင်ရိုသည်

သူရိ၊ ပြောသမျှကို နာခံ၍ လိုက်လျှောက်ကတ်။ သို့သော်လည်း သူရိကျင့်သည့်အတိုင်း မကျင့်ကတ်ကေ၊ အကြောင်းမူကား သူရိသည် မိမိရိုဟောပြောသည့်အတိုင်း မကျင့်ကတ်။ **4** ထိုသူရိသည် အလွန်လေး၍ ထမ်းရန်ခက်ခဲသောဝန်ထုပ်များကို သူတစ်ပါး ပက်ကုန်းထက်မှာ တင်တတ်ကြ၏။ သို့သော်လည်း သူရိမူကား ထိုဝန်ထုပ်များကို ထမ်းခြင်းငှာ သူရိကိုယ်တိုင် လက်ဖျားနှင့်တောင် မတို့ချင်ကြ။ **5** သူရိသည် မိမိရိုပြုသမျှကို လူအများ မြင်စိခြင်းငှာ ပြုတတ်ကြ၏။ သူရိသည် ပန်းဖွားအရှည်ကြီး ထိုးထားသည့် ဝတ်ရုံများကို ဝတ်ဆင်၍ မိမိရို၏နဖူးနှင့် လက်မောင်းများတွင် သမ္မာကျမ်းစာပါသော အဆောင်လက်ဖွဲ့များကို ပတ်စည်းကာ **6** စားသောက်ပွဲများ၌ ဂုဏ်သိက္ခာဟိသော နီရာများကိုလည်းကောင်း တရားဇရပ်များ၌ ထည်ဝါခန်းနားသော ထိုင်ခုံများကိုလည်းကောင်း ကြိုက်တတ်ကြ၏။ **7** သူရိသည် လူစည်ကားရာအရပ်၌ ရိုသီစွာဖြင့် နှုတ်ဆက်ခြင်းကိုလည်းကောင်း ‘အသျှင်ဘုရား’ ဟူ၍ ခေါ်ဝေါ်ခြင်းကိုလည်းကောင်း အလွန် နှစ်သက်ကြ၏။ **8** သို့ရာတွင် သင်ရိုးသည် ‘ဆရာ’ ဟူ၍ ခေါ်ဝေါ်ခြင်းကို မခံကတ်ကေ၊ အကြောင်းမူကား သင်ရိုးအားလုံးသည် ညီအစ်ကိုတို့ ဖြစ်ကြ၏။ သင်ရိုးတွင် ဆရာ ဟူ၍ တစ်ဆူတည်းသာ ဟိ၏။ **9** မြီကြီးပေါ်၌ ဇာသူကိုလေ့ ‘အဖ’ ဟု မခေါ်ကတ်ကေ၊ သင်ရိုးတွင် ကောင်းကင်ဘုံ၌ အဖ တစ်ပါးတည်းသာ ဟိ၏။ **10** သင်ရိုးသည် ‘ဥပဇ္ဈာယ်ဆရာ’ ဟူ၍ ခေါ်ဝေါ်ခြင်းကို မခံကတ်ကေ၊ အကြောင်းမူကား သင်ရိုး၌ ဥပဇ္ဈာယ်ဆရာတည်းဟူသော မေဃျိယ တစ်ပါးတည်းသာ ဟိ၏။ **11** သင်ရိုး၌ အကြီးဆုံးဖြစ်သောသူသည် သင်ရိုးအားလုံး၏အခိုင်းအစီ ဖြစ်ရမည်။ **12** ဇာသူမဆို မိမိကိုယ်ကို ချီးမြှောက်သောသူသည် နိမ့်ချခြင်းကို ခံရမည်။ မိမိကိုယ်ကို နိမ့်ချသောသူသည် ချီးမြှောက်ခြင်းကို ခံရလိမ့်မည် ဟူ၍ မိန့်တော်မူ၏။ **13** “ကျမ်းတတ်ဆရာတို့နှင့် ဖာရိယုတိ၊ သင်ရိုးသည် အမင်္ဂလာဟိကြ၏။ သင်ရိုးသည် သူတော်ကောင်းယောင်ဆောင်သောသူတို့ ဖြစ်ကြ၏။ သင်ရိုးသည် ကောင်းကင်နိုင်ငံတန်းခါးပေါက်ကို လူတိရှိက ပိတ်ထားကြ၏။ သင်ရိုးသည် ကိုယ်တိုင်လည်းမဝင်၊ ဝင်ဖို့ ကြိုးစားနိုင်သော သူတို့ကိုလည်း ဝင်ခွင့်မပြုကြ။” **15**

“ကျမ်းတတ်ဆရာနှင့် ဖာရိယုတိ၊ သင်ရိုးသည် အမင်္ဂလာဟိကြ၏။ သင်ရိုးသည် သူတော်ကောင်းယောင်ဆောင်သောသူတို့ ဖြစ်ကြ၏။ သင်ရိုးသည် လူတစ်ယောက်ကို ဘာသာသွင်းခြင်းငှာ ရီ မြီအနွဲ့ လှည့်လည်ကြ၏။ သင်ရိုးသည် ဘာသာသွင်းပြီးသောအခါ၌လည်း သူရိုကို မိမိရိုထက် နှစ်ဆသောငရဲကို ခံစိကြ၏။” (Geennag1067) **16** “မျက်ကန်းလမ်းပြတိ၊ သင်ရိုးသည် အမင်္ဂလာဟိကြ၏။ ‘မည်သူမဆို ဗိမာန်တော်ကို တိုင်တည်၍ ကျိန်ဆိုလို့ မရ၊ ဗိမာန်တော်ထဲ၌ ဟိသောရွှီကို တိုင်တည်၍ ကျိန်ဆိုမှရာ ရ၏’ ဟု သင်ရိုးသည် သွန်သင်နိုင်ကြ၏။ **17** မျက်ကန်းလမ်းပြတိ၊ ရွှီက ကြီးမြတ်လား၊ ရွှီကို သန့်ယှင်းစီတော်မူသော ဗိမာန်တော်က သာ၍ ကြီးမြတ်သလား။ **18** သင်ရိုးက ‘မည်သူမဆို ယဇ်ပလ္လင်ကို တိုင်တည်၍ ကျိန်ဆိုလျှင် မရ၊ ယဇ်ပလ္လင်ထက်မှာ ဟိသော ယဇ်ပူဇော်သကာကို တိုင်တည်၍ ကျိန်ဆိုမှရာ ရ၏’ ဟု သွန်သင်နိုင်ကြ၏။ **19** သင်ရိုးသည် မျက်ကန်းတိပါကား။ ယဇ်ပူဇော်သကာက ကြီးမြတ်တော်မူသလော၊ ယဇ်ပူဇော်သကာကို သန့်ယှင်းစီတော်မူသော ယဇ်ပလ္လင်က သာ၍ ကြီးမြတ်တော်မူသလော။ **20** ထို့ကြောင့် ယဇ်ပလ္လင်ကို တိုင်တည်၍ ကျိန်ဆိုသောသူသည် ယဇ်ပလ္လင်နှင့်တကွ ယဇ်ပလ္လင်ထက်မှာ ဟိသမျှတို့ကို တိုင်တည်၍ ကျိန်ဆိုခြင်း ဖြစ်၏။ **21** သို့ ဖြစ်၍ ဗိမာန်တော်ကို တိုင်တည်ပြီး ကျိန်ဆိုသောသူသည် ဗိမာန်တော်နှင့်တကွ ဗိမာန်တော်၌ ကိန်းဝပ်တော်မူသောအသျှင်ကို တိုင်တည်၍ ကျိန်ဆိုခြင်း ဖြစ်၏။ **22** ကောင်းကင်ဘုံကို တိုင်တည်၍ ကျိန်ဆိုသောသူသည် ဘုရားသခင်၏ပလ္လင်တော်နှင့်တကွ ထိုပလ္လင်တော်၌ စံနိုင်တော်မူသော အသျှင်ကို တိုင်တည်၍ ကျိန်ဆိုခြင်း ဖြစ်၏။ **23**

“ကျမ်းတတ်ဆရာနှင့် ဖာရိယုတိ၊ သင်ရိုးသည် အမင်္ဂလာဟိကြ၏။ သင်ရိုးသည် သူတော်ကောင်းယောင်ဆောင်သောသူတို့ ဖြစ်ကြ၏။ သင်ရိုးသည် နှုန်း၊ စမုစပါး၊ ဇီယာ အစဟိသည့် ဟင်းမွှီးမဆလာတိမှာတောင်မှ ဘုရားသခင်ကို ဆယ်ဖို့တစ်ဖို့ ပီးကြ၏။ သို့ရာတွင် သင်ရိုးသည် တရားမျှတမှု၊ သနားကရုဏာထားမှု၊ သစ္စာဟိမှုတည်းဟူသော သာ၍ အရေးကြီးသည့် ပညတ်တရားများကို ဘေးဖယ်ထားကတ်ပါကား။ ဦးစွာဖော်ပြသော ပညတ်တရားများကို ဘေးဖယ်ထားဘဲ နောက်ဖော်ပြသော ပညတ်တရားများကိုလည်း လက်တွဲလိုက်နာအပ်၏။ **24** မျက်ကန်းလမ်းပြတိ၊

သင်ရိုးသည် ခြင်ချေတစ်ကောင်မျှ မပါရယောင် ရှိကို စစ်ကြပြီးလျှင် ကုလားအုတ်ကို အကောင်လိုက် မျိုချနိုင်ကတိပါကား။

25 “ကျမ်းတတ်ဆရာနှင့် ဖာရိယုတိ၊ သင်ရိုးသည် အမင်္ဂလာဟိကြ၏။ သင်ရိုးသည် သူတော်ကောင်းယောင်ဆောင်သောသူတို့ ဖြစ်ကြ၏။ သင်ရိုးသည် သင်ရိုး၏လောင်ပွန်း၊ ခွက်ဖလားတို့ကို အပြင်ဖက်က စင်ကြယ်အောင် ဆီးကြောကြသော်လည်း သင်ရိုး၏အတွင်း၌ကား အတ္တမာနနှင့် အခိုင်ကျင့်မှုတို့ ပြည့်နိုင်ကြ၏။ **26** မျက်ကန်းဖာရိယု၊ ခွက်ဖလားအတွင်းကို အလျှင် စင်ကြယ်အောင် ဆီးကြောကတိပါ။ ထိုသို့ ပြုလျှင် အပြင်၌လည်း သန့်ယုင်းစင်ကြယ်လိမ့်မည်။ **27** “ကျမ်းတတ်ဆရာတို့နှင့် ဖာရိယုတိ၊ သင်ရိုးသည် အမင်္ဂလာဟိကြ၏။ သင်ရိုးသည် သူတော်ကောင်းယောင်ဆောင်သောသူတို့ ဖြစ်ကြ၏။ သင်ရိုးသည် ထုံးဖြူသုတ်ထားသည့်သင်္ချိုင်းအုတ်ဂူနှင့် တူ၏။ သင်္ချိုင်းအုတ်ဂူသည် အပြင်ဖက်က လှပသယောင်ဟိသော်လည်း အတွင်း၌ကား လူသီကောင်ရိုး၏အရိုးတို့၊ အညစ်အကြေးတို့နှင့် ပြည့်နိုင်၏။ **28** ထိုနည်းတူစွာ သင်ရိုးသည် အပြင်သဏ္ဌာန်အားဖြင့် လူတို့ကို သူတော်ကောင်းယောင်ဆောင်ပြပြီးလျှင် အတွင်း၌ကား ဟန်ဆောင်မှု၊ မတရားမှုတို့နှင့် ပြည့်နိုင်ကြ၏။ **29** “ကျမ်းတတ်ဆရာတို့နှင့် ဖာရိယုတိ၊ သင်ရိုးသည် အမင်္ဂလာဟိကြ၏။ သင်ရိုးသည် သူတော်ကောင်းယောင်ဆောင်သောသူတို့ ဖြစ်ကြ၏။ သင်ရိုးသည် ပရောဖက်များ၏သင်္ချိုင်းဂူကို ကောင်းစွာပြုလုပ်၍ သူတော်ကောင်းရိုး၏သင်္ချိုင်းဂူကို အလှဆင်ကြ၏။ **30** တဖန် သင်ရိုးက ငါရိုးသည် ငါရိုး၏ ဘိုးဘွားလက်ထက်က ဟိခလျှင် ပရောဖက်ရိုး၏အသွီးကို သွန်းခြင်း၌ သူရိနှင့်အတူ ပါဝင်ကြလိမ့်မည် မဟုတ်ဟု ပြောဆိုလေ့တိကြ၏။ **31** ထိုသို့ ပြောဆိုခြင်းသည်ကား သင်ရိုးသည် ပရောဖက်တို့ကို သတ်သောအမျိုး ဖြစ်ကြောင်း သင်ရိုးကိုယ်တိုင် သက်သိခံနိုင်ကြခြင်းဖြစ်၏။ **32** သင်ရိုးသည် သင်ရိုးအဖိုးအဖိုးတိက စ၍ လုပ်ခသည့်အလုပ်ကို ပြီးဆုံးသည့်တိုင်အောင် ဆက်ပြီး လုပ်ကတိပါ။ **33** အသင်မြှီတို့နှင့် မြှီဆိုးအမျိုးတို့၊ သင်ရိုးသည် ပြစ်ဒဏ်ခံရမည့်ငရဲက လွတ်လိမ့်မည်ဟု ထင်နိုင်ကတိလား။ (Geenna g1067) **34** သင်ရိုးပါးသို့ ပရောဖက်တို့၊ ပညာဟိတို့နှင့် ကျမ်းတတ်ဆရာတို့ကို ငါ ရွတ်လိုက်၏။ သင်ရိုးသည် သူရိုးထဲက တချို့ကို သတ်ကြလိမ့်မည်၊ တချို့ကို လက်ဝါးကပ်တိုင်မှာ တင်၍ သတ်ကြလိမ့်မည်၊ တချို့ကို တရားဇရပ်ထဲ၌ သတ်ပုတ်ကြလိမ့်မည်၊ တစ်မြို့ပြီး တစ်မြို့ လိုက်၍ ဖမ်းကြလိမ့်မည်။ **35** ဖြောင့်မတ်သော အာဗေလမှစ၍ ဗာရခိသား ဇာခရိတိုင်အောင် ယစ်ပလ္လင်နှင့် ဗိမာန်တော်ကြား မြို့ကြီးထက်မှာ သင်ရိုးသတ်ထားသော အပြစ်မဲ့လူတို့၏ အသွီးနှင့်ပတ်သက်သော အပြစ်အားလုံးသည် သင်ရိုးထက်သို့ ပုံ၍ ကျကတိလိမ့်မည်။ **36** ငါသည် အမှန်အတိုင်း သင်ရိုးကို ပြောရလျှင် ဤအပြစ်အားလုံးသည် အဂုဟိနိုင်ကြသော လူတို့ထက်မှာ ကျလကတိလိမ့်မည်။ **37** “ယေရုဆလင်မြို့၊ ယေရုဆလင်မြို့ သင်သည် ပရောဖက်တို့ကို သတ်မြဲ သတ်နိုင်ပါရကား။ သင့်ပါးသို့ ဘုရားသခင်စီရိတ်လိုက်သော တမန်တော်တို့ကို ကျောက်ခဲနှင့်ပစ်၍ မောင်းထုတ်မြဲ မောင်းထုတ်နိုင်ကတိပါရကား။ ကြက်မသည် ကြက်ချေတို့ကို မိမိ၏ အတောင်အောက်မှာ စုသိမ်းလျက် အုပ်ထိန်းထားသကဲ့သို့ ငါသည် သင်ရိုးအားလုံးကို စုသိမ်းလျက် အုပ်ထိန်းထားချင်ပါ၏။ သို့သော်လည်း သင်ရိုးသည် မလိုလားကတိပါကား။ **38** သို့ ဖြစ်၍ သင်ရိုး၏ ဗိမာန်တော်သည် စွန့်ပစ်ခြင်းကို ခံရသဖြင့် လူသူကင်းမဲ့လျက်ဟိလိမ့်မည်။ **39** ထို့ကြောင့် သင်ရိုးကို ငါဆိုသည်ကား ‘ထာဝရဘုရား၏နာမတော်ဖြင့် ကြွလာသောသူအား ဘုရားသခင် ကောင်းကြီးပီး ပါစိ’ ဟု သင်ရိုးနှုတ်က မပြောသည့်တိုင်အောင် သင်ရိုးသည် အဂုအချိန်မှစ၍ ငါ့ကို နောက်တဖန် မြင်ကြရလိမ့်မည် မဟုတ်” ဟု မိန့်တော်မူ၏။

24 ယေသျှုသည် ဗိမာန်တော်ထဲမှ ထွက်လာတော်မူပြီးနောက် တပည့်တော်တို့က ဗိမာန်တော်အဆောက်အဦးကို ကြည့်ရန် လာ၍ခေါ်ကြ၏။ **2** ထိုအခါ ယေသျှုက “သင်ရိုးသည် ဤအဆောက်အဦးများကို မြင်ကြသလား။ သင်ရိုးကို ငါ အမှန် ဆိုသည်ကား ဤဗိမာန်တော်နိရောဋ္ဌ ကျောက်ခဲတစ်လုံးထက်မှာ တစ်လုံး မကျန်ဘဲ အားလုံးကို ဖြိုဖျက်ခြင်း ခံရလိမ့်မည်” ဟု မိန့်တော်မူ၏။ **3** ယေသျှုသည် သံလွင်တောင်ထက်မှာ ထိုင်နိုင်သောအခါ တပည့်တော်ရိုးသည် တိတ်တဆိတ် လာတို့ကြပြီးလျှင် “ဤအရာအားလုံးသည် မည်သည့် အချိန်ခါတွင် ဖြစ်လာမည်ကိုလည်းကောင်း၊ ကိုယ်တော်ပြန်ကြွလာမည့် အချိန်နှင့် ကပ်ကာလကုန်ဆုံးချိန်ကို သိနိုင်ရန် ဇာပိုင် နိမိတ်လက္ခဏာတို့ ဖြစ်လာမည်

ကိုလည်းကောင်း အကျွန်ရဲ့အား မိန့်တော်မူပါ” ဟု မိန့်လျှောက်ကြ၏။ (aiñ g165) 4 ယေသျှုက “သင်ရိုသည့် လိမ်လည်လှည့်ဖျားခြင်းကို မခံရစီရန် အထူးသတိပြုနိုင်ကတိပါ။ 5 အကြောင်းမူကား လူများစွာရိုက ‘ငါသည် မေသျှိယဖြစ်၏’ ဟု ဆိုလျက် ငါ၏နာမဖြင့် ရောက်လာကြပြီးလျှင် လူများစွာတို့ကို လှည့်စားကြလိမ့်မည်။ 6 သင်ရိုသည် စစ်ဖြစ်နိုင်ကြသည့်အကြောင်းကိုလည်းကောင်း၊ စစ်ဖြစ်နိုင်ကြကြောင်း ကောလာဟလသတင်းစကားတို့ကိုလည်းကောင်း ကြားကတ်ရလိမ့်မည်။ သို့သော်လည်း စိုးရိမ်ထိန့်လန့်ခြင်း မဖြစ်ကြစီခြင်းငှာ သတိထားကြလော့။ ထိုသို့သောအရာများသည် ဖြစ်လာရမည်။ သို့သော်လည်း နောက်ဆုံးအချိန်ကား မရောက်သိမ့်။ 7 လူတစ်မျိုးက တခြားလူမျိုးတစ်မျိုးကိုလည်းကောင်း နိုင်ငံတစ်နိုင်ငံက အခြားတစ်နိုင်ငံကိုလည်းကောင်း ရန်ပြုလာကြလိမ့်မည်။ နီရာများစွာ၌ ငတ်မွတ်ခေါင်းပါးခြင်း၊ မြိင်လျှင်လှုပ်ခြင်းတို့ ဖြစ်လာလိမ့်မည်။ 8 ဤအရာအားလုံးသည် သားဖွားခြင်းဝေဒနာ၏အစဉ်းသာ ဖြစ်သိမ့်၏။ 9 “ထိုအခါ လူတိက သင်ရိုကို နှိပ်စက်ညှဉ်းဆဲခြင်းငှာလည်းကောင်း၊ အသိသတ်ခြင်းငှာလည်းကောင်း အပ်နှံကြလိမ့်မည်။ ငါ့ကြောင့် သင်ရိုကို လူမျိုးအားလုံးက မုန်းကြလိမ့်မည်။ 10 ထိုကာလ၌ လူအများသည် ယုံကြည်မှုလွဲမှားကာ အချင်းချင်း သစ္စာဖောက်လျက် မုန်းကြလိမ့်မည်။ 11 မိစ္ဆာပရောဖက် များစွာ ပေါ်လာပြီး လူများစွာကို လှည့်ဖျားကြလိမ့်မည်။ 12 ဆိုးယုတ်မှုတို့ များပြားလာသောကြောင့် မေတ္တာတရား ခေါင်းပါးလာလိမ့်မည်။ 13 သို့သော်လည်း အဆုံးထိ အခိုင်အမာရပ်တည်သောသူသည် ကယ်တင်ခြင်းခံရလိမ့်မည်။ 14 နိုင်ငံတော်နှင့်ပတ်သက်သော ဤသတင်းကောင်းကို လူမျိုးအပေါင်းရို့အား သက်သိခံ၍ တစ်ကမ္ဘာလုံး၌ ဟောပြောကတ်လိမ့်မည်။ ထို့နောက် ကပ်ကမ္ဘာကုန်ဆုံးချိန်သည် ရောက်လာလိမ့်မည်။ 15 “ထို့ကြောင့် ပရောဖက်ဒ်ယေလ ပြောခဲ့ဖူးသည့် ပျက်စီးမှုကို ဖြစ်စီသော ‘ဆိုးရွားသည့် စက်ဆုပ်ရွံ့စွာဖွယ်ရာ’ သည် သန့်ယှဉ်းမြင့်မြတ်သောနီရာ၌ ရောက်နိုင်ကြသည်ကို မြင်ရလိမ့်မည်။” (ဇာကို ဆိုလိုသည်ကို ကျမ်းစာဖတ်သောသူသည် သေသေချာချာ နားလည်ကြစီ။) 16 ထိုအခါ ယုဒပြည်မှာ ဟိသောသူတိ တောင်ထက်သို့ တက်ပြီးကတ်လီ။ 17 အိမ်ခေါင်မိုးထက်မှာ ဟိသောသူတိ၊ အိမ်ထဲကပစ္စည်းတို့ကို ယူဖို့ ဆင်းမနိန်ကတ်ကော့။ 18 လယ်ထဲမှာ ဟိသောသူသည် မိမိ၏ဝတ်ရုံကို ယူခြင်းငှာ ပြန်မလားစီကော့။ 19 ထိုနီရာကာလ၌ ကိုယ်ဝန်ဆောင်မိခင်နှင့် နို့စို့သူငယ်ဟိသော မိခင်ရို့အတွက် အလွန် ခက်ကတ်လိမ့်မည်။ 20 သင်ရို၏ ထွက်ပြီးရမည့်အချိန်သည် ဥပုသ်နီ သို့မဟုတ် ဆောင်းရာသီကာလမှာ မဖြစ်ဖို့ ဆုတောင်းကတ်။ 21 ဤမျှလောက် ကြောက်စရာကောင်းသည့် ဒုက္ခကပ်ဆိုးကြီးသည်ကား ကမ္ဘာဦးအစကပင် ဂနိုထိတိုင်အောင် တစ်ခါမျှ မဖြစ်ဖူးခသိမ့်။ နောင်တွင်လည်း ဤကဲ့သို့ တစ်ခါမျှ ဖြစ်လိမ့်မည် မဟုတ်။ 22 သို့သော်လည်း ဤနီရာကာလကို တိုတောင်းစီတော်မမူလျှင် တစ်ယောက်လည်း အသက်ရှင်ကတ်လိမ့်မည် မဟုတ်။ ရှိုးကောက်ထားသူတို့အတွက် ဤကာလကို တိုတောင်းစီလိမ့်မည်။ 23 “ထိုကာလ၌ တစ်စုံတစ်ယောက်သောသူက ‘ကြည့်လော့၊ ဤအရပ်၌ မေသျှိယ ဟိ၏။ ထိုအရပ်၌ မေသျှိယ ဟိ၏’ ဟု ပြောကြသော်လည်း ထိုစကားကို မယုံကတ်လီကော့။ 24 အကြောင်းမူကား မေသျှိယအယောင်ဆောင်တိ၊ ပရောဖက်အယောင်ဆောင်တိ ပေါ်လာ၍ ဖြစ်နိုင်လျှင် ရှိုးကောက်ထားသောသူတို့ကိုပင် လှည့်ဖျားနိုင်ခြင်းငှာ အံ့ဩဖွယ်ရာများ၊ ကြီးမားသောနိမိတ်လက္ခဏာများကို ပြကတ်လိမ့်မည်။ 25 ဤအချိန်မရောက်ခင် သင်ရို့အား ငါ ပြောထားခသောစကားတို့ကို နားထောင်ထားကတ်။ 26 “လူတိက ‘မေသျှိယသည် တောထဲ၌ ပွင့်တော်မူနိုင်ယာ’ ဟု ပြောကြသော်လည်း မလားကတ်လီကော့။ ‘မေသျှိယသည် ဤအရပ်၌ လျှိုဝှက်စွာ ကိန်းဝပ်နိုင်တော်မူ၏’ ဟု ပြောကြသော်လည်း မယုံကတ်လီကော့။ 27 အကြောင်းမူကား အရှိအရပ်မှ အနောက်အရပ်ထိ အာကာတစ်ပြင်လုံးကို ဖြတ်၍ လျှပ်ပြင်သကဲ့သို့ လူသားသည် ကြွလာတော်မူလိမ့်မည်။ 28 “အသီကောင်ဟိသောအရပ်၌ လင်းတငှက်တိ စုလာကတ်လိမ့်မည်။ 29 “ဤဒုက္ခကပ်ဆိုးကြီးကာလ ကုန်ဆုံးလားပြီးနောက် မကြာခင်မှာ နီကို မိုက်လားစီပြီးလျှင် လသည် မိမိ၏အလင်းရောင်ကို ပီးလိမ့်မည် မဟုတ်။ ကြယ်တိသည် အာကာပြင်မှ ကြို့ကျကြပြီးလျှင် ကောင်းကင်တန်ခိုးများကို တုန်လှုပ်စီလိမ့်မည်။ 30 ထို့နောက် လူသား၏နိမိတ်လက္ခဏာသည် အာကာပြင်၌ ပေါ်ထွန်းလာလိမ့်မည်။ ကောင်းကင်တိမ်တိုက်များထက်တွင်

ကြီးမြတ်သောဘုန်းတန်ခိုးတော်နှင့် ကြွလာတော်မူသော လူသားကို မြင်ကြသောအခါ မြီကြီးထက်၌ဟိသော လူမျိုးနွယ်စုအားလုံးသည် ဝမ်းနည်းကြီကွဲကြလိမ့်မည်။ 31 ထို့နောက် လူသားသည် ကျယ်လောင်သော တံပိုးမှုတ်သံဖြင့် သူ၏ကောင်းကင်တမန်များကို စီရင်လိမ့်မည်။ ထိုအခါ ကောင်းကင်တမန်များသည် မိမိရိုးကောက်ထားသောသူတို့ကို ကောင်းကင်တစ်ဖက်စွန်းမှ အခြားတစ်ဖက်စွန်းတိုင်အောင် အရပ်လေးမျက်နှာမှ စုသိမ်းကြလိမ့်မည်။ 32 “ဤအချိန်၌ သဖန်းပင်မှ ဤသင်ခန်းစာကို သင်ယူကြလော့။ ဤအပင်၏အကိုင်အခက်များ နုလာ၍ အရွက်များထွက်လာသည်နှင့် နှိုရာသီရောက်ခါနီးလာ ဆိုသည်ကို သင်ရဲ့ သိကတပါ။ 33 ထိုနည်းတူ သင်ရဲ့သည် ဤအရာအားလုံးကို မြင်တို့ကြရသောအခါ၌ လူသားသည် တန်းခါးဝတိုင်ယောင် အနီးသို့ ရောက်နိုင်သော ဆိုသည်ကို သင်ရဲ့သိကတပါ။ 34 သင်ရဲ့ကို ငါ အမှန်ဆိုသည်ကား အဂုဏ်သက်ရှင်လျက်ဟိသောလူတို့ မသိခင် ဤအရာများအားလုံးသည် ဖြစ်လာကြလိမ့်မည်ကို မှတ်ထားကြလော့။ 35 ကောင်းကင်နှင့် မြီကြီး ပျောက်ကွယ်လားသော်လည်း၊ ငါ့စကားသည် တစ်ခါလည်း ကွယ်ပျောက်လားလိမ့်မည် မဟုတ်ချေ။ 36 “သို့သော်လည်း ထိုနို့ရက်ကာလနှင့် ပတ်သက်၍ ဇာသူလည်း မသိ — ကောင်းကင်တမန်များသော်လည်းကောင်း၊ သားတော်သော်လည်းကောင်း မသိကြ။ သို့သော်လည်း အဖ တစ်ပါးတည်းသာ သိတော်မူ၏။ 37 လူသားကြွလာသောအခါတွင် နောဇလက်ထက်၌ ဖြစ်သကဲ့သို့ ဖြစ်လိမ့်မည်။ 38 အကြောင်းမူကား ရီလွမ်းမိုးခြင်းမဖြစ်ခင် နံ့များ၌၊ နောဇသည် သဘောထဲသို့ ဝင်သည့်နို့တိုင်အောင် လူများသည် စားသောက်လျက်၊ ထိမ်းမြားစုံဘက်ခြင်းကို ပြုလျက်နိုင်ခဲ့ကြ၏။ 39 ထိုအခါ ရီလွမ်းမိုးခြင်းသည် ရောက်လာ၍ သူရိုအားလုံးကို သုတ်သင်ဖယ်ရှားလားသည့်တိုင်အောင် သူရိုသည် မည်သို့ ဖြစ်သည်ကို မသိခကတ်။ လူသားကြွလာသည့်အခါ၌ ထိုကဲ့သို့ ဖြစ်လိမ့်မည်။ 40 ထိုအချိန်တွင် လယ်တောထဲ၌ ဟိသောသူ နှစ်ယောက်တွင်၊ တစ်ယောက်ကို ယူလားပြီး တစ်ယောက်သည် ကျန်ခလိမ့်မည်။ 41 ဆန်ဖွတ်နိန်သော မိန်းမနှစ်ယောက်တွင်၊ တစ်ယောက်ကို ယူလားပြီး တစ်ယောက်သည် ကျန်ခလိမ့်မည်။ 42 “ထို့ကြောင့် သင်ရဲ့၏သခင်ဘုရားသည် ဇာနိမှာ ကြွလာမည်ကို မသိသောကြောင့် သင်ရဲ့သည် သတိနှင့် စောင့်ကြည့်နိုင်ကြလော့။ 43 သူခိုးလာမည့်အချိန်ကို အိမ်သျှင် သိလျှင် သူသည် သတိနှင့် စောင့်ကြည့်နိုင်သောကြောင့် ထိုသူခိုးသည် မိမိအိမ်ကို ဖောက်ထွင်းခွင့် ရလိမ့်မည် မဟုတ်ချေ။ 44 ထို့ကြောင့် သင်ရဲ့ မမျှော်လင့်သောအချိန်မှာ လူသားသည် ကြွလာမည်ဖြစ်၍ သင်ရဲ့သည်လည်း အဆင်သင့် ဖြစ်နိုင်ကြရမည်။ 45 “ထို့နောက် သခင်သည် မိမိအိမ်ထောင်စု၌ဟိသော အစီခံတို့ကို အချိန်တန်လျှင် သူရဲ့အတွက် စားနပ်ရိက္ခာများကို ပီးကမ်းရန် အအုပ်အချုပ် ခန့်ထားသည့် သစ္စာဟိ၍ ဉာဏ်အမြော်အမြင်နှင့် ပြည့်စုံသော အစီခံဟူသည်ကား ဇာသူလဲ။ 46 ထိုအစီခံသည် သခင်ပြန်လာသောအခါ၌ ဤသို့ ပြုလျက်ဟိသည်ကို သခင်သည်တို့၏၊ ထိုအစီခံသည် မင်္ဂလာဟိလိမ့်မည်။ 47 သင်ရဲ့ကို ငါ အမှန်ဆိုသည်ကား သခင်သည် ထိုအစီခံအား သူပိုင်ဆိုင်သောအရာအားလုံး၏ အအုပ်အချုပ်အဖြစ် ခန့်အပ်လိမ့်မည်။ 48 သို့ရာတွင် ဆိုးယုတ်သောအစီခံသည်ကား ငါ၏သခင် ပြန်လာရန် ကြာဖို့သိမ့်ဟု စိတ်ထင်ဖြင့်၊ 49 အရက်သမားတို့နှင့် သောက်စားမူးယစ်ကာ မိမိ၏လက်အောက်ငယ်သားတို့ကို ထုထောင်းသတ်ပုတ်ရန် စတင်လိမ့်မည်။ 50 မိမိ မျှော်လင့်မထားသောနို့ရက်၊ မိမိ သတိမထားမိသောအချိန်၌ ထိုအစီခံ၏သခင်ပြန်လာသောအခါ 51 ထိုဆိုးယုတ်သောအစီခံကို ပြင်းထန်စွာ ပြစ်ဒဏ်ပီးပြီးနောက် သူတော်ကောင်းယောင်ဆောင်သောသူများနှင့်အတူ နီရာချလိမ့်မည်။ သူသည် ထိုနီရာ၌ အံ့ကြိတ်၍ ငိုကျွီးနိုင်ရလိမ့်မည်။

25 “ထိုအခါ ကောင်းကင်နိုင်ငံတော်သည် မင်္ဂလာဆောင်သတို့သားကို ကြိုဆိုရန် မိမိရဲ့၏ဆီမီးခွက်များကို ယူဆောင်လျက် ထွက်လာကြသည့် အပျိုရုံဆယ်ယောက်နှင့် တူ၏။ 2 ထိုသူရဲ့ ထဲက ငါးယောက်သည် ပညာအမြော်အမြင် မဟိကြ။ ကျန်ငါးယောက်ကား ပညာအမြော်အမြင် ဟိကြ၏။ 3 ပညာအမြော်အမြင် မဟိသောသူများသည် မိမိရဲ့၏ဆီမီးခွက်များကို ယူလာကြသော်လည်း မိမိရဲ့နှင့်အတူ ဆီကို မယူကြ။ 4 သို့သော်လည်း ပညာအမြော်မြင်ဟိသောသူရဲ့သည် မိမိရဲ့နှင့်အတူ ဖန်ဘူးများဖြင့် ဆီကိုပါ ယူလာကြ၏။ 5 မင်္ဂလာဆောင်သတို့သားသည်

အလာနောက်ကျန်သည့်ဖြစ်၍ သူရိအားလုံးသည် ငိုက်မျဉ်းကာ အိပ်ပျော်လားကြ၏။ 6 “ညဉ့်သန်းခေါင်ယံချိန်၌ ‘မင်္ဂလာဆောင်သတို့သား ရောက်လာယာ၊ ကြိုဆိုဖို့ ထွက်လာကတ်’ ဟု အော်ခေါ်သံကို ကြားလျှင်၊ 7 အပျိုရံအားလုံးသည် နိုးလာကြပြီး မိမိရို၏ဆီမီးခွက်များကို ပျင်ဆင်ကြ၏။ 8 ထိုအခါ ဉာဏ်အမြော်အမြင် မဟိသော သူရိုက ‘ငါ့ရိုမီးခွက် မီးသီလားဗယာ၊ နင်ရိုပါးက ငါ့ရိုကို ဆီ ဆိတ်ကေချေလောက် ပီးကတ်ပါ’ ဟု ဉာဏ်အမြော်အမြင်ဟိသောသူရို၌ တောင်းကြ၏။ 9 ဉာဏ်အမြော်အမြင်ဟိသော သူရိုက ‘ငါ့ရိုအတွက်ရော နင်ရိုအတွက်ပါဆိုကေ ဆီလောက်ဖို့ မဟုတ်၊ သို့ ဖြစ်၍ နင်ရိုမှာ ဆီရောင်းသူရိုပါးသို့ လားလို့ ဝယ်ကတ်ခီ’ ဟု ပြန်ပြောကြ၏။ 10 သို့ရာတွင် သူရိုသည် ဆီဝယ်ဖို့ လားနိုင်စဉ်၊ မင်္ဂလာဆောင်သတို့သားသည် ရောက်လာ၏။ အဆင်သင့်ဖြစ်နိုင်ကြသော အပျိုရံများသည် သူနှင့်အတူ မင်္ဂလာခန်းမထဲသို့ ဝင်ကြ၏။ ပြီးနောက် တန်းခါးကို ပိတ်လိုက်ကြ၏။ 11 “ထို့နောက် ဆီဝယ်လားကြသော သူရိုသည်လည်း ပြန်လာ၍ ‘ဆရာ၊ ဆရာ၊ အကျွန်ရိုကို တန်းခါးဖွင့်ပီးပါ’ ဟု ပြောကြ၏။ 12 သို့သော် မင်္ဂလာဆောင်သတို့သားက ‘သင်ရိုကို ငါ အမှန်ဆိုသည်ကား ငါသည် သင်ရိုကို မသိ’ ဟု ပြန်ပြောလိုက်၏။” 13 “ထို့ကြောင့် သင်ရိုသည် ထိုရိုရက်ကာလကို မသိကြသောကြောင့် သတိနှင့် စောင့်နိုင်ကြလော့” ဟု မိန့်တော်မူလျက် ယေသျှုက ပုံပြင်ကို အဆုံးသတ်လိုက်၏။

14 “တဖန်၊ ကောင်းကင်နိုင်ငံတော်သည်ကား မိမိ၏အစီခံတိုကို ခေါ်၍ မိမိဥစ္စာများကို အပ်နှံကာ ခရီးတစ်ခုသို့ ထွက်လားသော လူတစ်ယောက်နှင့် တူ၏။ 15 ထိုသူက တစ်ယောက်ကို ရွှီဒင်္ဂါး အပြား ၅,၀၀၀၊ နောက်တစ်ယောက်ကို ၂,၀၀၀၊ နောက်တစ်ယောက်ကို ၁,၀၀၀ စသည်ဖြင့် တစ်ဦးစီတိုင်းအား မိမိရိုစွမ်းရည်ဟိကြသည့်အတိုင်း ပီးအပ်ပြီး ခရီးထွက်လား၏။ 16 ရွှီဒင်္ဂါး ၅,၀၀၀ ရသောသူသည် ချက်ချင်း ထွက်လား၍ မိမိ၏ဥစ္စာကို အရင်းအနှီးလုပ်သဖြင့် ၅,၀၀၀ ထက်ပိုသော ရွှီဒင်္ဂါးများကို ရ၏။ 17 ထိုနည်းတူ လုပ်ဆောင်သဖြင့် ရွှီဒင်္ဂါး ၂,၀၀၀ ရသောသူမှာလည်း ၂,၀၀၀ ထက်ပိုသော ရွှီဒင်္ဂါးများကို ရ၏။ 18 သို့ရာတွင် ဒင်္ဂါး ၁,၀၀၀ ရသောသူသည် ထွက်လားပြီးလျှင် မြို့ကြီးထဲမှာ တွင်းတူး၍ သူ့သခင်၏ဒင်္ဂါးတို့ကို မြှုပ်ထားလေ၏။ 19 “ကာလအတန်ကြာပြီးနောက် သူရို၏သခင်သည် ပြန်ရောက်လာ၍ သူရိုနှင့် စာရင်းယှင်းကြ၏။ 20 ရွှီဒင်္ဂါးငါးထောင်ရသောသူသည် နောက်ထပ် ၅,၀၀၀ ကိုပါ ယူလာခပြီးလျှင် ‘သခင် သင်သည် အကျွန်အား ရွှီဒင်္ဂါး ၅,၀၀၀ ကို ပီးအပ်ခ၏၊ ကြည့်ပါ။ အကျွန်သည် ၅,၀၀၀ ထက်ပို၍ အမြတ်ရထားပြီးဖြစ်၏’ ဟု ပြော၏။ 21 သခင်က ‘ကောင်းယာ၊ သင်သည် သစ္စာဟိသော အစီခံကောင်းတစ်ယောက် ဖြစ်၏၊ သင်သည် အနည်းငယ်သောအရာ၌ သစ္စာဟိခ၏၊ များစွာသောအရာတို့ကို စီမံခန့်ခွဲသူအဖြစ် သင့်အား ငါ ခန့်အပ်မည်၊ မိမိသခင်၏ချမ်းသာသုခကို လာ၍ ခံစားလော့’ ဟု သခင်က ဆို၏။ 22 “ရွှီဒင်္ဂါး ၂,၀၀၀ ရသောသူသည်လည်း ရောက်လာပြီးလျှင် ‘သခင်၊ သင်သည် အကျွန်အား ရွှီဒင်္ဂါး ၂,၀၀၀ ကို ပီးအပ်ခ၏၊ ကြည့်ပါ။ အကျွန်သည် ၂,၀၀၀ ထက်ပို၍ အမြတ်ရထားပြီးဖြစ်၏’ ဟု ပြော၏။ 23 ‘ကောင်းယာ၊ သင်သည်လည်း သစ္စာဟိသော အစီခံကောင်းတစ်ယောက် ဖြစ်၏။ သင်သည် အနည်းငယ်သောအရာ၌ သစ္စာဟိခသောကြောင့် များစွာသောအရာတို့ကို စီမံခန့်ခွဲသူအဖြစ် သင့်အား ငါ ခန့်ထားမည်၊ မိမိသခင်၏ချမ်းသာသုခကို လာ၍ ခံစားလော့’ ဟု သခင်က ဆို၏။ 24 “ထို့နောက် ဒင်္ဂါး ၁,၀၀၀ ရသော သူသည်လည်း ရောက်လာပြီး ‘သခင်၊ သင်သည် မိမိမျိုးစုံမချသော မြို့၌ သီးနှံကို ရိတ်တတ်သော၊ မိမိမျိုးစုံမကြသော မြို့၌ သီးနှံကို စုသိမ်းတတ်သော အလွန် ခက်ထန်သည့် သူတစ်ယောက် ဖြစ်သည်ကို အကျွန် သိပါ၏။ 25 ထို့ကြောင့် အကျွန်သည် သခင်ကိုကြောက်၍ သခင်၏ရွှီဒင်္ဂါးတို့ကို မြို့ကြီးထဲမှာ ဝှက်ထားခပါ၏။ ကြည့်ပါ။ ဤကား သခင်ဥစ္စာဖြစ်၏’ ဟု ဆိုလျှင်၊ 26 “သူ၏သခင်က ‘ဆိုးယုတ်ပျင်းရိသော ကျွန်၊ ငါသည် မိမိမျိုးစုံမချသော မြို့၌ သီးနှံကို ရိတ်တတ်သော၊ မိမိမျိုးစုံမကြသော မြို့၌ သီးနှံများကို စုသိမ်းတတ်သော သူတစ်ယောက်ဖြစ်သည်ဟု သင် သိသလော။ 27 ဟုတ်ယာ၊ ယင်းပိုင်ဆိုကေ ငါ ပြန်လာသည့်အခါ ဘဏ်တိုးသော်လည်း ရစီခြင်းငှာ သင်သည် ငါ့ဒင်္ဂါးများကို ဘဏ်၌ အပ်ထားသင့်၏။ 28 အဂုဏ်လျှင် သူ့ပါးက ဒင်္ဂါးများကို ယူ၍ ဒင်္ဂါး ၁၀,၀၀၀ ရသောသူကို ပီးလိုက်ကတ်။ 29 အကြောင်းမူကား ရတတ်သောသူကို သာ၍ ပီးလိမ့်မည်၊ ထို့နောက် သူသည် ကြွယ်ဝပြည့်စုံခြင်း ဟိလိမ့်မည်။

မရတတ်သောသူပါးက ထိုသည့် ဟိသမျှကိုပင် နတ်ယူလိမ့်မည်။ 30 ထို့ကြောင့် အသုံးမကျသော ထိုအခိုင်းအစီကို အပြင်ဘက် မှောင်မိုက်ထဲသို့ နှင်ထုတ်ပစ်လိုက်ကတ်။ သူသည် ထိုနီရာ၌ အံ့ကြိတ်၍ ငိုကျွီးနီနီရလိမ့်မည်’ ဟု မိန့်တော်မူ၏။ 31 “လူသားသည် ကောင်းကင်တမန်အားလုံးနှင့်အတူ မိမိ၏ဘုန်းတန်ခိုးတော်ဖြင့် ကြွလာတော်မူသောအခါ မိမိ၏ ဘုန်းတော်နှင့်ပြည့်စုံတော်မူသော ပလ္လင်တော်ထက်၌ စိုးစံတော်မူလိမ့်မည်။ 32 လူမျိုးအပေါင်းရှိသည် ကိုယ်တော်၏ရှိတော်၌ စုရုံးကြလိမ့်မည်။ ထို့နောက် သိုးထိန်းသည် ဆိတ်များထဲက သိုးများကို ခွဲထုတ်သကဲ့သို့ ကိုယ်တော်သည် လူတို့ကို အုပ်စုနှစ်ခု ခွဲခြားတော်မူလိမ့်မည်။ 33 ကိုယ်တော်သည် ဖြောင့်မတ်သောသူတို့ကို မိမိ၏လက်ယာဘက်၌လည်းကောင်း၊ တခြားသူများကို လက်ဝဲဘက်၌လည်းကောင်း ထားတော်မူလိမ့်မည်။ 34 ထို့နောက် သျှင်ဘုရင်က မိမိ၏လက်ယာဘက်၌ ဟိသောသူများကို ‘ငါ့အဖ ကောင်းချီးပီးခြင်းကို ခံရသောသူအပေါင်းရှိ၊ လောကကို ဖန်ဆင်းကတည်းက သင်ရှိအတွက် ပျင်ဆင်ထားသော နိုင်ငံတော်၏အဓိကို လာ၍ ယူကြလော့။ 35 အကြောင်းမူကား ငါသည် ဝမ်းဆာသောအခါ သင်ရှိသည် ငါ့အား စားစရာကို ပီးခကြ၏။ ငါသည် ရီသောက်ငတ်သောအခါ သင်ရှိသည် ငါ့အား သောက်စရာကို ပီးခ၏။ ငါသည် အာဂန္တု ဖြစ်နိုင်ခစဉ်က သင်ရှိသည် ငါ့ကို ခေါ်ဖိတ်လက်ခံကြ၏။ 36 ငါသည် အဝတ်လိုအပ်သောအခါ၊ သင်ရှိသည် ငါ့အား အဝတ်ကို ဝတ်ပီးခကြ၏။ ငါ ဖျားနာနိုင်ခစဉ်က သင်ရှိသည် ငါ့အား ပြုစုစောင့်ယှောင့်ကြ၏။ ငါသည် ထောင်ကျခံနိုင်ခစဉ်က သင်ရှိသည် ငါ့ကို လာတို့ကြ၏။” 37 “ထိုအခါ ဖြောင့်မတ်သောသူရိုက ‘အသျှင်ဘုရား၊ အကျွန်ုပ်ရှိသည် ဇာအချိန်အခါ၌ အသျှင်ဘုရား ဝမ်းဆာနိုင်သည်ကို မြင်၍ ကျွေးမွီးခပါလဲ။ ဇာအချိန်အခါ၌ အသျှင်ဘုရား ရီသောက်ငတ်နိုင်သည်ကို မြင်၍ သောက်စရာကို ပီးဖူးခပါလဲ။ 38 ဇာအချိန်အခါ၌ အသျှင်ဘုရား ဧည့်သည် ဖြစ်နိုင်ခသည်ကို မြင်၍ အကျွန်ုပ်ရှိသည် ကိုယ်တော့်ကို ဖိတ်ခေါ်ခပါလဲ။ ဇာအချိန်အခါ၌ အသျှင်ဘုရား အဝတ် လိုအပ်သည်ကို မြင်၍ အကျွန်ုပ်ရှိသည် ကိုယ်တော့်ကို အဝတ် ဝတ်ပီးခပါလဲ။ 39 ဇာအချိန်အခါ၌ အသျှင်ဘုရား ဖျားနာနိုင်ခသည်ကိုလည်းကောင်း၊ ထောင်ကျခံနိုင်ခသည်ကိုလည်းကောင်း ကျွန်ုပ်ရှိသည် မြင်၍ လာတို့ဖူးပါလဲ’ ဟု လျှောက်ကြသောအခါ 40 သျှင်ဘုရင်က ‘သင်ရှိကို ငါ အမှန် ဆိုသည်ကား၊ ဤသို့သော ငါ၏ညီအစ်ကို မောင်နှမတို့ထဲက အငယ်ဆုံးသောသူတစ်ယောက်ကို ပြုစုခြင်းသည် ငါ့အား ပြုစုခြင်းဖြစ်၏’ ဟု မိန့်တော်မူလိမ့်မည်။ 41 “ထို့နောက် မိမိ၏လက်ဝဲဘက်မှာ ဟိသောသူတို့ကိုကား၊ ‘ကျိန်ခြင်းကို ခံရသောသူရို ငါ့အနားက ထွက်လားကတ်။ သင်ရှိသည် မာရ်နတ်နှင့် သူ၏စိတ်မန်များအတွက် ပျင်ဆင်ထားသော ထာဝရမီးအိုင်ထဲသို့ ဆင်းကြလော့။ (aiōnios g166) 42 အကြောင်းမူကား ငါသည် ဝမ်းဆာနိုင်ခစဉ်က သင်ရှိသည် ငါ စားဖို့ တစ်ခုလည်း မပီးခကတ်၊ ငါသည် ရီသောက်ငတ်နိုင်ခစဉ်က ငါ့အား သောက်စရာကို မပီးခကတ်၊ 43 ငါသည် အာဂန္တု ဖြစ်နိုင်ခစဉ်က သင်ရှိသည် ငါ့ကို မဖိတ်ခေါ်ခကတ်၊ ငါသည် အဝတ် လိုအပ်နိုင်ခစဉ်က သင်ရှိသည် ငါ့ကို အဝတ် ဝတ်မပီးခကတ်၊ ငါသည် ဖျားနာနိုင်ခစဉ်ကသော်လည်းကောင်း၊ ထောင်ကျခံနိုင်ခစဉ်ကသော်လည်းကောင်း သင်ရှိသည် ငါ့အား မပြုစုခကတ်ပါကား။’ 44 “သူရိုကလည်း ‘အသျှင်ဘုရား အကျွန်ုပ်ရှိသည် ဇာအချိန်အခါ၌ ကိုယ်တော် ဝမ်းဆာနိုင်ခသည်ကိုလည်းကောင်း၊ ရီသောက်ငတ်နိုင်ခသည်ကိုလည်းကောင်း၊ အာဂန္တုဖြစ်နိုင်ခသည်ကိုလည်းကောင်း၊ အဝတ်လိုအပ်နိုင်ခသည်ကိုလည်းကောင်း၊ ဖျားနာနိုင်ခသည်ကိုလည်းကောင်း၊ ထောင်ချခံထားရသည်ကိုလည်းကောင်း အကျွန်ုပ်ရှိသည် မြင်၍ မပြုစုခပါလဲ’ ဟု ပြန်၍ လျှောက်ကြ၏။ 45 ထိုအခါ မင်းကြီးက ‘သင်ရှိကို ငါ အမှန် ဆိုသည်ကား၊ ဤသို့သော ငါ၏ညီအစ်ကို မောင်နှမများထဲက အငယ်ဆုံးသောသူတစ်ယောက်ကို မပြုစုခခြင်းသည် ငါ့ကို မပြုစုခခြင်းဖြစ်၏’ ဟု ပြန်၍ မိန့်တော်မူလိမ့်မည်။ 46 ထို့ကြောင့် ဤသူရှိသည် ထာဝရပြစ်ဒဏ်စီရင်ခြင်းသို့ ရောက်ကြလိမ့်မည်။ သို့သော်လည်း ဖြောင့်မတ်သောသူရိုသည် ထာဝရအသက်ရှင်ခြင်းသို့ ရောက်ကြလိမ့်မည်” ဟု မိန့်တော်မူ၏။ (aiōnios g166)

26 ယေသျှုသည် အလုံးစုံသော ဤတရားတော်များကို ဟောပြောပြီးသောအခါ၊ ကိုယ်တော်က မိမိ၏တပည့်တော်ရိုအား

2 “သင်ရိုသိကြသည်အတိုင်း နောက်နှစ်ရက်ကြာလျှင် ပသခါပွဲတော် ကျင်းပကြမည်။ လူသားကို လက်ဝါးကပ်တိုင်မှာတင်၍ သတ်ခြင်းငှာ အပ်နှံကြလိမ့်မည်၏” ဟု မိန့်တော်မူခဲ့၏။ **3** ထို့နောက်တွင် ယစ်ပုရောဟိတ်အကြီးအကဲရိုနှင့် လူရို၌ အကြီးအကဲရိုသည် ယစ်ပုရောဟိတ်မင်းကြီး ကယာဖ၏ အိမ်ဝင်းထဲ၌ စုရုံးကာ **4** ယေသျှုကို လျှို့ဝှက်စွာ ဖမ်းဆီး၍ သတ်ပစ်ရန် စီစဉ်ကြ၏။ **5** သို့သော်လည်း “ပသခါပွဲတော်ရက်အတွင်းမှာ မလုပ်ကတ်ကေ။ ထိုသို့ပြုလျှင် လူတိက ရုံးရင်းဆန်ခတ်ဖြစ်ကတ်လိမ့်မည်” ဟူ၍ တိုင်ပင်ကြ၏။ **6** ယေသျှုသည် ဗေသနီရွာ၌ နူနာရောဂါဖြစ်ခဲ့ဖူးသော သျှိုမုန်၏ အိမ်၌ ဟိတော်မူစဉ်၊ **7** ကိုယ်တော်သည် အစားအစာကို သုံးဆောင်နိုင်သောအခါ၊ မိန်းမတစ်ယောက်သည် အလွန်တန်ဖိုးကြီးသည့် ဆီမွီးကို ဖြည့်ထားသော ကျောက်ဖြူအိုးတစ်လုံးကို ကိုယ်တော်ပါးသို့ ယူလာကာ ကိုယ်တော်၏ဦးဂေါင်းကို ထိုဆီမွီးနှင့် လောင်း၏။ **8** ထိုသို့ ပြုသည်ကို တပည့်တော်ရို မြင်ကြသောအခါ၊ မခံမရပ်နိုင်ဖြစ်လျက် “ဇာဖြစ်လို့ အေပိုင် ဖြန်းတီးနိုင်လဲ၊ **9** ဤဆီမွီးကို အဖိုးများစွာနှင့် ရောင်း၍ ဒင်္ဂါးများကို ဆင်းရဲသားတို့အား ပီးသင့်၏” ဟု ပြောကြ၏။ **10** သူ၏တပည့်တိ ပြောနိုင်ကြသည်ကို သိတော်မူသောအခါ ယေသျှုက “သင်ရိုသည် ဤမိန်းမကို ဇာကြောင့် စိတ်အနှောက်အယှက်ဖြစ်အောင် လုပ်နိုင်ကတ်လဲ။ သူသည် ငါ့အား ကောင်းသောအမှုကို ပြုခြင်း ဖြစ်၏။ **11** ဆင်းရဲသားတိကား သင်ရိုနှင့် အမြဲတမ်း ဟိကြမည်။ ငါသည်ကား သင်ရိုနှင့် အမြဲဟိလိမ့်မည် မဟုတ်။ **12** ဤမိန်းမသည် ဤဆီမွီးကို ငါ၏ခန္ဓာမှာ သွန်းလောင်းခြင်းသည် ငါ့ကို သဗ္ဗိဟ်ခြင်းငှာ ပျင်ဆင်ခြင်းဖြစ်၏။ **13** သင်ရိုကို ငါ အမှန် ဆိုသည်ကား ကမ္ဘာမြီကြီးအနှံ ဤသတင်းကောင်းကို ဟောကြားသော နီရာတိုင်း၌ ဤမိန်းမကို အောက်မိသတိရခြင်းဖြင့် သူပြုသောအရာများကိုလည်း ပြောကြားရလိမ့်မည်” ဟု မိန့်တော်မူ၏။ **14** ထိုအခါ တပည့်တော် ဆယ့်နှစ်ယောက်ထဲက တစ်ယောက်ဖြစ်သော ယုဒသျှုကာရတ်သည် ယစ်ပုရောဟိတ်ကြီးအကဲတိပါးသို့ လားပြီးလျှင်၊ **15** “ယေသျှုကို သင်ရိုလက်ထဲသို့ အပ်မည်ဆိုလျှင် သင်ရိုသည် အကျွန်ုပ်ကို ဇာလောက် ပီးပါဖို့လဲ” ဟု မိန်း၏။ ယစ်ပုရောဟိတ်အကြီးအကဲတိက ငွီဒင်္ဂါး အပြားသုံးဆယ် သတ်မှတ်ပီးကြ၏။ **16** ထိုအချိန်မှစ၍ ယုဒသည် ယေသျှုကို အပ်နှံရန် အခွင့်ကောင်းကို စောင့်ကြည့်နိုင်၏။ **17** တဆီးမပါသောမုန်ဖြင့် ပွဲတော်တည်ရသော ပွဲတော်၏ပထမနို့တွင် တပည့်တော်တိသည် အသျှင်ယေသျှုထံပါးသို့ ရောက်လာကြပြီး “ကိုယ်တော်သည် ပသခါပွဲ သုံးဆောင်ခြင်းငှာ အကျွန်ုပ်ရိုကို ဇာအရပ်၌ ပျင်ဆင်လိုပါလဲ” ဟု မိန်းလျှောက်ကြ၏။ **18** ကိုယ်တော်က “မြို့ထဲသို့ဝင်၍ စိတ်ချရသောသူတစ်ယောက်ပါးကို လားပြီး ‘ဆရာက မိန့်မှာလိုက်သည်မှာ၊ ငါ၏သတ်မှတ်ထားသောအချိန် ရောက်ခါနီးယာ၊ ငါသည် သင်၏အိမ်၌ ငါ၏တပည့်တိနှင့် ပသခါပွဲတော်ကို ကျင်းပမည်’ ဟူ၍ပြော” ဟု ပြန်၍ မိန့်တော်မူ၏။ **19** ထို့ကြောင့် ယေသျှု ညွှန်ကြားလိုက်သည့်အတိုင်း တပည့်တော်ရိုသည် ပသခါပွဲကို ပျင်ဆင်ကြ၏။ **20** ညစာဘက်ရောက်သည့်အခါ ယေသျှုသည် တပည့်တော် ဆယ့်နှစ်ယောက်နှင့်အတူ စားပွဲနား၌ ထိုင်တော်မူ၏။ **21** သူရိုသည် စားနိန့်ကြစဉ်တွင် ကိုယ်တော်က “သင်ရိုကို ငါ အမှန်ဆိုသည်ကား၊ သင်ရိုထဲက တစ်ယောက်သည် ငါ့အား သစ္စာဖောက်လိမ့်မယ်” ဟု ပြော၏။ **22** တပည့်တော်တိသည် အလွန် စိတ်မချမ်းမသာဖြစ်ကြပြီး “အသျှင်ဘုရား၊ ကိုယ်တော်သည် အကျွန်ုပ်ကို ဆိုလိုခြင်း မဟုတ်သည်မှာ သေချာပါ၏လော” ဟု တစ်ယောက်ပြီး တစ်ယောက် ကိုယ်တော်ကို မိန်းလျှောက်ကြ၏။ **23** ယေသျှုက “ဤခွက်၌ ငါနှင့်အတူ လက်ဆုံကျသောသူသည် ငါ့ကို သစ္စာဖောက်မည့်သူ ဖြစ်၏။ **24** လူသားသည် ကျမ်းစာ ပြောသည့်အတိုင်း လားရလိမ့်မည်။ သို့သော်လည်း လူသားကို သစ္စာဖောက်သောသူသည်ကား အမင်္ဂလာဟိ၏။ ထိုသူကို မမွီးစွားလျှင် သာ၍ ကောင်းလိမ့်မည်” ဟု ပြန်၍ မိန့်တော်မူ၏။ **25** ထိုအချိန်တွင် ကိုယ်တော်ကို သစ္စာဖောက်မည့်သူတစ်ယောက်ဖြစ်သော ယုဒက “အသျှင်ဘုရား၊ ကိုယ်တော်သည် အကျွန်ုပ်ကို ဆိုလိုခြင်း မဟုတ်သည်မှာ သေချာပါ၏လော” ဟု မိန်းလျှောက်၏။ ယေသျှုက

“သင်ပြောသည့်အတိုင်း ဖြစ်၏” ဟု မိန့်တော်မူ၏။ 26 သူရိသသည် စားနိင်္ဂြစဉ်တွင်၊ ယေသုရှုသည် မုန့်ကို ယူ၍ ကျေးဇူးတော် ချီးမွမ်းပြီးမှ ထိုမုန့်ကို ဖဲ့ပြီးလျှင် “ဤမုန့်ကား ငါ၏ခန္ဓာကိုယ် ဖြစ်၏၊ ယူ၍ စားကြလော့” ဟု ပြောလျက် မိမိ၏တပည့်တော်တို့ကို ပီး၏။ 27 ထို့နောက် ကိုယ်တော်သည် ခွက်ကို ယူ၍ ကျေးဇူးတော်ချီးမွမ်းပြီးမှ “သင်ရဲ့ အားလုံးသည် ဤခွက်ကို သောက်ကြလော့” ဟု မိန့်တော်မူ၏။ 28 “ဤသည်ကား အပြစ်များမှ လွတ်ခြင်းငှာ လူအများကို သွန်းလောင်းသည့် ပဋိညာဉ်တရားနှင့်ဆိုင်သောငါ၏သွီး ဖြစ်၏။ 29 သင်ရဲ့ကို ငါဆိုသည်ကား ငါသည် ငါ့အဖေ၏နိုင်ငံတော်၌ သင်ရဲ့နှင့်အတူ အသစ်သောစပျစ်ရည်ကို သောက်ရသောနို့တိုင်အောင် အဂုမ္မစ၍ ဤစပျစ်ရည်ကို နောက်တစ်ခါ မသောက်ရဟူ” ဟု မိန့်တော်မူ၏။ 30 ထို့နောက် သူရိသသည် ဓမ္မတေးခြင်းတစ်ပုဒ် ဆိုပြီးမှ သံလွင်တောင်သို့ တက်လာကြ၏။ 31 ယေသုရှုက တပည့်တော်ရဲ့ကို မိန့်တော်မူသည်မှာ၊ “ငါသည် သိုးထိန်းကို သတ်၍ သိုးများကို သိုးအုပ်ထဲမှ ကွဲလွှားစီလိမ့်မည်” ဟု ကျမ်းစာပြောထားသည့်အတိုင်း၊ ဤနို့ညဉ်ပင် သင်ရဲ့အားလုံးသည် ငါ့ကို ထားခပြီးလျှင် ထွက်ပြီးလားကြလိမ့်မည်။ 32 သို့သော်လည်း ငါသည် သီခြင်းက ထမြောက်ပြီးနောက် ဂါလိလဲပြည်သို့ သင်ရဲ့ရှိက ရောက်နိုင်လိမ့်မည်” ဟူ၍ ဖြစ်၏။ 33 ပေတရက “အားလုံးသောသူရိသသည် ကိုယ်တော်ကို ထား၍ ထွက်ပြီးလားကြသော်လည်း အကျွန်ုပ်သည် လုံးဝ ထွက်မပြီးပါ” ဟု ပြန်၍ လျှောက်၏။ 34 ယေသုရှုက “သင့်ကို ငါ အမှန် ဆိုသည်ကား၊ ဤနို့ည ကြက်မတွန်ခင် သင်သည် ငါ့ကို သုံးကြိမ် ငြင်းလိမ့်မည်” ဟု မိန့်တော်မူ၏။ 35 သို့ရာတွင် ပေတရက “အကျွန်ုပ်သည် ကိုယ်တော်နှင့်အတူ သီရိမည်ဟု ဆိုလျှင်တောင်မှ ကိုယ်တော်ကို လုံးဝ ငြင်းမည် မဟုတ်ပါ” ဟု ဆို၏။ ထို့နောက် အခြားသော တပည့်တော်တို့ကလည်း ထိုနည်းတူ ပြောကြ၏။ 36 ထိုအခါ ယေသုရှုသည် တပည့်တော်တို့နှင့်အတူ ဂေသယျေမန် ဟု ခေါ်သော ဥယျာဉ်သို့ ရောက်တော်မူ၏။ ကိုယ်တော်က “ငါသည် ထိုနီရာသို့ လား၍ ဆုတောင်းနိုင်စဉ်၊ သင်ရဲ့ ဤနီရာ၌ ထိုင်နိုင်ကတ” ဟု မိန့်တော်မူပြီး၊ 37 ပေတရနှင့် ဇေဗေဒဿားနှစ်ယောက်ကို သူနှင့်အတူ ခေါ် လား၏။ ကိုယ်တော်သည် ဝမ်းနည်းခြင်းနှင့် စိတ်ပူပန်ခြင်းသို့ ရောက်တော်မူ၏။ 38 ထိုအခါ ကိုယ်တော်က “ငါ၏စိတ်နှလုံးထဲ၌ သီဖို့လောက် ဝမ်းနည်းလျက် ဟိ၏၊ ဤနီရာက နီ၍ ငါ့ကို စောင့်နိုင်ကတ” ဟု သူရိသကို မိန့်တော်မူ၍၊ 39 ရှိသို့ အနည်းငယ်ကြွတော်မူပြီး၊ ပြပ်ဝပ်လျက်၊ “အကျွန်၏အဖေ၊ ဖြစ်နိုင်မည်ဆိုလျှင် ဤခွက်ကို အကျွန်ုပ်ပါးက ဖယ်ယှားပီးတော်မူပါ။ သို့သော်လည်း အကျွန်၏အလိုအတိုင်း မဖြစ်စိဘဲ၊ ကိုယ်တော်၏အလိုတော်အတိုင်းသာ ဖြစ်စေတော်မူပါ” ဟု ဆုတောင်းတော်မူ၏။ 40 ပြီးလျှင် ကိုယ်တော်သည် မိမိ၏တပည့်တော်တို့အပါးသို့ ပြန်လာသောအခါ သူရိသကို အိပ်ပျော်လျက် တွိ၏။ ထိုအခါ ကိုယ်တော်က ပေတရအား “သင်ရဲ့သည် တစ်နာရီလောက်တောင်မှ ငါ့ကို မစောင့်နိုင်ကတပါးကား” ဟု မိန့်တော်မူ၏။ 41 ကိုယ်တော်က “စုံစမ်းခြင်းထဲသို့ မကျရောက်စီခြင်းငှာ ဆုတောင်း၍ စောင့်နိုင်ကတ။ စိတ်အလိုသို့ ကိုယ်မလိုက်နိုင်” ဟု မိန့်တော်မူ၏။ 42 ကိုယ်တော်သည် ဒုတိယအကြိမ် ထွက်ကြွတော်မူပြီးလျှင် “အကျွန်၏အဖေ၊ အကျွန်မသောက်ဘဲ ဤခွက်ကို ဖယ်ယှားပီးခြင်းငှာ မဖြစ်နိုင်လျှင်၊ ကိုယ်တော်၏အလိုတော် ပြည့်စုံတော်မူပါစီသောဝ်” ဟု ဆုတောင်းတော်မူ၏။ 43 ကိုယ်တော်သည် ပြန်လာသောအခါ တပည့်တော်ရဲ့သည် မိမိရဲ့၏မျက်စိလေးလံသဖြင့် သူရိသသည် အိပ်ပျော်နိုင်ကြသည်ကို တဖန် တွိရပြန်၏။ 44 ထို့ကြောင့် ကိုယ်တော်သည် သူရိသကို ထားခပြီး နောက်တဖန်လား၍ မိမိတောင်းခံသည့်အတိုင်း တတိယအကြိမ် ဆုတောင်းပြန်၏။ 45 ထို့နောက် ကိုယ်တော်သည် တပည့်တော်ရဲ့ပါးသို့ ပြန်လာ၍ “သင်ရဲ့သည် အိပ်စက်နားခိုနိုင်ကတတ်တုန်းလား။ ကြည့်လော့၊ လူသားကို အပြစ်သားတိလက်သို့ အပ်နှံရန် အချိန်ရောက်လာယာ။ 46 ကြည့်လော့၊ ငါ့ကို သစ္စာဖောက်သောသူသည် ဤနီရာသို့ ရောက်လာယာ။ ထကတ်၊ လားကတ်မေ” ဟု မိန့်တော်မူ၏။ 47 ကိုယ်တော် စကားပြောနိုင်စဉ်မှာပင်၊ တပည့်တော် တစ်ဆယ့်နှစ်ယောက်ထဲက တစ်ယောက်ဖြစ်သည့် ယုဒသူကာရုဒသည် ယဇ်ပုရောဟိတ်အကြီးအကဲတို့နှင့် လူ့အဖွဲ့အစည်းခေါင်းဆောင်တို့က ရွတ်လိုက်သော တုတ်၊ ဓါး ကိုင်ဆောင်ထားသည့် လူအုပ်ကြီးနှင့်အတူ ရောက်လာကြ၏။ 48 ဤအချိန်၌ သစ္စာဖောက်သောသူက “ငါ

နမ်းသောသူသည် ထိုသူ ဖြစ်၏။ သူ့ကို ဖမ်းကြလော့” ဟု သူရိနှင့် စီစဉ်ထားသည့် အမှတ်အသား အတိုင်း၊ 49 ချက်ချင်း ယေသျှုပါးသို့ ရောက်လာ၍ ယုဒက “အသျှင်ဘုရား၊ သာလီစွပါ” ဟု နှုတ်ဆက်ပြီး ကိုယ်တော့်ကို နမ်း၏။ 50 ယေသျှုက “မိတ်ဆွေ၊ သင်လာရင်းကိစ္စကိုသာ လုပ်ပါ” ဟု မိန့်တော်မူ၏။ ထိုအခါ ထိုလူများသည် ရှိသို့တိုးလာပြီး၊ ကိုယ်တော့်ကို ချုပ်ကိုင်ကာ ဖမ်းဆီးကြလေ၏။ 51 ထိုစဉ် ယေသျှု၏အပေါင်းအဖော်များထဲမှ တစ်ယောက်က မိမိ၏ကို ဆွဲထုတ်ကာ ယဇ်ပုရောဟိတ်အကြီးအကဲ၏ကျွန်တစ်ယောက်ကို ခွတ်လိုက်သဖြင့် သူ၏နားရွက်သည် ပြတ်ထွက်လား၏။ 52 “သင်၏ဓါးကို ဓါးနီရာမှာ ထားလိုက်။ ဓါးကို အသုံးပြုသောသူသည် ဓါးနှင့် သီရိလိမ့်မည်” ဟု ယေသျှုက တားမြစ်တော်မူ၏။ 53 ငါ၏အဖသည် ငါ့ကို ကူညီခြင်းငှာ တပ်ကြီး ဆယ်နှစ်တပ်ထက် များပြားသော ကောင်းကင်တမန်တပ်ကြီးကို ချက်ချင်း ရွတ်လိုက်မည်အကြောင်း ငါ မတောင်းနိုင်ဟု သင်ရို့ ထင်ကတ်လား။ 54 ထိုသို့ဆိုလျှင် ဤသို့ ဖြစ်ရမည်ဟု မိန့်တော်မူထားသော သမ္မာကျမ်းစာသည် ဇာပိုင် ပြည့်စုံခြင်းသို့ ရောက်လိမ့်မည်နည်း။ 55 ထိုအချိန်တွင် ယေသျှုသည် လူအုပ်ကြီးကို မိန့်တော်မူသည်မှာ “သင်ရို့သည် ငါ့အား ဓါးပြ တစ်ယောက်ကို ဖမ်းသကဲ့သို့ တုတ်၊ ဓါး၊ လက်နက်များ ကိုင်ဆောင်လျက် ဖမ်းဆီးရန် ရောက်လာကြသလော။ ငါသည် နို့တိုင်း ဗိမာန်တော်၌ ထိုင်လျက် သွန်သင်ဆုံးမခိုန်သောအခါ သင်ရို့ ငါ့ကို လာ၍ မဖမ်းကတ်ပါကား။ 56 ဤသို့ ဖြစ်ရခြင်းမှာ ပရောဖက်တိ ခရီးထားသည့်ကျမ်းစာ ပြည့်စုံလာခြင်းဖြစ်၏။” ထိုအခါ တပည့်တော်တို့သည် ကိုယ်တော့်ကို စွန့်ခွဲ၍ ထွက်ပြီးလားကြ၏။ 57 ထိုသူရို့သည် ယေသျှုကို ဖမ်းဆီး၍ ဘာသာရေးခေါင်းဆောင်များ၊ ကျမ်းတတ်ဆရာများ စုရုံးလျက်ဟိသော ယဇ်ပုရောဟိတ်မင်း ကယာဖ၏အိမ်သို့ ခေါ်ဆောင်လာကြ၏။ 58 ပေတရုသည် ယဇ်ပုရောဟိတ်မင်း၏အိမ်တော်ဝင်းခြံပေါက်ဝထိ၊ မျက်စိတစ်မြင်အကွာကနီ၍ လိုက်လာပြီးလျှင် အမှု၏အဆုံးကိုသိလိုသဖြင့် အိမ်တော်ဝင်းအတွင်းသို့ဝင်၍ ကိုယ်ရံတော်တပ်သားတို့နှင့်အတူ ထိုင်ခိုန်၏။ 59 ယဇ်ပုရောဟိတ်မင်းများနှင့် ယုဒတရားလွှတ်တော် အဖွဲ့ဝင်အားလုံးက ယေသျှုကို သီဒဏ်ပီးနိုင်အောင် မမုန်သောသက်သီများကို ကြိုးစား၍ ရှာကြံထားကြ၏။ 60 ထိုသို့ မမုန်သောသက်သီများဖြင့် ကြိုးစား၍ အပြစ်ရှာကြသော်လည်း အပြစ်တစ်စုံတစ်ခုချေမျှ မတွေ့ကြချေ။ နောက်ဆုံး၌ လူနှစ်ယောက် ထွက်လာပြီးလျှင် 61 “ဤသူကား ‘ငါသည် ဘုရားသခင်ဗိမာန်တော်ကို ဖြိုချ၍ သုံးရက်အတွင်းမှာ ပြန်ဆောက်နိုင်သည်’ ဟု ပြောသောသူဖြစ်၏” ဟု ဆို၏။ 62 ထိုအခါ ယဇ်ပုရောဟိတ်မင်းတစ်ယောက်က ထ၍ “ဤသူရို့က သင့်ကို ဤသို့သော သက်သီထွက်ဆိုချက်သည်ကား ဇာပိုင်ဟိလဲ၊ သင့်မှာ ချေပဖို့ အဖြေ မဟိယာ မလား” ဟု ယေသျှုကို မိန်း၏။ 63 သို့ရာတွင် ယေသျှုသည်ကား စကားတစ်ခွန်းမျှ ပြန်မပြောဘဲခိုန်၏။ ယဇ်ပုရောဟိတ်မင်းက “ငါသည် အသက်ရှင်တော်မူသောဘုရားသခင်၌ ကျမ်းကျိန်လျက် သင့်ကို မိန်း၏။ သင်သည် ဘုရားသခင်၏သားတော် မေသျှိယ ဟုတ်လား၊ မဟုတ်လားဆိုသည်ကို ငါရို့ကို ပြောပါ” ဟု ကိုယ်တော့်ကို မိန်း၏။ 64 ယေသျှုက “သင်ပြောသည့်အတိုင်းပင် ဖြစ်၏။ သို့သော် သင်ရို့အားလုံးကို ငါ ဆိုသည်ကား၊ လူသားသည် အနန္တတန်ခိုးသျှင်၏ လက်ယာဖက်၌ ထိုင်လျက် ကောင်းကင်မိုးတိမ်ထက်က ကြွလာတော်မူသည်ကို သင်ရို့သည် အဂုဗ္ဘစ၍ မြင်ကြရလိမ့်မည်” ဟု ပြန်၍ မိန့်တော်မူ၏။ 65 ထိုအခါ ယဇ်ပုရောဟိတ်မင်းသည် မိမိ၏အင်္ကျီကို ဆုတ်ဖြကာ “သူသည် ဘုရားသခင်ကို ပြစ်မှားပြောဆို၏။ ငါရို့မှာ နောက်ထပ်သက်သီ ဇာပိုင် လိုဖို့သိမ့်လဲ။ ကြည့်ကတ်၊ ဘုရားသခင်ကို ပြစ်မှားပြောဆိုခြင်းကို သင်ရို့ အဂုပင် ကြားကြ၏။ 66 သင်ရို့ ဇာပိုင် ထင်ကတ်လဲ” ဟု ဆိုသော်၊ “သူသည် သီထိုက် ပါရေ” ဟု သူရို့က ပြောကြ၏။ 67 ထိုအခါ သူရို့သည် ကိုယ်တော်၏မျက်နှာကို တန်းထိုးနှင့် ထိုးကာ ခန္ဓာကို လက်သီးနှင့် ထိုးကြ၏။ တချို့က ပါးကို သတ်ကြ၏။ 68 ထို့နောက် “မေသျှိယ၊ သင့်ကို ဇာသူ လက်သီးနှင့်ထိုးလဲ၊ ငါရို့ကို ပရောဖက်ဉာဏ်နှင့် ဟော” ဟု ဆိုကြ၏။ 69 ပေတရုသည် ယဇ်ပုရောဟိတ် အိမ်တော်ဝင်းပြင်ဖက်၌ ထိုင်ခိုန်သောအခါ ယဇ်ပုရောဟိတ်အကြီးအကဲ၏အစီခံမိန်းမချေတစ်ယောက်သည် သူနံပါးသို့ ရောက်လာပြီး၊ “သင်သည်လည်း

ဂါလိလဲပြည်သား ယေသျှုနှင့်အတူ ဟိခသောသုတစ်ယောက် ဖြစ်တေ” ဟုဆို၏။ 70 သို့ရာတွင် ပေတရုက “သင်ပြောစွာကို ငါ မသိပါကား” ဟု သူရိုအားလုံး ရှိမှာ ငြင်းလိုက်၏။ 71 ထို့နောက် သူသည် အိမ်ဝင်းတန်းခါးပေါက်ဖက်သို့ ထွက်လာရာ၊ တခြားအစီခံမိန်းမချေ တစ်ယောက်သည် သူ့ကိုတို့၍ “ဤသူသည် နာဇရက်မြို့သား ယေသျှုနှင့် အတူဟိခသော သုတစ်ယောက် ဖြစ်၏” ဟု ထိုနီရာ၌ ဟိခသောလူတို့ကို ပြော၏။ 72 ပေတရုက “ထိုသူကို အကျွန်ုပ်မသိပါ” ဟု ကျိန်ဆိုလျက် တဖန် ငြင်းလိုက်၏။ 73 တအောင့်ချေလောက် ကြာသောအခါ၊ ထိုနီရာမှာ ရပ်နိန်သောသူရိုသည် ပေတရု နံပါးသို့ လာ၍ “သင်ပြောဆိုသည့် စကားလီသံကိုထောက်၍ သင်သည် သူရိုထဲက တစ်ယောက်ဖြစ်သည်မှာ သေချာ၏” ဟု သူရိုက ပြောကြ၏။ 74 ထိုအခါ ပေတရုက “ထိုသူကို အကျွန်ုပ် မသိပါ၊ အကျွန်ုပ်သည် အမှန်ကို ပြော၍ ကျိန်ဆိုပါ၏၊ အကျွန်ုပ်ပြောသည့်စကား မမှန်လျှင် အကျွန်ုပ်သည် ဘုရားသခင်ပီးသောအပြစ်ကို ခံရပါစီ” ဟု ပြောလိုက်၏။ ထိုသို့ ပြောပြီးသည်နှင့် ချက်ချင်း ကြက် တွန်၏။ 75 ထိုအခါ၌ ပေတရုသည် “သင်သည် ကြက်မတွန်ခင် ငါ့ကို သုံးကြိမ် ငြင်းလိမ့်မည်” ဟု မိမိအား ယေသျှု ပြောခသောစကားကို သတိရသဖြင့် အပြင်သို့ ထွက်၍ အလွန်ဝမ်းနည်းစွာ ငိုကြွေးလေ၏။

27 မိုးထစောစော၌ အားလုံးသော ယဇ်ပုရောဟိတ်မင်းတို့နှင့် လူရိုတွင် အကြီးအကဲဖြစ်သောသူရိုသည် စုရုံးကြပြီးလျှင် ယေသျှုကို ဇာပိုင် အသီသတ်ရန် အစီအစဉ်များကို ချမှတ်ကြ၏။ 2 သူရိုသည် ကိုယ်တော့်ကို ကြိုးနှင့် ချိုင့်၍ ခေါ်ဆောင်ကာ ရောမဘုရင်ခံ ပိလတ်မင်းလက်သို့ အပ်လိုက်ကြ၏။ 3 ယေသျှုကို သစ္စာဖောက်သော ယုဒသူကာရုဒ်သည် ယေသျှုအား ပြစ်ဒဏ်စီရင်ကြသည်ကို မြင်သောအခါ၊ အလွန်နောင်တရစိတ် ပေါ်ပေါက်လာပြီး ဇွီဒဂ်း သုံးဆယ်ကို ယဇ်ပုရောဟိတ်မင်းတို့နှင့် လူအကြီးအကဲရိုလက်သို့ ပြန်ပီး၏။ 4 သူက “ငါ ပြစ်မှားမိယာ၊ အပြစ်မဟိသောသူ၏ အသွီးကို အပ်မိယာ” ဟု ပြော၏။ ထိုသူရိုက “ယင်းစွာ ငါရိုနှင့် ဇာဆိုင်လဲ၊ သင့်တာဝန်ရာ ဖြစ်တေ” ဟု သူရိုက ပြန်ပြောကြ၏။ 5 ထိုအခါ ယုဒသည် ယင်းဇွီကို ဗိမာန်တော်၌ ပစ်ချထားခ၏။ ထို့နောက် သူသည် ထွက်လာပြီးလျှင် မိမိကိုယ်ကို ကြိုးဆွဲချ၍ သီလေ၏။ 6 ယဇ်ပုရောဟိတ်အကြီးအကဲတို့သည် ယင်းဇွီဒဂ်းတို့ကို ကောက်ယူပြီးလျှင် “ဤကား သွီးစွန်းသောဇွီဖြစ်သောကြောင့် ဗိမာန်တော်၏ဘဏ္ဍာဇွီထဲသို့ ထည့်လိုက်လျှင် ငါရို၏ ပညတ်တရားနှင့် ဆန့်ကျင်၏” ဆိုကြ၏။ 7 ထို့ကြောင့် သူရိုသည် တစ်ပါးအမျိုးသားရိုအတွက် သချိုင်းမြီလုပ်ရန် အိုးလုပ်သမား၏ မြီကွက်ကို ထိုဇွီနှင့် ဝယ်ရန် ဆုံးဖြတ်ကြ၏။ 8 ထို့ကြောင့် ၎င်းမြီကွက်ကို ဂနီတိုင်အောင် “သွီးမြီ” ဟုခေါ် ကြ၏။ 9 ထို့ကြောင့် ပရောဖက်ယေရမိ ဟောခသော အနာဂတ္တိစကားသည် ပြည့်စုံခြင်းသို့ ရောက်လာ၏။ သူ၏ အနာဂတ္တိစကားမှာ၊ “သူရိုသည် ကူသရေလအမျိုးသားများက သူ့အား တန်ဖိုးဖြတ်ထားသော ဇွီဒဂ်းသုံးဆယ်ကို ယူ၍ 10 ထာဝရဘုရားက ငါ့အား မှာထားတော်မူသည့်အတိုင်း ထိုဇွီဖြင့် အိုးထိန်းသည်၏မြီကွက်ကို ဝယ်ကြ၏” ဟူ၍ ဖြစ်သတည်း။ 11 ထိုအချိန်၌ ယေသျှုသည် ရောမဘုရင်ခံ ရှိ၌ ရပ်နိန်၏။ ရောမဘုရင်ခံက ကိုယ်တော့်ကို “သင်သည် ယုဒလူမျိုးတိ သျှင်ဘုရင်လား” ဟု မိန်း၏။ ယေသျှုက “မင်းကြီးပြောသည့်အတိုင်း ဖြစ်၏” ဟု ပြန်ပြော၏။ 12 ယဇ်ပုရောဟိတ်မင်းတို့နှင့် လူအကြီးအကဲရို၏ စွပ်စွဲမိန်းမြန်းချက်များကိုမူကား ကိုယ်တော်သည် လုံးဝ ပြန်ပြောတော်မမူ။ 13 ထို့ကြောင့် ပိလတ်မင်းက “သူရိုက သင့်ကို စွပ်စွဲနိန်ကြသည်ကို မကြားလား” ဟု ကိုယ်တော့်ကို မိန်း၏။ 14 ယေသျှုသည် စကားတစ်ခွန်းမျှ ပြန်မပြောတော်မူသည်ဖြစ်၍ ပိလတ်မင်းသည် လွန်စွာ အံ့ဩတော်မူ၏။ 15 ထိုစဉ်က ပွဲတော်ချိန်၌ လူထုက တောင်းဆိုသော အကျဉ်းသားတစ်ယောက်ကို ရွတ်ပီးသည့် ရောမဘုရင်ခံ၏ထုံးတမ်းစဉ်လာတစ်ခု ဟိ၏။ 16 ထိုအချိန်၌ သူရိုတွင် “ယေသျှု ဗာရဗ္ဗ” ဟု ခေါ်သော နာမည်ကြီး အကျဉ်းသားတစ်ယောက် ဟိ၏။ 17 ထိုသို့အလို့ငှာ လူရိုသည် စုရုံးရောက်လာကြသောအခါ ပိလတ်မင်းက သူရိုအား “သင်ရိုသည် ယေသျှု ဗာရဗ္ဗနှင့် မေသျှိယဟု ခေါ်သော ယေသျှု ရိုတွင် သင်ရိုအတွက် ဇာသူ့ကို ရွတ်ပီးလိုက်တလဲ” ဟု မိန်း၏။ 18 အကြောင်းမူကား ယဇ်ပုရောဟိတ်မင်းတို့နှင့်

လူအကြီးအကဲရိုက မနာလိုစိတ်ဖြင့် ယေသျှုကို မိမိလက်သို့ လာရောက်အပ်နှံကြကြောင်းကို ပိလတ်မင်း သိထားပြီးဖြစ်၏။
19 ပိလတ်မင်းသည် တရားပလ္လင်ထက်၌ ထိုင်နိုင်စဉ်တွင် မိမိ၏ဇနီးက “အပြစ်ကင်းသောဤသူနှင့် တစ်ခုလည်း ပတ်သက်မှု မဟုတ်စေ၊ ဇာကြောင့်လဲဆိုက အကျွန်ုပ်သည် ညက အိပ်မက်ထဲမှာ ဤသူကြောင့် အလွန် စိတ်ဒုက္ခ ရောက်ခရပါ၏” ဟု သတင်း ပို့လိုက်၏။ 20 ယဇ်ပုရောဟိတ်အကြီးအကဲတို့နှင့် လူအကြီးအကဲရိုက ဗာဗုဗုကို ရွတ်ပီးပြီး ယေသျှုကို အသိသတ်ရန် ပိလတ်မင်းအား တောင်းဆိုကြဖို့ လူထုကို တိုက်တွန်းလှုံ့ဆော် ကြ၏။ 21 ပိလတ်မင်းက “ငါသည် ဤသူနှစ်ယောက်ထဲက ဇာသူကို သင်ရိုအတွက် ရွတ်ပီးစီချင်ပါလဲ” ဟု မိန်းသောအခါ၊ “ဗာဗုဗုကို ရွတ်ပီးပါ” ဟု သူရိုက ဖြေကြ၏။ 22 ထို့နောက် ပိလတ်မင်းက “မေသျှိုယဟု ခေါ်သော ယေသျှုကို ငါ ဇာပိုင် လုပ်ရပါဖို့လဲ” ဟု မိန်း၏။ သူရိုအားလုံးက “သူ့ကို လက်ဝါးကပ်တိုင်မှာ တင်၍ အသိသတ်လိုက်ပါ” ဟု တောင်းဆိုကြ၏။ 23 ပိလတ်မင်းက “သူသည် ဇာအပြစ်ကို ကျူးလွန်ထားပါလဲ” ဟု မိန်း၏။ သို့ရာတွင် သူရိုက “ဤသူကို လက်ဝါးကပ်တိုင်မှာ တင်၍ အသိသတ်လိုက်ပါ” ဟူ၍ အသံကုန် ဟစ်အော်လာကြ၏။ 24 ပိလတ်မင်းက မိမိသည် ဆက်လက်လုပ်ဆောင်ရန် မဖြစ်နိုင်။ သို့ရာတွင် ရုန်းရင်းဆန်ခတ် ဖြစ်စပြုလာသည်ကို မြင်သောအခါ၊ ရိုကို ယူ၍ လူထုပရိတ်သတ်ရှိ၌ မိမိလက်ကို ဆီးကာ “ဤသူ၏အသွီးသည် ငါနှင့် မဆိုင်၊ သင်ရို ပြုလုပ်ခြင်းသာဖြစ်သည်” ဟု ဆိုလေ၏။ 25 လူထုပရိတ်သတ်အားလုံးက “ဤသူ၏ အသွီးသည် ငါရို့ ထက်သို့ လည်းကောင်း၊ ငါရို့သားသမီးထက်သို့ လည်းကောင်း ကျပါစီ” ဟူ၍ အော်ဟစ်ကြ၏။ 26 ထိုအခါ ပိလတ်မင်းက လူဆိုး ဗာဗုဗုကို ရွတ်လိုက်၏။ ယေသျှုကိုမူကား ကြာပွတ်ဖြင့် ရိုက်ပြီးလျှင် လက်ဝါးကပ်တိုင်မှာ တင်၍ သတ်ရန် သူရို၏ လက်ထဲသို့ အပ်လိုက်၏။ 27 ထို့နောက် ပိလတ်မင်း၏စစ်သားများသည် ယေသျှုကို အိမ်တော်ဝင်းထဲသို့ ယူဆောင်လာကြ၏။ ခြံလျှင်တပ်ခွဲ တစ်ခွဲလုံးဖြင့် ကိုယ်တော်ကို ပတ်လည်ဝိုင်းထားကြ၏။ 28 စစ်သားများသည် ကိုယ်တော်၏အဝတ်တော်ကို ချွတ်ကာ ကြက်သွီးရောင်နီနီရဲဝတ်ရုံကို ဝတ်ပီးကြ၏။ 29 ထို့နောက် ကိုယ်တော်၏ဂေါင်းထက်တွင် ဆူးခက်များနှင့် ရက်လုပ်ထားသော ဂေါင်းပေါင်းသရဖူကို ဆောင်းပီးထားကြ၏။ လက်ယာလက်၌ တုတ်ချေတစ်ချောင်းကို ကိုင်ထားစီပြီးလျှင် “ယုဒလူမျိုးတို့ သျှင်ဘုရင် သက်တော်ရာကျော် ရှည်ပါစီ” ဟု ကိုယ်တော်၏ရိုမှာ ဒူးထောက်ခစားလျက် ပြက်ရယ်ပြုကြ၏။ 30 သူရို့သည် ကိုယ်တော်ကို တန်းထိုးနှင့် ဝိုင်းထွီးကြ၏။ ကိုယ်တော်၏လက်ထဲမှ တုတ်ကို ယူ၍ ဦးဂေါင်းကို သတ်ကြ၏။ 31 ထိုသို့ ကိုယ်တော်ကို လှောင်ပြောင်၍ ပြက်ရယ်ပြုပြီးလျှင် အနီရောင်ဝတ်ရုံကို ပြန်ချွတ်၍ ကိုယ်တော်၏ဝတ်ရုံကို တဖန် ဝတ်စီကြပြန်၏။ ပြီးလျှင် လက်ဝါးကပ်တိုင်မှာ တင်၍ သတ်ရန် ယူဆောင်လာကြ၏။ 32 သူရို့သည် ယေသျှုကို သတ်ရန် ယူဆောင်လာကြစဉ် လမ်း၌ သျှိုမှန်ဟု ခေါ်သော ကုရေနေပြည်သား တစ်ယောက်ကို တွိသဖြင့် စစ်သားများက သူ့ကို အနိုင်ကျင့်၍ ယေသျှု၏လက်ဝါးကပ်တိုင်ကို ထမ်းခိုင်းကြ၏။ 33 သူရို့သည် ဂေါလဂေါသဟု ခေါ်တွင်၍ ဦးဂေါင်းခွံအရပ်ဟု အဓိပ္ပာယ်ရသော အရပ်သို့ ရောက်သောအခါ၊ 34 ယေသျှုအား ဆီးခါးနှင့်ရောထားသည့် စပျစ်ရည်ကို တိုက်ကြ၏။ ကိုယ်တော်သည် မြည်းစမ်းရုံသာ မြည်းစမ်းသော်လည်း သောက်ခြင်းငှာ ငြင်းဆန်တော်မူ၏။ 35 ထို့နောက် သူရို့သည် ကိုယ်တော်ကို လက်ဝါးကပ်တိုင်မှာ တင်၍ ရိုက်ထားကြ၏။ ဝတ်ရုံတော်ကိုလည်း မဲခွဲ၍ ဝီယူကတ်၏။ 36 ထို့နောက် ရောမစစ်သားများသည် ထိုနီရာတွင် ထိုင်ကာ ကိုယ်တော်ကို စောင့်ကြည့်နိုင်ကတ်၏။ 37 သူရိုက “ဤသူကား ယုဒလူမျိုးရို၏ သျှင်ဘုရင် ယေသျှု ဖြစ်သတည်း” ဟု ရီးထားသော ကမည်းစာကို ကိုယ်တော်၏ ဦးဂေါင်းထက်တွင် ထားကြ၏။ 38 ကိုယ်တော်နှင့်အတူ ဓါးပြ နှစ်ယောက်ကိုလည်း ကိုယ်တော်၏ လက်ယာဘက်၌ တစ်ယောက်၊ လက်ဝဲဘက်၌ တစ်ယောက် လက်ဝါးကပ်တိုင်တွင် တင်၍ ရိုက်ထားကြ၏။ 39 လမ်းလားလမ်းလာလူတို့က ဂေါင်းတညိတ်တညိတ်ဖြင့် ကိုယ်တော်ကို ကဲ့ရဲ့ဆဲဆိုလာကြ၏။ 40 သူရိုက “သင်သည် ဗိမာန်တော်ကို ဖြိုဖျက်၍ သုံးရက်တည်းဖြင့် ပြန်ဆောက်ပီးနိုင်သည်ဟု ပြော၏။ သင်သည် ဘုရားသခင်သားမှန်လျှင် လက်ဝါးကပ်တိုင်မှ ဆင်း၍ မိမိကိုယ်ကို ကယ်တင်လိုက်ပါ” ဟူ၍ ပြောလားကတ်၏။ 41 ယဇ်ပုရောဟိတ်အကြီးအကဲတို့

ကျမ်းတတ်ဆရာတို့နှင့် လူရိုတွင် အကြီးအကဲဖြစ်သောသူရိုကလည်း ကိုယ်တော့်ကို ထိုနည်းတူ ကဲ့ရဲ့လှောင်ပြောင်ကတ်၏။

42 သူရိုက “ဤသူကား သူတစ်ပါးကို ကယ်တင်ခ၏။ သို့သော်လည်း မိမိကိုယ်ကို မကယ်တင်နိုင်ပါကား။ သူသည် ကုသရေလလူမျိုးရို သျှင်ဘုရင်ဖြစ်၏။ လက်ဝါးကပ်တိုင်က သူ့ကို အဂ္ဂု ဆင်းခိုင်းလိုက်ပါ။ ယေဆိုကေ သူ့ကို ငါရို ယုံကတ်ပါစို့။ **43** သူသည် ဘုရားသခင်ကို ယုံကြည်ကိုးစား၏။ သူက ‘ငါသည် ဘုရားသခင်၏သားတော် ဖြစ်သည်’ ဟု ပြောခ၏။ ဘုရားသခင် အလိုမီလျှင် အဂ္ဂုပင် သူ့ကို ကယ်တင်ပါစီ” ဟူ၍ ပြောဆိုကြ၏။ **44** ကိုယ်တော်နှင့်အတူ လက်ဝါးကပ်တိုင်မှာ တင်၍ ရိုက်ထားခြင်းခံရသော ခါးပြတိကလည်း ကိုယ်တော့်ကို ထိုနည်းတူ ကဲ့ရဲ့အပြစ်တင်ကြ၏။

45 မွန်းတည့်ချိန်မှစ၍ မွန်းလွဲသုံးချက်တီးချိန်ထိတိုင်အောင် မြို့ကြီးတစ်ပြင်လုံး မှောင်မိုက်အတိ ဖြစ်လားလေ၏။ **46** မွန်းလွဲ သုံးချက်တီးချိန်လောက်တွင် ယေသျှုက “ဧလိ၊ ဧလိ၊ လာမ ရှာဗသောနီ” ဟု ကျယ်လောင်သောအသံနှင့် အော်ဟစ်တော်မူ၏။ အဓိပ္ပာယ်မှာ “အကျွန်၏ဘုရားသခင်၊ အကျွန်၏ဘုရားသခင် ကိုယ်တော်သည် အကျွန်ကို ဇာဖြစ်လို့ စွန့်ပစ်ထားခပါလဲ” ဟူ၍ ဖြစ်၏။ **47** ထိုအရပ်၌ ရပ်နိန့်ကြသည့် တချို့သော သူရိုက ကိုယ်တော်၏စကားကို ကြားကြသောအခါ “ဤသူသည် ဧလိယကို ခေါ်နိန့်၏” ဟု ပြောကြ၏။ **48** သူရိုထဲက လူတစ်ယောက်သည် ချက်ချင်း ပြီးထွက်လာပြီးလျှင် ရီမြုပ်တစ်ခုကို ယူ၍ ချင်သောဝိုင်ထဲ၌ နှစ်မြှုပ်ကာ တုတ်ဖျားမှာတပ်၍ ယေသျှုအား သောက်ခြင်းငှာ ပီးလေ၏။ **49** တခြားလူတို့က “အဂ္ဂု သူ့ကို လုံးချင်းတည်း ထားခ၊ သူ့ကို ကယ်ဖို့ ဧလိယ လာဖို့ မလာဖို့ကို စောင့်ကြည့်နိန့်ကတ်မေ” ဟု ပြောကြ၏။ **50** ထို့နောက် ယေသျှုသည် ကျယ်သောအသံနှင့် နောက်တဖန် အော်ဟစ်ပြီးသောအခါ သူသည် မိမိ၏အသက်ကို စွန့်တော်မူ၏။ **51** ထိုအချိန်၌ ဗိမာန်တော်ကန်လန့်ကာသည် အထက်စွန်းမှ အောက်စွန်းတိုင်အောင် နှစ်ခြမ်း ကွဲလေ၏။ မြို့ကြီးတုန်လှုပ်သဖြင့် ကျောက်ဆောင်တိ ပြိုကွဲကြ၏။

52 သင်္ချိုင်းဂူများလည်း ပွင့်ထွက်ကာ သီနိန့်ပြီးသော သန့်ယှင်းသူများစွာ၏အလောင်းများသည် ထမြောက်ခြင်းသို့ ရောက်ကြလေ၏။ **53** ယေသျှုသည် သီခြင်းက ထမြောက်လာပြီးနောက် ထိုသူရိုသည် သင်္ချိုင်းဂူများကို စွန့်ခွဲပြီး သန့်ယှင်းမြင့်မြတ်သောမြို့တော်သို့ ဝင်လားကြပြီးလျှင် လူများစွာရှိအား ထင်ရှားစီ၏။ **54** ယေသျှုကို စောင့်ကြည့်နိန့်ကြသော တပ်မှူးနှင့်တကွ ရောမစစ်သားများသည် ငလျင်လှုပ်ခြင်းမှစ၍ ဖြစ်ပျက်သမျှအားလုံးကို မြင်တို့ကြသည့်အခါ ကြောက်ရွံ့တုန်လှုပ်ကြပြီးလျှင် “ယေသျှုသည် ဘုရားသခင်၏သား အမှန်ပင် ဖြစ်သည်” ဟု ဝန်ခံပြောဆိုကြ၏။ **55** ထိုနိရဉ် မလှမ်းမကမ်းမှ ကြည့်နိန့်ကြသော မိန်းမများလည်း ဟိကြ၏။ သူရိုသည် ကိုယ်တော့်ကို အလုပ်အကျွေးပြုရန် ဂါလိလဲပြည်မှ ကိုယ်တော့်နောက်ကို လိုက်လာကြလေ၏။ **56** သူရိုအထဲ၌ မာကဒလမြို့သူ မာရိယာကုပ်နှင့် ယောသပ်အမိ မာရိ ဇေဗေဒေါ ဇနီးမယားရို့လည်း ပါကြ၏။ **57** ညစာဘက်သို့ရောက်သောအခါ အရိမသံမြို့မှ လူချမ်းသာ တစ်ယောက် ရောက်လာ၏။ သူ၏နာမည်မှာ ယောသပ်ဖြစ်ပြီး သူသည်လည်း ယေသျှု၏တပည့်တော် တစ်ယောက် ဖြစ်၏။ **58** သူသည် ပိလတ်မင်း ထံပါးသို့ ဝင်ရောက်ကာ ယေသျှု၏အလောင်းကို တောင်းလေ၏။ ပိလတ်မင်းကလည်း အလောင်းတော်ကို ယောသပ်အား ပီးရန် မိန့်တော်မူလိုက်၏။ **59** ယောသပ်သည် အလောင်းတော်ကို ယူ၍ ဖြူစင်သော ပိတ်စအသစ်ဖြင့် ပတ်ရစ်ပြီး၊ **60** ကျောက်ဆောင်၌ ထွင်းထားသည့် မိမိပိုင် အသစ်သော ကျောက်ဂူသင်္ချိုင်းအတွင်း၌ ယေသျှု၏အလောင်းကို ထည့်သွင်းကာ သင်္ချိုင်းဂူအပေါက်ဝတွင် ကျောက်တုံးကြီးတစ်တုံးကို တွန်းလှိမ့်၍ ထားခပြီးမှ ထွက်လားလေ၏။ **61** မာကဒလမြို့သူ မာရိနှင့် အခြားသောမာရိရို့သည် ထိုအရပ်၌ သင်္ချိုင်းဂူ၏ ရှိမှာ ထိုင်နိန့်ခကြ၏။ **62** နောက်တစ်နိ ဥပုသ်နိရောက်လာသောအခါ ယဇ်ပုရောဟိတ်အကြီးအကဲတို့နှင့် ဖာရိယုတိသည် ပိလတ်မင်းထံသို့ လား၍ **63** “အသျှင်မင်းကြီး၊ ထိုလှည့်ဖျားတတ်သောသူက ‘ငါသည် သုံးရက်မြောက်သောနို့တွင် ထမြောက်လိမ့်မည်’ ဟု ထိုသူ အသက်ရှင်နိန့်ခသောအချိန်၌ ပြောခသည်ကို အကျွန်ရို့ သတိရပါ၏။ **64** ထိုသို့ အလိုငှာ ထိုသူ၏တပည့်များသည် သူ၏အလောင်းကို လာ၍ ခိုးယူပြီးလျှင် ထိုသူသည် သီခြင်းက ထမြောက်ပြီဟု လူတို့ကို ပြောကြလိမ့်မည်။ ဤသို့သော နောက်ဆုံး လှည့်ဖျားခြင်းသည် ပထမလှည့်ဖျားခြင်းထက် သာ၍ ဆိုးလိမ့်မည်။ ထို့ကြောင့်

သင်္ချိုင်းဂူကို လုံခြုံစီခြင်းငှာ သုံးရက်မြောက်သည့်တိုင်အောင် စောင့်ကြည့်နိုင်ခဲ့ပီးပါ” ဟု သူရိုက တောင်းလျှောက်ကြ၏။
65 ပိလတ်မင်းက “အစောင့်တပ် တစ်တပ်ကို ခေါ်၍ သင်္ချိုင်းဂူ လုံခြုံစီခြင်းငှာ သင်ရိုတတ်နိုင်သမျှ လား၍ စောင့်နိုင်ကတ်”
ဟု ခွင့်ပြုလိုက်၏။ 66 ထို့ကြောင့် သူရိုသည် လား၍ သင်္ချိုင်းဂူလုံခြုံစီခြင်းငှာ ကျောက်တုံးတွင် တံဆိပ်ရိုက်ပြီး
အစောင့်တပ်ကို ချထားကြ၏။

28 ဥပုသ်နိလွန်ပြီးနောက် တလင်္ဂနီနို့ အရုဏ်တက်ချိန်တွင် မာဂဒလမြို့သူ မာရီနှင့် တခြားမာရီ ရှိသည်
သင်္ချိုင်းဂူသို့ ကြည့်ရန် လားကြ၏။ 2 ထိုနီရာ၌ ပြင်းထန်သော မြိငလျင်တစ်ခု လှုပ်လေ၏။ အကြောင်းမူကား
ထာဝရဘုရား၏ကောင်းကင်တမန် တစ်ပါးသည် ကောင်းကင်မှ ဆင်းလာ၍ သင်္ချိုင်းဂူ၌ ပိတ်ထားသော ကျောက်တုံးကို
လိုမ့်ဖယ်၍ ထိုကျောက်တုံးထက်တွင် ထိုင်လေ၏။ 3 သူ၏ အဆင်းသဏ္ဌာန်သည် လျှပ်ပြက်သကဲ့သို့ လင်းလက်ကာ
သူ၏အဝတ်သည်လည်း နှင်းပွင့်ကဲ့သို့ ဖြူဖွေးလျက်ဟိ၏။ 4 အစောင့်တပ်သားများသည် ထိုကောင်းကင်တမန်အား
အလွန်ကြောက်လန့်ကြပြီး သူရိုသည် တုန်လှုပ်လျက် အသိကောင်ကဲ့သို့ ဖြစ်လားကြ၏။ 5 ကောင်းကင်တမန်က
“မကြောက်ကတ်ကော၊ သင်ရိုသည် လက်ဝါးကပ်တိုင်မှာ တင်၍ အသတ်ခံရသော ယေသျှုကို ရှာနိုင်ကြသည်ကို
ငါသိ၏။ 6 သူသည် ဤအရပ်၌ မဟိယာ၊ သူပြောထားသည့်အတိုင်း သီခြင်းက ထမြောက်လားယာ၊ ဤနီရာသည်
သူလဲလျောင်းနိုင်သော နီရာ ဖြစ်၏။ လာ၍ ကြည့်ကြလော့။ 7 အဂုပင်လျှင် သူ၏ တပည့်တော်တိပါးသို့ အလျှင်အမြန်
လားပြောကတ်မီ။ ‘ကိုယ်တော်သည် သီခြင်းက ထမြောက်တော်မူ၍ ဂါလိလဲပြည်သို့ သင်ရိုရှိကြ တွေ့တော်မူပြီ။ သင်ရိုသည်
ထိုနီရာ၌ သူ့ကို တွဲကြလိမ့်မည်။’ အဂုပင် ငါသည် သင်ရိုအား ပြော၏” ဟု ထိုမိန်းမများကို ပြော၏။ 8 ထိုကြောင့်
မိန်းမရိုသည် ကြောက်ရွံ့သော်လည်း ဝမ်းမြောက်ဝမ်းသာစိတ်နှင့် သင်္ချိုင်းဂူမှ အလျှင်အမြန် ထွက်လာကြပြီးလျှင်
ကိုယ်တော်၏တပည့်တော်တိပါးသို့ ပြောရန် လားကြ၏။ 9 ယေသျှုသည် ရုတ်တရက် သူရိုကို တွံ့ဆုံ၍ “သာလီစွပါ”
ဟု နှုတ်ဆက်၏။ မိန်းမများသည် ကိုယ်တော်အပါးသို့ ချဉ်းကပ်ပြီး ကိုယ်တော်၏ခြံကို ဖက်၍ ကိုယ်တော်ကို
ကိုးကွယ်ဝတ်ပြုကြ၏။ 10 ယေသျှုက “မကြောက်ကတ်ကော၊ ငါ့ညီအစ်ကိုတို့ကို ဂါလိလဲပြည်သို့ လားကြရန် ပြောလိုက်ပါ။
ထိုအရပ်၌ ငါ့ကို တွဲကြလိမ့်မည်” ဟု ထိုမိန်းမတို့ကို မိန့်တော်မူလိုက်၏။ 11 ထိုမိန်းမရိုသည် ထွက်လားကြသည့်အခါ
အစောင့်စစ်သားတိထဲက တချို့သည် မြို့ထဲသို့ ဝင်လာ၍ ဖြစ်သည့်အကြောင်းစုံကို ယဇ်ပုရောဟိတ်အကြီးအကဲရိုအား
ပြောကြားကြ၏။ 12 ယဇ်ပုရောဟိတ်အကြီးအကဲတို့သည် ဘာသာရေးခေါင်းဆောင်ရိုနှင့်တွဲဆုံ၍ တိုင်ပင်ကြပြီးမှ
အစောင့်စစ်သားများကို ဦးအမြောက်အမြား ပီး၍၊ 13 “သူ၏တပည့်တော်တို့သည် ညဉ့်အခါ၌ ရောက်လာကြပြီးလျှင်
အကျွန်ရို့ အိပ်နိုင်ကြသောအချိန်တွင် သူ၏အလောင်းကို ခိုးယူလားကတ်တေဟု ပြောကတ်။ 14 အကယ်၍
ဤသတင်းသည် ဘုရင်ခံပါးသို့ ရောက်လားသော်လည်း သင်ရို၌ ပြဿနာ မဟိစီခြင်းငှာ ငါရိုသည် ဘုရင်ခံအား
စိတ်ကြေနပ်စီခြင်းငှာ ပြောဆိုပီးထားမည်” ဟု ပြောကြ၏။ 15 အစောင့်စစ်သားများသည် ဦးကို ယူ၍ သူရိုကို
ညွှန်ကြားထားသည့်အတိုင်း ပြောကြ၏။ ထို့ကြောင့် ဤသတင်းသည် ယုဒလူမျိုး အသိုင်းအဝိုင်းထဲမှာ ဂနီတိုင်အောင်
ပြန့်နှံ့လျက်ဟိ၏။ 16 ထိုအခါ တပည့်တော်ဆယ့်တစ်ယောက်သည် ဂါလိလဲပြည်သို့ လား၍ ယေသျှု မှာထားသည့်
တောင်ကုန်းထက်သို့ တက်လားကြ၏။ 17 သူရိုသည် ကိုယ်တော်ကို တွံ့မြင်၍ ကိုးကွယ်ဝတ်ပြုကြ၏။ သို့သော်လည်း
တပည့်တော်တချို့သည်ကား သံသယစိတ်ဟိနိုင်ကြ၏။ 18 ထို့ကြောင့် ယေသျှုသည် မိမိ၏တပည့်တော်တိပါးသို့
လာ၍ မိန့်မှာတော်မူသည်မှာ၊ “ငါသည် ကောင်းကင်ဘုံ၌လည်းကောင်း၊ မြီကြီးပေါ်၌လည်းကောင်း အုပ်စိုးပိုင်သော
တန်ခိုးအာဏာကို ရထားပြီးပြီ။ 19 ထို့ကြောင့် သင်ရိုသည် လား၍ လူမျိုးအားလုံးကို ငါ့တပည့် ဖြစ်စီလျက်၊ ခမည်းတော်၊
သားတော်၊ သန့်ယှင်းသောဝိညာဉ်တော်၏ နာမ၌ ဗဟိုဇံကို ပီးကြလော့။ 20 ငါသည် သင်ရိုအား ပီးထားသမျှသော
ပညတ်တော်တို့ကို စောင့်ထိန်းကြစီခြင်းငှာ သူရိုအား ဆုံးမဩဝါဒ ပီးကြလော့။ ငါသည် ကပ်ကမ္ဘာ ကုန်သည့်တိုင်အောင်
သင်ရိုနှင့်အတူ အမြဲတမ်း ဟိနိုင်လိမ့်မည်” ဟု မိန့်တော်မူ၏။ (aiōn g165)

1 ဘုရားသခင်၏သားတော် ယေသျှုခရစ်တော်၏ သတင်းကောင်းတရားတော် စတင်ပုံကို ဆိုပေအံ့။ **2** ပရောဖက် ဟေသျှုယ၏ ကျမ်းစာ၌၊ “ဘုရားသခင် မိန့်တော်မူသည်ကား၊ ‘သင်ရို့၏ လမ်းခရီးကို ပျင်ဆင်ခြင်းငှာ၊ ငါ၏တမန်ကို သင်ရို့အရှိ၌ ငါ စီစဉ်မည်။’” **3** တောကန္တာရ၌ ဟစ်ကြော်သောသူ၏အသံကား ‘ထာဝရဘုရား ကြွတော်မူရာလမ်းကို ပျင်ဆင်ကြလော့၊ ထိုအသျှင်၏ လမ်းခရီးတော်ကို ပြောင့်တန်းစီကြလော့။’” ဟု ရီးထားသည်နှင့်အညီ၊ **4** ဗတ္တိဇံဆရာယောဟန်သည် တောကန္တာရ၌ ပေါ်ထွန်းလာ၍ တရားဟောလျက်၊ ဗတ္တိဇံပီးလျက် နိန့်၏။ ထိုသူသည် လူရို့အား “နောင်တရပြီး၊ ဗတ္တိဇံကို ခံယူကြ။ ယင်းမှသာ ဘုရားသခင်သည် သင်ရို့၏အပြစ်များကို ခွင့်ရွတ်လိမ့်မည်” ဟု ဟောပြောလေ၏။ **5** ယုဒပြည် ကျေးလက်ဒေသနှင့် ယေရုဆလင်မြို့မှ လူအပေါင်းရှိသည် ယောဟန်ပါးသို့ လာပြီးလျှင်၊ မိမိရို့၏အပြစ်များကို ဝန်ခံကြသည်ဖြစ်၍ ယောဟန်သည် ထိုသူရို့အား ယော်ဒန်မြစ်၌ ဗတ္တိဇံကို ပီးလေ၏။ **6** ယောဟန်သည် ကုလားအုတ်အမွှီးနှင့် ရက်လုပ်ထားသော အဝတ်ကိုဝတ်ပြီး၊ ခါး၌ သားရီဖြင့် လုပ်ထားသောခါးပတ်ကို ပတ်ထားလျက်၊ ကျိုင်းကောင်နှင့် တော၌ ဟိသောပျားရည်ကို မှီဝဲလို့နိန့်၏။ **7** ယောဟန်က “ငါ့နောက်၌ ကြွလာသောသူကား၊ ငါ့ထက်သာ၍ ကြီးမြတ်သောသူဖြစ်၏။ ငါသည် ထိုသူ၏ ခြံနင်းကြိုးကိုတောင်မှ ငွဲ့၍ ဖြိုဖို့ မထိုက်။” **8** ငါကား၊ ခီဉ် ဗတ္တိဇံကို ပီး၏။ သို့ရာတွင် ထိုသူသည် သင်ရို့အား သန့်ယှင်းသောဝိညာဉ်တော်၌ ဗတ္တိဇံကို ပီးလိမ့်မည်” ဟု ဟောပြောလေ၏။ **9** ထိုအခါ ယေသျှုသည် ဂါလိလဲပြည် နာဇရက်မြို့မှ ကြွလာပြီးလျှင် ယော်ဒန်မြစ်၌ ယောဟန်အားဖြင့် ဗတ္တိဇံကို ခံတော်မူ၏။ **10** ယေသျှုသည် ရီထဲမှ ပေါ်ထလာစဉ်တွင် ကောင်းကင်ဖွင့်၍ သန့်ယှင်းသော ဝိညာဉ်တော်သည် ဂြိုးငှက်ကဲ့သို့ မိမိအထက်၌ ဆင်းသက်တော်မူသည်ကို မြင်တော်မူ၏။ **11** ထို့နောက် ကောင်းကင်မှလည်း “သင်ကား ငါ နှစ်သက်မြတ်နိုးရာ ငါ၏ ချစ်သားဖြစ်၏” ဟု အသံထွက်ပေါ်လာ၏။ **12** ထို့နောက် သန့်ယှင်းသောဝိညာဉ်တော်သည် ယေသျှုအား တောကန္တာရသို့ ချက်ချင်းပို့ဆောင်တော်မူ၏။ **13** ထိုအရပ်၌ စာတန်မာရ်နတ်သည် ယေသျှုအား ရက်ပေါင်းလေးဆယ်ပတ်လုံး စုံစမ်းသွီးဆောင်တော်မူ၏။ ထိုအရပ်၌ သားရဲတိရစ္ဆာန်တိလည်း ဟိ၏။ သို့သော် ကောင်းကင်တမန်ရှိသည် ထိုအသျှင်အား စောင့်ရှောက်တော်မူ၏။ **14** ယောဟန်သည် ထောင့်၌ အကျဉ်းချခံရပြီးနောက် ယေသျှုသည် ဂါလိလဲပြည်သို့ လားပြီးလျှင် ဘုရားသခင်၏ သတင်းကောင်းတရားကို ဟောပြောတော်မူ၏။ **15** ထိုသတင်းကောင်းတရားဟူမူကား “ချိန်းချက်တော်မူသော အချိန်ရောက်ယာ၊ ဘုရားသခင်၏ နိုင်ငံတော်သည် အနီးအပါး၌ ဟိယာ။ နောင်တရ၍၊ သတင်းကောင်းတရားကို ယုံကြည်ကြလော့” ဟူ၍ ဖြစ်၏။ **16** ယေသျှုသည် ဂါလိလဲအိုင် ကမ်းခြံတလျှောက်၌ ကြွတော်မူစဉ်၊ သျှိုမှန်နှင့် သူ၏ ညီအစ်မရှိသည် ပိုက်ဖြင့် ငါးဖမ်းနိန့်သည်ကို မြင်တော်မူ၏။ **17** ယေသျှုကလည်း ထိုသူရို့အား “လာကြ၊ ငါ့နောက်သို့ လိုက်ကြ။ သင်ရို့အား လူကို များသောတံငါ ဖြစ်စီခြင်းငှာ ငါ သင်ပီးမည်” ဟု မိန့်တော်မူ၏။ **18** ထိုသူရို့သည် ချက်ချင်းပင် မိမိရို့၏ ငါးဖမ်းပိုက်ကို စွန့်ပစ်ပြီး ကိုယ်တော်၏နောက်သို့ လိုက်ကြ၏။ **19** ထိုမှ အနည်းချေလွန်လားလျှင် ကိုယ်တော်သည် အခြားညီကိုနှစ်ယောက်ဖြစ်သော ဇေဗေဒဲ၏သား ယာကုပနှင့် ယောဟန်ရှိသည် လောင်းထဲ၌ ငါးဖမ်းပိုက်အား အဆင်သင့်ဖြစ်စီခြင်းငှာ ပြုပျင်နိန့်သည်ကို တွေ့မြင်တော်မူ၏။ **20** ကိုယ်တော်သည် သူရို့ကို မြင်၍ ချက်ချင်း ခေါ်တော်မူလျှင် သူရို့က ဖခင်ဖြစ်သူ ဇေဗေဒဲကို လူငှားတိနှင့်အတူ လောင်းထဲတွင် ထားခပြီး နောက်တော်သို့ လိုက်ကြလေ၏။ **21** ယေသျှုနှင့် တပည့်တော်ရှိသည် ကပရေနောင်မြို့သို့ ရောက်လာကြပြီး၊ နောက်တစ်နိ ဥပုသ်နိ၌ တရားဇရပ်သို့ လား၍ ဆုံးမဩဝါဒ ပီးလေ၏။ **22** ထိုအသျှင်၏ ဆုံးမဩဝါဒကို ကြားရသောသူရို့သည် အံ့သြခြင်းသို့ ရောက်ကြ၏။ အကြောင်းမူကား ကျမ်းတတ်ဆရာတိကဲ့သို့ မဟုတ်ဘဲ အခွင့်အာဏာဟိသောသူကဲ့သို့ ဆုံးမဩဝါဒကို ပီးတော်မူသောကြောင့်ဖြစ်၏။ **23** ထိုအချိန်၌ တရားဇရပ်တွင် ဝိညာဉ်ဆိုးပူးသော လူတစ်ယောက်ဟိ၏။

ထိုသူသည် အော်ဟစ်ကြောက်လန့်၍၊ 24 “နာဇရပ်မြို့သားယေသုရှု ကိုယ်တော်သည် အကျွန်ုပ်နှင့် ဇာသို့ ဆိုင်သနည်း။ အကျွန်ုပ်ကို ဖျက်ဆီးဖို့ ရောက်လာသည်လော။ ကိုယ်တော်သည် ဘုရားသခင်ထံမှ ကြွလာသော သန့်ယုင်းသော သူဖြစ်သည်ကို — အကျွန်ုပ်သိပါ၏” ဟု ဟစ်ကြော်လေ၏။ 25 ယေသုရှုကလည်း “တိန်း၍ နီပြီးလျှင် ထိုသူအထဲက ထွက်လားလော့” ဟု ဝိညာဉ်ဆိုးကို အမိန့်ပီးတော်မူလျှင်၊ 26 ဝိညာဉ်ဆိုးသည် ထိုသူကို တက်စီပြီး ကြီးသောအော်ဟစ်ခြင်းကို ပြုပြီးမှ ထွက်လားလေ၏။ 27 ထိုအခြင်းအရာကို တို့မြင်သောသူရှိသည် မိန်းမောတွေဝေ၍ “ဤချင်းကား ဇာသို့နည်း။ ဤဆုံးမခြင်းမျိုးက ဇာပိုင်မျိုးနည်း။ အာဏာဖြင့် အမိန့်ပီးသည်နှင့် ဝိညာဉ်ဆိုးရဲ့ နားထောင်ကြ၏” ဟု အချင်းချင်း ပြောဆိုနိုင်ကြ၏။ 28 ကိုယ်တော်၏ သတင်းတော်သည်လည်း ဂါလိလဲပြည်တလျှောက်၌ လျင်မြန်စွာ ပြန့်လားလေ၏။ 29 ထို့နောက် ယေသုရှုနှင့်တပည့်တော်ရှိသည် တရားဇရပ်မှ ထွက်လာ၍ သျှိုမုန်နှင့် အခြွေရုံ၏အိမ်သို့ ကြွတော်မူ၏။ ယောဟန်နှင့် ယာကုပ်ရှိလည်း အတူလိုက်လာကြ၏။ 30 သျှိုမုန်၏ယောက္ခမသည် အိပ်ရာထဲ၌ ဖျားနာ၍ တုံးလုံးလဲနိုင်သည်ကို ထိုအိမ်သို့ ရောက်လျှင်ရောက်ချင်း ယေသုရှုအား လျှောက်ထားလေ၏။ 31 ယေသုရှုသည် သူမအနားသို့ လားပြီးလျှင် လက်ကိုကိုင်ဆွဲ၍ ထူမတော်မူ၏။ ထိုအခါ သူမသည် ဖျားနာပျောက်၍ အာဂန္တုဝတ်ကို ပြုလေ၏။ 32 နီဝင်၍ ညချမ်းအချိန်ရောက်သောအခါ လူရှိသည် မကျန်းမာသောသူရှိနှင့် နတ်ဆိုးပူးသောသူရှိကို အထံတော်သို့ ခေါ်ဆောင်လာကြ၏။ 33 တစ်မြို့လုံးမှ လူရှိသည် အိမ်ရှိ၌ လာရောက်စုရုံးလျက်ဟိကြ၏။ 34 ကိုယ်တော်သည် ရောဂါအမျိုးမျိုး ခံစားနိုင်ကြသောလူတို့ကို ကျန်းမာစီတော်မူလျက် နတ်ဆိုးတို့ကိုလည်း မောင်းထုတ်တော်မူ၏။ ကိုယ်တော်သည် နတ်ဆိုးတိအား စကားတစ်ခွန်းကိုမျှ ပြောခွင့်မီးတော်မမူ။ အကြောင်းမူကား နတ်ဆိုးရှိသည် ကိုယ်တော်ကို မည်သူဖြစ်ကြောင်းကို သိသောကြောင့်ဖြစ်၏။ 35 နောက်တစ်နို့ မိုးထစောစော၌ ယေသုရှုသည် အိပ်ရာမှထကာ အိမ်မှထွက်၍ တိတ်ဆိတ်ရာအရပ်သို့ ကြွလားတော်မူပြီးလျှင်၊ ထိုအရပ်၌ ဆုတောင်းပတ္တနာ ပြုတော်မူ၏။ 36 သျှိုမုန်နှင့် သူ၏အပေါင်းအပါရှိသည် ကိုယ်တော်ကို လိုက်ရှာကြ၏။ 37 ကိုယ်တော်ကို တွေ့သောအခါ သူရှိသည် “လူတိက ကိုယ်တော်ကို ရှာနိုင်ကတ်ရေ” ဟု လျှောက်ကြ၏။ 38 ကိုယ်တော်ကလည်း “ဤအရပ်မှ နီးစပ်ရာ အခြားရွာများသို့ တရားဟောခြင်းငှာ ငါရဲ့ လားကြမည်။ ယင်းအတွက်နန့် ငါ ကြွလာရခြင်းဖြစ်၏” ဟု မိန့်တော်မူ၏။ 39 ကိုယ်တော်သည် ဂါလိလဲပြည် အရပ်ရပ်၌ဟိသော တရားဇရပ်များတွင် တရားဟောခြင်း၊ နတ်ဆိုးများကို မောင်းထုတ်ခြင်းတို့ကို ပြုတော်မူ၏။ 40 အနုရောဂါသည် တစ်ယောက်သည် ကိုယ်တော်၏ ရှိတော်သို့ ရောက်လာပြီး၊ ဒူးထောက်လျက် “ကိုယ်တော် အလိုတော်ဟိလျှင် အကျွန်ုပ်ကို သန့်ယုင်းစီပါ” ဟု တောင်းပန်လေ၏။ 41 ယေသုရှုသည် သနား တော်မူသဖြင့်၊ လက်တော်ကိုဆန့်၍ ထိုသူကို တို့ပြီး “ငါ အလိုတိ၏။ သန့်ယုင်းစီလော့” ဟု မိန့်တော်မူ၏။ 42 ထိုသူသည် ချက်ချင်း နူနာပျောက်၍ သန့်ယုင်းခြင်းသို့ ရောက်လေ၏။ 43 ထို့နောက် ယေသုရှုက “ဤအကြောင်းအရာတို့ကို ဇာသူကိုမျှ မပြောကေ၊ သို့သော် ယဇ်ပုရောဟိတ်ပါးသို့ လား၍ သင်၏ကိုယ်ကိုပြုပြီး၊ သင်၌ သန့်ယုင်းသည်ကို လူရှိ၌ သက်သိဖြစ်စီခြင်းငှာ မောသျှေစီရင်မှာထားခသော ပူဇော်သကာကို ပြုလော့” ဟု ထိုသူအား ကြပ်တည်းစွာ မှာထား၍ ရွတ်လိုက်လေ၏။ 45 ထိုသူသည် မိန့်မှာထားတော်မူသည့်အတိုင်း ဝီးရာသို့ ထွက်လားလေ၏။ သို့သော် မိမိ၌ ဖြစ်ပျက်သမျှအကြောင်းအား ပြောကြားခြင်းဖြင့် ထိုသတင်းသည် နီရာအနှံ့အပြားသို့ ရောက်လေ၏။ ထို့ကြောင့် ကိုယ်တော်သည် ဇာမြို့၊ ဇာရွာကိုမျှ ထင်ရှားစွာ မဝင်ဘဲ၊ ဆိတ်ငြိမ်ရာ တောအရပ်၌သာ နီတော်မူ၏။ သို့သော် အရပ်ရပ်မှ လူရှိသည် ကိုယ်တော်ပါးသို့ ရောက်လာကြ၏။

2 ရက်အနည်းချေ လွန်ပြီးနောက် ယေသုရှုသည် ကပေရနောငမြို့သို့ ရောက်လာ၏။ ကိုယ်တော်သည် အိမ်၌ ဟိတော်မူသည့်အကြောင်း သတင်းတော်သည် ပြန့်နှံ့လေ၏။ 2 ထို့ကြောင့် လူအပေါင်းရှိသည် စုရုံးရောက်လာကြသဖြင့် အိမ်ခန်းမှထ၍ အိမ်ရှိ၌ ခြံချစရာ နီရာမဟိပေ။ ယေသုရှုသည်လည်း ထိုလူအပေါင်းရို့ကို တရားဟောတော်မူ၏။ 3 ထိုစဉ် လူလေးယောက်ရှိသည် လီဖြတ်သော လူတစ်ယောက်ကို ကိုယ်တော်အထံတော်ပါးသို့ သယ်ယူလာကြ၏။ 4

သို့သော် လူအပေါင်းရှိသည် ပြည့်ကျပ်နိုင်သဖြင့် ကိုယ်တော်ထံသို့ တိုး၍ မပေါက်နိုင်ကြ။ ထို့ကြောင့် ကိုယ်တော်ဟိသည် နီရာအထက်မှ အိမ်ခေါင်မိုးကိုဖွင့်ပြီး၊ လူမမာအား လှဲနိုင်သောဖျာနှင့်တကွ လျော့ချကြ၏။ **5** ယေသျှုကလည်း ထိုသူရို့၏ ယုံကြည်ခြင်းကို မြင်လျှင် လီဖြတ်သောလူအား “ငါသား၊ သင်၏အပြစ်ကို ခွင့်ရွတ်ယာ” ဟု မိန့်တော်မူ၏။ **6** ထိုအရပ်၌ ထိုင်နိုင်ကြသော ကျမ်းတတ်ဆရာအချို့က၊ **7** “ဤသူသည် ဇာကြောင့် ဤပိုင် ပြောရသနည်း။ ဤသည်ကား ဘုရားကို ပြစ်မှားခြင်းဖြစ်၏။ ဘုရားသခင် တစ်ပါးတည်းရာ အပြစ်ကို ရွတ်နိုင်သောသူဖြစ်၏” ဟူ၍ တွေးတောနိုင်ကြ၏။ **8** ထိုသူရို့သည် မိမိရို့၏စိတ်နှလုံးထဲ၌ ထိုသို့ တွေးတောနိုင်သည်ကို ယေသျှုသည် မိမိဉာဏ်တော်အားဖြင့် ချက်ချင်း သိတော်မူသဖြင့် “သင်ရို့ ဇာတွက် ယင်းပိုင် တွေးတောကြသနည်း။ **9** လီဖြတ်နိုင်သော သူအား ‘သင်၏ အပြစ်ကို ခွင့်ရွတ်ယာ’ ဟု ပြောသည်က ပို၍ လွယ်သလော၊ ထိုသို့ မဟုတ် ‘ထပြီးလျှင် သင့်ဖျာကို လိပ်ကာ ပြန်လားလော့’ ဟု ပြောသည်က ပို၍ လွယ်သလော။ **10** လူသားသည် ဤလောက၌ အပြစ်ရွတ်ပိုင်ခွင့် တန်ခိုးအာဏာဟိသည်ကို သင်ရို့သည် တို့မြင်ရလိမ့်မည်” ဟု ပြောဆိုပြီးလျှင် လီဖြတ်သောသူအား **11** “သင့်အား ငါ ဆိုသည်ကား၊ ထပြီးလျှင် သင်၏ဖျာကို ကောက်၍ အိမ်သို့ ပြန်လော့” ဟု မိန့်တော်မူ၏။ **12** ထိုသူသည်လည်း မိမိ၏ဖျာကို ကောက်ပြီးလျှင် လူအပေါင်းရှိရုံမှ ထွက်လားလေ၏။ ထိုအမှုအရာကို တို့မြင်သောလူရို့သည် အလွန်တရာအံ့သြကြပြီး “ဤပိုင် ငါရို့တစ်သက်မှာ တခါမှ မမြင်ဖူးပါ” ဟု ဆိုလျက် ဘုရားသခင်၏ ဂုဏ်တော်ကို ချီးမွမ်းကြ၏။ **13** တဖန်၊ ယေသျှုသည် ဂါလိလဲကမ်းခြေသို့ ကြွတော်မူ၏။ လူအစုအဝေးရှိသည် ကိုယ်တော်ပါးသို့ ရောက်လာကြသဖြင့် ကိုယ်တော်သည် ထိုသူရို့အား ဟောပြောသွန်သင်တော်မူ၏။ **14** ထိုမှ ကြွတော်မူစဉ် အကောက်ခွန်ရုံး၌ အာလဖဲ၏သား လေဝီထိုင်နိုင်သည်ကို မြင်တော်မူလျှင်၊ ကိုယ်တော်က “ငါ့နောက်သို့ လိုက်လော” ဟု မိန့်တော်မူ၏။ ထိုသူသည် ချက်ချင်းထပြီး ကိုယ်တော်၏ နောက်တော်သို့ လိုက်လေ၏။ **15** ထို့နောက် ယေသျှုသည် လေဝီ၏အိမ်၌ တပည့်တော်ရို့နှင့်အတူ စားသောက်လျက်နိုင်စဉ်၊ အခွန်ခံများနှင့် အပယ်ခံသောသူများသည် လိုက်လာကြသဖြင့် တပည့်တော်ရို့နှင့်အတူ ဝင်ရောက်စားသောက်ကြ၏။ **16** ထိုသို့ ကိုယ်တော်သည် ထိုသူရို့နှင့် စားသောက်လျက်နိုင်သည်ကို ကျမ်းပြုဆရာအချို့နှင့် ဖာရိယှဲအချို့သည် မြင်ကြလျှင် “ဤသူကား ဇာဖြစ်လို့ အခွန်ခံသောလူ၊ အပယ်ခံသောလူတို့နှင့်အတူ စားသောက်နိုင်သနည်း” ဟု တပည့်တော်ရို့အား မိန့်တော်မူ၏။ **17** ကိုယ်တော်သည် ထိုစကားကို ကြားလျှင် “ကျန်းမာသောသူရို့သည် ဆီးသမားကို အလိုမဟုတ်၊ မကျန်းမာသော လူတို့ရာ အလိုဟိကြ၏။ ငါ ကြွလာသည်ကား၊ အရိအသိခံရသော လူတို့အတွက် လာသည် မဟုတ်၊ အပယ်ခံရသောလူတို့နှင့် ဆိုးသွမ်းသောလူတို့အတွက် ငါ ကြွလာခြင်းဖြစ်၏” ဟု မိန့်တော်မူ၏။ **18** တစ်နိဉ် ဗတ္တိဇံဆရာယောဟန်၏ တပည့်ရို့နှင့် ကျမ်းပြုဆရာရို့သည် အစာယောင်နိုင်ကြ၏။ လူတချို့က၊ ကိုယ်တော်ထံတော်ပါးသို့ ရောက်လာပြီးလျှင် “ဗတ္တိဇံဆရာယောဟန်၏ တပည့်ရို့နှင့် ဖာရိယှဲတပည့်ရို့က အစာယောင်ကြ၏။ သို့သော် ကိုယ်တော်၏ တပည့်ရို့က ဇာကြောင့် အစာမယောင်ကြသနည်း” ဟု မိန်းလျှောက်ကြ၏။ **19** ယေသျှုကလည်း၊ “မင်္ဂလာဆောင်သတို့သား၏ အပေါင်းအပါရို့သည် မင်္ဂလာပွဲ၌ သတို့သားနှင့်အတူ ဟိနိုင်ကြသောအခါ၊ ယင်းသူရို့ အစာယောင်နိုင်ကြသလော။ သတို့သားနှင့်အတူ ဟိသောအချိန်ကာလပတ်လုံး သူရို့သည် အစာမယောင်တတ်ကြ။ **20** သို့သော် သတို့သားကို ထိုသူရို့ပါးက ခွဲယူလားသောနို့ ရောက်လိမ့်မည်၊ သို့ပြီးမှသာ သူရို့သည် အစာယောင်ကြလိမ့်မည်။ **21** “ပိတ်စအသစ်ဖြင့် အထည်ဟောင်းကို ဇာသူမျှ ဖာသားမချ။ ထိုသို့ ဖာသားချသော်လည်း ပိတ်စအသစ်သည် ရုန်း၍ ပိုပြီး စုတ်ပြလိမ့်မည်။ **22** ယင်းနည်းတူ သားရီဘူးအဟောင်းထဲ၌ အသစ်သောစပျစ်ရည်ကို ထည့်လေ့မဟုတ်၊ ထိုသို့ထည့်သော် စပျစ်ရည်အသစ်ကြောင့် သားရီဘူးသည် ပေါက်ကွဲတတ်သည်ဖြစ်၍ နှစ်ခုစလုံး ပျက်စီးလိမ့်မည်။ ယင်းကြောင့် စပျစ်ရည်အသစ်ကို သားရီဘူးအသစ်၌ရာ ထည့်ရမည်” ဟု ထိုသူရို့အား မိန့်တော်မူ၏။ **23** ဥပုသ်နိဉ် ကိုယ်တော်သည် ဂျုခင်းကို ဖြတ်၍လားစဉ်၊ တပည့်တော်ရို့သည် ဂျုနီများကို ခွီယူကြ၏။ **24** ထိုအခါ ဖာရိယှဲရို့က “ကြည့်ပါ၊ ငါရို့၏ပညတ်ကျမ်းအရ ဥပုသ်နိဉ် မပြုအပ်သောအမှုတို့ကို သူရို့က ဇာကြောင့်

ပြုကြသနည်း” ဟု ကိုယ်တော့်ကို မိန်းလျှောက်ကြ၏။ 25 ယေသျှုကလည်း “ယဇ်ပုရောဟိတ်မင်း အဗျာသာလက်ထက်၌ ဒါဝိဒ်သည် ဝမ်းဆာနိန်သောအချိန်တွင် မိမိအဖော်တို့နှင့်အတူ၊ 26 ဘုရားသခင်၏ အိမ်တော်သို့ ဝင်ပြီးလျှင် အကျွန်ုပ်၏ပညတ်ကျမ်းအရ ယဇ်ပုရောဟိတ်တို့မှတစ်ပါး ဇာသုမျှ မစားအပ်သော ရှိတော်မူနှိုက် စားပြီး — မိမိ၏အဖော်ရှိကိုလည်း ပီးကြောင်းကို ကျမ်းစာထဲ၌ မဖတ်ဖူးကြသလော” ဟု မိန်းတော်မူ၏။ 27 ထို့နောက် ကိုယ်တော်က “ဥပသန့်အဖို့ လူကို ဖန်ဆင်းထားသည် မဟုတ်။ လူ့အဖို့ရာ ဥပသန့်ကို သတ်မှတ်ထားခြင်းဖြစ်၏။ 28 ယင်းကြောင့် လူသားသည် ဥပသန့်၏ အသွင်သခင် ဖြစ်၏” ဟု မိန်းတော်မူ၏။

3 ထို့နောက် ယေသျှုသည် တရားဇရပ်သို့ ကြွတော်မူပြန်လျှင်၊ ထိုတရားဇရပ်၌ လက်တစ်ဖက် သီနိန်သောသူ တစ်ယောက်ဟိ၏။ 2 ထိုအရပ်၌ ဟိသောလူအချို့သည် ကိုယ်တော့်ကို ပြစ်တင်စွပ်စွဲခွင့် ရခြင်းငှာ ဥပသန့်၌၊ ထိုသူ၏ရောဂါကို ကိုယ်တော်သည် ပျောက်ကင်းစီတော်မူမည်၊ မမူမည်ကို အနီးကပ် စောင့်ကြည့်နိန်ကြ၏။ 3 ယေသျှုသည် ထိုသူအား “ရှိသို့လာ၍ ရပ်လော့” ဟု မိန်းတော်မူ၏။ 4 ထို့နောက် ကိုယ်တော်က လူရိုးအား “ငါရိပ်ညတ်ကျမ်းအရ ဥပသန့်၌ ကောင်းသောအရာကို ပြုသင့်သလော၊ သို့မဟုတ် ဆိုးသောအရာကို ပြုသင့်သလော။ လူ့အသက်ကို ကယ်သင့်သလော၊ သို့မဟုတ် သတ်သင့်သလော” ဟု မိန်းတော်မူလျှင်၊ လူရိုးသည် တိနိန်ကြ၏။ 5 ထိုအခါ ကိုယ်တော်သည် အမျက်ထန်တော်မူ၍ လှည့်ပတ်ကြည့်ပြီး ထိုသူရိုး၏စိတ်နှလုံးသည် မိုက်မဲသောကြောင့် ကိုယ်တော်သည် ဝမ်းနည်းတော်မူ၏။ ကိုယ်တော်ကလည်း “သင်၏လက်ကို ဆန့်လော့” ဟု လက်သီနိန်သောသူအား မိန်းတော်မူ၏။ ထိုသူသည် မိမိလက်ကို ဆန့်လျှင် အကောင်းပကမိ ဖြစ်လေ၏။ 6 ထို့ကြောင့် ဖာရိယှုရိုးသည် တရားဇရပ်မှ ချက်ချင်းထွက်ကြပြီးလျှင် ကိုယ်တော့်ကို သတ်ခြင်းငှာ ဟေရုဒ်၏တပည့်ရိုနှင့် ဆွေးနွေးတိုင်ပင်ကြ၏။ 7 ယေသျှုနှင့် တပည့်တော်ရိုးသည် ဂါလိလဲအိုင်နားသို့ ကြွတော်မူ၏။ ဂါလိလဲပြည်၊ ယုဒပြည်မှ လည်းကောင်း၊ 8 ယေရုဆလင်မြို့မှစပြီး ကုဒုမဲပြည်နှင့် ယော်ဒန်မြစ် အရှိုဖက်ကမ်းမှ လူတို့နှင့် တူရမြို့၊ ဇိဒုန်မြို့ပတ်ဝန်းကျင်အရပ်မှ များစွာသောလူရိုးသည် ကိုယ်တော်ပြုတော်မူသော အမှုအရာများကို ကြားတော်မူလျှင် ကိုယ်တော်၏ နောက်တော်သို့ လိုက်ကြ၏။ 9 ကိုယ်တော်သည် မိမိကို လူအပ်ကြီး မနင်းမိစီမည့်အကြောင်း လောင်းတစ်စင်းကို အသင့်ထားခြင်းငှာ တပည့်တော်ရိုးအား မိန့်မှာတော်မူ၏။ 10 အကြောင်းမူကား ကိုယ်တော်သည် မကျန်းမာသော လူတို့ကို ကျန်းမာစီတော်မူသဖြင့် ရောဂါခံစားနိန်ရသော လူရိုးသည် ကိုယ်တော့်ကို တို့ခြင်းငှာ တိုးလာကြ၏။ 11 ဝိညာဉ်ဆိုးတိစ္ဆိသော လူရိုးသည်လည်း ကိုယ်တော့်ကို မြင်သောအခါ ရှိတော်၌ ပျပ်ဝပ်၍ “ကိုယ်တော်သည် ဘုရားသခင်၏ သားတော်ဖြစ်၏” ဟု ဟစ်အော်ကြ၏။ 12 ကိုယ်တော်က မိမိသည် မည်သူဖြစ်ကြောင်းကို မည်သူ့ကိုမျှ ထုတ်ဖော်၍ မပြောစီခြင်းငှာ ဝိညာဉ်ဆိုးများအား တင်းကြပ်စွာ ပညတ်တော်မူ၏။ 13 ထို့နောက် ယေသျှုသည် တောင်ထက်သို့ ကြွတော်မူပြီး အလိုတော်ဟိသော သူရိုးကဲ့သို့ ခေါ်တော်မူ၍ သူရိုးသည် အထံတော်ပါးသို့ ရောက်လာကြ၏။ 14 ကိုယ်တော်သည် တစ်ဆယ့်နှစ်ယောက်သော လူရိုးကို ရှိုးချယ်တော်မူပြီးလျှင် တမန်တော်များဟူ၍ ခေါ်ဝေါ်သမုတ်တော်မူ၏။ ထို့နောက် ထိုသူရိုးအား “သင်ရိုးကို ငါ ရှိုးချယ်သည်ကား ငါနှင့်အတူ နီစီခြင်းငှာလည်းကောင်း၊ တရားဟောထွက်စီခြင်းငှာ လည်းကောင်း၊ 15 နတ်ဆိုးတို့ကို မောင်းထုတ်ဖို့ အခွင့်အာဏာ ဟိစီခြင်းငှာ လည်းကောင်း ဖြစ်၏” ဟု မိန်းတော်မူ၏။ 16 ကိုယ်တော် ရှိုးချယ်ထားသော တပည့်တော် တစ်ဆယ့်နှစ်ပါး၏ နာမည်ကား၊ (ပေတရုဟု ခေါ်သူ) သျှိုမုန်၊ 17 (မိုးကြိုး၏သားများဟု အနက်ကို ရ၍ ဗောနေရဂက်ဟု အမည်သစ်ကိုရသော) ဇေဗေဒဲ၏ သားနှစ်ယောက် ယာကုပ်နှင့် ယောဟန်၊ 18 အဓ္မေ၊ ဖိလိပ္ပ၊ ဗာသောလမ်၊ မဿဲ၊ သောမ၊ အာလဖဲ၏သား ယာကုပ်၊ သဒ္ဒဲ၊ မျိုးချစ်စိတ်ထက်သန်သူ သျှိုမုန်နှင့် 19 ကိုယ်တော့်ကို သစ္စာဖောက်သူ ယုဒသူ့ကာရုတ် ရို့ဖြစ်ကြ၏။ 20 ထို့နောက် ယေသျှုသည် အိမ်သို့ဝင်လျှင်၊ လူအပေါင်းရို့သည် တဖန် စုရုံးလာကြသဖြင့် ကိုယ်တော်နှင့် တပည့်တော်ရိုးသည် အစားအစာသုံးဆောင်ရန်ပင် အချိန်မကြာ။ 21 လူတချို့က “ကိုယ်တော်ကား စိတ်ဖောက်လားယာ” ဟု ပြောဆိုကြ၏။ ထိုအကြောင်းကို ကိုယ်တော်၏ မိသားစုရို့သည် ကြားကြလျှင် ကိုယ်တော့်ကို

စောင့်ရှောက်ခြင်းငှာ အထံတော်သို့ လိုက်လာကြ၏။ 22 ယေရုဆလင်မြို့မှ ရောက်လာကြသော ကျမ်းတတ်ဆရာရှိက “ဤသူကား ဗေလဇေဗုလဟုခေါ်သော နတ်ဆိုးခေါင်းဆောင် ဝင်ပူးခြင်းပင်ဖြစ်၏။ ထိုနတ်ဆိုးဘုရင်ကို အမှီပြု၍သာ နတ်ဆိုးတို့ကို မောင်းထုတ်ခြင်းဖြစ်သည်” ဟု ပြောဆိုကြ၏။ 23 ယေသျှုသည် ထိုသူရှိကို ခေါ်ပြီးလျှင် ပုံဥပမာကို ဆောင်၍ “စာတန်မာရ်နတ်က စာတန်မာရ်နတ်ကို ဇာပိုင် မောင်းထုတ်နိုင်မည်နည်း။ 24 အုပ်စုကွဲပြားနိုင်သော နိုင်ငံကား မတည်မရပ်နိုင်။ 25 မိသားစု၌လည်း အချင်းချင်းစိတ်ဝမ်းကွဲနိုင်လျှင် ယင်းအိမ်ထောင်သည် ရပ်တည်နိုင်မည် မဟုတ်။ 26 ယင်းနည်းတူ စာတန်မာရ်နတ်သည်လည်း အချင်းချင်းမသင့် စိတ်ဝမ်းကွဲလျှင် ထိုသူရှိ၏ နိုင်ငံသည် မရပ်မတည်နိုင်ဖြစ်ပြီး ပျက်စီးခြင်းသာ ဖြစ်လိမ့်မည်။ 27 “အားကြီးသောသူကို အယင်မတုပ်ဘဲနှင့် ထိုသူ၏အိမ်သို့ ဝင်၍ ပစ္စည်းဥစ္စာများကို ဇာသူလေ့ မလှယူနိုင်။ တုပ်ပြီးမှရာ လှယူနိုင်၏။ 28 “သင်ရဲ့အား ငါ အမှန်ဆိုသည်ကား လူတိက မိမိရဲ့ လွန်ကျူးသော အပြစ်ဟိသမျှကိုလည်းကောင်း၊ လိမ်လည်သော စကားအမျိုးမျိုးအတွက်လည်းကောင်း အပြစ်ရွတ်ခွင့်ရနိုင်၏။ 29 သို့ရာတွင် သန့်ယှင်းသောဝိညာဉ်တော်ကို ပြစ်မှားသောသူကား တစ်ခါမျှ အပြစ်မှ လွတ်ခွင့်မရ။ ထိုသူကား ထာဝရအပြစ်ကို ပြုသောသူဖြစ်၏” ဟု မိန့်တော်မူ၏။ (*aiōn g165, aiōnios g166*) 30 ဤသို့ မိန့်တော်မူရခြင်းမှာ လူအချို့သည် ကိုယ်တော်ကို “ဝိညာဉ်ဆိုး ပူးသောသူဟု စွပ်စွဲကြသောကြောင့်ဖြစ်၏။” 31 ထို့နောက် ယေသျှု၏မိခင်နှင့် ညီတော်ရှိသည် ရောက်လာလျှင် အိမ်အပြင်၌ ရပ်လျက်၊ ရောက်နိုင်ကြောင်းကို ကိုယ်တော်ကို ကြားပြောခိုင်း၏။ 32 လူအပေါင်းရှိသည် ကိုယ်တော်ကို ခြံရံလျက် ထိုင်နိုင်ကြ၏။ သူရှိက “ကိုယ်တော်၏ အမိနှင့် ညီတိ၊ ညီမတိ အိမ်အပြင်၌ ရောက်နိုင်ပါ၏။ ထိုသူရှိသည် ကိုယ်တော်ကို ရှာနိုင်ကြ၏” ဟု လျှောက်ကြ၏။ 33 ကိုယ်တော်က “ငါ့အမိ ငါ့ညီတိကား ဇာသူရှိနည်း” ဟု မိန်းတော်မူပြီး၊ 34 မိမိပတ်လည်တွင် ထိုင်နိုင်ကြသောသူရှိအား ကြည့်တော်မူလျက် “ငါ့အမိ၊ ငါ့ညီတိကား၊ ဤသူရှိပင် ဖြစ်၏။ 35 ဘုရားသခင်၏ အလိုတော်အတိုင်း ဆောင်ရွက်သောသူ မှန်သမျှသည် ငါ့ညီ၊ ငါ့နွယ်၊ ငါ့အမိ ဖြစ်၏” ဟု မိန့်တော်မူ၏။

4 တဖန် ယေသျှုသည် ဂါလိလဲအိုင်ကမ်းဘေးတွင် ဆုံးမဩဝါဒ ပီးတော်မူစဉ် များစွာသောလူရှိသည် အထံတော်သို့ ရောက်လာကြ၏။ ထိုသို့ လူများသဖြင့် ကိုယ်တော်သည် အိုင်ထဲ၌ဟိသော လောင်းတစ်စင်းထဲသို့ ဝင်၍ ထိုင်တော်မူပြီး ထိုလောင်းကိုလည်း ကမ်းမှ ခွာစီတော်မူ၏။ လူအပေါင်းရှိသည်လည်း ကမ်းခြီရီစပ်နားအထိ ရပ်နိုင်ကြ၏။ 2 ထို့နောက် ကိုယ်တော်သည် ပုံဥပမာကိုဆောင်၍ များစွာသော အကြောင်းအရာတို့ဖြင့် သွန်သင်တော်မူသည်မှာ၊ 3 “နားထောင်ကြလော့။ မျိုးစုံကြသောသူသည် မျိုးစုံကြခြင်းငှာ ထွက်လားလေ၏။ 4 ယင်းမျိုးစုံကို ကြံသောအခါ၊ အချို့မျိုးစုံတိက လမ်း၌ ကျသဖြင့် ငှက်များသည် လာ၍ ကောက်စားကြ၏။ 5 အချို့မျိုးစုံတိက မြိသားနည်းပြီး ကျောက်ရောမြီ၌ ကျသဖြင့် မြိသားတိမ်သောကြောင့် ထိုမျိုးစုံသည် အယင် အညောက်ပေါက်သော်လည်း၊ 6 အမြစ်မစွဲနိုင်သောကြောင့် နီပူသောခါ၊ ချက်ချင်း ညှိုးနွမ်းခြောက်သွိလားလေ၏။ 7 အချို့မျိုးစုံတိက ဆူးတော၌ ကျသဖြင့် ဆူးပင်တိကြီးထွား၍ ညည်းဆဲသောကြောင့် ယင်းအပင်ရှိသည် အသီးကိုမသီးနိုင်ကြ။ 8 အချို့မျိုးစုံတိက ကောင်းသောမြီ၌ ကျသဖြင့် အပင်ပေါက်၍ ကြီးထွားလျက် အဆသုံးဆယ်၊ အဆခြောက်ဆယ်၊ အဆတစ်ရာ ပွားများပြီးလျှင် အသီးကို သီးကြ၏။” 9 “ကြားစရာနား ဟိသောသူမည်သည်ကား ကြားပါစီ” ဟု မိန့်တော်မူ၏။ 10 ယေသျှုတစ်ပါးတည်းသာ ဟိနိန်ချိန်၌ တစ်ဆယ့်နှစ်ပါးသော တပည့်တော်နှင့်တကွ ကြားနာသော သူရှိသည် ထိုပုံဥပမာ၏ အဓိပ္ပာယ်ကို မိန်းလျှောက်ကြ၏။ 11 ကိုယ်တော်ကလည်း “သင်ရှိသည် ဘုရားသခင်နိုင်ငံတော်၏ နက်နဲသောအရာတို့ကို သိရသောအခွင့်ဟိကြ၏။ သို့သော် အပြင်၌ ဟိသောသူတိကား ပုံဥပမာအားဖြင့်သာ ကြားရကြ၏။ 12 အကြောင်းမူကား၊ “သူရှိသည် ကြည့်လျက်နှင့်ပင် မမြင်ကတ်။ နားထောင်နှင့်လျက်ပင် နားမလည်ကတ်။ အကယ်၍ သူရှိသည် မြင်၍ နားလည်ပြီး၊ ဘုရားသခင်ထံသို့ ပြန်လာကြလျှင်၊ ဘုရားသခင်သည် သူရှိ၏အပြစ်ကို ရွတ်လိမ့်မည်” ဟု မိန့်တော်မူ၏။ 13 ကိုယ်တော်က “သင်ရှိသည် ဤဥပမာတောင်မှ နားမလည်လျှင် အခြားဥပမာများကို ဇာပိုင်

နားလည်နိုင်မည်နည်း။ 14 မျိုးစုံကြသောသူသည် ဘုရားသခင်၏ တရားစကားကို ကြံ၏။ 15 တချို့လူတိကား လမ်း၌ကျသော မျိုးစုံနှင့်တူ၏။ ဘုရားသခင်၏ တရားစကားတော်ကို ကြားကြားချင်းပင် စာတန်မာရ်နတ်သည် လာ၍ ထိုတရားစကားကို နှုတ်ယူလား၏။ 16 ထိုသို့ တချို့လူတိကား ကျောက်ခဲမြီ၌ ကျသောမျိုးစုံနှင့်တူ၏။ သူရိသည် တရားစကားကို ကြားကြားချင်း ဝမ်းမြောက်ဝမ်းသာယူကြ၏။ 17 သို့သော် ထိုတရားစကားသည် သူရိအထဲ၌ အမြစ်မစွဲ၊ တစ်အောင့်ချေရာ တည်၏။ ထိုတရားစကားကြောင့် ဒုက္ခနှင့် ညှဉ်းပန်းနှိပ်စက်ခြင်းကို ကြုံတို့ရသောအခါ သူရိသည် ဖောက်ပြန်လားတတ်၏။ 18 တချို့လူတိကား ဆူးတောမြီ၌ ကျသော မျိုးစုံနှင့်တူ၏။ သူရိလည်း တရားစကားကို ကြားရကြ၏။ 19 သို့သော်လည်း သူရိသည် ဘဝရပ်တည်နိုင်ဖို့အတွက် စိုးရိမ်ကြောင့်ကြစရာများ၊ စည်းစိမ်ချမ်းသာ ခံစားလိုမှုများနှင့် အခြားသော ဆန္ဒလိုအပ်ချက်များ ထွက်ပေါ်လာပြီးလျှင် တရားတော်ကို လွှမ်းမိုးသောကြောင့် ထိုသူရိ၌ အသီးမသီးနိုင်ကြ။ (aiōn g165) 20 အခြားသော လူတိကား ကောင်းသောမြီ၌ ကျသောမျိုးစုံနှင့်တူ၏။ ထိုသူရိတိကား တရားစကားကို ကြား၍ ခံယူကြသောကြောင့် အဆသုံးဆယ်၊ အဆခြောက်ဆယ်၊ အဆတစ်ရာ တိုးပွားပြီးလျှင် အသီးကို သီးလေ၏” ဟု မိန့်တော်မူ၏။ 21 ယေသျှုက “ဆီမီးခွက်ကို တောင်းဖြင့် အုပ်ထားလေ့မဟိ။ ကုတင်အောက်၌ ထားလေ့မဟိ။ ဆီမီးခွက်ကို ဆီမီးခုံထက်မှာသာ တင်ထားရမည် မဟုတ်လော။ 22 ဖုံးအုပ်လျက် ဟိသမျှသော အရာများသည် ပေါ်လာပြီးလျှင် ကွယ်ဝှက်၍ ထားသမျှသောအရာများသည် ပွင့်လာလိမ့်မည်။ 23 ကြားစရာနားဟိသောသူသည်ကား ကြားကြစီ” ဟု မိန့်တော်မူ၏။ 24 ထိုမှတစ်ပါး ကိုယ်တော်က “သင်ရို့ကြားသောအရာကို ဂရုစိုက်၍ နားထောင်ကြလော့။ သင်ရို့က အခြားသောသူတို့ကို စစ်ကြောသည်အတိုင်း ဘုရားသခင်သည် သင်ရို့ကို စစ်ကြောစီရင်လိမ့်မည် — ထိုထက်မက ပို၍ ပြင်းစွာသောစစ်ကြောခြင်းကို ခံရလိမ့်မည်။ 25 ရတတ်သောသူကို ပို၍ ပီးလိမ့်မည်။ မဟိသောသူပါးမှလည်း သူရိ၌ ဟိသမျှကိုပင် နှုတ်ယူလိမ့်မည်” ဟု မိန့်တော်မူ၏။ 26 ယေသျှုက “ဘုရားသခင်၏ နိုင်ငံတော်ကား ဤအရာနှင့်တူ၏။ လူတစ်ယောက်သည် မိမိလယ်၌ မျိုးစုံကိုကြံ၏။ 27 ယင်းပြီးမှ မကြည့်မမှတ်ဘဲ နို့နှင့်ည အိပ်လျက်၊ နိုးလျက်နိမ့်၏။ ထိုစဉ် မျိုးစုံသည် အညောက်ထွက်၍ အပင်ပေါက်ကာ ကြီးထွားလေ၏။ ထိုသို့ ဖြစ်လာပုံကို လယ်သျှင်သည် မသိ။ 28 မြို့ကြီးသည် အလိုအလျောက်အပင်တို့ကို ကြီးထွားစီ၍ ကောက်နှံကို ဦးစွာ ဖြစ်စီပြီးလျှင် ကောက်ဆံအောင်သော အသီးများကို သီးစီ၏။ 29 ယင်းနောက် အသီးမှည့်၍ ရိတ်သိမ်းချိန်ရောက်သောအခါ လယ်သျှင်က တန်းစဉ်ဖြင့် ရိတ်သိမ်းလေ၏” ဟု မိန့်တော်မူ၏။ 30 ထို့နောက် ယေသျှုက “ဘုရားသခင်၏ နိုင်ငံတော်ကို ဇာပိုင် ပြောရမည်နည်း။ ဇာပုံဥပမာနှင့် နှိုင်းပြရအံ့နည်းဟူမူကား၊ 31 ဘုရားသခင်၏ နိုင်ငံတော်သည် ဤအရာနှင့်တူ၏။ လူတစ်ယောက်သည် မုန့်ညှင်းစိုတစ်စုံကို မြီ၌ စိုက်ပျိုးသောအခါ အစုံဟိသမျှထဲတွင် အငယ်ဆုံးဖြစ်၏။ 32 စိုက်ပျိုးပြီးနောက် ကြီးထွားလာသောအခါ အခြားသော သီးနှံပင်တို့ထက် ပို၍ ကြီးထွား၏။ ယင်းအပင်၌ ငှက်တိပင် အရိပ်ခို၍ အသိုက်ဆောက်နိုင်လောက်အောင် အကိုင်းအခက်တို့ကို ဖြစ်စီတတ်၏” ဟုမိန့်တော်မူ၏။ 33 ထိုသို့သော ပုံဥပမာများအားဖြင့် ကိုယ်တော်သည် ပရိသတ်ရို့နားလည်နိုင်သည်အတိုင်း တရားတော်ကို ဟောပြောတော်မူ၏။ 34 ပုံဥပမာများနှင့်ကင်း၍ ဇာချင့်တရားကိုမျှ ဟောတော်မမူ။ ကိုယ်တော်သည် တပည့်တော်ရို့အား လူပရိသတ်များ ကင်းယှင်းချိန်၌ ဟောသမျှသော အရာတို့ကို ယင်းပြတော်မူ၏။ 35 ထိုနို့ ညနီချမ်းအချိန်တွင် ကိုယ်တော်က တပည့်တော်ရို့အား “အိုင်ကမ်းတစ်ဖက်သို့ ကူးကြကုန်အံ့” ဟု မိန့်တော်မူလျှင်၊ 36 တပည့်တော်ရို့သည် လူစုလူဝေးမှ ထွက်ကာ ကိုယ်တော်ဟိနှင့်ပြီးသော လောင်းထက်သို့ တက်၍ ကိုယ်တော်နှင့်အတူ ရွက်ရွှင့်ကြ၏။ အခြားသော လောင်းများလည်း လိုက်ပါကြ၏။ 37 ထိုအခါ ရုတ်တရက် ပြင်းထန်သော လီမုန်တိုင်းတိုက်ခတ်လာ၍ လှိုင်းများထသောကြောင့် လောင်းထဲ၌ ရီပြည့်လှပြည့်ချင် ဖြစ်လေ၏။ 38 ကိုယ်တော်မူကား လောင်း၏ပဲ့ပိုင်း၌ ခေါင်းအုံးထက်တွင် ကျိန်းစက်လျက် နီတော်မူ၏။ တပည့်တော်ရို့သည် ကိုယ်တော်ကို နှိုးပြီးလျှင် “ဆရာ၊ အကျွန်ရို့ သီသောနှင့် ကြိုနိန်ရသည်ကို ဥပမောပြုတော်မူပါသည်လော” ဟု မိန်းလျှောက်ကြ၏။ 39 ကိုယ်တော်သည် ထ၍

လီနွင့်လှိုင်းများအား “တိတ်ဆိတ်ငြိမ်ဝပ်စွာ နီလော့” ဟု အမိန့်ပီးတော်မူလျှင် လီသည်ငြိမ်၍ လှိုင်းသည် မထလီယာ။
40 ထို့နောက် ကိုယ်တော်သည် တပည့်တော်ရို့အား “ဇာတွက်နှင့် ဤမျှလောက် ကြောက်ကြသနည်း။ ဇာကြောင့်
ယုံကြည်ခြင်း မဟိသနည်း” ဟု မိန့်တော်မူ၏။ 41 ထိုအခါ သူရို့သည် အလွန်ကြောက်လန့်၍ “ဤလူကား ဇာပိုင်လူလဲ၊
လီနွင့်လှိုင်းတောင်မှ ဤလူ၏ အမိန့်ကို လိုက်နာကြ၏” ဟု အချင်းချင်း ပြောဆိုနိန့်ကြ၏။

5 ယေသျှုနှင့် တပည့်တော်ရို့သည် ဂါလိလဲအိုင် တစ်ဖက်ကမ်းဟိ ဂါရစဒေသသို့ ရောက်ကြ၏။ 2 ယေသျှုသည်
လောင်းမှ ဆင်းတော်မူသည်နှင့်တစ်ပြိုင်နက် ဝိညာဉ်ဆိုးပူးသော သူတစ်ယောက်သည် ကိုယ်တော်ကို တို့ခြင်းငှာ
သဇ္ဈိင်းမှ ထွက်လာလေ၏။ 3 ထိုသူသည် သဇ္ဈိင်းအုတ်ဂူများကြား၌ နိန့်တတ်ပြီး၊ သူ့ကို ဇာသူတစ်ယောက်မျှ
သံကြီးနှင့်တုပ်၍ မထားနိုင်။ 4 ထိုသူအား လက်ထိတ်၊ ခြံကျဉ်းရိုက် သံကြီးများဖြင့် အကြိမ်ကြိမ်တုပ်ထားခဲဖူး၏။
သို့သော် ထိုကြိုးများသာ ပြတ်လား၏။ ဇာသူမျှ သူ့ကို ထိန်းချုပ်၍ မရ။ ထိုသူသည် ခွန်အားကြီးသောသူဖြစ်၏။
5 ထိုသူသည် သဇ္ဈိင်းအုတ်ဂူများကြား၌ သော်လည်းကောင်း၊ တောင်ကုန်းများအထက်၌ သော်လည်းကောင်း နို့
ညမပြတ် ဟစ်အော်၍ လှည့်ပတ်လားလာကာ ကျောက်စောင်းနှင့် ကိုယ်ကို ပြတ်စီ၏။ 6 ထိုသူသည် အဝီးမှ ယေသျှုကို
မြင်လျှင် ပြီးလာကာ ရှိတော်၌ ပျပ်ဝပ်လျက်၊ 7 “အမြင့်ဆုံးသော ဘုရားသခင်၏ သားတော်ယေသျှု။ ကိုယ်တော်သည်
အကျွန်နှင့် ဇာသို့ ဆိုင်သနည်း။ အကျွန်အား မညှဉ်းဆဲပါကော့။ ဘုရားသခင်ကို တိုင်တည်၍ တောင်းဆိုပါ၏” ဟု
ကျယ်သောအသံဖြင့် အော်ဟစ်တောင်းပန်လေ၏။ 8 ထိုသို့ လျှောက်ထားသည့်အကြောင်းကား ယေသျှုသည်
ထိုသူအား “ဆိုးညစ်သောဝိညာဉ်၊ ဤလူထဲက ထွက်လော့” ဟု မိန့်တော်မူသောကြောင့် ဖြစ်၏။ 9 ကိုယ်တော်က
“သင်၏နာမည်ကား မည်သို့နည်း” ဟု မိန့်တော်မူလျှင်၊ ထိုဝိညာဉ်ဆိုးက “အကျွန်၏အမည်ကား ‘လေဂေါင်’ ဖြစ်ပါ၏
— အကျွန်ရိုက် အများဖြစ်ပါ၏” ဟု လျှောက်ထားပြီးမှ၊ 10 မိမိရို့အား ထိုအရပ်မှ နှင်ထုတ်တော် မမူစီခြင်းငှာ
အကြိမ်ကြိမ်တောင်းပန်လေ၏။ 11 ထိုအချိန်၌ တောင်ခါးစောင်း၌ ကျက်စားနိန့်သော ဝက်အုပ်တစ်အုပ်ဟိ၏။ 12
ထိုဝိညာဉ်ဆိုးတိက “အကျွန်ရို့အား ထိုဝက်တိပါးသို့ ဝင်ပူးရသော အခွင့်ကို ပီးတော်မူပါ” ဟု တောင်းပန်ကြလျှင်၊
13 ကိုယ်တော်သည် ချက်ချင်း အခွင့်ပီးတော်မူ၏။ ထိုဝိညာဉ်ဆိုးရို့သည် ထိုသူပါးမှ ထွက်၍ ဝက်တို့၌ ဝင်ကြ၏။
အကောင်ရို့အားဖြင့် ၂,၀၀၀ ခန့် ဟိသော ဝက်အုပ်သည် — အိုင်ကမ်းထောင်းစောက်သို့ တစ်ဟုန်ထိုးပြီးဆင်း၍
အိုင်၌ နစ်မွမ်းသီဆဲကြ၏။ 14 ဝက်ကျောင်းသော သူရို့သည် မြို့၊ ရွာများသို့ ပြီး၍ သတင်းတော်ကို ပြောကြသဖြင့်၊
လူရို့သည် ထိုအမူအရာများအား ကြည့်ရှုအံ့သောငှာ လာရောက်ကြ၏။ 15 ထိုသူရို့သည် ယေသျှုထံပါးသို့
ရောက်လာသောအခါ နတ်ဆိုးရို့ဝင်ပူးသောသူသည် အဝတ်ကို ဝတ်လျက် လူကောင်းပကတိအတိုင်း ထိုင်နိန့်သည်ကို
မြင်လျှင် အလွန်ကြောက်ရွံ့ကြ၏။ 16 ထိုအဖြစ်ပျက်ကို မျက်မြင်တို့ရသောသူရို့က နတ်ဆိုးပူးသောသူနှင့် ဝက်အုပ်၌
ဖြစ်ပျက်ခသောအရာများကို နောက်ရောက်ဟိလာကြသော လူတို့အား ပြောပြကြ၏။ 17 ထို့ကြောင့် ထိုသူရို့သည်
ကိုယ်တော်ကို မိမိရို့ဒေသမှ ထွက်လားရန် တောင်းပန်ကြ၏။ 18 ကိုယ်တော်သည် လောင်းထက်သို့ တက်တော်မူစဉ်
နတ်ဆိုးပူးခဲဖူးသောသူသည် ကိုယ်တော်နှင့်အတူ လိုက်ပါခွင့်ပြုစီခြင်းငှာ တောင်းပန်လေ၏။ 19 သို့သော်လည်း
ကိုယ်တော်သည် ခွင့်ပြုတော်မမူဘဲ၊ “သင့်အိမ်သို့ လားပြီးလျှင် သခင်ဘုရားသည် သင့်၌ သနားခြင်းကရုဏာနှင့်
ဇာလောက်ကျေးဇူးပြုသည်ကို ဆွီမျိုးသားချင်းရို့အား ပြောပြလော့” ဟု မိန့်တော်မူ၏။ 20 ထို့ကြောင့် ထိုသူသည်
ထွက်လား၍၊ ယေသျှုသည် မိမိ၌ ဇာမျှလောက် ကျေးဇူးပြုတော်မူကြောင်းကို၊ မြို့ဆယ်မြို့ဟိသော ဒေကာပေါလိပြည်
တလျှောက်လုံးတွင် အနှံ့အပြား ပြောကြားရာ ကြားရသောသူရို့သည် အံ့သြကြ၏။ 21 ထို့နောက် ယေသျှုသည်
ကမ်းတစ်ဖက်သို့ ပြန်ကူး၍ အိုင်နား၌ ဟိတော်မူစဉ် များစွာသောလူရို့သည် အထံတော်သို့ စုရုံးလာကြ၏။ 22 ထိုအခါ
ယာကုရဟု အမည်ဟိသူ တရားဇရပ်မှူးတစ်ယောက်သည် လာ၍ ယေသျှုကို မြင်လျှင် ခြံတော်ရင်း၌ ပျပ်ဝပ်လျက်၊ 23
“အကျွန်၏သမီးသျှေ့ သီဖို့ ဖြစ်နိန့်ယာ။ ထိုအသျှေ့ကို အသက်ရှင်ကျန်းမာစီခြင်းငှာ ကိုယ်တော်ကြွပြီးလျှင် အသျှေ့ထက်မှာ

လက်တော်ကို တင်ပီးတော်မူပါ” ဟု ကိုယ်တော်ကို အနူးအညွတ်တောင်းပန်လေ၏။ 24 ထို့ကြောင့် ယေသျှုသည် ထိုသူနှင့်လိုက်လား၏။ များစွာသောလူရှိသည် ဝိုင်းအုံလျက် လိုက်သဖြင့် ကိုယ်တော်ကို တို့မိ၊ ထိမိကြ၏။ 25 ထိုအခါ မိန်းမတစ်ယောက်သည် တစ်ဆယ့်နှစ်နှစ်ပတ်လုံး သွီးသွန်နာခံစားရ၍၊ 26 ဆီးသမားပေါင်းစုံ၌ ကုသမှုကို ခံယူသောကြောင့် မိမိ၌ ဟိသမျှသောဥစ္စာများပင် ကုန်ဆုံးသော်လည်း သက်သာခြင်းမဟိသည့်အပြင် အခြေအနေပို၍ ဆိုးဝါးလာ၏။ 27 သူမသည် ယေသျှု၏ သတင်းတော်ကို ကြားသည်ဟိသော်၊ “ထိုသူ၏အဝတ်တော်ကို အကျွန်ုပ်သည် တို့ထိခွင့်ရလျှင် ဤရောဂါမှ ပကတိကျန်းမာလားမည်” ဟု ဆိုလျက်၊ လူအပေါင်းရှိကြားမှ တိုးဝင်းကာ ကိုယ်တော်၏ နောက်တော်သို့ ရောက်လာ၍ အဝတ်တော်ကို တို့လေ၏။ 29 ထိုသို့ တို့ပြီးသည်နှင့် ချက်ချင်း သွီးသွန်ခြင်း တန့်လားသည်ဖြစ်၍ မိမိကိုယ်ခန္ဓာ၌ ထိုရောဂါ ပျောက်ကင်းသည်ကို သိလေ၏။ 30 ယေသျှုသည် မိမိကိုယ်မှ တန်ခိုးထွက်သည်ကို ချက်ချင်း သိတော်မူလျှင်၊ နောက်တော်သို့ လှည့်၍ “ငါ့ အဝတ်ကို ဇာသူ တို့သနည်း” ဟု မိန်းတော်မူ၏။ 31 တပည့်တော်တိကလည်း “ကိုယ်တော်၊ ဤမျှလောက် လူတိကြိတ်ကြိတ်တိုးကာ လိုက်နိုင်ကြသည်ကို မြင်လျက်နှင့်ပင် ‘ငါ့ကို ဇာသူ တို့သနည်း’ ဟု မိန်းတော်မူသိမ့်လော” ဟု မိန်းလျှောက်ကြ၏။ 32 သို့ရာတွင် ကိုယ်တော်သည် မိမိအား မည်သူ တို့သည်ကို သိတော်မူခြင်းငှာ လှည့်ပတ်ကြည့်တော်မူ၏။ 33 ထိုအမျိုးသမီးသည် မိမိ၌ မည်သို့ ဖြစ်သည်ကို သိသောကြောင့် ကြောက်ရွံ့တုန်လှုပ်လျက်၊ ရှိတော်သို့ လာရောက်ပျပ်ဝပ်၍ ဖြစ်သမျှသော အကြောင်းအရာတို့ကို အဟုတ်အမှန် ကြားလျှောက်လေ၏။ 34 ယေသျှုကလည်း “ငါ့သမီး၊ သင်၏ယုံကြည်ခြင်းသည် သင့်ကို ကျန်းမာစီဟာ၊ စိတ်ချလက်ချရာ ပြန်လားလီ၊ သင်၏အနာရောဂါပျောက်ကင်းစီ” ဟု မိန်းတော်မူ၏။ 35 ထိုသို့ မိန်းတော်မူစဉ် ယာက္ကရု၏အိမ်မှ လူသည် ရောက်လာ၍ “သင်၏ သမီးကား သီဟာ။ ဤဆရာကို ဇာတွက် ဒုက္ခပီးနိုင်သိမ့်သနည်း” ဟု ဆိုကြ၏။ 36 ယေသျှုသည် ထိုသူရှိ၏စကားကို ကြားသော်လည်း၊ စိတ်နှလုံးထဲ၌ မထားဘဲ ထိုသူအား “မကြောက်ကေ့။ ယုံကြည်ခြင်းသာ ဟိလော့” ဟု တရားဇရပ်မှူးအား မိန်းတော်မူ၏။ 37 ထို့နောက် ကိုယ်တော်သည် ပေတရ၊ ယာကုပ်နှင့် ယာကုပ်ညီ ယောဟန်ရီး မှတစ်ပါး မည်သူကိုမျှ မလိုက်စီဘဲ။ 38 ယာက္ကရု၏အိမ်သို့ကြွ၍ ရောက်လျှင် လူရှိသည် အုတ်အုတ်သဲသဲ ပြုနိုင်ကြသည်ကိုလည်းကောင်း၊ လွန်စွာ မြည်တမ်းငိုကြွေးနိုင်ကြသည်ကိုလည်းကောင်း မြင်တော်မူလျှင်၊ 39 ကိုယ်တော်သည် အိမ်ထဲသို့ ဝင်၍ “ဇာကြောင့် ဝိုင်းအုံ၍ ဝိနိဋ်ကြသနည်း။ ဤသူငယ်မသျှေ သီကျလားသည် မဟုတ် — အိပ်ပျော်နိုင်ခြင်းသာ ဖြစ်၏” ဟု မိန်းတော်မူ၏။ 40 ထိုအခါ လူရှိသည် ကိုယ်တော်ကို လှောင်ပြောင်ကြ၏။ ကိုယ်တော်သည် ထိုသူရှိကို အပြင်သို့ ထွက်ခိုင်းစီပြီးမှ သူငယ်မ၏ မိဘတို့နှင့် တပည့်တော်သုံးယောက်ကို ခေါ်၍ သူငယ်မသျှေဟိရာ အခန်းသို့ ဝင်တော်မူ၏။ 41 ကိုယ်တော်သည် သူငယ်မသျှေ၏ လက်ကိုဆုပ်ကိုင်ကာ “တလိသကုမိ” ဟု မိန်းတော်မူ၏။ အနက်ကား “မိန်းမငယ် ထလော၊ ငါ ဆို၏” ဟု ဆိုလိုသတည်း။ 42 ထိုသို့ မိန်းတော်မူပြီးနောက် သူငယ်မသျှေသည် ချက်ချင်းထ၍ လမ်းလျှောက်လေ၏။ ထိုသူငယ်မသျှေကား တစ်ဆယ့်နှစ်နှစ် သမီးအရွယ် ဖြစ်၏။ ထိုအခါ လူရှိသည် အလွန်အံ့သြကြ၏။ 43 ကိုယ်တော်ကလည်း ထိုအမှုအရာကို မည်သူကိုမျှ မပြောစီခြင်းငှာ ထိုသူရှိအား တင်းကြပ်စွာမိန်းတော်မူပြီးလျှင် “ဤသူငယ်မသျှေကို စားစာရာ တစ်စုံတစ်ခု ကျွေးလော့” ဟု မိန်းတော်မူ၏။

6 ယေသျှုသည် တပည့်တော်ရှိနှင့်အတူ ထိုအရပ်မှကြွ၍ မိမိနီသောမြို့သို့ ရောက်တော်မူ၏။ 2 ဥပုသ်နီ ရောက်သောအခါ ကိုယ်တော်သည် တရားဇရပ်၌ ဟောပြောသွန်သင်တော်မူ၏။ လူအပေါင်းရှိသည် ကိုယ်တော်၏ သွန်သင်တော်မူချက်ကို ကြားရလျှင် အံ့သြကြသည်ဖြစ်၍ “ဤသူကား ဤပညာကို ဇာကရသနည်း။ ဤသူရဟိသော ပညာကား ဇာမျိုး ပညာနည်း။ ဇာပိုင် ဤနီမိတ်လက္ခဏာတို့ကို ပြနိုင်သနည်း။ 3 ဤသူကား လက်သမား မဟုတ်လော။ ဗာရိ၏သား မဟုတ်လော။ ယာကုပ်၊ ယောသေ၊ ယုဒနှင့် သျှိုမှန်ရို့၏ အစ်ကို မဟုတ်လော။ သူ့နှမလည်း ဤအရပ်၌ နီသည် မဟုတ်လော” ဟု ပြောဆိုကြ၏။ သို့ ဖြစ်၍ သူရှိသည် ကိုယ်တော်ကို လက်မခံကြပေ။ 4 ယေသျှုကလည်း “ပရောဖက်မည်သည်ကား မိမိနီရင်းမြို့၊ ဆွီမျိုး၊ မိသားစုမှတစ်ပါး ဇာအရပ်မှာမဆို ဂုဏ်အသရေဟိ၏” ဟု မိန်းတော်မူ၏။

5 ကိုယ်တော်သည် ထိုမြို့တွင် ဖျားနာသူ တချို့ကိုသာ လက်တော်တင်၍ ကျန်းမာစီတော်မူသည် မှတစ်ပါး မည်သည့် နိမိတ်လက္ခဏာကိုမျှ ပြုတော်မမူ။ 6 ကိုယ်တော်သည် ထိုသူရိ၏ ယုံကြည်ခြင်းကင်းမဲ့သည်ကို အံ့သြတော်မူ၏။ ထို့နောက်၊ ယေသျှုသည် အနီးအနား၌ဟိသော ကျေးရွာများသို့ လား၍ ဟောပြောသွန်သင်တော်မူ၏။ 7 ကိုယ်တော်သည် တပည့်တော် တစ်ဆယ့်နှစ်ပါးရိုအား အထံတော်သို့ ခေါ်ပြီးလျှင် နှစ်ယောက်စီတွဲ၍ စီးခွက်ကာ သူရိုအား ဝိညာဉ်ဆိုးများကို နိုင်ရသောအခွင့်ကိုလည်း ပီးတော်မူ၏။ 8 ကိုယ်တော်က “သင်ရိုး၊ လမ်းခရီးအတွက် တောင်မွှေးအပ ဇာတစ်ခုကိုမျှ ယူမလားကေ — ရိက္ခာ၊ လွယ်အိတ်နှင့် သင်၏ခါး၌ ဖေသာဒ်ဂါးတို့ကို ကျိတ်ယူမလားကေ။ 9 ခြံနင်းကို စီးကြလော့။ အင်္ကျီအပိုလည်း မယူကေ။ 10 ဇာမြို့၌မဆို သင်ရိုးကိုလက်ခံသော အိမ်တွင် ယင်းအရပ်မှ မထွက်ခွာသည်ထိတိုင်အောင် တည်းခိုနိုင်ကြလော့။ 11 မြို့တစ်မြို့သို့ ဝင်သောအခါ ယင်းအရပ်မှ လူတို့က သင်ရိုးကို လက်မခံ၊ ဟောပြောသမျှကို နားမထောင်လျှင်၊ ယင်းနီရာက ထွက်လာကြလော့။ ယင်းသို့ ထွက်လာသောခါ သူရိုးတစ်ဖက်၌ သက်သိဖြစ်စီခြင်းငှာ သင်ရိုးဗိုလားက မြို့မှန်ကို ခါချပစ်ခလော့” ဟု မိန့်တော်မူ၏။ 12 တပည့်တော်ရို့သည် ထွက်လား၍ လူရိုအား၊ နောင်တနှင့်ဆိုင်သော သတင်းစကားကို ဟောပြောကြ၏။ 13 သူရို့သည် များစွာသောနတ်ဆိုးတို့ကို နှင်ထုတ်ပြီးလျှင်၊ ဖျားနာသောသူတို့ကို ဆီနှင့်လူး၍ ကျန်းမာစီကြ၏။ 14 ယေသျှု၏ သတင်းတော်သည် ကျော်ကြားလာသဖြင့် ဟေရုဒ်မင်းကြီး၏ နားတော်သို့ ရောက်လားလေ၏။ လူတချို့က “ဗတ္တိဇံဆရာယောဟန်သည် သီရာကန်နီ ပြန်ရှင်လာယာ။ ယင်းကြောင့် နိမိတ်လက္ခဏာများကို ပြနိုင်ခြင်းဖြစ်၏” ဟု ဆိုကြ၏။ 15 လူတချို့က “ထိုသူသည် ဇလိယဖြစ်၏” ဟု ဆိုကြ၏။ တချို့ကလည်း “အယင်က ပရောဖက်ကဲ့သို့ ပရောဖက် တစ်ပါးဖြစ်၏” ဟု ဆိုကြ၏။ 16 ထိုအကြောင်းအရာများကို ဟေရုဒ်မင်းကြီးကြားလျှင် “ဤသူကား၊ ငါ ဂေါင်းဖြတ်သတ်ခသော ယောဟန်သည် အခု အသက်ပြန်ရှင်လာယာ” ဟု ဆို၏။ 17 အထက်က ဟေရုဒ်မင်းသည် ညီဖြစ်သူ ဖိလိပ္ပ၏မယား၊ ဟေရောဒိကို သိမ်းယူသောအမှုနှင့် ပတ်သက်၍ ယောဟန်ကို ဖမ်းဆီးပြီးလျှင် ထောင်၌ ချုပ်ထားစီ၏။ 18 အကြောင်းမူကား ယောဟန်သည် ဟေရုဒ်အား “သင့်ညီ၏မယားကို မသိမ်းယူအပ်” ဟု အကြိမ်ကြိမ်ပြောသောကြောင့်ဖြစ်၏။ 19 ထို့ကြောင့် ဟေရောဒိသည် ယောဟန်ကို ရန်ငြိုးဖွဲ့၍ သတ်လိုသော်လည်း ဟေရုဒ်ကြောင့် အခွင့်မရနိုင်။ 20 အကြောင်းမူကား ယောဟန်သည် ကောင်းမြတ်ပြီး၊ သန့်ယှင်းသူဖြစ်ကြောင်းကို ဟေရုဒ် သိသဖြင့် ကြောက်၍ စောင့်ရှောက်လျက် ထား၏။ ယောဟန်၏ ဟောပြော သွန်သင်ချက်များကို ကြားနာရသောအခါ၌ စိတ်အနှောက်အယှက်ဖြစ်သော်လည်း ဝမ်းမြောက်စွာနှင့်ပင် ကြားနာလေ့ ဟိသောကြောင့်ဖြစ်၏။ 21 ထို့နောက် ဟေရုဒ်၏ မွီးနီပွဲ၌ ဟေရောဒိအတွက် အခါအခွင့် ရောက်လာ၏။ ဟေရုဒ်သည် မိမိ၏ မွီးနီပွဲ၌ ဂါလိလဲပြည်မှ ခေါင်းဆောင်ကြီးတို့၊ စစ်သူကြီးတို့၊ မူးမတ်တို့ကို ဖိတ်ကြား၍ ကျွေးမွေးတော်မူစဉ်၊ 22 ဟေရောဒိ၏ သမီး သည် ဝင်၍ ကပြဖျော်ဖြေသဖြင့် ဟေရုဒ်နှင့် ဧည့်သည်တော်အပေါင်းရို့၏ စိတ်ကို ရွှင်လန်းစီ၏။ ဟေရုဒ်မင်းက သူမအား “သင် ဇာကို လိုချင်သနည်း။ သင် နှစ်သက်သည်ကို တောင်းလော့၊ သင့်အား ငါ ပီးမည်။ 23 ငါ၏နိုင်ငံ တစ်ဝက်တိုင်အောင် သင် တောင်းသမျှကို ငါ ပီးမည်” ဟု ကျိန်ဆို၍ ပြောလေ၏။ 24 သူမသည် မင်းကြီးထံပါးမှ ထွက်၍ မိခင်အား “အကျွန်၊ ဇာကို တောင်းရပါမည်နည်း” ဟု မိန်း၏။ မိခင်က “ဗတ္တိဇံဆရာယောဟန်၏ ဦးဂေါင်းကိုသာ တောင်းလော့” ဟု ဆို၏။ 25 သူမသည် ချက်ချင်း မင်းကြီးထံပါးသို့ တဖန်ဝင်ပြီးလျှင် “ဗတ္တိဇံဆရာ ယောဟန်၏ ဦးဂေါင်းကို ဗျူထက်မှာ တင်ပြီးလျှင် အခု ပီးတော်မူပါ” ဟု လျှောက်၏။ 26 ထိုအခါ မင်းကြီးသည် လွန်စွာဝမ်းနည်းသော်လည်း အာဂန္တုရို့ အရှုံ၌ မိမိကျိန်ဆိုပီးခသော ကတိကို ထောက်၍ သူမ တောင်းလျှောက်သည်ကို မငြင်းပယ်လိုပေ။ 27 ထို့ကြောင့် ယောဟန်၏ ဦးဂေါင်းကို ယူလာစီခြင်းငှာ အစောင့်တစ်ယောက်အား ချက်ချင်း အမိန့်ပီးလေ၏။ ထိုသူသည် အကျဉ်းထောင်သို့ လား၍ ယောဟန်၏ ဦးဂေါင်းကို ဖြတ်ပြီးလျှင်၊ 28 ဗျူထံ ထည့်၍ ယူဆောင်လာကာ ထိုမိန်းမငယ်အား ပီးလေသော်၊ သူမသည် ယူ၍ မိခင်အား ပီးလေ၏။ 29 ယောဟန်၏ တပည့်ရို့သည် ထိုသတင်းတော်ကို ကြားသောအခါ လာ၍ ယောဟန်၏အလောင်းကို

သယ်ဆောင်လားပြီးလျှင် ဂူသွင်းသင်္ဂြိုဟ်ကြ၏။ 30 တမန်တော်ရှိသည် ယေသျှုထံတော်သို့ ပြန်လာပြီးလျှင်၊ မိမိရှိလုပ်ဆောင်သမျှသောအရာနှင့် သွန်သင်သမျှသောအရာများကို လျှောက်တင်ကြ၏။ 31 များစွာသောလူရှိသည် ဝင်ထွက်လားလာလျက် ဟိကြသည်ဖြစ်၍၊ ကိုယ်တော်နှင့် တပည့်တော်ရှိသည် အစားအစာ သုံးဆောင်ခြင်းငှာ အချိန်ပင် မရကြပေ။ ထို့ကြောင့် ကိုယ်တော်က “ငါ့ရှိ ဆိတ်ငြိမ်ရာ နီရာသို့ လားပြီးလျှင် တအောင့်ချေလောက် အနားယူကြကုန်အံ့” ဟု မိန့်တော်မူ၏။ 32 ထို့ကြောင့် ကိုယ်တော်နှင့်အတူ တပည့်တော်ရှိသည် လောင်းစီး၍ ဆိတ်ငြိမ်ရာ အရပ်သို့ လားကြ၏။ 33 ထိုသို့ ထွက်လားသည်ကို လူရှိသည်မြင်၍ ကိုယ်တော်ဖြစ်သည်ကို သိကြလျှင် အမြို့မြို့၊ အရွာရွာမှ လူအပေါင်းရှိသည် ကိုယ်တော်လားရာ အရပ်သို့ ကုန်းကြောင်းဖြင့် အယင် လားကြသည်ဖြစ်၍ ကိုယ်တော်နှင့်တပည့်တော်ရှိ မရောက်ခင် ရောက်နှင့်နိမ့်ကြ၏။ 34 ကိုယ်တော်သည် လောင်းမှ တက်လာတော်မူသောအခါ လူထုကြီးကို မြင်လျှင်၊ ထိုသူရှိသည် ထိန်းသူမဟိသော သိုးများကဲ့သို့ ဖြစ်သောကြောင့် သူရှိကို သနားတော်မူသဖြင့် များစွာသောတရားစကားကို ဟောပြောသွန်သင်တော်မူ၏။ 35 ယင်းနို့ နီဝင်စပြုသောအခါ တပည့်တော်ရှိသည် အထံတော်ပါးသို့ ချဉ်းကပ်ပြီးလျှင် “ဤအရပ်ကား၊ လူသူမဟိသော အရပ်ဖြစ်ပါ၏။ မိုးလည်း ချုပ်ယာ။ 36 ဤလူတို့ကို ပတ်ဝန်းကျင်ဟိ တောရွာများနှင့် ယာတောများသို့ စားစရာဝယ်စီခြင်းငှာ စီရွတ်တော်မူပါ” ဟု လျှောက်ထားကြ၏။ 37 ကိုယ်တော်က “သူရှိအား စားစရာတစ်စုံတစ်ခုကို သင်ရှိပီးကြလော့” ဟု မိန့်တော်မူ၏။ တပည့်တော်တို့က “အကျွန်ုပ်တို့သည် ဦးအံ၊ ိုးပြား ၂၀၀ ဖို့ အစားအစာဝယ်ပြီးလျှင် ဤသူရှိကို ကျွေးရမည်လော” ဟု လျှောက်ထားကြ၏။ 38 ကိုယ်တော်ကလည်း၊ “သင်ရှိ၌ မုန့်ဇာလောက်ဟိသည်ကို လား၍ကြည့်လော့” ဟု မိန့်တော်မူ၏။ တပည့်တော်ရှိသည် ရှာ၍တို့သောအခါ “မုန့်ငါးလုံးနှင့် ငါးနှစ်ကောင် ဟိပါ၏” ဟု လျှောက်ကြ၏။ 39 ထိုအခါကိုယ်တော်သည် လူအပေါင်းရှိကို စိမ်းလန်းသောမြက်ခင်းထက်၌ အုပ်စုလိုက်ထိုင်စီခြင်းငှာ တပည့်တော်ရှိအား စီခိုင်းတော်မူ၏။ 40 လူရှိသည် တစ်ရာစု၊ ငါးဆယ်စုဖြင့် စီတန်း၍ထိုင်ကြ၏။ 41 ထို့နောက် ကိုယ်တော်သည် မုန့်ငါးလုံးနှင့်ငါးနှစ်ကောင်ကို ယူ၍ ကောင်းကင်သို့ မျှော်ကြည့်လျက် ဘုရားသခင်၏ ကျေးဇူးတော်ကို ချီးမွမ်းပြီးမှ မုန့်ကို ဖွဲတော်မူပြီးလျှင် လူတို့ကို ဝီငှစီခြင်းငှာ တပည့်တော်ရှိအား ပီးတော်မူ၏။ ထိုနည်းတူ ငါးနှစ်ကောင်ကိုလည်း ခွဲဝီပီးတော်မူ၏။ 42 လူအပေါင်းရှိသည် ဝစွာစားကြပြီးမှ၊ 43 မုန့်နှင့်ငါး အကြွင်းအကျန်ကို ကောက်သိမ်းကြရာတွင် တစ်ဆယ့်နှစ်တောင်း အပြည့်ရကြ၏။ 44 မုန့်ကိုစားသော ယောက်ျားအရီအတွက်ကား လူ ၅,၀၀၀ မျှလောက် ဟိ၏။ 45 ထို့နောက် ကိုယ်တော်သည် လူအပေါင်းရှိကို ပြန်စီတော်မူစဉ်၊ တပည့်တော်ရှိအား လောင်းထက်သို့ ချက်ချင်း တက်စီပြီး အိုင်တစ်ဖက်ကမ်း၌ဟိသော ဗက်ဒဲရွာသို့ ဦးစွာ ကူးနှင့်စီတော်မူ၏။ 46 ကိုယ်တော်သည် လူအပေါင်းရှိကို နှုတ်ဆက်ပြီးမှ ဆုတောင်းပတ္တနာပြုခြင်းငှာ တောင်ထက်တစ်နီရာသို့ တက်ကြွတော်မူ၏။ 47 ညအချိန်ရောက်သောအခါ လောင်းသည် အိုင်အလယ်၌ ဟိနိန်၏။ ကိုယ်တော်မူကား ကုန်းထက်၌ တစ်ယောက်တည်းဟိနိန်တော်မူ၏။ 48 တပည့်တော်ရှိသည် လီမသင်သောကြောင့် တက်ဖြင့်လှော်ခတ်၍ ညောင်းရိကြသည်ကို ကိုယ်တော်သည်မြင်လျှင် ရီထက်မှ စက်တော်ဖြန်၍ တပည့်တော်ရှိပါးသို့ ကြွလာတော်မူ၏။ ထိုအချိန်ကား မိုးသောက်ယံဖြစ်၏။ ကိုယ်တော်သည် သူရှိအနားမှ ကျော်ဖြတ်ခြင်းငှာ ပြု၏။ 49 ထိုသို့ ရီထက်မှာ စက်တော်ဖြန်၍ ကြွတော်မူသည်ကို သူရှိသည် မြင်လျှင် “စန္ဒီ” ဟု ထင်မှတ်ပြီး အော်ကျွီးကြ၏။ 50 ထိုသူအပေါင်းရှိသည် ကိုယ်တော်ကို မြင်သောအခါ ထိတ်လန့်ကြောက်ရွံ့ကြ၏။ ကိုယ်တော်သည် ချက်ချင်းနှုတ်ဆက်၍ “မစိုးရိမ်ကတ်ကော့၊ မကြောက်ကတ်ကော့။ ငါ ရာဖြစ်၏” ဟု သူရှိအား မိန့်တော်မူ၏။ 51 ထို့နောက် ကိုယ်တော်သည် တပည့်တော်ရှိဟိရာ၊ လောင်းထက်သို့ တက်တော်မူလျှင် လီသည် ငြိမ်းလေ၏။ ထိုသူရှိလည်း လွန်စွာအံ့သြကြ၏။ 52 အကြောင်းမှာ သူရှိ၏စိတ်နှလုံးသည် မာကြောလျက် ဟိသောကြောင့် လူ ၅,၀၀၀ ကို ကျွေးမွေးခြင်းနှင့်ပတ်သက်၍ ပြသောတန်းခိုးတော်၏ အဓိပ္ပာယ်ကို နားမလည်ကြ။ 53 ကိုယ်တော်နှင့် တပည့်တော်ရှိသည် အိုင်တစ်ဖက်သို့ ကူးပြီး ဂနီသရက်မြို့သို့ ရောက်ကြလျှင် လောင်းကို ကပ်ကြ၏။ 54 လောင်းထက်မှ ဆင်းလျှင်ဆင်းချင်း လူရှိသည်

ယေသုကို မှတ်မိကြသည်ဖြစ်၍၊ 55 ကိုယ်တော်သည် မည်သည့်အရပ်၌ ဟိတော်မူကြောင်းကို ကြားကြသောအခါ ပတ်ဝန်းကျင်အရပ်ရပ်သို့ ငြီးငြိမ်းလျှင် လူနာတို့ကို သူရို၏ အိပ်ရာများဖြင့် ထမ်းလာကြ၏။ 56 ကိုယ်တော်ကြွတော်မူရာ မြို့၊ ရွာနှင့် ယာတောများမှ လူနာတို့ကို ဈေးများ၌ ချထားကြ၏။ ကိုယ်တော်၏ အဝတ်တော်ပန်းဖွားကိုမျှ လူနာရိုအား တို့၊ ထိခွင့် ရစီခြင်းငှာ တောင်းပန်ကြ၏။ ထိုသို့ တို့၊ ထိခွင့်ရသမျှသော လူရိုသည် ကျန်းမာလာကြ၏။

7 ထိုအခါ ယေရုဆလင်မြို့မှ လာသော ဖာရိယုတချို့နှင့် ကျမ်းတတ်ဆရာတချို့သည် ယေသုအပါး၌ လာရောက်စုဝေးကြ၏။ 2 ယေသု၏ တပည့်တော်တချို့သည် မစင်ကြယ်သော လက်တည်းဟူသော ရိမဆီးသောလက်ဖြင့် အစာစားကြသည်ကို တွေ့မြင်ကြ၏။ 3 ဖာရိယုရိုနှင့် ယုဒအမျိုးသားရှိသည် ရှီးလူကြီးရို၏ သွန်သင်ချက်နှင့်အညီ လက်မဆီးဘဲ အစာစားလေ့ မဟိကြ။ 4 ဈေးမှဝယ်လာသမျှ အရာအားလုံးကိုလည်း အယင် မဆီးကြောဘဲ မစားကြ။ အိုး၊ ခွက်၊ ကြီးဖလားနှင့် အိပ်ရာများကို ဆီးကြောလျှော်ဖွတ်ပြီးမှ အသုံးပြုကြ၏။ အခြားသော ဓလေ့အစဉ်အလာများကိုလည်း သူရိုသည် လိုက်နာကျင့်သုံးကြ၏။ 5 ထို့ကြောင့် ဖာရိယုနှင့် ကျမ်းတတ်ဆရာရိုက၊ “ကိုယ်တော်၏တပည့်ရှိသည် ရှီးလူကြီးရို၏ ထုံးတမ်းအစဉ်အလာကို ဇာကြောင့် လိုက်နာကျင့်သုံးခြင်းမဟိဘဲ၊ မစင်ကြယ်သောလက်ဖြင့် စားကြသနည်း” ဟု ကိုယ်တော်ကို မိန်းလျှောက်ကြ၏။ 6 ယေသုကလည်း “သင်ရိုအဖို့ ပရောဖက်ဟောသျှာယ ဟောပြောသည်ကား ကောင်းကောင်းမှန်၏။ သင်ရိုက သူတော်ကောင်း ယောင်ဆောင်သောသူတို့ဖြစ်၏။ ယင်းကြောင့် ဟောသျှာယက သင်ရိုကို ရည်မှတ်၍ ရှိထားသည်ကား၊ “ဤလူမျိုးသည် နှုတ်ခမ်းနှင့်သာ ငါ့ကို ရိုသ်ကြ၏။ စိတ်နှလုံးမူကား ငါနှင့်ဝီးကြ၏။ 7 လူပညတ်တို့ကို ငါ၏ ပညတ်တရားကဲ့သို့ သွန်သင်ကြပြီးလျှင်၊ ငါ့ကို အချည်နှိုး ကိုးကွယ်ကြ၏။” 8 “သင်ရိုသည် ဘုရားသခင်၏ ပညတ်ကို ပယ်၍ လူရို၏ဓလေ့ ထုံးတမ်းကိုသာ လိုက်နာကြ၏” ဟု မိန့်တော်မူ၏။ 9 တဖန် ကိုယ်တော်က၊ “သင်ရိုသည် မိမိရို၏ ထုံးတမ်းအစဉ်အလာတို့ကို ကျင့်သုံးနိုင်ဖို့အတွက် ဘုရားသခင်၏ပညတ်ကို လိမ္မာပါးနပ်စွာ ပယ်ကြ၏။ 10 သင်၏မိဘကို ရိုသ်စွာပြုလော့။ မိဘကို ကျိန်ဆဲသောသူသည် အသိသတ်ခြင်းကို ခံစီဟု မောသျှောက် ပညတ်ထားခ၏။ 11 သို့သော် သင်ရိုက အကြင်သူ၌ မိဘကိုကူညီခြင်းငှာ ပစ္စည်းတစ်စုံတစ်ခု ဟိလျက်နှင့် ယင်းပစ္စည်းကို ‘ကော်ဘန်’ ဟုခေါ်သော ဘုရားသခင်အဖို့ လှူထားပြီးသော ပစ္စည်းဖြစ်၏ဟု ဆို၏။ 12 ထိုသူသည် သားသမီးရို့ ပြုအပ်သောဝတ်ကို ပြုဖို့မလိုဟု သွန်သင်၏။ 13 ယင်းပိုင် သင်ရို လက်ဆင့်ကမ်းပီးသော ထုံးတမ်းစဉ်လာတို့နှင့် ဘုရားသခင်၏ နှုတ်ကပတ်တော်ကို ပယ်ကြ၏။ ထိုသို့ အခြားသော အကျင့်ဓလေ့များကိုလည်း သင်ရိုသည် ပြုကြ၏” ဟု မိန့်တော်မူ၏။ 14 ထို့နောက် ကိုယ်တော်သည် လူပရိသတ်ရိုအား တဖန်ခေါ်တော်မူပြီးလျှင်၊ “သင်ရိုအားလုံး ငါ့စကားကို နာယူ၍ နားလည်သိမှတ်ကြလော့။ 15 လူ၏ပြင်ပမှ ဝင်သောအရာ တစ်စုံတစ်ခုမျှ လူကို မညစ်ညမ်းစီနိုင်။ လူ၏အတွင်းမှ ထွက်သောအရာကသာ လူကို ညစ်ညမ်းစီနိုင်၏။” 17 ကိုယ်တော်သည် ပရိသတ်အစုအဝေးဟိရာမှ ထ၍ အိမ်ထဲသို့ ကြွတော်မူသောအခါ တပည့်တော်ရှိသည် ကိုယ်တော်မိန့်တော်မူသော ပုံဥပမာများ၏ အဓိပ္ပာယ်များကို မိန်းလျှောက်ကြ၏။ 18 ကိုယ်တော်က “သင်ရိုသည် ဤမျှပင် အသိဉာဏ် မဟိကြသလော။ အပြင်မှ လူ၏အတွင်းသို့ ဝင်သမျှသည် စိတ်နှလုံးထဲသို့မဝင်၊ အစာအိမ်ထဲသို့ ဝင်ပြီးလျှင် ရီအိမ်ထဲသို့ ဆင်းလားသောကြောင့် လူ၏ကိုယ် အတွင်းသို့ ဝင်သောအရာတို့ကား လူကို မညစ်ညမ်းစီနိုင်ကြောင်းကို နားမလည်ကြသလော” ဟု မိန့်တော်မူ၏။ (ဤသို့ မိန့်တော်မူခြင်းမှာ မသန့်ယုင်းသော အစားအစာ မဟိကြောင်းကို ဆိုလိုသတည်း။) 20 တဖန် ကိုယ်တော်က “လူအတွင်းမှ ထွက်လာသော အရာများသာ လူကို ညစ်ညမ်းစီသော အရာဖြစ်၏။ 21 လူ၏အတွင်း စိတ်နှလုံးထဲက ထွက်လာသော ညစ်ညမ်းသော အကြံအစည်၊ ကာမဂုဏ်လိုက်စားခြင်း၊ သူ့မယားကို ပြစ်မှားခြင်း၊ တရားမဲ့ပြုမှုခြင်း၊ 22 သူ့ဥစ္စာကို ခိုးခြင်း၊ လူ့အသက်ကို သတ်ခြင်း၊ လောဘလွန်ကျူးခြင်း၊ ဆိုးယုတ်မိုက်မဲခြင်း၊ လိမ်လည်ခြင်း၊ မနာလိုခြင်း၊ သူ့အသရေကို ဖျက်ခြင်း၊ မာနထောင်ခြင်း၊ လျှပ်ပေါ်ခြင်း — 23 စသော ဤအရာအားလုံးရှိသည် လူ၏ကိုယ်အတွင်းမှ ထွက်လာ၍

လူကို ညစ်ညမ်းစီသော အရာများဖြစ်ကြ၏” ဟု မိန့်တော်မူ၏။ 24 ထို့နောက် ယေသျှုသည် ထိုအရပ်မှထွက်၍ တရုမြို့နယ်သို့ ကြွတော်မူ၏။ ရောက်လျှင်၊ အိမ်တစ်အိမ်တွင် ဝင်၍ တည်းခိုတော်မူ၏။ မိမိရောက်ကြောင်းကို ဇာသုကူက မသိစိလိုသော်လည်း ပုန်းအောင်း၍ မနိန့်နိုင်ပေ။ 25 ဝိညာဉ်ဆိုးပျိုးသော မိန်းမသျှုတစ်ယောက်၏ အမိသည် ယေသျှု ရောက်သည်ကို ကြားလျှင် ချက်ချင်း ရောက်လာ၍ ခြံတော်ရင်း၌ ပျပ်ဝပ်ပြီးနိန့်၏။ 26 သူမသည် တစ်ပါးအမျိုး၊ ယှုရိပြည် ဖိနိတ်နယ်သူ ဖြစ်၏။ မိမိ၏သမီးပါးမှ နတ်ဆိုးကို နှင်ထုတ်ပီးတော်မူခြင်းငှာ ကိုယ်တော့်ကို တောင်းပန်၏။ 27 ကိုယ်တော်ကလည်း “သားသမီးတို့ကို ဦးစွာ ဝအောင်ကျွေးရ၏။ သားသမီးတို့အဖို့ ကောင်းသောအစကို ယူပြီးလျှင် ခွီးတိအား မကျွေးအပ်” ဟု သူမအား မိန့်တော်မူ၏။ 28 ထိုအမျိုးသမီးကလည်း “မှန်ပါ၏အသျှင်၊ ထိုသို့ဆိုသော်လည်း သားသမီးရုံ၏ စားကြွင်း၊ စားကျန်တို့ကို စားပွဲအောက်မှ ခွီးတိစားရကြပါ၏” ဟု ပြန်၍ လျှောက်လေ၏။ 29 ထိုအခါ ယေသျှုက “သင်သည် ဤသို့ လျှောက်ပတ်စွာ လျှောက်ထားသောကြောင့် အိမ်သို့ ပြန်လားလော့၊ နတ်ဆိုးသည် သင်၏သမီး အထဲက ထွက်လားယာ” ဟု မိန့်တော်မူ၏။ 30 ထိုအမျိုးသမီးသည် မိမိအိမ်သို့ ပြန်၍ အိပ်ရာထဲ၌ လဲနိန့်သော သူမ၏သမီးပါးမှ နတ်ဆိုးထွက်လားကြောင်းကို တွိရလေ၏။ 31 တရုဒေသမှ အပြန်တွင် ယေသျှုသည် ဇိဒုန်မြို့ကိုလည်းကောင်း၊ ဒေကာပေါလိပြည် အလယ်ပိုင်းကိုလည်းကောင်း ဖြတ်၍ ဂါလိလဲအိုင်သို့ ကြွတော်မူ၏။ 32 ထိုအခါ လူတချို့သည် ဆွံ့အ၍၊ နားပင်းနိန့်သော လူတစ်ယောက်ကို အထံတော်သို့ ခေါ်ဆောင်ခဲ့ပြီး၊ ထိုသူ၏အထက်တွင် လက်တော်ကို တင်ပါမည့်အကြောင်း၊ ကိုယ်တော့်ကို တောင်းပန်ကြ၏။ 33 ယေသျှုသည် ထိုသူအား လူပရိသတ်အထဲမှ ခေါ်ထုတ်ပြီးလျှင် ထိုသူ၏ နားနှစ်ဖက်လုံးကို လက်ညှိုးတော်ဖြင့် တို့တော်မူ၏။ တန်းတိုးထိုး၍ ထိုသူ၏လျှာကိုလည်း တို့တော်မူ၏။ 34 ထို့နောက် ကောင်းကင်သို့ မျှော်ကြည့်ပြီး သက်ပြင်းချကာ၊ “ဧဖသ” ဟု မိန့်တော်မူ၏။ အဓိပ္ပာယ်ကား “ပွင့်စီ” ဟူ၍ ဖြစ်၏။ 35 ချက်ချင်းပင် ထိုသူ၏နားသည် ပွင့်၍၊ လျှာသည်လည်း သွက်လက်လာသဖြင့် ထိုသူသည် စကားပီသစွာ ပြောလေ၏။ 36 ကိုယ်တော်သည် လူတိအား ဤအဖြစ်အပျက်ကို မည်သူ့ကိုမျှ မပြောကြားစီခြင်းငှာ တားမြစ်တော်မူ၏။ ထိုသို့ တားမြစ်သော်လည်း လူရို့သည် ထိုသတင်းတော်ကို သာ၍ ကြားပြောလေ၏။ 37 ထိုအဖြစ်အပျက်၊ အကြောင်းအရာများကို ကြားရသောသူရို့သည် လွန်စွာအံ့သြကြလျက် “ကိုယ်တော်သည် ခပ်သိမ်းသော အမှုအရာများကို လျှောက်ပတ်စွာ ပြုတော်မူယာ။ နားမကြားသော သူတို့ကို ကြားစီတော်မူပြီး၊ စကားအသော သူတို့ကိုလည်း စကားပြောနိုင်စီ၏” ဟု ပြောဆိုကြ၏။

8 ထိုအခါ အခြားသောလူရို့လည်း လာရောက်စုရုံးကြ၏။ သူရို့၌ စားစရာတစ်ခုမျှ မဟိသဖြင့်၊ ယေသျှုသည် တပည့်တော်ရို့ကို ခေါ်၍၊ 2 “ဤသူရို့ကို ငါသည် သနား၏။ အကြောင်းမူကား သူရို့သည် သုံးရက်ပတ်လုံး ငါနှင့်အတူ ဟိနိန့်ကြ၏။ အခု သူရို့၌ စားစရာတစ်ခုလေ မဟိ။ 3 တချို့က ခရီးဝေးကန်နိ လာကြသည်ဖြစ်၍ သူရို့ကို မကျွေးမမွီးဘဲနှင့် အိမ်သို့ ပြန်၍လိုက်လျှင်၊ ဝမ်းဆာသောကြောင့် လမ်း၌ မူးလဲကျလားလိမ့်မည်” ဟု မိန့်တော်မူ၏။ 4 တပည့်တော်ရို့ကလည်း ကိုယ်တော့်ကို “ဤတောကန္တာရတွင် ဤလူတို့ကို ဇာပိုင် ဝအောင်ကျွေးနိုင်မည်နည်း” ဟု မိန်းလျှောက်ကြ၏။ 5 ယေသျှုက “သင်ရို့၌ မုန့်ဇာလောက် ဟိသနည်း” ဟု မိန်းတော်မူလျှင်၊ တပည့်တော်ရို့က “မုန့်၊ ခုနစ်လုံး ဟိပါ၏” ဟု လျှောက်ထားလေ၏။ 6 ကိုယ်တော်သည် လူရို့ကို မြီထက်၌ ထိုင်စီခြင်းငှာ မိန့်တော်မူ၏။ ထို့နောက် ကိုယ်တော်သည် မုန့်ခုနစ်လုံးကို ယူပြီးလျှင် ဘုရားသခင်၏ ကျေးဇူးတော်ကို ချီးမွမ်းပြီးမှ မုန့်ကိုဖဲ့၍ လူအပေါင်းရို့အား ဝီပီးစီခြင်းငှာ တပည့်တော်ရို့ကို စီခိုင်းတော်မူသဖြင့် တပည့်တော်ရို့လည်း မိန့်တော်မူသည့်အတိုင်း ပြုတော်မူ၏။ 7 သူရို့၌ ငါးသျှေ အနည်းချေ ဟိကြသည်ဖြစ်၍ ကျေးဇူးတော်ကို ချီးမွမ်းပြီးမှ လူအပေါင်းရို့အား ဝီပီးစီခြင်းငှာ တပည့်တော်ရို့အား စီခိုင်းတော်မူ၏။ 8 လူအပေါင်းရို့သည်လည်း ဝစွာစားကြပြီးမှ — စားကြွင်းစားကျန်များပင်လျှင် တောင်းဖြင့် ခုနစ်တောင်းအပြည့် ကောက်သိမ်းရကြ၏။ 9 မုန့်စားသောသူ အရီအတွက်ကား ၄,၀၀၀ မျှ ဟိသတည်း။ ယေသျှုသည် လူအပေါင်းရို့ကို ထိုအရပ်မှ ပြန်၍တော်မူပြီးမှ၊ 10 တပည့်တော်ရို့နှင့်အတူ

လောင်းထက်သို့ တက်၍ ဒါလမနုသဒေသသို့ ကြွတော်မူ၏။ 11 ထိုအခါ ဖာရိယုတချို့သည် ယေသျှုထံသို့ လာ၍ ဆွေးနွေးငြင်းခုံကြ၏။ သူရိသည် အပြစ်ရှာလိုသောစိတ်ဖြင့် ကိုယ်တော်ကို ဘုရားသခင်သည် နှစ်သက်တော်မူကြောင်းကို သက်သိဖြစ်စီခြင်းငှာ ကောင်းကင်မှဖြစ်သော နိမိတ်လက္ခဏာ တစ်ပါးပါးကို ပြတော်မူရန် တောင်းဆိုကြ၏။ 12 သို့ရာတွင် ယေသျှုသည် သက်ပြင်းချတော်မူပြီး “အဂုဓေတ်လူရို့သည် ဇာကြောင့် နိမိတ်လက္ခဏာကို တောင်းဆိုကြသနည်း။ ငါ အမှန်အကန်ဆိုသည်ကား ဤသူရို့ကို ဇာနိမိတ်လက္ခဏာကိုမျှ ငါ မပြ” ဟု မိန်းတော်မူပြီးလျှင်၊ 13 ထိုသူရို့ပါးမှ ထွက်ကြွတော်မူ၍ လောင်းထက်သို့ တဖန်တက်ကာ အိုင်တစ်ဖက်သို့ ကူးတော်မူ၏။ 14 တပည့်တော်ရို့သည် အစားအစာ လုံလောက်စွာ ယူလာခြင်းငှာ မိကျန်ကြသည်ဖြစ်၍ လောင်းထက်တွင် သူရို့၌ မုန့်တစ်လုံးသာ ဟိ၏။ 15 ယေသျှုက “သင်ရို့သည် ဖာရိယုရို့၏ တဆီးနှင့် ဟေရုဒ်၏တဆီးကို သတိဖြင့် ယှောင်ကြလော့” ဟု တပည့်တော်ရို့အား မိန်းတော်မူ၏။ 16 တပည့်တော်ရို့ကလည်း “ငါရို့၌ မုန့် တစ်ခုမျှ မဟိသောကြောင့် ကိုယ်တော်သည် ဤသို့ ပြောခြင်းဖြစ်၏” ဟု ပြောဆိုနိုင်ကြ၏။ 17 ထိုသို့ ပြောဆိုနိုင်ကြသည်ကို ယေသျှုသည် သိတော်မူလျှင် “သင်ရို့၌ မုန့်တစ်ခုမျှ မဟိသည်ကို ဇာကြောင့် ပြောနိုင်ကြသနည်း။ အဂုထိတောင် မသိ၊ နားမလည်ကြသိမ့်သလော။ သင်ရို့သည် ဇာကြောင့် အသိဉာဏ်နည်းကြသနည်း။ 18 သင်ရို့တွင် မျက်စိဟိယဉ်နှင့်ပင် — မမြင်၊ နားဟိယဉ်နှင့်ပင် — မကြားကြသလော။ 19 ငါသည် မုန့်ငါးလုံးကို ဖဲ့၍ လူ ၅,၀၀၀ ကို စွစာကျွေးပြီးမှ အကြွင်းအကျန်ကို ကောက်သိမ်းရာတွင် တောင်းအပြည့် ဇာနှစ်တောင်း ရသည်ကို သင်ရို့ မမှတ်မိကြသလော” ဟု မိန်းတော်မူလျှင်၊ တပည့်တော်ရို့က “တစ်ဆယ့်နှစ်တောင်းအပြည့် ကောက်သိမ်းရပါ၏” ဟု ပြန်လျှောက်ကြ၏။ 20 တဖန် ယေသျှုကလည်း “ငါသည် မုန့်ခုနစ်လုံးကို ဖဲ့ပြီးလျှင် လူပေါင်း ၄,၀၀၀ ကို စွစာကျွေးပြီးမှ အကြွင်းအကျန်ကို ကောက်သိမ်းရာတွင် အပိုတောင်းအပြည့် ဇာနှစ်တောင်း ရသနည်း” ဟု မိန်းတော်မူလျှင်၊ “ခုနစ်တောင်းအပြည့် ကောက်သိမ်းရပါ၏” ဟု တပည့်တော်ရို့က ပြန်၍ လျှောက်လေ၏။ 21 ကိုယ်တော်ကလည်း “သို့ပင်သျှောင် သင်ရို့က နားမလည်ကြသိမ့်သလော” ဟု တပည့်တော်ရို့အား မိန်းတော်မူ၏။ 22 သူရို့သည် ဗက်ဇဒိဗ္ဗိသို့ ရောက်လာကြသည်ဟိသော် လူတချို့သည် မျက်မမြင်တစ်ဦးကို ယေသျှုထံသို့ ခေါ်ဆောင်လာပြီးလျှင် ထိုသူအား တို့ထိခြင်းကို ပြတော်မူစီမည့်အကြောင်း တောင်းပန်ကြ၏။ 23 ယေသျှုသည် မျက်စိမမြင်သောသူ၏ လက်ကိုဆွဲ၍ ရွာပြင်သို့ ခေါ်လာတော်မူပြီးလျှင် ထိုသူ၏မျက်စိကို တန်းထိုးဖြင့်ထိုးကာ ထိုသူအထက်မှာ လက်တော်ကို တင်လျက် “သင် တစ်ခုခုကို မြင်ရသလော” ဟု မိန်းတော်မူ၏။ 24 ထိုသူသည် အထက်သို့ မောကြည့်၍ “လူတို့ကို မြင်ရပါ၏။ သို့ပင်သျှောင်လည်း ထိုသူရို့သည် သစ်ပင်ပိုင် ဖြစ်ပြီးလျှင် လမ်းလျှောက်နိုင်ကြပါ၏” ဟု လျှောက်လေ၏။ 25 ထိုအခါ၊ ယေသျှုသည် ထိုသူ၏မျက်စိ၌ လက်တော်ကို တဖန် တင်တော်မူ၍ ကြည့်စိတော်မူပြန်၏။ ထိုသူသည်လည်း အားစိုက်၍ကြည့်ရာ မျက်စိအလင်းကိုရ၍ အရာခပ်သိမ်းကို ယင်းလင်းစွာမြင်လေ၏။ 26 ယေသျှုကလည်း “ရွာထဲသို့ ပြန်မဝင်ကေ့” ဟု ပညတ်တော်မူ၍ သူ၏အိမ်သို့ ရွတ်လိုက်လေ၏။ 27 ထို့နောက် ယေသျှုနှင့် တပည့်တော်ရို့သည် ဖိလိပ္ပကဲသရိဗ္ဗိ အနီးအနား၌ဟိသော ကျေးရွာများသို့ ကြွတော်မူစဉ် လမ်းခရီး၌ “ငါ့ကို ဇာသူဖြစ်သည်ဟူ၍ လူတို့က ပြောနိုင်ကြသနည်း” ဟု တပည့်တော်တို့အား မိန်းတော်မူ၏။ 28 တပည့်တော်ရို့ကလည်း “တချို့က ကိုယ်တော်ကို ဗတ္တိဇံဆရာယောဟန် ဖြစ်ကြောင်းကို ပြောကြ၏။ တချို့က ဇလိယဖြစ်သည်ဟု ပြောနိုင်ကြ၏။ တချို့က အသျှင်ကို ပရောဖက် တစ်ပါးဖြစ်သည်ဟု ဆို၏” ဟု လျှောက်ထားကြ၏။ 29 ထိုအခါ ကိုယ်တော်က “သင်ရို့က ငါ့ကို ဇာသူဖြစ်သည်ဟု ပြောမည်နည်း” ဟု မိန်းတော်မူလျှင်၊ ပေတရုက “ကိုယ်တော်သည် မေသျှိယဖြစ်၏” ဟု လျှောက်တင်လေ၏။ 30 ထိုအခါ ယေသျှုက “ငါသည် ဇာသူဖြစ်ကြောင်းကို တစ်ယောက်ကိုမျှ မပြောကတိကေ့” ဟု တပည့်တော်ရို့အား ပညတ်တော်မူ၏။ 31 ထို့နောက် ယေသျှုသည် တပည့်တော်ရို့အား “လူသားသည် ဒုက္ခကြီးစွာ ခံရလိမ့်မည်။ ဘာသာရေးခေါင်းဆောင်တို့၊ ယဇ်ပုရောဟိတ်အကြီးအကဲတို့နှင့် ကျမ်းတတ်ဆရာတို့က လူသားကို ငြင်းပယ်ကြလိမ့်မည်။ ထိုသူသည် အသိသတ်ခြင်းကို ခံရမည်။ သုံးရက်မြောက်သောနိဗ္ဗိ ရှင်ပြန်ထမြောက်လိမ့်မည်”

ဟု မိန့်တော်မူ၏။ 32 ကိုယ်တော်သည် ဤသွန်သင်ချက်အား လျှို့ဝှက်ခြင်း အလျှင်းမဟိဘဲ မိန့်ကြားတော်မူသဖြင့် ပေတရုသည် ကိုယ်တော်ကို မိမိနှင့်အတူ ဘေးနားသို့ ပင့်ခေါ်၍ အပြစ်တင်သောစကားကို လျှောက်လေ၏။ 33 ယေသျှုသည် မျက်နှာတော်ကိုလှည့်၍ တပည့်တော်ရှိကို ကြည့်တော်မူလျက် ပေတရုအား “အချင်း မာရ်နတ်၊ ငါ့ထံပါးက ထွက်လားလော့။ သင်၏အတွေးကား ဘုရားသခင်ထံပါးက လာခြင်း မဟုတ်၊ လူ၏အတွေးသာ ဖြစ်၏” ဟု ဆုံးမတော်မူ၏။ 34 ယေသျှုသည် တပည့်တော်ရှိနှင့် လူပရိသတ်ရှိကို မိမိထံပါးသို့ ခေါ်တော်မူပြီးလျှင် “ငါ့တပည့် ဖြစ်လိုသောသူသည် ကိုယ့်ကိုယ်ကို ငြင်းပယ်ရမည်။ ကိုယ့်လက်ဝါးကပ်တိုင်ကို ထမ်း၍ ငါ့နောက်သို့ လိုက်ရမည်။ 35 မိမိအသက်ကို ကယ်လိုသောသူကား အသက်ဆုံးယှုံးလိမ့်မည်။ ငါ့ကြောင့် သော်လည်းကောင်း၊ ဧဝံဂေလိတရားကြောင့် သော်လည်းကောင်း မိမိ၏အသက်ကို ဆုံးယှုံးသောသူကား အသက်ကိုရလိမ့်မည်။ 36 လူသည် ဤလောကတစ်ခုလုံးကို အုပ်စိုးရသော်လည်း မိမိ၏အသက်ကို ဆုံးယှုံးလျှင် ဇာချင့် အကျိုးဟိမည်နည်း။ 37 မိမိအသက်ကို ဆုံးယှုံးလျှင် ဇာနှင့်မျှ မရွီးယူနိုင်။ 38 ဖောက်ပြန်၍၊ ဒုစရိုက်တိနှင့် ပြည့်နိုင်သော ဤလောက၌ အကြင်သူသည် ငါနှင့် ငါ၏ဩဝါဒကို ရှက်လျှင်၊ လူသားသည်လည်း အဖေမည်းတော်၏ ဘုန်းတန်ခိုးတော်ကို ဆောင်၍ သန့်ယှင်းသော ကောင်းကင်တမန်ရှိနှင့် ကြွလာသောအခါ ထိုသူကို ရှက်လိမ့်မည်” ဟု မိန့်တော်မူ၏။

9 ထို့နောက် ကိုယ်တော်က “သင်ရှိကို ငါ အမှန်ဆိုသည်ကား ဘုရားသခင်၏ နိုင်ငံတော်သည် တန်ခိုးအာဏာနှင့်တကွ တည်သည်ကို ဤအရပ်၌ဟိသော လူတချို့သည် မမြင်ရဘဲ၊ မသိဆုံးရကြ” ဟု မိန့်တော်မူ၏။ 2 ခြောက်ရက်လွန်သောအခါ ယေသျှုသည် ပေတရု၊ ယာကုပ်နှင့် ယောဟန်ရိုမ္မတစ်ပါး အခြားတစ်ယောက်မှ မပါဘဲ မြင့်သောတောင်တစ်ခုထက်သို့ ခေါ်ဆောင်လားတော်မူ၏။ ထိုအခါ ယေသျှုသည် သူရို၏ရှိ၌ အဆင်းသဏ္ဌာန်တော် ပြောင်းလဲ၍၊ 3 အဝတ်တော်လည်း တောက်ပြောင်လျက် — ဤလောက၌ မည်သည့်ခဝါသည်မှ မတတ်နိုင်အောင် ဖြူဖွီးလျက်ဟိ၏။ 4 တပည့်တော် သုံးပါးရှိရှိတွင် ဧလိယနှင့် မောသျှေရိုသည် ပေါ်လာ၍ ယေသျှုနှင့် စကားပြောနိုင်ကြသည်ကို မြင်လေ၏။ 5 ထိုအခါ ပေတရုက ယေသျှုအား “ဆရာ၊ ဤအရပ်၌ နိဗ္ဗိကောင်းပါ၏။ ယင်းကြောင့် အသျှင်ဖို့ တဲတစ်ဆောင်၊ မောသျှေအဖို့ တဲတစ်ဆောင်နှင့် ဧလိယအဖို့ တဲတစ်ဆောင်၊ တဲသုံးဆောင်ကို အကျွန်ုပ်တို့ဆောက်ပါရစို့” ဟု လျှောက်လေ၏။ 6 အကြောင်းမူကား တပည့်တော်ရှိသည် အလွန်ကြောက်ရွံ့သောကြောင့် ပေတရုသည် ထိုသို့ ယောင်းယမ်း၍ လျှောက်ထားခြင်းပင် ဖြစ်၏။ 7 ထိုအခါ မိုးတိမ်တိုက်သည် ပေါ်လာပြီး သူရိုအား အုပ်စိုး၍ “ဤသူကား ငါ နှစ်သက်မြတ်နိုးရာ ငါ၏ချစ်သားဖြစ်ပေ၏ — သူ၏စကားကို နားထောင်ကြလော့” ဟု မိုးတိမ်တိုက်မှ အသံတော် ထွက်ပေါ်လာ၏။ 8 ထိုအခါ တပည့်တော်ရှိသည် ချက်ချင်း မိမိရုပ်တံလည်သို့ လှည့်ပတ်ကြည့်ရှုလျှင် ယေသျှုမှတစ်ပါး အခြားမည်သူ့ကိုမျှ မတွေ့ကြပေ။ 9 ထို့နောက် ကိုယ်တော်နှင့် တပည့်တော်ရှိသည် တောင်ထက်မှ ဆင်းလာစဉ် ကိုယ်တော်က “သင်ရို့ တို့မြင်ခသော အမှုအရာများကို လူသားသည် သိခြင်းမှ မထမြောက်မီတိုင်အောင် ဇာသူ့ကိုမျှ မပြောကတ်ကေ့” ဟု တပည့်တော်ရှိအား ပညတ်တော်မူ၏။ 10 တပည့်တော် တစ်ဆယ့်နှစ်ပါးရှိသည် ထိုပညတ်ချက်ကို လိုက်နာကြသော်လည်း “သိခြင်းမှ ထမြောက်သည်ဟု ဆိုသည်ကား မည်သို့နည်း” ဟု အချင်းချင်း ဆွေးနွေးမိန်းမြန်းကြ၏။ 11 ထို့နောက် သူရိုသည် ယေသျှုအား “ကျမ်းတတ်ဆရာရိုက ဧလိယသည် အယင်ကြွလာလိမ့်မည်ဟု ဇာတွက် ပြောဆိုကြသနည်း” ဟု မိန်းလျှောက်ကြ၏။ 12 ကိုယ်တော်ကလည်း “အမှုအရာ အားလုံးကို အသင့်ပျင်ဆင်ဖို့ ဧလိယသည် အယင်ကြွလာရသည်ကား မှန်ပေ၏။ သို့ရာတွင် ကျမ်းစာတော်မြတ်၌ ‘လူသားသည် များစွာသော ဒုက္ခဆင်းရဲခြင်းကိုလည်းကောင်း၊ ငြင်းပယ်ခြင်းကိုလည်းကောင်း ခံရမည်’ ဟု ရီးထားသည်ကား ဇာပိုင်နည်း။ 13 သို့သော် သင်ရို့အား ငါ အမှန်ဆိုသည်ကား ဧလိယသည် ကြွလာမပြီးယာ။ သူ၏အကြောင်းကို ကျမ်းစာ၌ ရီးထားသည်ကား ‘လူရိုသည် သူ့အား ပြုချင်သမျှကို ပြုခယာ’” ဟု မိန့်တော်မူ၏။ 14 သူရိုသည် အခြားသောတပည့်တော်များ ဟိရာသို့ ရောက်လာကြသောအခါ လူပရိသတ်ရှိသည်

သူရိပ်တလည်၌လည်းကောင်း၊ ကျမ်းပြုဆရာရှိသည်လည်း သူရိပ်နှင့် အငြင်းအခုံ ပြောဆိုနိုင်ကြသည်ကိုလည်းကောင်း မြင်တော်မူ၏။ 15 စုဝေးလျက်ဟိကြသော လူရှိသည် ယေသျှုကိုမြင်လျှင် အံ့သြခြင်းဟိလျက် အထံတော်သို့ ငြိမ်း၍ နှုတ်ဆက်ကြ၏။ 16 ယေသျှုသည် တပည့်တော်ရှိအား “သင်ရှိသည် ဤသူရိပ်နှင့် ဇာအကြောင်းကို ငြင်းခုံ ပြောဆိုနိုင်ကြသနည်း” ဟု မိန်းတော်မူ၏။ 17 လူစုလူဝေးထဲမှ လူတစ်ယောက်က “ဆရာ၊ ဝိညာဉ်ဆိုးဝင်ပူးပြီး စကားအနိန်သော အကျွန်၏သားသျှုကို ကိုယ်တော်ထံသို့ ခေါ်လာပါ၏။ 18 ဝိညာဉ်ဝင်ပူးသည့်အခါတိုင်း သားသျှုသည် မြီကြီးထက်မှာ လဲကျတတ်ပါ၏။ ပါးစပ်မှလည်း အမြှုပ်ထွက်၍ အံ့သွားကြိတ်ကာ ခန္ဓာကိုယ်ကိုလည်း မာတောင့်စီပါ၏။ ဆရာတပည့်တို့ကို ယင်းဝိညာဉ်အား နှင်ထုတ်ပီးစီခြင်းငှာ တောင်းပန်သော်လည်း သူရှိသည် မတတ်နိုင်ကြပါ” ဟု ကိုယ်တော်ကို လျှောက်ထား၏။ 19 ကိုယ်တော်က “အို၊ ယုံကြည်ခြင်း မဟိသောအမျိုး၊ ငါသည် သင်ရိပ်နှင့် ဇာလောက်ကြာကြာရှိမည်နည်း။ ဇာလောက်ကြာကြာ သင်ရိပ်ကို သည်းခံရမည်နည်း။ ယင်းသူငယ်ကို ငါ့ပါးသို့ ယူလာကြလော့” ဟု မိန့်တော်မူသည်အတိုင်း၊ 20 သူရှိသည် သူငယ်အား ယေသျှုထံသို့ ယူလာကြ၏။ ထိုဝိညာဉ်သည် ယေသျှုကို မြင်လျှင်မြင်ချင်း သူငယ်အား ပြင်းစွာတုန်တတ်စီပြီး မြီထက်သို့ လဲကျကာ လူးလိမ့်လျက် သူငယ်၏ပါးစပ်မှ အမြှုပ်ထွက်လျက် နိန်၏။ 21 ယေသျှုကလည်း “ဤပိုင် ဖြစ်နိုင်သည်ကား ကြာယာလော့” ဟု သူငယ်၏ဖခင်အား မိန်းတော်မူလျှင်၊ ဖခင်က “အသျှုကတည်းမှစ၍ ဖြစ်နိုင်ပါ၏။ 22 ယင်းဝိညာဉ်ဆိုးသည် သားသျှုကို သီစီခြင်းငှာ မီးထဲ၌ လည်းကောင်း၊ ရီထဲ၌ လည်းကောင်း အလီလီ လဲစီတတ်ပါ၏။ ကိုယ်တော် တတ်နိုင်သည်ဆိုလျှင် အကျွန်ရိက် သနား၍ ကယ်မတော်မူပါ” ဟု ပြန်၍ လျှောက်ထား၏။ 23 ယေသျှုက “ဇာကြောင့် ‘တတ်နိုင်တော်မူလျှင်’ ဟူ၍ ပြောသနည်း။ ယုံကြည်ခြင်းဟိသောသူအဖို့ ခပ်သိမ်းသော အမှုအရာကို တတ်စွမ်းနိုင်သည်” ဟု ထိုသူအား မိန့်တော်မူ၏။ 24 ထိုအခါ သူငယ်၏ဖခင်က “အကျွန် ယုံကြည်ပါ၏။ သို့သော် အကျွန်၌ဟိသော ယုံကြည်ခြင်းကို ပိုပြီးဟိဖို့ မစတော်မူပါ” ဟု အသံကျယ်စွာ အော်ဟစ်၍ လျှောက်ထားလေ၏။ 25 လူစုလူဝေးရှိသည် စုရုံး၍ မြီးလာကြသည်ကို ယေသျှုသည် မြင်တော်မူလျှင် “ဆွဲအ၍ နားပင်းစီသော နတ်၊ ယင်းအသျှုပါးက ထွက်လော့။ ဇာခါမျှ ပြန်ဝင်မပူးကော့၊ ငါ အမိန့်ပီး၏” ဟု ဝိညာဉ်ဆိုးအား မိန့်တော်မူ၏။ 26 ထိုဝိညာဉ်သည် အော်ဟစ်ပြီးလျှင် သူငယ်အား ပြင်းစွာတက်စီပြီးမှ ထွက်လားလေ၏။ သူငယ်သည်လည်း လူသီကဲ့သို့ ဖြစ်နိုင်သဖြင့် လူအပေါင်းရိုက်က “အသျှု သီယာ” ဟု ပြောကြ၏။ 27 သို့ရာတွင် ယေသျှုသည် သူငယ်၏လက်ကို ကိုင်၍ ထူမတော်မူလျှင် သူငယ်သည် ထလာ၏။ 28 ကိုယ်တော်သည် အိမ်ထဲသို့ ဝင်တော်မူပြီးမှ တပည့်တော်ရိုက်က “အကျွန်ရှိသည် ယင်းနတ်ကို မောင်းထုတ်၍ ဇာအတွက် မရနိုင်ပါသနည်း” ဟု မိန်းလျှောက်ကြ၏။ 29 ကိုယ်တော်က “ဆုတောင်းခြင်းမှတစ်ပါး အခြားဇာနည်းနှင့်မျှ ထိုနတ်မျိုးကို နှင်ထုတ်လို့မရနိုင်” ဟု မိန့်တော်မူ၏။ 30 ယေသျှုနှင့် တပည့်တော်ရှိသည် ထိုအရပ်မှထွက်၍ ဂါလိလဲပြည်ကို ဖြတ်လားကြ၏။ ထိုသို့ ဖြတ်လားကြောင်းကို ကိုယ်တော်သည် မည်သူ့ကိုမျှ မသိစိလို။ 31 အကြောင်းမူကား ကိုယ်တော်သည် တပည့်တော်ရှိအား “လူသားကို လူတိလက်သို့ အပ်နှံကြပြီးလျှင်၊ အသီသတ်ကြလိမ့်မည်။ သို့ရာတွင် သုံးရက်ကြာသောအခါ လူသားသည် ရှင်ပြန်ထမြောက်လိမ့်မည်” ဟူ၍ သွန်သင်နိုင်သောကြောင့် ဖြစ်၏။ 32 တပည့်တော်ရှိသည် ကိုယ်တော်၏ သွန်သင်ခြင်းကို နားမလည်ကြသော်လည်း ကိုယ်တော်ကို ကြောက်ရွံ့၍ မမိန်းလျှောက်ဝံ့ကြ။ 33 ကိုယ်တော်နှင့် တပည့်တော်ရှိသည် ကပရေနောင့်မြို့သို့ ရောက်ကြ၏။ အိမ်ထဲသို့ ဝင်ပြီးနောက် ကိုယ်တော်က “သင်ရှိသည် လမ်း၌ ဇာအကြောင်းကို ငြင်းခုံနိုင်ကြသနည်း” ဟု တပည့်တော်ရှိအား မိန်းတော်မူ၏။ 34 သို့သော် တပည့်တော်ရှိသည် နှုတ်ဆိတ်နိုင်ကြ၏။ အကြောင်းမူကား မိမိရိုအထဲ၌ ဇာသူသည် အကြီးမြတ်ဆုံးဖြစ်သည်ကို လမ်းတွင် ဆွေးနွေးငြင်းခုံကြသောကြောင့် ဖြစ်၏။ 35 ထိုအခါ ယေသျှုသည် ထိုင်လျက် တစ်ဆယ့်နှစ်ပါးသော တပည့်တော်ရှိအား ခေါ်၍ “အမြင့်ဆုံး ဖြစ်လိုသောသူသည် အားလုံး၏ အောက်ဆုံးဖြစ်ရမည်။ လူတိုင်း၏ အစီခံလည်း ဖြစ်ရမည်” ဟု မိန့်တော်မူ၏။ 36 ထို့နောက် ကိုယ်တော်သည် အသျှုတစ်ယောက်အား ခေါ်၍ သူရိပ်၌ ထားပြီးမှ၊ ထိုအသျှုကို ဖက်လျက်၊ 37 “ငါ၏နာမကို ထောက်၍ ဤပိုင်

အသွေ့ရို့ထဲက တစ်ယောက်ယောက်ကို လက်ခံသောသူသည် ငါ့ကို လက်ခံ၏။ ငါ့ကို လက်ခံသောသူက ငါ့ကိုသာ လက်ခံသည် မဟုတ်၊ ငါ့ကို စီရင်တော်မူသော အသွင်ကိုလည်း လက်ခံခြင်း ဖြစ်၏” ဟု မိန့်တော်မူ၏။ **38** ယောဟန်က “ဆရာ၊ ဆရာ၏နာမကို အမှီပြု၍ နတ်ဆိုးတို့ကို မောင်းထုတ်နိုင်သော လူတစ်ယောက်အား အကျွန်ုပ်ရို့ မြင်တို့ခပါ၏။ ယင်းသူကား အကျွန်ုပ်ရို့နှင့် အပေါင်းအပါ မဟုတ်သောကြောင့် ကိုယ်တော်၏နာမကို အသုံးမပြုဖို့ တားမြစ်ခပါ၏” ဟု ကိုယ်တော်ကို လျှောက်လျှင်၊ **39** ယေသျှုက “ထိုသူ့ကို မတားကျော၊ ငါ့နာမကို အမှီပြုကာ အံ့ဖွယ်သောအမှုကို ပြုပြီးလျှင် ငါ့အား ပုတ်ခတ်ပြောဆိုနိုင်မည့် လူတစ်ယောက်မျှ မဟုတ်။ **40** ငါရို့ကို မဆန့်ကျင်သောသူသည် ငါရို့ ၁၈ ဖက်သားဖြစ်၏။ **41** သင်ရို့အား ငါ အမှန်ဆိုသည်ကား၊ ငါ့လူ ဖြစ်ကြောင့်ကို ထောက်၍ သင်ရို့အား သောက်ရိတ်ခွက်ကို တိုက်သောသူကား ယင်းရိတ်ခွက်၏အကျိုးကို ခံစားရလိမ့်မည်။ **42** “ငါ့ကို ယုံကြည်သော ဤအသွေ့တစ်ယောက်ယောက်ကို မှောက်မှားလမ်းလွဲစီသောသူသည် မိမိ၏လိုင်ပင်း၌ ကြီးသောကြိတ်ဆုံကျောက်ကို ဆွဲလျက် ပင်လယ်ထဲမှာ ပစ်ချခံရသည်က ယင်းသူ့အဖို့ ပို၍ကောင်း၏။ **43** သင်၏လက်သည် သင်၏ယုံကြည်ခြင်းကို ပျက်ပြားစီမည်ဆိုလျှင် ယင်းလက်ကို ဖြတ်ပစ်လော့။ လက်နှစ်ဖက် အစုံအလင်နှင့် ပိုးမသီ၊ မီးမငြိမ်းနိုင်သော ငရဲ၌ ကျသည်ထက်၊ လက်တစ်ဖက်မဟုတ် ထာဝရအသက်ကို ရခြင်းက ပို၍ ကောင်း၏။ (Geenna g1067) **45** သင်၏ခြံက သင်၏ယုံကြည်ခြင်းကို ပျက်ပြားစီမည်ဆိုလျှင် ယင်းခြံကို ဖြတ်ပစ်လော့။ ခြံနှစ်ဖက် အစုံအလင်နှင့် ငရဲ၌ ကျသည်ထက် ခြံတစ်ဖက် မဟုတ်ဘဲနှင့် ထာဝရအသက်ကို ရသည်က ပို၍ကောင်း၏။ (Geenna g1067) **47** သင်၏မျက်စိက သင့်ယုံကြည်ခြင်းကို ပျက်ပြားစီမည်ဆိုလျှင် ယင်းမျက်စိကို ထုတ်ပစ်လော့။ (Geenna g1067) **48** ‘မျက်စိအစုံနှင့် ပိုးမသီ၊ မီးမငြိမ်းနိုင်သော ငရဲ၌ကျစွာထက် ဘုရားသခင်၏ နိုင်ငံတော်ထဲသို့ မျက်လုံးတစ်ဖက်မဟုတ်နှင့် ဝင်ခွင့်ရသည်က ပို၍ကောင်း၏။’ **49** “ယဇ်ကောင်းကို ဆားအားဖြင့် သန့်စင်သည့်နည်းတူ လူတိုင်းသည် မီးအားဖြင့် သန့်စင်ခြင်းကို ခံရလိမ့်မည်။ **50** “ဆားသည် အသုံးဝင်၏။ သို့သော် ယင်းဆားသည် အင်ဓာတ်ပျောက်ကင်းလားလျှင် အင်ဓာတ်ကို ပြန်ရအောင် ဇာပိုင်ပြုနိုင်မည်နည်း။ “သင်ရို့တွင် မိတ်ဖွဲ့ခြင်း၌ ဆားဟိစီကြလော့၊ သင်ရို့သည်လည်း အချင်းချင်း သင့်မြတ်စွာ နိန့်ကြလော့” ဟု မိန့်တော်မူ၏။

10 ထို့နောက်၊ ယေသျှုသည် ထိုအရပ်မှ ထွက်ပြီးလျှင်၊ ယော်ဒန်မြစ်ကမ်းတစ်ဖက်သို့ ကူး၍ ယုဒနယ်သို့ ကြွတော်မူ၏။ လူအပေါင်းရို့သည် ကိုယ်တော်ထံ၌ တဖန် လာရောက်စုဝေးကြ၍ ကိုယ်တော်သည် ပြုလေ့ဟိသည့်အတိုင်း လူရို့ကို ဆုံးမဩဝါဒ ပီးတော်မူ၏။ **2** ဖာရိယုတချို့သည် ကိုယ်တော်ထံသို့ ရောက်လာပြီးလျှင် “အကျွန်ုပ်ရို့၏ ဥပဒေအရ လူသည် မိမိမယားနှင့် ကွာယှင်းသင့်ပါသလား၊ အကျွန်ုပ်ရို့ကို ပြောပါ” ဟု ပရိယာယ်ဖြင့် မိန်းလျှောက်ကြလျှင်၊ **3** ယေသျှုကလည်း “မောသျှုသည် သင်ရို့ကို ဇာပိုင် ပညတ်ထားသနည်း” ဟု ပြန်၍ မိန်းတော်မူ၏။ **4** သူရို့က “မိမိမယားကို ကွာစာပီး၍ ကွာယှင်းရသည်ဟု မောသျှုက ပညတ်ထားပါ၏” ဟု ပြန်၍ လျှောက်လေ၏။ **5** ယေသျှုကလည်း “သင်ရို့သည် စိတ်နှလုံးခိုင်မာသော လူတို့ဖြစ်သောကြောင့် မောသျှုသည် ယင်းပညတ်ကို ရိုးသားခခြင်း ဖြစ်၏။ **6** ကျမ်းစာ၌ လာသည်ကား၊ ဘုရားသခင်သည် ဖန်ဆင်းတော်မူစဉ် ယောက်ျားနှင့် မိန်းမကိုသာ ဖန်ဆင်းခ၏။ **7** ဤအကြောင်းကြောင့်၊ ယောက်ျားသည် ကိုယ့်မိဘကို ထား၍၊ မိမိ၏မယားနှင့် ပေါင်းသင်းနီထိုင်သဖြင့်၊ **8** ထိုနှစ်ယောက်သည် တစ်သားတစ်ကိုယ်တည်း ဖြစ်ရလိမ့်မည်။ ထို့ကြောင့် ယင်းသူရို့သည် နှစ်ယောက် မဟုတ် တစ်ယောက်တည်းသာ ဖြစ်၏။ **9** ယင်းကြောင့် ဘုရားသခင် စုံဖက်ပီးသောအရာကို လူက မခွဲမခွဲစီကော့” ဟု မိန့်တော်မူ၏။ **10** တပည့်တော်ရို့သည် အိမ်၌ ဟိကြသောအခါ၊ အထက်က အကြောင်းအရာများကို ယေသျှုအား တဖန် မိန်းလျှောက်ကြ၏။ **11** ကိုယ်တော်က “လူတစ်ယောက်သည် မိမိမယားကို ကွာ၍ အခြားမိန်းမနှင့် အိမ်ထောင်ပြုလျှင်၊ ယင်းသူသည် မိမိမယားကို ပြစ်မှားယာ။ **12** ယင်းနည်းတူ မိန်းမတစ်ယောက်သည် ကိုယ့်လင်ယောက်ျားကို ကွာ၍

အခြားသော ယောက်ျားတစ်ယောက်နှင့် အိမ်ထောင်ပြုလျှင် ယင်းမိန်းမသည် မိမိလင်ယောက်ျားကို ပြစ်မှားယာ” ဟု မိန့်တော်မူ၏။ 13 ထိုအခါ လူတချို့သည် အသွေရိုကို ယေသျှု၏ လက်တော်ဖြင့် တို့ထိတော်မူစီခြင်းငှာ အထံတော်သို့ ခေါ်ဆောင်ခကြ၏။ ထို့ကြောင့် တပည့်တော်ရိုသည် ထိုသူရိုကို အပြစ်တင်ကြ၏။ 14 ယေသျှုသည် ထိုအခြင်းအရာတို့ကို မြင်တော်မူလျှင် အမျက်တော်ထွက်၍ “အသွေတိ၊ ငါ့ပါးသို့ လာကတပ်ပါစို့။ မတားကတ်ကော။ ဘုရားသခင်၏ နိုင်ငံတော်သည် ထိုသို့သောသူရို၏ နိုင်ငံဖြစ်၏။ 15 ငါ အမှန်ဆိုသည်ကား၊ ဘုရားသခင်၏ နိုင်ငံတော်ကို အသွေတစ်ယောက်ပိုင် မခံယူတတ်သောသူသည် ကောင်းကင်နိုင်ငံတော်သို့ မရောက်” ဟု မိန့်တော်မူ၏။ 16 ထို့နောက် ကိုယ်တော်သည် အသွေရိုကို ပို့ဖက်ပြီးလျှင်၊ သူရိုထက်၌ လက်တော်ကို တင်လျက် ကောင်းကြီးဝီးတော်မူ၏။ 17 တဖန်၊ ယေသျှုသည် လမ်း၌ ကြွတော်မူစဉ် လူတစ်ယောက်သည် အထံတော်သို့ ဗြီးလာ၍ ရှိတော်၌ ဒူးထောက်လျက် “ကောင်းမြတ်သောဆရာ၊ အကျွန်ုပ်သည် ထာဝရအသက်ကို ရစီခြင်းငှာ မည်သို့ လုပ်ရပါမည်နည်း” ဟု မိန်းလျှောက်လေ၏။

(aiṓnios g166) 18 ယေသျှုကလည်း “ငါ့ကို ကောင်းမြတ်သည်ဟု ဇာကြောင့် ခေါ်သနည်း။ ဘုရားသခင်တစ်ပါးတည်းမှ လွဲ၍ ကောင်းမြတ်သောသူ တစ်စုံတစ်ယောက်မျှမဟိ။ 19 “လူ့အသက်ကို မသက်ကော၊ သူမယားကို မပြစ်မှားကော၊ သူ့ဥစ္စာကို မခိုးကော၊ မမှန်သောသက်သိကို မခံကော၊ မုသာမသုံးကော၊ သင်၏မိဘကို ရိုသေစွာပြုလော့” ဟူသောပညတ်တိကို သင်သိသည် မဟုတ်လော” ဟုမိန်းတော်မူလျှင်၊ 20 “ဆရာ၊ အကျွန်ုပ်သည် အသွေကတည်းကနိန် ဤဟိသမျှပညတ်တိကို စောင့်ထိန်းခပါယာ” ဟု ပြန်၍ လျှောက်ထား၏။ 21 ယေသျှုသည် ထိုသူကို စိစိကြည့်ကာ ချစ်သောစိတ် ဟိသည်ဖြစ်၍ “သင့်၌ တစ်ခု လိုသိမ့်၏။ လားပြီးလျှင်၊ သင်၏ဥစ္စာတို့ကို ရောင်းချ၍ ဆင်းရဲသောလူရိုကို ဝီးကမ်းစွန့်ကြလော့။ ထိုသို့ပြုလျှင် ကောင်းကင်ဘုံ၌ ဘဏ္ဍာကို ရလိမ့်မည်။ ယင်းပြီးမှသာ ငါ့နောက်သို့ လိုက်လော့” ဟု မိန့်တော်မူ၏။ 22 ထိုသူကား ဥစ္စာပစ္စည်းများစွာ ကြွယ်ဝသောသူဖြစ်သဖြင့် ထိုစကားကို ကြားသောအခါ မျက်နှာညှိုးငယ်၍ စိတ်မချမ်းမသာဖြစ်လျက် ထွက်လားလေ၏။ 23 ယေသျှုကလည်း တပည့်တော်ရိုကို လှည့်ကြည့်တော်မူလျက်၊ “ဥစ္စာကြွယ်ဝသောသူသည် ဘုရားသခင်၏နိုင်ငံတော်သို့ ဝင်ဖို့အတွက် အလွန်ခက်၏” ဟု မိန့်တော်မူ၏။ 24 တပည့်တော်ရိုသည် ကိုယ်တော်၏စကားတော်ကို ကြားလျှင် လွန်စွာ မိန်းမောတွေဝေကြ၏။ ယေသျှုက “ချစ်သားရို၊ ဘုရားသခင်၏ နိုင်ငံတော်ကို ဝင်ဖို့ရန် ဇာမျှလောက် ခက်သည်မှာ၊ 25 အပ်နုဖားပေါက်ထဲသို့ ကုလားအုတ်လျှိုဝင်၍ လွယ်ကောင်းလွယ်လိမ့်မည်။ ဥစ္စာရတတ်သောသူကား ဘုရားသခင်၏ နိုင်ငံတော်သို့ ဝင်ဖို့ရန် အလွန်ခက်၏” ဟု တပည့်တော်ရိုအား မိန့်တော်မူ၏။ 26 တပည့်တော်ရိုသည် သာ၍ မိန်းမောတွေဝေကြသဖြင့် “ယင်းသို့ဆိုလျှင် ဇာသူသည် ကယ်တင်ခြင်းကို ရနိုင်ပါမည်နည်း” ဟု အချင်းချင်း ပြောဆိုကြ၏။ 27 ယေသျှုသည် ထိုသူရိုကို စိစိကြည့်ပြီးလျှင် “ဤအမှုကို လူတိ မတတ်နိုင်သော်လည်း ဘုရားသခင် တတ်နိုင်တော်မူ၏။ ဘုရားသခင်သည် ခပ်သိမ်းသောအမှုအရာတို့ကို တတ်နိုင်တော်မူ၏” ဟု မိန့်တော်မူ၏။ 28 ထိုအခါ ပေတရက “အကျွန်ုပ်ရိုသည် အားလုံးကို စွန့်၍ ကိုယ်တော်၏ နောက်တော်သို့ လိုက်လာကြပါ၏” ဟု လျှောက်ထားလျှင်၊ 29 ယေသျှုက “ငါ အမှန်ဆိုသည်ကား ငါ့အတွက် သော်လည်းကောင်း၊ ဧဝံဂေလိတရားအတွက် သော်လည်းကောင်း၊ အိမ်၊ မြို့၊ ညီအစ်ကိုမောင်နှမ၊ မိဘ၊ သားသမီး တည်းဟူသော တစ်ပါးပါးကို စွန့်သောသူသည်၊ 30 အဂုဏ်လ၌ ညှဉ်းပန်းနှိပ်စက်ခြင်းနှင့်တကွ အဆတစ်ရာဟိသော အိမ်၊ မြို့၊ ညီအစ်ကိုမောင်နှမ၊ မိဘ၊ သားသမီးတို့ကို ရဟိလိမ့်မည် — ယင်းထက်မက နောင်ဘဝ မှာလည်း ထာဝရအသက်ကိုပါ ရဟိလိမ့်မည်။ (aiṓn g165, aiṓnios g166) 31 သို့ရာတွင် အယင်ကျသောသူရိုသည် နောက်ကျလိမ့်မည်။ နောက်ကျသောသူရိုသည် အယင်ကျလိမ့်မည်” ဟု မိန့်တော်မူ၏။ 32 ယေသျှုနှင့် တပည့်တော်ရိုသည် ယေရုဆလမ်မြို့သို့ လားကြရာလမ်း၌ ယေသျှုသည် တပည့်တော်ရို၏အရှိမှ ကြွတော်မူ၏။ သူရိုသည်လည်း ထိတ်လန့်တုန်လှုပ်၍ ကြောက်ရွံ့သောစိတ်နှင့် လိုက်ကြ၏။ ထိုအခါ တစ်ကျိပ်နှစ်ပါးသော တပည့်တော်ရိုကို ခေါ်၍၊ 33 “နားထောင်၊ ငါရို ခရီးပြုနိုင်သော ယေရုဆလမ်မြို့၌ လူသားသည် ယဇိပုရောဟိတ် အကြီးအကဲတို့နှင့် ကျမ်းတတ်ဆရာတိလက်သို့

အပ်နှံခြင်းကို ခံရလိမ့်မည်။ ထိုသူရိသည် လူသားကို သိဒဏ်စီရင်ကာ တခြားလူမျိုးတိလက်သို့ အပ်နှံကြလိမ့်မည်။ 34 သူရိလည်း လူသားကို ပျက်ရယ်ပြုလျက် သတ်ပုတ်ခြင်း၊ တန်းထိုးနှင့် ထိုးခြင်း၊ အသိသတ်ခြင်းကို ပြုကြလိမ့်မည်။ သို့ရာတွင် သုံးရက်မြောက်သောနိဗ္ဗာန် ရှင်ပြန်ထမြောက်လိမ့်မည်” ဟု မိမိကြံတွဲရမည့် အမှုအရာများကို မိန့်တော်မူ၏။ 35 ထို့နောက် ဇေဗဒဲ၏သားများဖြစ်သော ယာကုပ်နှင့် ယောဟန်ရှိသည် အထံတော်ပါးသို့ ချဉ်းကပ်၍ “ဆရာ၊ အကျွန်ုပ်တောင်းသော ဆုကို ပြုစီလိုပါသည်” ဟု လျှောက်ထားလေ၏။ 36 ကိုယ်တော်ကလည်း “ငါသည် သင်ရဲ့ကို ဇာပိုင် ပြုစီလိုသနည်း” ဟု မိန့်တော်မူလျှင်၊ 37 သူရိက “ကိုယ်တော်သည် ကောင်းကင်နိုင်ငံတော်၏ ရာဇပလ္လင်ထက်၌ ဘုန်းတန်ခိုးတော်နှင့် စိုးစံတော်မူသောအခါ အကျွန်ုပ်ရဲ့ ညီအစ်ကိုနှစ်ယောက်ကို အသျှင်၏ လက်ယာဖက်၌ တစ်ယောက်၊ လက်ဝဲဖက်၌ တစ်ယောက်စီ အသျှင်နှင့်အတူ ထိုင်ရသောအခွင့်ကို ပီးတော်မူပါ” ဟု လျှောက်ထားကြ၏။ 38 ယေသျှုကလည်း “သင်ရဲ့တောင်းခံချက်သော ဆုကို သင်ရဲ့မသိသလော။ ငါ သောက်ရမည့် ဒုက္ခခွက်ဖလားကို သောက်ခြင်းငှာ လည်းကောင်း၊ ငါ ခံရမည့် ဗတ္တိဇံကို ခံခြင်းငှာ လည်းကောင်း သင်ရဲ့ တတ်စွမ်းနိုင်သလော” ဟု မိန့်တော်မူ၏။ 39 ထိုသူရိကလည်း “အကျွန်ုပ်ရဲ့ တတ်နိုင်ပါ၏” ဟု ပြန်၍ လျှောက်ထားကြ၏။ ယေသျှုက “သင်ရဲ့သည် ငါ သောက်ရမည့် ဖလားကိုသောက်၍၊ ငါ ခံရမည့် ဗတ္တိဇံကိုလည်း ခံရလိမ့်မည်။ 40 သို့သော်၊ ငါ၏လက်ယာဖက်၊ လက်ဝဲဖက်၌ ထိုင်ရသောအခွင့်ကိုကား ငါ၌ ပီးပိုင်ခွင့်မဟိ။ ဤအခွင့်သည် ဘုရားသခင် ပျဉ်ဆင်ပီးထားသော သူတိအဖို့သာ ဖြစ်၏” ဟု မိန့်တော်မူ၏။ 41 ဤအကြောင်းအရာကို အခြားသောတပည့်တော် ဆယ်ယောက်ရှိသည် ကြားကြလျှင်၊ ယာကုပ်နှင့် ယောဟန်ရှိကို ဒေါသထွက်ကြ၏။ 42 ထိုအခါ ယေသျှုသည် သူရိအားလုံးကို ခေါ်၍ “လောကီမင်းတိက ပြည်သူတို့ကို အစိုးတရပြုကြ၏။ အကြီးအကဲတိကလည်း တန်ခိုးအာဏာကို သုံးကြ၏။ 43 သို့သော်၊ သင်ရဲ့ဉ်းကား ထိုသို့ မဟုတ်။ သင်ရဲ့အထဲက အကြီးအကဲ ဖြစ်လိုသောသူသည် လူတိုင်း၏ အခိုင်းအစီကို ခံစီ။ 44 သင်ရဲ့ထဲက အကြီးမြတ်ဆုံး လုပ်လိုသောသူသည် အားလုံး၏ အခိုင်းအစီဖြစ်ရမည်။ 45 အကြောင်းမူကား လူသားပင်လျှင် သူတစ်ပါးကို ခိုင်းစီဖို့ရန် လာသည် မဟုတ်၊ သူတစ်ပါး၏ အခိုင်းအစီကို ခံခြင်းငှာ လည်းကောင်း၊ မိမိအသက်ကို စွန့်၍ လူတို့ကို ရှိုးနှုတ်ခြင်းငှာလည်းကောင်း ကြွလာခြင်းဖြစ်၏” ဟု မိန့်တော်မူ၏။ 46 ကိုယ်တော်နှင့် တပည့်တော်ရှိသည် ယေရိခေါမြို့သို့ ရောက်ကြ၏။ ထို့နောက် များစွာသော လူရိနှင့်တကွ ထိုမြို့မှ ထွက်ကြွတော်မူစဉ် တိမိ၏သား ဗာတိမဲဆိုသူ မျက်မမြင် သူတောင်းစားတစ်ယောက်သည် လမ်းနားတွင် ထိုင်နိန့်၏။ 47 ထိုသူသည် နာဇရက်မြို့သား ယေသျှု ရောက်ဟိလာကြောင်းကို ကြားသောအခါ “ဒါဒိဒိ၏သားတော် ယေသျှု၊ အကျွန်ုပ်ကို သနားတော်မူပါ” ဟု ဟစ်အော်လေ၏။ 48 လူရိက ထိုသူကို တိတ်ဆိတ်စွာ နိန့်စီခြင်းငှာ အော်ငေါက်၍ ပြောဆိုသော်လည်း၊ “ဒါဒိဒိ၏သားတော် ယေသျှု၊ အကျွန်ုပ်ကို သနားတော်မူပါ” ဟု သာ၍ ကျယ်လောင်စွာ အော်လေ၏။ 49 ထိုအခါ ယေသျှုသည် ရပ်တန့်တော်မူ၍ “ယင်းသူကို ခေါ်လာလော့” ဟု မိန့်တော်မူ၏။ ထို့ကြောင့် ထိုသူရိသည် မျက်စိမမြင်သောသူအား “အားမငယ်ကေ့။ ထ၊ သင့်ကို ကိုယ်တော် ခေါ်နိန့်၏” ဟု ပြောကြ၏။ 50 ထိုသူသည် မိမိ၏အဝတ်ကို ဘေးသို့ ပစ်ချပြီးလျှင် ထ၍ ယေသျှုထံပါးသို့ လာ၏။ 51 ယေသျှုက “သင့်အဖို့ ငါ ဇာလုပ်ပီးရမည်နည်း” ဟု ထိုသူအား မိန့်တော်မူလျှင်၊ ထိုသူက “ဆရာ၊ အကျွန်ုပ်မျက်စိ ပြန်မြင်ချင်ပါ၏” ဟု ကိုယ်တော်ကို လျှောက်လေ၏။ 52 ယေသျှုက “သင်၏ယုံကြည်ခြင်းက သင့်ကို အကောင်းပကတိ ဖြစ်စီယာ။ ပြန်လားလော့” ဟု မိန့်တော်မူပြီးနောက်၊ ချက်ချင်းပင် ထိုသူသည် မျက်စိမြင်၍ ကိုယ်တော်ကြွတော်မူရာနောက်သို့ လိုက်လေ၏။

11 ယေသျှုနှင့် တပည့်တော်ရှိသည် ယေရုဆလင်မြို့သို့ ကြွလာကြရာ သံလွင်တောင်ခြေရင်း အနီး၌ဟိသော ဗေသနိရွာနှင့် ဗက်ဖာဂေရွာသို့ ရောက်လာကြ၏။ 2 ထိုအခါ ကိုယ်တော်သည် တပည့်တော်နှစ်ယောက်အား “သင်ရဲ့၏ရှိ၍ ဟိသောရွာသို့ လားကြလော့။ ရွာထဲသို့ ဝင်လျှင်ဝင်ချင်း ဇာသူမျှ မစီးဖူးသိမ့်သော မြည်းသျှုတစ်ကောင်အား ကြိုးနှင့်ချိုင်ထားသည်ကို သင်ရဲ့ တွေ့လိမ့်မည်။ ယင်းမြည်းကို ကြိုးဖို့၍ ယူလာလော့။ 3 တစ်ယောက်ယောက်က သင်ရဲ့ကို ဇာလုပ်နိန့်သနည်း ဟူ၍ မိန့်လျှင် အကျွန်ုပ်ရဲ့သခင်က အလိုဟိပါ၏။ ပြီးလျှင်၊ ချက်ချင်း ပို့ပီးပါမည် ဟူ၍

ပြောလော့” ဟု မိန့်မှာ၍ စိစစ်တော်မူ၏။ 4 ထိုတပည့်တော်နှစ်ယောက်ရှိသည် လားကြ၍ လမ်းဘေး၌ဟိသော အိမ်တန်းခါးနား၌ ကြီးနှင့် ချိုင့်ထားသော မြည်းချေတစ်ကောင်ကို တို့လျှင် ကြိုးကိုဖြိုကြ၏။ 5 ထိုအခါ အနီးအနား၌ ဟိသောလူတချို့က “မြည်းချေကို ဇာလုပ်ဖို့ ကြိုးဖြိုကြသနည်း” ဟု တပည့်တော်ရှိကို မိန်းကြ၏။ 6 တပည့်တော်ရှိသည် ယေသျှုမိန့်မှာထားသည့်အတိုင်း ပြောပြကြသောအခါ မြည်းချေကို ကြိုးဖြိုခွင့် ပြုကြ၏။ 7 တပည့်တော်ရှိသည် မြည်းချေကို ယေသျှုပါးသို့ ဆွဲလာပြီးလျှင် ထိုမြည်းချေထက်၌ မိမိရှိ၏ ဝတ်ရုံတို့ကို တင်ကြ၏။ ထို့နောက် ကိုယ်တော်သည် မြည်းကို စီးတော်မူ၏။ 8 များစွာသောလူရှိသည် မိမိရှိ၏ ဝတ်ရုံတို့ကို လမ်း၌ ဖြန့်ခင်းကြ၏။ အချို့ကား ကွင်းပြင်မှ သစ်ရွက်သစ်ခက်များကို လမ်း၌ ဖြန့်ခင်းထားကြ၏။ 9 ကိုယ်တော်၏ရှိတော်မူ လည်းကောင်း၊ နောက်တော်မူ လည်းကောင်း လိုက်ပါလာကြသော လူရှိက “ဟောသျှုဏှ ဖြစ်စီသတည်း။ သခင်ဘုရား၏ နာမတော်၌ ကြွလာသောအသျှင်သည် မင်္ဂလာဟိပါစီသတည်း။ 10 တည်လှသော ငါရို့အဖ ဒါဝိဒ်မင်းကြီး၏နိုင်ငံတော်သည် မင်္ဂလာဟိပါစီ။ အမြင့်ဆုံးသောအရပ်၌ ဟောသျှုဏှ ဖြစ်စီသတည်း” ဟု ကြွေးကြော်ကြ၏။ 11 ယေသျှုသည် ယေရုဆလင်မြို့သို့ ရောက်သောအခါ ဗိမာန်တော်သို့ ဝင်ပြီးလျှင် ဟိသမျှသောအရာတို့ကို လှည့်လည်၍ ကြည့်တော်မူ၏။ ထို့နောက် နီဝင်ချိန်နီးသဖြင့် တပည့်တော်တစ်ဆယ့်နှစ်ပါးနှင့်အတူ ဗေသနိရွာသို့ ကြွတော်မူ၏။ 12 နောက်တစ်နိဉ် ယေသျှုနှင့် တပည့်တော်ရှိသည် ဗေသနိရွာမှ ပြန်လာကြစဉ်တွင် ကိုယ်တော်သည် ဆာလောင်မွတ်သိပ်ခြင်းသို့ ရောက်တော်မူ၏။ 13 ကိုယ်တော်သည် အရွက်တိဖုံးနိန်သော သဖန်းပင်တစ်ပင်ကို အစီးမှ မြင်တော်မူလျှင် အသီးကို တို့လိုတို့ငြား လား၍ ကြည့်တော်မူ၏။ သို့ရာတွင် သဖန်းသီး သီးချိန် မဟုတ်သောကြောင့် အသီးကို မတို့ဘဲ အရွက်တိကိုသာ တို့တော်မူ၏။ 14 ထိုအခါ ကိုယ်တော်က သဖန်းပင်ကို “နောက်အစဉ်အဆက် သင်၏အသီးကို တစ်ယောက်မှ မစားစီရ” ဟု မိန့်တော်မူ၏။ ထိုသို့ မိန့်တော်မူသည်ကို တပည့်တော်ရှိသည် ကြားကြ၏။ (aiōn g165)

15 ကိုယ်တော်နှင့် တပည့်တော်ရှိသည် ယေရုဆလင်မြို့သို့ ရောက်ကြသောအခါ၊ ကိုယ်တော်သည် ဗိမာန်တော်သို့ ကြွတော်မူ၍ ဗိမာန်တော်အတွင်း၌ ရောင်းဝယ်နိုင်ကြသော သူရှိကို နှင်ထုတ်တော်မူ၏။ ဖေသာဒဂ်း လဲလှယ်နိုင်သော သူရှိ၏ စားပွဲကိုလည်း မှောက်လှန်၍ ဂြိုးငှက်ရောင်းသော သူရှိ၏ ထိုင်ခုံတို့ကိုလည်း တွန်းလှဲတော်မူ၏။ 16 ဗိမာန်တော်ဝင်းကို ဖြတ်၍ သယ်ဆောင်ခြင်းငှာ မည်သူ့ကိုမျှ ခွင့်ပြုတော်မမူ။ 17 ထိုသူရှိအား ကိုယ်တော်က “ငါ၏ဗိမာန်ကို လူမျိုးတကာရှိ၏ ဆုတောင်းရာအိမ်တော်ဟူ၍ ခေါ်ဆိုကြလိမ့်မည်” ဟု ကျမ်းစာတော်မြတ်၌ ရီးသားထားသည် မဟုတ်လော။ သို့ရာတွင်၊ ဤနီရာကို သူခိုးဒါးပြတ် ခိုအောင်းသောနီရာ ဖြစ်စီသည်တကား” ဟု ဆုံးမသွန်သင်တော်မူ၏။ 18 ယစ်ပုရောဟိတ်အကြီးအကဲရှိနှင့် ကျမ်းတတ်ဆရာရှိသည် ထိုစကားကို ကြားကြလျှင် ယေသျှုကို သတိခြင်းငှာ နည်းလမ်းရှာကြ၏။ သို့ရာတွင် လူအပေါင်းရှိသည် ကိုယ်တော်၏သွန်သင်မှုကို လွန်စွာအံ့ဩလျက် ဟိကြသောကြောင့် ထိုသူရှိသည် ကိုယ်တော်ကို ကြောက်ကြ၏။ 19 ညနီစောင်းအချိန်ရောက်သောအခါ ကိုယ်တော်နှင့် တပည့်တော်ရှိသည် ထိုမြို့မှ ထွက်လားကြ၏။ 20 နောက်တစ်နိဉ် မိုးထက်စောစောအချိန်၌ ကိုယ်တော်နှင့် တပည့်တော်ရှိသည် လမ်း၌ လျှောက်လားကြစဉ်၊ သဖန်းပင်ကို မြင်ကြ၏။ ထိုအပင်သည် အမြစ်မှစ၍ တစ်ပင်လုံး ခြောက်သို့ညှိုးနွမ်းလျက် ဟိ၏။ 21 ပေတရသည် သတိရ၍ “ဆရာ၊ ကြည့်တော်မူပါ။ ကိုယ်တော် ဒဏ်ခတ်ခေသော သဖန်းပင်သည် ညှိုးနွမ်းခြောက်သွေ့လားခယာ” ဟု လျှောက်ထား၏။ 22 ယေသျှုက “ဘုရားသခင်ကို ယုံကြည်ကြလော့။ 23 ငါ အမှန်ဆိုသည်ကား၊ အကြင်သူသည် စိတ်နှလုံးထဲ၌ သံသယမဟိဘဲ၊ ‘မိမိပြောဆိုသည်အတိုင်း ဖြစ်မည်ဟု’ ယုံကြည်ခြင်း ဟိသောသူသည် ‘ဤတောင်ကို နီရာမှ ရွှံ့လော့။ ပင်လယ်၌ ကျလော့ ဟုဆိုလျှင် ထိုသူဆိုသည့်အတိုင်း ဖြစ်လိမ့်မည်။’ 24 ထို့ကြောင့် ငါ ဆိုသည်ကား သင်ရှိသည် မိမိတောင်းလျှောက်သော အရာကို မုချရယာဟု ယုံကြည်ကြလျှင် တောင်းသမျှကို ရကြလိမ့်မည်။ 25 သင်ရှိ ဆုတောင်းသောအခါ သူတစ်ပါး၏ အပြစ်တို့ကို ခွင့်ရွတ်ရမည်။ ထိုမှသာ၊ ကောင်းကင်ဘုံ၌ ဟိတော်မူသော သင်ရှိအဖသည် သင်ရှိ၏အပြစ်တို့ကို ခွင့်ရွတ်တော်မူလိမ့်မည်” ဟု မိန့်တော်မူ၏။

27 တဖန် ယေသျှုနှင့် တပည့်တော်ရှိသည် ယေရုဆလင်မြို့သို့ ရောက်တော်မူလျှင်၊ ကိုယ်တော်သည် ဗိမာန်တော်၌ လမ်းလျှောက်တော်မူ၏။ ယဇ်ပုရောဟိတ် အကြီးအကဲတို့၊ ကျမ်းတတ်ပုဂ္ဂိုလ်တို့နှင့် ဘာသာရေးခေါင်းဆောင်ရှိသည် အထံတော်သို့ ချဉ်ကပ်၍၊ 28 ကိုယ်တော်ကို “သင်သည် ဤအမှုအရာတို့ကို ဇာအခွင့်ဖြင့် ပြုသနည်း။ ဇာသူက ဤအခွင့်ကို ပီးသနည်း” ဟု မိန်းလျှောက်ကြလျှင်၊ 29 ယေသျှုက “သင်ရှိကို ငါ မိန်းခွန်းတစ်ခု မိန်းမည်။ သင်ရှိဖြေကြလော့၊ သို့ပြုလျှင် ဤအမှုအရာတို့ကို ဇာသူအခွင့်ဖြင့် ပြုသည်ကို သင်ရှိအား ငါ ပြောပြမည်။ 30 ယောဟန်သည် ဗတ္တိဇံကို ပီးသောအခါ ဘုရားသခင်ပါးက အခွင့်ဖြင့်လော၊ လူပါးက အခွင့်ဖြင့်လော။ ထိုအရာကို ငါအား ပြောလော့” ဟု မိန်းတော်မူ၏။ 31 ထိုသို့ မိန်းတော်မူလျှင် သူရိက “ငါ့ရဲ့ ဇာပိုင် ပြောရမည်နည်း။ အကယ်၍ ‘ဘုရားအခွင့်ဖြင့် ပြုသည်’ ဟု ဖြေလျှင် ‘ယောဟန်ကို ဇာတွက် မယုံကြည်ကြသနည်း’ ဟု ဤသူက ငါ့ရဲ့ကို မိန်းဖို့။ 32 ယင်းပုံစံ ‘လူပါးက အခွင့်နှင့် ပြုသည်ဟု ဖြေရဖို့လား’ လူတိက ယောဟန်ကို ပရောဖက်အမှန်ဖြစ်သည်ဟု မှတ်ယူထားကြ၏” ဟူ၍ အချင်းချင်း ဆွေးနွေးကြပြီး လူတို့ကို ကြောက်ရွံ့ကြသောကြောင့်၊ 33 “အကျွန်ရဲ့ မသိပါ” ဟု ကိုယ်တော်ကို လျှောက်ကြ၏။ ထိုအခါ ယေသျှုက၊ “ထို့အတူ ဤအမှုတို့ကို ဇာသူအခွင့်ဖြင့် ငါ ပြန်နိုင်သည်ကို သင်ရှိအား ငါလည်း မပြော” ဟု သူရိအား မိန်းတော်မူ၏။

12 ထို့နောက်၊ ယေသျှုသည် သူရိအား ပုံဥပမာဖြင့် “တစ်ခါက လူတစ်ယောက်သည် စပျစ်ဥယျာဉ်၌ စပျစ်ပင်တံစိုက်ပြီးလျှင် ခြံစည်းရိုးကာထား၏။ စပျစ်သီးနယ်ခြင်းငှာ တွင်းကို တူး၍ လင့်စင်ကိုလည်း ဆောက်ထား၏။ ထို့နောက် ထိုသူသည် စပျစ်ဥယျာဉ်ကို သီးစား အငှားချထားပြီးလျှင် အခြားအရပ်သို့ ခရီးထွက်လာခ၏။ 2 စပျစ်သီးခူးသောအချိန် ရောက်သောအခါ မိမိရမည့် ဝီစုကို ယူခြင်းငှာ မိမိ၏ အခိုင်းအစီတစ်ယောက်ကို သီးစားအငှားသမားရိုပါးသို့ စီစွတ်လိုက်၏။ 3 သီးစားအငှားသမားရိုပါးသို့ ရောက်သောခါ ထိုအခိုင်းအစီကို သတ်ပုတ်ပြီးလျှင် လက်ချည်းသက်သက် ပြန်ရွတ်လိုက်၏။ 4 ဥယျာဉ်သျှင်က နောက်တဖန် အခိုင်းအစီတစ်ယောက်ကို စီစွတ်လိုက်ပြန်၏။ သီးစားသမားရိုက ယင်းအခိုင်းအစီ၏ အဂေါင်းကို ရိုက်ပုတ်ကာ အရှက်ကွဲ အကျိုးနည်းဖြစ်အောင် လုပ်ပြီးပြန်ရွတ်လိုက်၏။ 5 ဥယျာဉ်သျှင်ကလည်း အခြားကျွန်တစ်ယောက်ကို စီစွတ်ပြန်၏။ သီးစားသမားရိုကလည်း ယင်းအခိုင်းအစီကို အသိသတ်လိုက်ကြ၏။ အခြားသောကျွန်တို့ကိုလည်း တချို့ကိုသတ်ပြီး၊ တချို့ကို ရိုက်ပုတ်ကြ၏။ 6 ထို့ကြောင့် ဥယျာဉ်သျှင်က ‘ငါ၌ တစ်ဦးတည်းသာ ဟိသော၊ ငါ၏ချစ်သောသားကို စီစွတ်လိုက်လျှင် ထိုသူရှိသည် ငါ့သားကို အားနာကြမည်’ ဟု ဆို၍ မိမိသားကို စီစွတ်လိုက်၏။ 7 သို့ရာတွင် သီးစားသမားရိုက ဥယျာဉ်သျှင်၏ သားကိုမြင်သောအခါ ‘ဤသူကား ဥယျာဉ်သျှင်၏ အဓိခံမည်သူ ဖြစ်၏။ လာကတ်၊ သူ့ကို သတ်ကြကုန်အံ့။ ယင်းမှရာ ဤဥယျာဉ်သည် ငါ့ရဲ့အပိုင်ဖြစ်မည်’ ဟု အချင်းချင်းပြောဆို၍၊ 8 ထိုစပျစ်ဥယျာဉ်သျှင်၏သားကို ဖမ်းကာ သတ်ပြီးလျှင် ဥယျာဉ်အပြင်သို့ ထုတ်ပစ်ကြ၏။ 9 “ယင်းပိုင်ဆိုလျှင် ဥယျာဉ်သျှင်က ဥယျာဉ်ကို ဇာပိုင် လုပ်လိမ့်မည်နည်း။ ထိုသူသည် ဥယျာဉ်သို့ လာ၍ သီးစားသမားရိုကို သတ်ပြီးလျှင်၊ စပျစ်ဥယျာဉ်ကို အခြားသူရဲ့လက်သို့ အပ်လိမ့်မည်။ 10 ကျမ်းစာတော်မြတ်၌ “တိုက်ကိုဆောက်သောသူရဲ့ ပယ်ထားသောကျောက်သည်၊ အားလုံးထက်၊ အရေးကြီးဆုံးသောနီရာ၌ သုံးရသောကျောက်ဖြစ်လာရ၏။ 11 ဤအမှုကား သခင်ဘုရားပြုတော်မူသော အမှုဖြစ်၏။ ငါ့ရဲ့ မျက်စိရှိ၌ပင် အံ့ဖွယ်ဖြစ်လိစွတကား’ ဟူ၍ ရိုးသားထားသည်ကို သင်ရဲ့ မဖတ်ဖူးကြသလော” ဟု မိန်းတော်မူ၏။ 12 ယုဒခေါင်းဆောင်ရှိသည် မိမိရဲ့အား ရည်ရွယ်၍ ထိုပုံဥပမာကို မိန်းတော်မူကြောင်း သိသဖြင့် ယေသျှုအား ဖမ်းဆီးခြင်းငှာ ကြိုးစားကြ၏။ သို့ရာတွင် လူအစုအဝေးကို ကြောက်ကြသဖြင့် အထံတော်မှ ထွက်လာလေ၏။ 13 ယေသျှုအား အပြစ်တင်ခွင့်ကို ရခြင်းငှာ မိန်းခွန်းများကို မိန်းစီရန် ဖာရိယုံ တချို့နှင့် ဟေရုဒ်၏တပည့်တို့ကို ယေသျှုထံသို့ စီစွတ်လိုက်ကြ၏။ 14 သူရိသည် အထံတော်သို့ လာကြပြီးလျှင် “ဆရာ၊ ဆရာက လူတို့ ဇာပိုင် ထင်မှတ်ထင်မှတ်၊ ဂရုမစိုက်ဘဲ၊ မှန်သောစကားကိုသာ ပြောတတ်ပါ၏။ လူမျက်နှာကို မထောက်ဘဲ၊

ဘုရားသခင်၏တရားလမ်းကို အမှန်အတိုင်း သွန်သင်တော်မူကြောင့်ကို အကျွန်ရဲ့သိကြပါ၏။ ယင်းအတွက်ကြောင့် အကျွန်ရဲ့သည် ရောမဧကရာဇ်မင်းအား အခွန်ဆက်အပ်သလော၊ မဆက်အပ်သလော ဆိုသည်ကို ပြောပြပါ” ဟု ပရိယာယ်ဆင်၍ မိန်းလျှောက်တော်မူ၏။ **15** ယေသျှုသည် ထိုသူရဲ၏ ပရိယာယ်ကို သိတော်မူလျှင် “သင်ရိုက ငါ့ကို ဇာဖြစ်လို့ အပြစ်ရှာချင်ကြသနည်း။ ဇွီဒဂ်းပြား တစ်ပြားကို ယူခ၊ ငါ ကြည့်မည်” ဟု မိန်းတော်မူလျှင်၊ **16** သူရဲသည် ယူလာကြ၏။ ကိုယ်တော်က “ဤဒဂ်းပြား၌ ဇာသူရပ်ပုံနှင့် ဇာသူနာမည် ပါသနည်း” ဟု မိန်းတော်မူလျှင်၊ သူရိုက “ဧကရာဇ်မင်း၏ရုပ်ပုံနှင့် သူ၏နာမည်ပါ၏” ဟု ပြန်လျှောက်ကြ၏။ **17** ယေသျှုကလည်း “ဧကရာဇ်မင်းနှင့် သက်ဆိုင်သောအရာတို့ကို ဧကရာဇ်မင်းအား ဆက်သလော။ ဘုရားသခင်နှင့် သက်ဆိုင်သောအရာကို ဘုရားအား ဆက်သလော” ဟု မိန်းတော်မူလျှင်၊ သူရဲသည် အံ့သြကြ၏။ **18** သီခြင်းမှ ရှင်ပြန်ထမြောက်ခြင်းမဟီဟု ခံယူထားကြသော ဇေဒျကဲတချို့သည် အထံတော်ပါးသို့ ချဉ်းကပ်၍ **19** “ဆရာ၊ ‘လူတစ်စုံတစ်ယောက်က သားသမီးမရဘဲ သီလားခလျှင် အသက်ရှင်ကျန်ခသည့် အစ်ကို၏မယားကို ညီဖြစ်သောသူက ဆက်ခံရမည်’ ဟု အကျွန်ရဲ့ကို မောသျှုက မိန့်မှာပေါ၏။ **20** တစ်ခါက ညီအစ်ကိုခုနစ်ယောက် ဟိပါ၏။ အစ်ကိုအကြီးဆုံးသည် အိမ်ထောင်ပြုပြီး သားသမီး မရဘဲ သီကျလားပါ၏။ **21** ထိုအခါ ဒုတိယအစ်ကိုက သူမရဲကို ဆက်ခံသိမ်းပိုက်ပါ၏။ ထိုအစ်ကိုသည်လည်း သားသမီးမရဘဲ သီကျလားပြန်၏။ ယင်းနည်းတူ တတိယအစ်ကိုလည်း သားသမီးမရဘဲ သီကျလားပြန်၏။ **22** ယင်းနည်းတူ ညီအစ်ကို ခုနစ်ယောက်လုံးသည် ထိုမိန်းမကို လက်ထပ်၍ သားသမီးမရဘဲ သီကျလားပါ၏။ အဆုံးမှာ ယင်းမိန်းမလေ့ သီကျလား၏။ **23** ညီအစ်ကို ခုနစ်ယောက်လုံး ယင်းမိန်းမနှင့် အိမ်ထောင်ပြုခသည်ဖြစ်၍ ရှင်ပြန်ထမြောက်ရာမှီမှာ ယင်းမိန်းမသည် ဇာသူ၏ မယားဖြစ်ပါမည်နည်း” ဟု မိန်းလျှောက်လေ၏။ **24** ယေသျှုက “သင်ရိုတို့ ကျမ်းစာတော်မြတ်ကို နားမလည်၊ ဘုရားသခင်၏ တန်ခိုးတော် အကြောင်းကိုလည်း မသိကတံ။ ထို့ကြောင့် အယူလွန်နိကြ၏။ **25** လူသည် သီခြင်းက ထမြောက်ကြသောအခါ ထိမ်းမြားပေါင်းသင်းခြင်းကို မပြု၊ စုံဖက်ခြင်းကို မပြုဘဲ ကောင်းကင်ဘုံ၌ ကောင်းကင်တမန်တို့ပိုင် ဖြစ်ကြ၏။ **26** သီလွန်သောလူတို့ ရှင်ပြန်ထမြောက်သည့် အကြောင်းကို မောသျှုကျမ်း၌ မဖတ်ဖူးကြသလော။ မီးလောင်နိုင်သော ခြုံပုတ်အကြောင်းကို ဖော်ပြထားသည့် ကျမ်းပိုဒ်၌ ဘုရားသခင်က ‘ငါကား အာဗြဟံ၊ ဣဇက်၊ ယာကုပ်ရဲ့၏ ဘုရားပေတည်း’ ဟု မောသျှုအား မိန့်တော်မူကြောင်း ဖော်ပြထား၏။ **27** ထိုအသျှင်သည် သီလွန်လားခသော လူရဲ့၏ ဘုရားသခင် မဟုတ်၊ အသက်ရှင်သောလူရဲ့၏ ဘုရားသခင်ဖြစ်၏။ သင်ရိုတို့ ကကောင်းကို အယူလွန်နိကြသည်ကား” ဟု မိန်းတော်မူ၏။ **28** ထိုသို့ မိန်းတော်မူနိုင်စဉ် သူရဲအပါး၌ ကျမ်းတတ်ဆရာတစ်ယောက်ဟိ၏။ ထိုသူသည် ဇေဒျကဲရဲ့အား ကိုယ်တော်၏ လျှောက်ပတ်စွာ ဖြေကြားတော်မူချက်ကို ကြားသဖြင့် ရှိတော်သို့ လာပြီးလျှင် “ပညတ်ဟိသမျှ၌ ဇာပညတ်က အကြီးမြတ်ဆုံးနည်း” ဟု ကိုယ်တော်ကို မိန်းလျှောက်လေ၏။ **29** ယေသျှုက “အို၊ ဣသရေလ အမျိုးသားရဲ့ နားထောင်ကြလော့။ ငါရဲ့၏အသျှင် ဘုရားသခင်သည် တစ်ဆူတည်းသော သခင်ဘုရားဖြစ်တော်မူ၏။ **30** ‘သင်ရဲ့၏ အသျှင်ဘုရားသခင်ကို စိတ်နှလုံးအကြွင်းမဲ့၊ စိတ်ဝိညာဉ်အကြွင်းမဲ့၊ ဉာဏ်စွမ်းဟိသမျှ၊ ကိုယ်စွမ်းဟိသမျှနှင့် ချစ်ရမည်’ ဟူသော ပညတ်သည် အကြီးမြတ်ဆုံးသော ပညတ်ဖြစ်၏။ **31** ‘ကိုယ်နှင့်စပ်ဆိုင်သောသူကို ကိုယ်နှင့်အမျှ ချစ်ရမည်’ ဟူသော ပညတ်သည် ဒုတိယအကြီးမြတ်ဆုံး ပညတ်ဖြစ်၏။ ဤပညတ်နှစ်ပါးထက် သာ၍ ကြီးမြတ်သော ပညတ်မဟီ” ဟု ဖြေကြားတော်မူ၏။ **32** ကျမ်းတတ်ဆရာကလည်း “ဆရာ၊ ဆရာ ဖြေကြားတော်မူချက်ကား သင့်မြတ်လှပါ၏။ ဘုရားသခင်သည် တစ်ဆူတည်းသော ဘုရားသခင်ဖြစ်တော်မူ၏။ ထိုဘုရားသခင်မှတစ်ပါး အခြားသောဘုရားမဟိပါ။ **33** ‘ဘုရားသခင်အား စိတ်နှလုံးအကြွင်းမဲ့၊ စိတ်ဝိညာဉ်အကြွင်းမဲ့၊ ကိုယ်စွမ်းဟိသမျှ၊ ဉာဏ်စွမ်းဟိသမျှနှင့် ချစ်ရမည်။ ကိုယ်နှင့်စပ်ဆိုင်သောသူကို ကိုယ်နှင့်အမျှ ချစ်ရမည်’ ဟူသော ပညတ်တော်ကို လိုက်နာခြင်းသည် ဘုရားသခင်အား ပူဇော်သော မီးယှိုရာယဇ်နှင့် အခြားယဇ်အပေါင်းတိထက် သာ၍ မြတ်ပါ၏” ဟု လျှောက်လေ၏။ **34** ထိုသူသည် ဤသို့အသိပညာနှင့် လျှောက်ထားသည်ကို ယေသျှုသည် သိမြင်လျှင် “သင်သည် ဘုရားသခင်၏ နိုင်ငံတော်နှင့်မဝီး”

ဟု မိန့်တော်မူ။ ထို့နောက် မည်သူမျှ ကိုယ်တော့်ကို ထပ်၍ မမိန်းလျှောက်ဝံ့ကြပေ။ 35 ယေသျှုသည် ဗိမာန်တော်၌ ဟောပြောသွန်သင်လျက် နိန့်တော်မူစဉ် “မေသျှိယကား ဒါရိဒ်၏မျိုးနွယ်မှ ဆင်းသက်လာလိမ့်မည်ဟု ကျမ်းတတ်ဆရာရိုက ဇာကြောင့် ပြောကြသနည်း။ 36 သန့်ယုင်းသောဝိညာဉ်တော်အားဖြင့် ဒါရိဒ် မြွက်ဆိုသည်ကား၊ “သင်၏ရန်သူတို့ကို သင်၏ဦးဝါးအောက်သို့ ငါ ရောက်စီမည်။ ယင်းသို့ မရောက်မီကာလတိုင်အောင် ငါ၏လက်ယာဖက်၌ ထိုင်နိန့်လော့’ ဟု ထာဝရဘုရားက ငါ၏အသျှင်အား မိန့်တော်မူ၏။ 37 ယင်းပိုင် ဒါရိဒ်ကိုယ်တိုင်က ‘အသျှင်’ လို့ခေါ်သည်ဖြစ်၍ မေသျှိယသည် ဇာပိုင် ဒါရိဒ်၏သား ဖြစ်မည်နည်း” ဟု မိန့်တော်မူ၏။ လူအပေါင်းရှိသည်လည်း ကိုယ်တော်၏ တရားဒေသနာတော်ကို ဝမ်းမြောက်စွာဖြင့် နာယူကြ၏။ 38 ထိုသို့ သွန်သင်လျက်နိန့်တော်မူစဉ် ကိုယ်တော်က “ကျမ်းတတ်ဆရာရိုကို သတိနှင့် ယောင်ကြလော့။ ယင်းသူရိုက ဝတ်ရုံရှည်တိုကို ဝတ်ပြီးလျှင် လမ်းလျှောက်တတ်ကြ၏။ ဈီးတိမှာ ရိုသီစွာ နှုတ်ဆက်သည်ကို ခံလိုကြ၏။ 39 တရားဇရပ်တိ၌လည်း သီးသန့်ထားသည့် နီရာများကိုလည်းကောင်း၊ ပွဲလမ်းသဘင်တိမှာ အကောင်းဆုံးသောနီရာထိုင်ခင်းများကိုလည်းကောင်း ကြိုက်နှစ်သက်ကြ၏။ 40 မုဆိုးမရို၏အိမ်တိုကို မတရားသိမ်းယူကာ လူတိရှိ၌ နားကြားကောင်းအောင် ရှည်လျားစွာ ဆုတောင်းခြင်းကို ပြုတတ်ကြ၏။ ထိုသူရှိသည် ပိုပြီး ကြီးလေးသော ပြစ်ဒဏ်ကို ခံရကြလိမ့်မည်” ဟု မိန့်တော်မူ၏။ 41 ယေသျှုသည် ဗိမာန်တော်၏ အလှူခံသေတ္တာအနားတွင် ထိုင်လျက်၊ သေတ္တာထဲသို့ ဖေသာဒဂါး ထည့်ဝင်လှူဒါန်းကြသည်ကို ကြည့်ရှုလျက် နိန့်တော်မူ၏။ ဖေသာဒဂါး ရတတ်သောသူရှိသည် များစွာ ထည့်ဝင်လှူဒါန်းကြ၏။ 42 ဆင်းရဲသော မုဆိုးမတစ်ယောက်သည် လာ၍ ကြီးဒဂါးနှစ်ပြားကို အလှူခံသေတ္တာထဲသို့ ထည့်၏။ 43 ထိုအခါ ကိုယ်တော်က တပည့်တော်ရိုကို ခေါ်၍ “ဤဆင်းရဲသော မုဆိုးမသည် ဗိမာန်တော်၏ အလှူခံသေတ္တာထဲတွင် ထည့်ဝင်လှူဒါန်းကြသော လူအပေါင်းရှိထက် သာ၍ လှူဒါန်းခယာ” ဟု သင်ရိုအား ငါအမှန် ဆို၏။ 44 အကြောင်းမူကား ထိုသူရိုက ပိုလျှံသော ဖေသာဒဂါးတို့ကိုသာ ထည့်လှူကြ၏။ သို့ရာတွင် ဤမုဆိုးမကား ဆင်းရဲလျက်နှင့်ပင် — မိမိ၏ဈေးနဲစာ ဟိသမျှကို ပီးလှူခ၏” ဟု မိန့်တော်မူ၏။

13 ယေသျှုသည် ဗိမာန်တော်မှ ထွက်ကြွတော်မူစဉ် တပည့်တော်တစ်ယောက်က “ဆရာ၊ ကြည့်ပါ။ ဧရာမကျောက်တုံးတို့နှင့် ခန်းနားထည်ဝါသော အဆောက်အဦးတိပါတကား” ဟု လျှောက်လျှင်၊ 2 ယေသျှုက “ဤအဆောက်အဦးကြီးတို့ကို သင်သည် အဂ္ဂ မြင်ရ၏။ ဤအဆောက်အဦးတိမှာ ကျောက်တုံးတို့ တစ်တုံးမျှမကျန် ဖြိုချခံရလိမ့်မည်” ဟု မိန့်တော်မူ၏။ 3 ယေသျှုသည် သံလွင်တောင်ထက်၌ ဗိမာန်တော်ဖက်သို့ မျက်နှာမူ၍ ထိုင်နိန့်တော်မူစဉ် ပေတရ၊ ယာကုပ်၊ ယောဟန်နှင့် အန္တရီရိုသည် ကိုယ်တော့်ထံသို့ သီးသန့်ချင်းကပ်ပြီးလျှင်၊ 4 “ကိုယ်တော် မိန့်တော်မူသောအရာတိကား ဇာကာလ၌ ဖြစ်ပျက်မည်နည်း။ ထိုအမှုအရာများ ဖြစ်ပျက်ချိန်၌ ဇာပိုင် နိမိတ်လက္ခဏာတိ ဖြစ်လာမည်ကို အကျွန်ုပ်ရိုအား မိန့်တော်မူပါ” ဟု လျှောက်ကြ၏။ 5 ယေသျှုက “သူတစ်ပါးလှည့်စားခြင်းကို သင်ရိုမခံရဖို့ သတိပြုကြလော့။ 6 လူအများက၊ ငါ၏အကွန်ကို ဆောင်ပြီး လာကြလိမ့်မည်။ ‘ငါကား၊ မေသျှိယ ဖြစ်၏’ ဟု ဆိုပြီးလျှင် လူတို့ကို လှည့်ဖြားကြလိမ့်မည်။ 7 သင်ရိုသည် အဝီး၊ အပါးမှ စစ်တိုက်သောသတင်းကိုလည်းကောင်း၊ စစ်တိုက်အံ့သော သတင်းကိုလည်းကောင်း ကြားသောအခါ မထိတ်လန့်ကတိကော့။ ထိုအမှုအရာတိကား ဖြစ်လာရမည်။ သို့သော်လည်း ကပ်ကမ္ဘာကုန်ဆုံးချိန်ကား မရောက်သိမ့်။ 8 လူမျိုးတစ်မျိုးနှင့်တစ်မျိုး၊ နိုင်ငံတစ်နိုင်ငံနှင့်တစ်နိုင်ငံ စစ်ဖြစ်လိမ့်မည်။ နီရာအနှံ့တွင် ငလျင်လှုပ်ခြင်း၊ ငတ်မွတ်ခေါင်းပါးခြင်း ဖြစ်လိမ့်မည်။ ထိုအမှုအရာတိကား ရောက်လာမည့် ဆင်းရဲဒုက္ခများ၏ ရှိပြီးဖြစ်၏။ 9 “သင်ရိုကို သင်ရို သတိနှင့်နိန့်ကြလော့။ လူတချို့က သင်ရိုကို တရားရုံးသို့ ပို့ဆောင်ကြလိမ့်မည်။ တရားဇရပ်များ၌ သင်ရိုကို ရိုက်နှက်ကြလိမ့်မည်။ သင်ရိုသည် ငါ့အတွက်ကြောင့် အာဏာပိုင်များနှင့် သျှင်ဘုရင်ရို၏ရှိမှောက်သို့ ရောက်ပြီးလျှင် သတင်းကောင်းဟောပြောရသော အခွင့်ကို ရကြလိမ့်မည်။ 10 သို့ရာတွင် ကပ်ကမ္ဘာကုန်ဆုံးချိန် မရောက်လာမီ သတင်းကောင်းကို လူမျိုးအပေါင်းရိုအား ဟောပြောရကြမည်။ 11 သင်ရိုကို ဖမ်း၍ တရားရုံးသို့ ပို့သောအခါ မည်သို့

ပြောဆိုရမည်ကို မစိုးရိမ်ကတ်ကော့။ ထိုခဏချင်းတွင် သင်ရိုး၏စိတ်ထဲ၌ ပေါ်လာသော စကားတိုကိုသာ ပြောလော့။ ယင်းစကားတိုကား သင်ရိုး၏စကား မဟုတ်၊ သန့်ယုင်းသောဝိညာဉ်တော်၏ စကားတိရာဖြစ်၏။ **12** ထိုကာလ၌ ညီအစ်ကိုချင်း တစ်ယောက်ကိုတစ်ယောက် သိစိခြင်းငှာ အပ်ကြလိမ့်မည်။ ဖခင်က သားကို အပ်သည်နည်းတူ သားသမီးတိကလည်း မိဘတို့ကို ရန်ပြုကာ သိစိကြလိမ့်မည်။ **13** ငါ့ကြောင့် သင်ရိုးကို လူတိုင်းက မုန်းကြလိမ့်မည်။ သို့ရာတွင် အဆုံးတိုင်အောင် တည်ကြည်သောသူသည် ကယ်တင်ခြင်းကို ခံရလိမ့်မည်ဟု မိန့်တော်မူ၏။ **14** “ဖျက်ဆီးတတ်သော ရွံစာရာကောင်းသောအရာသည် မဟိအပ်သောနီရာ၌ ဟိနိန်သည်ကို သင်ရိုးမြင်ရကြလိမ့်မည်။ ကျမ်းစာဖတ်သောသူကား ဤအချက်တို့ကို နားလည်လိမ့်မည်။ ယင်းပိုင် မြင်သည့်အခါ ယုဒပြည်၌ဟိသောလူတို့ တောင်ထက်သို့ မြီးကြလော့။ **15** ခေါင်မိုးထက်၌ ဟိသောသူတို့၊ အောက်သို့ဆင်းပြီးလျှင် တစ်စုံတစ်ခု ယူခြင်းငှာ အိမ်ထဲသို့ မဝင်စီကော့။ **16** လယ်၌ ဟိသောသူကိုလည်း မိမိ၏အဝတ်ကို ယူဖို့ အိမ်သို့ မပြန်စီကော့။ **17** ထိုနီရက်ကာလ၌ ပဋိသန္ဓေလွယ်သော မိန်းမနှင့် နို့စို့သူငယ်ဟိသော မိခင်ရှိသည်ကား ကကောင်းကို ခက်ခဲကြလိမ့်မည်။ **18** ယင်းအမှုအရာများသည် ဆောင်းရာသီတွင် မဖြစ်မည်အကြောင်း ဆုတောင်းကြလော့။ **19** အကြောင်းမူကား လောကကြီးကို ဘုရားသခင်ဖန်ဆင်းတော်မူသော ကမ္ဘာဦးအချိန်မှစ၍ အဂ္ဂ မျက်မှောက်ကာလထိတိုင်ယောင် လူရို့တိ မကြုံဖူး။ နောင်ကာလ၌လည်း ကြုံရလိမ့်မည် မဟုတ်သော ထိုဆင်းရဲဒုက္ခမျိုးသည် ယင်းနီရက်၌ ဖြစ်ပျက်လိမ့်မည်။ **20** သခင်ဘုရားသည် ယင်းနီရက်ကာလကို တိုတောင်းစီတော်မမူလျှင် ဇာသူမျှ ထိုဖိုးဒဏ်နှင့် ကင်းလွတ်နိုင်လိမ့်မည် မဟုတ်။ သို့သော်လည်း၊ ဘုရားသခင်သည် မိမိရွီးချယ်ထားသော လူတို့အဖို့ ယင်းနီရက်ကာလကို တိုတောင်းစီတော်မမူမည်။ **21** “ယင်းအချိန်ကာလ၌ တစ်စုံတစ်ယောက်သောသူက၊ ‘ကြည့်လော့၊ ဤအရပ်၌ မေသျှိယ ဟိ၏၊ ထိုအရပ်၌ မေသျှိယ ဟိ၏’ ဟု ပြောဆိုသော်လည်း — မယုံကြည်ကတ်ကော့။ **22** အကြောင်းမူကား၊ မေသျှိယ အကွန်ဆောင်နှင့် မိစ္ဆာပရောဖက်များသည် ပေါ်လာကြလိမ့်မည်။ သူရို့သည် ဖြစ်နိုင်လျှင် ဘုရားသခင် ရွီးချယ်ထားသော သူရို့ကိုပင် လှည့်စားနိုင်ခြင်းငှာ အံ့ဖွယ်သော အမှုအရာတို့နှင့် နိမိတ်လက္ခဏာတို့ကို ပြကြလိမ့်မည်။ **23** သင်ရိုး သတိနှင့် နီကြလော့။ ဤအမှုအရာအားလုံး မဖြစ်လာမီ သင်ရိုးအား ငါ ကြိုတင်ဖော် ပြထားယာ။ **24** “ထိုကာလ၌ ဆင်းရဲဒုက္ခရောက်လာပြီးနောက် နီသည် မှောင်မိုက်အတိ ဖြစ်ပြီးလျှင်၊ လသည်လည်း အလင်းရောင်ကို မပီ။ **25** ကြယ်တိလည်း ကောင်းကင်မှ ကြွီကျလိမ့်မည်။ ကောင်းကင်တန်းခိုးတိလည်း တုန်လှုပ်ကြလိမ့်မည်။ **26** ယင်းအခါ လူသားသည် ကြီးစွာသော ဘုန်းတန်ခိုးအာနုဘော်နှင့် မိုးတိမ်ထဲက ကြွလာသည်ကို မြင်ရကြလိမ့်မည်။ **27** ယင်းနောက် လူသားသည် မြကြီးတစ်ပြင်လုံး၌ မိမိရွီးချယ်ထားသော လူတို့ကို စုရုံးစီခြင်းငှာ ကောင်းကင်တမန်တို့ကို မြကြီးအရပ်လေးမျက်နှာသို့ စီရွတ်တော်မူလိမ့်မည်။ **28** “သဖန်းပင်ကိုကြည့်၍ ကာလအချိန်ကို သိမှတ်ကြလော့။ ယင်းအပင်၏ အခက်အလက်တိက ရွက်နုထွက်လာလျှင် နွီကာလ ရောက်လုနီးသည်ကို သင်ရိုးသိကြ၏။ **29** ယင်းနည်းတူ ဖော်ပြသော အမှုအရာများ ဖြစ်ပျက်နိုင်သည်ကို တို့မြင်ရသောခါ၊ လူသားသည် သင်ရိုး၏ အနီးအပါး၊ တန်းခါးဝနားသို့ ရောက်တော်မူသည်ကို သိမှတ်ကြလော့။ **30** ငါ အမှန်ဆိုသည်ကား၊ အဂ္ဂ အသက်ရှင်နိုင်သောလူတို့ မသီဆုံးမီ ဤအမှု အရာအားလုံးသည် ဖြစ်ပျက်ရလိမ့်မည်။ **31** ကောင်းကင်နှင့် မြကြီး မတည်သော်လည်း ငါ့စကားသည် တည်လိမ့်မည်။ **32** “သို့သော်၊ ယင်းအမှုအရာများ ဖြစ်ပျက်မည့် ကာလအချိန်ကိုကား — ခမည်းတော်မှတစ်ပါး ဇာသူမျှမသိ၊ ကောင်းကင်တမန်တိလည်း မသိ၊ သားတော်လည်းမသိ။ **33** ထိုကာလအချိန်သည် ဇာအချိန်ရောက်လာမည်ကို သင်ရိုး မသိကြသောကြောင့်၊ သတိဖြင့် စောင့်နိုင်ကြလော့။ **34** ဥပမာကား၊ လူတစ်ယောက်သည် မိမိအိမ်မှ အခြားသောအရပ်သို့ ခရီးလားသောအခါ မိမိအိမ်ကို အခိုင်းအစီရိုလက်သို့ အပ်ထားခ၏။ သူရို့အား၊ ကိုယ်စီလုပ်ဆောင်ရန် လုပ်ငန်းတာဝန်များကို ပီးအပ်ခပြီး၊ တန်းခါးစောင့်ကိုလည်း သတိနှင့်စောင့်နိုင်ဖို့ မှာထားခ၏။ **35** အိမ်သျှင်သည် ညဉ့်ဦးအချိန်၊ သန်းခေါင်အချိန်၊ ကြက်တွန်ချိန်၊ မိုးထဖက် အချိန်များတွင် — ဇာအချိန်၌ ပြန်လာမည်ကို သင်ရိုးမသိသောကြောင့် စောင့်နိုင်ကြလော့။ **36**

အိမ်သျှင်သည် ရုတ်တရက် ရောက်လာသောအခါ သင်ရဲ့ အိပ်ပျော်နိုင်သည်ကို မတို့စီခြင်းငှာ သတိဖြင့် စောင့်နိုင်ကြလော့။
37 သင်ရဲ့ သတိဖြင့် စောင့်နိုင်ကြလော့ဟု ငါ ဆိုသည်အတိုင်း ခပ်သိမ်းသော သူရဲကိုလည်း ငါ သတိပီး၏။ ယင်းကြောင့် သတိဖြင့် စောင့်နိုင်ကြလော့” ဟု မိန့်တော်မူ၏။

14 ပသခါပွဲနှင့် တဆီးမဲ့မုန့်ပွဲတော်မကျမီ နှစ်ရက်အလိုတွင် ကျမ်းတတ်ဆရာရှိနှင့် ယဇ်ပုရောဟိတ်အကြီးအကဲရှိသည် ယေသျှုအား တိတ်တဆိတ်ဖမ်းဆီးပြီး၊ သတ်ခြင်းငှာ နည်းလမ်းရှာကြ၏။ 2 ထိုသူရှိသည် ပွဲတော်ကာလအတွင်း၌ ဖမ်းဆီးလျှင် လူရိုသည့် ရုန်းရင်းဆန်ခတ်ဖြစ်မည်ကို စိုးရိမ်သောကြောင့် “မဖမ်းကေသိမ့်” ဟု ဆိုကြ၏။ 3 ယေသျှုသည် ဗေသနီရွာ၌ အရိပ်ရောက် ခံစားခယူသော သျှိုမုန့်၏အိမ်၌ အစားအစာသုံးဆောင်နိုင်တော်မူစဉ်၊ မိန်းမတစ်ယောက်သည် အလွန်အမိုးထိုက်သော နာဒုဆီဗီးအစစ်နှင့်ပြည့်သော ကျောက်ဖြူဘူးကို ခွဲ၍ ယေသျှု၏ဂေါင်းထက်မှာ သွန်းလောင်းလေ၏။ 4 လူတချို့က မာန်ပါ၍ “ဇာကြောင့် ဆီဗီးကို ဤပိုင်အကျိုးမဟီ ဖြန်းတီးရသနည်း။ 5 ယင်းဆီဗီးအား ဇီဒါးအပြား ၃၀၀ ကျော်ဖြင့် ရောင်းပြီးလျှင် ဆင်းရဲသောလူတို့ကို ပီးသင့်၏” ဟု အချင်းချင်း ပြောဆို၍ ထိုမိန်းမကို အပြစ်တင်ကြ၏။ 6 သို့ရာတွင် ယေသျှုက “ထိုမိန်းမကို ထားလိုက်။ ယင်းမိန်းမကို ဇာကြောင့် နောက်ယှက်ကြသနည်း။ ငါ၌ သူမ ပြုသောအမှုကား လျောက်ပတ်သောအရာနှင့် ကောင်းသောအမှုအရာဖြစ်၏။ 7 ဆင်းရဲသောလူတို့ကား သင်ရဲ့နှင့် အမြဲဟိနိုင်ကြ၏။ သင်ရဲ့ အလိုဟိသည့်အခါ၌ သူရဲကို ကူညီနိုင်၏။ ငါမူကား သင်ရဲ့နှင့် အမြဲဟိမိန့်။ 8 ဤမိန်းမသည် သူမ တတ်နိုင်သမျှနှင့် ငါ့ကို ပြုစုလီယာ။ ငါ၏ရုပ်ခန္ဓာကို သင်္ဂြိုဟ်ခြင်းငှာ ဆီဗီးနှင့် ကြိုတင်လိမ်းကျန်လီယာ။ 9 သင်ရဲ့အား ငါ အမှန်ဆိုသည်ကား သတင်းကောင်းတရားကို ဟောပြောဝိဇ္ဇာသော လောကတစ်ခုလုံး၌ ဤမိန်းမအား အောက်မီသတိရစီခြင်းငှာ သူမ ပြုသောကောင်းမှုကို ပြောကြားကြလိမ့်မည်” ဟု မိန့်တော်မူ၏။ 10 ထို့နောက် တပည့်တော်တစ်ဆယ့်နှစ်ပါး အပါအဝင်ဖြစ်သော ယုဒသူကာရုတ်သည် ယေသျှုအား ယဇ်ပုရောဟိတ်အကြီးအကဲရှိ၏လက်သို့ အပ်ခြင်းငှာ လားလေ၏။ 11 ထိုသူရှိသည် ယုဒ လာကြောင်းကို ကြားသိလျှင် ဝမ်းမြောက်ကြသဖြင့် သူ့အား ဖေသာပီးခြင်းငှာ ကတိကဝတ် ပြုကြ၏။ ထို့ကြောင့် ယုဒသည် ကိုယ်တော်ကို ရန်သူလက်သို့ အပ်ခြင်းငှာ အခါအခွင့်ကောင်းကို ရှာကြလျက် နိန့်၏။ 12 ပသခါသိုးသူငယ်ကို သတ်ပြီး၊ ပူဇော်ရသောနို့တည်းဟူသော တဆီးမဲ့မုန့်ပွဲတော် ပထမနိဉ် တပည့်တော်တို့က “ကိုယ်တော်အဖို့၊ ပသခါညစာပွဲကို အကျွန်ုပ်ရိုသည့် ဇာအရပ်သို့ လားပြီးလျှင် ပျင်ဆင်ရပါမည်နည်း” ဟု ကိုယ်တော်ကို မိန်းလျှောက်တော်မူလျှင်၊ 13 ကိုယ်တော်သည် တပည့်တော်နှစ်ယောက်အား “သင်ရဲ့ မြို့ထဲသို့ လား၍ ခိုအိုးထမ်းလာသောသူကို တွေ့လိမ့်မည်။ ထိုသူ့နောက်သို့ လိုက်လား၍၊ 14 ထိုသူ ဝင်သောအိမ်သို့ ဝင်ပြီးလျှင် အိမ်သျှင်အား ‘ငါနှင့် ငါ၏တပည့်တော်ရိုသည့် ပသခါညစာ စားပွဲကို စားမည့် အခန်းကား၊ ဇာမှာနည်း’ ဟု ဆရာက မိန်းကြောင်းကို ပြောကြလော့။ 15 ထိုအခါ ထိုသူက အထက်ဆုံးအထပ်၌ဟိသော အသင့်ပျင်ဆင် ခင်းကျင်းထားသောအခန်းကို ပြုလိမ့်မည်။ ထိုအခန်း၌ ငါရို့အဖို့ ညစာကို ပျင်ကြလော့” ဟု မိန့်မှာ၍ စီစဉ်တော်မူ၏။ 16 ထိုတပည့်တော် နှစ်ယောက်ရိုသည့် ထွက်လား၍၊ မြို့ထဲသို့ ရောက်သောအခါ ကိုယ်တော်မိန့်မှာသည်အတိုင်း တွေ့၍ ပသခါညစာကို အသင့်ပျင်ကြ၏။ 17 ညချမ်းအချိန်ရောက်လျှင် ယေသျှုသည် တပည့်တော် တစ်ဆယ့်နှစ်ပါးရှိနှင့်အတူ ကြွလာတော်မူ၏။ 18 ကိုယ်တော်နှင့် တပည့်တော်ရိုသည့် စားပွဲ၌ စားသောက်နိုင်စဉ် ယေသျှုက “သင်ရဲ့ကို ငါ အမှန်ဆိုသည်ကား သင်ရဲ့အထဲ၌ — ငါနှင့်အတူ စားသောသူတစ်ယောက်သည် — ငါ့ကို သစ္စာဖောက်လိမ့်မည်” ဟု မိန့်တော်မူ၏။ 19 တပည့်တော်တို့ကလည်း စိတ်မကောင်းဖြစ်ကြပြီးလျှင် “ထိုသူကား အကျွန်လော” ဟု ကိုယ်တော်ကို တစ်ယောက်ပြီးတစ်ယောက် မိန်းလျှောက်ကြ၏။ 20 ယေသျှုကလည်း “ထိုသူကား တစ်ကျိပ်နှစ်ပါးရို့တွင် တစ်ယောက် အပါအဝင်ဖြစ်၏။ ထိုသူကား ငါနှင့်အတူ လောင်ပွန်း၌ လက်နှိုက်သောသူဖြစ်၏။ 21 ကျမ်းစာလာသည်အတိုင်း၊ လူသားသည် အသိခံရမည်။ သို့ရာတွင် လူသားကို ရန်သူလက်ထဲသို့ အပ်သောသူကား အမင်္ဂလာဟိ၏။ ထိုသူသည် မွီးဖွားခြင်းကို မခံရလျှင်၊

သူ့အတွက် ပိုပြီး ကောင်းသိမ့်၏” ဟု မိန့်တော်မူ၏။ 22 ကိုယ်တော်နှင့် တပည့်တော်ရှိသည် ညစာစားပွဲကို သုံးဆောင်လျက် နီကြစဉ်၊ ကိုယ်တော်သည် မုန့်ကိုယူ၍ ဘုရားသခင်၏ကျေးဇူးတော်ကို ချီးမွမ်းလေ၏။ ထို့နောက် မုန့်ကို ဖွဲ့၍ “ဤမုန့်ကား ငါ၏ကိုယ်ခန္ဓာဖြစ်၏။ ယူပြီးလျှင် စားကြလော့” ဟု မိန့်တော်မူပြီး တပည့်တော်ရှိအား ပီးတော်မူ၏။ 23 ထို့နောက် စပျစ်ရည်ခွက်ကို ယူ၍ ဘုရားသခင်၏ ကျေးဇူးတော်ကို ချီးမွမ်းပြီးမှ တပည့်တော်ရှိအား ပီးတော်မူလျှင် သူရှိအားလုံးသည်လည်း သောက်ကြ၏။ 24 ယေသျှုကလည်း “ဤစပျစ်ရည်ကား လူတိအဖို့ သွန်းသော ဘုရားသခင်၏ပဋိညာဉ်တော်ကို တံဆိပ်ခတ်နှိပ်ထားသော ငါ၏အသွီးပင် ဖြစ်၏။ 25 သင်ရှိအား ငါ အမှန်ဆိုသည်ကား ဘုရားသခင်၏နိုင်ငံတော်၌ အသစ်သောစပျစ်ရည်ကို သောက်ရသည့်နှိမ့်တိုင်မီ ငါသည် ဤစပျစ်ရည်ကို နောက်တဖန် မသောက်” ဟု တပည့်တော်ရှိအား မိန့်တော်မူ၏။ 26 ထို့နောက်တွင် ကိုယ်တော်နှင့် တပည့်တော်ရှိသည် မဗ္ဗတေးခြင်းကို ဆိုလျက် သံလွင်တောင်သို့ ထွက်လားကြ၏။ 27 ယေသျှုက တပည့်တော်ရှိအား၊ “ကျမ်းစာတော်မြတ်၌ ‘ငါသည် သိုးထိန်းကို ရိုက်သတ်သဖြင့် သိုးများသည် ကစဉ့်ကလျား ဖြစ်ကြလိမ့်မည်’ ဟု လာသည်နှင့်အညီ သင်ရှိသည် ငါ့ကို စွန့်ပစ်ပြီး၊ ထွက်ပြီးလားကြလိမ့်မည်။ 28 သို့သော်လည်း၊ ငါသည် သီခြင်းမှ ထမြောက်ပြီးနောက် ဂါလိလဲပြည်သို့ သင်ရို့ထက် အယင်လားနှင့်မည်” ဟု မိန့်တော်မူ၏။ 29 ပေတရုကလည်း “တခြားလူရှိသည် ကိုယ်တော့်ကို စွန့်ပစ်ကြသော်လည်း၊ အကျွန် မစွန့်ပါ” ဟု လျှောက်လျှင်၊ 30 ယေသျှုက “သင့်ကို ငါ အမှန်ပြောမည်။ ဤနို့ညဉ့်၌ပင် ကြက်နှစ်ကြိမ်မတွန်မီ သင်သည် ငါ့ကို မသိဟု သုံးကြိမ်တိုင်တိုင် ငြင်းဆိုလိမ့်မည်” ဟု ပေတရုအား မိန့်တော်မူ၏။ 31 ပေတရုကလည်း “အကျွန်ကား ကိုယ်တော်နှင့်အတူ သီရသော်လည်း ကိုယ်တော့်ကို မသိဟု မငြင်းပါ” ဟူ၍ တည်ကြည်စွာ လျှောက်ထား၏။ အခြားသောတပည့်တော်ရှိသည်လည်း ထိုနည်းတူ လျှောက်ထားကြ၏။ 32 ထို့နောက် ယေသျှုနှင့် တပည့်တော်ရှိသည် ဂေသယောမန်ဟု တွင်သောအရပ်သို့ ရောက်ကြ၏။ ကိုယ်တော်က “ငါ ဆုတောင်းနိမ့်စဉ် သင်ရှိသည် ဤနီရာ၌ ထိုင်နိမ့်ကြလော့” ဟု တပည့်တော်ရှိအား မိန့်တော်မူပြီးလျှင်၊ 33 ပေတရု၊ ယာကုပ်နှင့် ယောဟန်ရိုကို မိမိနှင့်အတူ ခေါ်လားတော်မူ၏။ ထိုအခါ ကိုယ်တော်သည် စိတ်ဆင်းရဲခြင်းနှင့် ပူပန်ခြင်းသို့ ရောက်တော်မူသဖြင့်၊ 34 “ငါသည် သီမတတ် စိတ်နှလုံး ညှိုးငယ်ရ၏။ ဤအရပ်မှ သတိဖြင့် စောင့်နိမ့်ကြလော့” ဟု တပည့်တော်သုံးယောက်အား မိန့်တော်မူ၏။ 35 ထို့နောက် ကိုယ်တော်သည် ရှိသို့ အနည်းငယ် ကြွတော်မူ၍ မြိတ်၌ ပျပ်ဝပ်တော်မူပြီးလျှင်၊ 36 “ဖခမည်းတော်၊ ကိုယ်တော်သည် ခမ်းသိမ်းသောအမှုအရာတို့ကို တတ်နိုင်တော်မူပါ၏။ ယင်းကြောင့် ဤဒုက္ခဝေဒနာခွက်ကို အကျွန်ပါးက လွှဲဖယ်ပီးတော်မူပါ။ သို့သော် အကျွန်၏ အလိုဆန္ဒအတိုင်း မဟုတ်ဘဲ၊ ကိုယ်တော်၏ အလိုတော်အတိုင်းသာ ဖြစ်စေတော်မူပါ” ဟု ဆိုလျက် မိမိခံရမည့် ဝေဒနာကို ဖြစ်နိုင်တော်မူလျှင် လွှဲဖယ်ပီးတော်မူခြင်းငှာ ဆုတောင်းတော်မူ၏။ 37 ထို့နောက် ကိုယ်တော်သည် တပည့်တော်သုံးယောက် ပါးသို့ ပြန်လာတော်မူရာတွင် သူရှိသည် အိပ်ပျော်နိမ့်ကြသည်ကို တွိတော်မူ၍ “သျှိုမုန့်၊ သင်သည် အိပ်ပျော်နိမ့်သလော။ မအိပ်ဘဲနှင့် တစ်နာရီလောက်တောင် စောင့်၍ မနိမ့်နိုင်သလော” ဟု ပေတရုအား မိန့်တော်မူ၏။ 38 ထို့နောက် ကိုယ်တော်က “သင်ရှိသည် စုံစမ်းသွီးဆောင်ရာသို့ မလိုက်မပါစီရန် ဆုတောင်း၍ စောင့်နိမ့်ကြလော့။ စိတ်ဝိညာဉ်ကား စေတနာဟိသော်လည်း၊ ကိုယ်မူကား အားနည်း၏” ဟု သူရှိအား မိန့်တော်မူ၏။ 39 ကိုယ်တော်သည် တဖန် ကြွတော်မူ၍ အယင်နည်းတူ ဆုတောင်းတော်မူ၏။ 40 ယင်းနောက် တပည့်တော်သုံးယောက်ပါးသို့ ကြွလာတော်မူသောအခါ သူရှိသည် မျက်စိလီးလံသဖြင့် တဖန် အိပ်ပျော်နိမ့်ကြသည်ကို တွိမြင်တော်မူ၏။ သူရှိသည် ကိုယ်တော့်ကို မည်သို့ လျှောက်ထားရမည်ကို မသိကြ။ 41 ကိုယ်တော်သည် သူရှိထံပါးသို့ တတိယအကြိမ် ကြွလာပြီးလျှင် “သင်ရို့ အဂုထိတိုင် အိပ်ပျော်နိမ့်တုန်း၊ နားနိမ့်တုန်းလော့။ ကောင်းယာ။ ထကြလော့။ လူသားကို ဆိုးသောသူရှိ၏ လက်ထဲသို့ အပ်နှံမည့်အချိန် အဂုရောက်လာယာ။ 42 ထကြ။ ငါရို့ လားကတ်မေ။ ငါ့ကို ရန်သူ၏လက်သို့ အပ်မည့်သူသည် ရောက်လာဗျာယ်” ဟု မိန့်တော်မူ၏။ 43 ယေသျှုသည် ထိုသို့ မိန့်တော်မူစဉ်တွင် တစ်ကျိပ်နှစ်ပါးအဝင်ဖြစ်သော ယုဒနှင့်အတူ လူရှိသည်

တုတ်၊ ဓားကို ကိုင်ဆောင်၍ ရောက်လာကြ၏။ ထိုသူရို့သည် ယဇ်ပုရောဟိတ်အကြီးအကဲတို့၊ ကျမ်းတတ်ဆရာတို့နှင့် ဘာသာရေးခေါင်းဆောင်တို့က စီစဉ်သောကြောင့် ရောက်လာကြခြင်းဖြစ်၏။ 44 ယုဒကလည်း “ငါ နမ်းသောသူကား ယေသျှုပင်ဖြစ်၏။ ယင်းသူကို ဖမ်းဆီးပြီးလျှင် အစောင့်တို့နှင့် ခေါ်လားကြ” ဟု သူရို့အား အမှတ်ပီးထားခ၏။ 45 ယုဒသည် ရောက်လာလျှင် ချက်ချင်းပင် ယေသျှု အပါးသို့ ကပ်၍ “ဆရာ” ဟု ဆိုလျက် ကိုယ်တော့်ကို နမ်းလေ၏။ 46 ထို့နောက် လူတို့က ယေသျှုကို ဖမ်းဆီးချုပ်ကိုင် ထားကြ၏။ 47 ထိုအခါ အနား၌ ရပ်နိန့်သော သူတစ်ယောက်သည် ဓားကို ဆွဲထုတ်၍ ယဇ်ပုရောဟိတ်မင်း၏ အခိုင်းအစီတစ်ယောက်ကို ခွတ်လိုက်ရာ၊ ထိုသူသည် နားရွက်ပြတ်လေ၏။ 48 ယေသျှုက “သင်ရိုသည်း၊ ဒါးပြတစ်ယောက်ကို ဖမ်းသည့်နည်းတူ ငါ့ကို ဖမ်းဖို့ တုတ်၊ ဒါးတို့နှင့် လာကြသလော။ 49 ငါသည် နို့စဉ်နို့တိုင်း ဗိမာန်တော်ထဲ၌ ဟောပြောသွန်သင်လျက် သင်ရို့နှင့်အတူ ဟိနိန်သောအခါ သင်ရို့သည် ငါ့ကို မဖမ်းကတ်။ သို့သော်၊ ကျမ်းစာလာသည်အတိုင်း ဖြစ်ရမည်” ဟု ထိုသူရို့အား မိန့်တော်မူ၏။ 50 ထိုအခါ တပည့်တော်ရို့သည် ကိုယ်တော့်ကို စွန့်၍ ထွက်ပြီးကြ၏။ 51 ပိတ်စလွှာတစ်ခုကိုဝတ်ထားသော လူငယ်တစ်ယောက်သည် ကိုယ်တော်၏ နောက်မှ လိုက်လာ၏။ လူအချို့က ထိုသူကို ဖမ်းဆီးခြင်းငှာ ပြသောအခါ 52 ထိုသူသည် ပိတ်စလွှာကို စွန့်ပစ်၍ အဝတ်မပါဘဲ ထွက်ပြီးလေ၏။ 53 ထိုသူရို့သည် ယေသျှုအား ယဇ်ပုရောဟိတ်မင်းထံသို့ ခေါ်ဆောင်လားကြ၏။ ထိုနီရာ၌ ယဇ်ပုရောဟိတ်အကြီးအကဲရို့၊ လူအကြီးအကဲရို့နှင့် ကျမ်းတတ်ဆရာရို့သည် စုရုံးလျက် ဟိနိန်ကြ၏။ 54 ပေတရုသည် ယဇ်ပုရောဟိတ်မင်း၏ ကျောင်းတော်ဝင်းအတွင်းထိတိုင် ကိုယ်တော်နှင့် မနီးမဝီးမှ လိုက်လာပြီးလျှင်၊ ယဇ်ပုရောဟိတ်မင်း၏ ကိုယ်ရံတော်တပ်သားတို့နှင့်အတူ မီးလှံ၍ နိန့်၏။ 55 ယဇ်ပုရောဟိတ်အကြီးအကဲရို့နှင့်တကွ ယုဒတရားလွှတ်တော် အဖွဲ့ဝင်အပေါင်းရို့သည် ယေသျှုအား သီဒဏ်ပီးနိုင်ခြင်းငှာ သက်သီအထောက်အထားများကို ရှာကြသော်လည်း မတို့နိုင်ကြ။ 56 လူရို့သည် မမှန်သောသက်သီများကို ပြကြ၏။ သို့သော် သူရို့၏ ထွက်ဆိုချက်များသည် ကိုက်ညီမှုမဟုတ်ပေ။ 57 ထို့နောက် လူတချို့သည် ထ၍ မမှန်သောသက်သီဖြင့် ယေသျှုတစ်ဖက်၌ ပြောကြသည်မှာ၊ 58 “ဤသူကား၊ လူလက်ဖြင့် ဆောက်လုပ်ထားသော ဤဗိမာန်တော်ကို ငါ ဖြိုဖျက်ပြီးလျှင် လူလက်ဖြင့် မဆောက်ရသော ဗိမာန်တော်ကို သုံးရက်အတွင်း ငါ တည်ဆောက်မည်ဟု ပြောသည်ကို အကျွန်ရို့ကိုယ်တိုင် ကြားပါ၏” ဟု မမှန်သော သက်သီကို ထွက်ဆိုကြ၏။ 59 သို့ရာတွင် သူရို့၏ ထွက်ဆိုချက်များသည် အချင်းချင်းပင်လျှင် မကိုက်ညီကြပေ။ 60 ယဇ်ပုရောဟိတ်မင်းသည် လူရို့၌ ရပ်ပြီးလျှင် ယေသျှုအား “ယင်းသူရို့က သင့်အား စွပ်စွဲပြောဆိုနိန့်ကြသည်ကို သင်သည် ပြန်ပြောဖို့ ဇာတစ်ခုမျှ မဟိသလော” ဟု မိန့်၏။ 61 သို့သော် ကိုယ်တော်က ဇာတစ်ခုနဲ့မျှ မဖြောင့်တိန်းနိန့်တော်မူ၏။ တဖန် ယဇ်ပုရောဟိတ်မင်းက ကိုယ်တော့်ကို “သင်ကား မင်္ဂလာဟိတော်မူသော ဘုရားသခင်၏ သားတော် မေသျှိုယလော” ဟု မိန့်၏။ 62 ယေသျှု ကလည်း “မှန်ပေ၏။ သင် ပြောသည့်အတိုင်း ငါ ဖြစ်၏။ လူသားသည် အနန္တတန်ခိုးသျှင်၏ လက်ယာဖက်၌ ထိုင်လျက်၊ မိုးတိမ်ကို စီးလျက် ကြွလာသည်ကို သင်ရို့သည် မြင်ရကြလိမ့်မည်” ဟု မိန့်တော်မူ၏။ 63 ထိုအခါ ယဇ်ပုရောဟိတ်မင်းသည် မိမိအဝတ်ကို ဆွဲဖြဲ၍ “ငါရို့ ဇာသက်သီကို လိုသိမ့်သနည်း။ 64 ဤသူသည် ဘုရားသခင်အား ပြစ်မှားပြောဆိုသည်ကို သင်ရို့ ကြားရကြဗျာယ်။ သင်ရို့ ဇာပိုင် စီရင်ချက် ချမှတ်မည်နည်း” ဟု ဆို၏။ ထိုအခါ သူရို့သည် ယေသျှုအား သီဒဏ်ပီးရန် သဘောတူကြ၏။ 65 လူတချို့က ယေသျှုကို တန်းထိုးနှင့်ထိုးကြ၏။ မျက်နှာတော်ကို ဖုံးအုပ်ပြီးလျှင် ရိုက်နှက်ကြ၏။ “သင့်အား ဇာသူ ရိုက်နှက်သည်ကို ဟောပြောပါ” ဟု ပြောဆိုကြ၏။ ထို့နောက် ယဇ်ပုရောဟိတ်မင်း၏ ကိုယ်ရံတော်တပ်သားရို့သည် ကိုယ်တော့်ကို ခေါ်ဆောင်လားကြ၏။ သူရို့သည် ကိုယ်တော်၏ ပါးကိုလည်း သတ်ကြ၏။ 66 ပေတရုသည် ကျောင်းတော်ဝင်းအတွင်း၌ ဟိနိန်စဉ် ယဇ်ပုရောဟိတ်မင်း၏ အစီမိန့်မသျှေ တစ်ယောက်သည် ရောက်လာ၍၊ 67 ပေတရု မီးလှံနိန့်သည်ကို မြင်သောအခါ သူ့ကို စိစိုက်ညှဉ်လျက် “သင်သည်လည်း နာဇရက်မြို့သား ယေသျှု၏ အပေါင်းအပါ ဖြစ်၏” ဟု ဆိုလျှင်၊ 68 ပေတရုက “သင် ပြောနိန့်စွာကို ငါ မသိ၊ ငါ နားမလည်” ဟု ငြင်းဆိုပြီးလျှင် ခြံဝင်း၏ ဝင်ပေါက်သို့ လားလေ၏။ ထိုအချိန်၌

ကြက်တစ်ကြိမ် တွန်လေ၏။ 69 အစီခံမိန်းမသွေသည် ပေတရုကို တဖန် မြင်ပြန်လျှင် အနား၌ ရပ်နိန်ကြသောသူရိအား “ဤသူကား ထိုသူရိနှင့် အပေါင်းအပါဖြစ်၏” ဟု ဆိုပြန်၏။ 70 ပေတရုကလည်း မဟုတ်ကြောင်းကို ငြင်းဆိုပြန်၏။ ထို့နောက် အနား၌ ရပ်နိန်သောသူရိက “သင်သည် ဂါလိလဲပြည်သားဖြစ်၍ သူရိနှင့် အပေါင်းအပါ အမှန်ပင်ဖြစ်မည်” ဟု ပေတရုအား ဆိုကြ၏။ 71 ပေတရုကလည်း “သင်ရိုပြောသောသူကို ငါ အမှန်မသိကြောင်းကို ငါကျိန်ဆို၏။ ငါ ပြောသောအရာ မမှန်လျှင် ဘုရားသခင်သည် ငါ့အား ဒဏ်ခတ်ပါစီ” ဟု ပြောလေ၏။ 72 ထိုသို့ ပြောဆိုပြီးခဏချင်းတွင် ဒုတိယအကြိမ် ကြက်တွန်လေ၏။ ထိုအခါ “ကြက်နှစ်ကြိမ်မတွန်ခင် သင်သည် ငါ့ကို မသိဟူ၍ သုံးကြိမ်တိုင်တိုင် ငြင်းလိမ့်မည်” ဟု ယေသု၊ မိန့်တော်မူခသောစကားကို ပြန်သတိရသဖြင့် ပေတရုသည် ပြင်းစွာ ငိုကြွေးလေ၏။

15 မိုးထစောစော၌ ယဇ်ပုရောဟိတ်အကြီးအကဲသည် ကျမ်းပြုဆရာတို့၊ လူအကြီးအကဲတို့၊ ယုဒတရားလွှတ်တော် အဖွဲ့ဝင်တို့နှင့် အလျင်အမြန် တို့ဆုံကာ စည်းဝေးတိုင်ပင်ကြ၏။ ထို့နောက် ယေသုအား ကြိုးဖြင့်တုပ်ပြီးလျှင် ပိလတ်မင်းထံသို့ ပို့ဆောင်၍ အပ်လိုက်ကြ၏။ 2 ပိလတ်မင်းက “သင်သည် ယုဒသျှင်ဘုရင်ဆိုသည်မှာ မှန်သလော” ဟု ကိုယ်တော်ကို မိန်းလေ၏။ ယေသုက “မင်းကြီးပြောသည့်အတိုင်း အမှန်ပင်ဖြစ်၏” ဟု မိန့်တော်မူ၏။ 3 ယဇ်ပုရောဟိတ်အကြီးအကဲရိုသည် ယေသုကို အမျိုးမျိုး ပြစ်တင်စွပ်စွဲကြ၏။ 4 ထို့ကြောင့် ပိလတ်မင်းသည် ကိုယ်တော်ကို “သင်သည် တစ်ခွန်းမျှမဖြောင့် နိန်ပါသည်တကား။ သင့်ကို ဇာလောက် အပြစ်တင်စွပ်စွဲ နိန်ကြသည်ကို ကြည့်ပါ” ဟု ဆို၏။ 5 ယေသုသည် စကားတစ်ခွန်းကိုမျှ ပြန်၍ ဖြေတော်မမူသဖြင့် ပိလတ်မင်းသည် အံ့ဩလေ၏။ 6 ပိလတ်မင်းသည် ပသခါပွဲအချိန်ကျတိုင်း လူရိုတောင်းဆိုသော ထောင်သားတစ်ယောက်ကို လွတ်ငြိမ်းခွင့် ပီးလေ့ရှိ၏။ 7 ထိုအချိန်တွင် ဗာရဗဗ္ဗအမည်ဟိသော သူတစ်ယောက်သည် ဆူပူအုံကြွမှု၌ ပုန်ကန်မှု နှင့် လူသတ်မှုဖြင့် အခြားသောပုန်ကန်သူများနှင့်အတူ ထောင်ကျလျက် ဟိ၏။ 8 လူအပေါင်းရိုသည် ပွဲတော်အချိန်အခါ၌ ပြုလေ့ဟိသည့်အတိုင်း ပြုစီခြင်းငှာ ပိလတ်မင်းထံ စုရုံးပြီး တောင်းဆိုကြ၏။ 9 ထိုအခါ ပိလတ်မင်းက “သင်ရို ယုဒသျှင်ဘုရင်ကို လွတ်စီချင်သလော” ဟု မိန်း၏။ 10 ထိုသို့ မိန်းရသည့်အကြောင်းမှာ ယဇ်ပုရောဟိတ်အကြီးအကဲရိုသည် ယေသုအား မနာလိုသောစိတ်နှင့် မိမိထံသို့ အပ်နှံကြကြောင်းကို သိသောကြောင့်ဖြစ်၏။ 11 သို့ရာတွင် ယဇ်ပုရောဟိတ်အကြီးအကဲရိုက ယေသုကို မလွတ်စီဘဲ၊ ဗာရဗဗ္ဗကိုသာ လွတ်စီခြင်းငှာ ပိလတ်မင်းအား တောင်းဆိုကြရန် လူစုလူဝေးကို ပို၍လှုံ့ဆော်ကြ၏။ 12 တဖန် ပိလတ်မင်းက “သင်ရို ‘ယုဒသျှင်ဘုရင်’ ဟု ခေါ်သောသူကို ဇာပိုင်လုပ်ရမည်နည်း” ဟု ပြန်၍မိန်းလျှင်၊ 13 လူအုပ်ကြီးက “ယင်းသူကို လက်ဝါးကပ်တိုင်ထက်မှာ တင်၍ထားပါ” ဟု အော်ကြ၏။ 14 ပိလတ်မင်းကလည်း “ဤသူ ဇာအပြစ်ကို လုပ်ထားသနည်း” ဟု မိန်းတော်မူလျှင်၊ ထိုသူအပေါင်းရိုသည် “ယင်းသူကို လက်ဝါးကပ်တိုင်ထက်မှာ တင်ထားပါ” ဟု ပို၍ အော်ဟစ်ကြ၏။ 15 ပိလတ်မင်းသည်လည်း လူအပေါင်းရို၏စိတ်ကို ကြေနပ်စီလို၍ သူရိအဖို့ ဗာရဗဗ္ဗကို လွတ်စီပြီးလျှင် ယေသုကိုမူ ကြာပွတ်ဖြင့် ရိုက်စီပြီး လက်ဝါးကပ်တိုင်ထက်၌ သတ်ခြင်းငှာ အပ်လိုက်လေ၏။ 16 ထိုအခါ စစ်သားရိုသည် ယေသုအား အိမ်ဝင်းအတွင်းသို့ ခေါ်ဆောင်လားပြီးလျှင် စစ်သားတို့ကို စုရုံးစီပြီးမှ၊ 17 ကိုယ်တော်ကို နီမောင်းသောအဝတ်ကို ဝတ်စီပြီးလျှင် ဆူးဖြင့် ရက်သောသရဖူကို ဆောင်းစီ၏။ 18 ထို့နောက် “ယုဒသျှင်ဘုရင် အသက်တော်ရှည်ပါစီ” ဟု ပျက်ရယ်ပြုလျက်၊ အရိုအညွတ် ပြုကြ၏။ 19 ဦးဂေါင်းတော်ကို ကျူလုံးနှင့် ရိုက်ပုတ်ပြီးလျှင်၊ တန်းထွီးဖြင့် ထွီးကာ ရှိတော်၌ ဒူးထောက်လျက် ဦးညွတ်ရိုခိုးကြ၏။ 20 ထိုသို့ သရော်ကြပြီးလျှင် နီမောင်းသောအဝတ်ကို ချွတ်၍၊ ကိုယ်တော်၏အဝတ်ကို ပြန်၍ ဝတ်စီပြီး၊ လက်ဝါးကပ်တိုင်ထက်၌ သတ်ခြင်းငှာ ထုတ်လားကြ၏။ 21 ထိုအချိန်၌ အာလေဇန္ဒြနှင့် ရုဖုရို၏အဖ သျှိုမုန်အမည်ဟိသော ကုရေနေပြည်သား တစ်ယောက်သည် တောရွာမှ မြို့သို့လာ၏။ စစ်သားရိုကလည်း ထိုသူအား အတင်းခေါ်၍ ယေသုထမ်းသော လက်ဝါးကပ်တိုင်ကို ထမ်းစီကြ၏။ 22 ထို့နောက် ယေသုကို ဦးဂေါင်းခွံအရပ်ဟု ခေါ်တွင်သော ဂေါလဂေါသအရပ်သို့ ခေါ်ဆောင်လားကြ၏။ 23 သူရိုသည် မုရန်နှင့် ရောစပ်ထားသော စပျစ်ရည်ကို

ကိုယ်တော်ကို သောက်စီခြင်းငှာ တိုက်ကြ၏။ သို့ရာတွင် ကိုယ်တော်သည် သောက်တော်မမူ။ 24 ထို့နောက် သူရိသည် ကိုယ်တော်ကို လက်ဝါးကပ်တိုင်ထက်၌ ရိုက်ထားကြ၏။ အဝတ်တော်ကိုကား မဲနွှဲ၍ ခွဲဝီယူကြ၏။ 25 ကိုယ်တော်ကို လက်ဝါးကပ်တိုင်ထက်တွင် ရိုက်ထားသောအချိန်ကား မိုးထဖက် ကိုးနာရီအချိန်၌ ဖြစ်၏။ 26 အပြစ်ဖော်ပြသော ကမ္ပည်းလိပ်စာဟူမူကား “ယုဒသျှင်ဘုရင်” ဟု ရိုးထားကာ၊ ကိုယ်တော်၏ဦးခေါင်းတော်ထက်၌ ကပ်ထား၏။ 27 ကိုယ်တော်နှင့်အတူ ဒါးပြန့်စွဲယောက်ကိုလည်း လက်ယာတော်ဖက်၌ တစ်ယောက်၊ လက်ဝဲတော်ဖက်၌ တစ်ယောက် ထား၍ လက်ဝါးကပ်တိုင်ထက်တွင် ရိုက်ထားကြ၏။ 29 လမ်း၌ လား၊ လာနီနီကြသောသူ များကလည်း “လွန်း၊ ဗိမာန်တော်ကို ဖြိုဖျက်ပြီး၊ သုံးရက်အတွင်းမှာ ပြန်ပြီးတည် ဆောက်ပြမည့်သူ၊ 30 ကိုယ့်ကိုယ်ကို ကယ်တင်ပါလား၊ လက်ဝါးကပ်တိုင်ထက်က ဆင်းလာပါလား” ဟု ခေါင်းတညိတ်ညိတ်ဖြင့် ကဲ့ရဲ့ကာ အော်ဟစ်ပြောဆိုကြ၏။ 31 ထိုနည်းတူ ယဇ်ပုရောဟိတ်အကြီးအကဲရိန့်နှင့် ကျမ်းတတ်ဆရာရိုကလည်း “ဤသူသည် သူတစ်ပါးကို ကယ်တင်တတ်ပြီးလျှင် ကိုယ့်ကိုယ်ကို မကယ်တင်နိုင်ပါတကား။ 32 ဣသရေလသျှင်ဘုရင်၊ မေသျှိယသည် ကိုယ့်ကိုယ်ကို ကယ်တင်ကာ လက်ဝါးကပ်တိုင်ထက်မှ အရု ဆင်းလာပါ။ ယင်းပိုင် ဆင်းလာလျှင် ငါရိယုကြည်မည်” ဟု အချင်းချင်း ပြောဆို၍ လှောင်ပြောင်သရော်ကြ၏။ ကိုယ်တော်နှင့်အတူ လက်ဝါးကပ်တိုင်ထက်၌ ရိုက်ထားခြင်းကို ခံရသူတိကလည်း ထိုသို့ သရော်ကြ၏။ 33 မွန်းတည့်အချိန်မှ စ၍ မွန်းလွဲသုံးနာရီတိုင်အောင် မြီကြီးတစ်ပြင်လုံး၌ မှောင်မိုက်အတိ ဖြစ်လေ၏။ 34 မွန်းလွဲ သုံးနာရီအချိန်၌ ယေသျှုသည် “ဧလိ၊ ဧလိ၊ လာမ ရှာဗခသာနီ” ဟု အသံကျယ်စွာ အော်ကြီးတော်မူ၏။ အဓိပ္ပာယ်ကား “အကျွန်ုပ် ဘုရားသခင်၊ အကျွန်ုပ် ဘုရားသခင်၊ အကျွန်ုပ်ကို ဇာကြောင့် စွန့်ပစ်သနည်း” ဟူ၍ဖြစ်၏။ 35 အနီးအပါး၌ ရပ်နီနီသော လူတချို့သည် ထိုစကားကို ကြားလျှင် “နားထောင်လော့၊ သူသည် ဧလိယကို ခေါ်သည်” ဟု ဆိုကြ၏။ 36 လူတစ်ယောက်သည် ဦးလာ၍ ပုံးရည်ကို ရီမြှုပ်ဖြင့် စုပ်ယူပြီးနောက် ထိုရီမြှုပ်ကို ကျူလုံးဖျား၌ တပ်၍ ကိုယ်တော်ကို သောက်စီခြင်းငှာ ပီးလျက်၊ “ဧလိယက လက်ဝါးကပ်တိုင်မှ သူ့ကိုကယ်ဖို့လာမည်၊ မလာမည်ကို ငါရိ ကြည့်နိုင်ကြကုန်အံ့” ဟု ဆိုကြ၏။ 37 ယေသျှုသည် ကြီးသောအသံနှင့် ကြွေးကြော်တော်မူပြီးနောက် အသက်တော်ကို စွန့်လေ၏။ 38 ထိုအချိန်၌ ဗိမာန်တော်၏ကန့်လန့်ကာသည် အထက်စွန်းမှ အောက်စွန်းထိတိုင် နှစ်ခြမ်းကွဲလေ၏။ 39 ကိုယ်တော်၏ရှိတွင် ရပ်နီနီသောတပ်မှူးသည် ကိုယ်တော်၏ အသက်တော်ချုပ်ပုံကို မြင်သဖြင့် “ဤသူကား၊ စင်စစ် ဘုရားသခင်၏ သားတော်ဖြစ်၏” ဟု ဆိုလေ၏။ 40 မိန်းမတချို့သည် အဝီးမှ ရပ်၍ ကြည့်နိုင်ကြ၏။ ထိုမိန်းမရို့တွင် မာဂဒလမြို့သူ မာရိ၊ လူငယ်ယာကုပ်နှင့် ယောသေ ရှိ၏အမိ မာရိနှင့် သျှာလုံ ရှိလည်းပါ၏။ 41 ထိုမိန်းမရို့ကား ကိုယ်တော်သည် ဂါလိလဲပြည်၌ ဟိတော်မူစဉ် နောက်တော်သို့ လိုက်၍ အလုပ်အကျွေးပြုကြသူများ ဖြစ်ကြ၏။ သူမရို့သာမက ကိုယ်တော်နှင့်အတူ ယေရုဆလင်မြို့သို့ လိုက်ပါလာသော အခြားမိန်းမများလည်း ထိုအရပ်၌ ဟိနီနီကြ၏။ 42 ထိုနီကား အဖိတ်နို့ဖြစ်၏။ ညအချိန် ရောက်သောအခါ၊ အသရေဟိသော လွှတ်အရာဟိ၊ အရိမသသံမြို့သား ယောသပ်သည် ဘုရားသခင်၏ နိုင်ငံတော်ကို မျှော်လင့်နိုင်သော သူဖြစ်သည်အလျောက်၊ ပိလတ်မင်းထံသို့ ရဲရင့်စွာ ဝင်ပြီးလျှင် ယေသျှု၏အလောင်းတော်ကို တောင်းလေ၏။ 44 ကိုယ်တော်၏ အသက်ချုပ်တော်မူကြောင်းကို ပိလတ်မင်းကြားလျှင် အံ့သြခြင်းဟိသဖြင့် တပ်မှူးကို ခေါ်၍ ယေသျှုသီလားသည်ကား ကြာဗျာလောဟု မိန်းမလေ၏။ 45 သီကြောင်းကို တပ်မှူးအားဖြင့် သိရလျှင် အလောင်းတော်ကို ယောသပ်အား ပီးလေ၏။ 46 ယောသပ်သည် ပိတ်ချောထည်ကို ဝယ်ပြီးလျှင် အလောင်းတော်ကို လက်ဝါးကပ်တိုင်ထက်မှ ချ၍ ပိတ်စထည်ဖြင့်ပတ်၏။ ထို့နောက် ကျောက်၌ထွင်းထားသော သင်္ချိုင်းဂူတွင် သင်္ဂြိုဟ်ပြီးလျှင် ဂူ၌ ကျောက်တုံးကြီးကို လှိမ့်၍ ပိတ်ထားလေ၏။ 47 မာဂဒလမြို့သူ မာရိနှင့် ယောသေ၏အမိ မာရိ ရှိသည် အလောင်းတော်အား သင်္ဂြိုဟ်သောနီရာကို တွံ့မြင်ကြ၏။

16 ဥပုသ်နို့ လွန်ပြီးနောက် မာဂဒလမြို့သူ မာရိ၊ ယာကုပ်၏အမိ မာရိနှင့် သျှာလုံ ရှိသည် ယေသျှု၏အလောင်းတော်ကို လိမ်းကျန်ခြင်းငှာ အစွီးနံ့သာများကို ဝယ်ယူကြ၏။ 2 တလင်းဂနီနီ မိုးထစောစော၊ နီထွက်ချိန်၌ သင်္ချိုင်းသို့

လားကြ၏။ 3 ထိုသို့ လားကြစဉ်တွင် လမ်း၌ သူမရှိသည် “ဂူဝမှာ ပိတ်ထားသောကျောက်ကို အကျွန်ုပ်၏အတွက် ဇာသူက လှိမ့်ဖယ်ပီးမည်နည်း” ဟု အချင်းချင်း ပြောဆိုကြ၏။ အကြောင်းမူကား ထိုကျောက်တုံးသည် အလွန်ကြီးမားသောကြောင့်ဖြစ်သည်။ သို့ရာတွင် သင်္ချိုင်းဂူဝသို့ ရောက်၍ ကြည့်လိုက်သောအခါ ကျောက်တုံးမှာ လှိမ့်ဖယ်ထားပြီးသား ဟိသည်ကို တွိကြ၏။ 5 ထိုမိန်းမရှိသည် ဂူထဲသို့ ဝင်ကြလျှင် ဝတ်ဆင်ထားသော လှလင်တစ်ယောက်သည် လက်ယာဖက်၌ ထိုင်နိန့်သည်ကို မြင်ကြသဖြင့် — ကြောက်လန့်ကြ၏။ 6 ထိုသူကလည်း “မကြောက်ကတ်ကေ။ သင်ရှိသည် လက်ဝါးကပ်တိုင်ထက်မှာ တင်၍ အသတ်ခံရသော နာဇရက်မြို့သား ယေသျှုကို လာရှာကြသည် မဟုတ်လော။ ထိုအသျှင်ကား ဤအရပ်တွင် မဟိ — သီခြင်းမှ ထမြောက်အသက်ရှင်တော်မူဗျာ။ ကြည့်ကြလော့။ ဤနိရာကား ထိုအသျှင်၏ အလောင်းတော်ကို ထားသောနိရာဖြစ်၏။ 7 သင်ရိုက ပေတရုနှင့်တကွ အခြားသောတပည့်တော်တိပါးသို့ အဂုလား၍ အယင်က သင်ရိုကို မိန့်တော်မူသည့်အတိုင်း၊ ကိုယ်တော်သည် ဂါလိလဲပြည်သို့ သင်ရိုထက် အယင် ကြွလားတော်မူကြောင်းကို ပြောပြကြလော့။ ထိုပြည်တွင် ကိုယ်တော်ကို တွေ့လိမ့်မည်” ဟု ပြောဆို၏။ 8 ထိုမိန်းမရှိသည် ထိန်လန်တုန်လှုပ်၍ သင်္ချိုင်းဂူမှ ထွက်ပြီးကြ၏။ သူမရှိသည် ကြောက်လန့်သောကြောင့် မည်သူ့ကိုမျှ မပြောပြကြပေ။ သတင်းကောင်း၏ နည်းဟောင်းအဆုံးသတ်တစ်မျိုး [9 (note: The most reliable and earliest manuscripts do not include Mark 16:9-20.) ယေသျှုသည် သီခြင်းမှ ထမြောက်တော်မူပြီးနောက် တလင်းဂနီနို မိုးထစောစောအချိန်၌ မာဂဒလမြို့သူ မာရိအား ဦးစွာကိုယ်ထင်ပြတော်မူ၏။ ကိုယ်တော်သည် သူမထံပါးမှ နတ်ဆိုးခုနစ်ကောင်ကို နှင်ထုတ်ပီးခဖူး၏။ 10 ထိုမာရိသည် ညည်းတွားငိုကြွေးလျက် ဟိန်နိကြသော တပည့်တော်ရိပါးသို့ လား၍ ထိုသတင်းတော်ကို ကြားပြောလေ၏။ 11 ယေသျှုသည် အသက်ရှင်တော်မူကြောင်းကိုလည်းကောင်း၊ မာရိသည် ယေသျှုကို တွိမြင်ခရသည်ကိုလည်းကောင်း၊ သူရိသည် ကြားကြသော်လည်း မယုံကြပေ။ 12 ထို့နောက်၊ တပည့်တော်နှစ်ပါးရှိသည် တောရွာသို့ လားကြစဉ်တွင် ယေသျှုသည် ထူးခြားသောအသွင်ဖြင့် သူရိအား ကိုယ်ထင်ပြတော်မူ၏။ 13 သူရိသည် အခြားသော တပည့်တော်ရိပါးသို့ လား၍ ထိုသတင်းကို ပြောကြ၏။ သို့ရာတွင် သူရိသည်လည်း မယုံကြည်ကြပေ။ 14 ထို့နောက်၊ တစ်ကျိပ်တစ်ပါးသော တပည့်တော်ရှိသည် စားပွဲ၌ ထိုင်၍ စားသောက်နိန့်ကြစဉ်၊ ကိုယ်တော်သည် ကိုယ်ထင်ပြတော်မူ၏။ သူရိသည် ကိုယ်တော် ထမြောက်တော်မူကြောင်းကို မြင်သောသူရိ၏စကားကို ကြားကြသော်လည်း၊ စိတ်နှလုံးခိုင်မာ၍ မယုံကြည်ကြသောကြောင့် ကိုယ်တော်သည် သူရိအား ပြစ်တင်ဆုံးမတော်မူ၏။ 15 ထို့နောက် ကိုယ်တော်က၊ “သင်ရှိသည် လောကီနိုင်ငံအရပ်ရပ်သို့ လားပြီးလျှင် လူသတ္တဝါအပေါင်းရိုအား ဧဝံဂေလိသတင်းကောင်းတရားကို ဟောပြောကြလော့။ 16 ယုံကြည်၍ ဗတ္တိဇမိဂ်လံဟု ခံယူသောသူတိုင်း ကယ်တင်တော်မူခြင်းကို ခံရမည်။ မယုံကြည်သောသူမူကား အပြစ်စီရင်ခြင်းကို ခံရမည်။ 17 ယုံကြည်လက်ခံသောသူရိ၌ကား၊ ငါ၏နာမကို အမှီပြု၍ အံ့ဩဖွယ်နိမိတ်လက္ခဏာတို့ကို ပြနိုင်ကြလိမ့်မည်။ နတ်ဆိုးတို့ကို နှင်ထုတ်လိမ့်မည်။ ထူးခြားသောဘာသာစကားတို့ကို ပြောဆိုကြလိမ့်မည်။ 18 ဗွီဆိုးများကို ကိုင်ဖမ်းသော်လည်းကောင်း၊ သီစီတတ်သော အဆိပ်အတောက်ကို သောက်သော်လည်းကောင်း၊ သူရိသည် ဘေးဥပါဒ်နှင့် ကင်းလွတ်ကြလိမ့်မည်။ နာမကျန်းသော သူရိအထက်မှာ လက်ကိုတင်၍ ကျန်းမာစီကြလိမ့်မည်” ဟု မိန့်တော်မူ၏။ 19 ထိုသို့ တပည့်တော်ရိုအား မိန့်တော်မူပြီးသောအခါ အသျှင်ယေသျှုသည် ကောင်းကင်ဘုံသို့ ဆောင်ယူခြင်းကို ခံတော်မူပြီး၊ ဘုရားသခင်၏ လက်ယာတော်ဖက်၌ ထိုင်နိန့်တော်မူ၏။ 20 တပည့်တော်ရိုလည်း အရပ်ရပ်သို့လား၍ တရားတော်ကို ဟောပြောကြ၏။ သခင်ဘုရားသည်လည်း သူရိနှင့်အတူ လုပ်ဆောင်၍ ဟောပြောသော တရားတော်သည် မှန်ကန်ကြောင်းကို ပြတော်မူသော နိမိတ်လက္ခဏာများအားဖြင့် သက်သီပြတော်မူ၏။] အခြား နည်းဟောင်း အဆုံးသတ် [

၁ မြတ်သော သောသိလု၊ အကျွန်ုပ်ကြား၌ ဖြစ်သည့် အကြောင်းအရာများကို ကောင်းစွာ ရိုးသားပြုစုသော လူများစွာ ဟိပါ၏။ **၂** အစအဦးမှ မျက်မြင်သက်သီများနှင့် အမှုတော်ကို ဆောင်ရွက်သောသူရိုက် ငါရိုးအား ပြောကြားသည့်အတိုင်း သူရှိသည် ရိုးသားပြုစုပါသည်။ **၃** ထို့ကြောင့် အကျွန်ကလည်း ထိုအကြောင်းအရာအားလုံးကို အစဦးမှ သေသေချာချာဂရုစိုက် လေ့လာသူဖြစ်သည့်အလျောက်၊ သင် ဖတ်ရှု နိုင်ခြင်းငှာ စနစ်တစ်ကျ ပြုစုရသော ကောင်းမည်ဟု ယူဆရပါသည်။ **၄** သင်အား သင်ကြားပီးသော အကြောင်းအရာများသည် ဧကန်အမှန်ဖြစ်ကြောင်းကို သင်သည် သိစိခြင်းငှာ ဤအရာများကို ရိုးလိုက်ပါ၏။ **၅** ယုဒသျှင်ဘုရင် ဟေရုဒ်လက်ထက်၌ ဇာခရိဟု နာမည်ဟိသော ယဇ်ပုရောဟိတ်တစ်ပါးဟိ၏။ ထိုသူသည် အဘိယယဇ်ပုရောဟိတ်အဖွဲ့ဝင်ဖြစ်ပြီး သူ၏မယားက ဇလိဇဗက်ဟု နာမည်ဟိ၏။ ဇလိဗက်ကလည်း ယဇ်ပုရောဟိတ်အာရုန် အနွယ်ဝင်ဖြစ်၏။ **၆** ထိုသူနှစ်ဦးမှာ ဘုရားသခင်၏ ရှိတော်မောက်တွင် သူတော်ကောင်းဖြစ်ပြီးလျှင် သခင်ဘုရား၏ ပညတ်တော်ဟိသမျှနှင့် မိန့်တော်မူချက်အားလုံးကို လိုက်နာကြ၏။ **၇** သို့ရာတွင် ဇလိဗက်သည် အမြဲမဖြစ်သည့်အတွက် သူရိမ္မာ အချေ မဟိပါ။ သူရိနှစ်ဦးလုံးသည် အသက်အိုမင်း နိန်ပြီဖြစ်၏။ **၈** တစ်နိဉ် ဇာခရိသည် မိမိ၏အလှည့်ကျလာသည့်အတွက် ဗိမာန်တော်၌ ယဇ်ပုရောဟိတ်ဝတ္တရားကို ဆောင်ရွက်နိုင်၏။ **၉** ယဇ်ပုရောဟိတ်ရိ၏ ထုံးတမ်းစဉ်လာအရ ယဇ်ပလ္လင်၌ နံ့သာပေါင်းကို မီးရှို့ပူဇော်ရန် စာရီးဘဲချ၍ ရှိုးငြယ်ခြင်းခံရလေ၏။ ထို့ကြောင့် သခင်ဘုရား၏ ဗိမာန်တော်အတွင်းသို့ ဝင်ပြီးလျှင်၊ **၁၀** မီးယှို့ပူဇော်နိုင်သည့် အချိန်တွင် လူစုလူဝေးရှိသည် အပြင်ဖက်တွင် ဆုတောင်းနိုင်ကြ၏။ **၁၁** ထိုအချိန်၌ သခင်ဘုရား၏ ကောင်းကင်တမန်သည် ဇာခရိ ရှိတွင် ပေါ်လာပြီးလျှင် နံ့သာပေါင်းမီးရှို့ရာ ယဇ်ပလ္လင်၏ လက်ယာဖက်တွင် ရပ်နိုင်၏။ **၁၂** ဇာခရိကလည်း ကောင်းကင်တမန်ကို မြင်သောအခါ စိုးရိမ်၍ ကြောက်ရွံ့တုန်လှုပ်လေ၏။ **၁၃** သို့သော်လည်း ကောင်းကင်တမန်က “ဇာခရိ၊ မကြောက်စေ၊ ဘုရားသခင်သည်၊ သင်၏ ဆုတောင်းပတ္တနာကို နားညောင်းတော်မူဗျာယ်၊ သင်၏မယား ဇလိဗက်သည်လည်း သားရတနာကို ဖွားမြင်လိမ့်မည်။ သင်သည် ထိုသားကို ယောဟန်ဟု နာမည်ပီးရမည်။ **၁၄** သင်လည်း ဝမ်းမြောက်ပျော်ရွှင် ရလိမ့်မည်၊ ထိုသို့ သားမွီးဖွားလာသည့်အတွက် အခြားသော လူအပေါင်းရှိလည်း ပျော်ရွှင်ကြလိမ့်မည်။ **၁၅** သူသည် သခင်ဘုရား၏ ရှိတော်မောက်၌ ကြီးမြတ်သောသူ ဖြစ်လိမ့်မည်။ ထိုသူသည် စပျစ်ရည်နှင့် သီရည်သီရက်ကို သောက်လိမ့်မည် မဟုတ်။ အမိဝမ်းထဲကပင် သူသည် သန့်ယှင်းသော ဝိညာဉ်တော်နှင့် ပြည့်ဝလိမ့်မည်။ **၁၆** များစွာသော ဣသရေလလူမျိုးတို့ကိုလည်း မိမိရဲ့ အသျှင် ဘုရားသခင် အထံတော်ပါးသို့ ပြန်လည်ပို့ဆောင်ပီးလိမ့်မည်။ **၁၇** သူသည် သခင်ဘုရား၏ ရှိတော်မူပြီးဖြစ်ပြီးလျှင် ပရောဖက်ဇလိယကဲ့သို့ ခွန်အားတန်ခိုး ကြီးလိမ့်မည်။ ထိုသူသည် အဖတ်နှင့် သားသမီးတို့ကို ပြန်လည်သင့်မြတ်စီလိမ့်မည်၊ နားမထောင်သောသူရိအား ဖြောင့်မတ်ခြင်းတရားကို ပြန်လည်ရစီလိမ့်မည်၊ ကိုယ်တော်အတွက် အဆင်သင့်ဖြစ်စီခြင်းငှာ သခင်ဘုရား၏ လူစုကို ပျင်ဆင်ပီးလိမ့်မည်” ဟု ဇာခရိအား မိန့်တော်မူ၏။ **၁၈** ဇာခရိက “ဤပိုင်ဖြစ်လာဖို့ကို ဇာပိုင် အကျွန် သိရပါမည်နည်း။ အကျွန်ကလည်း အိုဗျာယ်၊ အကျွန်၏မယားလဲ အိုဗျာယ်” ဟု ကောင်းကင်တမန်အား ပြန်ပြော၏။ **၁၉** ကောင်းကင်တမန်ကလည်း “ငါကား ဘုရားသခင်၏ မျက်မှောက်တော်၌ ခစားနိုင်သော ဂါဗြေလဖြစ်၏။ သင့်အား ဤသတင်းကောင်းကို ပြောကြားဖို့ ငါ့ကို ရွတ်လိုက်တော်မူ၏။ **၂၀** သင်သည် ငါ့ပြောသောစကားကို မယုံကြည်သော်လည်း အချိန်တန်သောအခါ ဖြစ်ပေါ်လာလိမ့်မည်။ သင်သည် ငါ့စကားကို မယုံကြည်သောကြောင့်၊ သင့်၌ ငါ၏ကတိတော် ပြည့်စုံလာသည့်နိ တိုင်အောင် စကားမပြောနိုင်ဘဲ တိတ်ဆိတ်စွာ နိန်ရလိမ့်မည်” ဟုဆို၏။ **၂၁** လူတိက ဇာခရိကို စောင့် နိန်ကြသော်လည်း ဗိမာန်တော်ထဲ၌ ကြန့်ကြာနိုင်သည်ကို အံ့သြနိုင်ကြ၏။ **၂၂** ဇာခရိသည် ဗိမာန်တော်မှ ထွက်လာသောအခါ သူရိကို စကားမပြောနိုင် ဖြစ်နိုင်သောကြောင့် ဗိမာန်တော်ထဲ၌ ဗျာဒိတ်ရူပါရုံ မြင်ခရကြောင်းကို သူရိ

ရိပ်မိကြ၏။ ဇာခရိကလည်း စကားမပြောနိုင်သောကြောင့် ကိုယ်လက်အမှုအရာဖြင့် ပြ၍သာ နိန်၏။ 23 ဇာခရိလည်း ဗိမာန်တော်ထဲ၌ အမှုပြီးဆုံးသောအချိန်တွင် အိမ်သို့ ပြန်လားလေ၏။ 24 ကာလအတန်ကြာသောအခါ သူ၏မယား ဇလိဇဗက်က ပဋိသန္ဓေတည်၍ သူသည် ငါးလပတ်လုံး အိမ်ထဲ၌ အောင်းနိန်၏။ 25 သူမကလည်း “ယခုတွင် ငါ့ကို သခင်ဘုရား ကျေးဇူးပြုတော်မူဗျာယ်၊ ငါ့ကို လူတိက ကဲ့ရဲ့ကြသည်ကိုလည်း ကိုယ်တော်က ဖယ်ယှားစီဗျာယ်” ဟု ဆို၏။ 26 ဇလိဇဗက်၏ကိုယ်ဝန် ခြောက်လသို့ရောက်သောအခါ ဘုရားသခင်သည် ကောင်းကင်တမန် ဂါဗြေလအား ဂါလိလဲပြည်၊ နာဇရက်မြို့သို့ ရွတ်လိုက်တော်မူ၏။ 27 ထိုကောင်းကင်တမန်၏ သတင်းစကားသည် ဒါဗိဒ်အမျိုးဖြစ်သော ယောသပ်နှင့် စိုစပ်ထားသူ သတို့သမီးကညာအဖို့ ဖြစ်၏။ သူမ၏နာမည်မှာ မာရိဖြစ်၏။ 28 ကောင်းကင်တမန်က သူမပါးသို့ လာပြီးလျှင် “သင်သည် ကြီးစွာသောမင်္ဂလာကို ခံစားရသူဖြစ်၏။ သင့်၌ ငြိမ်သက်ခြင်း ဟိပါစီ။ သခင်ဘုရားသည် သင်နှင့်အတူ ဟိ၏” ဟု ဆို၏။ 29 ကောင်းကင်တမန် စကားကို ကြားသောအခါ မာရိသည် လွန်စွာပူပင်သောက ရောက်လျက်၊ ဤနှုတ်ဆက်စကားက ဇာပိုင်ဖြစ်မည်နည်းဟု အံ့သြနိန်၏။ 30 ကောင်းကင်တမန်က “မာရိ၊ မကြောက်ကေ၊ သင်သည် ဘုရားသခင်ရှိတော်မူ မျက်နှာရဗျာယ်။ 31 သင်သည် ပဋိသန္ဓေယူပြီးလျှင် သားရတနာကို မွီးဖွားလိမ့်မည်။ ထိုသားကို ယေသျှုဟု နာမည်မှည့်ခေါ် ရမည်။ 32 ထိုသားသည် ကြီးမြတ်သောသူ ဖြစ်ပြီးလျှင် အမြင့်မြတ်ဆုံးသော ဘုရား၏သားတော်ဟု ခေါ်ဝေါ်ခြင်းကို ခံရလိမ့်မည်။ ထာဝရအသျှင် ဘုရားသခင်သည် သူ၏အဖဒါဗိဒ်၏ ရာဇပလ္လင်ကို သူ့အား ပီးတော်မူလိမ့်မည်။ 33 ထိုသူသည် ယာကုပ်၏အမျိုးအနွယ်ရိုက် အစဉ်အမြဲအုပ်စိုးပြီးလျှင် သူ၏ နိုင်ငံတော်လည်း အဆုံး ဟိလိမ့်မည် မဟုတ်” ဟု ဆို၏။ (aiōn g165) 34 မာရိကလည်း “အကျွန်ုပ်သည် ယောက်ျားနှင့် မဆက်ဆံဖူး၍ ဤအမှုအရာသည် ဇာပိုင်ဖြစ်နိုင်ပါမည်နည်း” ဟု ကောင်းကင်တမန်အား ဆို၏။ 35 ကောင်းကင်တမန်ကလည်း “သန့်ယှင်းသောဝိညာဉ်တော်သည် သင့်အပေါ်၌ သက်ရောက်ပြီးလျှင် ဘုရားသခင်၏တန်ခိုးတော်သည် သင့်ကို လွမ်းခြုံလိမ့်မည်။ ထို့ကြောင့် သန့်ယှင်းမြင့်မြတ်သောသူငယ်ကို ဖွားမြင်လာပြီးလျှင် သူ့ကို ဘုရားသခင်၏သားတော်ဟု ခေါ်ဝေါ်ခြင်းကို ခံရကြလိမ့်မည်။ 36 သင်၏ ဆွီမျိုးဖြစ်သော ဇလိဇဗက်ကိုလည်း သတိရပါ။ သူမသည် အသက်ကြီးခါမှ ပဋိသန္ဓေလွယ်နိုင်ရဗျာယ်။ အမြဲမဟု အခေါ်ခံနိုင်ရသောသူသည် အဂုဆိုကေ ပဋိသန္ဓေခြောက်လ ဟိနိုင်ဗျာယ်။ 37 ဘုရားသခင် မတတ်နိုင်သောအရာ တခုလည်းမဟုတ်” ဟု ဆို၏။ 38 မာရိကလည်း “အကျွန်ုပ်သည် ဘုရားသခင်၏ အခိုင်းအစီဖြစ်၏။ အသျှင် ဖော်ပြသည့်အတိုင်း ဖြစ်ပါစီ” ဟု ပြန်ပြော၏။ ထိုအခါ ကောင်းကင်တမန်ကလည်း သူမပါးမှ ထွက်လားလေ၏။ 39 များမကြာခင် မာရိသည် အသင့်ပျင်ဆင်ပြီးလျှင် ယုဒပြည် တောင်ပေါ်ဒေသ၌ဟိသော မြို့တစ်မြို့သို့ အယင်လားလေ၏။ 40 သူမသည် ဇာခရိအိမ်သို့ ဝင်ပြီးလျှင် ဇလိဇဗက်ကို နှုတ်ဆက်လေ၏။ 41 မာရိ၏ နှုတ်ဆက်စကားကို ဇလိဇဗက်သည် ကြားသောအခါ သူမ၏ဝမ်းထဲက အချေကလည်း လှုပ်လေ၏။ ဇလိဇဗက်ကလည်း သန့်ယှင်းသောဝိညာဉ်တော်နှင့် ပြည့်ဝပြီးလျှင်၊ 42 ကျယ်သောအသံဖြင့် “သင်သည် ဟိသမျှသော မိန်းမတိထက် မင်္ဂလာဟိ၏။ သင်မွီးဖွားလာမည့်သားလည်း မင်္ဂလာဟိ၏။ 43 အကျွန်ုပ်သခင်၏မိခင်သည် အကျွန်ုပ်ပါးကို လာရသော အခွင့်ထူးကို ဇာကြောင့် ခံစားရပါမည်နည်း။ 44 သင်၏ နှုတ်ဆက်စကားကို အကျွန်ုပ် ကြားသောအခါ အကျွန်ုပ်ဝမ်းထဲက အချေလည်း ဝမ်းမြောက်လို့ ခုန်ပါ၏။ 45 သခင်ဘုရားပီးတော်မူသော ဗျာဒိတ်တော်အတိုင်း ဖြစ်လိမ့်မည်ဟု သင်ယုံကြည်သည့်အတွက် ဇာလောက် ဝမ်းမြောက်လိမ့်မည်နည်း” ဟု ပြောလေ၏။ 46 မာရိက “ငါ၏ စိတ်နှလုံးသည် သခင်ဘုရားကို ချီးမွမ်းပါ၏။ 47 ငါ၏ကယ်တင်သျှင် ဘုရားသခင်ကြောင့် ငါ၏စိတ်ဝိညာဉ်သည် ဝမ်းမြောက်ရွှင်လန်းပါ၏။ 48 ကိုယ်တော်သည် မိမိအခိုင်းအစီ၏ နိမ့်ကျသောအဖြစ်ကို အောက်မီသတိရပြီးလျှင်၊ အဂုမှစ၍ လူအပေါင်းရှိသည် ငါ့ကိုမင်္ဂလာဟိသူဟု ခေါ်ကြလိမ့်မည်။ 49 အကြောင်းမူကား အနန္တတန်ခိုးသျှင် ဘုရားသခင်သည် ငါ့အတွက် ကြီးမြတ်တော်မူသော အကြောင်းအရာတိကို ပြုတော်မူခ၍ ဖြစ်၏။ ကိုယ်တော်၏နာမတော်သည် သန့်ယှင်းပါ၏။ 50 ကိုယ်တော်ကို ကြောက်ရွံ့ရိုသီကြသောသူရိုက် သားစဉ်မြီးဆက် ကရုဏာထားတော်မူ၏။ 51 တန်ခိုးကြီးသော

လက်ရုံးတော်နှင့် တားဆီးပြီးလျှင် အတွင်းစိတ်သဘော၌ မာနကြီးသောသူရိုက် ကွဲလွင့်စီပါ၏။ 52 တန်ခိုးကြီးသော ဘုရင်တို့ကို ရာဇပလ္လင်ထက်မှ ဆွဲချပြီးလျှင် နိမ့်ကျသောသူရိုက် ချီးမြှောက်တော်မူပါ၏။ 53 ငတ်မွတ်သောသူရိုက် ကောင်းသောအရာတို့နှင့် ပြည့်ဝစီပြီး၊ ချမ်းသာကြွယ်ဝသောသူရိုက် လက်ဗလာဖြင့် ရွတ်လိုက်တော်မူ၏။ 54 အကျွန်ရဲ့ အဖိုးအဖိုးတို့ကို ကိုယ်တော်ပီးခသည့် ကတိတော်နှင့်အညီ မိမိ၏အခိုင်းအစီ ကုသရေလလူမျိုးတို့ကို မစတော်မူပြီ။ 55 အာဗြဟံနှင့် သူ၏မျိုးနွယ်များအတွက် ထားတော်မူသော ကရုဏာတော်နှင့်အညီ အစဉ်အမြဲပြုခြင်းငှာ သတိရတော်မူပြီ” ဟု ဆို၏။ (aiṭh g165) 56 ထို့နောက် မာရ်သည် ဇလိဇဗက်ပါးတွင် သုံးလလောက်နီပြီးလျှင် အိမ်သို့ ပြန်လားလေ၏။ 57 ဇလိဇဗက်သည် အချိန်စီသောအခါ သားရတနာကို ဖွားမြင်လေ၏။ 58 ထိုကဲ့သို့ သူမအား သခင်ဘုရားသည် အံ့ဩရလောက်အောင် ကျေးဇူးပြုသည်အကြောင်းကို ကြားကြသောအခါ အိမ်နီးချင်းနှင့် ဆွီမျိုးသားချင်းတိကလည်း သူမနှင့်အတူ ဝမ်းမြောက်ကြ၏။ 59 ထို့နောက် သျှစ်ရက်မြောက်သော နီတွင် သူရ်သည် သူငယ်အား အရီဖျားလီးရန် လာကြပြီး သူငယ်ကို အဖနာမည်ဖြစ်သော ဇာခရိအမည်ဖြင့် မှည့်ကြ၏။ 60 သို့သော် သူငယ်၏ မိခင်က “ယင်းနာမည်ကို မမှည့်ပါကော့၊ ယောဟန်ဟု နာမည်မှည့်ခေါ်ရမည်” ဟု ဆိုလျှင်၊ 61 သူရ်ကလည်း “သင်ရီအမျိုး၌ ထိုနာမည် တစ်ယောက်လေ မဟီ” ဟု သူမကို ပြန်ပြောကြ၏။ 62 ထို့နောက် သူငယ်ကို နာမည်ပီးရန် သူ၏ဖခင်အား လက်ဟန်အမူအရာဖြင့် မိန်းကြ၏။ 63 ဇာခရိကလည်း သင်းပုန်းတစ်ချပ်ကို တောင်းယူပြီးလျှင် “သူငယ်၏နာမည်က ယောဟန်ဖြစ်သည်” ဟု ရိုးလိုက်သောအခါ သူရ်အားလုံး အလွန်အံ့ဩကြ၏။ 64 ထိုအချင်းတွင် ဇာခရိကလည်း စကားပြန်ပြောနိုင်သဖြင့် ဘုရားသခင်၏ ကျေးဇူးတော်ကို ချီးမွမ်းလေ၏။ 65 အိမ်နီးချင်းတိကလည်း ကြောက်ရွံ့ကြပြီး၊ ထိုသတင်းသည်လည်း ယုဒပြည် တောင်တန်းဒေသ တလျှောက်လုံးကို ပြန့်နှံ့လေ၏။ 66 ဤသတင်းကို ကြားသောသူအပေါင်းရှိသည် စဉ်းစားလျက် “ဤသူငယ်ကား ဇာပိုင်ဖြစ်လာမည်နည်း” ဟု ဆိုကြ၏။ အကြောင်းမူကား သခင်ဘုရား၏ တန်ခိုးတော်သည် သူငယ်အထက်၌ သက်ရောက်လျက် ဟိလေ၏။ 67 ယောဟန်၏အဖ ဇာခရိသည် သန့်ယှင်းသောဝိညာဉ်တော်နှင့် ပြည့်ဝပြီးလျှင် ဘုရားသခင်၏ သတင်းစကားတော်ကို ဟောပြောသည်မှာ၊ 68 “ကုသရေလအမျိုးသားရှိ၏အသျှင် ဘုရားသခင်သည် မင်္ဂလာဟိစီသတည်း။ အကြောင်းမူကား ကိုယ်တော်သည် သူ၏လူမျိုးကို ကူညီမစဖို့ရန် ကြွလာတော်မူ၍ သူရ်ကို ရှီးနုတ်တော်မူဗျာ။ 69 ကိုယ်တော်သည် အကျွန်ရဲ့အဖို့ တန်ခိုးကြီးမားသော ကယ်တင်သျှင်ကို မိမိအစီခံ ဒါဝိဒအမျိုးအနွယ်ထဲမှ ပေါ်ထွန်းစီတော်မူပြီ။ 70 ရှီးသန့်ယှင်းသူ ပရောဖက်တိမုတဆင့် ကတိတော် ထားခသည်နှင့်အညီ၊ (aiṭh g165) 71 ကိုယ်တော်က အကျွန်ရဲ့ရိုက် အကျွန်ရဲ့ရိုက် ရန်သူတို့နှင့်၊ အကျွန်ရဲ့အား မုန်းတီးသောသူရ်လက်မှ ကယ်ထုတ်လေ၏။ 72 အကျွန်ရဲ့အဖိုးအဖိုးတို့ကို ကရုဏာထားတော်မူကြောင်းနှင့်၊ မိမိ၏ သန့်ယှင်းသော ပဋိညာဉ်တော်ကို အောက်မီတော်မူကြောင်း မိန့်တော်မူခ၏။ 73 အကျွန်ရဲ့ အဖိုးအဖိုး အာဗြဟံအား ဂတိသစ္စာ ပြုတော်မူခသည်နှင့်အညီ၊ အကျွန်ရဲ့တို့ကို ရန်သူရ်လက်မှ ကယ်ပြီးလျှင်၊ ကြောက်ရွံ့ခြင်းမဟိဘဲ ကိုယ်တော်၏ အမှုတော်ကို ဆောင်ရွက်စီမည်။ 75 ယင်းအတွက်ကြောင့် အကျွန်ရဲ့လည်း ကိုယ်တော်၏ မျက်မှောက်တော်၌ သန့်ယှင်းခြင်းနှင့် ဖြောင့်မတ်ခြင်းအားဖြင့် တစ်သက်လုံး ရှင်သန်ဖို့ ဖြစ်၏။ 76 “ငါ့သား၊ သင်သည် အမြင့်ဆုံးသော ဘုရား၏ ပရောဖက်ဟု ခေါ်ဝေါ်ခြင်းကို ခံရလိမ့်မည်၊ သင်သည် ထိုသခင်ဘုရားအတွက် လမ်းကို ပျင်ဆင်ခြင်းငှာ သခင်ဘုရား၏ ရှိတော်ပြီး ဖြစ်လိမ့်မည်။ 77 ကိုယ်တော်၏ လူတို့ကိုလည်း သူရ်၏ အပြစ်မှ ခွင့်ရွတ်ပြီးလျှင် ကယ်တင်တော်မူမည်အကြောင်း ပြောကြားရလိမ့်မည်။ 78 အကျွန်ရဲ့ ဘုရားသခင်သည် သနားခြင်းကရုဏာနှင့် ပြည့်ဝတော်မူ၏။ ကိုယ်တော်၏ ကယ်တင်ခြင်း ကျေးဇူးတော်သည် ကောင်းကင်မှ နီ၏အရောင်ကဲ့သို့ အကျွန်ရဲ့အထက်၌ ထွန်းလင်းစီတော်မူပြီးလျှင်၊ 79 သီမင်းအရိပ်၏ မှောင်မိုက်ထဲ၌ နီထိုင်သူရ်၌ အလင်းသည် ပေါ်ထွန်းလျက်၊ အကျွန်ရဲ့ကို ငြိမ်သက်ခြင်းလမ်းသို့ ညွှန်ပြတော်မူလိမ့်မည်” ဟု ဆိုလေ၏။ 80 သူငယ်သည် ကြီးပြင်းလာပြီးလျှင် ဝိညာဉ်အရာ၌ တိုးပွားလေ၏။ သူသည် ကုသရေလလူမျိုးတိရှိတွင် ထင်ရှားမည့် နိရက်တိုင်အောင် တောကန္တာရ၌ နီထိုင်လေ၏။

2 ထိုကာလ၌ ဧကရာဇ်ဘုရင် ဩဂုတ္တုသည် ရောမအင်ပါယာတစ်ခုလုံးကို သန်းခေါင်စာရင်း ကောက်ယူရန် အမိန့်တော်ထုတ်လေ၏။ **2** ဤသည်ကား ကုရေနိသည် ယူရိဘုရင်ခံဖြစ်သောအခါ ပထမဆုံးအကြိမ် သန်းခေါင်စာရင်း ကောက်ခြင်း ဖြစ်၏။ **3** သို့ဖြစ်၍ လူတိုင်းသည် စာရင်းသွင်းရန် မိမိရိ၏ဇာတိမြို့ရွာသို့ လားကြ၏။ **4** ထို့ကြောင့် ယောသပ်သည်လည်း ဒါရိဒ်၏အမျိုးအနွယ် ဖြစ်သောကြောင့် ဂါလိလဲနယ် နာဇရက်မြို့မှ ဒါရိဒ်၏မြို့ဖြစ်သည့် ယုဒပြည် ဗက်လင်မြို့သို့ လားကြ၏။ **5** သူသည် ထိမ်းမြားရန် စုံစပ်ထားသော မာရိနှင့်အတူ စာရင်းသွင်းရန် လားလေ၏။ သူမ၌ ကိုယ်ဝန်လွယ်ထားလျက် ဟိ၏။ **6** သူရိသည် ဗက်လင်မြို့တွင် ဟိနိန်စဉ် အချေဗွီးဖွားချိန် ရောက်လာ၍၊ **7** သူမသည် မိမိ၏သားဦးကို ဖွားမြင်လေ၏။ တည်းခိုသည့်အိမ်တွင် သူရိအတွက် နီရာမဟိသောကြောင့် သူမသည် သူငယ်ကို အဝတ်စနှင့်ပတ်ကာ နွားစာခွက်တွင် သိပ်ထားလေ၏။ **8** ထိုအခါ ထိုပြည်၌ သိုးထိန်းရုံသည် ညဉ့်အခါ ကွင်းပြင်၌ မိမိရုံ၏သိုးအုပ်ကို စောင့်ရှောက်နိုင်ကြ၏။ **9** သခင်ဘုရား၏ ကောင်းကင်တမန်တစ်ပါးသည် သူရိ၌ ပေါ်လာပြီး၊ သခင်ဘုရား၏ ဘုန်းတန်ခိုးတော်သည် သူရိပတ်လည်တွင် ထွန်းလင်းတောက်ပလေ၏။ ထိုသူရိသည် အလွန် ကြောက်လန့်ကြလေ၏။ **10** သို့ရာတွင် ကောင်းကင်တမန်က “မကြောက်ကတ်ကေ၊ ငါသည် လူတိအားလုံးအတွက် အလွန်ဝမ်းမြောက်စရာ သတင်းကောင်းကို သင်ရုံပါးသို့ ယူလာ၏။ **11** ဤနိတွင် ဒါရိဒ်မြို့၌ အသျှင်ခရစ်တော်တည်းဟူသော ကယ်တင်သူသည် သင်ရုံအဖို့အလိုငှာ ဖွားမြင်ခြင်းကို ခံတော်မူဗျာယ်။ **12** သင်ရုံအတွက် ဤအကြောင်းအရာ၏ နိမိတ်လက္ခဏာဟူမူကား၊ ဗွီးကင်းစအချေ တစ်ယောက်ကို အဝတ်စနှင့် ရစ်ပတ်ပြီးလျှင် နွားစာခွက်၌ သိပ်ထားသည်ကို တို့မြင်ရလိမ့်မည်” ဟု မြွက်ဆို၏။ **13** ထိုကောင်းကင်တမန်နှင့်အတူ ကောင်းကင် ဗိုလ်ခြေအပေါင်းရုံသည် ရုတ်တရက်ပေါ်လာကြပြီးလျှင်၊ **14** “အမြင့်ဆုံးသော ကောင်းကင်ဘုံ၌ ဟိတော်မူသော ဘုရားသခင်သည် ဘုန်းကြီးတော်မူပါစီသောင့်၊ မြီကြီးထက်မှာလည်း ကိုယ်တော် နှစ်သက်တော်မူသော လူအပေါင်းရုံ၌ ငြိမ်သက်ခြင်း ဟိပါစီသောင့်” ဟု ဘုရားသခင်ကို ချီးမွမ်းမြွတ်ဆိုကြ၏။ **15** ကောင်းကင်တမန်ရုံသည် သူရိပါးမှ ထွက်ခွါ၍ ကောင်းကင်ဘုံသို့ ပြန်ကြသောအခါ သိုးထိန်းရုံက “ထာဝရဘုရားသည် ငါရုံအား ပြောကြားတော်မူသော ဤအမှုအရာများကို ဗက်လင်မြို့သို့ လား၍ ကြည့်ကြကုန်အံ့” ဟု အချင်းချင်း ပြောဆိုကြ၏။ **16** ထို့ကြောင့် သူရိသည် အယင်လားကြပြီးလျှင် မာရိနှင့်ယောသပ်ကိုလည်းကောင်း၊ နွားစာခွက်၌ သိပ်ထားလျက်ဟိသော သူငယ်တော်ကိုလည်းကောင်း မြင်တို့ကြလေ၏။ **17** သူငယ်ကို မြင်တို့သောအခါ သူရိသည် သူငယ်တော်နှင့်ပတ်သက်၍ ကောင်းကင်တမန် ပြောပြသော အကြောင်းအရာများကို ပြောပြကြ၏။ **18** သိုးထိန်းတိပြောသော စကားကို ကြားရသောသူ အပေါင်းရုံသည် အလွန်အံ့သြကြ၏။ **19** မာရိကလည်း ထိုအကြောင်းအရာအားလုံးကို မှတ်ထားပြီးလျှင် အလေးအနက် စဉ်းစားဆင်ခြင်လျက် နိန်၏။ **20** သိုးထိန်းရုံက ကောင်းကင်တမန် ဖော်ပြသည့်အတိုင်း ကြားရ၊ မြင်ရသဖြင့် ဘုရားသခင်ကို ချီးမွမ်းမြွတ်ဆိုလျက် ပြန်လားကြလေ၏။ **21** သျှစ်ရက်မြောက်သောနိတွင် သူငယ်အား အရီဖျားလှီးခြင်းမင်္ဂလာကို ပီးသောအခါ၊ သူငယ်ပဋိသန္ဓေမယူခင် ကောင်းကင်တမန်ကပီးသော နာမည်ဖြစ်သည့် ယေသျှဟူသောနာမည်ဖြင့် မှည့်ကြလေ၏။ **22** မောသျှ၏ ပညတ်တရားအရ ယောသပ်နှင့်မာရိသည် စင်ကြယ်ခြင်းဝတ်ကို ပြုရမည့် အချိန်ရောက်သောအခါ ဘုရားသခင် ရှိတော်၌ ဆက်ကပ်ရန် သူငယ်ကို ယေရုဆလင်မြို့သို့ ခေါ်ဆောင်လား၏။ **23** “သားဦးယောက်ျားမှန်သမျှကို ဘုရားသခင်အား ဆက်ကပ်ရမည်” ဟူ၍ ဘုရားသခင်၏ ပညတ္တိကျမ်း၌ ဖော်ပြထား၏။ **24** သူရိသည်လည်း “ပြီးချေ နှစ်ကောင်ကို ဖြစ်စီ၊ ခိုနှစ်ကောင်ကို ဖြစ်စီ ပူဇော်ရမည်” ဟူ၍ လည်းကောင်း၊ ဘုရားသခင်၏ ပညတ္တိကျမ်းတွင် ဖော်ပြပါဟိသည့်အတိုင်း ဆက်ကပ်ပူဇော်ကြ၏။ **25** ထိုအချိန်၌ သျှုမောင်ဟု ခေါ်သော လူတစ်ယောက်သည် ယေရုဆလင်မြို့တွင် နီထိုင်လျက်ဟိ၏။ သူသည် ဖြောင့်မတ်သောသူဖြစ်၍ ဘာသာတရားကိုင်းယိုင်းသောသူဖြစ်၏။ သူသည် ဣသရေလလူမျိုးတို့ ကယ်တင်ခြင်းရရှိရန် စောင့်မျှော်နိုင်သောသူလည်း ဖြစ်ပြီး သန့်ယုင်းသောဝိညာဉ်တော်သည်

သူ၌ တည်တော်မူ၏။ 26 သူသည် ဘုရားသခင်၏ မေသျှိယကို မဖူးရခင်မသီရဟု သန့်ယုင်းသောဝိညာဉ်တော်အားဖြင့် ဗျာဒိတ်တော်ကို ရထားသူလည်းဖြစ်၏။ 27 ထိုအခါ သျှုမောင်သည် ဝိညာဉ်တော်၏ ဦးဆောင်မှုအားဖြင့် ဗိမာန်တော်ထဲသို့ ဝင်လေ၏။ ပညတ်တရားအတိုင်း ဆောင်ရွက်ရန် မိဖုရားပါးရှိသည် သူငယ် ယေသျှုကို ဗိမာန်တော်ထဲသို့ ခေါ်လာကြသောအခါ၊ 28 သျှုမောင်သည် သူငယ်ကို သူ့လက်ဖြင့် ပို့ချ၍ ဘုရားသခင်၏ ကျေးဇူးတော်ကို ချီးမွမ်းလေသည်မှာ၊ 29 “ဘုရားသခင်၊ ကိုယ်တော်၏ ကတိတော်သည် အဂ္ဂ ပြည့်စုံ နိန်ပြီ ဖြစ်သည့်အတွက်၊ ကိုယ်တော်၏ အခိုင်းအစီကို ငြိမ်သက်စွာ လားရသောအခွင့်ကို ပီးတော်မူပါ။ 30 တစ်ပါးအမျိုးသားတိအတွက် ကိုယ်တော်၏အလင်းကို လင်းစီရန်နှင့် ကိုယ်တော်လူမျိုးတော် ကုသရေလ၏ ဘုန်းအသရေ ထွန်းလင်းလာစီရန်၊ လူမျိုးအပေါင်းရှိ၍ ကိုယ်တော်သျှင် ပျင်ဆင်ထားသော၊ ကယ်တင်ခြင်းကို အကျွန်ုပ်မျက်စိနဲ့ တပ်အပ်မြင်ရဗျာယ်” ဟု မြွက်ဆို၏။ 33 သူငယ်၏မိဖုရားသည် သူငယ်နှင့်ပတ်သက်၍ သျှုမောင် ပြောဆိုသောစကားကို ကြားသောအခါ အံ့သြကြ၏။ 34 သျှုမောင်သည် သူရိန်ကို ကောင်းကြီးပီး၍ သူ၏မိခင် မာရိအား၊ “များစွာသော ကုသရေလူမျိုး၌ ဖျက်ဆီးခံရသူများနှင့် ကယ်တင်ခြင်းခံရသူများ အတွက် ဤသူငယ်ကို ဘုရားသခင်သည် ရွီးမြယ်ခန့်ထားတော်မူဗျာယ်။ ဤသူသည် ဘုရားသခင်ထံပါးမှ အမှတ်လက္ခဏာဖြစ်ပြီးလျှင် သူ့ကို လူတိက ဆန့်ကျင်ပြောဆိုခြင်းဖြင့်၊ 35 သူရိန်၏ စိတ်နှလုံးအကြံအစီတို့ကို ပေါ်လွင်စီကြလိမ့်မည်။ သင်၏နှလုံးကို သံလျက်ခါးနန့် ထိုးဖောက်ခံရသကဲ့သို့ နာကြင်စွာခံစားရလိမ့်မည်” ဟု ပြောဆို၏။ 36 အာသျှာအမျိုးအနွယ်ဝင်း ဖန္ဒေလ၏သမီး၊ အနွအမည်ဟိသည် အသက်ကြီးရင့်သော ပရောဖက်မတစ်ယောက် ဟိ၏။ သူမသည် အိမ်ထောင်ပြု၍ ခုနစ်နှစ်သာ ပေါင်းသင်းခရပြီး၊ 37 အဂ္ဂ အသက် ၈၄ နှစ်တိုင်တိုင် မုဆိုးမဘဝနှင့် နီထိုင်ရ၏။ သူမသည် အစာယောင်၍ ဆုတောင်းလျက် နို့ညမလပ် ဘုရားဝတ်ပြုကာ ဗိမာန်တော်မှမခွါဘဲ နိန်၏။ 38 သူမသည်လည်း ထိုအချိန်၌ ရောက်လာပြီးလျှင် ဘုရားသခင်၏ကျေးဇူးတော်ကို ချီးမွမ်းလျက် ယေရုဆလင်မြို့ ရွီးနုတ်ကယ်တင်ခံရမည့်အကြောင်းကို စောင့်မျှော်နိုင်သော လူအပေါင်းရှိအား သူငယ်အကြောင်းကို ပြောဆို၏။ 39 ယောသပ်နှင့် မာရိရှိသည် ဘုရားသခင်၏ ပညတ်တော်ဟိသမျှကို ဆောင်ရွက်ပြီးလျှင် သူရိန်၏ မြို့ဖြစ်သော ဂါလိလဲပြည်၊ နာဇရက်မြို့သို့ ပြန်လာကြ၏။ 40 သူငယ်သည် ကြီးထွားသန်မာလာပြီး ဉာဏ်ပညာနှင့် ပြည့်စုံကာ ဘုရားသခင်၏ ကျေးဇူးတော်သည် သူ့အထက်၌ တည်လျက်ဟိ၏။ 41 ယေသျှု၏မိဖုရားသည် နှစ်စဉ်နှစ်တိုင်း ပသခါပွဲတော်ကိုခံယူရန် ယေရုဆလင်မြို့သို့ လားကြလေ၏။ 42 ယေသျှုသည် အသက်တစ်ဆယ့်နှစ်နှစ် ဟိသောအခါ သူရိန်သည် ထုံးစံဟိသည်အတိုင်း ပွဲတော်သို့ လားကြ၏။ 43 သူ၏မိဖုရားသည် ပွဲတော်ပြီးဆုံးချိန်၌ အိမ်သို့ ပြန်ကြသော်လည်း သူငယ်ယေသျှုသည် ယေရုဆလင်မြို့တွင် ကျန်ခလေ၏။ ထိုသို့ ကျန်ခသည်ကို သူ၏မိဖုရားသည် မသိကြ။ 44 ထို့ကြောင့် သူ၏မိဖုရား သူသည် သူရိန်၏ အပေါင်းအဖော်များထဲတွင် ဟိလိမ့်မည်ဟု ထင်မှတ်လျက် တစ်နိတားခရီး လားပြီးမှ မိမိရိ၏ မိတ်ဆွေတို့နှင့် ဆွီမျိုးသားချင်းတိကြားတွင် သူ့ကို ရှာကြ၏။ 45 သူရိန်သည် သူ့ကို မတို့သောအခါ ယေရုဆလင်မြို့သို့ ပြန်လား၍ ရှာကြ၏။ 46 တတိယမြောက်နှိတွင် သူရိန်သည် သူငယ်ကို ဗိမာန်တော်ထဲတွင် တွိကြ၏။ သူသည် ယုဒဆရာများနှင့် အတူထိုင်ကာ သူရိန်၏တရားစကားများကို ကြားနာလျက် သူရိန်နှင့် ဆွေးနွေး မိန်းမြန်းလျက် နိန်၏။ 47 သူ၏စကားကို ကြားသောသူတိုင်းကလည်း သူ၏ဉာဏ်စွမ်းနန့် ဖြေကြားချက်ကို အံ့သြကြ၏။ 48 သူ၏မိဖုရားသည် သူ့ကို တို့သောအခါ အံ့မောကျ၍၊ သူ၏ မိခင်က “ငါ့သား၊ ဇာဖြစ်လို့ ငါရိကို ဤသို့ ပြုသနည်း၊ မေမေနှင့်ဘာဘာကလည်း ကောင်းကောင်း စိတ်ပူပြီးလျှင် သားချေကို ရှာခရသည်” ဟု ပြော၏။ 49 သူက၊ “ဇာဖြစ်လို့ အကျွန်ုပ်ကို ရှာကြပါသနည်း။ အကျွန်ုပ်အဖအိမ်တော်၌ ဟိ နိန်ရမည် ဆိုသည်ကို မသိကြသလား” ဟု မိဖုရားအား ပြန်ပြော၏။ 50 သို့ရာတွင် သူရိန် သူသည် မိမိရိအား ဇာကို ပြောနိုင်သည်ကို နားမလည်ကြ။ 51 ထို့ကြောင့် ယေသျှုသည် မိဖုရားနှင့်အတူ နာဇရက်မြို့သို့ လိုက်လာပြီး မိဖုရား၏စကားကို နာခံလျက်နိန်၏။ သူ၏မိခင်သည်ကား

ဖြစ်ပျက်ခသမျှကို မိမိစိတ်နှလုံးထဲတွင် မှတ်သားထားလေ၏။ 52 ယေသျှုသည်လည်း ခန္ဓာနှင့် ဉာဏ်ပညာပိုင်းတွင် တိုးတက်ကြီးထွားလျက် ဘုရားသခင်နှင့် လူရှိ၌ မျက်နှာပွင့်လန်းလျက် ဟိလေ၏။

3 ဧကရာဇ်ဘုရင် တိဗေရိ နန်းစံနှစ် တစ်ဆယ့်ငါးနှစ်ဟိသောအခါ ယုဒပြည်တွင် ပုန္တိပိလတ်သည် ဘုရင်ခံဖြစ်၏။ ဂါလိလဲပြည်တွင် ဟောရုဒ၊ ဣတုရဲနယ်နှင့် တြာခေါနိတ်နယ်တွင် ဟောရုဒ၏ညီ ဖိလိပျု၊ အဘိလင်နယ်တွင် လုသာနိရို့သည် အသီးသီး နယ်စားများ ဖြစ်ကြ၏။ 2 အန္နနှင့် ကယာဖရိုက ယဇ်ပုရောဟိတ်မင်းများ ဖြစ်ကြ၏။ ထိုအချိန်တွင် တောကန္တာရ၌ဟိသော ဇာခရိ၏သား ယောဟန်သည် ဘုရားသခင်၏ ဗျာဒိတ်တော်ကို ခံရ၏။ 3 ထို့ကြောင့် ယောဟန်သည် ယောဒန်မြစ်ဝှမ်းတလျှောက် လားပြီးလျှင် “အပြစ်မှ နောင်တရပြီးလျှင် ဗတ္တိဇံကို ခံယူကတိပါ။ သို့မှသာ ဘုရားသခင်သည် သင်ရိုအပြစ်ကို လွှတ်တော်မူလိမ့်မည်” ဟု ဟောပြောလေ၏။ 4 ပရောဖက် ဟေသျှုယကျမ်းစာ၌ ရီးသားထားသည်မှာ၊ “တောကန္တာရတွင် ဟစ်ကြော်သောသူ၏ အသံမှာ၊ ‘ထာဝရဘုရား ကြွတော်မူရာလမ်းကို အသင့်ပျင်ဆင်ကြလော့၊ ကိုယ်တော်၏လမ်းကို ပြောင့်တန်းအောင် ပြုလုပ်ကြလော့၊ 5 ချိုင့်ဝှမ်းဟိသမျှကို ဖို့ပြီးလျှင် တောင်ကြီးတောင်ငယ်တို့ကို ဖြိုကြလော့။ ကောက်သောလမ်းကို ပြောင့်တန်းစီပြီးလျှင်၊ ကြမ်းတမ်းသောလမ်းကိုလည်း ချောမွတ်စီကြလော့၊ 6 လူအပေါင်းရှိသည် ဘုရားသခင်၏ ကယ်တင်ခြင်းကို တို့မြင်ရလိမ့်မည်” ဟု ဖြစ်၏။ 7 ယောဟန်သည် မိမိထံ၌ ဗတ္တိဇံခံယူရန် ရောက်လာကြသော လူအပေါင်းရိုအား “အချင်း မြို့ဆိုးအမျိုးရို့ ကျရောက်လတ္တံသော အမျက်တော်၏ ဖိမှ ယောင်ဗြီးရန် သင်ရို့ကို ဇာသူက သတိပီးသနည်း။ 8 နောင်တရခြင်းနှင့်ဆိုင်သော အသီးကို သီးကြလော့။ အာဗြဟံသည် ငါရိုအဖ ဖြစ်သည်ဟု မပြောကတိကော့။ ဘုရားသခင်သည် ဤကျောက်ခဲတို့ကို အာဗြဟံ၏ အမျိုးအနွယ်တို့ဖြစ်လာအောင် ဖန်ဆင်းနိုင်တော်မူသည် ဟု သင်ရို့ကို ငါပြောဆို၏။ 9 ပေါက်ဆိန်ကို သစ်ပင်အရင်း၌ အသင့် ပျင်ထားသည်ဖြစ်သဖြင့် ကောင်းသောအသီးကို မသီးသော အပင်ဟိသမျှကို ခွတ်ပစ်ပြီး မီးအိုင်ထဲသို့ ဝေးပစ်ခြင်း ခံရလိမ့်မည်” ဟု ဆို၏။ 10 လူအပေါင်းရို့က “ထိုသို့ဆိုလျှင် အကျွန်ရို့ ဇာပိုင်လုပ်ရပါမည်နည်း” ဟု မိန်းကြလျှင်၊ 11 ယောဟန်က “အင်္ကျီနှစ်ထည် ဟိသောသူက အင်္ကျီမဟိသောသူအား အင်္ကျီတစ်ထည်ကို ပီးလော့၊ စားစရာဟိသောသူကလည်း ထိုနည်းအတိုင်း မျှဝီပီးလော့” ဟု ပြန်ပြော၏။ 12 တချို့သော အခွန်ခံသူရို့ကလည်း ဗတ္တိဇံကို ခံယူရန် လာကြ၍ သူရို့က “ဆရာ၊ အကျွန်ရို့ ဇာလုပ်ရပါဖို့လဲ” ဟု မိန်းကြ၏။ 13 ယောဟန်ကလည်း “တရားဝင်သတ်မှတ်ထားသည်ထက် အခွန်ကို ပိုမကောက်ကတ်ကော့” ဟု ပြန်ပြော၏။ 14 ထို့နောက် တချို့သော စစ်သားတိကလည်း “အကျွန်ရို့ ဇာပိုင်လုပ်ရပါမည်နည်း” ဟု မိန်းကြ၏။ ယောဟန်က “သင်ရို့သည် ဇာသူကိုလည်း မတရား မစွပ်စွဲကတိကော့၊ ဇာသူဖဲသာကိုလည်း အားဓမ္မ မယူကော့။ သင်ရို့ရသည့် လစာနှင့် ရောင့်ရဲကြလော့” ဟု ပြန်ပြော၏။ 15 လူတိက မေသျှိယ ကြွလာဖို့ယာ ဟု စောင့်မျှော်နိုင်ချိန်ဖြစ်ရာ ယောဟန်သည် မေသျှိယပင် ဖြစ်နိုင်သလောဟု စိတ်နှလုံးထဲ၌ တွေးတောလျက်နိန်ကြ၏။ 16 သို့ဖြစ်၍ ယောဟန်က “ငါက သင်ရို့ကို ရိုအားဖြင့် ဗတ္တိဇံမင်္ဂလာကို ပီး၏။ ငါ့ထက်ကြီးမြတ်သောသူသည် ငါ့နောက်၌ ပေါ်ထွန်းလာလိမ့်မည်။ ငါသည် ထိုအသျှင်၏ ခြံနင်းကြီးကိုတောင် မဖို့ထိုက်။ ထိုအသျှင်သည် သင်ရို့ကို သန့်ယှင်းသောဝိညာဉ်တော်နှင့် လည်းကောင်း၊ မီးနှင့် လည်းကောင်း ဗတ္တိဇံမင်္ဂလာကို ပီးတော်မူလိမ့်မည်။ 17 ထိုသူသည် မိမိ၏ ကောက်နယ်တလင်းကို ယှင်းလင်းရန် လက်၌ ဆန်ကောက်ကို ကိုင်ထားတော်မူသည်ဖြစ်၍ ဂျုံစပါးတို့ကို ပုတ်ထဲတွင် စုသိမ်းပြီးလျှင် အဖျင်းတို့ကို မငြိမ်းနိုင်သော မီးထဲ၌ လောင်ကျွမ်းစီတော်မူလိမ့်မည်” ဟု သူရို့ကို ပြောဆို၏။ 18 ယောဟန်သည် ခြားနားသော နီးဆော်ချက်များနှင့် ထိုသူရို့၏ အကျင့်တိကိုလည်း ပြောင်းလဲစီရန် လူတို့ကို တိုက်တွန်း၍ သတင်းကောင်းကို သူရို့အား ဟောပြောတော်မူ၏။ 19 သို့သော် ယောဟန်သည် နယ်စားဟောရုဒ်အား၊ သူ့ညီ၏မယားဖြစ်သော ဟောရောဒိကို သိမ်းပိုက်ခြင်းနှင့် အခြားသော မကောင်းမှုများကို ကျူးလွန်ခသောကြောင့် ဆုံးမခ၏။ 20 ထို့နောက် ယောဟန်ကို ထောင်ထဲတွင် ချုပ်ထားစီခြင်းဖြင့်

ဟေရဒ်သည် ပို၍ ဆိုးရွားသော အပြစ်ကို ကျူးလွန်လေ၏။ 21 လူအပေါင်းရှိသည် ဗတ္တိဇံကို ခံယူကြပြီးသောအခါ ယေသျှုသည်လည်း ဗတ္တိဇံမင်္ဂလာကို ခံယူတော်မူ၏။ ကိုယ်တော်သည် ဆုတောင်းတော်မူစဉ် ကောင်းကင်ပွင့်ဟ၍၊ 22 သန့်ယှင်းသော ဝိညာဉ်တော်သည် ပြုံးငှက်အသွင်ဖြင့် ကိုယ်ထင်ရှား၍ ကိုယ်တော်၏အပေါ်သို့ ဆင်းသက်တော်မူ၏။ ကောင်းကင်မှအသံတော်ကား “သင်သည် ငါနှစ်သက်မြတ်နိုးရာ ငါ၏ချစ်သားဖြစ်သည်” ဟု ထွက်ပေါ်လာ၏။ 23 အမှုတော်ကို စတင်ဆောင်ရွက်ချိန်၌ ယေသျှုသည် အသက်သုံးဆယ်ခန့် ဟိတော်မူ၏။ လူများအထင်မှာ ကိုယ်တော်သည် ယောသပ်၏သား ဖြစ်၏။ ယောသပ်သည် ဧလိ၏ သားတည်း။ 24 ဧလိသည် မဿတ်၏သား၊ မဿတ်သည် လေဝိ၏သား၊ လေဝိသည် မေလခိ၏သား၊ မေလခိသည် ယန္နု၏သား၊ ယန္နုသည် ယောသပ်၏သား ဖြစ်၏။ 25 ယောသပ်သည် မတ္တသိ၏သား၊ မတ္တသိသည် အာမုတ်၏သား၊ အာမုတ်သည် နာဟုံ၏သား၊ နာဟုံသည် ဧသလိ၏သား၊ ဧသလိသည် နဂ္ဂ၏သားဖြစ်၏။ 26 နဂ္ဂသည် မာအတ်၏သား၊ မာအတ်သည် မတ္တသိ၏သား၊ မတ္တသိသည် သျှုမိ၏သား၊ သျှုမိသည် ယောသပ်၏သား၊ ယောသပ်သည် ယုဒ၏သား ဖြစ်၏။ 27 ယုဒသည် ယောဟန္န၏သား၊ ယောဟန္နသည် ရေသ၏သား၊ ရေသသည် ဧရုဗဗေလ၏သား၊ ဧရုဗဗေလသည် သျှာလသေလ၏သား၊ သျှာလသေလသည် နီရဲ၏သား ဖြစ်၏။ 28 နေရဲသည် မေလခိ၏သား၊ မေလခိသည် အဒွိ၏သား၊ အဒွိသည် ကောသံ၏သား၊ ကောသံသည် ဧလမောဒ်၏သား၊ ဧလမောဒ်သည် ဧရု၏သား ဖြစ်၏။ 29 ဧရုသည် ယောသျှု၏သား၊ ယောသျှုသည် ဧလျေဇာ၏သား၊ ဧလျေဇာသည် ယောရိမ်၏သား၊ ယောရိမ်သည် မဿတ်၏သား၊ မဿတ်သည် လေဝိ၏သား ဖြစ်၏။ 30 လေဝိသည် သျှိုမောင်၏သား၊ သျှိုမောင်သည် ယုဒ၏သား၊ ယုဒသည် ယောသပ်၏သား၊ ယောသပ်သည် ယောနန်၏သား၊ ယောနန်သည် ဧလျာကိမ်၏သား ဖြစ်၏။ 31 ဧလျာကိမ်သည် မေလေ၏သား၊ မေလေသည် မဲနန်၏သား၊ မဲနန်သည် မတ္တသ၏သား၊ မတ္တသသည် နာသန်၏သား၊ နာသန်သည် ဒါဝိဒ်၏သား ဖြစ်၏။ 32 ဒါဝိဒ်သည် ယေသျှု၏သား၊ ယေသျှုသည် ဩဗက်၏သား၊ ဩဗက်သည် ဗောဇ၏သား၊ ဗောဇသည် စာလမုန်၏သား၊ စာလမုန်သည် နာရှန်၏သားဖြစ်၏။ 33 နာရှန်သည် အမိနပ်၏သား၊ အမိနပ်သည် အဒ်မိန်၏သား၊ အဒ်မိန်သည် အာရ်နီ၏သား၊ အာရ်နီသည် ဟေဇရဲ၏သား၊ ဟေဇရဲသည် ဖာရက်၏သား၊ ဖာရက်သည် ယုဒ၏သား ဖြစ်၏။ 34 ယုဒသည် ယာကုပ်၏သား၊ ယာကုပ်သည် ဣဇာက်၏သား၊ ဣဇာက်သည် အာဗြဟံ၏သား၊ အာဗြဟံသည် တေရ၏သား၊ တေရသည် နာခေါ်၏သားဖြစ်၏။ 35 နာခေါ်သည် စေရောက်၏သား၊ စေရောက်သည် ရာဂေါ၏သား၊ ရာဂေါသည် ဖာလက်၏သား၊ ဖာလက်သည် ဟေဗာ၏သား၊ ဟေဗာသည် သျှာလ၏သား ဖြစ်၏။ 36 သျှာလသည် ကာကုန်၏သား၊ ကာကုန်သည် အာဖဒေ၏သား၊ အာဖဒေသည် သျှုမ၏သား၊ သျှုမသည် နောဇ၏သား၊ နောဇသည် လာမက်၏သား ဖြစ်၏။ 37 လာမက်သည် မသုသျှုလ၏သား၊ မသုသျှုလသည် ဧနောက်၏သား၊ ဧနောက်သည် ယာရက်၏သား၊ ယာရက်သည် မဟာလေလ၏သား၊ မဟာလေလသည် ကာနန်၏သား ဖြစ်၏။ 38 ကာနန်သည် ဧနုတ်၏သား၊ ဧနုတ်သည် သျှုသ၏သား၊ သျှုသသည် အာဒ်၏သား၊ အာဒ်သည် ဘုရားသခင်၏သား ဖြစ်သတည်း။

4 ယေသျှုသည် သန့်ယှင်းသောဝိညာဉ်တော်နှင့် ပြည့်ဝပြီး ယော်ဒန်မြစ်မှ ပြန်ကြွလာတော်မူစဉ် ဝိညာဉ်တော်သည် ကိုယ်တော်ကို တောကန္တာရသို့ ပို့ဆောင်တော်မူ၏။ 2 ထိုအရပ်၌ ရက်လေးဆယ်ပတ်လုံး မာရ်နတ်၏ စုံစမ်းသွီးဆောင်ခြင်းကို ခံတော်မူ၏။ ထိုနီရက်များအတွင်း မည်သည့်အစားအစာကိုမျှ သုံးဆောင်တော်မမူသောကြောင့် ထိုအချိန်လွန်သောအခါ ကိုယ်တော်သည် ဆာမွတ်တော်မူ၏။ 3 ထိုအခါ မာရ်နတ်က “သင်သည် ဘုရားသခင်၏သားဖြစ်သည်ဟု ဆိုလျှင်၊ ဤကျောက်ခဲကို မုန့်ဖြစ်စီမို့ အမိန့်ပီးပါ” ဟု လျှောက်၏။ 4 ယေသျှုကလည်း “လူသည် မုန့်အားဖြင့်သာ အသက်ရှင်သည် မဟုတ် ဟူ၍ ကျမ်းစာ၌လာ၏” ဟု မိန့်တော်မူ၏။ 5 ထို့နောက် မာရ်နတ်သည် ကိုယ်တော်ကို တောင်ထက်သို့ ခေါ်ဆောင်လားပြီးနောက် လောကီနိုင်ငံဟိသမျှကို ချက်ချင်း ညွှန်ပြလေ၏။ 6 ထိုအခါ မာရ်နတ်က “ဤဘုန်းတန်ခိုးစည်းစိမ် ဟိသမျှတို့ကို သင့်အားပီးမည်။ ဤအရာတို့ကို ငါ့အား ပီးအပ်ထားသည်ဖြစ်၍

ငါသည် ပီးချင်သောသူကို ပီးနိုင်၏။ 7 သို့ဖြစ်၍ သင်သည် ငါ့ကို ကိုးကွယ်သည်ဟိုသော် ဤအရာအားလုံးသည် သင်၏ ဥစ္စာဖြစ်လိမ့်မည်” ဟု ပြော၏။ 8 ယေသျှုကလည်း၊ “ကျမ်းစာလာသည်ကား၊ ‘သင်ရို၏အသျှင် ဘုရားသခင်ကိုသာ ကိုးကွယ်၍ ထိုအသျှင်၏ အမှုကိုသာ ဆောင်ရွက်ရမည်’” ဟု မိန့်တော်မူ၏။ 9 မာရ်နတ်သည် ယေသျှုကို ယေရုဆလင်မြို့သို့ ခေါ်လားပြီး ဗိမာန်တော်အထွဋ်ထိပ်၌ ထားပြီးလျှင် “သင်သည် ဘုရားသခင်၏သားတော် ဖြစ်သည်မှန်လျှင်၊ သင်ကိုယ်တိုင် ဤနီရာမှ အောက်သို့ ခုန်ချလိုက်ပါ။ 10 ကျမ်းစာတော်မြတ်တွင် ‘သင့်ကို စောင့်ရှောက်ဖို့ ကောင်းကင်တမန်တို့ကို ဘုရားသခင်က မိန့်မှတ်ထားတော်မူ၏။ 11 ထို့အပြင် ‘သင်၏ဦးကို ကျောက်နုနဲ့ မထိခိုက်စီခြင်းငှာ သူရိုလက်နှင့် သင့်ကို ကိုင်ထားကြလိမ့်မည်’” ဟူ၍လည်း ဆို၏။ 12 ယေသျှုကလည်း “သင်၏ ဘုရားသခင် ထာဝရဘုရားကို စုံစမ်းခြင်းမပြုရ’ ဟု ကျမ်းစာ၌လာ၏” ဟူ၍ မိန့်တော်မူ၏။ 13 မာရ်နတ်သည် စုံစမ်းသွီးဆောင်ခြင်း အားလုံးကို ပြုပြီးသောအခါ ကိုယ်တော်ထံပါးမှ အဝီးသို့ ထွက်လားပြီးလျှင် အခါအခွင့်ကောင်းကို စောင့်နိုင်၏။ 14 ထို့နောက် ယေသျှုသည် သန့်ယုင်းသော ဝိညာဉ်တော်တန်ခိုးနှင့် ပြည့်ဝလျက် ဂါလိလဲပြည်သို့ ပြန်ကြွလာတော်မူ၏။ ကိုယ်တော်၏ သတင်းတော်သည် ထိုဒေသဝန်းကျင်တစ်ခုလုံးသို့ ပြန့်လားလေ၏။ 15 ကိုယ်တော်သည် တရားဇရပ်များ၌ ဟောပြောသွန်သင်သောကြောင့် လူတိုင်းက ကိုယ်တော်ကို ချီးမွမ်းကြ၏။ 16 ထို့နောက် ယေသျှုသည် မိမိကြီးပြင်းရာ နာဇရက်မြို့သို့ ကြွတော်မူပြီးလျှင် ဥပုသ်၌ ထုံးစံဟိသည်အတိုင်း တရားဇရပ်သို့ ဝင်တော်မူ၏။ ကိုယ်တော်သည် ကျမ်းစာကို ဖတ်ခြင်းငှာ ထတော်မူလျှင်၊ 17 ပရောဖက်ဟောရှာယ ကျမ်းစာကို ကိုယ်တော်အား ပီးတော်မူ၏။ ကိုယ်တော်သည် ကျမ်းစာကို ဖွင့်၍ တွိတော်မူသော ကျမ်းစာ၌ ရိုးထားသည်မှာ၊ 18 “ထာဝရဘုရား၏ ဝိညာဉ်တော်သည် ငါ့အထက်၌ တည်တော်မူပြီးလျှင်၊ ဆင်းရဲသားရို့အား သတင်းကောင်းကို ပြောကြားရန် ငါ့ကို ရွီးခြယ်တော်မူပြီ။ အချုပ်အနှောင်ခံရသူများကို လွတ်မြောက်စီရန်အကြောင်းနှင့် မျက်စိကန်းသူရို့ကို မျက်စိပြန်မြင်စီရန်၊ ညည်းပန်းနှိပ်စက်ခံရသူရို့ကို ကယ်မရန်နှင့်၊ 19 ထာဝရဘုရားသည် မိမိလူရို့ကို ကယ်တင်ခြင်းငှာ အချိန်ရောက်ပြီဖြစ်ကြောင်း ကြေငြာရန် ငါ့ကို ရွတ်လိုက်တော်မူ၏” ဟူ၍ ဖြစ်၏။ 20 ထို့နောက် ယေသျှုက ကျမ်းစာလိပ်ကိုလိပ်၍ တရားဇရပ်မှူးအား ပြန်ပီးပြီးနောက် ထိုင်တော်မူ၏။ တရားဇရပ်ထဲ၌ဟိသော လူအပေါင်းရှိသည် ကိုယ်တော်ကို စိုက်ကြည့်နိုင်ကြ၏။ 21 ကိုယ်တော်က “ဤကျမ်းစာ၌ပါသော အကြောင်းအရာများသည် သင်ရိုကြားသည်အတိုင်း ဤနို့ ပြည့်စုံလီဗျာယ်” ဟု သူရို့အား မိန့်တော်မူ၏။ 22 လူအပေါင်းရှိသည် ကိုယ်တော်၏အကြောင်းကို ချီးကျူးပြောဆိုပြီး နှုတ်တော်ထွက်စကားများကို အံ့ဩကြ၏။ သူရို့က “ဤသူသည် ယောသပ်သား မဟုတ်လား” ဟုပြောကြ၏။ 23 ကိုယ်တော်ကလည်း “သင်ရို့သည် ‘အချင်း ဆီးဆရာ၊ သင့်ရောဂါကို သင်ပျောက်အောင် ကုလော့’ ဆိုသည့် ဆိုရိုးစကားကို အသုံးပြု၍ ငါ့အား ဧကန်အမှန် ဆိုလိမ့်မည်။ ‘ကပေရနောင့်မြို့၌ အသျှင်ပြုခမည့် အမှုကို အကျွန်ရို့ ကြားသည်အတိုင်း အသျှင်နီထိုင်ရာမြို့၌လည်း ပြုတော်မူပါ’ ဟု ငါ့ကို ပြောကြလိမ့်မည်။” 24 ယေသျှုကလည်း “ငါအမှန်ဆိုသည်ကား၊ ပရောဖက်ရှိသည် မိမိနီရပ်မြို့၌ မျက်နှာမရတတ်။” ဟု ထပ်၍ မိန့်တော်မူ၏။ 25 “ငါအမှန်ဆိုသည်ကား၊ ဧလိယလက်ထက် ကူသရေလ နိုင်ငံတွင် သုံးနှစ်နှင့်ခြောက်လပတ်လုံး မိုးခေါင်ပြီးလျှင် ကြီးစွာသော အစာငတ်မွတ်ခြင်းဖီး ကျရောက်သောအခါ၌ ကူသရေလအမျိုး မုဆိုးမတိ ဟိကြ၏။ 26 သို့သော်လည်း ပရောဖက်ဧလိယအား ဇာသူတစ်ယောက်ပါးကိုမျှ ရွတ်လိုက်တော်မမူ။ ဇိဒုံပြည်၊ ဇရတ္တမြို့သူ မုဆိုးမပါးသို့သာ ရွတ်တော်မူ၏။ 27 ပရောဖက်ဧလိယ လက်ထက်တွင်လည်း ကူသရေလအမျိုးသားရှိသည် နူနာရောဂါသည် အများဟိသော်လည်း ဇာသူတစ်ယောက်မျှ ကျန်းမာခြင်းကို မရကတ်၊ ယုရိပြည်သား နေမန်သာလျှင် ကျန်းမာခြင်းကို ရ၏” ဟု သူရို့အား မိန့်တော်မူ၏။ 28 တရားဇရပ်၌ဟိသော လူအပေါင်းရှိသည် ထိုစကားကို ကြားသောအခါ အလွန် ဒေါသ ထွက်ကြ၏။ 29 သူရို့သည် ထ၍၊ ယေသျှုအား တောင်ကမ်းပါးမှ တွန်းချရန် မြို့တည်ရာ တောင်ထိပ်စွန်းသို့ ခေါ်ဆောင်လားကြ၍ ကိုယ်တော်ကို တောင်ကမ်းပါးစွန်းမှ တွန်းချရန် ရည်ရွယ်ကြ၏။

30 သို့ရာတွင် ကိုယ်တော်သည် ပရိသတ်အလယ်မှ လျှောက်၍ ကြွလားတော်မူ၏။ 31 ထို့နောက် ယေသျှုသည် ဂါလိလဲပြည်၊ ကပေရေဇောင့်မြို့သို့ ရောက်သောအခါ ဥပုသ်နိဗ္ဗိ လူတို့ကို ဟောပြောသွန်သင်တော်မူ၏။ 32 ကိုယ်တော်၏ ဟောပြောချက်များသည် အခွင့်အာဏာ ပါဟိသောကြောင့် သူရိသည် အံ့ဩကြ၏။ 33 တရားဇရပ်ထဲတွင် ညစ်ညူးသောနတ်ဆိုး ဝင်ပူးခံရသူတစ်ဦး ဟိ၏။ မိစ္ဆာနတ်ဆိုးက၊ 34 “အို၊ နာဇရက်မြို့သား ယေသျှု၊ ကိုယ်တော်သည် အကျွန်ုပ်နှင့် ဇာဆိုင်လဲ၊ အကျွန်ုပ်ကို ပျက်စီးစီရန်အတွက် ကြွလာသလား၊ ကိုယ်တော်သည် ဇာသူဖြစ်သည်ကို အကျွန်ုပ် သိပါ၏။ ကိုယ်တော်သည် ဘုရားသခင်၏ သန့်ယှင်းသောသူဖြစ်ပါ၏” ဟု ကျယ်လောင်စွာ ဟစ်အော်လေ၏။ 35 ယေသျှုကလည်း၊ “တိတ်ဆိတ်စွာ နိန့်၍ သူ့အထဲက ထွက်လားလော” ဟု မိန့်တော်မူ၏။ ထို့နောက် နတ်ဆိုးသည် ထိုသူကို လူအများရှိ၌ လဲချပြီးလျှင် အနာတရ မဖြစ်စိဘဲ သူ့အထဲမှ ထွက်လားလေ၏။ 36 လူအပေါင်းရှိသည် အံ့ဩလျက် “ဤစကားက ဇာပိုင်မျိုးလဲ၊ ဤသူသည် ဝိညာဉ်ဆိုးတို့ကို ထွက်လားရန် တန်ခိုးအာဏာဖြင့် အမိန့်ပီး၍ သူရိ ထွက်လားကြပါသည်တကား” ဟု အချင်းချင်း ပြောဆိုကြ၏။ 37 ယေသျှု၏ သတင်းတော်သည် ပတ်ဝန်းကျင်ဒေသ တလျှောက်တွင် ပြန့်လေ၏။ 38 ယေသျှုသည် တရားဇရပ်မှ ထွက်ကြွပြီး သျှိုမှန်၏အိမ်သို့ ကြွတော်မူ၏။ သျှိုမှန်၏ယောက္ခမသည် အဖျားဝေဒနာကို ပြင်းစွာ ခံစားနိုင်သည်ဖြစ်၍ သူရိသည် ထိုအကြောင်းကို ကိုယ်တော်အား လျှောက်ထားကြ၏။ 39 သို့ ဖြစ်၍ ကိုယ်တော်သည် သူမ၏အနားတွင် ရပ်ပြီးလျှင် အဖျားပျောက်စီရန် အမိန့်ပီးတော်မူလျှင် အဖျားပျောက်သဖြင့် ချက်ချင်းထ၍ သူရိအား အာဂန္တုဝတ်ကို ပြုလေ၏။ 40 နီဝင်ပြီးနောက် လူတို့က ရောဂါအမျိုးမျိုးဟိသောသူ အပေါင်းရှိကို ယေသျှုထံတော်သို့ ခေါ်ဆောင်ခသည်ဖြစ်၍ ကိုယ်တော်သည် ထိုသူရိ၏ ဂေါင်းထက်မှာ လက်ကိုတင်၍ ရောဂါများကို ပျောက်စီတော်မူ၏။ 41 မိစ္ဆာနတ်ဆိုးရိုက “အသျှင်သည် ဘုရားသခင်၏သားတော်ဖြစ်၏” ဟု အော်ဟစ်လျက် လူတို့ထဲမှ ထွက်လားကြ၏။ ယေသျှုသည် နတ်ဆိုးတို့အား စကားတစ်ခွန်းကိုမျှ ပြောခြင်းကို မပြုခြင်းငှာ အမိန့်ပီးတော်မူ၏။ အကြောင်းမူကား သူရိသည် ကိုယ်တော်အား မေသျှိယဖြစ်ကြောင်းကို သိသောကြောင့် ဖြစ်၏။ 42 မိုးလင်းသောအခါ ယေသျှုသည် လူသူကင်းစီးသော အရပ်သို့ ကြွတော်မူ၏။ သူရိသည် ကိုယ်တော်ကိုရှာ၍ တို့သောအခါ မိမိရှိပါးမှ ထွက်ကြွမလာစီရန် ကြိုးစားကြ၏။ 43 သို့စေကာမူ ကိုယ်တော်က၊ “ငါသည် အခြားမြို့များကိုလည်း ဘုရားသခင်၏ နိုင်ငံတော် သတင်းကောင်းကို ဟောပြောရမည်။ အကြောင်းမူကား ဤအတွက်ကြောင့် ငါ့ကို ရွတ်လိုက်ခြင်းဖြစ်၏” ဟု မိန့်တော်မူ၏။ 44 ထို့ကြောင့် ကိုယ်တော်သည် ယုဒပြည် တရားဇရပ်များတွင် လှည့်လည်၍ တရားဟောတော်မူ၏။

5 တစ်နိဗ္ဗိ ယေသျှုသည် ဂဇဲနီသရက်အိုင်ကမ်းခြေတွင် ရပ်နိန့်တော်မူစဉ် လူတို့က ဘုရားသခင်၏ နှုတ်ကပါတ်တော်ကို ကြားနာခြင်းငှာ ကိုယ်တော်ထံပါးသို့ တိုးဝင်လာကြ၏။ 2 ထိုအခါ ကိုယ်တော်သည် ကမ်းနား၌ ကပ်ထားသော လောင်းနှစ်စင်းကို မြင်၏။ တံငါသည်ရှိသည် လောင်းထက်ကဆင်းပြီးနောက် ပိုက်များကို ဆီးကြောလျက်နိန့်ကြ၏။ 3 ယေသျှုသည် လောင်းများအနက် သျှိုမှန်၏ လောင်းထက်သို့ တက်တော်မူပြီးလျှင် လောင်းကို ကမ်းမှအနည်းချေခွဲရန် သျှိုမှန်အား ပြော၏။ ထို့နောက် ယေသျှုသည် ထိုင်ပြီးလျှင် လူပရိတ်သတ်ရိုးအား ဟောပြောသွန်သင်တော်မူ၏။ 4 ထိုသို့ ဟောပြောပြီးသောအခါ၊ ကိုယ်တော်က “ရိနက်ရာသို့ ရွှံ့လား၍ သင့်အဖော်တို့နှင့်အတူ ပိုက်ကိုချပြီး ငါးဖမ်းကြလော့” ဟု သျှိုမှန်အား မိန့်တော်မူ၏။ 5 သျှိုမှန်က၊ “သခင်၊ အကျွန်ုပ်တို့ တစ်ညလုံးကြိုးစား၍ ငါးရှာကြသော်လည်း ငါးချေ တစ်ကောင်တောင် မရ၊ သို့သော် ကိုယ်တော် မိန့်တော်မူသောကြောင့် ပိုက်တို့ကို ချပါမည်” ဟုလျှောက်ထား၏။ 6 သူရိသည် ပိုက်တို့ကို ချပြီးနောက် အုပ်မိသောငါး များလွန်းသဖြင့် ပိုက်များပင် စုတ်ပြုလုမတက်ဖြစ်၏။ 7 ထို့ကြောင့် လာရောက်ကူညီခြင်းငှာ အခြားသော လောင်းတွင်ဟိသော အဖော်များကို အချက်ပြ၍ ခေါ်ကြ၏။ ထိုသူရိသည် လာ၍ လောင်းနှစ်စင်း၌ ထည့်ကြရာ ငါးနှင့်ပြည့်သဖြင့် လောင်းများ နစ်မြုပ်လုနီးပါး ဖြစ်လေ၏။ 8 ထိုအခြင်းအရာကို

သျှိမုန်ပေတရမြင်သောအခါ ယေသျှု၏ ခြံတော်ရင်းတွင် ပျပ်ဝပ်လျက် “အသျှင်၊ အကျွန်ုပ်သည် အပြစ်များသောသူဖြစ်၍ အကျွန်ုပ်ရဲ့ပါးမှ ကြွလားတော်မူပါ” ဟုလျှောက်၏။ 9 ထိုသို့လျှောက်ရသည်မှာ ဖမ်းမိသော ငါးများပြားသဖြင့် သျှိမုန်နှင့် သူ့အပေါင်းအဖော်ရှိသည် အံ့ဩကြသောကြောင့် ဖြစ်၏။ 10 သျှိမုန်၏ လုပ်ဖော်ဆောင်ဖက်များဖြစ်ကြသော ဇေဗေဒဲ၏သား ယာကုပ်နှင့် ယောဟန်သည်လည်း အံ့ဩကြ၏။ ယေသျှုက သျှိမုန်အား “မကြောက်ကတ်ကော၊ သင်ရှိသည် အရအချိန်ကစပြီးလျှင် လူကိုများသော တံငါဖြစ်လိမ့်မည်” ဟု မိန့်တော်မူ၏။ 11 ထိုသူရှိသည် လောင်းကို ကမ်းနားမှာ ကပ်ထားပြီးလျှင် ဟိသမျှကိုစွန့်၍ နောက်တော်သို့ လိုက်ကြ၏။ 12 တစ်နိတွင် ယေသျှုသည် မြို့တစ်မြို့၌ ဟိတော်မူစဉ် ထိုမြို့၌ တစ်ကိုယ်လုံး နူနာစွဲသူတစ်ယောက်သည် ဟိ၏။ သူသည် ယေသျှုကို မြင်လျှင် ပျပ်ဝပ်လျက် “အသျှင်၊ အလိုတော်ဟိလျှင် အကျွန်ုပ်ကို သန့်ယှင်းနိုင်ပါ၏” ဟု လျှောက်တင်၏။ 13 ယေသျှုသည် လက်ကိုဆန့်၍ ထိုသူကို တုံ့တော်မူပြီးလျှင် “ငါအလိုဟိ၏။ သန့်ယှင်းစီ” ဟု မိန့်တော်မူလျှင် ချက်ချင်းပင် ထိုသူသည် ရောဂါပျောက်လေ၏။ 14 ယေသျှုက “ဤအကြောင်းအရာကို တစ်ယောက်ကိုလေ့ မပြောကော့” ဟု တားမြစ်ပြီး “သင်သည် ယဇ်ပုရောဟိတ်ဝမ်းကို လားပြီးလျှင် ကိုယ်ကိုပြလော့၊ သင့်ရောဂါ ပျောက်ကင်းကြောင်း လူတို့ရှိ၌ သက်သိဖြစ်ဖို့အတွက် မောသျှ မိန့်မှာထားသော ပူဇော်သကာကို ဆက်သလော့” ဟု မိန့်တော်မူ၏။ 15 သို့ရာတွင် ယေသျှု၏သတင်းတော်သည် ပို၍ ပြန့်လားသဖြင့် လူအပေါင်းရှိသည် ကိုယ်တော်၏တရားတော်ကို ကြားနာရန်နှင့် မိမိရဲ့အနာရောဂါများမှ ကျန်းမာခြင်းရစီရန် လာကြ၏။ 16 သို့သော်လည်း ကိုယ်တော်သည် လူသူကင်းစီးရာအရပ်၌ ဆုတောင်းရန် ကြွလားလေဟိ၏။ 17 တစ်နိ၌ ယေသျှုသည် ဟောပြောသွန်သင်တော်မူစဉ် ဖာရိယုတိနှင့် ကျမ်းတတ်ဆရာတချို့သည် ထိုင်နိနိကြ၏။ သူရှိသည် ယုဒပြည်နှင့် ဂါလိလဲပြည် မြို့ရွာအသီးသီးမှလည်းကောင်း၊ ယေရုဆလင်မြို့မှလည်းကောင်း လာရောက်ကြသောသူများ ဖြစ်ကြ၏။ ရောဂါများကို ပျောက်ကင်းစီရန် ထာဝရဘုရား၏ တန်ခိုးတော်သည် ယေသျှု၌ဟိ၏။ 18 လူတချို့သည် လိမ္မော်သစ်တစ်ယောက်ကို အိပ်ရာနံနံမ၍ ယူလာကြပြီးလျှင် ယေသျှု ရှိတော်မောက်၌ ချထားရန်အတွက် အိမ်ထဲသို့ ဝင်နိုင်ခြင်းငှာ ကြိုးစားကြ၏။ 19 လူထုပရိသတ်ကြောင့် သူရှိသည် လူနာကို သယ်ယူရန် လမ်းကို ရှာမတို့နိုင်ကြပေ။ ထို့ကြောင့် လူနာကို အိပ်ရာနှင့်တကွ အိမ်ခေါင်ထက်သို့ မတင်လာပြီးလျှင် အိမ်ခေါင်ကို ဖွင့်၍ လူအုပ်အလယ်၌ဟိသော ယေသျှု၏ ရှိတော်မောက်သို့ လျောချကြ၏။ 20 ယေသျှုသည် ထိုသူရဲ့၏ ယုံကြည်ခြင်းကို မြင်သောအခါ၊ လူနာအား “အဆွီ၊ သင်၏အပြစ်ကို ရွတ်ဗျာယ်” ဟု မိန့်တော်မူ၏။ 21 ကျမ်းတတ်ဆရာတို့နှင့် ဖာရိယုတိက “ဤသူကား ဇာသုလဲ၊ ဘုရားသခင်ကို ပြစ်မှား ပြောဆိုပါသည်တကား၊ ဘုရားသခင်မှလွဲ၍ အပြစ်ကို ဇာသုက ရွတ်ပီးနိုင်မည်နည်း” ဟု တွေးတော နိနိ၏။ 22 ယေသျှုသည် သူရဲ့ တွေးတောနိနိသည်ကို သိတော်မူသဖြင့် “သင်ရဲ့ ဇာဖြစ်လို့ ယင်းပိုင် တွေးတော နိနိကြသနည်း၊ 23 ‘သင်၏အပြစ်ကို ရွတ်ဗျာယ်’ ဟု ပြောသည်က ပို၍ လွယ်မည်လား၊ ထိုသို့ မဟုတ်လျှင် ‘ထ၍ လှမ်းလားလော့’ ဟု ပြောသည်က ပို၍ လွယ်မည်လား၊ 24 လူသားသည် ဤလောက၌ အပြစ်လွှတ်ပိုင်သည်ကို သင်ရဲ့ကို သက်သိပြမည်” ဟု ဆိုလျက် လိမ္မော်သစ်အား “သင့်ကို ငါပြောမည်၊ ‘ထ’ အိပ်ရာလိပ်ကို ထမ်းပြီးလျှင် အိမ်သို့ ပြန်လော့” ဟု မိန့်တော်မူ၏။ 25 ချက်ချင်းပင် ထိုသူသည် လူတို့ရှိတွင် ထရပ်လျက် မိမိလဲလျောင်းနိုင်သော အိပ်ရာကို ထမ်းပြီးလျှင် ဘုရားသခင်၏ ကျေးဇူးတော်ကို ချီးမွမ်းလျက် အိမ်သို့ ပြန်လေ၏။ 26 လူအပေါင်းရှိသည် အလွန်ပင် အံ့ဩလျက် “ငါရှိသည် အံ့ဩစရာတို့ကို ဤနိတွင် တွေ့မြင်ရဗျာယ်” ဟု ထိတ်လန့်စွာ ပြောဆို၍ ဘုရားသခင်၏ ဂုဏ်တော်ကို ချီးမွမ်းကြ၏။ 27 ထို့နောက် ယေသျှုသည် ထွက်ကြွတော်မူ၍ လေဝိအမည်ဟိသော အခွန်ခံတစ်ယောက်သည် အခွန်ရုံး၌ ထိုင်နိနိသည်ကို မြင်တော်မူလျှင် လေဝိအား “ငါ့နောက်သို့ လိုက်လော့” ဟု မိန့်တော်မူလျှင်၊ 28 လေဝိသည် ထ၍ ဟိသမျှကို စွန့်ပြီး နောက်တော်သို့ လိုက်လေ၏။ 29 ထို့နောက် လေဝိသည် မိမိ၏အိမ်၌ ယေသျှုအတွက် ဧည့်ခံပွဲကြီးကို ကျင်းပရာ များစွာသော အခွန်ခံတို့နှင့် အခြားသောသူရှိသည် သူရဲ့နှင့်အတူ စားသောက်ကြ၏။ 30 တချို့သော ဖာရိယုနှင့် သူရဲ့၏ ကျမ်းတတ်ဆရာတချို့က

“ဇာတ်လမ်းလို့ သင်ရဲ့သည် အခွန်ခံတိ၊ အခြားအပယ်ခံသူရဲ့တိနှင့်အတူ စားသောက်ကြသနည်း” ဟု တပည့်တော်ရဲ့အား ကဲ့ရဲ့ပြစ်တင်ကြ၏။ 31 ထိုအခါ ယေသျှုက “ကျန်းမာသူသည် ဆီးဆရာကို အလိုမဟုတ်၊ ဖျားနာနိုင်သောသူသာ အလိုဟိ၏။ 32 ဖြောင့်မတ်သောလူတို့ကို ခေါ်ဖို့ ငါလာသည် မဟုတ်၊ အပြစ်လုပ်သောလူတို့ကို နောင်တရဖို့အတွက်သာ ခေါ်ဖို့ ငါလာ၏” ဟု မိန့်တော်မူ၏။ 33 လူတချို့က “ယောဟန်တပည့်တိက အစာပျောင်းခြင်း၊ ဆုတောင်းခြင်းတို့ကို မကြာမကြာ ပြုလေ့ဟိ၏။ ထို့နည်းတူ ဖာရိယုတပည့်တိလည်း ပြုကြ၏။ သို့သော်လည်း ကိုယ်တော်တပည့်တော်ရဲ့က စားသောက်၍ နိန့်ကြသည်တကား” ဟု ကိုယ်တော်ကို လျှောက်ထားကြ၏။ 34 ယေသျှုကလည်း “မင်္ဂလာဆောင်ပွဲ၌ သတို့သားနှင့်အတူ ဟိကြသော အပေါင်းအဖော်ရဲ့ကို အစာပျောင်းခိုင်း နိုင်မည်လော။ 35 သို့သော်လည်း သတို့သားကို သူရဲ့အပါးမှ ဆောင်ယူမည့်အချိန် ရောက်လာလိမ့်မည်။ ထိုအခါ သူရဲ့သည် အစာပျောင်းကြလိမ့်မည်။” ဟု မိန့်တော်မူ၏။ 36 ယေသျှုသည် ပုံဥပမာဆောင်လျက် “ဇာသုတစ်ယောက်မှ အထည်သစ်က အစတစ်စကို ဆုတ်ပြီးလျှင် အထည်ဟောင်းနှင့် စပ်ဖာထည်းလေ့မဟုတ်၊ ထိုသို့ ဖာထည်းခလျှင် အထည်သစ်သည် ပျက်စီးလားရုံမျှမက၊ အထည်ဟောင်းနှင့်လည်း လိုက်ဖက်လိမ့်မည် မဟုတ်။ 37 ထိုနည်းတူ၊ စပျစ်ရည်သစ်ကို သားရီဘူးအဟောင်း၌ ထည့်လေ့မဟုတ်၊ ထည့်ခသည်ဟိသော် သားရီဘူးပေါက်ကွဲပြီးလျှင် စပျစ်ရည် ယိုထွက်လာလိမ့်မည်၊ သားရီဘူးလည်း ပျက်စီးလိမ့်မည်။ 38 စပျစ်ရည်အသစ်ကို သားရီဘူးအသစ်တွင် ထည့်ရမည်။ 39 ပြီးလျှင် စပျစ်ရည်အဟောင်းကို သောက်သူက စပျစ်ရည်အသစ်ကို သောက်ချင်မည် မဟုတ်။ ‘စပျစ်ရည်အဟောင်းက သာ၍ ကောင်းသည်’ ဟု ဆိုတတ်သည်” ဟူ၍ မိန့်တော်မူ၏။

6 ဥပုသ်နိ၌ ယေသျှုသည် ဂျုံစပါးခင်းများကို ဖြတ်၍ ကြွတော်မူစဉ် တပည့်တော်ရဲ့သည် ဂျုံစပါးများကို ခွီယူပြီးလျှင် လက်ဖြင့် ပွတ်နယ်လျက် စားကြ၏။ 2 ဖာရိယုတချို့က “ဥပုသ်နိ၌ မလုပ်အပ်သောအရာကို သင်ရဲ့ ဇာကြောင့် လုပ်ကြသနည်း” ဟု မိန့်ကြ၏။ 3 ယေသျှုက “ဒါဝိဒ်သည် သူနန့် သူ၏လူတို့ ဝမ်းဆာသောအချိန်တွင် ဇာပိုင် ပြုခကြောင်းကို သင်ရဲ့ မဖတ်ဖူးကြသလော။ 4 သူသည် ဘုရားသခင်၏ အိမ်တော်သို့ဝင်ပြီး ပညတ်တော်အရ ယဇ်ပုရောဟိတ်မှတစ်ပါး ဇာသူမျှ မစားထိုက်သော ရှိတော်မူန့်ကို ယူစားပြီးလျှင် သူ၏ လူတို့ကိုလည်း ပီးခ၏။” 5 ထို့နောက် ယေသျှုက “လူသားသည် ဥပုသ်နိ၏ အသျှင်ဖြစ်သည်” ဟု သူရဲ့အား မိန့်တော်မူ၏။ 6 အခြားသော ဥပုသ်နိ တစ်နိတွင် ယေသျှုသည် တရားဇရပ်ထဲသို့ ဝင်ပြီးလျှင် ဟောပြောသွန်သင်တော်မူ၏။ ထိုနီရာ၌ လက်ျာဖက် လက်သီသုတစ်ဦးဟိ၏။ 7 တချို့သော ကျမ်းတတ်ဆရာရဲ့နှင့် ဖာရိယုရဲ့သည် ယေသျှုကို အပြစ်ရှာလိုသဖြင့် ဥပုသ်နိ၌ ထိုသူအား ကျန်းမာခွင့်ပီးမည်၊ မပီးမည်ကို စောင့်ကြည့်ကြ၏။ 8 သို့သော် ယေသျှုသည် ထိုသူရဲ့၏ အကြံအစည်ကို သိသောအခါ လက်သီသောသူအား “ထလာပြီးလျှင် ရှိတွင်လာရပ်ပါ” ဟု မိန့်တော်မူသည်အတိုင်း ထိုသူသည် ထ၍ မတ်တပ်ရပ် နိန့်၏။ 9 ထိုအခါ ယေသျှုက “သင်ရဲ့ကို ငါမိန်းမေ။ ပညတ်တရားအရ ဥပုသ်နိ၌ ကျေးဇူးပြုသင့်သလား၊ သူ့အကျိုးကို ဖျက်ဆီးသင့်သလား။ လူတစ်ယောက်၏အသက်ကို ကယ်သင့်သလား၊ ဖျက်ဆီးသင့်သလား” ဟု မိန့်တော်မူ၏။ 10 ကိုယ်တော်သည် ထိုသူရဲ့အား လှည့်ပတ်၍ ကြည့်တော်မူပြီးလျှင် လက်သီသောသူအား “သင့်၏လက်ကို ဆန့်လော့” ဟု မိန့်တော်မူ၏။ ထိုသူသည် လက်ကို ဆန့်လိုက်သောအခါ အကောင်းပကတိ ဖြစ်လေ၏။ 11 ထိုသူရဲ့သည် အလွန်ဒေါသထွက်သဖြင့် ယေသျှုအား မည်သို့ပြုရမည်ကို အချင်းချင်းဆွေးနွေးကြ၏။ 12 ထိုနီရက်ကာလ၌ ယေသျှုသည် ဆုတောင်းပတ္တနာပြုရန် တောင်ထက်သို့ တက်ကြွတော်မူပြီးလျှင် တစ်ညလုံး ဘုရားသခင်ထံတော်၌ ဆုတောင်းပတ္တနာပြုလျက် နိန့်တော်မူ၏။ 13 မိုးလင်းသောအခါ တပည့်တော်တို့ကို ကိုယ်တော်ထံသို့ ခေါ်တော်မူပြီးလျှင် ထိုသူရဲ့အထဲမှ တစ်ဆယ့်နှစ်ပါးကို ရှီးချယ်၍ တမန်တော်များဟု နာမည်ပီးလေ၏။ 14 ထိုတစ်ဆယ့်နှစ်ပါးကား ပေတရုအမည်သစ်ကိုရသော သျှိုမှန်နှင့် သူ၏ညီ အန္ဒြေ၊ ယာကုပ်နှင့် ယောဟန်၊ ဖိလိပ္ပနှင့် ဗာသောလမဲ၊ 15 မသဲနှင့် သောမ၊ အာလဖဲ၏သား ယာကုပ်၊ မျိုးချစ်စိတ်ထက်သန်သူ သျှိုမှန်၊ 16 ယာကုပ်၏သား ယုဒ၊ သစ္စာဖောက်သူ ယုဒသျှုကာရုတ်ရဲ့ဖြစ်ကြ၏။ 17

ယေသုသည့် တမန်တော်တို့နှင့်အတူ တောင်ထက်မှ ဆင်းကြွတော်မူပြီးလျှင် များစွာသော တပည့်တော်တို့နှင့်အတူ မြို့ညီရာအရပ်၌ ရပ် နိန့်တော်မူ၏။ ထိုနီရာ၌ ယုဒပြည်၊ ယေရုဆလင်မြို့အပြင် ပင်လယ်ဆိပ်ကမ်းမြို့များဖြစ်သော တုရမြို့နှင့် ဇိဒုန်မြို့များမှ လူအစုအဝေးရှိသည် ဟိကြ၏။ 18 ထိုသူရှိသည် ကိုယ်တော်၏ တရားတော်ကို နာကြားရန်နှင့် မိမိရို့၏ အနာရောဂါများ ပျောက်ကင်းစီရန် လာရောက်ကြခြင်း ဖြစ်၏။ နတ်ဆိုး၏ နှိပ်စက်မှုကို ခံရသောသူတို့လည်း အနာပျောက်ကင်းခြင်းကို ခံရကြ၏။ 19 ကိုယ်တော်အထံတော်မှ တန်ခိုးထွက်၍ အနာရောဂါပျောက်စီသောကြောင့် လူအပေါင်းရှိသည် ကိုယ်တော်ကို တို့ထိရန် ကြိုးစားကြ၏။ 20 ယေသုသည့် တပည့်တော်ရို့ကို ကြည့်တော်မူပြီးလျှင် “ဆင်းရဲသားရို့၊ သင်ရို့သည် မင်္ဂလာဟိကြ၏။ အကြောင်းမူကား ဘုရားသခင် နိုင်ငံတော်သည် သင်ရို့၏ နိုင်ငံဖြစ်၏။” 21 “အဂ္ဂ ဆာမွတ်နိန်သောသူရို့၊ သင်ရို့သည် မင်္ဂလာဟိကြ၏။ အကြောင်းမူကား သင်ရို့သည် ဝပြောရလိမ့်မည်။” အဂ္ဂ ဝိုကြီးနိန်သောသူရို့၊ သင်ရို့သည် မင်္ဂလာဟိကြ၏။ အကြောင်းမူကား သင်ရို့သည် ရယ်မောရလိမ့်မည်။ 22 “လူသားကြောင့် သင့်ကို လူတိက မုန်းတီးခြင်း၊ ငြင်းပယ်ခြင်း၊ မထီလေးစားပြုခံရခြင်းနှင့် အသရေရှုံးချ ခံရသောအခါ မင်္ဂလာဟိကြ၏။” 23 “ထိုသို့ တို့ကြုံရသောအခါ ဝမ်းမြောက်ကြပါ။ ရွှင်မြူး ကခုန်ကတိပါ။ အကြောင်းမူကား ကောင်းကင်ဘုံ၌ သင်ရို့ရဖို့အကျိုးသည် ကြီးမားကြ၏။ ထိုအတိုင်းပင် သူရို့ အဖိုးအဖိုးတိကလည်း ပရောဖက်တို့ကို ပြုခ၏။” 24 “ယေဒါလည်း အဂ္ဂဘဝ၌ ချမ်းသာသောသူရို့၊ သင်ရို့သည် အမင်္ဂလာဟိကြ၏။ အကြောင်းမူကား သင်ရို့သည် သက်သာစွာ နီထိုင်ရကြ၏။” 25 “အဂ္ဂ ဝစွာစားရသောသူရို့၊ သင်ရို့သည် အမင်္ဂလာဟိကြ၏။ အကြောင်းမူကား သင်ရို့သည် ဆာမွတ်ရလိမ့်မည်။ အဂ္ဂ ရယ်မောရသူရို့၊ သင်ရို့သည် အမင်္ဂလာဟိကြ၏။” အကြောင်းမူကား သင်ရို့သည် ငြီးတွားငိုကြွေးရလိမ့်မည်။ 26 “လူအပေါင်းရို့က သင့်ကို ချီးမွမ်းကြသောအခါ၊ သင်ရို့သည် အမင်္ဂလာဟိကြ၏။ ထိုသို့အတိုင်းပင် သူရို့အဖိုးအဖိုးတိကလည်း မိစ္ဆာပရောဖက်တို့ကို ချီးမွမ်းခကြ၏” ဟု မိန့်တော်မူ၏။ 27 “သို့ရာတွင် ငါ၏ တရားစကားကို နာကြားသောသူရို့၊ သင်ရို့အား ငါဆိုသည်မှာ သင်ရို့၏ ရန်သူကို ချစ်လော့။ သင်ရို့အား မုန်းသောသူရို့ကို ကျေးဇူးပြုကြလော့။” 28 သင်ရို့အား ကျိန်ဆဲသောသူကို မေတ္တာပြုကြလော့။ နောက်ယှက်သောသူတို့အတွက် ဆုတောင်းပီးကြလော့။ 29 သင်၏ပါးတစ်ဖက်ကို သတ်သူကို၊ ကျန်သောတစ်ဖက်ကိုလည်း သတ်စီလော့။ သင်၏ဝတ်ရုံကို ယူလားသောသူအား အင်္ကျီကိုလည်း ပီးလိုက်လော့။ 30 သင့်ပါး၌ တောင်းခံသောသူကို ပီးလော့၊ တစ်စုံတစ်ယောက်က သင်၏ပစ္စည်းကို ယူလားက ပြန်မတောင်းကော့။ 31 သင်ရို့သည် မိမိ၌ သူတစ်ပါး ပြုစီချင်သည့်အတိုင်း သူတစ်ပါးကိုလည်း ပြုကြလော့။ 32 သင်ရို့ကို ချစ်သောသူတို့ကိုသာ ချစ်တုံ့ ပြန်လျှင် ဇာပိုင် ကောင်းကြီးမင်္ဂလာကို ခံစားရမည်နည်း။ အပြစ်သားတိပင်လျှင် မိမိကို ချစ်သောသူတို့ကို ပြန်ချစ်တတ်ကြ၏။ 33 သင်ရို့အား ကျေးဇူးပြုသောသူကို သာလျှင် ကျေးဇူးတုံ့ ပြန်လျှင် ဇာပိုင် ကောင်းကြီးမင်္ဂလာကို ခံရမည်နည်း။ အပြစ်သားတိပင် ဤသို့ ပြုလုပ်တတ်ကြ၏။ 34 ပြန်ဆပ်နိုင်မည်ဟု မျှော်လင့်ရသူကိုသာ ချီးငှားလျှင် ဇာပိုင် ကောင်းကြီးမင်္ဂလာကို ခံစားရမည်နည်း။ အပြစ်သားတိပင်လျှင် ပြန်ဆပ်ပီးမည်ဟု အချင်းချင်း မျှော်လင့်ပြီးလျှင် ချီးငှားတတ်ကြ၏။ 35 ထိုသို့မဟုတ်၊ သင်ရို့၏ရန်သူကို ချစ်လော့။ ကျေးဇူးပြုလော့။ တစ်စုံတစ်ခုပြန်ရဖို့ကို မမျှော်လင့်ဘဲ ချီးငှားကြလော့။ ထိုသို့ဆိုလျှင် သင်ရို့သည် ကြီးမြတ်သောဆုကို ရရုံသာမက အမြင့်ဆုံးသော ဘုရား၏သား ဖြစ်လိမ့်မည်။ ထိုအသျှင်သည် ကျေးဇူးမသိတတ်သောသူ၊ ဆိုးမိုက်သောသူရို့ကို ကျေးဇူးပြုတော်မူ၏။ 36 သင်ရို့၏ အဖဘုရားသည် သနားကြင်နာတော်မူသည့်အတိုင်း သင်ရို့လည်း သနားကြင်နာခြင်း ဟိကြလော့။ 37 “သူတစ်ပါးတို့ကို မစစ်ကြောမစီရင်ကတ်ကော့၊ သို့မှသာ ဘုရားသခင်သည် သင်ရို့ကို မစစ်ကြောမစီရင်ဘဲ နိန့်လိမ့်မည်။ သူတစ်ပါးကို မကဲ့ရဲ့ကတ်ကော့၊ သို့မှသာ ဘုရားသခင်သည် သင်ရို့ကို မကဲ့ရဲ့ဘဲ နိန့်လိမ့်မည်။ သူတစ်ပါးကို ခွင့်ရွတ်လော့။ သို့မှသာ ဘုရားသခင်က သင်ရို့ကို ခွင့်ရွတ်လိမ့်မည်။ 38 သူတစ်ပါးကို ပီးကမ်းလော့၊ သို့မှသာ ဘုရားသခင်သည် သင်ရို့ကို ပီးတော်မူလိမ့်မည်။ လှုပ်လျက်၊ သိပ်လျက်၊ ပြည့်လျှံသည့် တောင်းပမာဏနှင့် သင်ရို့လက်ထဲကို ပီးတော်မူလိမ့်မည်။ သင်ရို့သည် သူတစ်ပါးအား ချိန်တွယ်ပီးသည့် တောင်းပမာဏအတိုင်း ဘုရားသခင်သည်

သင်ရိုက် ပီးတော်မူလိမ့်မည်” ဟု မိန့်တော်မူ၏။ 39 ထို့နောက် ယေသျှုသည် ထိုသူရိအား ပုံဥပမာဆောင်၍ “လူကန်းတစ်ယောက်သည် အခြားလူကန်းတစ်ယောက်ကို လမ်းပြ နိုင်မည်လော၊ သူရိုက်လားလို့ဟိလျှင် နှစ်ယောက်စလုံး တွင်းထဲသို့ ကျလိမ့်မည် မဟုတ်လော။ 40 တပည့်တိုင်းသည် ဆရာထက် မသာနိုင်၊ သို့သော်လည်း ပညာသင်၍ ပြီးဆုံးသောအခါ တပည့်တိုင်းသည် မိမိရိုက်ဆရာကဲ့သို့ ဖြစ်လိမ့်မည်။” 41 သင်ရိုက်သည် ဇာကြောင့် ကိုယ့်မျက်စိ၌ဟိသော သစ်သားစကိုမမြင်ဘဲ၊ ညီအစ်ကိုမျက်စိ၌ဟိသော ငြောင့်ချေကို ဇာအတွက်နန်း မြင်ကြသနည်း။ 42 “မိမိ၏မျက်စိ၌ဟိသော သစ်သားစကို မမြင်ဘဲ ဇာကြောင့် သင်၏ညီအစ်ကိုအား ‘သင်၏မျက်စိ၌ဟိသော ငြောင့်ချေကို ထုတ်ပီးမည်’ ဟု ပြောကြသနည်း။ သူတော်ကောင်းယောင်ဆောင်သောသူ၊ သင်၏မျက်စိ၌ဟိသော သစ်သားစကို ဦးစွာထုတ်ပစ်ပါ။ ပြီးမှ သင့်ညီအစ်ကို မျက်စိ၌ဟိသော ငြောင့်ချေကို ကောင်းစွာမြင်၍ ထုတ်ယူ နိုင်လိမ့်မည်” ဟု မိန့်တော်မူ၏။ 43 “ကောင်းသောအပင်သည် ဖျင်းသောအသီးကို မသီးနိုင်သကဲ့သို့ သိမ်လှိသောအပင်ကလည်း ကောင်းသောအသီးကို မသီးနိုင်” 44 “အသီးသီးသည်ကို ကြည့်ခြင်းအားဖြင့် အပင်တိုင်း၏ အကြောင်းကို သိရ၏။ သဖန်းသီးကို ဆူးပင်မှ မဆွတ်ခူးနိုင်သကဲ့သို့ စပျစ်သီးကို ဆူးမြှုပ်က သင်ရိုက် မဆွတ်ခူးနိုင်ကတ်။” 45 “ကောင်းသောလူရိုက်သည် ကောင်းသောအရာတို့နှင့် ပြည့်နိုင်သော စိတ်နှလုံးဘဏ္ဍာတိုက်ထဲက ကောင်းသောအရာကိုသာ ထုတ်ဖော်တတ်ကြ၏။ သူယုတ်သည်ကား သူ၏ဘဏ္ဍာတိုက်ထဲက ဆိုးယုတ်သောအရာများကိုသာ ထုတ်ဖော်ကြ၏။ ဇာကြောင့်ဆိုသော် စိတ်နှလုံးထဲ၌ ဟိသမျှသောအရာတို့ကို နှုတ်ကပြောထုတ်တတ်ကြ၏” ဟု မိန့်တော်မူ၏။ 46 “သင်ရိုက်သည် ငါပြောသော အရာကို မကျင့်သုံးဘဲ ငါ့ကို ‘သခင်၊ သခင်’ ဟု ဇာဖြစ်လို့ ခေါ်ကြသနည်း။ 47 ငါ့ထံသို့ လာပြီး ငါ့စကားကို နားထောင်၍ လိုက်နာသောသူသည် ဇာသူနှင့်တူကြောင်းကို ဖော်ပြမည်။ 48 ထိုသူသည် မြီကြီးကို အနက်ကြီးတူးပြီးလျှင် ကျောက်ထက်မာ အုတ်မြစ်ချ၍ အိမ်ဆောက်သောလူနှင့် တူ၏။ ရီကြီးသောအခါ မြစ်ရီသည် ထိုအိမ်ကို တိုက်သော်လည်း ထိုအိမ်သည် မလုပ်နိုင်။ ဇာကြောင့်ဆိုသော် အိမ်ကို ခိုင်ခန့်စွာ ဆောက်ထားသောကြောင့် ဖြစ်၏။ 49 သို့သော်လည်း ငါ့တရားစကားကို ကြားပြီး နားမထောင်သောသူကား အုတ်မြစ်မချဘဲ မြီကြီးထက်၌ အိမ်ဆောက်သောလူနှင့် တူ၏။ မြစ်ရီကြီးပြီး ထိုအိမ်ကို တိုက်သောအခါ ချက်ချင်းပြိုလဲလား၏။ ထိုအိမ်ပျက်စီးမှုက ကြောက်ရွံ့ဖွယ် ကောင်းလွန်းပါသည်တကား” ဟု မိန့်တော်မူ၏။

7 ယေသျှုသည် လူတိအား ထိုသို့ ဟောပြောသွန်သင်ပြီးနောက် ကပေရနောင့်မြို့သို့ ကြွတော်မူ၏။ 2 ထိုမြို့၌ ရောမတပ်မှူးတစ်ဦးတွင် အလွန်အားထားရသော အခိုင်းအစီတစ်ယောက်သည် ဖျားနာလျက် သီလုမောပါးဖြစ် နိမ့်၏။ 3 တပ်မှူးသည် ယေသျှု၏သတင်းတော်ကို ကြားသောအခါ ယုဒအမျိုး အကြီးအကဲတို့ကို ကိုယ်တော်ထံသို့ ရွတ်လိုက်ပြီး ကိုယ်တော်ကြံ၍ မိမိ၏အခိုင်းအစီအား ကျန်းမာစီရန် တောင်းလျှောက်စီ၏။ 4 သူရိုက်သည် ယေသျှုထံသို့ ရောက်လာ၍ “ထိုသူသည် ကိုယ်တော်၏ ကျေးဇူးပြုခြင်းကို ခံထိုက်သူဖြစ်ပါ၏။ 5 သူသည် အကျွန်ရိုလူမျိုးတို့ကိုချစ်လို့ အကျွန်ရိုအတွက် တရားဇရပ်တစ်ဆောင်ကို ဆောက်လုပ်ပီးသူလည်း ဖြစ်ပါ၏” ဟု လေးနက်စွာလျှောက်လေ၏။ 6 ယေသျှုသည် ထိုသူရိုနှင့်အတူ ကြွတော်မူ၏။ တပ်မှူးအိမ်နှင့် မနီးမဝီးသို့ ရောက်သောအခါ တပ်မှူးသည် မိတ်ဆွဲများကို ကိုယ်တော်ထံသို့ ရွတ်လိုက်၍ “အသျှင်ဘုရား၊ ဒုက္ခမရှာပါကေ။ ကိုယ်တော်သည် အကျွန်အိမ်ထဲသို့ ဝင်ခြင်းကိုပင် အကျွန် မခံယူထိုက်ပါ။ 7 ယင်းနည်းတူ အကျွန်ကလည်း ကိုယ်တော်ထံပါးကို လာထိုက်သူ မဟုတ်ဟု ယူဆပါ၏။ အမိန့်တော်ကိုသာ ပီးတော်မူပါလျှင် အကျွန်၏ အခိုင်းအစီသည် ကျန်းမာလာပါလိမ့်မည်။ 8 အကျွန်ကိုယ်တိုင်ပင် အထက်အရာဟိ အောက်၌ အမှုထမ်းသူဖြစ်ပြီးလျှင် အကျွန် လက်အောက်၌လည်း စစ်သားများ ဟိပါ၏။ တစ်ဦးကို ‘လားလော့’ ဟု ဆိုလျှင် လား၍၊ တစ်ဦးကို ‘လာလော့’ ဟု ဆိုလျှင် လာကြပါ၏။ အခိုင်းအစီတို့ကို ‘ဤအလုပ်ကို လုပ်လိုက်’ ဟု ဆိုလျှင် လုပ်ကြပါ၏” ဟု လျှောက်ထားစီ၏။ 9 ယေသျှုသည် ထိုစကားကိုကြားတော်မူလျှင် အံ့ဩတော်မူ၍ နောက်တော်မူလိုက်လာကြသော လူထုပရိသတ်ဖက်သို့ လှည့်ကြည့်တော်မူပြီးလျှင် “ငါဆိုသည်ကား၊ ဤပိုင်ယုံကြည်ခြင်းကို ဣသရေလလူမျိုးထဲ၌ပင်

တစ်ခါလေ့ ငါမတွဲသိမ့်” ဟု မိန့်တော်မူ၏။ 10 တပ်မှူး ရွတ်လိုက်သော သူရိသသည် အိမ်သို့ ပြန်ရောက်သောအခါ ထိုအခိုင်းအစီသည် ကျန်းမာလျက်ဟိသည်ကို တွိကြ၏။ 11 ထိုမှ အနည်းငယ်လွန်သော် ယေသျှုသည် နာက္ကန ဟု ခေါ်သောမြို့သို့ ကြွတော်မူသော် တပည့်တော်ရှိနှင့် လူထုပရိသတ်ကြီးလည်း လိုက်လာကြ၏။ 12 မြို့တံခါးနားသို့ ရောက်သော အချိန်တွင် လူရိသသည် အလောင်းကို သဂြိုဟ်ရန် မြို့ပြင်သို့ ထမ်းထုတ်ကာ စီတန်း၍ လာကြ၏။ ထိုသူသည် မုဆိုးမ၏ တစ်ဦးတည်းသောသား ဖြစ်၏။ ထိုမုဆိုးမနှင့်အတူ မြို့သူမြို့သားတိလည်း လိုက်ပို့ကြ၏။ 13 သခင်ဘုရားသည် ထိုမိန်းမကိုမြင်သောအခါ အလွန် သနားသောစိတ်ဟိတော်မူ၍ “မငိုကေ့” ဟု သူမအား မိန့်တော်မူ၏။ 14 ထို့နောက် အနားသို့ ကြွတော်မူပြီးလျှင် တလားကို လက်တော်ဖြင့် တို့တော်မူလျှင် တလားထမ်းသူရိသသည် ရပ်နိန်ကြ၏။ ကိုယ်တော်က၊ “အချင်းလူငယ်၊ ထလော့၊ သင့်ကို ငါဆို၏” ဟု မိန့်တော်မူလျှင်၊ 15 သီသောသူသည် ထ၍ ထိုင်ပြီးလျှင် စကားပြောလေ၏။ ထို့နောက် ကိုယ်တော်သည် သူ့ကို မခင်ပါးသို့ အပ်တော်မူ၏။ 16 လူအပေါင်းရှိသည် ကြောက်ရွံ့လျက် ဘုရားသခင်ကို ချီးမွမ်းကြ၏။ သူရိက “ငါရဲ့ထဲ၌ ပရောဖက်ကြီးတစ်ပါး ပေါ်ထွန်းယာ၊ ဘုရားသခင်သည် သူ့လူတို့ကို ကယ်တင်ဖို့ ကြွလာတော်မူယာ” ဟု ပြောဆိုကြ၏။ 17 ယေသျှု၏သတင်းတော်သည် ယုဒပြည်တလျှောက်လုံးနှင့် ပတ်ဝန်းကျင်ဒေသအားလုံး၌ ပျံ့နှံ့လားလေ၏။ 18 ယောဟန်တပည့်ရှိသည် ဖြစ်ပျက်သမျှသော အကြောင်းအရာအားလုံးကို ယောဟန်အား ပြောကြားကြ၏။ ထိုအခါ သူသည် သူရိအထဲက တပည့်နှစ်ဦးကို ခေါ်ပြီးလျှင်၊ 19 သူရိကို သခင်ဘုရားထံသို့ ရွတ်၍ “ကိုယ်တော်သည် ဗတ္တိဇံယောဟန်ပြောသည့် ကြွလာတော်မူမည်သူလား၊ ယေပိုင် မဟုတ်ကေ အခြားပုဂ္ဂိုလ်တစ်ဦးကို စောင့် နိန်ရအုံးမည်လော” ဟု မိန်းလျှောက်စီ၏။ 20 ထိုသူနှစ်ဦးသည် ယေသျှုထံပါးသို့ လာပြီးလျှင် “ကိုယ်တော်သည် ဗတ္တိဇံယောဟန်ပြောသည့် ကြွလာတော်မူမည်သူလား၊ ထိုသို့ မဟုတ် အခြားပုဂ္ဂိုလ်တစ်ဦးကို စောင့် နိန်ရအုံးမည်လော။ ဤသို့ မိန်းလျှောက်ရန် ဗတ္တိဇံယောဟန်က အကျွန်ရို့ကို ရွတ်လိုက်ပါ၏” ဟု လျှောက်ထားကြ၏။ 21 ထိုအချိန်၌ ယေသျှုသည် လူအပေါင်းရှိ၏ ရောဂါဝေဒနာများကို ပျောက်ကင်းစီခြင်းနှင့် ဝိညာဉ်ဆိုးတိကို နှင်ထုတ်၍ မျက်မမြင်တိကို မျက်စိမြင်စီတော်မူ၏။ 22 ကိုယ်တော်က “သင်ရဲ့မြင်ရ ကြားရသောအရာတို့ကို ယောဟန်ပါးသို့ ပြန်လားပြီးလျှင် ပြောပြကြလော့။ မျက်စိကန်းသူတိ မြင်ရဗျာယ်၊ ခြံကျိုးနိန်သောလူတိ လမ်းလျှောက်နိုင်ဗျာယ်၊ နှုနာရောဂါသည်တိ စင်ကြယ်ခြင်း ရဗျာယ်၊ နားမကြားသောလူတိ ကြားရဗျာယ်၊ သီသောလူ အသက်ပြန်ရှင်ဗျာယ်၊ ဆင်းရဲသားရို့ သတင်းကောင်းကိုကြားရဗျာယ်။ 23 ငါ့အကြောင်းကို ယုံမှားခြင်းကင်းသူသည် မင်္ဂလာဟီ၏” ဟု ယောဟန်၏ စီတမန်တိအား မိန့်တော်မူ၏။ 24 ယောဟန်၏ စီတမန်များသည် အထံတော်မှ ထွက်လားကြပြီးနောက် ယေသျှုသည် ယောဟန်အကြောင်းနှင့် ပတ်သတ်၍ လူအစုအဝေးအား၊ “သင်ရို့သည် ဇာကို ကြည့်ရှုခြင်းငှာ တောကန္တရသို့ လားကြသနည်း၊ လေတိုက်၍ လှုပ်သည့် ကျူပင်ကို ကြည့်ရန် လားကြသလော၊ 25 သို့တည်း မဟုတ် ဝတ်ကောင်းစားကောင်း ဝတ်ထားသောလူကို ကြည့်ခြင်းငှာ လားကြသလော၊ ဝတ်ကောင်းစားကောင်း ဝတ်ပြီးလျှင် စည်းစိမ်ခံစားနိန်သော လူတိကား မင်းစိုးရာဇာအိမ်တိတွင် နီထိုင်ကြ၏။ 26 ငါ့ကို ပြောလော့၊ ပရောဖက်ကို ကြည့်ရန် လားကြသလော၊ မှန်ပါ၏။ ပရောဖက်ထက် သာ၍ ကြီးမြတ်သူကို ကြည့်ဖို့ လားကြခြင်းဖြစ်၏။ 27 ကျမ်းစာလာသည်ကား၊ ‘သင်၏လမ်းကို အသင့်ဖြစ်စီရန် ငါ့၏ စီတမန်ကို သင်၏ ရှိ၌ ငါစီရွတ်မည်’ ဟု ဆိုရာ၌ ယောဟန်ကို ဆိုလိုခြင်းဖြစ်၏။ 28 ငါဆိုသည်ကား၊ မိန်းမမီးသော လူတိထဲ၌ ယောဟန်ထက်ကြီးမြတ်သော လူတစ်ယောက်မှ မဟိ။ သို့သော်လည်း ဘုရားသခင်၏ နိုင်ငံတော်၌ အငယ်ဆုံးသောသူသည် ယောဟန်ထက် သာ၍ ကြီးမြတ်သည်” ဟု မိန့်တော်မူ၏။ 29 အခွန်ခံသောသူတိမှစ၍ လူအပေါင်းရှိသည် ယောဟန်၏ဗတ္တိဇံကို ခံယူသဖြင့် ကိုယ်တော်၏စကားကို ကြားသောအခါ ဘုရားသခင်သည် ဖြောင့်မတ်တော်မူသည်ကို အသိမှတ်ပြုကြ၏။ 30 သို့စေကာမူ ဖာရိယုံနှင့် ကျမ်းတတ်ဆရာရို့က၊ မိမိရို့အတွက် ဘုရားသခင်ထားတော်မူသော အကြံအစည်တော်ကို ငြင်းပယ်သူများ ဖြစ်ကြသောကြောင့် ယောဟန်ပါးတွင် ဗတ္တိဇံကို မခံယူကြ။ 31 ထို့ကြောင့် ယေသျှုက “အဂ္ဂ လူတိကို ဇာချင်နန် ခိုင်းနှိုင်းပြရမည်နည်း။ သူရိသည်

ဇာချင်နှင့် တူသနည်း။ 32 သူရိုကား ဈီး၌ထိုင်နိုင်သော အချေတိနှင့် တူ၏။ ‘ငါရိုသည် သာယာစွာတီးမှုတ်သော်လည်း၊ သင်ရို မကခုန်ကတ်။ ငါရို ငိုခြင်းကို ဆိုသော်လည်း သင်ရို မငိုကတ်’ ဟု အချင်းချင်း အော်ဟစ်ပြောဆိုကြ၏။ 33 ဗတ္တိဇယောဟန်က အစားအစာမစား၊ စပျစ်ရည်ကို မသောက်ဘဲ လာသောခါ သင်ရိုက ‘ဤသူသည် နတ်ဆိုးဝင်ပူးသူ’ ဟု ဆိုတတ်ကြ၏။ 34 လူသားသည် စားသောက်၍ လာသည့်အခါ သင်ရိုက ‘ဤသူကို ကြည့်လော့။ သူသည် စားသောက်ကြူးသူ ဖြစ်၏။ အခွန်ခံ၊ အပယ်ခံရီနှင့် မိတ်ဖွဲ့သူဖြစ်သည်’ ဟု ဆိုကြ၏။ 35 သို့စေကာမူ ဘုရားသခင်၏ ဉာဏ်ပညာကို လက်ခံသူသောသူအပေါင်းရိုက ထိုပညာ မှန်ကန်ကြောင်းကို ပြသကြသည်” ဟု မိန့်တော်မူ၏။ 36 ဖာရိယုတစ်ဦးသည် ယေသျှုအား မိမိနှင့်အတူ ညစာသုံးဆောင်ရန် ပင့်ဖိတ်တော်မူသောကြောင့် ယေသျှုသည် ဖာရိယုအိမ်သို့ဝင်၍ စားပွဲတွင်ထိုင်၍ သုံးဆောင်တော်မူ၏။ 37 ထိုမြို့တွင် အပြစ်များသော မိန်းမတစ်ယောက်ဟိ၏။ သူမသည် ဖာရိယုအိမ်၌ ယေသျှုသည် ညစာသုံးဆောင်နိုင်သည်ကို ကြားလျှင် ဆီမွီးအပြည့်ပါသော ကျောက်ဖြူဘူး တစ်လုံးကိုယူ၍၊ 38 ယေသျှု၏ ခြံတော်ရင်းနောက်တွင် ရပ်လျက် ငိုယိုကာ နိန့်၏။ သူမ၏မျက်ရည်သည် ကိုယ်တော်၏ ခြံတော်တွင်ကျသဖြင့် မိမိဆံပင်ဖြင့် သုတ်လေ၏။ ထိုမိန်းမသည် ကိုယ်တော်၏ခြံတံကို နှမ်းပြီး ဆီမွီးဖြင့် သုတ်လိမ်းလျက် နိန့်၏။ 39 ထိုအခြင်းအရာကို ဖာရိယုသည်မြင်လျှင် “ဤသူသည် ပရောဖက်တစ်ပါး အမှန် ဖြစ်သည်ဆိုလျှင် သူ၏ခြံကို ကိုင်နိုင်သော မိန်းမသည် ဇာသဖြစ်ကြောင်းကိုလည်းကောင်း၊ ဇာအပြစ်ကို လုပ်နိုင်သည်ကိုလည်းကောင်း သိလိမ့်မည်” ဟု ရေရွတ်နိုင်၏။ 40 ထိုအခါ ယေသျှုက ထိုသူအား၊ “သျှိုမှန်၊ သင့်ကို ငါပြောစရာ တစ်ခုဟိသည်” ဟု မိန့်တော်မူလျှင်၊ သျှိုမှန်က “ဟုတ်ပါ၏ ဆရာ၊ အမိန့်ဟိပါ” ဟု လျှောက်လေ၏။ 41 ယေသျှုက “ဦးချီးစားသူတစ်ယောက်၌ အကြီးတင်သူ နှစ်ယောက်ဟိ၏။ တစ်ယောက်က ငွီဒင်္ဂါး ၅၀၀၊ အခြားတစ်ယောက်မှာကား ငါးဆယ် အကြီးတင်၏။ 42 သူရိုသည် အကြီးမဆပ်နိုင်၍ အကြီးသျှင်က ထိုအကြီးတံကို လျော်ပစ်လိုက်၏။ သူရိုနှစ်ယောက်ထဲက ဇာသူက အကြီးသျှင်ကို ပိုပြီးချစ်မည်နည်း” ဟု မိန်းမတော်မူ၏။ 43 သျှိုမှန်က “ပို၍ ငွီလျော်ပစ်ခြင်းခံရသူသည် သာ၍ ချစ်မည်ဟု ထင်ပါ၏” ဟု လျှောက်၏။ ကိုယ်တော်က “သင်မှန်၏” ဟု မိန့်တော်မူ၏။ 44 ထို့နောက် ကိုယ်တော်သည် မိန်းမဖက်သို့လှည့်၍ သျှိုမှန်အား၊ “သင်သည် ဤမိန်းမကို မြင်သလော၊ ငါသည် သင့်အိမ်ထဲသို့ ဝင်သောအခါ သင်သည် ငါ့ကို ခြံဆီးဖို့အတွက် ရိုကိုမပီး၊ သို့သော်လည်း သူမက မျက်ရည်နှင့် ငါ၏ခြံကို ဆီးပြီးလျှင် သူ၏ဆံပင်နှင့် သုတ်ပီး၏။ 45 သင်က ငါ့ကို ကြိုဆိုသည့် အနမ်းဖြင့် မနမ်း၊ ဤမိန်းမသည် အိမ်ထဲသို့ ဝင်သောအချိန်ကစ၍ ငါ၏ခြံကို အဆက်မပြတ် နှမ်းလီဗျာယ်။ 46 သင်သည် ငါ့ဂေါင်းကို ဆီနုန့် မလိမ်း၊ သူမမူကား ငါ့ခြံကို ဆီမွီးနုန့် လိမ်းပီးဗျာယ်။ 47 ထို့ကြောင့် ငါဆိုသည်ကား၊ ဤမိန်းမသည် များစွာသောအပြစ်တိမှ ခွင့်ရွတ်ခြင်း ရကြောင်းကို သူမ၏ ကြီးမားသော မေတ္တာက သက်သေပြနိုင်၏။ အပြစ်အနည်းချေရာ ခွင့်ရွတ်ခံရသူက အနည်းချေရာ ချစ်တတ်၏” ဟု မိန့်တော်မူ၏။ 48 ထို့နောက် ယေသျှုက၊ “သင်၏အပြစ်ကို ခွင့်ရွတ်ဗျာယ်” ဟု မိန်းမအား မိန့်တော်မူ၏။ 49 စားပွဲ၌ ထိုင် နိန့်ကြသော တခြားလူတိက “အပြစ်ကိုပင် လွှတ်နိုင်သော ဤသူကား ဇာသူလဲ” ဟု အချင်းချင်းပြောဆိုကြ၏။ 50 သို့စေကာမူ ကိုယ်တော်က ထိုမိန်းမအား၊ “သင်၏ယုံကြည်ခြင်းသည် သင့်ကို ကယ်တင်ဗျာယ်၊ ငြိမ်းဝပ်စွာလားလီ” ဟု မိန့်တော်မူ၏။

8 ကာလအတန်ကြာသောအခါ ယေသျှုသည် မြို့ရွာများကို ကြွတော်မူ၍ ဘုရားသခင် နိုင်ငံတော်အကြောင်း သတင်းကောင်းကို ဟောကြားတော်မူ၏။ ကိုယ်တော်နှင့်အတူ တပည့်တော်တစ်ဆယ့်နှစ်ပါးသည်လည်း လိုက်ကြ၏။ 2 အနာရောဂါမီး၊ ဝိညာဉ်ဆိုးမီးမှ ကင်းလွတ်ကျန်းမာခွင့်ရသော မိန်းမတချို့လည်း လိုက်လာကြ၏။ ထိုသူရိုထဲတွင် နတ်ဆိုးခုနစ်ကောင် ထွက်လားသော မာဂဒလရွာသူ မာရိ၊ 3 ဟေရုဒ်မင်း၏စားတော်ကဲ ခုဇ၏မယား ယောဟန္န၊ သျှုယုနှင့် အခြားမိန်းမများလည်းပါ၏။ ထိုအမျိုးသမီးရိုသည် မိမိရို့စရိတ်ဖြင့် ယေသျှုနှင့် တပည့်တော်ရို့အား လုပ်ကျွေးသမှု ပြုကြ၏။ 4 ယေသျှုထံပါးသို့ အမြို့မြို့မှလာကြသော လူအပေါင်းရိုသည် စုရုံးလျက် နိန့်ကြစဉ် ကိုယ်တော်သည် ပဲ့ပုံမာဆောင်၍၊ 5 “မျိုးစိုကြသောသူသည် မျိုးစိုကြပိုရန် ထွက်လားလေ၏။ မျိုးစိုကြသောအခါ

တချို့မျိုးစုံရှိသည် လမ်း၌ကျသဖြင့် လူတိက ကျော်နင်းပြီးလျှင် ၎င်းတိက ကောက်စားကြ၏။ 6 တချို့မျိုးစုံရှိသည် ကျောက်ခံမြို့၌ကျသဖြင့် အပင်ပေါက်သော်လည်း မြီဆီအစုံစာတ် မဟိသောကြောင့် ညှိုးနွမ်းခြောက်သွေ့လေ၏။ 7 တချို့အစုံတိကား ဆူးတော၌ကျသဖြင့် အပင်ပေါက်သော်လည်း ဆူးပင်များသည် ညည်းဆဲသောကြောင့် မကြီးထွားနိုင်။ 8 တချို့အစုံရှိသည် ကောင်းသောမြီဆီလွှာ၌ကျသဖြင့် အပင်ပေါက်ပြီးလျှင် အဆတစ်ရာအသီးနှံကို ဖြစ်ထွန်းလေ၏” ဟု မိန့်တော်မူ၏။ ထိုသို့ မိန့်တော်မူပြီးနောက် ယေသျှုက “ကြားစရာနား ဟိသောလူတိကား၊ ကြားပါစီ” ဟု မိန့်တော်မူ၏။ 9 တပည့်တော်ရှိသည် ထိုပုံပဉ္စမာများ၏ အနက်အဓိပ္ပာယ်ကို ယေသျှုအား မိန်းလျှောက်ကြ၏။ 10 ကိုယ်တော်ကလည်း “သင်ရှိသည် ဘုရားသခင်၏ နိုင်ငံတော်နှင့်ဆိုင်သော နက်နဲသည့် အရာတို့ကို သိရခြင်းငှာ အခွင့်ဟိကြ၏။ သို့သော် အခြားသော လူတိအား ‘ကြည့်လျက်နန့် မမြင်၊ ကြားလျက်နန့် နားမလည်’ သည့်အတွက် ပုံပဉ္စမာကိုသာ ဟောရခြင်းဖြစ်၏။ 11 “ဤပုံပဉ္စမာ၏ အနက်အဓိပ္ပာယ်ကား ဤသို့တည်း၊ မျိုးစုံက ဘုရားသခင်၏ တရားစကားဖြစ်၏။ 12 လမ်း၌ကျသည့် မျိုးစုံကား တရားစကားကို ကြားရသော်လည်း နတ်ဆိုးတိက ထိုသူရှိသည် ယုံကြည်၍ ကယ်တင်ခြင်းသို့ မရောက်စီရန် လာပြီးလျှင် သူရဲစိတ်နှလုံးထဲက နှုတ်ကပါတ်တရားတော်ကို နှုတ်ယူလားကြ၏။ 13 ကျောက်ခံမြို့၌ ကျသောမျိုးစုံကား နှုတ်ကပတ်တရားတော်ကို ကြားသောအခါ ဝမ်းမြောက်စွာ ခံယူသူကို ဆိုလို၏။ သို့သော်လည်း သူရဲ၏ စိတ်နှလုံး၌ အမြစ်မစွဲ၊ ကာလအနည်းချေရာ ယုံကြည်လက်ခံကြ၏။ စုံစမ်းနှောက်ယှက်ခြင်းနှင့်တို့သောအခါ သူရဲသည် ဖောက်ပြန်လားကြ၏။ 14 ဆူးတော၌ ကျသောမျိုးစုံကား နှုတ်ကပတ်တရားတော်ကို ကြား၏။ သို့သော် စိုးရိမ်ပူပန်မှု၊ ချမ်းသာကြွယ်ဝမှု၊ ကာမဂုဏ်ခံစားမှုများ လွှမ်းမိုးနိုင်သည့်အတွက် အသီးကောင်းကို မသီးနိုင်။ 15 ကောင်းသောမြီဆီလွှာ၌ ကျသောမျိုးစုံကား တရားစကားကို ကြား၍ ဖြောင့်မတ်နာခံတတ်သော နှလုံးသားနှင့် နှုတ်ကပါတ်တရားတော်ကို စွဲမြဲစွာ ခံယူပြီးလျှင် သည်းခံသောအားဖြင့် အသီးသီးသောသူကို ဆိုလိုသတည်း။” 16 “ဆီးမီးကိုထွန်းပြီး တောင်းနှင့်အုပ်ထားခြင်း၊ ကုတင် အောက်၌ထားခြင်းကို ဇာသူလေ့ မပြုတတ်။ ဝင်လာသောလူတိ အလင်းကိုမြင်စီမို့ ဆီးမီးခုံထက်၌ တင်ထားလေ့ ဟိ၏။” 17 “အကြောင်းမူကား ကွယ်ဝှက်ထားသောအရာတိ ပေါ်လာပြီးလျှင် ဖုံးအုပ်ထားသော အရာမှန်သမျှသည်လည်း ထင်ရှားလာပြီး အလင်းထဲသို့ ယူဆောင်လာလိမ့်မည်။” 18 “ထို့ကြောင့် သင်ရဲ့ဇာပိုင်ကြားနာရမည်ကို သတိပြုကြလော့။ အကြောင်းမူကား ဟိသောသူကို ထပ်၍ ပီးလိမ့်မည်။ မဟိသူပါးက ဟိသည်ဟု ထင်သောအရာတိကိုပင် သိမ်းယူလိမ့်မည်” ဟု မိန့်တော်မူ၏။ 19 ယေသျှု၏မယ်တော်နှင့် ညီတော်ရှိသည် ကိုယ်တော်ထံသို့ လာကြ၏။ သို့စေကာမူ လူရိသတ်တိအား တိုးမပေါက်နိုင်သဖြင့် တို့ခွင့်မရ နိုင်ကြ။ 20 လူတစ်ယောက်က ယေသျှုအား “ကိုယ်တော်၏ မယ်တော်နှင့် ညီတော်တိက ကိုယ်တော်ကို တို့ချင်သောကြောင့် အပြင်မှာ စောင့်နိန့်ကြပါ၏” ဟု လျှောက်ကြ၏။ 21 ထိုအခါ ယေသျှုက “ဘုရားသခင်၏ နှုတ်ကပါတ်တော်ကို ကြားနာလိုက်လျှောက်သော လူတိကား ငါ့အမိ၊ ငါ့ညီပင် ဖြစ်၏” ဟု မိန့်တော်မူ၏။ 22 တစ်နိဉ် ယေသျှုနှင့် တပည့်တော်ရှိသည် လောင်းထက်သို့ တက်ကြ၏။ ထို့နောက်ကိုယ်တော်က “အိုင်တစ်ဖက်ကို ကူးကြကုန်အံ့” ဟု မိန့်တော်မူသဖြင့် တပည့်တော်ရှိသည် ရွက်ရွှင်ကြ၏။ 23 သူရဲ ရွက်ရွှင်ကြစဉ် ယေသျှုသည် အိပ်လျက် နိန့်တော်မူ၏။ ရုတ်တရက် အိုင်တွင် လီမုန်တိုင်းကျလာသဖြင့် လောင်းသည် ရီနှင့်ပြည့်လှပြည့်ချင် ဟိသောကြောင့် တပည့်တော်ရှိသည် ကြီးစွာသော ဒုက္ခဖီးနှင့် ကြုံရလေ၏။ 24 တပည့်တော်ရှိသည် ချင်းကပ်ပြီး ယေသျှုကို နှိုးပြီးလျှင် “သခင်၊ သခင်၊ အကျွန်ရဲ့ သီရိပါမို့ ဗျာယ်” ဟု ဆိုကြ၏။ ယေသျှုသည် ထတော်မူပြီးလျှင် လီနှင့်လှိုင်းတိကို အမိန့်ပီးတော်မူသဖြင့် လီနှင့်လှိုင်းသည် ငြိမ်သက်လေ၏။ 25 ထို့နောက် ကိုယ်တော်က “သင်ရဲ့ ယုံကြည်ခြင်းက ဇာမာလဲ” ဟု တပည့်တော်တိအား မိန်းတော်မူ၏။ သို့သော် သူရဲသည် ကြောက်ရွံ့အံ့ဩလျက် “ဤသူကား ဇာပိုင်မျိုးလူလဲ၊ လီနှင့်လှိုင်းတိကိုပင် အမိန့်ပီးသောအခါ သူရဲသည် အမိန့်နာခံကြသည်တကား” ဟု အချင်းချင်း ပြောဆိုကြ၏။ 26 ယေသျှုနှင့် သူ၏တပည့်တော်ရှိသည် ဂါလိလဲပြည်နှင့် အိုင်တစ်ဖက်ဖြစ်သော ဂါရစနယ်သို့ ရွက်ရွှင်ကြ၏။ 27 ယေသျှုသည် ကမ်းထက်သို့ တက်သည်နှင့် နတ်ဆိုးတိပူးသောသူ တစ်ယောက်သည် မြို့မှလာ၍ ကိုယ်တော်ကို လာရောက် တို့ဆုံလေ၏။ ထိုသူသည် အဝတ်ကိုမဝတ်၊ အိမ်တွင်မနီဘဲ

သင်္ချိုင်းကုန်းများတွင်သာ နီသည်မှာ ကြာပြီဖြစ်၏။ 28 ယေသျှုကိုမြင်လျှင် သူသည် အော်ဟစ်ကာ ရှိတော်၌ပျပ်ဝပ်လျက် “ယေသျှု၊ အမြင့်မြတ်ဆုံးသော ဘုရားသခင်၏သားတော်၊ အကျွန်ုပ်ပါးက ဇာအလိုဟိပါသလဲ၊ အကျွန်ုပ်ကို မနှိပ်စက်ပါကေ၊ တောင်းပန်ပါ၏” ဟု ကျယ်သောအသံဖြင့် အော်ဟစ် လျှောက်ထားလေ၏။ 29 ထိုသို့ လျှောက်ထားရသည့်အကြောင်းမှာ ယေသျှုသည် ဝိညာဉ်ဆိုးအား ထိုသူအထဲမှ ထွက်လားရန် အမိန့်ပီးလိုက်သောကြောင့်ဖြစ်၏။ ဝိညာဉ်ဆိုးသည် ထိုသူအား ကြိမ်ဖန်များစွာ ဝင်ပူးခ၏။ သူ၏ခြံ၊ လက်တံကို သံကြိုးများနှင့် တုတ်နှောင်ဖမ်းချုပ် စောင့်ကြပ်ထားသော်လည်း ထိုသူသည် သံကြိုးများကို ချိုးဖြတ်ကာ တောကန္တာရသို့ ထွက်ပြီးတတ်၏။ 30 ယေသျှုက နတ်ဆိုးအား “သင့်နာမည်က ဇာလ” ဟု မိန်းတော်မူလျှင်၊ “အကျွန်ုပ်နာမည် လေဂေါင်ဖြစ်ပါ၏” ဟု ပြန်လျှောက်လေ၏။ အကြောင်းမှာ ထိုသူအား နတ်ဆိုးရုံသည် ပူးပန်နိုင်သောကြောင့်ဖြစ်၏။ 31 နတ်ဆိုးရုံက “အကျွန်ုပ်ရုံကို အဆုံးမဟိသော တွင်းနက်ထဲ၌ လားဖို့ အမိန့်မပီးပါကေ” ဟု ယေသျှုအား တောင်းပန်ကြ၏။ (Abyssos g12) 32 ထိုအရပ်၌ ဝက်အုပ်ကြီးတစ်အုပ်သည် တောင်ခါးစောင်းနားတွင် ကျက်စားလျက်ဟိ၏။ နတ်ဆိုးရုံသည် ထိုဝက်တိထဲသို့ ဝင်ပူးခွင့်ပြုရန် ယေသျှုကို တောင်းပန်ကြ၏။ ကိုယ်တော်သည်လည်း ထိုသူရုံအား အခွင့်ပီးတော်မူလေ၏။ 33 နတ်ဆိုးရုံသည် လူမှုခွဲ၍ ဝက်တိထဲသို့ ဝင်ပူးကြ၏။ ထိုအခါ ဝက်တစ်အုပ်လုံးသည် အိုင်ကမ်းထောင်းစောက်သို့ တဟုန်ထိုး ပြီးဆင်းလျက် အိုင်ထဲ၌ ရိနှစ်သီဆုံးကြ၏။ 34 ဤသို့ ဖြစ်ပျက်သည့် အကြောင်းအရာများကို ဝက်ထိန်းသားရုံသည် မြင်လျှင် ငြီး၍ မြို့ရွာများသို့ လားကာ ထိုအခြင်းအရာကို ပြောကြ၏။ 35 လူတိကလည်း ထိုအဖြစ်အပျက်ကို ကြည့်ရန်ထွက်လာကြ၏။ ယေသျှုထံပါးသို့ ရောက်သောအခါ နတ်ဆိုး ထွက်လားသောသူသည် အဝတ်ကိုဝတ်၍ ယေသျှု၏ ခြံတော်ရင်းတွင် အကောင်းပကတိ ထိုင်နိုင်သည်ကို မြင်လျှင် သူရုံအားလုံးသည် ကြောက်ရွံ့ကြ၏။ 36 ထိုအရာကို မြင်သောလူတိက ထိုသူသည် မည်သို့ ပြန်ကောင်းလာကြောင်းကို အခြားလူတိအား ပြန်ပြောကြ၏။ 37 ထိုအခါ ဂါရစနယ်မှ လူအပေါင်းရုံသည် အလွန်ကြောက်လန့်သဖြင့် မိမိရုံအရပ်မှ ထွက်လားရန် ယေသျှုအား တောင်းပန်ကြ၏။ ထိုအခါ ယေသျှုသည် လောင်းထက်သို့တက်၍ ထိုအရပ်မှ ထွက်ခွါတော်မူ၏။ 38 နတ်ဆိုး ထွက်လားသောသူသည် ယေသျှုအား “ကိုယ်တော်နှင့်အတူ လိုက်ခွင့်ပြုပါ” ဟု တောင်းပန်၏။ သို့သော် ယေသျှုက၊ 39 “အိမ်ကို ပြန်ပြီးလျှင် ဘုရားသခင်က သင့်ကို ဇာလောက်ထိ ကျေးဇူးပြုတော်မူသည်ကို ပြောပြပါ” ဟု မိန့်တော်မူ၍ သူ့ကိုပြန်လားစီ၏။ ထိုသူသည် အထံတော်မှ ထွက်လားပြီးလျှင် ယေသျှုသည် မိမိအား မည်သို့ကျေးဇူးပြုကြောင်းကို မြို့အနှံ့ ပြောကြားလေ၏။ 40 ယေသျှု ပြန်ကြွလာတော်မူသောအခါ လူအပေါင်းရုံသည် ကမ်းတစ်ဖက်တွင် ကိုယ်တော်ကို စောင့်မျှော်ကြလျက် ခရီးဦးကြိုပြုကြ၏။ 41 ထိုအခါ တရားဇရပ်မှူး ယာဏုရုဆိုသောသူသည် ကိုယ်တော်ထံသို့ ရောက်လာ၍ ယေသျှု၏ ခြံတော်ရင်းတွင် ပြပ်ဝပ်လျက် သူ၏အိမ်သို့ ကြွတော်မူရန် ကိုယ်တော်ကို တောင်းပန်တော်မူ၏။ 42 အကြောင်းမှာ သူ၌ တစ်ဆယ့်နှစ်နှစ်အရွယ် တစ်ဦးတည်းသော သမီးသည် သီခါနီး ဖြစ်နိုင်သောကြောင့် ဖြစ်၏။ ယေသျှုသည် သူနှင့်အတူ လိုက်လားကြသောအခါ လူအပေါင်းရုံသည် ကိုယ်တော်ကို တိုက်မိကြ၏။ 43 တစ်ဆယ့်နှစ်နှစ်ပတ်လုံး သွီးသွန်နာ စွဲနိုင်သော မိန်းမတစ်ယောက်သည် မိမိ၌ဟိသော ငွေကြေးများ အကုန်ခံပြီး ဆီးဆရာများနှင့် ကုသသော်လည်း မည်သည့်ဆီးဆရာမှ ရောဂါကို ပျောက်နိုင်စွမ်း မဟိကြ။ 44 ထိုမိန်းမသည် ယေသျှု၏ နောက်တော်သို့ ချဉ်းကပ်၍ ကိုယ်တော်၏ ဝတ်ရုံပန်းဖွားတော်ကို တို့လေ၏။ ထိုခဏချင်းတွင် သွီးသွန်နာ ပျောက်ကင်းလေ၏။ 45 ယေသျှုကလည်း “ငါ့ကို ဇာသူ တို့သနည်း” ဟု မိန်းတော်မူလျှင်၊ လူအပေါင်းရုံသည် ငြင်းလတ်သော်၊ ပေတရက “သခင်၊ လူတိက သခင်ကို ဝိုင်းရံ နိန့်ကြပါလျက်နှင့် ‘ငါ့ကို ဇာသူ တို့သနည်း’ ဟု မိန့်တော်မူပါသည်တကား” ဟုလျှောက်ကြ၏။ 46 သို့သော်လည်း ယေသျှုက “တစ်ယောက်ယောက်က ငါ့ကို တို့၏။ ငါ့ကိုယ်က တန်ခိုးထွက်လားသည်ကို ငါသိရ၏” ဟု မိန့်တော်မူ၏။ 47 ထိုမိန်းမသည် မိမိပြုသည့်အမှုကို ဖုံးကွယ်ထား၍ မရကြောင်း သိလာသောအခါ တုန်လှုပ်လျက် ရှိတော်သို့လာပြီး ပျပ်ဝပ်ကာ ယေသျှုအား တို့ထိရသည့်အကြောင်းကိုလည်းကောင်း၊ ချက်ချင်းပင် မိမိ၏ရောဂါ

ပျောက်ကင်းကြောင်းကိုလည်းကောင်း လူအပေါင်းရို၏ရှိတွင် လျှောက်လေ၏။ 48 ယေသျှုကလည်း “ငါ့သမီး၊ သင်၏ ယုံကြည်ခြင်းသည် သင့်ကို ကျန်းမာစီစဉ်ပါ။ ငြိမ်ဝပ်စွာလားလော” ဟု မိန့်တော်မူ၏။ 49 ထိုသို့ ကိုယ်တော်မိန့်တော်မူစဉ် တရားဇရပ်မှူးအိမ်မှ လူတစ်ယောက်လာ၍ “သခင်၏သမီး သိပ္ပာယ်၊ ဆရာကို မနှောင့်ယှက်ကော့ဖီ” ဟု ယာကုရုအား ပြော၏။ 50 ထိုစကားကို ယေသျှုကြားတော်မူလျှင် ယာကုရုအား “မစိုးရိမ်ကော့ ယုံကြည်ခြင်း တစ်ခုရာ ဟိလော၊ သူငယ်မချေ ကျန်းမာလိမ့်မည်” ဟု မိန့်တော်မူ၏။ 51 တရားဇရပ်မှူးအိမ်သို့ ရောက်သောအခါ ပေတရု၊ ယောဟန်၊ ယာကုပနှင့် သူငယ်မ၏ မိမိနှစ်ပါးမှတစ်ပါး မည်သူ့ကိုမျှ မိမိနှင့်အတူ ဝင်စီတော်မမူ။ 52 သူငယ်မချေ သီဆုံးသည့်အတွက် လူတိုင်းသည် ငိုကြွေးမြည်တမ်းလျက် ဟိကြ၏။ ယေသျှုက “မငိုကတ်ကော့၊ သူငယ်မချေ သီစွာ မဟုတ်၊ အိပ်ပျော် နိန့်ခြင်းသာဖြစ်၏” ဟု မိန့်တော်မူ၏။ 53 ထိုအခါ သူရိသည် သူငယ်မချေ သီဆုံးပြီးကြောင်းကို သိကြသည်ဖြစ်၍ ကိုယ်တော်ကို လှောင်ပြောင်ကြ၏။ 54 သို့သော် ယေသျှုသည် သူငယ်မ၏လက်ကို ဆုပ်ကိုင်ကာ “ကလိန့်မေချေ၊ ထလော့” ဟု ခေါ်တော်မူ၏။ 55 သူငယ်မသည် အသက်ပြန်ရှင်လာ၍ ချက်ခြင်းပင် ပြန်ထလေ၏။ ယေသျှုသည် သူငယ်မအား အစားအစာကျွေးမွေးရန် မိန့်မှာတော်မူ၏။ 56 မိမိရှိသည် များစွာအံ့သြကြ၏။ ယေသျှုက ဤအဖြစ်အပျက်ကို မည်သူ့ကိုမျှ မပြောစီရန် သူရိအား ပညတ်တော်မူ၏။

9 ယေသျှုသည် တပည့်တော် တစ်ဆယ့်နှစ်ပါးကို ခေါ်တော်မူပြီးလျှင် နတ်ဆိုးအပေါင်းကို နှင်ထုတ်ရန်နှင့် အနာရောဂါများကို ပျောက်ကင်းစီနိုင်သော တန်ခိုးအာဏာကို ပီးအပ်တော်မူ၏။ 2 ထို့နောက် ကိုယ်တော်သည် သူရိအား ဘုရားသခင်၏ နိုင်ငံတော်အကြောင်းကို ဟောပြောရန်နှင့် ဖျားနာသူများကို ကျန်းမာစီရန် ရွတ်တော်မူပြီးလျှင်၊ 3 ထိုသူရိအား “လမ်းခရီးအတွက် သင်ရှိသည် ဇာတစ်ခုကိုလည်း မယူကော့။ တောင်မို့၊ လွယ်အိတ်၊ စားစရာ၊ ဖေသာဒင်္ဂါးတို့ကို မယူကော့။ အင်္ကျီတစ်လုံးတောင် အပိုမပါကတ်ကော့။” 4 “ဇာအိမ်ကမဆို သင်ရှိကို လက်ခံလို့ဟိကော့ ထိုမြို့က ထွက်လားသောအချိန်ထိ ထိုအိမ်၌ တည်းခိုနိပ်ပါ။” 5 “သင်ရှိကို လက်မခံသော လူတို့ကို သတိပီးသည့်အခိုန်နန့် ထိုမြို့ကနိန် ထွက်လားသောအချိန်၌ သင့်ခြံစိုင်းမှ ခြံမှန်ကို ခါချပစ်ခလော့” ဟု မိန့်တော်မူ၏။ 6 တပည့်တော်ရှိသည်လည်း ထွက်လားပြီးလျှင် အနယ်နယ်အရပ်ရပ်သို့ လှည့်လည်လျက် သတင်းကောင်းကို ဟောပြောပြီး နီရာတိုင်း၌ လူတို့ အနာရောဂါများကို ပျောက်ကင်းစီကြ၏။ 7 ဂါလိလဲနယ်စား ဟေရုဒ်သည် ထိုဖြစ်ပျက်နိုင်သော အမှုအရာ အားလုံးကို ကြားသောအခါ အလွန် စိတ်ပွဲလျက်ဟိ၏။ အကြောင်းမှာ လူတချို့က ဗတ္တိဇံယောဟန် “သီရာမှ ပြန်ရှင်လာဗျာယ်” ဟု ပြောဆိုသောကြောင့် လည်းကောင်း၊ 8 လူတချို့က “ဧလိယ ပေါ်ထွန်းလာဗျာယ်” ဟူ၍ လည်းကောင်း၊ တချို့က ရှိပရောဖက်တစ်ပါးပါး “အသက် ပြန်ရှင်လာဗျာယ်” ဟူ၍ လည်းကောင်း ပြောဆိုကြသောကြောင့် ဖြစ်၏။ 9 ဟေရုဒ်ကလည်း “ယောဟန်ဂေါင်းကို ငါဖြတ်ခပြီးဗျာယ်။ သို့သော်လည်း ငါသတင်းကြားရသော ဤသူကား ဇာသူလဲ” ဟု ပြောဆိုပြီး ယေသျှုကို တွို့မြင်ခြင်းငှာ ကြိုးစားလျက် နိန့်၏။ 10 တမန်တော်ရှိသည် ယေသျှုထံသို့ ပြန်လာကြပြီးလျှင် မိမိရဲ့လုပ်ဆောင်သမျှကို ပြန်ပြောကြ၏။ ကိုယ်တော်သည် သူရိကိုခေါ်၍ ဗက်ဇဲဒဟုခေါ်သော မြို့သို့ ကြွတော်မူ၏။ 11 လူထုပရိသတ်ရှိသည် ကိုယ်တော် ကြွလားကြောင်းကို ကြားကြသောအခါ နောက်တော်သို့ လိုက်ကြ၏။ ကိုယ်တော်သည် သူရိကို လက်ခံကြိုဆိုလျက် ဘုရားသခင်၏ နိုင်ငံတော်အကြောင်းကို ဟောပြောပြီးလျှင် မကျန်းမာသောသူတို့ကိုလည်း ကျန်းမာစီတော်မူ၏။ 12 နီဝင်စပြုသောအခါ တပည့်တော် တစ်ဆယ့်နှစ်ပါးသည် ကိုယ်တော်ထံသို့ လာ၍ “ဤလူတို့ကို ပတ်ဝန်းကျင်၌ဟိသော ကျေးရွာဇာနုပုဒ်များနှင့် ယာတောများသို့လားပြီး တည်းခိုဖို့နီရာနှင့် အစားအစာကို ရှာစီပါ။ ဇာကြောင့်ဆိုသော် ဤနီရာသည် လူသူဝီးသောအရပ် ဖြစ်ပါ၏” ဟု လျှောက်ထားကြ၏။ 13 သို့သော် ယေသျှုကလည်း “သူရိ၊ စားစရာဖို့ သင်ရှိကိုယ်တိုင် ပီးလော့” ဟု မိန့်တော်မူ၏။ သူရိက “အကျွန်ရိက ဤလူတို့အတွက် စားစရာကို လားပြီး ဝယ်ရပါမည်လော။ အကျွန်ရိ၌ မှုန့်ငါးလုံးနှင့် ငါးနှစ်ကောင်ရာ ဟိပါ၏” ဟု ပြန်လည် လျှောက်ထားကြ၏။ 14 (ထိုသို့ လျှောက်ထားရခြင်းမှာ ထိုနီရာ၌ လူကြီး အယောက် ၅,၀၀၀ ခန့်

ဟိသောကြောင့်ဖြစ်၏။) ယေသျှုက “ဤလူတို့ကို လူငါးဆယ်ခန့်စီ အစုလိုက် ထိုင်စီလော့” ဟု တပည့်တော်ရို့အား မိန့်တော်မူ၏။ 15 တပည့်တော်ရို့သည် ကိုယ်တော် မိန့်တော်မူသည့်အတိုင်း ဆောင်ရွက်ကြပြီးနောက်၊ 16 ကိုယ်တော်သည် မုန့်ငါးလုံးနှင့် ငါးနှစ်ကောင်ကို ယူတော်မူကာ ကောင်းကင်သို့ မျှော်ကြည့်လျက် ဘုရားသခင်၏ ကျေးဇူးတော်ကို ချီးမွမ်းတော်မူပြီးမှ မုန့်နှင့်ငါးကို ဖဲ့တော်မူ၍ လူတို့အား ဝိဇ္ဇာစီခြင်းငှာ တပည့်တော်ရို့အား ပီးအပ်တော်မူ၏။ 17 သူရို့အားလုံးသည် ဝစ္စာစားကြပြီးနောက် တပည့်တော်ရို့သည် စားကြွင်းများကို စုသိမ်းရာ တောင်းတစ်ဆယ့်နှစ်တောင်း အပြည့်ရ၏။ 18 တစ်နိဿာခါ ယေသျှုသည် လုံးချင်းတည်း ဆုတောင်းလျက်နိန်သောအခါ တပည့်တော်ရို့သည် ကိုယ်တော်ထံပါးသို့ လာကြ၏။ “လူတို့က ငါ့ကို ဇာသူလို့ ပြောကြသနည်း” ဟု ကိုယ်တော်က မိန့်တော်မူ၏။ 19 တပည့်တော်ရို့ကလည်း “တချို့က ဗတ္တိဇံယောဟန်ဖြစ်သည်ဟု ဆိုကြပါ၏။ တချို့က ဧလိယဟု ဆိုပါ၏။ တချို့က ရှီးပရောဖက်တစ်ပါး အသက်ပြန်ရှင်လာခြင်းဖြစ်သည်ဟု ပြောဆိုကြပါ၏” ဟု လျှောက်ထားကြ၏။ 20 ထိုအခါ ကိုယ်တော်က “သင်ရို့က ငါ့ကို ဇာသူလို့ ဆိုကြမည်နည်း” ဟု မိန့်တော်မူလျှင်၊ ပေတရုက “ကိုယ်တော်သည် ဘုရားသခင်၏ မေသျှိယဖြစ်ပါ၏” ဟု လျှောက်လေ၏။ 21 ယေသျှုကလည်း ဤအကြောင်းကို ဇာသူကိုမှ မပြောမိစီရန် ကြပ်တည်းစွာ ပညတ်တော်မူ၏။ 22 ကိုယ်တော်က “လူသားသည် ဒုက္ခဝေဒနာတို့ကို ပြင်းစွာခံရမည်။ အသက်ကြီးသောသူတို့၊ ယဇ်ပုရောဟိတ် အကြီးအကဲတို့နှင့် ကျမ်းတတ်ဆရာတို့က ငြင်းပယ်ကြလိမ့်မည်။ လူသားသည် အသိခံရမည်။ သို့သော်လည်း သုံးရက်မြောက်သော နိဗ္ဗိ ရှင်ပြန်ထမြောက်လိမ့်မည်” ဟု တပည့်တော်ရို့အား မိန့်တော်မူ၏။ 23 ထို့နောက် ကိုယ်တော်က ထိုသူရို့အား “ငါ့နောက်ကို လိုက်လိုသောသူသည် ကိုယ့်ကိုကိုယ် ငြင်းပယ်ရမည်။ ကိုယ့်လက်ဝါးကပ်တိုင်ကို နှိပ်တိုင်းထမ်း၍ ငါ့နောက်သို့ လိုက်ရမည်။ 24 အကြောင်းမူကား မိမိအသက်ကို ကယ်တင်လိုသူသည် အသက်ဆုံးယှုံးလိမ့်မည်။ ငါ့ကြောင့် အသက်ဆုံးယှုံးသူသည် မိမိအသက်ကို ကယ်တင်လိမ့်မည်။ 25 လူသည် လောကတစ်ခုလုံးကို ပိုင်ဆိုင်ခွင့်ရသော်လည်း မိမိအသက်ဆုံးယှုံးလျှင် ဇာအကျိုး ဟိမည်နည်း။ 26 အကြင်သူသည် ငါနဲ့ ငါ၏ တရားစကားကြောင့် ရှက်လျှင် လူသားသည် မိမိ၏ ဘုန်းတန်ခိုးတော်၊ ခမည်းတော်၏ ဘုန်းတန်ခိုးတော်၊ သန့်ယှင်းသော ကောင်းကင်တမန်ရို့၏ ဘုန်းတန်ခိုးကိုဆောင်ပြီး ကြွလာသောအခါ ထိုသူကို ရှက်တော်မူလိမ့်မည်။ 27 ငါအမှန်ဆိုသည်ကား၊ ဤအရပ်၌ဟိသော လူတချို့သည် ဘုရားသခင်၏ နိုင်ငံတော်ကို မမြင်ရခင် မသီရ” ဟု မိန့်တော်မူ၏။ 28 ဤသို့ မိန့်တော်မူပြီးနောက် သျှစ်ရက်ခန့် ကြာသောအခါ ယေသျှုသည် ပေတရု၊ ယောဟန်၊ ယာကုပ်ရို့ကို ခေါ်၍ ဆုတောင်းခြင်းငှာ တောင်ထက်သို့ တက်ကြွတော်မူ၏။ 29 ဆုတောင်းတော်မူစဉ် မျက်နှာတော်၏ အဆင်းသဏ္ဌာန်သည် ပြောင်းလဲလာ၍ အဝတ်တော်သည်လည်း ဖြူဖွေးတောက်ပလာ၏။ 30 လူနှစ်ဦးသည် ရုတ်တရက်ပေါ်လာ၍ ကိုယ်တော်နှင့် စကားပြောလျက် နိန်၏။ ထိုသူရို့ကား မောသျှုနှင့် ဧလိယပင်ဖြစ်၏။ 31 သူရို့သည် ဘုန်းတန်ခိုးတော်နှင့်တကွ ပေါ်လာ၍ ဘုရားသခင်၏ အလိုတော်နှင့်အညီ မကြာမီ ယေရုဆလင်မြို့၌ အသက်တော် စွန့်ရမည့်အကြောင်းကို ယေသျှုနှင့် ပြောနိန်ကြ၏။ 32 ပေတရုနှင့် အဖော်များသည် ငိုက်မျဉ်းလျက် နိန်ကြ၏။ သို့ရာတွင် သူရို့ နိုးလာသောအခါ ယေသျှုသည် ဘုန်းတန်ခိုးတော်နှင့် လည်းကောင်း၊ ကိုယ်တော်နှင့်အတူ ရပ်နိန်သူနှစ်ဦးကိုလည်းကောင်း မြင်ကြ၏။ 33 ထိုသူနှစ်ဦးရို့သည် ယေသျှုထံမှ ထွက်ခွါလားကြစဉ် ပေတရုက “သခင်၊ ဤနီရာ၌ နီစရာကောင်းပါ၏။ ကိုယ်တော်အတွက် တဲတစ်ဆောင်၊ မောသျှုအတွက် တဲတစ်ဆောင်၊ ဧလိယအတွက် တဲတစ်ဆောင်၊ တဲသုံးဆောင်ကို အကျွန်ရို့ ဆောက်ပီးပါမည်။” ဟု (ပြောမိပြောရာ ပြောသည်) လျှောက်ထား၏။ 34 ဤသို့ လျှောက်ထားစဉ် မိုးတိမ်တိုက်တစ်ခုသည် ပေါ်လာ၍ သူရို့အထက်၌ တိမ်ရိပ် အုပ်မိုးလေ၏။ မိုးတိမ်တိုက်သည် သူရို့အထက်သို့ ရောက်လာသောအခါ သူရို့သည် ကြောက်လန့်ကြ၏။ 35 မိုးတိမ်ထဲမှ အသံတော်ကား “ဤသူသည် ငါ့ရှိုးချယ်ထားသော ငါ၏သား ဖြစ်၏။ သူ၏စကားကို နားထောင်ကြလော့” ဟု ထွက်ပေါ်လာ၏။ 36 အသံတော် တိတ်လားသောအခါ ထိုနီရာ၌ ယေသျှုတစ်ပါးတည်းကိုသာ တွေ့ရ၏။ ထိုနီရက်ကာလ၌ တပည့်တော်ရို့သည်

မိမိရဲ့ မြင်တို့ရသော အကြောင်းအရာများကို ဇာသူကိုမှမပြောဘဲ တိတ်ဆိတ်စွာနိမ့်ကြ၏။ 37 နောက်တစ်နိမ့် ယေသျှုနှင့် တပည့်တော်သုံးဦးရှိသည် တောင်ပေါ်မှဆင်းလာကြသောအခါ များစွာသော လူထုပရိသတ်ရှိသည် ကိုယ်တော့်ကို ခရီးဦးကြိုပြုကြ၏။ 38 ပရိသတ်ထဲမှ လူတစ်ယောက်က “ဆရာ၊ အကျွန်၏ တစ်ဦးတည်းသောသားကို ကြည့်ရှုတော်မူပါ၊ တောင်းပန်ပါ၏။ 39 နတ်ဝင်ပူးလို့ ရုတ်တရက် အော်ဟစ်တတ်ပါ၏။ နတ်က သူ့ကိုလှဲချ၍ မာတောင့်စီပြီးလျှင် ပါးစပ်မှအမြွှာ ထွက်လာပါ၏။ နတ်ဆိုးက သူ့ကို နာကြင်အောင် နှိပ်စက်ပြီး ထွက်လားပါ၏။ 40 အကျွန်ကလည်း ကိုယ်တော်၏တပည့်တော်တို့ကို နှင်ထုတ်ပီးဖို့ တောင်းပန်သော်လည်း သူရဲ့ မတတ် နိုင်ကြပါ” ဟု အော်၍ လျှောက်ထား၏။ 41 ယေသျှုက “ယုံကြည်ခြင်းမဟုတ်၊ ဖောက်ပြန်တတ်သောလူတို့၊ ငါသည် သင်ရဲ့နှင့်အတူ ဇာအချိန်ထိကြာအောင် နီရမည်နည်း။ ဇာလောက်ထိ သည်းခံရမည်နည်း” ဟု မိန့်တော်မူ၏။ ထို့နောက် ထိုသူအား “သင်၏သားကို မ၍ ဤနီရာသို့ ယူလာလော့” ဟု မိန့်တော်မူ၏။ 42 ထိုလူငယ် လာစဉ်မှာပင် နတ်ဆိုးသည်သူအား မြီကြီးထက်၌လှဲချပြီး မာတောင့်စီ၏။ ယေသျှုသည် နတ်ဆိုးအား အမိန့်ပေး၍ လူငယ်ကို ကျန်းမာစီတော်မူပြီးနောက် ဖခင်အား ပြန်လည် အပ်ပီးတော်မူ၏။ 43 လူအပေါင်းရှိသည် ဘုရားသခင်၏ မဟာတန်ခိုးတော်ကို မြင်ရ၍ အံ့ဩကြကုန်၏။ လူရှိသည် ယေသျှုပြုတော်မူသော အမှုအရာများကြောင့် အံ့ဩနိမ့်ကြစဉ်၊ ကိုယ်တော်က၊ 44 “ငါပြောသော အကြောင်းကို သင်ရဲ့ ဂရုတစိုက် နားထောင်ကြလော့။ လူသားသည် လူတိလက်သို့ အပ်နှံခြင်းကို ခံရလိမ့်မည်” ဟု တပည့်တော်ရှိအား မိန့်တော်မူ၏။ 45 သို့ရာတွင် တပည့်တော်ရှိသည် ထိုစကားအဓိပ္ပာယ်ကို မသိကြ။ ထိုသို့ သူရှိသည် နားမလည်ကြစီရန် ထိုအရာတို့ကို ကွယ်ဝှက်ထားလျက်ဟိ၏။ သူရှိသည်လည်း ကိုယ်တော်ကို မိန်းလျှောက်ရန်လည်း ကြောက်ရွံ့ကြ၏။ 46 ထိုအခါ တပည့်တော်ရှိသည် မိမိရဲ့ထဲတွင် ဇာသူသည် အကြီးမြတ်ဆုံးနည်း ဟု အချင်းချင်း ငြင်းခုံ ပြောဆိုကြ၏။ 47 ယေသျှုသည် ထိုသို့ ငြင်းခုံ နိမ့်ကြသည်ကို သိတော်မူသဖြင့် သူငယ်တစ်ယောက်ကိုယူ၍ မိမိဘေးနားတွင် ရပ်စီတော်မူ၏။ 48 ထို့နောက် ကိုယ်တော်က သူရှိအား “ငါ၏နာမကိုထောက်၍ ဤအချေ တစ်ယောက်ကို လက်ခံသောသူသည် ငါ့ကို လက်ခံခြင်းဖြစ်၏။ ငါ့ကို လက်ခံသောသူသည် ငါ့ကို စီခွတ်တော်မူသော အသျှင်ကို လက်ခံခြင်းဖြစ်၏။ အကြောင်းမူကား သင်ရဲ့တွင် အငယ်ဆုံးသောသူသည် အကြီးမြတ်ဆုံးသောသူဖြစ်သည်” ဟု မိန့်တော်မူ၏။ 49 ယောဟန်က “သခင်၊ ကိုယ်တော်၏နာမကို အမှီပြု၍ နတ်ဆိုးတို့ကို နှင်ထုတ်နိုင်သော လူတစ်ယောက်ကို အကျွန်ရဲ့ တို့မြင်ခပါ၏။ ထိုသူသည် အကျွန်ရဲ့အဖွဲ့ဝင် မဟုတ်သောကြောင့် အကျွန်ရဲ့သည် ထိုသူအား တားမြစ်ခပါသည်” လျှောက်ထား၏။ 50 ယေသျှုကလည်း “ထိုသူကို မတားမြစ်ကတိကော့၊ သင်ရဲ့ကို မဆန့်ကျင်သောသူသည် သင်ရဲ့ဖက်သားဖြစ်၏” ဟု ယောဟန်အား မိန့်တော်မူ၏။ 51 ကောင်းကင်ဘုံသို့ ဆောင်ယူခြင်းကို ခံတော်မူမည့်အချိန် နီးလာသောအခါ ယေသျှုသည် ယေရုဆလင်မြို့သို့ ကြွတော်မူရန် စိတ်ပိုင်းဖြတ်တော်မူလေ၏။ 52 ထိုအခါ ကိုယ်တော်သည် စီတမန်များကို မိမိအဖို့ အဆင်သင့်ဖြစ်စီခြင်းငှာ ပျာမာရိနယ်၏ ရွာတစ်ရွာသို့ ကြို့တင် ရွတ်လိုက်တော်မူ၏။ 53 သို့သော်လည်း ရွာသားရှိသည် လက်မခံကြ။ အကြောင်းမူကား ကိုယ်တော်သည် ယေရုဆလင်မြို့သို့ ဦးတည်လျက် ခရီးပြုနိုင်သောကြောင့်ဖြစ်၏။ 54 ဤအချင်းအရာများကို တပည့်တော်များဖြစ်ကြသော ယာကုပ်နှင့် ယောဟန်သည် မြင်ကြသောအခါ “သခင်ဘုရား၊ အကျွန်ရဲ့သည် ကောင်းကင်က မီးကျစီ၍ ယင်းသူရဲ့ကို လောင်ကျွမ်းစီဖို့ အလိုတော်ဟိပါ၏လော့” ဟု လျှောက်ကြ၏။ 55 သို့သော် ကိုယ်တော်သည် လှည့်၍ သူရှိအား ဆုံးမတော်မူ၏။ 56 ထို့နောက် ယေသျှုနှင့် တပည့်တော်ရှိသည် အခြားရွာသို့ ထွက်လားကြ၏။ 57 ထိုသို့ သူရှိသည် ခရီးပြုနိုင်ကြစဉ် လူတစ်ယောက်က “အကျွန်သည်၊ ကိုယ်တော်ကြွတော်မူရာ အရပ်ရပ်သို့ လိုက်ပါမည်” ဟု ကိုယ်တော်ကို လျှောက်ထား၏။ 58 ယေသျှုက “မြီခွီးမှာ တွင်းဟိ၏။ ငှက်မှာလဲ အသိုက်ဟိ၏။ သို့သော် လူသားမှာကား ဂေါင်းချစရာ နီရာတောင်မဟုတ်” ဟု မိန့်တော်မူ၏။ 59 ကိုယ်တော်သည် အခြားလူတစ်ယောက်အား “ငါ့နောက်သို့လိုက်လော့” ဟု မိန့်တော်မူ၏။ သို့သော်လည်း ထိုသူက “အသျှင်၊ အကျွန်အဖေ၏အလောင်းကို အယင် လား၍ သင်္ဂြိုဟ်ခွင့် ပီးတော်မူပါ” ဟု

လျှောက်၏။ 60 ယေသျှုကလည်း “လူသီရိက မိမိရိုလူသီအား သင်္ဂြိုဟ်ကတ်ပါစီ။ သင်မူကား လား၍ ဘုရားသခင်၏ နိုင်ငံတော်အကြောင်းကို ဟောပြောလော့” ဟု ထိုသူအား မိန့်တော်မူ၏။ 61 အခြားသောသူတစ်ယောက်က “အသျှင်၊ အကျွန်ုပ်သည် ကိုယ်တော့်နောက်သို့ လိုက်ပါမည်။ သို့သော် အကျွန်ုပ်၏ အိမ်သူအိမ်သားတို့ကို လား၍ ဦးစွာ နှုတ်ဆက်ခွင့် ပြုတော်မူပါ” ဟု လျှောက်လေ၏။ 62 ယေသျှုကလည်း “ထွန်ကိုင်းကိုကိုင်လျက် နောက်လှည့်ကြည့်သောသူသည် ဘုရားသခင်၏ နိုင်ငံတော်အတွက် အသုံးမဝင်” ဟု ပြန်၍ မိန့်တော်မူ၏။

10 ထို့နောက် သခင်ဘုရားသည် အခြားသောတပည့်တော် ၇၂ ဦး ကို ရှီးခြယ်၍ နှစ်ယောက်တစ်တွဲစီတွဲလျက် ကိုယ်တော် ကြွတော်မူသည့် မြို့ရွာအသီးသီးသို့ မိမိ ရှိက စီခွတ်လိုက်တော်မူ၏။ ၂ ကိုယ်တော်က သူရိအား “ရိတ်စရာစပါး များစွာဟိ၏။ သို့သော် ရိတ်သိမ်းသောသူ နည်း၏။ စပါးရိတ်သူတို့ကို စပါးခင်းထဲသို့ စီခွတ်နိုင်ရန် စပါးပိုင်သူထံ ဆုတောင်းကြလော့။ ၃ လားကတ်၊ တောခွီးစုထဲသို့ သိုးသငယ်များကို စီခွတ်သည့်နည်းတူ သင်ရိုကို ငါ ခွတ်လိုက်၏။ ၄ ဖဲသာအိတ်၊ လွယ်အိတ်၊ ခြံနင်းတို့ကို ယူမလားကတ်ကေ။ လမ်းမာရပ်ပြီး တစ်ယောက်ကိုလေ နှုတ်မဆက်ကတ်ကေ။ ၅ သင်ရိုသည် အိမ်တစ်အိမ်သို့ ဝင်သောအခါ၌ ‘ဤအိမ်၌ ငြိမ်သက်ခြင်းဟိပါစီ’ ဟု ဦးစွာ မေတ္တာပို့ကြလော့။ ၆ ထိုအိမ်၌ ငြိမ်သက်ခြင်းကို လိုလားသူဟိလျှင်၊ သင်ရို ပို့သသည့် မေတ္တာကို ခံစားရလိမ့်မည်။ ထိုကဲ့သို့သောသူ တစ်ယောက်မှ မဟိလျှင် သင်ရိုပို့သသော မေတ္တာသည် ပြန်လာလိမ့်မည်။ ၇ သင်ရိုသည် သူရိုကျွေးမွေးသော အစာကို စားသောက်လျက် ထိုအိမ်၌ တည်းခိုနိုင်ကြလော့၊ ဇာကြောင့်ဆိုသော် အလုပ်သမားများသည် မိမိရို၏လုပ်ခကို ခံစားထိုက်၏။ တစ်အိမ်မှ အခြားတစ်အိမ်သို့ လှည့်လည်၍ မလားကတ်ကေ။ ၈ မြို့တစ်မြို့သို့ ဝင်သောအခါ သင်ရိုအား ကြိုဆိုပြီး ကျွေးမွေးသောအရာတို့ကို စားကြလော့။ ၉ ထိုမြို့၌ဟိသော လူမမာတို့ကို ကျန်းမာစီပြီးလျှင် ထိုအရပ်၌ဟိသော လူရိုအား ဘုရားသခင်၏ နိုင်ငံတော်တည်ချိန် နီးပြီဖြစ်ကြောင်း ဟောပြောကြလော့။ ၁၀ သို့သော် သင်ရိုသည် မြို့တစ်မြို့သို့ ဝင်၍ ကြိုဆို လက်ခံခြင်းမဟိလျှင် လမ်းတံ၌ ထွက်ပြီးလျှင် ဤသို့ ပြောလော့။ ၁၁ ‘ငါရိုသည် သင်ရိုကို ဆန့်ကျင်သည့်အနေဖြင့် ငါရိုခြံမှာ ကပ်ပါလာသော သင်ရိုမြို့က မြို့မုန့်ကို ငါရို ချလိုက်ဗျာယ်။ ယေဒါလေ ဘုရားသခင်၏ နိုင်ငံတော်သည် သင်ရိုအနားတွင် ရောက်နိုင်ပြီးဖြစ်ကြောင်းကို သိမှတ်ကြလော့။’ ၁၂ သင်ရိုအား ငါ အမှန်ဆိုသည်ကား၊ တရားစီရင်တော်မူရာနိ၌ ဘုရားသခင်သည် ထိုမြို့ထက် သောဒုံမြို့ကို ပို၍ ကရုဏာထားတော်မူလိမ့်မည်” ဟု မိန့်တော်မူ၏။ ၁၃ “အို၊ ခေါရာဇိန်မြို့၊ သင်သည် အမင်္ဂလာဟိ၏။ အို၊ ဗက်ဒဲဒမြို့၊ သင်သည်လည်း အမင်္ဂလာဟိ၏။ သင်ရိုထံ၌ ပြုသော အံ့ဖွယ်အမှုအရာတို့ကို တရုမြို့နှင့် ဇိဒန်မြို့၌သာ ပြုပါမူ သူရိုသည် ရှီးပဝေသဏီကပင် လျှော်တေအဝတ်ကို ဝတ်ပြီး ပြာပုံ၌ ထိုင်၍ နောင်တရကြလိမ့်မည်။ ၁၄ ဘုရားသခင်သည် တရားစီရင်တော်မူရာကလ၌ သင်ရိုထက် တရုမြို့နှင့် ဇိဒန်မြို့ကို ပို၍ ကရုဏာထားတော်မူလိမ့်မည်။ ၁၅ အို၊ ကပေရနောင်မြို့၊ သင်သည် ကိုယ့်ကိုကိုယ် ကောင်းကင်ဘုံထိ ချီးမြှောက်ခြင်းကို ခံလိုသလော။ မရဏာနိုင်ငံထိ နှိမ့်ချခြင်းကို ခံရလိမ့်မည်။” (Hadēs 986) ၁၆ ယေသျှုသည် တပည့်တော်ရိုအား၊ “သင်ရို၏စကားကို နားထောင်သောသူသည် ငါ့စကားကို နားထောင်သူဖြစ်၏။ သင်ရိုကို ငြင်းပယ်သူသည် ငါ့ကို ငြင်းပယ်သူဖြစ်၏။ ငါ့ကို ငြင်းပယ်သောသူသည်လည်း ငါ့ကို ခွတ်လိုက်တော်မူသောသူကို ငြင်းပယ်သူဖြစ်၏” ဟု မိန့်တော်မူ၏။ ၁၇ တပည့်တော် ၇၂ ဦး ရှိသည် အလွန်ဝမ်းမြောက်စွာ ပြန်လာပြီးလျှင် “အသျှင်၊ ကိုယ်တော်၏ နာမတော်၌ နတ်ဆိုးတိပင် အကျွန်ုပ်ရိုကို နာခံကြပါ၏” ဟု လျှောက်ကြ၏။ ၁၈ ယေသျှုကလည်း “ကောင်းကင်က လျှပ်စစ်ကျသကဲ့သို့ စာတန် ကျလာစွာကို ငါ မြင်ရ၏။ ၁၉ နားထောင်ကတ်၊ ဗွီဆိုးတိ၊ ကင်းမီးကောက်တို့ကို နင်းလားနိုင်ခြင်းငှာ လည်းကောင်း၊ ရန်သူ၏တန်ခိုးအားလုံးကို အောင်နိုင်ခြင်းငှာလည်းကောင်း အခွင့်အာဏာကို သင်ရိုအား ငါ ပီးအပ်ထားပြီးဖြစ်၏။ သို့ဖြစ်၍ သင်ရိုအား ဇာအရာကလည်း နာကြင်အောင် မလုပ်နိုင်။ ၂၀ သို့သော် ဝိညာဉ်ဆိုးရှိသည် သင်ရိုကို နာခံကြသောကြောင့်

ဝမ်းမသာကတ်ကေ။ သင်ရိန္နာမည်များသည် ကောင်းကင်၌ စာရင်းဝင်ရသည်ကို ဝမ်းမြောက်ကြလော့” ဟု မိန့်တော်မူ၏။

21 ထိုအချိန်၌ ယေသျှုသည် သန့်ယှဉ်သော ဝိညာဉ်တော်အားဖြင့် ရွှင်လန်းဝမ်းမြောက်တော်မူသည်ဖြစ်၍ “ကောင်းကင် မြကြီး၏အသျှင် ဖြစ်တော်မူသော အဖ၊ ကိုယ်တော်သည် ပညာဟိသူနှင့် ပညာတတ်သူတို့ကို ထိမ်ဝှက်ထားသော အရာတို့ကို ပညာမဲ့သူရိအား ဖော်ပြပီးသည့်အတွက် ကိုယ်တော်ကို ကျေးဇူးတင်ပါ၏။ မှန်ပါ၏။ အဖ၊ ဤအရာသည်ကား ကိုယ်တော်၏ ကောင်းမြတ်သော အလိုတော် ဖြစ်ပါ၏” ဟု ဆို၏။

22 “ငါ၏အဖသည် အရာအားလုံးကို ငါ့အား ပီးအပ်တော်မူပြီ။ သားတော်သည် ဇာသူဖြစ်ကြောင်းကို ခမည်းတော်မှတစ်ပါး တစ်ယောက်လေ့ မသိ။ ခမည်းတော်သည် ဇာသူဖြစ်ကြောင်းကိုလည်း သားတော်နှင့် သားတော် ဖော်ပြလိုသောသူမှလွဲ၍ တစ်ယောက်လေ့ မသိ” ဟု မြက်ဆိုတော်မူ၏။

23 ထို့နောက် ကိုယ်တော်သည် တပည့်တော်တိဖက်သို့ လှည့်၍ “အဂ္ဂ မြင်သမျှသောအရာများကို မြင်ရသော သင်ရိန္နာ မျက်စိများသည် မင်္ဂလာဟိ၏။

24 အကြောင်းမူကား ပရောဖက်တို့နှင့် သျှင်ဘုရင်တို့က သင်ရိန္နာ မြင်သောအရာတို့ကို မြင်ချင်သော်လည်း၊ မမြင်ခရ။ သင်ရိန္နာကြားရသည့်အရာတို့ကို ကြားချင်သော်လည်း မကြားခရဟု သင်ရိန္နာကို ငါ ဆို၏။” ဟု မိန့်တော်မူ၏။

25 ကျမ်းတတ်ဆရာတစ်ယောက်သည် ရောက်လာပြီးလျှင် ယေသျှုကို စုံစမ်းခြင်းငှာ ကြိုးစားလေ၏။ သူက “ဆရာ၊ ထာဝရအသက်ကို ရရန်အတွက် အကျွန်ုပ် ဇာလုပ်ရပါဖို့လဲ” ဟု မိန်း၏။

(aiōnios g166) **26** ယေသျှုက “မောသျှေ၏ ပညတ္တိကျမ်း၌ ဇာပိုင် ဖော်ပြထားသလဲ၊ သင်သည် ထိုကျမ်းစာတို့ကို ဇာပိုင် အဓိပ္ပာယ်ကောက်ယူလဲ” ဟု သူ့အား မိန့်တော်မူ၏။

27 ထိုသူက “သင်၏ဘုရားသခင် ထာဝရဘုရားကို စိတ်နှလုံးအကြွင်းမဲ့၊ စိတ်ဝိညာဉ်ဟိသမျှ၊ အစွမ်းသတ္တိဟိသမျှ၊ ဉာဏ်ဟိသမျှနှင့် ချစ်လော့၊ ပြီးလျှင် ‘ကိုယ်နှင့်စပ်ဆိုင်သောသူကို ကိုယ်နှင့်အမျှ ချစ်လော့’” ဟု လျှောက်၏။

28 ယေသျှုကလည်း “သင်၏ အဖြေမှန်၏။ ထိုသို့ပြုလျှင် သင်သည် အသက်ရှင်လိမ့်မည်” ဟု ပြန်ပြောတော်မူ၏။

29 သို့သော် ကျမ်းတတ်ဆရာသည် မိမိကိုယ်ကို သူတော်ကောင်းဖြစ်ကြောင်း ဖော်ပြလိုသဖြင့် “ဇာသူသည် ကိုယ်နှင့်စပ်ဆိုင်သောသူ ဖြစ်ပါသလဲ” ဟု မိန်းတော်မူ၏။

30 ယေသျှုက “လူတစ်ယောက်သည် ယေရုဆလင်မြို့မှ ယေရေခေါမြို့သို့ လားသည့်လမ်း၌ ဒါးပြတိုက်ခံရ၏။ ထိုဒါးပြတိုက် သူ၏အဝတ်အစားများကို ချွတ်ယူ၍ သူ့ကို သတ်ပုတ်ပြီးလျှင် သီခါနီးမှ ပစ်ထားခ၏။

31 ယမံပုရောဟိတ်တစ်ဦးသည် ထိုလမ်းအတိုင်း လာသောအခါ ထိုသူကို မြင်သော်လည်း အခြားတစ်ဖက်မှ လားလေ၏။

32 ထိုနည်းတူ လေဝီအမျိုးသားတစ်ယောက်သည်လည်း ယင်းလမ်းအတိုင်းလာ၍ ထိုသူကို မြင်သောအခါ အခြားတစ်ဖက်မှ ကျော်လားခပြန်၏။

33 သို့သော်လည်း ခရီးလားသော ယုာမာရိ အမျိုးသားတစ်ယောက်သည် ထိုသူအနားသို့ ရောက်သောအခါ ထိုသူကို ကြည့်၍ ကရုဏာစိတ်ဟိသဖြင့်၊

34 ထိုသူအနားသို့ တိုးလာပြီးလျှင် သူ၏ဒဏ်ရာတို့ကို ဆီနှင့် စပျစ်ရည်ဖြင့် လိမ်းပြီး အဝတ်စနှင့် ပတ်စည်းပီးလေ၏။ ထို့နောက် မြည်းထက်၌ လူနာကို တင်၍ တည်းခိုခန်းတစ်ခုသို့ သယ်ဆောင်လားကာ ပြုစုလေ၏။

35 နောက်တစ်နိဉ်း သူသည် ငွီဒဂ်းနစ်ပြားကို တည်းခိုခန်း ပိုင်သျှင်အား ပီးပြီးလျှင် ‘ဤသူကို စောင့်ရှောက်ပြုစုပီးပါ၊ နောက်ထပ် ကုန်ကျသမျှကို အကျွန်ုပ်ပြန်လာသောအခါ ပီးပါမည်’” ဟု ဆို၏။

36 ယေသျှုက “ယင်းသူရိသုံးဦးထဲက ဇာသူက ဒါးပြတိုက်ခံရသူနှင့် စပ်ဆိုင်သောသူ ဟု သင် ထင်လဲ” ဟု မိန်းတော်မူ၏။

37 ကျမ်းတတ်ဆရာကလည်း “သူ့ကို သနားကြင်နာစွာ ပြုစုသောသူဖြစ်ပါ၏” ဟု လျှောက်လျှင်၊ ယေသျှုကလည်း “သင်လားပြီးလျှင်၊ ထိုနည်းတူ ပြုပါ” ဟု မိန့်တော်မူ၏။

38 ယေသျှုနှင့် တပည့်တော်ရို့သည် ခရီးလားကြစဉ် ရွာတစ်ရွာသို့ ဝင်တော်မူသောအခါ မာသအမည်ဟိသောမိန်းမသည် မိမိ၏အိမ်တွင် ကိုယ်တော်ကို ကြိုဆို၍ အာဂန္တုဝတ်ကို ပြုလေ၏။

39 သူမ၌ မာရိဟုခေါ်သော ညီမတစ်ယောက်ဟိ၏။ သူမသည် ယေသျှု၏ ခြံတော်ရင်းတွင်ထိုင်ပြီး ကိုယ်တော်၏ တရားစကားကို နားထောင်လျက်နိန့်၏။

40 မာသမူကား အာဂန္တုဝတ်ဖြင့် ပျာယာခတ်နိန့်၍ ကိုယ်တော်ထံသို့ ချဉ်းကပ်ပြီးလျှင်၊ “သူမသည် အကျွန်ုပ်ကို တစ်ယောက်တည်း အလုပ်လုပ်ခြင်းငှာ ချန်ထားသည့်ကို အသျှင်က လစ်လျူယူနိုင်သလား၊ အကျွန်ုပ်ကို ကူညီပီးဖို့ သူမကို ပြောပီးတော်မူပါ” ဟု လျှောက်လေ၏။

41 သခင်ဘုရားကလည်း “မာသ၊ မာသ၊ သင်သည် များစွာသော အမှုကိစ္စကြောင့် စိတ်ပူပန်သောက

ရောက်နိုင်၏။ 42 သို့ရာတွင် လိုအပ်ချက်တစ်ခုသာ ဟိ၏။ မာရိက ကောင်းမြတ်သောအရာကို ရှိုးချယ်လီဗျာယ်။ ထိုအရာတို့ကို သူမပါးမှ နုတ်ယူလိုမရ” ဟု မိန့်တော်မူ၏။

11 တစ်နိဗ္ဗာန် ယေဿူသည် တစ်ခုသောအရပ်တွင် ဆုတောင်းလျက်နိဗ္ဗာန်တော်မူ၏။ ဆုတောင်းပြီးသောအခါ တပည့်တော်တစ်ဦးက “အသျှင်ဘုရား၊ ယောဟန်က မိမိတပည့်တို့ကို ဆုတောင်းနည်း သင်ပီးစွာပိုင် အကျွန်ုပ်တို့ကိုလည်း သင်ပီးပါ” ဟု လျှောက်ထား၏။ 2 ယေဿူကလည်း ထိုသူရဲ့အား “သင်ရဲ့ ဆုတောင်းသောအခါ “အဖ၊ ကိုယ်တော်၏ နာမတော်အား ရှိသီလေးမြတ်ခြင်း ဟိပါစီသောဝံ၊ နိုင်ငံတော် တည်ထောင်ပါစီသောဝံ။ 3 အကျွန်ုပ်ရဲ့ လိုအပ်သော အစားအစာကို နှိတ်ငါး ပီးသနားတော်မူပါ။ 4 သူတစ်ပါးက အကျွန်ုပ်ရဲ့အား ပြစ်မှားသော အပြစ်တို့ကို၊ အကျွန်ုပ်ရဲ့ ခွင့်ခွတ်ပီးစွာပိုင်၊ အကျွန်ုပ်ရဲ့ အပြစ်တို့ကိုလည်း ခွင့်ခွတ်တော်မူပါ။ အကျွန်ုပ်ရဲ့ ဤစွာသော စုံစမ်းသွီးဆောင်ခြင်းကို မရောက်ပါစီကေ ဟူ၍ မြှက်ဆိုကြလော့” ဟု မိန့်တော်မူ၏။ 5 တဖန် ယေဿူက တပည့်တော်ရဲ့အား မိန့်တော်မူသည်ကား “သင်ရဲ့ထဲမှ တစ်ယောက်ယောက်က သန်းခေါင်ချိန်၌ မိတ်ဆွီတစ်ဦး၏ အိမ်သို့ လား၍ ‘အဆွီ၊ ကျေးဇူးပြု၍ အကျွန်ုပ်ကို မုန့်သုံးလုံး ချီးပီးပါ။ 6 အကျွန်ုပ်၏ အဆွီသည် ခရီးလားယင်း အကျွန်ုပ်ပါးမာ ရောက်နိုင်ပါသဖြင့် သူ့ကို ကျွေးစရာ တစ်ခုလေ မဟိ’ ဟု ဆိုသော်၊ 7 ထိုသူက ‘အကျွန်ုပ်တို့ မနောက်ယှက်ကေ၊ တန်းခါး ပိတ်ထားဗျာယ်၊ အကျွန်ုပ်နှင့် အကျွန်ုပ် သားသမီးရဲ့သည် အိပ်ယာဝင် နိန့်ဗျာယ်။ အကျွန်ုပ် ထပြီးလျှင် သင့်ကို တစ်ခုလေ မပီးနိုင်’ ဟု အိမ်ထဲက ပြောလိမ့်မည်။ 8 ငါပြောမည်၊ မိတ်ဆွီတစ်ဦးအနိန့်နှင့် ထပြီး သင့်ကို မပီးကေလည်း၊ ရှက်ကြောက်ခြင်းမဟိဘဲ ဆက်တိုက် တောင်းနိုင်သည်ဖြစ်၍ အိမ်သျှင်က ထပြီးလျှင် လိုအပ်သလောက် မုန့်တို့ကို ပီးလိမ့်မည်။ 9 “သင်ရဲ့ကို ငါပြောမည်။ တောင်းကြလော့၊ တောင်းလျှင် ရကြလိမ့်မည်။ ရှာကြလော့၊ ရှာလျှင် တွေ့လိမ့်မည်။ တန်းခါးကို ခေါက်ကြလော့၊ ခေါက်လျှင် တန်းခါးကို ဖွင့်လိမ့်မည်။ 10 အကြောင်းမူကား တောင်းသောသူတိုင်း ရလိမ့်မည်၊ ရှာသောသူ တွေ့လိမ့်မည်၊ တန်းခါးကို ခေါက်သောသူအား တန်းခါးကို ဖွင့်ပီးလိမ့်မည်။ 11 သင်ရဲ့၌ အဖဖြစ်သူသည် မိမိသားက ငါးတောင်းသောအခါ မြို့ကို ပီးမည်လော။ 12 ကြက်ဥ တောင်းစွာကို ကင်းမီးကောက်ကို ပီးမည်လော။ 13 သင်ရဲ့သည် အဆိုးဖြစ်လျက်ပင် သားသမီးရဲ့အား ကောင်းသောအရာများ ပီးရမည်ကို သိကြလျှင်၊ ထိုမျှမက ကောင်းကင်ဘုံသျှင် အဖသည် တောင်းသောသူရဲ့အား သန့်ယှင်းသောဝိညာဉ်တော်ကို သာ၍ ပီးတော်မူမည် မဟုတ်လော့” ဟု မိန့်တော်မူ၏။ 14 ယေဿူသည် ဆွံ့အသော နတ်ဆိုးကို နှင်ထုတ်တော်မူ၏။ နတ်ဆိုး ထွက်လားပြီးနောက် ဆွံ့အသောသူသည် စကားပြောလေ၏။ ထို့ကြောင့် လူထုပရိသတ်ရဲ့သည် အံ့သြကြ၏။ 15 သို့သော် လူတချို့က “ဤသူသည် နတ်ဆိုးဘုရင် ဗေလဇေဗုလက ပီးသောတန်ခိုးဖြင့် နတ်ဆိုးတို့ကို နှင်ထုတ်နိုင်သည်” ဟု ဆိုကြ၏။ 16 အခြားသော သူရို့က ကောင်းကင်က နိမိတ်လက္ခဏာတစ်ခုကို တောင်းခံ၍ ကိုယ်တော်ကို စုံစမ်းကြ၏။ 17 သို့သော် ယေဿူသည် ထိုသူရို့၏ အကြံအစည်ကို သိတော်မူသဖြင့်၊ ထိုသူရို့အား “မိမိအတွင်းမှာ ဆန့်ကျင်ကွဲပြားနိုင်သော ဇာတိုင်းနိုင်ငံ မဆီ ပျက်စီးလားဖို့ရာ ဖြစ်တေ။ မိမိအတွင်း၌ ဆန့်ကျင်ကွဲပြားနိုင်သော အိမ်ထောင်စု တစ်ခုသည်လည်း ကျဆုံးလားဖို့ရာ ဖြစ်တေ။ 18 ယေဇူးနန် စာတန်၏နိုင်ငံသည်လည်း အချင်းချင်း ဆန့်ကျင်တိုက်ခိုက်နိုင်ကြသော အုပ်စုများ ဟိလျှင် ထိုနိုင်ငံသည် ဇာပိုင် ရပ်တည်နိုင်ဖို့လဲ။ သင်ရို့က ငါသည် ဗေလဇေဗုလက ပီးသောတန်ခိုးဖြင့် နတ်ဆိုးတို့ကို နှင်ထုတ်နိုင်သည်ဟု ဆိုကတ်တေ။ 19 အကယ်၍ ငါသည် ဗေလဇေဗုလက ပီးသောတန်ခိုးဖြင့် နတ်ဆိုးတို့ကို နှင်ထုတ်နိုင်သည်ဟု ဆိုလျှင်၊ သင်ရို့၏ တပည့်ရဲ့သည် နတ်ဆိုးကို ဇာပိုင် နှင်ထုတ်ကတ်စွာလဲ။ ယင်းကြောင့် သူရို့သည် မှားယွင်းနိုင်ကြောင်းကို သင်ရို့၏တပည့်ရို့က သက်သိပြလျက်ဟိ၏။ 20 သို့ရာတွင် ငါသည် ဘုရားသခင်၏လက်တော်ဖြင့် နတ်ဆိုးတို့ကို နှင်ထုတ်နိုင်၏။ ထို့ကြောင့် ဘုရားသခင်၏ နိုင်ငံတော်သည် သင်ရို့ပါးသို့ ရောက်နိုင်ဗျာယ်။ 21 “ခွန်အားကြီးသောသူတစ်ယောက်သည် လက်နက်အစုံအလင်နှင့် မိမိအိမ်ကို စောင့်ကြပ်နိုင်သောအခါ သူ၏ ဥစ္စာပစ္စည်းများသည် လုံခြုံလျက်ဟိ၏။ 22 သို့သော်လည်း သူထက် ခွန်အားကြီးသောသူတစ်ယောက်သည်

သူ့ကို တိုက်ခိုက်၍ အနိုင်ရသောအခါ သူသည် ထိုသူအားကိုးသည့် လက်နက်များကို သိမ်းယူပြီး၊ ထိုသူ၏ ဥစ္စာပစ္စည်းတို့ကိုလည်း ခွဲဝီကြလိမ့်မည်။” 23 “ငါနန်းအတူ မဟိသောသူသည် ငါ့ကို ဆန့်ကျင်သောသူဖြစ်၏။ ငါနန်းအတူ တစ်စုတည်း မဟိသောသူသည်လည်း ဖြန့်ကြဲနိဒ္ဒါသောသူဖြစ်၏” ဟု မိန့်တော်မူ၏။ 24 “နတ်ဆိုး တစ်ကောင်သည် လူထဲက ထွက်လားပြီးလျှင် ခြောက်သွေ့သောအရပ်၌ လှည့်လည်ကာ နားခိုရာ ရှာနိုင်၏။ ရှာလို့ မတို့သောအခါ ‘ငါ ထွက်လာသည့်အိမ်ကို ပြန်လားရဖို့’ ဟု ဆို၏။ 25 ထိုနတ်ဆိုးသည် ထိုအိမ်သို့ ရောက်လာသည့်အခါ အိမ်သည် သန့်ယှင်းလျက်ဟိသည်ကို တို့ရ၍၊ 26 သူသည် လား၍ မိမိထက် သာ၍ ဆိုးရွားသော တခြားနတ်ဆိုး ခုနစ်ကောင်ကို ခေါ်လာပြီးလျှင် သူရှိသည် ထိုနီရာ၌ ဝင်ရောက် နီထိုင်ကြလေ၏။ ဤသို့ဖြင့် ထိုလူ၏ နောက်မှ ဖြစ်လာသော အခြေအနေသည် ရှိက ဖြစ်သော အခြေအနေထက် သာ၍ ဆိုးလေ၏” ဟု မိန့်တော်မူ၏။ 27 ယေသျှုသည် ဤအကြောင်းအရာကို ဟောပြောနိုင်စဉ် လူအုပ်ထဲမှ မိန်းမကြီးတစ်ယောက်က “အသျှင်ကို မွီးဖွား၍ ပြုစုစောင့်ရှောက်သော မိခင်သည် မင်္ဂလာဟိ၏” ဟု ဟစ်အော်ပြောလေ၏။ 28 သို့ရာတွင် ယေသျှုက “ဘုရားသခင်၏ နှုတ်ကပတ်တော်ကို ကြားရ၍ လိုက်နာသောသူသည် သာ၍ မင်္ဂလာဟိ၏” ဟု မိန့်တော်မူလေ၏။ 29 လူထုပရိသတ်ရှိသည် များပြားလာကြသောအခါ ယေသျှုက “ဤသူရှိသည် ဆိုးယုတ်သောအမျိုး ဖြစ်ကြ၏။ သူရှိသည် နိမိတ်လက္ခဏာတစ်ခုကို တောင်းဆိုကြ၏။ ယေဒါလည်း ယောနု၏ နိမိတ်လက္ခဏာမှတစ်ပါး ဇာနိမိတ်လက္ခဏာကိုမူ သူရှိကို ပြလိမ့်မည် မဟုတ်။ 30 ယောနုသည် နိနောဓမြို့သားတို့အတွက် နိမိတ်လက္ခဏာဖြစ်သကဲ့သို့ လူသားသည် ဤသူရှိအတွက် နိမိတ်လက္ခဏာ ဖြစ်လိမ့်မည်။ 31 တရားစီရင်တော်မူရာ နိဗ္ဗိယောပြည်က ဘုရင်မသည် ထရပ်ပြီးလျှင် ဤသူရှိကို ပြစ်ဒဏ်စီရင်လိမ့်မည်။ ဇာကြောင့်ဆိုသော် ယော့ပြည်က ဘုရင်မသည် သျှာလမုန်မင်းကြီး၏ ပညာစကားကို နားထောင်ရန် အလွန်ကွာဝီလျက်ဟိသောမိမိ၏ တိုင်းပြည်မှ လာရောက်လေ၏။ သျှာလမုန်ထက် ကြီးမြတ်သောသူသည် ဤအရပ်၌ ဟိ၏။ 32 တရားစီရင်တော်မူရာ နီရက်၌ နိနောဓမြို့သားတို့က ထရပ်ပြီး ဤလူတို့ကို ပြစ်ဒဏ်စီရင်ကြလိမ့်မည်။ ဇာကြောင့်ဆိုသော် ယောနုသည် ဟောပြောစဉ်တွင် နိနောဓမြို့သားတို့သည် နောင်တရကြလေ၏။ ယောနုထက် ကြီးမြတ်သောသူသည် ဤအရပ်၌ ဟိ၏ဟု မိန့်တော်မူ၏။ 33 “ဆီမီးခွက်ကို ထွန်း၍ တောင်း အောက်၌ ထားလေ့မဟိ၊ ဝင်လာသောသူတို့ အလင်းကို မြင်စီခြင်းငှာ မီးတင်ခုံထက်၌သာ တင်ထားလေ့ဟိ၏။ 34 သင်၏မျက်စိသည် သင့်ခန္ဓာကိုယ်၏ မီးခွက်ဖြစ်၏။ သင့်မျက်စိကြည်လင်လျှင် သင့်တစ်ကိုယ်လုံးသည်လည်း လင်းလျက်ဟိ၏။ သို့ရာတွင် သင်၏ မျက်စိမကောင်းလျှင်မူကား သင့်တစ်ကိုယ်လုံးသည် မှောင်လျက်ဟိ၏။ 35 ထို့ကြောင့် သင်ရှိ၌ဟိသော အလင်းသည် အမှောင်မဖြစ်စီဖို့ သတိပြုကတိပါ။ 36 အကယ်၍ သင့်ခန္ဓာတစ်ကိုယ်လုံးသည် အလင်း၌ ဟိလျှင် မှောင်မိုက်ဟူ၍ မဟိဘဲ ဆီမီးခွက်၏အလင်းသည် လင်းလက်နိုင်သကဲ့သို့ သင်၏ ခန္ဓာကိုယ်တစ်ခုလုံးသည်လည်း လင်းလက်နိုင်လိမ့်မည်” ဟု မိန့်တော်မူ၏။ 37 ယေသျှုသည် မိန့်တော်မူပြီးသောအခါ ဖာရိယုတစ်ယောက်သည် ကိုယ်တော့်ကို မိမိနှင့်အတူ စားသောက်တော်မူရန် ပင့်ဖိတ်လေ၏။ ထို့ကြောင့် ကိုယ်တော်သည် သူ၏အိမ်သို့ကြွ၍ စားပွဲ၌ ထိုင်တော်မူ၏။ 38 ယေသျှုသည် အစာကို မသုံးဆောင်မှီ လက်ကိုဆီးကြောခြင်း ပြုတော်မမူသည်ကို ဖာရိယုသည် မြင်သောအခါ အံ့သြလေ၏။ 39 ထို့ကြောင့် သခင်ဘုရားက၊ “သင်ရဲ့ ဖာရိယုတိက လောင်ဗွန်း၊ ခွက်တိကို အပြင်ဖက်၌သာ စင်ကြယ်အောင် ဆီးကြောသော်လည်း အတွင်း၌မူကား သင်ရှိသည် လောဘကြီးခြင်း၊ ဆိုးညစ်ခြင်းများဖြင့် ပြည့်နှက်လျက်ဟိ၏။ 40 အချင်းလူမိုက်ရဲ့ အပြင်ဖက်ကို ဖန်ဆင်းတော်မူသော ဘုရားသခင်သည် အတွင်းဖက်ကိုလည်း ဖန်ဆင်းတော်မူသည် မဟုတ်လော။ 41 ယေဒါလည်း သင်ရှိ၏ လောင်ဗွန်းနှင့် ခွက်တိ၌ဟိသော အရာတို့ကို ဆင်းရဲသားရဲ့အား ပီးကမ်းကြလော့။ ထိုသို့ပြုလျှင် အရာအားလုံးသည် သင်ရှိအတွက် သန့်ယှင်းလိမ့်မည်” ဟု မိန့်တော်မူ၏။ 42 “ဖာရိယုရဲ့ သင်ရှိသည် အမင်္ဂလာဟိကြ၏။ သင်ရှိသည် ဟင်းသီးဟင်းရွက်များနှင့် အခြားဆီးဖက်ဝင် အရွက်အမျိုးမျိုးကို ဆယ်ဖို့တစ်ဖို့ ပီးလှူကြသော်လည်း တရားသဖြင့်စီရင်ခြင်း၊ ဘုရားသခင်အား ချစ်ခြင်းတို့ကို

ဥပေက္ခာပြုထားကြ၏။ အခြားအရာတို့ကို ဥပေက္ခာမပြုဘဲ၊ ဤအရာတို့ကို ကျင့်သုံးသင့်၏။” 43 “ဟရိယုရိ၊ သင်ရဲ့သည် အမင်္ဂလာဟိ၏။ သင်ရဲ့သည် တရားဇရပ်တို့၌ မြင့်မြတ်သောနိရုတိကိုလည်းကောင်း၊ ဈေးထဲ၌ ရိသိစ္စာ နှုတ်ဆက်ခြင်းကိုလည်းကောင်း နှစ်သက်ကြ၏။ 44 သင်ရဲ့သည် အမင်္ဂလာဟိကြ၏။ သင်ရဲ့သည် အမှတ်အသားမဟိသော သင်္ချိုင်းတွင်းနှင့် တူကြ၏။ လူရဲ့သည် ထိုတွင်းထက်မှ လားလာကြသော်လည်း သင်္ချိုင်းတွင်းမှန်း မသိကြ” ဟု မိန့်တော်မူ၏။ 45 ကျမ်းတတ်ဆရာတို့ထဲမှ တစ်ယောက်က “ဆရာ၊ ဤသို့ မိန့်တော်မူသည်ကား အကျွန်ရဲ့ကိုလည်း စော်ကားရာ ကျပါ၏” ဟု လျှောက်၏။ 46 ယေသျှုကလည်း “ကျမ်းတတ်ဆရာရဲ့ သင်ရဲ့သည် အမင်္ဂလာဟိကြ၏။ ထမ်းရခက်သော ဝန်ထုပ်တို့ကို လူတို့ကို ထမ်းစီပြီးလျှင်၊ သင်ရဲ့ကိုယ်တိုင်က ထိုဝန်ထုပ်တို့ကို လက်ဖျားနှင့်တောင် မတို့ကတ်။ 47 သင်ရဲ့သည် အမင်္ဂလာဟိကြ၏။ သင်ရဲ့သည် မိမိရဲ့အဖိုးအဖိုးတိ သတ်ခသော ပရောဖက်တို့အတွက် တင့်တယ်သော အုတ်ဂူတို့ကို တည်ဆောက်ပီးကြ၏။ 48 ထို့ကြောင့် သင်ရဲ့၏ အဖိုးအဖိုးတိ ကျူးလွန်ခသောအမှုတို့၌ သင်ရဲ့က အလိုတူအလိုပါ ဖြစ်ကြ၏။ သင်ရဲ့ အဖိုးအဖိုးရဲ့က ပရောဖက်တို့ကိုသတ်ပြီး သင်ရဲ့က အုတ်ဂူတို့ကို တည်ဆောက်ပီးကြ၏။ 49 ယင်းအတွက်ကြောင့် ဘုရားသခင်သည် မိမိ၏ ဉာဏ်ပညာအားဖြင့် ‘ငါသည် ပရောဖက်တိ၊ တမန်တော်တို့ကို ဤလူတိပါးသို့ စီစွပ်မည်။ သူရဲ့သည်ကား တချို့ကို ညည်းဆဲပြီးလျှင်၊ တချို့ကို သတ်ကြလိမ့်မည်’ ဟု မိန့်တော်မူ၏။ 50 ထို့ကြောင့် အာဗေလမှစ၍ သန့်ယုင်းရာဌာနနှင့် ယဗ်ပလွင်ကြားတွင် အသတ်ခံရသော ဇာခရိအထိ၊ ကမ္ဘာတည်ချိန်မှစပြီး အသတ်ခံရသော ပရောဖက်ရဲ့၏ အသွီးကြောင့် ဤလူမျိုးရဲ့သည် ပြစ်ဒဏ်စီရင်ခြင်းကို ခံရကြလိမ့်မည်။ ငါဆိုသည်ကား၊ ဤလူမျိုးရဲ့သည် ယင်းအမှုအရာအားလုံးအတွက် အပြစ်စီရင်ခြင်းကို ခံရကြလိမ့်မည်။ 52 “ကျမ်းတတ်ဆရာရဲ့ သင်ရဲ့သည် အမင်္ဂလာဟိကြ၏။ သင်ရဲ့သည် အသိပညာအိမ်တန်ခါးကို ဖွင့်သော သော့ကို သိမ်းထားကြပြီးက ကိုယ်တိုင်လည်းမဝင်၊ ဝင်ဖို့ကြိုးစားနိုင်ကြသော သူရဲ့ကိုလည်း ဆီးထားထားကြ၏” ဟု မိန့်တော်မူ၏။ 53 ထိုအရပ်မှ ယေသျှုသည် ထွက်ကြွတော်မူသောအခါ၊ ဟရိယုနှင့် ကျမ်းတတ်ဆရာရဲ့သည် ကိုယ်တော်အား ခါးသီးစွာ ဝေဖန်ပြောဆိုခြင်းကို စတင်ကြလေ၏။ အကြောင်းအရာ များစွာကိုလည်း မိန်းမြန်းကာ၊ 54 နှုတ်တော်ထွက်စကားတွင် အမှားရှာ၍ ဖမ်းဆီးရန် ကြိုးစားကြလေ၏။

12 ထိုအခါ ထောင်ပေါင်းများစွာသော လူရဲ့သည် စုဝေးလာကြသဖြင့် အချင်းချင်း နင်းမိကြ၏။ ယေသျှုသည် တပည့်တော်ရဲ့အား ဦးစွာ မိန့်တော်မူသည်မှာ၊ “ဟရိယုရဲ့၏ တဆီးဖြစ်သည့် သူတော်ကောင်းယောင်ဆောင်ခြင်းကို သတိပြုကတ်ပါ။ 2 ဖုံးထားသောအရာများတွင် ဖွင့်ပြခြင်းမခံရမည့် အရာတစ်စုံတစ်ခုမျှမဟိ။ ထိမ်ဝှက်ထားသော အရာတို့တွင် ဖော်ပြခြင်းမခံရမည့်အရာလည်း တစ်စုံတစ်ခုမျှမ။ 3 သို့ ဖြစ်၍ မှောင်မိုက်၌ သင်ရဲ့ ပြောသောစကားတို့ကို အလင်း၌ ကြားကြလိမ့်မည်။ အိမ်ခန်းထဲ၌ သင်ရဲ့ တီးတိုးပြောသော စကားတို့ကို အိမ်ခေါင်ထက်မှ ကြွေးကြော်ကြလိမ့်မည်။” 4 “ငါ့အဆွီရဲ့ သင်ရဲ့ကို ငါဆိုသည်ကား ကိုယ်ခန္ဓာကို သတ်ခြင်းမှတစ်ပါး အခြားတစ်ခုကိုမျှ အန္တရာယ်မပြုနိုင်သူတို့ကို မကြောက်ကတ်ကေ။ 5 သင်ရဲ့ ကြောက်သင့်သောသူကို ငါဖော်ပြမည်။ ကိုယ်ခန္ဓာကိုသတ်ပြီး သင်ရဲ့ကို ငရဲ၌ ချပ်စင်နိုင်သော တန်ခိုးဟိသည့် ဘုရားသခင်ကို ကြောက်ကြလော့။ မှန်ပါ၏။ ထိုအသျှင်ကို ကြောက်ရမည်ဟု သင်ရဲ့အား ငါဆို၏။” (Geenna g1067) 6 “စာချေငါးကောင်ကို ဖဲသာနှစ်ပြားနှင့် ရောင်းရသည် မဟုတ်လော။ သို့ရာတွင် ဘုရားသခင်က စာချေတစ်ကောင်ကိုတောင် မွဲထားတော်မမူ။ 7 သင်ရဲ့ဂေါင်းက ဆံပင်တို့ကိုပင် တစ်ခုမကျန် ရီတွက်ထားတော်မူ၏။ ထို့ကြောင့် မကြောက်ကတ်ကေ။ သင်ရဲ့က စာငှက်တိထက် သာ၍ မြတ်ကြ၏။” 8 “ငါ့အမှန်ဆိုသည်ကား၊ ဇာသူမဆို လူတို့ရှိ၌ ငါ့အား ဝန်ခံသောသူကို လူသားကလည်း ဘုရားသခင်၏ ကောင်းကင်တမန်တို့ရှိ၌ ထိုသူကို ဝန်ခံမည်။ 9 ငါ့ကို လူတို့ရှိ၌ ငြင်းပယ်သူကို လူသားသည် ဘုရားသခင်၏ ကောင်းကင်တမန်တို့ရှိ၌ ထိုသူကို ငါ ငြင်းပယ်မည်။ 10 “လူသားကို နှုတ်ဖြင့် ပြစ်မှားသောသူ

အားလုံးသည် အပြစ်ခွင့်ရွတ်ခြင်း ရနိုင်သော်လည်း သန့်ယှင်းသောဝိညာဉ်တော်ကို ပြစ်မှားပြောဆိုသူကား အပြစ်ခွင့်ရွတ်ခြင်း ရနိုင်လိမ့်မည် မဟုတ်။ **11** “လူတို့က သင်ရိုက် တရားဇရပ်တိထဲသို့ လည်းကောင်း၊ အုပ်ချုပ်သူနှင့် အစိုးရအာဏာပိုင်တို့ရှိ၌ လည်းကောင်း ခေါ်လားကြသောအခါ ဇာပိုင် ချေပရမည်၊ ဇာပိုင် ပြောဆိုရမည်ကို မစိုးရိမ်ကတ်ကော။ **12** အကြောင်းမူကား၊ ထိုအချိန်၌ သင်ရို့ ဇာပိုင်ပြောရမည်ဆိုသည်ကို သန့်ယှင်းသောဝိညာဉ်တော်က သွန်သင်တော်မူလိမ့်မည်” ဟု မိန့်တော်မူ၏။ **13** ပရိသတ်ထဲမှ လူတစ်ယောက်က “ဆရာ၊ အကျွန်၏အဖ ထားခသောအဖို့ကို အကျွန်အား ခွဲပီးခြင်းငှာ အကျွန်အစ်ကိုအား မိန့်တော်မူပါ” ဟု ကိုယ်တော်ကို လျှောက်ထား၏။ **14** ယေသျှုကလည်း “အဆွီ၊ ငါ့ကို တရားသူကြီးအဖြစ် လည်းကောင်း၊ သင်ရို့ နှစ်ယောက်ကြားတွင် အဓိခံပေးသူအဖြစ် လည်းကောင်း၊ ဇာသူက ခန့်ထားသနည်း” ဟု ပြန်၍ မိန့်တော်မူ၏။ **15** ထို့နောက် လူတို့အား “လောဘလွန်ကြူးခြင်း အမျိုးမျိုးကို သတိနန့် ယှောင်ကြည်ကြလော့။ အကြောင်းမူကား လူ့အသက်သည် ဥစ္စာပစ္စည်းကြွယ်ဝမှု၌ မတည်” ဟု မိန့်တော်မူ၏။ **16** ထို့နောက် ယေသျှုသည် ဤပုံဥပမာကို သူရိုအား “သူဌေးတစ်ဦး၌ မိမိ၏လယ်ယာမှ အသီးအနှံ အများကြီးထွက်သည်ဖြစ်၍ **17** ‘ငါ၏ သီးနှံတို့ကို သိုထားဖို့ နီရာမဟိ။ ငါ ဇာပိုင် လုပ်ရမည်နည်း’ ဟု တစ်ယောက်တည်း တွေးတောနိုင်၏။ **18** ‘ငါ ဤပိုင်လုပ်မည်၊ စပါးရိုင် အဟောင်းတို့ကို ဖျက်၍ ပို၍ ကြီးသော စပါးရိုင်ကြီးတို့ကို တည်ဆောက်မည်။ ငါ၏ဂျုံစပါးတို့နှင့် အခြားအသီးအနှံတို့ကို ရိုင်သစ်ကြီး၌ သိုထားမည်။ **19** သို့ဖြစ်၍ သင်သည် နှစ်ပေါင်းများစွာ စားသောက်ဖို့ သီးနှံတို့ကို သိုထားပြီဖြစ်၍ စိတ်ချမ်းသာစွာ နီထိုင်လော့။ စားသောက်ပျော်ပါးပြီးလျှင် ပျော်ရွှင်စွာနီထိုင်လော့’ ဟု ငါ့ကိုငါ ပြောမည်ဟု ဆို၏။ **20** သို့သော် ဘုရားသခင်က ‘အသင် လူမိုက်၊ ဤည၌ သင့်၏အသက် ချုပ်ငြိမ်းရလိမ့်မည်။ သို့ဖြစ်၍ သင်စုဆောင်းထားသော ဥစ္စာပစ္စည်းတို့က ဇာသူ ဥစ္စာ ဖြစ်လိမ့်မည်နည်း’” ဟု မိန့်တော်မူ၏။ **21** ယေသျှုက “မိမိအဖို့ ဥစ္စာများကို သိုထားသော်လည်း ဘုရားသခင်၏ ရှိတော်မောက်၌ ကြွယ်ဝခြင်း မဟိသောသူသည် အဆိုပါ သူဌေးနှင့် တူ၏” ဟု မိန့်တော်မူ၏။ **22** ထို့နောက် ယေသျှုကလည်း တပည့်တော်ရိုအား “ယင်းအတွက်ကြောင့် ငါဆိုသည်ကား၊ သင်ရို့သည် အသက်ရှင်ဖို့အတွက် ဇာပိုင် စားရဖို့လဲ ဆိုပြီးကေ မစိုးရိမ်ကတ်ကော။ ကိုယ်ခန္ဓာအတွက် ဇာပိုင် ဝတ်ရမည် ဆိုသည်ကိုလည်း မစိုးရိမ်ကတ်ကော။ **23** အကြောင်းမူကား အစာထက် အသက်က သာ၍ အရေးကြီးသကဲ့သို့ အဝတ်ထက် ခန္ဓာက သာ၍ အရေးကြီး၏။ **24** တောကျီးကန်းတို့ကို ကြည့်ရှု ဆင်ခြင်ကြလော့။ သူရို့သည် မျိုးစုံမကြ၊ အသီးနှံတို့ကို မရိတ်မသိမ်း။ သိုထားစရာ အခန်းတိ၊ စပါးရိုင်တိမဟိ။ သို့သော်လည်း သူရို့တို့ကို ဘုရားသခင် ကျွေးမွေးတော်မူ၏။ သင်ရို့က ငှက်တိထက် အများကြီး မြတ်သည် မဟုတ်လော။ **25** ဇာသူက စိုးရိမ်ခြင်းအားဖြင့် မိမိ၏ အသက်ကို အနည်းချေလောက် ပို၍ ရှည်စီနိုင်သနည်း။ **26** ဤသို့ သေးငယ်သောအမှုကိုတောင် မတတ်နိုင်လို့ဟိလျှင် ဇာဖြစ်လို့ အခြားအမှုတိအတွက် စိုးရိမ်ကြသနည်း။ **27** တောနှင့်ပင်တိ ဇာပိုင် ကြီးထွားလာလဲ ဆိုသည်ကို ကြည့်ရှုဆင်ခြင်ကတ်ပါ။ ထိုပန်းပင်တိသည် အလုပ်မလုပ်၊ ခြည်ဖြစ်စီဖို့အတွက် ဗိုင်းမငင်။ သို့သော်လည်း ဘုန်းကြီးသော သျှောလမုန်မင်းကြီးတောင် ထိုပန်းကဲ့သို့ မဝတ်ဆင်နိုင်ဟု ငါပြောဆို၏။ **28** ယုံကြည်ခြင်း အားနည်းသောသူရို့ ဤနို့ အသက်ရှင်ပြီးလျှင် နက်ဖြန်ခါ မီးဖိုထဲသို့ ရောက်သည့်မြက်ပင်ကို ဘုရားသခင်သည် ဤလောက်ထိ အဝတ်နှင့်ပိုးလွမ်းတော်မူလျှင် သင်ရို့ကို ဤထက်မက အဝတ်နှင့် ဝတ်ဆင်ပီးတော်မူလိမ့်မည် မဟုတ်လော။ **29** “ထို့ကြောင့် ဇာပိုင်စားရဖို့၊ သောက်ရဖို့လဲ ဆိုပြီးလျှင် စိုးရိမ်ပူပန်မှု မဟိကတ်ကော။ **30** ထိုအရာတို့ကို သာသနာပလူတိကသာ ရှာဖွေတတ်ကြ၏။ ထိုအရာတို့ကို သင်ရို့ လိုအပ်ကြောင်း သင်ရို့အဖ သိတော်မူ၏။ **31** သင်ရို့မူကား ဘုရားသခင်၏ နိုင်ငံတော်ကို ရှာကြလော့။ နောက်မှ ထိုအရာတို့ကိုလည်း ထပ်၍ ပီးတော်မူလိမ့်မည်။” **32** သိုးစုချေ၊ မကြောက်ကတ်ကော။ အကြောင်းမူကား သင်ရို့အဖသည် သင်ရို့အား နိုင်ငံတော်ကိုပီးဖို့ အလိုပါ၏။ **33** သင်ရို့၌ ဟိသည် အရာအားလုံးကို ရောင်း၍ ဆင်းရဲသားတို့ကို ပီးကမ်းစွန့်ကြလော့။ မဆွီးနိုင်သော ဖဲသာအိတ်တို့ကို ဆောင်ကြလော့။ သူခိုး မကပ်၊ ပိုးရွလည်း မဖျက်ဆီးနိုင်သည့်

ကောင်းကင်ဘုံ၌ မကုန်ခန်းနိုင်သော ဘဏ္ဍာကို ဆည်းပူးကြလော့။ 34 အကြောင်းမူကား သင်ရို့၏ ဘဏ္ဍာဟိသောအရပ်၌ သင်ရို့၏ စိတ်နှလုံးရောက်ကြ၏။ 35 “သင်ရို့သည် ခါးကိုစည်းပြီး၊ မီးခွက်တံကိုထွန်း၍ အဆင်သင့် ဟိန်နီကြလော့။ 36 မိမိရို့သခင်က မင်္ဂလာဆောင်ပွဲမှ ပြန်လာသောအခါ တန်းခါးကိုခေါက်လျှင် ချက်ချင်းဖွင့်ပီးရန် စောင့်မျှော်နိန်ကြသော အခိုင်းအစီကဲ့သို့ ဖြစ်ကြလော့။ 37 ထိုအခိုင်းအစီတိ စောင့်မျှော်နိန်ကြသည်ကို သခင်ပြန်ရောက်ချိန်၌ တို့ရလျှင် ယင်းအခိုင်းအစီရို့သည် မင်္ဂလာဟိကြ၏။ ငါအမှန်ဆိုသည်ကား၊ သခင်သည် ခါးပန်းကိုစည်းပြီးလျှင် အခိုင်းအစီတံကို စားပွဲ၌ ထိုင်ခိုင်းစီပြီး ကျွေးမွေးလိမ့်မည်။ 38 သခင်သည် သန်းခေါင်အချိန်၌ ဖြစ်စီ၊ မိုးသောက်အချိန်၌ ဖြစ်စီ ကြွလာသောအခါ၊ စောင့်မျှော် နိန်ကြသော အခိုင်းအစီရို့သည် မင်္ဂလာဟိကြ၏။ 39 အိမ်သျှင်သည် သူခိုးလာမည့်အချိန်ကို သိထားလျှင် မိမိအိမ်ကို သူခိုး ဖောက်ထွင်းခံလိမ့်မည် မဟုတ်ကြောင်း သိမှတ်ကြလော့။ 40 သင်ရို့သည်လည်း အသင့်ပျင်ဆင်ထားကြလော့။ အကြောင်းမူကား လူသားသည် သင်ရို့ မထင်မှတ်ထားသောအချိန်၌ ကြွလာလိမ့်မည်” ဟု မိန့်တော်မူ၏။ 41 ပေတရုက “အသျှင်၊ ဤဥပမာကို အကျွန်ရို့အတွက် မိန့်တော်မူပါသလော။ သို့မဟုတ် လူတိုင်းအတွက် မိန့်တော်မူသလော” ဟု မိန်းလျှောက်လျှင်၊ 42 သခင်ဘုရားက၊ “သခင်သည် အခိုင်းအစီတံကို အုပ်ချုပ်ရန်နှင့် အချိန်တန်လျှင် အစားအသောက်တံကို ခွဲဝီပီးစီခြင်းငှာ ခန့်ထားသည့် သစ္စာဟိပြီး လိမ္မာသော အခိုင်းအစီကား ဇာသုလဲ။ 43 ထိုအရာကို ကောင်းစွာ ပြန်သည်ကို သူ၏သခင် ပြန်လာချိန်၌ တို့ရလို့ဟိလျှင် ထိုအခိုင်းအစီသည် မင်္ဂလာဟိ၏။ 44 သင်ရို့အား ငါအမှန်ဆိုသည်ကား၊ သခင်သည် ကိုယ့်ပုစ္ဆာဟိသမျှတံကို စီမံအုပ်ချုပ်ဖို့ ထိုအခိုင်းအစီကို အပ်လိမ့်မည်။ 45 သို့သော်လည်း၊ ထိုအခိုင်းအစီကား ‘ငါ့သခင် ပြန်လာဖို့ ကြာဖို့သိမ့်’ ဟု စိတ်ထဲ၌ အောက်မီပြီးလျှင် အခိုင်းအစီ ယောက်ျား၊ မိန်းမတို့ကို သတ်ပုတ်၍ သောက်စားမူးယစ် နိန်၏။ 46 ထိုသူ ထင်မထားသောနို့၊ မသိသောအချိန်တွင် သခင်သည် ပြန်လာပြီးလျှင် ထိုကျွန်ကို ပြင်းထန်စွာ ဆုံးမ၍ သစ္စာမဟိသူရို့ လားရာ ပျက်စီးခြင်းလမ်း၌ နီရာကျလိမ့်မည်။ 47 “သခင်၏အလိုကို သိလျက်နှင့် အဆင်သင့်မထား၊ သခင်၏ အလိုအတိုင်း မလုပ်ဆောင်ဘဲခိန်သော အခိုင်းအစီသည် ပြင်းစွာသော ကြိမ်ဒဏ်ဖြင့် အပြစ်ပီး ခံရလိမ့်မည်။ 48 သို့သော်လည်း သခင်၏ အလိုဆန္ဒကိုမသိဘဲ ကြိမ်ဒဏ်ခံရမည့်အမှုကို ပြုသော အခိုင်းအစီကား ကြိမ်ဒဏ်အပြစ် အနည်းချေကိုသာ ခံရမည်။ ကျေးဇူးပြုခြင်း များစွာခံရသောသူသည်၊ များစွာပီးဆပ်ရမည်။ သာ၍ များသော ကျေးဇူးကို ခံရသောသူကား သာ၍ များသည့်အရာကို ပီးရလိမ့်မည်။ 49 “ဤမြီကြီးကို မီးလောင်စီခြင်းငှာ ငါလာ၏။ မီးလောင်စီခြင်းငှာလည်း အလိုဟိ၏။ 50 ငါခံရမည့် ဗတ္တိဇံတစ်ပါးဟိ၏။ ထိုအမှုကို မဆောင်ရွက်မချင်း ငါသည် စိတ်ဒုက္ခရောက်ရ၏။ 51 ဤလောကကို ငြိမ်သက်ခြင်းပီးရန် ငါလာသည်ဟု ထင်ကြသလော။ ထိုသို့ မဟုတ်၊ ကွဲပြားစီခြင်းငှာ ငါလာခြင်း ဖြစ်၏။ 52 ယခုမှစ၍ ငါးယောက်ဟိသော မိသားစု၌ သုံးယောက်သည် နှစ်ယောက်ကိုလည်းကောင်း၊ နှစ်ယောက်သည် သုံးယောက်ကိုလည်းကောင်း ဆန့်ကျင်ကြ၍ ကွဲပြားလိမ့်မည်။ 53 အဖသည် သားကိုလည်းကောင်း၊ သားသည် အဖကိုလည်းကောင်း၊ အမိသည် သမီးကိုလည်းကောင်း၊ သမီးသည် အမိကိုလည်းကောင်း၊ ယောက္ခမသည် ခြွပ်မကိုလည်းကောင်း၊ ခြွပ်မသည်လည်း ယောက္ခမကိုလည်းကောင်း အချင်းချင်း ဆန့်ကျင်၍ ကွဲပြားလိမ့်မည်” ဟု မိန့်တော်မူ၏။ 54 ထို့နောက် ကိုယ်တော်သည်၊ “အနောက်အရပ်မှ မိုးတိမ် တက်လာသည်ကိုမြင်လျှင် ‘မိုးရွာဖို့ဗျာယ်’ ဟု ချက်ချင်း ပြောတတ်ကြ၏။ သင်ရို့ ပြောသည်အတိုင်းလည်း ဖြစ်တတ်၏။ 55 တောင်လီ လာသောအခါ နီပူလိမ့်မည်ဟု သင်ရို့ ပြောတတ်ကြ၏။ သင်ရို့ ပြောသည်အတိုင်းလည်း ဖြစ်တတ်၏။ 56 သူတော်ကောင်းယောင်ဆောင်သောသူရို့ သင်ရို့တံက မိုး မြီ အရိပ်အခြေကို ကြည့်၍ ရာသီဥတုအခြေအနေကို ပိုင်းခြား သိနိုင်ကြပါလျက်နှင့် အဂုဓေတကာလကို ဇာဖြစ်လို့ ပိုင်းခြား၍ မသိနိုင်ကြသနည်း။ 57 “ထိုမှတစ်ပါး မှန်သောအမှုကိုပြုရန် ဇာကြောင့် သင်ရို့ကိုယ်တိုင် မဆင်ခြင်ကြသနည်း။ 58 သင်၏ တရားတို့ဖက်နှင့်အတူ တရားသူကြီးပါးသို့ လားကြသောအခါ လမ်း၌ သူနန့် ကြေအီးအောင် ဆွေးနွေးကြလော့။ သို့မဟုတ်ပါက သူသည် သင့်ကို တရားသူကြီးရို့သို့ ဆွဲခေါ်လားလိမ့်မည်။

တရားသူကြီးကလည်း သင့်ကို မင်းမှုထမ်းလက်၌ အပ်လိမ့်မည်။ မင်းမှုထမ်းကလည်း သင့်ကို ထောင်ချလိမ့်မည်။ 59
လျော်ပီး ငွ်အားလုံး မပီးမချင်း သင်သည် ထိုနီရာ၌ နီရလိမ့်မည်ဟု ငါဆိုသည်” ဟု ပရိတ်သတ်ရိုအား မိန့်တော်မူ၏။

13 ထိုအချိန်၌ လူတချို့သည် ယေသျှုထံပါးသို့လာ၍ ပိလတ်မင်းသည် ဂါလိလဲလူရို၏ အသွီးကို သူရိယူဇော်နိုင်သော
ယဇ်တိနှင့် ရောနှောခကြောင်းကို လျှောက်ထားကြ၏။ **2** ယေသျှုက “သူရိသည် ထိုကဲ့သို့ အသိသတ်ခံရ၍
အခြားသော ဂါလိလဲလူတိထက် ပိုပြီး အပြစ်များသည်ဟု သင်ရို့ ထင်ကြသလော။ **3** သင်ရို့အား ငါဆိုသည်ကား၊
သူရိက သာ၍ အပြစ်များသည် မဟုတ်။ သင်ရို့လည်း နောင်တမရလျှင် ထိုသူရိနည်းတူ သီကြိုပျက်စီးလိမ့်မည်။
4 သျှိုလောင်းပြအိုး ပြိုကျသဖြင့် ပိ၍ သီသောသူ တစ်ဆယ့်သျှစ်ယောက်သည် အခြားသော ယေရုဆလင်မြို့၌
နီထိုင်သော လူတိထက် ပိုပြီး အပြစ်များသည်ဟု သင်ရို့ ထင်ကြသလော။ **5** ထိုသို့ မဟုတ်။ သင်ရို့အား ငါဆိုသည်ကား၊
သင်ရို့အားလုံးလည်း နောင်တမရလျှင် ထိုသူရိကဲ့သို့ သီကြိုပျက်စီးလိမ့်မည်” ဟု မိန့်တော်မူ၏။ **6** ယေသျှုသည်
လူအပေါင်းရိုအား ပုံဥပမာကိုဆောင်၍၊ “လူတစ်ယောက်သည် စပျစ်ဥယျာဉ်ထဲ၌ သင်္ဘောသဖန်းပင်တစ်ပင်ကို
စိုက်ပျိုးထား၏။ ဥယျာဉ်သျှင်သည် သဖန်းပင်အနားကို လား၍ အသီးကိုရှာသော်လည်း အသီးကိုမတို့ရ။ **7**
ထို့ကြောင့် ဥယျာဉ်မှူးအား ‘ငါသည် ဤသဖန်းပင်သို့ လာ၍ သဖန်းသီးရှာသည်မှာ သုံးနှစ်တောင်ဟိဗျာယ်။
ယေဒါလေ့ တစ်လုံးတောင် မတို့ရ။ ဤသစ်ပင်ကို ခွတ်ပလိုက်၊ ဇာဖြစ်လို့ မြီဆီလွှာကို အကျိုးမဟိ ဖြစ်စီဖို့လဲ’
ဟု ဆို၏။ **8** ထိုအခါ ဥယျာဉ်မှူးက ‘ဆရာ၊ ထိုအပင်ကို ဤနှစ် တစ်နှစ်ထားပါဦး။ အပင်အရင်းကိုတူးဆွ၍
မြီဩဇာ ထည့်ပါဦးမည်။ **9** ထိုသို့ပြုလျှင် နောင်နှစ်ခါ အသီးသီးကောင်း သီးပါလိမ့်မည်။ အသီးမသီးခသည်ဟိသော်
ခွတ်ပလိုက်ပါမည်’ ဟု ပြန်လျှောက်လေ၏” ဟု မိန့်တော်မူ၏။ **10** တစ်နိဋ္ဌသော ဥပုသ်နိဋ္ဌ ယေသျှုသည်
တရားဇရပ်တစ်ခုတွင် ဟောပြောသွန်သင်လျက်ဟိရာ၊ **11** တစ်ဆယ့်သျှစ်နှစ်ပတ်လုံး နတ်ဆိုးပူး၍ ရောဂါနှိပ်စက်ခြင်းကို
ခံနိုင်ရသော မိန်းမတစ်ယောက်ဟိ၏။ သူမသည် ကျောကုန်း၍ မိမိခါးကို လုံးဝမဆန့်နိုင်။ **12** ယေသျှုသည်
သူမကို မြင်သောအခါ အထံတော်သို့ ခေါ်တော်မူလျက်၊ “အချင်းမိန်းမ၊ သင်၏ရောဂါမှ လွတ်မြောက်ဗျာယ်”
ဟု မိန့်တော်မူ၏။ **13** ကိုယ်တော်သည် သူမ၏အထက်၌ လက်ကို တင်တော်မူသဖြင့် သူမသည် ချက်ချင်းပင်
ခါးဆန့်လားပြီး ဘုရားသခင်၏ကျေးဇူးတော်ကို ချီးမွမ်းလေ၏။ **14** ထိုသို့ ဥပုသ်နိဋ္ဌ ယေသျှုသည် အနာရောဂါကို
ပျောက်ကင်းစီတော်မူ၍ တရားဇရပ်မှူးသည် စိတ်ဆိုးသဖြင့် “အလုပ်လုပ်ရသောရက် ခြောက်ရက်ဟိ၏။ ထိုနီတိ၌
လာပြီး ရောဂါပျောက်ကင်းခြင်း ကျေးဇူးကို ခံယူကတ်ပါ။ ဥပုသ်နိဋ္ဌကား မလုပ်ကတ်ပါကေ” ဟု လူတိအား
ဆို၏။ **15** သခင်ဘုရားက၊ “သူတော်ကောင်းယောင်ဆောင်သောသူတိ၊ သင်ရို့သည် ဥပုသ်နိဋ္ဌ သင်ရို့၏ နွားတိ၊
မြည်းတိကို တင်းကုတ်က ကြီးကို ဖြိုပြီးလျှင် ရီတိုက်ဖို့ ခေါ်ယူလားကြသည် မဟုတ်လော။ **16** အဂုတွင်
အာပြဟ်၏သမီးဖြစ်သည့် ဤမိန်းမသည် တစ်ဆယ့်သျှစ်နှစ်ပတ်လုံး စာတန်၏တုပ်နှောင်ခြင်းကို ခံနိုင်ရ၏။ သူမကို
ဥပုသ်နိဋ္ဌ ထိုတုပ်နှောင်ခြင်းမှ မလွတ်အပ်သလော” ဟု မိန့်တော်မူ၏။ **17** ဤသို့ မိန့်တော်မူလိုက်သောအခါ
ကိုယ်တော်ကို ရန်ဖက်ပြုသူရို့သည် အရှက်ရကြ၏။ လူထုပရိတ်သတ် အပေါင်းရို့သည် ကိုယ်တော်ပြုတော်မူသော
အံ့ဩစရာများကြောင့် ရွှင်လန်းဝမ်းမြောက်ကြ၏။ **18** ယေသျှုက၊ “ဘုရားသခင်၏ နိုင်ငံတော်သည် ဇာနည်တူသလဲ၊
ဇာချင်းနှင့် နှိုင်းပြရဖို့လဲ ဟူမူကား၊ **19** ဤသို့သော အရာနှင့်တူ၏။ လူတစ်ယောက်သည် မုံညှင်းစိုကိုယူ၍ မိမိဥယျာဉ်၌
စိုက်လေ၏။ ထိုအစို့သည် အပင်ပေါက်လာ၍ ကြီးထွားပြီးလျှင် အပင်ကြီးဖြစ်လာပြီး အကိုင်းအခက်တိတွင် ငှက်တိ
အသိုက်လုပ်နိုင်ကြ၏” ဟု မိန့်တော်မူ၏။ **20** တဖန် ယေသျှုက၊ “ဘုရားသခင်၏ နိုင်ငံတော်ကို ဇာအရာနှင့် နှိုင်းပြရဖို့လဲ။ **21**
မိန်းမတစ်ယောက်သည် တဆီးအချို့ကိုယူပြီး မုန့်မှုန့်သုံးစိတ်၌ ရောထည့်လိုက်သောအခါ မုန့်မှုန့်အားလုံးကို ဖောင်းပွစီသော
တဆီးနုနု တူ၏” ဟု မိန့်တော်မူ၏။ **22** ထို့နောက် ယေသျှုသည် မြို့ရွာများကို လှည့်လည်၍ လူအပေါင်းရိုအား

ဟောပြောသွန်သင်တော်မူလျက် ယေရုဆလင်မြို့သို့ ကြွတော်မူ၏။ 23 လူတစ်ယောက်က “အသျှင်ဘုရား၊ ကယ်တင်ခြင်း ခံရသူရှိသည် အရီအတွက်အားဖြင့် နည်းပါ၏လော့” ဟု မိန်းလျှောက်ကြ၏။ ယေသျှုက ထိုသူရှိအား၊ 24 “သင်ရှိသည် ကျဉ်းမြောင်းသော တန်းခါးပေါက်သို့ ဝင်ဖို့ ကြိုးစားအားထုတ်ကြလော့။ အကြောင်းမူကား လူများစွာရှိသည် ဝင်ဖို့ ကြိုးစား နိန့်ကြသော်လည်း မတတ်နိုင်ကတ်။ 25 အိမ်သျှင်သည်ထ၍ တန်းခါးကို ပိတ်လိုက်ခါမှ၊ သင်ရှိသည် အိမ်အပြင်မှရပ်၍ တန်းခါးကိုခေါက်လျက် ‘ဆရာ၊ အကျွန်ရဲ့ကို တန်းခါး ဖွင့်ပီးတော်မူပါ’ ဟု တောင်းလျှောက်သော်လည်း၊ အိမ်သျှင်က၊ ‘သင်ရို့တို့ ဇာကလာလဲ ဆိုစွာကို ငါမသိ’ ဟု ဆိုလိုမိမည်။ 26 ထိုအခါ သင်ရို့က၊ ‘အကျွန်ရဲ့သည် အသျှင်နန့်အတူ စားသောက်ခပါ၏။ ကိုယ်တော်သည် အကျွန်ရဲ့မြို့၌လည်း ဟောပြောခပါ၏။’ 27 ယေဒါလေ့ အိမ်သျှင်က၊ ‘သင်ရို့ ဇာကလာသည်ကို ငါမသိ၊ မတရားသောလူတို့ ငါနားက ထွက်လားကတ်’ ဟု ပြန်၍ ပြောလိမ့်မည်။ 28 အဗြဟံ၊ ကူဇာကံ၊ ယာကုပ်နှင့် ပရောဖက်အပေါင်းရှိသည် ဘုရားသခင်၏ နိုင်ငံတော်ထဲသို့ ရောက်ခသည်ကို မြင်လျက်ပင် သင်ရှိသည် အပြင်ဖက်ကို နှင်ထုတ်ခြင်းခံရသောအခါ ဗိုကြီးခြင်း၊ အံသွားခဲကြိတ်ခြင်း ဟိကြလိမ့်မည်။ 29 လူရှိသည် အရှို၊ အနောက်၊ တောင်၊ မြောက် အရပ်လေးမျက်နှာမှ လာ၍ ဘုရားသခင်၏ နိုင်ငံတော်ပွဲ၌ ဝင်ကြရလိမ့်မည်။ 30 ထိုအခါ အဂု နောက်ကျသောလူတို့သည် အယင်ကျပြီး အယင်ကျသော လူတို့ နောက်ကျလိမ့်မည်” ဟု မိန့်တော်မူ၏။ 31 ထိုအချိန်တွင် ဖာရိယုတချို့သည် ယေသျှုထံပါးကို လာပြီးလျှင်၊ “ဟေရဒ်သည် ကိုယ်တော့်ကို အသိသတ်လိုသည် ဖြစ်၍ ဤအရပ်မှ ထွက်လားပြီး အခြားသော အရပ်သို့ ကြွတော်မူပါ” ဟု ကိုယ်တော့်ကို လျှောက်ကြ၏။ 32 ယေသျှုက “ငါသည် ဤနိန့်နှင့် နက်ဖြန်နိန့် နတ်ဆိုးတို့ကို နှင်ထုတ်ပြီးလျှင် အနာရောဂါတို့ကို ပျောက်စီမည်။ သုံးရက်မြောက်သော နိန့်ကား ငါ့အလုပ်ကို အဆုံးသတ်မည်ဖြစ်ကြောင်း၊ လား၍ ထိုမြို့ခွီးကို ပြောလော့။ 33 သို့သော်လည်း ဤနိန့်၊ နက်ဖြန်၊ သန်ဘက်ခါနို့တို့၌ ငါခရီးလားရဦးမည်။ ပရောဖက်ဟူသည် ယေရုဆလင်မြို့မှတစ်ပါး အခြားအရပ်၌ အသိမခံရ။ 34 “အို၊ ယေရုဆလင်မြို့၊ ယေရုဆလင်မြို့၊ သင်သည် ပရောဖက်တို့ကို အသိသတ်သည်မြို့၊ ဘုရားသခင် ရွတ်လိုက်သော တမန်တို့ကိုလည်း ကျောက်ခဲနန့် ပစ်သည်မြို့၊ ကြက်မက ကြက်ချေတို့ကို မိမိအတောင် အောက်၌ စုသိမ်းထားသကဲ့သို့ ငါလည်း သင်၏လူတို့ကို စုသိမ်းထားလိုသည်မှာ အကြိမ်ပေါင်း များလီဗျာယ်။ သို့သော်လည်း သင်ကား ငါ့ကို ဤသို့ မပြုစီချင်။ 35 သို့ ဖြစ်၍ သင်ရို့၏ ဗိမာန်ကို ဘုရားသခင် စွန့်တော်မူလိမ့်မည်။ သင့်အား ငါဆိုသည်ကား၊ ‘ဘုရားသခင်၏ နာမတော်နှင့် ကြွလာတော်မူသော အသျှင်သည် မင်္ဂလာဟိစီသတည်း’ ဟု သင်မြွက်ဆိုသည့် နိမ္မိတိုင်ခင် သင်သည် ငါ့ကို မြင်ရလိမ့်မည် မဟုတ်” ဟု မိန့်တော်မူ၏။

14 ဥပုသ်နိတစ်နိ၌ ယေသျှုသည် အစားအစာ သုံးဆောင်တော်မူရန် ဖာရိယု အကြီးအကဲတစ်ဦး၏ အိမ်သို့ ဝင်တော်မူ၏။ ထိုအခါ လူအပေါင်းရှိသည် ယေသျှုကို အနီးကပ် စောင့်ကြည့်နိန့်ကြ၏။ 2 လက်နှင့်ခြံတွင် ရီဖျဉ်းနာ စွဲနိန့်သူတစ်ယောက်သည် ယေသျှု၏ရိုတော်၌ ဟိ၏။ 3 ထိုအခါ ယေသျှုကလည်း “ဥပုသ်နိ၌ အနာပျောက်ကင်းခြင်းသည် တရားတော်နန့် ညီသလော၊ မညီသလော” ဟု ကျမ်းတတ်ဆရာရရှိနှင့် ဖာရိယုရို့ကို မိန်းတော်မူ၏။ 4 သို့သော်လည်း သူရှိသည် တိတ်တိတ်နိန့်ကြ၏။ ယေသျှုက လူနာကိုခေါ်လျက် ရောဂါကို ပျောက်စီပြီးလျှင် သူအား ပြန်လားစီတော်မူ၏။ 5 ထို့နောက် ကိုယ်တော်က “သင်ရို့အထဲက ဇာသူမဆို ကိုယ့်သားဖြစ်စီ၊ နွားဖြစ်စီ ဥပုသ်နိ၌ ရီတွင်းထဲသို့ ကျလားခလျှင် ချက်ချင်းမဆွဲတင်ဘဲ နိန့်ကြမည်လော့” ဟု မိန်းတော်မူ၏။ 6 သို့သော်လည်း သူရှိသည် ဤအကြောင်းအရာနှင့်ပတ်သတ်၍ အဖြေမပီးနိုင်ကြပေ။ 7 ခေါ်ဖိတ်ထားသော သူရို့သည် အကောင်းဆုံးသော နီရာများ ရှီးချယ်နိန့်ကြကြောင်းကို ယေသျှုသည် သတိထားမိတော်မူသောအခါ၊ ထိုသူရို့အား ပုံဥပမာတစ်ခုဖြင့် မိန့်တော်မူသည်ကား၊ 8 “သင်သည် မင်္ဂလာဆောင်ပွဲ၌ ဖိတ်ခေါ်ခြင်းခံရသောအခါ အကောင်းဆုံးသောနီရာတွင် မထိုင်ကေ့။ မထင်မှတ်ဘဲ သင့်ထက် ဂုဏ်အသရေပိုသော လူတစ်ယောက်ကို ဖိတ်ခေါ်ထားလို့ဟိလျှင်၊ 9 သင်ရို့နှစ်ဦးလုံးကို ဖိတ်ခေါ်ထားသော ပွဲသျှင်သည် သင်ရို့ပါးကိုလာပြီး

‘ဤသူ့ကို နီရာပီးလိုက်ပါ’ ဟု ပြောလိမ့်မည်။ ထိုအခါ သင်သည် အရှက်ရပြီး အနိမ့်ဆုံးနီရာတွင် ထိုင်ရလိမ့်မည်။ 10 ထို့ကြောင့် သင်သည် ဖိတ်ခေါ်ခြင်းကို ခံရလျှင် လားပြီး အနိမ့်ဆုံးနီရာ၌ ထိုင်ပါ။ ထိုသို့ ထိုင်လိုဟိလျှင် ပွဲသျှင်သည်လာ၍ ‘အဆွီ ကောင်းသောနီရာသို့ ကြွပါ’ ဟု သင့်အား ဆိုလိမ့်မည်။ ထိုအခါ သင်သည် ဖိတ်ထားခံရသော လူတို့၌ ဂုဏ်သရေ ဟိလိမ့်မည်။ 11 အကြောင်းမူကား ကိုယ့်ကိုကိုယ် ချီးမြှောက်သောသူရှိသည် နိမ့်ချခြင်းကို ခံရပြီး ကိုယ့်ကိုကိုယ် နိမ့်ချသောသူရှိသည် ချီးမြှောက်ခြင်း ခံရလိမ့်မည်” ဟု မိန့်တော်မူ၏။ 12 ထို့နောက် ယေသျှုက အိမ်သျှင်အား၊ “သင်သည် မိုးသောက်စာဖြစ်စီ၊ ညစာဖြစ်စီ ကျွေးမွေးဖို့လုပ်သောအခါ အဆွီခင်ပွန်း၊ ညီအစ်ကို၊ ဆွီမျိုးတိ၊ ချမ်းသာသော အိမ်နီးချင်းတို့ကို မဖိတ်ခေါ်ကျေ၊ ဖိတ်ခေါ်ခကေကား သင့်ကို ပြန်ဖိတ်ခေါ်ပြီးလျှင် ကျေးဇူးဆပ်ကြလိမ့်မည်။ 13 သို့သော် သင်သည် ဧည့်ခံပွဲ ဂြိုလုပ်သောအခါ၌ ဆင်းရဲသူ၊ မသန်စွမ်းသူ၊ ဒုက္ခိတ၊ မျက်ကန်းတို့ကို ဖိတ်ခေါ်လော့။ 14 ထိုသို့ ဖိတ်ခေါ်လျှင် သင်သည် မင်္ဂလာဟိလိမ့်မည်။ အကြောင်းမူကား သူရှိသည် သင့်ကို ပြန်ပြီး ကျေးဇူးဆပ်နိုင်သဖြင့် ဖြောင့်မတ်သောသူရှိ၏ ရှင်ပြန်ထမြောက်သော နိမ့် သင်သည် ကျေးဇူးဆပ်ခြင်းကို ခံရလိမ့်မည်” ဟု မိန့်တော်မူ၏။ 15 ယေသျှုနှင့်အတူ စားပွဲ၌ထိုင်နိုင်သော လူတစ်ယောက်သည် စကားတော်ကိုကြားလျှင် ယေသျှုအား၊ “ဘုရားသခင်၏ နိုင်ငံတော်၌ ပွဲဝင်ရသောသူသည် မင်္ဂလာဟိပါ၏” ဟု လျှောက်၏။ 16 ယေသျှုကလည်း၊ “လူတစ်ယောက်သည် ကျွေးမွေးဧည့်ခံပွဲကြီးကို ကျင်းပရန် လူအများကြီးကို ခေါ်ဖိတ်ခလေ၏။ 17 ပွဲခံချိန်ရောက်သောအခါ ဖိတ်ခေါ်ထားသော လူတိပီးကို အခိုင်းအစီတစ်ယောက်အား ရွတ်လိုက်ပြီးလျှင် ‘လာကတပါ၊ အားလုံးအဆင်သင့် ဖြစ်နိုင်ဗျာယ်’ ဟု ပြောကြားစီ၏။ 18 သို့သော်လည်း သူရှိအားလုံးက တစ်ယောက်ပြီးတစ်ယောက် ခွင့်တောင်းကြ၏။ ပထမလူက ‘အကျွန်ုပ်သည် လယ်တစ်ကွက် ဝယ်ထားသည်ဖြစ်၍ ထိုလယ်ကို လား၍ ကြည့်ခြင်းငှာ အကျွန်ုပ်ကို ခွင့်ပီးဖို့ တောင်းပန်ပါ၏’ ဟု ဆို၏။ 19 နောက်တစ်ယောက်က ‘အကျွန်ုပ်က နွားငါးရှဉ့်ကို ဝယ်ထားလို့ လားပြီး ကျင့်ခိုင်းရပါမည်၊ အကျွန်ုပ်ကို ခွင့်ပီးဖို့ တောင်းပန်ပါ၏’ ဟု ဆို၏။ 20 အခြားတစ်ယောက်က ‘အကျွန်ုပ်က အဂု အိမ်ထောင်ပြုခါစဖြစ်လို့ မလာနိုင်ပါ’ ဟု ဆို၏။ 21 အခိုင်းအစီသည် မိမိသခင်ထံပါးသို့ ပြန်လာပြီးလျှင် ထိုအကြောင်းအရာတို့ကို လျှောက်လေ၏။ ထိုအခါ အိမ်သျှင်သည် စိတ်ဆိုးပြီးလျှင် ‘မြို့၏လမ်းမ၊ လမ်းကြားကို အယင်လား၍ ဆင်းရဲသူ၊ မသန်စွမ်းသူ၊ မျက်စိကန်းသူ၊ ဒုက္ခိတတို့ကို ခေါ်လာလော့’ ဟု အခိုင်းအစီအား စီခိုင်းလိုက်၏။ 22 မကြာခင် အခိုင်းအစီသည် ‘သခင် ခိုင်းလိုက်သည်အတိုင်း ဆောင်ရွက်ပြီးပါဗျာယ်။ ယေဒါလေ နီရာလုပ်ဟိပါသိမ့်၏’ ဟု လျှောက်လေ၏။ 23 ထို့ကြောင့် သခင်က ‘တောလမ်း၊ လမ်းမတို့ကို လားပြီး အိမ်ပြည့်အောင် လူတို့ကို ရအောင် ခေါ်လာလော့။ 24 အထက်က ငါဖိတ်ခေါ်ထားသောလူ တစ်ယောက်မျှ ငါ၏ စားသောက်ပွဲကို မြည်းစမ်းရမည် မဟုတ်ဟု သင်ရှိအား ငါဆို၏”” ဟု မိန့်တော်မူ၏။ 25 များစွာသော လူထုပရိသတ်အပေါင်းရှိသည် ယေသျှုနှင့်အတူ လိုက်လားကြ၍ ကိုယ်တော်သည် ထိုသူရှိအား လှည့်ကြည့်တော်မူပြီးလျှင်၊ 26 “ငါ့ထံသို့ လာသောသူသည် ငါ့ကို ချစ်သည်ထက် မိဖ၊ သားမယား၊ ညီအစ်ကိုမောင်နှမနှင့် ကိုယ့်ကိုကိုယ် ချစ်သောသူသည် ငါ့တပည့် မဖြစ်နိုင်။ 27 ကိုယ့်လက်ဝါးကပ်တိုင်ကို ထမ်း၍ ငါ့နောက်သို့ မလိုက်သောသူသည်လည်း ငါ့တပည့် မဖြစ်နိုင်။ 28 သင်ရှိထံမှ လူတစ်ယောက်သည် တိုက်တစ်လုံးတည်ဆောက်ရန် အကြံဟိလျှင်၊ ပြီးစီးအောင် ဆောက်ဖို့အတွက် ငွီအလုံလောက်ဟိသည်၊ မဟိသည်ကိုသိဖို့ အယင်ထိုင်ပြီး မတွက်ချက်ဘဲ နိမ့်မည်လော။ 29 ထိုသို့ တွက်ချက်မကြည့်ဘဲ တိုက်မြစ်ချ၍ အဆုံးသတ်နိုင်စွမ်း မဟိလျှင် မြင်ကြသောလူတို့က ထိုလူကို လောင်ပြောင်ကြလိမ့်မည်။ 30 ‘ဤသူကား တည်ဆောက်မှုကို အစပြု၏။ သို့သော်လည်း အဆုံးသတ်နိုင်စွမ်း မဟိပါတကား’ ဟု ဆိုကြလိမ့်မည်။ 31 တနည်းကား သျှင်ဘုရင်တစ်ပါးသည် အခြားဘုရင်တစ်ပါးနှင့် စစ်ပြိုင်ဖို့ အကြံဟိလျှင်၊ စစ်သည် ၂၀,၀၀၀ နှင့် ချီလာသောဘုရင်ကို စစ်သည် ၁၀,၀၀၀ နှင့် ခုခံနိုင်မည်လော ဆိုသည်ကို အယင်ထိုင်၍ မစဉ်းစားဘဲ နိမ့်မည်လော။ 32 အကယ်၍ မခုခံနိုင်လျှင် စစ်ချီလာသောဘုရင် အစီး၌ဟိနိန်စဉ် တမန်တို့ကို ရွတ်၍ စစ်ပြေငြိမ်းရေးစကားကို ကမ်းလှမ်းရလိမ့်မည်။ 33 ထိုနည်းအတိုင်း၊ သင်ရှိထံက ဇာသူမဆို ကိုယ့်၌ဟိသမျှတို့ကို

မစွန့်လျှင် ငါ့တပည့် မဖြစ်နိုင်။” 34 “ဆားသည် ကောင်း၏။ သို့သော်လည်း အငန်ကင်းပျောက်လျှင် ငန်သောအရသာကို ပြန်၍ မရနိုင်။ 35 မြို့ဖို့ ဖြစ်စီ၊ မြို့ဇာဖို့ ဖြစ်စီ အသုံးမဝင်သဖြင့် အပြင်သို့ ဝေးပစ်လိုက်ကြ၏။ “ကြားစရာနားဟိသော လူကား ကြားပါစီ” ဟု မိန့်တော်မူ၏။

15 တစ်နိဗ္ဗာန် အခွန်ခံသူများနှင့် အပြစ်သားအပေါင်းရှိသည် ယေသျှု၏တရားစကားကို နားထောင်ရန် အထံတော်သို့ လာကြသောအခါ၊ 2 ဖာရိယုနှင့် ကျမ်းတတ်ဆရာရှိက “ဤသူသည် အပြစ်သားတို့ကို လက်ခံပြီးလျှင် သူရိတ်နှင့်အတူ စားသောက် နိန့်ပါသည်တကား” ဟု စတင်၍ ညည်းတွားပြောဆိုကြ၏။ 3 ထို့ကြောင့် ယေသျှုသည် သူရိအား ပုံဥပမာဆောင်လျက် ပြောကြားတော်မူသည်မှာ၊ 4 “သင်ရို့ထဲက တစ်ယောက်သောသူ၌ သိုးအကောင်တစ်ရာဟိပြီး၊ တစ်ကောင်ပျောက်လားလျှင် ဇာပိုင် လုပ်ကြမည်နည်း။ သူသည် သိုးကိုးဆယ်ကိုးကောင်ကို စားကျက်တွင်ထားခဲ့ပြီး ပျောက်လားသော သိုးတစ်ကောင်ကို လား၍ ရှာလိမ့်မည်။ 5 ထိုသိုးကို တို့သောအခါ သူသည် ပျော်ရွှင်စွာဖြင့် မိမိ၏ပခုံးထက်တွင် ထမ်းလာလိမ့်မည်။ 6 သူသည် အိမ်သို့ ပြန်ရောက်သောအခါ မိမိ၏အခွံခင်ပွန်းတို့နှင့် အိမ်နီးချင်းတို့ကို ခေါ်၍ ‘ငါသည် ပျောက်လားသောသိုးကို ပြန်တို့သည်ဖြစ်၍ ငါနန့်အတူ ဝမ်းမြောက်ပျော်ရွှင်ကြလော့’ ဟု ဆိုလိမ့်မည်။ 7 ယင်းနည်းတူ နောင်တမရသော ဂုဏ်သရေဟိသောလူ ကိုးဆယ်ကိုးယောက်ထက် နောင်တရသော အပြစ်သားတစ်ယောက်အတွက် ကောင်းကင်ဘုံ၌ သာ၍ ဝမ်းမြောက်ရွှင်လန်းစရာဖြစ်လိမ့်မည်ဟု သင်ရို့ကို ငါဆို၏” ဟူ၍ ဖြစ်သတည်း။ 8 “မိန်းမတစ်ယောက်မှာ ဇွီဒဂ်းဆယ်ပြားဟိစွာထဲက တစ်ပြားပျောက်လားခလျှင်၊ သူမသည် ဆီမီးခွက်ထွန်းလျက် မိမိ၏အိမ်ကို လှဲကျင်းကာ မတို့မချင်း စိုစိုစပ်စပ် ရှာမည် မဟုတ်လော။ 9 သူမသည် ဒဂ်းပြားကို တို့သောအခါ မိမိ၏အခွံခင်ပွန်း၊ အိမ်နီးချင်းတို့ကို ခေါ်၍ ‘ပျောက်လားသောဒဂ်းကို ငါပြန်တို့ဗျာယ်၊ ငါနန့်အတူ ဝမ်းမြောက်ကြလော့’ ဟု ဆိုလိမ့်မည်။ 10 ယင်းနည်းတူ အပြစ်သားတစ်ယောက် နောင်တရခြင်းသည် ဘုရားသခင်၏ ကောင်းကင်တမန်ရှိ၍ ဝမ်းမြောက်ရွှင်လန်းစရာဖြစ်၏ဟု သင်ရို့ကို ငါဆိုသတည်း” ဟု မိန့်တော်မူ၏။ 11 ယေသျှုက “လူတစ်ယောက်မှာ သားနှစ်ယောက် ဟိ၏။ 12 သားငယ်က မိမိ၏ဖခင်အား ‘အဘာ၊ အကျွန်၏ အမွီရပိုင်ခွင့်ကို ခွဲဝီပီးပါ’ ဟု ဆို၏။ ထို့ကြောင့် ဖခင်က မိမိ၏ဥစ္စာကို သားနှစ်ယောက်အား ခွဲဝီပီးလိုက်၏။ 13 ထို့နောက် ရက်အနည်းချေ ကြာသောအခါ သားငယ်သည် မိမိဥစ္စာပစ္စည်းအားလုံးကို ရောင်းချပြီးလျှင် ရသောဖဲသာတို့ကို ယူ၍ ဝီးသောတိုင်းပြည်သို့ ထွက်လားလေ၏။ သူသည် ထိုပြည်တွင် အပျော်အပါးလိုက်စားကာ ဖဲသာတို့ကို ဖြုန်းတီးပစ်၏။ 14 ဟိသမျှဖဲသာ ကုန်လားသောအခါ ထိုတိုင်းပြည်တစ်ပြည်လုံး၌ အလွန်အစာခေါင်းပါးခြင်း ဖြစ်သဖြင့် သူလည်း ငတ်ပြတ်လေ၏။ 15 ထိုအခါ သူသည် ထိုပြည်သားတစ်ယောက်ပါးသို့ လား၍ အငှားခံလေ၏။ အလုပ်သျှင်က သူ့အား မိမိ၏လယ်ထဲသို့ ဝက်စာပီးရန် ရွတ်လိုက်၏။ 16 သူသည် ဝက်တိစားနိန့်သော ပဲတောင့်ကိုပင် စားချင်လောက်အောင် ငတ်မွတ်သော်လည်း ဇာသူမှလည်း သူ့အား အစာကို မကျွေးကြ။ 17 ထိုအခါ သူသည် အမြင်မှန်ရပြီးလျှင် ‘ငါ့အဖ၏ အငှားသားတိတောင်မှ အစာကို ဝမ်းဝအောင် စားကြရ၏။ ငါမူကား ဤနီရ၌ သီလောက်အောင် ငတ်မွတ်နိန့်ယာ။ 18 ငါသည် ဤအရပ်မှ ထွက်ခွဲ၍ ငါ့အဖပါးသို့ ပြန်လားပြီးလျှင်၊ အဘာ၊ အကျွန်သည် ဘုရားသခင်ကိုလည်းကောင်း အဖကိုလည်းကောင်း ဆန့်ကျင်၍ ပြစ်မှားမိပါဗျာယ်။ 19 အကျွန်သည်ကား အဖ၏သားဟူ၍ ခေါ်ခြင်းငှာ မထိုက်တန်ယာ၊ အဖ၏အငှားသားတစ်ယောက်ကဲ့သို့ အကျွန်ကို မှတ်တော်မူပါ’ ဟု ပြောမည်အကြံဖြင့်၊ 20 သူသည် ထ၍ မိမိ၏အဖပါးသို့ ပြန်လားလေ၏။ “သို့ရာတွင် သူ၏ဖခင်သည် အဝီးကပင် သူ့ကို မြင်လျှင် အလွန်သနားသော စိတ်ဖြင့် မိမိသားပါးသို့ ငြီးလားပြီးလျှင် သားကို ဖက်၍ နမ်းလေ၏။ 21 သားဖြစ်သူက ‘ဘာဘာ၊ အကျွန်သည် ဘုရားသခင်ကိုလည်းကောင်း အဘာကိုလည်းကောင်း ဆန့်ကျင်၍ ပြစ်မှားမိပါဗျာယ်၊ အဘာ၏သားဟူ၍ ခေါ်ခြင်းငှာ မထိုက်တန်ယာ’ ဟု ဖခင်အား ပြော၏။ 22 သို့ရာတွင် ဖခင်က မိမိ၏အခိုင်းအစိတ်အား ‘အယင်လာကတ်၊ အကောင်းဆုံးဝတ်ရုံကို ယူလာပြီးလျှင် သူ့အား ဝတ်ပီးကတ်။ သူလက်၌ လက်စွပ်ကို ဝတ်ပီးပြီးလျှင် သူ့ခြံထောက်မှာ ဖိနပ်ကိုလည်း စီးပီးကတ်။ 23 ပြီးလျှင် ဆူဖြိုးအောင်

ကျွေးထားသော နွားပေါက်ချေကို သတ်ပြီးလျှင် ငါရို့တို့ ပျော်ပွဲစားကြကုန်အံ့။ 24 အကြောင်းမူကား ငါ၏သားသည် သီကျလားပြီး တဖန်ပြန်၍ အသက်ရှင်လာ၏။ ပျောက်ဆုံးလားခါပြီး ပြန်တို့ရ၏’ ဟု ဆိုလေ၏။ ထို့နောက် သူရို့သည် ပျော်ပွဲစားကြလေ၏။ 25 “ယင်းအချိန်၌ သားကြီးဖြစ်သူသည် လယ်ထဲ၌ ရောက်နိုင်၏။ သူသည် ပြန်လာ၍ အိမ်နားသို့ ရောက်သောအခါ တီးမှုတ် ကခုန်သံကို ကြားရ၏။ 26 ထို့ကြောင့် သူသည် အခိုင်းအစီတစ်ယောက်ကို ခေါ်ပြီး ‘ဇာတိ လုပ်နိုင်ကတလဲ’ ဟု သူ့အား မိန်း၏။ 27 ‘သခင်၏ညီသည် အိမ်ကို ပြန်ရောက်လာဗျာယ်၊ သို့ ဖြစ်၍ သခင်၏အဖသည် ဘေးမသီ ရန်မခ မိမိသားကို ပြန်ရသောကြောင့် ဝအောင် ကျွေးထားသော နွားပေါက်ချေကို ပေါ်လိုက်ပါ၏’ ဟု အခိုင်းအစီက ပြန်ပြော၏။ 28 သားကြီးသည် စိတ်ဆိုး၍ အိမ်ထဲသို့ မဝင်ဘဲနိမ့်၏။ ထို့ကြောင့် သူ၏ဖခင်သည် အပြင်ကို ထွက်လာပြီးလျှင် သားဖြစ်သူကို အိမ်ထဲသို့ဝင်ရန် ဖျောင်းဖျလေ၏။ 29 သို့သော်လည်း သားကြီးက ‘စဉ်းစားကြည့်ပါ၊ အကျွန်ုပ်သည် နှစ်ပေါင်းများစွာ အဖကို အလုပ်အကျွေးပြုလျက် အဖ၏ စီခိုင်းချက်များကိုလည်း တစ်ခါချေတောင်မှ မလွန်ဆန်ခပါ။ သို့သော်လည်း အဖသည် အကျွန်ုပ်၏သူငယ်ချင်းတို့နှင့်အတူ ပျော်ပွဲစားခြင်းငှာ ဆိတ်တစ်ကောင်တောင် အကျွန်ုပ်အတွက် မပီးဖူးပါကား။ 30 သို့ရာတွင် အဖ၏ဥစ္စာတို့ကို မိန်းမပျက်တို့နှင့် ပျော်ပါးကာ ငြိမ်းတီးပစ်ခသော အဖ၏သား အိမ်သို့ ပြန်လာသောအခါ အဖသည် သူ့အတွက် ဝအောင် ကျွေးထားသော နွားပေါက်ချေကို ပေါ်ပီးပါသည်တကား’ ဟု ဆို၏။ 31 အဖက ‘ငါ့သား၊ သင်သည် ငါနဲ့အတူ အမြဲနီ၏။ ငါ့မှာ ဟိသမျှသောအရာသည် သင်၏ဥစ္စာဖြစ်၏။ 32 သို့ရာတွင် ငါရို့မှာ ပျော်ပွဲစား၍ ဝမ်းသာစရာအကြောင်း ဟိ၏။ အကြောင်းမူကား သင်၏ညီသည် သီကျလားခပြီးလျှင် အသက်ပြန်ရှင်လာ၏။ ပျောက်ဆုံးလားခပြီးလျှင် ပြန်တို့ရ၏။” ဟူ၍ မိန့်တော်မူ၏။

16 ယေသျှုသည် တပည့်တော်ရို့အား “တစ်ခါက သူဌေးတစ်ဦး၌ အခိုင်းအစီ ဘဏ္ဍာစိုး တစ်ယောက်ဟိ၏။ ထိုသူသည် သခင်၏ ဥစ္စာပစ္စည်းတို့ကို သုံးဖြုန်းနိုင်ကြောင်းကို လူတိက သူဌေးအား တိုင်တန်းကြ၏။ 2 သူဌေးသည် သူ့ကို ခေါ်ပြီး ‘သင်၏အကြောင်းကို ငါကြားရသည်မှာ ဇာပိုင်လဲ။ သင့်လက်ထဲ၌ဟိသော ငါ့ဥစ္စာတို့ကို တင်ပြပါ။ သင်သည် ဆက်ပြီး ငါ၏ဘဏ္ဍာစိုး လုပ်ရလိမ့်မည် မဟုတ်’ ဟု ဆို၏။ 3 ဘဏ္ဍာစိုးက၊ ‘ငါ ဇာပိုင် လုပ်ရမည်နည်း၊ ငါ့သူဌေးက ဘဏ္ဍာစိုးအရာကို နုတ်လားခဗျာယ်။ လယ်လုပ်ဖို့ ခွန်အားလည်း ငါ့မှာမဟိ၊ တောင်းစားဖို့လည်း ရှက်ဖို့ကောင်း၏။ 4 ရာထူးပြုတ်ပြီးနောက် မိတ်ဆွေတိက ငါ့ကို သူရို့အိမ်၌ လက်ခံစီခြင်းငှာ ဇာပိုင်လုပ်ရမည်ကို ငါသိ၏’ ဟူ၍ တကိုယ်တည်း ပြောဆိုကာ။ 5 သူ၏ သခင်ကို အကြီးပီးရမည်သူ အားလုံးကို ခေါ်၍ ပထမလူအား ‘ငါ့သူဌေးကို သင်ပီးဖို့ အကြီး ဇာလောက်ဟိသနည်း’ ဟု မိန်း၏။ 6 ထိုသူက ‘သံလွင်ဆီ ဂါလံ ၈၀၀ ဟိပါ၏’ ဟု ပြန်ပြော၏။ ထိုအခါ ဘဏ္ဍာစိုးက၊ ‘သင်၏စာရင်းကို ယူလိုက်၊ ဂါလံ ၄၀၀ လို့ ထိုင်ပြီးလျှင် မှတ်လိုက်’ ဟု ဆို၏။ 7 ထို့နောက် အခြားတစ်ယောက်အား ‘သင်သည်လည်း အကြီးဆပ်ဖို့ ဇာလောက်ဟိသနည်း’ ဟု မိန်း၏။ ထိုသူက ‘ဂျုံစပါးတင်း ၁,၀၀၀ ဟိပါ၏’ ဟု ဆိုလျှင်၊ ‘သင်၏စာရင်းတွင် တင်း ၈၀၀ လို့ မှတ်လိုက်’ ဟု ဆို၏။ 8 ထိုအခါ သူဌေးသည် သစ္စာမဟိသော ဘဏ္ဍာစိုး၏ လိမ္မာပါးနပ်စွာပြုသော လုပ်ဆောင်ချက်အတွက် သူ့ကို ချီးမွမ်းလေ၏။ အကြောင်းမူကား ဤလောကသားတို့သည် လောကီကိစ္စဆောင်ရွက်ရာ၌ အလင်း၏ သားသမီးတိထက် လိမ္မာပါးနပ်ကြ၏။” (aiōn g165) 9 “တဖန် ငါဆိုသည်ကား၊ လောကီစည်းစိမ်ချမ်းသာအားဖြင့် အဆွီခင်ပွန်းရအောင် ပြုကြလော့။ သို့ပြုလျှင် စည်းစိမ်ချမ်းသာကုန်ဆုံးသောအခါ သင်ရို့ကို ထာဝရအိမ်တော်၌ ကြိုဆိုလက်ခံလိမ့်မည်။ (aiōnios g166) 10 သေးငယ်သည့်အမှု၌ သစ္စာဟိသူသည် ကြီးသောအမှု၌လည်း သစ္စာဟိလိမ့်မည်။ သေးငယ်သောအမှု၌ သစ္စာမဟိသူကား ကြီးသောအမှု၌လည်း သစ္စာမဟိနိုင်။ 11 သို့ဖြစ်၍ သင်ရို့သည် လောကီစည်းစိမ်ကို အသုံးပြုရာတွင် သစ္စာမဟိလျှင် သင်ရို့ကို မှန်သော စည်းစိမ်ချမ်းသာကို အပ်ဖို့ ဇာသူက ယုံနိုင်မည်နည်း။ 12 သင်ရို့သည် သူတစ်ပါး၏ ပစ္စည်းဥစ္စာနှင့်ပတ်သတ်၍ သစ္စာမဟိလျှင် ဇာသူက သင်ရို့ကို အပိုင်ပီးမည်နည်း။ 13 “မည်သည့် အခိုင်းအစီတစ်ယောက်မျှ သခင်နှစ်ဦး၏ အခိုင်းအစီကို မခံနိုင်။ သခင်တစ်ဦးကို မုန်း၍ တစ်ဦးကို ချစ်လိမ့်မည်။ တစ်ဦးကို သစ္စာဟိပြီး

တစ်ဦးကို မလွဲမချော် ပြုလုပ်မည်။ သင်ရိုးသည် တစ်ချိန်တည်း၌ ဘုရားသခင်၏ အခိုင်းအစီနှင့် လောကစည်းစိမ်၏ အခိုင်းအစီကို မခံနိုင်ကတ်” ဟု မိန့်တော်မူ၏။ 14 ဇွဲကို တပ်မက်သော ဖာရိယုရီသည် ထိုစကားကိုကြားလျှင် ယေသျှုကို ပြက်ရယ်ပြုကြ၏။ 15 ယေသျှုက “သင်ရိုးသည် လူတို့ရှိ၌ မိမိကိုယ်ကို ပြောဆိုမတ်ယောင်ဆောင်သော်လည်း၊ ဘုရားသခင်က သင်ရိုးစိတ်နှလုံးကို သိတော်မူ၏။ လူတို့ အမြတ်တနိုးထားသောအရာသည် ဘုရားသခင်၏ ရှိတော်၌ စက်ဆုပ်ဖွယ်ဖြစ်၏။ 16 “ပညတ်ကျမ်းနှင့် ပရောဖက်ကျမ်းများသည် ဗတ္တိဇီဆရာ ယောဟန်လက်ထက် တိုင်အောင် သက်ရောက်လျက် ဟိ၏။ ယောဟန်လက်ထက်မှစ၍ ဘုရားသခင်၏ နိုင်ငံတော်အကြောင်း သတင်းကောင်းကို ဟောပြောလျက်ဟိ၏။ လူအပေါင်းရှိသည် နိုင်ငံတော်သို့ အနိုင်အထက် တိုးဝင်ကြ၏။ 17 သို့ရာတွင် ပညတ္တိကျမ်း၌ ဗိဇ္ဇာတစ်လုံး ပျက်စီးမည်ထက် ကောင်းကင်နှင့် မြို့ကြီး ပျက်စီးရန် ပိုလွယ်၏။ 18 “အကြင်သူသည် မိမိမယားနှင့် ကွာ၍ အခြားသောမိန်းမနှင့် လက်ထပ်လျှင် ကာမဖောက်ပြားသောသူ ဖြစ်၏။ ကွာယုင်းထားသော မိန်းမနှင့် လက်ထပ်သောသူကလည်း ကာမဖောက်ပြားသောသူ ဖြစ်၏။ 19 “တစ်ခါက သူဌေးတစ်ဦးသည် ကမ္မလာနီနှင့် ပိတ်ချောကို နို့တိုင်းဝတ်ဆင်၍ စည်းစိမ်ခံစားနိုင်၏။ 20 လာဇရုနာမည်ဟိသော သူဆင်းရဲတစ်ယောက်သည် ခန္ဓာတစ်ခုလုံး သွီးစုနာပေါက်၍ သူဌေး၏ အိမ်တန်းခါးနား၌ တုံးလုံးလဲ နိမ့်၏။ 21 သူသည် သူဌေးစားပွဲမှကျသော စားကြွင်းစားကျန်တို့ကို စားရဖို့ တောင့်တန်၏။ ခွီးတိကလည်း သူ၏ သွီးစုနာတို့ကို လာ၍ လျက်နိမ့်ကြ၏။ 22 “ဆင်းရဲသားသည် သီလွန်၍ ကောင်းကင်တမန်ရှိသည် သူ့ကို အာဗြဟံ၏ ရင်ခွင်ပါးသို့ ယူဆောင်လာကြ၏။ သူဌေးကလည်း သီဆုံး၍ သဂြိုဟ်ခြင်းကို ခံရ၏။ 23 သူသည် မရဏာနိုင်ငံတွင် ဝေဒနာကို ပြင်းစွာ ခံစားနိုင်သောကြောင့် အထက်သို့ မျှော်ကြည့်လိုက်သောအခါ အာဗြဟံကိုလည်းကောင်း၊ အာဗြဟံရင်ခွင်၌ လာဇရုကိုလည်းကောင်း မြင်ရလေ၏။ (Hadēs g86) 24 ထို့ကြောင့် သူဌေးကလည်း၊ ‘အဖအာဗြဟံ၊ အကျွန်ုပ်ကို သနားပါ။ အကျွန်ုပ်သည် ဤမီးတောက်ထဲ၌ ဝေဒနာကို ပြင်းထန်စွာ ခံစားနိုင်ရပါ၏။ လာဇရု၏ လက်ဖျားကို ရီမှာနှိုက်ပြီး အကျွန်ုပ်လျှာကို အီးစီဖို့ သူ့ကို အကျွန်ုပ်ပါးသို့ ရွတ်ပီးပါ’ ဟု အော်ဟစ် ပြောဆိုလေ၏။ 25 “သို့သော်လည်း အာဗြဟံက၊ ‘ငါ့သား၊ သင်သည် အသက်ရှင်နိုင်စဉ်က သုခချမ်းသာ ခံစားရပြီး လာဇရုက ဆင်းရဲဒုက္ခ ခံရသည်ကို အောက်မီပါ။ အဂုမှာ သူသည် သက်သာခြင်းကို ခံစားရပြီး သင်ကား ဒုက္ခဝေဒနာ ခံစားနိုင်ရ၏။ 26 ထိုမျှမက သင်နှင့် ငါရို့စပ်ကြားတွင် အသုရာချောက်ကြီးတစ်ခု ဟိသဖြင့် သင်ရို့ဖက်မှ ငါရို့ဖက်သို့ လည်းကောင်း၊ ငါရို့ဖက်မှ သင်ရို့ဖက်သို့ လည်းကောင်း ကူးချင်သော်လည်း မကူးနိုင်ကြ’ ဟု ပြန်ပြော၏။ 27 သူဌေးက၊ ‘အဖအာဗြဟံ၊ ဤသို့ဆိုလျှင် လာဇရုကို အကျွန်ုပ်အဖအိမ်သို့ ရွတ်ပီးဖို့ တောင်းပန်ပါ၏။ 28 အကြောင်းမူကား အကျွန်ုပ်မှာ ညီငါးယောက် ဟိပါ၏။ သူရို့သည်လည်း ဝေဒနာခံစားရသော ဤအရပ်သို့ မရောက်စီရန် သူ့ကို သတိပီးခိုင်းလိုက်ပါ’ ဟု တောင်းဆိုလေ၏။ 29 “အာဗြဟံကလည်း၊ ‘သင်၏ ညီအစ်ကိုတို့ကို သတိပီးရန် မောသျှုမှစ၍ ပရောဖက်တို့ ဟိကြ၏။ ထိုသူရို့စကားကို နားထောင်ကတ်ပါစီ’ ဟု ဆို၏။ 30 သူဌေးကလည်း၊ ‘အဖအာဗြဟံ၊ ထိုသို့ မဟုတ်ပါ။ သီလားခသောလူထဲက တစ်ယောက်သည် ထမြောက်၍ သူရို့ပါးသို့ လားလျှင် သူရို့သည် အပြစ်မှ နောင်တရကြပါလိမ့်မည်’ ဟု ပြောလေ၏။ 31 အာဗြဟံကလည်း ‘သူရို့သည် မောသျှုနန်း ပရောဖက်စကားတို့ကို နားမထောင်လျှင်၊ တစ်ယောက်သောသူသည် သီဆုံးခြင်းမှ ထမြောက်သော်လည်း သူရို့ ယုံကြည်ကြလိမ့်မည် မဟုတ် ဟု ဆိုလေ၏။’ ဟူ၍ မိန့်တော်မူလေ၏။

17 ယေသျှုက၊ “လူသည် အပြစ်ပြုလုပ်နိုင်သည့်အကြောင်း မူချဟိ၏။ သို့သော်လည်း အပြစ်ပြုလုပ်ခြင်းကို ဖြစ်စီသူသည် အမတ်လာဟိ၏။ 2 ဤသူသည် သူငယ်တစ်ယောက်ကို လမ်းလွဲစီသည်ထက် မိမိလိုငါးပင်း၌ ကြိတ်ဆုံကျောက်ကိုဆွဲပြီး ပင်လယ်ထဲသို့ ပစ်ချခံရသည်ကား ပို၍ ကောင်း၏။ 3 သို့ ဖြစ်၍ ကိုယ့်ကိုကိုယ် သတိပြုကြလော့။ “သင်၏ညီအစ်ကိုသည် သင့်ကိုပြစ်မှားလျှင် သူ့ကိုဆုံးမလော့။ သူသည် နောင်တရလျှင် သူ့ကို ခွင့်ရွှတ်လော့။ 4 တစ်နိတည်းတွင် ခုနစ်ကြိမ်တိုင်တိုင် သင့်ကိုပြစ်မှားပြီး ခုနစ်ကြိမ်တိုင်တိုင် သင့်ပါးသို့လာ၍ ‘ငါ့နောင်တရပါဗျာယ်’ ဟုဆိုလျှင် သင်သည် သူ၏အပြစ်ကို ခွင့်ရွှတ်ရမည်” ဟု တပည့်တော်ရိုအား မိန့်တော်မူ၏။ 5 တမန်တော်ရို့က

သခင်ဘုရားအား “အကျွန်ရို့၏ ယုံကြည်ခြင်းကို တိုးပွားစီတော်မူပါ” ဟု လျှောက်ထားကြ၏။ 6 သခင်ဘုရားက၊ “သင်ရို့သည် မုံ့သင်းစုံမျှသာ ယုံကြည်ခြင်းဟိလျှင် ဤပိုးစာပင်ကို ‘အမြစ်ပါကျွတ်ပြီး ပင်လယ်ထဲစိုက်နိုင်လော့’ ဟု ဆိုလျှင် သင်ရို့စကားကို နားထောင်လိမ့်မည်။ 7 “သင်ရို့တွင် လယ်ထွန်သားဖြစ်စီ၊ သိုးကျောင်းသားဖြစ်စီ အခိုင်းအစီတစ်ယောက်ဟိသည်ဟု ဆိုပါစို့။ ထိုသူသည် လယ်ထဲက ပြန်လာသောအခါ ညစာစားဖို့ရန် အယင်လာထိုင် ဟု သင်ရို့ထံက ဇာသူက ပြောမည်နည်း။ 8 ထိုသို့မဆိုဘဲ၊ ‘ငါ့အတွက် ညစာကိုပျင်လိုက်၊ ငါစားသောက်နိုင်စဉ် ခါးကိုစည်း၍ ငါ့ကို လုပ်ကျွေးလော့။ ပြီးမှ သင်စားသောက်လော့’ ဟု ဆိုမည် မဟုတ်လော့။ 9 အခိုင်းအစီသည် မိမိအသျှင် စီခိုင်းသည့်အတိုင်း ဆောင်ရွက်သောကြောင့် သခင်သည် သူ့အား ကျေးဇူးတင်မည်လော။ 10 ထိုနည်းတူ သင်ရို့ကလည်း မိမိရို့အား စီခိုင်းသောအရာအားလုံးကို ဆောင်ရွက်ပြီးစီးချိန်၌ ‘ငါရို့သည်လည်း သာမန်အခိုင်းအစီများပင် ဖြစ်ကြ၏။ ငါရို့ဆောင်ရွက်စရာ တာဝန်ဝတ္တရားကို ဆောင်ရွက်ခြင်းသာဖြစ်သည်’ ဟု ဆိုကြလော့” ဟူ၍ မိန့်တော်မူ၏။ 11 ယေသျှုသည် ယေရုဆလင်မြို့သို့ ခရီးပြုတော်မူစဉ် ယုာမာရိနယ်နှင့် ဂါလိလဲနယ်စပ်ကြားတလျှောက် ကြွတော်မူ၏။ 12 ရွာတစ်ရွာသို့ ဝင်သောအခါ နွနာသည်ဆယ်ယောက်သည် ကိုယ်တော်ကို ခရီးဦးကြိုပြုကြ၏။ သူရို့သည် အဝီးတွင်ရပ်လျက်၊ 13 “ယေသျှု၊ အကျွန်ရို့ကို သနားတော်မူပါ” ဟု ဟစ်အော်ကြ၏။ 14 ယေသျှုသည် ထိုသူရို့ကို မြင်တော်မူလျှင်၊ “သင်ရို့သည် ယဇ်ပုရောဟိတ်တိပါးသို့ လား၍ ကိုယ်ကိုပြုကြလော့” ဟု မိန့်တော်မူ၏။ သူရို့သည် လားနိုင်စဉ် သန့်ယုင်းခြင်းသို့ ရောက်ကြ၏။ 15 သူရို့အထဲက တစ်ယောက်သည် ရောဂါပျောက်ကင်းကြောင်းကို သိမြင်သောအခါ အထံတော်သို့ ပြန်လာ၍ ဘုရားသခင်၏ ဂုဏ်တော်ကို ကျယ်သောအသံဖြင့် ချီးမွမ်းလေ၏။ 16 ထို့နောက် ယေသျှု၏ ငြိတော်ရင်းတွင် ပြပ်ဝပ်လျက် ကျေးဇူးတော် ချီးမွမ်းလေ၏။ ထိုသူကား ယုာမာရိအမျိုးသားဖြစ်၏။ 17 ယေသျှုက “တစ်ကျိပ်သောလူရို့သည် သန့်ယုင်းခြင်းသို့ ရောက်ကြသည် မဟုတ်လော့။ ကျန်သော ကိုးယောက်ကား ဇာမှာ ဟိကြသနည်း။ 18 ဤတစ်ပါးအမျိုးသား မှတစ်ပါး ဘုရားသခင်၏ ဘုန်းတော်ကို ချီးမွမ်းရန် ပြန်လာသောသူ တစ်ယောက်မျှ မဟိသလော့” ဟု မိန့်တော်မူ၏။ 19 ထို့နောက် ယေသျှုက “သင်ထ၍ လားလော့။ သင်၏ယုံကြည်ခြင်းသည် သင့်ရောဂါကို ပျောက်စီ ဗျာယ်” ဟု ထိုသူအား မိန့်တော်မူ၏။ 20 ဖာရိယုတချို့က၊ ဘုရားသခင်၏ နိုင်ငံတော်သည် ဇာအချိန်၌ တည်မည်နည်း၊ ဟု ယေသျှုအား မိန့်လျှောက်ကြ၏။ ထိုအခါ ကိုယ်တော်က “ဘုရားသခင်၏ကောင်းကင် နိုင်ငံတော်သည် မြင်နိုင်သည့်အရပ်၌ မတည်။ 21 ဤအရပ်၌ကြည့်လော့၊ ထိုအရပ်၌လည်း ကြည့်လော့ဟု မပြောနိုင်။ အကြောင်းမူကား ဘုရားသခင်၏ နိုင်ငံတော်သည် သင်ရို့အထံ၌ တည်လျက်ဟိသည်” ဟု မိန့်တော်မူ၏။ 22 ကိုယ်တော်က တပည့်တော်ရို့အား “လူသား၏ နို့ရက်တစ်ရက်ကို မြင်တို့ချင်သော်လည်း မမြင်တို့ရသော အချိန်ကာလ ရောက်လိမ့်မည်။ 23 လူတိက ‘လူသားသည် ဤအရပ်၌ ဟိ၏။ ထိုအရပ်၌ ဟိ၏’ ဟု ဆိုသော်လည်း လိုက်ပြီး မရှာကတံ့ကေ့။ 24 ကောင်းကင်တစ်ဖက်မှ လျှပ်ပြက်သော အလင်းရောင်သည် ကောင်းကင်တစ်ခွင်လုံး ထွန်းတောက်သကဲ့သို့ လူသားသည် မိမိနို့ရက်၌ ဖြစ်တော်မူလိမ့်မည်။ 25 သို့သော်လည်း လူသားသည် များစွာသော ဒုက္ခဝေဒနာတိကိုလည်းကောင်း၊ ဤခေတ် လူတိ ငြင်းပယ်ခြင်းကိုလည်းကောင်း ဦးစွာခံရလိမ့်မည်။ 26 နောဇလက်ထက်၌ ဖြစ်ပျက်သကဲ့သို့ လူသားလက်ထက်တွင်လည်း ဖြစ်လိမ့်မည်။ 27 သဘောထဲသို့ နောဇဝင်ပြီးနောက် ရိလွမ်းမိုးလာသဖြင့် လူအားလုံး သိကြိပျက်စီးသည့်နို့ တိုင်အောင် လူအပေါင်းရို့သည် စားသောက်လျက်၊ အိမ်ထောင်ပြုလျက်နိုင်ကြ၏။ 28 ယင်းနည်းတူ လောတလက်ထက်၌ လူအပေါင်းရို့သည် စားသောက် ရောင်းဝယ်လျက်၊ စိုက်ပျိုးတည်ဆောက်လျက်နိုင်ကြ၏။ 29 သောဒုံမြို့မှ လောတ ထွက်ခွါလားသောနို့တွင် ကောင်းကင်မှ ကန်နှင့်ရောသော မီးမိုးရွာ၍ သူရို့အားလုံးသည် သိကြိပျက်စီးကြ၏။ 30 လူသား ပေါ်ထွန်းတော်မူသော နို့တွင်လည်း ဤကဲ့သို့ ဖြစ်လိမ့်မည်။ 31 “ယင်းနို့ရက်၌ အိမ်ခေါင်ထက်တွင် ဟိသောသူသည် အိမ်ထဲ၌ဟိသော ဥစ္စာပစ္စည်းကို ယူဖို့ မဆင်စီကေ့။ ယင်းနည်းတူ လယ်ထဲ၌ဟိသောသူသည် အိမ်မပြန်စီကေ့။ 32 လောတ၏မယားကို အောက်မီကြလော့။ 33 မိမိအသက်ကို ကယ်လိုသောသူသည် အသက်ပျိုးလိမ့်မည်။

ကိုယ့်အသက်ကို ဆုံးယှုံးရသောသူမူကား အသက်ကို ကယ်ဆယ်လိမ့်မည်။ 34 သင်ရိုက်ကို ငါဆိုသည်ကား၊ ယင်းနိဗ္ဗာန် အိပ်ရာတစ်ခုထဲတွင် အိပ်နိုင်သူ လူနှစ်ယောက်ထဲက တစ်ယောက်ကို သိမ်းယူ၍ တစ်ယောက်ကို ထားခလတ္တံ့။ 35 ကြိတ်ဆုံကြိတ်နိန်သော မိန်းမနှစ်ယောက်ထဲက တစ်ယောက်ကို သိမ်းယူပြီး တစ်ယောက်ကို ထားခလတ္တံ့” ဟု မိန့်တော်မူ၏။ 37 တပည့်တော်ရိုက်က “အသျှင်၊ ဇာအရပ်တွင် ဤအရာတိ ဖြစ်ပျက်ပါမည်နည်း” ဟု မိန်းလျှောက်ကြလျှင်၊ ယေသျှုက “အသိကောင်ဟိသောအရပ်၌ လင်းတတိ စုရုံးလာကြလိမ့်မည်” ဟု မိန့်တော်မူ၏။

18 ထို့နောက် ယေသျှုသည် တပည့်တော်ရိုအား စိတ်အားမလျော့ဘဲ အမြဲတမ်းဆုတောင်းပတ္တနာ ပြုသင့်ကြောင်းကို ပုံဥပမာဆောင်၍ သွန်သင်တော်မူ၏။ 2 “မြို့တစ်မြို့၌ ဘုရားသခင်ကိုမကြောက်၊ လူမျက်နှာကိုမထောက်သော တရားသူကြီးတစ်ယောက် ဟိ၏။ 3 ထိုမြို့၌ဟိသော မုဆိုးမတစ်ယောက်သည် တရားသူကြီးပါးသို့ အကြိမ်ကြိမ်လားပြီး ‘အကျွန်ုပ်ကကိန်၍ အကျွန်ုပ်ကို တရားသဖြင့် စီရင်တော်မူပါ’ ဟု လျှောက်ထား၏။ 4 တရားသူကြီးသည် မုဆိုးမ၏လျှောက်ထားချက်ကို အချိန်ကြာကြာ ငြင်းဆန်နိုင်၏။ တရားသူကြီးက ‘ငါသည် ဘုရားသခင်ကိုမကြောက်၊ လူမျက်နှာကို မထောက်တတ်၊ 5 သို့သော်လည်း ဤမုဆိုးမသည် ငါ့ကို နောက်ယှက်နိုင်သည်ဖြစ်၍ သူမအတွက် တရားမျှတမှုဟိစီရန် သူမ၏အမှုကို ငါစီရင်မည်။ သို့မဟုတ်လျှင် သူမသည် ငါ့အား ဆက်လက်နှောက်ယှက်လျှင် နောက်ဆုံး၌ ငါပင်ပန်းလိမ့်မည်’ ဟု စိတ်ထဲ၌ ရေလွှတ်နိုင်၏” ဟု မိန့်တော်မူ၏။ 6 ထိုအခါ သခင်ဘုရားက၊ “အကျင့်ပျက်သော တရားသူကြီးပြောဆိုပုံကို နားထောင်ကြလော့။ 7 ရှိုးကောက်တော်မူသည့် လူတိက တရားမျှတမှုအတွက် နိဗ္ဗာန်မြတ် အော်ဟစ် တောင်းလျှောက်နိုင်ကြလျှင် ဘုရားသခင်သည် သူရိုက်ကူညီရန် နှောင့်နှေးတော်မူမည်လော။ 8 သင်ရိုအား ငါဆိုသည်ကား၊ သူရိုဖက်၌ အလျင်အမြန် တရားစီရင်တော်မူလိမ့်မည်။ သို့သော်လည်း လူသားကြွလာတော်မူသောအခါ ယုံကြည်ခြင်းကို ဤလောက၌ တွိနိုင်မည်လော” ဟု မိန့်တော်မူ၏။ 9 ကိုယ့်ကိုကိုယ်ကောင်းမြတ်သည်ဟု ထင်မှတ်လျက် သူတစ်ပါးကို မထီလေးစားပြုတတ်သော လူတချို့အား ယေသျှုသည် ပုံဥပမာကိုဆောင်၍၊ 10 “တစ်ခါက လူနှစ်ယောက်သည် ဆုတောင်းရန် ဗိမာန်တော်သို့ လားကြ၏။ တစ်ယောက်က ဖာရိယုံဖြစ်ပြီး အခြားတစ်ယောက်က အခွန်ခံဖြစ်၏။ 11 ဖာရိယုံသည် တစ်ယောက်တည်းရပ်၍ ဆုတောင်း သည်မှာ ‘အိုဘုရားသခင် အကျွန်ုပ်သည် အခြားတိလူကဲ့သို့ လောဘကြီးသူ၊ မရိုးဖြောင့်သူ၊ သူမယားကို ပြစ်မှားသူနှင့် ဤအခွန်ခံကဲ့သို့ မဟုတ်၍ ကိုယ်တော်ကို ကျေးဇူးတင်ပါ၏။ 12 အကျွန်ုပ်သည် တစ်ပတ်တွင် နှစ်ရက် အစာယှောင်ပါ၏။ အကျွန်ုပ်၏ ဝင် ငွီးအားလုံးထဲက ဆယ်ဖို့တစ်ဖို့ကို ပီးလှူ၏’ ဟူ၍ ဖြစ်၏။ 13 သို့သော်လည်း အခွန်ခံမူကား အဝီးကရပ်လျက် ကောင်းကင်ကို မော်မကြည့်ဝံ့ဘဲ ‘အို ဘုရားသခင်၊ အပြစ်သားဖြစ်သော အကျွန်ုပ်ကို သနားတော်မူပါ’ ဟု ရင်ဖတ်တီးပြီးလျှင် ဆုတောင်းလေ၏။” 14 “သင်ရိုက်ကို ငါဆိုသည်ကား၊ အခွန်ခံသည် ဘုရားသခင်၏ အပြစ်လွှတ်ခြင်းကို ခံရပြီးလျှင် အိမ်ကိုပြန်လေ၏။ ဖာရိယုံက အပြစ်လွှတ်ခြင်းမခံရ။ အကြောင်းမူကား ကိုယ့်ကိုကိုယ်ချီးမြှောက်သောသူသည် နှိမ့်ချခြင်းခံရပြီးလျှင်၊ ကိုယ့်ကိုကိုယ် နှိမ့်ချသောသူကား ချီးမြှောက်ခြင်းကို ခံရလိမ့်မည်” ဟု မိန့်တော်မူ၏။ 15 လူတချို့သည် မိမိရို၏ အချေတိကို ယေသျှု၏လက်တော်နှင့် တို့ထိနိုင်စီရန်အတွက် ကိုယ်တော်ထံပါးသို့ ခေါ်ဆောင်လာကြသည်ကို တပည့်တော်ရိုမြင်လျှင် ထိုသူရိုအား အပြစ်တင်ကြ၏။ 16 သို့ရာတွင် ယေသျှုသည် အချေတိကို အထံတော်သို့ ခေါ်လျက် “အချေတိ ငါ့ပါးကို လာကတ်ပါစီ။ မတားဆီးကတ်ကော့။ အကြောင်းမူကား ဘုရားသခင်၏ နိုင်ငံတော်သည် ထိုသို့သောသူရို၏ နိုင်ငံဖြစ်၏။ 17 ငါအမှန်ဆိုသည်ကား၊ အကြင်သူသည် ဘုရားသခင်၏ နိုင်ငံတော်ကို အချေကဲ့သို့ မခံယူလျှင် နိုင်ငံတော်ကို ဝင်ရလိမ့်မည် မဟုတ်” ဟု မိန့်တော်မူ၏။ 18 ယုဒအမျိုးသား ခေါင်းဆောင်တစ်ယောက်က “ကောင်းမြတ်သောဆရာ၊ ထာဝရအသက်ကိုရဖို့ အကျွန်ုပ်သည် ဇာချင့်ကို လုပ်ရပါမည်နည်း” ဟု ယေသျှုအား မိန်းလျှောက်၏။ (aiōnios g166) 19 ယေသျှုကလည်း “သင်သည် ငါ့ကိုဇာကြောင့် ကောင်းမြတ်သောသူဟု ခေါ်သနည်း။

ဘုရားသခင်မှတစ်ပါး ကောင်းမြတ်သောသူ တစ်ယောက်လေ့ မဟီ။ 20 သင်သည် ပညတ်တော်တိကို သိသည် မဟုတ်လော။ ‘သူ့မယားကို မပြစ်မှားကေ။ လူ့အသက်ကို မသတ်ကေ။ သူ့ဥစ္စာကို မခိုးကေ။ မမှန်သောသက်သီကို မခံကေ။ မိဖုကို ရိုသီစွာပြုလေ့’” ဟု မိန့်တော်မူ၏။ 21 ထိုသူက “ဤပညတ်တိကို အကျွန်ုပ်သည် ငယ်ရွယ်စဉ်ကတည်းက စောင့်ထိန်းခါ၏” ဟု ပြန်လျှောက်လေ၏။ 22 ထိုစကားကို ကြားတော်မူလျှင် ယေသျှုက “သင်၌ တစ်ခုလိုသိမှီ၏။ သင်၌ ဥစ္စာဟိသမျှကို ရောင်းပြီး ဆင်းရဲသားတို့ကို ပီးကမ်းစွန့်ကြလေ့။ ထိုသို့ပြုလျှင် ကောင်းကင်ဘုံ၌ ဘဏ္ဍာကို ရလိုမှီမည်။ ထို့နောက်မှ လာ၍ ငါ့နောက်သို့ လိုက်လေ့” ဟု မိန့်တော်မူ၏။ 23 သို့သော် ထိုသူသည် အလွန်ဥစ္စာကြွယ်ဝသူ ဖြစ်သောကြောင့် ကိုယ်တော်၏ စကားတော်ကို ကြားသောအခါ အလွန်ပင် စိတ်မချမ်းသာဖြစ်လေ၏။ 24 ထိုအခြင်းအရာကို ယေသျှုမြင်သောအခါ “ဥစ္စာရတတ်သူရှိသည် ဘုရားသခင်၏ နိုင်ငံတော်ထဲသို့ ဝင်ရောက်ရန် ခက်ခဲ၏။ 25 ဥစ္စာရတတ်သူက ဘုရားသခင်၏ နိုင်ငံတော်သို့ ဝင်ရမည်ထက် ကုလားအုတ်သည် အပ်နုဖားကို လျှိုဝင်ရန် ပိုလွယ်၏” ဟု မိန့်တော်မူ၏။ 26 စကားတော်ကို ကြားသောလူတိကလည်း “သို့ဖြစ်လျှင် ဇာသူက ကယ်တင်ခြင်းကို ရနိုင်ပါမည်နည်း” ဟု မိန်းလျှောက်ကြ၏။ 27 ယေသျှုက “လူမတတ်နိုင်သော အရာကို ဘုရားသခင် တတ်နိုင်တော်မူ၏” ဟု မိန့်တော်မူ၏။ 28 ထိုအခါ ပေတရုသည် “ကြည့်ပါ၊ အကျွန်ုပ်ရှိသည် ကိုယ့်အိမ်ကို စွန့်ပြီးလျှင် ကိုယ်တော်၏ နောက်တော်သို့ လိုက်လာကြပါသည်” ဟု လျှောက်၏။ 29 ကိုယ်တော်က “ငါအမှန်ဆိုသည်ကား၊ ဘုရားသခင်၏ နိုင်ငံတော်အတွက် မိမိအိမ်၊ မယား၊ ညီအစ်ကိုမောင်နှမ၊ မိဖု၊ သားသမီးတို့ကို စွန့်သောသူသည်၊ 30 ဤဘဝ၌ အဆပေါင်းများစွာ အကျိုးကို ခံစားရပြီးလျှင် နောင်ဘဝ၌လည်း ထာဝရအသက်ကို ရလိုမှီမည်” ဟု မိန့်တော်မူ၏။ (aiōn g165, aiōnios g166) 31 ယေသျှုသည် တပည့်တော်တစ်ကျိပ်နှစ်ပါးကို ခေါ်ပြီးလျှင် “နားထောင်ကြလေ့၊ ငါရှိသည် ယေရုဆလင်မြို့သို့ လားကြမည်။ လူသားအကြောင်းနှင့်ပတ်သတ်ပြီးလျှင် ပရောဖက်တိ ချီးသားထားသောအရာအားလုံး ထိုနီရာ၌ ပြည့်စုံလိမ့်မည်။ 32 လူသားကို လူမျိုးခြားလက်ထဲသို့ အပ်နှံလိမ့်မည်။ သူ့ကို လှောင်ပြောင်စော်ကားပြီးလျှင် တံထိုးနှင့် ထိုးကြလိမ့်မည်။ 33 လူသားကို ကြာပွတ်နန်းရိုက်၍ အသိသတ်ကြလိမ့်မည်။ သို့သော်လည်း သုံးရက်မြောက်သောနိဗ္ဗိ ရှင်ပြန်ထမြောက်လိမ့်မည်” ဟု မိန့်တော်မူ၏။ 34 သို့ရာတွင် တပည့်တော်ရှိသည် ကိုယ်တော်၏ စကားတော်တစ်ခွန်းကိုမျှ နားမလည်ခကြ။ ထိုစကား၏ အနက်အဓိပ္ပာယ်သည် ကွယ်ဝှက်ထားခြင်း ခံရသည်ဖြစ်၍ ကိုယ်တော်၏ မိန့်တော်မူချက်ကို သူရိနားမလည်ခကြ။ 35 ယေသျှုသည် ယေရိခေါမြို့နားသို့ ရောက်တော်မူစဉ် မျက်မမြင်တစ်ဦးသည် လမ်းဘေးနားတွင်ထိုင်၍ တောင်းစားလျက် နိန့်၏။ 36 သူသည် လူထုပရိသတ်ကြီး လားကြသံကို ကြား၍ အကြောင်းကို စုံစမ်းမိန်းမြန်း၏။ 37 လူတိက “နာဇရက်မြို့သား ယေသျှု ကြွလာတော်မူလျက်ဟိကြောင်း” ကို ပြောကြ၏။ 38 ထိုသူက “ဒါဝိဒ်၏ သားတော် ယေသျှု၊ အကျွန်ုပ်ကို သနားတော်မူပါ” ဟု အော်ဟစ်လေ၏။ 39 ရှိတွင် ဟိနိန်သည့် လူတိက သူ့အား တိတ်တိတ်နီရန် ငေါက်ငန်းပြောဆိုကြ၏။ သို့သော်လည်း သူသည် “ဒါဝိဒ်၏ သားတော်၊ အကျွန်ုပ်ကို သနားတော်မူပါ” ဟု ပို၍ပင် ကျယ်လောင်စွာ ဟစ်အော်လေ၏။ 40 သို့ ဖြစ်၍ ယေသျှုသည် တန့်တော်မူလျက် မျက်မမြင်အား ခေါ်ခပါဟု မိန့်တော်မူ၏။ ထိုသူသည် အနားသို့ရောက်လျှင်၊ ယေသျှုက၊ 41 “သင်သည် ငါ့အား ဇာအမှုကို ပြုစီလိုသနည်း” ဟု မိန့်တော်မူလျှင်၊ “သခင်ဘုရား၊ အကျွန်ုပ် မျက်စိပြန်မြင်ချင်ပါ၏” ဟု မျက်မမြင်က လျှောက်လေ၏။ 42 ယေသျှုကလည်း “သင်၏ မျက်စိမြင်စီ၊ သင်၏ ယုံကြည်ခြင်းသည် သင့်မျက်စိကို မြင်စီ ဗျာယ်” ဟု မိန့်တော်မူ၏။ 43 ထိုခဏအတွင်း သူသည် မျက်စိမြင်၍ ဘုရားသခင်၏ဂုဏ်ကျေးဇူးတော်ကို ချီးမွမ်းလျက် ကိုယ်တော်၏နောက်သို့ လိုက်လေ၏။ လူထုပရိသတ်ရှိသည် ထိုအခြင်းအရာကို မြင်လျှင် ဘုရားသခင်ကို ချီးမွမ်းကြကုန်၏။

19 ယေသျှုသည် ယေရိခေါမြို့ကို ဖြတ်၍ ကြွတော်မူ၏။ 2 ထိုအရပ်တွင် ဇက္ခဟု နာမည်ဟိသော ချမ်းသာကြွယ်ဝသူ အခွန်ခေါင်းတစ်ယောက်ဟိ၏။ 3 သူက ယေသျှုသည် ဇာသူဖြစ်ကြောင်းကို တို့မြင်လိုသဖြင့် ကြိုးစား၍

ကြည့်၏။ သို့ရာတွင် အရပ်ပုသူဖြစ်သဖြင့် လူထုပရိသတ်ကြောင့် ကိုယ်တော့်ကို မမြင်နိုင်။ 4 ထို့ကြောင့် ယေသျှုကို တွဲမြင်နိုင်ရန် ကြွတော်မူမည့်လမ်းအတိုင်း ရှိသို့ ပြီး၍ သဖန်းပင်တစ်ပင်ထက်သို့ တက်လေ၏။ 5 ယေသျှုသည် ထိုနီရာသို့ ရောက်သောအခါ မော်၍ ကြည့်တော်မူပြီးလျှင်၊ “ဧကွ၊ အယင် ဆင်းလာ၊ ဤနို့ သင့်အိမ်၌ ငါတည်းခိုမည်” ဟု မိန့်တော်မူ၏။ 6 ဧကွသည် အယင်ဆင်းလာပြီးလျှင် ကိုယ်တော့်ကို ဝမ်းမြောက်စွာဖြင့် ကြိုဆိုလေ၏။ 7 ဤအခြင်းအရာကို လူတို့က မြင်သောအခါ “ဤသူသည် အပြစ်သားတစ်ယောက်၏အိမ်၌ တည်းခိုရန် လားပါသည်တကား” ဟု စတင်၍ ကဲ့ရဲ့ပြစ်တင်ကြ၏။ 8 ဧကွသည်ရပ်လျက် သခင်ဘုရားအား၊ “အသျှင်၊ နားထောင်ပါ။ အကျွန်၏ဥစ္စာတစ်ဝက်ကို ဆင်းရဲသားရိုအား ပီးကမ်းပါမည်။ တဦးတစ်ယောက်ပါးက မတရား တောင်းယူထားမို့သော ငွီ ဟိပါလျှင် ထို ငွီ၏ လေးဆကို ပြန်ပီးပါမည်” ဟု လျှောက်လေ၏။ 9 ယေသျှုကလည်း၊ “အာပြဟ်၏ သားဖြစ်ခြင်းကို သူ၏ အပြုအမူအားဖြင့် ပြသောကြောင့် ကယ်တင်ခြင်းသည် ဤနို့ပင် ဤအိမ်ထက်သို့ သက်ရောက်လိမ့်ဗျာယ်။ 10 လူသားသည် ပျောက်ဆုံးသူတို့ကို ရှာဖွေရန် ကယ်တင်ဖို့ရန် ကြွလာခြင်းဖြစ်သည်” ဟု ဧကွအား မိန့်တော်မူ၏။ 11 ကိုယ်တော်သည် ဤအကြောင်းအရာတို့ကို နားထောင်နိုင်ကြသော သူရိုအား ပုံဥပမာတစ်ခုကို ထပ်၍ မိန့်တော်မူ၏။ အကြောင်းမူကား ကိုယ်တော်သည် ယေရုဆလင်မြို့အနားသို့ ရောက်လာတော်မူသဖြင့် ဘုရားသခင်၏ နိုင်ငံတော် ချက်ချင်းပေါ်ထွန်းမည်ဟု ထင်မှတ်ကြသောကြောင့် ဖြစ်၏။ 12 ထို့ကြောင့် ကိုယ်တော်က “အမတ်တစ်ယောက်သည် ဝီးသောတိုင်းပြည်တစ်ခုကို ထွက်လားပြီးလျှင် ဘုရင်အရာကိုခံယူပြီး ကိုယ့်တိုင်းပြည်ကို ပြန်လာရန် အကြံဟိ၏။ 13 ခရီးမထွက်ခင် မိမိ၏အခိုင်းအစီ ဆယ်ယောက်ကိုခေါ်ပြီး ‘ငါပြန်လာသည့်အချိန်ထိ ကုန်သွယ်မှုကို ပြုပြီးနီကြလော့’ ဟု ဆို၍ ရွှီဒင်္ဂါးတစ်ပြားစီ ပီးလိုက်၏။ 14 သို့သော် သူ၏ ပြည်သူပြည်သားရို့သည် သူ့ကို မုန်းကြသဖြင့်၊ ‘ထိုသူသည် ဘုရင်အဖြစ် အုပ်ချုပ်မှုကို ငါရိုမခံလို’ ဟု တမန်တစ်ယောက်ကို ထိုသူနောက်သို့ စီစွတ်ပြီးလျှင် လျှောက်ထားစီ၏။ 15 “ထိုအမတ်သည် ဘုရင်အရာကို ခံယူပြီး ပြန်လာ၏။ သူသည် ချက်ချင်းပင် စီးပွားရှာရန် ပီးထားခသော ရွှီဒင်္ဂါးဖြင့် ဇာလောက် အမြတ်ရထားသည်ကို သိချင်၍ အခိုင်းအစီတို့ကို ခေါ်စီ၏။ 16 ပထမတစ်ဦးသည် လာ၍ ‘ဆရာ၊ ဆရာပီးခသော ရွှီဒင်္ဂါးတစ်ပြားနှင့် အမြတ်ဆယ်ပြားရပါ၏’ ဟု လျှောက်လေ၏။ 17 သခင်က ‘သာဓု၊ သင်သည် ငယ်သားကောင်းဖြစ်၏။ ငယ်သောအမှု၌ သစ္စာဟိသူဖြစ်၍ သင်သည် မြို့ကြီးဆယ်မြို့ကို အုပ်ချုပ်လော့’ ဟု ဆို၏။ 18 ဒုတိယ အခိုင်းအစီကလည်း လာပြီးလျှင် ‘အသျှင်၊ အသျှင်ပီးခသော ရွှီဒင်္ဂါးတစ်ပြားနှင့် အမြတ် ငါးပြားရပါ၏’ ဟု လျှောက်လေ၏။ 19 အသျှင်က ‘သင်သည်လည်း မြို့ကြီးငါးမြို့ကို အုပ်ချုပ်လော့’ ဟု ဆို၏။ 20 အခြားသော အခိုင်းအစီသည် လာပြီးလျှင် ‘အသျှင်၊ အသျှင်ပီးခသော ရွှီဒင်္ဂါး ဤမှာဟိပါ၏။ ထို ရွှီဒင်္ဂါးကို အကျွန်သည် ပုဝါနှင့်ထုပ်၍ သိမ်းထားပါ၏။ 21 အသျှင်သည် ပြတ်သားသောသူ ဖြစ်သောကြောင့် အကျွန်ကြောက်ပါ၏။ အသျှင်သည် မိမိမပိုင်သောအရာတို့ကို သိမ်းယူတတ်ပြီးလျှင်၊ မိမိမစိုက်မပျိုးသော သီးနှံတို့ကိုလည်း ရိတ်သိမ်းတတ်ပါ၏’ ဟု လျှောက်လေ၏။ 22 မင်းကြီးက ‘အခိုင်းအစီဆိုး၊ သင်၏ နှုတ်ထွက်စကားအတိုင်း သင့်ကို ငါစီရင်မည်။ ငါသည် ပြတ်သားသောသူဖြစ်ပြီး ကိုယ်မပိုင်သောအရာတို့ကို သိမ်းယူတတ်၍ ကိုယ်မစိုက်မပျိုးသော အသီးအနှံတို့ကို ရိတ်သိမ်းတတ်သည်ကို သိပါလျက်နှင့်၊ 23 ငါပီးထားသော ငွီကို ငါပြန်လာသော အချိန်တွင် အတိုးနှင့်တကွ ပြန်ပီးနိုင်ဖို့ ဧကြောင့် ဘဏ်၌ အပ်ထားသနည်း’ ဟု မိန့်၏။ 24 ထို့နောက် မင်းကြီးက အနားတွင် ရပ်နိန့်သောသူရိုအား ‘ထိုသူပါးက ရွှီဒင်္ဂါးကိုယူ၍ ရွှီဒင်္ဂါးဆယ်ပြားဟိသူကို ပီးလိုက်လော့’ ဟု မိန့်တော်မူ၏။ 25 ယေဒါလည်း လူတို့က ‘အသျှင်၊ ထိုသျှ် ရွှီဒင်္ဂါးဆယ်ပြား ဟိပြီးဖြစ်ပါ၏’ ဟု လျှောက်ကြ၏။ 26 မင်းကြီးက ‘သင်ရိုအား ငါဆိုသည်ကား၊ အကြင်သူသည် ရတတ်၏။ သူအား သာ၍ ပီးဦးမည်။ အကြင်သူသည် ဆင်းရဲ၏။ သူ့ပါးမှ ဟိသမျှကိုပင် သိမ်းယူခြင်းခံရမည်။ 27 ထိုမှတစ်ပါး ဘုရင်အဖြစ် ငါ၏ အုပ်ချုပ်မှုကို မခံလိုသော ငါ၏ရန်သူတို့ကို ငါ့ရှ်တွင် ယူလာ၍ အသိသတ်လိုက်ကြလော့’ ဟု စီရင်တော်မူသည်” ဟု မိန့်တော်မူ၏။ 28 ထိုသို့ မိန့်တော်မူပြီးနောက် ယေသျှုသည် တပည့်တော်တို့ရှိက ကြွတော်မူ၍ ယေရုဆလင်မြို့သို့ တက်ကြွတော်မူ၏။ 29 သံလွင်တောင်၌ဟိသော ဗက်ဖာဂေရွာနှင့် ဗေသနိရွာအနားသို့

ရောက်တော်မူသောအခါ တပည့်တော်နှစ်ယောက်ကို အယင် ရွတ်လိုက်၍၊ **30** “သင်ရိရှိ၍ ဤဟိသောရွာသို့ လားကြလော့။ ထိုရွာကို ဝင်သောအခါ တစ်ယောက်လေ့ မစီးဖူးသော မြည်းပေါက်ချေတစ်ကောင် ချည်းထားသည်ကို တွေ့လိမ့်မည်။ မြည်းကြီးကိုဖြို၍ ဆွဲလာကြလော့။ **31** လူတစ်ယောက်က ‘ဇာဖြစ်လို့ ကြီးကို ဖြီသနည်း’ ဟု သင်ရိအား မိန်းလျှင် ‘အသျှင် အလိုဟိသည်’ ဟု ပြန်ပြောကြလော့” ဟူ၍ မှာကြား၍ ရွတ်လိုက်တော်မူ၏။ **32** ရွတ်လိုက်ခြင်းခံရသော သူရိသည်လည်း ထွက်လာကြသောအခါ ယေသျှု မိန့်တော်မူသည့်အတိုင်း အားလုံးကို တွဲမြင်ကြ၏။ **33** သူရိသည် မြည်းကြီးကို ဖြီနိုင်စဉ် မြည်းပိုင်သျှင်က “သင်ရိဇာကြောင့် မြည်းကြီးကို ဖြီသနည်း” ဟု မိန်း၏။ **34** သူရိကလည်း “အသျှင် အလိုဟိသည်” ဟု ပြန်ပြောကြ၏။ **35** ထို့နောက် သူရိသည် မြည်းကို ယေသျှုထံပါးသို့ ယူလာကြ၏။ မြည်း၏နောက်ကုန်းထက်တွင် မိမိရိ၏အဝတ်များကို တင်ပြီး ကိုယ်တော့်ကို စီးစီကြ၏။ **36** ကိုယ်တော် မြည်းစီး၍ ကြွတော်မူစဉ် လူအပေါင်းရိသည် မိမိရိ၏အဝတ်ကို လမ်းထက်၌ ဖြန့်ခင်းကြ၏။ **37** ယေရုဆလင်မြို့အနားသို့ ရောက်လာစဉ် သံလွင်တောင်အဆင်းလမ်းတွင် သူ၏တပည့်တော် လူအပေါင်းရိသည် မိမိရိ တွဲမြင်ခရသည့် အံ့ဩဗွယ်အမှုအရာများအတွက် ဝမ်းမြောက်ရွှင်လန်းလျက် ဘုရားသခင်အား ကျယ်သောအသံနှင့် ချီးမွမ်းကြ၏။ **38** “ထာဝရဘုရား၏ နာမတော်နှင့် ကြွလာတော်မူသော ဘုရင်သည် မင်္ဂလာဟိစီသတည်း။ ကောင်းကင်ဘုံ၌ ငြိမ်သက်ခြင်း ဟိစီသတည်း။ ဘုရားသခင်သည် ဘုန်းကြီးတော်မူစီသတည်း” ဟု ကြွေးကြော်ကြ၏။ **39** ထိုအခါ လူပရိသတ်ထဲမှ ဖာရိယုတချို့က “ဆရာ၊ ဆရာ၏တပည့်တော်တို့ကို တိတ်ဆိတ်စွာနိန့်ဖို့ အမိန့်ပီးပါ” ဟု ကိုယ်တော့်ကို လျှောက်ထားကြ၏။ **40** ယေသျှုက “သင်ရိအား ငါဆိုသည်ကား၊ ဤသူရိသည် တိတ်တိတ်နိန့်ကြလျှင် ကျောက်ခဲတိက ကြွေးကြော်ကြလိမ့်မည်” ဟု မိန့်တော်မူ၏။ **41** ကိုယ်တော်သည် ယေရုဆလင်မြို့အနားသို့ ရောက်တော်မူ၍ ကြည့်တော်မူလျှင် ထိုမြို့အတွက် ငိုကြွေးလျက်၊ **42** “သင်သည် ငြိမ်သက်ခြင်းအတွက် လိုအပ်သည့်အရာကို ဤနို့ သိမြင်စီခြင်းငှာ ငါအလိုဟိ၏။ သို့သော်လည်း သင်သည် ထိုအရာကို မသိမမြင်နိုင်။ **43** ရန်သူရိသည် သင့်ပတ်လည်၌ တပ်ချ၍ အဖက်ဖက်မှ ဝန်းရံပိတ်ဆို့နိုင်သည့် အချိန်ရောက်လာလိမ့်မည်။ **44** သူရိသည် သင်နှင့် သင်၏မြို့ရိုးအတွင်း၌ဟိသော လူတို့ကို ဖျက်ဆီးကြလိမ့်မည်။ ကျောက်တစ်တုံးအထက်မှာ တစ်တုံး တင်ကျန်ရလိမ့်မည် မဟုတ်။ အကြောင်းမူကား သင်ရိကို ကယ်တင်ဖို့ ဘုရားသခင်ကြွလာသော အချိန်ကာလကို မသိမမြင်လို့ ဖြစ်၏” ဟု မိန့်တော်မူ၏။ **45** ထို့နောက် ယေသျှုသည် ဗိမာန်တော်သို့ ဝင်တော်မူပြီးလျှင် ရောင်းဝယ်သောသူရိကို နှင်ထုတ်တော်မူပြီး၊ **46** ထိုသူရိအား “ဘုရားသခင်က၊ ‘ငါ၏ဗိမာန်တော်သည် ဆုတောင်းရာအိမ် ဖြစ်၏’ ဟု ကျမ်းစာ၌ ရိုးထားသည်ဟု မိန့်တော်မူထားသော်လည်း သင်ရိက ငါ၏ဗိမာန်တော်ကို သူခိုးတွင်း ဖြစ်စီဗျာယ်” ဟု မိန့်တော်မူ၏။ **47** ကိုယ်တော်သည် နို့တိုင်း ဗိမာန်တော်၌ ဟောပြောသွန်သင်တော်မူ၏။ ယဇ်ပုရောဟိတ်ကြီးများ၊ ကျမ်းတတ်ဆရာများနှင့် လူအကြီးအကဲရိသည် ကိုယ်တော့်ကို အသိသတ်ရန် အခွင့်ရှာကြသော်လည်း၊ **48** လူအပေါင်းရိသည် တရားစကားများကို အာရုံစိုက်၍ နာယူနိုင်ကြသောကြောင့် သူရိသည် ကိုယ်တော်အား သတ်ရမည့်အခွင့်ကို ရှာ၍ မရနိုင်ကြ။

20 တစ်နိဉ် ယေသျှုသည် ဗိမာန်တော်တွင် လူတိအား ဆုံးမဩဝါဒစီး၍ သတင်းကောင်းကို ဟောပြောလျက်နိန့်စဉ် ယဇ်ပုရောဟိတ် အကြီးအကဲများ၊ ကျမ်းတတ်ဆရာများနှင့် လူအကြီးအကဲရိသည် ကိုယ်တော်ထံသို့ လာကြ၏။ **2** သူရိက “ကိုယ်တော်သည် ဤအမှုအရာများကို ဇာအခွင့်နှင့် ပြုတော်မူသနည်း။ ဤအခွင့်ကို ဇာသူက ပီးတော်မူသနည်း။ အကျွန်ရိကို ပြောပြပါ” ဟု မိန်းမြန်းကြ၏။ **3** ယေသျှုက “ငါလည်း သင်ရိအား မိန်းခွန်းတစ်ခုကို မိန်းဦးမည်။ **4** ယောဟန်၏ဗတ္တိဇံသည် ဘုရားသခင်ထံမှ လာသလော။ သို့မဟုတ် လူတိပါးမှ လာသလော ငါ့ကိုပြောလော့” ဟု မိန်းတော်မူ၏။ **5** သူရိသည် “ဘုရားသခင်ထံမှ လာသည်” ဟု ငါရိဆိုကော ‘ယောဟန်အား သင်ရိဇာကြောင့် မယုံကြည်ကြသနည်း’ ဟု မိန်းလာလိမ့်မည်။ **6** သို့သော်လည်း ‘လူတိပါးမှ လာသည်’ ဟု ဆိုလျှင် လူတိက ယောဟန်အား ပရောဖက်တစ်ပါး ဖြစ်ကြောင်းကို အမှန်ယုံကြည်ကြ၍ ငါရိကို ကျောက်ခဲနန့် ပစ်ကြလိမ့်မည်” ဟု အချင်းချင်း

တိုင်ပင်ကြ၏။ 7 ထို့ကြောင့် သူရိုက၊ “ဇာသုပါးက လာသည်ကို အကျွန်ုပ်ရိုမသိပါ” ဟု ဖြေကြားကြ၏။ 8 ထိုအခါ ယေသျှုကလည်း၊ “ငါသည်လည်း ဇာအခွင့်အာဏာနန့် ဤအရာများကို ပြန်နိုင်သည်ကို သင်ရိုအား ပြောလိမ့်မည် မဟုတ်” ဟု မိန့်တော်မူ၏။ 9 ထို့နောက် ယေသျှုက လူတိအား မိန့်တော်မူသော ပုံဥပမာကား၊ “လူတစ်ယောက်သည် စပျစ်ဥယျာဉ်ကို စိုက်ပျိုးပြီး သီးစားချထားကာ အခြားပြည်သို့ လား၍ ကာလအတန်ကြာ နီထိုင်လေ၏။ 10 အသီးပေါ်ချိန် ရောက်သောအခါ ကျွန်တစ်ယောက်ကို ခြံသမားထံပါးသို့ စီခွတ်ပြီးလျှင် သီးစားခကို တောင်းစီ၏။ သို့သော်လည်း ခြံသမားတို့က ထိုကျွန်ကို သတ်ပုတ်၍ လက်ခစီး ပြန်ခွတ်လိုက်ကြ၏။ 11 ထို့ကြောင့် ဥယျာဉ်သျှင်သည် အခြားကျွန်တစ်ယောက်ကို စီခွတ်ပြန်၏။ သို့သော်လည်း ခြံသမားရိုသည် သူ့ကိုလည်း သတ်ပုတ်ပြီးလျှင် အရှက်ခွဲ၍ လက်ခစီး ပြန်ခွတ်လိုက်ပြန်၏။ 12 ထို့နောက် ဥယျာဉ်သျှင်သည် တတိယကျွန်ကို စီခွတ်လိုက်သော်လည်း ခြံသမားတို့က ထိုကျွန်အား ရိုက်ပုတ်လျက် ဒဏ်ရာရစီပြီးလျှင် အပြင်ဖက်သို့ နှင်ထုတ်လိုက်ကြ၏။ 13 စပျစ်ဥယျာဉ်ပိုင်သျှင်က ‘ငါ ဇာပိုင် လုပ်ရမည်နည်း၊ ငါ၏ ချစ်သောသားကို ခွတ်လိုက်လျှင် သူရိုက ရိုသီလေးစားလောက်သည်’ ဟု ဆို၏။ 14 သို့သော်လည်း ခြံသမားရိုသည် ဥယျာဉ်သျှင်၏သားကို မြင်သောခါ ‘ဤသူသည် အဓိဓံဖြစ်၏။ ငါရိုသည် ထိုသူအဓိကိုရအောင် သူ့ကို အသိသတ်ပစ်လိုက်ကြမည်’ ဟု အချင်းချင်း တိုင်ပင်ပြီးလျှင်၊ 15 စပျစ်ဥယျာဉ်ပိုင်သျှင်၏သားကို ဥယျာဉ်၏ အပြင်ကိုထုတ်၍ အသိသတ်ပစ်ကြ၏။ “ထို့ကြောင့် ဥယျာဉ်ပိုင်သျှင်သည် ခြံသမားတိအား ဇာပိုင်လုပ်မည်နည်း” ဟု ယေသျှုက မိန့်တော်မူ၏။ 16 ထိုအခါ ယေသျှုက “စပျစ်ဥယျာဉ်သျှင်သည် လာပြီးလျှင် သူရိုကို အသိသတ်ပြီး ဥယျာဉ်ကို အခြားသော သီးစားခြံသမားတိပါးသို့ အပ်လိမ့်မည်” ဟု မိန့်တော်မူ၏။ ထိုစကားကို ကြားသောအခါ သူရိုက၊ “ထိုသို့ မဖြစ်ပါစီကေ” ဟု ဆိုကြ၏။ 17 ယေသျှုက လူတိအား ကြည့်ရှုတော်မူပြီးလျှင်၊ “သို့ဖြစ်၍ ကျမ်းစာ၌ ဖော်ပြသည်ကား မည်သို့နည်း။ “တိုက်ကိုဆောက်သောလူတိ ပယ်ထားသောကျောက်သည်၊ အရေးကြီးဆုံးဖြစ်သော တိုက်ထောင့်ကိုချုပ်သော ကျောက်ဖြစ်လာရ၏။’ 18 ထိုကျောက်ထက်၌ ကျသောသူသည် အပိုင်းပိုင်းကျိုးလိမ့်မည်။ ထိုကျောက် ကျခြင်းခံရသည့် သူသည်လည်း အမှုန်ကြိတ်ခံရလိမ့်မည်” ဟု မိန့်တော်မူ၏။ 19 ကျမ်းတတ်ဆရာများနှင့် ယဇ်ပုရောဟိတ်အကြီးအကဲရိုသည် မိမိရိုအား ရည်ညွှန်း၍ ဤပုံဥပမာဖြင့် မိန့်တော်မူကြောင်းကို သိကြသဖြင့် ယေသျှုကို ဖမ်းဆီးကြရန် ရှာကြလေ၏။ သို့သော်လည်း လူတိကို ကြောက်ကြ၏။ 20 ထို့ကြောင့် အခွင့်ကောင်းကို စောင့်ကြည့်လျက် ယေသျှုစကားတွင် အမှားကိုရှာပြီးလျှင် ကိုယ်တော်အား ရောမဘုရင်ခံ၏လက်သို့ အပ်နိုင်ရန် လူတချို့ကို အခွင့်ပီးပြီး သူတော်ကောင်းယောင်ဆောင်စီကာ သူလျှိုအဖြစ် ကိုယ်တော်ထံသို့ စီခွတ်ကြ၏။ 21 သူလျှိုတို့က၊ “ဆရာ၊ ဆရာ ဟောပြောသွန်သင်တော်မူသော အရာအားလုံး မှန်ကန်ကြောင်းကို အကျွန်ုပ်ရိုသိပါ၏။ ဆရာသည် လူမျက်နှာကိုမထောက်ဘဲ ဘုရားသခင်၏ တရားလမ်းကို ဖြောင့်မတ်စွာ သွန်သင်တတ်ပါ၏။ 22 အကျွန်ုပ်ရိုသည် ကဲသာဘုရင်ကို အခွန်ဆက်သခြင်းသည် ပညတ္တိကျမ်းနှင့် ညီပါသလား၊ မညီသလား” ဟု မိန့်လျှောက်ကြ၏။ 23 ယေသျှုသည် သူရို၏ ပရိယာယ်ကို သိတော်မူသဖြင့်၊ သူရိုအား 24 “ဦးဒဂ်းတစ်ပြားကို ငါအားပြလော၊ ဤ ဦးဒဂ်း၌ ဇာသုပုံ၊ ဇာသုနာမည် ပါသနည်း” ဟု မိန့်တော်မူ၏။ သူရိုက “ကဲသာဘုရင်၏ ပုံနှင့် သူ၏ နာမည်ဟိပါ၏” ဟု ပြန်လျှောက်ကြ၏။ 25 ထို့ကြောင့် ယေသျှုက “ကဲသာဘုရင်ပိုင်သည့်အရာကို ကဲသာဘုရင်အား ဆက်သကြလော၊ ဘုရားသခင်ပိုင်သည့်အရာကို ဘုရားသခင်အား ဆက်သကြလော” ဟု မိန့်တော်မူ၏။ 26 သူရိုသည် လူတိရှိတွင် ကိုယ်တော်၏စကား၌ အပြစ်မထွဲ့သဖြင့် ကိုယ်တော်၏ ဖြေကြားတော်မူပုံကို အံ့ဩလျက် တိတ်ဆိတ်နိုင်ကြ၏။ 27 ထို့နောက် လူသည် သီခြင်းမှ ရှင်ပြန်ထမြောက်ခြင်းမဟီဟု ယုံကြည်ကြသော ဇေလကတချို့သည် ယေသျှုထံသို့ ချဉ်းကပ်၍၊ 28 “ဆရာ၊ ‘မယားဟိသောသူ တစ်ယောက်သည် သားသမီးမထွန်းကားဘဲ သီဆုံးလားလျှင် ကျန်ခသည့် မုဆိုးမကို ညီဖြစ်သောသူက လက်ထပ်ယူ၍ အစ်ကိုမျိုးဆက်ကို တိုးပွားစီရမည်’ ဟု အကျွန်ုပ်ရိုကို မောသျှေ စီရင်ခပါ၏။ 29 တစ်ခါက ညီအစ်ကိုခုနစ်ယောက် ဟိပါ၏။ အစ်ကိုကြီးသည် အိမ်ထောင်ကျသော်လည်း သားသမီးမထွန်းကားဘဲ သီဆုံးလေ၏။

30 ပြီးလျှင် ဒုတိယညီသည် သူမရိုးအား လက်ထပ်လိုက်သော်လည်း သားသမီးမထွန်းကားဘဲ သီဆုံးလားပြန်၏။

31 တတိယညီကလည်း လက်ထပ်ပြန်၏။ ထိုနည်းတူ ညီအစ်ကိုခုနစ်ယောက်စလုံးသည် သားသမီးမထွန်းကားဘဲ သီဆုံးလားလေ၏။ 32 နောက်ဆုံး၌ မိန်းမကြီးလည်း သီဆုံးလားလေ၏။ 33 ထို့ကြောင့် ရှင်ပြန်ထမြောက်သောနိဗ္ဗာန်ထိုမိန်းမသည် ဇာသူမယား ဖြစ်မည်နည်း။ ထိုသူ ခုနစ်ယောက်စလုံးသည် သူမနှင့် လက်ထပ်ထားသူများ ဖြစ်ကြ၏” ဟု မိန်းလျှောက်ကြ၏။

34 ယေသျှုကလည်း “ဤဘဝ၌ လူသည် အိမ်ထောင်ပြုကြ၏။ (aīṇ g165) 35 သို့သော်လည်း သီခြင်းမှ ရှင်ပြန်ထမြောက်ပြီး နောင်ဘဝကို ဝင်ရသည့် လူတိမ္မာကား အိမ်ထောင်ပြုခြင်းမဟိ။ (aīṇ g165) 36 ထိုသူရှိသည် သီဆုံးခြင်းမဟိဘဲ ကောင်းကင်တမန်ပိုင် ဖြစ်ကြလိမ့်မည်။ သူရှိသည် သီဆုံးခြင်းမှ ရှင်ပြန်ထမြောက်သောသူများဖြစ်၍ ဘုရားသခင်၏သား ဖြစ်ကြ၏။ 37 မီးလောင်နိုင်သော ခြုံပုတ်အကြောင်း ဖော်ပြရာ၌ မောသျှုက သခင်ဘုရားသည် ‘အာဗြဟံ၏ဘုရား၊ က္လဇာ၏ဘုရား၊ ယာကုပ်၏ ဘုရားဖြစ်သည်’ ဟုဆိုရာ၌ သီလွန်သောသူရှိသည် ရှင်ပြန်ထမြောက်ကြောင်းကို ယှင်းလင်းစွာ ဖော်ပြခြင်းပင်ဖြစ်၏။ 38 ထိုသူရှိသည် ဘုရားသခင်၏ရှိ၍ အသက်ရှင်သော သူတို့ဖြစ်သည့်အတွက် ဘုရားသခင်သည် သီသောလူတို့ ဘုရား မဟုတ်။ အသက်ရှင်သော သူရှိ၏ ဘုရားဖြစ်တော်မူ၏” ဟု မိန့်တော်မူ၏။ 39 ကျမ်းတတ်ဆရာတချို့က “ဆရာ၊ ဆရာ၏စကားသည် အလွန်လျှောက်ပတ်ပါ၏” ဟု လျှောက်ကြ၏။ 40 သူရှိက နောက်ထပ် မိန်းခွန်းများကို ကိုယ်တော်အား မမိန်းလျှောက်ဝံ့ကြ။ 41 ယေသျှုက ထိုသူရှိအား “မေသျှုယသည် ဒါဝိဒ်၏သားမြီးဖြစ်သည်ဟု ဇာကြောင့်ပြောကြသနည်း။ 42 ဒါဝိဒ်ကိုယ်တိုင် ဆာလံကျမ်း၌ “‘ထာဝရဘုရားက ငါသည် သင်ရီ၏ 43 ရန်သူတို့ကို သင်သည် ခြံတင်ရန် သင်၏ခြံ အောက်၌ ငါ မချထားခင်တိုင်အောင်၊ ငါ၏ လက်ယာဖက်၌ ထိုင်နိုင်လော့၊ ဟု ငါ့အသျှင်အား မိန့်တော်မူသည်’ ဟု ဆို၏။ 44 ဒါဝိဒ်သည် မေသျှုယအား ‘အသျှင်’ ဟုခေါ်လျှင် ဇာကြောင့် မေသျှုယသည် ဒါဝိဒ်၏သား ဖြစ်နိုင်မည်နည်း” ဟု မိန်းတော်မူ၏။ 45 လူအပေါင်းရှိသည် နားထောင်လျက် နိန့်ကြစဉ် ကိုယ်တော်သည် တပည့်တော်ရှိအား၊ 46 “ကျမ်းတတ်ဆရာတို့ကို သတိနိဗ္ဗာန်ဟောကြလော့။ သူရှိသည် ဝတ်ရုံရှည်ကို ဝတ်၍ လမ်းလျှောက်ခြင်းကို နှစ်သက်ကြ၏။ ဈေးနီရာတို့၌ ရိုသီစွာ နှုတ်ဆက်ခြင်းနှင့် တရားဇရပ်၊ ပွဲသဘင်များတွင် မြင့်မြတ်သောနီရာ၌ ထိုင်ခြင်းငှာ နှစ်သက်ကြ၏။ 47 မုဆိုးမအိမ်တို့ကို လိမ်လည်လှည့်ဖြားကာ သိမ်းယူပြီးလျှင် လူအထင်ကြီးအောင် အကြာကြီး ဆုတောင်းတတ်ကြ၏။ သူရှိသည် မှားယွင်းမှုကြောင့် ပို၍ ကြီးမားသောအပြစ်ကို ခံရလိမ့်မည်” ဟု မိန့်တော်မူ၏။

21 ယေသျှုသည် မျှော်ကြည့်သောအခါ ချမ်းသာသောသူများသည် ဗိမာန်တော်၏ ဘဏ္ဍာတိုက်ထဲသို့ ထည့်ဝင်နိုင်ကြသည်ကို မြင်တော်မူ၏။ 2 ဆင်းရဲသော မုဆိုးမတစ်ယောက်သည်လည်း သေးငယ်သော ကြေးဒင်္ဂါးနှစ်ပြား လှူဒါန်းနိုင်သည်ကို မြင်တော်မူ၏။ 3 ကိုယ်တော်ကလည်း “သင်ရှိအား ငါဆိုသည်ကား၊ ဆင်းရဲသော မုဆိုးမသည် အခြားသော လူတို့ထက် ပို၍ ထည့်ဝင်လှူဒါန်းလေ၏။ 4 ချမ်းသာသောလူတို့က သူရှိ၏ ဇွဲပိုဇွဲလျှံထဲက ထည့်ဝင်လှူဒါန်းကြ၏။ ဤဆင်းရဲသော မုဆိုးမသည် ဆင်းရဲသော်လည်း သူမ၌ဟိသော ဝမ်းစာအားလုံးကိုပင် ပီးလှူ ဗျာယ်” ဟု မိန့်တော်မူ၏။ 5 တပည့်တော်တချို့က ဗိမာန်တော်သည် လှပသောကျောက်တုံးများ၊ ဘုရားသခင်အား ပူဇော်လှူဒါန်းထားသော ဝတ္ထုပစ္စည်းများနှင့် အလွန်တင့်တယ်လျက်ဟိကြောင်းကို ပြောဆိုကြ၏။ 6 ယေသျှုက “သင်ရှိမြင်ရသော အရာများသည် ကျောက်ခဲတစ်တုံးတောင်မှ မူလနီရာ၌ တင်၍ မဟိအောင် ပြုပျက်သည့်အချိန် ရောက်လာလိမ့်မည်” ဟု မိန့်တော်မူ၏။ 7 ထိုသူရှိက “ဆရာ၊ ဤအမှုအရာများသည် ဇာအချိန်၌ ဖြစ်ပျက်ပါမည်နည်း။ ထိုအမှုအရာများ ဖြစ်ပျက်ချိန်၌ ဇာနိမိတ်လက္ခဏာတိ ပေါ်ထွန်းလာမည်နည်း” ဟု မိန်းလျှောက်ကြ၏။ 8 ယေသျှုကလည်း “သင်ရှိသည် လှည့်စားခြင်း မခံရစီခြင်းငှာ သတိထားကြလော့။ လူတို့က ငါ့အယောင်ဆောင်၍ ‘ငါသည် မေသျှုယဖြစ်သည်’ ဟု ဆို၍ လည်းကောင်း၊ ‘အချိန်ရောက်လာဗျာယ်’ ဟု ဆို၍ လည်းကောင်း၊ သင်ရှိပါးကို ရောက်လာကြလိမ့်မည်။ ထိုသူရှိနောက်ကို မလိုက်ကတ်ကော့။ 9 သင်ရှိသည်

စစ်တိုက်ခြင်းအကြောင်းနှင့် တော်လှန်ပုန်ကန်ခြင်းအကြောင်း သတင်းကို ကြားကြသောအခါ ကြောက်ရွံ့စိုးရိမ်ခြင်း မဟိကတကေ။ ဤအမှုအရာတိသည် အယဉ်ဦးစွာ ဖြစ်ပျက်ရမည်။ သို့သော်လည်း နောက်ဆုံးသော အချိန်ကား မရောက်သိမ့်” ဟု မိန့်တော်မူ၏။ 10 ထို့ပြင် ကိုယ်တော်က၊ “လူတစ်မျိုးနှင့် တစ်မျိုး၊ နိုင်ငံတစ်နိုင်ငံနှင့် တစ်နိုင်ငံ စစ်ဖြစ်ကြလိမ့်မည်။ 11 နီရာအနှံ့တွင် မြီလျှင် ပြင်းထန်စွာလှုပ်ခြင်း၊ အစာခေါင်းပါးခြင်း၊ ကပ်ရောဂါ ကျရောက်ခြင်းများ ဖြစ်လိမ့်မည်။ ကောင်းကင်မှလည်း ကြောက်မက်ဖွယ်သော အရာများနှင့် ပုဗ္ဗနိမိတ်များ ဖြစ်ပေါ်လာကြလိမ့်မည်။ 12 ဤအမှုအရာတိ မဖြစ်ခင် ငါ၏နာမကြောင့် သင်ရိုကို လူတိက ဖမ်းဆီးညှဉ်းဆဲပြီးလျှင် တရားဇရပ်များတွင် လည်းကောင်း၊ အကျဉ်းထောင်များတွင် လည်းကောင်း အပ်နှံကြလိမ့်မည်။ သျှင်ဘုရင်၊ အုပ်ချုပ်သူတိပါးသို့ ပို့ဆောင်ကြလိမ့်မည်။ 13 ဤသို့အားဖြင့် သင်ရိုသည် သတင်းကောင်းကို ပြောရသောအခွင့် ရကြလိမ့်မည်။ 14 ထို့ကြောင့် သင်ရိုကိုယ်တိုင် ဇာပိုင် ပြန်ပြောရမည်ကို ကြိုတင်၍ မစိုးရိမ်ကြစီခြင်းငှာ စိတ်ကိုခိုင်ခန့်စီကြလော့။ 15 အကြောင်းမူကား သင်ရို၏ ရန်သူတစ်ဦးတစ်ယောက်မျှ မပြင်းခုံ၊ မဟန်တားနိုင်အောင် သင်ရိုအား နှုတ်သတ္တိ၊ ဉာဏ်သတ္တိကို ငါပီးမည်။ 16 သင်ရိုကို မိဖ၊ ညီအစ်ကို၊ ဆွေမျိုးသားချင်း၊ အဆွေခင်ပွန်းတိက ရန်သူလက်ကို အပ်နှံကြပြီးလျှင် တချို့ကို အသိသတ်ကြလိမ့်မည်။ 17 လူတိုင်းက ငါ၏နာမကြောင့် သင်ရိုကို မုန်းတီးကြလိမ့်မည်။ 18 သို့သော်လည်း သင်ရို၏ဂေါင်းမှ ဆံချည်တစ်မျှင်တောင်မျှ ပျက်စီးလိမ့်မည် မဟုတ်။ 19 သင်ရိုသည် တည်ကြည်သောအားဖြင့် ကယ်တင်ခြင်းသို့ ရောက်ကြလော့” ဟု မိန့်တော်မူ၏။ 20 “ယေရုဆလင်မြို့ကို စစ်တပ်များ ပတ်လည်ဝိုင်းရံထားသည်ကို သင်ရိုမြင်သောအချိန်ကား ထိုမြို့သည် မကြာမီ ပျက်စီးလိမ့်မည်ကို သင်ရိုသိထား၏။ 21 ထိုအချိန်၌ ယုဒပြည်၌ဟိသော လူတိက တောင်ထက်သို့ ငြိုးကြစီ။ မြို့ထဲ၌ ဟိနိန်သော လူရိုသည် မြို့ပြင်ကို ထွက်လာစီ။ တောရွာ၌ ဟိနိန်ကြသောသူသည် မြို့ထဲကို မဝင်စီကတကေ။ 22 အကြောင်းမူကား၊ ထိုနီရက်ကာလများသည် ကျမ်းစာ၌ ဖော်ပြထားသောအရာအားလုံး ပြည့်စုံမည့် ‘ပြစ်ဒဏ်စီရင်သော နီရက်ကာလ’ ပင် ဖြစ်၏။ 23 ထိုနီရက်ကာလ၌ ကိုယ်ဝန်လွယ်ထားသော မိန်းမတို့နှင့် နို့စို့ချေဟိသော မိခင်တိအတွက် အလွန်ခက်ခဲလိမ့်မည်။ ယုဒပြည်သည် အတိဒုက္ခရောက်ပြီးလျှင် တိုင်းသူပြည်သားရိုသည် အမျက်တော် သင့်ကြလိမ့်မည်။ 24 လူတချို့သည် ဒါးဖီးနှင့် သီရပြီးလျှင် တချို့က သုံးပန်းအဖြစ် အတိုင်းတိုင်းအပြည်ပြည်သို့ ဖမ်းလားခြင်း ခံရလိမ့်မည်။ တစ်ပါးအမျိုးသားရိုသည် မိမိရိုအချိန်ကာလ ပြည်စုံသည်အထိ ယေရုဆလင်မြို့ကို နင်းမြီကြလိမ့်မည်။ 25 “နီ၊ လ၊ ကြယ်နက္ခတ်များ၌ ပုဗ္ဗနိမိတ်တိ ထင်ရှားလိမ့်မည်။ မြီကြီးထက်၌လည်း လူမျိုးအသီးသီးရိုသည် သမုဒ္ဒရာလှိုင်းတံပိုး ကြီးခြင်းကြောင့် မငြိမ်မသက်ဖြစ်ခြင်း၊ ကြောက်ရွံ့တုန်လှုပ်ခြင်း ဖြစ်ကြလိမ့်မည်။ 26 လူတိက ကမ္ဘာမြီကြီး၌ ကျရောက်လတ္တံ့သော ကပ်ဖီးများကို မျှော်ကြည့်၍ ကြောက်လန့်ကာ မိုမောကြလိမ့်မည်။ အကြောင်းမူကား ကောင်းကင်တန်ခိုးများ တုန်လှုပ်ကြသောကြောင့် ဖြစ်၏။ 27 ထိုအချိန်၌ လူသားသည် တိမ်ကိုစီးပြီး ကြီးစွာသော ဘုန်းတန်ခိုးကိုဆောင်၍ ကြွလာတော်မူသည်ကို သူရိုသည် မြင်ကြလိမ့်မည်။ 28 ဤအမှုအရာများ ဖြစ်ပျက်လာသောအခါ သင်ရိုအား ရွီးနုတ်ကယ်တင်တော်မူခြင်းငှာ အချိန်နီးကပ် နိန်ပြီဖြစ်၍ သင်ရို၏ဂေါင်းကို မော့၍ အထက်ကို မျှော်ကြည့်ကြလော့” ဟု မိန့်တော်မူ၏။ 29 ထို့နောက် ကိုယ်တော်သည် သူရိုအား ပုံပဗမာဆောင်၍၊ “သင်ဘောသဖန်းပင်နှင့် အခြားသော သစ်ပင်တိကို မှတ်ကြလော့။ 30 ထိုအပင်များ ရွက်နုထွက်သည်ကို သင်ရိုမြင်သောအခါ နို့ကာလ နီးပြီဖြစ်ကြောင်း သိကြ၏။ 31 ထိုနည်းတူ ဖော်ပြသော အမှုအရာများ ဖြစ်ပျက်နိုင်သည်ကို မြင်ရလျှင် ဘုရားသခင်၏ နိုင်ငံတော်တည်ချိန် နီးပြီဖြစ်ကြောင်း သိမှတ်ကြလော့။ 32 “ငါအမှန်ကန်ဆိုသည်ကား၊ အဂု အသက်ရှင်နိုင်သော လူများမသိဆုံးခင် ဤအကြောင်းအရာအားလုံး ဖြစ်ပျက်ရလိမ့်မည်။ 33 ကောင်းကင်နှင့်မြီကြီး မတည်သော်လည်း ငါ့စကားတည်လိမ့်မည်။ 34 “သင်ရိုသည် သောက်စားမူးယစ်ခြင်း၊ လောကီမှုအတွက် စိုးရိမ်ပူပန်ခြင်းများနှင့် အချိန်မကုန်စီရန် သတိနန် နိန်ကြလော့။ သို့မဟုတ် ငါပြန်ကြွလာမည့် ထိုနီရက်သည် ထောင်ချောက်ပိုင် သင်ရိုပါးသို့ ရုတ်တရက် ရောက်လာလိမ့်မည်။ 35 အကြောင်းမူကား ထိုနီရက်သည် လောက၌ဟိသော လူသားအားလုံးကို

အုပ်မိလိမ့်မည်။ 36 နီးနီးကြားကြားနီ၍ အစဉ်မပြတ် ဆုတောင်းကြလော့။ အကြောင်းမူကား ကျရောက်လာမည့်ဖိုးနှင့် ကင်းလွတ်ပြီး လူသား၏ရိုတော်မှောက်၌ မတ်မတ်ရပ်နိုင်မည် အကြောင်းတည်း” ဟု မိန့်တော်မူ၏။ 37 ကိုယ်တော်သည် နိအခါ၌ ဗိမာန်တော်၌ ဟောပြောသွန်သင်တော်မူပြီးလျှင် ညအခါ၌ သံလွင်တောင်သို့လား၍ ညဉ့်ကို လွန်စီတော်မူ၏။ 38 လူအပေါင်းရှိသည် ဗိမာန်တော်၌ တရားတော်နားထောင်ကြရန် နံနက်စောစောထ၍ ကိုယ်တော့်ထံသို့လာကြ၏။

22 ပသခါပွဲဟု ခေါ်သော တဆီးမဲ့မုန့် ပွဲတော်အချိန် နီးလာလေ၏။ 2 ယဇ်ပုရောဟိတ်ကြီးရှိနှင့် ကျမ်းတတ်ဆရာရှိသည် လူတို့ကို ကြောက်သောကြောင့် ကိုယ်တော့်ကို လျှို့ဝှက်စွာသတ်ရန် နည်းလမ်း ရှာဖွေလျက်နိန့်ကြ၏။ 3 ထိုအခါ စာတန်သည် တပည့်တော်တစ်ဆယ့်နှစ်ပါး အပါဝင်ဖြစ်သော ယုဒသူကာရုတ်ထံသို့ ဝင်လေ၏။ 4 ထို့ကြောင့် ယုဒသည် ယဇ်ပုရောဟိတ်ကြီးရှိနှင့် ဗိမာန်တော်မှူးရိုပါးသို့ လား၍ ကိုယ်တော့်ကို မည်သည့်နည်းဖြင့် အပ်ရန် ဆွေးနွေးတိုင်ပင်ကြ၏။ 5 သူရှိသည် ဝမ်းမြောက်ကြ၍ ဖဲသာပီးမည်ဟု ဝန်ခံကြ၏။ 6 ယုဒသည် သဘောတူညီလျက် လူများမသိအောင် ယေသူျအား သူရိုလက်သို့ အပ်ရန် အချိန်ကောင်းကို ရှာကြံလျက် နိန့်၏။ 7 တဆီးမဲ့မုန့် ပွဲတော်တွင် ပသခါသိုးသူငယ်ကိုသတ်၍ ပူဇော်ရာမှီရက် ကျရောက်လာ၏။ 8 ယေသူျက ပေတရနှင့် ယောဟန်ရှိအား “ငါရိုစားရန် ပသခါပွဲဥပဇာကို လားပြီး ပျင်ဆင်ကြလော့” ဟု ဆို၍ စီစဉ်တော်မူ၏။ 9 သူရိုက “ဇာအရပ်တွင် ပျင်ဆင်ရပါမည်နည်း” ဟု မိန်းလျှောက်ကြ၏။ 10 ကိုယ်တော်က “သင်ရိုသည် မြို့တွင်းကို ဝင်သောအခါ ရီအိုးကို ထမ်းလာသော လူတစ်ယောက်က သင်ရိုကို ကြိုဆိုလိမ့်မည်။ သူ့နောက်ကိုလိုက်ပြီး သူဝင်လားသော အိမ်ထဲသို့ ဝင်ကြလော့။ 11 အိမ်သျှင်အား ‘ငါနန့် ငါတပည့်တော်တို့ ပသခါပွဲဥပဇာကိုစားဖို့ အခန်းကား ဇာမာလဲ၊ ဆရာက မိန်းသည်’ ဟု ပြောပါ။ 12 ထိုသူက ပျင်ဆင်ထားသော ကျယ်ဝန်းသော အထက်ခန်းကို ပြလိမ့်မည်။ ထိုအခန်း၌ အသင့် ပျင်ဆင်ကြလော့” ဟု မိန့်တော်မူ၏။ 13 သူရိုသည် ထွက်လားပြီးနောက် ကိုယ်တော် မိန့်မှာတော်မူသည့်အတိုင်း တွဲရကြသဖြင့် ပသခါပွဲတော်ကို အသင့်ပျင်ဆင်ကြ၏။ 14 ထိုအချိန် ရောက်လာသောအခါ ယေသူျသည် တမန်တော်ရှိနှင့်အတူ စားပွဲတွင် ထိုင်တော်မူ၏။ 15 ကိုယ်တော်က “ငါသည် အသိမခံရခင် ဤပသခါပွဲဥပဇာကို သင်ရိုနှင့်အတူစားဖို့ အလွန်အလိုပါ၏။ 16 ငါဆိုသည်ကား၊ ပသခါပွဲ၏ ရည်ရွယ်ချက်သည် ဘုရားသခင်၏ နိုင်ငံတော်၌ ပြည့်စုံခြင်းသို့ မရောက်ခင်အထိ နောက်တဖန် ငါစားလိမ့်မည် မဟုတ်” ဟု မိန့်တော်မူ၏။ 17 ထို့နောက် ယေသူျသည် ခွက်ကိုယူ၍ ဘုရားသခင်၏ကျေးဇူးတော်ကို ချီးမွမ်းတော်မူပြီးလျှင် “ဤခွက်ကိုယူပြီး အချင်းချင်း မျှဝေကြလော့။ 18 သင်ရိုအား ငါဆိုသည်ကား၊ အဂုမုစ၍ ဘုရားသခင်၏ နိုင်ငံတော်မတည်မချင်း ဤစပျစ်ရည်ကို နောက်တဖန် ငါသောက်လိမ့်မည် မဟုတ်” ဟု မိန့်တော်မူလျက်၊ 19 ကိုယ်တော်သည် မုန့်ကိုယူ၍ ဘုရားသခင်၏ကျေးဇူးတော်ကို ချီးမွမ်းပြီးမှ မုန့်ကိုဖဲ့၍ တပည့်တော်ရှိအား ပီးတော်မူပြီးလျှင် “ဤမုန့်ကား သင်ရိုအတွက်စွန့်သော ငါ၏ကိုယ်ခန္ဓာဖြစ်၏။ ငါ့ကို အောက်မိဖို့ ဤသို့ပြုကြလော့” ဟု မိန့်တော်မူ၏။ 20 ထိုနည်းတူ ညစာစားပြီးနောက် ခွက်ကို ယူတော်မူလျက် “ဤခွက်ကား သင်ရိုအဖို့ သွန်းသော ငါ၏အသွီးနှင့်ပြုသည့် ပဋိညာဉ်တရားသစ်ဖြစ်၏။ 21 “သို့သော်လည်း ကြည့်ရှုကြလော့။ ငါ့ကို ရန်သူလက်သို့ အပ်မည့်သူသည် ငါနန့်အတူ စားပွဲ၌ ဟိ၏။ 22 လူသားသည် ဘုရားသခင် ခန့်ခွဲမှတ်သားတော်မူသည်အတိုင်း အသိခံရန် အမှန်ပင်လားရမည်။ သို့သော်လည်း လူသားကို ရန်သူလက်သို့ အပ်နှံသူသည် အမင်္ဂလာဟိ၏” ဟု မိန့်တော်မူ၏။ 23 တပည့်တော်ရှိသည် မိမိရိုအထဲမှ ဇာသူက ဤအမှုကို ပြလိမ့်မည်နည်းဟု အချင်းချင်း မိန်းမြန်းကြ၏။ 24 တပည့်တော်ရှိသည် မိမိရိုထဲတွင် ဇာသူက အကြီးမြတ်ဆုံးဖြစ်သနည်းဟု ငြင်းခုံကြ၏။ 25 ယေသူျက “လောကီမင်းရှိသည် တိုင်းသူပြည်သားတို့အထက်၌ ဩဇာအာဏာဟိကြ၏။ အာဏာပိုင်တိကလည်း မိမိရိုကို ‘ကျေးဇူးသျှင်များ’ ဟု အခေါ်ခံတတ်ကြ၏။” 26 သင်ရိုသည် ထိုသို့ မဖြစ်သင့်။ သင်ရိုထဲ၌ အကြီးမြတ်ဆုံး ဖြစ်သောသူက အငယ်ဆုံးသောသူကဲ့သို့ ဖြစ်ရလိမ့်မည်။ ခေါင်းဆောင်ဖြစ်သောသူက အစီခံကဲ့သို့ ဖြစ်ရမည်။ 27 စားပွဲ၌ထိုင်နိန့်သူနှင့် လုပ်ကျွေးသောသူထဲက ဇာသူက သာ၍ ကြီးမြတ်သူ ဖြစ်သနည်း။ စားပွဲ၌ ထိုင်သူ မဟုတ်လော။ သို့သော်လည်း ငါက သင်ရိုထဲ၌ လုပ်ကျွေးသူပိုင်ဖြစ်၏။ 28

“သင်ရို့သည် ငါနန်းအတူ စုံစမ်းနှောင့်ယှက်မှုများကို ရင်ဆိုင်ခသူတို့ ဖြစ်ကြ၏။ 29 ခမည်းတော်က ငါ့အား အုပ်စိုးခွင့်ကို ပီးအပ်တော်မူသကဲ့သို့ ငါသည်လည်း သင်ရို့အား အုပ်စိုးခွင့်ကို ပီး၏။ 30 သင်ရို့သည် နိုင်ငံတော်ထဲတွင် ငါစားပွဲဝိုင်း၌ စားသောက်ကြလိမ့်မည်။ ပြီးလျှင် ပလ္လင်ထက်၌ ထိုင်၍ ကူသရေလလူမျိုး တစ်ဆယ့်နှစ်မျိုးကို အုပ်စိုးကြလိမ့်မည် ဟု မိန့်တော်မူ၏။” 31 ယေသျှုကလည်း “သျှိုမှန်၊ သျှိုမှန်၊ နားထောင်လော့။ လယ်သမားသည် ကောင်းသောဂျုံစပါးမှ မကောင်းသော ဂျုံစပါးကို ဆန်ခါနှင့် ချသကဲ့သို့ သင်ရို့အားလုံးကို စုံစမ်းရန် စာတန်က အခွင့်ရလီဗျာယ်။ 32 ယေကေလေ သျှိုမှန်၊ သင်၏ ယုံကြည်ခြင်း မပျက်စီးစီရန် ငါဆုတောင်းနိုင်၏။ သင်သည် သတိပြန်ကြသောအခါ သင်၏ ညီအစ်ကိုတို့ကို ခိုင်ခန့်စီလော့” ဟု မိန့်တော်မူ၏။ 33 ပေတရုက “သခင်ဘုရား၊ အကျွန်ုပ်သည် ထောင်ထဲ၌ဖြစ်စီ၊ သီရိဖိုပင်ဖြစ်စီ ကိုယ်တော်နှင့်အတူလိုက်ရန် အသင့်ဟိပါ၏” ဟု လျှောက်၏။ 34 ကိုယ်တော်က “ပေတရု၊ ငါပြောမည်၊ ဤနိဉ္စ ကြက်မတွန်ခင် သင်သည် ငါ့ကို မသိဟု ဆိုပြီး သုံးကြိမ်တိုင်တိုင် ငြင်းဆိုလိမ့်မည်” ဟု မိန့်တော်မူ၏။ 35 ထို့နောက် ယေသျှုက “ငါသည် သင်ရို့အား ဖဲသာအိတ်၊ လွယ်အိတ်နှင့် ဖိနပ်ကိုမယူဘဲ စီရိုတ်ခသောအခါ တခုခုလိုသိမ့်လား” ဟု မိန်းလျှင်၊ “တစ်ခုလေ မလိုပါ” ဟု တပည့်တော်ရိုက လျှောက်ကြ၏။ 36 ယေသျှုက “အဂုကား ဖဲသာအိတ်၊ လွယ်အိတ်ဟိလျှင် ယူလာလိုက်။ ဒါးမဟိလျှင် အဝတ်ကိုရောင်း၍ ဒါးကိုဝယ်ကတ်။ 37 သင်ရို့အား ငါဆိုသည်ကား၊ ‘ထိုသူသည် ပြစ်မှုကျူးလွန်သူများနှင့် ရီတွက်ခြင်းခံရ၏’ ဟု ကျမ်းစာက ပြောသည်အတိုင်း ငါခံရမည်။ ဇာကြောင့်ဆိုသော် ငါ့အကြောင်းကို ရိုးသားထားသော ကျမ်းစာအတိုင်း ဖြစ်ပျက်နိုင်သောကြောင့်ဖြစ်၏” ဟု မိန့်တော်မူ၏။ 38 တပည့်တော်ရိုက “သခင်ဘုရား၊ ကြည့်တော်မူပါ၊ ဤမှာ ဒါးနှစ်လက် ဟိပါ၏” ဟု လျှောက်သော်၊ ကိုယ်တော်က “လုံလောက်ပြီ” ဟု မိန့်တော်မူ၏။ 39 ယေသျှုသည် မြို့မှထွက်လာပြီးနောက် ပြုလေဟိသည်အတိုင်း သံလွင်တောင်သို့ ကြွတော်မူ၏။ တပည့်တော်ရို့သည်လည်း နောက်တော်သို့ လိုက်ကြ၏။ 40 ထိုအရပ်သို့ ရောက်တော်မူလျှင် ကိုယ်တော်က “သင်ရို့သည် စုံစမ်းသွီးဆောင်ရာသို့ မကျရောက်စီရန် ဆုတောင်းကြလော့” ဟု မိန့်တော်မူ၏။ 41 ထို့နောက် တပည့်တော်ရို့နှင့် ကျောက်ခဲ တစ်ပစ်စာလောက် ဝီးသောအရပ်သို့ ကြွတော်မူပြီး ဒူးထောက်လျက်၊ 42 “အိုအဖ၊ အလိုတော်ဟိလျှင် ဤဒုက္ခဝေဒနာခွက်ကို အကျွန်ုပ်နှင့် ဝီးစီတော်မူပါ။ သို့သော်လည်း အကျွန်ုပ်အလိုတိုင်း မဖြစ်ပါစီကေ့။ အဖ၏အလိုတော်တိုင်းသာ ဖြစ်စီတော်မူပါ” ဟု ဆုတောင်းတော်မူ၏။ 43 ထိုအခါ ကောင်းကင်တမန်သည် ထင်ရှားလာ၍ ကိုယ်တော်ကို အားပီးလေ၏။ 44 ကိုယ်တော်သည် ပြင်းစွာသောဝေဒနာကို ခံစားပြီး အထူးကြီးစား၍ ဆုတောင်းတော်မူသောကြောင့် ကိုယ်တော်၏ချွေးပေါက်များသည် မြီကြီးတွင်ကျသော သွီးစက်ကဲ့သို့ ဖြစ်၏။ 45 ကိုယ်တော်သည် ဆုတောင်းရာမှ ထတော်မူပြီးလျှင် တပည့်တော်ရို့ဟိရာသို့ ပြန်ကြွတော်မူသောအခါ သူရို့သည် ညှိုးငယ်သောစိတ်နှင့် အိပ်ပျော် နိန်ကြသည်ကို မြင်တော်မူ၏။ 46 ကိုယ်တော်က “သင်ရို့ဇာကြောင့် အိပ်ပျော် နိန်ကြသနည်း။ ထကြလော့။ စုံစမ်းသွီးဆောင်ခြင်းသို့ မကျရောက်စီရန် ဆုတောင်းကြလော့” ဟု မိန့်တော်မူ၏။ 47 ထိုသို့ ယေသျှုသည် မိန့်တော်မူစဉ် တပည့်တော် တစ်ဆယ့်နှစ်ပါး အပါဝင်ဖြစ်သော ယုဒသျှုကာရုတ်သည် လူထုကြီးကို ဦးဆောင်၍ ရောက်လာပြီး၊ ယေသျှုအား နမ်းခြင်းငှာ ချဉ်းကပ်လာ၏။ 48 ယေသျှုက “ယုဒ၊ သင်သည် နမ်းခြင်းကိုပြု၍ လူသားအား ရန်သူလက်သို့ အပ်သလော့” ဟု မိန်းတော်မူ၏။ 49 တပည့်တော်ရို့သည် အခြေအနေကို မြင်သောအခါ ယေသျှုအား “သခင်ဘုရား၊ အကျွန်ုပ်ရို့ခါးနှင့် ခွတ်ရပါမည်လော့” ဟု မိန်းတော်မူ၏။ 50 တပည့်တော်တစ်ယောက်သည် ယဇ်ပုရောဟိတ်မင်း၏ ကျွန်တစ်ယောက်ကို ခွတ်လိုက်လျှင် ထိုသူ၏ ညာဖက်နားရွက် ပြတ်လေ၏။ 51 ထိုအခါ ယေသျှုက “တန်ဖီ” ဟု မိန့်တော်မူ၏။ ကိုယ်တော်သည် ထိုသူ၏နားရွက်ကို လက်တော်နှင့် တို့တော်မူ၍ အနာကို ပျောက်စီတော်မူ၏။ 52 ထို့နောက် ယေသျှုက မိမိအားဖမ်းဆီးရန် ရောက်လာကြသည့် ယဇ်ပုရောဟိတ်အကြီးအကဲတို့၊ ဗိမာန်တော်စောင့်တပ်မှူးတို့၊ လူအကြီးအကဲတို့အား “သင်ရို့သည် ဒါးပြကို ဖမ်းစွာပိုင် ငါ့ကိုဖမ်းဖို့ ဒါးတို့၊ တုတ်တို့နှင့် လာကြသလော။ 53 ငါသည် ဗိမာန်တော်ထဲ၌ နို့တိုင်းဟိသောအခါ သင်ရို့သည် ငါ့ကို မဖမ်းဆီးကတ်။ ယေဒါလည်း

ဤအချိန်ကား သင်ရို၏ အချိန်ဖြစ်၏။ မှောင်မှိုက်တန်ခိုး ကြီးစိုးရာ အချိန်လည်းဖြစ်၏။ 54 ထိုသူရိသည် ယေသျှုကို ဖမ်းဆီးပြီးလျှင် ယဇ်ပုရောဟိတ်မင်း၏အိမ်တော်သို့ ခေါ်ဆောင်လာကြ၏။ ပေတရသည် မနီးမဝီးမှန်၍ လိုက်လာ၏။ 55 အိမ်တော်ဝင်းအလယ်၌ လူအပေါင်းရှိသည် မီးပွဲ၍ ထိုင်နိန်ကြ၍ ပေတရကလည်း သူရိအထံ၌ ထိုင်နိန်၏။ 56 ထိုသို့ ပေတရထိုင်နိန်သည်ကို မြင်သော အစီခမိန်းမတစ်ယောက်သည် စုံစိုကြည့်၍ “ဤသူသည် ယေသျှု၏ အပေါင်းအပါဖြစ်သည်” ဟု ဆို၏။ 57 သို့ရာတွင် ပေတရက “အချင်းမိန်းမ ထိုသူကိုငါမသိ” ဟု ငြင်းဆို၏။ 58 ထို့နောက် တအောင်ကြာပြီးမှ လူတစ်ယောက်သည် ပေတရကိုမြင်သဖြင့် “သင်လည်း ထိုသူရိထဲက တစ်ယောက်ဖြစ်၏” ဟု ဆိုသော်၊ ပေတရက “အချင်းလူ ငါသည် သူရိထဲက မဟုတ်” ဟု ဆို၏။ 59 ထို့နောက် တစ်နာရီလောက် ကြာပြီးသောအခါ အခြားသော လူတစ်ယောက်က “ဤသူသည် ဂါလိလဲလူဖြစ်ပြီး ယေသျှု၏ အပေါင်းအပါဖြစ်သည်ကို ယုံမှားစရာမဟုတ်” ဟု အခိုင်အမာဆို၏။ 60 သို့သော်လည်း ပေတရက “အချင်းလူ၊ သင်ပြောသည့်အကြောင်းကို ငါမသိ” ဟု ဆို၏။ ဤသို့ ပေတရပြောနိုင်စဉ် ကြက်တွန်လေ၏။ 61 သခင်ဘုရားသည်လည်း လှည့်၍ ပေတရကို စုံစိုကြည့်တော်မူ၏။ ထိုအခါ ပေတရသည် “ဤနို့ည ကြက်မတွန်ခင် သင်သည် ငါ့ကိုမသိဟု သုံးကြိမ်တိုင်အောင် ဆိုလိမ့်မည်” ဟူသော သခင်ဘုရား ပြောသည့်ကို ပြန်၍ သတိရသဖြင့်၊ 62 ပေတရသည် ပြင်သို့ထွက်၍ ပြင်းစွာ ငိုကြွေးလေ၏။ 63 ယေသျှုကို စောင့်ကြပ်နိုင်သူရှိက လှောင်ပြောင်၍ ရိုက်ပုတ်ကြ၏။ 64 သူရိသည် ကိုယ်တော်၏ မျက်နှာတော်ကို ဖုံးပြီးလျှင် “သင့်အား ဇာသူ ရိုက်ပုတ်ကြောင်းကို ပြောပါ” ဟု ဆိုကြ၏။ 65 သူရိသည် ကိုယ်တော်ကို အခြားသော စကားများဖြင့်လည်း စော်ကားကြ၏။ 66 မိုးလင်းသောအခါ ယုဒခေါင်းဆောင်တို့၊ ယဇ်ပုရောဟိတ်ကြီးတို့နှင့် ကျမ်းတတ်ဆရာရှိသည် စုဝေးကြ၍ ကိုယ်တော်ကို တရားလွှတ်တော်သို့ ခေါ်ဆောင်လာကြ၏။ 67 သူရိက “သင်သည် မေသျှိယဖြစ်သလော၊ ငါရိုက်ပြောပါ” ဟု ဆိုကြ၏။ ကိုယ်တော်က “ငါပြောလျှင် သင်ရို့ ယုံကြမည် မဟုတ်။ 68 သင်ရို့အား ငါ မိန်းသော်လည်း သင်ရို့ဖြစ်မည် မဟုတ်။ 69 အဂုဏ်စပြီး လူသားသည် အနန္တတန်ခိုးသျှင် ဘုရားသခင်၏ လက်ယာဖက်၌ ထိုင်တော်မူလတ္တံ့” ဟု မိန့်တော်မူ၏။ 70 ထိုသူရိကလည်း “ထိုသို့ဆိုသော် သင်သည် ဘုရားသခင်၏ သားတော်ဖြစ်ပါသလော” ဟု မိန်းကြလျှင်၊ ကိုယ်တော်ကလည်း “သင်ရို့ ပြောသည့်အတိုင်း မှန်၏” ဟု မိန့်တော်မူ၏။ 71 ထိုအခါ သူရိက၊ “ဇာသက်သီ လိုသိမ့်လဲ၊ ငါရို့ကိုယ်တိုင် သူ၏စကားကို ကြားရဗျာယ်” ဟု ဆိုကြ၏။

23 တရားလွှတ်တော်၌ စုဝေးသောသူအပေါင်းရှိသည် ထ၍ ယေသျှုကို ပိလတ်ထံသို့ ယူဆောင်လာကြ၏။ 2 ထို့နောက် ထိုသူရိက “ဤသူသည် ပြည်သူပြည်သားတို့ကို လှည့်ဖြား၍ ကဲသာဘုရင်အား အခွန်တော်မဆက်ကျေဟု တားမြစ်သည်ကိုလည်းကောင်း၊ မိမိသည် မေသျှိယဆိုသော ဘုရင်တပါးဖြစ်ကြောင်း ပြောဆိုသည်ကိုလည်းကောင်း အကျွန်ရို့ တို့ရပါ၏” ဟု ဆို၍ ကိုယ်တော်ကို စတင်၍ စွပ်စွဲကြ၏။ 3 ထိုအခါ ပိလတ်ကလည်း “သင်သည် ယုဒသျှင်ဘုရင်မှန်သလော” ဟု ယေသျှုအား မိန်းတော်မူလျှင်၊ ယေသျှုက “သင် ပြောသည့်အတိုင်း ဖြစ်၏” ဟု ဖြေတော်မူ၏။ 4 ထို့နောက် ပိလတ်က “ဤသူကို စွဲချက်တင်ရန် အကြောင်းတစ်စုံတစ်ခုကိုမျှ ငါမတွေ့” ဟု ယဇ်ပုရောဟိတ်ကြီးများနှင့် လူအပေါင်းရို့အားဆို၏။ 5 သို့သော် ထိုသူရိက “သူသည် ဂါလိလဲပြည်မှစ၍ ဤအရပ်ဒေသထိတိုင်အောင် ယုဒပြည်အနှံ့အပြား၌ ဟောပြောပြီးလျှင် ပြည်သူတို့ကို ရုန်းရင်းဆန်ခတ်ဖြစ်အောင် လှုံ့ဆော် နိန်ပါ၏” ဟု ပို၍ ကျယ်သောအသံဖြင့် တိုက်တွန်းပြောဆိုကြ၏။ 6 ပိလတ်သည် ထိုစကားကို ကြားသောအခါ “ဤသူကား ဂါလိလဲပြည်သားလော” ဟု မိန်း၏။ 7 ယေသျှုသည် ဟေရုဒ်အုပ်ချုပ်သော ဂါလိလဲပြည်သားဖြစ်ကြောင်းကို သိလျှင် ကိုယ်တော်ကို ဟေရုဒ်ထံသို့ ပို့လေ၏။ ထိုအချိန်တွင် ဟေရုဒ်သည် ယေရုဆလင်မြို့၌ ရောက်နိုင်ချိန်ဖြစ်၏။ 8 ဟေရုဒ်သည် ယေသျှုကို မြင်သောအခါ အလွန်ဝမ်းမြောက်ခြင်းဟိ၏။ ကိုယ်တော်၏သတင်းတော်ကို များစွာ ကြားခရသဖြင့် ကိုယ်တော်ကို တို့မြင်လိုသည်မှာ ကြာဗျာယ်။ ကိုယ်တော်ပြသည့် နိမိတ်လက္ခဏာတစ်ခုခုကို မြင်ရလိမ့်မည်ဟု မျှော်လင့်နိုင်၏။ 9 ထို့ကြောင့် ဟေရုဒ်က ယေသျှုကို မိန်းခွန်းများစွာ မိန်းသော်လည်း ယေသျှုက ဖြေကြားတော်မူခြင်းမဟုတ်။

10 ယဇ်ပုရောဟိတ်ကြီးရဲ့နှင့် ကျမ်းတတ်ဆရာရဲ့သည် ရှိသို့လာ၍ ယေသျှုကို ပြင်းထန်စွာ စွပ်စွဲပြောဆိုကြ၏။ **11** ဟေရုဒ်နှင့် သူ၏စစ်သားရဲ့သည် ယေသျှုအား မထီလေးစားပြု၍ သရော်ကြ၏။ ထို့နောက် ကိုယ်တော်အား တင့်တယ်သောဝတ်ရုံကို ဝတ်ပီးပြီးလျှင် ကိုယ်တော်ကို ပိလတ်ထံသို့ ပြန်ပို့၏။ **12** အယင်က ရန်သူဖြစ်သော ပိလတ်နှင့် ဟေရုဒ်ရဲ့သည် ထိုနို့တွင် သင့်မြတ်လားကြ၏။ **13** ပိလတ်က ယဇ်ပုရောဟိတ်ကြီးတို့၊ ယုဒခေါင်းဆောင်တို့နှင့် လူတို့ကိုခေါ်၍၊ **14** ထိုသူရဲ့အား “ဤသူသည် ပုန်ကန်ဖို့ တိုင်းသူပြည်သားတို့ကို လှုံ့ဆော်သူဖြစ်သည်ဆို၍ သင်ရဲ့က ဤသူကို ငါ့အပါးသို့ ခေါ်လာကြ၏။ သင်ရဲ့ရှိ၍ ငါ စစ်ဆေးခဗျာယ်။ ယေကေလေ သင်ရဲ့ဆိုသည်အတိုင်း ထိုသူကို စွပ်စွဲနိုင်ရန် အပြစ်တစ်စုံတစ်ခုမျှ ငါမတွေ့။ **15** ဟေရုဒ်လည်း အပြစ်မတွေ့၍ ငါရဲ့ပါးသို့ ပြန်ပို့ ခြင်းဖြစ်၏။ ဤသူသည် သီဒဏ်ထိုက်သည့်အပြစ် တစ်စုံတစ်ခုကိုတောင် မကျူးလွန်ခဲ့။ **16** ယေဇူးနန် ဤသူကို ကြိမ်ဒဏ်ပီးပြီးကေ လွှတ်လိုက်မည်” ဟု ဆို၏။ **18** လူထုပရိသတ်အားလုံးက “သူ့ကို သီဒဏ်ပီးပါ။ အကျွန်ရဲ့အတွက် ဗာရဗဗုကို လွှတ်ပီးပါ” ဟု တညီတညွတ်တည်း အော်ဟစ်ကြ၏။ **19** (ဗာရဗဗုကား မြို့၌ ပုန်ကန်ခြင်းအပြစ်၊ လူသတ်ခြင်း အပြစ်များကြောင့် ထောင်ကျခံနိုင်ရသူ ဖြစ်၏။) **20** ပိလတ်သည် ယေသျှုအား လွှတ်စီချင်သောကြောင့် လူတို့အား တဖန် ပြောဆိုလေ၏။ **21** သို့သော် လူတို့က “သူ့ကို လက်ဝါးကပ်တိုင်၌ တင်၍ အသိသတ်ပါ။ လက်ဝါးကပ်တိုင်၌ တင်၍ အသိသတ်ပါ” ဟု ပြန်၍ အော်ဟစ်ကြ၏။ **22** ပိလတ်က “သူသည် ဇာအပြစ်ကို ကျူးလွန်ထားလဲ။ ဤသူကို သီဒဏ်ပီးသင့်သည့်အကြောင်း တစ်စုံတစ်ခုကိုမျှ ငါမတွေ့။ ယင်းအတွက်ကြောင့် သူ့ကို ကြိမ်ဒဏ်ပီးပြီးကေ လွှတ်လိုက်မည်” ဟု ထိုသူရဲ့အား တတိယအကြိမ်ဆို၏။ **23** ယေဒါလည်း လူတို့က ယေသျှုကို လက်ဝါးကပ်တိုင်၌ တင်သတ်ရန် အသံကုန် အော်ဟစ်တောင်းဆိုကြသဖြင့် နောက်ဆုံး၌ တောင်းဆိုချက် အနိုင်ရလေ၏။ **24** ပိလတ်သည် သူရဲ့တောင်းဆိုသည့်အတိုင်း ယေသျှုအား စီရင်ချက် ချမှတ်လိုက်၏။ **25** ပုန်ကန်ထကြွမှုနှင့် လူသတ်မှုတို့အတွက် ထောင်ကျသူအား သူရဲ့တောင်းဆိုသည့်အတိုင်း လွှတ်ငြိမ်းခွင့် ပီးလိုက်ပြီး ယေသျှုကိုကား သူရဲ့အလိုအတိုင်း လက်ထဲသို့ အပ်လိုက်လေ၏။ **26** စစ်သားရဲ့သည် ယေသျှုကို ခေါ်ထုတ်လားကြစဉ် သျှိုမှန်နာမည်ဟိသော ကုရေနေမြို့သားတစ်ယောက်သည် တောရွာမှလာသည်ကို သူရဲ့တို့ကြသော် ဖမ်းဆီး၍ လက်ဝါးကပ်တိုင်ကို ထမ်းစီပြီး ယေသျှုနောက်တော်သို့ လိုက်စီ၏။ **27** နောက်တော်၌ လိုက်ကြသော လူအုပ်ထဲတွင် ကိုယ်တော်အတွက် ငိုကြွေးမြီတမ်းနိုင်သော မိန်းမတချို့လည်းပါ၏။ **28** ယေသျှုက ထိုမိန်းမတဖက်သို့လှည့်၍ “ယေရုဆလင်မြို့သူရဲ့ ငါ့အတွက် မငိုကြွေးကတ်ကေ။ သင်နှင့် သင်ရဲ့သားသမီးတို့အတွက် ငိုကြွေးကြလော့။” **29** ‘မြို့သောမိန်းမ၊ ပဋိသန္ဓေ မယူဖူးသော ဝမ်းနှင့် အချေ နို့မဖို့ဖူးသော သားမြတ်များသည် မင်္ဂလာဟ်၏’ ဟု ဆိုရသောနို့ရက် ရောက်လာလိမ့်မည်။ **30** ထိုအချိန်၌ လူတို့က တောင်များအား ‘အကျွန်ရဲ့အထက်၌ ပြိုကျပါ’ ဟူ၍ လည်းကောင်း၊ တောင်ကုန်းများအား ‘အကျွန်ရဲ့ကို ဖုံးလိုက်ပါ’ ဟူ၍ လည်းကောင်း ဆိုကြလိမ့်မည်။ **31** အကြောင်းမူကား စိမ်းသောသစ်ပင်ကို ဤသို့ပြုလျှင် ခြောက်သောအပင်ကိုကား ဇာကဲ့သို့ ဖြစ်လိမ့်မည်နည်း” ဟု မိန့်တော်မူ၏။ **32** သူရဲ့သည် လူဆိုးနှစ်ယောက်ကိုလည်း ကိုယ်တော်နှင့်အတူသတ်ရန် ခေါ်ဆောင်လားကြ၏။ **33** “ဦးဂေါင်းခွံအရပ်” ဟု နာမည်ဟိသော အရပ်သို့ ရောက်သောအခါ ကိုယ်တော်နှင့်အတူ လူဆိုးနှစ်ဦးကို လက်ယာဖက်တစ်ယောက် လက်ဝဲဖက်တစ်ယောက်ထား၍ လက်ဝါးကပ်တိုင်တွင် ရိုက်ထားကြ၏။ **34** ယေသျှုက “အိုအဖ၊ သူရဲ့၏ အပြစ်ကို ခွင့်ရွတ်တော်မူပါ။ သူရဲ့သည် ကိုယ်ပြုနိုင်သောအမှုကို မသိကတ်ပါ” ဟု မြွက်ဆိုတော်မူ၏။ ထိုသူရဲ့သည် ကိုယ်တော်၏အဝတ်တော်ကို မဲချ၍ ဝီယူကြ၏။ **35** လူအပေါင်းရဲ့သည် ရပ်လျက် ကြည့်နိုင်ကြစဉ်၊ ယုဒခေါင်းဆောင်ရဲ့က “ဤသူသည် အခြားသူတို့ကို ကယ်တင်၏။ အကယ်၍ ဘုရားသခင် ရှီးချယ်တော်မူသော မေသျှိုယ ဖြစ်သည်ဆိုလျှင် ကိုယ့်ကိုကိုယ် ကယ်တင်ပါစီ” ဟု ဆို၍ လှောင်ပြောင်ကြ၏။ **36** စစ်သားတို့ကလည်း ကိုယ်တော်ကို လှောင်ပြောင်ကြပြီး ပုံးရည်ကို တိုက်လျက်၊ **37** “သင်သည် ယုဒသျှင်ဘုရင် ဖြစ်သည်ဆိုလျှင် သင့်ကိုသင် ကယ်တင်ပါ” ဟု ဆိုကြ၏။ **38** ကိုယ်တော်၏ဦးဂေါင်းထက်တွင် “ဤသူကား ယုဒသျှင်ဘုရင်ပေတည်း” ဟု ကမ္ပည်း ရီးထိုးထား၏။ **39** လက်ဝါးကပ်တိုင်တွင် ရိုက်ဆွဲထားသော လူဆိုးနှစ်ဦးထဲက

တစ်ယောက်က “သင်သည် မေသျှီယမုန်လျှင် မိမိကိုယ်ကိုလည်းကောင်း၊ အကျွန်ုပ်ကိုလည်းကောင်း ကယ်တင်ပါ” ဟု ကိုယ်တော်ကို ကဲ့ရဲ့ပြောဆို၏။ 40 အခြားလူဆိုးတစ်ယောက်က ထိုသူအား “သင်သည် ဘုရားသခင်ကို မကြောက်သလော၊ အကြောင်းမူကား သင်သည် ဤသူနည်းတူ အပြစ်စီရင်ခြင်းကို ခံရ၏။ 41 ငါရိုက်ကား မိမိအပြစ်အလျှောက် ထိုက်သင့်သည့် အပြစ်ဒဏ်ကို ခံရကြ၏။ သို့ရာတွင် ဤအသျှင်ကား ဇာအပြစ်ကိုလည်း မကျူးလွန်ခဲ” ဟု ပြောဆိုဆုံးမ၏။ 42 ထို့နောက် ယေသျှုအား၊ “အသျှင်သည် သျှင်ဘုရင်အဖြစ် ကြွလာသောအခါ အကျွန်ုပ်ကို သတိရတော်မူပါ” ဟု လျှောက်၏။ 43 ယေသျှုက “ဤနို့ပင် သင်သည် ငါနန့်အတူ ပရဒိသုဘုံ၌ ဟိလိမ့်မည်ဟု ငါ ကတိပီး၏” ဟု မိန့်တော်မူ၏။ 44 ထိုအချိန်သည် မွန်းတည့်အချိန်ဖြစ်၍ သုံးချက်တီးအချိန်တိုင်အောင် ဗြိတပြင်လုံး၌ အလင်းကွယ်ပျောက်၍ မှောင်မိုက်အတိ ဖြစ်လေ၏။ ဗိမာန်တော်ကန့်လန့်ကာသည်လည်း နှစ်ခြမ်းကွဲလေ၏။ 46 ယေသျှုသည် “အိုအဖ၊ အကျွန်၏ ဝိညာဉ်ကို ကိုယ်တော်၏ လက်တော်သို့ အပ်ပါ၏” ဟု ကြီးသောအသံနှင့် ကြွေးကြော်ပြီးလျှင် အသက်ချုပ်လေ၏။ 47 တပ်မှူးသည် ဤအဖြစ်အပျက်ကို မြင်သောအခါ “အမှန်စင်စစ် ဤသူသည် ဖြောင့်မတ်သောသူဖြစ်၏” ဟု ဆို၍ ဘုရားသခင်ကို ချီးမွမ်းလေ၏။ 48 ထိုအမှုကို ကြည့်ရှုရန် စုရုံးလာကြသော လူအပေါင်းရို့သည် ထိုအခြင်းအရာကိုမြင်လျှင် ဝမ်းနည်းစွာဖြင့် ရင်ဘတ်ကိုတီးလျက် အိမ်သို့ ပြန်ကြ၏။ 49 ဂါလိလဲပြည်မှ ကိုယ်တော်၏ နောက်သို့လိုက်ကြသော မိန်းမတိအပါအဝင် ယေသျှုကို သိကျွမ်းသူအပေါင်းရို့သည် အဝီးကရပ်ပြီး ကြည့်ရှုနိုင်ကြ၏။ 50 ထိုအခါ ယုဒပြည်၌ ယောသပ်အမည်ဟိသော အရိမသုမြို့သားဖြစ်၍ လူကောင်းလူဖြောင့်တစ်ယောက် ဖြစ်သည်နှင့်အညီ ဘုရားသခင်၏ နိုင်ငံတော် တည်လာမည့်အချိန်ကို စောင့်မျှော်နိုင်သူဖြစ်၏။ သူသည် သွတ်တော်အဖွဲ့ဝင် တစ်ယောက်ဖြစ်သော်လည်း တရားလွှတ်တော်၏ ဆုံးဖြတ်ချက်နှင့် လုပ်ဆောင်ချက်ကို သဘောမတူပေ။ 52 သူသည် ပိလတ်ထံသို့ဝင်၍ ယေသျှု၏အလောင်းတော်ကို တောင်းလေ၏။ 53 အလောင်းတော်ကို အောက်သို့ချပြီး ပိတ်ချောဖြင့်ပတ်ရစ်ပြီးလျှင် တစ်ခါမှ မသင်္ဂြိုဟ်ဖူးသော သင်္ချိုင်းကျောက်ဂူ၌ သင်္ဂြိုဟ်လေ၏။ 54 ထိုနိဂား သောကြာနို့ဖြစ်၍ ဥပုသ်နို့ကိုကူးရန် အချိန်နီးပေ၏။ 55 ဂါလိလဲပြည်မှ ယေသျှုနှင့်အတူလာသော မိန်းမရို့သည် ယောသပ်နှင့်အတူ သင်္ချိုင်းတော်ကိုလည်းကောင်း၊ အလောင်းတော်ကို မည်သို့ထားသည်ကိုလည်းကောင်း တို့မြင်ခြင်းငှာ လာကြ၏။ 56 ထို့နောက် သူရို့သည် အိမ်သို့ ပြန်၍ အလောင်းတော်အတွက် ဆီမွီးနန့် အမွီးနန့်သော အသင့်ပျင်ထား၏။ သူရို့သည် ပညတ်တော်ဟိသည့်အတိုင်း ဥပုသ်နို့၌ အနားယူကြ၏။

24 တလင်းဂနီနို့ မိုးထက်စောစောအချိန်၌ မိန်းမရို့သည် အသင့်ပျင်ဆင်ထားသော ဆီမွီးကိုယူ၍ သင်္ချိုင်းတော်သို့ လားကြ၏။ 2 သင်္ချိုင်းဂူဝမှ ကျောက်တုံးအား လှိမ့်ဖယ်ထားသည်ကို တို့မြင်သဖြင့်၊ 3 သူရို့သည် အတွင်းသို့ ဝင်ကြသောအခါ အသျှင်ယေသျှု၏ အလောင်းတော်ကို မတွေ့ရပေ။ 4 ထိုအခြင်းအရာတိကို တွေးမရဖြစ်နိုင်ကြစဉ် တောက်ပသည့်ဝတ်ရုံကို ဝတ်ထားသော လူနှစ်ယောက်သည် ရုတ်တရက်ပေါ်လာ သူရို့အနား၌ ရပ်နိုင်၏။ 5 မိန်းမရို့သည် ကြောက်လန့်၍ ပျပ်ဝပ်နိုင်ကြစဉ် ထိုသူနှစ်ယောက်က “သင်ရို့သည် ဇာအတွက်ကြောင့် အသိကောင်ဟိသောအရပ်၌ အသက်ရှင်သူကို ရှာကြသနည်း။ 6 ကိုယ်တော်သည် ဤအရပ်၌ မဟိဗျာယ်၊ ရှင်ပြန်ထမြောက်တော်မူလားခဗျာယ်။ ကိုယ်တော်က ဂါလိလဲပြည်၌ ဟိတော်မူခစဉ်က၊ 7 ‘လူသားသည် အပြစ်သားတိလက်သို့ အပ်နှံခြင်းကို ခံရလိမ့်မည်။ အသိသတ်ခြင်းကို ခံရပြီးလျှင် သုံးရက်မြောက်သောနို့၌ သီခြင်းမှ ရှင်ပြန်ထမြောက်လိမ့်မည်’ ဟု ပြောသောစကားကို အောက်မီကြပါ” ဟုဆို၏။ 8 ထိုအခါ မိန်းမရို့သည် ကိုယ်တော်ပြောသောစကားကို ပြန်သတိရ၍၊ 9 သင်္ချိုင်းတော်မှ မိမိအိမ်သို့ ပြန်လာကြပြီးလျှင် တစ်ကျိပ်တစ်ပါးသောသူမှစ၍ တပည့်တော်အပေါင်းအား အကြောင်းစုံကို ပြောပြကြ၏။ 10 ထိုအကြောင်းအရာကို တမန်တော်တိအား ပြောပြသူရို့မှာ မာဂဒလရွာသူ မာရိ၊ ယောဟန္န၊ ယာကုပ်၏အမိ မာရိမှစသော အခြားသော မိန်းမတိ ဖြစ်ကြ၏။ 11 သို့ရာတွင် သူရို့ပြောသောစကားများသည် တမန်တော်တိအတွက် ယုတ္တိမဟိသောကြောင့် သူရို့သည် မယုံကြပေ။ 12 သို့သော်လည်း ပေတရသည် သင်္ချိုင်းတော်သို့ပြီးလား၍

ရောက်သောအခါ ငုံ့ကြည့်လိုက်ရာ ပိတ်စကိုသာ တို့ရလေ၏။ ထို့ကြောင့် ထိုအကြောင်းအရာကို အံ့ဩလျက် မိမိအိမ်သို့ ပြန်လေ၏။ **13** ထိုနိဗ္ဗိဒ်ပင် တပည့်တော်နှစ်ယောက်သည် ယေရုဆလင်မြို့မှ ခုနစ်မိုင်ခန့်ကွာဝေးသော ဧမောက်ရွာသို့ ခရီးလားကြ၏။ **14** ထိုသူနှစ်ဦးသည် ဖြစ်ပျက်ခသော အကြောင်းအရာအလုံးစုံတို့ကို ပြောဆိုနိုင်ကြ၏။ **15** ထိုသို့ ဆွေးနွေးပြောဆိုနိုင်ကြစဉ် ယေသျှုကိုယ်တိုင် အနားသို့ကပ်လာပြီး သူရိနှင့်အတူ ကြွတော်မူ၏။ **16** သို့သော်လည်း သူရိသည် အကြောင်းတစ်စုံတခုကြောင့် မျက်စိမှောက်၍ ကိုယ်တော်ဖြစ်သည်ကို မမှတ်မိကြ။ **17** ယေသျှုက သူရိအား “သင်ရဲ့ ခရီးလားယင်းနန့် ဇာအကြောင်းကို ပြောနိုင်ကြသနည်း” ဟု မိန်းတော်မူ၏။ သူရိသည် မျက်နှာညှိုးငယ်လျက် ထိုနီရာတွင် ရပ်နိုင်ကြ၏။ **18** သူရိထံမှ ကလေးဆီသို့က “ဤနီအတောအတွင်း ဖြစ်ပျက်ခသော အကြောင်းအရာတို့ကို ယေရုဆလင်မြို့၌ လာလည်သော အာဂန္တုထဲက သင်တစ်ယောက်တည်းသာ မသိဘဲနိဗ္ဗိဒ်သလော” ဟု ဆို၏။ **19** ကိုယ်တော်က “ဇာအမှုအရာတိလ” ဟု မိန်းတော်မူလျှင်၊ သူရိက “နာဇရက်မြို့သား ယေသျှုနှင့် ပတ်သတ်သော အကြောင်းအရာများပင် ဖြစ်ပါ၏။ ထိုသူစွာ ဘုရားသခင်ရှိ၊ လူအပေါင်းရှိ၍ ၌ နှုတ်သတ္တိ၊ လက်သတ္တိနှင့် ပြည့်စုံသော ပရောဖက်တစ်ပါးဖြစ်၏။ **20** ငါရို့၏ ယဇ်ပရောဟိတ်အကြီးတိနန့် အာဏာပိုင်တိက ထိုသူကို သီဒဏ်စီရင်ဖို့ အပ်နှံပြီးကေ လက်ဝါးကပ်တိုင်မှာ တင်သတ်လိုက်ကတ်ဗျာယ်။ **21** ထိုအသျှင်က ဣသရေလလူမျိုးတို့ကို လွတ်မြောက်စီရင်သောအသျှင် ဖြစ်သည်ဟု ငါရို့မျှော်လင့်ခပါ၏။ ထိုအကြောင်းအရာ ဖြစ်ပျက်ခစွာကား သုံးရက်ဟိပါဗျာယ်။ **22** ငါရို့အပေါင်းအဖော်ထဲက မိန်းမတချို့သည် မိုးထက်စောစော သချိုင်းတော်သို့ လားကြသောအခါ ငါရို့ကို အံ့ဩစီပါ၏။ **23** အကြောင်းမှာ ကိုယ်တော်၏ အလောင်းတော်ကို မတို့ခသောကြောင့်ဖြစ်၏။ ယေသျှုက အသက်ရှင်လျက် ဟိတော်မူကြောင်း ပြောပြသော ကောင်းကင်တမန်တို့ကို ရူပါရုံ၌ မြင်တို့ခသည်ကို သူရိ ပြန်လာပြီး အကျွန်ရို့အား ပြောပြကြ၏။ **24** ငါရို့ထဲက လူတချို့ကလည်း သချိုင်းတော်သို့ လားကြသောအခါ ထိုမိန်းမတို့ပြောသည့်အတိုင်း ကိုယ်တော်ကို မတို့ခပါ” ဟု ဆိုကြ၏။ **25** ထိုအခါ ယေသျှုက သူရိအား၊ “ပရောဖက်တိ ဟောကြားခသမျှကို ယုံကြည်ရန် အားနည်းနိုင်သော အို... လူမိုက်တိ။ **26** မေသျှိယသည် ဘုန်းတန်ခိုးတော်ကို မခံယူခင် ဤကဲ့သို့ ဒုက္ခဝေဒနာတို့ကို ခံစားရန် လိုအပ်သည် မဟုတ်လော” ဟု မိန်းတော်မူ၏။ **27** ထို့နောက် ယေသျှုသည် မောသျှု ကျမ်းမှစ၍ ပရောဖက်ကျမ်းအားလုံးတွင် မိမိအားရည်မှတ်၍ ရိုးထားသမျှသော ကျမ်းချက် အနက်အဓိပ္ပာယ်တို့ကို ထိုသူရိအား ယှင်းလင်းဖော်ပြတော်မူ၏။ **28** ထိုသူရိလားသည့် ရွာအနီးသို့ရောက်ကြလျှင် ယေသျှုသည် ရှိသို့ ဆက်လားမည့်ဟန်ပြု၏။ **29** သို့သော် သူရိက “တစ်နိတာကုန်၍ မောင်စပြုနိုင်လို့ အကျွန်ရို့နှင့်အတူ လာတည်းပါ” ဟု ကိုယ်တော်ကို မရမက ဖိတ်ခေါ်၏။ ကိုယ်တော်ကလည်း သူရိနှင့်အတူ တည်းခိုရန် လိုက်လားတော်မူ၏။ **30** စားပွဲတွင် သူရိနှင့်အတူ ထိုင်တော်မူလျက် မုန့်ကိုယူ၍ ကျေးဇူးတော်ချီးမွမ်းပြီးမှ မုန့်ကိုဖဲ့ပြီးလျှင် သူရိအား ပီးတော်မူ၏။ **31** ထိုအခါ သူရိ၏မျက်စိအမြင်သည် ပွင့်လာပြီးလျှင် ကိုယ်တော်မှန်းသိကြသော်လည်း ကိုယ်တော်သည် သူရိရှိမှ ကွယ်ပျောက်လေ၏။ **32** သူရိကလည်း “ကိုယ်တော်သည် လမ်း၌ ငါရို့ကို စကားပြောသည့်အခါ၌ လည်းကောင်း၊ ကျမ်းစာ၏အနက်ကို ဖွင့်ပြတော်မူသောအခါ၌ လည်းကောင်း၊ ငါရို့၏ စိတ်နှလုံးထဲတွင် မီးထတောက်သကဲ့သို့ ဖြစ်နိုင်ခသည် မဟုတ်ပါလော” ဟု အချင်းချင်း ပြောဆိုကြ၏။ **33** သူရိသည် ချက်ချင်းထ၍ ယေရုဆလင်မြို့သို့ ပြန်ကြ၏။ ထိုအရပ်၌ တစ်ကျိပ်တစ်ပါးသော တပည့်တော်ရှိနှင့် အခြားသောတပည့်တော်ရို့ အတူတကွ စုဝေးနိုင်ကြသည်ကို တို့ရကြ၏။ **34** ထိုသူရိကလည်း “အမှန်ပင် သခင်ဘုရား ထမြောက်ဗျာယ်။ ကိုယ်တော်သည် သျှိုမှန်အား ကိုယ်ထင်ပြဗျာယ်” ဟု ဆိုကြ၏။ **35** ထို့နောက် ထိုသူနှစ်ယောက်သည် လမ်းတွင် ဖြစ်ပျက်ခသည့် အကြောင်းအရာကိုလည်းကောင်း၊ မုန့်ကိုဖဲ့ချိန်ကျမှ ကိုယ်တော်ဖြစ်မှန်း သိလာခြင်းကိုလည်းကောင်း ယှင်းပြကြ၏။ **36** ထိုအကြောင်းအရာကို တပည့်တော်နှစ်ယောက်ရှိသည် ပြောပြနိုင်စဉ် ယေသျှုသည် သူရိအလယ်၌ ရုတ်တရက်ပေါ်လာပြီး ရပ်လျက် “သင်ရို့၌ ငြိမ်သက်ခြင်း ဟိစီသတည်း” ဟု မိန်းတော်မူ၏။ **37** သူရိသည် စန္ဒီခြောက်သည်ဟု ထင်မှတ်သဖြင့် ကြောက်ရွံ့တုန်လှုပ်နိုင်ကြ၏။ **38** ကိုယ်တော်ကလည်း

“ဇာကြောင့် ကြောက်လန့် နိဗ္ဗာန်သနည်း၊ ဇာကြောင့် ယုံမှားသံသယ ဟိကြသနည်း။ 39 ငါ့လက်တိ၊ ခြံတံကိုကြည့်ပါ။ သင်ရိုးမြင်ရသည်အတိုင်း ငါပင်ဖြစ်၏။ ငါ့ကို စမ်းသပ်ကြည့်ကြလော့။ သင်ရိုးမြင်ရသည်အတိုင်း ငါ့အရိုးအသားနှင့် ပြည့်စုံ၏။ စစ္စိ၌ကား အရိုးအသားမဟိ” ဟု မိန့်တော်မူ၏။ 40 ကိုယ်တော်သည် မိန့်တော်မူပြီးလျှင် မိမိ၏လက်တော်၊ ခြံတော်တံကို တပည့်တော်ရိုးအား ပြတော်မူ၏။ 41 သူရိုးသည် အလွန် ဝမ်းမြောက်အံ့သြလျက် ဟိကြသော်လည်း မယုံနိုင်ကြသဖြင့်၊ ကိုယ်တော်က “သင်ရိုး၌ စားစရာတစ်ခုခု ဟိသလော” ဟု မိန့်တော်မူလျှင်၊ 42 သူရိုးက ငါးကင်တစ်ပိုင်းကို ပီးကြ၏။ 43 ကိုယ်တော်သည် ယူ၍ သူရိုးရှိတွင် သုံးဆောင်တော်မူ၏။ 44 ထို့နောက် ကိုယ်တော်ကလည်း သူရိုးအား “မောသျှေ ပညတ္တိကျမ်း၊ ပရောဖက်ကျမ်းနှင့် ဆာလံကျမ်းတွင် ငါ့အကြောင်းကို ရိုးသားထားသော အမှုအရာအားလုံးသည် ဖြစ်ပျက်ရမည်ဟု သင်ရိုးနှင့်အတူ ဟိသောအခါက ငါပြောခဲ့သည့်အတိုင်း အခု ဖြစ်ပျက်လျက်ဟိ၏” ဟု မိန့်တော်မူ၏။ 45 ထို့နောက် တပည့်တော်ရိုးသည် ကျမ်းစာကို နားလည်ကြစီရန် သူရိုး၏ အသိဉာဏ်ကို ဖွင့်ပီးတော်မူ၏။ 46 ကိုယ်တော်ကလည်း တပည့်တော်ရိုးအား၊ “ကျမ်းစာတော်မြတ်၌ မေသျှိယသည် ဒုက္ခခံ၍ အသိခံတော်မူပြီးမှ သုံးရက်မြောက်သောနိဗ္ဗာန် ထမြောက်တော်မူရမည်။ 47 နာမတော်ကိုအမှီပြု၍ နောင်တရခြင်းတရားနှင့် အပြစ်လွှတ်ခြင်းတရားတို့ကို ယေရုဆလင်မြို့မှစ၍ လူမျိုးတကာရို့ကို ဟောပြောရမည်။ 48 သင်ရိုးသည် ဤအကြောင်းအရာများ၏ သက်သီများ ဖြစ်ကြ၏။ 49 ငါ့ခမည်းတော် ကတိထားတော်မူသည့်အတိုင်း သင်ရိုးအထက်သို့ ငါ စီရိတ်လိုက်မည်။ သို့သော်လည်း သင်ရိုးအထက်သို့ ကောင်းကင်ကတန်ခိုး ရောက်လာသည်အထိ ယေရုဆလင်မြို့၌ စောင့်နိဗ္ဗာန်ကြလော့” ဟု မိန့်တော်မူ၏။ 50 ထို့နောက် ကိုယ်တော်သည် တပည့်တော်တံကို ဗေသနိဇ္ဈာသို့ ခေါ်ဆောင်လားတော်မူပြီးလျှင် လက်တော်ကိုဆန့်၍ ကောင်းကြီးပီးတော်မူ၏။ 51 ဤသို့ ကောင်းကြီးပီးတော်မူစဉ် ကိုယ်တော်သည် တပည့်တော်ရိုးပါးမှ ခွာလျက် ကောင်းကင်သို့ ချီဆောင်ခြင်းကို ခံတော်မူ၏။ 52 တပည့်တော်ရိုးသည် ကိုယ်တော်ကို ပြပ်ဝပ်ကိုးကွယ်ကြပြီးလျှင် အလွန်ဝမ်းမြောက်ရွှင်လန်းစွာဖြင့် ယေရုဆလင်မြို့သို့ ပြန်လာ၍၊ 53 ဘုရားသခင်၏ ဗိမာန်တော်၌ အမြဲမပြတ် ကျေးဇူးတော်ကို ချီးမွမ်းလျက်နိဗ္ဗာန်ကြ၏။

ယောဟန်

1 အစအစဉ်၌ နှုတ်ကပတ်တော် ဟိ၏။ နှုတ်ကပတ်တော်သည် ဘုရားသခင်နှင့်အတူ ဟိတော်မူ၏။ ထိုနှုတ်ကပတ်တော်သည် ဘုရားသခင် ဖြစ်တော်မူ၏။ **2** အစအစဉ်မှစ၍ နှုတ်ကပတ်တော်သည် ဘုရားသခင်နှင့်အတူ ဟိတော်မူ၏။ **3** ဘုရားသခင်သည် ထိုနှုတ်ကပတ်တော်အားဖြင့် အရာခပ်သိမ်းကို ဖန်ဆင်းတော်မူ၏။ ထိုနှုတ်ကပတ်တော်နှင့် ကင်း၍ ဖန်ဆင်းထားသည့်အရာ တစ်ခုမျှမဟုတ်။ **4** ထိုနှုတ်ကပတ်တော်သည် အသက်၏ အရင်းအမြစ်ဖြစ်၏။ ထို အသက်သည်ကား လူသားရှိအဖို့ အလင်းကို ယူဆောင်လာ၏။ **5** ထိုအလင်းသည် မှောင်မိုက်၌ ထွန်းလင်း၍၊ မှောင်မိုက်သည် ဇာခါမျှ မကွယ်နိုင်။ **6** ဘုရားသခင်သည် ယောဟန်ဟု နာမည်ခေါ်သော မိမိ၏ စိတမန်ကို စီစဉ်တော်မူ၏။ **7** ထိုသူသည် အလင်းတော်အကြောင်းကို လူအပေါင်းရှိသည် ကြား၍ ယုံကြည်ခြင်းငှာ ဟောပြောသက်သိခံရန် ကြွလာသောသူဖြစ်၏။ **8** ထိုသူသည် အလင်းတော်မဟုတ်၊ အလင်းတော်၏အကြောင်းကို ဟောပြောသက်သိခံခြင်းငှာ လာ၏။ **9** ထိုအလင်းတော်သည် လောကသို့ ကြွလာပြီးလျှင် လူသားအပေါင်းရှိတွင် ထွန်းလင်းပြီး — စစ်မှန်သောအလင်း ဖြစ်တော်မူ၏။ **10** ထိုနှုတ်ကပတ်တော်သည် လောက၌ ဟိတော်မူ၏။ ဘုရားသခင်သည် နှုတ်ကပတ်တော်အားဖြင့် လောကကို ဖန်ဆင်းတော်မူသော်လည်း လောကသည် ထိုသူကို မသိ။ **11** ထိုသူသည် မိမိလူမျိုးရှိပါးသို့ ကြွတော်မူသော်လည်း မိမိလူရှိက လက်မခံကြ။ **12** သို့ရာတွင် ထိုသူအား ယုံကြည်လက်ခံသမျှသော သူသည် ဘုရားသခင်၏သားသမီးတိ ဖြစ်ခွင့်ကို ရကြ၏။ **13** ထိုသူရှိသည် လူအသွီးအသားအားဖြင့် မွီးသောသားသမီးတိ မဟုတ်၊ သို့သော် ဘုရားသခင် ဖြစ်ပွားစီတော်မူသော သားသမီးတိ ဖြစ်ကြ၏။ **14** နှုတ်ကပတ်တော်သည် လူဇာတိကို ခံယူ၍ ကျေးဇူးတော်နှင့်လည်းကောင်း၊ သစ္စာတော်နှင့်လည်းကောင်း ပြည့်စုံလျက် ငါရိတွင် နီထိုင်တော်မူ၏။ ငါရိသည် ထိုသူ၏ ဘုန်းတန်ခိုးတော်ကို ဖူးမြင်ရကြ၏။ ထိုဘုန်းတန်ခိုးတော်ကား ခမည်းတော်၌ တစ်ပါးတည်းသော သားတော်၏ ဘုန်းတန်ခိုးတော်ကဲ့သို့ ဖြစ်၏။ **15** ယောဟန်သည် ထိုသူ၏ အကြောင်းကို ဟောပြောသက်သိခံသည်ကား၊ “ထိုသူသည် ငါ့နောက် ကြွလာမည်၊ သို့သော် ငါမမွီးမီကပင် ဟိနှင့်နိန်သည် ဖြစ်သောကြောင့် ငါ့ထက် ကြီးမြတ်သောသူ ဖြစ်သည်” ဟု ဆိုရာတွင် ထိုသူကို ဆိုလိုခြင်းဖြစ်၏” ဟု ကြွေးကြော်လေ၏။ **16** ထိုသူသည် ကျေးဇူးတော်နှင့် ပြည့်စုံသည်ဖြစ်၍ ငါရိအား ကောင်းကြီးတစ်ခုပြီးတစ်ခု ပီးတော်မူ၏။ **17** ဘုရားသခင်သည် ပညတ်တရားကို မောသျှအားဖြင့် ပီးတော်မူ၏။ သို့သော် ကျေးဇူးတော်နှင့် သစ္စာတော်မူကား ယေသျှခရစ်တော်အားဖြင့် ရောက်လာ၏။ **18** ဇာသူမျှ ဘုရားသခင်ကို မမြင်ဖူးကြသော်လည်း ခမည်းတော်၏ ရင်ခွင်၌ ဟိတော်မူသည့် ဘုရားသခင် ဖြစ်တော်မူသော တစ်ပါးတည်းသော သားတော်သည် ဘုရားသခင်အား ထင်ရှားစီတော်မူ၏။ **19** ယေရုဆလင်မြို့၌ ဩဇာဟိသော ယုဒလူရှိသည် ယဇ်ပုရောဟိတ်ရှိနှင့် လေဝိရှိကို ယောဟန်ပါးသို့ စီစဉ်၍ “သင်ကား ဇာသူနည်း” ဟု သူရှိသည် မိန်းကြလျှင်၊ **20** ယောဟန်က “မေသျှိယကား ငါ မဟုတ်” ဟု ထိမ်ဝှက်ခြင်းမဟိတ် ပွင့်လင်းစွာ ဟောပြော သက်သိခံတော်မူလေ၏။ **21** ထိုသူရှိကလည်း “ထိုသို့ဆိုလျှင် သင်ကား ဇာသူနည်း။ ဇလိယ ဖြစ်သလော” ဟု မိန်းလျှင်၊ ယောဟန်က “ငါသည် ဇလိယ မဟုတ်” ဟု ဆို၏။ တဖန် သူရှိက “သင်သည် ပရောဖက်တစ်ပါး ဖြစ်သလော” ဟု မိန်းပြန်၏။ ယောဟန်ကလည်း “မဟုတ်” ဟု ဆို၏။ **22** ထိုသူရှိကလည်း “သင်ကား ဇာသူနည်း။ ငါရိကို စီစဉ်လိုက်သော သူရှိအား ပြန်ပြောပြနိုင်ခြင်းငှာ သင့်ကိုယ်သင် ဇာသူဖြစ်သည်ဟု ပြောမည်နည်း” ဟု မိန်းကြ၏။ **23** ယောဟန်က “ငါကား ‘ပရောဖက်ဟောသျှာယ ဟောပြောသည်အတိုင်း သခင်ဘုရား၏ လမ်းခရီးတော်ကို ဖြောင့်စီကြလော့’ ဟူ၍ တောကန္တာရ၌ ဟစ်အော်ခိုန်သောသူ၏ အသံဖြစ်၏” ဟု ဆို၏။ **24** ထိုသူရှိသည် ဖာရိယုရိပါးမှ စီစဉ်လိုက်သောသူတိ ဖြစ်ကြ၏။ **25** တဖန် ထိုသူရှိက “သင်သည် မေသျှိယ မဟုတ်၊ ဇလိယလည်း မဟုတ်၊ ပရောဖက်တစ်ပါးလည်း မဟုတ်ဘဲနှင့် ဇာကြောင့် ဗတ္တိဇမံဇလီလကကို ပီးသနည်း” ဟု မိန်းကြ၏။

26 ယောဟန်ကလည်း “ငါသည် ချီ၌ ဗတ္တိဇံကို ပီး၏။ သို့သော် သင်ရိုးအထဲတွင် သင်ရိုး မသိသောသူတစ်ယောက် ဟိ၏။ 27 ထိုသူသည် ငါ့နောက်မှ ကြွလာသော်လည်း ငါသည် သူ၏ခြံနင်းကြိုးကို ဖြိပီးဖို့ရန်ပင် မထိုက်တန်” ဟု ပြန်ပြော၏။ 28 ဤအမှုအရာများသည် ယောဟန် ဗတ္တိဇံပီးနိုင်သော ယော်ဒန်မြစ် အရှိဖက်ကမ်း၊ ဗေဓနိရွာ၌ ဖြစ်ပျက်သော အမှုအရာများဖြစ်သတည်း။ 29 နောက်တစ်နှိ၌ ယောဟန်သည် မိမိထံသို့ ယေသျှုကြွလာသည်ကို မြင်သော် “လောကသားရို့၏ အပြစ်ကို ယူဆောင်လားတော်မူမည့် ဘုရားသခင်၏ သိုးသူငယ်တော်ကို ကြည့်ကြလော့။ 30 ငါ မမွီးခင်ကပင် ဟိန်နိသောသူဖြစ်၍ ငါ့ထက် ကြီးမြတ်သောသူသည် ငါ့နောက်မှ ကြွလာလိမ့်မည်ဟု ငါဆိုခဲ့သည်မှာ ထိုသူကို ဆိုလိုသတည်း။ 31 ထိုသူသည် ဇာသူဖြစ်သည်ကို ငါ မသိ။ သို့ပင်သျှောင် ကူသရေလလူရို့သည် ထိုသူအား သိနိုင်ကြစီရန် ငါသည် ရီဖြင့် ဗတ္တိဇံကိုပီး၏” ဟု ဆို၏။ 32 ထို့နောက် ယောဟန် သက်သိခံသည်ကား၊ “ဝိညာဉ်တော်သည် ဂြိုးငှက်ကဲ့သို့ ကောင်းကင်မှဆင်းသက်၍ ကိုယ်တော်အထက်၌ နားခိုနံသည်ကို ငါမြင်ရ၏။ 33 ကိုယ်တော်သည် ဇာသူဖြစ်ကြောင်းကို ငါမသိ။ သို့ပင်သျှောင် ရီဖြင့်ဗတ္တိဇံကို ပီးဖို့အတွက် ငါ့ကို စီရွတ်တော်မူသော ဘုရားသခင်က ‘ဝိညာဉ်တော်သည် ဆင်းသက်၍ လူသားတစ်ယောက်အထက်၌ နားတော်မူသည်ကို သင်မြင်ရလိမ့်မည်။ ထိုသူသည် သန့်ယှင်းသောဝိညာဉ်တော်၌ ဗတ္တိဇံကို ပီးလိမ့်မည်’ ဟု အကျွန်အား မိန့်တော်မူ၏။ 34 ထိုသို့ မိန့်တော်မူသည်အတိုင်း ငါတို့မြင်ရသည်ဖြစ်၍ ဤသူသည် ဘုရားသခင်၏သားတော် ဖြစ်ကြောင်းကို ငါသည် သက်သိခံ၏” ဟု ဆို၏။ 35 နောက်တစ်နှိ၌ ယောဟန်သည် မိမိ၏တပည့်တော် နှစ်ယောက်နှင့်အတူ ထိုအရပ်၌ တဖန် ရပ်လျက်ခိုနံစဉ်၊ 36 ယေသျှု ကြွတော်မူသည်ကို မြင်လျှင် “ဘုရားသခင်၏ သိုးသူငယ်တော်ကို ကြည့်ကြလော့” ဟု ဆို၏။ 37 တပည့်တော်နှစ်ယောက်ရို့သည် ထိုစကားကို ကြားလျှင် ယေသျှုနောက်သို့ လိုက်လားကြ၏။ 38 ယေသျှုသည် နောက်တော်သို့ လှည့်၍ ထိုသူရို့သည် နောက်မှ လိုက်နိုင်သည်ကို မြင်တော်မူလျှင် “သင်ရိုးဇာအရာကို ရှာဖွေနိုင်ကြသနည်း” ဟု မိန်းတော်မူ၏။ ထိုသူရို့ကလည်း “ရဗျ၊ ကိုယ်တော်သည် ဇာမှာနီတော်မူသနည်း” ဟု မိန်းလျှောက်ကြ၏။ ရဗျ၏ အနက်ကား “ဆရာ” ဟူ၍ဖြစ်၏။ 39 ကိုယ်တော်ကလည်း “လာ၍ ကြည့်ကြလော့” ဟု မိန့်တော်မူ၏။ ထိုအချိန်ကား ညနီလေးနာရီခန့် အချိန်ဖြစ်၏။ ထိုသူရို့သည် ကိုယ်တော်နှင့်အတူ လိုက်၍ နီထိုင်တော်မူရာ အရပ်ကို ကြည့်မြင်ပြီးလျှင် ထိုနီကို ကိုယ်တော်နှင့်အတူ ကုန်လွန်ကြ၏။ 40 ထိုသူနှစ်ယောက်ထဲမှ ယောဟန်၏ စကားကို ကြားသောသူကား သျှိုမုန်ပေတရု၏ညီ အခြွေဖြစ်၏။ 41 ထိုသူသည် မိမိအစ်ကို သျှိုမုန်အား တို့လျှင်တို့ချင်း “အကျွန်ရို့သည် မေသျှိုယကို တို့ပါယာ” ဟု ဆို၏။ (မေသျှိုယ၏အနက်ကား “ခရစ်တော်” ဖြစ်သတည်း။) 42 ထို့နောက် သူသည် သျှိုမုန်အား ယေသျှုထံသို့ ခေါ်ဆောင်လားလေ၏။ ယေသျှုသည် ထိုသူကို ကြည့်လျက် “သင်သည် ယောဟန်၏သား သျှိုမုန်ဖြစ်၏။ သို့ရာတွင် သင့်ကို ‘ကေဖ’ ဟူ၍ ခေါ်လိမ့်မည်” ဟု မိန့်တော်မူ၏။ (ကေဖ၏အနက်ကား ပေတရုနာမည်နှင့်တူသော “ကျောက်” ဟူ၍ ဖြစ်၏)။ 43 နောက်တစ်နှိ၌ ယေသျှုသည် ဂါလိလဲပြည်သို့ ကြွခြင်းငှာ အလိုဟိ၏။ ဖိလိပ္ပကို တို့လျှင် “ငါ့နောက်သို့ လိုက်လော့” ဟု ထိုသူအား မိန့်တော်မူ၏။ (44 ဖိလိပ္ပသည် ဗက်ဇဲဒဗြို့သား ဖြစ်၏။ ထိုဗြို့သည် အခြွေနှင့် ပေတရုရို့ နီထိုင်ရာဗြို့ ဖြစ်သတည်း။) 45 ဖိလိပ္ပသည်လည်း နာသနေလအား တို့လျှင် “မောသျှေ၏ ပညတ်ကျမ်းနှင့် ပရောဖက်ကျမ်းများတွင် ရိုးသားဖော်ပြထားသူကို အကျွန်ရို့ တို့ရယူ။ ထိုသူသည် နာဇရက်မြို့မှ ယောသပ်၏သား ယေသျှုဖြစ်၏” ဟု ဆို၏။ 46 နာသနေလကလည်း “နာဇရက်မြို့က ကောင်းသောအရာ တစ်စုံတစ်ခု ထွက်နိုင်သလော” ဟု မိန်းလျှင်၊ ဖိလိပ္ပက “လာ၍ ကြည့်ပါ” ဟု ဖြေလေ၏။ 47 ယေသျှုသည် မိမိထံသို့ နာသနေလ လာနိုင်သည်ကို မြင်တော်မူလျှင် “ဤအရပ်၌ ဖောက်ပြန်ခြင်းနှင့် ကင်းသောသူဖြစ်ပြီး စစ်မှန်သော ကူသရေလအမျိုးသားကို ကြည့်ကြလော့” ဟု ထိုသူအား ရည်ရွယ်၍ မိန့်တော်မူ၏။ 48 နာသနေလကလည်း “ကိုယ်တော်သည် အကျွန်ကို မည်သို့ သိသနည်း” ဟု မိန်းလျှောက်လေ၏။ ယေသျှုကလည်း “ဖိလိပ္ပသည် သင့်ကို မခေါ်မီ သဖန်းပင်အောက်၌ ဟိန်နိစဉ်ကပင် သင့်ကို ငါမြင်၏” ဟု မိန့်တော်မူ၏။ 49 နာသနေလကလည်း “ဆရာ၊

ကိုယ်တော်သည် ဘုရားသခင်၏သားတော် ဖြစ်ပါ၏။ ဣသရေလလူမျိုးရှိ၏ ဘုရင်ဖြစ်ပါ၏” ဟု လျှောက်လေ၏။ 50
ယေသျှုက “သဖန်းပင်အောက်တွင် သင်ဟိန်န့်ချိန်ကပင် သင့်ကို ငါမြင်လာဟု ဆိုသောကြောင့် သင်ယုံကြည်သလော။
ယင်းချင့်ထက်ကြီးသော အမှုအရာတို့ကို သင်မြင်ရလိမ့်မည်” ဟု မိန့်တော်မူ၏။ 51 ထို့နောက် ကိုယ်တော်က
“ငါအမှန်ဆိုသည်ကား၊ သင်ရှိသည် ကောင်းကင်ဖွင့်လှစ်၍ ဘုရားသခင်၏ ကောင်းကင်တမန်ရှိသည် လူသားအထက်မှာ
ဆင်းလျက်၊ တက်လျက်ဟိန်န့်သည်ကို မြင်ရကြလိမ့်မည်” ဟု မိန့်တော်မူ၏။

2 နောက်နှစ်ရက်ကြာသောအခါ ဂါလိလဲပြည်၊ ကာနမြို့၌ ထိမ်းမြားမင်္ဂလာပွဲ ကျင်းပရာ ယေသျှု၏မယ်တော်သည်
ထိုနီရာ၌ ဟိတော်မူ၏။ 2 ယေသျှုနှင့် တပည့်တော်ရှိကလည်း ဖိတ်ကြ၏။ 3 စပျစ်ရည်ကုန်လားသောအခါ
ယေသျှု၏မယ်တော်က “သူ့ရှိမှာ စပျစ်ရည် ကုန်လားယာ” ဟု ကိုယ်တော်ကို ပြောလေ၏။ 4 ယေသျှုကလည်း “မယ်တော်၊
ဇာအမှုကို ပြုရမည်ကို ငါ့အား မပြောပါကေ။ ငါ့အချိန်မရောက်သိမ့်” ဟု မိန့်တော်မူ၏။ 5 ထိုအခါ မယ်တော်ကလည်း
“သူစီခိုင်းသမျှကို လုပ်ဆောင်ကြလော့” ဟု အခိုင်းအစီတိအား မှာထားလေ၏။ 6 ထိုနီရာ၌ ယုဒအမျိုးသားရှိ၏
ဘာသာဓလေ့အရ စင်ကြယ်ခြင်းအဖို့အလိုငှာ ရီနှစ်ထမ်း သုံးထမ်းခန့် ဝင်သောကျောက်ရီအိုး ခြောက်အိုးဟိ၏။ 7
ယေသျှုက “ဤရီအိုးများတွင် ရီအပြည့်ဖြည့်လော့” ဟု အခိုင်းအစီရီအား မိန့်တော်မူလျှင်၊ သူရှိသည် ရီအိုး နှုတ်ခမ်းအထိ
ရီအပြည့်ဖြည့်ကြ၏။ 8 ထို့နောက် ကိုယ်တော်သည် ထိုသူရီအား “အဂ၊ ရီအချို့ကို ခပ်ပြီးလျှင် ပွဲအုပ်ပါးသို့ ယူလားကြလော့”
ဟု မိန့်တော်မူသည့်အတိုင်း သူရှိသည်လည်း ပြုကြ၏။ 9 ပွဲအုပ်သည် ရီမှ စပျစ်ရည်အဖြစ်သို့ ပြောင်းလဲလားသော
ရီကို မြည်းကြည့်လေ၏။ ရီခပ်ယူလာသော အခိုင်းအစီရှိသည် ထိုစပျစ်ရည်ကို ဇာပိုင်ရကြသည်ကို သိသော်လည်း
ပွဲအုပ်မူကား မသိပေ။ ထို့ကြောင့် သတိုးသားအား ခေါ်ပြီးလျှင်၊ 10 “လူတိုင်းက အကောင်းဆုံးသော စပျစ်ရည်နှင့်
ဦးစွာ ဧည့်ခံကြ၏။ လူတိ ၀စွာသောက်ကြပြီးမှ သို့သောစပျစ်ရည်ကို ဧည့်ခံလေဟိကြ၏။ သို့သော်လည်း သင်မူကား
အကောင်းဆုံးသော စပျစ်ရည်ကို အဂုထက်ထိ ထုတ်ပီးပါသည်တကား” ဟု ဆို၏။ 11 ယေသျှုသည် ဂါလိလဲပြည်၊
ကာနမြို့၌ ထိုသို့ ပထမဆုံးသော နိမိတ်လက္ခဏာကို ပြတော်မူလျက် မိမိ၏ဘုန်းတန်ခိုးတော်ကို ထွန်းတောက်စီ၏။
တပည့်တော်ရှိသည်လည်း ကိုယ်တော်ကို ယုံကြည်ကြ၏။ 12 ဤအမှုအရာပြီးလျှင် ယေသျှုသည် မယ်တော်မှစ၍
ညီတော်၊ တပည့်တော်ရှိနှင့် ကပေရနောငမြို့သို့ လားကြပြီး ရက်အနည်းချေ တည်းခိုကြ၏။ 13 ယုဒအမျိုးသားရှိ၏
ပသခါပွဲတော်နီးကပ်လာသောအခါ ယေသျှုသည် ယေရုဆလင်မြို့သို့ ကြွတော်မူ၏။ 14 ကိုယ်တော်သည်
ဗိမာန်တော်အထဲတွင် နွားများ၊ သိုးများ၊ ဂြိုးငှက်များကို ရောင်းသောသူများထိုင်နိန့်သည်ကိုလည်းကောင်း၊ ဦးလဲလှယ်နိန့်သော
သူရှိသည် သူရှိ၏စားပွဲများ၌ ထိုင်နိန့်သည်ကိုလည်းကောင်း တွိတော်မူ၏။ 15 ထို့ကြောင့် ကိုယ်တော်သည်
ကြိုးဖြင့် ကြာပွတ်ကိုလုပ်ပြီး သိုး၊ နွားမှစ၍ အားလုံးသောတိရစ္ဆာန်တို့ကို ဗိမာန်တော်ထဲမှ မောင်းထုတ်တော်မူ၏။
ဦးလဲလှယ်နိန့်သောသူရှိ၏ စားပွဲကိုလည်း မှောက်လှန်တော်မူ၍ သူရှိ၏ ဒင်္ဂါးများသည် ပြန့်ကြဲလေ၏။ 16 ကိုယ်တော်သည်
ဂြိုးငှက်ရောင်းသော သူတို့ကိုလည်း “ဤချင့်တို့ကို ဤနီရာမှ ယူလားကြလော့။ ငါ့အဖ၏အိမ်တော်ကို ဈေးနီရာ
မဖြစ်စီကတကေ” ဟု မိန့်တော်မူ၏။ 17 ထိုအခါ တပည့်တော်ရှိသည် “အို၊ ဘုရားသခင်၊ ကိုယ်တော်၏အိမ်တော်အဖို့
ပြင်းပြသော ငါ၏စိတ်သည် ငါ့ကိုယ်၌ မီးတောက်သဖွယ် လောင်ကျွမ်းလျက် ဟိပါ၏” ဟူသော ကျမ်းစာလာသည်ကို
သတိရကြ၏။ 18 ယုဒအာဏာပိုင်ရှိကလည်း “သင်သည် ဤအမှုအရာတိအား လုပ်ပိုင်ခွင့်ဟိကြောင်းကို သိနိုင်စီခြင်းငှာ
ငါ့ရီအား ဇာနိမိတ်လက္ခဏာကို ပြမည်နည်း” ဟု ပြန်လျှောက်ကြလေ၏။ 19 ယေသျှုကလည်း “ဤဗိမာန်တော်ကို
ဖြိုချလော့၊ သုံးရက်အတွင်း၌ ပြန်၍ ငါတည်ဆောက်မည်” ဟု မိန့်တော်မူ၏။ 20 သူရှိကလည်း “ဤဗိမာန်တော်ကို
လေးဆယ်ခြောက်နှစ်တိုင်တိုင် တည်ဆောက်ခရ၏။ သင်မူကား သုံးရက်အတွင်း ပြန်တည်ဆောက်မည်လော” ဟု
လျှောက်ကြလေ၏။ 21 သို့သော် ယေသျှု ထိုသို့ မိန့်တော်သည်မှာ မိမိ၏ကိုယ်ခန္ဓာတည်းဟူသော ဗိမာန်တော်အကြောင်းကို

ပြောဆိုခြင်းဖြစ်၏။ **22** ထို့ကြောင့် တပည့်တော်ရှိသည် သိခြင်းမှ ကိုယ်တော် ရှင်ပြန်ထမြောက်တော်မူသောအခါ ဤသို့ ကိုယ်တော် မိန့်တော်မူသောစကားကို သတိရကြ၍ ကျမ်းစာတော်မြတ်ကိုလည်းကောင်း၊ ယေသျှု မိန့်တော်မူသော စကားတော်ကိုလည်းကောင်း ယုံကြည်ကြ၏။ **23** ယေသျှုသည် ယေရုဆလင်မြို့၌ ကျင်းပသည့် ပသခါပွဲတော်အတွင်း ဟိနန်စဉ် ကိုယ်တော်ပြုတော်မူသော နိမိတ်လက္ခဏာကို တို့မြင်သောသူရှိသည် ကိုယ်တော်ကို ယုံကြည်ကြ၏။ **24** သို့သော် ယေသျှုသည် ထိုသူရှိ၏အကြောင်းကို သိတော်မူသောကြောင့် ထိုသူရှိအား မယုံပေ။ **25** ကိုယ်တော်သည် သူရှိ၏ စိတ်နှလုံးထဲ၌ ဟိသောအရာများကို သိသောကြောင့် မည်သူမျှ သူရှိ၏ အကြောင်းကို ကိုယ်တော်ကို ပြောပြရန် မလိုပေ။

3 နိကောဒင်ဟု နာမည်ဟိသော ယုဒအမျိုးသား ခေါင်းဆောင်တစ်ယောက်ဟိ၏။ ထိုသူသည် ဖာရိယုရိ၏ အဖွဲ့ဝင်တစ်ဦးဖြစ်၏။ **2** သူသည် ညဉ့်အခါ ကိုယ်တော်ထံသို့ လာ၍ “ဆရာ၊ ကိုယ်တော်သည် ဘုရားသခင် စီးရုတ်တော်မူသော ဆရာတစ်ပါး ဖြစ်ကြောင်းကို အကျွန်ုပ် သိကြပါ၏။ ကိုယ်တော်ပြုတော်မူသော နိမိတ်လက္ခဏာတို့ကို ဘုရားသခင်အတူ မပါဟိလျှင် မည်သူမျှ ပြနိုင်မည် မဟုတ်ပါ” ဟု လျှောက်လေ၏။ **3** ယေသျှုကလည်း “ငါအမှန်ဆိုသည်ကား၊ တဖန် မွီးဖွားခြင်းကို မခံသောသူသည် ဘုရားသခင်၏ နိုင်ငံတော်ကို မမြင်ရ” ဟု မိန့်တော်မူ၏။ **4** နိကောဒင်ကလည်း “အသက်ကြီးသော သူသည် တဖန် မွီးဖွားခြင်းကို ဇာပိုင် ခံရမည်နည်း။ မိခင်ဝမ်းထဲသို့ တဖန် ဝင်ပြီးလျှင် ဒုတိယအကြိမ် မွီးဖွား၍ မရနိုင်သည်မှာ သေချာပါ၏” ဟု ဆို၏။ **5** ယေသျှုကလည်း “သင်ရှိအား ငါအမှန် ဆိုသည်ကား၊ ရှိ၍ လည်းကောင်း၊ ဝိညာဉ်တော်၌ လည်းကောင်း မွီးဖွားခြင်းကို မခံသောသူသည် ဘုရားသခင်၏နိုင်ငံတော်သို့ မဝင်ရ။ **6** အသွီးအသားအားဖြင့် မွီးဖွားသောသူသည် အသွီးအသားနှင့် ဆိုင်၏။ ဝိညာဉ်တော်အားဖြင့် မွီးဖွားသောသူသည် ဝိညာဉ်နှင့်သာ ဆိုင်၏။ **7** လူတိုင်း တဖန် မွီးဖွားခြင်းကို ခံရမည်ဟု ငါ ပြောသည်ကို မအံ့သြကျေ။ **8** လီသည် မိမိ တိုက်လိုရာသို့ တိုက်တတ်၏။ လီ၏အသံကို ကြားရသော်လည်း ဇာအရပ်မှ တိုက်လာသည်ကိုလည်းကောင်း၊ ဇာအရပ်သို့ တိုက်လိမ့်မည်ကိုလည်းကောင်း မသိနိုင်။ ဝိညာဉ်တော်အားဖြင့် မွီးဖွားသောသူသည်လည်း ဤကဲ့သို့ ဖြစ်၏” ဟု မိန့်တော်မူ၏။ **9** နိကောဒင်ကလည်း “ဤအမှုအရာကား ဇာပိုင် ဖြစ်နိုင်မည်နည်း” ဟု မိန်းလေ၏။ **10** ယေသျှုကလည်း “သင်သည် ဣသရေလအမျိုးသားရှိတွင် ဆရာတစ်ပါး ဖြစ်ပါလျက်၊ ဤအကြောင်းအရာကို နားမလည်သလော။ **11** ငါအမှန် ဆိုသည်ကား၊ ငါရှိသည် ကိုယ်တိုင် သိသောအရာများကိုသာ ပြောကြ၏။ ကိုယ်မြင်သော အရာကိုသာ သက်သိခံကြ၏။ သို့သော်လည်း ငါရှိ၏ သက်သိခံချက်တို့ကို သင်ရှိ လက်မခံသိမ့်သလော။ **12** လောကနှင့် ဆိုင်သောအရာတို့ကို ငါ ပြောပြသော်လည်း သင်ရှိမယုံ၊ အထက်ကောင်းကင်နှင့် ဆိုင်သောအရာကို ငါ ပြောသော် သင်ရှိ ဇာပိုင် ယုံကြည်နိုင်မည်နည်း။ **13** ကောင်းကင်ဘုံမှ ကြွဆင်းလာသော လူသားမှတစ်ပါး တစ်စုံတစ်ယောက်မျှ ကောင်းကင်ဘုံသို့ မရောက်ဖူးကြ” ဟု ဆို၏။ **14** မောသျှုသည် တောကန္တာရ၌ ကြီးဝါဠီရုပ်ကို တိုင်ထက်မှာ ဆွဲထားသကဲ့သို့ လူသားသည်လည်း ဆွဲထားခြင်းကို ခံရလိမ့်မည်။ **15** အကြောင်းမူကား၊ ထိုသူအား ယုံကြည်သောသူ အပေါင်းရှိသည် ထာဝရအသက်ကို ရစီရန် ဖြစ်၏။ (aiṯnios g166) **16** ဘုရားသခင်သည် လောကသားရှိကို လွန်စွာချစ်တော်မူသဖြင့် မိမိ၌ တစ်ပါးတည်းသောသားတော်ကို ပီးတော်မူ၏။ အကြောင်းမူကား ထိုသားတော်ကို ယုံကြည်သော သူရှိသည် ပျက်စီးခြင်းသို့ မရောက်ဘဲ ထာဝရအသက်ကို ရစီခြင်းငှာဖြစ်၏။

(aiṯnios g166) **17** ဘုရားသခင်သည် မိမိ၏သားတော်အား လောကသို့ စီးရုတ်တော်မူသည်မှာ အပြစ်စီရင်ခြင်းငှာ မဟုတ်။ လောကသားရှိအား ကယ်တင်ခြင်းငှာ ဖြစ်သတည်း။ **18** ထိုသားတော်ကို ယုံကြည်သောသူ အပေါင်းရှိသည် အပြစ်စီရင်ခြင်းကို မခံရ။ သို့သော်လည်း မယုံကြည်သော သူရှိမူကား ဘုရားသခင်၌ တစ်ပါးတည်းသော သားတော်ကို မယုံကြည်သောကြောင့် အဂုပင် အပြစ်စီရင်ခြင်းကို ခံရလျက်ဟိ၏။ **19** တရားစီရင်ခြင်းကား ဤသို့ဖြစ်၏။ အလင်းသည် ဤလောကထဲသို့ ကြွလာ၏။ သို့သော် လူတို့ကား အလင်းထက် အမှောင်ကို သာ၍ နှစ်သက်ကြ၏။ အကြောင်းမူကား သူရှိ၏ အကျင့်သီလသည် ဆိုးယုတ်သောကြောင့်ဖြစ်၏။ **20** မကောင်းမှုကို ပြုသောသူအပေါင်းရှိသည် အလင်းကို

မုန်းကြ၏။ ထိုသူရှိသည် အလင်းသို့ လာကြလိမ့်မည် မဟုတ်။ အကြောင်းမူကား သူရိ၏ မကောင်းသောအကျင့် ပေါ်လားမည်ကို အလိုမဟိကြ။ 21 သို့ပင်သျှောင်လည်း သမ္မာတရားကို ကျင့်သောသူရိမူကား မိမိရှိကျင့်သော တရားသည် ဘုရားသခင်၏အလိုတော်နှင့် ညီသည်ကို ထင်ရှားစီခြင်းငှာ အလင်းသို့ လာကြ၏ဟု မိန့်တော်မူ၏။ 22 ထိုသို့ မိန့်တော်မူပြီးနောက် ယေသျှုနှင့် တပည့်တော် ရှိသည် ယုဒအရပ်ဒေသသို့ ကြွတော်မူ၏။ ကိုယ်တော်သည် သူရိနှင့်အတူ ထိုအရပ်၌ နိတော်မူပြီးလျှင် ဗတ္တိဇံမင်္ဂလာကို ပီးလေ၏။ 23 ယောဟန်သည်လည်း ယှာလိန်မြို့နှင့်မဝီးသော အဲနန်အရပ်တွင် ဗတ္တိဇံပီးလျက် နိန့်၏။ အကြောင်းမူကား ထိုအရပ်၌ ရီပေါသီစ္စာ ဟိသောကြောင့်ဖြစ်၏။ လူအပေါင်းရှိသည် ယောဟန်ပါးသို့ လာကြပြီးလျှင် ဗတ္တိဇံမင်္ဂလာကို ခံယူကြ၏။ 24 (ထိုအချိန်၌ ယောဟန်သည် အကျဉ်းမကျသိမ့်ပေ။) 25 ယောဟန်၏ တပည့်တချို့နှင့် ယုဒလူမျိုးတစ်ယောက်သည် ဘာသာတရားနှင့်ဆိုင်သော သန့်ယုင်းခြင်းအကြောင်းကို ဆွေးနွေးငြင်းခုံနိန့်ကြ၏။ 26 ထို့ကြောင့် သူရိသည် ယောဟန်ပါးသို့ လာ၍ “ဆရာ၊ ယော်ဒန်မြစ် အရှိဖက်ကမ်းမှာ ဆရာနှင့်အတူ နီဖူးသော သူတစ်ယောက်ကို မှတ်မိပါသလော။ ထိုသူ၏အကြောင်းကို ဆရာပြောပြဖူး၏။ ထိုသူသည် အဂု လူတို့ကို ဗတ္တိဇံပီးနိန့်ယာ။ လူတိုလည်း ထိုသူထံသို့ လားနိန့်ကြဟု” ဟု လျှောက်ကြ၏။ 27 ယောဟန်ကလည်း “ဘုရားသခင် ပီးတော်မမူလျှင် လူသည် ဇာတစ်ခုကိုမျှ မခံမယူနိုင်။ 28 ငါကား မေသျှိယ မဟုတ်။ သို့သော် ထိုအသျှင်၏ ရှိပြီးသာ ဖြစ်၏။ ထိုသို့ ဖြစ်ကြောင်းကို ငါပြောသမျှဖြင့် သင်ရိုက်ယ်တိုင် ငါ၏ သက်သီခံဖြစ်ကြ၏။ 29 မင်္ဂလာဆောင်သတို့သမီးကို ပိုင်ဆိုင်သည့်လူကား မင်္ဂလာဆောင်သတို့သားဖြစ်၏။ သတို့သား၏ မိတ်ဆွီကား ရပ်လျက် နားထောင်ပြီး နိန့်၏။ သတို့သား၏အသံကို ကြားသောအခါ အလွန်ဝမ်းမြောက်သကဲ့သို့ ငါသည်လည်း ဝမ်းမြောက်ခြင်းနှင့် ပြည့်လေ၏။ 30 ထိုအသျှင်သည် တိုးပွားခြင်း ဟိရမည်။ ငါမူကား ဆုတ်ယုတ်ခြင်း ဟိရမည်” ဟု ဆို၏။ 31 အထက်မှ ကြွလာသောသူကား အလုံးစုံတိထက် ကြီးမြတ်သောသူဖြစ်၏။ မြီကြီးမှ လာသောသူသည် မြီကြီးနှင့်သာဆိုင်၏။ ထိုသူသည်လည်း မြီကြီးအကြောင်းကိုသာ ပြောတတ်၏။ သို့သော်လည်း ကောင်းကင်မှ လာသောသူကား အရာအားလုံးထက် ကြီးမြတ်သောသူဖြစ်၏။ 32 ထိုသူသည် မိမိမြင်ခသမျှ ကြားခသမျှကို ဟောပြော၏။ သို့ရာတွင် ဇာသူမျှ ထိုသူ၏ သက်သီခံချက်တို့ကို လက်မခံကြ။ 33 သို့သော် ထိုအသျှင်၏ သက်သီခံချက်များကို လက်ခံယုံကြည်သမျှသော သူရိသည် ဘုရားသခင်သည် သစ္စာသျှင် ဖြစ်ကြောင်းကို သက်သီခံသောသူတို့ ဖြစ်ကြ၏။ 34 ဘုရားသခင် စီရွတ်တော်မူသောသူသည် ဘုရားသခင်၏ နှုတ်ကပတ်တော်များကို ပြောဆိုတတ်၏။ အကြောင်းမူကား ဘုရားသခင်သည် ထိုသူအား ဝိညာဉ်တော်ကို ပြည့်ဝစွာ ပီးတော်မူသောကြောင့်ဖြစ်၏။ 35 ခမည်းတော်သည် မိမိသားတော်ကို ချစ်တော်မူသောကြောင့် ခပ်သိမ်းသော တန်ခိုးအာဏာကို သားတော်၌ ပီးအပ်လေ၏။ 36 ထိုသားတော်ကို ယုံကြည်လက်ခံသောသူသည် ထာဝရအသက်ကို ရ၏။ သားတော်ကို မယုံကြည်သောသူမူကား အသက်ကိုမရဘဲ ဘုရားသခင်၏ အမျက်တော်အောက်၌ နိန့်သောသူ ဖြစ်၏။ (aiōnios g166)

4 ယေသျှုသည် ယောဟန်ထက် ပို၍များသောသူရိကို တပည့်တော်ဖြစ်စီပြီး ဗတ္တိဇံပီးကြောင်းကို ဖာရိယုရိသည် ကြားသိကြ၏။ 2 သို့ရာတွင် ယေသျှုသည် မိမိကိုယ်တိုင် ဗတ္တိဇံကို ပီးသည် မဟုတ်။ တပည့်တော်တိကသာ လုပ်ဆောင်ကြခြင်းဖြစ်၏။ 3 ယေသျှုသည် ကြားတော်မူလျှင် ယုဒပြည်မှထွက်၍ ဂါလိလဲပြည်သို့ ကြွတော်မူ၏။ 4 လမ်းခရီး၌ ယှာမာရိပြည်ကို ဖြတ်၍လားရ၏။ 5 ထို့ကြောင့် ယှာမာရိပြည်၌ ယှာခါ အမည်ဟိသောမြို့သို့ ရောက်တော်မူ၏။ ထိုမြို့ကား ယာကုပ်သည် မိမိ၏သား ယောသပ်အား ပီးသော မြီကွက်အနားတွင် တည်ဟိ၏။ 6 ယာကုပ်၏ ရီတွင်းလည်း ထိုအရပ်၌ဟိ၏။ ယေသျှုသည် ခရီးပန်းသောကြောင့် ရီတွင်းအနား၌ ထိုင်တော်မူ၏။ ထိုအချိန်ကား နီမွန်းတည့် အချိန်၌ဖြစ်၏။ 7 ယှာမာရိ မိန်းမတစ်ယောက်သည် ရီခပ်ခြင်းငှာ လာ၏။ ယေသျှုကလည်း ထိုမိန်းမအား “ငါ သောက်ဖို့ ရီတစ်ခွက် ပီးလော့” ဟု မိန့်တော်မူ၏။ 8 ကိုယ်တော်၏ တပည့်တော်တိကား စားစရာဝယ်ခြင်းငှာ

မြို့ထဲသို့ လားနိန်ခိုက်ဖြစ်၏။ 9 မိန်းမကလည်း “သင်ကား ယုဒလူမျိုးတစ်ယောက် ဖြစ်၏။ အကျွန်ကား ယုဒမာရိ လူမျိုးတစ်ယောက်ဖြစ်၏။ သို့ပင်သျှောင် ဇာအတွက်နှင့် အကျွန်ုပ်ပါးမှာ သောက်ဖို့ရိုကို တောင်းရသနည်း” ဟုဆို၏။ အကြောင်းမူကား ယုဒလူမျိုးသည် ယုဒမာရိလူမျိုး သုံးသော ရီခွက်၊ ဇလုံများကို အတူတကွ အသုံးမပြုကြပေ။ 10 ယေသျှုကလည်း “ဘုရားသခင်ပီးသော အရာတိကိုလည်းကောင်း၊ သင့်ပါးမှ ရီသောက်ဖို့ တောင်းသောသူကိုလည်းကောင်း သိလျှင် သင်သည် ထိုသူပါးက တောင်းလိမ့်မည်၊ ထိုသူလည်း သင့်ကို အသက်ရိုကို ပီးလိမ့်မည်” ဟု မိန့်တော်မူ၏။ 11 မိန်းမက “ဆရာ၊ သင့်မှာ ရီဆွဲပုံးလည်း မဟိ။ ရီတွင်းကလည်း နက်၏။ သင်သည် အသက်ရိုကို ဇာကနိန် ရနိုင်ပါမည်နည်း။ 12 ဤရီတွင်းကား အကျွန်ရို့ အဖိုးအဖီးဖြစ်သော ယာကုပ်က အကျွန်ရို့ကို ပီးထားသည့် ရီတွင်းဖြစ်၏။ သူနှင့် သူ၏သားသမီးများနှင့် သိုးတိရစ္ဆာန်အားလုံးသည် ဤက ရီကိုသောက်ကြ၏။ သင်သည် အကျွန်ရို့အဖိုးအဖီးဖြစ်သူ ယာကုပ်ထက် ကြီးမြတ်ပါသလော” ဟု မိန်းမလေ၏။ 13 ယေသျှုကလည်း “ဤရီကို သောက်သောသူတိုင်း တဖန် ရီဆာဖို့သိမ့်။ 14 သို့သော်လည်း ငါ ပီးသောရီကို သောက်သောသူကား နောက်တဖန် ရီမမှတ်ယာ။ ထိုရီသည် ထိုသူရို့၏ အထဲ၌ အသက်စမ်းရီဖြစ်စီပြီး ထာဝရအသက်ကိုလည်း ပီးလိမ့်မည်” ဟု မိန့်တော်မူ၏။ (aiōn g165, aiōnios g166) 15 ထိုမိန်းမကလည်း “အသျှင်၊ ထိုရီကို အကျွန်အား ပီးပါ။ ထိုမှသာ အကျွန်သည် ရီမှတ်ခြင်းနှင့် ကင်းလွတ်လိမ့်မည်။ ထိုသို့ မဟုတ်လျှင် အကျွန်သည် ဤနီရာသို့ လာ၍ ရီခပ်နိန်ရမည်” ဟု ဆို၏။ 16 ယေသျှုသည် သူမအား “လား၍ သင်၏လင်ကို ခေါ်လာလော့” ဟု မိန့်တော်မူ၏။ 17 ထိုမိန်းမကလည်း “အကျွန်မှာ လင်မဟိပါ” ဟု လျှောက်လေ၏။ ယေသျှုကလည်း “သင့်၌ လင်မဟိဟု ပြောသည်မှာ မှန်ပေ၏။ 18 သင်သည် ယောက်ျားငါးယောက်နှင့် အိမ်ထောင်ပြုခဲ့ဖူးယာ။ အဂု သင်နှင့်နီသော သူလည်း သင်၏ လင် မဟုတ်။ သင်သည် မှန်သောစကားကို ငါ့အား ပြောယာ” ဟု မိန့်တော်မူ၏။ 19 ထိုမိန်းမက “အသျှင်၊ သင်သည် ပရောဖက်တစ်ပါးဖြစ်သည်ကို အကျွန် သိမြင်ပါ၏။ 20 အကျွန်ရို့ အဖိုးအဖီးတိက ဘုရားသခင်ကို တောင်ထက်မှာသာ ကိုးကွယ်ကြ၏။ သို့ရာတွင် အသျှင်ရို့ ယုဒလူမျိုးတိက ‘ယေရုဆလင်မြို့၌သာ ဘုရားသခင်ကို ဝတ်ပြုကိုးကွယ်ရမည်’ ဟူ၍ ဆိုကြပါ၏” ဟု ဆို၏။ 21 ယေသျှုက “အသင် မိန်းမ၊ ငါ့ကို ယုံကြည်လော့။ ဤတောင်သို့မလာ၊ ယေရုဆလင်မြို့၌ မဟုတ်ဘဲ၊ ခမည်းတော်ကို ကိုးကွယ်ရမည့်အချိန် ရောက်လာလိမ့်မည်။ 22 ယုဒမာရိလူမျိုးဖြစ်သော သင်ရို့သည် မိမိရို့ မသိသောဘုရားကို ကိုးကွယ်ကြ၏။ သို့သော်လည်း ငါရို့ယုဒလူမျိုးတိက မိမိရို့ ကိုးကွယ်သောဘုရားကို သိကျွမ်းကြ၏။ အကြောင်းမူကား ကယ်တင်ခြင်းသည် ယုဒလူမျိုးပါးမှ ဆင်းသက်လာသောကြောင့် ဖြစ်၏။ 23 သို့ပင်သျှောင် ခမည်းတော်ဘုရားအား ကိုးကွယ်သောသူ မှန်သမျှရို့သည် ဝိညာဉ်ဖြင့် လည်းကောင်း၊ သစ္စာနှင့်လည်းကောင်း ကိုးကွယ်ရမည့်အချိန်သည် လာ၍ အဂုပင် ရောက်လျက်ဟိ၏။ အကြောင်းမူကား ထိုသို့ ကိုးကွယ်သောသူရို့ကို ခမည်းတော်သည် အလိုဟိတော်မူ၏။ 24 ဘုရားသခင်သည် နာမ်ဝိညာဉ်ဖြစ်တော်မူသည်အတိုင်း ကိုးကွယ်သောသူ မှန်သမျှရို့သည်လည်း ဝိညာဉ်နှင့်လည်းကောင်း၊ သစ္စာနှင့်လည်းကောင်း ကိုးကွယ်ရမည်” ဟု ဆို၏။ 25 ထိုမိန်းမကလည်း “မေသျှိယ ကြွလာမည်ကို အကျွန် သိပါ၏။ ထိုအသျှင်ကြွလာသောအခါ အရာခမ်းသိမ်းကို အကျွန်ရို့အား ဖွင့်ပြလိမ့်မည်” ဟု လျှောက်လေ၏။ 26 ယေသျှုလည်း “ထိုအသျှင်ကား သင်နှင့်စကားပြောနိုင်သော ငါပင်ဖြစ်၏” ဟု မိန့်တော်မူ၏။ 27 ထိုအချိန်၌ တပည့်တော်ရို့သည် ပြန်ရောက်လာကြရာ ကိုယ်တော်နှင့် ထိုမိန်းမသည် စကားပြောနိုင်သည်ကို တို့လျှင် လွန်စွာအံ့သြကြ၏။ သို့သော်လည်း ထိုမိန်းမအား “ဇာအလိုဟိသည်ကိုလည်းကောင်း၊” ကိုယ်တော်ကို “ထိုမိန်းမနှင့် ဇာကြောင့် စကားပြောတော်မူသည် လည်းကောင်း” ဇာသူမျှ မမိန်းမဝံ့ကြပေ။ 28 ထို့နောက် ထိုမိန်းမသည် သူမ၏ရီအိုးကို ထားခပြီးလျှင် မြို့ထဲသို့ ပြန်၍ လူအပေါင်းရို့အား၊ 29 “အကျွန် ပြုလုပ်သောအရာများကို ပြန်ပြောပြနိုင်သောသူအား လာ၍ ကြည့်ကြလော့။ ထိုသူသည် မေသျှိယ ဖြစ်နိုင်မည်လော” ဟု ပြောလေ၏။ 30 ထို့ကြောင့် လူရို့သည် မြို့မှ ထွက်လာကြကာ ယေသျှုထံပါးသို့ လာကြ၏။ 31 ထိုအချိန်အတောအတွင်း၌ တပည့်တော်ရို့က “ဆရာ၊ စားစရာတစ်ခုခုကို သုံးဆောင်ပါလော့” ဟု ယေသျှုအား

တောင်းပန်လေ၏။ 32 သို့ရာတွင် ကိုယ်တော်က “သင်ရဲ့ မသိသောအစာကို ငါသုံးဆောင်ပြီးယာ” ဟု မိန့်တော်မူ၏။

33 ထို့ကြောင့် တပည့်တော်ရဲ့သည် “တစ်စုံတစ်ယောက်က ကိုယ်တော်အား အစားအစာကို ပီးလူထားပြီလော” ဟု အချင်းချင်း မိန်းမြန်းကြ၏။ 34 ယေသျှုလည်း “ငါ၏ စားစရာကား၊ ငါ့ကို စီစွတ်သော အသျှင်၏အလိုတော်ကို နာခံခြင်းနှင့် ထိုအသျှင်က ငါ့ကို ပီးအပ်ထားသော လုပ်ငန်းတာဝန်ကို ပြီးစီးအောင် လုပ်ဆောင်ခြင်းပင် ဖြစ်၏။

35 ‘တဖန်၊ လေးလလွန်လျှင် ကောက်ရိတ်သိမ်းချိန် ရောက်ယာ’ ဟု သင်ရဲ့က ပြောတတ်ကြ၏။ သို့သော်လည်း သင်ရဲ့ကို ငါပြောမည်။ သင်ရဲ့မျက်စိဖွင့်ပြီး လယ်ပြင်တိုကို ကြည့်လိုက်လော့။ ကောက်နှံတို ဝင်းမှည့်ပြီး ရိတ်သိမ်းခြင်းငှာ အချိန်တန်ခိုန်ယာ။ 36 ကောက်ရိတ်သောသူသည် ရိတ်သိမ်းခကို ယူ၍ ထာဝရအသက်နှင့်ဆိုင်သော သီးနှံများကို ရိတ်သိမ်း၏။ ထို့ကြောင့် စိုက်ပျိုးသောသူနှင့် ရိတ်သိမ်းသောသူရဲ့သည် အတူတကွ ဝမ်းမြောက်လိမ့်မည်။ (aiōnios g166)

37 ‘တစ်ယောက်က စိုက်ပျိုး၍ နောက်တစ်ယောက်က ရိတ်သိမ်းရ၏’ ဟူသော ဆိုရိုးစကားသည် မှန်ကန်လျက်ဟိ၏။

38 သင်ရဲ့ မစိုက်ပျိုးသောလယ်၌ ရိတ်သိမ်းခြင်းငှာ သင်ရဲ့အား ငါစီစွတ်တော်မူ၏။ ထိုအရပ်၌ အခြားသောသူရဲ့သည် အလုပ်လုပ်ကြပြီး ထိုသူရဲ့၏အလုပ်မှ သင်ရဲ့သည် အကျိုးကို ရကြ၏” ဟု မိန့်တော်မူ၏။ 39 ယုာမာရိမြို့သားအပေါင်းရဲ့သည် ယေသျှုကို ယုံကြည်ကြ၏။ အကြောင်းမူကား ထိုယုာမာရိမိန်းမက “သူသည် အကျွန်ုပ်အဖူးသမျှသော အမှုအရာများကို အကျွန်ုပ်အား ပြောပြခါ၏” ဟု ပြောဆိုသောကြောင့်ဖြစ်၏။ 40 ထို့ကြောင့် ယုာမာရိ မြို့သားအပေါင်းရဲ့သည် ကိုယ်တော်ထံသို့ ရောက်လာကြသောအခါ မိမိရဲ့နှင့်အတူ တည်းခိုရန် တောင်းပန်သောကြောင့် ယေသျှုသည်လည်း နှစ်ရက် တည်းခိုခံတော်မူလေ၏။ 41 များစွာသောလူရဲ့သည်လည်း ကိုယ်တော်၏ တရားတော်ကြောင့် ယုံကြည်သူများ ဖြစ်လာကြ၏။ 42 ထို့နောက် သူရဲ့က “အခု အကျွန်ုပ်ရဲ့ ယုံကြည်သည်မှာ သင်၏ ပြောပြခြင်းကြောင့် မဟုတ်၊ အကျွန်ုပ်ရဲ့ကိုယ်တိုင် ကြားရပြီးလျှင် ထိုအသျှင်သည် လောက၏ စစ်မှန်သော ကယ်တင်သူဖြစ်ကြောင်းကို အကျွန်ုပ်ရဲ့ သိသောကြောင့်ဖြစ်၏” ဟု ထိုမိန်းမအား ပြောဆိုကြ၏။ 43 နှစ်ရက်လွန်ပြီးနောက် ယေသျှုသည် ထိုအရပ်မှ ထွက်၍ ဂါလိလဲပြည်သို့ လားလေ၏။ 44 ယေသျှုကိုယ်တော်တိုင် “ပရောဖက်မည်သည်ကား မိမိရဲ့ခင်းပြည်၌ ဂုဏ်အသရေမဟိ” ဟု မိန့်တော်မူ၏။ 45 ကိုယ်တော်သည် ဂါလိလဲပြည်၌ ရောက်သောအခါ ထိုပြည်သားရဲ့သည် ကိုယ်တော်ကို ကြိုဆိုကြ၏။ အကြောင်းမူကား သူရဲ့သည် ယေရုဆလင်မြို့၌ ပသခါပွဲတော်သို့ လားကြပြီး ထိုပွဲတော်အတွင်း ကိုယ်တော်ပြုသော အရာခပ်သိမ်းကို တို့မြင်ခပြီးသောကြောင့် ဖြစ်၏။ 46 ထို့နောက် ယေသျှုသည် ဂါလိလဲပြည် ကာနုမြို့သို့ ပြန်ကြွလေ၏။ ထိုနိရာကား ရီကို စပျစ်ရည် ဖြစ်စီသောနီရာ ဖြစ်သတည်း။ ထိုမြို့၌အစိုးရသော အရာဟိတစ်ယောက်၏သားသည် ကပေရနောငမြို့တွင် ဖျားနာလျက် ဟိ၏။ 47 ယေသျှုသည် ယုဒပြည်မှ ဂါလိလဲပြည်သို့ ကြွလာတော်မူကြောင်းကို ထိုသူသည် ကြားသိကြသောအခါ ကိုယ်တော်ထံသို့ လာပြီးလျှင် ကပေရနောငမြို့သို့ ကြွ၍ သီလုနီးပါးဖြစ်နိုင်သော မိမိ၏သားကို ကျန်းမာစီခြင်းငှာ တောင်းလျှောက်လေ၏။ 48 ယေသျှုကလည်း “သင်ရဲ့သည် နိမိတ်လက္ခဏာနှင့် အံ့ဩဖွယ်များကို မမြင်ရလျှင် ယုံကြည်ကြမည် မဟုတ်” ဟု ထိုသူအား မိန့်တော်မူ၏။ 49 အရာဟိကလည်း “ဆရာ၊ အကျွန်ုပ်သား သီဆုံးမလားခင် အကျွန်ုပ်နှင့်အတူ လိုက်ပါလော့” ဟု ပြန်၍ လျှောက်လေ၏။ 50 ယေသျှုကလည်း “ပြန်လားလော၊ သင်၏သား သက်သာလိမ့်မည်” ဟု ထိုသူအား မိန့်တော်မူ၏။ ထိုသူသည်လည်း ယေသျှု၏စကားကို ယုံကြည်သဖြင့် ပြန်လားလေ၏။ 51 ထိုသူသည် အိမ်သို့ ပြန်သောလမ်း၌ မိမိ၏အခိုင်းအစီများနှင့် တို့လျှင် “သင်၏သားသည် သက်သာလားယာ” ဟု ပြောကြ၏။ 52 ထိုသူကလည်း အခိုင်းအစီတို့ကို မိမိသားသည် မည်သည့်အချိန်၌ သက်သာလားသည်ကို မိန်းလေ၏။ ထိုသူရဲ့ကလည်း “ဖျားနာခြင်းမှ သက်သာလာသည်ကား ညက မွန်းလွဲ တစ်ချက်တီးအချိန်၌ ဖြစ်ပါ၏” ဟု ပြောလေ၏။ 53 ထိုအခါ သူငယ်၏ဖခင်သည် မိမိသား၌ ဖြစ်ပျက်သောအချိန်သည် ယေသျှုက “သင့်သားသည် သက်သာလိမ့်မည်” ဟု မိန့်တော်မူသော အချိန်ပင်ဖြစ်ကြောင်းကို

သတိရလေ၏။ ထို့ကြောင့် သူနှင့် သူ၏ မိသားစုအားလုံးသည် ယုံကြည်ကြ၏။ 54 ဤသည်ကား ယေသျှုသည် ယုဒပြည်မှ ဂါလိလဲပြည်သို့ ကြွတော်မူပြီးနောက် ဒုတိယအကြိမ် ပြုသော အံ့ဖွယ်နိမိတ်လက္ခဏာပင် ဖြစ်သတည်း။

5 ထို့နောက် ယေသျှုသည် ယုဒဘာသာရေးပွဲတော် ဟိသည်ဖြစ်၍ ယေရုဆလင်မြို့သို့ ကြွတော်မူ၏။ 2

ယေရုဆလင်မြို့၌ ဟိသော သိုးတန်းခါးနားတွင် ရိကန်တစ်ကန် ဟိ၏။ ထိုရိကန်အား ဆင်ဝင်ငါးခုဖြင့် ကာရံထားပြီး ဟေဗြဲဘာသာစကားအားဖြင့် ဗေသေသဒ ဟု ခေါ်ဆို၏။ 3 မျက်စိမမြင်သောသူ၊ ကိုယ်လက်မသန်စွမ်းသူနှင့် လိဖြတ်သောသူ — စသည့် လူမမာများစွာရှိသည် ထိုဆင်ဝင်များ၌ လဲလျောင်းလျက် နိန်ကြ၏။ 5 သုံးဆယ်သျှစ်နှစ်ပတ်လုံး ဖျားနာခြင်းဝေဒနာကို ခံစားနိုင်ရသော လူတစ်ဦးသည်လည်း ထိုနီရာ၌ ဟိ၏။ 6 ယေသျှုသည်လည်း လဲလျောင်းနိုင်သော ထိုသူကို မြင်လျှင် ကာလကြာမြင့်စွာ ရောဂါခံစားနိုင်ရကြောင်းကို သိတော်မူ၏။ ထို့ကြောင့် ကိုယ်တော်သည် ထိုသူအား “သင်သည် ကျန်းမာခြင်း ရလိုသလော” ဟု မိန်းလေ၏။ 7 ထိုဖျားနာနိုင်သောသူကလည်း “ဆရာ၊ ရီလုပ်ခတ်လာသောအခါ အကျွန်အား ရိကန်ထဲသို့ ချပီးမည့်လူ တစ်ယောက်မျှ မဟိပါ။ အကျွန်သည် ရိကန်ထဲသို့ ဆင်းခြင်းငှာ ကြိုးစားနိုင်စဉ် တခြားသူတစ်ယောက်သည် ဦးစွာ ရောက်လားတတ်ပါ၏” ဟု လျှောက်လေ၏။ 8 ယေသျှုကလည်း “ထလော့၊ သင်၏ ဖျာကိုယူ၍ လှမ်းလားလော့” ဟု မိန့်တော်မူလျှင်၊ 9 ထိုသူသည် ချက်ချင်းပင် ကျန်းမာလားသဖြင့် မိမိဖျာကို ယူ၍ လှမ်းလားလေ၏။ ထိုအမှုအရာ ဖြစ်ပျက်သောနိမိတ်ကား ဥပုသ်နိဉ် ဖြစ်၏။ 10 ထို့ကြောင့် ယုဒအာဏာပိုင်ရှိသည် ကျန်းမာလားသောသူအား “ဤနို့သည် ဥပုသ်နိဉ်ဖြစ်သောကြောင့် သင်၏ဖျာကို သယ်ယူခြင်းသည် ငါရီ၏ ပညတ်ကို ဆန့်ကျင်ခြင်းဖြစ်၏” ဟု ဆို၏။ 11 ထိုသူကလည်း “အကျွန်ုပ် ကျန်းမာစီသော သူသည် ဖျာကို ကောက်၍ လှမ်းလားစီခြင်းငှာ အကျွန်အား မိန့်တော်မူပါ၏” ဟု ပြောလေ၏။ 12 ထိုအခါ သူရှိသည် “သင့်ကို ဤပိုင် လုပ်ခိုင်းသောသူကား ဇာသူနည်း” ဟု ထိုသူအား မိန်းလေ၏။ 13 သို့ရာတွင် ထိုကျန်းမာလာသောသူသည် မိမိအား စီခိုင်းသောသူသည် ယေသျှုဖြစ်သည်ကို မသိပေ။ အကြောင်းမူကား ထိုနီရာ၌ လူများ၍ ယေသျှုသည်လည်း အစီးသို့ မထင်မရှား ကြွလားတော်မူသောကြောင့် ဖြစ်၏။ 14 ထို့နောက်မှ ယေသျှုသည် ထိုသူအား ဗိမာန်တော်၌ တို့လျှင် “နားထောင်၊ အခု သင် နီကောင်းယာ။ ထို့ကြောင့် ဒုစရိုက်အပြစ်ပြုခြင်းကို ရပ်တန့်လော့၊ ထိုသို့ မဟုတ်လျှင် ဤထက်ဆိုးသော အရာတိ သင်၌ ဖြစ်လာလိမ့်မည်” ဟု မိန့်တော်မူလေ၏။ 15 ထိုအခါ ကျန်းမာလာသောသူသည် ထွက်လား၍ ယုဒအာဏာပိုင်ရှိကို မိမိအား ကျန်းမာစီသောသူသည် ယေသျှုဖြစ်ကြောင်းကို ပြောကြားလေ၏။ 16 ထို့ကြောင့် ယုဒအာဏာပိုင်ရှိသည် ယေသျှုအား ညှဉ်းပန်းခြင်းငှာ စတင်လေ၏။ အကြောင်းမူကား ကိုယ်တော်သည် ဥပုသ်နိဉ် ကျန်းမာခြင်းအမှုအား ပြုသောကြောင့်ဖြစ်၏။ 17 ယေသျှုကလည်း “ငါခမည်းတော်သည် အစဉ်မပြတ် အလုပ်လုပ်နိုင်၏။ ထို့ကြောင့် ငါသည်လည်း အလုပ်လုပ်ရမည်” ဟု ထိုသူရှိအား မိန့်တော်မူ၏။ 18 ဤသို့ မိန့်တော်မူသောကြောင့် လည်းကောင်း၊ ဥပုသ်နိဉ်၏ စည်းကမ်းကို ဖောက်ဖျက်ခြင်းကြောင့် လည်းကောင်း၊ ဘုရားသခင်ကို မိမိ၏အဖေဟု ခေါ်၍ မိမိကိုယ်မိမိ ဘုရားသခင်နှင့် တစ်တန်းတည်း ထားသောကြောင့် လည်းကောင်း ယုဒအာဏာပိုင်တိက ကိုယ်တော်ကို အသိသတ်ခြင်းငှာ ပို၍ ကြံစည်ကြ၏။ 19 ထို့ကြောင့် ယေသျှုသည် ယုဒအာဏာပိုင်ရှိအား “ငါအမှန်ဆိုသည်ကား၊ သားတော်သည် မိမိအလိုအတိုင်း ဇာတစ်ခုမျှ မပြုနိုင်။ သူ၏ခမည်းတော် ပြုတော်မူသမျှသော အရာတိကို မြင်၍သာ ပြု၏။ ခမည်းတော်ပြုသမျှကို သားတော်လည်း ပြု၏။ 20 ခမည်းတော်သည် သားတော်ကို ချစ်သောကြောင့် မိမိပြုသမျှ အလုံးစုံတိကို သားတော်အား ဖွင့်ပြတော်မူ၏။ ခမည်းတော်သည် ဤအမှုအရာထက် ကြီးစွာသောအရာတိကို ပြုခြင်းငှာ သားတော်အား ဖွင့်ပြပီးဦးမည် ဖြစ်သောကြောင့် သင်ရှိသည် အံ့ဩခြင်း ဟိကြလိမ့်မည်။ 21 ခမည်းတော်သည် သိသောသူကိုပင် ထမြောက်စီပြီး ထိုသူရှိအား အသက်ကို ပီးတော်မူ၏။ ထိုနည်းတူ သားတော်သည်လည်း မိမိအလိုဟိသော သူရှိအား အသက်ကို ပီးလိမ့်မည်။ 22 ခမည်းတော်သည် ဇာသူကိုမျှ

တရားစီရင်တော်မူမည် မဟုတ်။ သားတော်အား တရားစီရင်ရသောအခွင့် အလုံးစုံကို ပီးအပ်ထားပြီးဖြစ်၏။ 23 အကြောင်းမူကား လူရှိသည် ခမည်းတော်အား ရိုသ်သည့်နည်းတူ သားတော်ကိုလည်း ရိုသ်ကြစီရန် ဖြစ်၏။ သားတော်အား မရိုသ်သောသူ ဟိသမျှရှိသည် ထိုသားတော်အား စီရင်တော်မူသော ခမည်းတော်ကိုလည်း မရိုသ်သောသူ ဖြစ်၏။ 24 “ငါအမှန်ဆိုသည်ကား၊ ငါ့စကားကို ကြားလျက် ငါ့အား စီရင်တော်မူသူကို ယုံကြည်သော သူရှိသည် ထာဝရအသက်ကို ရ၏။ ထိုသူရှိသည် တရားစီရင်ခြင်းကို မခံရဘဲ သီခြင်းမှ အသက်ရှင်ခြင်းသို့ ကူးမြောက်သော သူများ ဖြစ်ကြ၏။

(aiōnios g166) 25 ငါအမှန်ဆိုသည်ကား၊ သီသောသူရှိသည် ဘုရားသခင်သားတော်၏ အသံကို ကြားသောအခါ ပြန်၍ အသက်ရှင်လာမည့် အချိန်သည် လာ၍ အဂုပင် ရောက်လျက်ရှိ၏။ 26 အကြောင်းမူကား ခမည်းတော် ကိုယ်တိုင် အသက်၏ အရင်းအမြစ် ဖြစ်သကဲ့သို့ သားတော်ကိုလည်း ထိုသို့ ဖြစ်စီခြင်းငှာ အခွင့်ပီးတော်မူ၏။ 27 ခမည်းတော်သည် သားတော်အား တရားစီရင်ပိုင်သော အခွင့်ကိုလည်း ပီးတော်မူ၏။ အကြောင်းမူကား ထိုသူသည် လူသား ဖြစ်တော်မူ၏။ 28 ဤအမှုအရာကြောင့် မအံ့ဩကတ်ကေ။ သီလွန်သောသူအားလုံးသည် သားတော်၏ အသံကိုကြား၍ သူရှိ၏ အတံဂူအသီးသီးမှ ထလာရမည့်အချိန်သည် အဂုပင် ရောက်လျက် ရှိ၏။ ကောင်းသောအကျင့်ကို ကျင့်သောသူရှိသည် အသက်ကို ရ၍၊ မကောင်းသောအကျင့်ကို ကျင့်သောသူရှိသည် ထမြောက်ပြီး အပြစ်စီရင်ခြင်းကို ခံရလိမ့်မည်” ဟု မိန့်တော်မူ၏။ 30 ယေသျှုကလည်း “ငါသည် မိမိအခွင့်အာဏာဖြင့် ဇာအရာကိုမျှ မပြုနိုင်။ ဘုရားသခင် ဖော်ပြသမျှကိုသာ တရားစီရင်၏။ ထို့ကြောင့် ငါစီရင်ခြင်းသည် မှန်ကန်၏။ အကြောင်းမူကား ငါသည် ကိုယ့်အလိုသို့ လိုက်၍ ပြုခြင်းငှာ မကြိုးစားဘဲ၊ ငါ့အား စီရင်တော်မူသော သူ၏အလိုသို့သာ လိုက်၍ ငါ ပြုသောကြောင့်ဖြစ်၏။ 31 “ငါသည် ကိုယ့်အကြောင်းကိုသာ သက်သီခံလျှင် ငါ၏သက်သီသည် လက်ခံနိုင်ဖွယ်မဟိ။ 32 ငါ့ကိုယ်စား သက်သီခံသောသူ တစ်ပါးဟိ၏။ ငါ့အကြောင်းကို ထိုသူ၏ သက်သီခံချက်များသည် မှန်ကန်ကြောင်းကို ငါသိ၏။ 33 သင်ရှိသည် ယောဟန်ပါးသို့ သင်ရှိ၏တမန်ရှိကို စီရင်ခ၏။ ယောဟန်သည် သမ္မာတရားဖက်၌ သက်သီခံ၏။ 34 လူတိဖက်မှ သက်သီခံပီးသည်ကို ငါ လို၍ မဟုတ်။ သို့ရာတွင် သင်ရှိ ကယ်တင်ခံရစီခြင်းငှာ ငါဆို၏။ 35 ယောဟန်သည် ထွန်းလင်းတောက်ပသော ဆီမီးနှင့် တူ၏။ သင်ရှိသည် ထိုသူ၏ အလင်း၌ ခဏသာပျော်မွှိုရန် ဆန္ဒဟိကြ၏။ 36 သို့ရာတွင် ယောဟန်၏ သက်သီထက် ကြီးမြတ်သောသက်သီတစ်ခုသည် ငါ၌ ဟိ၏။ ခမည်းတော်သည် ငါ့အား အလုပ်ကို ပြီးမြောက်အောင်လုပ်ဆောင်ရန် အပ်ပီးတော်မူသဖြင့် အဂု ငါ လုပ်ဆောင်လျက်ဟိသော အမှုအရာတိကား၊ ငါ့အား ခမည်းတော် စီရင်တော်မူကြောင်းကို သက်သီခံခြင်းဖြစ်၏။ 37 ထို့ကြောင့် ငါ့ကို စီရင်တော်မူခမည်းတော်ကိုယ်တိုင် ငါ၏အကြောင်းကို သက်သီခံတော်မူ၏။ သင်ရှိသည် ခမည်းတော်၏ အသံတော်ကို ဇာခါမျှ မကြားဖူး၊ မျက်နှာတော်ကိုလည်း မမြင်ဖူး။ 38 ခမည်းတော် စီရင်တော်မူသောသူကို သင်ရှိသည် မယုံကြည်သောကြောင့် နှုတ်ကပတ်တော်သည် သင်ရှိ၏စိတ်နှလုံးထဲ၌ မတည်ကြ။ 39 သင်ရှိသည် ကျမ်းစာတော်မြတ်ကို ကြိုးစား၍ လေ့လာကြ၏။ အကြောင်းမူကား သင်ရှိသည် ထိုအထဲ၌ ထာဝရအသက်ကို ရှာထွေလိမ့်မည်ဟု ထင်သောကြောင့်ဖြစ်၏။ ထိုကျမ်းစာတော်မြတ်ပင်လျှင် ငါ၏အကြောင်းကို သက်သီခံ၏။ (aiōnios g166) 40 သို့သော် သင်ရှိသည် အသက်ကို ရအံ့သောငှာ ငါ့ထံပါးသို့ မလာလိုကြပေ။ 41 “ငါသည် လူတိ ချီးမွမ်းဂုဏ်ပြုခြင်းကို မရှာ။ 42 သို့သော် သင်ရှိသည် ဇာပိုင် လူအမျိုးအစား ဖြစ်ခြင်းကိုလည်းကောင်း၊ သင်ရှိ၏စိတ်နှလုံး၌ ဘုရားသခင်ကို ချစ်ခြင်းမဟိသည်ကိုလည်းကောင်း ငါသိ၏။ 43 ငါ၏ ခမည်းတော် အခွင့်နှင့် ငါသည် ကြွလာသော်လည်း သင်ရှိသည် ငါ့ကို လက်မခံကြ။ သို့သော် အခြားသူတစ်ယောက်သည် မိမိအခွင့်နှင့် ကြွလာပါမူ သင်ရှိသည် ထိုသူအား လက်ခံကြလိမ့်မည်။ 44 သင်ရှိသည် အချင်းချင်းပီးသော ချီးမြှောက်ခြင်းကို ခံလိုကြ၏။ သို့သော် တစ်ဆူတည်းဟိတော်မူသော သင်ရှိ၏ ဘုရားသခင်ထံပါးမှ ချီးမြှောက်ခြင်းကိုမူ ရဟိခြင်းငှာ မကြိုးစားကြ။ သို့ ဖြစ်၍ သင်ရှိသည် ငါ့ကို ဇာပိုင် ယုံကြည်နိုင်မည်နည်း။ 45 သို့ရာတွင် ငါသည် သင်ရှိအား ငါ၏ ခမည်းတော်ရှိ၌

အပြစ်တင်စွပ်စွဲလိမ့်မည် ဟူ၍ မထင်ကတ်ကေ။ သင်ရိုးအား အပြစ်တင်စွပ်စွဲမည့်သူကား သင်ရိုး မျှော်လင့်သော မောသျှပင် ဖြစ်၏။ 46 သင်ရိုးသည် မောသျှအား စစ်မှန်စွာ ယုံကြည်ခလျှင် ငါ့ကိုလည်း ယုံကြည်ခကြလိမ့်မည်။ အကြောင်းမူကား သူသည် ငါ့အကြောင်းကို ရိုးသားထားသောကြောင့်ဖြစ်၏။ 47 သို့သော်လည်း သင်ရိုးသည် မောသျှ ရိုးသားထားသမျှကိုပင် မယုံကြည်လျှင် ငါပြောသောစကားကို ဇာပိုင် ယုံကြည်နိုင်မည်နည်း” ဟု မိန့်တော်မူ၏။

6 ထိုသို့ မိန့်တော်မူပြီးနောက် ယေသျှုကလည်း ဂါလိလဲအိုင် (တိဗေရိအိုင်ဟု လည်းခေါ်ကြ၏) ကို ဖြတ်ကူးတော်မူ၏။ 2 ကြီးစွာသော လူအစုအဝေးရှိသည် နောက်တော်သို့ လိုက်လာကြ၏။ အကြောင်းမူကား သူရိသည့် မကျန်းမာသောသူရိသ် ကျန်းမာစီခြင်းငှာ ကိုယ်တော်ပြုသော နိမိတ်လက္ခဏာများကို တို့မြင်ခသောကြောင့်ဖြစ်၏။ 3 ယေသျှုသည် တောင်ကုန်းတစ်ခုထက်သို့ တက်၍ တပည့်တော်ရိနှင့်အတူ ထိုင်တော်မူ၏။ 4 ထိုအချိန်ကား ယုဒလူမျိုးရို၏ ပသခါပွဲတော် ကျရောက်မည့်အချိန် ရောက်လုနီးသတည်း။ 5 ယေသျှုသည် လှည့်ပတ်ကြည့်ပြီး များစွာသော လူပရိသတ်ရှိသည် မိမိထံသို့ လာနိန်ကြသည်ကို မြင်လေ၏။ ထိုအခါ ယေသျှုသည် ဖိလိပ္ပုအား “ဤလူတို့အားလုံးအဖို့ လုံလောက်အောင် ကျွေးခြင်းငှာ အစားအစာများကို ဇာမှာ ဝယ်လို့ ရပါဖို့လဲ” ဟု မိန့်တော်မူ၏။ 6 ဤသို့ မိန့်ချင်းမှာ ဖိလိပ္ပုအား အကဲခတ်လိုသောကြောင့်ဖြစ်၏။ ယေသျှုက မိမိမည်သို့ ပြုရမည်ကို သိထားပြီး ဖြစ်၏။ 7 ဖိလိပ္ပုကလည်း “လူတစ်ယောက်စီကို အစားအစာ တစ်ကေချေလောက်သာ ပီးမည်ဆိုလျှင်ပင် ငွီဒါ်ပြား ၂၀၀ အဖိုးနှင့် မလောက်ပါ” ဟု လျှောက်လေ၏။ 8 ကိုယ်တော်၏ တပည့်တော်ထဲမှ တစ်ယောက်ဖြစ်သော သျှိုမှန်ပေတရု၏ညီ အဇ္ဈေးကလည်း၊ 9 “မှန်ငါးလုံးနှင့် ငါးနှစ်ကောင်ဟိသော အသျှေတစ်ယောက် ဤမှာ ဟိပါ၏။ သို့ရာတွင် ထိုမှန်နှင့် ငါးများသည် ဤလူအားလုံးအတွက်မူ မလုံလောက်ပါ” ဟု လျှောက်လေ၏။ 10 ယေသျှုကလည်း “လူတို့ကို ထိုင်ခိုင်းကြလော့” ဟု တပည့်တော်ရိုးအား မိန့်တော်မူ၏။ ထိုနီရာ၌ မြက်ပင်ထူထပ်လျက်ဟိ၏။ ထို့ကြောင့် ၅,၀၀၀ လောက်ဟိသော ယောက်ျားရှိသည် ထိုနီရာ၌ ထိုင်ကြ၏။ 11 ထို့နောက် ယေသျှုသည် မုန့်ကို ယူ၍ ကျေးဇူးတော်ကို ချီးမွမ်းပြီးမှ ထိုင်ခိုန်သော လူအပေါင်းရိုးအား ဝီဇုပီးတော်မူ၏။ ထိုနည်းတူ ကိုယ်တော်သည် ငါးကိုယူ၍ ဝီဇုပီးပြီးလျှင် လူအပေါင်းရှိသည် ဝလင့်စွာစားကြ၏။ 12 ထိုသို့ လူရှိသည် ဝလင့်စွာစားကြပြီးနောက် ကိုယ်တော်သည် တပည့်တော်ရိုးအား “စားကြွင်းစားကျန်များ အလေအလွင့် မဖြစ်စီခြင်းငှာ စုသိမ်းကြလော့” ဟု မိန့်တော်မူ၏။ 13 ထို့ကြောင့် လူအပေါင်းရို့က ဝလင့်စွာစားကြပြီး တပည့်တော်ရိုးသည် မုယောမှန်ငါးလုံးမှ စားကြွင်းစားကျန်တို့ကို စုသိမ်းကြရာတွင် တောင်းဖြင့် ဆယ့်နှစ်တောင်း အပြည့်ရလေ၏။ 14 ယေသျှုပြုတော်မူသော နိမိတ်လက္ခဏာကို မြင်သောသူအပေါင်းရို့က “ဤသူသည် ဤလောကသို့ ကြွလာသော စစ်မှန်သော ပရောဖက်ဖြစ်၏” ဟု ဆိုကြ၏။ 15 ယေသျှုက လူအပေါင်းရှိသည် လာ၍ မိမိအား အတင်းခေါ် ဆောင်ကာ သျှင်ဘုရင် မြှောက်ကြလိမ့်မည်ကို သိတော်မူသဖြင့် တစ်ကိုယ်တည်း တောင်ထက်သို့ ကြွတော်မူ။ 16 ညချမ်းချိန် ရောက်သောအခါ ယေသျှု၏ တပည့်တော်ရိုးသည် ဂါလိလဲအိုင်သို့ ဆင်းလားတော်မူ၏။ 17 လောင်းထက်သို့ တက်ကြပြီးလျှင် အိုင်ကိုဖြတ်၍ ကပေရနောင်မြို့သို့ ပြန်လားကြ၏။ ညအချိန် ရောက်လာသော်လည်း ယေသျှုသည် တပည့်တော်ရိုးသို့ မကြွလာသိမ့်။ 18 ထိုအချိန်၌ လီပြင်းတိုက်သောကြောင့် အိုင်တွင် လှိုင်းထလာ၏။ 19 တပည့်တော်ရိုးသည် သုံး လေးမိုင်ခန့် လှော်ခတ်ပြီးသောအခါ ယေသျှုသည် ရီထက်တွင် စက်တော်ဖြန့်၍ လောင်းအနားသို့ ကြွလာသည်ကို မြင်ကြသောကြောင့် သူရိသည့် ကြောက်လန့်ကြ၏။ 20 ထိုအခါ ယေသျှုက “မကြောက်ကတ်ကေ၊ ငါပင်ဖြစ်၏” ဟု တပည့်တော်ရိုးအား မိန့်တော်မူ၏။ 21 ထိုအခါ သူရိသည့် ဝမ်းမြောက်စွာဖြင့် ကိုယ်တော်ကို လောင်းထက်သို့ တက်စီကြပြီးနောက် တစ်ခဏချင်းတွင် လောင်းသည် မိမိရို့ ခရီးဦးတည်ရာ ကမ်းခြံသို့ ရောက်လေ၏။ 22 နောက်တစ်နီတွင် အိုင်တစ်ဖက်ကမ်း၌ ကျန်ခသော လူပရိသတ်ရှိသည် ထိုအရပ်၌ လောင်းတစ်စီးသာ ဟိခသည်ကို သတိရကြ၏။ ယေသျှုသည် ထိုလောင်း၌ လိုက်ပါတော်မမူဘဲ တပည့်တော်ရိုးသာ လားကြကြောင်းကို သိကြ၏။ 23 သို့ရာတွင် တိဗေရိမြို့မှလာသော လောင်းအချို့ကား သခင်ဘုရားသည် ကျေးဇူးတော်ကို ချီးမွမ်းပြီးမှ လူအပေါင်းရို့ကို

ကျေးခသော အရပ်နားသို့ ရောက်လာကြ၏။ **24** လူအစုအဝေးရှိသည် ထိုအရပ်၌ ယေသျှုနှင့် တပည့်တော်တို့ကို မတို့ကြသောအခါ ထိုလောင်းများထက်၌ တက်၍ ကိုယ်တော်ကို ရှာခြင်းငှာ ကပေရနောင်မြို့သို့ လားကြ၏။ **25** လူအပေါင်းရှိသည် အိုင်တစ်ဖက် ကမ်း၌ ယေသျှုကို တို့မြင်ကြသောအခါ သူရိုက “ဆရာ၊ ဇာအချိန်ကပင် ဤအရပ်သို့ ကြွလာတော်မူသနည်း” ဟု မိန်းလျှောက်ကြ၏။ **26** ယေသျှုလည်း “သင်ရိုအား ငါအမှန်ဆိုသည်ကား၊ သင်ရိုသည် ငါ့ကို ရှာကြသည်မှာ ငါပြသော နိမိတ်လက္ခဏာများကို နားလည်၍ မဟုတ်ဘဲ သင်ရိုလိုသမျှသော အစားအစာကို ဝစ္စာစားရသောကြောင့်ဖြစ်၏။ **27** ပုပ်ပျက်တတ်သော အစားအစာဖို့ မလုပ်ဆောင်ကတ်ကေ။ သို့သော် လူသားသည် သင်ရိုအား ပီးတော်မူမည့် ထာဝရအသက်ကို ရစီနိုင်ခြင်းငှာ မပုပ်ပျက်တတ်သော အစာအဖို့သာ လုပ်ဆောင်ကြလော့။ အကြောင်းမူကား အဖဘုရားသခင်သည် လူသားအား တံဆိပ်ခတ်ထားသောသူဖြစ်၏” ဟု မိန့်တော်မူ၏။ (aiōnios g166) **28** ထို့ကြောင့် သူရိုကလည်း ကိုယ်တော်ကို “အကျွန်ရိုသည် ဘုရားသခင် အလိုတော်ဟိသော အရာကို ဆောင်ရွက်နိုင်စီခြင်းငှာ ဇာပိုင် ပြုရပါမည်နည်း” ဟု မိန်းလျှောက်ကြ၏။ **29** ယေသျှုကလည်း “ဘုရားသခင် အလိုဟိတော်မူသည့် အရာကား ထိုအသျှင် စီးရွတ်တော်မူသောသူကို ယုံကြည်ရန်ဖြစ်၏” ဟု မိန့်တော်မူ၏။ **30** သူရိုကလည်း “အကျွန်ရိုသည် ကိုယ့်မျက်စိနှင့် မြင်၍ ကိုယ်တော်ကို ယုံကြည်နိုင်စီခြင်းငှာ ဇာနိမိတ်လက္ခဏာကို ပြပါမည်နည်း။ ဇာအမှုကို ကိုယ်တော်သည် ပြပါမည်နည်း။ **31** ကျမ်းစာလာသည်ကား၊ ‘ကိုယ်တော်သည် ထိုသူရို၏ စားစာရာအဖို့ ကောင်းကင်မှ မုန့်ကို ချပီးတော်မူ၏’ ဟု ဆိုသည်အတိုင်း အကျွန်ရို၏ အဖိုးအဖီးများသည် တောကန္တာရ၌ မနွမ့်ကို စားကြရပါ၏” ဟု လျှောက်ကြ၏။ **32** ယေသျှုကလည်း “ငါအမှန်ဆိုသည်ကား၊ သင်ရိုအား မောသျှု ပီးသောမုန့်သည် ကောင်းကင်မှ လာသည် မဟုတ်။ ငါ၏ခမည်းတော်သည် သင်ရိုအား ကောင်းကင်မှ စစ်မှန်သောမုန့်ကို ပီးတော်မူ၏။ **33** ဘုရားသခင် ပီးတော်မူသော ထိုမုန့်ကား ကောင်းကင်ဘုံမှ ဆင်းသက်၍ ဤလောကီသားအား အသက်ကို ပီးသောသူဖြစ်၏” ဟု မိန့်တော်မူ၏။ **34** ထိုသူရိုကလည်း “ဆရာ၊ ထိုမုန့်ကို အကျွန်ရိုအား အစဉ်အမြဲ ပီးတော်မူပါ” ဟု ကိုယ်တော်ထံ တောင်းကြ၏။ **35** ယေသျှုကလည်း ထိုသူရိုအား “ငါသည် အသက်မုန့်ဖြစ်၏။ ငါ့ထံသို့ လာသောသူသည် ဇာခါမျှ ဆာမွတ်လိမ့်မည် မဟုတ်။ ငါ့ကို ယုံကြည်သောသူသည် တဖန် ဇာခါမျှ ရီငတ်လိမ့်မည် မဟုတ်။ **36** သင်ရိုကို ငါပြောနိုင်စဉ် သင်ရိုသည် ငါ့ကိုမြင်၏။ သို့သော် ငါ့ကို ယုံကြည်လိမ့်မည် မဟုတ်။ **37** ငါ၏ခမည်းတော်က ငါ့အား ပီးတော်မူသော သူတိုင်းသည် ငါ့ထံသို့ လာကြလိမ့်မည်။ ငါသည်လည်း ငါ့ပါးသို့ လာသောသူကို ကြောခိုင်း၍မထား။ **38** အကြောင်းမူကား၊ ကောင်းကင်မှ ငါ ကြွလာခြင်းသည် ကိုယ့်အလိုအတိုင်း လုပ်ဆောင်ခြင်းငှာ ငါ ကြွလာသည် မဟုတ်။ သို့သော် ငါ့ကို စီးရွတ်တော်မူသော သူ၏အလိုအတိုင်း လုပ်ဆောင်ခြင်းငှာ ကြွလာခြင်းဖြစ်၏။ **39** ငါ့ကို စီးရွတ်တော်မူသော သူ၏အလိုတော်ကား၊ ငါ့အား ထိုအသျှင် ပီးအပ်ထားသော သူအပေါင်းရှိသည် ဆုံးယှုံးခြင်းသို့ မရောက်စီဘဲ နောက်ဆုံးသောနှို၌ ရှင်ပြန်ထမြောက်စီခြင်းငှာ ဖြစ်၏။ **40** သားတော်ကို မြင်တို့၍ ယုံကြည်သောသူ အပေါင်းရှိသည် ထာဝရအသက်ကို ရစီခြင်းငှာ ခမည်းတော်သည် အလိုဟိ၏။ ငါသည်လည်း နောက်ဆုံးသောနှို၌ ထိုသူရိုအား သီခြင်းမှ ရှင်ပြန်ထမြောက်စီတော်မူမည်” ဟု မိန့်တော်မူ၏။ (aiōnios g166) **41** ထိုအခါ ယုဒလူရိုသည် ကိုယ်တော်ကို ညည်းညူကြ၏။ အကြောင်းမူကား ကိုယ်တော်က “ငါသည် ကောင်းကင်မှ ဆင်းကြွလာသော မုန့်ဖြစ်သည်” ဟု ဆိုသောကြောင့်ဖြစ်၏။ **42** ထိုသူရိုက “ဤသူသည် ယောသပ်၏သား ယေသျှုဖြစ်သည် မဟုတ်လော၊ သူ့အမိနှင့်အဖကို ငါရိုသ်ကြ၏။ သိဖြစ်ပါလျက် ‘ငါသည် ကောင်းကင်ဘုံမှ ဆင်းကြွလာသည်’ ဟု ဆိုရသလော” ဟု ပြောဆိုကြ၏။ **43** ထိုအခါ ယေသျှုက “သင်ရို အချင်းချင်း ညည်းညူမနိန့်ကတ်ကေ။ **44** ခမည်းတော်သည် လူတို့ကို ငါ့ထံသို့ မပို့ဆောင်လျှင် ဇာသူမျှ ငါ့ထံသို့ မလာနိုင်။ ငါသည်လည်း ထိုသူရိုအား နောက်ဆုံးသောနှို၌ ရှင်ပြန်ထမြောက်စီမည်။ **45** ပရောဖက်ကျမ်းများ၌ လာသည်ကား၊ ‘ထိုသူအပေါင်းရှိသည် ဘုရားသခင်၏ သွန်သင်တော်မျချက်ကို ခံရလိမ့်မည်’ ဟူ၍ ဖြစ်၏။ ထို့ကြောင့် ခမည်းတော်၏ မိန့်တော်မူသောစကားကို ကြား၍ သင်ယူသောသူ အပေါင်းရှိသည်

ငါ့ထံသို့ လာကြ၏။ 46 ဤသို့ဆိုရာတွင် ဘုရားသခင်ထံမှ ကြွလာသောသူမှတစ်ပါး ခမည်းတော်ကို မြင်ဖူးသောသူ တစ်စုံတစ်ယောက်ဟိသည်ဟု ငါမဆို။ ဘုရားသခင်ထံမှ ကြွလာသောသူသာလျှင် ခမည်းတော်ကို မြင်ဖူးသောသူ ဖြစ်၏။ 47 သင်ရဲ့အား ငါအမှန်ဆိုသည်ကား၊ ငါ့ကို ယုံကြည်သောသူသည် ထာဝရအသက်ကို ရ၏။ (aiōnios g166)

48 ငါသည် အသက်မုန့်ဖြစ်၏။ 49 သင်ရဲ့၏ အဖိုးအဖိုးရဲ့သည် တောကန္တာရ၌ မန္တမုန့်ကို စားခကြ၏။ သို့သော်လည်း သူရဲ့သည် သီဆုံးလားခရ၏။ 50 သို့သော် ကောင်းကင်ဘုံမှ ဆင်းသက်လာသောမုန့်ကို စားသောသူမည်သည်ကား သီဆုံးရလိမ့်မည် မဟုတ်။ 51 ငါသည် ကောင်းကင်ဘုံမှ ဆင်းသက်တော်မူသော အသက်ရှင်သော မုန့်ဖြစ်၏။ သင်ရဲ့သည် ထိုမုန့်ကို စားလျှင် ထာဝရ အသက်ရှင်လိမ့်မည်။ လောကသားရဲ့သည် အသက်ရှင်နိုင်မည်အကြောင်း ငါပီးသောမုန့် ဟူမူကား ငါ၏အသွီးအသားပင် ဖြစ်၏” ဟု မိန့်တော်မူ၏။ (aiōn g165)

52 ထို့နောက် ယုဒလူရိုက “ဤသူသည် ငါရဲ့စားဖို့ သူ၏အသားကို ဇာပိုင် ပီးနိုင်ပါမည်နည်း” ဟု အချင်းချင်း ပြင်းစွာ စတင်ငြင်းခုံကြ၏။ 53 ယေသျှုသည်လည်း ထိုသူရဲ့အား “ငါအမှန်ဆိုသည်ကား၊ သင်ရဲ့သည် လူသား၏ အသားကို မစား၊ အသွီးကို မသောက်ကြလျှင် သင်ရဲ့၌ အသက်မဟိ။ 54 ငါ့အသားကိုစား၍ ငါ့အသွီးကို သောက်သောသူသည် ထာဝရအသက်ကိုရ၏။ ငါသည်လည်း ထိုသူရို့ကို နောက်ဆုံးသောနိဗ္ဗိသီခြင်းမှ ရှင်ပြန်ထမြောက်စီတော်မူမည်။ (aiōnios g166)

55 ငါ့အသားသည် စစ်မှန်သောစားစရာ ဖြစ်၏။ ငါ၏အသွီးသည်လည်း စစ်မှန်သော သောက်စာရာ ဖြစ်ပေ၏။ 56 ငါ့အသားကို စား၍၊ ငါ့အသွီးကို သောက်သောသူသည် ငါ၌ တည်၏။ ငါသည်လည်း ထိုသူ၌ တည်၏။ 57 အသက်ရှင်သော ခမည်းတော်သည် ငါ့အား စီရွတ်တော်မူ၏။ ငါသည်လည်း ခမည်းတော်အားဖြင့် အသက်ရှင်၏။ ထိုနည်းတူ ငါ၏အသွီးကို သောက်၍ အသားကို စားသောသူရဲ့သည် ငါ့ကြောင့် အသက်ရှင်လိမ့်မည်။ 58 ထို့ကြောင့် ဤမုန့်သည် ကောင်းကင်မှ ဆင်းသက်လာသော မုန့်ဖြစ်၏။ သင်ရဲ့၏ အဖိုးအဖိုးရဲ့သည် စားပြီး သီဆုံးလားသော မုန့်မျိုး မဟုတ်။ သို့သော် ဤမုန့်ကို စားသောသူသည် ထာဝရ အသက်ရှင်လိမ့်မည်” ဟု မိန့်တော်မူ၏။ (aiōn g165)

59 ယေသျှုသည် ကပေရနောင့်မြို့၌ဟိသော တရားဇရပ်တွင် ဟောပြောသွန်သင်စဉ် ဤဩဝါဒများကို ပီးတော်မူ၏။ 60 ထိုသွန်သင်ချက်များကို ကိုယ်တော်၏ တပည့်တော်ရဲ့သည် ကြားကြလျှင် “ဤသွန်သင်ချက်ရဲ့သည် ခက်ခဲလွန်းသောကြောင့် ဇာသု လိုက်နာနိုင်ပါမည်နည်း” ဟု ပြောဆိုကြ၏။ 61 ထိုသို့ တပည့်တော်တိ ပြောဆိုကြသည်ကို ယေသျှုသည် သိတော်မူသဖြင့် “ဤစကားကြောင့် သင်ရဲ့ ညည်းညူလျက် နိန့်ကြသလော။ 62 လူသားသည် မိမိ၏ အယင်နီရာသို့ တက်ကြွလားသည်ကို သင်ရဲ့မြင်တို့လျှင် ဇာပိုင် ထင်မှတ်ကြမည်နည်း။ 63 ဘုရားသခင်၏ ဝိညာဉ်တော်သာလျှင် အသက်ကို ပီးနိုင်၏။ လူသားရဲ့၏ အစွမ်းတန်ခိုးမူကား အသက်ကို မပီးနိုင်။ သင်ရဲ့အား ငါပြောသောစကားသည် အသက်ရှင်စီသော ထိုဝိညာဉ်တော်နှင့်သာ သက်ဆိုင်၏။ 64 သို့သော် သင်ရဲ့အထဲမှ တချို့သည် မယုံကြည်ကြ” ဟု မိန့်တော်မူ၏။ ဤသို့ မိန့်တော်မူသည်မှာ ယေသျှုသည် မိမိအား မယုံကြည်သော သူများကိုလည်းကောင်း၊ သစ္စာဖောက်မည့်သူကိုလည်းကောင်း အစကတည်းကပင် သိတော်မူပြီးဖြစ်၏။ 65 တဖန် ကိုယ်တော်ကလည်း “ဤအကြောင်းကြောင့် သင်ရဲ့အား ငါဆိုသည့်အတိုင်း ခမည်းတော်သည် အခွင့်ပီးတော်မမူလျှင် ဇာသုမျှ ငါ့ထံသို့ မလာနိုင်” ဟု မိန့်တော်မူ၏။ 66 ထိုအချိန်မှ စ၍ များစွာသော ယေသျှု၏ နောက်လိုက်ရဲ့သည် အထံတော်ပါးမှ ဆုတ်ခွဲလားကြပြီး ထပ်၍တစ်ကြိမ်တစ်ခါမျှ မလိုက်ကတ်လီယာ။ 67 ထို့ကြောင့် ကိုယ်တော်သည် တပည့်တော် တစ်ဆယ့်နှစ်ပါးအား “သင်ရဲ့သည်လည်း ငါ့ထံမှ ထွက်လားလိုကြသလော” ဟု မိန့်လေ၏။ 68 ထိုအခါ သျှိုမုန့်ပေတရ ကလည်း “အသျှင်၊ အကျွန်ရဲ့ ဇာသုပါးသို့ လားရပါမည်နည်း။ ထာဝရအသက်နှင့်ဆိုင်သော တရားကို ကိုယ်တော် ဟောပါ၏။ (aiōnios g166)

69 ကိုယ်တော်သည် ဘုရားသခင်ထံမှ ကြွလာသော သန့်ယှင်းသောသူ ဖြစ်ကြောင်းကို အကျွန်ရဲ့သည် ယုံကြည်သောကြောင့် သိကြပါ၏” ဟု လျှောက်လေ၏။ 70 ထိုအခါ ယေသျှုက “သင်ရဲ့ တစ်ဆယ့်နှစ်ပါးကို ငါ ရှိုးချယ်သည် မဟုတ်သလော။ သို့သော် သင်ရဲ့၌ မာရ်နတ်တစ်ဦး ဟိ၏” ဟု မိန့်တော်မူ၏။ 71 ကိုယ်တော်သည် သျှိုမုန့်သျှာကာရတ်၏သား ယုဒကို ရည်မှတ်၍ ပြောဆိုခြင်းဖြစ်၏။

အကြောင်းမူကား ယုဒသည် တစ်ကျိပ်နှစ်ပါးသော တပည့်တော်တို့ အဝင်ဖြစ်သော်လည်း မိမိအား ရန်သူလက်သို့ အပ်မည့်အကြောင်းကို သိတော်မူသောကြောင့်ဖြစ်၏။

7 ထို့နောက် ယေသျှုသည် ဂါလိလဲပြည်တလျှောက် ဒေသစာရီ လှည့်လည်တော်မူ၏။ ယုဒအာဏာပိုင်ရိုက် ကိုယ်တော်ကိုသတ်ရန် ကြံစည်နိုင်ကြသဖြင့် ကိုယ်တော်သည် ယုဒပြည်၌ လှည့်လည်ခြင်းငှာ အလိုမဟိပေ။ **2** ယုဒအမျိုးသားရို၏ သကေနေပွဲတော် ကျရောက်မည့်အချိန်ကား နီးကပ်လာလေ၏။ **3** ထို့ကြောင့် ညီတော်များက ယေသျှုအား “သင်ပြုသော အမှုအရာတို့ကို သင်၏ နောက်လိုက်တို့ တို့မြင်စီခြင်းငှာ ဂါလိလဲပြည်မှ ထွက်၍ ယုဒပြည်သို့ လားပါလော့။” **4** ထင်ပေါ်ကျော်ကြားလိုသော သူသည် ဇာအမှုကိုမျှ ဆိတ်ကွယ်ရာ၌ ပြုလေ့မဟိ။ သင်သည် ဤသို့သောအမှုအရာများကို ပြုမည်ဆိုပါက လောကတစ်ခုလုံးက သိအောင် ပြုပါလော့” ဟု ဆိုကြ၏။ **5** အကြောင်းမူကား ကိုယ်တော်၏ ညီတော်များသည်ပင်လျှင် ကိုယ်တော်ကို မယုံကြည်ကြပေ။ **6** သို့သော် ယေသျှုက “ငါ၏အချိန် မရောက်သိမှ။ သင်ရို၏အချိန်ကား ကာလအစဉ် အသင့်ဖြစ်၏။” **7** လောကီသားတို့က သင်ရိုကို မမှန်းနိုင်ကြ။ သို့သော် ငါ့ကိုမူကား မှန်းကြ၏။ အကြောင်းမူကား ငါသည် သူရို၏ မကောင်းသောအကျင့်များကို ထုတ်ဖော်ပြောဆိုသောကြောင့်ဖြစ်၏။ **8** ထိုပွဲသို့ သင်ရို လားကြလော့။ ငါမူကား မလား။ အကြောင်းမူကား ငါ၏အချိန် မရောက်သိမည်သောကြောင့် ဖြစ်၏” ဟု ညီတော်များအား မိန့်တော်မူလေ၏။ **9** ထိုသို့ မိန့်တော်မူပြီးနောက် ကိုယ်တော်သည် ဂါလိလဲပြည်၌ နီတော်မူ၏။ **10** ထိုပွဲတော်သို့ ကိုယ်တော်၏ညီတော်တို့ လားပြီးမှ ယေသျှုသည်လည်း မထင်မရှား ကြွတော်မူ၏။ **11** ယုဒအာဏာပိုင်ရိုသည် ထိုပွဲ၌ ကိုယ်တော်ကို ရှာလျက် “ထိုသူကား ဇာမှာနည်း” ဟု မိန်းမြန်းကြ၏။ **12** လူအစုအဝေးကလည်း ကိုယ်တော်အကြောင်းကို များစွာ တီးတိုးပြောဆိုနိုင်ကြ၏။ တချို့လူရိုက “ထိုသူသည် သူတော်ကောင်းဖြစ်၏” ဟူ၍လည်းကောင်း၊ တခြားသောလူတို့ကလည်း “သူတော်ကောင်း မဟုတ်၊ လူတို့ကို မှောက်မှားစီသော သူသာဖြစ်၏” ဟူ၍ လည်းကောင်း ဆိုကြ၏။ **13** သို့ပင်သျှောင် လူတို့က ယုဒအာဏာပိုင်တို့ကို ကြောက်လန့်ကြသဖြင့် ကိုယ်တော်အကြောင်းကို မည်သူမျှ ပွင့်လင်းစွာ မပြောဝံ့ကြပေ။ **14** ထိုပွဲကျင်းပသောကာလ ထက်ဝက်ခန့်မျှ ရောက်လာသောအခါ ယေသျှုသည် ဗိမာန်တော်သို့ ကြွ၍ စတင်ဟောပြောသွန်သင်လျက် နိန့်တော်မူ၏။ **15** ထိုအရပ်၌ဟိကြသော ယုဒလူရိုသည်လည်း အံ့ဩကြ၍ “ဤသူသည် ဇာအတန်းပညာကိုမျှ မသင်ယူဖူးဘဲ ဤပညာများကို မည်သို့ရသနည်း” ဟု ပြောဆိုကြ၏။ **16** ယေသျှုကလည်း “ငါသွန်သင်သော တရားသည် ငါ၏တရား မဟုတ်။ ငါ့ကို စီးခွတ်တော်မူသောသူ၏ တရားပင်ဖြစ်၏။” **17** ဘုရားသခင်၏အလိုကို လိုက်လျှောက်လိုသော သူရိုမူကား၊ ငါဟောပြောသောတရားသည် ဘုရားသခင်၏ တရားဖြစ်သလော၊ သို့မဟုတ် ငါ၏ တရားဖြစ်သလော ဟူ၍ ခွဲခြားသိမြင်ကြလိမ့်မည်။ **18** မိမိရို၏တရားကို ဟောပြောသောသူသည် မိမိ၏ဘုန်းကို ရဟိ၏။ သို့သော် မိမိအား စီးခွတ်တော်မူသောသူ၏ ဘုန်းတန်ခိုးကို ရှာသောသူမူကား ရိုးသားစွာ ဟောပြောတတ်၏။ ထိုသို့ အမှားမဟိ။ **19** မောသျှုသည် သင်ရိုအား ပညတ်တရားကို ပီးခသည် မဟုတ်လော။ သို့သော်လည်း သင်ရိုတစ်ယောက်မျှ ထိုပညတ်တရားကို မလိုက်လျှောက်ကြ။ သင်ရိုသည် ငါ့ကို ဇာကြောင့် သတ်ခြင်းငှာ ကြိုးစားနိုင်ကြသနည်း” ဟု မိန့်တော်မူ၏။ **20** လူအပေါင်းရိုကလည်း “သင်သည် နတ်မိစ္ဆာ ဝင်ပူးခံရသောသူဖြစ်၏။ မည်သူသည် သင့်အား သတ်ရန် ကြိုးစားနိုင်သနည်း” ဟု ဆိုကြ၏။ **21** ယေသျှုကလည်း “ငါသည် နိမိတ်လက္ခဏာတစ်ခုကို ပြုသောအခါ သင်ရိုအားလုံးသည် အံ့ဩကြ၏။ **22** မောသျှုသည် သင်ရို၏ သားသျှုတိအား အရီဖျားလှီးခြင်းကို ပြုခြင်းငှာ ပညတ်ခ၏။ ထို့ကြောင့် သင်ရိုသည် ဥပုသ်နိဗ္ဗာန်ပင် အရီဖျားလှီးခြင်းကို ပြုကြ၏။ သို့သော် ထိုအရီဖျားလှီးခြင်းကို မောသျှုမှစတင်၍ ခံခသည် မဟုတ်၊ သင်ရို၏ အဖိုးအဖီးတို့မှ စတင်၍ ပြုကြ၏။ **23** မောသျှု၏ပညတ်အား မချိုးဖောက်စီခြင်းငှာ သင်ရိုသည် ဥပုသ်နိဗ္ဗာန်ပင် ယောက်ျားသျှုတစ်ယောက်အား အရီဖျားလှီးခြင်းကို ပြုကြလျှင် ငါသည်

လူတစ်ဦးအား ကျန်းမာစီသောအခါ သင်ရိုသည့် ငါ့ကို ဇာကြောင့် အမျက်ထွက်ကြသနည်း။ 24 အပြင်ပန်းသဏ္ဌာန်ကိုသာ ကြည့်၍ အပြစ်စီရင်ခြင်း မပြုကတ်ကေ။ မှန်ကန်သော တရားဖြင့်သာ အပြစ်စီရင်ကြလော့” ဟု မိန့်တော်မူ၏။ 25 ထိုအခါ ယေရုဆလင်မြို့မှ လူတချို့က “ဤသူကို အာဏာပိုင်တိက သတ်ရန် ရှာခိုက်ကြသည် မဟုတ်လော။ 26 ကြည့်ပါ။ ဤသူသည် ထင်ရှားစွာ ဟောပြောသွန်သင်လျက် နိန့်၏။ သူရိုသည် ကိုယ်တော့်ကို စကားတစ်ခွန်းမျှ မပြောနိုင်ကြ။ ဤသူသည် မေသျှိယဖြစ်ကြောင်းကို အာဏာပိုင်များက အမှန်ပင် သိကြသလော။ 27 မေသျှိယ ကြွလာသောအခါ ထိုအသျှင်သည် ဇာအရပ်မှ ကြွလာသည်ကို မည်သူမျှ သိလိမ့်မည် မဟုတ်။ သို့သော် ဤသူ၏ ဇာတိကို ငါရိုသိကြ၏” ဟု အချင်းချင်း ပြောဆိုကြ၏။ 28 ယေသျှိယသည် ဗိမာန်တော်၌ ဆုံးမဩဝါဒ ပီးတော်မူစဉ်၊ “သင်ရိုသည် ငါ့ကိုလည်းကောင်း၊ ငါသည် ဇာအရပ်မှ လာသည်ကိုလည်းကောင်း သိကြ၏။ ငါသည် ကိုယ့်အလိုဖြင့် လာသည် မဟုတ်။ ငါ့ကို စီစွတ်တော်မူသော သူသည် သစ္စာနှင့် ပြည့်စုံတော်မူ၏။ ထိုအသျှင်ကို သင်ရို မသိကြသလော။ 29 သို့ရာတွင် ငါမူကား ထိုအသျှင်ထံပါးမှ လာ၍ ထိုအသျှင်သည် ငါ့ကို စီစွတ်တော်မူသောကြောင့် ငါသည် ထိုအသျှင်ကို သိ၏” ဟု ကျယ်သောအသံဖြင့် မိန့်တော်မူ၏။ 30 ထို့နောက် ထိုသူရိုသည် ကိုယ်တော့်ကို ဖမ်းဆီးခြင်းငှာ အခွင့်ရှာကြ၏။ သို့သော် အချိန်မကျသိမ့်သောကြောင့် တစ်ဦးတစ်ယောက်ကမှ မဖမ်းဆီးနိုင်ကြ။ 31 လူအစုအဝေးထဲမှ အများသောသူရိုသည် ကိုယ်တော့်ကို ယုံကြည်လာကြပြီးလျှင် “မေသျှိယ ကြွလာသောအခါ ဤသူပြုသော နိမိတ်လက္ခဏာထက် သာ၍ ပြုမည်လော” ဟု ဆိုကြ၏။ 32 လူအစုအဝေးရိုသည် ယေသျှိယ၏အကြောင်းကို တိုးတိုးချေ ပြောဆိုခိုက်ကြသည်ကို ဖရိုဖရဲရိုသည် ကြားကြ၏။ ထို့ကြောင့် ဖရိုဖရဲရဲနှင့် ယဇ်ပရောဟိတ် အကြီးအကဲများသည် ကိုယ်တော့်ကို ဖမ်းဆီးခြင်းငှာ အစောင့်စစ်သည်များအား စီစွတ်လိုက်၏။ 33 ယေသျှိယက “ငါသည် သင်ရိုနှင့်အတူ အချိန်အနည်းချေမျှသာ နီပြီးလျှင်၊ ငါ့ကို စီစွတ်တော်မူသော သူ၏ထံသို့ လားရမည်။ 34 သင်ရိုသည် ငါ့ကို ရှာကြသော်လည်း တွိုက်လိမ့်မည် မဟုတ်။ အကြောင်းမူကား ငါဟိမည့်အရပ်သို့ သင်ရိုသည် မလာနိုင်ကြ” ဟု မိန့်တော်မူ၏။ 35 ယုဒအာဏာပိုင်ရိုက “ငါရိုကို မတို့စီခြင်းငှာ ဤသူသည် ဇာအရပ်သို့ လားမည်နည်း။ ဤသူသည် ဟေလသမြို့များ၌ ကွဲလွင့်လျက်ဟိသော ငါရိုလူမျိုးပါးသို့ လားပြီး ဟေလသလူမျိုးရိုကို ဩဝါဒပီး မည်လော။ 36 သင်ရိုသည် ငါ့ကို ရှာသော်လည်း တွိုက်လိမ့်မည် မဟုတ်။ ငါဟိရာ အရပ်သို့ သင်ရို မလာနိုင်ကြဟု ဆို၏။ ဤစကားများ၏ အနက်ကား မည်သို့နည်း” ဟု အချင်းချင်း မိန့်မြန်းကြ၏။ 37 ပွဲတော်၏ နောက်ဆုံးနီးဖြစ်သော အရေးအကြီးဆုံးသောနိဗ္ဗိယ ယေသျှိယသည် ရပ်၍ “ရီငတ်သောသူသည် ငါ့ထံသို့လာ၍ သောက်ကြလော့၊ 38 ငါ့ကို ယုံကြည်၍ ထိုရီကို သောက်သောသူသည် ကျမ်းစာလာသည်အတိုင်း ‘အသက်ရီစီးထွက်ရာ စမ်းရီတွင်း ဖြစ်လိမ့်မည်’” ဟု ကျယ်သောအသံနှင့် မိန့်တော်မူလေ၏။ 39 ထိုသို့ မိန့်တော်မူသည်တွင် ယုံကြည်သောသူရို၌ ခံရမည့် ဝိညာဉ်တော်ကို ရည်မှတ်၍ မိန့်တော်မူ၏။ ထိုအချိန်၌ ယေသျှိယသည် ဘုန်းပွင့်တော် မမူသိမ့်သောကြောင့် ယုံကြည်သောသူရိုအား ဝိညာဉ်တော်ကို ပီးတော်မမူသိမ့်။ 40 လူအစုအဝေးထဲမှ လူတချို့သည် ကိုယ်တော်၏ စကားတော်ကိုကြားကြလျှင် “ဤသူသည် အမှန်စင်စစ် ပရောဖက်ဖြစ်၏” ဟု ဆိုကြ၏။ 41 တချို့ကလည်း “ဤသူသည် မေသျှိယ ဖြစ်၏” ဟု ဆိုကြ၏။ သို့ရာတွင် တချို့က “မေသျှိယသည် ဂါလိလဲပြည်မှ ပေါ်ထွန်းမည်လော။ 42 ကျမ်းစာလာသည်ကား မေသျှိယသည် ဒါဝိဒ်၏အမျိုး၊ ဒါဝိဒ်၏မြို့တည်းဟူသော ဗက်လင်မြို့မှ ပေါ်ထွန်းလာလိမ့်မည်” ဟု ဆိုကြ၏။ 43 လူအပေါင်းရိုသည် ယေသျှိယနှင့် ပတ်သက်၍ စိတ်သဘောကွဲကြ၏။ 44 လူတချို့သည် ကိုယ်တော့်ကို ဖမ်းဆီးလိုကြ၏။ သို့သော်လည်း ကိုယ်တော့်ကို ဇာသူမျှ မဖမ်းဆီးကြပေ။ 45 အစောင့်စစ်သည်များသည် ယဇ်ပရောဟိတ်အကြီးအကဲရိုနှင့် ဖရိုဖရဲရဲထံပါးသို့ ပြန်လာကြသောအခါ ထိုသူရိုအား “ဇာကြောင့် ထိုသူကို ဖမ်းခေါ်မလာကြသနည်း” ဟု မိန့်ကြ၏။ 46 အစောင့်စစ်သည်များက “ထိုသူ ဟောပြောသည့်နည်းတူ ဇာသူမျှ မဟောဖူးပါ” ဟု ပြောကြ၏။ 47 ထိုအခါ ဖရိုဖရဲရဲက “သင်ရိုသည်လည်း ထိုသူ၏လှည့်စားခြင်းကို ခံရပြီလော။ 48 အာဏာပိုင်ရို၊ ဖရိုဖရဲရဲထဲက တစ်စုံတစ်ယောက်သည် ထိုသူ့ကို ယုံကြည်နိုင်ပြီလော။ 49 ဤလူစုလူဝေးက

မောသျှ၏ ပညတ်တရားကို မသိသောကြောင့် ဘုရားသခင်၏ ကျိန်ခြင်းအောက်၌သာ ဟိန်နိကြ၏” ဟု ဆိုကြ၏။
50 ထိုဖာရိယုရိအထဲတွင် နိကောဒင်ဆိုသူလည်းပါ၏။ ထိုသူသည် အယင်က ယေသျှထံပါးသို့ လာဖူး၏။ 51
နိကောဒင်ကလည်း ထိုသူရိပါးသို့လား၍ “ငါရဲ့ပညတ်အရ တစ်စုံတစ်ယောက်၏ ပြုမူခြင်းကို မတို့ရ၊ သူပြောသောစကားကို
မကြားရခင် ထိုသူကို ငါရဲ့ အပြစ် မစီရင်နိုင်” ဟု ဆို၏။ 52 ထိုသူရိကလည်း “သင်သည်လည်း ဂါလိလဲပြည်သား
ဖြစ်သလော။ ကျမ်းစာတော်မြတ်ကို လေ့လာကြည့်ပါ။ ဂါလိလဲပြည်က ဇာပရောဖက်မျှ မပေါ်ထွန်းဖူးသည်ကို
သင်သိလိမ့်မည်” ဟု ဆိုကြ၏။ [53 ထို့နောက် လူအပေါင်းရှိသည် မိမိအိမ်သို့ အသီးသီး ပြန်လားကြသော်လည်း၊

8 ယေသျှက သံလွင်တောင်သို့ တက်ကြွတော်မူ၏။ 2 နောက်တစ်နိမ့် မိုးထက်စောစော ဗိမာန်တော်သို့
ပြန်ကြွလာသောအခါ လူအပေါင်းရှိသည် အထံတော်သို့ စုရုံးလာကြ၏။ ကိုယ်တော်သည် ထိုင်တော်မူ၍
လူအပေါင်းရှိအား ဟောပြောသွန်သင်တော်မူ၏။ 3 ကျမ်းတတ်ဆရာရှိနှင့် ဖာရိယုရိသည် ဖောက်ပြန်ခြင်းအမှုကို
ပြုနိုင်သော မိန်းမတစ်ယောက်ကို ဖမ်းဆီးကာ ကိုယ်တော်ထံသို့ ဆောင်ယူလာ၍ သူရိရှိတွင် ရပ်ခိုင်းထားပြီးလျှင်၊ 4
ယေသျှအား၊ “ဆရာ၊ ဤမိန်းမသည် မှားယွင်းခြင်းအမှုကို ပြုနိုင်စဉ် ငါရဲ့ တို့၍ ဖမ်းလာခ၏။ 5 မောသျှစီရင်သော ငါရဲ့၏
ပညတ်တရား၌ ထိုသို့သော မိန်းမတို့ကို ကျောက်ခဲနှင့် ပစ်သတ်ရမည်ဟု အကျွန်ရဲ့အား ပညတ်ခါ၏။ ကိုယ်တော်က အခု
မည်သို့ မိန့်တော်မူပါမည်နည်း” ဟု လျှောက်ကြ၏။ 6 သူရိသည် ယေသျှကို ပြစ်တင်စွပ်စွဲနိုင်ရန် ဤသို့ အကွက်ဆင်၍
မိန်းမကြခြင်းဖြစ်၏။ သို့သော်လည်း ကိုယ်တော်သည် ငဲ့၍ မြီကြီးထက်တွင် လက်ညှိုးတော်ဖြင့် ရှိုးခြစ်လျက် နိန့်တော်မူ၏။
7 ထိုသူရိသည် ထပ်ကာထပ်ကာ မိန်းမလျှောက်ကြသောအခါ ကိုယ်တော်က မော့ကြည့်တော်မူလျက် “သင်ရဲ့အထဲက
အပြစ်ကင်းသူသည် အယင်ဆုံး ဤမိန်းမကို ကျောက်ခဲနှင့် ပစ်ပါ” ဟု မိန့်တော်မူ၏။ 8 ထို့နောက် တဖန် ငဲ့၍
မြီကြီးတွင် ရှိုးခြစ်လျက် နိန့်တော်မူ၏။ 9 ထိုသူရိသည် မိန့်တော်မူချက်ကို ကြားလျှင် အသက်ကြီးသောသူမှစ၍
တစ်ယောက်ပြီးတစ်ယောက် ထွက်လားကြ၏။ ယေသျှသည် တစ်ယောက်တည်း ကျန်ခံတော်မူ၍၊ မိန်းမသည်
ရပ်နိန့်သိမ့်၏။ 10 ယေသျှသည် မော်၍ ကြည့်တော်မူသောအခါ၊ “သူရိကား ဇာမာလဲ၊ သင့်ကို အပြစ်စီရင်မည့်သူ
တစ်ယောက်လည်း မဟိကြသလော” ဟု သူမအား မိန်းမတော်မူ၏။ 11 ထိုမိန်းမကလည်း “တစ်ယောက်လည်း မဟိဟာ၊
ဆရာ” ဟု လျှောက်လေ၏။ ယေသျှက “ငါလည်း သင့်ကို အပြစ်စီရင်၊ ပြန်လားလီ၊ နောက်တစ်ခါ အပြစ်မလုပ်လီကေ”
ဟု မိန့်တော်မူ၏။] 12 တဖန် ယေသျှက ဖာရိယုရိအား “ငါသည် လောက၏ အလင်းဖြစ်၏။ ငါ့နောက်သို့
လိုက်သောသူသည် အသက်၏အလင်းကို ရကြပြီးလျှင် မှောင်မိုက်ထဲ၌ လုံးဝ လျှောက်လားရလိမ့်မည် မဟုတ်” ဟု
မိန့်တော်မူ၏။ 13 ဖာရိယုရိက “သင်သည် ကိုယ့်အကြောင်းကိုသာ သက်သိခံခြင်း ဖြစ်၏။ သင်၏ သက်သိခံခြင်းသည်
အထောက်အထားမဟိ” ဟု ဆိုကြ၏။ 14 ယေသျှက “ငါသည် ကိုယ့်အကြောင်းကိုသာ သက်သိခံသော်လည်း ငါ၏
သက်သိခံချက်သည် မှန်၏။ အကြောင်းမူကား ငါသည် မည်သည့်အရပ်က လာသည်ကိုလည်းကောင်း၊ မည်သည့်အရပ်သို့
လားရမည်ကိုလည်းကောင်း ငါသိ၏။ သင်ရဲ့သည် ငါ မည်သည့်အရပ်က လာသည်ကိုလည်းကောင်း၊ ငါ မည်သည့်အရပ်သို့
လားရမည်ကိုလည်းကောင်း မသိကြ။ 15 သင်ရဲ့သည် လူနည်းလမ်းအတိုင်းသာ တရားစီရင်တတ်ကြ၏။ ငါကား
တစ်ယောက်ကိုလေ့ စီရင်။ 16 ငါသည် တရားစီရင်သော်လည်း ငါ၏စီရင်ခြင်းသည် မှန်ကန်၏။ အကြောင်းမူကား ငါသည်
တစ်ယောက်တည်း စီရင်သည် မဟုတ်။ ငါ့ကို စီရင်တော်မူသော ဖခမည်းတော်က ငါနှင့်အတူ ဟိန်နိသောကြောင့်ဖြစ်၏။
17 သင်ရဲ့၏ ပညတ်တော်၌ သက်သိနှစ်ဦး ထွက်ဆိုလျှင် သင်ရဲ့ပြောသမျှ မှန်သည်ဟု ဖော်ပြထား၏။ 18 ငါသည်
ကိုယ့်အကြောင်းကိုသာ သက်သိခံသည့်အပြင် ငါ့ကို စီရင်တော်မူသော ခမည်းတော်ကလည်း ငါ့အကြောင်းကို
သက်သိခံတော်မူ၏” ဟု မိန့်တော်မူ၏။ 19 ထိုသူရိကလည်း “သင်၏ ခမည်းတော်က ဇာမာလဲ” ဟု မိန်းမလျှောက်ကြ၏။
ယေသျှက “သင်ရဲ့သည် ငါ့ကို မသိကြ။ ခမည်းတော်ကိုလည်း မသိကြ။ ငါ့ကို သိလျှင်မူကား ငါ့ခမည်းတော်ကိုလည်း
သိကြမည်” ဟု ဖြေကြားတော်မူ၏။ 20 ကိုယ်တော်သည် ဤစကားတော်များကို ဗိမာန်တော်၏ အလှူခံသေတ္တာထားရာ

အခန်း၌ ဟောပြောတော်မူ၏။ သို့သော် ကိုယ်တော်၏အချိန် မရောက်သိမ့်သောကြောင့် မည်သူမျှ ကိုယ်တော့်ကို မဖမ်းဆီးကြ။ 21 တဖန် ယေသျှုက “ငါသည် လားရမည်။ သင်ရိုသည် ငါ့ကို ရှာကြလိမ့်မည်။ သို့ရာတွင် သင်ရိုသည် ကိုယ့်အပြစ်များကြောင့် သီဆုံးကြလိမ့်မည်။ ငါလားမည့်အရပ်သို့ သင်ရိုမလားနိုင်ကြ” ဟု မိန့်တော်မူ၏။ 22 ထို့ကြောင့် ယုဒအာဏာပိုင်များက “ငါလားမည့်အရပ်သို့ သင်ရို မလားနိုင်ကြဟု သူပြောလာ။ သူသည် သူ့ကိုယ်သူ သတ်သီလားမည်လော” ဟု ပြောဆိုကြ၏။ 23 ယေသျှုက “သင်ရိုသည် အောက်အရပ်က ဖြစ်ကြသော်လည်း ငါကား အထက်အရပ်က ဖြစ်၏။ သင်ရိုကား လောကသားတို့ ဖြစ်ကြသော်လည်း ငါကား လောကသား မဟုတ်။ 24 ထို့အတွက်ကြောင့် သင်ရိုသည် သင်ရိုအပြစ်များကြောင့် သီဆုံးရလိမ့်မည်ဟု ငါဆို၏။ ‘ငါဖြစ်သည်အတိုင်း ငါဖြစ်သည်’ ကို သင်ရို မယုံကြည်ကြလျှင် သင်ရိုသည် သင်ရိုအပြစ်များကြောင့် သီဆုံးကြလိမ့်မည်” ဟု မိန့်တော်မူ၏။ 25 ထိုသူရိုက “သင်ကား ဇာသူနည်း” ဟု မိန်းလျှင်၊ ယေသျှုကလည်း “ငါသည် ဇာသူဖြစ်သည်ကို အယင်က သင်ရိုကို ငါပြောမလာ။ 26 သင်ရိုအကြောင်းကို ငါပြောဆိုစရာ၊ အပြစ်စီရင်စရာများစွာ ဟိသိမ့်၏။ ငါ့ကို စီရင်တော်မူသောသူသည် သစ္စာနှင့် ပြည့်စုံတော်မူ၏။ ငါသည် ထိုအသျှင်ထံပါးက ကြားရသောအရာများကို ဤလောက၌ ငါဟောပြော၏” ဟု မိန့်တော်မူ၏။ 27 ယေသျှုသည် ခမည်းတော်၏အကြောင်းကို ရည်မှတ်၍ မိန့်တော်မူသည်ကို သူရိုသည် မရိပ်မိကြ။ 28 ထို့နောက် ယေသျှုက “သင်ရိုသည် လူသားကို မြီကြီးမှ မြှောက်ထားသောအခါ ‘ငါဖြစ်သည်အတိုင်း ငါဖြစ်သည်’ ကိုလည်းကောင်း၊ ငါသည် ကိုယ့်အခွင့်အာဏာနှင့် ဇာအမှုကိုမျှ မပြုဘဲ ခမည်းတော်က ငါ့ကို သွန်သင်တော်မူသည်အတိုင်း ငါဟောပြောသည်ကို သင်ရို သိကြလိမ့်မည်။ 29 ငါ့ကို စီရင်တော်မူသော အသျှင်သည် ငါနှင့်အတူ ဟိတော်မူ၏။ အကြောင်းမူကား ထိုအသျှင် နှစ်သက်သောအမှုကို ငါသည် အစဉ်မပြတ် လုပ်ဆောင်သည်ဖြစ်သောကြောင့် ငါ့အား တစ်ယောက်တည်း စွန့်ပစ်ထားတော်မူ” ဟု မိန့်တော်မူ၏။ 30 ဤသို့ မိန့်တော်မူချက်ကို ကြားရသောသူအပေါင်းရိုသည် ယေသျှုကို ယုံကြည်လာကြ၏။ 31 ယေသျှုသည် ယုဒ ယုံကြည်သူရိုအား “သင်ရိုသည် ငါဟောပြောသော သွန်သင်ချက်အတိုင်း နာခံလိုက်လျှောက်လျှင် ငါ့တပည့် အမှန်ဖြစ်ကြ၏။ 32 သင်ရိုသည် သမ္မာတရားကို သိပြီးလျှင် ထိုသမ္မာတရားက သင်ရိုအား လွတ်မြောက်စီလိမ့်မည်” ဟု မိန့်တော်မူ၏။ 33 သူရိုက “ငါရိုသည် အာဗြဟံ၏အမျိုး ဖြစ်ကြ၏။ တစ်ခါမျှ သူတစ်ပါး၏ကျွန် မဖြစ်ဖူးပါ။ ‘သင်ရို လွတ်မြောက်လိမ့်မည်’ ဟု ဇာကြောင့် ပြောဆိုသနည်း” ဟု မိန်းလျှောက်ကြ၏။ 34 ယေသျှုက “သင်ရိုအား ငါအမှန်ဆိုသည်ကား၊ အပြစ်ကို ကျူးလွန်သော သူတိုင်းသည် အပြစ်၏ ကျွန်ဖြစ်၏။ 35 ကျွန်သည် မိသားစုဝင် အစဉ်ဖြစ်သည် မဟုတ်၊ သားဖြစ်သူသာလျှင် အစဉ် ဖြစ်၏။ (aion g165) 36 အကယ်၍ သင်ရိုအား သားတော်က လွတ်မြောက်ခွင့်ပီးလျှင် သင်ရိုသည် အမှန်ပင် လွတ်မြောက်ခြင်း ရကြလိမ့်မည်။ 37 သင်ရိုသည် အာဗြဟံ၏အမျိုးဖြစ်ကြောင်း ငါသိ၏။ သို့သော်လည်း သင်ရိုသည် ငါ၏သွန်သင်ချက်ကို လက်ခံလိမ့်မည် မဟုတ်သောကြောင့် ငါ့အား သတ်ရန် ကြိုးစားကြ၏။ 38 ငါသည် ငါ့ခမည်းတော် ဖော်ပြသမျှကိုသာ ငါဟောပြော၏။ သင်ရိုကား သင်ရိုအဖ ညွှန်ကြားသည့်အတိုင်း ပြုကြ၏” ဟု မိန့်တော်မူ၏။ 39 ထိုသူရိုကလည်း “အာဗြဟံသည် ငါရို အဖဖြစ်ပါသည်” ဟု ဆိုကြ၏။ ယေသျှုက “သင်ရိုသည် အာဗြဟံ၏ သားသမီး အစစ်အမှန် ဖြစ်သည်ဆိုလျှင် အာဗြဟံကဲ့သို့ ကျင့်ကြလိမ့်မည်။ 40 ဘုရားသခင်ထံပါးက ကြားနာရသမျှသော သမ္မာတရားကို သင်ရိုအား ဟောပြောသော ငါ့ကို သတ်ရန် သင်ရိုက ကြံစည်နိုင်ကြ၏။ အာဗြဟံကား ဤသို့ မကျင့်ခ။ 41 သင်ရိုသည် သင်ရိုအဖ ကျင့်သည်အတိုင်း ကျင့်တတ်ကြ၏” ဟု ပြန်၍ မိန့်တော်မူ၏။ ထိုသူရိုကလည်း “ငါရို၌ ဘုရားသခင်တည်းဟူသော ခမည်းတော် တစ်ပါးတည်းသာ ဟိ၏။ ငါရိုသည် ထိုဘုရားသခင်၏ စစ်မှန်သော သားသမီးများဖြစ်ကြ၏” ဟု လျှောက်ဆိုကြ၏။ 42 ယေသျှုကလည်း “ဘုရားသခင်သည် သင်ရို၏အဖ ဖြစ်သည်ဆိုလျှင် သင်ရိုသည် ငါ့အား ချစ်ကြလိမ့်မည်။ အကြောင်းမူကား ငါသည် ဘုရားသခင်ထံတော်ပါးမှ လာပြီးလျှင် အဂ္ဂ ဤနီရာ၌ ရောက်နိုင်၏။ ငါသည် ကိုယ့်အခွင့်အာဏာနှင့် လာသည် မဟုတ်။ သို့သော် ဘုရားသခင်သည် ငါ့ကို စီရင်တော်မူ၏။ 43 သင်ရိုသည်

ငါ့စကားကို နားမလည်ကြခြင်းအကြောင်းမှာ ငါ၏တရားကို နာယူနိုင်စွမ်း မဟိသောကြောင့် ဖြစ်၏။ 44 သင်ရှိသည် သင်ရှိ၏အဖဖြစ်သော မာရ်နတ်၏ သားသမီးများ ဖြစ်ကြသောကြောင့် သင်ရှိအဖ၏ အလိုသို့လိုက်၍ လုပ်ဆောင်ကြ၏။ မာရ်နတ်သည် အစဦးကပင် လူသတ်သမား ဖြစ်၏။ ထိုသူသည် သစ္စာတရားမဟုတ်၊ သမ္မာတရားဖက်၌လည်း မရှိ။ ထိုသူသည် မုသာကိုပြောသောအခါ ပင်ကိုယ်ပကတိအတိုင်း မုသာကို ပြောဆိုတတ်၏။ အကြောင်းမူကား လိမ်လည် ပြောဆိုတတ်သူဖြစ်ပြီး မုသာ၏ ဖခင်လည်းဖြစ်၏။ 45 ငါသည် မှန်သောစကားကို ပြောသော်လည်း သင်ရှိသည် ငါ့အား မယုံကြည်ကြ။ 46 ငါသည် အပြစ်ဟုကြောင်း ဇာသူက သက်သီ ပြနိုင်မည်နည်း။ ငါသည် မှန်သောစကားကို ပြောသော်လည်း ဇာကြောင့် ငါ့ကို မယုံကြည်ကြသနည်း။ 47 ဘုရားသခင်နှင့် စပ်ဆိုင်သူသည် ဘုရားသခင်၏စကားကို နားထောင်တတ်ကြ၏။ သင်ရှိသည် ဘုရားသခင်နှင့် မစပ်ဆိုင်သည့်အတွက် နားမထောင်ကြ” ဟု မိန့်တော်မူ၏။ 48 ယုဒလူတို့က ယေသျှုအား “သင်သည် ယုဒမာရ်လူဖြစ်ပြီး နတ်ဆိုး ဝင်ပူးခံရသူလည်း ဖြစ်သည်ဟု ငါရဲ့ ပြောသည်မှာ မှန်သလော” ဟု မိန်းကြ၏။ 49 ယေသျှုကလည်း “ငါသည် နတ်ဆိုး ဝင်ပူးခံနိုင်သူ မဟုတ်။ ငါသည် ငါ့မည်းတော်ကို ချီးမြှောက်၏။ သို့သော်လည်း သင်ရိုက ငါ့ကို ရှုတ်ချကြ၏။ 50 ငါသည် ကိုယ့်ဘုန်းကို မရှာ။ သို့ရာတွင် ငါ၏ဘုန်းကို ရှာ၍ စီရင်တော်မူသောသူ ဟိသိမ့်၏။ 51 ငါ အမှန်ဆိုသည်ကား၊ ငါ့စကားကို နားထောင်သောသူသည် သီဆုံးခြင်းနှင့် အစဉ်မပြတ် ကင်းလွတ်လိမ့်မည်” ဟု မိန့်တော်မူ၏။ (a10n g165) 52 ယုဒလူတို့ကလည်း “သင်သည် နတ်ဆိုး ပူးနိုင်သူဖြစ်ကြောင်း အဂု ငါရဲ့သိရယာ။ အာဗြဟံလည်း သီလားခယာ။ ပရောဖက်တို့လည်း သီလားခယာ။ ယေဒါလည်း ‘ငါ့စကားကို နားထောင်သောသူသည် သီခြင်းနှင့် အစဉ်မပြတ် ကင်းလွတ်လိမ့်မည်’ ဟု ဆိုသည်တကား။ (a10n g165) 53 သင်သည် သီလွန်ခသူ ငါရဲ့အဖ အာဗြဟံထက် ကြီးမြတ်သလော။ ပရောဖက်တို့လည်း သီလန်လားခယာ။ သင့်ကိုယ်သင် ဇာသူဟု ထင်မှတ်နိုင်သနည်း” ဟု မိန်းကြ၏။ 54 ယေသျှုကလည်း “ငါသည် ကိုယ့်ကိုကိုယ် ချီးမြှောက်သည်ဆိုလျှင် ငါ၏ဘုန်းသည် အလားကားပင်ဖြစ်၏။ ငါ့ကို ချီးမြှောက်သူကား ငါ့မည်းတော်ဖြစ်၏။ ထိုအချက်ကို သင်ရှိသည် ငါရဲ့၏ ဘုရားသခင် ဟု ဆိုတတ်ကြ၏။ 55 ယေဒါလည်း ထိုဘုရားသခင်ကို သင်ရဲ့ လုံးဝ မသိကြသော်လည်း ငါမူကား သိ၏။ အကယ်၍ ငါမသိဟု ဆိုလျှင် ငါသည် သင်ရဲ့ကို လိမ်ပြောသူ ဖြစ်လိမ့်မည်။ ထိုဘုရားသခင်ကို ငါသိ၏။ ဘုရားသခင်၏ စကားကိုလည်း နားထောင်၏။ 56 သင်ရှိအဖ အာဗြဟံသည် ငါကြွလာမည့် အချိန်ကာလကို မြင်ခြင်းငှာ အလိုဟိ၏။ မြင်ရသောခါ၌လည်း ဝမ်းမြောက်ဝမ်းသာ ဟိ၏” ဟု မိန့်တော်မူ၏။ 57 ယုဒလူရိုကလည်း “သင်သည် အသက် ငါးဆယ်ပင် မဟိသိမ့်။ သို့ ဖြစ်၍ သင်သည် အာဗြဟံကို မြင်ဖူးသလော” ဟု ဆိုကြ၏။ 58 ယေသျှုက “ငါ အမှန်ဆိုသည်ကား၊ အာဗြဟံ မမိုးဖွားခင် ငါဟိ၏” ဟု မိန့်တော်မူ၏။ 59 ထိုအခါ သူရှိသည် ကိုယ်တော့အား ပစ်ရန် ကျောက်ခဲများကို ကောက်ယူကြ၏။ သို့သော်လည်း ယေသျှုသည် တိမ်းယောင်၍ ဗိမာန်တော်မှ ထွက်လားတော်မူ၏။

9 ယေသျှုသည် လမ်း၌ကြွတော်မူစဉ် မိုးရာပါ မျက်ကန်းတစ်ယောက်ကို တွေ့မြင်တော်မူ၏။ 2 တပည့်တော်ရိုက “ဆရာ၊ ဤသူသည် ဇာသူအပြစ်ကြောင့် မိုးရာပါ မျက်စိကန်းရသနည်း။ မိမိအပြစ်ကြောင့် ဖြစ်သလော၊ မိဘတိအပြစ်ကြောင့် ဖြစ်သလော” ဟု မိန်းလျှောက်ကြ၏။ 3 ယေသျှုက “သူ၏ အပြစ်ကြောင့် မဟုတ်၊ မိဘ အပြစ်ကြောင့်လည်း မဟုတ်။ ဤသူ၌ ဖြစ်သောအရာကား ဘုရားသခင်၏ တန်ခိုးတော်ကို ထင်ရှားစီရန် ဖြစ်၏။ 4 ငါ့ကို စီစွတ်တော်မူသော အချက်၏ အမှုတော်မြတ်ကို နှိုအချိန်ဟိစဉ် ငါရဲ့ လုပ်ဆောင်ရမည်။ တစ်ယောက်လည်း မလုပ်နိုင်သော ညဉ့်အချိန် ရောက်လာလိမ့်မည်။ 5 ငါသည် ဤလောကတွင် ဟိန်နိစဉ် လောက၏ အလင်းဖြစ်၏” ဟု မိန့်တော်မူ၏။ 6 ဤသို့ မိန့်တော်မူပြီးနောက် ကိုယ်တော်သည် မြို့ကြီးကို တန်းထိုးဖြင့် ထိုးပြီးလျှင် ကျွတ်လုပ်၍၊ သူ၏မျက်စိကို လူးဝီးတော်မူပြီး၊ 7 “သျှိုလောင်ရိုကန်၌ မျက်နှာသစ်ရန် လားလော” ဟု မိန့်တော်မူ၏။ သျှိုလောင်၏ အဓိပ္ပာယ်ကား “ရွတ်လိုက်သည်” ဟု ဆိုလိုသတည်း။ ထိုသူသည် လား၍ မျက်နှာသစ်ပြီးနောက် မျက်စိမြင်လျက် ပြန်လာလေ၏။ 8 သူသည် သူတောင်းစားဖြစ်သဖြင့် အယင်က သူ့ကို မြင်ဖူးသောသူများနှင့် အိမ်နီးချင်းများက “ဤသူသည် ထိုင်၍

တောင်းစားနိန်သူ မဟုတ်ပါလား” ဟု ဆိုကြ၏။ 9 လူတချို့က “ဤသူ ဟုတ်ပါ၏” ဟူ၍ လည်းကောင်း၊ တချို့က “ဤသူ မဟုတ်၊ သူနှင့် တူ၏” ဟူ၍ လည်းကောင်း ဆိုကြ၏။ သူကိုယ်တိုင်ကလည်း “ငါက ထိုသူပင် ဖြစ်ပါ၏” ဟု ဆို၏။ 10 ထိုသူရိုက်က “သင်က ဇာပိုင် မျက်စိမြင်လာသနည်း” ဟု မိန်းကြ၏။ 11 သူကလည်း “ယေသုဟု ခေါ်သော လူတစ်ယောက်က ကျွတ်တစိတ်ကေလုပ်၍ အကျွန်ုပ်မျက်စိကို လူးပြီးလျှင် သျှီလောင်ရီကန်သို့လား၍ အကျွန်ုပ်ကို မျက်နှာသစ်ခိုင်းပါ၏။ ထို့ကြောင့် အကျွန်ုပ်သည် လား၍ မျက်နှာသစ်လိုက်သည့်အခါ မျက်စိမြင်လာပါ၏” ဟု ပြန်ပြော၏။ 12 ထိုသူရိုက်ကလည်း “ထိုသူကား ဇာမာလဲ” ဟု မိန်းကြလျှင် “အကျွန်ုပ် မသိပါ” ဟု ပြန်ပြောလေ၏။ 13 ထို့နောက် ထိုသူရိုက်သည်လည်း မျက်စိကန်းသောသူကို ဖာရိယုရိုအပါးသို့ ခေါ်လာကြ၏။ 14 ယေသုသည် ကျွတ်ဖြင့် မျက်စိမြင်စီသောနို့ကား ဥပုသ်နို့ဖြစ်၏။ 15 ထို့ကြောင့် ဖာရိယုရိုသည် ထိုသူ မျက်စိပြန်မြင်လာပုံကို မိန်းမြန်းကြ၏။ ထိုသူက “သူသည် အကျွန်ုပ်မျက်စိကို ကျွတ်နှင့် လူးပီးပါ၏။ ပြီးလျှင် မျက်နှာသစ်လိုက်သည့်အခါ မျက်စိပြန်မြင်လာပါ၏” ဟု ဆို၏။ 16 တချို့သော ဖာရိယုရိုက “ထိုသူသည် ဥပုသ်နို့ကို မစောင့်သည့်အတွက် ဘုရားသခင်ထံပါးမှ လာသောသူ မဟုတ်” ဟု ပြောဆိုကြ၏။ တချို့က “ဒုစရိုက်ကိုပြုသောသူသည် ဤသို့သော နိမိတ်လက္ခဏာများကို ဇာကြောင့် လုပ်နိုင်ပါသနည်း” ဟု ဆိုကြ၏။ ထိုသို့ သူရိုက်သည် အချင်းချင်း စိတ်ဝမ်းကွဲပြားလျက် ဟိကြ၏။ 17 ထို့ကြောင့် ဖာရိယုရိုက မျက်စိကန်းဖူးသူအား “သင့်ကို မျက်စိမြင်စီသောသူသည် ဇာပိုင်မျိုးလူဖြစ်သနည်း” ဟု မိန်းကြ၏။ ထိုသူက “သူသည် ပရောဖက်ဖြစ်ပါ၏” ဟု ဖြေကြားလေ၏။ 18 သို့ရာတွင် ယုဒအာဏာပိုင်ရိုက်က သူသည် အယင်က မျက်စိကန်းသည်ကိုလည်းကောင်း၊ အဂ္ဂ မျက်စိမြင်လာသည်ကိုလည်းကောင်း မယုံနိုင်သိမ့်သောကြောင့် သူ၏မိဘများကို ခေါ်၍ မိန်းကြ၏။ 19 ထိုသူရိုက်လည်း “ဤသူသည် သင်ရို၏ သားဖြစ်သလော၊ သင်ရို ပြောသည်အတိုင်း မွီးရာပါ မျက်စိမမြင်သောသူ ဖြစ်သလော။ ထို့ကြောင့် ဤသူသည် ဇာအတွက်ကြောင့် မျက်စိမြင်ရသနည်း” ဟု မိန်းကြ၏။ 20 သူ၏မိဘရိုက်လည်း “ဤသူသည် အကျွန်ုပ်ရိုသား မှန်ပါ၏။ မွီးရာပါ မျက်မမြင်တစ်ယောက်လည်း ဖြစ်ပါ၏။ 21 သို့သော်လည်း ဇာကြောင့် မျက်စိမြင်လာသည်ကိုလည်းကောင်း၊ ဇာသူက မျက်စိမြင်စီသည်ကိုလည်းကောင်း အကျွန်ုပ်ရို မသိပါ။ သူ့ကို မိန်းကြည့်ပါ။ သူသည်လည်း အရွယ်ရောက်သောသူဖြစ်၍ သူ့အကြောင်းကို သူကိုယ်တိုင် ပြောပြနိုင်ပါလိမ့်မည်” ဟု ဖြေကြား၏။ 22 သူ၏မိဘများသည် ဤသို့ ဖြေကြားရခြင်းမှာ ယေသုအား မေသျှီယအဖြစ်နှင့် ယုံကြည်ကြောင်း ပြောဆိုသောသူတိုင်းကို တရားဇရပ်မှ နှင်ထုတ်ရန် သဘောတူ ဆုံးဖြတ်ထားသော ယုဒအာဏာပိုင်တို့ကို ကြောက်သောကြောင့် ဖြစ်၏။ 23 ထို့ကြောင့် သူ၏မိဘရိုက်က “သူသည်လည်း အရွယ်ရောက်သောသူဖြစ်၍ သူ့အား မိန်းကြည့်ပါ” ဟု ဆိုခြင်းဖြစ်သည်။ 24 ထိုသူရိုက်လည်း မျက်စိကန်းဖူးသူကို ဒုတိယအကြိမ် ပြန်ခေါ်၍ “ဘုရားသခင်၏ ဘုန်းတော်ရှိ၌ အမှန်တိုင်းပြောပါ။ သင့်၏မျက်စိကို မြင်စီသူသည် ဒုစရိုက်ကို ပြုသောသူဖြစ်ကြောင်း ငါရိုသိ၏” ဟု ဆို၏။ 25 ထိုသူကလည်း “ထိုသူသည် ဒုစရိုက်ကိုပြုသောသူ ဟုတ်သည်၊ မဟုတ်သည်ကို အကျွန်ုပ်မသိ။ အကျွန်ုပ်သိသော အရာတစ်ခုမှာ အကျွန်ုပ်သည် အယင်က မျက်စိကန်း၏။ အဂ္ဂ မျက်စိမြင်လာသည့် အကြောင်းကိုသာ အကျွန်ုပ်သိပါ၏” ဟု ပြန်ပြောလေ၏။ 26 ထိုသူရိုက်လည်း “သူသည် သင့်အား မည်သို့ပြုနည်း။ သင်၏မျက်စိကန်းနိန်သည်ကို ဇာပိုင် ကုသမည်နည်း” ဟု မိန်းကြ၏။ 27 ထိုသူက “အကျွန်ုပ်က သင်ရိုကို တစ်ကြိမ်ပြောပြီးယာ၊ သင်ရိုက နားမထောင်ကြ။ မည်သို့ ဖြစ်သည်ကို ထပ်ကာထပ်ကာ ကြားချင်ကြသလော။ သင်ရိုကလည်း သူ့တပည့် ဖြစ်ချင်ကြသလော” ဟု ပြန်၍ မိန်းလေ၏။ 28 ထိုသူရိုက်လည်း ထိုသူအား ကြိမ်းမောင်းလျက် “သင်သာလျှင် သူ၏ တပည့်ဖြစ်၏။ ငါရိုမူကား မောသျှေတပည့်တို့ ဖြစ်ကြ၏။ 29 ဘုရားသခင်သည် မောသျှေအား ဗျာဒိတ်ပီးတော်မူခဲ့ကြောင်းကို ငါရို သိကြ၏။ ဤသူသည် ဇာကလာသည်ကိုပင် ငါရိုမသိ” ဟု ဆိုကြ၏။ 30 ထိုသူက “သူသည် အကျွန်ုပ်မျက်စိကန်းနိန်သည်ကို ကုသသောသူ ဖြစ်၏။ သို့သော်လည်း သင်ရိုက သူသည် ဇာကလာကြောင်းကို မသိသည်ကား အံ့သြဖို့ ကောင်းပါ၏။ 31 ဘုရားသခင်သည် အပြစ်သားတို့ ဆုတောင်းသည်ကို နားညောင်းတော်မမူပါ။ ဘုရားသခင်အား ရိုသီးလေးမြတ်၍

အလိုတော်အတိုင်း လုပ်ဆောင်နိုင်သောသူရို၏ ဆုတောင်းခြင်းကို နားညောင်းတော်မူသည်ကို အကျွန်ုပ်တို့ သိပါ၏။ 32 မိုးရာပါ မျက်စိကန်းသူအား မျက်စိပြန်မြင်စီနိုင်သည်ကို ရှီးကာလမှစ၍ တစ်ခါလေ့ မကြားဖူးသိမ့်။ (aiṭh g165) 33 ဤသူသည် ဘုရားသခင်ထံတော်မှ ကြွလာသူ မဟုတ်လျှင် ဤသို့သောအမှုကိုလည်း မတတ်နိုင်ပါ” ဟု ဆို၏။ 34 ထိုသူရိုကလည်း “သင်သည် မိုးရာပါအပြစ်နှင့် ကြီးပြင်းလာသူ ဖြစ်လျက်ပင် — ငါရိုကို ဆုံးမခြင်းငှာ ကြိုးစားနိုင်ပါသည်တကား” ဟု ဆို၍ တရားဇရပ်မှ နှင်ထုတ်ကြ၏။ 35 ဤသို့ နှင်ထုတ်သည်အကြောင်းကို ယေသျှုသည် ကြားတော်မူပြီးမှ ထိုသူကို တွံတော်မူလျှင်၊ “သင်သည် လူသားကို ယုံကြည်သလော” ဟု မိန့်တော်မူ၏။ 36 ထိုသူကလည်း “ဆရာ၊ အကျွန်ုပ် ယုံကြည်နိုင်ရန်အတွက် လူသားကား ဇာသူဖြစ်ကြောင်း အကျွန်ုပ်ကို ပြောပြပါ” ဟု လျှောက်လေ၏။ 37 ယေသျှုက “သူ့ကို သင်မြင်ဖူး၏။ ထိုသူကား သင်နှင့် အဂ္ဂ စကားပြောနိုင်သူပင်ဖြစ်၏” ဟု မိန့်တော်မူ၏။ 38 ထိုသူကလည်း “ယုံကြည်ပါ၏ အသျှင်” ဟု လျှောက်၍ ယေသျှုအား ပျပ်ပပ်ကိုးကွယ်လေ၏။ 39 ယေသျှုက “မျက်စိကန်းနိုင်သောသူသည် မျက်စိမြင်စီပြီးလျှင် မြင်သောသူတို့ မျက်စိကန်းစီရန် ငါသည် ဤလောကသို့ တရားစီရင်ခြင်းငှာ ကြွလာခြင်းဖြစ်၏” ဟု မိန့်တော်မူ၏။ 40 ကိုယ်တော်နှင့်အတူ ဟိန်နိသော ဖာရိယုံတချို့သည် စကားတော်ကို ကြားရသဖြင့် “ငါရိုကလည်း မျက်စိကန်းနိုင်သောသူတို့ ဖြစ်ကြသည်ဟု ဆိုလိုသလော” ဟု ပြောဆိုမိန်းမြန်းကြ၏။ 41 ယေသျှုက “သင်ရိုသည် မျက်စိကန်းသောသူရို ဖြစ်သည်ဟုဆိုလျှင် အပြစ်ဟိသည် မဟုတ်။ အဂ္ဂကား သင်ရိုက ‘ငါရို မျက်စိမြင်ပါ၏’ ဟု ဆိုသည့်အတွက်ကြောင့် သင်ရို၌ အပြစ်၌ ဟိန်နိတုန်းပင်ဖြစ်သည်” ဟု မိန့်တော်မူ၏။

10 ယေသျှုက “ငါအမှန် ဆိုသည်ကား၊ သိုးခြံထဲသို့ တန်းခါးပေါက်မှ မဝင်ဘဲ အခြားသောလမ်းဖြင့် ကျော်ဝင်သောသူသည် သူခိုးဒါးပြ ဖြစ်၏။ 2 တန်းခါးပေါက်မှ ဝင်သောသူကား သိုးထိန်းဖြစ်၏။ 3 ထိုသူအား တန်းခါးစောင့်သည် တန်းခါးကို ဖွင့်ပီး၏။ သိုးများသည် သူအသံကို နားထောင်တတ်ကြ၏။ သူသည် မိမိ၏သိုးများကို နာမည်ခေါ်၍ သိုးခြံမှ ထုတ်ပြီးလျှင် သိုးများကို ဦးဆောင်လားတတ်၏။ 4 သိုးအားလုံးကို ထုတ်၍ ရှိုကန်နီ ဦးဆောင်လားတတ်၏။ သိုးများသည်လည်း သူ၏အသံကို သိသောကြောင့် နောက်သို့လိုက်ကြ၏။ 5 သိုးများသည် အခြားသောသူ၏နောက်သို့ မလိုက်တတ်ဘဲ အခြားသောသူ၏အသံကို မသိသောကြောင့် ထိုသူထံပါးမှ ထွက်ပြီးလားကြလိမ့်မည်” ဟု မိန့်တော်မူ၏။ 6 ယေသျှုသည် ဤပုံဥပမာကိုဆောင်၍ ထိုသူရိုအား မိန့်တော်မူသော်လည်း သူရိုသည် အနက်အဓိပ္ပာယ်ကို နားမလည်ကြ။ 7 တဖန် ယေသျှုက၊ “ငါအမှန် ဆိုသည်ကား၊ ငါသည် သိုးဝင်သော တန်းခါးဝဖြစ်၏။ 8 ငါမတိုင်မှီ ရောက်လာသော အခြားသောသူရိုသည် သူခိုးဒါးပြတို့ ဖြစ်ကြ၏။ ယေဒါလည်း သိုးသည် ထိုသူရိုစကားကို နားမထောင်ကြ။ 9 ငါသည် တန်းခါးဝဖြစ်၏။ ငါအားဖြင့် ဝင်သောသူသည် ဘေးကင်းစွာ ဝင်ထွက်လားလာ၍ စားကျက်ကို တို့ရလိမ့်မည်။ 10 သူခိုးသည် ခိုးခြင်း၊ သတ်ခြင်းနှင့် ဖျက်ဆီးခြင်းငှာ လာ၏။ ငါမူကား သိုးတို့ကို အသက်ရှင်စီရုံသာမက ကြွယ်ဝပြည့်စုံသောအသက်နှင့် ရှင်သန်နိုင်ကြစီရန် လာခြင်းဖြစ်၏။ 11 “ငါသည် ကောင်းသော သိုးထိန်းဖြစ်၏။ ကောင်းသော သိုးထိန်းသည် သိုးတို့အတွက် မိမိအသက်ကို စွန့်တတ်၏။ 12 အငှားသမားမူကား သိုးထိန်း မဟုတ်။ သိုးသျှင်လည်း မဟုတ်။ တောခွီး လာသည်ကို မြင်သောအခါ သိုးတို့ကိုထား၍ ထွက်ပြီးလားတတ်၏။ တောခွီးကလည်း သိုးတို့ကို ကိုက်ဖမ်းသောကြောင့် သိုးများသည် ဖရိဖရဲ ကွဲလွင့်စီ၏။ 13 အငှားသမားသည် အငှားသမားဖြစ်သောကြောင့် သိုးတို့ကို ဂရုမစိုက်ဘဲ ထွက်ပြီးတတ်၏။ 14 ငါသည် ကောင်းသောသိုးထိန်း ဖြစ်၏။ ခမည်းတော်သည် ငါ့ကို သိတော်မူ၍၊ ငါသည်လည်း ခမည်းတော်ကို သိသကဲ့သို့ ငါ၏သိုးတို့ကို ငါသိ၏။ ငါသိုးတို့ကလည်း ငါ့ကိုသိကြ၏။ ငါသည် သိုးတို့အတွက် အသက်ကိုစွန့်၏။ 16 ဤသိုးခြံထဲသို့ မဝင်သော အခြားသိုးတို့ကိုလည်း ငါပိုင်သိမ့်၏။ ထိုသိုးတို့ကို ငါ ယူဆောင်ခရမည်။ သူရိုသည် ငါ့အသံကို နားထောင်ကြလိမ့်မည်။ ထို့ကြောင့် သူရိုသည် သိုးထိန်းတစ်ပါးတည်းဟိသော သိုးအုပ်တစ်အုပ် ဖြစ်လာလိမ့်မည်။

17 “ငါသည် ကိုယ့်အသက်ကို အလိုလျောက် စွန့်တော်မူသည့်အတိုင်း နောက်တဖန် အသက်ကို ပြန်ယူဦးမည် ဖြစ်သောကြောင့်၊ ခမည်းတော်သည် ငါ့ကို ချစ်တော်မူ၏။ 18 ဇာသုတစ်ယောက်မှ ငါ့ပါးမှ အသက်ကို မလုယူနိုင်။ ကိုယ့်အလိုအလျောက် စွန့်ခြင်းသာဖြစ်၏။ ငါသည် အသက်ကို စွန့်ပိုင်ခွင့်နှင့် ပြန်ယူပိုင်ခွင့် ငါ၌ ဟိ၏။ ဤသို့ ပြုနိုင်ရန် ခမည်းတော်သည် ငါ့ကို အမိန့်ပီးတော်မူ၏” ဟု မိန့်တော်မူ၏။ 19 ထိုစကားတော်ကြောင့် ယုဒလူရို့သည် တဖန် ကွဲပြားကြပြန်၏။ 20 သူရို့ထဲမှ လူအများက “ဤသူသည် နတ်ဆိုး ဝင်ပူးနိန်သော အရူးဖြစ်၏။ ဇာကြောင့် သူ့စကားကို သင်ရို့ နားထောင်ကြသနည်း” ဟု ဆိုကြ၏။ 21 သို့ရာတွင် အခြားသူရို့က “နတ်ဆိုးဝင်ပူးသောလူသည် ဤသို့သော စကားကိုမပြောနိုင်။ နတ်ဆိုးသည် မျက်စိကန်းသောသူတို့ကို မြင်စီခြင်းငှာ တတ်နိုင်ပါမည်လော” ဟု ဆိုကြ၏။ 22 ဆောင်းကာလဖြစ်၍ ယေရုဆလင်မြို့တွင် ဗိမာန်တော်အား ဆက်ကပ်သည့်ပွဲတော် ကျရောက်လျက်ဟိ၏။ 23 ယေသျှုသည် ဗိမာန်တော်၌ဟိသော သျှောလမုန်ဆင်ဝင်တွင် စကြိုန်ကြွနိန်၏။ 24 ထိုအခါ ယုဒလူရို့သည် ကိုယ်တော်ကို ဝိုင်းရံလျက် “သင်သည် ဇာလောက်ကြာအောင် ငါရို့၏ စိတ်နှလုံးကို ဒွဲဟ ဖြစ်စီမည်နည်း။ မေသျှိယ ဖြစ်သည်ဆိုလျှင် အတိအလင်း ပြောပြပါ” ဟု ဆို၏။ 25 ယေသျှုက “သင်ရို့ကို ငါပြောပြီးယာ။ ယေဒါလည်း သင်ရို့က မယုံကြ။ ငါ့ခမည်းတော်အခွင့်နှင့် ငါပြုသော အမှုများသည် ငါ့အကြောင်းကို သက်သိခန့်ကြခြင်း ဖြစ်၏။ 26 သို့ရာတွင် သင်ရို့သည် ငါ့သိုးမဟုတ်သောကြောင့် ငါ့ကို မယုံနိုင်ကြ။ 27 ငါ့သိုးရို့သည် ငါ့စကားကို နားထောင်တတ်ကြ၏။ ငါသည် သူရို့ကို သိသည်ဖြစ်၍ သူရို့လည်း ငါ့နောက်သို့ လိုက်ကြ၏။ 28 ငါသည် သူရို့အား ထာဝရအသက်ကို ပီးသည်ဖြစ်၍ သူရို့သည် သီခြင်းနှင့် အစဉ်မပြတ် ကင်းလွတ်လိမ့်မည်။ ဇာသုတစ်ယောက်မှ သူရို့တို့ကို ငါ့လက်ကနိန် လုမယူနိုင်။ (aion g165, aionios g166) 29 ထိုသိုးတို့ကို ငါ့ထံ၌ အပ်ပီးတော်မူသည့် ခမည်းတော်သည် ဟိသမျှသော သူတို့ထက် ကြီးမြတ်တော်မူသည်ဖြစ်၍၊ ဇာသုတစ်ယောက်မှ သိုးတို့ကို ခမည်းတော်လက်က မလုမယူနိုင်။ 30 ခမည်းတော်နှင့် ငါသည် တစ်လုံးတစ်ဝတည်း ဖြစ်၏” ဟု မိန့်တော်မူ၏။ 31 ထိုအခါ ယုဒလူအပေါင်းရို့သည် ကိုယ်တော်ကို ပစ်ရန် ကျောက်ခဲကို တဖန် ကောက်ယူကြ၏။ 32 ယေသျှုက “ခမည်းတော် စီခိုင်းတော်မူသဖြင့် ငါသည် များစွာသော ကောင်းမြတ်သောအမှုတို့ကို ပြဿ။ ထိုအမှုတို့ထဲက ဇာအမှုအတွက်ကြောင့် သင်ရို့က ငါ့ကို ကျောက်ခဲနှင့်ပစ်ရန် လုပ်ကြသနည်း” ဟု မိန့်တော်မူ၏။ 33 ယုဒလူတို့ကလည်း “ကောင်းမြတ်သောအမှုတို့ကို ပြဿသည့်အတွက်ကြောင့် သင့်ကို ကျောက်ခဲနှင့်ပစ်ရန် လုပ်ကြသည် မဟုတ်။ သင်သည် လူစင်စစ်ဖြစ်လျက်ပင် ဘုရားအယောင်ဆောင်၍ ဘုရားသခင်ကို ပြစ်မှားသော စကားကြောင့် ကျောက်ခဲနှင့်ပစ်ရန် လုပ်ကြခြင်း ဖြစ်သည်” ဟု ပြန်ပြောကြ၏။ 34 ယေသျှုက “သင်ရို့၏ ပညတ်ကျမ်းထဲ၌ ဘုရားသခင်က ‘သင်ရို့သည် ဘုရားများ ဖြစ်ကြ၏’ ဟု ဖော်ပြထား၏။ 35 ထိုကျမ်းစာ၌ ဖော်ပြထားသည့်အရာများ အမြဲမှန်ကန်ကြောင်းကို သင်ရို့ သိကြ၏။ ဘုရားသခင်၏ ဗျာဒိတ်တော် ခံရသော လူတို့ကို ‘ဘုရားများ’ ဟု ဖော်ပြ၏။ 36 ခမည်းတော်သည် ငါ့ကို ရှိုးချယ်၍ ဤလောကသို့ စီစွပ်တော်မူ၏။ ထို့အတွက်ကြောင့် ‘ငါသည် ဘုရားသခင်၏ သားတော်ဖြစ်၏’ ဟု ဆိုသည်ကား ဘုရားသခင်ကို ပြစ်မှားသောစကားဟု ဇာကြောင့် သင်ရို့ ဆိုကြသနည်း။ 37 ငါ့ခမည်းတော်၏ အလိုတော်အတိုင်း ငါ မဆောင်ရွက်လျှင် ငါ့ကို မယုံကတ်ကေ။ 38 ဆောင်ရွက်ခလျှင်မူကား ငါ့ကို မယုံသော်လည်း ငါဆောင်ရွက်ခသော အမှုတို့ကို ယုံကြလော့။ ထိုသို့ယုံလျှင် ခမည်းတော်သည် ငါ့အထဲ၌ ဟိတော်မူသကဲ့သို့၊ ငါလည်း ခမည်းတော်အထဲ၌ ဟိနိန်သည်ကို သင်ရို့ သိနားလည်ကြလိမ့်မည်” ဟု မိန့်တော်မူ၏။ 39 ထိုအခါ သူရို့သည် ယေသျှုကို ဖမ်းဆီးရန် ကြိုးစားကြပြန်၏။ သို့ရာတွင် ကိုယ်တော်သည် သူရို့လက်မှ လွတ်မြောက်၍ ထွက်ကြွတော်မူ၏။ 40 ထို့နောက် ယေသျှုသည် ယော်ဒန်မြစ် တစ်ကမ်း၌ဟိသော အယင်က ယောဟန်သည် ဗတ္တိဇမင်္ဂလာ ပီးရာအရပ်သို့ ပြန်လည် ကြွလားတော်မူ၍ ထိုအရပ်တွင် နီတော်မူ၏။ 41 သူရို့က “ယောဟန်သည် အံ့ဖွယ်နိမိတ်လက္ခဏာ ဇာတစ်ခုကိုမှ မပြခသော်လည်း ဤသူအကြောင်းနှင့်ပတ်သတ်၍ ယောဟန်ပြောခသည်မှာ အားလုံးမှန်သည်” ဟု ဆိုကြ၏။ 42 သို့ဖြစ်၍ ထိုအရပ်၌ဟိသော များစွာသောလူရို့သည် ယေသျှုကို ယုံကြည်လာကြ၏။

11 မာရ်နှင့် သူမ၏ ညီမဖြစ်သူ မာသရို့ နီထိုင်ကြသော ဗေသနိရွာတွင် လာဇရုဆိုသူ လူတစ်ယောက်သည် ဖျားနာလျက်ရှိ၏။ **2** ထိုမာရ်ကား သခင်ဘုရား၏ ခြံတော်ထက်မာ ဆီမွီးလောင်း၍ မိမိ၏ဆံပင်နှင့် သုတ်ပီးသူဖြစ်၏။ ဖျားနာနိုင်သော လာဇရုသည် သူမ၏မောင် ဖြစ်၏။ **3** ညီအစ်မနှစ်ယောက်ရှိက “အသျှင်၊ အသျှင်ချစ်တော်မူသောသူသည် ဖျားနာနိုင်ပါ၏” ဟု ယေသုပြောတော်မူသည့် သတင်းပို့လိုက်ကြ၏။ **4** ထိုသတင်းကို ယေသုကြားတော်မူလျှင် “လာဇရု၏ ဖျားနာခြင်းသည် သီနာ မဟုတ်။ ဘုရားသခင်၏ဘုန်းတော် ထင်ရှားရန် ဖြစ်၏။ ထိုဖျားနာခြင်းကြောင့် ဘုရားသခင်၏ သားတော်သည် ဘုန်းတော်ထင်ရှား လိမ့်မည်” ဟု မိန့်တော်မူ၏။ **5** ယေသုသည် မာသ၊ သူမ၏အစ်မနှင့် လာဇရုရှိကို ချစ်တော်မူ၏။ **6** လာဇရု ဖျားနာနိုင်ကြောင်းကို ကိုယ်တော်သည် ကြားတော်မူလျှင်၊ ကိုယ်တော်သည် မိမိရောက်ရာ အရပ်တွင် နှစ်ရက် ဆက်၍ နီတော်မူ၏။ **7** ထို့နောက် တပည့်တော်ရှိအား “ယုဒပြည်သို့ ပြန်လားကြမည်” ဟု မိန့်တော်မူ၏။ **8** တပည့်တော်ရှိကလည်း “ဆရာ၊ ယုဒလူတို့က ဆရာကို မကြာသိမ့်သောအချိန်က ကျောက်ခဲနှင့် ပစ်ခြင်းငှာ အကြံဟိကြသည်ဖြစ်၍ ထိုအရပ်သို့ ပြန်ကြွဦးမည်လော” ဟု မိန့်လျှောက်ကြလျှင်၊ **9** ယေသုက “တစ်နိတွင် တစ်ဆယ့်နှစ်နှာရှိ ဟိသည် မဟုတ်လော၊ ဇာသူမဆို လောက၌ နီအချိန်တွင် အလင်းရောင်ကို မြင်ရသောကြောင့် ခလုတ်မတိုက်ဘဲ ကောင်းမွန်စွာ လားလာနိုင်ကြ၏။ **10** သို့သော်လည်း ညအချိန်၌ကား အလင်းရောင် မဟိသောကြောင့် လားလာကြသော လူတို့သည် ခလုတ်တိုက်ပြီး လဲတတ်ကြ၏” ဟု မိန့်တော်မူ၏။ **11** ကိုယ်တော်သည် ထိုသို့ မိန့်တော်မူပြီးနောက် “ငါရဲ့အဆီ လာဇရုသည် အိပ်နိုင်ခြင်းသာဖြစ်၍ သူ့ကို နှိုးခြင်းငှာ လားကြမည်” ဟု ထပ်၍ မိန့်တော်မူ၏။ **12** တပည့်တော်ရှိက “အသျှင်၊ သူသည် အိပ်ပျော်နိုင်သည်ဆိုလျှင် ကျန်းမာလာပါလိမ့်မည်” ဟု လျှောက်ကြ၏။ **13** ယေသုကလည်း၊ လာဇရုသီဆုံးကြောင်းကို ရည်ရွယ်၍ မိန့်တော်မူသော်လည်း သာမန် အိပ်ပျော်ကြောင်းကို ဆိုလိုသည်ဟု တပည့်တော်ရှိက ထင်မှတ်ကြ၏။ **14** ထို့ကြောင့် ယေသုသည်၊ “လာဇရုက သီလားခယ။ **15** ထိုအရပ်၌ ငါမဟိသည်ကို ထောက်၍ သင်ရဲ့အတွက် ငါ ဝမ်းမြောက်ခြင်း ဟိ၏။ ထို့ကြောင့် သူရဲ့ ယုံကြည်လာလိမ့်မည်။ သူ့ပါးသို့ လားကြကုန်အံ့” ဟု ပွင့်လင်းစွာ မိန့်တော်မူ၏။ **16** (အမြွှာပူးဟု ခေါ်သော) သောမက “အကျွန်ုပ်ရဲ့လည်း ဆရာနှင့်အတူ အသီခံဖို့ လိုက်လားကြမည်” ဟု မိမိ၏ အပေါင်းအဖော်ဖြစ်သော တပည့်တော်ရှိအား ပြောဆို၏။ **17** ယေသုသည် ရောက်တော်မူသောအခါ လာဇရုအား သင်္ဂြိုဟ်ခသည်မှာ လေးရက် ကြာပြီဖြစ်၏။ **18** ဗေသနိရွာသည် ယေရုဆလင်မြို့နှင့် နှစ်မိုင်ခန့်သာ ဝေးသည်ဖြစ်၍၊ **19** ယုဒလူရဲ့သည် မာရ်နှင့် မာသရို့၏မောင် သီဆုံး၍ သူရို့ကို နှစ်သိမ့်ပီးရန် လာကြ၏။ **20** ယေသုလာသည်ကို မာသသည် ကြားလျှင် ကိုယ်တော်ကို ခရီးဦးကြိုပြုရန် ထွက်လားသော်လည်း မာရ်ကား အိမ်တွင် ကျန်ခဏ။ **21** မာသက ယေသုအား၊ “အသျှင်၊ အသျှင်သာ ဤနီရာ၌ ဟိမည်ဆိုလျှင် အကျွန်ုပ်မောင် သီဆုံးလိမ့်မည် မဟုတ်ပါ။ **22** ယေဒါလည်း အဂုဏ်လျှင် အသျှင် တောင်းသမျှအရာတိအား ဘုရားသခင်က ပီးမည်ဆိုသည်ကို အကျွန်ုပ်သိပါ၏” ဟု လျှောက်လေ၏။ **23** ယေသုကလည်း “သင်၏မောင်သည် အသက်ပြန်ရှင်လိမ့်မည်” ဟု သူမအား မိန့်တော်မူ၏။ **24** မာသက “နောက်ဆုံးနီဖြစ်သော ထမြောက်ရာကာလ၌ သူသည် ထမြောက်လိမ့်မည်ဆိုသည်ကို အကျွန်ုပ်သိပါ၏” ဟု ပြန်လျှောက်လေ၏။ **25** ယေသုကလည်း “ငါသည် ထမြောက်ခြင်းနှင့် အသက်ရှင်ခြင်း ဖြစ်၏။ ငါ့ကို ယုံကြည်သောသူသည် သီလွန်သော်လည်း အသက်ရှင်လိမ့်မည်။ **26** ငါ့ကို ယုံကြည်ပြီး အသက်ရှင်နိုင်သည့် လူတို့လည်း သီခြင်းတရားနှင့် အစဉ်မပြတ် ကင်းလွတ်လိမ့်မည်။ ငါစကားကို ယုံသလော” ဟု မိန့်တော်မူ၏။ (aiōn g165) **27** မာသက၊ “ယုံပါ၏ အသျှင်။ အသျှင်သည် ဤလောကသို့ ကြွလာသော ဘုရားသခင်၏သားတော် မေသျှိယ ဖြစ်တော်မူကြောင်းကို အကျွန်ုပ် ယုံပါ၏” ဟု လျှောက်၏။ **28** ထိုသို့ လျှောက်ထားပြီးနောက် မာသသည် အိမ်သို့ ပြန်၍ သူမ၏အစ်မ မာရ်အား တိုးတိတ်စွာခေါ်၍ “ဆရာ ရောက်လာတော်မူယာ။ သင့်ကို မိန်းနီ၏” ဟု ပြောလေ၏။ **29** မာရ်သည် ထိုစကားကြားလျှင် အယင် ထပြီးလျှင် ကိုယ်တော်ပါးသို့ လားလေ၏။ **30** ယေသုသည် ရွာထဲကို မဝင်ရသိမ့်။ မာသ ခရီးဦးကြိုပြုသော အရပ်တွင်သာ ဟိသိမ့်၏။

31 မာရ်အား နှစ်သိမ့်ခြင်းငှာ အိမ်သို့ ရောက်နိုင်ကြသော ယုဒလူရိုသ်သည် မာရ် အလျင်အမြန် ထလားသည်ကို မြင်လျှင် ငိုကြွေးရန် သင်္ချိုင်းသို့ လားသည်ဟု ထင်မှတ်ကြ၏။ သူရိုသ်သည်လည်း မာရ်နောက်သို့ လိုက်လာကြ၏။ 32 မာရ်သည် ယေသျှုဟိရာအရပ်သို့ ရောက်သောအခါ ကိုယ်တော့်ကို မြင်သဖြင့် ရှိတော်၌ ပျပ်ဝင်လျက် “အသျှင်၊ အသျှင်သာ ဤအရပ်၌ ဟိတော်မူလျှင် အကျွန်ုပ်မောင် သီရမည် မဟုတ်ပါ” ဟု လျှောက်လေ၏။ 33 မာရ်မှစ၍ သူမနှင့်အတူ လိုက်လာကြသော ယုဒလူအားလုံး ငိုကြွေးနိုင်သည်ကို ယေသျှုသည် မြင်တော်မူလျှင် စိတ်တော်အလွန်ညှိုးငယ်၍ စိတ်မချမ်းမသာ ဖြစ်တော်မူ၏။ 34 ကိုယ်တော်က “သူ့အလောင်းကို ဇာမှာ သင်္ဂြိုဟ်ကြသနည်း” ဟု မိန်းတော်မူလျှင်၊ ထိုသူရိုက၊ “အသျှင်၊ လာ၍ ကြည့်တော်မူပါ” ဟု လျှောက်ထားကြ၏။ 35 ယေသျှုသည် မျက်ရည်ကျတော်မူ၏။ 36 ယုဒလူအပေါင်းရိုက “ဤသူသည် လာဇရုကို ဇာလောက် ချစ်သည်ကို ကြည့်ကတပါ” ဟု ဆိုကြ၏။ 37 တချို့သော သူရိုက “မျက်ကန်းတိကို မျက်စိပြန်မြင်စီသောသူသည် လာဇရုကို မသိစီခြင်းငှာ မတတ်နိုင်လား” ဟု ဆိုကြ၏။ 38 ယေသျှုသည် စိတ်နှလုံး အလွန်ညှိုးငယ်၍ သင်္ချိုင်းကဲ့သို့ ကြွတော်မူ၏။ ထိုသင်္ချိုင်းကဲ့ အပေါက်ဝကိုလည်း ကျောက်တုံးဖြင့် ပိတ်ထား၏။ 39 ယေသျှုကလည်း “ကျောက်တုံးကို ဖယ်လိုက်ကြ” ဟု အမိန့်ပေးတော်မူ၏။ သီဆုံးသူ၏ အစ်မဖြစ်သော မာသက “အသျှင်၊ သင်္ဂြိုဟ်ထားသည်မှာ လေးရက်ဟိနီပြီဖြစ်၍ အနံ့ထွက်နိုင်ဖို့ယာ” ဟု လျှောက်၏။ 40 ယေသျှုကလည်း “သင်ယုံကြည်လျှင် ဘုရားသခင်၏ ဘုန်းတန်ခိုးတော်ကို မြင်ရလိမ့်မည်၊ ငါပြောထားသည် မဟုတ်လော” ဟု သူမအား မိန့်တော်မူ၏။ 41 သူရိုသ် ကျောက်တုံးကို ဖယ်လိုက်ကြ၏။ ယေသျှုသည် အထက်သို့ မျှော်ကြည့်တော်မူပြီးလျှင် “အဘ၊ ကိုယ်တော်သည် အကျွန်ုပ်စကားကို နားညောင်းတော်သောကြောင့် ကျေးဇူးတော်ကြီးမားလှပါ၏။ 42 ကိုယ်တော်သည် အကျွန်ုပ်စကားကို အစဉ်အမြဲ နားညောင်းတော်မူကြောင်းကို အကျွန်ုပ်သိ၏။ သို့ရာတွင် ကိုယ်တော်သည် အကျွန်ုပ်ကို စီခွတ်တော်မူကြောင်း၊ ဤလူအပေါင်းရို ယုံကြည်ကြရန် သူရိုအကျိုးကို ထောက်၍ လျှောက်ပါ၏” ဟု မြွက်ဆိုတော်မူ၏။ 43 ထိုသို့မိန့်တော်မူပြီးနောက် ကိုယ်တော်က “လာဇရု ထွက်လာလော့” ဟု ကျယ်သောအသံနှင့် ဟစ်ခေါ်တော်မူ၏။ 44 ထိုအခါ သီလွန်သောသူသည် အသုဘအဝတ်ဖြင့် ခြံနှင့် လက်တံကို ရစ်ပတ်ထားပြီး၊ မျက်နှာ၌ အဝတ်ဖြင့် ပတ်ထားလျက် ထွက်လာလေ၏။ ယေသျှုကလည်း “သူ့ကို ဖြီး၍ လားခွင့်ပြုကြလော့” ဟု မိန့်တော်မူ၏။ 45 ထိုအခါ မာရ်ပေးသို့ လာလည်ကြသော ယုဒလူအပေါင်းရိုသည် ယေသျှု ပြုတော်မူသောအမှုကို တို့မြင်ကြသဖြင့် ကိုယ်တော်ကို ယုံကြည်လာကြ၏။ 46 သို့ရာတွင် လူတချို့သည် ဖာရိယုရိပါးသို့လား၍ ယေသျှု ပြုတော်မူသည့်အကြောင်းကို ပြောပြကြ၏။ 47 သို့ ဖြစ်၍ ဖာရိယုရိနှင့် ယဇ်ပုရောဟိတ် အကြီးအကဲရှိသည့် ယုဒလွတ်အရာဟိတိကို စည်းဝေးစီ၍ “ဤသူသည် အံဖွယ်နိမိတ်လက္ခဏာတို့ကို ပြနိုင်၏။ ငါရို့ ဇာပိုင် လုပ်ကြရမည်နည်း။ 48 သူ့ကို ဤသို့ ခွင့်ပြုထားလျှင် လူတိုင်းက သူ့ကို ယုံကြည်လာကြလိမ့်မည်။ ရောမ အာဏာပိုင်တိကလည်း လာပြီးလျှင် ငါရို့ ဗိမာန်တော်နှင့် ငါရို့ လူမျိုးတို့ကို ဖျက်ဆီးပစ်ပါလိမ့်မည်” ဟု ဆိုကြ၏။ 49 သူရိုထံမှ ထိုနှစ်အတွက် ယဇ်ပုရောဟိတ်မင်းဖြစ်သော ကယာဖဆိုသူက “သင်ရို့သည် ဇာကြောင့် ပညာကန်းနိုင်ကြသနည်း။ 50 ယုဒတစ်မျိုးသားလုံး ပျက်စီးရသည်ထက်၊ လူအားလုံးအတွက် လူတစ်ယောက် သီရသည်ကား သာ၍ကောင်းသည်ကို မသိကြသလော” ဟု ဆို၏။ 51 ထိုသို့ဆိုရာ၌ မိမိကိုယ်ပိုင်ဉာဏ်ဖြင့် ဆိုသည် မဟုတ်။ ပရောဖက်ဉာဏ်ဖြင့် ထိုနှစ်အတွက် ယဇ်ပုရောဟိတ်မင်းဖြစ်လျက် ယေသျှုသည် ယုဒတစ်မျိုးသားလုံးအတွက် သီရမည် ဟူ၍လည်းကောင်း၊ 52 ယုဒလူမျိုးတို့အတွက်သာမက ကွဲလွင့်နိုင်သော ဘုရားသခင်၏ လူမျိုးတော်များကို တစ်စုတစ်လုံးတည်း ဖြစ်စီရန် အသိခံရမည် ဟူ၍လည်းကောင်း ကြိုတင် ဟောကြားခြင်းဖြစ်၏။ 53 ထိုနိမ့်မှစ၍ ယုဒအာဏာပိုင်ရှိသည့် ယေသျှုကိုသတ်ရန် စီစဉ်ကြ၏။ 54 ထို့ကြောင့် ယေသျှုသည် ယုဒပြည်တွင် ထင်ရှားစွာ လားလာခြင်းကို မပြုလီယာ။ သို့ရာတွင် ထိုအရပ်မှ ထွက်ခွါတော်မူ၍ တောကန္တာရအနား၊ ဧဖရမ်အမည်ဟိသော မြို့သို့ ကြွတော်မူပြီးလျှင် တပည့်တော်ရိနှင့်အတူ နီးလာပြီဖြစ်၍ အရပ်ရပ်မှ များစွာသော

ယုဒလူရိုသည် မိမိရိုအား သန့်ယုဒစင်ကြယ်စီရန် ပွဲတော်အခါမစခင် ယေရုဆလင်မြို့သို့ လာကြ၏။ 56 ထိုသူရိုသည် ယေသျှုကိုရှာလျက် ဗိမာန်တော်တွင် စုရုံးလာကြသောအခါ “သူသည် ဤပွဲတော်ကို မလာမည်မှာ သေချာသလား။ သင်ရို မည်သို့ ထင်ကြသနည်း” ဟု အချင်းချင်း မိန်းမြန်းကြ၏။ 57 ယဇ်ပုရောဟိတ်အကြီးအကဲရိုနှင့် ဖာရိယုရိုက ဇာသုမဆို ယေသျှုဟိသော အရပ်ကိုသိလျှင် သူရိုသည် ကိုယ်တော်ကို ဖမ်းဆီးနိုင်ရန် အကြောင်းကြားရမည်ဟု အမိန့်ထုတ်ထားပြီး ဖြစ်လေ၏။

12 ယေသျှုသည် ပသခါပွဲတော် အခါမကျမီ ခြောက်ရက်အလို၌ သီပြီးမှပြန်၍ အသက်ရှင်လာသူ၊ ဗေသနိရွာ၌ဟိသော လာဇရုနီထိုင်ရာ အိမ်သို့ ကြွတော်မူ၏။ 2 ကိုယ်တော်ကို ညစာဖြင့် ဧည့်ခံရာ၌ မာသသည် အာဂန္တုဝတ်ကို ပြုလေ၏။ ယေသျှုနှင့်အတူ စားပွဲ၌ လျောင်းနိန်သော သူရိုထဲတွင် လာဇရုလည်းပါ၏။ 3 ထိုအခါ မာရိသည် အလွန်တန်ဖိုးကြီးသော နာဒုဆီမွီးစစ်စစ် နှစ်ဆယ်ကျပ်သားကို ယူ၍ ယေသျှု၏ ခြံတော်ကို လောင်းချပြီးနောက် မိမိဆံပင်ဖြင့် သုတ်လေ၏။ ဆီမွီး၏အနံ့သည် တစ်အိမ်လုံးကို မွှီးကြိုင်လေ၏။ 4 ယေသျှု၏ တပည့်တော်တစ်ဦးဖြစ်ပြီး ကိုယ်တော်ကို အပ်နှံမည့်သူ ယုဒသူကာရုတ်က။ 5 “ဤဆီမွီးကို ငွီဒင်္ဂါး ၃၀၀ နှင့်ရောင်း၍ ဆင်းရဲသားရိုအား ဇာကြောင့် မပီးသနည်း” ဟု ဆို၏။ ထိုငွီဒင်္ဂါး ၃၀၀ သည် လူတစ်ယောက်၏ တစ်နှစ်စာ လုပ်အားခနှင့် ညီမျှ၏။ 6 ဤသို့ ပြောဆိုရာ၌ သူသည် ဆင်းရဲသားရိုအား ကြင်နာထောက်ထား၍ မဟုတ်၊ သူသည် ခိုးတတ်သောသူ ဖြစ်သောကြောင့် ဖြစ်သည်။ သူသည် ဖဲသာအိတ်ကို လွယ်ရသူဖြစ်ပြီး ဖဲသာများကို ကိုယ့်အဖို့ နှိုက်ယူ သုံးစွဲလေ့ ဟိ၏။ 7 ယေသျှုကလည်း “ထိုမိန်းမကို မနောက်ယှက်ကော။ သူမသည် ငါ့အလောင်းကို သင်္ဂြိုဟ်ခြင်းငှာ ပျင်ဆင်ရသော နို့အတွက် ဤဆီမွီးကို သိမ်းထားပါစီ။ 8 ဆင်းရဲသားရိုကား သင်ရိုနှင့်အတူ အစဉ်အမြဲ ဟိန်နိကြ၏။ သို့သော်လည်း သင်ရိုမူကား ငါနှင့် အစဉ်အမြဲ ဟိလိမ့်မည် မဟုတ်” ဟု မိန့်တော်မူ၏။ 9 ဗေသနိရွာ၌ ယေသျှု ဟိတော်မူကြောင်းကို ကြားလျှင် များစွာသော ယုဒလူရိုသည် ထိုရွာသို့ ရောက်လာကြ၏။ သူရိုသည် ယေသျှုကြောင့်သာ လာကြခြင်း မဟုတ်ဘဲ၊ ကိုယ်တော်က သီခြင်းမှ အသက်ပြန်ရှင်စီသူ လာဇရုကိုလည်း တို့မြင်လို၍ လာကြခြင်းဖြစ်၏။ 10 ထို့ကြောင့် ယဇ်ပုရောဟိတ်အကြီးအကဲရိုက လာဇရုကိုလည်း သတ်ရန် ကြံစည်ခြင်း ဖြစ်ကြ၏။ 11 အကြောင်းမူကား လာဇရုကြောင့် များစွာသော ယုဒလူရိုသည် ထိုသူရိုကို စွန့်ခွာ၍ ယေသျှုကို ယုံကြည်သောကြောင့် ဖြစ်၏။ 12 နောက်တစ်နိဉ် ပသခါပွဲတော်သို့ လာကြသော လူစုလူဝေးကြီးသည် ယေရုဆလင်မြို့သို့ ယေသျှု ကြွလာတော်မူမည့် အကြောင်းကို ကြားသိကြလေ၏။ 13 ထို့ကြောင့် သူရိုသည် စွန့်ပလွဲခက်များကို ယူ၍ “ဘုရားသခင်ကို ချီးမွမ်းကြလော့။ သခင်ဘုရား၏ နာမတော်နှင့် ကြွလာတော်မူသော သူသည် မင်္ဂလာဟိစီသတည်း။ ဣသရေလ သျှင်ဘုရင်သည် မင်္ဂလာဟိစီသတည်း” ဟု ကြွေးကြော်လျက် ကိုယ်တော်ကို ကြိုဆိုရန် ထွက်လာကြ၏။ 14 ယေသျှုသည် မြည်းသျှုတစ်ကောင်ကို တို့၍ စီးတော်မူ၏။ ကျမ်းစာတော်မြတ်တွင်၊ 15 “အို ဇီအုန်မြို့၊ မကြောက်ကော။ သင်ရို၏ သျှင်ဘုရင်သည် မြည်းသျှုကိုစီး၍ ကြွလာသည်ကို ကြည့်ရှုကြလော့” ဟု ဆိုထားသည်နှင့်အညီ ဖြစ်လေ၏။ 16 ထိုအချိန်ခါက တပည့်တော်ရိုသည် ဤကျမ်းစာကို နားမလည်ကြ။ ယေသျှုသည် ဘုန်းတော်နှင့် ထမြောက်တော်မူသောအခါမှ ဤကျမ်းစာချက်ကား ကိုယ်တော်၏အကြောင်း ဖော်ပြသည်ကိုလည်းကောင်း၊ သူရိုသည် ကိုယ်တော်အတွက် ထိုသို့ပြုခသည်ကိုလည်းကောင်း မှတ်မိကြ၏။ 17 ယေသျှုသည် လာဇရုအား သင်္ချိုင်းတွင်းထဲမှ ခေါ်ထုတ်၍ အသက်ပြန်ရှင်လာသောအခါက ကိုယ်တော်နှင့်အတူ လိုက်ကြသော သူရိုသည် ထိုအဖြစ်ပျက်ကို သက်သိခံကြ၏။ 18 ကိုယ်တော်ပြုခသော အံ့ဖွယ်နိမိတ်လက္ခဏာအကြောင်းကို ကြားရသောကြောင့် များစွာသော လူရိုသည် ကိုယ်တော်ကို ကြိုဆိုရန် လာကြ၏။ 19 ဖာရိယုရိုကလည်း “ငါရိုသည် အောင်မြင်ခြင်း မဟိသည်ကို မြင်သလော။ ကြည့်ကတ်၊ လောကကြီးတစ်ခုလုံးက သူ့နောက်သို့ လိုက်ပါလားကြပြီတကား” ဟု အချင်းချင်း ပြောဆိုကြ၏။ 20 ပွဲတော်အတွင်း ဝတ်ပြုကိုးကွယ်ရန် ယေရုဆလင်မြို့သို့ လာကြသော လူထဲတွင် ဟေလသအမျိုးသား တချို့ပါ၏။ 21

သူရိသည ဂါလိလဲပြည် ဗက်ဒေမြို့သားဖြစ်သူ ဖိလိပ္ပပါးသို့ လားကြ၍ “ဆရာ၊ အကျွန်ရိသည ယေသျှုကို မြင်ချင်ပါ၏” ဟု တောင်းဆိုကြ၏။ **22** ဖိလိပ္ပသည် ထိုအကြောင်းကို အခြေအား ပြောပြပြီးလျှင် သူရိနွစ်ယောက်သည် ယေသျှုထံသို့ အတူတကွလား၍ လျှောက်ကြ၏။ **23** ယေသျှုက သူရိအား “လူသားသည် ကြီးမြတ်သော ဘုန်းပွင့်တော်မူရန် အချိန် အရပ် ရောက်လာပြီ။ **24** မှန်သောစကားကို ငါပြောမည်။ ဂျုစိုသည် မြီကြီးသို့မကျ၊ မပျက်စီးလျှင် အစိုတစ်စုံထက် တိုးပွားလိမ့်မည် မဟုတ်။ ပျက်စီးလျှင်မူကား အသီးအနှံများစွာ တိုးပွားလိမ့်မည်။ **25** ကိုယ့်အသက်ကို ချစ်သောသူသည် အသက်ဆုံးပွားလိမ့်မည်။ ဤလောက၌ မိမိအလိုသို့ မလိုက်သောသူသာလျှင် ထာဝရအသက်ကို စောင့်ရှောက်သူဖြစ်၏။ (aiōnios g166) **26** ငါ့အမှုကို ဆောင်ရွက်သောသူသည် ငါ့နောက်သို့ လိုက်ရမည်။ ငါ့အမှုကို ဆောင်ရွက်သောသူဖြစ်သောကြောင့် ငါဟိသည့်အရပ်၌ ဟိလိမ့်မည်။ ငါ့အမှုကို ဆောင်ရွက်သူကို ခမည်းတော်သည် ချီးမြှောက်တော်မူလိမ့်မည်။ **27** “အဂုတွင် ငါသည် စိတ်နှလုံး ပူပန်ခြင်းဟိ၏။ ဇာသို့ လျှောက်ရအံ့နည်း။ ‘အဖ အကျွန်ကို စိတ်ပူပန်ခြင်းမှ ကင်းလွတ်စီတော်မူပါ’ ဟု မြွက်ဆိုရမည်လော။ ယေဒါလည်း ငါသည် ဤဒုက္ခဝေဒနာကို ခံစားရန် ယခုအချိန်နာရီသို့ ရောက်လာခြင်းဖြစ်၏။ **28** အဖ၊ ကိုယ်တော်၏နာမတော်အား ဘုန်းထင်ရှားစီတော်မူပါ” ဟု မြွက်ဆိုတော်မူ၏။ ထိုအခါ ကောင်းကင်မှ အသံတော်ကား “ငါ၏ ဘုန်းတော်ကို ငါနာမ၌ ထွန်းတောက်စီယာ။ နောက်တဖန်လည်း ထွန်းတောက်စီဦးမည်” ဟု လာ၏။ **29** ထိုနီရာတွင် ရပ်နိန်ကြသော လူအစုအဝေးရှိသည် ထိုအသံကိုကြား၍ လူတချို့က မိုးကြိမ်းသည်ဟု ဆိုကြ၏။ တချို့က “ကိုယ်တော့်ကို ကောင်းကင်တမန်က စကားပြောသည်” ဟု ဆိုကြ၏။ **30** သို့သော် ယေသျှုက ထိုသူရိအား “ဤအသံတော် ထွက်ပေါ်လာခြင်းက ငါ့အကျိုးတွက် မဟုတ်။ သင်ရဲ့အကျိုးတွက် ဖြစ်၏။ **31** ဤလောကသည် အရပ် တရားစီရင်ခြင်းကို ခံရမည့်အချိန် ဖြစ်၏။ ဤလောကကို အုပ်ချုပ်သူကလည်း အရပ် အပြင်သို့ နှင်ထုတ်ခြင်းကို ခံရ၏။ **32** ငါသည် မြီကြီးမှခွဲ၍ မြှောက်ထားခြင်းကို ခံရသည့်အခါ လူတိုင်းကို ငါထံသို့ ငါဆွဲမည်” ဟု မိန့်တော်မူ၏။ **33** ဤသို့ မိန့်တော်မူရသည်မှာ မိမိသည် ဒုက္ခဝေဒနာကိုခံရ၍ မည်သို့ အသိခံရမည်ကို အရိပ်အမြွက်အားဖြင့် ဖော်ပြတော်မူခြင်းဖြစ်၏။ **34** လူအစုဝေးကလည်း “မေသျှိယသည် အစဉ်အမြဲ အသက်ရှင်သည်ဟု အကျွန်ရိ ပညတ္တိကျမ်း၌ ဆို၏။ သို့ဖြစ်လျှင် လူသားသည် မြီကြီးကခွဲ၍ မြှောက်ထားခြင်းကို ခံရမည်ဟု ဇာပိုင် ပြောနိုင်သနည်း။ လူသားကား ဇာသုနည်း” ဟု မိန်းမြန်းကြ၏။ (aiōn g165) **35** ယေသျှုကလည်း “အလင်းသည် သင်ရဲ့၌ ခဏသာ ဟိလိမ့်မည်။ သင်ရဲ့အား အမှောင် မမှီးလွှမ်းစီရန် အလင်းဟိစဉ်၌ လားလာကြလော့။ အမှောင်၌ လားလာနိုင်သူသည် ဇာအရပ်သို့ လားလာသည်ကိုမသိ။ **36** ထို့ကြောင့် အလင်းဟိနိုင်ခိုက်တွင် ထိုအလင်းကို ယုံကြည်ကြလော့။ သို့မှသာ သင်ရဲ့သည် အလင်း၏သားသမီးတိ ဖြစ်လာကြလိမ့်မည်” ဟု မိန့်တော်မူ၏။ ဤသို့ မိန့်တော်မူပြီးနောက် ယေသျှုသည် ထွက်ကြွ၍ ထိုသူရိကို တိမ်းဖောင်လျက်နိန်တော်မူ၏။ **37** သူရိမျက်မှောက်တွင် နိမိတ်လက္ခဏာများစွာကို ပြသော်လည်း ကိုယ်တော့်ကို မယုံကြည်ကြ။ **38** ပရောဖက်ဟောသျှုယ ဟောဖူးသည်ကား “အို သခင်ဘုရား၊ ငါရဲ့ ဟောပြောသည့်စကားကို ဇာသူ ယုံပါမည်နည်း။ သခင်ဘုရားသည် တန်ခိုးတော်ကို ဇာသူထံပါးသို့ ထင်ရှားပါမည်နည်း” ဟူသော စကားသည် ပြည့်စုံခြင်းပင်ဖြစ်သတည်း။ **39** ထိုစကားကြောင့် သူရိသည် ယုံကြည်ခြင်းသို့ မရောက်နိုင်ကြ။ အကြောင်းမှာ ဟောသျှုယက၊ **40** “ဘုရားသခင်သည် သူရိမျက်စိကို ကွယ်စီတော်မူ၏။ သူရိ၏ စိတ်နှလုံးကို မိုက်စီသောကြောင့်၊ သူရိမျက်စိသည် မမြင်နိုင်၊ သူရိ၏ စိတ်နှလုံးသည် နားမလည်နိုင်၊ သူရိသည် နောင်တမရနိုင်ကြသောကြောင့်၊ သူရိသည် ကျန်းမာခြင်းကို မရကြ ဟူ၍ ဘုရားသခင်မိန့်တော်မူ၏” ဟု ဆို၏။ **41** ဟောသျှုယသည် ယေသျှု၏ ဘုန်းတန်ခိုးတော်ကို ဖူးမြင်ရသဖြင့် ကိုယ်တော်၏ အကြောင်းကို ဤသို့ မြွက်ဆိုခြင်းဖြစ်၏။ **42** သို့စေကာမူ များစွာသော ယုဒအာဏာပိုင်ရှိကလည်း ယေသျှုကို ယုံကြည်ကြ၏။ သို့သော်လည်း ဖာရိယုရိကြောင့် တရားဇရပ်မှ နှင်ထုတ်ခံရမည်ကို ကြောက်၍ မိမိရဲ့ယုံကြည်ကြကြောင်းကို ပွင့်လင်းစွာ ဝန်မခံကြပေ။ **43** ထိုသူရိက ဘုရားသခင်၏ ချီးမွမ်းခြင်းထက် လူရိ၏ ချီးမွမ်းခြင်းကို ပို၍ နှစ်သက်ကြသူများ ဖြစ်ကြ၏။ **44** ယေသျှုက

အော်ဟစ်၍ “ငါ့ကို ယုံကြည်သူသည် ငါ့ကိုသာ မဟုတ် ငါ့ကို စီးပွားတော်မူသည့် သူကိုပင်လျှင် ယုံကြည်၏။ 45 ငါ့ကို မြင်သောသူသည်လည်း ငါ့ကို စီးပွားတော်မူသော သူကိုလည်း မြင်၏။ 46 ငါ့ကို ယုံကြည်သောသူတိုင်းကို မှောင်မှိုက်ထဲ၌ မကျန်ခံစီရန်အတွက် ငါသည် အလင်းအဖြစ်ဖြင့် လောကကို ကြွလာပြီ။ 47 ငါ၏ သတင်းစကားကို ကြားလျက်နှင့် မနာခံသောသူကို ငါသည် တရားမစီရင်။ လောကသားတို့ကို အပြစ်စီရင်ရန် ငါလာသည် မဟုတ်။ ကယ်တင်ဖို့ရန် လာခြင်းဖြစ်၏။ 48 ငါ့ကိုပယ်၍ ငါဟောပြောသော သတင်းစကားကို နာမခံသောသူအား တရားစီရင်မည့်သူ ဟုသိမိ၏။ ငါဟောပြောသည့်စကားပင် နောက်ဆုံးသောနိဗ္ဗာန်၌ ထိုသူရို့ကို တရားစီရင်လိမ့်မည်။ 49 ဇာကြောင့်ဆိုသော် ငါသည် ကိုယ့်အခွင့်အာဏာနှင့် ဟောပြောသည် မဟုတ်။ သို့ရာတွင် ငါဟောပြောသော အရာအားလုံးသည် ငါ့ကို စီးပွားတော်မူသော ခမည်းတော်က ဟောပြောခိုင်းသည့်အတိုင်း ငါဟောပြောခြင်း ဖြစ်၏။ 50 ခမည်းတော်၏ ပညတ်တော်သည် ထာဝရအသက် ယူဆောင်လာသည်ကို ငါသိ၏။ ထို့ကြောင့် ငါဟောပြောသောအရာသည်ကား ခမည်းတော်သည် ငါ့အား ဟောပြောခိုင်းသည့်အတိုင်း ငါဟောပြောခြင်းဖြစ်၏” ဟု မိန့်တော်မူ၏။ (aiōnios g166)

13 အဂုအခါကား ပသခါပွဲတော်မတိုင်ခင် တစ်ရက်ဖြစ်၏။ ယေသျှုသည် ဤလောကမှ ထွက်ခွါ၍ ခမည်းတော်ထံပါးသို့ ကြွတော်မူရမည့် အချိန်ကို သိတော်မူ၏။ ကိုယ်တော်သည် ဤလောက၌ဟိသော မိမိလူတို့ကို အစဉ်အမြဲ ချစ်သောကြောင့် အဆုံးတိုင်အောင် သူရို့ကို ချစ်တော်မူ၏။ 2 ယေသျှုနှင့် တပည့်တော်ရို့သည် ညစာစားလျက်နိန့်ကြ၏။ ယေသျှုကို ရန်သူလက်သို့ အပ်နှံရန် မာရ်နတ်သည်သျှိုမှန်သျှာကာရုတ်၏သား ယုဒ၏ စိတ်နှလုံးထဲ၌ အကြံအစည်ကို ထည့်ထားပြီး ဖြစ်သတည်း။ 3 ခမည်းတော်သည် မိမိအား အလုံးစုံသောတန်ခိုး အပ်တော်မူထားသည်ကိုလည်းကောင်း၊ မိမိသည် ဘုရားသခင်ထံပါးမှ ကြွလာ၍ ဘုရားသခင်ထံတော်ပါးသို့ ပြန်ကြွလားမည်ကိုလည်းကောင်း သိတော်မူ၏။ 4 ထို့ကြောင့် ကိုယ်တော်သည် စားပွဲမှထ၍ ဝတ်ရုံတော်ကို ချွတ်တော်မူပြီးလျှင် ပုဝါပိုင်းကိုယူ၍ ခါး၌ ချိုင့်ထား၏။ 5 ထို့နောက် ကိုယ်တော်သည် ရီအချိုကို အင်ဒုံ၌ လောင်းထည့်၍ တပည့်တော်ရို့၏ ခြံကို ဆီးတော်မူပြီးလျှင် ခါး၌ ပတ်ထားသော ပုဝါပိုင်းနှင့် သုတ်တော်မူ၏။ 6 သျှိုမှန်ပေတရုပါးသို့ ရောက်တော်မူလျှင်၊ ပေတရုက “အသျှင်၊ အကျွန်ုပ်တို့ ဆီးတော်မူပါမည်လော” ဟု မိန့်လျှောက်၏။ 7 ယေသျှုကလည်း “ငါပြုသောအမှုကို သင်သည် အဂု နားမလည်သိမ့်။ သို့ရာတွင် သင်ရို့သည် နောက်မှ နားလည်လာလိမ့်မည်” ဟု မိန့်တော်မူ၏။ 8 ပေတရုက “ကိုယ်တော်သည် အကျွန်ုပ်တို့၏ခြံကို မည်သည့်အခါမှ မဆီးရပါ” ဟု လျှောက်ဆို၏။ ယေသျှုကလည်း “သင့်ခြံကို ငါမဆီးရလျှင်၊ သင်သည် ငါ၏တပည့် မဖြစ်နိုင်” ဟု မိန့်တော်မူ၏။ (aiōn g165) 9 သျှိုမှန်ပေတရုက၊ “အသျှင်၊ အကျွန်ုပ်တို့ ခြံကို မဆီးဘဲ လက်နှင့် ဦးဂေါင်းကိုသာ ဆီးပီးပါ” ဟု လျှောက်လေ၏။ 10 ယေသျှုကလည်း “ရီချိုးပြီးသောသူသည် တစ်ကိုယ်လုံး စင်ကြယ်သည်ဖြစ်၍ ခြံကိုဆီးကြောခြင်းမှလွဲ၍ တစ်ကိုယ်လုံး ဆီးကြောစရာမလို။ တစ်ယောက်သောသူမှတစ်ပါး သင်ရို့အားလုံးသည် စင်ကြယ်ကြ၏” ဟု မိန့်တော်မူ၏။ 11 ယေသျှုသည် မိမိအား သစ္စာဖောက်မည်ကို သိသောကြောင့် ကိုယ်တော်က “တစ်ယောက်သောသူမှတစ်ပါး သင်ရို့အားလုံးသည် စင်ကြယ်ကြ၏” ဟု မိန့်တော်မူခြင်းဖြစ်၏။ 12 ကိုယ်တော်သည် တပည့်တော်ရို့၏ခြံကို ဆီးတော်မူပြီးမှ ဝတ်ရုံကို ပြန်၍ဝတ်ပြီး စားပွဲ၌ ထိုင်တော်မူ၏။ ကိုယ်တော်က၊ “သင်ရို့အတွက် ငါပြုသည့်အမှုကို နားလည်ကြသလော။ 13 သင်ရို့က ငါ့ကို ဆရာ ဟူ၍လည်းကောင်း၊ အသျှင် ဟူ၍လည်းကောင်း ခေါ်တတ်ကြ၏။ အကြောင်းမူကား၊ သင်ရို့ ခေါ်သည်မှာ ဟုတ်မှန်သည်ဖြစ်၍ လျှောက်ပတ်ပေ၏။ 14 ငါကား သင်ရို့၏ ဆရာဖြစ်သကဲ့သို့ သင်ရို့၏သခင်ဘုရားလည်း ဖြစ်လျက်နှင့်ပင် သင်ရို့ခြံကို ဆီးပီး၏။ ထို့ကြောင့် သင်ရို့လည်း အချင်းချင်းခြံကို ဆီးပီးကြလော။ 15 သင်ရို့၌ ငါပြုသကဲ့သို့ သင်ရို့အချင်းချင်းလည်း ပြုကြစီရန် စံနမူနာကို ငါပြုခယာ။ 16 ငါအမှန်ဆိုသည်ကား၊ ကျွန်ုပ်သည် သခင်ထက် မကြီးမြတ်နိုင်သကဲ့သို့ စီးပွားခြင်းခံရသူတို့လည်း စီးပွားသူထက် မကြီးမြတ်နိုင်။ 17 ဤစကားကို သင်ရို့ အဂု သိကြပြီ။ သိသည်အတိုင်းကျင့်လျှင် မင်္ဂလာ ဟိကြလိမ့်မည်။ 18 “သင်ရို့အားလုံးကို ရည်မှတ်ပြီး ငါပြောသည် မဟုတ်၊ ငါရိုးချယ်ထားသော သူတို့ကို ငါသိ၏။ ယေဒါလည်း

ကျမ်းစာတော်မြတ်၌ ‘ငါ့ထမ်းကို စားသောသူသည် ငါ့ကို ခြိနှင် ပြန်ကျောက်သတည်း’ ဟု ဖော်ပြထားသည်အတိုင်း ပြည့်စုံလာရမည်။ 19 ထိုအဖြစ်ပျက်တိ မဖြစ်ပျက်ခင် ‘ငါဖြစ်သည်အတိုင်း၊ ငါဖြစ်သည်’ ကို သင်ရို့ ယုံကြည်လာကြစီရန် အဂုဏ်လျှင် ကြိုတင်၍ သင်ရို့အား ငါပြောထားပြီ။ 20 ငါအမှန်ဆိုသည်ကား၊ ငါစီရွတ်သောသူကို လက်ခံသောသူသည် ငါ့ကို လက်ခံခြင်းဖြစ်၏။ ငါ့ကို လက်ခံသောသူသည်လည်း ငါ့ကို စီရွတ်သော အသျှင်ကိုလက်ခံ၏” ဟု မိန့်တော်မူ၏။ 21 ဤသို့ မိန့်တော်မူပြီးသောအခါ ယေသျှုသည် အလွန်စိတ်သောက ရောက်တော်မူ၍ “ငါအမှန် ဆိုသည်ကား၊ သင်ရို့အထဲက တစ်ယောက်သည် ငါ့အား ရန်သူလက်သို့ အပ်နှံလိမ့်မည်” ဟု ပွင့်လင်းစွာ မိန့်တော်မူ၏။ 22 ဇာသူကို ရည်စူး၍ မိန့်တော်မူသည်ကို တပည့်တော်ရိုသည် စဉ်းစားမရနိုင်သဖြင့် တစ်ယောက်ကိုတစ်ယောက် ကြည့်ကြ၏။ 23 ထိုသူရို့ထဲမှ ယေသျှုချစ်တော်မူသော တပည့်တော်သည် ကိုယ်တော်နားကပ်၍ ထိုင်နိန့်တော်မူ၏။ 24 သျှိုမှန်ပေတရုကလည်း “ကိုယ်တော်က ဇာသူကို ရည်ရွယ်၍ မိန့်တော်မူပါသနည်း” ဟု မိန်းလျှောက်ရန် ထိုတပည့်တော်အား မျက်ရိပ်ပြ၍ မိန်းစီ၏။ 25 ထို့ကြောင့် ထိုတပည့်တော်သည် ယေသျှုအနားသို့ ချဉ်းကပ်၍ “အသျှင်၊ ထိုသူကား ဇာသူဖြစ်သနည်း” ဟု လျှောက်၏။ 26 ယေသျှုက “ဤမှန်တစ်ဖုံကို အချဉ်ရည်၌ တို့၍ ငါပီးသောသူဖြစ်၏” ဟု မိန့်တော်မူ၏။ ထို့နောက် မှန်တစ်ဖုံကို အချဉ်ရည်ခွက်ထဲ၌ တို့ပြီးလျှင် သျှိုမှန်သျှာကာရုတ်၏သား ယုဒကို ပီးလေ၏။ 27 ယုဒသည် ထိုမှန်ကို ခံယူလိုက်သည်နှင့်တပြိုင်နက် စာတန်မာရ်နတ်သည် သူ့အထဲသို့ ဝင်လေ၏။ ယေသျှုကလည်း “သင် ပြုရမည့်အမှုကို အလျင်အမြန်ပြုလော့” ဟု မိန့်တော်မူ၏။ 28 သို့ရာတွင် စားပွဲ၌ လျောင်းနိန်သောသူရို့က ယေသျှုသည် ဇာဖြစ်၍ ထိုသို့ မိန့်တော်မူကြောင်းကို နားမလည်ကြပေ။ 29 ယုဒသည် ဖဲသာအိတ်ကို ကိုင်ဆောင်ရသူဖြစ်၍ ပွဲတော်အတွက် လိုအပ်သည်များကို ဝယ်ယူရန် သော်လည်းကောင်း၊ ဆင်းရဲသားရို့အား ပီးကမ်းရန် သော်လည်းကောင်း ယေသျှုမှားထားသည်ဟု တပည့်တော်တချို့က ထင်မှတ်ကြ၏။ 30 ယုဒသည် မှန်တစ်ဖုံကို ခံယူပြီးလျှင် ချက်ချင်း ထွက်လားလေ၏။ ထိုအချိန်ကား ညအချိန်ဖြစ်၏။ 31 ယုဒ ထွက်လားပြီးနောက် ယေသျှုက “အဂုဏ် လူသားသည် ဘုန်းတော်ထင်ရှားလျက် ဟိသည်ဖြစ်၍၊ ဘုရားသခင်၏ ဘုန်းတန်ခိုးတော်လည်း လူသားအားဖြင့် ထင်ရှားခြင်းဟိ၏။ 32 ဘုရားသခင်သည် လူသားအားဖြင့် ဘုန်းတန်ခိုးတော် ထင်ရှားတော်မူလျှင်၊ ဘုရားသခင်သည် မိမိကိုယ်တိုင်အားဖြင့် သားတော်အား ဘုန်းထင်ရှားစီတော်မူ၍ သူ၏ဘုန်းတော်ကို ချက်ချင်း ထင်ရှားစီတော်မူလိမ့်မည်။ 33 ချစ်သားရို့၊ ငါသည် သင်ရို့နှင့်အတူ ခဏသာ နီရ၏။ သင်ရို့ငါ့ကို ရှာကြလိမ့်မည်။ ‘ငါလားမည့် နီရာသို့ သင်ရို့ မလိုက်နိုင်ကြ’ ဟု ယုဒအာဏာပိုင်တို့ကို ပြောသည့်အတိုင်း သင်ရို့ကိုလည်း အဂု ငါပြော၏။ 34 ‘အချင်းချင်း ချစ်ကြလော့’ ဟူသော ပညတ်အသစ်ကို သင်ရို့အား အဂု ငါပီး၏။ ငါသည် သင်ရို့ကိုချစ်သောကဲ့သို့ သင်ရို့လည်း အချင်းချင်းချစ်ကြလော့။ 35 သင်ရို့ အချင်းချင်းချစ်ကြလျှင် လူတိုင်းက သင်ရို့သည် ငါ့တပည့်တော်ဖြစ်ကြောင်း သိကြလိမ့်မည်” ဟု မိန့်တော်မူ၏။ 36 သျှိုမှန်ပေတရုက “အသျှင်၊ ဇာအရပ်သို့ ကြွတော်မူပါမည်နည်း” ဟု လျှောက်သော်၊ ယေသျှုကလည်း “ငါလားမည့်နီရာသို့ သင်သည် အဂု မလိုက်နိုင်၊ နောက်မှ လိုက်ရလိမ့်မည်” ဟု ဖြေကြားတော်မူ၏။ 37 ပေတရုက “အသျှင်၊ အကျွန်ုပ်သည် ဇာဖြစ်လို့ အဂု မလိုက်နိုင်ရသနည်း။ အကျွန်ုပ်သည် ကိုယ်တော်အတွက် အသက်စွန့်ဖို့ အဆင်သင့်ဟိပါ၏” ဟု လျှောက်လေ၏။ 38 ယေသျှုကလည်း “သင်သည် ငါ့အတွက် အသက်စွန့်ရန် အဆင်သင့်ဟိသည်ကား အမှန်လား။ ငါအမှန် ဆိုသည်ကား၊ သင်သည် ကြက်မတွန်ခင် ငါ့ကိုမသိဟု သုံးကြိမ်တိုင်အောင် ငြင်းဆိုလိမ့်မည်” ဟု မိန့်တော်မူ၏။

14 ယေသျှုက “သင်ရို့ စိတ်ပူပန်ခြင်း မဟိကတကော။ ဘုရားသခင်ကို ယုံကြည်ပါ။ ငါ့ကိုလည်း ယုံကြည်ပါ။ 2 ငါ့အဖအိမ်တော်၌ အခန်းများစွာဟိ၏။ သင်ရို့အတွက် နီရာကို ပျဉ်ဆင်ရန် ငါလားရဦးမည်။ ထိုသို့ မဟုတ်လျှင် မဟုတ်ကြောင်းကို သင်ရို့အား ငါမပြောဘဲမနိန့်။ 3 ငါလားပြီးလျှင် သင်ရို့အတွက် နီရာကို ပျဉ်ဆင်ပြီးမှ ငါသည် ပြန်လာ၍ ငါဟိသည့်အရပ်၌ သင်ရို့ ဟိကြစီရန်အတွက် သင်ရို့ကို ငါ့ထံသို့ ခေါ်ဆောင်မည်။ 4 ငါလားသည့်အရပ်သို့ ရောက်စီမည့်လမ်းကို သင်ရို့ သိကြ၏” ဟု သူရို့အား မိန့်တော်မူ၏။ 5 သောမက ကိုယ်တော်ကို “အသျှင်၊

အသျှင်ဇာအရပ်သို့ လားမည်ဆိုသည်ကို အကျွန်ုပ်မသိသည်ဖြစ်၍ ထိုလမ်းခရီးကို အကျွန်ုပ်မရှိ၊ ဇာသို့ သိနိုင်ပါမည်နည်း” ဟု လျှောက်၏။ **6** ယေသျှုကလည်း၊ “ငါသည် လမ်းခရီးဖြစ်၏။ သမ္မာတရားလည်း ဖြစ်၏။ အသက်လည်း ဖြစ်၏။ ငါ့ကို အမှီမပြုလျှင် ခမည်းတော်ထံသို့ တစ်ယောက်မျှ မရောက်နိုင်။ **7** အဂ္ဂ သင်ရိုးသည် ငါ့ကိုသိလျှင်၊ ငါ့ခမည်းတော်ကိုလည်း သိကြမည်၊ အဂ္ဂမှစပြီး ခမည်းတော်ကို သင်ရိုးသည် သိမြင်ကြ၏” ဟု ထိုသူအား မိန့်တော်မူ၏။ **8** ဖိလိပ္ပက “အသျှင်၊ ခမည်းတော်ဘုရားကို အကျွန်ုပ်ရိုးအား ပြတော်မူပါ။ ထိုသို့ ပြတော်မူလျှင် အကျွန်ုပ်အလို ပြည့်စုံပါမည်” ဟု လျှောက်လေ၏။ **9** ယေသျှုကလည်း “ဖိလိပ္ပ၊ သင်ရိုးအားလုံးသည် ငါနှင့်အတူ အချိန်အကြာကြီး ဟိန်နိခလျက်ပင် ငါ့ကို သင်မသိသလော။ ငါ့ကို မြင်ရသောသူသည် ခမည်းတော်ဘုရားကို မြင်ရသောသူ ဖြစ်၏။ ‘ခမည်းတော်ဘုရားအား ငါရို့ကို ပြပါ’ ဟု ဧကောင့် ပြောရသနည်း။ **10** ငါသည် ခမည်းတော်ဘုရား၌ တည်နိုင်သည်ကိုလည်းကောင်း၊ ခမည်းတော်ဘုရားကလည်း ငါ၌ တည်နိုင်သည်ကိုလည်းကောင်း သင် မယုံသလော။ သင်ရိုးအား ငါပြောသောစကားသည် ငါ့စကား မဟုတ်။ သို့ရာတွင် ငါ့အထဲ၌ ဟိတော်မူသော ခမည်းတော်ဘုရား ပြတော်မူသော အမှုတိပင်ဖြစ်၏။ **11** ငါသည် ခမည်းတော်ဘုရား၌ တည်နိုင်သကဲ့သို့ ခမည်းတော်ဘုရားသည်လည်း ငါ့အထဲ၌ တည်နိုင်၏ဟု ငါပြောသည်ကို ယုံကြည်ကြသလော။ ငါ့စကားကိုမယုံလျှင် ငါပြုသည့် အမှုများကိုထောက်၍ ယုံကြည်ကြလော။ **12** ငါအမှန် ဆိုသည်ကား၊ ငါ့ကို ယုံကြည်သောသူသည် ငါပြုသောအမှုကို ပြုလိမ့်မည်။ ထိုမျှမက ထိုအမှုတိထက် ကြီးမြတ်သောအမှုတိကိုပင် ပြုလိမ့်မည်။ ဧကောင့်ဆိုသော် ငါသည် ခမည်းတော်ထံသို့ လားရမည်။ **13** ခမည်းတော်သည် သားတော်အားဖြင့် ဘုန်းထင်ရှားစီခြင်းငှာ ငါ့နာမကိုအမှီပြု၍ သင်ရိုး တောင်းလျှောက်သည်အတိုင်း ငါပြုမည်။ **14** ငါ့နာမကို အမှီပြု၍ သင်ရိုး ဇာဆုကိုမဆို ငါ့ကိုတောင်းလျှင်၊ တောင်းသည့်အတိုင်း ငါပြုမည်။ **15** “သင်ရိုးသည် ငါ့ကိုချစ်လျှင် ငါ၏ပညတ်တိကို စောင့်ရှောက်လိမ့်မည်။ **16** ငါသည် ခမည်းတော်ကို တောင်းလျှောက်လျှင် သင်ရိုးနှင့်အတူ အစဉ်မပြတ်တိ၍ သင်ရိုးကို မစတော်မူရန် အခြားတစ်ပါးသော ကူညီမစသောသူကို ပီးတော်မူလိမ့်မည်။ (aiōn g165) **17** ထိုအသျှင်သည် ဘုရားသခင်၏ သမ္မာတရားကို ဖော်ပြသော ဝိညာဉ်တော်ဖြစ်၏။ လောကီသားတိက ထိုဝိညာဉ်တော်ကို မသိမမြင်ကြသောကြောင့် မခံယူနိုင်ကြ။ သို့ရာတွင် ထိုအသျှင်ကို သင်ရိုး သိကြ၏။ အကြောင်းမူကား ထိုဝိညာဉ်တော်သည် သင်ရိုးထဲ၌ ကိန်းဝပ်တော်မူသည်ဖြစ်၍ သင်ရိုး၌ ဟိလိမ့်မည်။ **18** “ငါလားသော်လည်း သင်ရိုးကို မိဘမဲ့ ဖြစ်စီမည် မဟုတ်။ သင်ရိုးထံပါးသို့ ငါပြန်လာဦးမည်။ **19** ခဏကြာလျှင် ဤလောကသားတိ ငါ့ကို မမြင်ရသော်လည်း သင်ရိုးကား မြင်ရလိမ့်မည်။ ငါသည် အသက်ရှင်သည်ဖြစ်၍ သင်ရိုးလည်း အသက်ရှင်ကြလိမ့်မည်။ **20** ငါသည် ခမည်းတော်၌ တည်နိုင်သည်ကိုလည်းကောင်း၊ သင်ရိုးသည် ငါ၌ တည်နိုင်သည်ကိုလည်းကောင်း၊ ငါသည်လည်း သင်ရိုး၌ တည်နိုင်သည်ကိုလည်းကောင်း ထိုနိရုဏ်၌ သင်ရိုး သိကြလိမ့်မည်။” **21** “ငါ့ပညတ်တိကို ခံယူ၍ စောင့်ထိန်းသူရို့သည် ငါ့ကို ချစ်သောသူတိဖြစ်၏။ ငါ့ကို ချစ်သောသူကို ခမည်းတော်ကလည်း ချစ်တော်မူ၏။ ငါကလည်း သူရို့ကို ချစ်၍ သူရို့အား ငါ့ကိုယ်တိုင် ထင်ရှားစီမည်” ဟု မိန့်တော်မူ၏။ **22** ယုဒ (ယုဒသျှာကာရတ် မဟုတ်သူ) က၊ “အသျှင်၊ လောကသားတိအား မဖော်ပြဘဲ ငါရို့အား ဧကောင့် အသျှင်ကိုယ်တိုင် ဖော်ပြတော်မူမည်နည်း” ဟု မိန့်လျှောက်လေ၏။ **23** ယေသျှုကလည်း၊ “ငါ့ကိုချစ်သောသူသည် ငါ၏ သွန်သင်ချက်ကို ခံယူလိမ့်မည်။ ငါ့ခမည်းတော်သည်လည်း ထိုသူကို ချစ်တော်မူလိမ့်မည်။ ငါနှင့် ငါ့ခမည်းတော်သည်လည်း သူ့ထံသို့ လာပြီးလျှင် သူနှင့်အတူ ကိန်းဝပ်လိမ့်မည်။ **24** ငါ့ကို မချစ်သောသူသည် ငါ၏သွန်သင်ချက်ကို မခံယူတတ်။ သင်ရိုး ကြားရသော သွန်သင်ချက်ကား ငါ၏ သွန်သင်ချက် မဟုတ်။ ငါ့ကို စီးရွတ်တော်မူသော ခမည်းတော်ထံပါးမှလာသော သွန်သင်ချက်ဖြစ်၏။ **25** “ငါသည် သင်ရိုးနှင့်အတူ ဟိန်နိစဉ် ဤအရာများကို ပြောပြပြီးဖြစ်၏။ **26** ယေဒါလည်း ခမည်းတော်က ငါ၏ နာမကြောင့် စီးရွတ်တော်မူသော ကူညီမစသော သူတည်းဟူသော သန့်ယှင်းသော ဝိညာဉ်တော်သည် ဟိသမျှအရာတိကို ပြသသွန်သင်တော်မူ၍ ငါပြောသမျှသော စကားတိကို သင်ရိုးအား ပြန်လည်သတိရစီတော်မူလိမ့်မည်။ **27** “ငြိမ်သက်ခြင်းကို သင်ရိုးနှင့်အတူ

ငါထားခ၏။ ငါ၏ငြိမ်သက်ခြင်းကိုလည်း သင်ရို့ကို ငါပီး၏။ လောကသားတိ ပီးသကဲ့သို့ ငါပီးသည် မဟုတ်။ သင်ရို့ စိတ်မပူပန်ခြင်း၊ စိုးရိမ်ခြင်း မဟိကတ်ကေ။ 28 ‘ငါသည် အဂ္ဂ လားသော်လည်း သင်ရို့ထံပါးသို့ ငါပြန်လာအုံးမည်’ ဟု ပြောခသည်ကို သင်ရို့ ကြားရကြပြီ။ ခမည်းတော်သည် ငါ့ထက် ကြီးမြတ်၏။ ထို့ကြောင့် သင်ရို့သည် ငါ့ကိုချစ်လျှင် ခမည်းတော်ထံပါးသို့ ငါလားသည်ကို ဝမ်းမြောက်ကြလိမ့်မည်။ 29 ထိုအကြောင်းအရာတိ ဖြစ်ပျက်လာသောခါ သင်ရို့ ယုံကြည်ကြစီရန် ထိုအရာတိမဖြစ်ပျက်ခင် သင်ရို့အား အဂ္ဂပင် ငါ ပြောထားခြင်းဖြစ်၏။ 30 လောကကို အုပ်ချုပ်သူသည် လာနိန်သောကြောင့် ငါသည် သင်ရို့နှင့် အချိန်အကြာကြီး စကားမပြောနိုင်ယာ။ သူသည် ငါ့ကို မည်သို့မျှ မပြုနိုင်။ 31 ယေဒါလည်း ငါသည် ခမည်းတော်ကို ချစ်ကြောင်း လောကသားတိအား သိစီရန် လိုအပ်၏။ ထို့ကြောင့် ခမည်းတော်က ငါ့အား မိန့်မှာတော်မူသည့်အတိုင်း လိုက်နာဆောင်ရွက်ခြင်းဖြစ်၏။ “လာကြ၊ ဤနိရာမု လားကြကုန်အံ့” ဟု မိန့်တော်မူ၏။

15 “ငါသည် မှန်သောစပျစ်နွယ်ပင် ဖြစ်၏။ ငါ၏ခမည်းတော်သည် ဥယျာဉ်မှူးဖြစ်၏။ 2 သူသည် ငါ၌ အသီးမသီးသော အကိုင်းအခက်ဟူသမျှကို ဖြတ်ထုတ်ပစ်၏။ အသီးသီးသော အကိုင်းအခက်တိကို သာ၍ သီးစီခြင်းငှာ သုတ်သင်ယှင်းလင်းလိမ့်မည်။ 3 ငါသည် သင်ရို့ကို ငါ၏ နှုတ်ကပတ်တော်ဖြင့် သန့်ယှင်းထားပြီးဖြစ်၏။ 4 ငါသည် သင်ရို့၌ တည်သကဲ့သို့ သင်ရို့သည်လည်း ငါ၌ တည်ကြလော့။ မည်သည့်အခက်မျှ ကိုယ့်အလိုအလျောက် အသီးမသီးနိုင်။ စပျစ်ပင်၌ တည်မှသာလျှင် အသီးသီးနိုင်၏။ ထိုကဲ့သို့ပင် သင်ရို့သည်လည်း ငါနှင့် ကွာလျှင် အသီးမသီးနိုင်ကြပေ။ 5 “ငါသည် စပျစ်ပင် ဖြစ်၏။ သင်ရို့သည်ကား အကိုင်းအခက်တိ ဖြစ်ကြ၏။ သင်ရို့သည် ငါ၌ တည်၍ ငါသည် သင်ရို့၌ တည်လျှင် များစွာသော အသီးကို သီးကြလိမ့်မည်။ သင်ရို့သည် ငါနှင့်ကွာလျှင် ဇာတစ်ခုကိုမျှ မလုပ်နိုင်ကြပေ။ 6 ငါ၌ မတည်သော သူသည် ခြောက်သွေ့သော အကိုင်းအခက်များ ကဲ့သို့ အပြင်သို့ ရွှင့်ပစ်ခြင်းကို ခံရ၏။ ထိုသို့သော အကိုင်းအခက်များကို စုသိမ်း၍ မီးထဲသို့ ပစ်ချခြင်းကို ခံရသဖြင့် လောင်ကျွမ်းခြင်းကို ခံရ၏။ 7 သင်ရို့သည် ငါ၌ တည်၍ ငါ၏စကားသည် သင်ရို့၌ တည်လျှင် သင်ရို့သည် လိုချင်သမျှကို တောင်း၍ ရကြလိမ့်မည်။ 8 သင်ရို့သည် များစွာသောအသီးကို သီးခြင်းအားဖြင့် ငါ့ခမည်းတော်၏ ဘုန်းတော်ကို ထင်ရှားသောသူများ ဖြစ်ကြ၏။ ထိုသို့အားဖြင့် သင်ရို့သည် ငါ့တပည့် အမှန် ဖြစ်ကြ၏။ 9 ငါ၏ခမည်းတော်သည် ငါ့ကို ချစ်သကဲ့သို့ ငါသည်လည်း သင်ရို့ကို ချစ်၏။ သင်ရို့သည် ငါ၏မေတ္တာ၌ တည်နိုင်ကြလော့။ 10 ငါသည် ငါ့ခမည်းတော်၏ ပညတ်တိကို စောင့်ထိန်း၍ ငါ့ခမည်းတော်၏ မေတ္တာ၌ တည်နိုင်သကဲ့သို့ သင်ရို့သည်လည်း ငါ၏ပညတ်တိကို စောင့်ထိန်းလျှင် ငါ၏မေတ္တာ၌ တည်နိုင်ကြလိမ့်မည်။ 11 “ငါ၏ဝမ်းမြောက်ခြင်းသည် သင်ရို့၌ တည်စီခြင်းငှာလည်းကောင်း၊ သင်ရို့သည် ဝမ်းမြောက်ခြင်းနှင့် ပြည့်ဝကြစီခြင်းငှာ လည်းကောင်း ဤစကားများကို သင်ရို့အား ငါပြော၏။ 12 ငါ၏ ပညတ်သည်ကား၊ ငါသည် သင်ရို့ကို ချစ်သကဲ့သို့ သင်ရို့သည်လည်း အချင်းချင်း ချစ်ကြလော့။ 13 ကိုယ့်မိတ်ဆွီရို့အတွက် ကိုယ့်အသက်ကို စွန့်ပီးခြင်းမေတ္တာထက် သာ၍ ကြီးမြတ်သော မေတ္တာဟူ၍ မဟိ။ 14 သင်ရို့သည် ငါ့ ပညတ်ကို ကျင့်လျှင် ငါ၏မိတ်ဆွီ ဖြစ်ကြ၏။ 15 ငါသည် သင်ရို့ကို အခိုင်းအစီ ဟူ၍ မခေါ်။ အခိုင်းအစီဆိုသည်ကား မိမိ၏သခင် လုပ်သမျှကို သိရကြသည် မဟုတ်။ သို့သော် ငါသည် ငါ့ခမည်းတော်ထံမှ သင်ယူသမျှတိကို သင်ရို့အား သိစီပြီးဖြစ်၍ သင်ရို့ကို မိတ်ဆွီများဟု ငါ ခေါ်၏။ 16 သင်ရို့သည် ငါ့ကို ရှိုးကောက်ကြသည် မဟုတ်။ သင်ရို့သည် လား၍ တည်ကြည်သော အသီးတိကို သီး၍ ပွားများစီခြင်းငှာ ငါသည် သင်ရို့ကို ရှိုးကောက်၍ ခန့်ထားခြင်း ဖြစ်၏။ သို့ ဖြစ်၍ ငါ၏နာမ၌ တောင်းသမျှကို ခမည်းတော်သည် သင်ရို့အား ပီးတော်မူလိမ့်မည်။ 17 ငါ၏ပညတ်သည်ကား သင်ရို့သည် တစ်ယောက်ကို တစ်ယောက် ချစ်ကြလော့ ဟူ၍ ဖြစ်၏။ 18 “လောကသားတိက သင်ရို့ကို မုန်းကြလျှင် သင်ရို့ကို မမုန်းခင်ကတည်းက ငါ့ကို မုန်းကြခြင်းဖြစ်သည်ဟု မှတ်ယူကြလော့။ 19 သင်ရို့သည် လောကနှင့် သက်ဆိုင်လျှင် လောကသား အချင်းချင်းဖြစ်သောကြောင့် လောကသားများက သင်ရို့ကို ချစ်ကြလိမ့်မည်။ သို့ရာတွင် ငါသည် သင်ရို့ကို လောကထဲက ရှိုးကောက်ထားသောကြောင့် လောကနှင့် မသက်ဆိုင်သည်ဖြစ်၍

လောကသားတိက သင်ရိုးကို မုန်းကြ၏။ 20 ‘ကျွန်ုပ်သည် သခင်ထက် ကြီးမြတ်သည် မဟုတ်’ ဟု သင်ရိုးအား ငါပြောသည်ကို မှတ်ထားကြလော့။ လူတိက ငါ့ကို ညှဉ်းခံကြလျှင် သင်ရိုးကိုလည်း သာ၍ ညှဉ်းခံကြလိမ့်မည်။ သူရို့သည် ငါ၏အဆုံးအမကို နာခံလျှင် သင်ရိုး၏ အဆုံးအမကိုလည်း နာခံကြလိမ့်မည်။ 21 ထိုသူရို့သည် ငါ့ကို စိန္တလိက်သော အသျှင်ကို မသိကြသည်ဖြစ်၍ ငါ၏နာမကြောင့် သင်ရိုးကိုလည်း ပြုကြလိမ့်မည်။ 22 ငါသည် ကြွလာ၍ သူရို့ကို မဟောပြောလျှင် သူရို့၌ အပြစ်ဟိကြလိမ့်မည် မဟုတ်။ သို့ရာတွင် အဂုအခါ သူရို့သည် မိမိရိုး၏အပြစ်ကို ဝှက်၍ မထားနိုင်ကြ။ 23 ငါ့ကို မုန်းသောသူရို့သည်ကား ငါ့ခမည်းတော်ကိုလည်း မုန်းကြ၏။ 24 ငါသည် တစ်စုံတစ်ယောက်မျှ မပြုဖူးသော အရာများကို သူရို့ ရှိမှ မပြုလုပ်လျှင် သူရို့၌ အပြစ်ဟိကြလိမ့်မည် မဟုတ်။ သို့ရာတွင် အဂု ငါပြောသောအမှုကို သူရို့သည် မြင်ကြလျက်ပင် ငါနှင့် ငါ့ခမည်းတော်ကို မုန်းကြခြင်းဖြစ်၏။ 25 ဤသို့ ဖြစ်ခြင်းမှာ ‘သူရို့သည် အကြောင်းပြချက်မဟိဘဲ ငါ့ကို မုန်းကြလေ၏’ ဟူ၍ သူရို့၏ ပညတ္တိကျမ်း၌ ရိုးထားသမျှသည် ပြည့်စုံလာခြင်းဖြစ်၏။ 26 “ခမည်းတော်ထံပါးက လာသည့် ဘုရားသခင်နှင့် ပတ်သက်၍ သမ္မာတရားကို ထုတ်ဖော်ပြောကြားသော ဝိညာဉ်တော်တည်းဟူသော ကူညီမစသောသူသည် ရောက်လာလိမ့်မည်။ ထိုဝိညာဉ်တော်ကို ခမည်းတော်ထံမှ သင်ရိုးပါးသို့ ငါရွတ်လိုက်သည်ဖြစ်၍ သူသည် ငါ့အကြောင်းကို ပြောပြလိမ့်မည်။ 27 ထို့အပြင် သင်ရို့သည်လည်း ငါ့အကြောင်းကို ပြောကြလိမ့်မည်။ အကြောင်းမူကား သင်ရို့သည် အစကတည်းကပင် ငါနှင့်အတူ ဟိခဖူးသောကြောင့် ဖြစ်၏။

16 “သင်ရို့သည် မိမိရိုး၏ ယုံကြည်ခြင်း မပျက်စီးခြင်းငှာ ဤစကားတိကို သင်ရို့အား ငါပြောထား၏။ 2 သင်ရို့ကို တရားဇရပ်များထဲက နှင်ထုတ်ကြလိမ့်မည်။ သင်ရို့ကို အသီသတ်သောသူများသည် ဘုရားသခင်၏အမှုတော်ကို ဆောင်ရွက်ခြင်းဖြစ်သည်ဟု ထင်မှတ်ကြသောအချိန်သည် ရောက်လာလိမ့်မည်။ 3 သူရို့သည် ငါ့ကို သို့မဟုတ် ခမည်းတော်ကို မသိကြသည်ဖြစ်၍ ဤသို့ ပြုမူကြခြင်းဖြစ်၏။ 4 သို့ရာတွင် ထိုအချိန်ကာလ ရောက်လာသောအခါ သူရို့နှင့်ပတ်သက်၍ သင်ရို့အား ငါသတိပီးသည်ကို သတိရကြစီခြင်းငှာ ငါသည် ဤအကြောင်းအရာများကို ပြောထားခြင်းဖြစ်၏။ “ငါသည် သင်ရို့နှင့်အတူ ဟိနိန်ခသောကြောင့် အစကတည်းကပင် ဤအကြောင်းအရာများကို သင်ရို့အား ငါမပြောခဲ့။ 5 သို့ရာတွင် အဂုအချိန်၌ ငါ့ကို စိန္တလိက်သော သူ၏ထံသို့ ငါလားရဖို့ယာ။ ‘ဇာနီရာသို့ လားပါမည်နည်း’ ဟု သင်ရို့မည်သူတစ်ဦးတစ်ယောက်မျှ ငါ့ကို မမိန်းကြ။ 6 အဂုအချိန်၌ ဤအကြောင်းအရာများကို သင်ရို့အား ငါ ပြောလိုက်သောကြောင့် သင်ရို့သည် အလွန်ဝမ်းနည်းကြရ၏။ 7 ငါအမှန် ဆိုသည်ကား ငါ ထွက်ခွါလားခြင်းသည် သင်ရို့အတွက် သာ၍ ကောင်းပေ၏။ ငါ မလားလျှင် သင်ရို့ကို ကူညီမစမည့်အသျှင်သည် ရောက်လာလိမ့်မည် မဟုတ်ပေ။ သို့ရာတွင် ငါ လားမှသာလျှင် ကူညီမစမည့်အသျှင်ကို သင်ရို့ပါးသို့ ငါ စိန္တလိမ့်မည်။ 8 ထိုအသျှင် ရောက်လာသောအခါ အပြစ်တရားကို ပြုလျက် ဟိနိန်ကြကြောင်းကိုလည်းကောင်း၊ ဖြောင့်မတ်ခြင်းအကြောင်းကိုလည်းကောင်း၊ ဘုရားသခင်၏ တရားစီရင်ခြင်းအကြောင်းကိုလည်းကောင်း ထိုလောကီသားတိကို ဖော်ပြလိမ့်မည်။ 9 သူရို့သည် ငါ့ကို မယုံကြည်ကြသောကြောင့် အပြစ်နှင့်ပတ်သက်၍ မှားယွင်းလျက်ဟိကြ၏။ 10 ငါသည် ခမည်းတော်ထံသို့ လားမည်ဖြစ်၍ သင်ရို့သည် ငါ့ကို မမြင်ရသောကြောင့် ဖြောင့်မတ်ခြင်းတရားကို ဖော်ပြမည်။ 11 ဤလောကကို အုပ်စိုးသောသူသည် တရားစီရင်ခြင်းကို ခံရသောကြောင့် သူရို့သည် တရားစီရင်ခြင်းအကြောင်းနှင့် ပတ်သက်၍ မှားယွင်းလျက်ဟိကြ၏။ 12 “ငါသည် သင်ရို့အား ပြောစရာအများကြီး ဟိသော်လည်း သင်ရို့သည် အဂုအခါ မှတ်ယူနိုင်ကြလိမ့်မည် မဟုတ်ပေ။ 13 ဘုရားသခင်နှင့်ပတ်သက်၍ သမ္မာတရားအကြောင်းကို ဖော်ပြသော ဝိညာဉ်တော်သည် ရောက်လာသောအခါ အလုံးစုံသော သမ္မာတရားထဲသို့ သင်ရို့ကို လမ်းပြပို့ဆောင်လိမ့်မည်။ ထိုဝိညာဉ်တော်သည် မိမိ၏သဘောအတိုင်း

သင်ရိုးကို သွန်သင်လိမ့်မည် မဟုတ်။ သူ ကြားသမျှကို ပြောလိမ့်မည်။ နောက်ဖြစ်လာမည့် အရာများကိုလည်း သင်ရိုးအား ပြောပြလိမ့်မည်။ 14 ထိုဝိညာဉ်တော်သည် ငါပြောသမျှတို့ကို ယူ၍ သင်ရိုးအား ပြောပြသောကြောင့် ငါ၏ ဘုန်းတော်ကို ထင်ရှားစီလိမ့်မည်။ 15 ငါ၏ခမည်းတော် ပိုင်ဆိုင်သောအရာခပ်သိမ်းသည် ငါပိုင်ဆိုင်သော အရာများဖြစ်၏။ ထိုဝိညာဉ်တော်သည် ငါပြောသမျှကို မှတ်ယူ၍ သင်ရိုးအား ပြောပြပီးလိမ့်မည်ဟု ငါပြော၏။ 16 “တအောင့်ကြာလျှင် သင်ရိုးသည် ငါ့ကို မြင်တို့ရလိမ့်မည် မဟုတ်။ တအောင့်ကြာပြီးမှ သင်ရိုးသည် ငါ့ကို တဖန် ပြန်၍ မြင်တို့ကြရလိမ့်မည်။” 17 ထိုအခါ တပည့်တော်တချို့က “တအောင့်ကြာလျှင် သင်ရိုးသည် ငါ့ကို မြင်တို့ကြရလိမ့်မည် မဟုတ်ဟူ၍ လည်းကောင်း၊ သင်ရိုးသည် တအောင့်ကြာပြီးမှ ငါ့ကို ပြန်၍ မြင်တို့ကြရလိမ့်မည်ဟူ၍ လည်းကောင်း၊ ‘အကြောင်းမူကား ငါသည် ခမည်းတော်ထံသို့ လားရဦးမည်’ ဟူ၍ လည်းကောင်း ကိုယ်တော်သည် ငါရိုးအား မိန့်တော်မူသည်မှာ ဇာကို ဆိုလိုပါသနည်း။ 18 ‘ခဏ’ ဟူသောစကားသည် ဇာကို ဆိုလိုပါသနည်း။ ကိုယ်တော် မိန့်တော်မူသည်ကို အကျွန်ုပ် ရှိ နားမလည်ကြပါ” ဟု အချင်းချင်း မိန်းမြန်းနိုင်ကြ၏။ 19 ယေသျှုက တပည့်တော်ရှိသည် ဤအကြောင်းကို မိန်းမြန်းလိုကြသည်ကို သိတော်မူသည်ဖြစ်၍ “တအောင့်ကြာလျှင် သင်ရိုးသည် ငါ့ကို မြင်တို့ကြရလိမ့်မည် မဟုတ်။ တအောင့်ကြာပြီးမှ သင်ရိုးသည် ငါ့ကို ပြန်၍ မြင်တို့ကြရလိမ့်မည်” ဟု ငါပြောသည်ကို သင်ရိုးသည် အချင်းချင်း မိန်းမြန်းနိုင်ကြသည် မဟုတ်လောဟု သူရိုးအား မိန်းတော်မူ၏။ 20 ငါအမှန် ဆိုသည်ကား၊ သင်ရိုး ဝမ်းနည်း ငိုကြွေးရလိမ့်မည်။ သို့ရာတွင် ထိုအချိန်၌ လောကသားတိ ဝမ်းမြောက်ကြလိမ့်မည်။ သင်ရိုးသည်ကား ဝမ်းနည်း ရကြလိမ့်မည်။ သို့သော် သင်ရိုး၏ ဝမ်းနည်းခြင်းသည် ဝမ်းသာခြင်း ဖြစ်လာလိမ့်မည်။ 21 အသျှေဖွီးဖွားမည့် မိန်းမတစ်ယောက်သည် ဖွီးချိန် ရောက်လာသောအခါ နာကျင်ခြင်းဝေဒနာကို ခံစားရသောအချိန် ရောက်လာမည်ဖြစ်သောကြောင့် ဝမ်းနည်းရ၏။ သို့ရာတွင် အသျှေကို ဖွီးဖွားသောအခါ၌မူကား လောကထဲသို့ အသျှေတစ်ယောက်ကို ဖွီးဖွားပီးလိုက်ပြီဟူသော ဝမ်းမြောက်ခြင်းဖြင့် ထိုမိန်းမသည် မိမိ၏နာကျင်ခြင်းဝေဒနာကို မိလျှော့လားလေ၏။ 22 ထိုနည်းတူ အဂုတွင် သင်ရိုးသည် ဝမ်းနည်းပူဆိုးရကြ၏။ သို့သော်လည်း ငါသည် သင်ရိုးကို တဖန် မြင်တို့သောခါ၊ သင်ရိုး၏စိတ်နှလုံးသည် ဝမ်းသာခြင်းနှင့် ပြည့်ဝကြလိမ့်မည်။ သင်ရိုး၏ဝမ်းသာခြင်းကို မည်သူမျှ နှုတ်ယူနိုင်လိမ့်မည် မဟုတ်ပေ။ 23 “ထို နို့ရောက်လာသောခါ သင်ရိုးသည် ငါ၌ တောင်းလျှောက်ရန် မလိုယာ။ ငါ အမှန်ဆိုသည်ကား ငါ၏နာမ၌ သင်ရိုးတောင်းသမျှကို ခမည်းတော်သည် သင်ရိုးအား ပီးတော်မူလိမ့်မည်။ 24 အဂုအချိန်ထိ ငါ့နာမ၌ သင်ရိုးသည် တစ်စုံတစ်ခုကိုမျှ မတောင်းကြသိမ့်။ သင်ရိုးသည် ဝမ်းသာခြင်းနှင့် ပြည့်ဝကြစီခြင်းငှာ တောင်းကြလော့။ တောင်းလျှင် ရကြလိမ့်မည်။ 25 “ဤအကြောင်းအရာတို့ကို သင်ရိုးအား ပုံဥပမာသုံး၍ ငါဟောပြောရ၏။ ပုံဥပမာမသုံးဘဲ ဟောပြောရသောအချိန် ရောက်လာလိမ့်မည်။ ထိုအချိန်ရောက်သောအခါ ခမည်းတော်အကြောင်းကို သင်ရိုးအား ယှဉ်းလင်းစွာ ငါပြောပြလိမ့်မည်။ 26 ထိုနို့ရောက်လာသောအခါ သင်ရိုးသည် ငါ့နာမ၌ ခမည်းတော်ထံသို့ တောင်းလျှောက်ကြလိမ့်မည်။ သင်ရိုးကိုယ်စား ခမည်းတော်ထံပါး၌ ငါတောင်းပီးမည်ဟု သင်ရိုးကို ငါပြောသည် မဟုတ်။ 27 ငါသည် ဘုရားသခင်ထံပါးက ဆင်းလာသည်ကို သင်ရိုးသည် ယုံကြည်ကြပြီး ငါ့ကိုလည်း ချစ်ကြသောကြောင့် ခမည်းတော်ကိုယ်တိုင် သင်ရိုးကို ချစ်တော်မူ၏။ 28 ငါသည် ခမည်းတော်ထံပါးမှ ဤလောကသို့ ဆင်းလာခြင်းဖြစ်၏။ အဂုအချိန်၌ ငါသည် ဤလောကမှ ထွက်ခွာ၍ ခမည်းတော်ထံပါးသို့ ပြန်လားရမည်” ဟု ဆို၏။ 29 ယေသျှု၏ တပည့်တော်တို့က “အဂုအခါ ကိုယ်တော်သည် အကျွန်ုပ်ရိုးကို ဥပမာမသုံးဘဲ ယှဉ်းလင်းစွာ ပြောလေပြီ။ 30 ကိုယ်တော်သည် အရာခပ်သိမ်းကို သိမြင်တော်မူကြောင်းကိုလည်းကောင်း၊ မည်သူမျှ ကိုယ်တော်ကို မိန်းလျှောက်ရန် မလိုအပ်ကြောင်းကိုလည်းကောင်း အကျွန်ုပ်ရိုးသည် အဂု သိကြပါ၏။ ဤအကြောင်းကို ထောက်၍ ကိုယ်တော်သည် ဘုရားသခင်ထံပါးမှ ဆင်းလာသည်ကို အကျွန်ုပ်ရိုးသည် ယုံကြည်ကြပါ၏” ဟု လျှောက်ကြ၏။ 31 ယေသျှုက “အဂုအချိန်၌ သင်ရိုး ယုံကြည်ကြပြီလော။ 32 သင်ရိုးသည် တကွတပြားစီဖြစ်လျက် အသီးသီး မိမိရိုးအိမ်သို့ ပြန်လားကြပြီးလျှင် ငါ့ကို

တစ်ယောက်တည်း ထားပစ်ခမည့်အချိန်သည် ရောက်လာမည်ဖြစ်၍ အဂုပင် ရောက်လာလေပြီ။ သို့သော်လည်း ငါသည် တစ်ယောက်တည်း မဟုတ်၊ ခမည်းတော်သည် ငါနှင့်အတူ ဟိတော်မူ၏။ 33 သင်ရဲ့အားလုံး ငါနှင့် တစ်လုံးတစ်ဝတည်းဟိနိန်ခြင်းဖြင့် ငြိမ်သက်ခြင်းဟိကြစီခြင်းငှာ ငါသည် ဤအရာကို သင်ရဲ့အား ဟောပြောထား၏။ သင်ရဲ့သည် ဤလောက၌ ဒုက္ခ တို့ရကြလိမ့်မည်။ သို့သော်လည်း မကြောက်ကတ်ကေ၊ ငါသည် လောကကို အောင်မြင်” ဟု မိန့်တော်မူ၏။

17 ယေသျှုသည် ဤသို့ ဆုံးမခြင်းပီးတော်မူပြီးနောက် ကောင်းကင်သို့ မျှော်ကြည့်လျက် ဆုတောင်းပတ္တနာ ပြုတော်မူသည်မှာ “အို အဖ၊ အချိန်ရောက်ပါပြီ သားတော်သည် ကိုယ်တော်၏ ဘုန်းတော်ကို ထင်ရှားစီခြင်းငှာ သားတော်အား ဘုန်းတန်ခိုးတော်ကို ပီးသနားတော်မူပါ။ 2 အကြောင်းမူကား ကိုယ်တော်သည် သားတော်ကို ပီးအပ်ထားသော သူရဲ့အား ထာဝရအသက်ကို ရစီခြင်းငှာ လူသားအားလုံးကို အစိုးရသောအခွင့်အာဏာကို သားတော်အား ပီးအပ်ထားပြီးဖြစ်ပါ၏။ (aiōnios g166) 3 ထာဝရအသက်ဟူသည်ကား စစ်မှန်၍ တစ်ဆူတည်းဖြစ်တော်မူသော ဘုရားသခင်ကိုလည်းကောင်း၊ ကိုယ်တော် စီစဉ်လိုက်သော ယေသျှုခရစ်တော်ကိုလည်းကောင်း သိကျွမ်းခြင်းဖြစ်၏။ (aiōnios g166) 4 ကိုယ်တော်သည် အကျွန်အား လုပ်ဆောင်စီသောအမှုကို ပြီးမြောက်အောင် လုပ်ဆောင်ခြင်းအားဖြင့် အကျွန်သည် မြဲကြီးထက်မှာ ကိုယ်တော်၏ဘုန်းတန်ခိုးတော်ကို ထင်ရှားစီပြီးယာ။ 5 အို အဖ၊ ဤကမ္ဘာ မတည်ခင်ကပင် ကိုယ်တော်နှင့်အတူ ဟိခဖူးသော ဘုန်းတော်ကို အဂု ကိုယ်တော်၏ မျက်မှောက်တော်၌ အကျွန်အား ထင်ရှားစီတော်မူပါ။ 6 “ဤလောကထဲမှ အကျွန်အား ပီးတော်မူသောသူရဲ့အား ကိုယ်တော်ကို သိမြင်စီခြင်းငှာ အကျွန်သည် ဖော်ပြပြီးဖြစ်ပါ၏။ ကိုယ်တော် ပိုင်တော်မူသော သူရဲ့ကို အကျွန်အား ပီးထားသည်ဖြစ်၍ သူရဲ့သည်လည်း ကိုယ်တော်၏ နှုတ်ကပတ်တော်ကို နာခံကြပြီးဖြစ်ပါ၏။ 7 အကျွန်အား ပီးသနားတော်မူသော ခပ်သိမ်းသောအရာအားလုံးသည် ကိုယ်တော်ထံပါးက လာသည်ကို သူရဲ့သည် အဂု သိကြပြီးဖြစ်ပါ၏။ 8 အကြောင်းမူကား ကိုယ်တော်သည် အကျွန်အား ပီးတော်မူသော နှုတ်ကပတ်တော်ကို သူရဲ့အား အကျွန် ဟောပြောပြီးဖြစ်၍ သူရဲ့သည်လည်း လက်ခံကြပါ၏။ အကျွန်သည် ကိုယ်တော်ထံမှ လာသူဖြစ်ကြောင်းကို သူရဲ့သည် အမှန်သိကြပါ၏။ အကျွန်သည် ကိုယ်တော်စီစဉ်သူဖြစ်ကြောင်းကို သူရဲ့သည် ယုံကြည်ကြပါ၏။ 9 “သူရဲ့အတွက် အကျွန် ဆုတောင်းပါ၏။ လောကသားတိအတွက် ဆုတောင်းသည် မဟုတ်။ ကိုယ်တော်က အကျွန်အား ပီးအပ်ထားသော ကိုယ်တော်ပိုင်သောသူရဲ့အတွက် အကျွန် ဆုတောင်းပါ၏။ 10 အကျွန်၌ ဟိသမျှသောအရာအားလုံးသည် ကိုယ်တော် ပိုင်တော်မူသောအရာများ ဖြစ်ကြသည်နှင့်အညီ ကိုယ်တော်၌ ဟိသမျှသော အရာအားလုံးသည်လည်း အကျွန်ပိုင်သောအရာများ ဖြစ်ကြသည်ဖြစ်၍ ထိုသူရဲ့အားဖြင့် အကျွန်၏ဘုန်းတော်ကို ထင်ရှားလျက် ဟိပါ၏။ 11 အကျွန်သည် ကိုယ်တော်ထံသို့ လာနိန်ပြီဖြစ်သဖြင့် လောကထဲ၌ မဟိယာ။ သို့ရာတွင် သူရဲ့မူကား လောက၌ ကျန်နိန်ခကြ၏။ မြင့်မြတ်သန့်ယှင်းတော်မူသောအဖ၊ ကိုယ်တော်နှင့် အကျွန်သည် တစ်လုံးတစ်ဝတည်းဖြစ်သကဲ့သို့ သူရဲ့ကိုလည်း တစ်လုံးတစ်ဝတည်း ဖြစ်စီခြင်းငှာ အကျွန်အား စောင့်ရှောက်တော်မူသော ကိုယ်တော်၏နာမတော် တန်ခိုးဖြင့် သူရဲ့ကို စောင့်ရှောက်တော်မူပါ။ 12 အကျွန်သည် သူရဲ့နှင့်အတူ ဟိနိန်သောအချိန်မှာ ကိုယ်တော်၏နာမတော်တန်ခိုးဖြင့် အကျွန်အား ပီးထားသော သူရဲ့ကို အကျွန်သည် စောင့်ရှောက်ထားပါ၏။ ကျမ်းစာ ပြည့်စုံစီမည့်အကြောင်း တစ်ယောက်သောသူမှ လွဲ၍ သူရဲ့အားလုံးကို မပျက်စီးစီရန် အကျွန်စောင့်ရှောက်ထားပါ၏။ 13 အဂုအချိန်၌ အကျွန်သည် ကိုယ်တော်ထံပါးသို့ လာနိန်ပြီဖြစ်၍ အကျွန်၏ဝမ်းမြောက်မှုသည် သူရဲ့၏ နှလုံးသားထဲ၌ အပြည့်အဝစားကြစီရန် အကျွန်သည် ဤလောက၌ ဟိနိန်စဉ် ဤအရာတို့ကို အကျွန် ပြောဆိုပါ၏။ 14 အကျွန်သည် ကိုယ်တော်၏ နှုတ်ကပတ်တော်ကို သူရဲ့အား ဟောထားပြီးဖြစ်ပါ၏။ အကျွန်သည် ဤလောကနှင့် မဆက်ဆံသကဲ့သို့ သူရဲ့သည်လည်း မဆက်ဆံကြသောကြောင့် လောကသားတိက သူရဲ့ကို မုန်းကြပါ၏။ 15

အကျွန်ုပ်သည် သူရိုကို ဤလောကမှ နုတ်ယူပါစီကြောင်း တောင်းလျှောက်နိုင်ခြင်း မဟုတ်ပါ။ ဒုစရိုက်အပြစ်မှ ကင်းဝေးပါစီကြောင်း အကျွန်ုပ် ဆုတောင်းပါ၏။ 16 အကျွန်ုပ်သည် လောကနှင့် မဆက်ဆံသကဲ့သို့ သူရိုလည်း မဆက်ဆံကြပါ။ 17 သမ္မာတရားအားဖြင့် သူရိုကို သန့်ယှင်းစီတော်မူပါ။ ကိုယ်တော်၏နွတ်ကပတ်တော်သည် သမ္မာတရားဖြစ်ပါ၏။ 18 ကိုယ်တော်သည် အကျွန်ုပ်အား လောကထဲသို့ စီးစွတ်လိုက်သကဲ့သို့ သူရိုကိုလည်း အကျွန်ုပ်သည် ဤလောကထဲသို့ စီးစွတ်လိုက်ပါ၏။ 19 သူရိုသည် အမှန် သန့်ယှင်းစင်ကြယ်စီခြင်းအလိုမှာ အကျွန်ုပ်သည် သူရိုအတွက် ကိုယ့်ကိုယ်ကို သန့်ယှင်းစင်ကြယ်ပါ၏။ 20 “အကျွန်ုပ်သည် သူရိုအတွက်သာ ဆုတောင်းသည် မဟုတ်ပါ။ သူရို၏ နွတ်ကပတ်တော်အားဖြင့် အကျွန်ုပ်ကို ယုံကြည်လာကြမည့် သူရိုအတွက်လည်း ဆုတောင်းပါ၏။ 21 အို အဖ၊ ကိုယ်တော်သည် အကျွန်ုပ်၌ လည်းကောင်း၊ အကျွန်ုပ်သည် ကိုယ်တော်၌ လည်းကောင်း တစ်လုံးတစ်ဝတည်းဖြစ်သကဲ့သို့ သူရိုအားလုံးသည်လည်း အကျွန်ုပ်နှင့် တစ်လုံးတစ်ဝတည်း ဖြစ်ပါစီအကြောင်း အကျွန်ုပ် ဆုတောင်းပါ၏။ အကျွန်ုပ်အား ကိုယ်တော်စီးစွတ်လိုက်ကြောင်းကို လောကသားတိ ယုံကြည်ကြစီရန် ထိုသူရိုကို တစ်လုံးတစ်ဝတည်း ဖြစ်စီတော်မူပါ။ 22 ကိုယ်တော်နှင့် အကျွန်ုပ်သည် တစ်လုံးတစ်ဝတည်း ဖြစ်သကဲ့သို့ သူရိုသည်လည်း တစ်လုံးတစ်ဝတည်း ဖြစ်ကြစီခြင်းမှာ အကျွန်ုပ်သည် ကိုယ်တော်ပီးထားသော ဘုန်းတန်ခိုးတော်ကို သူရိုအား ပီးထားပြီးဖြစ်ပါ၏။ 23 သူရိုသည် တစ်လုံးတစ်ဝတည်း၌ စုံလင်ကြစီရန် ကိုယ်တော်သည် အကျွန်ုပ်၌ ဟိတော်မူ၍ အကျွန်ုပ်သည်လည်း သူရို၌ ဟိတော်မူပါ၏။ ထိုသို့အားဖြင့် ကိုယ်တော်သည် အကျွန်ုပ်ကို ချစ်တော်မူသကဲ့သို့ သူရိုကိုလည်း ချစ်တော်မူကြောင်းကိုလည်းကောင်း ကိုယ်တော်သည် အကျွန်ုပ်အား စီးစွတ်လိုက်သည်ကိုလည်းကောင်း လောကသားတိ သိကြပါလိမ့်မည်။ 24 “အို အဖ၊ ကိုယ်တော်သည် အကျွန်ုပ်ကို ချစ်တော်မူသောကြောင့် ဤကမ္ဘာမတည် မဟိခင်ကပင် အကျွန်ုပ်အား ပီးထားသော ဘုန်းတန်ခိုးတော်ကို သူရိုသည် မြင်ကြစီခြင်းမှာ အကျွန်ုပ်အား ကိုယ်တော် ပီးအပ်ထားသော ဤသူရိုကို အကျွန်ုပ်ဟိသောနီရာ၌ အကျွန်ုပ်နှင့်အတူ ဟိနိုင်ကြစီခြင်းမှာ အကျွန်ုပ် လိုလားပါ၏။ 25 ပြောမတ်တော်မူသောအဖ၊ လောကီသားရှိသည် ကိုယ်တော်ကို မသိကြသော်လည်း အကျွန်ုပ်သည် သိပါ၏။ ကိုယ်တော်သည် အကျွန်ုပ်အား စီးစွတ်လိုက်သည်ကို ဤသူရိုသည် သိကြပါ၏။ 26 အကျွန်ုပ်ကို ချစ်တော်မူသော ကိုယ်တော်၏ မေတ္တာတော်သည် သူရို၌ တည်၍ အကျွန်ုပ်ကိုယ်တိုင်လည်း သူရို၌ တည်စီခြင်းမှာ ကိုယ်တော်၏နာမတော်ကို သူရိုအား ညွှန်ပြပြီးဖြစ်၏။ အစဉ်အမြဲ ညွှန်ပြပါဦးမည်” ဟု ဆုတောင်းတော်မူ၏။

18 ယေသျှုသည် ဤသို့ ဆုတောင်းတော်မူပြီးလျှင် တပည့်တော်ရှိနှင့်အတူ ထွက်ခွာလာပြီးနောက် ကေဒြန်ချောင်းကို ဖြတ်ကြ၍ ထိုအရပ်၌ဟိသော ဥယျာဉ်တစ်ခုထဲသို့ ဝင်ကြ၏။ 2 ထိုနီရာကား ယေသျှုသည် တပည့်တော်ရှိနှင့် အကြိမ်များစွာ တွိန်နီကျ နီရာတစ်ခု ဖြစ်သောကြောင့် သစ္စာဖောက် ယုဒသျှုကာရုတ်သည်လည်း ထိုအရပ်ကို သိ၏။ 3 ထို့ကြောင့် ယုဒသျှုကာရုတ်သည် ယဇ်ပုရောဟိတ်အကြီးအကဲရှိနှင့် ဖာရိယုရိုက စီးစွတ်လိုက်သည့် ဗိမာန်တော်အစောင့်စစ်သားတချို့နှင့် ရောမစစ်သားများကို သူနှင့်အတူ ခေါ်လာကာ ထိုဥယျာဉ်သို့ ရောက်လာ၏။ သူရိုသည် မီးအိမ်၊ မီးတုတ်နှင့် လက်နက်များကို ကိုင်ဆောင်လာကြ၏။ 4 ယေသျှုသည် မိမိ၌ ဖြစ်လာမည့် ဤအကြောင်းအရာအားလုံးကို ကြိုတင်၍ သိတော်မူပြီး ဖြစ်သောကြောင့် သူရိုထံပါးသို့ လားကာ “သင်ရို့သည် ဇာသူကို ရှာနိုင်ကြသနည်း” ဟု မိန်းတော်မူ၏။ 5 သူရိုက “နာဇရက်မြို့သား ယေသျှု” ဟု ပြောကြ၏။ ကိုယ်တော်က “ငါသည် ထိုသူပင် ဖြစ်၏” ဆိုလေ၏။ သစ္စာဖောက် ယုဒသျှုကာရုတ်သည် ထိုအရပ်၌ဟိသောသူရိုနှင့်အတူ ရပ်လျက်ဟိ၏။ 6 ယေသျှုက “ငါသည် ထိုသူဖြစ်၏” ဟု သူရိုကို ပြောလိုက်သောအခါ သူရိုသည် နောက်သို့ လန်၍ မြီကြီးသို့ လဲကျလားကြ၏။ 7 “သင်ရို့သည် ဇာသူကို ရှာနိုင်ကြသနည်း” ဟု ယေသျှုက တဖန် မိန်းပြန်၏။ “နာဇရက်မြို့သား ယေသျှု” ဟု သူရိုက ပြောကြပြန်၏။ 8 “ငါသည် ထိုသူဖြစ်သည်ဟု သင်ရို့ကို ပြောပြီးပြီ။ သင်ရို့သည် ငါ့ကို ရှာနိုင်ကြလျှင် တခြားလူတို့ကို ပြန်ရွတ်လိုက်” ဟု ယေသျှုက ပြော၏။ 9 ဤသို့ ပြောရခြင်းမှာ “အို အဖ၊ ငါ့ကို ပီးထားသောသူတို့အားလုံး

တစ်ယောက်မျှ မပျက်စီးပါစိကေ့” ဟု သူပြောထားသော စကားသည် ပြည့်စုံလာစီခြင်းငှာ ဖြစ်၏။ 10 ဒါးကိုလွယ်ထားသည့် သျှိုမှန်ဟု ခေါ်သော ပေတရုသည် ဒါးကို ဆွဲထုတ်ကာ ယဇ်ပုရောဟိတ်မင်း၏ ကျွန်တစ်ယောက်ကို ခွတ်လိုက်သဖြင့် သူ၏ လက်ယာဖက် နားရွက်သည် ပြတ်လားလေ၏။ ထိုကျွန်၏အမည်ကား မာလု ဖြစ်၏။ 11 ယေသျှုက “သင်၏ဒါးကို ဒါးအိမ်၌ ပြန်ထားလိုက်။ ငါ၏ခမည်းတော်ပီးသော ဒုက္ခခွက်ဖလားကို ငါသည် မသောက်ဘဲ နိန့်ရမည်လော” ဟု ပေတရုအား ပြော၏။ 12 ထို့နောက် ရောမစစ်သားတို့နှင့် စစ်သူကြီးတို့၊ ယုဒလူမျိုး အစောင့်စစ်သားရှိသည် ယေသျှုကို ဖမ်းဆီး၍ ကြီးနှင့်တုပ်ပြီးလျှင် 13 အန္တတ်မင်းရှိမှောက်သို့ ယူဆောင်လာကြ၏။ အန္တတ်မင်းကား ထိုနှစ်တွင် ယဇ်ပုရောဟိတ်မင်းအဖြစ် ဆောင်ရွက်နိုင်သည့် ကယာဖ၏ယောက္ခမ ဖြစ်၏။ 14 ထိုကယာဖသည်ကား လူအားလုံးအတွက် လူတစ်ယောက်က အသိခံပီးလျှင် သာ၍ ကောင်းပေ၏ဟု ယုဒလူမျိုး ခေါင်းဆောင်ရှိအား အကြံပီးဖူးသော သူတစ်ယောက် ဖြစ်လေ၏။ 15 သျှိုမှန် ပေတရုနှင့် အခြားသော တပည့်တော် တစ်ယောက်သည် ယေသျှုနောက်သို့ လိုက်ပါကြလေ၏။ ထိုအခြားသော တပည့်တော်သည် ယဇ်ပုရောဟိတ်မင်းနှင့် သိကျွမ်းသဖြင့် ယေသျှုနှင့်အတူ လိုက်၍ ယဇ်ပုရောဟိတ်မင်း၏ အိမ်ခြံဝင်းသို့ ဝင်လေ၏။ 16 ပေတရုသည် ယဇ်ပုရောဟိတ်မင်း အိမ်ခြံဝင်း၏ တန်းခါးအပြင်၌ ရပ်လျက်နိန့်စဉ် ထိုတပည့်တော်သည် ထွက်လာကာ တန်းခါးတွင် စောင့်နိန့်သော အစီခံမိန်းမအား ပြောဆို၍ ပေတရုကို အိမ်ထဲသို့ ခေါ်သွင်းလာ၏။ 17 တန်းခါးစောင့်မိန်းမက “သင်သည်လည်း ယေသျှု၏တပည့်တော် တစ်ယောက်ဖြစ်သည် မဟုတ်လော” ဟု မိန်းသောအခါ ပေတရုက “ငါ မဟုတ်” ဟု ဖြေ၏။ 18 ချမ်းအီးသောကာလ ဖြစ်သဖြင့် အစီခံများနှင့် အစောင့်စစ်သည်များသည် မီးသီးမီးပို့ တစ်ခုကို ပို့၍ ပတ်လည်ပိုင်းကာ ရပ်လျက် မီးလှုံနိန့်ကြ၏။ ပေတရုသည်လည်း သူရှိနှင့်အတူ မတ်တပ်ရပ်လျက် မီးလှုံလျက်နီ၏။ 19 ယဇ်ပုရောဟိတ်မင်းက ယေသျှု၏ တပည့်တော်တို့အကြောင်းကိုလည်းကောင်း၊ သူ၏ သွန်သင်မှုများအကြောင်းကိုလည်းကောင်း စစ်ဆီးမိန်းမြန်း၏။ 20 ယေသျှုက “ငါသည် လောကလူအပေါင်းရှိ ရှိတွင် ထင်ရှားစွာ ဟောပြောခ၏။ ယုဒလူတို့ စုဝေးကြသော ဗိမာန်တော်၌ သို့မဟုတ် တရားဇရပ်များ၌ အစဉ်မပြတ် ဟောပြောသွန်သင်ခ၏။ 21 ဇာကြောင့် ငါ့ကို မိန်းနိန့်ရသနည်း။ ငါဟောပြောသော ငါ၏သွန်သင်မှုများကို ကြားထားပြီးသောသူတို့အား မိန်းမြန်းကြည့်ကြလော့” ဟု ဆို၏။ 22 ယေသျှုက ဤသို့ မိန်းတော်မူသောအခါ ထိုနီရာဌ်ဟိသော အစောင့်စစ်သည်တစ်ယောက်က “သင်သည် ယဇ်ပုရောဟိတ်မင်းကြီးကို ဤသို့ ပြောဆိုရသလော” ဟု ဆို၍ ပါးကို သတ်လေ၏။ 23 ယေသျှုက “ငါပြောသည့်စကား မှားသည်ဆိုလျှင် ဤအရပ်၌ဟိသော လူတိုင်းကို မိန်းကြည့်ကြလော့။ ငါပြောသည့်စကား မှန်လျက်သားနှင့် ငါ့ကို ဇာဖြစ်လို့ သတ်ရသနည်း” ဟု ပြန်ပြော၏။ 24 ထို့နောက် အန္တတ်မင်းသည် ကိုယ်တော်ကို တုပ်နှောင်ထားသည့်အတိုင်း တုပ်နှောင်ကာ ယဇ်ပုရောဟိတ်မင်းကြီး ကယာဖထံပါးသို့ ပို့လိုက်လေ၏။ 25 သျှိုမှန်ပေတရုသည် ထိုနီရာဌ် မတ်တပ်ရပ်ကာ မီးလှုံလျက်ဟိ၏။ “သင်သည်လည်း ထိုသူ၏ တပည့်တစ်ယောက် ဖြစ်သည် မဟုတ်လော” ဟု တခြားလူတို့က သူ့ကို မိန်းကြ၏။ ပေတရုက “ငါ မဟုတ်ပါ” ဟု ငြင်းဆိုလေ၏။ 26 ပေတရု ဒါးနှင့် ခွတ်၍ နားရွက် ပြတ်လားသောသူ၏ ဆွဲမျိုးတစ်ယောက်ဖြစ်သည့် ယဇ်ပုရောဟိတ် ကျွန်တစ်ယောက်က “သင်သည် ဥယျာဉ်ထဲ၌ သူနှင့်အတူ ဟိသည်ကို ငါမြင်ခဲ့သည် မဟုတ်လော” ဟု မိန်း၏။ 27 ပေတရုက “ငါ မသိ” ဟု တဖန်ထပ်၍ ငြင်းပြီးသည်နှင့် — ချက်ချင်း ကြက်တွန်လေ၏။ 28 မိုးထစောစောတွင် ယေသျှုကို ကယာဖအိမ်မှ ဘုရင်ခံ၏ အိမ်တော်သို့ ယူဆောင်လာကြ၏။ ယုဒဘာသာရေး ခေါင်းဆောင်ရှိသည် ပသခါပွဲကို ခံယူခြင်းငှာ ဘာသာတရားဆိုင်ရာ ညစ်ညူးခြင်း မဖြစ်စီခြင်းငှာ အိမ်တော်ထဲသို့ သူရိုက်ယံတိုင် မဝင်ကြပေ။ 29 ထို့ကြောင့် ပိလတ်သည် သူရိုက်ဟု အိမ်အပြင်သို့ ထွက်ပြီးလျှင် “ဇာအပြစ်နှင့် စွပ်စွဲပြီးကေ ဤသူကို ခေါ်လာကြသနည်း” ဟု မိန်းသော်။ 30 “အကျွန်ရှိသည် ဤသူကို ပြစ်မှားခြင်း မဟိဘဲ ခေါ်လာကြသည် မဟုတ်ပါ” ဟု သူရိုက် ပြောကြ၏။ 31 ပိလတ်မင်းက “ဤသူကို သင်ရှိ၏ ပညတ်တရားအတိုင်း သင်ရိုက်ယံတိုင် တရားစီရင်ကြလော့” ဟု ပြော၏။ ယုဒလူရိုက် “အကျွန်ရှိသည် မည်သူ့ကိုမျှ အသိသတ်ပိုင်ခွင့် မဟိပါ”

ဟု ပြန်ပြောကြ၏။ **32** ဤသည်ကား မိမိသည် မည်သို့သော သိခြင်းမျိုးနှင့် သီရိမည်ကို ယေသျှုပြောသည့် စကားအတိုင်း ပြည့်စုံစီခြင်းငှာ ဖြစ်၏။ **33** ပိလတ်သည် အိမ်တော်ထဲသို့ ပြန်ဝင်၍ ယေသျှုကို ခေါ်ပြီးလျှင် “သင်သည် ယုဒလူမျိုး၏ သျှင်ဘုရင်လား” ဟု မိန်း၏။ **34** “ဤမိန်းခွန်းသည် မင်းကြီး၏ စကားလား သို့မဟုတ် တခြားလူတို့က မင်းကြီးအား ငါ့အကြောင်းကို လျှောက်ကြသလော” ဟု ယေသျှုက မိန်းတော်မူ၏။ **35** ပိလတ်မင်းက “သင် ငါ့ကို ယုဒလူမျိုးဟု ထင်မှတ်နိုင်လား။ သင်ရိုလူမျိုးတို့နှင့် ယဇ်ပုရောဟိတ်အကြီးအကဲရိုက သင့်ကို ငါ့ပါးသို့ လာရောက်အပ်နှံကြ၏။ သင်သည် မည်သို့ ပြုလုပ်သနည်း” ဟု ပြန်ပြောလေ၏။ **36** ယေသျှုက “ငါ၏ နိုင်ငံတော်သည် ဤလောကနှင့် မသက်ဆိုင်၊ ဤလောကနှင့် သက်ဆိုင်လျှင် ငါ၏လူရိုသည် ငါ့ကို ယုဒအာဏာပိုင်တိ လက်ထဲသို့ မရောက်ရအောင် တိုက်ခိုက်ကြလိမ့်မည်။ သို့ရာတွင် ငါ၏နိုင်ငံတော်သည် ဤအရပ်နှင့် မသက်ဆိုင်” ဟု မိန်းတော်မူလေ၏။ **37** ပိလတ်မင်းက “သို့ဖြစ်လျှင် သင်သည် သျှင်ဘုရင်တစ်ပါး ဖြစ်ပါသလော” ဟု မိန်းပြန်၏။ ယေသျှုက “ငါသည် သျှင်ဘုရင်တစ်ပါးဖြစ်သည်ဟု သင်ဆို၏။ ငါသည် သမ္မာတရားကို သက်သိခံခြင်းငှာ ဤလောကထဲ၌ မွီးဖွားခြင်းကိုခံ၍ ဆင်းသက်လာ၏။ သမ္မာတရားနှင့် သက်ဆိုင်သောသူတိုင်းသည် ငါ့စကားကို နားထောင်ကြ၏” ဟု မိန်းတော်မူ၏။ **38** “သမ္မာတရားဆိုသည်မှာ ဇာလဲ” ဟု ပိလတ်မင်းက မိန်း၏။ ပိလတ်မင်းက ယုဒလူမျိုးတို့ပါးသို့ ပြန်လာပြီးလျှင် “ဤသူကို ပြစ်ဒဏ် ပီးစရာအကြောင်း ငါတစ်ခုမျှ မတို့။ **39** သို့သော်လည်း ပသခါပွဲချိန်၌ ငါသည် သင်ရိုအတွက် အကျဉ်းသားတစ်ယောက်ကို လွှတ်ပီးသော သင်ရို၌ ထုံးစံဟိသည်အတိုင်း ယုဒလူမျိုးများ၏ သျှင်ဘုရင်ကို သင်ရိုအတွက် ရွတ်ပီးလိုကြသလော” ဟု မိန်းသော်။ **40** သူရိုက “ဤသူကို မလွှတ်ပီးပါကော။ ဗာရဗ္ဗကိုသာ ရွတ်ပီးပါ” ဟု ပိလတ်အား အော်ဟစ်၍ တောင်းဆိုကြ၏။ ဗာရဗ္ဗသည်ကား လူဆိုးဒါးပြ တစ်ယောက်ဖြစ်လေ၏။

19 ထိုအခါ ပိလတ်မင်းက ယေသျှုကို ဆွဲယူကာ ကြာပွတ်ဖြင့် သတ်ခိုင်းလေ၏။ **2** စစ်သားရို့သည် ဆူးခက်ဖြင့် ယက်လုပ်ထားသော သရဖူကို သူ၏ဂေါင်းမှာ ဆောင်းစီပြီးမှ နီမောင်းသောဝတ်ရုံကို ဝတ်စီပြီး၊ **3** ကိုယ်တော်ထံသို့ ချဉ်းကပ်ကြပြီးလျှင် “ယုဒသျှင်ဘုရင် အသက် ရှည်ပါစီ” ဟု ပြောကာ ပါးကို သတ်ကြ၏။ **4** ပိလတ်မင်းက လူအစုအဝေးဟိရာသို့ တဖန် ထွက်လာပြီးလျှင် “ဤသူကို ပြစ်ဒဏ်ပီးစရာအကြောင်း တစ်ခုမျှ မတို့သည်ကို သင်ရို မြင်စီခြင်းငှာ ထုတ်ပြမည်၊ ကြည့်ကတိပါ” ဟု ပြောပြီးနောက် **5** ယေသျှုသည် နီမောင်းသော ဝတ်ရုံကို ဝတ်ဆင်လျက်၊ ဆူးဖြင့် ယက်လုပ်ထားသည့် သရဖူကို ဆောင်း၍ ထွက်လာသောအခါ ပိလတ်မင်းက “ဤသူပင် ဖြစ်၏” ဟု သူရိုအား ဆိုလေ၏။ **6** ယဇ်ပုရောဟိတ်အကြီးအကဲရိုနှင့် ဗိမာန်တော် အစောင့်စစ်သည်များက သူ့ကို မြင်ကြသောအခါ “ဤသူကို လက်ဝါးကပ်တိုင်မှာ တင်ပြီး သတ်ပစ်လိုက်ပါ၊ ဤသူကို လက်ဝါးကပ်တိုင်မှာ တင်ပြီး သတ်ပစ်လိုက်ပါ” ဟု အော်ဟစ် တောင်းဆိုကြ၏။ ပိလတ်မင်းက “သင်ရို့သည် သူ့ကို ခေါ်ဆောင်ပြီးလျှင် လက်ဝါးကပ်တိုင်တွင် တင်ပြီး အသိသတ်လိုက်ကြ။ သူ့အား အပြစ်စီရင်ရန် အကြောင်းကို ငါသည် ရှာမတို့” ဟု ဆိုလေ၏။ **7** ယုဒခေါင်းဆောင်ရိုက “ဤသူသည် သူ့ကိုယ်သူ ဘုရားသခင်၏သားဟု ပြောဆိုနိုင်သောကြောင့် ငါရို၏ ပညတ်တရားအတိုင်း အသိသတ်ပစ်ရပါမည်” ဟု ပြန်၍ ဖြေကြားကြ၏။ **8** ပိလတ်သည် ထိုသို့တောင်းဆိုသံကို ကြားသောအခါ အလွန်ကြောက်ရွံ့လျက်၊ **9** အိမ်တော်သို့ ပြန်ဝင်ပြီးလျှင် “သင်သည် ဇာအရပ်က လာသနည်း” ဟု ယေသျှုကို မိန်း၏။ သို့ရာတွင် ယေသျှုကလည်း ပြန်ပြောတော်မူ။ **10** ပိလတ်ကလည်း “သင်သည် ငါ့ကို စကားမပြောချင်သလား၊ ငါသည် သင့်ကို လွှတ်လိုက် လွှတ်နိုင်သည်၊ လက်ဝါးကပ်တိုင်မှာ တင်ပြီး သတ်လိုက် သတ်နိုင်သော အာဏာ အပြည့်အဝဟိသည်ကို သင်သည် မသိသလော” ဟု မိန်း၏။ **11** ယေသျှုက “ဘုရားသခင် အခွင့် မပီးလျှင် မင်းကြီးသည် ငါ၌ မည်သည့် အခွင့်အာဏာမျှ မဟိပါ။ ငါ့ကို မင်းကြီးလက်သို့ အပ်နှံသော သူသည် သာ၍ အပြစ်ကြီးပါ၏” ဟု ဆို၏။ **12** ဤစကားကို ပိလတ်ကြားသောခါ၊ သူသည် ယေသျှုကို ပြန်လွှတ်ရန် ကြိုးစားပြန်၏။ သို့ရာတွင် ယုဒလူမျိုး အပေါင်းရိုက “ထိုသူအား လွှတ်ပီးလိုက်လျှင် မင်းကြီးသည် ဧကရာဇ်မင်း၏ မိတ်ဆွီ

မဟုတ်ယာ၊ မိမိကိုယ်ကို ဘုရင်ဟု ဆိုသူသည် ဧကရာဇ်မင်း၏ ရန်သူသာ ဖြစ်ပါ၏” ဟု အော်ဟစ်ပြောဆိုကြ၏။ **13** ပိလတ်သည်လည်း ထိုစကားသံကို ကြားသောအခါ ယေသုရှိကို အပြင်သို့ ထုတ်လာပြီးမှ ယေဗြာသာစကားဖြင့် “ဂဗ္ဗသ” ဟု ခေါ်သည့် ကျောက်ပြား စကြာ၌ ဟိသော တရားပလ္လင်ထက်တွင် ထိုင်တော်မူ၏။ **14** ထိုနိဂ္ဂား ပသခါပွန့်အတွက် ပျင်ဆင်နိုင်ရသော အဖိတ်နိ မွန်းတည့်ချိန် ဖြစ်၏။ ပိလတ်က ယုဒလူအပေါင်းရှိအား “ဤသူကား သင်ရှိ၏ သျှင်ဘုရင်” ဟု ပြော၏။ **15** ထိုသူရှိက “သူ့ကို လက်ဝါးကပ်တိုင်မှာ တင်ပြီး သတ်ပစ်လိုက်ပါ။ သူ့ကို လက်ဝါးကပ်တိုင်မှာ တင်ပြီး သတ်ပစ်လိုက်ပါ။ သူ့ကို လက်ဝါးကပ်တိုင်မှာ တင်ပြီး သတ်ပစ်လိုက်ပါ” ဟု အော်ဟစ်၍ တောင်းဆိုကြ၏။ ပိလတ်မင်းက “သင်ရှိသည် ငါ့အား သင်ရှိ၏ သျှင်ဘုရင်ကို လက်ဝါးကပ်တိုင်မှာ တင်၍ သတ်ခိုင်းနိုင်ကြသလော” ဟု မိန်း၏။ ထိုအခါ ယဇ်ပုရောဟိတ်အကြီးအကဲများက “ငါရိုမှော ဧကရာဇ်ဘုရင် တစ်ပါးတည်းသာ ဟိပါ၏” ဟု ပြန်ပြောကြ၏။ **16** ထို့နောက် ပိလတ်က ယေသုရှိကို လက်ဝါးကပ်တိုင်မှာ တင်ပြီး အသိသတ်ရန် ထိုသူရှိ၏ လက်သို့ အပ်လိုက်လေ၏။ ထို့နောက် သူရှိသည် ယေသုရှိကို ထုတ်ယူလာကြ၏။ **17** ကိုယ်တော်သည် မိမိလက်ဝါးကပ်တိုင်ကို မိမိကိုယ်တိုင် ထမ်းရွက်ကာ “ဦးဂေါင်းခွံအရပ်” ဟု ခေါ်တွင်ကြသော အရပ်သို့ ထွက်လာကြ၏။ ထိုအရပ်ကို ဟေဗြာသာအားဖြင့် ဂေါလဂေါသ ဟု ခေါ်ကြ၏။ **18** သူရှိသည် ထိုနီရာ၌ အခြားနှစ်ယောက်နှင့်အတူ ယေသုရှိကို အလယ်၌ ထားကာ လက်ဝါးကပ်တိုင်မှာ တင်၍ သတ်လိုက်ကြ၏။ **19** ပိလတ်က “ယုဒလူမျိုးများ၏သျှင်ဘုရင် နာဇရက်မြို့သား ယေသု” ဟု ကဗျည်းစာ တစ်ခုကို ရိုးကာ လက်ဝါးကပ်တိုင်တွင် ချိတ်ဆွဲထားလေ၏။ **20** ထိုကဗျည်းစာကို ဟေဗြာသာ၊ လက်တင်ဘာသာ၊ ဟေလသဘာသာစကားများနှင့် ရိုးထား၏။ ယေသုရှိကို လက်ဝါးကပ်တိုင်မှာ တင်ပြီး သတ်ထားသော နီရာသည် မြို့နှင့် မစီးသောကြောင့် များစွာသော ယုဒလူမျိုးအပေါင်းရှိသည် ထိုစာကို ဖတ်ကြလေ၏။ **21** ယဇ်ပုရောဟိတ်အကြီးအကဲတို့က “‘ယုဒလူမျိုးများ၏ သျှင်ဘုရင်’ ဟု မရိုးပါကော၊ ထိုသို့ ရိုးမည့်အစား ‘ဤသူက ငါသည် ယုဒလူမျိုးတို့၏ သျှင်ဘုရင်ဖြစ်သည်ဟု ပြောဆို၏’ ဟူ၍ ရိုးပါ” ဟု ပိလတ်အား လျှောက်ထားကြလေ၏။ **22** သို့သော်လည်း ပိလတ်က “ငါရိုးထားသည့်အတိုင်း ငါရိုးထားပြီးပြီ” ဟု ပြန်၍ မိန့်တော်မူ၏။ **23** စစ်သားရှိသည် ယေသုရှိကို လက်ဝါးကပ်တိုင်မှာ တင်၍ သတ်ထားပြီးနောက် သူ၏အပြင်ဝတ်ရုံကို လေးပိုင်းပိုင်းကာ တစ်ယောက်လျှင် တစ်ပိုင်းစီ ခွဲဝီ၍ ယူကြလေ၏။ ကိုယ်တော်၏အတွင်းခံ အဝတ်သည် အထက်မှ အောက်သို့ထိတိုင်အောင် ခြွပ်ရိုး လုံးဝမဟိဘဲ ရက်လုပ်ထားခြင်းဖြစ်၏။ **24** စစ်သားတို့က “ဤဝတ်ရုံကို မဆုတ်မဖြဲ ကတ်ကော၊ ရထိုက်သောသူ ရယူစီခြင်းငှာ မဲနှိုက်၍ ဆုံးဖြတ်ကတ်မေ” ဟု အချင်းချင်း ပြောဆိုကြ၏။ ဤကား ကျမ်းစာ၌ ရိုးထားသည့်အတိုင်း၊ “သူရှိသည် ငါ၏အဝတ်ကို ပိုင်းဖြတ်ကာ ခွဲဝီ၍ ယူကြပြီးလျှင် ငါ၏ဝတ်ရုံကိုကား မဲနှိုက်၍ ယူကြလေ၏” ဟူသော စကား ပြည့်စုံလာစီရန် ဖြစ်လာခြင်း ဖြစ်၏။ သို့ ဖြစ်၍ စစ်သားရို့ ဤသို့ ပြုလုပ်ကြခြင်း ဖြစ်၏။ **25** ယေသုရှိ၏အမိ မာရိ၊ မယ်တော်မာရိ၏ညီမဖြစ်သူ ကလောဖ၏မယား မာရိနှင့် မာဂဒလရွာသူ မာရိရှိသည် ယေသုရှိ၏ လက်ဝါးကပ်တိုင်နားတွင် ရပ်လျက်ဟိကြ၏။ **26** ယေသုရှိသည် ထိုနီရာ၌ မတ်တပ်ရပ်နိုင်ကြသည့် သူ၏မိခင်နှင့် သူချစ်သော တပည့်တော် တစ်ယောက်ကို မြင်သောအခါ ကိုယ်တော်က မယ်တော်အား “သူသည် မယ်တော်၏သားဖြစ်၏” ဟု မိန့်တော်မူ၏။ **27** ထို့နောက် ဤတပည့်တော်အား “ထိုမိန်းမသည် သင်၏အမိ ဖြစ်၏” ဟု မိန့်တော်မူ၏။ ထိုအချိန်မှစ၍ ဤတပည့်တော်က မယ်တော်အား မိမိအိမ်၌ နီထိုင်ရန် ခေါ်ဆောင်လာလေ၏။ **28** ယေသုရှိသည် ကျမ်းစာပြည့်စုံစီခြင်းငှာ အလုံးစုံကို လုပ်ဆောင်ပြီးဖြစ်ကြောင်းကို သိတော်မူ၍ “ငါ ရီသောက်ငတ်တေ” ဟု မိန့်တော်မူ၏။ **29** ထိုနီရာတွင် ပုံးရည် အပြည့်တည့်ထားသော အိုးတစ်လုံး ဟိ၏။ ရီမြှုပ်တစ်ခုကို ယူ၍ ထိုအနား၌ဟိသော ပုံးရည်အိုးထဲတွင် နှိုက်ပြီးလျှင် ထိုရီမြှုပ်ကို ဟုသုပ်ပင် အကိုင်းဖျားမှာ တပ်၍ ကိုယ်တော်၏နှုတ်ခမ်းကို ကပ်၍ ထားကြ၏။ **30** ယေသုရှိသည် ထိုပုံးရည်ကို သောက်တော်မူပြီးမှ “အမှုပြီးပြီ” ဟု နှုတ်မှ မြွက်ဆိုလေ၏။ ထို့နောက် ဦးဂေါင်းကို ငိုက်စိုက်ချကာ မိမိ၏အသက်တော်ကို စွန့်တော်မူလေ၏။ **31** ထိုနီရာ၌ အဖိတ်နိဖြစ်၏။ နောက်တစ်နီရာသည် မြင့်မြတ်သော ဥပုသ်နိဖြစ်သဖြင့်

ထိုနိမိတ်တွင် လူသီအလောင်းများကို လက်ဝါးကပ်တိုင်၌ မဟိစီခြင်းငှာ ယုဒလူမျိုးအာဏာပိုင်များက လက်ဝါးကပ်တိုင်မှာ တင်၍ သတ်ထားခြင်းခံရသောသူများ၏ ခြံထောက်ကို ချိုး၍ လက်ဝါးကပ်တိုင်မှ ချခွင့်ပီးရန် ပိလတ်မင်းထံ တောင်းလျှောက်ကြ၏။ **32** ထို့ကြောင့် စစ်သားရို့သည် လာ၍ ယေသျှုနှင့်အတူ လက်ဝါးကပ်တိုင်၌ သတ်ထားသည့် လူနှစ်ယောက်အား တစ်ယောက်ပြီးတစ်ယောက် ခြံထောက်ကို သတ်၍ ချိုးကြ၏။ **33** သူရို့သည် ယေသျှုအပါးသို့ ရောက်သည့်အခါ ကိုယ်တော်သည် သီနိန်ပြီးဖြစ်ကြောင်းကို မြင်တို့ကြသည်ဖြစ်၍ ကိုယ်တော်၏ခြံထောက်ကို မချိုးဘဲ ထားခဲ့ကြ၏။ **34** စစ်သားတစ်ယောက်သည် ယေသျှု၏နံဘေးကို လှံနှင့် ထိုးလိုက်သဖြင့် သွီးနှင့် ရီသည် ချက်ချင်း ထွက်ကျလာ၏။ **35** သင်ရို့သည် ယုံကြည်စီခြင်းငှာ ဤအဖြစ်အပျက်ကို ကိုယ်တိုင် မြင်တို့ခသော သူတစ်ယောက်က ဤအကြောင်းကိုပြော၏။ သူသည် သမ္မာတရားအကြောင်းကို ပြောသည်ဖြစ်၍ သူ၏သက်သီခံချက်မှာ အမှန်ပင်ဖြစ်၏။ **36** ဤသို့ဖြစ်ပျက်ခဲ့သည်မှာ “သူ၏အရိုးတစ်ချောင်းကိုမျှ မကျိုးစီရ” ဟူသော ကျမ်းစာသည် အမှန်ပင် ပြည့်စုံလာခြင်းဖြစ်၏။ **37** ပြီးနောက် အခြားကျမ်းစာ တစ်ပိုဒ်တွင် “ထိုသူရို့သည် သူရို့၏လုံဖြင့် ထိုးထားသောသူကို ကြည့်ကြလိမ့်မည်” ဟု ဟောထား၏။ **38** ထို့နောက် အရိမသသိမြို့သားတစ်ယောက်ဖြစ်သော ယောသပ်သည် ပိလတ်မင်းထံပါးသို့ ဝင်၍ ယေသျှု၏အလောင်းကို ယူခွင့် တောင်းလျှောက်လေ၏။ ပိလတ်မင်းက ယူခွင့်ပီးလိုက်သဖြင့် အလောင်းတော်ကို ယူလားလေ၏။ ယောသပ်သည် ယေသျှု၏ တပည့်တော်တစ်ယောက် ဖြစ်သော်လည်း ယုဒအာဏာပိုင်များကို ကြောက်၍ လျှို့ဝှက်စွာ နီထိုင်သူ တစ်ယောက် ဖြစ်သည်။ **39** ယေသျှုနှင့် တို့ရန် ညဉ့်အခါ လာရောက်ဖူးသည့် နိကောဒင်သည်လည်း မုရန်နှင့် အကျော် ရောထားသော နံ့သာပေါင်း ပိဿာသုံးဆယ်ခန့်ကို ယူဆောင်ကာ ယောသပ်နှင့်အတူ လိုက်လား၏။ **40** သူရို့နှစ်ယောက်သည် ယေသျှု၏ အလောင်းတော်ကို ယူ၍ သင်္ဂြိုဟ်သည့်အခါ ယုဒလူမျိုးတို့ ဓလေ့ထုံးစံဟိသည့်အတိုင်း အမွှီးနံ့သာနှင့်အတူ ပိတ်ချောအဝတ်ဖြင့် ပတ်ရစ်ကြ၏။ **41** ယေသျှုကို လက်ဝါးကပ်တိုင်မှာ တင်ပြီး သတ်သည့်နီရာ၌ ဥယျာဉ်တစ်ခု ဟိလေ၏။ ထိုဥယျာဉ်၌ မည်သူတစ်ဦးတစ်ယောက်ကိုမှ သင်္ဂြိုဟ်ခြင်း မပြုရသိမ့်သော သင်္ချိုင်းဂူအသစ် တစ်ခု ဟိလေ၏။ **42** ယုဒလူမျိုး၏ အဓိကံနို့ဖြစ်သောကြောင့် သူရို့နှစ်ယောက်သည် ယေသျှု၏ အလောင်းတော်ကို ယူ၍ အနီးအနားတွင်ဟိသော ထိုသင်္ချိုင်းဂူထဲ၌ သွင်းထားကြလေ၏။

20 တလင်းဂနီနို့ မိုးထက်ဖက် မိုးမလင်းခင်အချိန်တွင် မာဂဒလရွာသူ မာရီသည် သင်္ချိုင်းဂူသို့ ရောက်လားရာ၊ ဂူပေါက်ဝ၌ ပိတ်ထားသော ကျောက်တုံးသည် ရွှံ့လျက်ဟိသည်ကို မြင်တို့လေ၏။ **2** သူမသည် သျှိုမုန်ပေတရုနှင့် ယေသျှုချစ်သော တပည့်တော်ပါးသို့ ဗြီးလား၍ “သူရို့သည် သခင်ဘုရားအလောင်းကို သင်္ချိုင်းဂူထဲက ထုတ်ယူလားသော၊ ဇာနီရာမှာ ထားကြသည်ကို အကျွန်ရို့ မသိပါ” ဟု ပြော၏။ **3** ထို့နောက် ပေတရုနှင့် တခြားသော တပည့်တော်တစ်ယောက်သည် သင်္ချိုင်းဂူသို့ လားကြ၏။ **4** နှစ်ယောက်သား အပြီးအလွှား လားကြ၏။ သို့ရာတွင် ထိုအခြားသော တပည့်တော်တစ်ယောက်သည် သင်္ချိုင်းဂူသို့ ပေတရုထက် ရှိုက ရောက်လေ၏။ **5** သူသည် သင်္ချိုင်းဂူကို ငုံ့ကြည့်သောအခါ အလောင်းကို ပတ်ရစ်ထားသည့် ပိတ်ချောကိုသာ တို့မြင်၏။ သို့သော် ဂူအတွင်းသို့ မဝင်ဘဲနိန်၏။ **6** သူ၏နောက်က ရောက်လာသော သျှိုမုန်ပေတရုသည် ဂူထဲသို့ တန်း၍ ဝင်လေ၏။ သူသည် အလောင်းကို ပတ်ရစ်ထားသော ပိတ်ချောစကိုလည်းကောင်း၊ **7** ယေသျှု၏ ဂေါင်းမှာ ပေါင်းထားသည့် အဝတ်သည် ပိတ်ချောစနှင့် အတူမဟိဘဲ တခြားစီ လိပ်လျက် ဟိသည်ကိုလည်းကောင်း တို့ရ၏။ **8** သင်္ချိုင်းဂူသို့ အယင်ရောက်သော တပည့်တော်သည်လည်း ဂူထဲသို့ ဝင်ကြည့်သောအခါမှ မြင်ရသည်ဖြစ်၍ ယုံလေ၏။ **9** ကိုယ်တော်သည် သီဆုံးခြင်းက ထမြောက်ရမည်ဆိုသော ကျမ်းစာကို သူရို့သည် နားမလည်ကြသိမ့်ပေ။ **10** ထို့နောက် တပည့်တော်ရို့သည် အိမ်သို့ ပြန်လားကြ၏။ **11** မာရီသည် သင်္ချိုင်းဂူအပြင်၌ ငိုလျက် ရပ်နိန်၏။ သူမသည် ငိုလျက် ဂူထဲသို့ ငုံ့ကြည့်သောအခါ **12** အဖြူရောင်ဝတ်ထားသော ကောင်းကင်တမန်နှစ်ပါးသည် ယေသျှု အလောင်းထားသည့်နီရာ၏ ဂေါင်းရင်း၌

တစ်ပါး၊ ခြိမ်းခြောက်စွာတစ်ပါး ထိုင်လျက် ဟိကြသည်ကို မြင်၏။ 13 သူရိုက “အို မိန်းမ၊ သင်သည် ဇာကြောင့် ငိုနီနီသနည်း” ဟု မိန်းမကြသော်၊ “အကျွန်၏ သခင်ဘုရားကို ယူလားကြသောသူရိုသည် ထိုအသျှင်အား ဇာနီရာမှာ ထားသည်ကို အကျွန် မသိလို့ပါ” ဟု သူမက ဆို၏။ 14 ထို့နောက် သူမသည် လှည့်ကြည့်လိုက်သောအခါ မတ်တပ်ရပ်နီနီသော ယေသျှုကို မြင်လေ၏။ သို့သော်လည်း သူမက ယေသျှုဖြစ်သည်ကို မသိ။ 15 “အသင် မိန်းမ၊ ဇာဖြစ်လို့ ငိုနီနီသနည်း၊ ဇာသူကို ရှာနီနီသနည်း” ဟု ယေသျှုက မိန်းမ၏။ သူမသည် ကိုယ်တော်ကို ဥယျာဉ်စောင့်တစ်ယောက်ဖြစ်သည်ဟု ထင်မှတ်လျက် “ဆရာ၊ သင်သည် သူ့ကို ယူလားသောသူဖြစ်လျှင် ဇာနီရာမှာ ထားသည်ကို အကျွန်ကို ပြောပြပါ၊ အကျွန်သည် သူ့ကို လား၍ ယူပါမည်” ဟု ပြောလေ၏။ 16 ယေသျှုက သူမအား “မာရီ” ဟု ခေါ်လိုက်၏။ မာရီကလည်း ကိုယ်တော်ဖက်သို့ လှည့်၍ ပေဗြာတာသာစကားအားဖြင့် “ရဗ္ဗနီ” ဟု ထူးလေ၏။ “ရဗ္ဗနီ” ဆိုသည်မှာ “ဆရာ” ဟူ၍ အဓိပ္ပာယ်ရ၏။ 17 “ငါသည် အဖထံပါးသို့ မတက်ရသိမ့်ဖြစ်၍ ငါ့ကို မဖက် ကျေဦး။ သို့သော်လည်း ငါသည် ငါ၏အဖတည်းဟူသော သင်ရို၏အဖနှင့် ငါ၏ဘုရားသခင်တည်းဟူသော သင်ရို၏ ဘုရားသခင်ပါးသို့ တက်ရဦးမည်အကြောင်းကို ငါ၏ညီအစ်ကိုတိပါးသို့ လား၍ ပြောပြလော့” ဟု ယေသျှုက မာရီအား ပြောလေ၏။ 18 ထို့နောက် မာဂဒလရွာသူ မာရီသည် တပည့်တော်တိပါးသို့ လားပြီးလျှင် သူမသည် သခင်ဘုရားကို တို့မြင်ခသည်ကိုလည်းကောင်း၊ ကိုယ်တော်က သူမအား မည်သို့ မိန့်မှာလိုက်သည်ကိုလည်းကောင်း သူရိုကို ပြောပြလေ၏။ 19 အချိန်ကား တလင်းဂနီနီ၏ မိုးချုပ်စချိန် ဖြစ်၏။ ယုဒအာဏာပိုင်တို့ကို ကြောက်၍ တပည့်တော်ရိုသည် တန်းခါး ပိတ်ကာ အတူတကွ စုရုံးလျက် နီနီကြ၏။ ထိုအခါ ယေသျှုသည် ဝင်ရောက်လာ၍ တပည့်တော်တိကြား၌ မတ်တပ်ရပ်ပြီးလျှင် “သင်ရို၌ ငြိမ်သက်ခြင်းဟိပါစီသောဝ်” ဟု နှုတ်ဆက်လေ၏။ 20 ယေသျှုသည် ထိုသို့ မိန့်တော်မူပြီးနောက် သူ၏လက်ဝါးနှင့် သူ၏နံဘေးကို သူ၏တပည့်တော်တိအား ပြ၏။ တပည့်တော်ရိုသည် သခင်ဘုရားကို မြင်ရ၍ အလွန်ဝမ်းမြောက်ကြ၏။ 21 ယေသျှုက “သင်ရို၌ ငြိမ်သက်ခြင်း ဟိပါစီသောဝ်” ဟု တဖန် နှုတ်ဆက်ပြီးလျှင် “အဖ က ငါ့ကို စီခွတ်သကဲ့သို့ သင်ရိုကိုလည်း ငါစီခွတ်လိုက်၏” ဟု မိန့်တော်မူ၏။ 22 ထို့နောက် သူရိုအထက်၌ မှုတ်တော်မူလျက် “သန့်ယုင်းသောဝိညာဉ်တော်ကို ခံယူကြလော့” ဟု မိန့်တော်မူ၏။ 23 “သင်ရိုသည် လူရို၏အပြစ်ကို လွှတ်လျှင် ထိုသူရိုသည် အပြစ်မှ လွတ်ခြင်းကို ခံရလိမ့်မည်၊ သင်ရိုသည် လူရို၏အပြစ်ကို မလွှတ်လျှင် ထိုသူရိုသည်လည်း အပြစ်မှ မလွတ်ကြ” ဟု မိန့်မှာတော်မူ၏။ 24 ယေသျှု ကြွလာတော်မူသောအခါ တပည့်တော်တစ်ဆယ့်နှစ်ပါးထဲက တစ်ပါးဖြစ်သော အမြွှာဟုခေါ်သည့် သောမသည် သူရိုနှင့်အတူ မဟိပေ။ 25 ထို့ကြောင့် “ငါရိုသည် သခင်ဘုရားကို တို့ပြီးပြီ” ဟု အခြားသောတပည့်တော်တိက သူ့ကို ပြောကြသောအခါ သောမ က “ကိုယ်တော်၏ လက်ဝါးနှစ်ဖက်၌ ဟိသော သံမှုတ်ဒဏ်ရာကို ငါ့လက်ဖျားနှင့် မထိရ၊ ကိုယ်တော်၏နံဘေးမှာဟိသော ဒဏ်ရာကို ကိုယ်တိုင် လက်နှင့် မစမ်းရလျှင် အကျွန်သည် ယုံကြည်လိမ့်မည် မဟုတ်ပါ” ဟု ပြော၏။ 26 တစ်ပတ်ကြာပြီးနောက် တပည့်တော်ရိုသည် အိမ်ထဲ၌ တဖန် အတူတကွ စုရုံးကြ၏။ သူရိုနှင့်အတူ သောမလည်း ပါ၏။ အိမ်တန်းခါးများကို ပိတ်ထားကြသော်လည်း ယေသျှုသည် ဝင်ရောက်လာပြီးလျှင် သူရိုအလယ်တွင် မတ်တပ်ရပ်လျက်၊ “သင်ရို၌ ငြိမ်သက်ခြင်းဟိပါစီသောဝ်” ဟု နှုတ်ဆက်တော်မူ၏။ 27 ထို့နောက် ကိုယ်တော်က သောမအား “သင်၏လက်ချောင်းဖြင့် ငါ၏လက်ဖဝါးတို့ကို စမ်းကြည့်လော့။ သင်၏လက်ကိုဆန့်၍ ငါ၏နံဘေးကို စမ်းကြည့်လော့။ သံသယကင်းစွာဖြင့် ငါ့ကို ယုံကြည်လော့” ဟု မိန့်တော်မူ၏။ 28 ထိုအခါ သောမသည်လည်း “ကိုယ်တော်သည် အကျွန်၏အသျှင်၊ အကျွန်၏ ဘုရားသခင် ပါတကား” ဟု လျှောက်လေ၏။ 29 ယေသျှုက သောမအား “သင်သည် ငါ့ကို မြင်ရသောကြောင့် ယုံကြည်သလော။ ငါ့ကို မမြင်ဘဲ ယုံကြည်သောသူသည် မင်္ဂလာဟိ၏” ဟု မိန့်တော်မူ၏။ 30 ယေသျှုသည် ဤစာအုပ်၌ ရိုးထားသော တခြားသော နိမိတ်လက္ခဏာများစွာကို သူ၏တပည့်တော်တိ ရှိ၌ ပြခေ၏။ 31 သို့သော်လည်း ယေသျှုသည် မေသျှိယတည်းဟူသော ဘုရားသခင်၏သားတော် ဖြစ်သည်ကို

ယုံကြည်ကြစီခြင်းငှာလည်းကောင်း၊ ထိုသို့ယုံကြည်ခြင်းအားဖြင့် ကိုယ်တော်၏နာမတော်မြတ်၌ အသက်ကို ရစီခြင်းငှာလည်းကောင်း ဤအရာများကို ရိုးထားခြင်းဖြစ်၏။

21 ထိုသို့ ဖြစ်ပျက်ပြီးနောက် ယေသျှုသည် တပည့်တော်တို့အား တိဗေရိအိုင်တွင် နောက်တဖန် ကိုယ်ထင်ပြတော်မူ၏။ ပြတော်မူသည်မှာ ဤသို့ ဖြစ်၏။ **2** သျှိုမှန်ပေတရနှင့် အမ္မာပူးဟု ခေါ်သည့် သောမ၊ ဂါလိလဲပြည် ကာနမ္မိသား နာသနေလ၊ ဇေဗေဒဲ၏ သားများနှင့် အခြားသော ယေသျှု၏တပည့်တော်နှစ်ယောက်သည်လည်း အတူတကွ ဟိန်နိကြ၏။ **3** သျှိုမှန်ပေတရက “အကျွန် ငါးဖမ်း လားဖို့ယာ” ဟု ပြောသောအခါ၊ တခြားလူတို့က “သင်နှင့်အတူ အကျွန်ရိလည်း လိုက်ပါဖို့” ဟု ဆို၍ သူရိသည် လောင်းတစ်စီးဖြင့် ထွက်လာကြ၏။ သို့ရာတွင် သူရိသည် ထိုညတွင် ဇာတစ်ခုမျှ မရကြပေ။ **4** မိုးလင်းလာသောအခါ ယေသျှုသည် ရီကမ်းစပ်နားတွင် ရပ်နိန့်တော်မူ၏။ သို့သော်လည်း တပည့်တော်တို့က ယေသျှုဖြစ်သည်ကို မသိကြ။ **5** ထိုအခါ ကိုယ်တော်က “မိတ်ဆွီရို့ ငါး မရကြသလော” ဟု သူရိအား မိန်း၏။ “တစ်ခုလည်း မရပါ” ဟု သူရိက ပြန်ပြောကြ၏။ **6** ကိုယ်တော်က “သင်ရို့၏ပိုက်ကို လောင်း၏ညာဖက်မှာ ချကြလော့၊ ငါးတိ ရလာလိမ့်မည်” ဟု မိန့်တော်မူသည့်အတိုင်း သူရိသည် ပိုက်ကို ချကြသောအခါ များစွာသော ငါးတိကို ဖမ်းမိသောကြောင့် ပိုက်ကိုပင် ဆွဲ၍ မတင်နိုင်ကြပေ။ **7** ယေသျှု ချစ်သောတပည့်တော်က “သခင်ဘုရား ဖြစ်ပေ၏” ဟု ပေတရအား ပြောလေ၏။ “သခင်ဘုရား ဖြစ်ပေ၏” ဟူသောစကား သျှိုမှန်ပေတရသည် ကြားလျှင်ကြားချင်း အဝတ်မဝတ်ဘဲ၊ အပြင်အင်္ကျီကို မိမိကိုယ်၌ ပတ်စည်းကာ ရီထဲသို့ ခုန်ဆင်းလေ၏။ **8** အခြားသော တပည့်တော်ရို့သည် ငါးများနှင့် ပြည့်နိန့်သော ပိုက်ကို လက်လံငါးဆယ်လောက် ကွာဝေးသည့်နိရာက လောင်းဖြင့် ဆွဲ၍ ကမ်းခြီသို့ လာကြ၏။ **9** သူရိသည် ကမ်းခြီသို့ ရောက်ကြသောအခါ မီးကျိုးခဲမီးဖိုကိုလည်းကောင်း၊ ကင်ထားသော ငါးများကိုလည်းကောင်း၊ မုန့်တချို့ကိုလည်းကောင်း တွဲကြလေ၏။ **10** ယေသျှုကလည်း “သင်ရို့အဂ္ဂ ဖမ်းမိသော ငါးတချို့ကို ယူခကြလော့” ဟု သူရိအား မိန့်တော်မူ၏။ **11** သျှိုမှန်ပေတရသည် လောင်းထက်သို့ ပြန်၍ တက်ပြီးလျှင် ငါးကြီး ၁၅၃ ကောင်နှင့် ပြည့်နိန့်သည့် ပိုက်ကွန်ကို ကုန်းထက်သို့ ဆွဲတင်လာ၏။ ငါးများသော်လည်း ပိုက်ကွန်သည် စုတ်ပြခြင်းမဟိပေ။ **12** ယေသျှုက “လာ၍ စားကြလော့” ဟု တပည့်တော်ရို့အား မိန့်တော်မူ၏။ တပည့်တော်တို့ကလည်း သခင်ဘုရား ဖြစ်တော်မူကြောင်းကို သိကြသောကြောင့် “သင်ကား ဇာသုဖြစ်သနည်း” ဟု မည်သူမျှ မမိန်းဝံ့ကြပေ။ **13** ယေသျှုသည်လာ၍ မုန့်ကို ယူပြီးလျှင် တပည့်တော်တို့ကို ပီးတော်မူ၏။ ထိုနည်းတူ ငါးကိုလည်း ပီးတော်မူ၏။ **14** ဤကား ယေသျှုသည် သိခြင်းက ထမြောက်ပြီးနောက် တပည့်တော်တို့အား သုံးကြိမ်မြောက် ကိုယ်ထင်ပြတော်မူခြင်းဖြစ်၏။ **15** သူရိသည် စားပြီးကြသောအခါ ယေသျှုက သျှိုမှန်ပေတရအား “ယောဟန်၏သား သျှိုမှန် သင်သည် ဤအရာတိထက် ငါ့ကို ပို၍ ချစ်သလော” ဟု မိန်းသော်၊ “ချစ်ပါ၏ အသျှင်၊ အကျွန်သည် ကိုယ်တော့်အား ချစ်သည်ကို ကိုယ်တော်သိပါ၏” ဟု ပြောလေ၏။ ယေသျှုက “ငါ၏သိုးငယ်တို့ကို စောင့်ရှောက်လော့” ဟု သျှိုမှန်ပေတရအား မိန့်တော်မူ၏။ **16** တဖန် ယေသျှုက “ယောဟန်၏သား သျှိုမှန် သင်သည် ငါ့ကို ချစ်သလော” ဟု ဒုတိယအကြိမ် မိန်းတော်မူပြန်၏။ သျှိုမှန်ပေတရက “ချစ်ပါ၏ အသျှင်၊ အကျွန်သည် ကိုယ်တော့်အား ချစ်သည်ကို ကိုယ်တော်သိပါ၏” ဟု လျှောက်သော်၊ ယေသျှုက “ငါ့ သိုးတို့ကို စောင့်ရှောက်လော့” ဟု သျှိုမှန်ပေတရအား မိန့်တော်မူ၏။ **17** ယေသျှုက “ယောဟန်သား သျှိုမှန် သင်သည် ငါ့ကို ချစ်သလော” ဟု တတိယအကြိမ် မိန်းတော်မူပြန်၏။ ယေသျှုက “သင်သည် ငါ့ကို ချစ်သလော” ဟု သူ့အား သုံးကြိမ် သုံးလီ မိန်းလာသောကြောင့် ပေတရသည် ဝမ်းနည်းလာ၏။ ထို့ကြောင့် သူသည် ကိုယ်တော့်ကို “အသျှင်၊ ကိုယ်တော်သည် အလုံးစုံကို သိတော်မူ၏၊ ကိုယ်တော့်ကို အကျွန် ချစ်သည်ကို ကိုယ်တော်သိပါ၏” ဟု လျှောက်လေ၏။ ယေသျှုက “ငါ၏ သိုးတို့ကို စောင့်ရှောက်လော့။ **18** ငါအမှန် ဆိုသည်ကား၊ သင်သည် အသက်အရွယ် နုပျိုသောအခါ

သင်၏ ခါးပတ်ကို ပတ်စည်း၍ သင်လားချင်သော အရပ်ကို လားနိုင်သော်လည်း အသက်အရွယ် ကြီးလာသောအခါ သင်၏ လက်နှစ်ဖက်ကို ဆန့်၍ လူတချို့က သင့်ကို ပတ်စည်းပြီးလျှင် သင် မလားချင်သောအရပ်သို့ ပို့ဆောင်ကြလိမ့်မည်” ဟု မိန့်တော်မူ၏။ 19 ဤကား ပေတရုသည် မည်သို့ သီရိမည်ကိုလည်းကောင်း၊ ဘုရားသခင်၏ဘုန်းတော်ကို မည်သို့ ထင်ရှားလိမ့်မည်ကိုလည်းကောင်း မိန့်တော်မူခြင်းဖြစ်၏။ ထို့နောက် ယေသျှုက ပေတရုအား “ငါ့နောက်သို့ လိုက်လော့” ဟု မိန့်တော်မူ၏။ 20 ပေတရုသည် နောက်ကို လှည့်၍ ကြည့်လိုက်သောအခါ ယေသျှု ချစ်သော တပည့်တော်သည် သူ့ရဲ့ နောက်မှ လိုက်လာသည်ကို မြင်လေ၏။ ထိုသူသည် တစ်ချိန်က ညစာ စားကြသောအခါ သခင်ဘုရား၌ မှီလျက် “သခင်ဘုရားကို ဇာသုက သစ္စာဖောက်လိမ့်မည်နည်း” ဟု မိန်းသော တပည့်တော်ဖြစ်၏။ 21 ပေတရုက သူ့ကို မြင်သောအခါ “အသျှင်ဘုရား၊ ဤသူကား ဇာပိုင် ဖြစ်လိမ့်မည်နည်း” ဟု ယေသျှုအား မိန်းလျှောက်၏။ 22 ယေသျှုက “ငါ ကြွလာသည့်တိုင်အောင် သူ့ကို အသက်ရှင်စီခြင်းငှာ ငါ အလိုဟိလျှင် သင်နှင့် ဇာဆိုင်လဲ၊ သင်မူကား ငါ့နောက်သို့ လိုက်လော့” ဟု ပေတရုအား မိန့်တော်မူ၏။ 23 ထို့ကြောင့် ဤတပည့်တော်သည် မသီ ဟူသော သတင်းသည် ယေသျှု၏နောက်လိုက်တိပါးသို့ ပြန့်နှံ့လားလေ၏။ သို့သော် ထိုသူ မသီ ဟု ကိုယ်တော်က ပြောခြင်း မဟုတ်ပေ။ “ငါ ကြွလာသည့်တိုင်အောင် သူ့အား အသက်ရှင်စီခြင်းငှာ ငါအလိုဟိလျှင် သင်နှင့် ဇာဆိုင်လဲ” ဟု ကိုယ်တော်က မိန့်တော်မူခြင်း ဖြစ်၏။ 24 ထိုတပည့်တော်ကား ဤအကြောင်းအရာများကို သက်သီခံ၍ ရိုးထားခသောသူ ဖြစ်၏။ သူ၏ သက်သီခံချက် မှန်သည်ကို ငါရဲ့ သိကြ၏။ 25 အဂုတွင် ယေသျှုပြုတော်မူသော အကြောင်းအရာများစွာ ဟိသိမ့်၏။ ဤအကြောင်းအရာ ဟိသမျှကို တစ်ခုပြီးတစ်ခု ရိုးသားမည်ဆိုလျှင် စာအုပ်များသည် လောကတစ်ခုလုံး မဆန့်နိုင်အောင် များပြားပေလိမ့်မည်ဟု အကျွန်ုပ် ထင်မြင်မိပါ၏။

တမန်တော်

1 အဆွီ သော်ဖိလု၊ ယေသျှုသည် အမှုတော်ဆောင်ရွက်ခြင်းနှင့် သွန်သင်ခြင်းတို့ကို အစပြုတော်မူသည့်အချိန်မှစ၍၊
2 ရှိုးကောက်တော်မူသော တမန်တော်တို့ကို သန့်ယှင်းသောဝိညာဉ်တော်အားဖြင့် မိန့်မှာတော်မူပြီးနောက် အထက်သို့ ဆောင်ယူခြင်း ခံတော်မူသောနို့တိုင်းအောင် ဖြစ်ပျက်သမျှတို့ကို ပထမစာစောင်၌ ငါရီးသားဖော်ပြခ၏။ **3** ကိုယ်တော်သည် အသီခံတော်မူပြီးနောက် ရက်ပေါင်းလေးဆယ်တိုင်အောင် တမန်တော်ရိုအား မိမိအသက်ရှင်တော်မူကြောင်းကို ခိုင်လုံသော သက်သီအားဖြင့် အကြိမ်ပေါင်းများစွာ ဖော်ပြတော်မူ၏။ တမန်တော်ရိုသည် ကိုယ်တော်ကို တို့မြင်ကြရပြီး၊ ကိုယ်တော်ကလည်း သူရိုအား ဘုရားသခင်၏ နိုင်ငံတော်အကြောင်းကို ဟောပြောသွန်သင်တော်မူ၏။ **4** သူရိုသည် စုရုံးလာကြသောအခါ ကိုယ်တော်က “ယေရုဆလင်မြို့မှ ထွက်မလားကတ်ကေ။ ငါ၏ခမည်းတော် ကတိပီးထားတော်မူသော ဆုကျေးဇူးတို့ကို စောင့်မျှော်နိုင်ကြလော့။ ထိုကတိတော်အကြောင်းကို အယင်က သင်ရိုကို ငါဖော်ပြထားပြီးဖြစ်၏။ **5** ယောဟန်က ရိ၌ ဗတ္တိဇံကို ပီး၏။ သို့သော် သင်ရိုသည် ရက်အင်တန်ကာလအတွင်း သန့်ယှင်းသောဝိညာဉ်တော်၌ ဗတ္တိဇံကို ခံရကြလိမ့်မည်” ဟု မိန့်တော်မူ၏။ **6** တမန်တော်ရိုသည် ယေသျှုနှင့် အတူတကွ တို့ဆုံကြသောအခါ “အသျှု၊ ဤအချိန်၌ ဣသရေလလူမျိုးတို့အတွက် နိုင်ငံတော်ကို ပြန်ပီးတော်မူပါမည်လော့” ဟု မိန့်လျှောက်ကြ၏။ **7** ယေသျှုက “ခမည်းတော်က မိမိ၏ အခွင့်အာဏာဖြင့် ဖြစ်လာမည့် အချိန်ကာလနှင့် နို့ရက်များကို သင်ရို သိပိုင်ခွင့်မဟိ။ **8** သို့ရာတွင် သင်ရိုအထက်၌ သန့်ယှင်းသောဝိညာဉ်တော် ဆင်းသက်လာသောအခါ၊ သင်ရိုသည် တန်ခိုးဖြင့် ပြည့်ဝပြီးလျှင် ယေရုဆလင်မြို့မှစ၍ ယုဒပြည်တစ်ခုလုံး၊ ယုာမာရိပြည်နှင့် ကမ္ဘာမြီကြီးအစွန်းတိုင်အောင် ငါ၏သက်သီဖြစ်ကြလိမ့်မည်” ဟု သူရိုအား မိန့်တော်မူ၏။ **9** ဤသို့ မိန့်တော်မူပြီးနောက် တမန်တော်ရို ကြည့်လျက်နိုင်ကြစဉ် ကိုယ်တော်သည် ကောင်းကင်ဘုံသို့ ချီဆောင်ခြင်းကို ခံတော်မူ၍ မိုးတိမ်သည် ကိုယ်တော်ကို ဖုံးကွယ်သဖြင့် သူရို မမြင်ရပေ။ **10** ထိုသို့ ကိုယ်တော် ကြွတော်မူစဉ် တမန်တော်ရိုသည် အာကာပြင်သို့ စုံစိုကြည့်နိုင်ကြ၏။ ထိုအခါ ဝတ်ဖြူစင်ကြယ်နှင့် လူနှစ်ယောက်သည် သူရိုအနားတွင် ရုတ်တရက် ရပ်လာပြီးလျှင်၊ **11** “ဂါလိလဲပြည်သားရို၊ ဇာဖြစ်လို့ ရပ်လျက် အာကာပြင်ကို ကြည့်နိုင်ကြသနည်း။ ယေသျှုသည် သင်ရိုပါးမှ ကောင်းကင်ဘုံသို့ ချီဆောင်ခြင်းကို ခံတော်မူသည်ကို သင်ရို မြင်ရသည့်နည်းတူ ကောင်းကင်မှ တမန် ကြွလာတော်မူလိမ့်မည်” ဟု ဆိုကြ၏။ **12** ထို့နောက် တမန်တော်ရိုသည် သံလွင်တောင်မှ မိုင်ဝက်ခန့်ဝီးသော ယေရုဆလင်မြို့သို့ ပြန်လာကြ၏။ **13** သူရိုသည် မြို့ထဲသို့ဝင်၍ မိမိရိုတည်းခိုသော အိမ်အထက်ခန်းသို့ တက်ကြ၏။ ထိုသူရိုကား သျှိုမှန်ပေတရု၊ ယောဟန်၊ ယာကုပ်၊ အဇေ၊ ဖိလိပ္ပ၊ သောမ၊ ဗာသောလမ၊ မသဲ၊ အာလဖဲ၏သား ယာကုပ်၊ မျိုးချစ်စိတ်ထက်သန်သူသျှိုမှန်နှင့် ယာကုပ်၏သား ယုဒရိုဖြစ်ကြ၏။ **14** သူရိုသည် ယေသျှု၏ မယ်တော်မာရီ အပါအဝင် မိန်းမတချို့နှင့် လည်းကောင်း၊ ကိုယ်တော်၏ ညီတော်များနှင့် လည်းကောင်း၊ မကြာမကြာ စုရုံး၍ အတူတကွ ဆုတောင်းလျက်နိုင်ကြ၏။ **15** ရက်အင်တန်ကြာပြီးနောက် ၁၂၀ ခန့် ဟိသော ယုံကြည်သူရို စုဝေးနိုင်ကြစဉ် ပေတရုသည် စကားပြောရန် ထ၍၊ **16** “ညီအစ်ကိုမောင်နှမရို၊ ယေသျှုကို ဖမ်းဆီးဖို့ လမ်းပြသူ ယုဒသျှာကရုတ်ကို ရည်မှတ်၍ သန့်ယှင်းသောဝိညာဉ်တော်က ဒါဝိဒ်အားဖြင့် ကျမ်းစာတော်မြတ်၌ ဖော်ပြသည့်အတိုင်း အမှန်ပင် ပြည့်စုံရမည်။ **17** ယုဒသျှာကရုတ်သည် ငါရိုအဖွဲ့ထဲက အဖွဲ့ဝင်တစ်ယောက်ဖြစ်ခ၏။ အကြောင်းမူကား သူသည် ငါရိုနှင့်အတူ အမှုတော်ဆောင်ရန် ရှိုးချယ်ခံထားသူ ဖြစ်ခ၏” ဟု ဟောပြောလေ၏။ **18** ယုဒသည် မတရားသဖြင့် ရသောဇီဖြင့် မြီတစ်ကွက်ကို ဝယ်ပြီးနောက် ထိုမြီကွက်တွင် လဲကျပြီး သီဆုံးကာ ဝမ်းပေါက်၍ အူများထွက်ကျလေ၏။ **19** ယေရုဆလင်မြို့၌ နီထိုင်သမျှသောသူ အပေါင်းရိုသည် ထိုအကြောင်းကို ကြား၍ ထိုမြီကွက်ကို မိမိရို ဘာသာစကားဖြင့် အကေလဒမဟု ခေါ်ဆိုကြ၏။ ၎င်း၏အနက်ကား “သိုးမြီ” ဟူ၍ ဖြစ်၏။ **20** “ဆာလံကျမ်းစာ၌၊ “သူ၏ အိမ်သည် လူကင်းမဲ့သောအိမ် ဖြစ်ပါစီ” ‘ထိုအိမ်၌ နီထိုင်သူ တစ်ယောက်လည်း မဟိပါစီကေ။’

‘သူ၏ အရိုက်အရာကိုလည်း တခြားသူ ယူပါစိ’ ဟု ရိုးသားထားပါ၏။ 21 “ထို့ကြောင့်၊ အသျှင်ယေသျှုသည် ငါရဲ့ပါး၌ ဝင်ထွက်လားလာသည့် အချိန်တလျှောက်လုံး ငါရဲ့နှင့်အတူ နီထိုင်သသူတစ်ဦး ဖြစ်ရမည်။ 22 ထိုသူသည် ယောဟန်၏ ဗတ္တိဇာတရာအကြောင်းကို ဟောပြောနိုင်သည့် အချိန်မှစ၍ ယေသျှုကို အကျွန်ရဲ့ပါးမှ ကောင်းကင်ဘုံသို့ ချီဆောင်ခြင်းကို ခံတော်မူချိန်ထိတိုင်အောင် ငါရဲ့နှင့်အတူ နီထိုင်သသူတစ်ဦး ဖြစ်ရမည်။ ကိုယ်တော်၏ ရှင်ပြန်ထမြောက်ခြင်းအကြောင်းကို ငါရဲ့နှင့်အတူ သက်သိခံဖို့ရန် လူတစ်ယောက်ဖြစ်ရမည်” ဟု ဆို၏။ 23 ထို့ကြောင့် တပည့်တော်ရဲ့သည် လူနှစ်ယောက်ကို အဆိုပြုကြ၏။ ထိုသူနှစ်ယောက်သည်ကား ဗာသျှုဗဟု ခေါ်သော ယုတ္တု၊ အမည်သစ်ကိုရသော ယောသပ်နှင့် မသိရို့ ဖြစ်ကြ၏။ 24 ထို့နောက် တပည့်တော်ရဲ့သည် “အို အသျှင်ဘုရား၊ ကိုယ်တော်သည် လူတိစိတ်နှလုံးကို သိတော်မူပါ၏။ ဤသူနှစ်ယောက်ထဲက ဇာသုကို ကိုယ်တော်သျှင်က ရွီးချယ်ခန့်ထားတော်မူကြောင်းကို အကျွန်ရဲ့ကို ဖော်ပြပီးတော်မူပါ။ 25 အကြောင်းမူကား မိမိနှင့် ထိုက်တန်သောအရပ်သို့ ထွက်ခွာလားသော ယုဒ၏နီရာ၌ တမန်တော်တစ်ပါးအဖြစ် အမှုတော်ကို ဆောင်ရွက်ရန် ဖြစ်ပါသည်” ဟု ဆုတောင်းကြ၏။ 26 ထို့နောက် သူရို့နှစ်ယောက်ကို မဲဖြင့်ရွီးချယ်ကြရာ မသိသည် မဲကျသဖြင့် သူ့အား တမန်တော် တစ်ကျိပ်တစ်ပါးရဲ့နှင့်အတူ တမန်တော်အဖြစ် ရွီးချယ်ခန့်ထားကြ၏။

2 ပင်တေကုတ္တေပွဲတော်နို့ ရောက်သောအခါ ယုံကြည်သူအပေါင်းရဲ့သည် တစ်နီရာတည်းတွင် စုရုံးနိုင်ကြ၏။ 2 ထိုအခါ လီပြင်း တိုက်ခတ်သံနှင့်တူသော အသံသည် အာကာပြင်မှ ရုတ်တရက်ပေါ်လာပြီး တပည့်တော်တိ နီထိုင်ရာအိမ်တစ်ခုလုံးသည် ထိုအသံနှင့် ပြည့်လေ၏။ 3 ထို့နောက် လျှာနှင့်တူသော မီးတောက်များသည် အဖြာဖြာကွဲလျက် သူရို့အသီးသီးအထက်၌ တည်နိုင်သည်ကို မြင်ရကြ၏။ 4 ထိုအခါ ထိုသူအပေါင်းရဲ့သည် သန့်ယုင်းသောဝိညာဉ်တော်နှင့် ပြည့်ဝပြီးလျှင် ဝိညာဉ်တော်သည် ထိုသူရို့အား အခွင့်ပီးသောကြောင့် အခြားသော ဘာသာစကားများဖြင့် စတင်၍ ပြောဆိုကြ၏။ 5 ထိုကာလတွင် လောက၌ဟိကြသော တိုင်းပြည်အသီးသီးမှ လာကြသည့် ဘာသာစကား ကြည်ညိုသူ ယုဒလူမျိုးများသည် ယေရုဆလင်မြို့၌ တည်းခိုနိုင်ကြ၏။ 6 ထိုအသံကို ကြားသောအခါ လူအပေါင်းရဲ့သည် စုရုံးလာကြ၏။ တပည့်တော်ရဲ့ ဟောပြောချက်များကို လူတိုင်း မိမိဘာသာစကားအားဖြင့် ကြားရသည်ဖြစ်၍ သူရို့သည် အံ့မောကျကြ၏။ 7 သူရို့သည် အံ့မောကျကြလျက်၊ “ဤကဲ့သို့ ဟောပြောနိုင်ကြသော ဤလူတိကား ဂါလိလဲပြည်သားတိ မဟုတ်ပါလား။ 8 သို့ ဖြစ်၍ ငါရို့အသီးသီးသည် ငါရို့၏ ဇာတိဘာသာစကားအတိုင်း ကြားရသည်ကား ဇာပိုင်ဖြစ်သနည်း။ 9 ငါရို့သည် ပါတိပြည်၊ မေဒိပြည်၊ ဧလဲပြည်၊ မေသောပေါတာမိပြည်၊ ယုဒပြည်၊ ကပ္ပဒေါက်ပြည်၊ ပုန္နုပြည်၊ အာယိပြည်၊ 10 ဖြူဂိပြည်၊ ပမ်ဖုလိပြည်၊ အဲဂုတ္တုပြည်နှင့် ကုရေဗမြို့အနား လိဗုနယ်ပယ်ဒေသတိမှ လာကြသူများ ဖြစ်ကြ၏။ ငါရို့ထဲက တချို့သော သူရို့ကား ရောမမြို့မှ ရောက်လာသော။ 11 ယုဒအမျိုးသားတိနှင့် ယုဒဘာသာသို့ ကူးပြောင်းလာကြသော တခြားလူမျိုးတိ ဖြစ်ကြပြီး၊ ငါရို့ထဲမှ တချို့သည် ကုရေဗတပြည်သားနှင့် အာရပ်အမျိုးသားများ ဖြစ်ကြ၏။ သို့သော် ငါရို့သည် ဘုရားသခင်ပြုတော်မူသော ကြီးမြတ်သည့် အမှုများကို ငါရို့ဘာသာစကားဖြင့် သူရို့ ဟောပြောသည်ကို ကြားရလား” ဟု ဆို၏။ 12 သူရို့သည် အံ့မောကျလျက် ဝေခွဲမရဖြစ်ကာ “ဤအမှုအရာကား ဇာသို့သောအမှုအရာ ဖြစ်သနည်း” ဟု အချင်းချင်း ပြောဆိုကြ၏။ 13 သို့သော် အခြားသူတိက ယုံကြည်သူရို့အား “ဤသူရို့ကား ယစ်မူးနိုင်ကြသော သူများဖြစ်ကြ၏” ဟု ကဲ့ရဲ့ပြောဆိုကြ၏။ 14 ထို့နောက် ပေတရုသည် တစ်ကျိပ်တစ်ပါးသော တမန်တော်ရဲ့နှင့်အတူ ရပ်လျက် ကျယ်သောအသံဖြင့် လူအစုအဝေးကြီးအား ပြောဆိုသည်မှာ “ယုဒအမျိုးသားရဲ့နှင့် ယေရုဆလင်မြို့၌ နီထိုင်သူအပေါင်းရို့၊ ငါ့စကားကို နားထောင်ကြလော့။ ဤအမှုအရာတိကို ငါယုင်းပြပါမည်။ 15 အဂုအချိန်ကား မိုးထဖက် ကိုးချက်တီးအချိန်သာ ဟိသိမ့်သည်ဖြစ်၍ သင်ရို့ထင်သည်အတိုင်း ဤသူရို့သည် ယစ်မူးနိုင်ကြသည် မဟုတ်။ 16 ဤအရာသည် ပရောဖက်ယောလ ဟောပြောသောအရာ အမှန်ပင်ဖြစ်၏။ ဟောပြောသော အကြောင်းအရာမူကား၊ 17 “ဘုရားသခင် မိန့်တော်မူသည်ကား

နောက်ဆုံးသောနိတွင်၊ ငါသည် လူအပေါင်းရိုအထက်၌ ငိုဝံ့ညာဉ်တော်ကို သွန်းလောင်းမည်။ သင်ရို၏ သားသမီးရှိသည် ငါ့နှုတ်ကပါတ်တရားတော်ကို ဟောပြောကြလိမ့်မည်။ သင်ရို၏ လူငယ်တိ ဗျာဒိတ်ရူပါရုံကို ရကြပြီးလျှင်၊ သင်ရို၏ လူအိုတိလည်း အိပ်မက်တိကို မြင်မက်ရကြလိမ့်မည်။ 18 ထိုနို့ရက်၌ ငါ၏အခိုင်းအစီ ယောက်ျားနှင့် မိန်းမတိအထက်၌ ငိုဝံ့ညာဉ်တော်ကို သွန်းလောင်းပြီးလျှင်၊ သူရိုသည် ပရောဖက်ဉာဏ်ဖြင့် ဟောပြောကြလိမ့်မည်။ 19 အာကာပြင်ထက်၌ နိမိတ်လက္ခဏာတိကိုလည်းကောင်း၊ အောက်အရပ် မြို့ကြီးထက်၌ အံ့သြဖွယ်ရာတိ ဖြစ်ကြသော သွီး၊ မီးလျှံ၊ မီးခိုးလုံး စသည်ရှိကိုလည်းကောင်း ငါပြမည်။ 20 သခင်ဘုရား၏ ထူးမြတ်သောနို့ မကျရောက်ခင်၊ နီမင်းသည် မှောင်မှိုက်အတိ ဖြစ်၍ လသည်လည်း သွီးကဲ့သို့ နီလိမ့်မည်။ 21 ထိုအခါ သခင်ဘုရားထံ ကူညီမစခြင်းကို တောင်းခံကြသောသူမှန်သမျှသည် ကယ်တင်တော်မူခြင်းကို ခံရလိမ့်မည်’ ဟူ၍ ဟောပြော၏။ 22 “အို၊ ကုသရေလအမျိုးသားရို့ ငါ့စကားကို နားထောင်ကြလော့။ နာဇရက်မြို့သား ယေသျှုသည် ဘုရားသခင်၏ အံ့ဖွယ်ရာများနှင့် နိမိတ်လက္ခဏာများကို ပြသခသော ဘုရားသခင်၏ အခွင့်အာဏာရသည့် လူသားတစ်ယောက်ဖြစ်ကြောင်းကို သင်ရိုအား ထင်ရှားစွာ သက်သီပြတော်မူဃာ။ ထိုအရာများသည် သင်ရိုကြားမှာ ဖြစ်ပျက်ခသည်ကို သင်ရိုကိုယ်တိုင် သိခကြ၏။ 23 ဘုရားသခင်သည် ယေသျှုကို သင်ရိုလက်သို့ အပ်နှံလိမ့်မည်ဟု ဆုံးဖြတ်ထားသော မိမိ၏ အကြံအစည်တော်အတိုင်း သင်ရိုသည် မတရားသောသူရိုလက်သို့ အပ်နှံ၍ လက်ဝါးကပ်တိုင်၌ ထိုအသျှင်ကို တင်၍ ကွပ်မျက်ကြ၏။ 24 သို့သော်လည်း ဘုရားသခင်သည် ထိုအသျှင်ကို သီခြင်းတရားမှ ထမြောက်စီတော်မူပြီး သီခြင်းတရား၏တန်ခိုးမှ လွတ်မြောက်စီတော်မူ၏။ ဇာကြောင့်ဆိုသော် သီခြင်းတရားသည် ထိုအသျှင်ကို အစဉ်အမြဲ ချုပ်နှောင်ထား၍ မရနိုင်။ 25 ထိုအသျှင်နှင့်ပတ်သတ်၍ ဒါဝိဒ်က၊ “ငါသည် သခင်ဘုရားကို အစဉ်မပြတ် မျက်မှောက်ပြု၏။ ဇာကြောင့်ဆိုသော် ငါသည် ဒုက္ခဆင်းရဲခြင်းမှ ကင်းလွတ်စီရန်၊ ကိုယ်တော်သည် ငါ့အနား၌ ဟိတော်မူ၏။ 26 ထို့ကြောင့် ငါ၏ စိတ်နှလုံးသည် ပျော်ရွှင်၍၊ ငါ့စကားသည်လည်း ရွှင်မြူးခြင်းနှင့် ပြည့်ဝနိုင်၏။ ငါ၏ ခန္ဓာသည်လည်း၊ မျှော်လင့်ခြင်း၌ ခိုလှုံလိမ့်မည်။ 27 ဇာကြောင့်ဆိုသော် ကိုယ်တော်သည် ငါ့ရိုကို မရဏာနိုင်ငံ၌ စွန့်ပစ်ထားတော်မူသည် မဟုတ်။ ကိုယ်တော်၏ သန့်ယှင်းသူတိကိုလည်း သင်္ချိုင်းတွင်း၌ ပုပ်ပျက်စီတော်မူမည် မဟုတ်။ (Hadēs g86) 28 ကိုယ်တော်သည် ငါ့အား အသက်ရှင်ခြင်းလမ်းကို ပြည့်န်တော်မူပြီး၊ ရှိတော်၌ ငါ့ကို ဝမ်းမြောက်ခြင်းနှင့် ပြည့်ဝစီတော်မူလိမ့်မည်’ ဟု ဆို၏။ 29 “ညီအစ်ကိုမောင်နှမရို့၊ ငါရို၏ ထင်ရှားသော ရိုးအဖိုးအစီး ဒါဝိဒ်မင်းကြီးနှင့်ပတ်သတ်၍ ငါသည် သင်ရိုအား အတိအလင်း ပြောပြပါမည်။ သူသည် သီလွန်ပြီး သဂြိုဟ်ခြင်းကိုခံရလျှင်လည်း သူ၏ သင်္ချိုင်းဂူသည် ဤနို့တိုင်အောင် ငါရိုအရပ်၌ ဟိသိမ့်၏။ 30 သူသည် ပရောဖက်ဖြစ်၍ ဘုရားသခင်၏ ကတိတော်သည် သူ၌ ဟိကြောင်းကိုသိ၏။ ဘုရားသခင်သည် မိမိကို သျှင်ဘုရင်အဖြစ် ချီးမြှောက်သကဲ့သို့ မိမိ၏သားမြီးတစ်ယောက်ကို မိမိ၏ပလ္လင်ထက်၌ ထိုင်စီမည်ဟု ဘုရားသခင် ကျိန်ဆိုသော ကတိတော်ကို သိ၏။ 31 နောင်အခါ၌ ဘုရားသခင်က ဇာသို့ပြုတော်မူမည်ကို ဒါဝိဒ်သည် မြင်ခပြီး ခရစ်တော်၏ ရှင်ပြန်ထမြောက်ခြင်း အကြောင်းနှင့်ပတ်သတ်၍ “ကိုယ်တော့်ကို မရဏာနိုင်ငံ၌ စွန့်ပစ်ထားတော်မူ၊ ကိုယ်တော်၏ ခန္ဓာတော်ကိုလည်း သင်္ချိုင်းထဲ၌ ပုပ်ပျက်စီတော်မူရန် မဟုတ်’ ဟု ဟောပြော၏။ (Hadēs g86) 32 ဘုရားသခင်က ထိုအသျှင်ယေသျှုအား သီခြင်းတရားမှ ထမြောက်စီတော်မူကြောင်းကို ငါရိုအားလုံးသည် ထိုအကြောင်းရင်း၏ သက်သီပင်ဖြစ်ကြ၏။ 33 ကိုယ်တော့်ကို ဘုရားသခင်၏ လက်ယာတော်ဖက်၌ ချီးမြှောက်တော်မူပြီးနောက် ကတိထားတော်မူသည်အတိုင်း သန့်ယှင်းသောဝိညာဉ်တော်ကို ခမည်းတော်ထံမှ ခံယူလေ၏။ အဂုတွင် သင်ရို တို့မြင်ကြားသိနိုင်သော ထိုဝိညာဉ်တော်ကို ငါရိုအထက်၌ သွန်းလောင်းတော်မူပြီ။ 34 ဒါဝိဒ်သည် ကောင်းကင်ဘုံသို့ ချီဆောင်ခြင်းခံရသည် မဟုတ်။ သို့သော်လည်း ဒါဝိဒ်က၊ ‘သခင်ဘုရားသည် ငါ့အသျှင်ကို မိန့်တော်မူသည်ကား၊ 35 သင်၏ရန်သူတိကို သင်၏မြီအောက်၌ ခြံတင်ခံဖြစ်စီရန် ငါ ပြုပီးသည်တိုင်အောင် ငါ့လက်ယာဖက်၌ ထိုင်နိုင်လော့’ ဟု

ဆို၏။ 36 “ထို့ကြောင့် ကုသရေလူမျိုးအပေါင်းရှိ သင်ရှိက လက်ဝါးကပ်တိုင်း၌ တင်သတ်လိုက်သော ယေသုရှုသည် သခင်အဖြစ်နှင့် လည်းကောင်း၊ မေသျှိယအဖြစ်နှင့် လည်းကောင်း ဘုရားသခင်က ခန့်ထားသောသူဖြစ်ကြောင်းကို စွဲမြဲစွာ သိမှတ်ကြလော့” ဟု ဟောလေ၏။ 37 ထိုစကားကို ကြားရသောအခါ သူရို၏စိတ်နှလုံးသည် လွန်စွာ ပူပင်သောကရောက်ကြလျက် ပေတရုနှင့် အခြားတမန်တော်ရှိအား “ညီအစ်ကိုရို၊ ငါရို၊ ဇာသို့ ပြုရပါမည်နည်း” ဟု မိန်းမြန်းကြ၏။ 38 ပေတရုက၊ “သင်ရို၏အပြစ်မှ ခွင့်ရွတ်ခြင်းရစီရန် တစ်ယောက်စီတိုင်း နောင်တရပြီးလျှင် ယေသု့ခရစ်တော်၏ နာမတော်မြတ်၌ ဗတ္တိဇံကို ခံယူကြလော့။ ထိုသို့ပြုလျှင် ဘုရားသခင်၏ လက်ဆောင်ဖြစ်သော သန့်ယုင်းသောဝိညာဉ်တော်ကို လက်ခံရကြလိမ့်မည်။ 39 အကြောင်းမူကား ဘုရားသခင်၏ ကတိတော်သည် သင်ရိုနှင့် သင်ရို၏သားသမီးတိမ္မစ၍ အစီး၌ဟိသောသူ အားလုံး၏အသျှင် ငါရို၏ဘုရားသခင် ခေါ်တော်မူသော သူရိုအတွက်ဖြစ်၏” ဟု ဆိုလေ၏။ 40 ပေတရုသည် အခြားသော စကားများဖြင့် သတိပီးလျက်၊ “သင်ရိုသည် မတရားသောသူရှိ၌ ကျရောက်လာမည့် ပြစ်ဒဏ်မှ မိမိကိုယ်ကို ကယ်တင်ကြလော့” ဟု ထိုသူရိုအား တိုက်တွန်းလေ၏။ 41 ထိုအခါ ပေတရု၏စကားကို လက်ခံယုံကြည်သော များစွာသော သူရိုသည် ဗတ္တိဇံကိုခံယူကြသဖြင့် ထိုနှို၌ လူပေါင်း ၃,၀၀၀ ခန့် တိုးပွားလေ၏။ 42 ထိုသူရိုသည် တမန်တော်ရှိ၏ သွန်သင်ခြင်းကိုခံယူခြင်း၊ မိတ်ဖွဲ့ခြင်း၊ မုန့်ဖွဲ့ခြင်း၊ ဆုတောင်းခြင်းများဖြင့် အချိန်ကုန်လွန်စီကြ၏။ 43 တမန်တော်ရှိသည် များစွာသော အံ့ဩဖွယ်ရာများနှင့် နိမိတ်လက္ခဏာများကို ပြကြသဖြင့် လူတိုင်းက အလွန်ကြောက်လန့်ကြကုန်၏။ 44 ယုံကြည်သူ အားလုံးသည် အတူတကွ မိတ်ဖွဲ့နှိုင်းထိုင်ကြ၍ မိမိဥစ္စာပစ္စည်းများကို အချင်းချင်း ဝီမျှသုံးဆောင်ကြလေ၏။ 45 သူရိုသည် မိမိဥစ္စာများနှင့် ပိုင်ဆိုင်မှုများကိုရောင်းချ၍ ရဟိတသမ္ဘိတများကို တစ်ဦးချင်း လိုအပ်မှုဟိသည်အတိုင်း ဝီမျှကြ၏။ 46 သူရိုသည် နှိမ့်နိမ့်တိုင်း ဗိမာန်တော်၌ စုဝေးကြပြီးလျှင် သူရို၏အိမ်များတွင် မုန့်ကိုဖွဲ့လျက် စေတနာစိတ်နှင့် ဝမ်းမြောက်စွာ အတူတကွ အစားအစာများကို သုံးဆောင်ကြကာ၊ 47 ဘုရားသခင်ကိုလည်း ချီးမွမ်းပြီးလျှင် လူအပေါင်းရှိ၍တွင် မျက်နှာပွင့်လန်းလျက် ဟိကြ၏။ သခင်ဘုရားသည်လည်း ကယ်တင်ခြင်းခံရသူရို၏ အရီအတွက်ကို နှိမ့်နိမ့်နှင့်အမျှ တိုးပွားစီတော်မူ၏။

3 တစ်နှို၌ ပေတရုနှင့် ယောဟန်ရှိသည် မွန်းလွဲ သုံးချက်တီး ဆုတောင်းသောအချိန်တွင် ဗိမာန်တော်သို့ လားကြ၏။ 2 ထိုစဉ် လူတိက ဝမ်းတွင်းပါ ခြိမသန်စွမ်းသူ ယောကျ်ားတစ်ယောက်ကို ထမ်းလာကြ၏။ ဗိမာန်တော်ထဲသို့ လာကြသောသူတိပါးမှ ငွီကြေးတောင်းခံနိုင်ရန် နှိမ့်နိမ့်တိုင်း ထိုသူကို တင့်တယ်ဟု ခေါ်သော တန်းခါးအနားတွင် ချထားလေဟိကြ၏။ 3 ထိုသူသည် ပေတရုနှင့် ယောဟန်ရှိ ဗိမာန်တော်ထဲသို့ ဝင်လာသည်ကို မြင်လျှင် တစ်စုံတစ်ခုကို ပီးကမ်းစွန့်ကြရန် သူရိုအား တောင်းခံလေ၏။ 4 သူရိုသည် သူ့ကို စိစိကြည့်လျက်၊ ပေတရုက “ငါရိုကို ကြည့်လော့” ဟု ဆိုလျှင်၊ 5 ထို့ကြောင့် သူသည် သူရိုပါးမှ တစ်စုံတစ်ခုရမည်ဟု မျှော်လင့်လျက် သူရိုကိုကြည့်လေ၏။ 6 သို့သော် ပေတရုက “ငါ၌ ငွီကြေးမဟိ၊ ယေဒါလေ ဟိသောအရာကို သင့်အား ပီးမည်။ နာဇရေမြို့သား ယေသု့ခရစ်တော်၏ နာမတော်မြတ်အားဖြင့် ထ၍ လှမ်းလားလော့” ဟု ဆို၏။ 7 ထို့နောက် ပေတရုသည် မိမိ၏ ညာဖက်လက်ဖြင့် ဆွဲကိုင်ကာ ထူမလိုက်သည်နှင့်တပြိုင်နက် သူ၏ခြံနှင့် ခြံဆစ်ရုံသည် ချက်ချင်း သန်မာလာသဖြင့်၊ 8 ထိုသူသည် ထခုန်လျက် ရပ်ကာ လမ်းလျှောက်လေ၏။ ထို့နောက် ဘုရားသခင်၏ဂုဏ်တော်ကို ချီးမွမ်းလျက် ခုန်ပေါက်လမ်းလျှောက်ကာ ဗိမာန်တော်ထဲသို့ သူရိုနှင့်အတူ လိုက်လားလေ၏။ 9 ထိုသူသည် လျှောက်လှမ်းစဉ် ဘုရားသခင်အား ချီးမွမ်းသည်ကို ထိုနီရာ၌ဟိသော လူအပေါင်းရှိသည် မြင်ကြ၏။ 10 ထိုသူသည် တင့်တယ်တန်းခါးတွင် ထိုင်လေဟိသည့် သူတောင်းစားဖြစ်ကြောင်းကို မှတ်မိကြသဖြင့် သူရိုသည် ထိုသူ၌ ဖြစ်ပျက်သည့် အမှုအရာများကို အလွန်ပင် အံ့ဩကြ၏။ 11 ထိုသူသည် ပေတရုနှင့် ယောဟန်ရှိကို ကပ်လျက်နှိမ့် လူအပေါင်းရှိသည် အံ့ဩသဖြင့် ထိုသူရိုဟိရာ သျှောလမုန်မုန်ဟုခေါ်သော နီရာသို့ ပြီး၍ လားကြ၏။ 12 ပေတရုသည် ထိုသူရိုကို မြင်သောအခါ “ကုသရေလူအမျိုးသားရို၊ ဇာဖြစ်လို့ ဤအမှုအရာကို အံ့ဩနိုင်ကြပြီး၊ ဇာကြောင့် ငါရိုကို စိစိကြည့်နိုင်ကြသနည်း။ ငါရို၏ တန်ခိုး၊ ငါရို၏ အကျင့်သီလအားဖြင့် ဤလူကို

လမ်းလျှောက်နိုင်အောင် လုပ်နိုင်သည်ဟု ထင်ကြသလော။ 13 ငါရဲ့အဖိုးအဖိုးတိ၏ဘုရား၊ အာဗြဟံ၊ ကူဇာက်၊ ယာကုပ်ရဲ့၏ ဘုရားသခင်သည် မိမိ၏အခိုင်းအစီ ယေဿျအား ဘုန်းတန်ခိုးတော်ကို ပီးတော်မူသော။ သင်ရဲ့သည် ထိုအသျှင်ကို အာဏာဟိသောသူတိလက်၌ အပ်သော်လည်း သူ့ကို လွှတ်ပီးရန် ဆုံးဖြတ်ထားသော ပိလတ်၏ ရှိတော်၌ ငြင်းပယ်ခကြ၏။ 14 သင်ရဲ့သည် သန့်ယုင်းဖြောင့်မတ်သည့် အသျှင်ကို ငြင်းပယ်၍ သင်ရဲ့အတွက် လူသတ်သမားကို လွှတ်ပီးရန် တောင်းဆိုလေ၏။ 15 ထို့ကြောင့် အသက်ကို ပီးပိုင်သောသူကို ကွပ်မျက်လိုက်ကြ၏။ သို့သော် ဘုရားသခင်သည် ထိုသခင်ကို သီခြင်းတရားမှ ရှင်ပြန်ထမြောက်တော်မူ၏။ ငါရဲ့သည် ထိုအကြောင်းအရာ၏ သက်သိဖြစ်ကြ၏။ 16 ယေဿျ၏နာမတော်၌ ယုံကြည်ခြင်းဖြင့် သင်ရဲ့မြင်ရ သိရသော ဤသူသည် သန့်စွမ်းလားသော။ ထိုသို့ ဖြစ်ခြင်းသည် ယေဿျ၏နာမတော်ကို ယုံကြည်ခြင်းသည် ထိုအသျှင်အားဖြင့်လာ၍ သင်ရဲ့မြင်သမျှအတိုင်း ထိုသူအား လုံးဝ ကျန်းမာလာစီခြင်းဖြစ်၏။ 17 “ညီအစ်ကိုရဲ့၊ အဂုတွင် သင်ရဲ့သည် သင်ရဲ့၏ ခေါင်းဆောင်တိ လုပ်ဆောင်သည့်နည်းတူ အသိဉာဏ်စွဲစွာ ပြန်နီကြကြောင်းကို ငါသိ၏။ 18 မိမိ၏ မေသျှိယသည် ဒုက္ခဝေဒနာ ခံရမည်ဖြစ်ကြောင်းကို အားလုံးသော ပရောဖက်တိအားဖြင့် ကြိုတင်၍ ဘုရားသခင်က ဗျာဒိတ်ထားတော်မူသော အရာတိကို ပြည့်စုံစီတော်မူယာ။ 19 သို့ ဖြစ်၍ ဘုရားသခင်သည် သင်ရဲ့၏ အပြစ်တိကို လွှတ်ပီးစီရန် နောင်တရ၍ ပြောင်းလဲကြလော့။ ထိုသို့ပြုလျှင်၊ 20 ဝိညာဉ်တန်ခိုး သွန်းလောင်းမည့်အချိန်သည် သခင်ဘုရားထံတော်မှ ရောက်လာလိမ့်မည်။ ကိုယ်တော်သည် သင်ရဲ့အဖို့ ရှိုးချယ်ထားတော်မူသော ကယ်တင်သျှင်ယေဿျကို သင်ရဲ့ထံပါးသို့ စီစွတ်တော်မူလိမ့်မည်။ 21 ရှိုးကာလက မိမိ၏ သန့်ယုင်းသူ ပရောဖက်တိမှတဆင့် ပီးတော်မူသော ဘုရားသခင်၏ ဗျာဒိတ်တော်နှင့်အညီ ထိုအသျှင်သည် အရာအားလုံးကို အသစ်ပြုပျင်သောကာလ ရောက်လာသည့်တိုင်အောင် ကောင်းကင်ဘုံ၌ ဟိနိန်တော်မူမည်။ (aiōn g165) 22 မောသျှေက၊ ‘သင်ရဲ့၏အသျှင် ဘုရားသခင်သည် ငါ့ကို စီစွတ်တော်မူသည့်နည်းတူ ပရောဖက်တစ်ပါးကိုလည်း သင်ရဲ့ပါးသို့ စီစွတ်တော်မူလိမ့်မည်။ ထိုအသျှင်သည် သင်ရဲ့၏ လူမျိုးထဲက ဖြစ်လိမ့်မည်။ ထိုအသျှင် ဟောပြောသမျှစကားတိကို သင်ရဲ့နာခံကြရမည်။ 23 ဇာသူမဆို ထိုပရောဖက်စကားကို မနာခံသောသူသည် ဘုရားသခင်၏ လူမျိုးတော်ဖြစ်ခြင်းမှ ဖယ်ယှား၍ ဖျက်ဆီးခြင်းကို ခံရလိမ့်မည်’ ဟု မိန့်မြွက်တော်မူ၏။ 24 သျှာမွေလမှစ၍ နောင်မှာပေါ်ထွန်းလာသည့် ပရောဖက်အားလုံးက ဗျာဒိတ်တော်အားဖြင့် အဂု နို့ရက်ကာလ၌ ဖြစ်ပျက်နိုင်သော အကြောင်းအရာတိကို ဟောပြောကြေညာ၏။ 25 ထိုပရောဖက်တိအားဖြင့် ဘုရားသခင်ပီးတော်မူသော ကတိတော်များသည် သင်ရဲ့နှင့် ဆိုင်၏။ သင်ရဲ့အဖိုးအဖိုးတိနှင့် ဘုရားသခင်ပြုတော်မူသော ပဋိညာဉ်တော်ကလည်း သင်ရဲ့နှင့်ဆိုင်၏။ ဘုရားသခင်က အာဗြဟံအား၊ ‘သင်၏ အမျိုးအနွယ်အားဖြင့် မြီကြီးသားအပေါင်းရဲ့သည် ကောင်းကြီးမင်္ဂလာကို ခံစားရလိမ့်မည်’ ဟု မိန့်တော်မူ၏။ 26 ထို့ကြောင့် သင်ရဲ့တစ်ယောက်စီတိုင်းသည် မတရားသောလမ်းမှ နောင်တရခြင်းအားဖြင့် ကောင်းကြီးမင်္ဂလာကို ခံစားကြစီရန် ဘုရားသခင် ရှိုးချယ်ထားသော မိမိအခိုင်းအစီအား သင်ရဲ့ပါးသို့ အဦးဆုံး စီစွတ်တော်မူသည်” ဟု ဟောပြောလေ၏။

4 ပေတရနှင့် ယောဟန်ရဲ့သည် လူအပေါင်းရဲ့အား ဟောပြောလျက်နီကြစဉ် တချို့သော ယဇ်ပုရောဟိတ်များ၊ ဗိမာန်တော်မှူးနှင့် ဇဒ္ဒြကတချို့သည် ရောက်လာကြ၏။ 2 တမန်တော် နှစ်ပါးက ယေဿျ၌ သီခြင်းတရားမှ ရှင်ပြန်ထမြောက်ခြင်းတရားအကြောင်းကို လူတိအား သွန်သင်ဟောပြောကြသောကြောင့် သူရဲ့သည် စိတ်အနှောက်အယှက်ဖြစ်ကြ၏။ 3 ထို့ကြောင့် သူရဲ့သည် တမန်တော်ရဲ့ကို ဖမ်းဆီးကြပြီး မိုးချုပ်ပြီဖြစ်သောကြောင့် နောက်တစ်နီတိုင်အောင် အချုပ်ခန်းထဲ၌ ထည့်ထားကြ၏။ 4 သို့သော် နှုတ်ကပတ်တရားတော်ကို ကြားနာကြသူရဲ့သည် ကိုယ်တော်ကို ယုံကြည်သက်ဝင်လာကြပြီး အရီအတွက်အားဖြင့် ယုံကြည်သူ ၅,၀၀၀ ခန့် တိုးပွားလာသတည်း။ 5 နောက်တစ်နီ၌ ယုဒ ခေါင်းဆောင်တိ၊ အသက်ကြီးသူတိနှင့် ကျမ်းတတ်ဆရာရဲ့သည် ယေရုဆလင်မြို့တွင် စုဝေးကြလေ၏။ 6 သူရဲ့သည် ယဇ်ပုရောဟိတ်မင်း အနွတ်၊ ကယာဖ၊ ယောဟန်၊ အလက်ဇန္ဒြားနှင့် တခြားသော

ယဇ်ပုရောဟိတ်မင်း၏ မိသားစုဝင်များ အစဟိသောသူအပေါင်းရှိနှင့် တို့ဆုံကြ၏။ 7 ထိုသူရှိရှိတွင် တမန်တော်နှစ်ပါးကို ရပ်စီလျက် “သင်ရှိသည် ဇာသူတန်ခိုး၊ ဇာသူနာမနှင့် ဤအမှုကိုပြုသနည်း” ဟု မိန်းမြန်းကြ၏။ 8 ထိုအခါ ပေတရုသည် သန့်ယှင်းသော ဝိညာဉ်တော်နှင့် ပြည့်ဝလျက် “လူတိ ခေါင်းဆောင်တို့နှင့် အသက်ကြီးသူရို့၊ 9 ဤနို့တွင် ငါရှိသည် ခြံမသန်စွန်းသူတစ်ယောက်ကို ကောင်းကျိုးပြုသည့်အကြောင်းနှင့် သူသည် အကောင်းပကတိဖြစ်လာပုံ အကြောင်းနှင့်ပတ်သတ်၍ စစ်ဆီးခံနိုင်ရပါ၏။ 10 သင်ရှိသည် လက်ဝါးကပ်တိုင်ထက်၌ တင်၍ သတ်လိုက်ပြီး ဘုရားသခင်က ရှင်ပြန်ထမြောက်စီတော်မူသော နာဇရက်မြို့သား ယေသုရှုခရစ်တော်၏ နာမတော်တန်ခိုးတော်အားဖြင့် ထိုသူသည် လုံးဝ ခြံသန်စွမ်းလာပြီးလျှင် အဂ္ဂ သင်ရှိရှိ၌ ရပ်နိုင်သည်ကို သင်ရှိနှင့်အတူ ကုသရေလလူမျိုးအပေါင်းရို့ သိအပ်ပေ၏။ 11 ယေသုရှုကို ရည်မှတ်၍ ကျမ်းစာ၌ ဖော်ပြထားသည်ကား၊ “တိုက်အိမ်ဆောက်သောသူတည်းဟူသော သင်ရို့က မသုံးလို၍ ပယ်ထားသောကျောက်သည်၊ အရေးအကြီးဆုံး အဓိကနီရာ၌ အသုံးဝင်လာရသည်’ ဟူ၍ ဖြစ်သတည်း။ 12 ကယ်တင်ခြင်းသည် အခြားသော သူတစ်ယောက်၌မျှမဟီ၊ အကြောင်းမူကား ထိုနာမမှတစ်ပါး ငါရို့ကို ကယ်တင်နိုင်သော အခြားသောနာမကို ကောင်းကင်အောက်၌ ဇာသူကိုမျှ ပီး၍မထား” ဟု သူရို့အား ဖြေကြားတော်မူ၏။ 13 ပေတရုနှင့် ယောဟန်ရှိသည် ပညာမတတ်သောသူ၊ သာမန်လူများသာ ဖြစ်လျက်ပင် ဤသို့ ရဲရင့်ကြသည်ကို တရားလွှတ်တော်အဖွဲ့ဝင်များ မြင်တို့ကြသောအခါ အလွန်အံ့သြကြ၏။ ထိုသူရှိသည် ယေသုရှု၏အပေါင်းအဖော်များ ဖြစ်ခကြသည်ကိုလည်း သတိပြုမိကြ၏။ 14 သို့ရာတွင် အနာရောဂါပျောက်ကင်းခသူသည် ပေတရု၊ ယောဟန်ရှိနှင့်အတူ ရပ်နိုင်သည်ကို မြင်သောကြောင့် သူရို့သည် မည်သို့မျှ ငြင်းဆိုမှုကို မပြုနိုင်ကြ။ 15 ထို့ကြောင့် သူရို့သည် တမန်တော်ရို့အား တရားလွှတ်တော်ထဲမှ ထွက်လားခိုင်းပြီးလျှင် သူရို့သည် စတင်၍ ဤသို့ တိုင်ပင်ကြ၏။ 16 “ဤသူရို့ကို ငါရို့ဇာပိုင် လုပ်ရမည်နည်း။ ဤထူးခြားသော နိမိတ်လက္ခဏာတစ်ရပ်သည် သူရို့အားဖြင့် ဖြစ်ခသည်ကို ယေရုဆလင်မြို့၌ဟိသော လူတိုင်း ကောင်းစွာ သိကြသည် ဖြစ်၍ ဤအရာကို ငါရို့ ငြင်း၍ မရနိုင်။ 17 သို့သော်လည်း လူတိကြား၌ ဤကိစ္စကို ထပ်၍ ပြန့်နှံ့မလားစီခြင်းငှာ နောက်တစ်ခါ ယေသုရှုနာမကို အမှီပြု၍ ဇာသူကိုမျှ မဟောပြောစီရန် ထိုသူရို့အား တင်းကြပ်စွာ သတိပီးကြမည်” ဟု ဆိုကြ၏။ 18 ထို့နောက် သူရို့သည် တမန်တော်တို့အား ပြန်၍ ခေါ်သွင်းပြီး ယေသုရှုနာမတော်ကို အမှီပြု၍ နောက်တစ်ခါ ဟောပြောသွန်သင်ခြင်းကို မပြုရန် ပညတ်ထားကြ၏။ 19 သို့ရာတွင် ပေတရုနှင့် ယောဟန်ရှိက “ဘုရားသခင်၏ စကားတော်ထက် သင်ရို့၏ စကားကို နားခံခြင်းသည် ဘုရားသခင်၏ ရှိတော်မောက်၌ မှန်သလော ဆိုသည်ကို သင်ရို့ကိုယ်တိုင် စီရင်ပီးကြလော။ 20 ငါရို့ကား ငါရို့ကိုယ်တိုင် ကြားရ၊ မြင်ရသည့် အမှုအရာတို့ကို မဟောပြောဘဲ မနိုင်နိုင်” ဟု ပြန်ပြောကြ၏။ 21 ထိုအခါ သူရို့သည် တမန်တော်ရို့အား တင်းကြပ်စွာ သတိပီး၍ ပြန်ရွတ်လိုက်ကြ၏။ အကြောင်းမူကား လူအပေါင်းရှိသည် ဖြစ်ပျက်ခသည့်အရာအတွက် ဘုရားသခင်၏ ဘုန်းတော်ကို ချီးမွမ်းနိုင်ကြသည်ဖြစ်၍ တရားလွှတ်တော်အဖွဲ့ဝင်ရှိသည် တမန်တော်ရို့အား အပြစ်ဒဏ်ပီးရန် နည်းလမ်းကို ရှာမတို့ပေ။ 22 ဤနိမိတ်လက္ခဏာအားဖြင့် ရောဂါပျောက်ကင်းသူသည် အသက်လေးဆယ်ကျော်အရွယ်ဖြစ်၏။ 23 ပေတရုနှင့် ယောဟန်ရှိသည် လွတ်မြောက်လာပြီးသည်နှင့် ချက်ချင်းပင် မိမိလူစုပါးသို့ ပြန်လာကြပြီးလျှင် ယဇ်ပုရောဟိတ်အကြီးအကဲတို့နှင့် ဘာသာရေးခေါင်းဆောင်တိ ပြောကြားလိုက်သမျှကို ပြောပြကြ၏။ 24 ထိုအကြောင်းကို ကြားကြသောအခါ ယုံကြည်သူရှိသည် ဘုရားသခင်အထံတော်သို့ တညီတညွတ်တည်း အသံကိုရွှင့်လျက်၊ “အစိုးရတော်မူသောအသျှင်၊ ကိုယ်တော်သည် ကောင်းကင်၊ မြို့ကြီး၊ ပင်လယ်သမုဒ္ဒရာနှင့် ထိုအရပ်၌ ဟိသမျှအရာတို့ကို ဖန်ဆင်းတော်မူသော အသျှင်ဖြစ်တော်မူ၏။ 25 ကိုယ်တော်သျှင်သည် မိမိ၏အခိုင်းအစီဖြစ်သော အကျွန်ရို့၏ အဖိုးအဖီး ဒါဝိဒ်ကတစ်ဆင့် သန့်ယှင်းသော ဝိညာဉ်တော်အားဖြင့် မိန့်တော်မူသည်မှာ၊ “လူမျိုးခြားရှိသည် ဇာအတွက်ကြောင့် ရုန်းရင်းဆန်ခတ် ပြုကြသနည်း၊ လူတိလဲ ဇာအတွက်ကြောင့် အကျိုးမဟိဘဲ လျှို့ဝှက်ကြံစည်ကြသနည်း၊ 26 လောကီသျှင်ဘုရင်ရှိသည် အသင့်ပျင်ဆင်ပြီး အုပ်ချုပ်သူတို့နှင့်

စုဝေးကြကာ သခင်ဘုရားနှင့် ကိုယ်တော်၏ မေသျှိယကို ဆန့်ကျင်ကြ၏” ဟူ၍ ဖြစ်၏။ 27 ထိုနည်းတူစွာ ဟေရုဒ်နှင့် ပုန္တိုပိုလတ်ရိုသည် လူမျိုးခြားများ၊ ကုသရေလလူမျိုးများနှင့်အတူ ဤမြို့ထဲ၌ စုဝေးခေါ်ယူ၍ ယေသျှုအား ဆန့်ကျင်ကြ၏။ ထိုသူသည် ကိုယ်တော်၏ သန့်ယုင်းသော အခိုင်းအစီဖြစ်ပြီး မေသျှိယအဖြစ် ဘိသိက်ခံရသူဖြစ်၏။ 28 ထိုသူရို့ စုဝေးကြခြင်းမှာ ကိုယ်တော်သျှင်၏ တန်ခိုးတော်နှင့် အလိုတော်အရ ခွဲခန့်မှတ်သားသော အရာများကို ဖြစ်ပျက်လာစီရန် လုပ်ဆောင်ခြင်းဖြစ်၏။ 29 အို၊ သခင်ဘုရား၊ အဂုခါ ထိုသူရို့၏ ခြိမ်းခြောက်ခြင်းကို သိမှတ်တော်မူပါ။ ကိုယ်တော်သျှင်၏ အခိုင်းအစီတိအား အသျှင်၏တရားတော်ကို ရဲရင့်စွာ ဟောပြောနိုင်ခွင့် ပြုတော်မူပါ။ 30 အနာရောဂါပျောက်ကင်းစီရန် ကိုယ်တော်၏လက်တော်ကို ဆန့်တော်မူပြီးလျှင် ကိုယ်တော်သျှင်၏ သန့်ယုင်းသောအခိုင်းအစီ ယေသျှု၏ နာမတော်မြတ်အားဖြင့် နိမိတ်လက္ခဏာနှင့် အံ့သြဖွယ်သောအရာများကို ပြခွင့်ပီးတော်မူပါ” ဟု ဆုတောင်းကြလေ၏။ 31 ထိုသို့ ဆုတောင်းပြီးသောအခါ၌ သူရို့စုဝေးနိုင်သောအရပ်သည် တုန်လှုပ်လေ၏။ သူရို့သည်လည်း သန့်ယုင်းသော ဝိညာဉ်တော်နှင့် ပြည့်ဝလျက် ဘုရားသခင်၏ တရားတော်ကို ရဲရင့်စွာ စတင်၍ ဟောပြောကြလေ၏။ 32 ယုံကြည်သူရို့၏ အစုအဝေးသည် တစ်စိတ်တစ်ဝမ်းတည်းဖြစ်ကြ၍ သူရို့၏ပစ္စည်းဥစ္စာများကို မိမိပိုင်သည်ဟု မပြောဘဲ၊ ဟိသမျှသော ပစ္စည်းဥစ္စာများကို အချင်းချင်း ဝီမျှသုံးဆောင်ကြ၏။ 33 တမန်တော်ရို့သည် အသျှင်ယေသျှု ရှင်ပြန်ထမြောက်တော်မူခြင်းအကြောင်းကို ကြီးစွာသောတန်ခိုးဖြင့် သက်သိခံကြ၏။ ဘုရားသခင်သည် သူရို့အားလုံးကို ကြွယ်ဝသော ကောင်းကြီးမင်္ဂလာဖြင့် သွန်းလောင်းတော်မူ၏။ 34 ထိုသူရို့အထဲတွင် ဆင်းရဲသောသူ တစ်ယောက်မျှမဟိ။ အကြောင်းမူကား မြီကွက် သို့မဟုတ် အိမ်ကို ပိုင်ဆိုင်ကြသူရို့သည် မိမိရို့ပိုင်ဆိုင်ကြသော ပစ္စည်းများကိုရောင်းချ၍ ရသည့်ဇွဲများကို ယူလာကာ၊ 35 တမန်တော်ရို့အား ပီးအပ်ကြ၍ တစ်ဦးချင်း လိုအပ်မှုဟိသည်အတိုင်း အသီးသီးရို့အား ဝီပီးကြ၏။ 36 ယောသပ် နာမည်ဟိ၍ နှစ်သိမ့်ခြင်း၏သားဟု ဆိုလိုသည့် ဗာနဗဟူ၍ နာမည်သစ်ဖြင့် တမန်တော်ရို့ မှည့်ခေါ်သော ကုပရပြည်သား လေဝီလူမျိုးတစ်ယောက်သည်၊ 37 မိမိပိုင်သောမြီကွက်ကို ရောင်း၍ ရလာသောဇွဲကို ယူလာပြီးလျှင် တမန်တော်ရို့အား ပီးအပ်လေ၏။

5 အာနနိဟု နာမည်ဟိသူနှင့် သူ၏မယား သျှာဖိရေရို့သည် မိမိရို့ပိုင်ဆိုင်သည့် ပိုင်ဆိုင်မှုတချို့ကို ရောင်းချကြ၏။ 2 သို့ရာတွင် အာနနိသည် မိမိမယားနှင့် သဘောတူညီချက်အရ ရောင်း၍ရသော ဇွဲထဲမှ တချို့ကို မိမိအဖို့ဖယ်ထားပြီးမှ ကျန်ဇွဲတိကို တမန်တော်ရို့အား ပီးအပ်လေ၏။ 3 ပေတရုက “အာနနိ၊ သင်သည် စာတန်မာရ်နတ်ကို ဇာကြောင့် သင့်စိတ်နှလုံးထဲ၌ အုပ်စိုးခွင့်ပီးပြီးလျှင် သန့်ယုင်းသောဝိညာဉ်တော်ကို လိမ်လည်ပြီး မြီကွက်ရောင်းရသော ဇွဲထဲက တချို့ကို ဇာကြောင့် ဖယ်ထားသနည်း။ 4 ထိုမြီကို မရောင်းခင် သင်ပိုင်သည် မဟုတ်လော။ ရောင်းပြီးလျှင်လည်း မြီကွက်ရောင်းရဇွဲကို သင်ပိုင်သည် မဟုတ်လော။ ဇာဖြစ်လို့ ထိုအကြံစည်ကို ကြံစည်သနည်း။ သင်သည် လူကို လိမ်လည်ခြင်း မဟုတ်ဘဲ ဘုရားသခင်ကို လိမ်လည်ခြင်းဖြစ်သည်” ဟု ဆို၏။ 5 အာနနိသည် ထိုစကားကို ကြားသည်နှင့်တပြိုင်နက် လဲကျ သီဆုံးလေ၏။ ထိုအဖြစ်အပျက်ကို ကြားရသောသူအပေါင်းရို့သည် အလွန်ကြောက်လန့်ကြ၏။ 6 လုလင်ရို့သည် ဝင်လာ၍ အာနနိ၏ရုပ်အလောင်းကို အဝတ်နှင့်ပတ်ပြီးလျှင် အပြင်သို့ထုတ်ယူလားပြီး သင်္ဂြိုဟ်ကြ၏။ 7 သုံးနာရီခန့်ကြာသောအခါ ဖြစ်ပျက်ခသော အကြောင်းအရာကိုမသိဘဲ အာနနိ၏မယားသည် ဝင်ရောက်လာ၏။ 8 ထိုအခါ ပေတရုက၊ “ငါ့ကို ပြောလော့၊ သင်ရို့၏မြီကွက်ကို ဤမျှလောက်သောတန်ဖိုးနှင့် ရောင်းသလော” ဟု သူမအား မိန်းလျှင်၊ “ဟုတ်ပါ၏။ ဤမျှလောက်သောတန်ဖိုးနှင့် ရောင်းပါ၏” ဟု ဆို၏။ 9 ပေတရုကလည်း၊ “သင်ရို့သည်၊ သခင်ဘုရား၏ ဝိညာဉ်တော်ကို လိမ်လည်ရန် ဇာကြောင့် သဘောတူ ကြံစည်ကြသနည်း။ ကြည့်ပါ၊ သင်၏လင် အလောင်းကို သင်္ဂြိုဟ်ခသော လူတိ၏ဒြီသည် တန်ခိုးခံ၌ အဂုရောက်နီယာ။ သူရို့သည် သင့်ကိုလည်း ဆောင်ယူလားလိမ့်အုံးမည်” ဟု သူမအား ဆို၏။ 10 ချက်ချင်းပင် ထိုမိန်းမသည် ပေတရု၏ဒြီရင်းတွင် လဲကျ သီဆုံးလေ၏။ လုလင်ရို့သည် ဝင်လာကြသောအခါ

ထိုမိန်းမသီဆုံးနီသည်ကို တို့ရသဖြင့် အလောင်းကို အပြင်သို့ထုတ်ဆောင်ပြီးလျှင် သူမ၏လင် ဘေးနားတွင် သင်္ဂြိုဟ်ကြ၏။ 11 ထိုအဖြစ်ပျက်ကို အသင်းတော်တစ်ခုလုံးနှင့် ကြားရသော အခြားသောသူအပေါင်းရှိသည် အလွန် ကြောက်လန့်ကြကုန်၏။ 12 တမန်တော်ရှိသည် လူအပေါင်းရှိ၍တွင် များစွာသော အံ့ဖွယ်ရာများနှင့် နိမိတ်လက္ခဏာများကို ပြကြ၏။ ယုံကြည်သူအပေါင်းရှိသည် သျှာလမုန်ကနားပြင်တွင် အတူတကွ စုဝေးကြ၏။ 13 လူရှိသည် ထိုသူရှိအား ချီးကျူးပြောဆိုကြသော်လည်း မည်သူတစ်ယောက်မှ ထိုသူရှိကို မပေါင်းသင်းဝံ့ပေ။ 14 သို့သော် သခင်ဘုရားကို သက်ဝင်ယုံကြည်သူ မိန်းမ၊ ယောက်ျား အရေအတွက်သည်လည်း ပို၍ပို၍ များပြားလာကြ၏။ 15 တမန်တော်များသည် ထိုသို့ လုပ်ဆောင်မှု၏ အကျိုးရလဒ်ကြောင့် လူရှိသည် နာမကျန်းသောသူများကို လမ်းမထက်သို့ ယူဆောင်လာကြပြီး အိပ်ရာများ၊ ကုတင်များနှင့် ထားကြကာ ပေတရု ဖြတ်လားသောအခါ သူ၏အရိပ်ကိုပင် နာမကျန်းသောသူတချို့၌ ကျရောက်စီရန် ကြိုးစားကြ၏။ 16 ထို့ပြင် ယေရုဆလင် ပတ်ဝန်းကျင်မြို့ရွာများမှ လူထုပရိသတ်ရှိသည် ဖျားနာသူများ၊ ဝိညာဉ်ဆိုး ဝင်ပူးနိုင်သူများကို ခေါ်ဆောင်လာကြ၍ သူရှိအားလုံးသည်လည်း ကျန်းမာခြင်းသို့ ရောက်ကြ၏။ 17 ထိုအခါ ယဇ်ပုရောဟိတ်မင်းနှင့် သူ၏ အပေါင်းအဖော်များဖြစ်ကြသော ဒေသဆိုင်ရာ ဇဒ္ဒါကအဖွဲ့ဝင်များသည် တမန်တော်ရှိကို အလွန် မနာလိုဖြစ်ကြ၏။ ထို့ကြောင့် သူရှိကို အရေးယူရန် ဆုံးဖြတ်ကြ၏။ 18 သူရှိသည် တမန်တော်ရှိကို ဖမ်းဆီးပြီးလျှင် ထောင်၌ အကျဉ်းချထား၏။ 19 သို့သော် ထိုသည့် သခင်ဘုရား၏ ကောင်းကင်တမန်သည် ထောင်တန်းခါးကို ဖွင့်၍ တမန်တော်တို့ကို အပြင်သို့ ခေါ်ထုတ်ပြီးလျှင်၊ 20 “သင်ရဲ့ ဗိမာန်တော်သို့ လားပြီးလျှင် လူအပေါင်းရှိအား အသစ်သော အသက်ရှင်ခြင်း အကြောင်းကို ဟောပြောကြလော့” ဟု ဆို၏။ 21 တမန်တော်ရှိသည် ကောင်းကင်တမန်စကားကို နာခံ၍ အရုဏ်တက်ချိန်၌ ဗိမာန်တော်ထဲသို့ဝင်ပြီး စတင်၍ သွန်သင်ကြ၏။ ယဇ်ပုရောဟိတ်မင်းနှင့် သူ၏ အပေါင်းအပါရှိသည် စုံညီတရားလွှတ်တော် အစည်းအဝေးကို ပြုလုပ်ရန် ယုဒခေါင်းဆောင်အားလုံး စုရုံးစီကြ၏။ ထို့နောက် တမန်တော်ရှိကို သူရှိရှိသို့ ခေါ်ထုတ်လာရန် အစောင့်တပ်သားရိုက် အမိန့်ပီး၍ အကျဉ်းထောင်သို့ စီရင်ကြ၏။ 22 သို့သော် ထိုအစောင့်စစ်သည်ရှိသည် အကျဉ်းထောင်သို့ ရောက်ကြသောအခါ တမန်တော်ရှိကို မတို့ကြသဖြင့် တရားလွှတ်တော်သို့ ပြန်လာကြပြီးလျှင်၊ 23 “အကျွန်ုပ်ရဲ့ အကျဉ်းထောင်သို့ ရောက်ကြသောအခါ၊ အကျဉ်းထောင်တန်းခါးကို သေချာစွာပိတ်ထားလျက် ဟိန်နိပြီး ထောင်စောင့်တိလည်း တန်းခါးအပြင်ဖက်၌ ရပ်နိုင်ကြသည်ကို အကျွန်ုပ်ရဲ့ တို့ရပါ၏။ သို့သော် အကျွန်ုပ်ရဲ့သည် တန်းခါးကို ဖွင့်လိုက်သောအခါ အထဲ၌ တစ်ယောက်ကိုမျှ အကျွန်ုပ်ရဲ့ မတို့ရပါ” ဟု တင်ပြကြ၏။ 24 ဗိမာန်တော်မှူးနှင့် ယဇ်ပုရောဟိတ်မင်းရှိသည် ထိုစကားကိုကြားလျှင် ဤအရာကား မည်သို့ ဖြစ်လိမ့်မည်နည်းဟု တမန်တော်ရှိနှင့်ပတ်သတ်၍ အံ့သြနိုင်ကြ၏။ 25 ထိုအခါ လူတစ်ယောက်သည် ရောက်လာ၍ “နားထောင်ကတိပါ၊ အသျှင်ရဲ့ ထောင်ချထားသော လူရှိသည် ဗိမာန်တော်ထဲ၌ လူတို့ကို သွန်သင်နိုင်ကြပါ၏” ဟု လျှောက်၏။ 26 ထို့ကြောင့် ဗိမာန်တော်မှူးသည် မိမိအစောင့်စစ်သည်တို့နှင့် လား၍ တမန်တော်တို့ကို ပြန်၍ခေါ်လာကြ၏။ သို့သော် မိမိရှိအား လူထုက ကျောက်ခဲနှင့် ပစ်မည်ကို ကြောက်သောကြောင့် တမန်တော်တို့အား အနိုင်အထက်မပြုဘဲ ခေါ်လာကြ၏။ 27 သူရှိသည် တမန်တော်တို့ကို ခေါ်သွင်းလာပြီးလျှင် တရားလွှတ်တော်ရှိတွင် ရပ်စဲပြီးနောက် ယဇ်ပုရောဟိတ်မင်းက သူရှိကို စစ်ဆီးလေ၏။ 28 ယဇ်ပုရောဟိတ်မင်းက “ငါရှိသည် သင်ရှိအား ထိုသူ၏နာမကို အမှီပြု၍ ဟောပြောသွန်သင်ခြင်းမပြုရန် တင်းကြပ်စွာ အမိန့်ပီးခ၏။ သို့သော် သင်ရှိသည် ယေရုဆလင်တစ်မြို့လုံး၌ ပြန့်နှံ့စွာ ဟောပြောသွန်သင်ပြီး ထိုသူ သီဆုံးရသည်မှာ ငါရှိကြောင့်ဖြစ်သည်ဟု အပြစ်တင်လိုပါသည်တကား” ဟု တမန်တော်ရှိအား ပြောကြားကြ၏။ 29 ပေတရုနှင့် အခြားသောတမန်တော်ရိုက် “ငါရှိသည် လူ၏အမိန့်ထက် ဘုရားသခင်၏အမိန့်ကို နားထောင်ရမည်။ 30 ငါရှိအဖိုးအဖိုးရှိ၏ဘုရားသခင်သည် လက်ဝါးကပ်တိုင်ထက်၌ သံမှိုဖြင့်ရိုက်၍ သင်ရဲ့ သတ်ခသော ယေသျှုကို ရှင်ပြန်ထမြောက်စီတော်မူခယာ။ 31 ဘုရားသခင်သည် ဣသရေလလူမျိုးရှိ၏ အပြစ်တို့ကို နောင်တရခြင်းနှင့် အပြစ်ခွင့်ရှုတ်ခြင်းကို ပီးသနားတော်မူရန် ထိုအသျှင်ကို

ကယ်တင်သျှင်နှင့် အုပ်စိုးပိုင်သောအသျှင်အဖြစ် မိမိလက်ယာဖက်၌ ချီးမြှောက်တော်မူမယာ။ 32 ဤအကြောင်းအရာနှင့် ပတ်သက်၍ ငါရိုသည့် သက်သီများဖြစ်ကြပြီး ဘုရားသခင်သည် မိမိ၏စကားကို နာခံသူတို့အတွက် ချပီးတော်မူသော သန့်ယှင်းသောဝိညာဉ်တော်ကလည်း သက်သီဖြစ်တော်မူ၏” ဟု ပြန်ဖြေကြ၏။ 33 တရားလွှတ်တော်အဖွဲ့ဝင်ရိုသည့် ထိုစကားကို ကြားကြလျှင် အလွန် ဒေါသထွက်သောကြောင့် တမန်တော်ရိုအား အသိသတ်ရန် ကြံစည်ကြ၏။ 34 သို့သော်လည်း လူအားလုံးက လေးစားကြသော ကျမ်းတတ်ဆရာတစ်ယောက်ဖြစ်သည့် ဂါမလျေလဟု နာမည်ဟိသော ဖာရိယုတစ်ယောက်သည် တရားလွှတ်တော်၌ ထရပ်၍ တမန်တော်ရိုအား တစ်အောင်ချေလောက် အပြင်သို့ခေါ်ထုတ်လားရန် အမိန့်ပီးပြီးလျှင်၊ 35 ထိုသူက တရားလွှတ်တော်အဖွဲ့ဝင်ရိုအား “ဣသရေလအမျိုးသားရို၊ သင်ရိုသည် ဤသူရိုအား သတိနှင့် ပြုမူကြလော့။ 36 အကြောင်းမူကား လွန်ခဲ့သောအချိန်က သုဒဟု ဆိုသူက မိမိကိုယ်ကို ကြီးမြတ်သည့်ဟု ဆိုလျက် ပေါ်ပေါက်ခပြီးလျှင် သူ့နောက်ကို လူ ၄၀၀ လောက် လိုက်ကြသည်ကို မှတ်မိကြသလော။ သို့သော် ထိုသူသည် အသိသတ်ခံရပြီးနောက်တွင် သူ၏နောက်လိုက်များသည် တကွဲတပြားစီ ဖြစ်လားပြီးလျှင် သူ၏လှုပ်ယားမှုတိလည်း ပျောက်ကွယ်လားလေ၏။ 37 ထိုသူ၏နောက်တွင် သန်းခေါင်စာရင်းကောက်ချိန်၌ ယုဒဆိုသော ဂါလိလဲလူတစ်ယောက် ပေါ်လာပြီးလျှင် လူထုကို ဆွဲဆောင်စည်းရုံးပြန်၏။ သို့ရာတွင် ထိုသူလည်း အသိသတ်ခံရပြီးလျှင် သူ၏နောက်လိုက် အားလုံးသည်လည်း တကွဲတပြားဖြစ်ကုန်၏။ 38 ထို့ကြောင့် ဤကိစ္စနှင့်ပတ်သတ်၍ သင်ရိုကို ငါပြောမည်။ ထိုသူရိုကို အရေးမယူကြနှင့်။ ရွတ်ထားလိုက်။ သူရိုကြံစည်သော အမှုကိစ္စသည် လူ၏အမှုသာ ဖြစ်သည်ဆိုလျှင် ပျက်စီးရလိမ့်မည်။ 39 သို့သော် ဘုရားသခင်က လာသည့် အမှုကိစ္စဖြစ်လျှင် ထိုသူရိုကို သင်ရို မဖျက်ဆီးနိုင်ပေ။ သင်ရိုလည်း ဘုရားသခင်ကို ဆန့်ကျင်ဖက် ပြုရာကျမည်” ဟု ဆို၏။ တရားလွှတ်တော်ကလည်း ဂါမလေလျ၏ အကြံပီးချက်ကို လက်ခံကြ၏။ 40 ထို့နောက် သူရိုသည် တမန်တော်ရိုကို ခေါ်သွင်း၍ ကြိမ်ဒဏ်ပီးပြီးလျှင် ယေသျှုနာမ၌ နောက်တစ်ခါ ဟောပြောသွန်သင်ခြင်းကို မပြုရန် အမိန့်ပီးကာ ပြန်ရွတ်လိုက်ကြ၏။ 41 တမန်တော်ရိုသည် တရားလွှတ်တော်မှ ထွက်လာကြစဉ် ဝမ်းမြောက်လျက်ဟိကြ၏။ အကြောင်းမူကား ဘုရားသခင်က ထိုသူရိုအား ယေသျှု၏ နာမတော်အဖို့ ဂုဏ်အသရေပျက်ခြင်းကို ခံထိုက်သူဟု မှတ်တော်မူခြင်းခံရသောကြောင့် ဖြစ်၏။ 42 ထို့နောက် ထိုသူရိုသည် နိစဉ်နီတိုင်း ဗိမာန်တော်တွင် လည်းကောင်း၊ လူရို၏အိမ်များတွင် လည်းကောင်း ယေသျှုသည် မေသျှုယဖြစ်တော်မူကြောင်း သတင်းကောင်းကို အဆက်မပြတ် ဟောပြောသွန်သင်ကြ၏။

6 ကာလအင်တန်ကြာပြီးနောက် တပည့်တော် အရီအတွက် များပြားလာသဖြင့် ဟေလသစကားကို ပြောသော ယုဒလူမျိုးတို့နှင့် ဒေသခံ ယုဒလူမျိုးရိုကြား အငြင်းပွားကြ၏။ ဟေလသစကားကို ပြောသော ယုဒလူမျိုးရိုက မိမိရို၏ မုဆိုးမများသည် နိစဉ်အစားအသောက် ထောက်ပံ့မှု၌ လစ်လျူရှု ခံထားရသောကြောင့် ပြစ်တင်ပြောဆိုကြ၏။ 2 ထို့ကြောင့် တစ်ကျိပ်နှစ်ပါးသော တမန်တော်ရိုသည် ယုံကြည်သူအားလုံးကို စုဝေးစီပြီးလျှင်၊ “ငါရိုသည် ဘုရားသခင်၏ နှုတ်ကပတ်တရားတော် ဟောပြောမှုကို ဂရုမထူဘဲ ဦးကြေးကိစ္စကို စီမံဆောင်ရွက်ရန်မသင့်။ 3 ထို့ကြောင့် ညီအစ်ကိုမောင်နှမရို၊ သင်ရိုအထဲမှ သန့်ယှင်းသောဝိညာဉ်တော်နှင့် လည်းကောင်း၊ ဉာဏ်ပညာနှင့် လည်းကောင်း ပြည့်ဝပြီးလျှင် ဂုဏ်သရေဟိသော လူခုနစ်ယောက်ကို ရွီးချယ်ကြလော့။ ငါရိုသည် ထိုသူရိုကို ဤတာဝန်အတွက် ခန့်ထားမည်။ 4 ငါရိုကား ဆုတောင်းခြင်းနှင့် နှုတ်ကပတ်တော် ဟောပြောခြင်း အမှုကိုသာ အစဉ်တစိုက် ဆောင်ရွက်ကြမည်” ဟု ဆို၏။ 5 တမန်တော်ရို၏ စကားကို ယုံကြည်သူအားလုံးသည် နှစ်သက်ကြသဖြင့် သူရိုသည် ယုံကြည်ခြင်းနှင့် လည်းကောင်း၊ သန့်ယှင်းသောဝိညာဉ်တော်နှင့် လည်းကောင်း ပြည့်ဝသော သတေဖန်မှစ၍ ဖိလိပ္ပ၊ ပြောခေါ်၊ နိကနော့၊ တိမုန်၊ ပါမေနှင့် အန္တီအုတ်မြို့မှ ယုဒဘာသာသို့ ပြောင်းလဲလာသော တစ်ပါးအမျိုးသားဖြစ်သူ နိကောလ ရိုကို ရွီးချယ်ကြ၏။ 6 ယုံကြည်သူများက ထိုသူရိုကို တမန်တော်ရိုရှိ၌ ထားကြပြီးလျှင်၊ တမန်တော်ရိုက သူရိုဂေါင်းထက်တွင် လက်ကိုတင်၍ ဆုတောင်းပီးကြ၏။ 7 ဤသို့ဖြင့် ဘုရားသခင်၏ နှုတ်ကပတ်တရားတော်သည်

ဆက်လက်၍ ပြန်နံ့လေ၏။ ယေရုဆလင်မြို့၌ တပည့်တော် အရီအတွက်သည်လည်း အလွန်တိုးပွားလာပြီး များစွာသော ယဇ်ပုရောဟိတ်ရှိသည် ယုံကြည်လက်ခံလာကြ၏။ **8** သတေဖန်သည် ဘုရားသခင်၏ ကောင်းကြီးမင်္ဂလာကို ကြွယ်ဝစွာ ခံစားရသောသူဖြစ်၍၊ တန်ခိုးတော်နှင့် ပြည့်ဝသူဖြစ်သောကြောင့် ကြီးမားသော အံ့ဩဖွယ်သောအမှုအရာများနှင့် နိမိတ်လက္ခဏာများကို လူတို့ကြားထဲ၌ ပြလေ၏။ **9** သို့ရာတွင် လူတချို့သည် သူ့ကို အတိုက်အခံ ပြုကြ၏။ ထိုသူရိုကား၊ ကုရေနေနှင့် အာလေဇန္ဒြီမြို့၌ဟိသော ယုဒလူမျိုးတို့ပါဝင်သော လွတ်လပ်သူများ (ဟုခေါ်သည်) တရားဇရပ်အဖွဲ့ဝင်များ ဖြစ်ကြ၏။ ထိုသူရိုနှင့်တကွ ကိလိက်ပြည်နှင့် အာယိုပြည်မှ ယုဒအမျိုးသားတချို့ရှိသည် သတေဖန်နှင့် စတင်ငြင်းခုံကြ၏။ **10** သို့ရာတွင် သတေဖန်သည် ဝိညာဉ်တော်ကပီးသည့် အသိပညာနှင့် ဟောပြောသဖြင့် ထိုသူရို မချေပနိုင်ကြပေ။ **11** ထို့ကြောင့် သူရိုသည် လူတချို့ကို လာဘ်ထိုး၍ “ဤသူသည် မောသျှအား လည်းကောင်း၊ ဘုရားသခင်အားလည်းကောင်း ဇော်ကားပြောဆိုသည်ကို ငါရိုကြားရလော” ဟု ပြောစီကြ၏။ **12** ဤသို့ ဖြင့် သူရိုသည် လူများ၊ အကြီးအကဲများ၊ ကျမ်းပြုဆရာများကို နှိုးဆော်ပီးကြ၏။ သူရိုသည် သတေဖန်အား ဖမ်းဆီးကာ တရားလွှတ်တော်ရှိသို့ ခေါ်ဆောင်လာကြ၏။ **13** ထို့နောက် သူရိုသည် သတေဖန်၏အကြောင်းကို မမှန်သော သက်သီထွက်ဆိုရန် လူတချို့ကိုခေါ်လာ၍ “ဤသူသည် သန့်ယှင်းသောဗိမာန်တော်နှင့် မောသျှ၏ ပညတ်တော်ကို ဆန့်ကျင်သော စကားကို အစဉ်အမြဲ ပြောဆိုပါ၏။ **14** ထိုစကားမှာ နာဇရက်မြို့သား ယေသျှသည် ဗိမာန်တော်ကို ဖျက်ဆီးပြီးလျှင် မောသျှက အကျွန်ုပ်ရိုအား ပီးအပ်သော ထုံးတမ်းစဉ်လာတို့ကို ပြောင်းလဲစီလိမ့်မည် ဖြစ်ကြောင်း၊ ပြောဆိုသည်ကို အကျွန်ုပ်ရို ကြားကြပါ၏” ဟု ထွက်ဆိုကြ၏။ **15** တရားလွှတ်တော်တွင် ထိုင်နိုင်ကြသော သူအပေါင်းရှိသည် သတေဖန်ကို စွဲစိုက်ညှဉ်းကြသောအခါ သူ၏မျက်နှာသည် ကောင်းကင်တမန်၏ မျက်နှာနှင့် တူသည်ကို တွေ့မြင်ရကြ၏။

7 ယဇ်ပုရောဟိတ်မင်းက သတေဖန်အား၊ “ဤစကား မှန်သလော” ဟု မိန်းသော်၊ **2** သတေဖန်က “ညီအစ်ကိုရိုနှင့် ဖခင်ရို၊ နားထောင်ကြလော့။ အကျွန်ုပ်ရို၏အဖ အာဗြဟံသည် ခါရန်မြို့သို့ လား၍ နီထိုင်ခြင်းမပြုခင် မေသောပတာမိပြည်၌ ဟိန်နိစဉ် ဘုန်းတန်ခိုးတော်နှင့် ပြည့်စုံတော်မူသော ဘုရားသခင်ကို သူ၌ ထင်ရှားလာပြီးလျှင်၊ **3** ထိုသူအား၊ ‘သင်၏ပြည်နှင့် ဆွီမျိုးသားချင်း ရှိထံက ထွက်ပြီးလျှင် ငါ ပြမည့်ပြည်ကို လားလော’ ဟု မိန့်တော်မူ၏။ **4** ထို့ကြောင့် အာဗြဟံသည် ခါလဒဲပြည်က ထွက်ပြီးလျှင် ခါရန်ပြည်သို့ လားပြီး နီထိုင်လေ၏။ သူ၏ဖခင် သီဆုံးပြီးနောက် ထိုမြို့မှ အဂ္ဂ သင်ရီနီထိုင်သောပြည်ကို ဘုရားသခင်က ရွှံ့ပြောင်းစီခိုင်း၏။ **5** ထို့နောက် ကိုယ်တော်က အာဗြဟံအား ထိုပြည်၌ အဗ္ဗိအဖြစ် ခြံဖဝါးတစ်ခုစာကိုတောင် ပီးတော်မူမူ။ သို့သော်လည်း သူနှင့် သူ၏ သားစဉ်မြီးဆက်အား ထိုပြည်ကို အပိုင်ပီးမည်ဟု သားသမီးတစ်ယောက်မျှ မဟိခင်ကပင် သူ့ကို ကတိပီးတော်မူ၏။ **6** ဘုရားသခင်က အာဗြဟံအား ‘သင်၏မျိုးနွယ်သည် အခြားသောတိုင်းပြည်၌ ကျွန်ဘဝနှင့် နီရပြီးလျှင် အနှစ် ၄၀၀ ပတ်လုံး နှိပ်စက်ခြင်းကို ခံရလိမ့်မည်။ **7** သို့သော်လည်း သူရိုကို ကျွန်ပြုသောလူမျိုးတို့အား ငါ စီရင်မည်။ ထို့နောက် သင်၏မျိုးနွယ်သည် ထိုပြည်မှ ထွက်လာပြီးလျှင် ဤအရပ်၌ ငါ့အား ကိုးကွယ်ဝတ်ပြုကြလိမ့်မည်’ ဟု မိန့်တော်မူ၏။ **8** ထို့နောက် ဘုရားသခင်သည် ပဋိညာဉ်တော်၏ အမှတ်လက္ခဏာတစ်ခုအနိန်ဖြင့် အရီဖျားလှီးခြင်းမင်္ဂလာကို အာဗြဟံအား ပီးတော်မူ၏။ ထို့ကြောင့် အာဗြဟံက သားကူဇာကို ရပြီးနောက် သျှစ်ရက်မြောက်သောနို့၌ အရီဖျားလှီးခြင်းမင်္ဂလာကို ပီး၏။ ထိုနည်းတူ ကူဇာက သားယာကုပ်ကိုလည်းကောင်း၊ ယာကုပ်က သားဆယ့်နှစ်ယောက်ကိုလည်းကောင်း၊ အရီဖျားလှီးခြင်း မင်္ဂလာကို ပီး၏။ ယာကုပ်သား တစ်ဆယ့်နှစ်ယောက်သည်ကား ငါရိုလူမျိုး၏ အဖိုးအဖီး တစ်ဆယ့်နှစ်ပါးဖြစ်သတည်း။ **9** “ယာကုပ်၏သား ယောသပ်အား အစ်ကိုဖြစ်သောသူတို့က မနာလိုသဖြင့် အဲဂုတ္တုပြည်၌ ကျွန်ခံစီခြင်းငှာ ရောင်းလိုက်ကြ၏။ သို့သော်လည်း ဘုရားသခင်သည် သူနှင့်အတူ ဟိတော်မူသည်ဖြစ်၍၊ **10** ဒုက္ခဆင်းရဲအပေါင်းမှ သူ့ကို ကယ်နှုတ်တော်မူ၏။ ဘုရားသခင်သည် ယောသပ်ကို အဲဂုတ္တုဘုရင်ရှိ၌ မျက်နှာပွင့်လန်းစီပြီးလျှင် ဉာဏ်ပညာကိုလည်း ပီးတော်မူ၏။ သျှင်ဘုရင်က သူ့အား အဲဂုတ္တုဘုရင်ခံအဖြစ်နှင့် လည်းကောင်း၊ နန်းတော်ဝန်အဖြစ်နှင့် လည်းကောင်း

ခန့်ထားတော်မူလေ၏။ **11** အဲဂုတ္တုပြည်နှင့် ခါနာန်ပြည်တလျှောက်လုံး၌ ငတ်မွတ်ခေါင်းပါးခြင်းနှင့် ကြီးစွာသော ဆင်းရဲဒုက္ခရောက်၍ အကျွန်ရိုအဖိုးအဖီးတိသည် အစာရီစာကို မရနိုင်ကြပေ။ **12** သို့သော်လည်း အဲဂုတ္တုပြည်၌ ဆန်စပါးဟိကြောင်းကို ယာကုပ်ကြားသောအခါ ငါ့ရိုအဖိုးအဖီးတိဖြစ်ကြသော သူ၏သားတို့ကို ထိုပြည်သို့ ပထမအကြိမ် စီစွတ်လိုက်၏။ **13** ဒုတိယအကြိမ် လာရောက်ကြသောအခါ ယောသပ်က မိမိသည် ဇာသုဖြစ်ကြောင်းကို သူ၏အစ်ကိုရိုအား ပြောပြလိုက်၍ ယောသပ်၏ မိသားစုအကြောင်းကို အဲဂုတ္တုဘုရင်က သိလားခလေ၏။ **14** ထို့နောက် ယောသပ်သည် မိမိ၏ဖခင်ယာကုပ်နှင့်အတူ စုစုပေါင်း ၅၅ ယောက်သော မိသားစုတို့ကို အဲဂုတ္တုပြည်သို့ လာစီခြင်းငှာ သတင်းစကား ပါးလိုက်လေ၏။ **15** ထို့ကြောင့် ယာကုပ်သည် အဲဂုတ္တုပြည်သို့ လိုက်လားလေ၏။ ထိုပြည်၌ သူနှင့်သူ၏ သားရို့သည် သီဆုံးကြလေ၏။ **16** သူရို့၏ ရုပ်အလောင်းတို့ကို ယေုခင်မြို့သို့ သယ်ယူလားပြီးလျှင် ဟာမော်သားတိပါးမှ အာဗြဟံက အဖိုးခမ်း၍ ဝယ်ထားခသော သင်္ချိုင်းဂူ၌ သင်္ဂြိုဟ်ခကြလေ၏။ **17** “ဘုရားသခင်က အာဗြဟံအား ထားတော်မူခဲ့သည့် ကတိတော်ကို ပြည့်စုံစီမံရန် အချိန်နီးလာသောအခါ အဲဂုတ္တုပြည်၌ အကျွန်ရိုလူမျိုးများသည် အလွန်တိုးပွားလေ၏။ **18** ထို့နောက်တွင် ယောသပ်ကိုမသိသော ဘုရင်တစ်ပါးသည် အဲဂုတ္တုပြည်၌ စတင်၍ အုပ်ချုပ်လေ၏။ **19** ထိုဘုရင်က အကျွန်ရိုအဖိုးအဖီးတို့ကို လှည့်စားပြီးလျှင် သူရို့တို့ကို နှိပ်စက်ညှဉ်းဆဲကြ၏။ သူရို့ကို အနိုင်အထက်ပြု၍ အသျှေတိကိုလည်း သီဆုံးစီခြင်းငှာ အိမ်အပြင်၌ ပစ်ထားစီကြ၏။ **20** ထိုအချိန်ကာလကား အလွန်လှပသော အချေ မောသျှေကို ဖွားမြင်သော ကာလပင်ဖြစ်၏။ သူ့ကို သုံးလတိုင်အောင် သူ၏အိမ်၌ ပြုစုစောင့်ရှောက်ခြင်းကို ခံရခ၏။ **21** သူသည် အိမ်ပြင်၌ ပစ်ထားခြင်းကိုခံရသောအခါ သျှင်ဘုရင်၏သမီးတော်က မိမိ၏သားအဖြစ် ဦးစားလေ၏။ **22** မောသျှေအား အဲဂုတ္တုအမျိုးသားတိတတ်အပ်သော အတတ်ပညာအလုံးစုံကို ဆည်းပူးစီပြီးသောအခါ သူသည် နှလုံးရည် လက်ရုံးရည်တိနှင့် ပြည့်စုံသူတစ်ဦး ဖြစ်လာ၏။ **23** “သူသည် အသက်လေးဆယ် ပြည့်သောအခါ၌ မိမိအမျိုးသားချင်းဖြစ်သော ကူသရေလ ညီအစ်ကိုတိ ပါးသို့ လည်ပတ်ရန် စိတ်ပိုင်းဖြတ်ထားလေ၏။ **24** ထိုသို့ လည်ပတ်ချိန်၌ အဲဂုတ္တုအမျိုးသား တစ်ယောက်က ကူသရေလအမျိုးသား တစ်ယောက်အား နှိပ်စက်နိုင်သည်ကို မြင်လျှင် မိမိလူဖက်မှ ဝင်ရောက်ကူညီပြီးလျှင် အဲဂုတ္တုလူကို လက်တုန်ပြန်၍ အသိသတ်လိုက်လေ၏။ **25** မောသျှေသည် မိမိလူတို့ကို ကယ်တင်ရန် မိမိအား ဘုရားသခင်က ရွတ်လိုက်တော်မူခကြောင်းကို သူရို့နားလည်လိုမည်ဟု ထင်မှတ်ခ၏။ သို့သော်လည်း သူရို့ နားမလည်ကြ။ **26** နောက်တစ်နှိ၌ ကူသရေလလူနှစ်ယောက် ရန်ဖြစ်နိုင်သည်ကိုမြင်၍ ငြိမ်းချမ်းစီလိုသဖြင့် မောသျှေက၊ ‘နားထောင်ကတ်ပါ။ သင်ရို့သည် ညီအစ်ကိုချင်းဖြစ်လျက်ပင် ဇာဖြစ်လို့ ရန်ဖြစ်နိုင်ကြသနည်း’ ဟု သူရို့အား ဖြန်ဖြေရန် ကြိုးစားလေ၏။ **27** သို့သော်လည်း အနိုင်ကျင့်သောလူက မောသျှေအား တိုးထုတ်လိုက်ပြီးလျှင် ‘ငါရို့ကို တရားစီရင်အုပ်ချုပ်ရန် သင့်အား ဇာသူက ခန့်ထားသနည်း။’ **28** ‘တစ်နိက အဲဂုတ္တုလူတစ်ယောက်ကို အသိသတ်လိုက်သကဲ့သို့ ငါ့ကိုလည်း အသိသတ်ချင်သလော’ ဟု မိန်းလေ၏။ **29** ထိုစကားကို မောသျှေကြားသောအခါ အဲဂုတ္တုပြည်မှ ထွက်ပြီးလားပြီးလျှင် မိချိန်ပြည့်၌ နီထိုင်လေ၏။ ထိုပြည်၌ သားနှစ်ယောက်ကို ရလေ၏။ **30** “နှစ် ၄၀ ကြာပြီးနောက် သိနာတောင်အနား တောကန္တာရ၌ ကောင်းကင်တမန်တစ်ပါးသည် မီးလောင်နိုင်သော ခြုံပုတ်ထဲမှ မောသျှေကို ထင်ရှားပြလေ၏။ **31** ထိုအခြင်းအရာကို မောသျှေမြင်သောအခါ အံ့သြသည်ဖြစ်၍ သေချာစွာကြည့်ရန် အနားသို့ ချဉ်းကပ်လေ၏။ သို့သော် သခင်ဘုရား၏ အသံတော်ကို ကြားရသည်ကား၊ **32** ‘ငါသည် သင့်အဖိုးအဖီးရို့၏ဘုရား၊ အာဗြဟံ၊ ကူဇာက၊ ယာကုပ်ရို့၏ ဘုရားသခင်ဖြစ်သည်’ ဟု ကြားရသောကြောင့် မောသျှေသည် ကြောက်ရွံ့တုန်လှုပ်ပြီးလျှင် မကြည့်ဝံ့ဘဲနိန်၏။ **33** သခင်ဘုရားက မောသျှေအား ‘သင် ရပ်နိုင်သော နီရာသည် သန့်ယှင်းသော မြို့ဖြစ်သောကြောင့် သင့်၏ဖိနပ်ကို ချွတ်လော့။’ **34** ငါသည် အဲဂုတ္တုပြည်၌ ငါ၏လူမျိုးတိ ခံနိုင်ရသော ဒုက္ခဆင်းရဲကို မြင်ယာ။ ငါသည် သူရို့၏ ညည်းတွားသံတို့ကိုလည်း ကြားရယာ။ ထို့ကြောင့် ငါသည် သူရို့အား ကယ်တင်ရန် ဆင်းလာယာ။ အဂု လာလော့။ ငါသည် သင့်ကို အဲဂုတ္တုပြည်သို့ စီစွတ်မည်’ ဟု မိန့်တော်မူ၏။ **35**

“မောသျှကား ကုသရေလလူမျိုးတို့ ပစ်ပယ်ခြင်းကို ခံရသူဖြစ်၏။ သူရိုက် ‘ငါရိုက် အုပ်ချုပ်ဖို့နှင့် တရားစီရင်ဖို့ သင့်ကို
ဇာသုခန့်ထားသနည်း’ ဟု မိန်းကြ၏။ သူသည် ခြုံပုတ်ထဲမှ မီးတောက်အားဖြင့် ထင်ရှားပြသော ကောင်းကင်တမန်
အကူအညီအားဖြင့် ကုသရေလလူမျိုးတို့ကို အုပ်ချုပ်ရန်နှင့် လွတ်မြောက်စီရန် ဘုရားသခင် စီစဉ်တော်မူသောသူဖြစ်၏။
36 သူသည် လူတို့ကို အဲဂုတ္တုပြည်မှ ခေါ်ထုတ်လာ၍ အဲဂုတ္တုပြည်နှင့် ပင်လယ်နိဗ္ဗိလည်းကောင်း၊ အနှစ်လေးဆယ်ပတ်လုံး
တောကန္တာရ၌ လည်းကောင်း၊ နိမိတ်လက္ခဏာနှင့် အံ့ဩဖွယ်ရာများကို ပြု၏။ 37 မောသျှသည် ကုသရေလ လူမျိုးရိုးအား
‘ဘုရားသခင်သည် သင်ရဲ့ထံသို့ ငါ့ကို စီစဉ်သကဲ့သို့ ပရောဖက်တစ်ပါးကို စီစဉ်တော်မူလိမ့်မည်၊ ထိုသူသည် သင်ရဲ့
လူမျိုးထဲကတစ်ယောက် ဖြစ်လိမ့်မည်’ ဟု ပြောကြားခဲ့သူတစ်ယောက်ဖြစ်၏။ 38 သူသည် ကုသရေလလူမျိုးတို့နှင့်
တောကန္တာရ၌ စုဝေးခသော သူတစ်ယောက်ဖြစ်၏။ သူသည် သိနာတောင်၌ စကားပြောခသော ကောင်းကင်တမန်တို့နှင့်
လည်းကောင်း၊ ငါရိုအဖိုးအဖီးနှင့် လည်းကောင်း ထိုနီရာ၌ဟိခသောသူဖြစ်ပြီး ငါရိုအား ပီးအပ်ရန် ဘုရားသခင်၏
အသက်ရှင်သော ဗျာဒိတ်တော်ကို ခံယူခဲ့သူဖြစ်၏။ 39 “သို့သော်လည်း ငါရိုအဖိုးအဖီးတို့က သူ၏စကားကို နာမခံကြ။
သူ့ကိုဖယ်ထားပြီးလျှင် အဲဂုတ္တုပြည်ကို ပြန်လိုသောဆန္ဒ ဟိကြ၏။ 40 ထို့ကြောင့် သူရိုက် ‘ငါရိုကို အဲဂုတ္တုပြည်မှ
ထုတ်ဆောင်ခသော မောသျှသည် ဇာပိုင် ဖြစ်လာသည်ကို မသိ။ ထို့ကြောင့် ငါရိုကို ဦးဆောင်တော်မူမည့် ဘုရားတို့ကို
ပြုလုပ်ပီးပါ’ ဟု အာရန်အား တောင်းဆိုကြ၏။ 41 ထို့နောက် သူရိုသည် နွားပုံသဏ္ဌာန် ရုပ်တုကို သွန်းလုပ်ပြီး
ပူဇော်သကာကို ယူဆောင်ကာ မိမိရိုလက်ဖြင့် ပြုလုပ်သော ထိုရုပ်တုကို ပူဇော်၍ ပျော်မြူးနိုင်ကြ၏။ 42 ထို့ကြောင့်
ဘုရားသခင်သည် သူရိုကို မျက်နှာလွှဲတော်မူ၍ ကောင်းကင်မှ ကြယ်တို့ကို ကိုးကွယ်စီရန် စွန့်ပစ်ထားတော်မူ၏။
ထိုအကြောင်းအရာနှင့်ပတ်သတ်၍ ပရောဖက်ကျမ်းစာ၌ ရီးသားထားသည်ကား၊ “ကုသရေလအမျိုးရို့ သင်ရို့သည်
တောကန္တာရ၌၊ အနှစ်လေးဆယ်ပတ်လုံး ယမံကောင်တို့ကို သတ်၍ ပူဇော်ခကြ၏။ ထိုပူဇော်ခြင်းသည်ကား
ငါ့ကို ပူဇော်သည် မဟုတ်။ 43 သင်ရို့ သယ်ဆောင်လာသော မောလုတ်ဘုရား၏ တံတော်နှင့်၊ သင်ရို့၏
ရင်ဖန်ဘုရား၏ ကြယ်ရပ်တူဖြစ်၏။ ထိုအရာတို့သည် သင်ရို့ဝတ်ပြုကိုးကွယ်ဖို့ ပြုလုပ်ထားသော ရုပ်တုတို့ဖြစ်ကြ၏။
ထို့ကြောင့် ငါသည် သင်ရို့ကို ဗာဗုလုန်မြို့ ကျော်လွန်အောင် ပြည်နှင့်ဒဏ် ပီးလိမ့်မည်။” 44 “တောကန္တာရ၌
ငါရိုအဖိုးအဖီးတို့နှင့်အတူ ဘုရားသခင်ကိန်းဝပ်ရာ တံတော်ဟိ၏။ မောသျှသည် သူမြင်ရသည့်ပုံစံနှင့်အညီ
တံတော်ကို ပြုလုပ်ရန် မြွက်ဆိုတော်မူသော ဘုရားသခင်က မှာကြားသည့်အတိုင်း ပြုလုပ်ထားသော တံတော်ဖြစ်၏။
မောသျှအား ဖော်ပြထားတော်မူသည့်ပုံနှင့်အညီ သက်သိခံတော်မူရာ တံတော်ကို တည်ဆောက်ခ၏။ 45
ငါရို့ အဖိုးအဖီးရို့သည် မိမိရို့အဖတ်ထံပါးမှ ထိုတံတော်ကို ဆက်ခံပြီးလျှင် ဘုရားသခင် နှင်ထုတ်တော်မူသော
အခြားလူမျိုးတို့ပြည်ကို ယောသျှနှင့်အတူ ချီတက်သိမ်းပိုက်ကြသောခါ ထိုတံတော်ကို သယ်ဆောင်လာကြ၏။
ထိုတံတော်ကား ဒါဝိဒ်လက်ထက်တိုင် ဟိလေ၏။ 46 သူသည် ဘုရားသခင်၏ရှိတော်၌ ကျေးဇူးတော်
ခံစားရသူ ဖြစ်ပြီးလျှင် ယာကုပ်၏ဘုရား ကိန်းဝပ်တော်မူရာအရပ်ကို တည်ဆောက်ခွင့်ပြုရန် ဘုရားသခင်ထံတော်သို့
တောင်းလျှောက်လေ၏။ 47 သို့သော်လည်း ဘုရားသခင်၏ အိမ်တော်ကို တည်ဆောက်ခွင့်ရသူကား သျှောလမုန်
ဖြစ်၏။” 48 “သို့သော်လည်း အမြင့်ဆုံးသောဘုရားသခင်သည် လူ့လက်ဖြင့် တည်ဆောက်သည့် အိမ်တို့၌
ကိန်းဝပ်တော်မမူ။ ထိုအကြောင်းအရာနှင့်ပတ်သက်၍ ပရောဖက်က၊ 49 “သခင်ဘုရား မိန့်တော်မူသည်ကား၊
ကောင်းကင်ဘုံသည် ငါ၏ပလ္လင်ဖြစ်၏။ မြို့ကြီးသည်လည်း ငါ၏ဦးတင်ခုံဖြစ်၏။ သင်သည် ဇာပိုင်မျိုး အိမ်ကို
ငါ့အတွက် တည်ဆောက်မည်နည်း။ ငါ ကိန်းဝပ်မည့် အရပ်ကား ဇာမှာနည်း။ 50 ဤအရာအားလုံးတို့ကို
ငါ့ကိုယ်တိုင် ဖန်ဆင်းသည် မဟုတ်လော’ ဟူ၍ ဆိုထားသည်အတိုင်း ဖြစ်၏။ 51 “သတေဖန်က သင်ရို့သည်
အလွန်ပင် ဂေါင်းမာကြ၏။ သင်ရို့၏ စိတ်နှလုံး၌ ဘုရားတရား ကင်းမဲ့ကြပြီးလျှင် ဘုရားသခင်၏ ဗျာဒိတ်စကားကို
ကြားနာရန် နားပင်းနိုင်ကြသည်တကား။ သင်ရို့သည် မိမိအဖိုးအဖီးတို့ကဲ့သို့ သန့်ယှင်းသောဝိညာဉ်တော်ကို အစဉ်အမြဲ

ဆန့်ကျင်ဖက်ပြုကြ၏။ 52 သင်ရိုးအဖိုးတိ နှိပ်စက်ခြင်းကို မခံရသော ပရောဖက်ဟူ၍ ဇာသုတစ်ယောက် ဟိခသနည်း။ သူရိသည် ဘုရားသခင် ကြွလာမည့်အကြောင်းကို ကြိုတင်ဟောကြားမည့် ပြောင့်မတ်သော အခိုင်းအစိတ်ကို အယင်ကပင်လျှင် အသိသတ်ခကြ၏။ အဂုလည်း သင်ရိုးသည် ထိုအသွင်ကို သစ္စာဖောက်သောသူနှင့် သတ်ဖြတ်သောသူများဖြစ်ကြပြီ။ 53 သင်ရိုးသည် ကောင်းကင်တမန်တိ အားဖြင့် ပီးအပ်တော်မူသော ဘုရားသခင်၏ ပညတ်တော်ကို — ရလျှင်လည်း မလိုက်နာကြပေ” ဟု မြှက်ဆို၏။ 54 သတေဖန်စကားကို ကြားသောအခါ ယုဒတရားလွှတ်တော် အဖွဲ့ဝင်ရိုးသည် အလွန် ဒေါသထွက်ကြ၍ အံ့ကြိတ်နိန်ကြ၏။ 55 သို့သော် သတေဖန်သည် သန့်ယုင်းသောဝိညာဉ်တော်နှင့် ပြည့်ဝလျက် ကောင်းကင်သို့ မော်ကြည့်လိုက်သောအခါ ဘုရားသခင်၏ ဘုန်းတန်ခိုးတော် လည်းကောင်း၊ ဘုရားသခင်၏လက်ယာဖက်တွင် ယေသျှုရပ်နိန်သည်ကိုလည်းကောင်း မြင်လေ၏။ 56 သူက “ကြည့်ပါ၊ ကောင်းကင်ပွင့်၍ လူသားသည် ဘုရားသခင်၏ လက်ယာဖက်၌ ရပ်နိန်သည်ကို ငါမြင်ရ၏” ဟု ဆို၏။ 57 ကောင်စီဝင်အားလုံးသည် ကျယ်လောင်စွာ အော်ဟစ်လျက် နားကို လက်ဖြင့်ပိတ်ထားကြ၏။ ထိုအခါ ချက်ချင်း သတေဖန်ပါးသို့ တဟုန်ထိုး ငြီးလာကြပြီး။ 58 သူ့ကို မြို့ပြင်သို့ ဆွဲထုတ်ပြီးလျှင် ကျောက်သီးဖြင့် ပစ်ကြ၏။ အသိသက်သိရိုးသည် မိမိရိုး၏ အဝတ်များကို သျှောလုဟု ဆိုသော လူငယ်တစ်ယောက်ထံ၌ အပ်ထားကြ၏။ 59 ဤသို့ သူ့ကိုကျောက်သီးနှင့် ပစ်နိန်ကြစဉ် သတေဖန်က “အို၊ အသျှင်ယေသျှု၊ အကျွန်ုပ်တို့ညာဉ်ကို ရုပ်သိမ်းတော်မူပါ” ဟု သခင်ဘုရားကို ဆုတောင်းလေ၏။ 60 သူသည် ဒူးထောက်၍ ကျယ်လောင်သော အသံဖြင့် “အသျှင်ဘုရား၊ ဤသူရိပြုသော ပြစ်မှားခြင်းတို့ကို မှတ်တော်မမူပါကေ” ဟု ဆို၍ ကြွေးကြော်ပြီးလျှင် အသက်ချုပ်လေ၏။

8 သတေဖန်ကို သတ်သည့်အမှုတွင် သျှောလုသည် အလိုတူအလိုပါဖြစ်သတည်း။ ထိုနိမ့်စ၍ ယေရုဆလင်မြို့၌ဟိသော အသင်းတော်များသည် ညဉ့်ပန်းနှိပ်စက်ခြင်းကို ပြင်းစွာခံရလေ၏။ ထို့ကြောင့် တမန်တော်ရုံမှတစ်ပါး ယုံကြည်သူအားလုံးရိုးသည် ယုဒပြည်နှင့် ယုာမာရိပြည်တလျှောက်သို့ ပြန်ကြွလားကြကုန်၏။ 2 ဘုရားကိုကြည်ညိုသော လူတချို့သည် ပြင်းစွာသော ငိုကြွေးခြင်းကို ပြုလျက် သတေဖန်ကို သဂြိုဟ်ကြ၏။ 3 သျှောလုသည် အသင်းတော်ကို ဖျက်ဆီးရန် ကြိုးစား၍ ယုံကြည်သူ မိန်းမယောက်ျားတို့ကို တစ်အိမ်ဝင်တစ်အိမ်ထွက်လျက် ဆွဲငင်ကာ ထောင်ချထားလေ၏။ 4 ပြန်ကြွလားသော ယုံကြည်သူရိုးသည် သတင်းကောင်းကို အရပ်ရပ်သို့ လား၍ ဟောပြောကြ၏။ 5 ဖိလိပ္ပသည် ယုာမာရိပြည်၏မြို့တော်သို့ လား၍ မေသျှိယအကြောင်းကို ဟောပြောလေ၏။ 6 လူအစုအဝေးရိုးသည် ဖိလိပ္ပပြောသောစကားကို အာရုံစိုက်၍ နားထောင်နိန်ကြစဉ် သူပြုသော နိမိတ်လက္ခဏာများကို မြင်ရကြ၏။ 7 ဝိညာဉ်ဆိုးရိုးသည် ကျယ်လောင်စွာအော်ဟစ်လျက် များစွာသောလူထဲမှ ထွက်လားကြ၏။ လီဖြတ်သောသူ၊ ခြိလက်မသန်စွမ်းသော သူရိုးသည်လည်း ကျန်းမာခြင်းသို့ ရောက်ကြ၏။ 8 ထို့ကြောင့် မြို့သူမြို့သားအပေါင်းရိုးသည် အလွန် ဝမ်းမြောက်ပျော်ရွှင်ကြ၏။ 9 ထိုမြို့တွင်နီထိုင်သည့် သျှိုမှန်ဟု ခေါ်သော လူတစ်ယောက်သည် ယုာမာရိလူမျိုးတိအား မိမိ၏ မှော်အတတ်ဖြင့် အချိန်အင်တန်ကြာ အံ့ဩစီလျက် ဟိ၏။ သူသည် မိမိကိုယ်ကို ကြီးမြတ်သည်ဟု ဝါကြွား၍၊ 10 လူတန်းစား အသီးသီးမှ လူတိအားလုံးက “ဤသူသည် ဘုရားသခင်၏ မဟာတန်ခိုးတော် ဖြစ်သည်” ဟု ဆိုလျက် သူ၏စကားကို အာရုံစိုက်၍ နားထောင်ကြ၏။ 11 သူရိုးသည် သျှိုမှန်အား ဤသို့ အာရုံစိုက်ကြခြင်းမှာ သူသည် ကာလကြာမြင့်စွာ မှော်အတတ်ဖြင့် သူရိကို အံ့ဩစီသောကြောင့်ဖြစ်၏။ 12 သို့သော် ဖိလိပ္ပသည် ဘုရားသခင်၏ နိုင်ငံတော်အကြောင်းနှင့် ယေသျှုခရစ်တော်၏ သတင်းကောင်းကို ဟောပြောသောအခါ သူရိုးသည် ယုံကြည်လာကြသဖြင့် ယောက်ျားမိန်းမအပေါင်းရိုးသည် ဗတ္တိဇံကိုခံယူကြ၏။ 13 သျှိုမှန်ကိုယ်တိုင်လည်း ယုံကြည်သဖြင့် ဗတ္တိဇံကို ခံယူပြီးနောက် ဖိလိပ္ပထံတွင် ဆည်းကပ်၍ ကြီးစွာသော အံ့ဩဖွယ်ရာ နိမိတ်လက္ခဏာများကို မြင်တို့ရသောအခါ လွန်စွာအံ့ဩလေ၏။ 14 ယေရုဆလင်မြို့၌ဟိသော တမန်တော်ရိုးသည် ယုာမာရိပြည်သားတိ ဘုရားသခင်၏ နှုတ်ကပတ်တရားတော်ကို လက်ခံလာကြကြောင်းကို ကြားသိရသောအခါ ပေတရနှင့် ယောဟန်ရိုးကို သူရိုးပါးသို့

စိန္တဝါဒီလက်ကြံ၏။ 15 တမန်တော်နှစ်ပါးသည် ရောက်လာကြသောအခါ၊ သူရိသသည် ယုံကြည်သူ လူသစ်များအား သန့်ယှင်းသောဝိညာဉ်တော်ကို ခံယူနိုင်စီရန်အတွက် ဆုတောင်းပီးကြ၏။ 16 ဇာကြောင့်ဆိုသော် ထိုသူရိသသည် အသျှင်ယေသျှု၏နာမ၌ ဗတ္တိဇံကို ခံယူမှုသာဖြစ်၍ ထိုသူရိသထဲတွင် ဇာသုဉ်းမှု သန့်ယှင်းသောဝိညာဉ်တော် ဆင်းသက်တော် မမူသိမ့်သောကြောင့်ဖြစ်၏။ 17 ထိုအခါ ပေတရုနှင့် ယောဟန်ရိသသည် ထိုသူရိသထက်၌ လက်ကိုတင်ကြသောအခါ ထိုသူရိသသည် သန့်ယှင်းသောဝိညာဉ်တော်ကို ခံယူကြ၏။ 18 သျှိုမှန်သည် တမန်တော်ရိ၏ လက်တင်ခြင်းကို ခံရခြင်းအားဖြင့် ထိုသူရိသသည် ဝိညာဉ်တော်ကို ခံယူရဟိကြောင်းကို မြင်သောအခါ သူသည် တမန်တော်ရိအား ငွီကို ယူလာ၍၊ 19 “ဇာသုဉ်းမဆို အကျွန်၏ လက်ကိုတင်လိုက်သောအခါ ထိုသူရိ၌ သန့်ယှင်းသောဝိညာဉ်တော်ကို ရစိခြင်းငှာ အကျွန်အား တန်ခိုးကို ပီးပါ” ဟု ဆိုလေ၏။ 20 ပေတရုကလည်း “ဘုရားသခင်၏ ဆုကျေးဇူးတော်ကို ငွီနှင့် ဝယ်ယူရန် စိတ်အကြံဟိသောကြောင့် သင်၏ငွီသည် သင်နှင့်အတူ ပျက်စီးပါစီ။ 21 ဘုရားသခင်ရှိတော်၌ သင်၏စိတ်ထား မမှန်ကန်သောကြောင့် ငါရိ၏ အပေါင်းအပါလည်းမဖြစ်နိုင်။ ငါရိ၏အလုပ်၌လည်း မပါဝင်နိုင်။ 22 ထို့ကြောင့် သင်၏ ဆိုးညစ်မှုအတွက် နောင်တရပြီးလျှင် သင်၏စိတ်နှလုံးထဲ၌ ထိုသို့ ကြံစည်သဖြင့် ခွင့်ရွတ်ခြင်း ရစိခြင်းငှာ သခင်ဘုရားထံပါး၌ ဆုတောင်းလော့။ 23 သင်သည် မနာလိုမုန်းတီးစိတ်မွန်းပြီးလျှင် ဒုစရိုက်အပြစ်၏ ကျွန်တစ်ယောက်ဖြစ်သည်ကို ငါမြင်သည်” ဟု ဆို၏။ 24 သျှိုမှန်ကလည်း ပေတရုနှင့် ယောဟန်အား၊ “သင်ရိပြောသော အမှုအရာတိ အကျွန်၌ မဖြစ်လာစီရန် အကျွန်အတွက် သခင်ဘုရားထံ ဆုတောင်းပီးကြပါ” ဟု ဆိုလေ၏။ 25 ပေတရုနှင့် ယောဟန်ရိသသည် သခင်ဘုရား၏ နှုတ်ကပတ်တရားကို သက်သီခံ၍ ဟောပြောကြပြီးနောက် ယေရုဆလင်မြို့သို့ ပြန်လာကြ၏။ အပြန်လမ်းခရီးတွင် များစွာသော ယုာမာရီ ရွာများတွင် သတင်းကောင်းကို ဟောပြောကြလေ၏။ 26 သခင်ဘုရား၏ ကောင်းကင်တမန်သည် ဖိလိပ္ပုအား၊ “သင်သည် အသင့်ပျင်၍ ယေရုဆလင်မြို့မှ ဂါဇာမြို့သို့ လားသောလမ်းအတိုင်း တောင်ဖက်သို့ လားလော့” ဟု ဆို၏။ (ထိုလမ်းကို ယခုခေတ်တွင် မသုံးယာ)။ 27 ထို့ကြောင့် ဖိလိပ္ပုသည် အသင့်ပျင်၍ လားလေ၏။ ထိုစဉ် အဲသယောပိဘုရင်မ၏ အမတ်တစ်ဦးဖြစ်ပြီး ဘုရင်မ၏ဘဏ္ဍာအားလုံးကို စီမံအုပ်ချုပ်ရသော အဲသယောပိပြည်သား မိန်းမစိုး အရာဟိ တစ်ယောက်သည် ယေရုဆလင်မြို့သို့ လားပြီး ဘုရားသခင်အား ဝတ်ပြုကိုးကွယ်လေ၏။ သူသည် အပြန်လမ်းခရီးတွင် မြင်းရထားထက်၌ ထိုင်လျက် ပရောဖက် ဟောသျှာယကျမ်းကို ဖတ်နိုင်၏။ 29 သန့်ယှင်းသော ဝိညာဉ်တော်က ဖိလိပ္ပုအား “ထိုမြင်းရထား အနားသို့ လားပြီး ကပ်၍လိုက်လော့” ဟု မိန့်တော်မူ၏။ 30 ဖိလိပ္ပုသည် ငြီးလား၍ ပရောဖက်ဟောသျှာယကျမ်းအား ဖတ်လျက်နိုင်သည်ကို ကြားသဖြင့် “သင် ဖတ်နိုင်သော အရာကို နားလည်သလော” ဟု ထိုသူအား မိန်းလေ၏။ 31 ထိုအရာဟိက “ငါ့ကို အနက်ဖွင့်ပြသူ မဟိဘဲ ဇာပိုင် နားလည်နိုင်ပါမည်နည်း” ဟု ပြန်ပြောပြီးနောက်၊ ဖိလိပ္ပုအား ရထားထက်တက်၍ မိမိနှင့်အတူထိုင်ရန် ဖိတ်ခေါ်လေ၏။ 32 ထိုသူ ဖတ်နိုင်သည့် ကျမ်းစာပိုဒ်ကား၊ “အသီသတ်ရန် ဆွဲယူလားသော သိုးကဲ့သို့ သူ့ကို ဆောင်ယူလားကြ၏။ သိုးချေသည် အစိုးညှပ်သူရိရှိ၌ နှုတ်ဆိတ်၍နိုင်သကဲ့သို့ မိမိနှုတ်ကို မဖွင့်ဘဲနိုင်၏။ 33 သူသည် ကဲ့ရဲ့ယုတ်ချခြင်းကို ခံရစဉ် တရားမျှတမှု ဟိစီရန် သူ့အတွက် ဆောင်ရွက်ပီးသူမဟိ။ ဤလောကမှ သူ့အသက်ကို ရုပ်သိမ်းလားသည်ဖြစ်၍၊ ဇာသူသည် သူ၏သားမြီးတိကို ပြောပြနိုင်မည်နည်း” ဟူ၍ ဖြစ်၏။ 34 ထိုအရာဟိက ဖိလိပ္ပုအား၊ “ငါ့ကို ပြောပြလော။ ထိုပရောဖက်က ဇာသူအကြောင်းကို ပြောဆိုနိုင်ပါသနည်း။ မိမိအကြောင်းလား၊ အခြားတစ်ယောက် အကြောင်းလား” ဟု မိန်းမြန်းလေ၏။ 35 ထို့ကြောင့် ဖိလိပ္ပုသည် ထိုကျမ်းစာပိုဒ်နှင့် အစပြု၍ ယေသျှုအကြောင်း သတင်းကောင်းကို ဟောပြောလေ၏။ 36 သူရိသသည် ဆက်လက်ပြီး ခရီးပြုကြစဉ် ရီဟိသောအရပ်သို့ ရောက်ကြသဖြင့် အရာဟိက၊ “ဤအရပ်၌ ရီဟိပါ၏။ ငါသည် ဗတ္တိဇံမင်္ဂလာ ခံယူရန် တားဆီးနိုင်သည့်အရာ ဟိပါသလော” ဟု ဆို၏။ 38 အရာဟိသည် မြင်းရထားကို ရပ်တန့်စီပြီးနောက် သူရိနှစ်ယောက်သည် ရီထဲသို့ ဆင်းလားကြပြီးလျှင် ဖိလိပ္ပုသည် အရာဟိအား ဗတ္တိဇံမင်္ဂလာကို ပီးလေ၏။ 39 သူရိသည်

ရီထဲက တက်လာကြသောအခါ သခင်ဘုရား၏ ဝိညာဉ်တော်သည် ဖိလိပ္ပူအား အစီးသို့ ဆောင်ယူလားတော်မူသဖြင့် အရာဟိသည် ဖိလိပ္ပူကို နောက်တဖန် မတို့ရပေ။ သူသည်လည်း ဝမ်းမြောက်စွာဖြင့် ခရီးဆက်လေ၏။ 40 ဖိလိပ္ပူသည် အာဇုတ်မြို့၌ ပေါ်လာ၍ ကဲသရိမြို့သို့ ရောက်သည့်တိုင်အောင် လမ်းတလျှောက်၌ဟိသော မြို့တိုင်း၌ သတင်းကောင်းကို ဟောပြော၍ ခရီးဆက်လေ၏။

9 ထိုအတောအတွင်း သျှောလုသည် သခင်ဘုရား၏တပည့်တော်ရို့အား သတ်ဖြတ်ရန် ခြိမ်းခြောက်လျက်နိန်၏။ သူသည် ယဇ်ပုရောဟိတ်မင်းထံသို့ လားပြီးလျှင်၊ 2 သခင်ဘုရား၏ လမ်းစဉ်ကို လိုက်လျှောက်သောမိန်းမ၊ ယောက်ျားတို့ကို တွံ့ပါက ဖမ်းဆီး၍ ယေရုဆလင်မြို့သို့ ခေါ်ဆောင်နိုင်ခြင်းငှာ ဒမာသက်မြို့၌ဟိသော တရားဇရပ်များသို့ ညွှန်ကြားစာ ပီးပါရန် တောင်းဆိုလေ၏။ 3 သျှောလုသည် ဒမာသက်မြို့အနားသို့ ရောက်သောအခါ အာကာထက်မှ အလင်းသည် သူ့ပတ်လည်တွင် ရုတ်ကန် ထွန်းတောက်လေ၏။ 4 သူသည် မြဲကြီးထက်တွင် လဲကျလားပြီး၊ “သျှောလု၊ သျှောလု ငါ့ကို ဇာကြောင့် ညှဉ်းဆဲနှိပ်စက်သနည်း” ဟု မိမိအား မိန်းမြန်းနိုင်သော အသံတစ်ခုကို ကြားရ၏။ 5 သျှောလုက၊ “အသျှင်၊ အသျှင်ကား ဇာသုနည်း” ဟု မိန်းလျှောက်၏။ “ငါကား သင် ညှဉ်းဆဲနှိပ်စက်နိုင်သူ ယေသျှုပင်ဖြစ်သည်” ဟု အသံတော်လာ၏။ 6 “ယေဒါလေ့ ထပြီးလျှင် မြို့ထဲသို့ ဝင်လော့။ သင် ပြုရမည့်အရာကို ထိုအရပ်၌ သင့်အား ပြောကြားလိမ့်မည်” ဟု မိန်းတော်မူ၏။ 7 သျှောလုနှင့်အတူ ခရီးပြုနိုင်သော သူရို့သည် ထိုအသံကို ကြားရသော်လည်း လူတစ်ယောက်ကိုမျှ မတို့ရသဖြင့် အံ့မောကျလျက် ရပ်နိန်ကြ၏။ 8 သျှောလုသည် မြဲကြီးမှ ထပြီးလျှင် မျက်လုံးကို ဖွင့်လိုက်သောအခါ မည်သည့်အရာကိုမျှ မမြင်ရလီယာ။ ထို့ကြောင့် သူရို့သည် သူ၏လက်ကိုဆွဲ၍ ဒမာသက်မြို့သို့ ခေါ်ဆောင်လားကြ၏။ 9 သူသည် သုံးရက်လုံးလုံး မျက်စိမမြင်ရ၍ ထိုကာလအတွင်း ဇာတစ်ခုကိုမျှ မစားမသောက်ဘဲနိန်၏။ 10 ဒမာသက်မြို့တွင် အာနနိဟု ခေါ်သော တပည့်တော်တစ်ယောက် ဟိ၏။ သူ၏ဗျာဒိတ်ရူပါရုံထဲတွင် သခင်ဘုရားက “အာနနိ” ဟု ခေါ်တော်မူလျှင်၊ အာနနိက “အကျွန် ဤအရပ်၌ ဟိပါ၏။ အသျှင်” ဟု ပြန်လျှောက်လေ၏။ 11 သခင်ဘုရားကလည်း “သင်ထပြီးလျှင် လမ်းပြောင့်ဟု အမည်တွင်သော လမ်းသို့လားပြီးလျှင် တာယျုမြို့သား သျှောလုဟု ခေါ်သောသူကို ယုဒ၏ အိမ်၌ စုံစမ်းမိန်းမြန်းလော့။ သူသည် ဆုတောင်းလျက်နိန်၏။ 12 ထိုသူသည်လည်း ဗျာဒိတ်ရူပါရုံ၌ အာနနိဟု ခေါ်သောသူသည် လာ၍ မိမိအထက်၌ လက်တင်ခြင်းဖြင့် မျက်စိအလင်း ပြန်ရသည်ကို မြင်ရလီယာ” ဟု မိန်းတော်မူ၏။ 13 အာနနိက၊ “အသျှင်၊ ထိုသူသည် ယေရုဆလင်မြို့၌ဟိသော ကိုယ်တော်၏ သန့်ယှင်းသောလူတို့အား ဇာလောက်ထိ ဒုက္ခပီးကြောင်း လူအများက ပြောကြသည်ကို အကျွန် ကြားပါ၏။ 14 ထိုသူသည် ကိုယ်တော်ကို ကိုးကွယ်ကြသောသူမှန်သမျှကို ဖမ်းဆီးရန် ယဇ်ပုရောဟိတ်အကြီးအကဲရို့ထံပါးက အခွင့်အာဏာဖြင့် ဤအရပ်သို့ ရောက်လာခြင်းဖြစ်ပါ၏” ဟု လျှောက်လေ၏။ 15 သို့ရာတွင် သခင်ဘုရားက၊ “လားလော့၊ ဤသူကား ငါ ရှီးချယ်ထားသူဖြစ်ပြီးလျှင် တခြားလူမျိုးတို့၊ သျှင်ဘုရင်တို့နှင့် ဣသရေလလူမျိုးတို့ရှိ ၌ ငါ့နာမကို ထင်ရှားစီမည်သူ ဖြစ်၏။ 16 ငါ၏နာမအဖို့အလိုငှာ သူခံရမည့် ဒုက္ခဆင်းရဲခြင်း အကြောင်းကို အားလုံးကို ငါကိုယ်တိုင် သူ့ကိုဖော်ပြမည်” ဟု မိန်းတော်မူ၏။ 17 ထို့ကြောင့် အာနနိသည် လား၍ သျှောလုဟိသည့်အိမ်သို့ ဝင်ပြီး သူ၏အထက်၌ လက်ကိုတင်ပြီးလျှင်၊ “ငါ့ညီ သျှောလု၊ သင်သည် မျက်စိပြန်မြင်စီဖို့နှင့် သန့်ယှင်းသော ဝိညာဉ်တော်နှင့် ပြည့်ဝလာစီဖို့အတွက် သင် ဤအရပ်သို့ လာနိုင်စဉ် လမ်းခရီး၌ ထင်ရှားတော်မူသော သခင်ဘုရားတည်းဟူသော ယေသျှုက ငါ့ကို သင့်ပါးသို့ စီစဉ်တော်မူလိုက်သည်” ဟု ဆို၏။ 18 ထိုအခါ ခဏချင်းတွင် သျှောလုမျက်စိမှ ငါးကြီးခွံများကဲ့သို့ သော အရာများ ကွာကျပြီး မျက်စိပြန်မြင်လီ၏။ သူသည်လည်း ထ၍ ဗတ္တိဇံကို ခံယူပြီးလျှင်၊ 19 သူသည် အစားအစာ သုံးဆောင်ပြီးနောက် ခွန်အားနှင့် ပြည့်လာ၏။ သျှောလုသည် ဒမာသက်မြို့တွင် တပည့်တော်တို့နှင့်အတူ ရက်အနည်းငယ် နီထိုင်ခ၏။ 20 ထိုသူသည် ချက်ချင်းပင် တရားဇရပ်များသို့ လား၍ ယေသျှုသည် ဘုရားသခင်၏ သားတော်ဖြစ်ကြောင်း စတင်၍ ဟောပြောလေ၏။ 21 သူ၏စကားကို ကြားသောသူ အပေါင်းရို့သည် အံ့သြကြ၍ “ဤသူသည် ယေရုဆလင်မြို့၌

ယေသု၊ နာမအား ဆုတောင်းပတ္တနာပြုသော သူတို့ကို သတ်ဖြတ်ခသူ မဟုတ်ပါလော။ ထို့ပြင် ထိုသူရိုးအား ဖမ်းဆီး၍ ယဇ်ပုရောဟိတ်အကြီးအကဲတို့ထံပါးသို့ ပို့ဆောင်လားရန် ရည်ရွယ်ချက်များဖြင့် ရောက်လာသူ မဟုတ်ပါလော” ဟု ပြောဆိုကြ၏။ 22 သို့သော် သျှောလုသည် ခွန်အားနှင့် ပို၍ပြည့်စုံလာပြီး ယေသုသည် မေသျှိယဖြစ်တော်မူကြောင်းကို ယုံကြည်လောက်အောင် သက်သီပြု၍ ဟောပြောရာ ဒဗ္ဗသက်မြို့တွင် နီထိုင်သူ ယုဒလူမျိုးရှိသည် မချေပနိုင်ကြပေ။ 23 ထို့နောက် ရက်ပေါင်းများစွာ ကြာလာသောအခါ ယုဒလူမျိုးရှိသည် အတူတကွ တို့ဆိုပြီး သျှောလုကို အသိသတ်ရန် ကြံစည်ကြ၏။ 24 သို့သော်လည်း သူရိုး၏ အကြံစည်ကို သျှောလု သိလေ၏။ သူရိုးသည် မြို့တန်းခါးတံတွင် နံ၊ ညမပြတ် စောင့်ကြည့်ပြီး သျှောလုအား အသိသတ်ရန် မှာထားကြ၏။ 25 သို့ရာတွင် သျှောလု၏ နောက်လိုက်ရှိသည် ညဉ့်အချိန်တွင် သူ့ကို ခေါ်ဆောင်လားကာ တောင်းထဲတွင်ထည့်၍ မြို့ရိုးထက်မှ အောက်သို့ လျှောချကြ၏။ 26 သျှောလုသည် ယေရုဆလင်မြို့သို့ ရောက်သောအခါ တပည့်တော်ရှိနှင့် ဆက်သွယ်ရန် ကြိုးစားလေ၏။ သို့သော်လည်း သူသည် တပည့်တော်တစ်ဦးဖြစ်လာကြောင်းကို မယုံကြည်ကြသောကြောင့် ထိုသူရိုးအားလုံးသည် သူ့ကို ကြောက်ကြ၏။ 27 ထိုအခါ ဗာနဗသည် လာ၍ သူ့အား ကူညီရန် တမန်တော်တို့ပါးသို့ ခေါ်လားလေ၏။ သူက သျှောလုသည် လမ်းခရီးတွင် သခင်ဘုရားအား ဖူးမြင်ခပ်နှင့် သခင်ဘုရားက သူ့အား ဇာပိုင် အမိန့်ဟိခပ်ကို ထိုသူရိုးအား ယှင်းပြခ၏။ သူသည် ဒဗ္ဗသက်မြို့တွင် ယေသု၏နာမကို အမှီပြု၍ ရဲရင့်စွာ ဟောပြောခပ်ကိုလည်း ပြောပြလေ၏။ 28 သျှောလုသည်လည်း တမန်တော်တို့နှင့်အတူ နီထိုင်ပြီး ယေရုဆလင်တစ်မြို့လုံးသို့ လားလာလှုပ်ယှားလျက် သခင်ဘုရား၏ နာမကို အမှီပြု၍ ရဲရင့်စွာ ဟောပြောလေ၏။ 29 သျှောလုသည် ဟေလသဘာသာစကားကို ပြောသော ယုဒအမျိုးသားရှိနှင့် အဗြီအတင် ဆွေးနွေးလေ၏။ သို့သော် သူ့အား သတ်ဖြတ်ရန် ကြံစည်ကြ၏။ 30 ထိုအကြောင်းကို ယုံကြည်သူရှိသည် ကြားသိကြသောအခါ သူ့ကို ကဲသရိမြို့သို့ ပို့ဆောင်ပြီးလျှင် တာယုမြို့သို့ ရွတ်လိုက်ကြ၏။ 31 ထို့ကြောင့် ထိုကာလတွင် ယုဒပြည်၊ ဂါလိလဲပြည်နှင့် ယုာမာရိပြည် အရပ်ရပ်၌ အသင်းတော်သည် ငြိမ်ဝပ်စွာနိမ့်ရလေ၏။ အသင်းတော်သည် သခင်ဘုရားအား ကြောက်ရွံ့ရှိသိသော စိတ်နှင့် လည်းကောင်း၊ သန့်ယှင်းသောဝိညာဉ်တော်၏ အားပီးတိုက်တွန်းအားဖြင့် လည်းကောင်း အသက်ရှင် နီထိုင်ကြသောကြောင့် အရီအတွက် တိုးပွားများပြား လာလေ၏။ 32 ပေတရသည် အရပ်ရပ်သို့ လှည့်လည်လျက် လုဒမြို့တွင်နီထိုင်သော ဘုရားသခင်၏ သန့်ယှင်းသောလူများပါးသို့ ရောက်လာ၏။ 33 ထိုမြို့တွင် လီဖြတ်၍ သျှစ်နှစ်ပတ်လုံး အိပ်ရာထဲတွင် တုံးတုံးလဲနိန်သူ အဲနဲ ဟူ၍ နာမည်ဟိသော သူတစ်ယောက်ကို တွေ့၏။ 34 ထိုအခါ ပေတရက “အဲနဲ၊ ယေသု၊ ခရစ်တော်က သင့်ကို ကျန်းမာစီယာ။ ထရပ်ပြီးလျှင် ကိုယ့်အိပ်ရာကို သိမ်းလော့” ဟု ဆို၏။ အဲနဲသည် ချက်ချင်း ထရပ်လေ၏။ 35 လုဒမြို့နှင့် ယုာရန်လွင်ပြင်၌ နီထိုင်သော လူအပေါင်းရှိသည် သူ့ကိုတို့မြင်၍ သခင်ဘုရားထံတော်သို့ ပြောင်းလဲလာကြ၏။ 36 ယုပေမြို့၌ တဗိသ နာမည်ဟိသော ယုံကြည်သူတစ်ဦး ဟိ၏။ (သူမ၏နာမည်ကား ဟေလသ ဘာသာစကားဖြင့် ဒေါ်ကာ ဖြစ်၍ “ဒရယ်” ဟု ဆိုလိုသတည်း။) သူမသည် ကောင်းသောအလုပ်နှင့် စွန့်ကြဲပီးကမ်းခြင်းအမှုကို အစဉ်သဖြင့် လုပ်တတ်၏။ 37 ထိုအချိန်၌ သူမသည် ဖျားနာ၍ သီဆုံးလေ၏။ သူမ၏အလောင်းကို ရီချိုပီးကြပြီးနောက် အထက်ခန်းတွင် ထားကြ၏။ 38 လုဒမြို့သည် ယုပေမြို့နှင့် မဝီးသဖြင့် လုဒမြို့တွင် ပေတရဟိကြောင်းကို ယုံကြည်သူရှိကြားသိကြလျှင် လုဒစဉ်းကို သူ့ပါးသို့ ရွတ်လိုက်ကာ “အကျွန်ုပ်ရိုးကို လျင်မြန်စွာ ကြွလာတော်မူပါ” ဟု တောင်းပန်ကြ၏။ 39 ထို့ကြောင့် ပေတရသည် ထိုသူရိုးနှင့်အတူ လိုက်လာ၏။ သူသည် ရောက်လာသောအခါ ပေတရကို အထက်ခန်းသို့ ခေါ်ဆောင်လားကြ၏။ မုဆိုးမရှိသည် ပေတရ၏အနားတွင် ဝိုင်းအုံလျက် ငိုသိုကာ ဒေါ်ကာ အသက်ထင်ရှားစဉ် ခြုပ်ထားခသော အပြင်ခံအင်္ကျီများနှင့် အတွင်းခံအင်္ကျီများကို ပြကြ၏။ 40 ပေတရသည် ထိုသူရိုးအားလုံးကို အခန်းတွင်းမှ ထွက်စီပြီးလျှင် ဒူးထောက်၍ ဆုတောင်းလေ၏။ ထို့နောက် အလောင်းဖက်သို့လှည့်၍ “တဗိသ၊ ထလော့” ဟု ဆိုလျှင် သူမသည် မျက်စိဖွင့်၍ ပေတရကို မြင်သောအခါ ထ၍ ထိုင်လေ၏။ 41 ပေတရသည် သူမအား လက်ကိုကမ်းပြီးလျှင် ထရပ်နိုင်ရန် ဖေးမလေ၏။

ထို့နောက် မုဆိုးမများ အပါအဝင် ယုံကြည်သူများ အားလုံးကိုခေါ်၍ သူမ အသက်ရှင်လျက်ဟိကြောင်းကို ပြလေ၏။ 42 ထိုသတင်းသည် ယုပေတစ်မြို့လုံးတွင် ပျံ့နှံ့လားသဖြင့် လူအပေါင်းရှိသည် သခင်ဘုရားကို ယုံကြည်သက်ဝင်ကြ၏။ 43 ပေတရသည် ယုပေမြို့၌ သားရီနယ်လုပ်သား သျှိမုန်ဆိုသူနှင့်အတူ ရက်ပေါင်းများစွာ တည်းခိုလေ၏။

10 ကဲသရိမြို့၌ ကုတလိတပ်ဟု ခေါ်သော ရောမတပ်တွင် ကော်နေလိဟု ခေါ်သည့် တပ်မှူးတစ်ယောက်ဟိ၏။ 2 သူသည် ဘာသာတရား ကြည်ညိုသောသူ တစ်ယောက်ဖြစ်၏။ သူနှင့် သူ၏မိသားစုအားလုံးသည် ဘုရားသခင်ကို ဝတ်ပြုကိုးကွယ်ကြ၏။ ယုဒလူမျိုး ဆင်းရဲသူ ဆင်းရဲသားတို့အား ရက်ရောစွာ ပီးကမ်းစွန့်ကြကာ ဘုရားသခင်အား အစဉ်ဆုတောင်းလျက်နိန့်၏။ 3 တစ်နိဉ် မွန်းလွဲ သုံးချက်တီးခန့်အချိန်တွင် ဗျာဒိတ်ရူပါရုံတစ်ခု၌ သူ့အား “ကော်နေလိ” ဟု ခေါ်သည့် ဘုရားသခင်၏ ကောင်းကင်တမန်တစ်ပါးကို ထင်ရှားစွာ မြင်လေ၏။ 4 သူသည် ထိုကောင်းကင်တမန်အား ကြောက်ရွံ့စွာဖြင့် စိစိကြည့်ပြီးလျှင် “ဇာကိစ္စ ဟိပါလဲ၊ ဆရာ” ဟု မိန်းလေ၏။ ကောင်းကင်တမန်က “သင်၏ ဆုတောင်းခြင်းနှင့် ပီးကမ်းစွန့်ကြခြင်းကို ဘုရားသခင် နှစ်သက်တော်မူသည်ဖြစ်၍ သင်၏ဆုတောင်းခြင်းကို သိမှတ်တော်မူယာ။ 5 အဂုပင်လျှင် ယုပေမြို့သို့ လူတချို့ကို စီစွပ်၍ သျှိမုန် ပေတရဟု ခေါ်သော လူတစ်ယောက် ကို ဖိတ်ခေါ်လော့။ 6 ထိုသူသည် ပင်လယ်နားမှာ နီထိုင်သော သားရီနယ်လုပ်သား သျှိမုန်၏ အိမ်မှာ တည်းခိုနိုင်သော အာဂန္တုတစ်ယောက်ဖြစ်၏” ဟု ပြောဆို၏။ 7 ထို့နောက် ကောင်းကင်တမန်သည် ထွက်ခွာလားလေ၏။ ထိုအခါ ကော်နေလိသည် မိမိ၏အစီခံနှစ်ယောက်နှင့် သူ၏ကိုယ်ရံတော်တို့ထဲက ဘုရားတရားကို ရိုသီကိုးကွယ်သူ စစ်သားတစ်ယောက်ကို ခေါ်ပြီးလျှင် 8 အကြောင်းစုံကို ပြောပြကာ သူရိအား ယုပေမြို့သို့ စီစွပ်လိုက်၏။ 9 နောက်တစ်ရက်တွင် သူရိသည် ခရီးထွက်လာကြရာ ယုပေမြို့ အနီးသို့ ရောက်ကြလေ၏။ မွန်းတည့်ချိန်ခန့်တွင် ပေတရသည် ဆုတောင်းခြင်းငှာ အိမ်ခေါင်ထက်သို့ တက်လေ၏။ 10 သူသည် ဝမ်းဆာလာသည်ဖြစ်၍ တစ်စုံတစ်ခုကို စားလိုသဖြင့် အစားအစာကို ပျင်ဆင်စဉ်တွင် ရူပါရုံတစ်ခုကို မြင်လေ၏။ 11 ထိုရူပါရုံ၌ ကောင်းကင်ဖွင့်လှစ်ကာ လေးထောင့်ပုံ ခြုံလွှာကြီးတစ်ခုနှင့်တူသော အရာတစ်ခုသည် မြီကြီးထက်သို့ ကျဆင်းလာသည်ကို မြင်ရလေ၏။ 12 ထိုအထဲ၌ မြီကြီးထက်၌ တွား၍လားသည့် သတ္တဝါများမှစ၍ ခြံလေးချောင်းသတ္တဝါ အမျိုးမျိုးနှင့် လီထဲမှာ ကျင်လည်ကြသော ငှက်များ ဟိကြ၏။ 13 “ပေတရ ထ၍ သတ်စားလော့” ဟု ပြောသောအသံကို ကြားလေ၏။ 14 သို့ရာတွင် ပေတရက “မဖြစ်နိုင်ပါ အသျှင်၊ ဘာသာတရားအရ မသန့်ယှင်း မစင်ကြယ်သော အစာကို အကျွန်ုပ် စားလေ့ မဟိပါ” ဟု ပြန်လျှောက်သော်၊ 15 တဖန်စကားသံက “ဘုရားသခင်က သန့်ယှင်းသည်ဟု မိန့်တော်မူထားပြီးသောအရာတို့ကို မသန့်ယှင်း ဟူ၍ ထင်မှတ်မနိန့်ကော့” ဟု လာပြန်၏။ 16 ထိုသို့ သုံးကြိမ်၊ သုံးလီ ဖြစ်ပျက်ပြီးနောက် ထိုခြုံလွှာကြီးကို ကောင်းကင်သို့ ပြန်၍ ရုတ်သိမ်းလားလေ၏။ 17 ပေတရသည် ဤဗျာဒိတ်ရူပါရုံ၏ အဓိပ္ပာယ်ကို စဉ်းစားနိုင်သောအခါ ကော်နေလိက စီစွပ်လိုက်သော လူရိသည် သျှိမုန်အိမ်ကို မိန်းမြန်းရာဖွဲ့ကြပြီးလျှင် အဂုတွင် သူရိသည် အိမ်တန်းခါးရှိ၌ ရောက်လာ၍ မတ်တပ်ရပ်နိန့်ကြ၏။ 18 သူရိက “သျှိမုန် ပေတရ ဟု ခေါ်သော အာဂန္တုတစ်ယောက် ဤအိမ်၌ ဟိပါလား” ဟု အော်၍ မိန်းကြ၏။ 19 ပေတရသည် ထိုဗျာဒိတ်ရူပါရုံ၏အဓိပ္ပာယ်ကို နားလည်ဖို့ ကြိုးစားနိုင်စဉ်၊ ဝိညာဉ်တော်က “နားထောင်လော့၊ လူသုံးယောက်သည် ဤနီရာ၌ သင့်ကို လိုက်ရှာနိန့်ကြ၏။ 20 သူရိသည် ငါ ရွတ်လိုက်သော သူတိဖြစ်သောကြောင့် အဆင်သင့်ပျင်၍ ဆင်းပြီးလျှင် သံသယမဟိဘဲ သူရိနှင့်အတူ လိုက်လားလီ” ဟု မိန့်တော်မူ၏။ 21 ထို့ကြောင့် ပေတရသည်လည်း အိမ်ထက်က ဆင်းလာပြီးလျှင် “ငါသည်ကား သင်ရဲ့ ရှာနိန့်သောသူဖြစ်၏။ သင်ရဲ့သည် ဇာအကြောင်းကြောင့် ရောက်လာကတိပါလဲ” ဟု ထိုသူရိအား မိန်း၏။ 22 ထိုသူရိက “ဘုရားသခင်ကို ကြည်ညို၍ ယုဒလူမျိုးအားလုံးက အလွန်လေးစားရသော၊ သူတော်ကောင်းတစ်ယောက်ဖြစ်သူ တပ်မှူး ကော်နေလိက အကျွန်ုပ်ရဲ့ ရွတ်လိုက်ပါ၏။ အကြောင်းမှာ သင်၏စကားကို ကြားနာခြင်းငှာ သင့်ကို သူ့အိမ်သို့ ခေါ်ဖိတ်ရန် ဘုရားသခင်၏ သန့်ယှင်းသောကောင်းကင်တမန်တစ်ပါးက သူ့အား ပြောသောကြောင့်

အကျွန်ရဲ့ လာရခြင်းဖြစ်ပါ၏” ဟု ပြန်ပြောကြ၏။ 23 ပေတရုသည် ထိုလူတို့ကို အိမ်ထဲသို့ ဖိတ်ခေါ်၍ ထိုအိမ်၌ ညအိပ်ရန် ပြော၏။ နောက်တစ်နံ့တွင် ပေတရုသည် အသင့်ပျင်ဆင်၍ ထိုသူရိနှင့်အတူ လိုက်လားလေ၏။ ယုပေမြို့မှ ယုံကြည်သူတချို့လည်း ပေတရုနှင့်အတူ လိုက်ပါကြ၏။ 24 နောက်တစ်ရက်၌ သူရိသည် ကံသရိမြို့သို့ ရောက်ကြ၏။ ကော်နေလိသည် မိမိ ဖိတ်ခေါ်ထားသော ဆွီမျိုး၊ မိတ်ဆွီအပေါင်းအသင်းတို့နှင့် အတူတကွ ထိုမြို့၌ စောင့်ကြိုနိုင်ကြ၏။ 25 ပေတရု ရောက်လာသောအခါ ကော်နေလိသည် သူနှင့် တို့ဆုံ၍ သူ၏ခြံရံ၌ ပျပ်ဝပ်လေ၏။ 26 သို့ရာတွင် ပေတရုက “ထလော့၊ ငါသည် လူသားတစ်ယောက်သာ ဖြစ်ပါ၏” ဟု ပြောကာ သူ့အား ထခိုင်းလေ၏။ 27 ပေတရုသည် ကော်နေလိအား စကားပြောဆိုလျက် အိမ်ထဲသို့ ဝင်သောအခါ စုရုံးနိုင်ကြသော လူများကို တွေ့ရလေ၏။ 28 ပေတရုက ထိုသူရိအား “ယုဒလူမျိုးတစ်ယောက်သည် သူ၏ ဘာသာရေးအရ တခြားလူမျိုးတိပါးသို့ လည်ပတ်ခြင်း၊ မိတ်ဖွဲ့ခြင်း ထုံးစံမဟုတ်သည်ကို သင်ရိုက်ပေးတိုင် ကောင်းကောင်း သိကြပါ၏။ သို့ရာတွင် ဇာသူကိုမျှ ဘာသာရေးအရ မသန်ယှင်း၊ မစင်ကြယ် ဟူ၍ မထင်မှတ်ရဟု ဘုရားသခင်က ငါ့ကို သင်ပြထားပြီးဖြစ်၏။ 29 ထို့ကြောင့် သင်သည် ငါ့အား ခေါ်ခိုင်းလိုက်သောအခါ ငါသည် ငြင်းဆန်ခြင်းမပြုဘဲ၊ လိုက်လာခြင်းဖြစ်၏။ သင်သည် ငါ့ကို ဇာကြောင့် ခေါ်ခိုင်းသနည်း” ဟု ပေတရုက ကော်နေလိအား မိန်း၏။ 30 ကော်နေလိကလည်း “လွန်ခဲ့သော သုံးရက်ခန့်က မွန်းလွဲသုံးချက်တီး ဤအချိန်တွင် အကျွန်သည် အကျွန်အိမ်၌ ဆုတောင်းနိုင်စဉ်၊ အရောင်တောက်ပသော အဝတ်ကို ဝတ်ဆင်ထားသော လူတစ်ယောက်သည် အကျွန်၏ရှေ့မှ အမှတ်မထင် လာရပ်ပြီးလျှင် 31 ‘ကော်နေလိ၊ သင်၏ ဆုတောင်းပတ္တနာပြုခြင်းကို ဘုရားသခင် ကြားတော်မူ၍ သင်၏ပီးကမ်းစွန်ကြခြင်းကိုလည်း အသိအမှတ်ပြုတော်မူယာ။ 32 သို့ ဖြစ်၍ တစ်စုံတစ်ယောက်သောသူအား ယုပေမြို့သို့ စီစွပ်၍ သျှိုမှန် ပေတရု ဟု နာမည်တွင်သော လူတစ်ယောက်ကို ခေါ်ခိုင်းလိုက်ပါ။ ထိုသူသည် ပင်လယ်ကမ်းနားမှာ နီထိုင်သည့် သားရီနယ်လုပ်သား သျှိုမှန်၏အိမ်တွင် တည်းခိုနိုင်သော အာဂန္တုတစ်ယောက်ဖြစ်သည်’ ဟု ပြောဆို၏။ 33 ထို့ကြောင့် အကျွန်သည် ကိုယ်တော်ပါးသို့ ချက်ချင်း စီစွပ်လိုက်သည် ဖြစ်၍ ကိုယ်တော်ကြွလာခြင်းအတွက် ကျေးဇူးတင်ပါ၏။ အခုတွင် အကျွန်ရဲ့ အားလုံးသည် ကိုယ်တော်အား သခင်ဘုရား သွန်သင်ထားသော ဩဝါဒစကားတို့ကို ကြားနားခြင်းငှာ စောင့်ဆိုင်းလျက် ဘုရားသခင်၏ရှိမှောက် ဤအရပ်၌ ရောက်နိုင်ကြခြင်းဖြစ်ပါသည်” ဟု ပေတရုအား ဆို၏။ 34 ပေတရုက စတင်၍ ဟောပြောသည်မှာ၊ “အကယ်စင်စစ် ဘုရားသခင်သည် လူတိုင်းကို အဆင့်အတန်းမခွဲခြားဘဲ တန်းတူ ဆက်ဆံတော်မူကြောင်းကို အကျွန်သည် အဂုမ သဘောပေါက်လာ၏။ 35 လူမျိုးသည် အဓိက မဟုတ်၊ ဘုရားသခင်ကို ကြောက်ရွံ့၍ ဖြောင့်မတ်ခြင်းတရားကို ကျင့်သောသူရိအား ဘုရားသခင်သည် လက်ခံတော်မူ၏။ 36 လူသားအားလုံး၏ အသျှင်ဖြစ်တော်မူသော ယေသျှုခရစ်တော်အားဖြင့် ငြိမ်းသက်ခြင်းဆိုင်ရာ သတင်းကောင်းကို ကြေညာတော်မူလျက်၊ ဣသရေလလူမျိုးတိပါးသို့ ဘုရားသခင် ပို့ဆောင်ပီးလိုက်သော သတင်းကောင်းတရားကို သင်ရို့သိကြ၏။ 37 ယောဟန်သည် မိမိ၏ ဗတ္တိဇံတရားကို ဟောကြားပြီးနောက် ဂါလိလဲပြည်မှစ၍ ယုဒပြည် တဝှမ်းလုံးမှာ ဖြစ်ပျက်ခဲ့သည့် ကြီးကျယ်သော အဖြစ်အပျက်ကို သင်ရို့ သိကြ၏။ 38 နာဇရက်မြို့သား ယေသျှုအကြောင်းကိုလည်းကောင်း၊ ဘုရားသခင်သည် သန့်ယှင်းသော ဝိညာဉ်တော်နှင့် တန်ခိုးတော်ကို ထိုအသျှင်အား ဘိသိက်ပီးတော်မူသည်ကိုလည်းကောင်း သင်ရို့သည် သိကြ၏။ ဘုရားသခင်သည် ထိုအသျှင်နှင့်အတူ ဟိတော်မူသောကြောင့်၊ ထိုအသျှင်သည် မာရ်နတ်၏ တန်ခိုးအောက်မှာ ဟိန်နိကြသောသူ အားလုံးကို ကျန်းမာ စီတော်မူလျက်၊ ကောင်းမြတ်သောအမှုတို့ကို လုပ်ဆောင်ကာ အရပ်ရပ်သို့ လှည့်လည်တော်မူသည်ကို သင်ရို့သည် သိကြ၏။ 39 ငါရို့သည် ယေရုဆလင်မြို့နှင့် ဣသရေလနိုင်ငံ၌ ထိုအသျှင် ပြုတော်မူခဲ့သမျှသော အမှုအရာများ၏ အသိသက်သေတိ ဖြစ်ကြ၏။ သူရိသည် ထိုအသျှင်ကို လက်ဝါးကပ်တိုင်မှာ သံမှိုဖြင့် ခတ်ကာ အသိသတ်ကြလေ၏။ 40 သို့သော်လည်း ဘုရားသခင်သည် သုံးရက်မြောက်သောနို့တွင် ထိုအသျှင်ကို သိခြင်းမှ ထမြောက်စီတော်မူပြီးလျှင် ကိုယ်ထင်ပြစီတော်မူခဲ့၏။ 41 သို့ရာတွင် လူတိုင်းကို ပြုတော်မမူ၊ ဘုရားသခင်

ရွှီးချယ်ထားတော်မူသော သက်သီခံများ ဖြစ်ကြသည့် သီခြင်းတရားက ထမြောက်ပြီးနောက် ကိုယ်တော်နှင့်အတူ စားသောက်ခကြသော ငါရိုကိုသာ ပြတော်မူ၏။ 42 ထို့အပြင် ထိုအချင်းက ငါရိုအား လူတို့ကို သတင်းကောင်းတရား ဟောကြားခြင်းငှာ လည်းကောင်း၊ သူသည် အသက်ရှင်သောသူ၊ သိသောသူတို့ကို တရားစီရင်ခြင်းငှာ ဘုရားသခင် ဘိသိက်ပီးထားသော အသျှင်တစ်ပါး ဖြစ်ကြောင်းကို သက်သီခံခြင်းငှာလည်းကောင်း မိန့်မှာတော်မူ၏။ 43 ထိုသခင်ကို ယုံကြည်သမျှသော သူတို့သည် ထိုအသျှင်၏ နာမတော်တန်ခိုးအားဖြင့် မိမိရို၏အပြစ်မှ လွတ်မြောက်ခြင်းကို ခံရကြလိမ့်မည်ဟု ပရောဖက်တိ အားလုံးက ထိုအသျှင်၏အကြောင်းကို ဟောပြောကြ၏” ဟု ဆိုလေ၏။ 44 ပေတရသည် ထိုသို့ ဟောပြောနိုင်စဉ်တွင် သူ၏နှုတ်ကပတ်တော်ကို နားထောင်နိုင်ကြသော လူအားလုံးပါးသို့ သန့်ယှင်းသောဝိညာဉ်တော် ဆင်းသက်လာတော်မူ၏။ 45 ဘုရားသခင်သည် မိမိ၏သန့်ယှင်းသော ဝိညာဉ်တော် ဆုကျေးဇူးကို တခြားလူမျိုးတို့ကိုလည်း သွန်းလောင်းတော်မူသည်ကို ပေတရနှင့်အတူ ယုပွေမြို့မှ လိုက်ပါလာကြသော ယုဒလူမျိုး ယုံကြည်သူများသည်လည်း မြင်ကြရသည်ဖြစ်၍ အံ့ဩကြရလေ၏။ 46 အကြောင်းမူကား သူရိုသည် အခြားသော ဘာသာစကားဖြင့် ပြောကာ ဘုရားသခင်၏ ဂုဏ်တော်ကြီးမြတ်တော်မူခြင်းကို ချီးမွမ်းကြသည်ကို ကြားရသောကြောင့်ဖြစ်၏။ ထိုအခါ ပေတရသည် ထ၍ ပြောသည်မှာ၊ 47 “ဤသူရိုသည် ငါရိုကဲ့သို့ သန့်ယှင်းသော ဝိညာဉ်တော်ကို ရကြပြီ၊ ဤသူရိုအား ရီဖြင့် ဗတ္တိဇီပီးခြင်းကို ဇာသူသည် တားဆီးနိုင်အံ့နည်း” ဟု ဆိုလျက်၊ 48 ပေတရက သူရိုကို ယေသျှုခရစ်တော်၏ နာမတော်မြတ်၌ ဗတ္တိဇီပီးခြင်းငှာ စီစဉ်၏။ ထို့နောက် သူရိုက ပေတရအား သူရိုနှင့်အတူ ရက်အတန်ကြာ နီထိုင်ရန် တောင်းပန်ကြ၏။

11 တခြားလူမျိုးတို့လည်း ဘုရားသခင်၏နှုတ်ကပတ်တော် ခံယူကြသည်ကို ယုဒပြည်၌ ဟိကြသော တမန်တော်များနှင့် တခြားသော ယုံကြည်သူများသည်လည်း ကြားသိကြလေ၏။ 2 ပေတရသည် ယေရုဆလင်မြို့သို့ ရောက်သောအခါ အရီဖျားလီးခြင်း ခံယူထားသော ယုံကြည်သူတို့က 3 “သင်သည် အရီဖျားလီးခြင်းကို မခံသော တခြားလူမျိုးတို့ အိမ်၌ အဂန္တုတစ်ယောက်အဖြစ်ဖြင့် လည်ပတ်ပြီးလျှင် သူရိုနှင့် အတူ စားသောက်ပါသည်တကား” ဟု ပေတရအား အပြစ်တင်ဝေဖန်ကြ၏။ 4 ထို့ကြောင့် ပေတရသည် ဖြစ်ပျက်ခသော အကြောင်းအရာ အလုံးစုံကို သူရိုအား တစ်ခုချင်းစီ ယှင်းပြသည်ကား၊ 5 “ငါသည် ယုပွေမြို့၌ ဆုတောင်းလျက်နိုင်စဉ် ဗျာဒိတ်ရူပါရုံ တစ်ခုကို မြင်လေ၏။ ထိုရူပါရုံ၌ လေးထောင့်စပ် ခြုံလွှာကြီးတစ်ခုနှင့်တူသော အရာတစ်ခုသည် ကောင်းကင်မှ ကျဆင်းလာပြီးလျှင် ငါ့ပါးသို့ ရောက်လာ၏။ 6 ငါသည် အနီးသို့ ကပ်၍ အတွင်းထဲကို ကြည့်လိုက်သောအခါ မြို့ကြီးထက်၌ တွား၍လားသည့် သတ္တဝါမှစ၍ ခြံလေးချောင်းသတ္တဝါ၊ သားရဲတိရစ္ဆာန်များ၊ လိင်္ဒမှာ ကျင်လည်ကြသော ငှက်များကို မြင်တွေ့ရ၏။ 7 ထိုအခါ ‘ပေတရ၊ ထ၍ သတ်စားလော့’ ဟု ငါ့အား ပြောသော အသံတော်ကို ကြားရ၏။ 8 သို့သော် ငါကလည်း ‘မဖြစ်နိုင်ပါ အသျှင်၊ အကျွန်ုပ်သည် မစင်ကြယ်သောအစာ၊ ညစ်ညူးသောအစာကို အကျွန်ုပ် ခံတွင်းထဲသို့ မသွင်းဖူးပါ’ ဟု ပြောလိုက်၏။ 9 တဖန်ကောင်းကင်မှ အသံတော် လာသည်ကား ‘ဘုရားသခင်က သန့်ယှင်းသည်ဟု မိန့်တော်မူထားပြီးသော အရာတို့ကို မသန့်ယှင်းဟု ထင်မှတ်မရှိန်ကေ’ ဟူ၍ ဖြစ်၏။ 10 ဤသို့ သုံးကြိမ် သုံးလီ ပေါ်လာပြီး၊ နောက်ဆုံး၌ ထိုအရာသည် ကောင်းကင်သို့ ပြန်၍ ရုတ်သိမ်းလား၏။ 11 ထိုအချိန်၌ ကဲသရိမြို့က ငါ့ပါးသို့ ရွတ်လိုက်သော လူသုံးယောက်သည် ငါတည်းခိုနိုင်သည့်အိမ်သို့ ရောက်လာကြ၏။ 12 ဝိညာဉ်တော်က ငါ့ကို သံသယမဟိဘဲ ထိုသူရိုနှင့် အတူလိုက်လားရန် ပြော၏။ ဤသို့ဖြင့် ငါသည် ယုပွေမြို့မှ ယုံကြည်သူ ညီအစ်ကို ခြောက်ယောက်နှင့်အတူ ကဲသရိမြို့သို့ လိုက်ပါလားကြသဖြင့် ငါရိုအားလုံးသည် ကော်နေလိအိမ်သို့ ရောက်လားကြ၏။ 13 ထိုကော်နေလိက ငါရိုကို ပြောသည်မှာ ကောင်းကင်တမန်တစ်ပါးသည် သူ့အိမ်ထဲ၌ ရပ်လျက် ပေါ်လာပြီးလျှင် ‘သျှိုမန် ပေတရ ဟု ခေါ်သောသူတစ်ယောက်ကို ပင့်ခေါ်ခြင်းငှာ တစ်စုံတယောက်ကို ယုပွေမြို့သို့ စီစဉ်လိုက်ပါ’ 14 သူသည် သင်နှင့်တကွ သင်၏မိသားစုအားလုံးကို ကယ်တင်ခြင်းရစီခြင်းငှာ သင်ရိုအား နှုတ်ကပတ်တရားတော်ကို ပြောကြားလိမ့်မည်

ဟူ၍ ဖြစ်၏။ 15 ထို့နောက် ငါသည် ဟောပြောရန် အစပြုစဉ်တွင် သန့်ယုင်းသောဝိညာဉ်တော်သည် အယင်က ငါရိုပါးသို့ ဆင်းသက်တော်မူသကဲ့သို့ သူရိုပါးသို့လည်း ဆင်းသက်လာတော်မူလေ၏။ 16 ထိုအခါ ‘ယောဟန်သည် ရီနှင့် ဗတ္တိဇဗီးခ၏။ သို့သော်လည်း သင်ရိုကို သန့်ယုင်းသောဝိညာဉ်တော်နှင့် ဗတ္တိဇဗီးလိမ့်မည်’ ဟု သခင်ဘုရားက မိန့်မှာခသည်ကို ငါ သတိရလေ၏။ 17 ငါရိုသည် အသျှင်ယေသျှုခရစ်တော်၌ ယုံကြည်သောအခါ ဘုရားသခင်သည် ငါရိုအား ဆုကျေးဇူးကို ပီးတော်မူသည့်နည်းတူ တခြားလူမျိုးတို့ကိုလည်း ပီးတော်မူသည်မှာ ထင်ရှားစွာ တို့ရ၏။ ငါသည်ကား ဇာပိုင်လူဖြစ်လို့ ဘုရားသခင်ကို တားဆီးနိုင်အံ့နည်း” ဟု ပေတရုက ပြော၏။ 18 သူရိုသည် ပေတရု၏စကားကို ကြားကြသောအခါ ပြစ်တင်ဝေဖန်ခြင်းကို ရပ်ကြပြီးလျှင် “ဘုရားသခင်သည် လူမျိုးခြားတို့ကိုလည်း နောင်တရ၍ အသက်ရှင်ရန် အခွင့်ထူးကို ပီးတော်မူယာ” ဟု ဆို၍ ဘုရားသခင်၏ကျေးဇူးတော်ကို ချီးမွမ်းကြ၏။ 19 သဘေဖန်ကို ကွပ်မျက်လိုက်ပြီးနောက် နှိပ်စက်ညှဉ်းပန်းခြင်း ဖြစ်ပေါ်လာသောကြောင့် ကွဲပြားလားကြသော ယုံကြည်သူများထဲက တချို့သည် ယုဒလူမျိုးတို့ကိုသာ သတင်းကောင်းတရား ဟောပြောလျက်၊ ဖိနိတ်ပြည်၊ ကုပရကျွန်းနှင့် အန္တီအုတ်မြို့များသို့ ရောက်လားကြ၏။ 20 သို့ရာတွင် ထိုယုံကြည်သူများထဲမှ တချို့သည် ကုပရနှင့် ကုရေနေပြည်သားများ ဖြစ်ကြ၏။ ထိုသူရိုသည် အန္တီအုတ်မြို့သို့ လားပြီး အသျှင်ယေသျှု၏အကြောင်း သတင်းကောင်းကို ထိုသူရိုအား ပြောဆိုယင်း တခြားလူမျိုးတို့ကိုပါ ထိုသတင်းကောင်းတရားကို ကြေညာကြလေ၏။ 21 သခင်ဘုရား၏တန်ခိုးတော်သည် သူရိုနှင့်အတူ ဟိသောကြောင့် များစွာသောသူရိုသည် ယုံကြည်ခြင်းသို့ ရောက်ကြပြီးလျှင် သခင်ဘုရားထံသို့ ပြောင်းလဲလာကြ၏။ 22 ဤအကြောင်းနှင့်ပတ်၍ သတင်းစကားများသည် ယေရုဆလင်မြို့အသင်းတော်သို့ ရောက်လားသောအခါ သူရိုသည် ဗာနဗကို အန္တီအုတ်မြို့သို့ စီစွပ်ကြ၏။ 23 ဗာနဗသည် ထိုမြို့သို့ ရောက်သောအခါ ဘုရားသခင်ပီးထားသော ကျေးဇူးတော်ကို မြင်ရ၍ အားရဝမ်းသာဖြစ်ရလေ၏။ သို့ဖြစ်၍ သခင်ဘုရားအား မိမိ၏စိတ်နှလုံးကို ပုံအပ်၍ ယုံကြည်ကိုးစားပြီး သစ္စာစောင့်ကြရန် သူရိုအားလုံးကို တိုက်တွန်းနှိုးဆော်လေ၏။ 24 ဗာနဗသည် သူတော်ကောင်းတစ်ယောက်ဖြစ်၍ ယုံကြည်ခြင်း၌ လည်းကောင်း၊ သန့်ယုင်းသောဝိညာဉ်တော်နှင့် လည်းကောင်း ပြည့်စုံသောကြောင့် များစွာသောသူတို့ကို သခင်ဘုရားထံသို့ ပို့ဆောင်လေ၏။ 25 ထို့နောက် ဗာနဗသည် သျှောလုကို ရှာဖွေခြင်းငှာ တာယုမြို့သို့ လားလေ၏။ 26 သျှောလုကို တို့သောအခါ အန္တီအုတ်မြို့သို့ ခေါ်လာပြီး၊ သူရိုနှစ်ယောက်သည် တစ်နှစ်ပတ်လုံး အသင်းတော်နှင့်အတူ နီထိုင်လျက် များစွာသောသူတို့ကို ဆုံးမဩဝါဒ ပီးကြ၏။ ယုံကြည်သူတို့ကို ခရစ်ယာန်ဟု အန္တီအုတ်မြို့၌ အစပြု၍ ခေါ်ဝေါ်ကြလေ၏။ 27 ထိုအချိန်တွင် ပရောဖက်တချို့သည် ယေရုဆလင်မြို့မှ အန္တီအုတ်မြို့သို့ ရောက်လာကြ၏။ 28 သူရိုအထဲက အာဂုပဟုခေါ်သော သူတစ်ယောက်သည် ထ၍ မြီကြီးတစ်ပြင်လုံးတွင် ကြီးစွာသော ငတ်မွတ်ခေါင်းပါးခြင်း ဖြစ်လာမည်ဟု ဝိညာဉ်တော်တန်ခိုးဖြင့် ကြိုတင်ဟောလေ၏။ ထိုငတ်မွတ်ခေါင်းပါးခြင်းသည်ကား ကဲသာဘုရင် ကလောဒိ လက်ထက်၌ ဖြစ်ခေလေ၏။ 29 ထိုအချိန်၌ တပည့်တော်ရိုသည် ယုဒပြည်၌ နီထိုင်ကြသော မိမိရို၏ယုံကြည်သူ ညီအစ်ကိုတို့အား တတ်နိုင်သလောက် အကူအညီအထောက်အပံ့ ပို့ပီးရန် ဆုံးဖြတ်ကြ၏။ 30 သူရိုသည် ဤသို့ ဆုံးဖြတ်ချက်ချပြီးနောက် သျှောလုနှင့် ဗာနဗအားဖြင့် အသင်းတော်လူကြီးတိပါးသို့ ငွေများကို ပို့ပီးလိုက်ကြ၏။

12 ထိုအချိန်၌ ဟေရုဒ်မင်းသည် အသင်းဝင်သူအချို့ကို ညှဉ်းဆဲနှိပ်စက်ရန် စတင်လေ၏။ 2 သူသည် ယောဟန်၏အစ်ကို ယာကုပ်ကို ခါးဖြင့် ကွပ်မျက်လိုက်၏။ 3 ဤသို့ပြုခြင်းကို ယုဒလူမျိုးတို့က ကြေကပ်အားရကြသည်ကို မြင်လျှင် သူသည် ပေတရုအား ဆက်လက်၍ ဖမ်းဆီး၏။ ဤကား တဆီးမပါသော မုန့်ပွဲတော်ကျင်းပသည့်ကာလ၌ ဖြစ်သတည်း။ 4 သူသည် မိမိဖမ်းဆီးထားသော ပေတရုအား ထောင်ထဲမှာ လှောင်ထားကာ သူ့ကို စောင့်ကြပ်ရန် တပ်စု တစ်စုလျှင် စစ်သားလေးယောက်စီပါသော တပ်စုလေးစုအား အပ်နှံထား၏။ ဟေရုဒ်သည် ပသခါပွဲတော်ပြီးလျှင် သူ့အား စစ်ဆီးရန် လူထုလက်သို့ အပ်မည်ဟု စီစဉ်ထား၏။ 5 ထို့ကြောင့် ပေတရုသည် အကျဉ်းထောင်ထဲ၌ အကျဉ်းချခံနိုင်ရ၏။ သို့ရာတွင်

အသင်းတော်၏ယုံကြည်သူများသည် သူ့အတွက် ဘုရားသခင်ထံ၌ စိတ်အားထက်သန်စွာဖြင့် ဆုတောင်းပီးနိဂုံးကြ၏။ 6
 ဟေရုဒ်သည် ပေတရုကို လူထုလက်သို့ မအပ်နှံခင် ညဉ့်အခါ၌ သူ့ကို သံကြိုးနှစ်ပင်နှင့် တုပ်နှောင်ထား၏။ ပေတရုသည်
 အစောင့်စစ်သား နှစ်ယောက်ကြားတွင် အိပ်ပျော်နေ၏။ အကျဉ်းထောင်၏ တန်းခါးဝတွင်လည်း အစောင့်စစ်သားများ
 စောင့်နိဂုံးကြ၏။ 7 သခင်ဘုရား၏ကောင်းကင်တမန်တစ်ပါးသည် ရုတ်တရက် ပေါ်လာ၍ အလင်းတန်းတစ်ခုသည်
 အချုပ်ခန်းထဲ၌ ထွန်းလင်းလာ၏။ ထိုကောင်းကင်တမန်က “အယင် ထလော့” ဟု ပေတရု၏ပခုံးကို လှုပ်၍ နှိုးသောအခါ
 သံကြိုးသည် ပေတရု၏လက်မှ ချက်ချင်း ကျွတ်လား၏။ 8 ထို့နောက် ကောင်းကင်တမန်က “သင်၏ ခါးပတ်ကို ပတ်၍
 ခြွန်ကို စီးလော့” ဟု ဆိုသည့်အတိုင်း ပေတရုသည် ပြုလေ၏။ တဖန် ကောင်းကင်တမန်က “သင်၏ ဝတ်ရုံကို ဝတ်၍
 ငါ့နောက်က လိုက်လော့” ဟု ဆို၏။ 9 ထိုအခါ ပေတရုသည် အကျဉ်းထောင်ထဲမှ ထွက်၍ ထိုကောင်းကင်တမန်နောက်သို့
 လိုက်လေ၏။ သို့သော်လည်း ထိုကောင်းကင်တမန် ပြုသောအမှုသည် မှား၏။ မှန်၏ ဆိုသည်ကို မသိဘဲ၊ သူသည်
 ရူပါရံတစ်ခုကို မြင်သည်ဟု ထင်မှတ်လေ၏။ 10 သူရို့သည် ပထမကင်း၊ ဒုတိယကင်းများကို ကျော်ဖြတ်ပြီး၊ နောက်ဆုံး၌
 မြို့ဝင် သံတန်းခါးဝသို့ ရောက်လာကြ၏။ ထိုတန်းခါးသည် သူရို့အဖို့အလို့ငှာ အလိုအလျောက် ပွင့်လာသည်ဖြစ်၍
 သူရို့သည်လည်း ထိုသံတန်းခါးဝမှ ထွက်ကာ တစ်လမ်းတည်းအတူ လမ်းလျှောက်လာကြပြီးမှ ထိုကောင်းကင်တမန်သည်
 ပေတရုအနားမှ ရုတ်တရက် ထွက်ခွာလားလေ၏။ 11 ထိုအခါ ပေတရုသည် သူ၌ ဖြစ်သည့် အမှုအရာတို့ကို
 သဘောပေါက်လာပြီး “သခင်ဘုရားသည် ဟေရုဒ်၏လက်မှ လည်းကောင်း၊ ယုဒလူမျိုးတို့ မျှော်လင့်ထားသောအရာတိုင်းမှ
 လည်းကောင်း၊ ငါ့အား ကယ်တင်ခြင်းငှာ မိမိ၏ကောင်းကင်တမန်ကို စီစဉ်လိုက်သည်မှာ လုံးဝ မှန်ကန်သည်ကို အဂ္ဂ ငါ
 သိရယူ” ဟု ဆိုလေ၏။ 12 ပေတရုသည် မိမိရောက်နိဂုံးသည့် နီရာကို သတိထားမိကာ ယောဟန် မာကု၏အမိ မာရီ
 အိမ်သို့ လားလေ၏။ ထိုအိမ်သည်ကား လူအများစုဝေးကာ ဆုတောင်းနိဂုံးကြသော နီရာဖြစ်၏။ 13 ပေတရုသည် အပြင်မှ
 တန်းခါးကို ခေါက်လိုက်သောအခါ ရောဒေ ဟုခေါ်သော အစီခံမိန်းမချေ တစ်ယောက်သည် တန်းခါးကို ဖွင့်ခြင်းငှာ
 ရောက်လာ၏။ 14 သူမသည် ပေတရု၏အသံကို မှတ်မိသည်ဖြစ်၍ အလွန်ဝမ်းမြောက်သောစိတ်ဖြင့် တန်းခါးကို
 မဖွင့်ခဘဲ အိမ်ထဲသို့ ပြန်၍ ငြိမ်းဝင်ကာ ပေတရုသည် အပြင်မှာ ရောက်နိဂုံးကြောင်းကို အံ့အားသင့်စွာ ပြောလေ၏။
 15 သူရို့က “သင် ရူးနိဂုံးယာ” ဟု သူမအား ဆိုကြ၏။ သို့သော် သူမက မိမိပြောသည်မှာ အမှန်ပင်ဖြစ်သည်ဟု ပြန်၍
 အခိုင်အမာဆိုလေ၏။ ထိုအခါ သူရို့က “ထိုသူကား ပေတရုကို စောင့်ရှောက်သော ကောင်းကင်တမန်သာ ဖြစ်ရမည်”
 ဟု ပြောကြပြန်၏။ 16 ထိုအချိန်တွင် ပေတရုသည် တန်းခါးကို ဆက်လက်၍ ခေါက်နိဂုံးသည်ဖြစ်၍ နောက်ဆုံး၌
 သူရို့သည် တန်းခါးကို ဖွင့်ကြည့်လိုက်သော်၊ ပေတရုကို တို့မြင်ကြသဖြင့် သူရို့သည် အလွန် အံ့သြကြရလေ၏။ 17
 ပေတရုသည် သူရို့အား တိတ်တိတ် နိဂုံးကြရန် လက်ရိပ်ပြုလျက်၊ ပြီးမှ သခင်ဘုရားသည် အကျဉ်းထောင်ထဲက မိမိအား
 ဇာပိုင် ကယ်ထုတ်လိုက်ကြောင်း သူရို့ကို ယှင်းပြလေ၏။ “ဤအကြောင်းကို ယာကုပ်နှင့် ကျန်သော ယုံကြည်သူ
 တို့ကိုလည်း ပြောပြလိုက်ကြ” ဟု ဆိုကာ အခြားတစ်နီရာသို့ ထွက်လား၏။ 18 မိုးလင်းသောအခါ ပေတရု၌
 ဖြစ်ပျက်သည်နှင့် ပတ်သက်၍ အစောင့်စစ်သားများသည် ဝရန်းသုန်းကား ဖြစ်နိဂုံးကြ၏။ 19 ထို့ကြောင့် ဟေရုဒ်က
 ပေတရုကို ရှာဖွေရန် အမိန့်ပေးလိုက်၏။ သို့သော်လည်း စစ်သားတို့က ပေတရုကို ရှာမတွေ့နိုင်ကြပေ။ ထိုအခါ ဟေရုဒ်သည်
 အစောင့်စစ်သားများကို မိန်းမြန်းစစ်ဆီးပြီးလျှင် သူရို့ကို အသိ သတ်ပစ်ရန် အမိန့်ပေးလိုက်လေ၏။ ထို့နောက် ဟေရုဒ်သည်
 ယုဒပြည်မှ ထွက်ခွာ၍ ကဲသရိမြို့၌ အချိန်အင်တန်ကြာ နန်းစံတော်မူလေ၏။ 20 ဟေရုဒ်သည် တုရုနှင့် ဇီဒုန်မြို့သားတို့ကို
 အကြီးအကျယ် ဒေါသထွက်လေ၏။ ထို့ကြောင့် သူရို့သည် ဟေရုဒ်အား တို့ခြင်းငှာ အုပ်စုဖွဲ့၍ ရောက်လာကြ၏။
 သူရို့က မိမိရို့အား အကူအညီပေးရန် နန်းရင်းဝန် ဗလတ္တုအား ဦးစွာ စည်းရုံးလေ၏။ ထို့နောက် သူရို့သည် ဟေရုဒ်ပါးသို့
 ဝင်ရောက်ကာ မင်းကြီး၏ဒေါသစိတ်ကို ပြေငြိမ်းစီခြင်းငှာ တောင်းပန်ကြ၏။ အကြောင်းမူကား သူရို့၏နိုင်ငံသည်
 မင်းကြီး၏နိုင်ငံမှ အစားအစာ ထောက်ပံ့မှုများကို အမှီပြုနိဂုံးရသောကြောင့်ဖြစ်၏။ 21 ချိန်းဆိုထားသော နိတစ်နိတွင်

ဟေရဒ်သည် မိမိ၏မင်းဝတ်တန်ဆာများကို ဝတ်ဆင်၍ တရားပလ္လင်ထက်မှာ ထိုင်ကာ လူထုကို မိန့်ခွန်းပြောလေ၏။
22 ထိုအခါ လူတို့က “ဤအသံကား လူတစ်ယောက်၏စကားသံ မဟုတ်၊ နတ်ဘုရား တစ်ပါး၏ စကားသံသာ ဖြစ်တော်မူသည်တကား” ဟု ကြွေးကြော်ကြ၏။ **23** ထိုမင်းသည် ဘုရားသခင်ကို ရိုသီးချီးမွမ်းခြင်း မဟိသောကြောင့် သခင်ဘုရား၏ကောင်းကင်တမန်သည် ချက်ချင်း ဟေရဒ်ကို ဒဏ်ခတ်တော်မူလေ၏။ ထို့နောက် သူ့ကို သန်ကောင်များ ကိုက်စားပြီးလျှင် အနိစ္စရောက်လေ၏။ **24** ထိုအချိန်ကာလအတွင်း ဘုရားသခင်၏ နှုတ်ကပတ်တော်သည်ကား ဆက်လက်၍ ပြန့်ပွားသဖြင့် ယုံကြည်သူများလည်း သာ၍ တိုးပွားလာလေ၏။ **25** ဗာနဗနှင့် သျှောလုသည်လည်း မိမိရို၏ သာသနာပြုခြင်းအမှုကို ပြီးမြောက်ပြီဖြစ်သောကြောင့်၊ ယောဟန် မာကု ကို သူရိနှင့်အတူ ခေါ်ဆောင်၍ ယေရုဆလင်မြို့မှ ပြန်လာကြလေ၏။

13 အန္တီအုတ်မြို့ အသင်းတော်၌ဟိကြသော တချို့သော ဆရာတို့နှင့် ပရောဖက်များမှာ၊ ဗာနဗ၊ နိုဂါဟု ခေါ်သော သျှောမောင်၊ ကုရေနေပြည်သား လက်၊ (ဟေရဒ်မင်းနှင့်အတူ ကြီးပြင်းလာသူ တစ်ယောက်ဖြစ်သော) မာနနှင့် သျှောလု ရို့ဖြစ်ကြ၏။ **2** သူရို့သည် အစာပျောင်လျက် သခင်ဘုရားကို ဝတ်ပြုကိုးကွယ်နိုင်ကြစဉ်၊ သန့်ယှင်းသော ဝိညာဉ်တော်က “ငါ၏အမှုကို ဆောင်ရွက်ရန် ငါခေါ်ထားသော ဗာနဗနှင့် သျှောလုကို ရွီးချယ်၍ ခန့်အပ်ကြလော့” ဟု သူရို့အား ပြော၏။ **3** သူရို့သည် အစာပျောင်၍ ဆုတောင်းပြီးမှ ဗာနဗနှင့် သျှောလု၏ဂေါင်းထက်တွင် လက်ကိုတင်၍ စီးခွတ်လိုက်ကြ၏။ **4** ထိုသို့ သန့်ယှင်းသောဝိညာဉ်တော် ပို့ဆောင်ခြင်းဖြင့် ဗာနဗနှင့် သျှောလုသည် သေလုကိုမြို့သို့ ရောက်ကြ၏။ ထိုမြို့မှ တဖန် ကုပရုကျွန်းသို့ သင်္ဘောဖြင့် ရွက်ရွှင်ကြ၏။ **5** သူရို့သည် ယှာလမိမြို့သို့ ရောက်ကြသောအခါ ယုဒလူမျိုးရို့၏ တရားဇရပ်များ၌ ဘုရားသခင်၏ နှုတ်ကပတ်တော်ကို ဟောပြောကြ၏။ ယောဟန် မာကု သည်လည်း သူရို့ကို အလုပ်ကူညီခြင်းငှာ သူရို့နှင့်အတူ လိုက်လာ၏။ **6** သူရို့သည် တစ်ကျွန်းလုံးကို လှည့်လည်ကြပြီးမှ ပါဖမြို့သို့ ရောက်ကြ၏။ ထိုမြို့၌ သူရို့သည် မိမိကိုမိမိ ပရောဖက်တစ်ပါးဟု ကြွေးကြော်နိုင်သည့် ယုဒလူမျိုး ဗာယေသျှဟု ခေါ်သော မှော်ဆရာတစ်ယောက်နှင့် တွဲဆုံကြ၏။ **7** ထိုသူသည် ဉာဏ်အမြော်အမြင်ဟိသော ကျွန်းပိုင်မင်း သေရိုပေါလု၏ သူငယ်ချင်းတစ်ယောက် ဖြစ်၏။ ထိုကျွန်းပိုင်မင်းသည် ဘုရားသခင်၏နှုတ်ကပတ်တော်ကို ကြားနာလိုသဖြင့် သျှောလုနှင့် ဗာနဗကို သူ၏ရှိမှောက်သို့ ဖိတ်ခေါ်လေ၏။ **8** သို့ရာတွင် ကျွန်းပိုင်မင်းကို ယုံကြည်ခြင်းမှ လမ်းလွဲစီရန် ကြိုးစားသည့် ဟေလသဘာသာ စကားအားဖြင့် ဇလုမဟု ခေါ်သော ထိုမှော်ဆရာသည် တမန်တော်တို့ကို ဟန့်တားလေ၏။ **9** ထိုအခါ ပေါလုဟု လူသိများသော သျှောလုသည် သန့်ယှင်းသောဝိညာဉ်တော်နှင့် ပြည့်လျက် ထိုမှော်ဆရာအား စိစစ်ကြည့်ကာ **10** “သင်သည်ကား မာရ်နတ်၏သား၊ ဖြောင့်မတ်ခြင်းတရား ဟူသမျှ၏ ရန်သူ ဖြစ်၏။ သင်သည် ကောက်ကျစ်ယုတ်မာသော ပရိယာယ်အမျိုးမျိုးဖြင့် သခင်ဘုရား၏ သမ္မာတရား တို့ကို လှည့်ဖြားခြင်းငှာ အစဉ်မပြတ် ကြိုးစားနိုင်သည်တကား။ **11** အဂုတွင် သခင်ဘုရား၏လက်တော်သည် သင့်ပါးသို့ ကျရောက်၍ သင်သည် နို့၏အလင်းကိုတောင် မမြင်နိုင်လောက်အောင် ကာလအတန်ကြာ မျက်စိကန်းနိန့်လိမ့်မည်” ဟု ဆိုလေ၏။ ထိုသို့ ဆိုသည်နှင့် ဇလုမ၏မျက်စိသည် ချက်ချင်း ကန်းလားလေ၏။ ထိုအခါ သူသည် တဝဲလည်လည်ဖြင့် လက်ဆွဲခေါ်ဆောင်မည့်သူကို ရှာနိုင်ရလေ၏။ **12** ထိုအဖြစ်အပျက်ကို ကျွန်းပိုင်မင်းက မြင်သောခါ၊ သခင်ဘုရားနှင့် ပတ်သက်သော သွန်သင်ချက်ကို အကြီးအကျယ် အံ့လွှားပြီးလျှင် သူသည် ယုံကြည်ခြင်းသို့ ရောက်လေ၏။ **13** ပေါလုနှင့် သူ၏အပေါင်းအဖော်များသည် ပါဖမြို့မှ ရွက်ရွှင်၍ လာကြရာ ပမ်ဖုလ်ပြည် ပေရန်မြို့သို့ ရောက်ကြ၏။ ယောဟန်သည် သူရို့ကို ထိုနီရာ၌ ထားခပြီးလျှင် ယေရုဆလင်မြို့သို့ ပြန်လာလေ၏။ **14** သူရို့သည် ပေရန်မြို့မှ ထွက်လာပြီးနောက် ပိသိဒ်ပြည် အန္တီအုတ်မြို့သို့ ရောက်ကြပြီးလျှင် သူရို့သည် ဥပုသ်နိ၌ တရားဇရပ်သို့ လားရောက်၍ ဝင်ထိုင်ကြလေ၏။ **15** မောသျှော၏ပညတ်တရားကျမ်းနှင့် ပရောဖက်ကျမ်းများကို ဖတ်ရွတ်ပြီးသောအခါ

တရားဇရပ်များက တမန်တော်တို့အား “ညီအစ်ကိုရဲ့ သင်ရဲ့မှာ လူတို့ကို အားပီးတိုက်တွန်းစကား ဟောပြောစရာဟိလျှင် သူရဲ့ကို ဟောပြောပီးကြပါရန် အကျွန်ရဲ့ လိုလားပါ၏” ဟု လူတစ်ယောက်ကို ရွတ်၍ ပြောခိုင်းလိုက်၏။ 16 ထိုအခါ ပေါလုသည် မတ်တတ်ထ၍ လက်ရိပ်ပြကာ စတင်၍ ဟောပြောလိုက်သည်မှာ၊ “ဤနီရာ၌ ဟိကြသော မိတ်ဆွီ ကုသရေလလူမျိုးတို့နှင့် ဘုရားသခင်ကို ဝတ်ပြုကိုးကွယ်ကြသော တခြားလူမျိုးအပေါင်းရဲ့ ငါ့စကားကို နားထောင်ကြလော့။ 17 ကုသရေလလူမျိုး၏ ဘုရားသခင်သည် ငါရဲ့၏ အဖိုးအဖိုးတို့ကို ရှိုးကောက်တော်မူ၍ သူရဲ့သည် အဲဂုတ္တုပြည်၌ တိုင်းတစ်ပါးသားအဖြစ် နီထိုင်ကြစဉ်တွင် သူရဲ့ကို လူမျိုးကြီးအဖြစ် ချီးမြှောက်တော်မူ၏။ ဘုရားသခင်သည် မိမိ၏ကြီးမြတ်သော တန်ခိုးတော်ဖြင့် ထိုသူရဲ့ကို အဲဂုတ္တုပြည်မှ ထုတ်ဆောင်တော်မူ၏။ 18 ထို့အပြင် ကိုယ်တော်သည် သူရဲ့ကို တောကန္တာရ၌ အနှစ်လေးဆယ် ကာလပတ်လုံး သည်းခံတော်မူ၏။ 19 ကိုယ်တော်သည် ခါနာန်ပြည်၌ ဟိသော လူမျိုး ခုနစ်မျိုးကို ဖျက်ဆီးပြီးလျှင် ထိုပြည်ကို မိမိလူမျိုးအား အပိုင်ပီးတော်မူ၏။ 20 ဤသို့ ဖြစ်ပျက်သည်မှာ နှစ်ပေါင်း ၄၅၀ ခန့် ကြာလေ၏။ “ဤသို့ ဖြစ်ပျက်ခဲ့ပြီးနောက် ဘုရားသခင်သည် သူရဲ့ကို ပရောဖက် သျှာမွေလ ကာလတိုင်အောင် တရားသူကြီးများဖြင့် အုပ်ချုပ်စီမံ၏။ 21 ထို့နောက် သူရဲ့က သျှင်ဘုရင်တစ်ပါးကို တောင်းကြသောအခါ ဘုရားသခင်က ဗယ်မိန်လူမျိုး ကိသျှ၏သား သျှောလု ကို သူရဲ့၏သျှင်ဘုရင်တစ်ပါးအဖြစ် အနှစ် ၄၀ ကြာ အုပ်ချုပ်စီမံတော်မူ၏။ 22 ဘုရားသခင်သည် သျှောလုကို ဖယ်ယှားပြီးနောက် ဒါရိဒ်ကို သူရဲ့၏ သျှင်ဘုရင်အဖြစ် ချီးမြှောက်တော်မူ၏။ ဘုရားသခင်က ဒါရိဒ်နှင့်ပတ်သက်၍ ထောက်ခံပြောဆိုသည်မှာ ‘ယေသျှ၏သား ဒါရိဒ်သည် ငါ နှစ်သက်သောသူ တစ်ယောက်ဖြစ်၏။ သူသည်ကား ငါစိတ်အလိုဟိသည့် အရာအားလုံးကို လုပ်ဆောင်ပီးမည့်သူ တစ်ယောက်ဖြစ်သည်ကို ငါတို့ရ၏’ ဟု မိန့်တော်မူ၏။ 23 ဘုရားသခင်သည် မိမိ ကတိပီးထားသည့်အတိုင်း ကုသရေလလူမျိုးများ၏ကယ်တင်သျှင်ကို ချီးမြှောက်ပီးတော်မူ၏။ ထိုသူမှာ ဒါရိဒ်၏မျိုးမှ ဆင်းသက်လာသူတစ်ယောက်ဖြစ်သော ယေသျှုပင်ဖြစ်၏။ 24 ယေသျှုသည် သူ၏သာသနာလုပ်ငန်းကို မစတင်ခင်၊ ယောဟန်သည် ကုသရေလလူမျိုး အပေါင်းရဲ့အား မိမိရဲ့အပြစ်မှ နောင်တရ၍ ဗတ္တိဇံကို ခံယူကြရန် ဟောပြော၏။ 25 ထို့နောက် ယောဟန်သည် မိမိ၏သာသနာ လုပ်ငန်းကို အဆုံးသတ်မည့်အကြောင်း လူတို့ကို ပြောကြားသည်မှာ၊ ‘သင်ရဲ့က ငါသည် ဇာသူဖြစ်သည်ဟု ထင်ကြသနည်း၊ ငါသည်ကား သင်ရဲ့စောင့်မျှော်နိန့်သော သူတစ်ယောက် မဟုတ်၊ ထိုသူကား ငါ့နောက်မှ ကြွလာသောသူဖြစ်၏။ သူ၏ ခြံနင်းကြိုးကို ဖြီးဖို့ရန်ပင် ငါသည် မထိုက်တန်’ ဟု ဆို၏။ 26 “အာဗြဟံမျိုးနွယ်ဖြစ်ကြသော ငါ၏ညီအစ်ကို ကုသရေလလူမျိုးများနှင့် ဘုရားသခင်ကို ဝတ်ပြုကိုးကွယ်ကြသော တခြားသောလူမျိုးအပေါင်းရဲ့ ဤကယ်တင်ခြင်း သတင်းကောင်းကို ပို့ဆောင်ပီးလိုက်သည်မှာ ငါရဲ့အတွက် ဖြစ်ပေ၏။ 27 ယေရုဆလင်မြို့၌ နီထိုင်ကြသောသူတို့နှင့် သူရဲ့၏ခေါင်းဆောင်တို့ ကား ထိုအသျှင်သည် ကယ်တင်သျှင်ဖြစ်သည်ကို မသိကြ၊ ဥပုသ်နီတိုင်း ရွတ်ဖတ်ကြသော ပရောဖက်များ၏ စကားကိုလည်း နားမလည်ကြ။ ထို့ကြောင့် သူရဲ့သည် ယေသျှုကို ပြစ်ဒဏ်စီရင်ခြင်းအားဖြင့် ပရောဖက်တို့ စကားကို ပြည့်စုံလာစီ၏။ 28 သူရဲ့သည် ကိုယ်တော်၌ သီဒဏ်ပီးလောက်သောအပြစ် တစ်စုံတစ်ခုမျှ မတို့သော်လည်း ကိုယ်တော်ကို အသိသတ်ခြင်းငှာ ပိလတ်မင်းထံ၌ တောင်းဆိုကြ၏။ 29 သူရဲ့သည်ကား ကိုယ်တော်ကို ရည်မှတ်၍ ရိုးထားသောကျမ်းစာအတိုင်း လုပ်ဆောင်ကြပြီးလျှင် အလောင်းတော်ကို လက်ဝါးကပ်တိုင်မှ ချ၍ သင်္ချိုင်းဂူ တစ်ခုထဲ၌ သွင်းထားကြ၏။ 30 သို့သော်လည်း ဘုရားသခင်သည် ကိုယ်တော်ကို သီခြင်းမှ ထမြောက်စီတော်မူပြီးလျှင် 31 ကိုယ်တော်သည် ဂါလိလဲပြည်မှ ယေရုဆလင်မြို့ထိတိုင် မိမိနှင့်အတူ ခရီးလားလာသော သူတို့ကို နို့ရက်များစွာ ကိုယ်ထင်ပြတော်မူ၏။ ထိုသူရဲ့သည်ကား အဂုအခါ ကုသရေလလူမျိုးတို့အတွက် ကိုယ်တော်၏မျက်မြင်သက်သီများ ဖြစ်ကြ၏။ 32 ငါရဲ့သည် ဘုရားသခင်က ငါရဲ့ အဖိုးအဖိုးတို့အား ကတိပီးထားသော သတင်းကောင်းတရားကို သင်ရဲ့အား ဟောပြောကြ၏။ 33 ဘုရားသခင်သည် ယေသျှုကို သီခြင်းတရားက ထမြောက်စီခြင်းအားဖြင့် ထိုအဖိုးအဖိုးရဲ့မှ ဆင်းသက်လာကြသော ငါရဲ့အတွက်

ထိုကတိတော်သည် ပြည့်စုံလာ၏။ ဆာလံကျမ်း၏ ဒုတိယအခန်း၌ ထိုကတိတော်အကြောင်းကို ရိုးထားသည်မှာ။ “သင်သည် ငါ၏သား ဖြစ်၏။ ဤနို့၌ ငါသည်လည်း သင်၏အဖ ဖြစ်၏” ဟူ၍ ဖြစ်လေ၏။ 34 တဖန်ကိုယ်တော်ကို သီခြင်းတရားက ထမြောက်တော်မူပြီး သချိုင်းတွင်း၌ ပုပ်ပျက်ခြင်းနှင့် အစဉ်ကင်းလွတ်စီမံညီအကြောင်း ဘုရားသခင် မိန့်တော်မူသည်မှာ၊ ‘ငါသည် ဒါဝိဒ်အား ကတိပီးထားသည့်အတိုင်း သန့်ယှင်းမြင့်မြတ်၍ စစ်မှန်သော ကောင်းကြီးမင်္ဂလာကို သင့်အား ပီးမည်’ ဟု ဆို၏။ 35 ထို့ကြောင့် တခြားသော ဆာလံကျမ်းစာ၌ ဒါဝိဒ် ပြောထားသည်မှာ ‘ကိုယ်တော်သည် မိမိ၏သစ္စာဟိသော အခိုင်းအစီကို သချိုင်းတွင်း၌ ပုပ်ပျက်စီခြင်းငှာ အခွင့်ပီးတော်မူ’ ဟု လာ၏။ 36 ဒါဝိဒ်သည် သူ၏ဘဝတလျှောက်၌ ဘုရားသခင်၏ အလိုတော်ကို ဆောင်ရွက်ခ၏။ ထို့နောက် သူသည် အနိစ္စရောက်ပြီးလျှင် သူ၏အဖိုးအဖီးတံနှင့်အတူ သဂြိုဟ်ခြင်းကို ခံရ၏။ သူ၏ခန္ဓာသည်လည်း သချိုင်းတွင်း၌ ပုပ်ပျက်လေ၏။ 37 သို့ရာတွင် ဘုရားသခင် သီခြင်းတရားက ထမြောက်စီတော်မူသော သူသည်ကား ပုပ်ပျက်ခြင်းသို့ မရောက်စီရ။ 38 ထို့ကြောင့် ငါ၏ညီအစ်ကို ကုသရေလလူမျိုးရို့ သင်ရို့အား ဟောပြောသော အပြစ်လွှတ်ခြင်းဆိုင်ရာ တရားတော်သည် ယေသျှုအားဖြင့် ဖြစ်သည်ကိုလည်းကောင်း၊ ယေသျှုကို ယုံကြည်သောသူတိုင်းသည် မောသျှု၏ ပညတ်တရားအားဖြင့် သင်ရို့ မလွတ်နိုင်သော အပြစ်အားလုံးမှ လွတ်မြောက်ခွင့်ရသည်ကိုလည်းကောင်း ငါရို့သည် သင်ရို့အား သိစီလိုပါ၏။ 40 ပရောဖက်ရို့ ဟောပြောသည့်အတိုင်း သင်ရို့၌ မဖြစ်စီခြင်းငှာ သတိပြုကြလော့။ ထိုဟောပြောချက်မှာ၊ 41 ‘ပျက်ရယ်ပြု လှောင်ပြောင်ကြသောသူရို့ ကြည့်ထားကြ၊ သင်ရို့သည် အံ့ဩ၍ ပျက်စီးဆုံးပျက်ခြင်းသို့ ရောက်ကြရမည်၊ အကြောင်းမူကား ဤနို့၌ ငါ ပြုလုပ်နိုင်သော အရာများကို သင်ရို့သည် ယုံကြည်ကြလိမ့်မည် မဟုတ်၊ သင်ရို့အား ထိုအမှုကို ယှဉ်းပြသောသူ ဟိသော်လည်း သင်ရို့သည် ယုံကြည်ကြလိမ့်မည် မဟုတ်’ ဟူ၍ ဖြစ်၏။ 42 ပေါလုနှင့် ဗာနဗသည် တရားဇရပ်မှ ထွက်ခွာလာကြစဉ်တွင် လူများက ဤအကြောင်းအရာများကို သူရို့အား နောက်တစ်ပတ် ဥပသန့်တွင် ဤထက်မက ဟောကြားပီးပါရန် တောင်းပန်ကြ၏။ 43 လူအပေါင်းရို့သည် ဝတ်ပြုစည်းဝေးပွဲမှ ထွက်ခွာလားကြပြီးနောက် ယုဒလူမျိုးတို့နှင့် ယုဒဘာသာဝင်အဖြစ်သို့ ခံယူထားကြသော တခြားလူမျိုးများစွာရို့သည် ပေါလုနှင့် ဗာနဗ၏ နောက်သို့ လိုက်ပါလားကြ၏။ တမန်တော်တိက သူရို့အား ပြောဆို၍ ဘုရားသခင်၏ ကျေးဇူးတော်၌ အစဉ်အမြဲ ရှင်သန်ကြရန် သူရို့ကို အားပီးတိုက်တွန်းကြ၏။ 44 နောက်တစ်နိ့ ဥပသန့်တွင် မြို့လုံးကျွတ်နီးပါးသော လူများစွာရို့သည် ဘုရားသခင်၏နှုတ်ကပတ်တော်ကို ကြားနာခြင်းငှာ ရောက်လာကြလေ၏။ 45 ယုဒလူမျိုးတို့သည် ထိုလူစုလူဝေးကို မြင်သောအခါ မနာလိုစိတ်ဖြစ်ကြပြီးလျှင် ပေါလုပြောသမျှကို ဆန့်ကျင်လျက် ကဲ့ရဲ့ဆဲဆိုကြ၏။ 46 ထိုအခါ ပေါလုနှင့် ဗာနဗ ရို့က “ငါရို့သည် သင်ရို့အား ဘုရားသခင်၏ နှုတ်ကပတ်တော်ကို အဦးဆုံး ပြောပြလိုပါ၏။ သို့သော်လည်း သင်ရို့သည် ထာဝရအသက်ကို တန်ဖိုးမထားဘဲ ဘုရားသခင်၏ နှုတ်ကပတ်တော်ကို ငြင်းပယ်ကြသောကြောင့် ငါရို့သည် သင်ရို့ကို ထားခပြီးလျှင် အခြားလူမျိုးတို့ပါးသို့ ခရီးဆက်ကြရမည်ဟု ရဲရင့်ပြတ်သားစွာ ထုတ်ဖော်ပြောဆိုကြလေ၏။ (aiōnios g166) 47 သခင်ဘုရားက ငါရို့အား ပီးထားသော ပညတ်တရားမှာ၊ “ငါသည် သင်ရို့ကို တခြားသောလူမျိုးတို့အတွက် အလင်း ဖြစ်စီခြင်းငှာ ခန့်ထားပြီးပြီ။ ထို့ကြောင့် လောကသားအားလုံး ကယ်တင်ခြင်းသို့ ရောက်စီခြင်းငှာ ဆောင်ရွက်ကြလော့” ဟူ၍ ဖြစ်၏။” 48 လူမျိုးခြားတိက သခင်ဘုရား၏သတင်းစကားကို ကြားသောအခါ သူရို့သည် အလွန်ဝမ်းမြောက်ကြသည်ဖြစ်၍ သခင်ဘုရား၏တရားတော်ကို ချီးမွမ်းကြ၏။ ထာဝရအသက်ကို ရစီခြင်းငှာ ရှိုးချယ်ထားသော သူရို့သည်လည်း ယုံကြည်သူများ ဖြစ်လာကြ၏။ (aiōnios g166) 49 သခင်ဘုရား၏နှုတ်ကပတ်တော်သည် ထိုဒေသ၏နီရာတိုင်းသို့ ပြန့်နှံ့လာလေ၏။ 50 သို့ရာတွင် ယုဒလူမျိုးရို့က မြို့မိမြို့ဖတို့နှင့် ဘုရားသခင်ကို ကိုးကွယ်ကြသော ဂုဏ်အသရေဟိ လူမျိုးခြား မိန်းမတို့ကို သွီးထိုး လှုံ့ဆော်ကြ၏။ ထို့ကြောင့် ထိုသူရို့သည် ပေါလုနှင့် ဗာနဗ ကို စတင်၍ ညည်းပန်းနှိပ်စက်ကြပြီးလျှင် မိမိရို့၏အရပ်ဒေသမှ နှင်ထုတ်ကြလေ၏။ 51 တမန်တော်တိကလည်း ထိုသူရို့ကို ဆန့်ကျင်သောအားဖြင့် မိမိရို့၏ ခြံဖဝါး၌ ကပ်နိုင်သော ဗြိမ္မာန်ကို ခါချပြီးလျှင် ကူကောနိမြို့သို့ ခရီးဆက်ကြ၏။ 52

အန္တီအုတ်မြို့ ယုံကြည်သူများသည်လည်း ဝမ်းမြောက်ခြင်းနှင့်လည်းကောင်း၊ သန့်ယှင်းသောဝိညာဉ်တော်နှင့်လည်းကောင်း ပြည့်ဝကြလေ၏။

14 ပေါလုနှင့် ဗာနဗ သည် ဣကောနိမြို့သို့ ရောက်လျှင် ယခင်နည်းတူ ယုဒတရားဇရပ်သို့ လားရောက်၍ ဟောပြောကြသဖြင့် ယုဒလူမျိုးများနှင့် တခြားလူမျိုးစွာရှိသည့် ယုံကြည်သူများ ဖြစ်လာကြ၏။ **2** သို့ရာတွင် ယုံကြည်ခြင်းကို ငြင်းပယ်သော ယုဒလူမျိုးတို့က ယုံကြည်သူတို့အား ဆန့်ကျင်တိုက်ခိုက်ရန် တခြားလူမျိုးရို၏ စိတ်ကို လှုံ့ဆော်ပီးကြ၏။ **3** တမန်တော်ရှိသည့် သခင်ဘုရားအကြောင်းကို ရဲရင့်စွာဟောပြောလျက် ထိုနီရာ၌ အချိန်အတန်ကြာ တည်းခိုနိုင်ခဲ့လေ၏။ အသျှင်ဘုရားကလည်း တမန်တော်တို့အား နိမိတ်လက္ခဏာနှင့် အံ့ဖွယ်သောအမှုအရာတို့ကို ပြနိုင်စီခြင်းငှာ တန်ခိုးပီးတော်မူသည်ဖြစ်၍ သူရိုဟောပြောသော သတင်းကောင်းတရားသည် သခင်ဘုရား၏ကျေးဇူးတော် အမှန်ပင်ဖြစ်ကြောင်းကို သက်သီပြတော်မူ၏။ **4** ထိုမြို့သူမြို့သားအပေါင်းရှိသည့် ကွဲပြားကာ တချို့သည် ယုဒလူမျိုးရိုဖက်၌ လည်းကောင်း၊ တချို့သည် တမန်တော်ရိုဖက်၌လည်းကောင်း နီကြ၏။ **5** ထို့နောက် တချို့သော ယုဒလူမျိုးတို့နှင့် တချို့သော အခြားလူမျိုးရှိသည့် မိမိရို၏ခေါင်းဆောင်တို့နှင့် ပူပေါင်းကာ တမန်တော်တို့ကို ညှဉ်းဆဲရန်နှင့် ကျောက်သီးနှင့် ပစ်ရန်ဆုံးဖြတ်ချက် ချထားကြ၏။ **6** တမန်တော်ရိုက ထိုအကြောင်းကို သိလျှင် လုကောနိပြည်၌ဟိသော လုတ္တရမြို့၊ ဒေရဗေမြို့နှင့် ပတ်ဝန်းကျင်ဒေသများသို့ ထွက်ပြီးကြလေ၏။ **7** ထိုအရပ်များ၌ သူရိုသည် သတင်းကောင်းတရားကို ဆက်လက်၍ ဟောပြောကြလေ၏။ **8** လုတ္တရမြို့၌ လမ်းမလျှောက်နိုင်သော ဝမ်းတွင်းပါ ခြံစွမ်းသူ တစ်ယောက်ဟိ၏။ **9** ထိုသူသည် ပေါလုဟောပြောသည်ကို ထိုင်လျက် နားထောင်နိုင်၏။ ပေါလုသည် ထိုသူ၌ ရောဂါပျောက်ကင်းနိုင်လောက်သော ယုံကြည်ခြင်းဟိသည်ကို မြင်လျှင် သူ့အား စုံစို ကြည့်လျက်၊ **10** “ထ၍ မတ်တတ်ရပ်လော့” ဟု ကျယ်သောအသံဖြင့် ပြောလိုက်သဖြင့်၊ ထိုသူသည် ခုန်၍ ထပြီးလျှင် စတင်၍ လမ်းလျှောက်လေ၏။ **11** ထိုအခါ လူအပေါင်းရှိသည့် ပေါလု ပြသောအမှုကို မြင်ကြသော် “နတ်ဘုရားတိ လူယောင်ဆောင်၍ ငါရိုပါးသို့ ဆင်းလာကတယာ” ဟု မိမိရို၏လုကောနိ ဘာသာစကားဖြင့် အော်ဟစ်၍ ပြောဆိုကြ၏။ **12** ပေါလုသည် အဓိကဟောပြောသောသူဖြစ်သောကြောင့် သူ့ကို ဟေရမေ ဟူ၍ လည်းကောင်း၊ ဗာနဗ အား ဇုသ ဟူ၍လည်းကောင်း သူရိုက နာမည်ပီးကြ၏။ **13** ထိုမြို့၏ဝင်ဝှံ၌ ယဇ်ပလ္လင်တည်၍ ကိုးကွယ်ထားကြသော ဇုသ နတ်ဘုရား၏ ယဇ်ပုရောဟိတ်သည် နွားထီးများနှင့် ပန်းကုံးများကို မြို့တံခါးနားသို့ ယူဆောင်လာကြပြီးလျှင် သူနှင့် လူအပေါင်းရှိသည့် တမန်တော်များအား ယဇ်ပူဇော်ရန် ပြုလုပ်နိုင်ကြ၏။ **14** သူရိုသည် ထိုသို့ပြုသည်ကို တမန်တော်များဖြစ်ကြသော ဗာနဗနှင့် ပေါလု ကြားသောအခါ မိမိရို အဝတ်ကို ဆုတ်၍ လူအုပ်ထဲသို့ ငြိမ်းငြိမ်းလျှင် အော်ဟစ်လျက်၊ **15** “သင်ရှိသည့် ဇာကြောင့် ဤအရာတို့ကို လုပ်နိုင်ကတလဲ၊ ငါရှိသည့် သင်ရိုပိုင် လူသားတိရာ ဖြစ်ပါ၏။ ငါရှိသည့် သတင်းကောင်းတရားကို ဟောပြောဖို့ ဤနီရာသို့ ရောက်လာခြင်းဖြစ်၏။ အကြောင်းမှာ သင်ရှိသည့် အကျိုးမဟိသော ဤအရာတို့ကို ဖယ်ယားပြီးလျှင်၊ ကောင်းကင် မြီကြီး၊ ပင်လယ်နှင့်တကွ ခပ်သိမ်းသော အရာတို့ကို ဖန်ဆင်းတော်မူသည့် အသက်ရှင်တော်မူသော ဘုရားသခင်ထံပါးသို့ ပြောင်းလဲကြစီခြင်းငှာ ဖြစ်ပါ၏။ **16** အတိတ်ကာလ၌ ဘုရားသခင်သည် လူမျိုးအပေါင်းရှိအား မိမိရို၏နည်းလမ်းအတိုင်း လိုက်လျှောက်ကြရန် အခွင့်ပီးခ၏။ **17** သို့ရာတွင် ဘုရားသခင်သည် အာကာပြင်မှ မိုးရီကို ရွာသွန်းကာ အချိန်တန်လျှင် သင်ရိုအား ကောက်ပဲသီးနှံများကို ပီးလျက်၊ အစားအစာများကို ကျွေးမွေးတော်မူ၏။ ထို့ကြောင့် သင်ရို၏နှလုံးသည် ရွှင်လန်းဝမ်းမြောက်မှုနှင့် ပြည့်စုံလျက်ဟိကြ၏။ အကြောင်းမူကား ကိုယ်တော်သည် ကောင်းသောအမှုအရာတို့ကို ပြတော်မူလျက် မိမိဟိတော်မူကြောင်းကို အစဉ်အမြဲ ထင်ရှားစွာ ပြတော်မူ၏” ဟု ဆို၏။ **18** ဤသို့ဖြင့် ယဇ်ပူဇော်ခြင်းကို မပြုကြရန် တမန်တော်တို့က လူစုလူဝေးကြီးကို ခက်ခဲစွာ တားမြစ်လေ၏။ **19** သို့ရာတွင် ပိသိဒ်ပြည် အန္တီအုတ်မြို့နှင့် ဣကောနိမြို့မှ ရောက်လာကြသော

ယုဒလူမျိုးတချို့သည် လူစုလူဝေးကြီးကို မိမိဖက်သို့ ပါအောင် စည်းရုံးသိမ်းသွင်းပြီးလျှင် ပေါလုကို ကျောက်သီးနှင့် ပစ်၍ သီလားယာဟု စိတ်ထင်မှတ်သောကြောင့် မြို့ပြင်သို့ ဆွဲထုတ်ထားကြ၏။ 20 သို့ရာတွင် ယုံကြည်သူတို့က သူ့ကို ဝိုင်းရံထားကြစဉ်တွင် သူသည် ထ၍ မြို့ထဲသို့ ပြန်ဝင်လာ၏။ နောက်တစ်ရက်တွင် သူသည် ဗာနုဗနှင့်အတူ ဒေရဗေမြို့သို့ ထွက်ခွာလာ၏။ 21 ပေါလုနှင့် ဗာနုဗ ရှိသည် ဒေရဗေမြို့၌ သတင်းကောင်းတရားတော်မြတ်ကို ဟောပြောကြပြီးနောက် များစွာသောသူရှိသည် တပည့်တော်များဖြစ်လာကြ၏။ ထို့နောက် လုတ္တရမြို့၊ ကုကောနိမြို့နှင့် ပိသိဒ်ပြည် အန္တီအုတ်မြို့သို့ ပြန်လားခလေ၏။ 22 သူရှိသည် ယုံကြည်သူများကို စစ်မှန်သောယုံကြည်ခြင်း၌ တည်ကြည်စီရန် အားပီး တိုက်တွန်းနှိုးဆော်ကြ၏။ “ဘုရားသခင်၏နိုင်ငံတော်သို့ ဝင်ရောက်ခြင်းငှာ ငါရှိသည် များစွာသော ဆင်းရဲဒုက္ခတို့ကို ကျော်ဖြတ်ကြရမည်” ဟု သွန်သင်ကြ၏။ 23 သူရှိသည် အသင်းတော်တိုင်း၌ အသင်းတော်လူကြီးတို့ကို ခန့်ထားပြီးလျှင် အစာယောင်၍ ဆုတောင်းပတ္တနာ ပြုလျက်၊ သခင်ဘုရားကို ယုံကြည်ကိုးစားကြသူရှိအား သခင်ဘုရား၏ လက်တော်သို့ အပ်နှံကြ၏။ 24 ပိသိဒ်ပြည် ဒေသတလျှောက် လားပြီးနောက် ပမ်ဖုလီပြည်သို့ လာကြ၏။ 25 ထိုပြည်၌ဟိသော ပေရုမြို့၌ သူရှိသည် နှုတ်ကပတ် တရားတော်ကို ဟောပြောကြပြီးနောက် အတ္တလိမြို့သို့ လားကြ၏။ 26 ထို့နောက် ထိုမြို့မှ သင်္ဘောဖြင့် ရွက်ရွှင်ကာ အန္တီအုတ်မြို့သို့ ပြန်လာကြ၏။ ဤမြို့ကား သူရှိသည် အဂု ဆောင်ရွက်ပြီးသော အမှုတော်မြတ်အတွက် ဘုရားသခင်၏ ကျေးဇူးတော်ကို သူရှိအား အပ်နှံသော နိရာဖြစ်၏။ 27 သူရှိသည် အန္တီအုတ်မြို့သို့ ရောက်ကြသောအခါ အသင်းတော်၌ ဟိသောသူတို့ကို အတူတကွ စုဝေး၍ ဘုရားသခင်သည် သူရှိနှင့်အတူ ပြုတော်မူသော အမှုအရာတို့ကိုလည်းကောင်း၊ လူမျိုးခြားတို့ ယုံကြည်လာကြစီရန် ဘုရားသခင်က ဇာပိုင် လမ်းဖွင့်ပီးသည့်ကိုလည်းကောင်း သူရှိအား ပြောပြကြ၏။ 28 ထို့နောက် သူရှိသည် ယုံကြည်သူများနှင့်အတူ ထိုမြို့၌ အချိန်အတန်ကြာ နီထိုင်ခလေ၏။

15 ယုဒပြည်မှ အန္တီအုတ်မြို့သို့ ရောက်လာကြသော တချို့သောသူတို့က “သင်ရှိသည် မောသျှေ၏ ပညတ်တရားအတိုင်း အရီဖျားလှီးခြင်းကို မခံလျှင် ကယ်တင်တော်မူခြင်းသို့ မရောက်နိုင်” ဟု ယုံကြည်သူတို့ကို ဆုံးမဩဝါဒပီးကြ၏။ 2 ဤကိစ္စနှင့်ပတ်သက်၍ ပေါလုနှင့် ဗာနုဗ ရှိသည် ထိုသူရှိနှင့် ပြင်းထန်စွာ ငြင်းခုံကြ၏။ ထို့ကြောင့် ပေါလု၊ ဗာနုဗနှင့်အတူ အန္တီအုတ်မြို့မှ ယုံကြည်သူတချို့သည် ဤပြဿနာကြောင့် ယေရုဆလင်မြို့သို့လား၍ တမန်တော်တို့၊ အသင်းတော်လူကြီးတို့နှင့် တွဲဆုံသင့်ကြောင်း ဆုံးဖြတ်ကြ၏။ 3 အသင်းတော်က သူရှိကို ပို့ဆောင်ပီးသဖြင့် သူရှိသည် ဖိနိတ်ပြည်နှင့် ယာမာရိပြည်ကို လျှောက်လားကြစဉ်တွင် လူမျိုးခြားတို့ ဘုရားသခင်ထံသို့ ဇာပိုင် ပြောင်းလဲကြပုံကို ပြောပြကြသဖြင့် ယုံကြည်သူတို့အားလုံး အလွန်ဝမ်းမြောက်ကြ၏။ 4 သူရှိသည် ယေရုဆလင်မြို့သို့ ရောက်ကြသောအခါ တမန်တော်တို့နှင့် အသင်းတော်လူကြီးတို့၊ အသင်းသူ အသင်းသားတို့က သူရှိကို ကြိုဆိုလက်ခံကြ၏။ သူရှိကလည်း ဘုရားသခင်သည် မိမိရှိအားဖြင့် ပြုတော်မူသော အရာအားလုံးကို ပြောပြကြ၏။ 5 သို့ရာတွင် ဖာရိယုအုပ်စုထဲက ယုံကြည်သူတချို့သည် ထလျက် “လူမျိုးခြားတို့ အရီဖျားလှီးခြင်းကို ခံယူပြီးလျှင် မောသျှေ၏ ပညတ်တရားကို လိုက်နာကြရမည်” ဟု ဆိုကြ၏။ 6 ထိုအခါ ဤအမှုကို စဉ်းစားဆင်ခြင်ရန် တမန်တော်တို့နှင့် အသင်းတော်လူကြီးရှိသည် အတူတကွ တွဲဆုံကြ၏။ 7 အချိန်အတန်ကြာ အပြန်အလှန် ဆွေးနွေးငြင်းခုံကြပြီးနောက် ပေတရုသည် ထလျက် “ညီအစ်ကို မောင်နှမရဲ့၊ လူမျိုးခြားတို့သည် သတင်းကောင်းတရားကို ကြားနာ၍ ယုံကြည်ခြင်းသို့ ရောက်ကြစီခြင်းငှာ ထိုတရားကို ဟောပြောရန်အတွက် ဘုရားသခင်သည် ရှိဦးစွာအားဖြင့် သင်ရှိအထဲက ငါ့ကို ရွီးကောက်တော်မူသည်ကို သင်ရှိသိကြ၏။ 8 ထို့ပြင် လူတိုင်း၏စိတ်နှလုံးအကြံအစည်ကို သိတော်မူသော ဘုရားသခင်သည် သန့်ယှင်းသောဝိညာဉ်တော်ကို ငါရဲ့ အားပီးသည့်နည်းတူ သူရှိကိုလည်း ပီးတော်မူကြောင်းကို ထိုလူမျိုးခြားတို့အားဖြင့် သက်သိပြတော်မူ၏။ 9 ကိုယ်တော်သည် သူရှိနှင့် ငါရဲ့ကို ခွဲခြားထားသည် မဟုတ်။

အကြောင်းမူကား သူရိသည့် ယုံကြည်ကြသောကြောင့် ကိုယ်တော်သည် သူရိ၏အပြစ်ကို လွှတ်တော်မူ၏။ 10 သို့ဖြစ်၍ သင်ရိသည့် ငါရိကိုယ်တိုင်သာမက ငါရိ အဖိုးအဖိုးတိုက်တိုင် မထမ်းနိုင်သော ထမ်းပိုးကို ယုံကြည်သူတို့၏ နောက်ကုန်းထက်မှာ တင်ပြီးလျှင် ဇာကြောင့် ဘုရားသခင်ကို မထီလေးစားလုပ်နိုင်ကတော့လဲ။ 11 ယင်းပိုင် မလုပ်သင့်ပါကား။ အသျှင်ယေသျှ၏ ကျေးဇူးတော်ကြောင့် ငါရိသည့် ကယ်တင်တော်မူခြင်းကို ခံကြရသည်နည်းတူ၊ သူရိသည့်လည်း ခံကြရသည်ကို ငါရိ ယုံကြည်ကြသည်” ဟူ၍ ပေတရုက ပြောဆို၏။ 12 ဗာနုနနှင့် ပေါလုက မိမိရိုးအားဖြင့် လူမျိုးခြားတို့၌ ဘုရားသခင်ပြုတော်မူသော နိမိတ်လက္ခဏာတို့၊ အံ့ဩဖွယ်သောအမှုအရာတို့ကို ပြန်လည်ပြောပြကြသည်ကို ကြားရသောအခါ လူအပေါင်းရိသည့် ဆိတ်ငြိမ်နိမ့်ကြ၏။ 13 သူရိ ပြောဆိုပြီးမှ၊ ယာကုပ်သည် ထ၍ “ငါ၏ညီအစ်ကို မောင်နှမရိ ငါ့စကားကို နားထောင်ကတိပါ။ 14 ဘုရားသခင်သည် ရှိဦးစွာ တခြားလူမျိုးတို့ထဲက လူတချို့ကို မိမိအဖို့ ကယ်နှုတ်တော်မူခြင်းဖြင့် ထိုလူမျိုးခြားတို့ကို ဇာပိုင် ဂရုစိုက်တော်မူကြောင်း ဖော်ပြသည်ကို သျှိုမှန်သည် ဂုတင်က ပြောပြအပြီးယာ။ 15 ထိုအကြောင်းအရာသည်လည်း ပရောဖက်တို့ ပြောခဲ့သော စကားနှင့် လုံးဝ ကိုက်ညီပေ၏။ ကျမ်းစာလာသည်ကား။ 16 “သခင်ဘုရားမိန့်တော်မူသည်မှာ၊ ငါသည် ပြန်လာပြီးလျှင် ဒါဝိဒ၏နိုင်ငံကို ပြန်လည် တည်ဆောက်မည်၊ ငါသည် ထိုနိုင်ငံ၏အပျက်အစီးတို့ကို ပြုပြင်၍ ထိုနိုင်ငံတော်ကို တဖန်ခိုင်ခံ့စီမံမည်။ 17 ပြီးနောက် လူမျိုးအားလုံး ငါ့ပါးသို့ လာကြလိမ့်မည်။ ငါခေါ်ထားသော တခြားလူမျိုးတို့အားလုံးသည် ငါ၏လူတို့ ဖြစ်လာကြလိမ့်မည်။ 18 ဤကား ရှိုးကာလကပင် ဤအရာများကို သိတော်မူသော သခင်ဘုရား၏ မိန့်တော်မူချက် ဖြစ်သတည်း။’ (aiōn g165) 19 “ထို့ကြောင့် ငါသဘောအတိုင်းဆိုလျှင် ဘုရားသခင်ပါးသို့ ပြောင်းလဲလာကြသည့် တခြားလူမျိုးတို့ကို ငါရိက ဒုက္ခ မပီးသင့်ပေ၊ 20 ဤသို့ ပြောမည့်အစား၊ ရုပ်တုဆင်းထုတို့ကို ပူဇော်ပသထားသည့် မစင်ကြယ်သော အစားအစာတို့ကိုလည်းကောင်း၊ မတရားသောမေထုန်လွန်ကျူးခြင်းကိုလည်းကောင်း၊ လိုင်ပင်းကို ညှစ်၍ သတ်ထားသောတိရစ္ဆာန်တို့ကိုလည်းကောင်း၊ အသွီးကိုလည်းကောင်း ယောင်ကြဉ်ကြစီခြင်းငှာ စာရီး၍ သူရိကို မှာလိုက်သင့်၏။ 21 အကြောင်းမူကား၊ မောသျှေ၏ပညတ္တိကျမ်းကို ဥပသန်တိုင်း တရားဇရပ်များတွင် ရွတ်ဖတ်လာကြသည်မှာ အချိန်ကာလ ကြာညောင်းခယာ၊ ထို့အပြင် သူ၏တရားတော်မြတ်ကို မြို့တိုင်းမှာ ဟောပြောလျက်ဟိကြ၏” ဟု ယာကုပ်က ပြောလေ၏။ 22 ထို့နောက် တမန်တော်တို့၊ အသင်းတော်လူကြီးတို့နှင့် အသင်းတော် တစ်ခုလုံးက မိမိရိအထဲမှ လူတချို့ကို ရွီးချယ်၍ ပေါလုနှင့် ဗာနုန ရှိနှင့်အတူ အန္တီအုတ်မြို့သို့ စီစွတ်ရန် ဆုံးဖြတ်ကြ၏။ ထိုအခါ ယုံကြည်သူများ အလွန်ရိသီလေးစားကြသော ဗာသျှပ ခေါ် ယုဒနှင့် သိလကို ရွီးချယ်၍ 23 သူရိနှင့်အတူ စာကို ပို့လိုက်ကြ၏။ ထိုစာ၌ “တမန်တော်တို့၊ အသင်းတော်လူကြီးတို့နှင့်တကွ သင်ရိ၏ ညီအစ်ကိုတို့က အန္တီအုတ်မြို့မှစ၍ ယှရိပြည်၊ ကိလိက်ပြည်၌ နီထိုင်ကြသည့် တခြားလူမျိုးတို့ဖြစ်သော ငါရိ ညီအစ်ကို အားလုံးကို နှုတ်ဆက်လိုက်ပါ၏။ 24 ငါရိအထဲက လူတချို့သည် ငါရိပါးက ညွှန်ကြားချက် မပီးဘဲ သင်ရိပါးသို့ လား၍ သင်ရိအား စိတ်အနှောင့်အယှက် ဖြစ်စီကြသည်ဟု ငါရိ ကြားရ၏။ 25 သို့ ဖြစ်၍ ငါရိသည် အတူတကွ ဆွေးနွေးတိုင်ပင်ကြပြီးလျှင် လူတချို့ကို ရွီးချယ်၍ သင်ရိပါးသို့ စီစွတ်ရန် အားလုံးက သဘောတူကြ၏။ ထိုသူရိသည် ငါရိ၏ မိတ်ဆွီဖြစ်သော ဗာနုဗသည့် ပေါလုနှင့်အတူ ရောက်လာကြလိမ့်မည်။ 26 ထိုသူရိကား ငါရိအသျှင် ယေသျှ၊ ခရစ်တော်၏ အမှုတော်ကို ဆောင်ခြင်းငှာ မိမိရိ၏အသက်ကို အပ်နှံထားသူများဖြစ်ကြ၏။ 27 ထို့နောက် ငါရိ ရိုးပီးလိုက်သောစာအတိုင်း သင်ရိအား နှုတ်ဖြင့် ပြောပြရန် ယုဒနှင့် သိလကို စီစွတ်လိုက်၏။ 28 သန့်ယုင်းသောဝိညာဉ်တော်သည် လည်းကောင်း၊ ငါရိသည် လည်းကောင်း ဤသို့သော လိုက်နာရမည့် စည်းမျဉ်းစည်းကမ်းမှတစ်ပါး အခြားသောဝန်ကို သင်ရိထက်မှာ တင်စီခြင်းငှာ မလိုလားအပ်ပေ။ 29 ထိုလိုက်နာရမည့် စည်းမျဉ်းစည်းကမ်းများမှာ ရုပ်တုကို ပူဇော်ထားသော ယဇ်ကောင်ကိုလည်းကောင်း၊ အသွီးကိုလည်းကောင်း၊ လိုင်ပင်းညှစ်၍ သတ်ထားသော တိရစ္ဆာန်ကိုလည်း မစားရ၊ မတရားသောမေထုန်လွန်ကျူးခြင်းကို ယောင်ကြဉ်ကြရမည်။ သင်ရိသည် ဤအရာတို့ကို မပြုလုပ်ဖို့ ဂရုစိုက်ကြမည်ဆိုလျှင် ကောင်းသောအမှုကို ပြုခြင်းဖြစ်၏။

လိုရာဆန္ဒ ပြည့်ဝကတိပါစီ” ဟူ၍ ဖြစ်၏။ 30 ထိုစိတမန်များသည် စိန္တဝါဒီလက်သည်နှင့်အညီ၊ အန္တိအုတ်မြို့သို့ ရောက်ကြသောအခါ ယုံကြည်သူအားလုံးကို စုဝေးစီစဉ်ပြီးလျှင် ထိုစာကို သူရိလက်သို့ ပီးအပ်ကြ၏။ 31 ထိုသူရိလက်သည် စာကို ဖတ်ရသောအခါ ထိုစာ၌ပါသော အားပီးတိုက်တွန်းစကားကြောင့် ဝမ်းမြောက်ခြင်းနှင့် ပြည့်ဝကြလေ၏။ 32 ယုဒနှင့် သိလသည် သူရိကိုယ်တိုင် ပရောဖက်တိ ဖြစ်ကြသည်နှင့်အညီ ယုံကြည်သူတို့ကို အားပီးတိုက်တွန်းကာ အချိန်ကြာမြင့်စွာ ဟောပြောနိုင်ခဲ့ကြ၏။ 33 ထိုနီရာ၌ အချိန်အင်တန်ကြာ နီထိုင်ပြီးနောက် ယုံကြည်သူရိက သူရိအား ငြိမ်းချမ်းစွာ ပို့ဆောင်လိုက်ကြသဖြင့် သူရိသည် မိမိရိကို စိန္တဝါဒီလက်သော သူရိပါးသို့ ပြန်လားကြလေ၏။ 35 ပေါလုနှင့် ဗာနဗရိသည် အန္တိအုတ်မြို့၌ အချိန်အင်တန်ကြာ နီထိုင်၍ တခြားသူတို့နှင့်အတူ ဆုံးမဩဝါဒပီးခြင်း၊ သခင်ဘုရား၏သတင်းကောင်းတရားကို ဟောပြောခြင်းများကို လုပ်ဆောင်ကြလေ၏။ 36 ကာလအင်တန်ကြာသောအခါ ပေါလုက ဗာနဗအား “ငါရိသည် သခင်ဘုရား၏ နှုတ်ကပတ်တရားတော်ကို ဟောပြောသည့် မြို့တိုင်းမှာ ဟိကြသော ငါရိ၏ ညီအစ်ကိုမောင်နှမတို့ ဇာပိုင် ဟိန်နိကြသည်ကို မြင်တို့လို့၍ တဖန် အလည်လား ကြမည်” ဟု ပြော၏။ 37 ဗာနဗက ယောဟန် မာကု ကို သူရိနှင့်အတူ လိုက်စီလို၏။ 38 သို့သော်လည်း ပေါလုက သူ့ကို မခေါ်လိုပေ။ အကြောင်းမူကား သူသည် မိမိရိသာသနာလုပ်ငန်းမှာ မိမိရိနှင့်အတူ ဆုံးခန်းတိုင်အောင် မလိုက်ဘဲ၊ ပမံဖုလီပြည်၌ မိမိရိကို ထားပစ်ခပြီး ပြန်လားသောကြောင့်ဖြစ်၏။ 39 ထိုအကြောင်းအရာနှင့်ပတ်သက်၍ အချင်းချင်း ပြင်းထန်စွာ အငြင်းပွားကြပြီး သဘောထားကွဲပြားကာ ဗာနဗသည် မာကုကို ခေါ်၍ ကုပရကွန်းသို့ ရွက်ရွှင်လေ၏။ 40 ပေါလုသည် သိလကို ရွီးချယ်၍ ထွက်ခွာလားစဉ် ယုံကြည်သူတို့က သခင်ဘုရား၏ကျေးဇူးတော်သည် သူရိ၌ တည်စီခြင်းငှာ ဆုတောင်း အပ်နှံကြ၏။ 41 သူသည် အသင်းတော်တို့ကို ခွန်အားပီးလျက် ယုရိပြည်နှင့် ကိလိကီပြည် တလျှောက် သိလနှင့်အတူ ထွက်ခွာလားလေ၏။

16 ပေါလုသည် ဒေရဗေမြို့သို့ ခရီးထွက်လာခပြီး တိမောသေ ဟုခေါ်သော တပည့်တော်တစ်ယောက် နီထိုင်သည့် လုတ္တရမြို့သို့ ရောက်လာ၏။ ထိုသူ၏အမိသည် ယုဒလူမျိုး ယုံကြည်သူ တစ်ယောက်ဖြစ်ပြီး သူ၏အဖသည်ကား၊ ဟေလသလူမျိုးဖြစ်၏။ 2 လုတ္တရမြို့နှင့် ကုကောနီမြို့၌ ဟိသော ယုံကြည်သူ အားလုံး၌ တိမောသေ၏ ဂုဏ်သတင်းသည် ကျော်ဇောလျက်ဟိ၏။ 3 ပေါလုသည် တိမောသေကို မိမိနှင့်အတူ ခေါ်လိုသည်ဖြစ်၍ ထိုအရပ်တွင် နီထိုင်ကြသော ယုဒလူမျိုးတို့ကြောင့် သူ့အား အရီဖျားလှီးခြင်းကို ပီးလေ၏။ အကြောင်းမူကား သူ၏အဖသည် ဟေလသလူမျိုး တစ်ယောက်ဖြစ်သည်ကို သူရိအားလုံး သိကြ၏။ 4 သူရိသည် တစ်မြို့ဝင် တစ်မြို့ထွက် လှည့်လည်ကာ ယေရုဆလင်မြို့မှ တမန်တော်တို့နှင့် အသင်းတော်လူကြီးတို့က ဆုံးဖြတ်ချက်ချထားသော စည်းမျဉ်းစည်းကမ်းများကို ယုံကြည်သူတို့အား ဖြန့်ဝီပီးကြပြီးလျှင် ဤစည်းမျဉ်းစည်းကမ်းများကို လိုက်လျှောက်ကြရန် သူရိအား နှိုးဆော်ကြ၏။ 5 ထို့ကြောင့် အသင်းတော်များသည် ယုံကြည်ခြင်း၌ သာ၍ ခိုင်မာလာကြပြီးလျှင် အရီအတွက်အားဖြင့်လည်း နီစဉ်နီတိုင်း တိုးပွားလာကြ၏။ 6 အာယိုပြည်၌ နှုတ်ကပတ်တရားတော်ကို ဟောပြောရန် သန့်ယုင်းသောဝိညာဉ်တော်က သူရိကို ခွင့်ပြုတော်မမူသောကြောင့် ပေါလုနှင့် သူ၏အပေါင်းအဖော်ရိသည် ဖြူဂီပြည်နှင့် ဂလာတိပြည်သို့ ခရီးဆက်ကြ၏။ 7 သူရိသည် မုသိနယ်စပ်သို့ ရောက်သောအခါ ဗိသုနီပြည်ထဲသို့ ဝင်ရောက်ဖို့ ကြိုးစားကြသော်လည်း ယေသျှု၏ဝိညာဉ်တော်က သူရိကို အခွင့်မပီးခပေ။ 8 ထို့ကြောင့် သူရိသည် မုသိပြည်ကို လျှောက်၍ တရောမြို့သို့ ဆင်းလာကြ၏။ 9 ပေါလုသည် ညဉ့်အခါ၌ မာကေဒေါနီပြည်သား တစ်ယောက်က “မာကေဒေါနီပြည်သို့ ကူး၍ ငါရိကို ကူညီပါ” ဟု ရပ်လျက် သူ့အား တောင်းပန်နိုင်သော ဗျာဒိတ်ရူပါရုံ တစ်ခုကို မြင်လေ၏။ 10 ပေါလုသည် ဤရူပါရုံကို မြင်လျှင်မြင်ချင်း ငါရိသည် မာကေဒေါနီပြည်သို့ ထွက်ခွာရန် အဆင်သင့်ပျင်ကြ၏။ အကြောင်းမူကား ထိုပြည်၌ဟိသော လူတို့အား သတင်းကောင်းတရားကို ဟောကြားခြင်းငှာ ဘုရားသခင် ငါရိကို ခေါ်တော်မူသည်ဟု

ငါရဲ့သည် ဆုံးဖြတ်ချက် ချလိုက်ကြသောကြောင့်ဖြစ်၏။ 11 ငါရဲ့သည် တရောမြို့မှ သင်္ဘောဖြင့် ထွက်ခွာ၍ သာမောသရက်ကျွန်းသို့ တည့်တည့်ဖြတ်၍ ရွက်ရွှင်လာကြရာ နောက်တစ်နိဗ္ဗိတ နာပေါလိမြို့သို့ ရောက်ကြ၏။ 12 ငါရဲ့သည် ထိုမြို့မှ ကုန်းကြောင်းခရီးဖြင့် ထွက်လာကြပြီး ဖိလိပိုမြို့သို့ ရောက်ကြ၏။ မာကေဒေါနိုပြည်၏ ပထမဆုံး ခရိုင်မြို့ တစ်မြို့ဖြစ်သော ထိုမြို့သည် ရောမလက်အောက်ခံ မြို့တစ်မြို့ဖြစ်၏။ ငါရဲ့သည် ထိုမြို့၌ ရက်အင်တန်ကြာ နီခကြ၏။ 13 ဥပသနိ၌ ငါရဲ့သည် ယုဒလူမျိုးများ ဆုတောင်းရန် စုဝေးကြသည့် နီရာတစ်ခု ဟိလိမံမည်ဟု စိတ်အထင်ဖြင့် မြို့အပြင်ဖက် မြစ်နားသို့ ထွက်လာကြ၏။ ငါရဲ့သည် ထိုနီရာ၌ ဝင်ထိုင်ကြပြီးလျှင် စုဝေးနိဗ္ဗိတသော မိန်းမတို့အား ဟောပြောလေ၏။ 14 နီမောင်းသောအထည်များကို ရောင်းချသည့် လုဒီဟုခေါ်သော သွာတီရိမြို့သူ တစ်ယောက်သည်လည်း ငါရဲ့ဟောပြောသော တရားကို ကြားနာကြသောသူရဲ့ထဲက တစ်ယောက်ဖြစ်၏။ သူမသည် ဘုရားသခင်ကို ဝတ်ပြုကိုးကွယ်သော မိန်းမတစ်ယောက်ဖြစ်သည်နှင့်အညီ သခင်ဘုရားသည် ပေါလုဟောသော တရားကို အာရုံဝင်စားစီခြင်းငှာ ထိုမိန်းမ၏စိတ်နှလုံးကို ဖွင့်ပီးတော်မူ၏။ 15 ထိုမိန်းမသည် မိမိ၏ အိမ်သူအိမ်သားတို့နှင့်အတူ ဗတ္တိဒံကို ခံပြီးနောက် “အကျွန်ုပ်သည် သခင်ဘုရား၏ စစ်မှန်သော ယုံကြည်သူတစ်ယောက် ဖြစ်သည်ဟု သင်ရဲ့ သတ်မှတ်လျှင် အကျွန်ုပ်အိမ်၌ လာ၍ တည်းကြပါ” ဟု တောင်းပန်၍ သူမသည် ငါရဲ့အား လိုက်ပါဖို့ရန် ဆွဲဆောင်ပြောဆိုလေ၏။ 16 တစ်နိဗ္ဗိတ ငါရဲ့သည် ဆုတောင်းရာနီရာသို့ လားကြစဉ်တွင် နတ်ဝင်၍ နောင်ဖြစ်လတုံသောအရာတို့ကို ဟောပြောခြင်းအားဖြင့် မိမိ၏သခင်အား ဝင်ငွီများစွာ ရှာပီးနိုင်သော အစီခံမိန်းမချေတစ်ယောက်သည် ငါရဲ့ကို တွေ့လေ၏။ 17 ထိုအခါ ထိုမိန်းမချေက “ဤသူရဲ့သည် အမြင့်ဆုံးသော ဘုရားသခင်၏ အမှုတော်ဆောင်များ ဖြစ်ကြပြီး၊ သင်ရဲ့အား ကယ်တင်ခြင်းလမ်းကို ဟောပြောနိုင်သောသူများဖြစ်ကြ၏” ဟု အော်ဟစ်၍ ပေါလုနှင့် ငါရဲ့နောက်က လိုက်ပါလာ၏။ 18 ထိုမိန်းမချေသည် ရက်ပေါင်းများစွာ ဤသို့ လုပ်လာသောအခါ ပေါလုသည် ခံပြင်းသောစိတ်ဖြင့် လှည့်ကြည့်ကာ “ယေသူးခရစ်တော်၏ နာမတော်၌ သင့်ကို ငါ နှင်ထုတ်၏။ အေမိန်းမချေ ပါးက ထွက်လား” ဟု နတ်ကို အမိန့်ပီးလိုက်သည်နှင့် ထိုနတ်သည် ထိုမိန့်မချေပါးက ချက်ချင်း ထွက်လားလေ၏။ 19 ထိုမိန်းမချေ၏ သခင်ရိုက မိမိရဲ့၏ဦးရေပေါက် ပိတ်လားကြောင်းကို သိလားကြသောအခါ ထိုသူရဲ့က ပေါလုနှင့် သိလကို ဖမ်းဆီး၍ ပြည်သူ့ရင်ပြင်၌ဟိသော အာဏာပိုင်တံပါးသို့ ဆွဲခေါ် လားကြ၏။ 20 ရောမအရာဟိတ် ရှိသို့ ရောက်သောအခါ ထိုသူရဲ့က “ဤလူတို့သည် ယုဒလူမျိုးတို့ဖြစ်ကြပြီး အကျွန်ုပ်ရဲ့မြို့မှာ ရုန်းရင်းဆန်ခတ်ဖြစ်အောင် လုပ်နိုင်ကြပါ၏။ 21 သူရဲ့သည် အကျွန်ုပ်ရဲ့ ဥပဒေနှင့် ဆန့်ကျင်သော ဓလေ့ထုံးစံတို့ကို သွန်သင်နိုင်ကြပါ၏။ အကျွန်ုပ်ရဲ့သည် ရောမနိုင်ငံသားများဖြစ်၍ ဤဓလေ့ထုံးစံတို့ကို အကျွန်ုပ်ရဲ့ လက်မခံနိုင်ပါ။ ကျင့်လည်း မကျင့်နိုင်ကြပါ” ဟု လျှောက်ဆိုကြ၏။ 22 ထိုအခါ လူအပေါင်းရဲ့သည် ပေါလုနှင့် သိလ ကို တိုက်ခိုက်ခြင်းငှာ စုဝေးလာကြ၏။ ထို့နောက် အရာဟိတ်က ပေါလုနှင့် သိလ၏ အဝတ်ကို ဆွဲချွတ်၍ ကြာပွတ်နှင့် သတ်ခိုင်းကြ၏။ 23 ပြင်းထန်စွာ သတ်ကြပြီးနောက် ပေါလုနှင့် သိလကို ထောင်ထဲသို့ သွင်းထားကာ တင်းကြပ်စွာ လှောင်ထားဖို့ရန် ထောင်မှူးကို အမိန့်ပီးထားလိုက်၏။ 24 ဤအမိန့်အတိုင်း ထောင်မှူးသည် သူရဲ့ကို ထောင်အတွင်းခန်းထဲသို့ ဆွဲသွင်းပြီးလျှင် လေးလံသောသစ်သား ထိတ်တုံးဖြင့် သူရဲ့ခြံထောက်ကို ခတ်ထားလိုက်၏။ 25 ညဉ့်သန်းခေါင်အချိန် ခန့်တွင် ပေါလုနှင့် သိလသည် ဘုရားသခင်ကို ဆုတောင်းပတ္တနာပြု၍ ချီးမွမ်းတေးခြင်းများကို ဆိုနိုင်ကြ၏။ တခြားထောင်သားများကလည်း သူရဲ့တေးခြင်းကို နားထောင်နိုင်ကြ၏။ 26 ထိုအခါ ပြင်းထန်သော မြိငလျှင်တစ်ခုသည် ရုတ်တရက် လှုပ်သောကြောင့် ထောင်၏အုတ်မြစ် တုန်လှုပ်ကာ ထောင်တန်းခါးအားလုံးသည် ချက်ချင်း ပွင့်လာကြပြီးလျှင် ထောင်သားအားလုံးသည် ချိုင့်ထားသော သံကြိုးမှ လွတ်မြောက်ကြလေ၏။ 27 ထောင်မှူးသည် နီးလာ၍ ထောင်တန်းခါးတံ ပွင့်နိုင်သည်ကို မြင်လျှင် ထောင်သားတို့ လွတ်မြောက်လားကြပြီဟု ထင်မှတ်ကာ မိမိ၏ခါးကို ဆွဲထုတ်ပြီး မိမိကိုယ်ကို အဆုံးစီရင်ရန် ပြုလေ၏။ 28 သို့ရာတွင် ပေါလုက “ကိုယ့်ကိုယ်ကို အန္တရာယ် မပြုကျေ။ ငါရဲ့အားလုံး ဤနီရာ၌ပင် ဟိကြ၏” ဟု ကျယ်သောအသံနှင့် အော်ပြောလေ၏။ 29 ထောင်မှူးသည်

မီးခွက်တစ်ခုကို တောင်း၍ ထောင်ထဲသို့ ငြိမ်းဝင်ပြီးလျှင် ပေါလုနှင့် သိလရို၏ခြံရံ၌ တုန်လှုပ်လျက် ပြပ်ဝပ်လေ၏။

30 ထို့နောက် ထောင်မှူးသည် သူရိုကို အပြင်သို့ ခေါ်ထုတ်လာပြီးလျှင် “ဆရာရို၊ အကျွန်ုပ်သည် ကယ်တင်ခြင်းရရန် ဇာလုပ်ရပါဖို့လဲ” ဟု မိန်းလျှောက်၏။ **31** ထိုအခါ သူရိုက “အသျှင်ယေသုရှုကို ယုံကြည်လော့။ ထိုသို့ ယုံကြည်လျှင် သင်နှင့် သင်၏အိမ်သူ အိမ်သားတို့သည် ကယ်တင်ခြင်းသို့ ရောက်ကြလိမ့်မည်” ဟု ပြော၏။ **32** ထို့နောက် ပေါလုနှင့် သိလသည် ထောင်မှူးနှင့် သူ၏အိမ်သူအိမ်သားအားလုံးကို သခင်ဘုရား၏ နှုတ်ကပတ်တရားတော်ကို ဟောပြောကြ၏။

33 ထိုည၌အချိန်၌ပင် ထောင်မှူးသည် ပေါလုနှင့်သိလကို ထုတ်ယူ၍ သူရို၏ဒဏ်ရာများကို ဆီးကြောပီးလေ၏။ ထို့နောက် သူနှင့် သူ၏မိသားစုအားလုံးသည် ချက်ချင်း ဗစဉ်ဇံကို ခံယူကြ၏။ **34** ထို့နောက် ထောင်မှူးသည် ပေါလုနှင့် သိလကို မိမိအိမ် အထက်ခန်းသို့ ဖိတ်ခေါ်၍ အစားအစာကို ကျွေးမွေးလေ၏။ အဂုတွင် သူနှင့် သူ့မိသားစုအားလုံးသည် ဘုရားသခင်ကို ယုံကြည်ကြသောကြောင့် ဝမ်းမြောက်မှုနှင့် ပြည့်စုံကြလေ၏။ **35** မိုးလင်းသောအခါ ရောမအာဏာပိုင်များသည် ရုံးလုလင်တို့ကို စီစဉ်ကာ “ထိုသူရိုကို ရွတ်ပီးလိုက်” ဟု မိန့်မှာလိုက်၏။ **36** ထို့ကြောင့် ထောင်မှူးက ပေါလုအား “အရာဟိတိက သင်နှင့် သိလအား ရွတ်ရန် အမိန့်ပီးလိုက်၏။ ထို့ကြောင့် သင်ရို့သည် ငြိမ်းချမ်းစွာဖြင့် ထွက်ခွာ၍ လားကတ်လီဖီ” ဟု ပြောလေ၏။ **37** သို့ရာတွင် ပေါလုက “ငါရို့မှာ ဒုစရိုက်အပြစ် တစ်ခုမျှ မတို့သော်လည်း သူရို့သည် ရောမနိုင်ငံသားဖြစ်သော ငါရို့ကို လူသိသျှင်ကြား တုတ်ဖြင့် သတ်ကာ ထောင်ထဲမှာ လှောင်ထားကြ၏။ အဂုခါ သူရို့သည် ငါရို့ကို လျှို့ဝှက်စွာဖြင့် နှင်ထုတ်လိုကြ၏။ ယင်းပိုင်လုပ်လို့မရ။ ရောမအရာဟိတိ ကိုယ်တိုင် ဤနီရာသို့ လာပြီးလျှင် ငါရို့ကို လွှတ်ပီးရမည်” ဟု ရုံးလုလင်တို့အား ပြောလေ၏။ **38** ဤစကားကို ရုံးလုလင်တို့က ရောမအရာဟိတိပါးသို့ သတင်းပို့လိုက်သောအခါ ပေါလုနှင့် သိလရို့သည် ရောမနိုင်ငံသားတို့ဖြစ်ကြောင်းကို သူရို့သည် ကြားသိကြလျှင် သူရို့သည် ကြောက်လန့်ကြရလေ၏။ **39** ထို့ကြောင့် သူရို့သည် ပေါလုနှင့် သိလပါးသို့ ရောက်လာကြပြီးလျှင် သူရို့ကို တောင်းပန်ပြီးနောက် ထောင်ထဲက ထုတ်ကာ ဤမြို့မှ ထွက်လားကြရန် မေတ္တာရပ်ခံကြလေ၏။ **40** ထိုအခါ ပေါလုနှင့် သိလသည် ထောင်မှ ထွက်၍ လုဒ်အိမ်သို့ လားကြ၏။ ထိုနီရာ၌ ဟိသော ယုံကြည်သူတို့နှင့် တို့ဆုံပြီး သူရို့ကို အားပီးစကားများ ပြောဆိုပြီးမှ ထိုအရပ်မှ ထွက်လားကြလေ၏။

17 ပေါလုနှင့် သိလသည် အံဖိပေါလီမြို့နှင့် အာပေါလောနီမြို့ကို လှည့်လည်လာကြပြီးလျှင် သက်သာလောနီတို့မြို့သို့ ရောက်လာကြ၏။ ထိုမြို့၌ ယုဒတရားဇရပ် တစ်ခု ဟိလေ၏။ **2** ပေါလုသည် မိမိပြုလေ့ဟိသည့်အတိုင်း တရားဇရပ်သို့ လား၍ ခရစ်တော်သည် ဒုက္ခဝေဒနာကို ခံယူပြီးမှ အသိခံခြင်းက ထမြောက်တော်မူမည့်အကြောင်းကို ကျမ်းစာကို အမှီပြု၍ ယင်းပြုပြီး ဥပုသ် သုံးပတ်တိုင်တိုင် လူတို့နှင့် ဆွေးနွေးလေ၏။ ပေါလုက “ငါသည် သင်ရို့အား ဟောပြောနိုင်သော ယေသုရှုသည်ကား ကယ်တင်သျှင်ဖြစ်၏” ဟူ၍ ဆိုလေ၏။ **4** ထိုသူများအထဲမှ တချို့သည် ယုံကြည်လာကြသည်ဖြစ်၍ ပေါလုနှင့် သိလပါးသို့ လာရောက် ပေါင်းဖော်ကြ၏။ ဘုရားသခင်ကို ကိုးကွယ်ကြသော ဟေလသလူမျိုးအပေါင်းရို့နှင့် အမျိုးသမီးခေါင်းဆောင်ရို့လည်း ပါဝင်လာကြ၏။ **5** သို့ရာတွင် ယုဒလူမျိုးတချို့သည် မနာလို ဖြစ်ကြသဖြင့်၊ လမ်းကြိုလမ်းကြားမှ အသုံးမကျသော ဆိုးသောသူအချို့ကို စုစည်းကာ ရုန်းရင်းဆန်ခတ်ပြုကြရန် ဖန်တီးကြသည်ဖြစ်၍ တစ်မြို့လုံးသည် ရုတ်ရုတ်သသဖြစ်လျက်ဟိ၏။ သူရို့သည် ယာသုန်၏အိမ်ကို ဝင်၍ ပေါလုနှင့် သိလကို လူတို့ရှိသို့ ဆွဲထုတ်ရန် ရှာဖွေကာ တိုက်ခိုက်ကြ၏။ **6** သို့ရာတွင် သူရို့သည် ပေါလုနှင့် သိလကို ရှာမတို့ကြသောအခါ ယာသုန်နှင့် ယုံကြည်သူတချို့ကို မြို့အုပ်ချုပ်သူ အာဏာပိုင်တို့ရှိသို့ ဆွဲထုတ်ကာ “ဤလူတို့သည် နီရာတိုင်းမှာ ပြဿနာ ဖြစ်စီခြင်းငှာ လုပ်ဆောင်ကြ၏။ အဂုတွင် ဤသူရို့သည် အကျွန်ုပ်ရို့သို့ ရောက်လာကြပြီး **7** ယာသုန်သည် သူရို့ကို မိမိ၏အိမ်၌ လက်ခံထား၏။ သူရို့သည် ဧကရာဇ်မင်း၏ ဥပဒေများကို ချိုးဖောက်၍ ယေသုရှု နာမည်ဟိသည့် တခြားသော သျှင်ဘုရင်တစ်ပါး ဟိသိမ့်ကြောင်း ပြောဆိုနိုင်ကြပါ၏” ဟု အော်ဟစ် ပြောဆိုကြ၏။ **8** သူရို့သည်

ဤသို့သော စကားများဖြင့် မြို့အုပ်ချုပ်သူ အာဏာပိုင်တို့နှင့် လူအများကို အုတ်အုတ်သဲသဲဖြစ်စီရန် သိမ်းသွင်းကြလေ၏။ 9 အာဏာပိုင်များက ယာသုန်နှင့် တခြားလူတိအား အာမခံခွဲများကို ပီးဆောင်စီပြီးလျှင် ပြန်လွှတ်လိုက်ကြ၏။ 10 ညဉ့်အချိန် ရောက်လျှင်ရောက်ချင်း၊ ယုံကြည်သူတို့က ပေါလုနှင့် သိလကို ဗေရိမြို့သို့ ပို့ဆောင်လိုက်ကြ၏။ ထိုမြို့သို့ ရောက်လျှင် သူရိသသည် ယုဒ တရားဇရပ်သို့ ဝင်ကြ၏။ 11 ဗေရိမြို့သူမြို့သားရို့သည် သက်သာလောနိတ် မြို့သူမြို့သားတို့ထက်မက သာ၍ ကြည်ညိုစိတ်ဟိကြသည်ဖြစ်၍ သူရိသသည် နှုတ်ကပတ်တရားတော်ကို စိတ်အားထက်သန်စွာ ခံယူကြပြီးလျှင် ပေါလုပြောသည်မှာ မှန်၏။ မမှန်၏ကို သိခြင်းငှာ ကျမ်းစာကို နှိစဉ်နီတိုင်း လေ့လာဆန်းစစ်ကြလေ၏။ 12 ထို့ကြောင့် သူရိအထဲမှ များစွာသောလူရို့သည် ယုံကြည်လာကြ၏။ များစွာသော အထက်တန်းလွှာ ဟေလသမိန်းမနှင့် ယောက်ျားရို့သည်လည်း ယုံကြည်လာကြ၏။ 13 သို့ရာတွင် ပေါလုသည် ဗေရိမြို့၌လည်း ဘုရားသခင်၏ နှုတ်ကပတ်တရားတော်ကို ဟောပြောနိုင်သည်ကို သက်သာလောနိတ်မြို့သား ယုဒလူမျိုးများက ကြားသိကြလျှင် သူရိသည် ဗေရိမြို့သို့ ရောက်လာ၍ လူအပေါင်းရို့အား သွီးထိုး၍ ဆူပူမှုဖြစ်စီရန် လှုံ့ဆော်ကြ၏။ 14 ထို့ကြောင့် ယုံကြည်သူများက ပေါလုကို ပင်လယ်ကမ်းခြီသို့ ချက်ချင်း ပို့ဆောင်လိုက်ကြ၏။ သို့ရာတွင် သိလနှင့် တိမောသေ နှစ်ယောက်တည်း ဗေရိမြို့၌ ကျန်လိုက်ခ၏။ 15 ပေါလုကို လိုက်ပို့သောသူရိသည် အေသင်မြို့တိုင်အောင် လိုက်ပို့ကြပြီးနောက် သိလနှင့် တိမောသေအား မိမိပါးသို့ တတ်နိုင်သလောက် အလျင်အမြန် လိုက်လာကြရန် ပေါလု၏အမှာစာကို ယူဆောင်၍ သူရိသည် ဗေရိမြို့သို့ ပြန်လာကြလေ၏။ 16 ပေါလုသည် အေသင်မြို့၌ သိလနှင့် တိမောသေကို စောင့်နိန်စဉ်၊ ထိုမြို့ တစ်မြို့လုံး၌ ရုပ်တုများနှင့် ပြည့်လျက်ဟိသည်ကို မြင်လျှင် သူသည် အလွန် စိတ်ပျက်ရလေ၏။ 17 ထို့ကြောင့် သူသည် တရားဇရပ်၌ ယုဒလူမျိုးရို့အပြင် ဘုရားသခင်ကို ဝတ်ပြုကိုးကွယ်ကြသော တခြားလူမျိုးရို့နှင့် လည်းကောင်း၊ လူအများ စုဝေးရာအရပ်၌ နီတိုင်း တို့သမျှသော သူတို့နှင့် လည်းကောင်း ဆွေးနွေးပြောဆိုခြင်းများ လုပ်ဆောင်လေ၏။ 18 ပေါလု၏တပည့်တို့နှင့် သတောအိတ်ဟု ခေါ်သော အတွေးအခေါ်ပညာသျှင်ရို့သည်လည်း ပေါလုနှင့် ဆွေးနွေးငြင်းခုံခြင်းငှာ စတင်ကြလေ၏။ အချို့က “ဤစကားအိုးသည် ဇာအကြောင်းကို ပြောပြဖို့ ကြိုးစားနိုင်စွာလ” ဟု ဆို၏။ အချို့ကလည်း “ဤသူသည် နိုင်ငံခြားနတ်ဘုရားတို့ အကြောင်းကို ပြောဆိုနိုင်ပုံရ၏” ဟု ဆိုကြ၏။ သူရိက ဤသို့ ပြောဆိုရသည့်အကြောင်းမှာ၊ ပေါလုသည် ယေသျှုနှင့် ရှင်ပြန်ထမြောက်ခြင်းအကြောင်း သတင်းကောင်းကို ဟောပြောနိုင်ခြင်းကြောင့် ဖြစ်၏။ 19 ထို့ကြောင့် ထိုသူရိသည် အာရေတောင်၌ဟိသော မြို့တော်ကောင်စီရို့သို့ ပေါလုကို ခေါ်လာကြပြီးလျှင် “သင် ဟောပြောနိုင်သော ဤအယူဝါဒသစ်ကို ငါရို့ သိချင်ပါ၏။ 20 သင် ပြောနိုင်သောအရာတို့ကို ငါရို့ ကြားရသည်မှာ တချို့သည် ငါရို့အတွက် အထူးအဆန်း ဖြစ်နိုင်ပါ၏။ ထိုအရာတို့ကား ဇာကို ဆိုလိုသည်ကို ငါရို့ သိချင်ပါ၏” ဟု ဆိုကြ၏။ 21 အေသင်မြို့သူမြို့သားအပေါင်းနှင့် ထိုမြို့၌ နီထိုင်ကြသော တပါးအမျိုးသားများသည် အသစ်သော သတင်းစကားများကို နားထောင်ယင်း၊ ပြောကြားယင်းဖြင့် မိမိရို့၏ အချိန်ကာလအားလုံးကို အသုံးချရန် လိုလားကြလေ၏။ 22 ထိုအခါ ပေါလုသည် အာရေတောင် မြို့တော်ကောင်စီရို့၌ မတ်တပ်ရပ်လျက် “အေသင်မြို့သူမြို့သားအပေါင်းရို့ သင်ရို့သည် နည်းအမျိုးမျိုးနှင့် ဘာသာတရားတို့ကို အလွန်ကြည်ညိုကြသည်ကို ငါ သိမြင်ရပါ၏။ 23 အကြောင်းမူကား ငါသည် သင်ရို့မြို့ကို လှည့်လည်ပြီး သင်ရို့ ကိုးကွယ်ဝတ်ပြုကြသည့်အရာတို့ကို ကြည့်သောအခါ၌ ‘ငါရို့မသိသောဘုရားသခင်အတွက်’ ဟူ၍ ကမ္ဗည်းထိုးထားသော ယဇ်ပလ္လင်တစ်ခုကို တွေ့ပါ၏။ သင်ရို့သည် မသိဘဲလျက် ကိုးကွယ်နိုင်ကြသော ဘုရားအကြောင်းကို အရ ငါ ဟောပြောပါမည်။ 24 လောကနှင့်တကွ လောက၌ ဟိသမျှတို့ကို ဖန်ဆင်းတော်မူသော ဘုရားသခင်သည် ကောင်းကင်နှင့် မြီကြီး၏ အသျှင်သခင်လည်း ဖြစ်တော်မူ၏။ ထိုဘုရားသခင်သည် လူလက်ဖြင့် တည်ဆောက်သော ဗိမာန်တော်များ၌ ကိန်းဝပ်တော်မူသည် မဟုတ်။ 25 ထို့နောက် ထိုဘုရားသခင်သည် လူတိအား အသက်နှင့်တကွ ထွက်သက်ဝင်သက်နှင့် အရာခပ်သိမ်းတို့ကို ပီးတော်မူသော အသျှင်ဖြစ်သောကြောင့် ကိုယ်တော်သည် လူသားတို့က ဆောင်ရွက်ပီးသော မည်သည့် အထောက်အပံ့ကိုမျှ မလိုအပ်ပေ။

26 ထိုဘုရားသခင်သည် လူတစ်ဦး တစ်ယောက်မှစ၍ မြီကြီးထက်မှာ ဟိသမျှသော လူမျိုးအားလုံးကို ဖန်ဆင်းတော်မူ၍ သူရိုက် မြီကြီးတစ်ပြင်လုံး၌ အသက်ရှင်ခွင့် ပီးတော်မူ၏။ ဘုရားသခင်သည် သူရိုက်၏ အချိန်ကာလနှင့် နီရာဒေသ အပိုင်းအခြားကို သူကိုယ်တိုင် ကြိုတင်၍ သတ်မှတ်ပီးထားတော်မူ၏။ 27 အကြောင်းမူကား ဘုရားသခင်သည် လူတိက ကိုယ်တော့်ကို ရှာဖွေ၍ အထံတော်သို့ ရောက်ဟိပြီးလျှင် ကိုယ်တော့်ကို တို့ကောင်းတို့နိုင်စီခြင်းငှာ ဤသို့ ပြတော်မူခြင်း ဖြစ်၏။ အမှန်အားဖြင့် ဘုရားသခင်သည် ငါရို့ထဲက မည်သူတစ်ဦးတစ်ယောက်နှင့်မျှ ဝီတော်မမူပေ။

28 ထို့ကြောင့် ဆိုရိုးစကား ဟိသည်မှာ၊ “‘ငါရို့သည် ဘုရားသခင်၌ အသက်ရှင်လျက်၊ လှုပ်ရှားလျက်၊ ဖြစ်တည်လျက် ဟိကြ၏။’ သင်ရို၏ လင်္ကာဆရာများထဲက တစ်စုံတစ်ယောက် ဖွဲ့ဆိုထားသည်မှာ၊ ‘ငါရို့သည်ကား ဘုရားသားသမီးတိ ဖြစ်ကြ၏။’ ဟူ၍ ဖြစ်၏။ 29 ငါရို့သည် ဘုရားသခင်၏ သားသမီးများ ဖြစ်သောကြောင့် ဘုရားသခင်၏ ဇာတိတော်သည် လူ၏ အသိပညာ၊ အတတ်ပညာအားဖြင့် ထုလုပ်ထားသော ရွှိရုပ်တု သို့မဟုတ် ငွီရုပ်တု သို့မဟုတ် ကျောက်ရုပ်တု စသည့် မည်သည့် ရုပ်တုနှင့်မျှ တူတော်မူသည်ဟု မယူဆအပ်ပေ။ 30 လူတိသည် အတိတ်ကာလက ဘုရားကို မသိခသည်ကို ဘုရားသခင်သည် အပြစ်မယူစေပေ၊ သို့သော်လည်း အရတွင် မြီကြီးတစ်ပြင်လုံး၌ ဟိကြကုန်သော လူသားအားလုံးကို မိမိရို၏အပြစ်မှ နောင်တရကြရန် ဘုရားသခင် မိန့်တော်မူလျက်ဟိ၏။ 31 ဘုရားသခင်သည် သူရို့ချယ်ထားသော သူတစ်ယောက်အားဖြင့် လောကလူသားအားလုံးကို ဖြောင့်မတ်ခြင်း တရားတော်နှင့်အညီ တရားစီရင်မည့် နိရုဏ်ကို သတ်မှတ်ထားပြီးဖြစ်၏။ ထိုသူကို အသိခံခြင်းမှ ရှင်ပြန်ထမြောက် စီတော်မူသောအားဖြင့် လူတိုင်းအား ဤသက်သိကို ပြတော်မူပြီးပြီ” ဟု ပေါလုက ဟောပြောလေ၏။ 32 သူရို့သည် ပေါလုပြောသည့် အသိခံခြင်းမှ ရှင်ပြန်ထမြောက်ခြင်းအကြောင်းကို ကြားလျှင် အချို့က ပေါလုကို လှောင်ပြောင်သရော်ကြ၏။ အချို့က “သင်ပြောသည့် အကြောင်းအရာတို့ကို နောက်တစ်ခါ အကျွန်ရို့ နားထောင်ချင်သိမ့်၏” ဟု ဆိုကြ၏။ 33 ထိုသို့ ပြောဆိုကြသောကြောင့် ပေါလုသည် ထိုအစည်းအဝေးပွဲမှ ထွက်လားလေ၏။ 34 လူအချို့သည် ပေါလုနှင့် မိတ်ဖွဲ့၍ ယုံကြည်ခြင်းသို့ ရောက်ကြ၏။ ထိုသူတို့မှာ ဒယောနုသိ ဟုခေါ်ကြသော အာရေတောင်ကောင်စီဝင် တစ်ယောက်နှင့် ဒမောရိ ဟုခေါ်ကြသော မိန်းမတစ်ယောက်အပြင် အခြားသူတိလည်း ပါကြ၏။

18 ထို့နောက် ပေါလုသည် အေသင်မြို့မှ ထွက်ခွာ၍ ကောရိန္သမြို့သို့ ရောက်၏။ 2 ထိုအခါ ကလောဒီမင်းက ယုဒလူမျိုးတိအားလုံး ရောမမြို့မှ ထွက်လားရမည်ဟု အမိန့်တော်ထုတ်လိုက်သောကြောင့် မိမိမယား ပြစ်ကိလနှင့်အတူ ကုတလိပြည်မှ မကြာခင်က ထွက်ခွာလာသော ပုန္တုပြည်သား အာကုလ ဟုခေါ်သည့် ယုဒလူမျိုးတစ်ယောက်နှင့် သူသည် တို့ဆုံလေ၏။ ပေါလုသည် သူရိုနှင့်တို့ဆုံရန် သူရို့ပါးသို့ လားလေ၏။ 3 အကြောင်းမူကား သူသည် တဲရှင်လုပ်ငန်း လုပ်ကိုင်ခြင်းဖြင့် မိမိ၏အသက်မွီးဝမ်းကျောင်းအတွက် ဝင်ငွီရှာသူဖြစ်၍ အလုပ်ချင်း တူသောကြောင့် သူရိုနှင့်အတူ နီထိုင်ကာ အလုပ်လုပ်လေ၏။ 4 ပေါလုသည် ယုဒနှင့် ဗောလသလူမျိုးတိကို ယုံကြည်လာကြစီရန် ဆွဲဆောင်သည့်အနေဖြင့် ဥပုသ်နီတိုင်း တရားဇရပ်၌ တရားဆွေးနွေးခြင်းများကို ကျင်းပလေ၏။ 5 သိလနှင့် တိမောသေသည် မာကေဒေါနီပြည်မှ ရောက်လာကြသောအခါ ပေါလုသည် ယုဒလူမျိုးတိအား ယေသူျုသည် မေသူျုယ ဖြစ်ကြောင်းကို သက်သိခံလျက် မိမိအချိန်အားလုံး၌ တရားဟောခြင်းအမှုကိုသာ ဆောင်ရွက်လေ၏။ 6 ယုဒလူမျိုးများက ပေါလုကို ကဲ့ရဲ့ပြောဆို၍ ဆန့်ကျင်ကြသောအခါ သူသည် မိမိ၏အဝတ်များမှ ဖုန်ကို ခါချလိုက်ပြီးလျှင် “သင်ရို့သည် ပျက်စီးခြင်းသို့ရောက်လျှင် သင်ရို့အပြစ်အတွက် သင်ရို့ကိုယ်တိုင် ခံယူကြရမည်၊ ငါ့မှာ တာဝန်မဟိယာ၊ အဂုမှစ၍ ငါသည် တခြားလူမျိုးတိ ပါးသို့ လားရဦးမည်” ဟု ဆိုလေ၏။ 7 ထို့နောက် သူရိုကို ထားခပြီးလျှင် ထာဝရဘုရားသခင်ကို ကိုးကွယ်သည့် တိတု ယုတ္တု ဟူ၍ အမည်ဟိသော တစ်ပါးအမျိုးသားတစ်ယောက်၏အိမ်၌ နီထိုင်ရန်လားလေ၏။ သူ၏အိမ်သည် တရားဇရပ်နှင့် ကပ်လျက်ဟိ၏။ 8

တရားဇရပ်မှူး ကရိပျာသည် မိမိ၏အိမ်သူအိမ်သားအားလုံးနှင့် အတူတကွ သခင်ဘုရား၌ ယုံကြည်ကြလေ၏။ ထို့အပြင် တခြားသော ကောရိန္တုမြို့သူ မြို့သားများ များစွာရှိသည်လည်း သတင်းကောင်းတရားကို ကြားနာရကြသည်ဖြစ်၍ ယုံကြည်ခြင်းသို့ ရောက်ကြပြီးလျှင် ဗတ္တိဇံကို ခံကြလေ၏။ **9** တစ်ညတွင် ပေါလုသည် ဗျာဒိတ်ရူပါရုံတစ်ခုကို မြင်လေ၏။ ထိုရူပါရုံ၌ သူ့အား အသျှင်ဘုရားက ပြောသည်မှာ “မကြောက်ကေ၊ ဆက်လက်၍ ဟောပြောလော့၊ လက်မြှောက်အရှုံးမပီးကေ၊ **10** အကြောင်းမူကား ငါသည် သင်နှင့် အတူဟိ၏။ မည်သူတစ်ဦး တစ်ယောက်မျှ သင့်ကို ညှဉ်းခဲခြင်းငှာ မတတ်နိုင်၊ ဤမြို့၌ ငါ၏လူတိ များစွာ ဟိကြ၏” ဟူ၍ ဖြစ်၏။ **11** ထို့ကြောင့် ပေါလုသည် ထိုမြို့၌ ဘုရားသခင်၏ နှုတ်ကပတ်တရားတော်ကို လူတိအား ဟောပြောသွန်သင်ကာ တစ်နှစ်ခွဲကြာ နီခလေ၏။ **12** ဂါလျန်ကို အခါယပြည်၏ ရောမဘုရင်ခံ မြှောက်လိုက်သောအခါ ယုဒလူမျိုးများသည် ကောရိန္တုမြို့သို့ စုရုံး၍ ရောက်လာကြပြီး ပေါလုကို ဖမ်းဆီး၍ တရားပလ္လင်ရှိသို့ ခေါ်ဆောင်လာကြ၏။ **13** သူရိက “ဤသူသည် ပညတ်တရားကို ဆန့်ကျင်၍ ဘုရားသခင်ကို ဝတ်ပြုခြင်းငှာ လူတိကို ဆွဲဆောင် သိမ်းသွင်းနိုင်၏” ဟု လျှောက်တင်ကြ၏။ **14** ပေါလု ပြောဖို့ လုပ်သောအခါ ဂါလျန်က ယုဒလူမျိုးတိအား “ကျူးလွန်ခသော ရာဇဝတ်ပြစ်မှုတချို့သို့တည်းမဟုတ် မှားယွင်းမှုတချို့ဟိခလျှင် သင်ရို့ ယုဒလူမျိုးတိကို ငါ့အတွက် သည်းခံနိုင်စရာ အကြောင်းဟိလိမ့်မည်၊ **15** သို့ရာတွင် သင်ရို့၏ယုဒဘာသာရေးနှင့်ဆိုင်သော စကားလုံးတိ၊ အမည်နာမတိ၊ ပညတ်တရားတိနှင့် ပတ်သက်၍ အငြင်းပွားမှု ဖြစ်သောကြောင့် သင်ရို့၏ကိစ္စကို သင်ရို့ရာ ဖြေယုင်းကြ၊ ငါသည် ဤကိစ္စကို တရားစီရင်လိမ့်မည် မဟုတ်” ဟု ဆိုလျက်၊ **16** ယုဒလူမျိုးတိကို တရားပလ္လင်မှ မောင်းထုတ်လိုက်၏။ **17** ထိုအခါ သူရိအားလုံးသည် တရားဇရပ်မှူး သုဿင်ကို ဖမ်းဆီး၍ တရားရုံးရှိ၌ သတ်ပတ်ကြ၏။ ထိုသို့ ပြုကြသော်လည်း မြို့ဝန်မင်း ဂါလျန်သည်ကား မျက်ကွယ်ပြုထားလေ၏။ **18** ပေါလုသည် ကောရိန္တုမြို့၌ ယုံကြည်သူများနှင့် ရက်အတန်ကြာ နီထိုင်ပြီး ပြစ်ကိလနှင့် အာကုလနှင့်အတူ ယှဉ်ပြည်သို့ ရွက်ရွှင်ကြလေ၏။ ကင်ဒြေမြို့မှ ရွက်ရွှင်မထွက်ခွာခင် သစ္စာကတိ ပြုထားခသည် နှင့်အညီ ပေါလုသည် မိမိဂေါင်းကို ရိတ်လေ၏။ **19** သူရိသည် ဇဖက်မြို့သို့ ရောက်သောအခါ ပေါလုသည် ပြစ်ကုလနှင့် အာကုလကို ထိုမြို့၌ ထားခပြီးလျှင် တရားဇရပ်သို့ ဝင်ရောက်၍ ယုဒလူမျိုးများနှင့် ဆွေးနွေးခြင်းကို ပြုလေ၏။ **20** ထိုသူရိက ပေါလုအား ကာလအတန်ကြာ နီစီခြင်းငှာ တောင်းပန်သော်လည်း သူက မလိုက်လျောခပေ။ **21** သူထွက်ခွာချိန်၌ “ဘုရားသခင်အလိုတော်ဟိလျှင် သင်ရိပါးသို့ ငါပြန်လာဦးမည်” ဟူ၍ သူသည် ကတိပြုပြီးလျှင် ဇဖက်မြို့မှ ရွက်ရွှင်လေ၏။ **22** သူသည် ကဲသရိမြို့သို့ ဆိုက်ကပ်ပြီးလျှင် ယေရုဆလင်မြို့သို့ တက်၍ အသင်းတော်ကို နှုတ်ဆက်ပြီးမှ အနွှိအုတ်မြို့သို့ ဆင်းလားလေ၏။ **23** သူသည် ထိုမြို့၌ အင်တန်ကြာ နီထိုင်ပြီးနောက် ထွက်ခွာလာပြီးလျှင် ယုံကြည်သူအပေါင်းရို့အား ခွန်အားပီးယင်း ဂလာတိနယ်နှင့် ဖြူဂိနယ် တလျှောက်လုံး၌ လှည့်လည်ခလေ၏။ **24** ထိုအချိန်၌ အာပေါလုဟု အမည်တွင်သော အာလေဇန္ဒြီမြို့၌ မွီးဖွားသည့် ယုဒလူမျိုး တစ်ယောက်သည် ဇဖက်မြို့သို့ ရောက်လာ၏။ ထိုသူသည် စကားပြောကောင်းသူ တစ်ယောက်ဖြစ်သည့်အပြင် ကျမ်းစာ ဗဟုသုတ ကြွယ်ဝသောသူတစ်ယောက်လည်းဖြစ်၏။ **25** သူသည် သခင်ဘုရား၏လမ်းစဉ်ကို နာခံထားပြီးလျှင် စိတ်အားထက်သန်စွာ ဟောပြောလျက် ယေသျှုအကြောင်း ဖြစ်ရပ်မှန်များကို မှန်ကန်စွာ သွန်သင်ပီး၏။ သို့သော်လည်း သူသည် ယောဟန်၏ ဗတ္တိဇံတရားကိုသာ သိ၏။ **26** ထိုသူသည် တရားဇရပ်၌ ရဲရင့်စွာဖြင့် ဟောပြောခြင်းငှာ စတင်လေ၏။ ပြစ်ကိလနှင့် အာကုလရှိသည့် သူဟောပြောသည်ကို ကြားသောအခါ ထိုသူကို မိမိရို့အိမ်သို့ ခေါ်ယူ၍ ဘုရားသခင်၏တရားလမ်းကို သာ၍ မှန်ကန်စွာ သိစီခြင်းငှာ သူ့အား ယုင်းပြကြ၏။ **27** ထို့နောက် အာပေါလုက အခါယနယ်သို့ လားရန် ဆုံးဖြတ်လိုက်သောကြောင့် ဇဖက်မြို့မှ ယုံကြည်သူများက အခါယနယ်မှာ ဟိကြသော ယုံကြည်သူများပါးသို့ သူ့အား ကြိုဆိုလက်ခံကြစီခြင်းငှာ တိုက်တွန်းစာရီး၍ ထိုသူကို ကူညီလိုက်ကြ၏။ အာပေါလု ရောက်လာသောအခါ သူသည် ဘုရားသခင်၏ကျေးဇူးတော်အားဖြင့် ယုံကြည်သူ ဖြစ်လာကြသောသူများအတွက် ကြီးမားသော အကူအညီတစ်ခု ဖြစ်လေ၏။ **28** အကြောင်းမူကား သူက

ယေသျှုသည် မေသျှိယ ဖြစ်တော်မူကြောင်းကို ကျမ်းစာကို သက်သီပြုကာ မိမိ၏ခိုင်မာသော ချေပပြောဆိုမှုများဖြင့် ယုဒလူမျိုးများ၏ဝေဖန်ဆွေးနွေးမှုများကို လူအများရှုမှ အနိုင်ရလေ၏။

19 အာပေါလုသည် ကောရိန္နုမြို့တွင် ဟိန်နစ်စဉ် ပေါလုသည် ကုန်းမြင့်ပိုင်းဒေသ တလျှောက်သို့ လှည့်လည်ပြီးနောက် ဧဖက်မြို့သို့ ရောက်ဟိလာ၏။ သူသည် ထိုမြို့၌ တပည့်တော် တချို့ကိုလည်း တွေ့၏။ **2** ထိုအခါ ပေါလုက “သင်ရို့သည် ယုံကြည်သူများ ဖြစ်လာကြပြီးနောက် သန့်ယှင်းသောဝိညာဉ်တော်ကို ခံယူလာလား” ဟု မိန်းလျှင်၊ သူရို့က “အကျွန်ရို့သည် သန့်ယှင်းသောဝိညာဉ်တော် ဟုဆိုသည်ကို တစ်ခါမျှ မကြားဖူးပါ” ဟု ပြောကြ၏။ **3** ပေါလုကလည်း “သို့ ဖြစ်လျှင်၊ သင်ရို့ ခံသော ဗတ္တိဇံကား ဇာပိုင် မျိုးနည်း” ဟု မိန်းလျှင်၊ သူရို့ကလည်း “ယောဟန်၏ ဗတ္တိဇံကို ခံယူပါ၏” ဟု ပြောဆိုကြ၏။ **4** ထိုအခါ ပေါလုက “ယောဟန်၏ ဗတ္တိဇံသည် နောင်တတရားနှင့်ဆိုင်သော ဗတ္တိဇံ ဖြစ်၏။ ယောဟန်က၊ မိမိနောက်၌ ကြွလာတော်မူမည့် သူကို ယုံကြည်စီခြင်းငှာ ဣသရေလလူရို့အား ဟောပြောခ၏။ ထိုအချှင်သည်ကား ယေသျှုပေတည်း” ဟု ဆို၏။ **5** ထိုသူရို့သည် ထိုစကားကို ကြားလျှင် အချှင်ယေသျှု၏ နာမ၌ ဗတ္တိဇံကို ခံယူကြ၏။ **6** ပေါလုသည် သူရို့၏ ဂေါင်းထက်တွင် လက်ကို တင်လိုက်သောအခါ သန့်ယှင်းသောဝိညာဉ်တော်သည် သူရို့အထက်၌ သက်ရောက်လေ၏။ ထိုအခါ သူရို့သည် ထူးဆန်းသော ဘာသာစကားများဖြင့် ပြောကြပြီးလျှင် ဘုရားသခင်၏ သတင်းစကားတော်ကိုလည်း ဟောပြောကြေငြာကြ၏။ **7** ထိုသူအပေါင်းရို့သည် တစ်ဆယ့်နှစ်ယောက်မျှ ဟိကြ၏။ **8** ပေါလုသည် တရားဇရပ်သို့ ဝင်၍ ထိုနီရာ၌ လူရို့အား သုံးလပတ်လုံး ရဲရင့်စွာ ဟောပြောလျက် ဘုရားသခင်၏ နိုင်ငံတော်အကြောင်းကို ထိုသူရို့ နားလည်သဘောပေါက်စီခြင်းငှာ ဆွေးနွေးနှီးနှောလေ၏။ **9** သို့ရာတွင် သူရို့အထဲက လူတချို့ရို့သည် ဂေါင်းမာပြီး မယုံကြည်သဖြင့် လူအပေါင်းရို့ရှိ၌တွင် သခင်ဘုရား၏ သွန်သင်ချက်ကို လှောင်ပြောင်ပြောဆိုကြ၏။ သို့ဖြစ်၍ ပေါလုသည် ယုံကြည်သူရို့ကို ခေါ်၍ ထိုလူအပေါင်းရို့ ပါးမု ထွက်ပြီး တုရုန္န၏စာသင်ခန်းမ၌ နှိစဉ်နို့တိုင်း ဆွေးနွေးခြင်းကို ပြုလျက်နိန်၏။ **10** ဤသို့ ဖြင့် နှစ်နှစ်ပတ်လုံး ဆွေးနွေးခြင်းကိုပြုရာ အာယိုပြည်တွင် နီထိုင်ကြသော ယုဒလူမျိုးရို့နှင့် တခြားလူမျိုးအပေါင်းရို့သည် သခင်ဘုရား၏ နှုတ်ကပတ်တရားတော်ကို ကြားနာကြ၏။ **11** ဘုရားသခင်သည် ပေါလုအားဖြင့် ထူးဆန်းသော နိမိတ်လက္ခဏာများကို ပြုတော်မူလျက်ဟိ၏။ **12** ပေါလု အသုံးပြုသည့် လက်ကိုင်ပဝါ၊ ခါးပန်း စသည်များကိုပင် မကျန်းမာသောသူရို့ ပါးသို့ ယူဆောင်လားခြင်းဖြင့် မကျန်းမာသော သူရို့သည် ရောဂါပျောက်ကင်း၍ ဝိညာဉ်ဆိုး ဝင်ပူးခံရသော သူရို့၌လည်း လွတ်မြောက်ခြင်းကို ရဟိလေ၏။ **13** တချို့သော ယုဒလူမျိုး နယ်လှည့်ပယောဂဆရာရို့သည် အချှင်ယေသျှု၏ နာမတော်ကို အသုံးပြု၍ ဝိညာဉ်ဆိုးကို နှင်ထုတ်ခြင်းငှာ ကြိုးစားကြ၏။ သူရို့က ဝိညာဉ်ဆိုးအား “ပေါလုဟောပြောသော ယေသျှု၏နာမကို တိုင်တည်၍ သင်ရို့ကို ငါ အမိန့်ပီး၏” ဟု ဆိုကြ၏။ **14** ထိုပယောဂဆရာရို့ကား၊ ယုဒအမျိုး ယစ်ပုရောဟိတ် အကြီးအကဲဖြစ်သော သကေဝ၏ သားခုနစ်ယောက်ဖြစ်သတည်း။ **15** သူရို့သည် ထိုသို့ လုပ်ဆောင်ကြသော်လည်း ဝိညာဉ်ဆိုးက “ယေသျှုကို ငါသိ၏။ ပေါလု၏အကြောင်းကိုလည်း ငါသိ၏။ သို့သော် သင်ရို့ကား ဇာသူနည်း” ဟု သူရို့ကို မိန်းလေ၏။ **16** ထို့နောက် ဝိညာဉ်ဆိုး ဝင်ပူးသောသူသည် ထိုသူရို့အား ပြင်းထန်စွာ သတ်ပတ်တိုက်ခိုက်၍ နိုင်သဖြင့်၊ သူရို့သည် အနာတရ ရပြီး အဝတ်မပါဘဲ ထိုအိမ်မှ ထွက်ပြီးရကြလေ၏။ **17** ထိုအကြောင်းအရာများကို ဧဖက်မြို့၌ ဟိကြသော ယုဒလူရို့နှင့် ဟေလသ လူရို့သည် ကြားကြလျှင် သူရို့သည် ကြောက်ရွံ့ခြင်းသို့ ရောက်ကြ၍ အချှင်ယေသျှု၏ နာမတော်ကို အလွန် ချီးမွမ်းကြကုန်၏။ **18** ယုံကြည်လာသော သူရို့အထဲမှ များစွာသောသူရို့သည် လာကြ၍ မိမိရိုပြုမူခသမျှသော အရာတို့ကို လူအပေါင်းရို့ရှိ၌ ပွင့်လင်းစွာ ဝန်ခံကြ၏။ **19** မှော်အတတ်ကို သုံးသောသူများသည် ၎င်းနှင့်သက်ဆိုင်သော မိမိရို့၏စာလိပ်များကို ယူလာပြီး လူအပေါင်းရို့ရှိ၌ မီးတိုက်ကြ၏။ သူရို့သည် ထိုစာလိပ်များ၏ တန်ဖိုးကို တွက်ကြည့်ရာ ငွီဒင်္ဂါးပြား ၅၀,၀၀၀ တန်ဖိုး ဟိ၏။ **20** ထိုသို့ ဖြင့် သခင်ဘုရား၏ သာသနာတော်သည် ပြန့်နှံ့လျက် တန်ဖိုးတော်အားဖြင့်

ကြီးထွားတိုးပွားလျက်ဟိ၏။ 21 ဤအမှုအရာများ ဖြစ်ပျက်ပြီးနောက်၊ မာကေဒေါနိုပြည်နှင့် အခါယပြည်ကို ဖြတ်၍ ယေရုဆလင်မြို့သို့ ခရီးပြုမည်ဟု ပေါလုသည် စိတ်ပိုင်းဖြတ်လေ၏။ “ငါသည် ထိုဒေသများသို့ လားပြီးနောက် ရောမမြို့ကို မြင်ရလိမ့်မည်” ဟု ပေါလု ဆို၏။ 22 ထို့ကြောင့် သူသည် အာယိုပြည်၌ ကာလအင်တန် တည်းခိုစဉ်၊ မိမိအား အလုပ်အကျွေးပြုသောသူ တိမောသေနှင့် ဧရတ္တရိုကို မာကေဒေါနိုပြည်သို့ စီစွပ်လိုက်၏။ 23 ထိုအချိန်၌ သခင်ဘုရား၏ သွန်သင်ချက်လမ်းစဉ်ကြောင့် ဧဖက်မြို့၌ ဆူပူအုံကြွမှုကြီး တစ်ရပ်ဖြစ်ပေါ်လာ၏။ 24 ဒေမေတရီ ဟူ၍ နာမည်ဟိသော ဦးပန်းထိမ်ဆရာတစ်ယောက်သည် အာတေမိနတ်သမီး၏ ဦးနတ်ကွန်းပုံတူချေများကို ပြုလုပ်ခြင်းဖြင့် ပန်းထိမ်အလုပ်သမားရိုအတွက် ဝင်ငွီများစွာ တိုးပွားစီစေ၏။ 25 ထိုသူသည် ပန်းထိမ်သမားရိုအား စုဝေးစီကြပြီး “အချင်းလူရို့ ဤလုပ်ငန်းဖြင့် ဝင်ငွီတိုးသည်ကို သင်ရိုသိကြ၏။ 26 အဂတုဝင် ပေါလုက၊ ဧဖက်မြို့တွင်သာမက၊ အာယိုပြည်တလျှောက်လုံး၌ ‘လူလက်ဖြင့်လုပ်သော ဘုရားများသည် ဘုရားတိမဟုတ်’ ဟု ဆို၍ လူအပေါင်းရိုအား ဖြားယောင်းသည်ကို သင်ရို့ ကြားရ၊ မြင်ရကြ၏။ 27 ထိုသို့ ငါရိုအလုပ်သည်လည်း နာမည်ပျက်ရုံသာမက ကြီးမြတ်သော နတ်ဘုရားမ အာတေမိနတ် ဗိမာန်တော်သည် ပျက်စီးလားမည်ဖြစ်၍ အာယိုပြည်နှင့် တစ်လောကလုံး ကိုးကွယ်သည့် နတ်ဘုရားမ၏ ကြီးမြတ်မှုသည်လည်း ဂုဏ်အသရေ ညှိုးနွမ်းလားမည် ဖြစ်ပါ၏” ဟု ပြောဆို၏။ 28 ထိုစကားကိုကြားလျှင် ထိုသူရို့သည် ဒေါသထွက်၍ “ဧဖက်လူရို့၏ အာတေမိနတ်ဘုရားမသည် ကြီးမြတ်ပေ၏” ဟု ကြွေးကြော်ကြ၏။ 29 တစ်မြို့လုံး ရုန်းရင်းဆန်ခတ်ဖြစ်၍၊ လူအများရို့သည် ပေါလုနှင့်အတူ ခရီးလားဖော်တိဖြစ်သော မာကေဒေါနိုပြည်သား ဂါယုနှင့် အာရိတ္တာခရိုကို ဖမ်းဆီး၍ ပွဲခံရာဇရပ်သို့ ဆွဲခေါ်လားကြ၏။ 30 ပေါလုသည် မိမိကိုယ်တိုင် ထိုလူစုအရှိသို့ လားခြင်းငှာ အလိုဟိသော်လည်း၊ ယုံကြည်သူရို့က တားမြစ်ကြ၏။ 31 ပေါလု၏ အဆွိဖြစ်ကြသော နယ်အာဏာပိုင် တချို့ရို့ကလည်း ပွဲခံရာဇရပ်ထဲသို့ ကိုယ့်ကိုယ်ကိုယ် မအပ်နှံရန် လူလွှတ်၍ တောင်းပန်ကြ၏။ 32 ထိုစဉ် စုဝေးလျက်ဟိသော လူရို့သည် အုတ်အုတ်သဲသဲပြု၍ တစ်ယောက်တစ်မျိုးစီ အော်ဟစ်သဖြင့် ထိုလူရို့ထဲက အများစုသည် မိမိရို့စုဝေးရသည့်အကြောင်းကိုပင် မိမိရို့မသိကြပေ။ 33 ယုဒလူမျိုးရို့သည် အာလေဇန္ဒြီကို လူအပေါင်းရို့ရှိသို့ ထွက်စီသဖြင့် လူထုအထဲမှ အချို့သည် ဖြစ်ပေါ်လျက်ဟိသော ပြဿနာ၏ အရင်းအမြစ်မှာ အာလေဇန္ဒြီ ဖြစ်သည်ဟု ထင်မှတ်ကြ၏။ သူသည် လူထုပရိသတ်အား ဆိတ်ဆိတ်နိနိခြင်းငှာ လက်ရိပ်ပြပြီးလျှင် ချေပပြောဆိုရန် ကြိုးစား၏။ 34 သို့ရာတွင် ထိုသူသည် ယုဒလူမျိုး ဖြစ်ကြောင်းကို လူအပေါင်းရို့သိကြသောအခါ “ဧဖက်မြို့၏ အာတေမိနတ်ဘုရားမသည် ကြီးမြတ်ပေ၏” ဟု နှစ်နာရိတ်တိ သံပြိုင်ကြွေးကြော်ကြ၏။ 35 နောက်ဆုံး၌ မြို့စာရေးသည် ထိုလူတို့ကို ဆိတ်ဆိတ်နိနိပြီးလျှင် “ဧဖက်မြို့သားရို့ ကြီးမြတ်သော အာတေမိနတ်ဘုရားမ၏ နတ်ကွန်းနှင့် ကောင်းကင်ဘုံမှ ကျလာသည့် သူမ၏ ရုပ်တုကို စောင့်ထိန်းသော သူများဖြစ်ကြောင်းကို လူတိုင်း သိကြ၏။ 36 ဤအရာတို့ကို တစ်ယောက်မျှ မငြင်းနိုင်ရာ။ ထို့ကြောင့် သင်ရို့သည် တိတ်ဆိတ်စွာနီသင့်၏။ မဆင်ခြင်ဘဲ ဇာအမှုအရာကိုမျှ မပြုကေ။ 37 ဗိမာန်တော်အား လူယူဖျက်ဆီးခြင်း အမှုကိုလည်း မပြု၊ ငါရို့၏ဘုရားများကိုလည်း ကဲ့ရဲ့ပြစ်မှားခြင်း မပြုသော ထိုသူရို့ကို သင်ရို့သည် ဤနီရာသို့ ဆောင်ခကြ၏။ 38 ဒေမေတရီမှစ၍ သူ၏အပေါင်းအပါရို့သည် လူတစ်စုံတစ်ယောက်ကို တရားတို့လိုလျှင် တရားရုံးလည်းဟိ၏။ အာဏာပိုင်များလည်း ဟိ၏။ တရားရုံး၌ အမှုသည် အချင်းချင်း တွဲကြစီ။ 39 သို့ရာတွင် သင်ရို့၌ အခြားအမှုဟိလျှင် တရားဝင်အစည်းအဝေး၌ စီရင်ဆုံးဖြတ်ရမည်။ 40 ဤနို့ ရုန်းရင်းဆန်ခတ်ဖြစ်ခြင်းသည် ငါရို့ကြောင့်ဟု စွပ်စွဲခံရမည်ကို စိုးရိမ်စရာဟိ၏။ ဤသို့ အုတ်အုတ်သဲသဲ ဖြစ်စရာ အကြောင်းမဟိ၊ ဤအကြောင်းအရာနှင့်ပတ်သတ်၍လည်း ဆင်ခြီပီးစရာ အကြောင်းမဟိ” ဟု ဆို၏။ 41 ဤသို့ပြောပြီးလျှင် မြို့စာရေးသည် စုဝေးသောသူရို့ကို ထိုနီရာမှ ထွက်လားစီတော်မူ၏။

20 ထိုရုန်းရင်းခတ်သောအမှု ပြီးလားသည့်နောက် ပေါလုသည် ယုံကြည်သူရို့ကို ခေါ်၍ အားပီးစကားပြောပြီး နှုတ်ဆက်လေ၏။ ထို့နောက် သူသည် မာကေဒေါနိုပြည်သို့ ထွက်ခွာလားလေ၏။ 2 သူသည်

ထိုဒေသတလျှောက်သို့လားကာ လူတို့ကို များစွာသော တရားစကားဖြင့် တိုက်တွန်းနှိုးဆော်ပြီးလျှင် အခါယပြည်သို့ လား၍၊ **3** သူသည် ထိုပြည်၌ သုံးလတိုင်တိုင် တည်းခိုလေ၏။ ထို့နောက် ယုရိပြည်သို့ သင်္ဘောဖြင့် ရွက်ရွှင်မည်ပြုစဉ် ယုဒလူရိုသည် မိမိအား လုပ်ကြံရန် ကြံစည်နိုင်သည်ကို သိသဖြင့်၊ မာကေဒေါနိပြည်လမ်းဖြင့် ပြန်မည်ဟု စိတ်ပိုင်းဖြတ်လေ၏။ **4** ပေါလုနှင့်အတူ အာယိုပြည်သို့ လိုက်သောသူရိုမှာ ဗေရိမြို့သားဖြစ်သော ပုရု၏သား သောပတရ၊ သက်သာလောနိတ်မြို့သား အာရိတ္တာဒနှင့် သေကုဒ္ဒ၊ ဒေရဗေမြို့သား ဂါယု၊ လုတ္တရမြို့သား တိမောသေ၊ အာယိုပြည်သား တုခိတ်နှင့် တရောဖိမ်ရို့ဖြစ်ကြ၏။ **5** ထိုသူရိုသည် အရှိုမှ လား၍ တရောမြို့တွင် ငါရိုကို စောင့်နိုင်ခဲ့ကြ၏။ **6** ငါရိုမူကား အဇုမပွဲတည်းဟူသော တဆီးမုန့်ပွဲ လွန်ပြီးနောက် ဖိလိပ္ပိုမြို့မှ သင်္ဘောဖြင့် ရွက်ရွှင်လာရာ ငါးရက်ကြာပြီးနောက် သူရိုဟိုရာ တရောမြို့သို့ ရောက်၍ ထိုနီရာ၌ ခုနစ်ရက်တည်းခိုနိုင်ခဲ့ကြ၏။ **7** စနီနို့ ညဇာဖက်၌ ငါရိုသည် အတူတကွ မိတ်ဆုံ စားသုံးခြင်းငှာ စုရုံးကြ၏။ နောက်တစ်နိတွင် ပေါလုသည် ထိုမြို့မှ ထွက်လာရန် အကြံဟိသဖြင့် သန်းခေါင်ယံတိုင်အောင် လူတိအား သွန်သင်လျက်ဟိ၏။ **8** ငါရို စည်းဝေးရာ အထက်ခန်း၌ ထွန်းညှိထားသော မီးခွက်များစွာဟိ၏။ **9** ပေါလုသည် ကြာမြင့်စွာ ဟောပြောသဖြင့် ဥတုခု ဟု နာမည်ဟိသော လူငယ်တစ်ယောက်သည် ပြတင်းပေါက်နား၌ ထိုင်၍ ငိုက်မျိုင်းအိပ်ပျော်နိုင်၏။ နောက်ဆုံး သူသည် နှိုက်နှိုက်ချိုက်ချိုက် အိပ်မောကျသောကြောင့် အိမ်သုံးဆင့် အထက်မှ ပြုတ်ကျလေ၏။ သူရိုသည် သူ့ကို ထူမလိုက်သောအခါ သီဆုံးနိုင်သည်ကို တွေ့ရ၏။ **10** ပေါလုသည်လည်း အောက်သို့ဆင်း၍ ထိုသူ၏အထက်၌ ကိုယ်ကို လှဲချ၍ ဖက်ပြီးလျှင် “မစိုးရိမ်ကတ်ကေ။ သူသည် အသက်ရှင်လျက် ဟိသည်” ဟု ဆိုလေ၏။ **11** ထို့နောက် ပေါလုသည် အိမ်ထက်သို့ ပြန်တက်ပြီးလျှင် မုန့်ကိုဖွဲ၍ စားလေ၏။ အစားအစာ သုံးဆောင်ပြီးနောက် ပေါလုသည် ထိုသူရိုနှင့်အတူ အရုဏ်တက်သည့်တိုင်အောင် ကြာမြင့်စွာ စကားပြောပြီးနောက် ထိုမြို့မှ ထွက်လာလေ၏။ **12** သူရိုသည်လည်း ထိုအသက်ရှင်လျက် ဟိသောလူငယ်ကို အိမ်သို့ ဆောင်လာပြီးမှ အလွန်စိတ်သက်သာရာ ရကြ၏။ **13** ငါရိုသည် သင်္ဘောထက်သို့ အယင်တက်၍ အသုမြို့သို့ ရွက်ရွှင်ကြ၏။ ထိုမြို့မှသာ ပေါလုကို သင်္ဘောဖြင့် လိုက်စီခြင်းငှာဖြစ်၏။ အကြောင်းမူကား ပေါလုသည် ထိုမြို့သို့ ကုန်းလမ်းဖြင့် လားသောကြောင့် ဤသို့ စီမံထားခြင်းဖြစ်၏။ **14** သူသည် အသုမြို့၌ ငါရိုကို တွေ့လျှင်၊ ငါရိုသည် သူ့ကို သင်္ဘောထက်သို့ ခေါ်တင်ပြီး မိတုလင်မြို့သို့ လားကြ၏။ **15** ထိုမှ ရွက်ရွှင်ကြရာ နောက်တစ်နိ၌ ခိအုကျွန်းသို့ ရောက်ကြ၏။ နောက်တစ်ရက်ကြာသော် သာမုကျွန်းသို့ ရောက်ကြပြီးလျှင် ထိုမှတစ်ဆင့် နောက်တစ်ရက် ကြာသောအခါ မိလက်မြို့သို့ ရောက်ကြ၏။ **16** ပေါလုသည် အာယိုနယ်၌ အချိန် မကုန်ဆုံးစီလိုသဖြင့် ဇဖက်မြို့နားမှဖြတ်၍၊ ဖြစ်နိုင်လျှင် ပင်တေကုတ္တေ ပွဲတော်နို့အမီ ယေရုဆလင်မြို့သို့ စောလျင်စွာ ရောက်နိုင်ခြင်းငှာ ရွက်ရွှင်ရန် စိတ်ပိုင်းဖြတ်လေ၏။ **17** ပေါလုသည် ဇဖက်မြို့၌ဟိသော အသင်းတော်လူကြီးများအား မိမိနှင့် လာရောက်တို့ဆုံခြင်းငှာ မိလက်မြို့မှ သတင်းပါးလေ၏။ **18** ထိုသူရိုရောက်လာကြသောအခါ ပေါလုက “ငါသည် အာယိုပြည်သို့ ရောက်သော ပထမနိမ့်စ၍ သင်ရိနှင့်အတူ တစ်ချိန်လုံး ဇာပိုင် အသက်ရှင်သည်ကို သင်ရိသိကြ၏။ **19** ယုဒလူမျိုး တချို့၏ မကောင်းသော အကြံအစည်များကြောင့် ဆင်းရဲဒုက္ခ ခံရချိန်တွင် ငါသည် စိတ်နှလုံးနှိမ့်ချကာ မျက်ရည်ကျလျက် သခင်ဘုရား၏ အခိုင်းအစီအဖြစ် အမှုတော်မြတ်ကို ထမ်းဆောင်ခ၏။ **20** သင်ရိ၏ အိမ်များ၌သော်လည်းကောင်း၊ လူထုပရိသတ်ရို့၏ ရှိ၌သော်လည်းကောင်း ငါသည် ဟောပြောသွန်သင်ပီးသောအခါ သင်ရိ၌ အကျိုးဟိစီမည့် ဇာစကားကိုမျှ ချန်၍ မထားသသည်ကို သင်ရိသိကြ၏။ **21** ငါသည် ယုဒလူမျိုးရို့နှင့် ဟေလသလူရို့အား မိမိရိအပြစ်မှ နောင်တရ၍ ဘုရားသခင်ပါးသို့ လှည့်လာစီခြင်းငှာ လည်းကောင်း၊ အသျှင်ယေသျှုကို ယုံကြည်ကြစီခြင်းငှာ လည်းကောင်း လေးနက်စွာ သတိပီးခ၏။ **22** အဂုမှာ ငါသည် သန့်ယှင်းသောဝိညာဉ်တော်ကို နာခံ၍ ယေရုဆလင်မြို့သို့ လားရမည်။ ထိုမြို့တွင် ငါ၌ ဇာပိုင် ဖြစ်မည်ကို ငါမသိ။ **23** သန့်ယှင်းသောဝိညာဉ်တော်သည် ငါအား သတိပီးသော အရာမူကား၊ ချုပ်နှောင်ခြင်းနှင့် ဒုက္ခဆင်းရဲများခြင်းသည် ငါ့အား ပြွေအသီးသီးမှ စောင့်ကြိုနိုင်သည် ဟူ၍ ဖြစ်၏။ **24** သို့သော် ငါသည် ငါ့အသက်ကို နှမြောခြင်းမဟိဘဲ၊

ငါ၏အမှုတော်ကို ပြည့်စုံစီခြင်းငှာ လည်းကောင်း၊ အသျှင်ယေသုရှု ပီးအပ်တော်မူသည့် အလုပ်တာဝန်ကိုလည်းကောင်း ပြီးဆုံးအောင် ဆောင်ရွက်နိုင်မှုကိုသာလျှင် ပမာဏပြု၏။ ကိုယ်တော် ပီးအပ်တော်မူသော အမှုတော်မူကား ဘုရားသခင်၏ ကျေးဇူးတော်အကြောင်း သတင်းကောင်းကို ဟောပြောကြေညာရန်ပင် ဖြစ်သတည်း။ 25 “ငါသည် သင်ရိုးသို့ လှည့်လည်၍ ဘုရားသခင်၏ နိုင်ငံတော်အကြောင်းကို ဟောပြောခ၏။ သို့သော် အဂုဏ်း ငါမျက်နှာကို နောက်တဖန် မြင်ရကြလိမ့်မည် မဟုတ်ကြောင်းကို ငါသိ၏။ 26 သို့ဖြစ်၍ သင်ရိုးထဲမှ တစ်ဦးတစ်ယောက်သည် အသက်ဆုံးယှုံးလျှင် ငါနှင့် မသက်ဆိုင်ကြောင်းကို ငါသည် ဤနို့ သင်ရိုးကို လေးနက်စွာပြော၏။ 27 အကြောင်းမူကား၊ ငါသည် တွန့်ဆုတ်ခြင်းမဟုတ်ဘဲ သင်ရိုးအား ဘုရားသခင်၏အကြံအစည်ကို အကုန်အစင် ဟောပြောကြေငြာရန်ဖြစ်၏။ 28 ထို့ကြောင့် သင်ရိုးသည် မိမိကိုယ်ကိုလည်းကောင်း၊ သန့်ယှင်းသောဝိညာဉ်တော် ပီးထားသော သိုးစုရိုးကိုလည်းကောင်း ကြည့်ရှုစောင့်ရှောက်ကြလော့။ ဘုရားသခင် အသင်းတော်၏ သိုးထိန်းများ ဖြစ်စီကြလော့။ ထိုအသင်းတော်မူကား ဘုရားသခင်သည် မိမိသားတော်၏ အသွီးတော်အားဖြင့် မိမိပိုင်ဆိုင်ရာ အသင်းတော် ဖြစ်စီ၏။ 29 ငါမဟိသည့်နောက်၌ ရက်စက်ကြမ်းကြုတ်သော တောခွီးရိုးသည် သင်ရိုးသို့ လာ၍ သိုးစုတို့ကို ညှာတာလိမ့်မည် မဟုတ်သည်ကို ငါသိ၏။ 30 သင်ရိုးအထဲမှ တချို့သော လူတို့က လိမ်ဝါပြောဆိုကာ ယုံကြည်သူများကို သူရိုးနောက်သို့ ဆွဲဆောင်လားမည့် အချိန်ကာလသည် ရောက်လာလိမ့်မည်။ 31 ထို့ကြောင့် သတိဖြင့် နီကြလော့။ ငါသည် နိုး၊ ညဉ့်မပြတ် သုံးနှစ်ပတ်လုံး မျက်ရည်ကျပြီး သင်ရိုးတစ်ယောက်ချင်းစီတိုင်းအား သွန်သင်ပီးခသည်ကို သတိရကြလော့။ 32 “အဂု ငါသည် သင်ရိုးအား ဘုရားသခင်၏ လက်တော်သို့ လည်းကောင်း၊ ကျေးဇူးတရားလက်သို့ လည်းကောင်း အပ်နှံ၏။ ထိုကျေးဇူးတရားသည် သင်ရိုးကို တည်ဆောက်လျက် မိမိ၏လူအားလုံးအဖို့ လျာထားသော ဘုရားသခင်၏ ကောင်းကြီးမင်္ဂလာကို သင်ရိုးအား ပီးလိမ့်မည်။ 33 ငါသည် သူတစ်ပါး၏ ရွှံ့၊ ငွီနှင့် အဝတ်အစားတို့ကို လိုချင်တပ်မက်ခြင်း မဟိ။ 34 ငါနှင့် ငါ့အပေါင်းဖော်ရိုး၏ လိုအပ်ချက်များအတွက် ငါသည် ငါ့လက်ဖြင့် အလုပ်လုပ်၍ ထောက်ပံ့ခကြောင်းကို သင်ရိုးကိုယ်တိုင် သိကြ၏။ 35 သင်ရိုးအား ငါ ပြသခသည်အတိုင်း ခပ်သိမ်းသောအရာ၌ အလုပ်ကို ကြိုးစားလုပ်ဆောင်ပြီး အားနည်းသောသူရိုးကို ကူညီမစ ကြလော့။ အသျှင်ယေသုရှုကိုယ်တိုင် ပြောခသော ‘ပီးကမ်းခြင်းသည် ရယူခြင်းထက် သာ၍ မင်္ဂလာဟိ၏’ ဟူသော စကားကို အောက်မိကြလော့” ဟု ဆို၏။ 36 ပေါလုသည် ထိုသို့ပြောပြီးမှ ထိုသူရိုးနှင့်အတူ ဒူးထောက်၍ ဆုတောင်းလေ၏။ 37 ထိုသူအပေါင်းရှိသည် ငိုယိုလျက် ပေါလုအား ဖက်၍ နမ်းပြီးလျှင် နှုတ်ဆက်ကြ၏။ 38 အကြောင်းမူကား ပေါလုသည် သင်ရိုးငါမျက်နှာကို နောက်တဖန် မမြင်ရယာဟု ဆိုသောကြောင့် ထိုသူရိုး အလွန် ဝမ်းနည်းကြသောကြောင့် ဖြစ်၏။ ထို့နောက် ထိုသူရိုးသည် ပေါလုအား သင်္ဘောသို့ လိုက်ပို့ကြ၏။

21 ငါရိုးသည် ထိုသူရိုးအား နှုတ်ဆက် ထွက်ခွာလာပြီးနောက် ကောသကျွန်းသို့ တည်တည်ရွက်ရွက်ရာ နောက်တစ်နိဉ် ရောဒုကျွန်းသို့ ရောက်ကြပြီး ထိုကျွန်းမှ ပတရမြို့သို့ ခရီးဆက်ကြ၏။ 2 ထိုမြို့၌ ဖိနိတ်ပြည်သို့ ကူးသော သင်္ဘောကိုတို့လျှင် ထိုသင်္ဘောထက်သို့ တက်၍ ရွက်ရွက်ကြ၏။ 3 ငါရိုးသည် ကုပရကျွန်းကို မြင်ရသောအခါ ထိုကျွန်း၏တောင်ဖက်အရပ်မှ ဖြတ်၍ ယှရိပြည်သို့ ရွက်ရွက်ကြလေ၏။ တုရမြို့၌ ကုန်ပစ္စည်းများကို ချရမည်ဖြစ်သောကြောင့် သင်္ဘောသည် ထိုမြို့တွင် ဆိုက်ကပ်လေ၏။ 4 ထိုအရပ်တွင် ယုံကြည်သူတချို့ကို ငါရိုးသည် တို့သဖြင့် ထိုသူရိုးနှင့်အတူ ရက်သတ္တတစ်ပတ် တည်းခိုကြ၏။ ဝိညာဉ်တော်၏ တန်ခိုးတော်အားဖြင့် ထိုသူရိုးသည် ပေါလုအား ယေရုဆလင်မြို့သို့ မလားစီခြင်းငှာ ပြောကြ၏။ 5 သို့ပိုင်သျှောင် ခုနစ်ရက်လွန်သောအခါ ငါရိုးသည် ထိုအရပ်မှ ထွက်၍ ငါရိုး၏ ခရီးစဉ်အတိုင်း ခရီးဆက်ကြ၏။ သူရိုးသည်လည်း မိမိရိုး၏မယားတိ၊ အချေတိနှင့်အတူ မြို့ပြင်ကမ်းခြေသို့ လိုက်ပို့ကြ၏။ ထိုနိရာတွင် ငါရိုးအားလုံးသည် ဒူးထောက်ပြီး ဆုတောင်းကြ၏။ 6 ထို့နောက် ငါရိုးသည် အချင်းချင်း နှုတ်ဆက်ပြီး သင်္ဘောထက်သို့ တက်ကြ၏။ သူရိုးသည်လည်း မိမိအိမ်သို့ ပြန်ကြ၏။ 7 ငါရိုးသည် တုရမြို့မှ ခရီးဆက်ကြပြန်၍ ပတောလင်မြို့သို့ ရောက်ကြ၏။ ငါရိုးသည် ထိုမြို့တွင် ယုံကြည်သူများနှင့် တို့၍ မိတ်ဆက်ပြီး

ထိုသူရိ၌ တစ်ရက်တာ တည်းခိုကြ၏။ 8 နောက်တစ်နိဉ် ငါရိသည် ထိုမြို့မှ ထွက်ခွာလျှင် ကဲသရိမြို့သို့ ရောက်ကြ၏။ ငါရိသည် ထိုမြို့တွင် ဧဝံဂေလိဆရာ ဖိလိပု၏အိမ်၌ တည်းခိုကြ၏။ ထိုဖိလိပုကား၊ ယေရုဆလင် အသင်းတော်မှ ရှီးချယ်ထားသော ဆရာခုနစ်ပါးထဲမှ တစ်ပါးအပါအဝင်ဖြစ်၏။ 9 သူ၌ အိမ်ထောင်မပြုရသိမ့်သော သမီးလေးယောက် ဟိ၏။ သူမရိသည် ဘုရားသခင်၏ သတင်းတော်ကို ဟောပြောကြေငြာသော သူများဖြစ်၏။ 10 အကျွန်ရိသည် ထိုအိမ်တွင် ရက်တာရှည်စွာ တည်းခိုကြသောအခါ၊ အာဂဗုဟု နာမည်ဟိသော ပရောဖက်တစ်ယောက်သည် ယုဒပြည်မှ ရောက်လာ၏။ 11 ထိုသူသည် အကျွန်ရိပါးသို့ လာ၍ ပေါလု၏ ခါးပတ်ကြိုးကို ယူပြီးလျှင်၊ မိမိ၏ဒြီနှင့် လက်တံကို တုပ်နှောင်ကာ “ဤခါးပတ်ကြိုး ပိုင်သျှင်သည် ယေရုဆလင်မြို့၌ ဟိသောယုဒလူမျိုးရိ၏ ဤပိုင် တုပ်နှောင်ခြင်းကို ခံရပြီးလျှင် တခြားလူမျိုးရိ၏ လက်သို့ အပ်နှံခြင်းကို ခံရလိမ့်မည်ဟု သန့်ယုင်းသောဝိညာဉ်တော် မိန့်တော်မူသည်” ဟူ၍ ဆိုလေ၏။ 12 ထိုစကားကို ကြားကြသောအခါ အကျွန်ရိနှင့် ထိုအရပ်၌ ဟိသောလူရိသည် ပေါလုအား ယေရုဆလင်မြို့သို့ ဆက်မလာရန် တောင်းပန်ကြ၏။ 13 သို့ရာတွင် ပေါလုက၊ “သင်ရိသည် ဇာကြောင့် ဤပိုင် ငိုယိုပြီးလျှင် ငါနုလုံးကို ကြံကွဲအောင် လုပ်နိုင်ကြသနည်း၊ ငါသည် အသျှင်ယေသျှ၏ နာမအဖို့အလိုငှာ ယေရုဆလင်မြို့၌ တုပ်နှောင်ခံရန် သာမက အသိခံရန်ပင် အသင့်ဟိ၏” ဟု ပြန်ပြောလေ၏။ 14 အကျွန်ရိလည်း ပေါလုအား ဖျောင်းဖျ၍ မရသောကြောင့် “သခင်ဘုရား၏ အလိုတော်အတိုင်း ဖြစ်ပါစီ” ဟု ဆို၍ လက်လျှော့လိုက်ကြ၏။ 15 ထိုနီရာ၌ ကာလအင်တန်ကြာပြီးနောက်၊ အကျွန်ရိသည် ပစ္စည်းများကို ထုပ်ပိုးကြပြီး ယေရုဆလင်မြို့သို့ ခရီးဆက်ကြ၏။ 16 ကဲသရိမြို့မှ တပည့်တော်တချို့သည်လည်း အကျွန်ရိနှင့်အတူ လိုက်ကြပြီး ကုပရကျွန်းသား ယုံကြည်သူ လူဟောင်းတစ်ဦးဖြစ်သူ မနာသုန်အိမ်၌ တည်းခိုခြင်းငှာ အကျွန်ရိအား ခေါ်လာကြ၏။ 17 ယေရုဆလင်မြို့သို့ အကျွန်ရိရောက်ကြသောအခါ၊ ယုံကြည်သူများက အကျွန်ရိကို နှီးထွီးစွာကြိုဆိုကြ၏။ 18 နောက်တစ်နိဉ် ပေါလုသည် အကျွန်ရိနှင့်အတူ ယာကုပ်ပါးသို့ လားရောက်တို့ဆုံ၏။ အသင်းတော်လူကြီး အပေါင်းရိလည်း သူထံ၌ ရောက်နိုင်ကြ၏။ 19 ပေါလုသည် ထိုသူရိအား မိတ်ဆက်ပြီးနောက် မိမိ၏အမှုတော်အားဖြင့် တခြားလူမျိုးရိ၌ ဘုရားသခင်ပြုတော်မူသော အမှုအရာအလုံးစုံတို့ကို ပြည့်စုံစွာ တင်ပြတော်မူ၏။ 20 ထိုသို့ တင်ပြသမျှကို ကြားပြီးသည့်နောက်၊ သူရိအားလုံးသည် ဘုရားသခင်အား ချီးမွမ်းကြ၏။ ထို့နောက် သူရိအပေါင်းက “ညီအစ်ကို ပေါလု၊ သင်မြင်သည့်အတိုင်း ထောင်ပေါင်းများစွာသော ယုဒလူများသည် ယုံကြည်သူများ ဖြစ်လာကြပြီး ထိုသူအပေါင်းရိသည်လည်း ပညတ်တရားကို ဆည်းကပ်စွဲလန်းသောသူတို့ ဖြစ်ကြ၏။ 21 သင်သည် တခြားလူမျိုးရိကြား၌ နီထိုင်ကြသော ယုဒလူမျိုးတို့အား မောသျှ၏တရားကို စွန့်ပစ်စီရန် လည်းကောင်း၊ သူရိ၏ အချေတံအား အရိဖျားလုံးခြင်းကို မခံစီခြင်းငှာ လည်းကောင်း၊ ယုဒထုံးတမ်းကို မလိုက်နာကြစီရန် လည်းကောင်း သွန်သင်ပီးနီကြောင်းကို သူရိသည် ကြားသိကြ၏။ 22 သင် ရောက်လာကြောင်းကို ထိုသူရိ ကြားကြမည်မှာ သေချာပါ၏။ သို့ ဖြစ်၍ ဇာပိုင် လုပ်ရပါမည်နည်း။ 23 ထို့ကြောင့် ငါရိပြောသည့်အတိုင်း လုပ်ပါလော။ သစ္စာပြုပြီးသော လူလေးယောက်သည် ဤအရပ်၌ ဟိပါ၏။ 24 ထိုသူရိကို ခေါ်လာပြီးလျှင် စင်ကြယ်ခြင်း မင်္ဂလာကို သူရိနှင့်အတူ ပြုပါလော့။ သူရိသည် ဂေါင်းရိတ်ခြင်းကို ပြုနိုင်စီခြင်းငှာ သူရိအတွက် ကုန်ကျစရိတ်ကို သင် ပီးပါလော့။ ထိုသို့ ပြုပါလျှင် သူရိ ကြားခံကြသော သင်၏အကြောင်းမှာ မှန်ကန်မှု မဟိကြောင်းကိုလည်းကောင်း၊ သင်ကိုယ်တိုင်ပင် မောသျှ၏ ပညတ်တရားအတိုင်း အသက်ရှင်ကြောင်းကိုလည်းကောင်း သိကြပါလိမ့်မည်။ 25 သို့ပိုင်သျှောင် တခြားလူမျိုးမှ ယုံကြည်သူ ဖြစ်လာသောလူရိအတွက်ကား၊ ရုပ်တုကို ပူဇော်ထားသော အစားအစာများကိုလည်းကောင်း၊ အသွီးကိုလည်းကောင်း၊ လိုင်ပင်းကို လိမ်၍ သတ်သောအသားနှင့် မတရားသောမေထုန်ကိုလည်းကောင်း ယှောင်ကြရန် ငါရိ စီရင်ဆုံးဖြတ်ချက်ကို စာရီး၍ ပို့ပြီးပါသော” ဟု ဆိုကြ၏။ 26 ထို့ကြောင့် နောက်တစ်နိဉ် ပေါလုသည် ထိုလူလေးယောက်ရိကို ခေါ်ပြီးလျှင် သူရိနှင့်အတူ စင်ကြယ်ခြင်းမင်္ဂလာကို ခံယူ၏။ ထို့နောက် သူသည် ဗိမာန်တော်ထဲသို့ ဝင်လာ၍ သူရိအတွက် တစ်ယောက်ချင်းစီ ပူဇော်သကာဆက်သရမည့် အချိန်တည်းဟူသော သန့်စင်ခြင်းကိုပြုရသော ပြီးဆုံးမည့်နိရက်အချိန်ကို

ပြောလေ၏။ 27 ထိုခုနစ်ရက်တာ ကာလကုန်ဆုံး လူသောအခါ အာယိမှ လာသော ယုဒလူအချို့သည် ဗိမာန်တော်၌ ပေါလုကို မြင်တော်မူ၏။ သူရှိသည် စုဝေးလျက်ဟိသော လူအပေါင်းရှိ၏စိတ်ကို ထိုးဆွ၍ ပေါလုအား ဖမ်းဆီးကြ၏။ 28 သူရှိက “ကူသရေလအမျိုးသားရဲ့ အကျွန်ရဲ့ကို ကူမကြပါ။ ဤသူသည် လားသောနီရာတိုင်းမှာ ငါရဲ့လူမျိုးကိုလည်းကောင်း၊ ပညတ်တရားနှင့် ဤအရပ်ကိုလည်းကောင်း ဆန့်ကျင်ပြီး သွန်သင်နိုင်သောသူ ဖြစ်ပါ၏။ အဂုလည်း ဤသူသည် သန့်ယှင်းသော ဌာနတော်ကို ညစ်ညူးစီရံသောမက ဤဗိမာန်တော်ထဲကိုလည်း တခြားလူမျိုးတချို့ကို ခေါ်သွင်းလီယာ” ဟု ဟစ်အော်ကြ၏။ 29 ဤသို့ သူရှိပြောခြင်းကား၊ ပေါလုအား ဧဖက်မြို့မှ တရောဖိမ်ဟု အမည်ဟိသော သူနှင့်အတူ မြို့ထဲ၌ တို့မြင်ခသဖြင့် ထိုသူအား ပေါလုသည် ဗိမာန်တော်ထဲသို့ ခေါ်သွင်းသည်ဟု ထင်မှတ်သောကြောင့်ဖြစ်၏။ 30 တစ်မြို့လုံး ရုန်းရင်းဆန်ခတ်ဖြစ်ပြီး၊ လူရှိသည်လည်း တညီတညွတ်တည်း ငြီးလာကာ ပေါလုအား ဖမ်းဆီးပြီး ဗိမာန်တော်၏ အပြင်ဖက်သို့ ဆွဲခေါ်လာကြ၏။ ထို့နောက် ချက်ချင်းပင် ဗိမာန်တော်၏ တန်းခါးများကို ပိတ်လိုက်ကြ၏။ 31 လူရှိသည် ပေါလုအား အသိသတ်ခြင်းငှာ ကြိုးစားနိုင်စဉ်၊ ရောမတပ်မှူးသည် ယေရုဆလင်တစ်မြို့လုံး ရုန်းရင်းဆန်ခတ် ဖြစ်နိုင်ကြောင်းကို သတင်းရလေ၏။ 32 ရောမတပ်မှူးသည်လည်း စစ်သားတို့နှင့် တပ်ခွဲမှူးတချို့ကို ချက်ချင်း ခေါ်၍ သူရိဟိရာသို့ ချက်ချင်းပင် ငြီးလာကြ၏။ လူအပေါင်းရှိသည်လည်း ထိုသို့ ရောမတပ်မှူးနှင့် စစ်သားရဲ့ လာကြသည်ကို မြင်လျှင် ပေါလုကို မသတ်ဘဲ နီကြ၏။ 33 ထိုအခါ တပ်မှူးသည် ပေါလု အနားသို့ရောက်လာ၍ ဖမ်းပြီး၊ သံကြိုးနှစ်ပင်ဖြင့် တုပ်နှောင်ကာ ထားစီ၏။ ထို့နောက် တပ်မှူးက “ဤသူကား ဇာသုနည်း၊ ဇာအမှုကို ပြုသနည်း” ဟု မိန်းမြန်းလေ၏။ 34 လူအပေါင်းရှိထဲမှ တချို့ကလည်း တစ်ယောက်တစ်မျိုးစီ ပြောဆိုနိုင်ကြ၏။ ထိုဆူညံသံများကြောင့် တပ်မှူးသည် အဖြစ်မှန်ကို မသိနိုင်ဖြစ်၍၊ ပေါလုအား တပ်စခန်းထဲသို့ ခေါ်ဆောင်လာရန် မိမိလူရှိအား အမိန့်ပို့လေ၏။ 35 လူရှိသည် ရုန်းရင်းဆန်ခတ်ဖြစ်သောကြောင့် လိုကားသို့ ရောက်သောအခါ စစ်သားရှိသည် ပေါလုကို ပွဲမ၍ ယူရကြ၏။ 36 လူအပေါင်းရှိသည်လည်း “ယင်းသူကို အသိသတ်ပါ” ဟု ဟစ်အော်လျက် နောက်မှ လိုက်လာကြ၏။ 37 စစ်သားရဲ့က ပေါလုအား တပ်စခန်းထဲသို့ ခေါ်ယူမည်ပြုစဉ်၊ ပေါလုက တပ်မှူးအား “သင်နှင့် ငါ စကား စိကေချေ ပြောခွင့်ပီးပါ” ဟု တောင်းလျှင်၊ တပ်မှူးက “သင်သည် ဟေလသစကား ပြောတတ်သလော။ 38 သင်သည် မကြာသိမ့်သော အချိန်က ပုန်ကန်မှုကို အစပြုခဲ့ပြီး ဓားပြ ၄,၀၀၀ အား တောကန္တာရသို့ ခေါ်လာသော အဲဂုတ္တုလူဖြစ်သည် မဟုတ်လော” ဟု မိန်းမြန်းလေ၏။ 39 ထိုအခါ ပေါလုက “ငါသည် ကိလိကီပြည် တာယုမြို့၌ မွီးဖွားသော ယုဒလူမျိုးဖြစ်ပြီး သာမည မြို့သား မဟုတ်ပါ။ ဤသူရှိအား စကားပြောရသောအခွင့် ပီးပါ” ဟု တောင်းပန်လေ၏။ 40 တပ်မှူးသည်လည်း အခွင့်ပီးလေ၏။ ထိုအခါ ပေါလုသည် လိုကားထက်တွင် မတ်တပ်ရပ်၍ ဆိတ်ဆိတ်နိန့်ရန် လက်ဖြင့် အချက်ပြလေ၏။ လူရှိသည် တိတ်ဆိတ်စွာ နီကြသောအခါ ပေါလုသည် ဟေဗြဲဘာသာစကားဖြင့် ပြောဆိုသည်မှာ၊

22 “ညီအစ်ကိုရဲ့နှင့် ဖခင်ရဲ့ ငါ၏ ဖြေယှင်းချက်ကို နားထောင်ကြပါ” ဟု ဆို၏။ 2 ထိုသို့ ပေါလုသည် ဟေဗြဲဘာသာစကားနှင့် ပြောသည်ကို သူရှိသည် ကြားကြလျှင် သာ၍ တိတ်ဆိတ်စွာနီကြ၏။ ထိုအခါ ပေါလုက ဆက်လက်၍၊ 3 “ငါသည် ကိလိကီပြည်၊ တာယုမြို့တွင် မွီးဖွားသော ယုဒလူမျိုးဖြစ်ပါ၏။ ယေရုဆလင်မြို့တွင် ကြီးပြင်းလာ၍ ဂါမလျေလထံတွင် ပညာဆည်းပူးလာသူ တစ်ယောက်ဖြစ်ပြီး ငါရဲ့အဖိုးအဖိုးရဲ့၏ နည်းဥပဒေသကို တိကျစွာ ခံယူလာသောသူ တစ်ယောက်ဖြစ်ပါ၏။ ဤနို့ ဤနီရာ၌ ဟိသော လူအားလုံးကဲ့သို့ ဘုရားသခင်၏ အမှုတော်ဖက်၌ စိတ်အားကြီးသော သူဖြစ်ပါ၏။ 4 ငါသည် ဤသွန်သင်ချက်ကို လိုက်လျှောက်သောသူရဲ့ကို သီဆုံးသည်ထိတိုင်အောင် ညှဉ်းဆဲခပြီးလျှင် ယောက်ျား၊ မိန်းမရဲ့ကိုလည်း ဖမ်းဆီး၍ ထောင်ထဲ၌ ချထားခပါ၏။ 5 ငါပြောသောအရာသည် မှန်ကန်ကြောင်းကို ယဇ်ပုရောဟိတ်မင်းနှင့် လွှတ်တော်တစ်ရပ်လုံးက သက်သိခံနိုင်ကြပါ၏။ ငါသည် ထိုသူရဲ့ပါးမှ ဒဿသက်မြို့၌ နီသော ယုဒလူမျိုးညီအစ်ကိုရဲ့ကို ရီးလိုက်သောစာတိကို လက်ခံရဟိသောကြောင့် ထိုဘာသာ၌ ယုံကြည်သက်ဝင်သော သူရဲ့ကို ဖမ်းဆီးပြီး သံကြိုးများဖြင့် တုပ်၍ ယေရုဆလင်မြို့သို့ ပြစ်ဒဏ်ပီးခြင်းငှာ ခေါ်ဆောင်လာရန်

ထိုမြို့သို့ လားပေါ၏။ 6 “ငါသည် ခရီးလား၍ ဒမာသက်မြို့ အနားသို့ ရောက်သောအခါ၊ မွန်းတည့်အချိန်ခန့်တွင် အာကာမှ တောက်ပသော အလင်းတန်းသည် ငါ၏ ပတ်လည်၌ ရုတ်ကနဲ ထွန်းတောက်လေ၏။ 7 ငါသည်လည်း မြီထက်မှာ လဲကျပြီး ‘သျှောလု၊ သျှောလု၊ ငါ့ကို ဇာကြောင့် ညှဉ်းဆဲနိန်သနည်း’ ဟု ငါအား ပြောသောစကားသံကို ကြားရ၏။ 8 ငါကလည်း ‘အသျှင်၊ သင်ကား ဇာသူနည်း’ ဟု မိန်းလျှင်၊ ‘ငါကား သင် ညှဉ်းဆဲနိန်သော နာဇရက်မြို့သား ယေသုရှု ဖြစ်၏’ ဟု မိန့်တော်မူ၏။ 9 ငါနှင့်အတူ လိုက်လာကြသောသူရိကလည်း ထိုအလင်းကို မြင်ကြ၏။ သို့သော် ငါ့ကို ပြောနိုင်သော ထိုသူ၏စကားသံကိုကား သူရိက တစ်ယောက်မျှ မကြားကြ။ 10 ငါကလည်း ‘အသျှင်၊ အကျွန်ုပ် ဇာချင် လုပ်ရပါမည်နည်း’ ဟု မိန်းလျှင်၊ ထိုအသျှင်က ‘သင် ထပြီး ဒမာသက်မြို့ထဲသို့ လားလော့၊ သင်ဆောင်ရွက်စရာအဖို့ ဘုရားသခင်က ခွဲခန့်သတ်မှတ်ထားသော အမှုအရာတို့ကို ထိုမြို့၌ ပြောပြလိမ့်မည်’ ဟု မိန့်တော်မူ၏။ 11 ထိုတောက်ပသော အလင်းတန်းကြောင့် ငါသည် မျက်စိကွယ်လေ၏။ ထို့ကြောင့် ငါနှင့်လိုက်လာသောသူရိက ငါ့ကို လက်ဆွဲ၍ ဒမာသက်မြို့ထဲသို့ ခေါ်လား၏။ 12 “ထို့နောက် အာနနိဆိုသူ တစ်ယောက်သည် ငါ့ပါးသို့ ရောက်လာ၏။ ထိုသူသည် ငါရို၏ပညတ်တရားကို လိုက်လျှောက်၍ ဘုရားဝတ်၌ ဝိပျာဓိသောသူ ဖြစ်သည်နှင့်အညီ ထိုအရပ်၌ နီထိုင်ကြသော ယုဒလူအားလုံး၏ ရိုသီလေးစားခြင်းကို ခံရသော သူဖြစ်၏။ 13 ထိုသူသည် ငါ့ပါးသို့ လာပြီး အနား၌ ရပ်ကာ ‘ငါ့ညီ သျှောလု၊ မျက်စိ ပြန်၍ မြင်စီ’ ဟု ဆိုသည်နှင့် တစ်ပြိုင်နက် ငါ၏မျက်စိသည် ပြန်မြင်၍ သူ့ကို ကြည့်လေ၏။ 14 သူက၊ ‘ငါ့အဖိုးအဖီးတိ ကိုးကွယ်သော ဘုရားသခင်သည် မိမိ၏ အလိုတော်ကို သိစီခြင်းငှာ လည်းကောင်း၊ မိမိ၏ ဖြောင့်မတ်သော အခိုင်းအစီကို တို့မြင်စီခြင်းငှာ လည်းကောင်း၊ မိမိ၏ နှုတ်တော်မှ ထွက်သောအသံတော်ကို ကြားစီခြင်းငှာ လည်းကောင်း သင့်အား ရွီးချယ်တော်မူဟ။ 15 အကြောင်းမူကား သင်သည် မြင်သမျှ၊ ကြားသမျှတို့ကို လူအပေါင်းရိုအား ဟောပြောစီခြင်းငှာ ထိုအသျှင်၏ သက်သီခံဖြစ်လိမ့်မည်၏။ 16 အခု၊ သင်သည် ဇာကြောင့် ဆိုင်းခုံနိန်သနည်း။ သင်ထ၍ ဗတ္တိဇံကို ခံယူလော့။ သင်၏အပြစ်ကို ဆီးကြောစီခြင်းငှာ ဘုရားသခင်၌ ဆုတောင်းပတ္တနာပြုလော့’ ဟု ဆို၏။ 17 “ထို့နောက် ငါသည် ယေရုဆလင်မြို့သို့ ပြန်၍၊ ဗိမာန်တော်၌ ဆုတောင်းနိန်စဉ် ရူပါရုံ တစ်ခုကို မြင်ရ သည်မှာ၊ 18 သခင်ဘုရားက ‘သင်သည် ယေရုဆလင်မြို့မှ အလျင်အမြန် ထွက်လားလော့။ အကြောင်းမူကား ဤမြို့သားရို့သည် သင်သက်သီခံသော ငါ၏အကြောင်းကို လက်ခံကြမည် မဟုတ်’ ဟု မိန့်တော်မူ၏။ 19 ငါကလည်း ‘သခင်ဘုရား၊ အကျွန်ုပ်သည် တရားဇရပ်များသို့ လားပြီး၊ ကိုယ်တော်ကို ယုံကြည်သောသူများအား ဖမ်းဆီး၍ သတ်ပုတ်ကြောင်းကို သူရို့သည် ကောင်းစွာ သိကြပါ၏။ 20 ကိုယ်တော်၏ သက်သီခံဖြစ်သူ သတေဖန်ကိုလည်း အသိသတ်ခသောအခါ၊ အကျွန်ုပ်ကိုယ်တိုင် ထိုအရပ်၌ ဟိပါ၏။ ထိုသူကို အသိသတ်သောလူရို့ကို ထောက်ခံပီးပြီး ထိုသူရို့၏ အဝတ်အစားများကို စောင့်ကြည့်နိုင်ခပါ၏’ ဟု လျှောက်ဆို၏။ 21 ထိုအခါ၊ သခင်ဘုရားကလည်း၊ ‘လားလော့။ သင့်ကို တခြားလူမျိုးရို့အဖို့ ဝီးသောအရပ်သို့ ငါစီရွတ်ယာ’ ဟု ငါ့ကို မိန့်တော်မူ၏။” 22 လူရို့သည် ထိုမျှတိုင်အောင် ပေါလု၏ စကားကို နားထောင်ပြီးနောက်၊ သူရို့က “ဤသူကို မြီကြီးထက်မှာ ထားဖို့မသင့်၊ အသက်ရှင်ဖို့ မတန်၊ အသိသတ်ပစ်လိုက်” ဟု အသံကုန်အောင် အော်ဟစ်ကြ၏။ 23 သူရို့သည် အော်ဟစ်၍ မိမိရို့၏ အဝတ်များကို လှုပ်ခါပြီး မြီမှုန့်တို့ကို အထက်သို့ ရွှင့်ပစ်ကြ၏။ 24 ထိုအခါ တပ်မှူးက ပေါလုအား တပ်စခန်းထဲသို့ ခေါ်လားစီရန် စစ်သားရို့ကို အမိန့်ပီးလေ၏။ ပြီးလျှင် လူရို့သည် ဤကဲ့သို့ အော်ဟစ်ကြသည့် အကြောင်းရင်းကို သိစီခြင်းငှာ ပေါလုအား သတ်ပုတ်၍ စစ်ဆီးစီ၏။ 25 သို့သော် စစ်သားရို့သည် ပေါလုအား သတ်ပုတ်၍ စစ်ဆီးရန် တုပ်နှောင့်သောအခါ၊ ပေါလုက အနား၌ ရပ်နိန်သော တပ်ခွဲမှူးအား “ရောမနိုင်ငံသား တစ်ယောက်ကို စစ်ဆီးခြင်းကို မပြုဘဲ၊ ကြိမ်ဒါဏ်ပီးခြင်းသည် ဥပဒေနှင့် ကိုက်ညီသလော” ဟု မိန်းလေ၏။ 26 ထိုစကားကို တပ်ခွဲမှူး ကြားလျှင်၊ သူသည် တပ်မှူးပါးသို့ လား၍ “ဤသူသည် ရောမနိုင်ငံသားဖြစ်ပါ၏။ ဤသူကို ဇာပိုင် လုပ်ရပါမည်နည်း” ဟု မိန်းလေ၏။ 27 ထို့ကြောင့် တပ်မှူးသည် ပေါလုပါးသို့ လား၍ “သင်သည် ရောမနိုင်ငံသား မှန်သလော၊ ငါ့ကို ပြောလော” ဟု မိန်းလျှင်၊ ပေါလုကလည်း “မှန်ပါ၏” ဟု ဖြေလေ၏။ 28 တပ်မှူးကလည်း

“ငါသည် ငွီများစွာပီး၍ ရောမနိုင်ငံသား ဖြစ်ရ၏” ဟု ဆိုလျှင်၊ ပေါလုက “ငါမူကား၊ ဇာတိအားဖြင့် ရောမနိုင်ငံသားဖြစ်၏” ဟု ဆို၏။ 29 ပေါလုအား စစ်ဆီးမည့်လူရှိလည်း ချက်ချင်းပင် နောက်သို့ ဆုတ်လားကြ၏။ တပ်မှူးသည်လည်း ပေါလုသည် ရောမနိုင်ငံသား စစ်စစ် ဖြစ်သည်ကိုလည်းကောင်း၊ ထိုရောမနိုင်ငံသား ဖြစ်သောသူကို သံကြိုးများဖြင့် တုပ်နှောင်၍ ထားသည်ကိုလည်းကောင်း ဆင်ခြင်မိသောအခါ ကြောက်ရွံ့တုန်လှုပ်ခြင်းသို့ ရောက်လေ၏။ 30 တပ်မှူးသည် ယုဒလူမျိုးများက ပေါလုအား ဇာအမူဖြင့် ပြစ်တင်စွပ်စွဲကြသည်ကို သေချာစွာ သိလို၏။ ထို့ကြောင့် နောက်တစ်နိဉ် ပေါလုအား တုပ်နှောင်ထားသော သံကြိုးများကို ဖယ်စီပြီး ယဇ်ပုရောဟိတ်အကြီးအကဲများနှင့် ယုဒလွှတ်တော်အဖွဲ့ဝင်ရှိကို စုရုံးစီခြင်းငှာ အမိန့်ပီးလေ၏။ ထို့နောက် ပေါလုကို ခေါ်၍ သူရိုအရှိ၌ ရပ်စီ၏။

23 ထိုအခါ ပေါလုသည် ယုဒလွှတ်တော်အဖွဲ့ဝင်များကို စုံစုံကြည့်လျက်၊ “ဣသရေလ ညီအစ်ကိုရို့၊ ငါသည် ဤနို့အချိန်အထိ ဘုရားသခင်၏ရှိတွင် ငါ၏သိစိတ်သည် ကြည်လင်စွာဖြင့် ပြုမူနိုင်ထိုင်၏” ဟု ဆို၏။ 2 ယဇ်ပုရောဟိတ်မင်း အာနာနိကလည်း အနား၌ ရပ်နိန်သော သူရိုအား ပေါလု၏ပါးစပ်ကို သတ်စီ၏။ 3 ပေါလုကလည်း ထိုသူအား၊ “ထုံးဖြူသုတ်ထားသော အုတ်ရိုး၊ သင့်ကို ဘုရားသခင်က အမှန် သတ်လိမ့်မည်။ သင်သည် ဤနို့ရာ၌ တရားဥပဒေအရ တရားစီရင်ခြင်းငှာ ထိုင်လျက်ပင် ငါ့ကို သတ်ခြင်းငှာ အမိန့်ပီးသဖြင့် တရားဥပဒေကို ချိုးဖောက်၏” ဟု ပြောဆို၏။ 4 အနား၌ ဟိနိန်သောလူတိက ပေါလုအား “သင်သည် ဘုရားသခင်၏ ယဇ်ပုရောဟိတ်မင်းကို ဇော်ကားပါသည်တကား” ဟု ဆိုသော်၊ 5 ပေါလုကလည်း “ငါညီအစ်ကိုရို့၊ ဤသူသည် ယဇ်ပုရောဟိတ်မင်း ဖြစ်သည်ကို ငါမသိ။ ကျမ်းစာ၌လာသည်ကား ‘သင်၏လူမျိုးကို အုပ်ချုပ်သောသူအား သင်သည် မကောင်းသောစကား မပြောရ’” ဟူ၍ ဖြစ်၏။ 6 ထိုသူရိုအထဲတွင် လူတချို့က ဖာရိယုများဖြစ်ကြပြီး၊ တချို့က ဇဒ္ဒကဲတိ ဖြစ်ကြသည်ကို ပေါလုသည် သိမြင်သောအခါ “ငါ၏ညီအစ်ကို ဣသရေလလူမျိုးရို့၊ ငါသည် ဖာရိယု ဖြစ်ပါ၏။ ဖာရိယု၏သားလည်း ဖြစ်ပါ၏။ သီသောသူရိုသည် ရှင်ပြန်ထမြောက်မည် ဖြစ်ကြောင်းကို ငါသည် မျှော်လင့်နိုင်သောကြောင့် ဤနို့ရာတွင် စစ်ဆီးခံနိုင်ရခြင်း ဖြစ်ပါ၏” ဟု ဆိုလေ၏။ 7 ပေါလုသည် ထိုသို့ပြောဆိုပြီးသောအခါ ဖာရိယုရိုနှင့် ဇဒ္ဒကဲရိုသည် အချင်းချင်း ငြင်းခုံမှုကိုပြု၍ အုပ်စုကွဲလေ၏။ 8 ထိုသို့ အုပ်စုကွဲရသည့် အကြောင်းကား၊ “ဇဒ္ဒကဲရိုသည် သီခြင်းမှ ရှင်ပြန်ထမြောက်ခြင်းမဟုတ်၊ ကောင်းကင်တမန် မဟုတ်၊ ဝိညာဉ် မဟုတ်” ဟု ခံယူထားကြပြီး၊ ဖာရိယုရိုမျှကား ထိုအရာအားလုံးသည် ဟိကြောင်းကို လက်ခံထားကြသောကြောင့် ဖြစ်၏။ 9 ထိုသို့ ငြင်းခုံပြောဆိုသံများ ပို၍ ကျယ်လောင်လာ၏။ တချို့သော ဖာရိယုအဖွဲ့ဝင်ရို့ထဲမှ ကျမ်းတတ်ဆရာရိုသည် ထ၍ “ဤသူ၌ ငါရိုသည် အပြစ်တစ်ခုမျှ ရှာမတွေ့၊ ဝိညာဉ်တစ်ပါးက သော်လည်းကောင်း၊ ကောင်းကင်တမန်တစ်ပါးက သော်လည်းကောင်း သူ့အား အမှန်ပြောခြင်းပင် ဖြစ်၏” ဟူ၍ ပြင်းထန်စွာ ငြင်းခုံကြ၏။ 10 ငြင်းခုံမှု ပြင်းထန်လာသောအခါ၊ ပေါလုအား အပိုင်းပိုင်းဆုတ်ဖြဲမည်ကို တပ်မှူးသည် စိုးရိမ်လေ၏။ ထို့ကြောင့် မိမိစစ်သားများအား ထိုလူအုပ်အထဲမှ ပေါလုကို မရမက ကယ်ထုတ်ပြီး၊ ရဲတိုက်သို့ ခေါ်လာစီခြင်းငှာ အမိန့်ပီးလေ၏။ 11 ထိုည၌ သခင်ဘုရားသည် ပေါလု၏အနား၌ ရပ်လျက်၊ “မကြောက်ကော့၊ သင်သည် ဤယေရုဆလင်မြို့၌ ငါ၏အကြောင်းကို သက်သိခံသည့်နည်းတူ၊ ရောမမြို့၌လည်း သက်သိခံရလိမ့်မည်” ဟု မိန့်တော်မူ၏။ 12 နောက်တစ်နိဉ် မိုးလင်းသောအခါ ယုဒလူတချို့ရှိသည် အတူတကွတို့ဆုံ၍ ပေါလုအား အသိမသတ်ရမချင်း အစာမစား၊ ရီမသောက်ဘဲ နီရန် သစ္စာဆိုကြ၏။ 13 ထိုသို့ သစ္စာဆိုသော လူအရီအတွက်ကား လေးဆယ်ကျော် ဟိ၏။ 14 ထိုသူရိုသည် ယဇ်ပုရောဟိတ်အကြီးကဲတိ၊ ယုဒလူမျိုး အကြီးအကဲတိ ပါးသို့ လား၍ “ငါရို့သည် ပေါလုကို အသိမသတ်ရမချင်း မစားမသောက်ဘဲ နီရန် အတူတကွ သစ္စာဆိုကြပါ၏။ 15 ထို့ကြောင့်၊ သင်ရိုနှင့် ယုဒလွှတ်တော်အဖွဲ့ဝင်များက ပေါလုအား သေချာစွာ စစ်ဆီးလိုဟန်ပြုလျက် ရောမတပ်မှူးသည် ထိုသူကို သင်ရိုထံပါးသို့ ပို့စီခြင်းငှာ ပြောကြပါ။ ပေါလုသည် သင်ရိုပါးသို့ မရောက်မီ စပ်ကြား၌ အကျွန်ရို့သည် သူ့ကိုအသိသတ်ရန် အသင့်ဟိပါ၏” ဟု လျှောက်ကြလေ၏။ 16 သို့သော် ထိုသို့ ကြံစည်နိုင်ကြသည်ကို ပေါလု၏တူသည် ကြားလျှင်၊ ရဲတိုက်ထဲသို့ ဝင်၍ ပေါလုအား ပြောလေ၏။ 17 ထို့နောက်

ပေါလုသည် တပ်ခွဲမှူး တစ်ယောက်ကို ခေါ်၍ “ဤလူငယ်ကို တပ်မှူးပါးသို့ ခေါ်လာလီ။ အကြောင်းမူကား သူ၌ တင်ပြစရာ တစ်စုံတစ်ခု ဟိသည်” ဟု ဆို၏။ 18 တပ်ခွဲမှူးကလည်း ထိုလူငယ်ကို တပ်မှူးပါးသို့ ခေါ်လာကာ “အကျဉ်းချခံနိုင်ရသော ပေါလုသည် ဤလူငယ်အားဖြင့် တင်ပြစရာတစ်ခုဟိသည်ဟု တောင်းဆိုသောကြောင့် သူ့ကို ကိုယ်တော်ပါးသို့ လာပို့ ခြင်းဖြစ်သည်” ဟု လျှောက်လေ၏။ 19 ထိုအခါ တပ်မှူးက လူငယ်၏လက်ကို ဆွဲ၍ ဆိတ်ကွယ်ရာသို့ ခေါ်လာကာ “သင်သည် ငါ့ကို ဇာချင် ပြောလိုသနည်း” ဟု မိန်းလျှင်၊ 20 လူငယ်ကလည်း “ယုဒအာဏာပိုင်ရှိသည် ပေါလု၏အမှုကို ပို၍သေချာစွာ စစ်ဆီးလိုဟန်ဖြင့် နက်ဖန်ခါ ကိုယ်တော်ထံမှ ပေါလုအား ယုဒတရားလွှတ်တော်သို့ ခေါ်ဆောင်ခြင်းငှာ တောင်းဆိုကြမည်ဟု တိုင်ပင်ကြပါယာ။ 21 သူရို၏ တောင်းဆိုချက်ကို မလိုက်လျော့ပါကွေ။ အကြောင်းမူကား ယောက်ျားအရီအတွက် လေးဆယ်ကျော်သည် ပုန်းကွယ်ချောင်းမြောင်း၍ ပေါလုအား စောင့်ဆိုင်းနိုင်ကြပါ၏။ ထိုသူရိုသည် ပေါလုအား အသိမသတ်ရမချင်း အစာမစား၊ ရိမသောက်ဘဲ နီရန် သစ္စာဆိုထားကြ၏။ အဂုတွင် ထိုသူရိုသည် ကိုယ်တော်၏ ဆုံးဖြတ်ချက်ကို စောင့်၍ အသင့်ဟိနိုင်ကြပါ၏” ဟု လျှောက်လေ၏။ 22 ထိုအခါ တပ်မှူးက “ငါ့ကို ပြောသော ဤစကားတို့ကို တစ်ယောက်ကိုမျှ မပြောကွေ” ဟု ပြောဆိုပြီး လူငယ်ကို အဝေးသို့ ထွက်လာစီ၏။ 23 ထို့နောက် တပ်မှူးသည် မိမိ၏ တပ်ခွဲမှူးနှစ်ယောက်ကို ခေါ်၍ “ဤနို့ည ကိုးချက်တီးအချိန်၌ ကဲသရိမြို့သို့ လားခြင်းငှာ စစ်သူရဲ ၂၀၀၊ မြင်းစီးသူရဲ ခုနစ်ဆယ်နှင့် လုံကိုင်သူရဲ ၂၀၀ ရှိကို အသင့် ဟိစီကြလော့။ 24 ပေါလု စီးရန် မြင်းများကိုလည်း အဆင်သင့် ပျင်ကြလော့။ သူ့ကိုလည်း ဘုရင်ခံဖေလစ်မင်းထံသို့ လုံခြုံစွာ ပို့ပီးကြလော့” ဟု မိန့်မှာထား၏။ 25 ထို့နောက် တပ်မှူးသည် စာတစ်စောင်ကိုလည်း ရီး၍ ပီးလိုက်၏။ 26 ထိုစဉ် “ကလောဒီလုသိသည် မြတ်တော်မူသော ဘုရင်ခံ ဖေလစ်မင်းထံသို့ မေတ္တာနှင့် နှုတ်ခွန်းဆက်သ လိုက်ပါ၏။ 27 ယုဒလူရိုသည် ဤသူအား ဖမ်းဆီး၍ အသိသတ်မည်ဟု ပြုကြပါ၏။ ဤသူသည် ရောမနိုင်ငံသားဖြစ်ကြောင်းကို ကြားသိသဖြင့် စစ်သူရဲတို့နှင့်တကွ လား၍ သူ့အား ကယ်ထုတ်ယူခရပါ၏။ 28 ယုဒလူရိုသည် သူ့ကို ဇာကြောင့်စွပ်စွဲကြသည်ကို အကျွန်သိလို၍ သူရို၏တရားလွှတ်တော်သို့ ခေါ်လာခပပါ၏။ 29 ထိုအခါ သူ၌ သီထိုက်သောအပြစ်၊ ထောင်ချထိုက်သောအပြစ် တစ်စုံတစ်ခုကိုမျှ မတွေ့ရဘဲ ယုဒလူရိုသည် မိမိရို၏ ပညတ်တရားဆိုင်ရာ ပြဿနာကြောင့်သာ ပြစ်တင်စွပ်စွဲကြသည်ကို တွိရပါ၏။ 30 ယုဒလူရိုသည် သူ့အား လျှို့ဝှက်စွာ လုပ်ကြံမည်ကို ငါသည် သတင်းရသောကြောင့် သူ့ကို ကိုယ်တော်ထံသို့ ချက်ချင်း ရွတ်လိုက်ပါ၏။ စွပ်စွဲသောသူရိုကိုလည်း မိမိရို၏စွပ်စွဲသောအမှုကို ကိုယ်တော်၏ အရှိ၌ လျှောက်လဲကြစီခြင်းငှာ ငါသည် ညွှန်ကြားထားပါ၏” ဟူ၍ ဖြစ်လေ၏။ 31 စစ်သားရိုသည် တပ်မှူးမှာထားသည့်အတိုင်း ပေါလုကို ခေါ်၍ ထိုညတွင်းချင်း အန္တိပတရိမြို့သို့ ပို့ဆောင်ကြ၏။ 32 နောက်တစ်နိဉ် ခြံလျှင်တပ်သားရိုသည် ပြန်လာကြပြီး၊ မြင်းတပ်သားရိုမူကား ပေါလုနှင့်အတူ ဆက်လက်၍ ခရီးပြုကြ၏။ 33 သူရိုသည် ကဲသရိမြို့သို့ ရောက်ကြသောအခါ တပ်မှူး၏စာအား ဘုရင်ခံကို ပီးကာ ပေါလုကိုလည်း ရှိတော်သို့ သွင်းကြ၏။ 34 ဘုရင်ခံသည် စာကို ဖတ်ပြီးမှ ပေါလုအား ဇာပြည်သားဖြစ်သည်ကို မိန်းလေ၏။ ပေါလုသည် ကိလိကီပြည်သားဖြစ်သည်ကို ကြားသိသောအခါ၊ 35 ဘုရင်ခံက “ဤအရာ၌ သင့်အား စွပ်စွဲသောသူတို့ ရောက်လာသောအခါ သင်၏အမှုကို ငါ ကြားနာမည်” ဟု ဆို၍ ပေါလုအား ဟေရုဒ်၏ အိမ်တော်၌ အစောင့်အကြပ်များနှင့် ထားစီခြင်းငှာ အမိန့်ပီးလေ၏။

24 ငါးရက်လွန်သောအခါ ယစ်ပုရောဟိတ်မင်း အာနနိသည် တေရုတုလုဟု နာမည်ဟိသော ရှိနီမှစ၍ ယုဒလူမျိုး အကြီးအကဲတချို့နှင့်အတူ ကဲသရိမြို့သို့ ရောက်လာကြ၏။ သူရိုသည် ပေါလု အကြောင်းနှင့်ပတ်သက်၍ ဘုရင်ခံဖေလစ်၏ ရှိတွင် စွဲချက်တင်ကြ၏။ 2 ထို့နောက် ပေါလုကို ရှိတော်သို့ ခေါ်သွင်းကာ၊ ရှိနီတေရုတုလုက စွပ်စွဲချက်ကို လျှောက်ဆိုသည်မှာ၊ “မြတ်သော ဖေလစ်မင်း၊ ကိုယ်တော်၏ အုပ်ချုပ်မှုကြောင့် အကျွန်ရှိသည် အီးချမ်းသာယာစွာ နီထိုင်ကြရပါ၏။ ကိုယ်တော်သည် အကျွန်ရှိတိုင်းပြည်အတွက် လိုအပ်သော ပြုပျင်ပြောင်းလဲမှုကို လုပ်ဆောင်လျက် ဟိပါ၏။ 3 ထိုအရာတို့ကို နီရာတိုင်းတွင် ကိုယ်တော် ပြုသမျှအတွက် အကျွန်ရှိသည် ဝမ်းမြောက်စွာဖြင့်

ကြိုဆိုကြပါ၏။ 4 အကျွန်ုပ်သည် ကိုယ်တော်၏ အချိန်ကို များစွာ မယူလိုပါ။ သို့ဖြစ်၍ အကျွန်ုပ်၏ လျှောက်လဲချက် အကျဉ်းချုပ်ကို ကျေးဇူးပြု၍ နားထောင်ပီးပါမည်အကြောင်း တောင်းလျှောက်ပါ၏။ 5 အကျွန်ုပ်သည် ဤသူကို အလွန် အန္တရာယ်ဟိသောသူအဖြစ် တို့မြင်ရပါ၏။ အကြောင်းမူကား၊ သူသည် အရပ်ရပ်၌ ဟိသော ယုဒလူမျိုးအပေါင်းရှိတွင် ရုန်းရင်းဆန်ခတ်မှု ပြုစီခြင်းငှာ လှုံ့ဆော်ပီးနိုင်သော နာဇရက်ဂိုဏ်း၏ ဦးစီးခေါင်းဆောင်တစ်ဦးလည်း ဖြစ်ပါ၏။ 6 သူသည် ဗိမာန်တော်ကို ညစ်ညူးစီခြင်းငှာ ကြိုးစားသောသူလည်း ဖြစ်ပါ၏။ ထို့ကြောင့် အကျွန်ုပ်သည် သူ့ကို ဖမ်းဆီးထားခြင်းဖြစ်ပါ၏။ 8 အသျှင်ကိုယ်တိုင် သူ့အား မိန်းကြည့်ပါလျှင် အကျွန်ုပ်၏ စွပ်စွဲသောအမှု အလုံးစုံတို့ကို သူပါးက ကြားသိရပါလိမ့်မည်” ဟု လျှောက်ကြ၏။ 9 ယုဒလူရိုကလည်း ထိုစွပ်စွဲချက်နှင့် ပြောစကားများအားလုံး မှန်ကန်ကြောင်းကို ထောက်ခံကြ၏။ 10 ဘုရင်ခံမင်းသည်လည်း ပေါလုအား စကားပြောစီခြင်းငှာ လက်ရိပ် ပြလိုက်သောအခါ ပေါလုက “ကိုယ်တော်သည် ဤလူမျိုးရိုကို နှစ်ပေါင်းများစွာ တရားသဖြင့် စီရင်လျက် အုပ်စိုးနိုင်သည်ကို အကျွန်ုပ်သိပါ၏။ ထို့ကြောင့် အကျွန်ုပ်သည် ကိုယ်တော်ရှိ၌ လျှောက်ရသောအခွင့်ကို ရသောကြောင့် ဝမ်းမြောက်ပါ၏။ 11 အကျွန်ုပ်သည် ယေရုဆလင်မြို့သို့ ဝတ်ပြုကိုးကွယ်ခြင်းငှာ လားခသည်မှာ တစ်ဆယ့်နှစ်ရက်တောင် မဟိသိမ့်သည်ကို ကိုယ်တော်သည် သိနိုင်ပါ၏။ 12 ဗိမာန်တော်၌ ဖြစ်စီ၊ တရားဇရပ်များ၌ ဖြစ်စီ၊ မြို့ထဲ၌ ဖြစ်စီ တစ်စုံတစ်ယောက်နှင့် ငြင်းခုံနိုင်သည်ကိုလည်းကောင်း၊ လူတိအား မငြိမ်မသက်မှု ဖြစ်စီခြင်းငှာ လုပ်ဆောင်နိုင်သည်ကိုလည်းကောင်း ဤယုဒလူရိုက အကျွန်ုပ်ကို မတို့ကြပါ။ 13 အကျွန်ုပ်ကို အဂ္ဂ စွပ်စွဲသောအမှုများတွင် အချက်အလက်ကိုလည်း သူရှိသည် အသျှင်အား သက်သီမပြနိုင်ကြပါ။ 14 အကျွန်ုပ်သည် အသျှင်၏ ရှိတော်၌ ဝန်ခံလိုသည်မှာ၊ သူရိုက လွဲမှားသည်ဟု ခံယူထားသော လမ်းစဉ်အတိုင်း အကျွန်ုပ်၏အဖိုးအစီးရို၏ ဘုရားသခင်ကို ကိုးကွယ်ပါ၏။ သို့သော်လည်း အကျွန်ုပ်သည် မောသျှ၏ပညတ်ကျမ်းနှင့် ပရောဖက်ကျမ်းများတွင် ချီးသားထားသမျှကိုလည်း ယုံကြည်ပါ၏။ 15 ဘုရားသခင်ကို အမှီပြု၍ ကောင်းသောသူ၊ မကောင်းသောသူ အားလုံးရှိသည် သီခြင်းမှ ရှင်ပြန်ထမြောက်မည်ကို သူရှိသည် မျှော်လင့်သကဲ့သို့ အကျွန်ုပ်ကလည်း မျှော်လင့်ပါ၏။ 16 သို့ ဖြစ်၍ အကျွန်ုပ်သည် ဘုရားရှိ လူရှိ၌ မိမိ၏ အသိစိတ်ကို ကြည်လင်စီခြင်းငှာ အစဉ်အမြဲ အကောင်းဆုံး လုပ်ဆောင်လျက်ဟိပါ၏။ 17 “ယေရုဆလင်မြို့မှ ထွက်ခွာလာပြီး နှစ်ပေါင်းများစွာ ကြာသောအခါ၊ အကျွန်ုပ်သည် မိမိလူရိုအား ဖေသာတချို့၊ ပီးကမ်းကူညီဖို့နှင့် ဘုရားသခင်အား ပူဇော်သကာပြုခြင်းငှာ ထိုနီရာသို့ ရောက်လာခြင်းဖြစ်ပါ၏။ 18 ဗိမာန်တော်ထဲ၌ အကျွန်ုပ်သည် စင်ကြယ်ခြင်းကို ပြုပြီးနောက် ပူဇော်သကာကို ဆက်ကပ်နိုင်စဉ် သူရှိသည် တို့ကြပါ၏။ ထိုနီရာ၌ အကျွန်ုပ်နှင့်အတူ လူစုလူဝေးလည်းမဟိ၊ ဆူပူအုံကြွခြင်းလည်း မဟိပါ။ 19 သို့သော် အာယုပြည်မှလာသော ယုဒလူတချို့သည် ထိုနီရာ၌ ဟိကြပါ၏။ သူရှိသည် အကျွန်ုပ်အား စွပ်စွဲစရာ ဟိလျှင် ဤအရပ်၌ လာ၍ ကိုယ်တော်ရှိတွင် စွပ်စွဲသင့်ပါ၏။ 20 သို့မဟုတ် အကျွန်ုပ်သည် တရားလွှတ်တော်၌ ဟိသောအခါ ဤအရပ်၌ ဟိသော ဤသူရှိသည် အကျွန်ုပ်၌ ဇာချင့်ပြစ်မှုတို့ဟိကြောင်းကို ထွက်ဆိုကြပါစီ — 21 အကျွန်ုပ်သည် သူရှိရှိ၌ ရပ်နိုင်စဉ် ‘အကျွန်ုပ်သည် သီလွန်သောသူရို ရှင်ပြန်ထမြောက်ခြင်းနှင့်ပတ်သတ်၍ ဤနို့ သင်ရိုရှိ၌ စစ်ဆီးခံနိုင်ရပါသည်’ ဟူသော စကားတစ်ခွန်းတည်းကိုသာ ကြွေးကြော်ခပါ၏” ဟု ဆိုလေ၏။ 22 ထို့နောက် ဖေလမ်က ထိုဘာသာ၏ လမ်းစဉ်ကို ကောင်းစွာ သိထားသောသူ ဖြစ်သဖြင့် ကြားနာမှုကို ရှိဆိုင်းထား၏။ ထိုသူက “တပ်မှူးလုသိ ရောက်လာသောအခါ ငါသည် သင်ရိုအမှုကို စစ်ဆီးဆုံးဖြတ်မည်” ဟု သူရိုအား ပြောလေ၏။ 23 ထို့နောက် သူသည် ပေါလုကို အစောင့်အကြပ်များဖြင့် အကျယ်ချုပ်ထားသော်လည်း သူ့အား လွတ်လပ်မှုအချို့ကို ပီး၍ သူ၏မိတ်ဆွေတို့မှ သူ၏ လိုအပ်သည်များကို ထောက်ပံ့ခွင့် ပြုစီခြင်းငှာ တပ်ခွဲမှူးအား မှာထားလေ၏။ 24 ရက်အင်တန်ကြာပြီးနောက်၊ ဖေလမ်မင်းသည် ယုဒအမျိုးဖြစ်သော မိမိမယား ဒြသလနှင့်အတူ ရောက်လာလေ၏။ ထိုအခါ ပေါလုကို ရှိမှောက်သို့ ခေါ်ပြီးလျှင် ပေါလုဟောပြောသော ခရစ်တော်ယေသျှအား ယုံကြည်ခြင်းအကြောင်းကို နားထောင်လေ၏။ 25 သို့သော် ပေါလုသည် ကောင်းမြတ်ခြင်းတရားကိုလည်းကောင်း၊

ကာမဂုဏ်ချုပ်တည်းခြင်းတရားကိုလည်းကောင်း၊ နောင်ဖြစ်လာမည့် တရားစီရင်ရာနို့ အကြောင်းကိုလည်းကောင်း ဟောပြောရာတွင်၊ ဖေလဇ်မင်းသည် ကြောက်လန့်ခြင်းသို့ ရောက်၍ ပေါလုအား “အဂ္ဂ သင်လားလော့၊ ငါ အဆင်ပြေသောအခါ ပြန်ခေါ်လိုက်မည်” ဟု ဆိုလေ၏။ 26 တစ်ချိန်တည်းတွင် ထိုမင်းက ပေါလုသည် ထိုအမှုမှ လွတ်ခြင်းငှာ မိမိအား ဖေသာပီးမည်ဟု ထင်မှတ်သောကြောင့် ခေါ်၍ မကြာမကြာ တို့လေ၏။ 27 နှစ်နှစ်ကြာပြီးနောက် ပေါက်ဖေတ္တုသည် ဘုရင်ခံ ဖေလဇ်မင်းအရာကို ရ၍၊ ဖေလဇ်မင်းသည် ယုဒလူရို၌ မျက်နှာရလိုသောကြောင့် ပေါလုအား အချုပ်ချထားစီ၏။

25 ဖေတ္တုသည် ထိုပြည်၌ ရောက်၍ သုံးရက်ကြာပြီးနောက် ကဲသရိမြို့မှ ယေရုဆလင်မြို့သို့ တက်လားလေ၏။ 2 ထိုအခါ ယဇ်ပုရောဟိတ်အကြီးအကဲရိန္ဒနှင့် ယုဒခေါင်းဆောင်ရိုက ပေါလု ကျူးလွန်သော ပြစ်မှုအမျိုးမျိုးကို ဖေတ္တုထံတွင် လျှောက်ထားကြ၏။ 3 သူရိသည် ပေါလုအား လမ်း၌ အသိသတ်ခြင်းငှာ လျှို့ဝှက်ကြံစည်ထားပြီး ဖြစ်လေ၏။ သို့ ဖြစ်၍ မိမိရိုအား ကျေးဇူးပြုသောအားဖြင့် ပေါလုကို ယေရုဆလင်မြို့သို့ စီစွတ်ရန် ဖေတ္တုအား မေတ္တာရပ်ခံကြ၏။ 4 ထိုအခါ ဖေတ္တုကလည်း “ပေါလုကား ကဲသရိမြို့၌ အချုပ်ချထားလျက် ဟိ၍ ငါကိုယ်တိုင်လည်း ထိုမြို့သို့ မကြာခင် လားရမည်။ 5 သင်ရိုခေါင်းဆောင်တို့ကို ကဲသရိမြို့သို့ ငါနှင့်အတူ လားစီပြီး၊ ထိုသူ၌ အပြစ်ဟိသည်ဆိုလျှင် စွပ်စွဲချက်များကို လျှောက်လဲထားစီ” ဟု ဆို၏။ 6 ဖေတ္တုမင်းသည် သျှစ်ရက် သို့မဟုတ် ဆယ်ရက်ခန့် သူရိနှင့်အတူ နီးပါးမှ ကဲသရိမြို့သို့ ပြန်လားလေ၏။ နောက်တစ်နှိ၌ ထိုမင်းသည် တရားခွင့်၌ ထိုင်ပြီး ပေါလုကို တရားခွင့်သို့ ခေါ်သွင်းစီ၏။ 7 ပေါလု ရောက်လာသောအခါ၊ ယေရုဆလင်မြို့မှ လာသော ယုဒလူရိုသည် ပေါလု၏ပတ်လည်၌ ရပ်လျက်၊ သူ၌ ကြီးလေးသော ပြစ်မှုများဖြင့် စွပ်စွဲကြ၏။ သို့သော် ထိုစွပ်စွဲချက်တိအတွက် သက်သ် ဇာတစ်ခုကိုမျှ မပြနိုင်ကြ။ 8 ထိုအခါ ပေါလုက “အကျွန်ုပ်သည် ယုဒအမျိုးသားရို၏ တရားကို သော်လည်းကောင်း၊ ဗိမာန်တော်ကို သော်လည်းကောင်း၊ ရောမ ဧကရာဇ်မင်းကို သော်လည်းကောင်း ဇာတစ်ခုကိုမျှ မပြစ်မှားပါ” ဟု ချေပပြောဆိုလေ၏။ 9 သို့သော် ဖေတ္တုမင်းလည်း ယုဒလူမျိုးရို၌ မျက်နှာရစီခြင်းငှာ ပေါလုအား “သင်သည် ယေရုဆလင်မြို့သို့ လား၍ ထိုမြို့၌ ငါ၏ရှိတွင် ဤစွပ်စွဲချက်တို့ကို စစ်ဆီးခံပါမည်လော” ဟု မိန်းလေ၏။ 10 ပေါလုကလည်း “အကျွန်ုပ်သည် ဧကရာဇ်ဘုရင်၏ တရားခံရှိ၌ ရပ်နိုင်သည်ဖြစ်၍ ထိုတရားခံ ရှိမှာ အမှုကို စစ်ဆီးအပ်ပါ၏။ အသျှင်ကိုယ်တိုင် ကောင်းစွာ သိတော်မူသည့်အတိုင်း အကျွန်ုပ်သည် ယုဒအမျိုးသားရိုအား ဇာတစ်ခုမျှ မပြစ်မှားခပါ။ 11 အကျွန်ုပ်သည် ပညတ်တရားကို ချီးဖောက်ခြင်းနှင့် အသိခံထိုက်သော အပြစ် တစ်ခုခုကို ပြုမှားမိလျှင်၊ ဤသီဘေးမှ အကျွန်ုပ် မပျောက်လွှဲပါ။ သို့ရာတွင် သူရိစွပ်စွဲချက်တို့ မမှန်ကန်လျှင် အကျွန်ုပ်အား ဇာသမျှ သူရိုလက်သို့ လွှဲအပ်နိုင်မည် မဟုတ်ပါ။ အကျွန်ုပ်သည် ဧကရာဇ်ဘုရင်၌ အယူခံပါမည်” ဟု လျှောက်၏။ 12 ထိုအခါ ဖေတ္တုမင်းက အတိုင်ပင်ခံအရာဟိရိန္ဒနှင့် တိုင်ပင်ပြီးလျှင် ပေါလုအား “သင်သည် ဧကရာဇ်ဘုရင်ထံတွင် အယူခံပါမည်ဟု ဆိုသောကြောင့် ဧကရာဇ်ဘုရင်ထံပါးသို့ လားရလိမ့်မည်” ဟု ဆို၏။ 13 ကာလအင်တန်ကြာသောအခါ၊ အဂြိုဟ်မင်းကြီးသည် ဗေရနိတ်နှင့်အတူ ဖေတ္တုမင်းအား နှုတ်ဆက်ခြင်းငှာ ကဲသရိမြို့သို့ ရောက်လာ၏။ 14 ဤအရပ်၌ ရက်ကြာကြာ တည်းခိုခိုပြီးနောက် ဖေတ္တုမင်းသည် ထိုမင်းကြီးအား ပေါလုအကြောင်းကို ပြောပြသည်ကား “ဤမြို့၌ ဖေလဇ်မင်းက အချုပ်ချထားသောသူ တစ်ယောက်ဟိ၏။ 15 အကျွန်ုပ်သည် ယေရုဆလင်မြို့သို့ လားသောအခါ၊ ယဇ်ပုရောဟိတ်အကြီးအကဲရိန္ဒနှင့် ယုဒလူမျိုး အကြီးအကဲရိုက ထိုသူအား အပြစ်စီရင်ခြင်းငှာ အကျွန်ုပ်ထံ၌ တောင်းဆိုကြ၏။ 16 သို့သော် အကျွန်ုပ်က အစွပ်စွဲခံရသော တရားခံတစ်ယောက်အား စွပ်စွဲသောတရားလိုများနှင့် တရားခွင့်၌ တို့ဆုံကာ မိမိ၌ စွပ်စွဲချက်များကို ချေပခွင့်မပီးဘဲ တရားစီရင်ခြင်းသည် အကျွန်ုပ်ရို့ ရောမဓလေ့ထုံးစံ မဟုတ်ကြောင်းကို သူရိအား ပြောဆိုခပါ၏။ 17 ထိုသူရိသည် ဤမြို့သို့ ရောက်လာကြသောအခါ၊ အကျွန်ုပ်သည် မဆိုင်းမတွဘဲ နောက်တစ်နှိ၌ တရားခွင့်၌ ထိုင်၍ ထိုသူ့ကိုခေါ် ရန် လူတစ်ယောက်ကို ရွတ်လိုက်လေ၏။ 18 ထိုသူ၌ စွပ်စွဲသော သူများသည် ထ၍ စွပ်စွဲပြောဆိုသော်လည်း အကျွန်ုပ်ထင်မှတ်ထားသော ပြစ်မှုများဖြင့် မဟုတ်ပေ။ 19

အကြောင်းမူကား သူရိစ္ဆာန်စွဲမှုများသည် သူရိန္၏ ဘာသာတရားနှင့်ပတ်သက်၍ သော်လည်းကောင်း၊ သီလွန်ပြီးသော ယေသျှု ဟု ခေါ်ဆိုသော သူတစ်ယောက်နှင့်ပတ်သက်၍ သော်လည်းကောင်း အငြင်းပွားမှုသာ ဖြစ်၏။ ထိုယေသျှုသည် သီလွန်လားသော်လည်း အသက်ရှင်လျက် ဟိသည်ဟု ပေါလုက ပြောဆို၏။ 20 အကျွန်ုပ်သည် ဤပြဿနာကို ဖြေယှင်းခြင်းငှာ မဆုံးဖြတ်နိုင်သောကြောင့် ‘သင်သည် ဤစွပ်စွဲချက်များနှင့် ပတ်သက်၍ ယေရုဆလင်မြို့သို့ လားပြီး အစစ်ဆေးခံလိုသလော’ ဟု ပေါလုအား မိန်းပါ၏။ 21 ထိုအခါ ပေါလုက မိမိအား အစောင့်အကြပ်များဖြင့် ချုပ်ထားပြီး ဧကရာဇ်ဘုရင်၏ အဆုံးအဖြတ်ကို ခံရမိခြင်းငှာ တောင်းဆိုလေ၏။ ထို့ကြောင့် ထိုသူ့ကို ဧကရာဇ်ဘုရင်၏ ရှိမှောက်သို့ ပို့ဆောင်သည်ထိတိုင်အောင် အစောင့်အကြပ်များဖြင့် ချုပ်ထားစီခြင်းငှာ အမိန့်ပီးခပါ၏” ဟု ပြောပြလေ၏။ 22 အဂြိပ္ပမင်းကလည်း “ထိုသူ၏စကားကို ငါကိုယ်တိုင် နားထောင်ချင်ပါ၏” ဟု ဖေတ္တုမင်းအား ပြောလေ၏။ ထိုအခါ ဖေတ္တုမင်းကလည်း “သင်သည် မနက်ဖြန်နိဉ် နားထောင်ရလိမ့်မည်” ဟု ပြောလေ၏။ 23 နောက်တစ်နိဉ်တွင် အဂြိပ္ပမင်းနှင့် ဗေရနိတ်ရိုသည် ခမ်းနားသော ဂုဏ်အသရေကိုဆောင်လျက် တပ်မှူးတို့၊ ထိုမြို့၏ ခေါင်းဆောင်တို့နှင့်တကွ ညီလာခံခန်းမထဲသို့ ဝင်လာကြ၏။ ထိုအခါ ဖေတ္တုသည် အမိန့်ပီးသဖြင့် ပေါလုအား ရှိမှောက်သို့ ခေါ်ဆောင်လာကြ၏။ 24 ဖေတ္တုကလည်း “အဂြိပ္ပမင်းကြီးနှင့်တကွ ဤအခန်း၌ ဟိသော သူအားလုံးရှိ သင်ရိုမြင်တို့ရသော ဤသူအား ယေရုဆလင်မြို့၌လည်းကောင်း၊ ဤမြို့၌လည်းကောင်း ဟိကြသော ယုဒလူအပေါင်းရိုက ဤသူအကြောင်းကို ငါထံ၌ လျှောက်လဲကြ၏။ ဤသူသည် အသက်ရှင်ခြင်းငှာ မထိုက်ဟု အော်ဟစ်၍ တောင်းဆိုကြ၏။ 25 ငါသည် သူ၌ သီဒဏ်ခံထိုက်သော အပြစ်တစ်စုံတစ်ခုကို မတွေ့ရပေ။ သို့ရာတွင် သူသည် ဧကရာဇ်ဘုရင်ထံပါးသို့ အယူခံဝင်မည်ဟု ဆိုသောကြောင့် သူ့ကို အထံတော်သို့ ပို့ဆောင်ခြင်းငှာ အကျွန်ုပ် စီရင်ဆုံးဖြတ်လေ၏။ 26 သို့သော် သူနှင့်ပတ်သက်၍ ဧကရာဇ်ဘုရင်အား စာရီးပီးလိုက်ရန် တိကျသောအကြောင်းအရာ တစ်ခုမျှ အကျွန်ုပ် မဟိ။ ထို့ကြောင့် ထိုသူ့ကို သင်ရို၏ ရှိတော်၌ ခေါ်သွင်းခြင်းဖြစ်၏။ အထူးသဖြင့် အဂြိပ္ပမင်း၏ ရှိမှောက်သို့ ခေါ်ဆောင်လာပါ၏။ အကြောင်းမူကား သင်သည် သူအား စစ်ဆီးမိန်းမြန်းပြီးသောအခါ အကျွန်ုပ်၌ ရီးမှတ်စရာတစ်စုံတစ်ခု ဟိကောင်းဟိနိုင်ပါ၏။ 27 သူ၏ စွဲချက်ကို ယှင်းလင်းစွာ မဖော်ပြဘဲ အချုပ်သားတစ်ယောက်ကို ပို့လိုက်လျှင် မလျော်ကန် ဖြစ်မည်ဟု အကျွန်ုပ်ထင်ပါသည်” ဟု ဆိုလေ၏။

26 ထိုအခါ အဂြိပ္ပမင်းက ပေါလုအား “သင့်အကြောင်းကို သင်ပြောဆိုရသော အခွင့်ဟိ၏” ဟု ဆိုလျှင် ပေါလုသည် မိမိလက်ကိုဆန့်၍ အောက်ပါအတိုင်း ချေပပြောဆိုလိုက်သည်မှာ။ 2 “အဂြိပ္ပမင်းကြီး၊ အကျွန်ုပ်အား ယုဒအမျိုးသားများ၏ စွပ်စွဲချက်များနှင့် ပတ်သက်၍ အသျှင်၏ ရှိမှောက်၌ လျှောက်လဲချေပခွင့်ကို ရသည်မှာ အကျွန်ုပ်အဖို့ ထူးမြတ်သော အခွင့်အရေးဖြစ်သည်ဟု ထင်မှတ်ပါ၏။ 3 အသျှင်သည် အထူးသဖြင့် ယုဒအမျိုးသားရို၏ ထုံးတမ်းစလေ့တို့နှင့် ငြင်းခွန်မှုများကိုလည်း ကောင်းစွာသိသော သူဖြစ်၏။ ထို့ကြောင့် အကျွန်ုပ်၏ လျှောက်လဲချက်ကို သည်းခံ၍ နားထောင်ပီးခြင်းငှာ တောင်းပန်ပါ၏။ 4 “အကျွန်ုပ်သည် ငယ်သောအရွယ်မှ စ၍ ဇာပိုင် နီထိုင်ခကြောင်းကို ယုဒလူမျိုးအပေါင်းရိုသည် သိကြပါ၏။ မိမိ၏ဇာတိမြို့၌ လည်းကောင်း၊ ယေရုဆလင်မြို့၌ လည်းကောင်း အကျွန်ုပ်၏ဘဝတလျှောက်လုံးကို ဇာပိုင် အသက်ရှင်ခကြောင်း သူရိအားလုံးသည် သိကြပါ၏။ 5 သူရိုသည် အကျွန်ုပ်ကို အယင်ကတည်းက သိထားပြီးဖြစ်၍ အကျွန်ုပ်သည် အကျွန်ုပ်ရိဘာသာတရား၌ အတင်းကျပ်ဆုံးသော စည်းကမ်းကို ကျင့်သုံးသည့် ဖာရိယုရို၏ အဖွဲ့ဝင်တစ်ယောက် ဖြစ်သည်ကို သူရိုသည် ဆန္ဒဟိလျှင် သက်သိခံနိုင်၏။ 6 အဂုတွင် အကျွန်ုပ်သည် ဤနီရာ၌ ရပ်၍ စစ်ဆီးခြင်းကို ခံရသည်မှာ ဘုရားသခင်သည် အကျွန်ုပ်ရို၏ အဖိုးအစီးရိုအား ပီးတော်မူသော ကတိတော်ကို မျှော်လင့်နိုင်သည့်အတွက်ကြောင့် ဖြစ်ပါ၏။ — 7 မျိုးနွယ်တစ်ဆယ့်နှစ်မျိုးနွယ်ဖြစ်သော ကုသရေလူမျိုးရိုသည် နိ၊ ညဉ့်မပြတ် ဘုရားဝတ်ပြုကာ ထိုကတိတော်အတိုင်း ပြည့်စုံလိမ့်မည်ဟု မျှော်လင့်လျက် ဟိကြပါ၏။ အသျှင်မင်းကြီး၊ အကျွန်ုပ်သည် ထိုကဲ့သို့ မျှော်လင့်လျက် နိန်သောကြောင့် ယုဒလူမျိုးရိုသည် အကျွန်ုပ်ကို

ဤသို့ စွပ်စွဲကြခြင်း ဖြစ်ပါ၏။ 8 ဘုရားသခင်သည် သီလွန်သောသူရိအား ပြန်၍ ထမြောက်စီတော်မူမည်ကို ဇာကြောင့် မဖြစ်နိုင်ဟု ထင်မှတ်ကြသနည်း” ဟု ပြောဆို၏။ 9 အကျွန်ုပ်ကိုယ်တိုင်ပင်လျှင် နာဇရက်မြို့သား ယေသျှု၏နာမတော်အား ဆန့်ကျင်ရန် ဖြစ်နိုင်သမျှအမှုအားလုံးကို ပြုသင့်သည်ဟု ယူဆပါ၏။ 10 ထိုအမှုကား ယေရုဆလင်မြို့၌ အကျွန်ုပ် ပြုသော အမှုဖြစ်ပါ၏။ အကျွန်ုပ်သည် ယဇ်ပုရောဟိတ်အကြီးအကဲပါးမှ အခွင့်အာဏာဖြင့် များစွာသော ဘုရားသခင်၏လူတို့ကို ထောင်၌ အကျဉ်းချထားခ၏။ သူရိအား အသီသတ်ခြင်းငှာ စီရင်သောအခါ၌ အကျွန်ုပ်သည်လည်း သဘောတူပါ၏။ 11 တရားဇရပ်များတွင် အကျွန်ုပ်သည် သူရိအား အကြိမ်ပေါင်းများစွာ ပြစ်ဒဏ်ပီး၍ သူရိ၏အယူဝါဒကို စွန့်လွှတ်ကြစီရန် ကြိုးစားဆောင်ရွက်ပါ၏။ အကျွန်ုပ်သည် သူရိကို မုန်းတီးသဖြင့် တစ်ကျွန်းတစ်နိုင်ငံများသို့ပင် လား၍ သူရိကို ညှဉ်းဆဲနှိပ်စက်ပါ၏။ 12 “အကျွန်ုပ်သည် ထိုရည်ရွယ်ချက်ဖြင့် ယဇ်ပုရောဟိတ်အကြီးအကဲရိုးပါးမှ အခွင့်အာဏာနှင့် ဒဏ်သက်မြို့သို့ လားခ၏။ 13 အသျှင်မင်းကြီး၊ ထိုလမ်းမထက်တွင် မွန်းတည့်အချိန်၌ အာကာမှ နီလုံးထက် ထွန်းတောက်သည့် အလင်းတန်းသည် အကျွန်ုပ်မှစ၍ အကျွန်ုပ်နှင့်အတူ ခရီးလားနိုင်ကြသောသူရိ ပတ်လည်တွင် ထွန်းတောက်သည်ကို အကျွန်ုပ် မြင်ရပါ၏။ 14 ထိုအခါ အကျွန်ုပ်ရိုးအားလုံးသည် မြီထက်တွင် လဲကျလားပြီးနောက် ‘သျှောလု၊ သျှောလု ဇာကြောင့် ငါ့ကို ညှဉ်းဆဲသနည်း။ တုတ်ချွန်ကို ခြံနှင့် ကျောက်လျှင် ခက်လှ၏’ ဟူ၍ ဟေဗြဲဘာသာအားဖြင့် ပြောသောစကားသံကို အကျွန်ုပ်သည် ကြားရ၏။ 15 ထိုအခါ အကျွန်ုပ်ကလည်း ‘အသျှင်ကား ဇာသူနည်း’ ဟု မိန်း၏။ အသျှင်ကလည်း ‘ငါကား သင် ညှဉ်းဆဲနိုင်သော ယေသျှုပင်ဖြစ်၏။ 16 သို့သော် သင်ထ၍ သင့်ဦးထောက်ထက်မှာ သင်ရပ်လော့။ ငါသည် သင့်အား ငါ၏အမှုတော်ဆောင်အဖြစ် ခန့်အပ်ခြင်းငှာ ပေါ်လာရခြင်းဖြစ်၏။ သင်သည် ဤနိဉ် ငါ့ကို မြင်သောအကြောင်းနှင့် နောင်အခါ၌ ငါသည် သင့်အား ဖော်ပြပီးမည့် အရာများကို အခြားလူရိုးအား ပြောပြလော့။ 17 ငါသည် သင့်အား ကူသရေလလူမျိုးရိုး၏ လက်မှလည်းကောင်း၊ တခြားလူမျိုးရိုး၏ လက်မှလည်းကောင်း ကယ်နှုတ်မည်။ ထိုသူရိပါးသို့ သင့်ကို ငါ စီရွတ်ပြီးလျှင်၊ 18 သင်သည် တခြားလူမျိုးရိုး၏မျက်စိကို ဖွင့်ပီး၍ ထိုသူရိကို မှောင်မှိုက်ထဲမှ အလင်းတော်သို့ ကူးပြောင်းစီကာ စာတန်မာရ်တန်ခိုးအာဏာစက်မှ ဘုရားသခင်၏ အာဏာစက်သို့ ကူးပြောင်းစီရမည်။ အကြောင်းမူကား သူရိသည် ငါ့ကို ယုံကြည်ခြင်းအားဖြင့် သူရိ၌ ဟိသမျှသောအပြစ်မှ ခွင့်ရွတ်ခြင်းကို ရပြီးလျှင်၊ ဘုရားသခင် ရှိုးချယ်ထားသောလူစဉ် နီရာကျစီရန်ဖြစ်၏’ ဟု ဆိုလေ၏။ 19 “ထို့ကြောင့်၊ အဂြိပ္ပမင်းကြီး၊ အကျွန်ုပ်သည် ကောင်းကင်မှ ဖြစ်သော ထိုဗျာဒိတ်တော်ကို မနာခံဘဲ နီလို့မရပါ။ 20 ဦးစွာ ဒဏ်သက်မြို့မှစ၍ ယေရုဆလင်မြို့၌ လည်းကောင်း၊ ယုဒပြည်အရပ်ရပ်၌ လည်းကောင်း၊ တခြားလူမျိုးတို့ကြား၌ လည်းကောင်း၊ အကျွန်ုပ်ဟောပြောသည်မှာ လူရိသည် မိမိရိုး၏ အပြစ်မှ နောင်တရ၍ ဘုရားသခင်ထံတော်သို့ လှည့်လာရမည်။ ထို့နောက် နောင်တရကြောင်းကို မိမိရိုး၏ လုပ်ဆောင်ချက်ဖြင့် ပြသရမည် ဟူ၍ ဖြစ်ပါ၏။ 21 ဤအကြောင်းကြောင့် ယုဒလူရိသည် အကျွန်ုပ်ကို ဗိမာန်တော်၌ ဖမ်းဆီး၍ အသီသတ်ခြင်းငှာ ကြိုးစားကြပါ၏။ 22 သို့ပင်သျှောင် ဘုရားသခင်၏ ကူညီမစခြင်းကို ခံရသောကြောင့် အကျွန်ုပ်သည် ဤအရပ်၌ အသက်ကြီးသောသူနှင့် ငယ်ရွယ်သောသူ အားလုံးကို သက်သီခံရသော အခွင့်ကို ရဟိခြင်းဖြစ်ပါ၏။ အကျွန်ုပ်၏ ဟောပြောချက်သည် ဖြစ်ပျက်လာမည့်အကြောင်းနှင့်ပက်သက်၍ မောသျှေနှင့် ပရောဖက်များ ဟောပြောသည့် အတိုင်းပင်ဖြစ်၏။ 23 ထိုအကြောင်းအရာကား၊ မေသျှိယသည် ဒုက္ခဝေဒနာခံရပြီး သီခြင်းမှ အယင်ဦးဆုံး ထမြောက်သောသူ ဖြစ်သည်နှင့်အညီ ယုဒလူမျိုးရိုးနှင့် တခြားလူမျိုးရိုး၌ ကယ်တင်ခြင်းအလင်းကို ပီးတော်မူလိမ့်မည်” ဟူ၍ ဖြစ်၏။ 24 ပေါလုသည် ထိုသို့ ခုခံချေပနိုင်စဉ်၊ ဖေတ္တမင်းကလည်း “ပေါလု၊ သင်သည် အရူးဖြစ်၏။ သင်သည် အတတ်လွန်၍ အရူးဖြစ်လေယာ” ဟု ဆို၏။ 25 ပေါလုကလည်း “မြတ်သော ဖေတ္တမင်း၊ အကျွန်ုပ် အရူး မဟုတ်ပါ။ လေးနက်သော အမှန်တရားကိုရာ လျှောက်ထားခြင်းဖြစ်ပါ၏။ 26 အဂြိပ္ပမင်းကြီး၊ အသျှင်သည် ဤအကြောင်းအရာတို့ကို သိထားပြီးဖြစ်၍ ရှိတော်၌ ရဲ့ဝံစွာ လျှောက်ထားခြင်း ဖြစ်ပါ၏။ ဤအမှုသည် ဆိတ်ကွယ်သော အရပ်၌ ဖြစ်ပျက်သည့်အရာ မဟုတ်သောကြောင့် ဤအမှုအားလုံးကို အသျှင်သည် သိမှတ်ပြီးဖြစ်ကြောင်း အကျွန်ုပ်

ယုံကြည်ပါ၏။ 27 အဂြိုဟ်မင်းကြီး၊ အသျှင်သည် ပရောဖက်ကျမ်းတို့ကို ယုံကြည်သလော။ အသျှင် ယုံကြည်ကြောင်းကို အကျွန်ုပ် သိပါ၏” ဟု လျှောက်လေ၏။ 28 အဂြိုဟ်မင်းကြီးကလည်း ပေါလုအား “ဤမျှ အချိန်တိုတိုအတွင်းမှာ ငါ့ကို ခရစ်ယာန်တစ်ယောက် ဖြစ်နိုင်အောင် ဖျားယောင်းနိုင်လိမ့်မည်ဟု သင်သည် ထင်မိသလော” ဟု ဆို၏။ 29 ထိုအခါ ပေါလုက “အချိန်ကာလသည် အဓိက မဟုတ်ပါ။ မင်းကြီးနှင့်တကွ ဤနိဂုံးတွင် အကျွန်ုပ်ပြောဆိုသမျှကို နားထောင်သောသူ အပေါင်းရှိသည် တုပ်နှောင့်ခံရခြင်းမှတစ်ပါး အကျွန်ုပ်ပိုင် ဖြစ်လာစီခြင်းငှာ ဘုရားသခင်၌ ဆုတောင်းပီးပါ၏” ဟု ဆိုလေ၏။ 30 ထို့နောက် မင်းကြီး၊ ဘုရင်ခံ၊ ဗေရနိတ်နှင့်အတူတကွ ထိုင်နိန့်ကြသော အဖွဲ့ဝင်အပေါင်းရှိသည် ထလာကြ၏။ 31 သူရှိသည် ထိုအခန်းမှ ထွက်လာပြီးနောက် သူရှိအချင်းချင်း “ဤသူသည် သီထိုက်သော အပြစ်ကိုသော်လည်းကောင်း၊ အကျဉ်းခံထိုက်သော အပြစ်ကိုသော်လည်းကောင်း မပြု” ဟု ပြောဆို ကြ၏။ 32 ထို့နောက် အဂြိုဟ်ကလည်း “ဤသူသည် ဧကရာဇ်ဘုရင်ထံသို့ အယူခံဝင်ရန် မလျှောက်လျှင် သူ့အား လွှတ်ပီးနိုင်၏” ဟု ဖေတ္တုမင်းအား ဆို၏။

27 ထိုအခါ အကျွန်ုပ်ရှိအား ဣတလိပြည်သို့ သင်္ဘောဖြင့် ကူးရမည့်အကြောင်းကို ဆုံးဖြတ်ပြီးနောက်၊ ပေါလုနှင့် အကျဉ်းသားအချို့ကို “ဧကရာဇ်မင်း၏ တစ်ထောင်တပ်” ဟု ခေါ်သော တပ်မှ တပ်မှူး ယုလိလက်သို့ အပ်လိုက်၏။ 2 အကျွန်ုပ်ရှိသည် အာဒမုတ္တိုမြို့မှ လာသော သင်္ဘောဖြင့် ရွက်ရွှင်ကြ၏။ ထိုသင်္ဘောသည် အာယိုပြည်တလျှောက်၌ဟိသော သင်္ဘောဆိပ်ကမ်းမြို့များသို့ လားမည့် သင်္ဘောဖြစ်၏။ ငါရိနှင့်အတူ အာရိတ္တာဒု အမည်ဟိသော မာကေဒေါနီပြည် သက်သာလောနိတ်မြို့သား တစ်ယောက်သည်လည်း လိုက်ပါလာ၏။ 3 နောက်တစ်နိဂုံး၌ ငါရိသည် ဇိဒုန်မြို့သို့ ဆိုက်ရောက်လေ၏။ တပ်မှူးယုလိသည် ပေါလုကို သနားသောကြောင့် သူ၏မိတ်ဆွေရှိပါးသို့ လား၍ သူရိ၏လုပ်ကျွေးခြင်းကို ခံယူရန် အခွင့်ပီးလေ၏။ 4 ငါရိသည် ထိုမြို့မှ ထွက်လာကြပြီးနောက် လီမသင့်သောကြောင့် ကုပရကျွန်းဘေး လီကွယ်ရာအရပ်မှ ရွက်ရွှင်ကြ၏။ 5 ထို့နောက် ငါရိသည် ကိလိက်နှင့် ပမ်ဖုလိပြည်၏ ပင်လယ်ပြင်ကိုဖြတ်၍ လုကီပြည် မုရမြို့သို့ ဆိုက်ရောက်ကြ၏။ 6 ထိုမြို့၌ တပ်မှူးသည် အာလေဇဗြိုမြို့မှ ဣတလိပြည်သို့ ကူးမည့် သင်္ဘောတစ်စီးကို တို့သဖြင့် အကျွန်ုပ်ရှိအား ထိုသင်္ဘောထက်သို့ တက်စီကြ၏။ 7 အကျွန်ုပ်ရှိသည် တရွှိရွှိဖြင့် ရက်ပေါင်းများစွာ ရွက်ရွှင်ကြပြီး ကန်ဒီမြို့သို့ ခက်ခဲစွာဖြင့် ရောက်ကြ၏။ ထိုမှ လီမသင့်သောကြောင့် ရှိသို့ မလားနိုင်သဖြင့် အကျွန်ုပ်ရှိသည် သာလမုန်အင်္ဂနားမှ ဖြတ်၍ ကရေတေကျွန်းကို အကာအကွယ်ပြု၍ ထိုကျွန်းဘေးမှ ရွက်ရွှင်ကြ၏။ 8 အကျွန်ုပ်ရှိသည် ကမ်းရိုးတန်းတလျှောက်မှ ခက်ခဲစွာ ရွက်ရွှင်ကြ၍ လာသဖြ့် အနီး ဆိပ်ကမ်းသာဟုခေါ်သော အရပ်သို့ ရောက်ကြ၏။ 9 ထိုအရပ်၌ အကျွန်ုပ်ရှိသည် အချိန်များစွာ ရပ်နားခကြရာ အပြစ်ဖြေရာနီရက် လွန်လာပြီဖြစ်၍ ပင်လယ်ခရီးလားရာ၌ အန္တရာယ်များသောကာလ ရောက်လာလေ၏။ ထို့ကြောင့် ပေါလုသည် သူရိအား၊ 10 “အချင်းလူရိ၊ အဂုအခါ ပင်လယ်ခရီးပြုမည်ဆိုပါက ဘေးတို့မည်။ ထိုသို့ ဖြစ်လျှင် သင်္ဘောနှင့် ကုန်ပစ္စည်းများ ဆုံးယှုံးခြင်းသာ မဟုတ်။ ငါရိ၊ အသက်လည်း ဆုံးယှုံးစရာဟိကြောင်းကို ငါတို့ မြင်၏” ဟု သတိပီးစကားကို ဆို၏။ 11 သို့ပင်သျှောင် တပ်မှူးသည် ပေါလု၏ စကားထက် သင်္ဘောပိုင်သျှင်နှင့် တက်မကိုင်ရုံ၏ စကားကိုသာ နားထောင်ကြ၏။ 12 ထိုဆိပ်ကမ်းသည် ဆောင်းကာလ၌ မနီသင့်သောကြောင့်၊ လူအများစုမှာ ထိုဆိပ်ကမ်းမှ ထွက်ခွာ၍ ဖြစ်နိုင်လျှင် ဖိနိတ်မြို့သို့ ရောက်အောင်လားကာ ထိုအရပ်၌ ဆောင်းကာလကို ကုန်လွန်ခြင်းငှာ စိတ်ပိုင်းဖြတ်ကြ၏။ ဖိနိတ်မြို့ကား ကရေတေကျွန်း၏ ဆိပ်ကမ်းမြို့ဖြစ်ပြီး အနောက်တောင်ဖက်နှင့် အနောက်မြောက်ဖက်သို့ မျက်နှာမူလျက် တည်ဟိ၏။ 13 တောင်လီသည် ဖြည်းညင်းစွာတိုက်လာသောအခါ သင်္ဘောသားရှိသည် မိမိရုံ၏ အကြံအစင်မည်ဟု ထင်မှတ်သဖြင့် ကျောက်ဆူးကို ဆွဲတင်ပြီးလျှင် ကရေတေကျွန်း ကမ်းရိုးတန်းတလျှောက် ကမ်းနှင့် ကပ်နိုင်သမျှကပ်၍ ရွက်ရွှင်ကြ၏။ 14 သို့သော် များမကြာမီတွင် “အရှုံမြောက်လီ” ဟု ခေါ်သော အားပြင်းသောလီသည် ကမ်းဖက်မှ တိုက်လာ၏။ 15 သင်္ဘောသည် လီအဟုန်နှင့်တို့သဖြင့် ထိုလီကို ရင်ဆိုင်ခြင်းငှာ မတတ်နိုင်ပေ။ ထို့ကြောင့် အကျွန်ုပ်ရှိသည် လက်လျှော့၍ လီတိုက်ရာသို့ ရွှင်ပါကြ၏။ 16 ကလောဒေကျွန်း၏ တောင်ဖက်ကို ရောက်သောအခါ အကျွန်ုပ်ရှိသည် လီကွယ်ရာအရပ် တချို့ကို တွေ့ရကြ၏။

ထိုနီရာတလျှောက်၌ သင်္ဘောရွှိလျားနိန်စဉ်၊ အသက်ကယ်လောင်းကို မပျက်စီးစီခြင်းငှာ ခက်ခဲစွာ စီမံလုပ်ဆောင်ကြ၏။
17 သူရိသသည် ထိုလောင်းကို ဆွဲတင်ပြီးလျှင် ကြိုးဖြင့် သင်္ဘောတိုင်များ၌ ချိုင်ထားကြ၏။ သူရိသသည် သုရတိသောင်တွင် တင်မည်ကို စိုးရိမ်သဖြင့် ရွက်ကိုရုပ်သိမ်းပြီး လီတိုက်ရာသို့ မျောပါကြ၏။ 18 ပြင်းထန်သော လီမုန်တိုင်းသည်လည်း အဆက်မပြတ် တိုက်ခတ်လေ၏။ ထို့ကြောင့် နောက်တစ်နိမ့်တွင် သူရိသသည် သင်္ဘော၌ပါသောဝန်များကို စတင်၍ ထုတ်ပစ်ကြ၏။ 19 သုံးရက်မြောက်သောနိမ့်၌ သင်္ဘောနှင့်ဆက်စပ်သော ကုန်တန်ဆာများကို ထုတ်ပစ်ကြ၏။ 20 လီပြင်းသည် ဆက်၍အားကောင်းနိန်သိမ့်သဖြင့် အကျွန်ရိသသည် ရက်အတန်ကြာ နီကိုမမြင်ရ၊ နက္ခတ်ကြယ်များကိုလည်း မမြင်ရကြပေ။ နောက်ဆုံး၌ အကျွန်ရိသသည် ကယ်တင်ခံရမည့် မျှော်လင့်ခြင်းပင် ကင်းမဲ့လေ၏။ 21 လူရိသသည် အစာမစားဘဲ အချိန်ကြာမြင့်စွာ နီကြပြီးနောက်၊ ပေါလုသည် သူရိသ၌ မတ်တက်ရပ်၍ “သင်ရဲ့ ငါ့စကားကို နားထောင်၍ ကရေတေကျွန်းမှ မခွာဘဲနိန်လျှင် ဤပျက်စီးဆုံးယှုံးခြင်းနှင့် ကင်းလွတ်ကြလိမ့်မည်။” 22 သို့သော် အဂုဏ္ဏား အားတင်းထားကြလော့။ သင်္ဘော ပျက်စီးခြင်းမှတစ်ပါး သင်ရဲ့အထဲတွင် တစ်ယောက်မျှ အသက်ဆုံးယှုံးရမည် မဟုတ်။ 23 အကြောင်းမူကား၊ ငါ့ကိုးကွယ်သော ငါ့အသျှင် ဘုရားသခင်၏ ကောင်းကင်တမန် တစ်ပါးသည် လွန်ခဲ့သောည၌ ငါ့ပါးသို့ လာပြီး၊ 24 ‘ပေါလု၊ မကြောက်ကေ့။ သင်သည် ဧကရာဇ်ဘုရင်၏ ရှိသို့ ရောက်ရမည်။ ဘုရားသခင်သည်လည်း သင့်ကို ထောက်ထား၍ သင်နှင့် အတူတကွ လိုက်လာသောသူအပေါင်းရဲ့အား အသက်ဘေးမှ လွတ်မြောက်စီလိမ့်မည်’ ဟု ဆို၏။ 25 ထို့ကြောင့် အချင်းလူရိ၊ အားတင်းထားကြလော့။ ငါသည် ဘုရားသခင်ကို ယုံကြည်သောသူဖြစ်သောကြောင့် ငါ့ကို ကောင်းကင်တမန် ဖော်ပြခံသည့်အတိုင်း ဖြစ်လာလိမ့်မည်။ 26 သို့ရာတွင်၊ ငါရဲ့ သင်္ဘောသည် ကျွန်းတချို့တွင် သောင်တင်လိမ့်မည်” ဟု ဆို၏။ 27 တစ်ဆယ့်လေးရက်မြောက်သောည၌ အကျွန်ရိသင်္ဘောသည် အာဒြိပင်လယ်ထဲတွင် လီတိုက်ရာသို့ မျောပါ နိန်၏။ ညဉ့်သန်းခေါင် အချိန်ခန့်တွင် သင်္ဘောသားရိသသည် ကမ်းနှင့် နီးလာသည်ဟု ထင်မှတ်ကြ၏။ 28 ထို့ကြောင့် သူရိသသည် ခီအတိမ်အနက်ကို စမ်းကြည့်သောအခါ အနက်ပေ ၁၂၀ ဟိကြောင်းကို တွေ့ရ၏။ ထိုမှ အနည်းငယ်လွန်သောအခါ တဖန်တိုင်းကြည့်လျှင် အနက်ပေ ၉၀ ဟိသည်ကို တွေ့ကြ၏။ 29 ထိုအခါ သူရိသ သင်္ဘောသည် ကျောက်ဆောင်များအား တိုက်မိမည်ကို စိုးရိမ်ကြ၏။ ထို့ကြောင့် သင်္ဘော၏ ပဲ့ပိုင်းမှ ကျောက်ဆူးလေးလက်ကို ချပြီး၊ မိုးလင်းပါစီဟု ဆုတောင်းကြ၏။ 30 ထို့နောက် သင်္ဘောသားရိသသည် ထိုသင်္ဘော၏ ဦးပိုင်းသို့ လား၍ ကျောက်ဆူးတချို့ကို ချဟန်ပြုပြီး အသက်ကယ်လောင်းကို လျှောချကာ ထွက်ပြီးခြင်းငှာ ကြိုးစားကြ၏။ 31 သို့ရာတွင် ပေါလုသည် တပ်မှူးနှင့် စစ်သားတို့အား၊ “သင်္ဘောသားရိ၊ သင်္ဘောထက်၌ မဟိလျှင် သင်ရိသသည် အသက်ချမ်းသာရခြင်းငှာ မျှော်လင့်ခြင်းမဟိ” ဟု ဆို၏။ 32 ထိုအခါ စစ်သားရိသသည် အသက်ကယ်လောင်းကြိုးကို ဖြတ်၍ လောင်းကို အောက်သို့ ချလိုက်ကြ၏။ 33 အရုဏ်မတက်မီ၊ ပေါလုသည် ထိုသူအပေါင်းရဲ့အား အစာ စားစီခြင်းငှာ တိုက်တွန်းလိုသောကြောင့် “သင်ရိသသည် ဇာပိုင်ဖြစ်မည်ကို အစာမစားဘဲ ဆက်တိုက် စောင့်မျှော်နိန်ကြသည်မှာ အခုဆိုလျှင် တစ်ဆယ့်လေးရက်ပင် ဟိခေါ့ပြီ။ 34 ထို့ကြောင့် သင်ရိသသည် အစာကိုစားကြရန် ငါတိုက်တွန်း၏။ သင်ရိသသည် အသက်ရှင်ကျန်ရစ်အလို့ငှာ လိုအပ်သောအရာဖြစ်၏။ သင်ရိ၏ ဦးဂေါင်းမှ ဆဲဒြီတစ်မျှင်မျှ ဆုံးယှုံးလိမ့်မည် မဟုတ်” ဟု ဆို၏။ 35 ထိုသို့ ပြောဆိုပြီးနောက်၊ ပေါလုသည် ပေါင်မုန့်တချို့ကို ယူလာပြီး သူရိအားလုံးရှိတွင် ဘုရားသခင်၏ ကျေးဇူးတော်ကို ချီးမွမ်းပြီးမှ မုန့်ကိုဖဲ့၍ ဝီမျှစားသုံးကြ၏။ 36 ထိုသူအပေါင်းရိသသည်လည်း စိတ်အားတက်လာပြီး အစားအစာတချို့ကိုယူ၍ စားကြ၏။ 37 ထိုသင်္ဘော၌ လိုက်ပါလာသော အကျွန်ရိသသည် အရီအတွက်အားဖြင့် ၂၇၆ ယောက် ဟိကြ၏။ 38 လူတိုင်း ဝလင်စွာ စားကြပြီးနောက် သင်္ဘောကို ပေါ့ပါးစီခြင်းငှာ ဂျံစပါးဟိသမျှကို ပင်လယ်ထဲသို့ ချပစ်ကြ၏။ 39 မိုးလင်းသောအခါ၊ သင်္ဘောသားရိသသည် မိမိရဲ့ မည်သည့်အရပ်ဒေသတွင် ရောက်နိန်ကြောင်းကို မသိကြသော်လည်း၊ ပင်လယ်ကွေ့ကမ်းဦး တစ်ခုကို တွေ့မြင်သဖြင့် ဖြစ်နိုင်လျှင် သင်္ဘောကို ထိုကမ်းဦးသို့ ထိုးတင်မည်ဟု ဆုံးဖြတ်ကြ၏။ 40 ထို့ကြောင့် သူရိသသည် ကျောက်ဆူးကြိုးများကို ပင်လယ်ထဲ၌ ဖြတ်ချထားခ၏။ တစ်ချိန်တည်း၌ ပဲ့ထိန်းတက်မ ကြိုးများကိုလည်း ဖြိုကြကာ

ဦးပိုင်းမှ သင်္ဘောရွက်ကိုလည်း ဖြန့်ဖွင့်ပြီး သင်္ဘောကို ကမ်းသို့ ရွက်တိုက်ပါလားစီ၏။ 41 သို့ရာတွင် သင်္ဘောသည် သဲသောင်တစ်ခုထက်တွင် တင်၍ ဦးပိုင်းသည် လှုပ်၍ မရဘဲဟိလေ၏။ သင်္ဘော၏ ပဲ့ပိုင်းကား လှိုင်းပုတ်သောကြောင့် ကျိုးလေ၏။ 42 ထိုအခါ စစ်သားတိက အကျဉ်းသားရှိသည် ကမ်းဖက်သို့ ရီကူး၍ ထွက်ပြီးလွတ်မြောက်လားမည်ကို စိုးရိမ်သောကြောင့် သူရိုအားလုံးကို အသိသတ်မည်ဟု စီစဉ်ကြ၏။ 43 သို့ရာတွင် တပ်မှူးသည် ပေါလုအား အသက်ချမ်းသာစီခြင်းငှာ အလိုဟိသောကြောင့် တပ်သားရှိ၏ အစီစဉ်ကို တားမြစ်ပြီး၊ ရီကူးနိုင်သော သူရိုသည် ခုန်ဆင်း၍ ကမ်းဖက်သို့ အယင် ကူးစီခြင်းငှာလည်းကောင်း၊ 44 ကျန်ခသောသူရိုသည် ပျဉ်ပြားမှစ၍ သင်္ဘော၏ အပိုင်းအစများကို စီး၍ ကူးစီခြင်းငှာလည်းကောင်း အမိန့်ပီးလေ၏။ ဤနည်းဖြင့် အကျွန်ရိုအားလုံးသည် အသက်ဘေးမှလွတ်၍ ကမ်းသို့ ရောက်ကြ၏။

28 အကျွန်ရိုသည် အသက်ဘေးမှလွတ်၍ ကမ်းထက်သို့ ရောက်သောအခါ ၎င်းကို မေလိတေကျွန်းဟု ခေါ်ကြောင်း သိရကြ၏။ 2 ထိုကျွန်းသူကျွန်းသားရှိသည် အကျွန်ရိုအား အလွန်ရင်းနှီးစွာ ချစ်ခင်ကြင်နာမှုကို ပြသကြ၏။ မိုးရွာ၍ ချမ်းသောကြောင့် ထိုသူရိုသည် မီးပုံတစ်ပုံကို ပိုပြီး အကျွန်ရိုအား ကြိုဆိုကြ၏။ 3 ပေါလုသည် ထင်းကို စုသိမ်း၍ မီးထဲ၌ ထည့်လေ၏။ ထိုအခါ မြို့တစ်ကောင်သည် မီးအပူဟိန်ကြောင့် ထွက်လာ၍ ပေါလု၏လက်ကို တွယ်တက်လျက်နိန်၏။ 4 ထိုအခါ ကျွန်းသားရှိက ပေါလုလက်၌ မြို့တွယ်တက်နိန်သည်ကို မြင်လျှင် “ဤသူသည် လူသတ်သမားဖြစ်မည်။ ပင်လယ်၌ အသက်ဘေးမှ လွတ်မြောက်လာသော်လည်း၊ ကံတရားက သူ့အား အသက်ရှင်ခြင်းငှာ အခွင့်မပီး” ဟု အချင်းချင်း ပြောဆိုကြ၏။ 5 သို့သော် ပေါလု၌ ဇာဘေးမျှ မဖြစ်ဘဲ ထိုမြို့ကို မီးထဲသို့ ခါချလိုက်၏။ 6 ဒေသခံရိုမူကား ပေါလုခန္ဓာသည် ရောင်ရမ်းလာပြီး လဲကျကာ သီဆုံးလားမည်ဟု ထင်မှတ်၍ စောင့်ကြည့်နိန်ကြ၏။ သို့ရာတွင် အချိန်ကြာမြင့်စွာ စောင့်ကြည့်နိန်သော်လည်း ပေါလု၌ ထူးခြားသောဖီး တစ်ခုမျှ ဖြစ်မလာသည်ကို မြင်ကြသောအခါ သူရို၏ထင်မှတ်ချက်သည် ပြောင်းလဲ၍ “ဤသူသည် နတ်ဘုရားတစ်ပါး ဖြစ်၏” ဟု ပြောဆိုကြ၏။ 7 ထိုအရပ်နှင့် မနီးမဝေးတွင် ပုလလိအမည်ဟိသော ကျွန်းသူကြီး ပိုင်ဆိုင်သော မြို့ယာများ ဟိ၏။ ထိုသူကြီးသည် အကျွန်ရိုကို ချစ်ခင်ကြင်နာစွာ ကြိုဆိုပြီး သုံးရက်ပတ်လုံး ကောင်းစွာ ဧည့်ခံကျွေးမွေးလေ၏။ 8 ပုလလိ၏ အဖသည် အပြင်းဖျားနှင့် ဝမ်းကိုက်ရောဂါများကို ခံစားရပြီး အိပ်ရာ၌ လဲနိန်၏။ ပေါလုသည်လည်း သူ၏အခန်းထဲသို့ လား၍ ဆုတောင်းပြီးနောက် သူ့အထက်၌ မိမိ၏လက်ကို တင်ကာ ကျန်းမာလာစီ၏။ 9 ထိုအခြင်းအရာများကြောင့် ကျွန်းထက်၌ဟိသော တခြား မကျန်းမာသောသူ အားလုံးသည်လည်း ပေါလုပါးသို့ ရောက်လာကြ၍ ကျန်းမာခြင်းကို ရကြလေ၏။ 10 သူရိုသည် များစွာသော လက်ဆောင်များကို အကျွန်ရိုအား ပီးကြလေ၏။ အကျွန်ရိုသည် ထိုမှ ရွက်ရွှင်ကြသောအခါလည်း လမ်းခရီး၌ လိုအပ်သော စားနပ်ရိက္ခာများကို သင်္ဘောထက်သို့ တင်ပို့ကြ၏။ 11 သုံးလလွန်သောအခါ အကျွန်ရိုသည် “နတ်သားအမြွှာ” ဟု ခေါ်သော အာလေဇန္ဒြီမြို့မှ လာသော သင်္ဘောကို စီး၍ ရွက်ရွှင်ကြ၏။ ထိုသင်္ဘောသည် ဆောင်းကာလပတ်လုံး ထိုကျွန်း၌ နီဖူးသော သင်္ဘောဖြစ်၏။ 12 အကျွန်ရိုသည် သုရကတ်မြို့သို့ ရောက်လျှင် သုံးရက်မျှနီထိုင်ကြ၏။ 13 ထိုမြို့မှ ရွက်ရွှင်ပြန်ရာ ရီဂျန်မြို့သို့ ရောက်ကြ၏။ နောက်တစ်နိ့တွင် တောင်လီသည် စတင် တိုက်ခတ်လာသောကြောင့်၊ နှစ်ရက်အကြာ၌ ပေါတယောလီမြို့သို့ ရောက်ကြ၏။ 14 ထိုမြို့၌ တချို့သော ယုံကြည်သူများနှင့် တွဲ၍ အကျွန်ရိုအား တစ်ပတ်ခန့်မျှ သူရိုနှင့်အတူ နီထိုင်ပီးစီခြင်းငှာ တောင်းပန်သည့်အတိုင်း နီကြလေ၏။ ထို့နောက်မှ အကျွန်ရိုသည် ရောမမြို့သို့ ခရီးပြုကြ၏။ 15 ရောမမြို့၌ ဟိသော ယုံကြည်သူများသည် အကျွန်ရို၏ သတင်းကို ကြားကြလျှင်၊ ကြိုဆိုခြင်းငှာ တချို့သည် အပွဲဈေးတိုင်အောင်လည်းကောင်း၊ တချို့သည် ဧည့်ရိပ်သာသုံးဆောင်ဟု ခေါ်သော အရပ်တိုင်အောင်လည်းကောင်း လာကြ၏။ ပေါလုသည် ထိုသူရိုကို မြင်သောအခါ ဘုရားသခင်၏ ကျေးဇူးတော်ကို ချီးမွမ်းလျက် ကြီးစွာ စိတ်အားတက်လေ၏။ 16 အကျွန်ရိုသည် ရောမမြို့သို့ ရောက်သောအခါ ပေါလုသည် မိမိအား

အစောင့်စစ်သား တစ်ယောက်နှင့်အတူ နီရသောအခွင့်ကို ရ၏။ 17 သုံးရက်လွန်သောအခါ၊ ပေါလုသည် ဒေသခံ ယုဒ ခေါင်းဆောင်တို့ကို တို့ဆုံခြင်းငှာ ခေါ်လေ၏။ ထိုသူရှိသည် စုရုံးလာကြသောအခါ ပေါလုက “ငါ၏ ညီအစ်ကို ကုသရေလူမျိုးရှိ ငါသည် မိမိအမျိုးသားရှိကိုလည်းကောင်း၊ ဘိုးစဉ်ဘောင်ဆက် ကျင့်သုံးသော ထုံးတမ်းစလေ့ကို သော်လည်းကောင်း မဆန့်ကျင်ခ သော်လည်း၊ ယုဒအမျိုးသားရှိသည် ငါ့ကို ယေရုဆလင်မြို့၌ ဖမ်းဆီးပြီး ရောမလူမျိုးရှိ၏ လက်သို့ အပ်လိုက်ကြ၏။ 18 သူရှိသည် ငါ့ကို စစ်ဆီးပြီးမှ ငါ၌ သီထိုက်သော အပြစ်တစ်စုံတစ်ခုမျှ မတို့သောကြောင့် လွတ်စီလိုကြ၏။ 19 သို့ရာတွင် ယုဒလူမျိုးရှိက ဆန့်ကျင်သောကြောင့် ငါသည် ဧကရာဇ်ဘုရင်ထံ၌ အယူခံဝင်ပါမည်ဟု ဆိုရပါ၏။ ထိုသို့ ပြုခြင်းမှာ မိမိလူမျိုးရှိကို အပြစ်တင်စွပ်စွဲစရာ တစ်စုံတစ်ခု ဟိသောကြောင့် မဟုတ်။ 20 ထို့ကြောင့် သင်ရှိအား တို့ဆုံခွင့်နှင့် ပြောဆိုခွင့်ကို ဤသို့ တောင်းရခြင်းဖြစ်ပါ၏။ ငါသည် ဤကဲ့သို့ သံကြီးများဖြင့် တုပ်နှောင်ခြင်းကို ခံရသည်မှာ ကုသရေလူမျိုးသားရှိ မျှော်လင့်နိုင်သော အသျှင်ကြောင့်သာ ဖြစ်၏” ဟု ပြောလေ၏။ 21 သူရှိကလည်း “သင်၏အကြောင်းကို ယုဒပြည်မှ ရီး၍ပီးလိုက်သော ဇာစာကိုမျှ အကျွန်ုပ်ရဲ့ မရဘဲ၊ အကျွန်ုပ်ရဲ့ လူတို့လည်း သင်၏အကြောင်းနှင့်ပတ်သတ်၍ မကောင်းသောအရာ တစ်စုံတစ်ခုကိုမျှ သတင်းပို့သောသူ သို့မဟုတ် ပြောသောသူ တစ်ယောက်မျှ မဟိကြပါ။ 22 သို့ပင်သျှောင် သင်၏ အယူအဆ အကြောင်းကိုမူ ငါရဲ့ နားထောင်လိုပါ၏။ အကြောင်းမူကား ဤဂိုဏ်းခွဲကို အရပ်ရပ်၌ ဟိသောလူတိက ဆန့်ကျင်ပြောဆိုနိုင်ကြသည်ကို ငါရဲ့သိကြ၏” ဟု ဆိုကြ၏။ 23 ထို့ကြောင့် သူရှိသည် ပေါလုကို ရက်ချိန်းပီးကြပြီး၊ ထိုနီရက် ရောက်လာသောအခါ များစွာသောလူရှိသည် ပေါလုတည်းခိုရာသို့ ရောက်လာကြ၏။ ပေါလုကလည်း ထိုသူရှိအား မိုးထဖက်မှ စ၍ ညမိုးချပ်သည်ထိတိုင်အောင် ဘုရားသခင်၏ နိုင်ငံတော်အကြောင်းကို ယုဒပြဟောပြောလေ၏။ ယေသျှု၏ အကြောင်းကို နားလည်ယုံကြည်စီခြင်းငှာ မောသျှု၏ပညတ္တိကျမ်းနှင့် ပရောဖက်ကျမ်းများမှ ကိုးကား၍ ကြိုးစားကာ ဟောပြောလေ၏။ 24 လူတချို့သည် ပေါလုဟောပြောချက်ကို နားလည်သဘောပေါက် လာကြသော်လည်း၊ အချို့မူကား မယုံကြည်ကြ။ 25 ထို့ကြောင့် သူရှိသည် အချင်းချင်း သဘောထားကွဲ၍ ထွက်လားကြသည်မှာ ပေါလု၏ နောက်ဆုံးသောစကားကို ကြားကြသောကြောင့် ဖြစ်၏။ ထိုစကားမူကား “သန့်ယုဒသောဝိညာဉ်တော်သည် သင်ရှိ၏ အဖိုးအဖိုးရှိကို ပရောဖက် ဟောသျှုယအားဖြင့် မိန့်တော်မူသော စကားသည်ကား၊ 26 “ဤလူမျိုးပါးသို့ လား၍ ဟောပြောကြလော။ သင်ရှိသည် နားထောင်ပြီးယင်း နားထောင်သော်လည်း၊ နားမလည်ကြ။ သင်ရှိသည် ကြည့်ပြီးယင်း ကြည့်ကတ်သော်လည်း၊ မတို့မြင်ကြ။ 27 အကြောင်းမူကား ဤလူရှိ၏စိတ်နှလုံးသည် မာကြောလျက်၊ နားသည်လည်း ထိုင်းလျက်၊ မျက်စိသည်လည်း ပိတ်လျက် ဟိကြ၏။ ထိုသို့ မဟုတ်ဘဲ၊ သူရှိမျက်စိသည် မြင်ကြလျက်၊ သူရှိ၏ နားသည်လည်း ကြားကြပြီး၊ သူရှိ၏ စိတ်နှလုံးသည် နားလည်ကြလျှင်၊ သူရှိသည် ငါ့ပါးသို့ လှည့်လာ၍ ငါသည်လည်း သူရှိ၏ အနာရောဂါကို ကျန်းမာစီမံမည် ဟူ၍ ဘုရားသခင် မိန့်တော်မူ၏” ဟု ဆိုလေ၏။ 28 ထို့နောက် ပေါလုကလည်း “သို့ ဖြစ်၍ ငါသည် သင်ရှိကို သိစိလိုသည်မှာ၊ ငါ့ဘုရားသခင်၏ ကယ်တင်ခြင်းတရားသည် တခြားလူမျိုးရှိအား ပီးလိုက်သည်ဖြစ်၍ သူရှိသည် နားထောင်ကြလိမ့်မည်” ဟု ဟောပြောကာ အဆုံးသတ်လေ၏။ 30 ပေါလုသည် ထိုမြို့တွင် မိမိ ငှားထားသောအိမ်၌ နှစ်နှစ်ပတ်လုံး နီ၍၊ မိမိအား လာရောက်တို့လိုသောသူ မှန်သမျှကို ကြိုဆိုလက်ခံလေ၏။ 31 ထိုသူရှိအား ဘုရားသခင်၏ နိုင်ငံတော်အကြောင်းနှင့် အသျှင်ယေသျှုခရစ်တော်၏ အကြောင်းအလုံးစုံကို ရဲရင့်စွာ လွတ်လွတ်လပ်လပ် ဟောပြောသွန်သင်လေ၏။

ရောမ

1 ဘုရားသခင်၏ သတင်းကောင်း တရားကို ဟောပြောခြင်းငှာ ဘုရားသခင်ရှိုးချယ်၍ ခေါ်တော်မူထားသော တမန်တော်တစ်ယောက်ဖြစ်သည့် ခရစ်တော်ယေသုရှု၏အစီခံ ငါ ပေါလုသည် စာရီးလိုက်ပါ၏။ **2** ကျမ်းစာတော်မြတ်၌ ရိုးထားသည့်အတိုင်း ဘုရားသခင်သည် ရှိုးလွန်လေပြီးသော ကာလကပင် သူ၏ပရောဖက်များအားဖြင့် ကတိပီးထားသော သတင်းကောင်းတရားဖြစ်သည်။ **3** ထိုသတင်းကောင်းတရားသည်ကား ဒါဝိဒ်၏ အမျိုးတစ်ယောက်အဖြစ်ဖြင့် လူ့ဇာတိကို ခံယူမွှီးဖွားလာသော ဘုရားသခင်၏သားတော် ငါရို့၏အသျှင် ယေသုရှုခရစ်တော်အကြောင်း ဖြစ်၏။ **4** သန့်ယှင်းသောဝိညာဉ်တော်၏ တန်ခိုးတော်သည် ထိုအသျှင်ကို သီခြင်းမှ ထမြောက်စီတော်မူခြင်းဖြင့် ဘုရားသခင်၏သားတော်ဖြစ်ကြောင်းကို ဖွင့်ပြတော်မူ၏။ **5** ဘုရားသခင်သည် ခရစ်တော်၏အကျိုးအလို့ငှာ တမန်တော်တစ်ယောက် ဖြစ်ရသောအခွင့်ထူးကို ထိုအသျှင်အားဖြင့် အကျွန်အား ပီးတော်မူ၏။ အကြောင်းမှာ လူသားအားလုံးသည် ကိုယ်တော်ကို ယုံကြည်၍ နာခံလိုက်လျှောက်ကြစီရန်ဖြစ်၏။ **6** ဤသို့အလို့ငှာ ဘုရားသခင်က ယေသုရှုခရစ်တော်ပါးသို့ ခေါ်ထားသောသူများထဲမှာ ရောမမြို့၌ ဟိကြသော သင်ရိုးလည်း ပါဝင်ကြ၏။ **7** ထို့ကြောင့် ဘုရားသခင်ချစ်တော်မူ၍ မိမိသန့်ယှင်းသူများဖြစ်စီခြင်းငှာ ခေါ်ထားတော်မူသော ရောမမြို့သူမြို့သား အားလုံးကို ငါစာရီးလိုက်ပါ၏။ **8** ပထမဦးဆုံးအနေဖြင့် ငါသည် သင်ရိုးအားလုံးအတွက် ငါ၏ဘုရားသခင်ကို ယေသုရှုခရစ်တော်အားဖြင့် ကျေးဇူးတင်ပါ၏။ အကြောင်းမူကား သင်ရိုး၏ယုံကြည်ခြင်း အကြောင်းကို တစ်ကမ္ဘာလုံးက ကြားသိနိန်ကြသောကြောင့် ဖြစ်၏။ **9** ငါသည် ဘုရားသခင်၏သားတော်အကြောင်း သတင်းကောင်းကို ဟောပြောလျက်၊ မိမိ၏စိတ်နှလုံးကို ပုံအပ်၍ ဘုရားသခင်၏အမှုတော်မြတ်ကို ဆောင်ရွက်နိန်သည်မှာ ဧကန် အမှန်ပင် ဖြစ်ကြောင်း ငါဆိုသည်မှာ ဘုရားသခင်သည် ငါ၏ သက်သီဖြစ်တော်မူ၏။ ငါသည် ဆုတောင်းသည့်အခါတိုင်း သင်ရိုးကို သတိရလျက်ဟိသည်ကို ဘုရားသခင် သိတော်မူ၏။ **10** ဘုရားသခင်သည် မိမိ၏ကောင်းမြတ်သော အကြံအစည်တော်အားဖြင့် သင်ရိုးပါးသို့ အဂ္ဂု အလည်လာနိုင်ခြင်းငှာ နောက်ဆုံးအနေဖြင့် ငါ့အား လုပ်ဆောင်ပီးပါရန် ငါသည် ဆုတောင်းလျက်ဟိ၏။ **11** ငါသည် သင်ရိုးကို အလွန်တို့ချင်ပါ၏။ အကြောင်းမှာ သင်ရိုးသည် ခိုင်ခန့်စီခြင်းငှာ ဝိညာဉ်ဆုကျေးဇူးတချို့ကို သင်ရိုးအား ဝိဌရန် ဖြစ်၏။ **12** ငါဆိုလိုသည်မှာ ငါ၏ယုံကြည်ခြင်း တရားကို သင်ရိုးအားလည်းကောင်း သင်ရိုး၏ယုံကြည်ခြင်းကို ငါ့အားလည်းကောင်း အချင်းချင်း အပြန်အလှန် အားပီးတိုက်တွန်းလို၍ ဖြစ်၏။ **13** ညီအစ်ကို မောင်နှမရို့၊ ငါသည် တခြားလူမျိုးတို့ ပြောင်းလဲလာသကဲ့သို့၊ သင်ရိုးကိုလည်း ပြောင်းလဲလာစီချင်သောကြောင့်၊ သင်ရိုးပါးသို့ လာဖို့ အကြိမ်ကြိမ် စီစဉ်သော်လည်း ထိုခရီး မထမြောက်အောင် အမြဲတမ်း တားဆီးခြင်းကို ခံနိန်ရသည်ကို သင်ရိုးအား သိစီလိုပါ၏။ **14** အကြောင်းမူကား လူယဉ်ကျေးဖြစ်စီ၊ လူရိုင်းဖြစ်စီ၊ ပညာဟိဖြစ်စီ၊ ပညာမဲ့ဖြစ်စီ၊ လူသားအားလုံးအတွက် ငါမှာ တာဝန်ဟိ၏။ **15** သို့ဖြစ်၍ ငါသည် ရောမမြို့၌ နီထိုင်ကြသော သင်ရိုးကိုလည်း သတင်းကောင်းတရား ဟောပြောခြင်းငှာ စိတ်အားထက်သန်လျက် ဟိ၏။ **16** ငါသည် သတင်းကောင်းတရားတော်၌ ယုံကြည်ခြင်း အပြည့်ဟိပါ၏။ အကြောင်းမူကား၊ ဤတရားသည် ရှိုးဦးစွာ၌ ယုဒလူ၊ ထို့နောက် တခြားလူမျိုးတို့နှင့်တကွ ယုံကြည်သူအားလုံးကို ကယ်တင်ခြင်းပီးနိုင်သော ဘုရားသခင်၏တန်ခိုးတော် ဖြစ်သောကြောင့် ဖြစ်၏။ **17** အကြောင်းမူကား “ဖြောင့်မတ်သောသူသည် ယုံကြည်ခြင်းအားဖြင့် အသက်ရှင်လိမ့်မည်” ဟု ကျမ်းစာက ပြောထားသည်နှင့်အညီ၊ အစမှ အဆုံးတိုင်အောင် ယုံကြည်ခြင်းအားဖြင့် ဘုရားသခင်သည် မိမိ၏မျက်မှောက်တော်တွင် ငါရို့အား ဖြောင့်မတ်ခြင်းတရား၌ ဇာပိုင် တည်နိုင်သည်ဆိုစွာကို ဤသတင်းကောင်းတရားတော်က ဖော်ပြထား၏။ **18** လူသားတို့၏အပြစ်များနှင့် ဒုစရိုက်များကို ဆန့်ကျင်လျက် ဘုရားသခင်၏အမျက်တော်ကို ကောင်းကင်ဘုံမှ ဖော်ပြလျက်ဟိ၏။ ထို့အပြင်

လူတို့သည် ဒုစရိုက်အပြစ်များကို ပြုခြင်းဖြင့် သမ္မာတရားကို သိခြင်းငှာ တားဆီးပိတ်ပင်ခြင်းကို ခံနိုင်ကြရ၏။ 19 အကြောင်းမူကား ဘုရားသခင်သည် မိမိနှင့်ပတ်သက်၍ သိအပ်သောအရာများကို ထိုသူရိအား ဖော်ပြတော်မူပြီဖြစ်၍ ထိုအရာများသည် သူရိ၌ ထင်ရှားလျက်ရှိ၏။ 20 အကြောင်းမူကား ဖန်ဆင်းထားသောအရာများကို ထောက်ရှုခြင်းဖြင့် မျက်မြင်မရနိုင်သော အရာများဖြစ်ကြသည့် ဘုရားသခင်၏ထာဝရတန်ခိုးတော်နှင့် ဘုရား၏သဘောသဘာဝတို့သည် လောကကို ဖန်ဆင်းတော်မူစဉ်ကပင် ထင်ရှားစွာ ဟိတော်မူပြီးဖြစ်၏။ ထို့ကြောင့် သူရိသည် ကိုယ့်အပြစ်ကို မဖုံးနိုင်ရာ။ (aīdios g126) 21 ထိုသူရိသည် ဘုရားသခင်ကို သိကြသော်လည်း ဘုရားသခင်၏ ဂုဏ်တော်ကို ချီးမွမ်းခြင်းမဟုတ်သည့်အပြင် ကျေးဇူးတော်ကိုလည်း အသိအမှတ်မပြုကြ၊ အဓိပ္ပာယ်မဟီသော အရာတို့ကို တွီးတောလျက် သူရိ၏အသိဉာဏ်ကင်းမဲ့သောစိတ်နှလုံးကို အမှောင်ဖုံးလျက်ဟိကြ၏။ 22 သူရိသည် မိမိကို မိမိ ပညာဟီဟု ပြောဆိုလျက်ဟိကြသော်လည်း ပညာမဟီသော သူများသာ ဖြစ်ကြ၏။ 23 အကြောင်းမူကား သူရိသည် မဖောက်ပြန်၊ မပျက်စီးတတ်သော ဘုရားသခင်ကို ကိုးကွယ်ဝတ်ပြုမည့်အစား ဖောက်ပြန်ပျက်စီးတတ်သော လူ သို့မဟုတ် ငှက် သို့မဟုတ် တိရစ္ဆာန် သို့မဟုတ် တွားလားသတ္တဝါ ကဲ့သို့သော ရုပ်တုများကို ကိုးကွယ်ဝတ်ပြုလျက်ဟိကြ၏။ 24 ထို့ကြောင့် ဘုရားသခင်သည် ထိုသူရိအား မိမိ၏ကိလေသာစိတ် ညစ်ညူးခြင်းအမှုကို ပြုခြင်းငှာ စွန့်ပစ်ထားတော်မူ၏။ သို့ဖြစ်၍ သူရိသည် အချင်းချင်း ရှက်ဖွယ်သော အမှုကို ပြုကြ၏။ 25 သူရိသည် ဘုရားသခင်၏သမ္မာတရားကို မုသားနှင့် လုံလှယ်၍ ထာဝရချီးမွမ်းဖွယ်ရာ ဖြစ်တော်မူသော ဖန်ဆင်းသျှင် ကိုယ်စား ဘုရားသခင် ဖန်ဆင်းထားသော အရာများကိုသာ ကိုးကွယ်ဝတ်ပြုလျက် ထိုအရာများ၏အမှုကိုသာ ဆောင်ရွက်နိုင်ကြ၏။ အာမင်။ (aīōn g165) 26 သူရိသည် ဤအရာများကို ပြုမှုနိုင်ကြသောကြောင့် ဘုရားသခင်သည် သူရိအား ရှက်ကြောက်ဖွယ်သော ကိလေသာလက်ထဲသို့ စွန့်ပစ်တော်မူ၏။ မိန်းမရိသည် သဘာဝနှင့်လျော်ညီသောဆက်ဆံခြင်း ထုံးစံကို စွန့်၍ ပကတိနှင့် ဆန့်ကျင်ဖက် ထုံးစံသို့ လိုက်ကြ၏။ 27 ထို့အတူ၊ ယောက်ျားရိသည်လည်း မိန်းမနှင့် သဘာဝနှင့်လျော်ညီသောဆက်ဆံခြင်း ထုံးစံကို စွန့်၍ အချင်းချင်း ကိလေသာစိတ်ပူလောင်လျက် ယောက်ျားအချင်းချင်း ရှက်ကြောက်ဖွယ်သော အမှုကိုပြုကြ၏။ သို့ဖြစ်၍ သူရိသည် မိမိရဲ့ပြုမှားသောအပြစ်အတွက် ခံထိုက်သောပြစ်ဒဏ်ကို မိမိရဲ့ထက်မှာ သွန်းလောင်းကြ၏။ 28 ထိုသူရိသည် စိတ်ထဲ၌ ဘုရားသခင်၏ မှန်သော အသိပညာကို လက်မခံကြသောကြောင့် ဘုရားသခင်သည် သူရိအား မပြုအပ်သော အမှုကို ပြုစီခြင်းငှာ ယုတ်ညံ့သောစိတ်သို့ အပ်လိုက်တော်မူ၏။ 29 သူရိသည် ဒုစရိုက်အမျိုးမျိုးကို ကျင့်ခြင်း၊ ဆိုးညစ်ခြင်း၊ လောဘ လွန်ကျူးခြင်း၊ မနာလိုခြင်း၊ လူအသက်ကို သတ်ခြင်း၊ ခိုက်ရန်ဖြစ်ပွားခြင်း၊ လိမ်ညာလှည့်ပတ်ခြင်း၊ သူတစ်ပါးကို အမြင်ကပ်ခြင်း၊ အတင်းပြောခြင်း၊ 30 ဆဲရေးတိုင်းထွာခြင်း၊ ဘုရားသခင်ကို မုန်းခြင်း၊ မောက်မာခြင်း၊ ဝါကြွားခြင်း၊ ဒုစရိုက်ပြုမည့် နည်းလမ်းတို့ကိုသာ တွီးတောကြံစည်ခြင်း၊ မိဘစကားကို နားမထောင်ခြင်း၊ 31 ဆင်ခြင်တုံတရား ကင်းမဲ့ခြင်း၊ ကတိမတည်ခြင်း၊ သူတစ်ပါးကို သနားကြင်နာစိတ် ကင်းမဲ့ခြင်းများဖြင့် ပြည့်စုံလျက်ဟိကြ၏။ 32 ထိုသို့သော ကျင့်သောသူရိသည် သီပြစ်ကို ခံထိုက်သည်ဟု ဘုရားသခင်၏ပညတ်တရားက မိန့်မှားထားသည်ကို သူရိသည် သိလျက်ပင်၊ ကိုယ်တိုင် ကျင့်ကြသည်သာမက ထိုသို့ ကျင့်သောသူတို့ကိုလည်း အားပီးအားမြှောက် ပြုလျက်ဟိကြ၏။

2 မိတ်ဆွှံ၊ သင်သည် တခြားလူတို့ကို အပြစ်စီရင် ပါသလော၊ သင် ဇာပိင်လူ ဖြစ်နိုင်ပါစီ၊ တခြားလူတို့ကို အပြစ်စီရင်ပိုင်ခွင့် မဟီ။ အကြောင်းမူကား သင်သည် တခြားလူတို့ကို အပြစ်စီရင်ပြီးနောက် သူရိ နည်းတူ အပြစ်လုပ်တတ်လေဟီသောကြောင့် သင်သည် မိမိကိုယ်ကို အပြစ်စီရင်ခြင်းဖြစ်၏။ 2 ဘုရားသခင်က ထိုကဲ့သို့ ပြုသူများကို အပြစ်စီရင်ခြင်းသည် သမ္မာတရားနှင့် ကိုက်ညီသည်ဟု ငါရို့သိကြ၏။ 3 သို့ရာတွင် ငါ့ မိတ်ဆွှံ၊ သင်သည် ထိုသို့သောအမှုကို ကိုယ်တိုင်ပြုလျက်နှင့်ပင် တခြားလူတို့ကို အပြစ်စီရင်သော သင်သည် ဘုရားသခင်၏တရားစီရင်ခြင်းမှ လွတ်လိမ့်မည်ဟု ထင်မှတ်နိုင်ပါသလား။ 4 သို့တည်းမဟုတ် ဘုရားသခင်၏ မဟာကရုဏာတော်နှင့် သည်းခံတော်မူခြင်း၊ စိတ်ရှည်တော်မူခြင်းကို မထီမဲ့မြင် ပြုနိုင်ပါသလား။ ဘုရားသခင်သည် သင့်ကို နောင်တသို့ သွီးဆောင်နိုင်သောကြောင့်

ကိုယ်တော်သည် ကရုဏာတော်သျှင် ဖြစ်တော်မူကြောင်းကို သင်သည် အသေအချာ သိကြ၏။ 5 သို့ရာတွင် သင်ရှိသည် စိတ်နှလုံးခိုင်မာကြပြီး နောင်တမရကြ၊ ဘုရားသခင်၏အမျက်တော်ခံရာခံရန်ရက်၌ မိမိရှိ၏အပြစ်ကို သာ၍ ကြီးလေးအောင် လုပ်နိုင်ကြသောကြောင့် ကိုယ်တော်၏ဖြောင့်မတ်သော တရားစီရင်ခြင်းသည် ထင်ရှားလာလိမ့်မည်။ 6 အကြောင်းမူကား ဘုရားသခင်သည် လူအသီးသီးရှိအား မိမိရှိ ကျင့်သည့်အတိုင်း အကျိုးအပြစ်ကို ပီးတော်မူလိမ့်မည်။ 7 ကောင်းသောအကျင့်ကို အမြဲကျင့်လျက် ဘုန်းတန်ခိုးတော်နှင့် ဂုဏ်တော်ကိုလည်းကောင်း၊ ဖောက်ပြန် ပျက်စီးခြင်းမဟိသောအသက်ကိုလည်းကောင်း ရှာသော သူရှိအား ဘုရားသခင်က ထာဝရအသက်ကို ပီးတော်မူလိမ့်မည်။

(aiōnios g166) 8 သို့ရာတွင် တစ်ကိုယ်ကောင်းဆန်၍ မတရားသောအမှုကို ပြုခြင်းငှာ သမ္မာတရားကို ငြင်းပယ်သောသူရှိအား ဘုရားသခင်က မိမိ၏အမျက်ဒေါသကို သွန်းလောင်းတော်မူလိမ့်မည်။ 9 ပထမဆုံး ယုဒလူ၊ ထို့နောက် တခြားလူမျိုးမှစ၍ ဆိုးယုတ်သောအကျင့်ကို ကျင့်သမျှသော သူရှိသည် ဆင်းရဲဒုက္ခဝေဒနာကို ခံစားကြရလိမ့်မည်။ 10 သို့ရာတွင် ပထမဆုံး ယုဒလူ၊ ထို့နောက် တခြားလူမျိုးမှစ၍ ကောင်းသော အကျင့်ကို ကျင့်သမျှသော သူတို့အား ဘုရားသခင်က ဘုန်းတန်ခိုး ဂုဏ်အသရေနှင့် ငြိမ်သက်ခြင်းကို ပီးတော်မူလိမ့်မည်။ 11 အကြောင်းမူကား ဘုရားသခင်သည် လူတိုင်းကို တန်းတူထား၍ တရားစီရင်တော်မူ၏။ 12 တခြားလူမျိုးတို့မှာ မောသျှေ၏ပညတ်တရားဟူ၍ မဟိကြ၊ သူရှိသည် ဒုစရိုက်အပြစ် ကို ပြစ်မှား၍ ပညတ်တရားမဲ့ ပျက်စီးခြင်းသို့ ရောက်ကြရ၏။ ယုဒလူမျိုးတို့မှာ မောသျှေ၏ပညတ်တရား ဟိကြ၏။ သူရှိသည် ဒုစရိုက်အပြစ် ကို ပြစ်မှား၍ ပညတ်တရားဖြင့် အပြစ်စီရင်ခြင်းကို ခံရကြ၏။ 13 အကြောင်းမူကား၊ တရားနာသောသူများသည် ဘုရားသခင်ရှိ ၌ ဖြောင့်မတ်သည် မဟုတ်၊ တရားကို ကျင့်သောသူတိသာလျှင် ဖြောင့်မတ်ရာ ရောက်၏။ 14 အခြားလူမျိုးရှိမှာ ပညတ်တရားဟူ၍ မဟိကြ၊ သို့သော်လည်း သူရှိသည် ဇာအချိန်ခါမဆို မိမိသဘောဖြင့် ပညတ်တရား၏မိန့်မှာချက်များကို ကျင့်ကြသောအခါ သူရှိမှာ ပညတ်တရားမဟိသော်လည်း ထိုပညတ်တရား၏မိန့်မှာချက်များသည် သူရှိ၏ ကိုယ်ပိုင်တရား ဖြစ်လာကြ၏။ 15 ထို့ကြောင့် ပညတ်တရား၏မိန့်မှာချက်တို့ကို သူရှိ၏နှလုံးသားထဲမှာ ရီးသားထားကြောင်းကို သူရှိ၏အပြုအမူက ဖော်ပြနိုင်၏။ သူရှိ၏ အတွေးထဲမှာလည်း တစ်ခါတရံ ကိုယ့်ကိုကိုယ် အပြစ်တင်လျက် တစ်ခါတရံ ကိုယ့်ကို ကိုယ် ကာကွယ်လျက် ဤပညတ်တရားများသည် အမှန်ဖြစ်ကြောင်းကို သူရှိ၏အသိစိတ်က ဖော်ပြလျက်ဟိ၏။ 16 သို့ဖြစ်၍ ငါဟောပြောသော သတင်းကောင်းတရားသည်ကား ဘုရားသခင်သည် လူတိစိတ်နှလုံးထဲ၌ လျှို့ဝှက်ထားသမျှသောအကြံအစည်များကို ယေသျှုခရစ်တော်အားဖြင့် တရားစီရင်မည့်နိုင်ရန်၌ ဇာပိုင်ဖြစ်လာမည်ကို ဟောပြောခြင်းဖြစ်၏။ 17 သင်ရှိသည် မိမိကို မိမိ ယုဒလူဟု ပြောဆိုနိုင်သောသူ၊ ပညတ်တရားကို အမှီပြုလျက် ဘုရားသခင်နှင့်ပတ်သက်၍ ဝါကြွားနိုင်သောသူ၊ 18 ဘုရားသခင်၏အလိုတော်ကို သိသောသူ၊ ဖြောင့်မတ်ခြင်းတရားကို ပညတ်တရားမှ သင်ယူထားသောသူ၊ 19 လူကန်းတို့ကို လမ်းပြသောသူ၊ မှောင်မိုက်ထဲမှာ ဟိနိုင်ကြသော လူတိအတွက် အလင်းဖြစ်သောသူ၊ 20 လူမိုက်တို့ကို ဆုံးမတတ်သောသူ၊ ပညာမဲ့သောသူတို့ကို သွန်သင်ပီးတတ်သောသူ၊ ပညတ်တရားထဲ၌ဟိသော ပညာတရားနှင့် သမ္မာတရားဆိုင်ရာများကို သိသောသူဖြစ်သည်ဟု ကိုယ့်ကိုယ်ကို ထင်မှတ်လျှင်၊ 21 သင်သည် တခြားလူတို့ကို ဆုံးမလျက်ပင် မိမိကိုယ်ကို ဇာကြောင့် မဆုံးမသနည်း။ သူ့ဥစ္စာကို မဆုံးရဟု ဟောပြောလျက်ပင် မိမိကိုယ်တိုင် ခိုးနိုင်ပါကား။ 22 သူ့မယားကို မပြစ်မှားနှင့်ဟု ဆုံးမလျက်ပင် ကိုယ်တိုင် ပြစ်မှားနိုင်ကတ်ပါကား။ ရုပ်တု ဆင်းတုများကို စက်ဆုပ်ရွံ့ယှာလျက်ပင် ဗိမာန်တော်ကို လုယူနိုင်ကတ်ပါကား။ 23 သင်ရှိသည် ဘုရားသခင်၏ပညတ်တရား ဟိကြောင်းကို ဝါကြွားလျက်ဟိကြ၏။ သို့သော်လည်း သင်ရှိသည် ဘုရားသခင်၏ပညတ်တရားကို လွန်ကျူးကာ ဘုရားသခင်ကို မရှိမသိပြုနိုင်ပါသလော။ 24 “သင်ရှိ ယုဒလူမျိုးကြောင့် တခြားလူမျိုးရှိသည် ဘုရားသခင်ကို ကဲ့ရဲ့ပြောဆိုကြ၏” ဟု ကျမ်းစာလာ၏။ 25 သင်သည် ပညတ်တရားကို ကျင့်လျှင် သင်၏အရိဖျားလှီးခြင်းသည် အကျိုးဟိ၏။ သို့ရာတွင် သင်သည် ပညတ်တရားကို မကျင့်လျှင်

သင်၏အရီဖျားလှီးခြင်းသည် အရီဖျား မလှီးသည်နှင့် အတူတူသာဖြစ်၏။ 26 ထို့ပြင် အရီဖျားလှီးခြင်းကို မခံယူသော တခြားလူမျိုးတစ်ယောက်သည် ပညတ်တရား၏မိန့်ဆိုချက်များကို ကျင့်လျှင် ထိုသူသည် အရီဖျားလှီးခြင်းကို မခံယူသော်လည်း ဘုရားသခင်က သူ့ကို အရီဖျားလှီးခြင်းကို ခံယူထားသောသူဟူ၍ မှတ်ယူမည် မဟုတ်ပါ။ 27 ထို့အပြင် သင်ရီယုဒလူမျိုးတို့သည် ပညတ်တရားဟိ၍ အရီဖျားလှီးခြင်းကို ခံယူထားသော်လည်း ပညတ်တရားကို လွန်ကျူးလျှင် အရီဖျားလှီးခြင်းကို မခံယူသော်လည်း ပညတ်တရားကို နာခံကြသော တခြားလူမျိုးတို့၏ အပြစ်စီရင်ခြင်းကို ခံရကြလိမ့်မည်။ 28 အားလုံးကို ခြုံငုံပြောရလျှင် ဇာသုသည် အရီဖျားလှီးခြင်းကို ခံယူထားသော ယုဒလူ အစစ်အမှန် တစ်ယောက် ဖြစ်သနည်း။ အပြင်ပန်းအားဖြင့် ရုပ်ပိုင်းဆိုင်ရာ အရီဖျား လှီးထားခြင်းသည် ယုဒလူမျိုးတစ်ယောက် မဟုတ်ပေ။ 29 အမှန်ပြောရလျှင် အတွင်းနှလုံးသားအရီဖျားကို လှီးထားသော သူတစ်ယောက်သည်သာ စစ်မှန်သော ယုဒလူဖြစ်ပေ၏။ ဤအမှုသည်ကား ဘုရားသခင်၏ဝိညာဉ်တော် လုပ်ဆောင်ခြင်းဖြစ်၏။ ပညတ်တရားနှင့် မသက်ဆိုင်။ ထိုသို့သောသူသည် လူအများ၏ချီးမွမ်းခြင်းကို မခံရသော်လည်း ဘုရားသခင်၏ချီးမွမ်းခြင်းကို ခံရပေ၏။

3 ထိုသို့ဖြစ်လျှင် ယုဒလူမျိုးတို့သည် တခြားလူမျိုးတို့ထက် ဇာထူးခြားမှု ဟိပါသိမ့်လဲ။ သို့တည်းမဟုတ် အရီဖျားလှီးခြင်းကို ခံယူခြင်းအားဖြင့် ဇာအကျိုး ဟိပါလဲ။ 2 အမှန်ဆိုရလျှင် အဖက်ဖက်၌ အကျိုးကျေးဇူး များစွာဟိပါ၏။ ဘုရားသခင်သည် မိမိ၏ဗျာဒိတ်တော်ကို ယုဒလူမျိုးများအား ပထမဦးစွာ ပီးအပ်ခ၏။ 3 သို့ရာတွင် ယုဒလူမျိုးတချို့သည် သစ္စာမဟိပါ။ ဘုရားသခင်သည် သစ္စာမဟိဟု ဆိုပါမည်လော။ 4 လုံးဝ မဆိုနိုင်ပါ။ လူတိုင်းသည် မုသာတရား၌ ကျင်လည်နိုင်ကြသော်လည်း ဘုရားသခင်၏သစ္စာတော်သည် အစဉ်အမြဲ တည်တော်မူ၏။ သို့ဖြစ်၍ ကျမ်းစာလာသည်ကား၊ “ကိုယ်တော်သည် မိန့်တော်မူသောအခါ ဖြောင့်မတ်ကြောင်းကို ပြတော်မူ၏။ သို့ဖြစ်၍ ကိုယ်တော်သည် တရားစီရင်ခြင်းကို ရင်ဆိုင်သောအခါ မိမိအမှု၌ အောင်မြင်တော်မူ၏” ဟူ၍ ဖြစ်၏။ 5 သို့ရာတွင် ငါရီ၏ပြစ်မှားခြင်းသည် ဘုရားသခင်ဖြောင့်မတ်တော်မူကြောင်းကို သာ၍ ထင်ရှားစီသလော။ ဘုရားသခင်သည် ငါရီအား အပြစ်ပီးတော်မူသောအခါ မှားသည်ဟု ငါရီက ပြောနိုင်မည်လော။ ထိုသို့ဆိုသော် လူ့ဇာတိသဘောအတိုင်း ငါဆိုခြင်း ဖြစ်လိမ့်မည်။ 6 ထိုသို့ မဆိုနိုင်။ ဘုရားသခင်သည် တရားမျှတမှုမဟိလျှင် လောကသားတို့ကို ဇာပိုင် တရားစီရင်တော်မူမည်နည်း။ 7 သို့သော် ငါ၏ မမှန်သော သဘောသည် ဘုရားသခင်၏ အမှန်တရားကို သာ၍ ထင်ရှားစီပြီး ဘုရားသခင်၏ဘုန်းတော်ကို တိုးပွားစီသလော။ ထိုသို့ဆိုလျှင် ငါအား အပြစ်သားတစ်ယောက်ကဲ့သို့ ဇာကြောင့် အပြစ်စီရင်နိုင်ကြသနည်း။ 8 ထိုအခါ လူတချို့က “ငါရီသည် ကောင်းကျိုးဖြစ်လာဖို့ မကောင်းသော အကျင့်ကို ငါရီ ကျင့်ကတ်မေ” လို့ ဇာကြောင့် မပြောလဲ ဟူ၍ ငါပြောသည့်စကားဖြင့် ငါ့ကို စွပ်စွဲပြီး ငါအား အပြစ်တင်ကြ၏။ ထိုသူရီသည် မိမိရီ ပြုသည့်အတိုင်း ထိုက်တန်သည့်ပြစ်ဒဏ်စီရင်ခြင်းကို ခံကြရလိမ့်မည်။ 9 သို့ဖြစ်လျှင် ငါရီ ယုဒလူမျိုးတို့သည် တခြားလူမျိုးတို့ထက် သာ၍ ကောင်းမြတ်သောသဘော ဟိသလော။ လုံးဝ မဟိပါ။ အကြောင်းမူကား၊ ယုဒလူမျိုးနှင့် တခြားလူမျိုးအားလုံးသည် အပြစ်တရားအောက်မှာ အတူတူ ဟိနိုင်ကြသည်ကို ငါဖော်ပြခဲ့ပြီးဖြစ်၏။ 10 ကျမ်းစာလာသည်ကား၊ “ဖြောင့်မတ်သောသူဟူ၍ တစ်ယောက်မျှ မဟိ။ 11 ပညာဟိသောသူဟူ၍ မဟိ။ ဘုရားသခင်ကို ရှာသောသူ မဟိ။ 12 လူတို့အားလုံး ဘုရားသခင်ပါးမှ လမ်းလွဲသားကြပြီ။ သူရီအားလုံး မှားနိုင်ကြပြီ။ ဖြောင့်မတ်ခြင်းတရားကို ကျင့်သောသူမဟိ။ တစ်ယောက်မျှ မဟိ။ 13 သူရီ၏စကားသည် ရွံ့မုန်းစရာကောင်းသော လှည့်ဖြားခြင်းနှင့် ပြည့်လျက်ဟိ၏။ သူရီ၏လျှာသည် မတရားသော လိမ်လည်လှည့်ဖြားခြင်း၌ ကျင်လည်ကြ၏။ သူရီ၏နှုတ်ခမ်းများ၌ အန္တရာယ်ကြီးသော မြို့ဆိုးအဆိပ်သည် ဟိကြ၏။ 14 သူရီ၏စကားသည် ခါးသီးသော ကျိန်ဆဲခြင်းနှင့် ပြည့်လျက်ဟိကြ၏။ 15 သူရီသည် နာကျင်စီခြင်းငှာလည်းကောင်း အသိသတ်ခြင်းငှာလည်းကောင်း လျင်မြန်တတ်၏။ 16 သူရီရောက်လေရာအရပ်၌ ပျက်စီးခြင်းနှင့် ဒုက္ခဆင်းရဲခြင်းများကို ထားခကြ၏။ 17 သူရီသည် ငြိမ်းချမ်းသောလမ်းကို မသိကြ။ 18 သူရီက ဘုရားသခင်သည် ကြောက်စရာမလိုဟု ခံယူထားကြ၏” ဟူ၍ ဖြစ်၏။ 19 ပညတ်တရား၏ မိန့်မှာချက်ဟူသမျှသည်

ပညတ်တရားအောက်၌ အသက်ရှင်နိုင်ကြသောသူရှိ၌ သက်ရောက်မှုဟိသည်ကို ငါရှိသည် အဂ္ဂ သိကြသည်ဖြစ်၍ လူသားအားလုံးသည် စကားတခွန်းမျှ ပြောခွင့်မဟိဘဲ လောကတစ်ခုလုံးသည် ဘုရားသခင်၏ တရားစီရင်ခြင်းအောက်၌ သက်ရောက်နိုင်၏။ 20 ထို့ကြောင့် ပညတ်တရားအလိုကို လိုက်လျှောက်ခြင်းဖြင့် ဘုရားသခင်၏မျက်မှောက်၌ မည်သူမျှ ဖြောင့်မတ်သောသူတစ်ယောက် မဖြစ်လာနိုင်။ ပညတ်တရားသည်ကား လူသားတို့သည် အပြစ်ကျူးလွန်ကြကြောင်းကို သိကြစီခြင်းငှာ ဖော်ပြလျက်ဟိ၏။ 21 သို့ရာတွင် အဂ္ဂအခါ၌ ဘုရားသခင်သည် မိမိ၏ဖြောင့်မတ်ခြင်းတရားလမ်းကို ကိုယ်တော်တိုင် ဖော်ပြထား၏။ မောသျှနှင့် ပရောဖက်များ၏ပညတ္တိကျမ်းသည် ထိုဖြောင့်မတ်ခြင်းတရားကို သက်သိခံ၍ ရိုးထားခသည်ဖြစ်သော်လည်း ပညတ်တရားဖြင့် ကျင့်ကြရန် မပါဟိပေ။ 22 ဘုရားသခင်သည် ယေသျှုခရစ်တော်၌ ယုံကြည်ခြင်းအားဖြင့် လူတို့ကို ဖြောင့်မတ်ရာသို့ ရောက်စီတော်မူ၏။ လူအားလုံးသည် ကွဲပြားခြားနားခြင်း လုံးဝမဟိသောကြောင့် ယေသျှုခရစ်တော်၌ ယုံကြည်သောသူအားလုံးကို ဤဖြောင့်မတ်ရာသို့ ရောက်စီတော်မူခြင်းဖြစ်၏။ 23 အကြောင်းမူကား၊ လူအယောက်စီတိုင်းသည် ဒုစရိုက်အပြစ်ကို ပြုလုပ်ကြသည်ဖြစ်၍ ဘုရားသခင်၏ကယ်တင်ခြင်းနှင့် ဝီးကွာလားရလေ၏။ 24 သို့ရာတွင် ဘုရားသခင်၏ကျေးဇူးတော်သည်ကား ခရစ်တော်ယေသျှုအားဖြင့် လူတို့ကို အပြစ်မှ လွတ်ပီးကာ ဖြောင့်မတ်ရာသို့ ရောက်စီတော်မူ၏။ 25 ဘုရားသခင်သည် ခရစ်တော်ကို ပူဇော်တော်မူ၏။ အကြောင်းမှာ ထိုခရစ်တော်၌ ယုံကြည်ကြသော လူအပေါင်းရှိသည် ကိုယ်တော်၏အသွီးတော်အားဖြင့် မိမိရှိ၏အပြစ်မှ လွတ်မြောက်ရန်ဖြစ်၏။ အတိတ်ကာလ၌ ဘုရားသခင်သည် သည်းခံတော်မူသည်ဖြစ်၍ လူတို့ အပြစ်များကို မှတ်တော်မမူခပေ။ 26 ဤသည်ကား အဂ္ဂအချိန်အခါ၌ မိမိ၏ဖြောင့်မတ်ခြင်းကို ထင်ရှားစီရန်နှင့် ဘုရားသခင်ကိုယ်တော်တိုင် ဖြောင့်မတ်သောအသျှင်ဖြစ်တော်မူပြီး ယေသျှုကို ယုံကြည်သောသူအား ဖြောင့်မတ်သည်ဟုအသိအမှတ်ပြုတော်မူရန်ဖြစ်၏။ 27 သို့ဖြစ်၍ ငါရှိမှာ ဝါကြားစရာ အကြောင်း ဟိနိုင်ပါမည်လော။ လုံးဝမဟိနိုင်။ ဝါကြားစရာအကြောင်း ဇာမှာဟိပါဖို့လဲ။ ငါရှိသည် ပညတ်တရားကို ကျင့်ကြသလော။ မကျင့်ကြ။ သို့ရာတွင် ငါရှိသည် ယုံကြည်ခြင်းအားဖြင့်သာ ဖြစ်၏။ 28 ထို့ကြောင့် လူမည်သည်ကား၊ ပညတ်တရားမိန့်မှာချက်များကို ကျင့်ခြင်းအားဖြင့် ဖြောင့်မတ်ရာသို့ ရောက်သည် မဟုတ်၊ ယုံကြည်ခြင်းအားဖြင့်သာလျှင် ဖြောင့်မတ်ရာသို့ ရောက်ကြ၏။ 29 တဖန် ဘုရားသခင်သည် ယုဒလူမျိုးတို့ ဘုရားမျှသာ ဖြစ်တော်မူသလော၊ တခြားလူမျိုးတို့ ဘုရား မဟုတ်ပါလော၊ အမှန်မှာ လူသားအားလုံး၏ဘုရား ဖြစ်တော်မူ၏။ 30 ဘုရားသခင် တစ်ဆူတည်းဟိတော်မူ၏။ ထိုဘုရားသခင်သည် ယုဒလူမျိုးတို့ကို ထိုသူရှိ၏ယုံကြည်ခြင်းအားဖြင့် ဖြောင့်မတ်ရာသို့ ရောက်စီတော်မူ၏။ တခြားလူမျိုးတို့ကိုလည်း ထိုသူရှိ၏ယုံကြည်ခြင်းအားဖြင့် ဖြောင့်မတ်ရာသို့ ရောက်စီတော်မူ၏။ 31 သို့ဖြစ်လျှင် ငါရှိသည် ဤယုံကြည်ခြင်းအားဖြင့် ပညတ်တရားကို ပယ်ကြသည်ဟု ဆိုလိုသလော။ လုံးဝမပယ်သည့်အပြင် ငါရှိသည် ပညတ်တရားကို ထောက်ခံလျက် ဟိကြပေ၏။

4 ထိုသို့ ဖြစ်လျှင် ငါရှိ အမျိုး၏အဖ အာဗြဟံနှင့် ပတ်သက်၍ ငါရှိဇာပိုင် ပြောရပါမည်နည်း။ သူ၏အတို့အကြံကား ဇာပိုင်ဟိခလဲ။ 2 အာဗြဟံသည် မိမိကျင့်သော အကျင့်အားဖြင့် ဘုရားသခင်၏ ဖြောင့်မတ်ရာသို့ ရောက်ခလျှင် သူသည် ဝါကြားစရာ အကြောင်းဟိလိမ့်မည်။ သို့ရာတွင် ဘုရားသခင်၏ မျက်မှောက်တော်၌ ထိုသို့ မဟုတ်။ 3 ကျမ်းစာလာသည်ကား၊ “အာဗြဟံသည် ဘုရားသခင်ကို ယုံကြည်သည်ဖြစ်၍ သူ၏ ယုံကြည်ခြင်းကြောင့် ဘုရားသခင်က သူ့ကို ဖြောင့်မတ်သည်ဟု လက်ခံတော်မူ၏။” 4 အလုပ် လုပ်သောသူတို့အား လုပ်ခကို ပီးကြရ၏။ ထိုလုပ်ခကို လက်ဆောင်ဟု မသတ်မှတ်ကြပေ။ ထိုလုပ်ခသည် ထိုသူရှိ ရသင့်ရထိုက်သော လုပ်အားခသာ ဖြစ်၏။ 5 သို့ရာတွင် မိမိရှိကျင့်သည့်အကျင့်ကို အားမကိုးဘဲ အပြစ်ဟိသောသူတို့ကို အပြစ်မဟိဟု သဘောထားတော်မူသော ဘုရားသခင်ကို ယုံကြည် အားကိုး၏။ ဘုရားသခင်သည် ထိုသူရှိ၏ ယုံကြည်ခြင်းကို

ဖြောင့်မတ်သည်ဟု မှတ်ယူတော်မူလေ၏။ 6 လူ၏အကျင့်ကို မထောက်ဘဲ ဖြောင့်မတ်သောသူတစ်ယောက်အဖြစ် ဘုရားသခင်လက်ခံတော်မူခြင်းကို ခံရသောသူသည် မင်္ဂလာဟိကြောင်းကို ဒါဝိဒ် မြှုတ်ဆိုသည်ကား။ 7 “မိမိပြစ်မှားသော အပြစ်ကို ခွင့်ရွတ်ခြင်းခံရ၍ အပြစ်မှ လွတ်မြောက်ခွင့်ရသော သူရှိသည် မင်္ဂလာဟိကြ၏။ 8 ထာဝရဘုရားက မိမိ၏အပြစ်ကို မှတ်ယူခြင်းမခံရသော သူသည် မင်္ဂလာဟိ၏” ဟု ဆိုသတည်း။ 9 တဖန် ဒါဝိဒ်မြှုတ်ဆိုသော မင်္ဂလာတရား၌ အရီဖျားလှီးခြင်းခံသောသူတိသာ ပါဝင်သလော။ လုံးဝ မဟုတ်ပါ။ အရီဖျားလှီးခြင်းမခံသောသူတိလည်း ပါဝင်၏။ ကျမ်းစာကို ကိုးကား၍ ပြောဆိုရပါမူ “အာဗြဟံသည် ဘုရားသခင်ကို ယုံကြည်သည်ဖြစ်၍ သူ၏ယုံကြည်ခြင်းကြောင့် ဘုရားသခင်က သူ့ကို ဖြောင့်မတ်သောသူအဖြစ် လက်ခံတော်မူ၏။” 10 ဤအရာသည် ဇာအချိန်က ဖြစ်သနည်း။ အာဗြဟံအား အရီဖျားလှီးခြင်းကို ခံယူပြီးမှ လက်ခံတော်မူသလား၊ သို့မဟုတ် အရီဖျားလှီးခြင်းကို မခံယူခင်ကတည်းက လက်ခံတော်မူသလား၊ အရီဖျားလှီးခြင်းကို ခံယူပြီးမှ သူ့အား လက်ခံတော်မူသည် မဟုတ်၊ မခံယူခင်ကတည်းက လက်ခံတော်မူ၏။ 11 အာဗြဟံသည် အရီဖျားလှီးခြင်းကို မခံယူခင်ကတည်းက သူ၏ယုံကြည်ခြင်းကြောင့် ဘုရားသခင်က သူ့ကို ဖြောင့်မတ်သောသူအဖြစ် လက်ခံတော်မူ၏။ ထို့ကြောင့် အရီဖျားလှီးခြင်းသည်ကား ယုံကြည်ခြင်းကို ဖော်ပြသည့် အမှတ်လက္ခဏာတစ်ခု ဖြစ်၏။ ထို့အပြင် အာဗြဟံသည် အရီဖျားလှီးခြင်း မခံယူဘဲ ယုံကြည်ခြင်းကြောင့် ဖြောင့်မတ်သောသူ ဖြစ်လာသောသူအားလုံး၏ဖခင် ဖြစ်လေ၏။ 12 ငါရီအဖ အာဗြဟံသည် အရီဖျားလှီးခြင်းကို ခံယူထားသောသူများ၏ အဖ ဖြစ်၏။ ထို့အပြင် သူသည် အရီဖျားလှီးခြင်းကို မခံယူခင် ယုံကြည်ခြင်းဖြင့် အသက်ရှင်သည့်နည်းတူ ထိုသို့ ယုံကြည်ခြင်းဖြင့် အသက်ရှင်ကြသောသူ အားလုံး၏ အဖလည်းဖြစ်၏။ 13 ဘုရားသခင်က ဤလောကကို အဓိဗ္ဗာန်မည်ဟု အာဗြဟံနှင့် သူ၏အမျိုးအနွယ်တို့အား ကတိပီးသောအခါ အာဗြဟံသည် ပညတ်တရားကို ကျင့်သောကြောင့် ပီးခသည် မဟုတ်၊ ယုံကြည်ခြင်းကြောင့် ဘုရားသခင်က သူ့ကို ဖြောင့်မတ်သောသူအဖြစ် လက်ခံတော်မူသောကြောင့် ထိုကတိတော်ကို ပီးခခြင်းဖြစ်၏။ 14 အကြောင်းမူကား၊ ပညတ်တရားကို ကျင့်သောသူများသာ ဘုရားသခင်၏ကတိတော်ကို ခံစားကြရမည်ဆိုလျှင် ယုံကြည်ခြင်းသည် အဓိပ္ပာယ်မဟိ၊ ဘုရားသခင်၏ ကတိတော်သည်လည်း အချည်းနှီးဖြစ်၏။ 15 ပညတ်တရားသည် ဘုရားသခင်၏အမျက်တော်ကို ယူဆောင်လာ၏။ သို့ရာတွင် ပညတ်တရားမဟိလျှင် ထိုပညတ်တရားကို လွန်ကျူးစရာအကြောင်းမဟိပေ။ 16 ထို့ကြောင့် ကတိတော်သည် အာဗြဟံ၏ အမျိုးအနွယ်အားလုံးကို ဘုရားသခင်၏အခမဲ့ လက်ဆောင်အဖြစ်ဖြင့် အာမခံဟိခြင်းငှာ ယုံကြည်ခြင်းပေါ်တွင် အခြေခံထားခြင်းဖြစ်၏။ ထိုကတိတော်သည် ပညတ်တရားကို ကျင့်သောသူတိ အတွက် မဟုတ်၊ အာဗြဟံကဲ့သို့ ယုံကြည်သောသူတိ အတွက် ဖြစ်၏။ အာဗြဟံသည်ကား ငါရီယုံကြည်သူအားလုံး၏ ယုံကြည်ခြင်းဖခင် ဖြစ်၏။ 17 ကျမ်းစာ လာသည်ကား “ငါသည် သင့်ကို များစွာသော လူမျိုးအပေါင်း၏ အဖ ဖြစ်စီပြီ” ဟူ၍ ဖြစ်၏။ ထို့ကြောင့် ထိုအာဗြဟံသည်ကား၊ သီသောသူကို အသက်ရှင်စီတော်မူထသော၊ မဖြစ်သိမ့်သောအရာတိကို ဖြစ်စီတော်မူထသော၊ သူယုံကြည်သည့် ဘုရားသခင်၏မျက်မှောက်တော်၌ ငါရီ၏ အဖဖြစ်လေ၏။ 18 အာဗြဟံသည် မျှော်လင့်စရာအကြောင်း မဟိသော်လည်း ယုံကြည်၍ မျှော်လင့်လျက်ရှိသောကြောင့် သူ့အား “သင်၏အမျိုးအနွယ်ကို ဤသို့ ဖြစ်စီလိမ့်မည်” ဟု မိန့်တော်မူသည့်အတိုင်း လူမျိုးအပေါင်း၏ အဖ ဖြစ်လာ၏။ 19 သူသည် အသက် ၁၀၀ ခန့် ပြည့်ပြီဖြစ်၍ မိမိသည် သီဆုံးခါနီးပြီ ဖြစ်ကြောင်းကိုလည်းကောင်း၊ မိမိ၏မယား စာရာသည် အချေမရနိုင်သည်ကိုလည်းကောင်း စဉ်းစားမိသော်လည်း သူ၏ ယုံကြည်ခြင်းကို မလျှော့ပေ။ 20 သူသည် သံသယကင်းစွာဖြင့် ဘုရားသခင်၏ကတိတော်ကို ယုံကြည်သည်ဖြစ်၍ သူ၏ယုံကြည်ခြင်းသည် သူ့ကို တန်ခိုးနှင့် ပြည့်စုံစီပြီးလျှင် ဘုရားသခင်ကိုလည်း ချီးမွမ်းလေ၏။ 21 ထို့ပြင် အာဗြဟံက ဘုရားသခင်သည် မိမိကတိပီးထားသည့်အတိုင်း လုပ်ဆောင်တော်မူသောဘုရားဖြစ်သည်ဟု အပြည့်အဝ ယုံကြည်ခလေ၏။ 22 ထိုသို့

ယုံကြည်ခြင်းအားဖြင့် “ဘုရားသခင်သည် အာဗြဟံအား ဖြောင့်မတ်သောသူအဖြစ် လက်ခံတော်မူ၏။” 23 ထိုသို့ “သူ့အား ဖြောင့်မတ်သောသူအဖြစ် လက်ခံတော်မူ၏။” ဟူသော စကားရပ်သည် အာဗြဟံတစ်ယောက်တည်းအတွက်သာ ရီးသားထားသည် မဟုတ်။ 24 ငါရဲ့ အသျှင်ယေသျှုအား သိခြင်းမှ ထမြောက်စီတော်မူသော ဘုရားသခင်ကို ယုံကြည်သောကြောင့် ဖြောင့်မတ်သောသူအဖြစ် သတ်မှတ်ခြင်းခံရသည့် ငါရဲ့အတွက်ပါ ရီးထားခြင်းဖြစ်၏။ 25 ထိုအသျှင်ယေသျှုသည် ငါရဲ့အပြစ်ကြောင့် အသိခံတော်မူ၍ ငါရဲ့ကို ဖြောင့်မတ်ရာသို့ ရောက်စီခြင်းငှာ သိခြင်းမှ ထမြောက်တော်မူလာခြင်း ဖြစ်၏။

5 အဂုတွင် ငါရဲ့သည် ယုံကြည်ခြင်းအားဖြင့် ဖြောင့်မတ်သည်ဟု အသိအမှတ်ပြုခံရပြီးလျှင် ငါရဲ့အသျှင် ယေသျှုခရစ်တော်အားဖြင့် ဘုရားသခင်နှင့်အတူ ငြိမ်းသက်ခြင်းကို ရဟိကြ၏။ 2 ငါရဲ့သည် အဂု အသက်ရှင်လျက်ဟိသော ဘဝ၌ ယုံကြည်ခြင်းဖြင့် ဘုရားသခင်၏ ကျေးဇူးတော် ခံစားရသောအခွင့်ကို ထိုအသျှင်အားဖြင့် ရဟိကြ၏။ သို့ဖြစ်၍ ငါရဲ့သည် ဘုရားသခင်၏ ဘုန်းတန်ခိုးတော်ကို မျှော်လင့်ခြင်း၌ ဂုဏ်ယူဝင့်ကြွားလျက် ဟိကြ၏။ 3 ထိုမျှမက ဒုက္ခဆင်းရဲခြင်းသည် သည်းခံခြင်းကို ဖြစ်စီတတ်၏ဟု သိသောကြောင့် ဒုက္ခဆင်းရဲခြင်း၌လည်း ငါရဲ့သည် ဂုဏ်ယူဝင့်ကြွားလျက် ဟိကြ၏။ အကြောင်းမူကား 4 သည်းခံခြင်းသည် ဘုရားသခင်၏ သက်သီကို ဖြစ်စီတတ်၏။ ကိုယ်တော်၏သက်သီသည် မျှော်လင့်ခြင်းကို ဖြစ်စီတတ်၏။ 5 ဤမျှော်လင့်ခြင်းသည် ငါရဲ့ကို အရှက်ရစီမည် မဟုတ်။ အကြောင်းမူကား ဘုရားသခင်သည် သန့်ယှင်းသော ဝိညာဉ်တော်အားဖြင့် မိမိ၏မေတ္တာကို ငါရဲ့ စိတ်နှလုံးထဲသို့ သွန်းလောင်းပီးထားသောကြောင့် ဖြစ်၏။ ထိုသန့်ယှင်းသော ဝိညာဉ်တော်သည်ကား ငါရဲ့အတွက် ဘုရားသခင်၏ လက်ဆောင်ဖြစ်ပေ၏။ 6 အကြောင်းမူကား ငါရဲ့သည် ကူညီမည့်သူ မဟိ ဖြစ်နိုင်စဉ်တွင် ခရစ်တော်သည် ဘုရားသခင် သတ်မှတ်သားထားသော အချိန်တွင် အပြစ်သားတိအတွက် အသိခံပီးတော်မူ၏။ 7 သူတော်ကောင်းတစ်ယောက်အတွက် အသိခံပီးပုံသူ ဟိကောင်းဟိလိမ့်မည်။ ဖြောင့်မတ်သောသူ တစ်ယောက်အတွက် အသိခံပီးမည့်သူ ဟိခဲ၏။ 8 သို့ရာတွင် ငါရဲ့သည် အပြစ်သားဖြစ်လျက်ပင်၊ ခရစ်တော်သည် ငါရဲ့အတွက် အသိခံပီးခေတော်မူသည်ဖြစ်၍ ဘုရားသခင်သည် ငါရဲ့ကို ဇာလောက် ချစ်သည်ကို ငါရဲ့အား ထင်ရှားစွာ ပြတော်မူ၏။ 9 သို့ ဖြစ်၍ အဂုတွင် ငါရဲ့သည် ကိုယ်တော်၏ အသွီးတော်ဖြင့် ဖြောင့်မတ်ရာသို့ ရောက်ကြပြီဖြစ်၍ ထိုသခင်အားဖြင့် ငါရဲ့သည် ဘုရားသခင်၏ အမျက်တော်မှ ကယ်တင်ခြင်းကို ခံရလိမ့်မည်။ 10 အကြောင်းမူကား၊ ငါရဲ့သည် ဘုရားသခင်၏ ရန်သူတို့ ဖြစ်ခဲလျက်ပင်၊ သားတော်၏ အသိခံပီးတော်မူခြင်းအားဖြင့် ငါရဲ့ကို မိမိနှင့် ပြန်လည်သင့်မြတ်စီတော်မူ၏။ ပြန်လည်သင့်မြတ်ခွင့်ကို ရထားပြီးသော ငါရဲ့သည် သားတော်၏အသက်အားဖြင့် ကယ်တင်တော်မူခြင်းကို သာ၍ ခံရလိမ့်မည်။ 11 ဤမျှမက အဂုအခါ၌ ငါရဲ့ကို ပြန်လည်သင့်မြတ်ခွင့် ရဟိစီတော်မူသော ငါရဲ့၏အသျှင် ယေသျှုခရစ်တော်အားဖြင့် ငါရဲ့သည်လည်း ဘုရားသခင်၌ ရွှင်လန်းဝမ်းမြောက်လျက်ဟိကြ၏။ 12 အပြစ်တရားသည် လူတစ်ယောက်အားဖြင့် ဤလောကသို့ ဝင်ရောက်လာ၍ ထိုအပြစ်တရားအားဖြင့် သိခြင်းတရားသည် ဝင်ရောက်လာသည်နှင့်အညီ လူသားအားလုံးသည် အပြစ်ပြုကြသည်ဖြစ်သောကြောင့် လူသားအားလုံး၌ သိခြင်းတရားသည် သက်ရောက်ခဲ၏။ 13 ပညတ်တရားကို မချပီးခင်ကတည်းကပင် အပြစ်တရားသည် ဤလောက၌ ဟိလေ၏။ သို့သော် ပညတ်တရား မဟိလျှင် အပြစ်တရားကို မှတ်ယူ၍ မရ။ 14 သို့ရာတွင် အာဒံလက်ထက်မှစ၍ မောသျှုလက်ထက်တိုင်အောင် သိခြင်းတရားသည် လူသားအားလုံးကို အစိုးရလေ၏။ အာဒံ ပြစ်မှားခသည့်နည်းတူ ပညတ်တရား မိန့်မှာချက် တစ်ခုကိုပင် လွန်ကျူး၍ မပြစ်မှားသော သူရို့ကိုလည်း အစိုးရလေ၏။ ထိုအာဒံသည် နောက်လာမည့် အသျှင်၏ပုံကို ဆောင်ခြင်းဖြစ်၏။ 15 သို့သော်လည်း အာဒံ၏ပြစ်မှားခြင်းနှင့် ဘုရားသခင်၏ အခမဲ့လက်ဆောင်သည် ကွာခြား၏။ အကြောင်းမူကား တစ်ယောက်သောသူ၏ ပြစ်မှားခြင်းအားဖြင့် များစွာသောလူအပေါင်းရို့သည် သိခြင်းသို့ ရောက်ကြရ၏။ သို့ရာတွင် ဘုရားသခင်၏ကျေးဇူးတော်သည်

သာ၍ ကြီးမြတ်တော်မူသည်ဖြစ်၍ ယေသျှုခရစ်တော်တည်းဟူသော တစ်ယောက်သောသူ၏ ကျေးဇူးအားဖြင့် ဘုရားသခင်၏ အခမဲ့ကျေးဇူးတော်ကို များစွာသောလူအပေါင်းရှိသည် ခံစားကြရ၏။ 16 ထိုမှတပါး၊ လူတစ်ယောက် ပြစ်မှားသောအပြစ်နှင့် ဘုရားသခင်၏ကျေးဇူးတော်သည် ကွာခြား၏။ အကြောင်းမူကား အပြစ်တစ်ခု၏နောက်တွင် တရားစီရင်ခြင်းသည် ဝင်ရောက်လာ၏။ သို့ရာတွင် ဘုရားသခင်၏ လက်ဆောင်မှုကား အပြစ်များလျက်ပင် ဖြောင့်မတ်သည်ဟု စီရင်လေ၏။ 17 ထို့အပြင် လူတစ်ယောက်သည် ပြစ်မှားခြင်းဖြင့် ထိုတစ်ယောက်သောသူကြောင့် သီခြင်းတရားသည် စတင်၍ အစိုးရလျှင် ဘုရားသခင်၏ကြွယ်ဝသော ကျေးဇူးတော်နှင့် ဖြောင့်မတ်ခြင်း လက်ဆောင်ကို ခံစားရသောသူရှိသည် ယေသျှုခရစ်တော်တည်းဟူသော တစ်ယောက်သောသူအားဖြင့် အသက်ရှင်ခြင်းတရားသည် သာ၍ အစိုးရပေလိမ့်မည်။ 18 ထို့ကြောင့် တစ်ယောက်သောသူ၏ပြစ်မှားခြင်းအားဖြင့် လူသားအားလုံးသည် အပြစ်စီရင်ခြင်းနှင့် တို့ကြုံရကြသည်နည်းတူ၊ တစ်ယောက်သောသူ၏ဖြောင့်မတ်ခြင်းအားဖြင့်၊ လူသားအားလုံးသည် အပြစ်မှ လွတ်မြောက်ကြပြီးလျှင် အသက်ကို ရကြ၏။ 19 အကြောင်းမူကား တစ်ယောက်သောသူ၏ မလိုက်နာခြင်းအားဖြင့် လူအားလုံးသည် အပြစ်သားများဖြစ်ကြရသည့်နည်းတူ၊ တစ်ယောက်သောသူ၏ လိုက်နာခြင်းအားဖြင့် လူအားလုံးသည် ဘုရားသခင်၏ဖြောင့်မတ်ရာသို့ ရောက်ကြရ၏။ 20 အပြစ်လုပ်ခြင်းကို ထင်ရှားစီခြင်းငှာ ပညတ်တရားသည် ဝင်ရောက်လာရ၏။ သို့ရာတွင် အပြစ်တရား ထင်ရှားသောအရာ၌ ဘုရားသခင်၏ကျေးဇူးတော်သည် သာ၍ ထင်ရှားလာ၏။ 21 ထိုသို့ဖြစ်လျှင် အပြစ်တရားသည် သီခြင်းကို အုပ်စိုးသည့်နည်းတူ၊ ဘုရားသခင်၏ကျေးဇူးတော်သည်လည်း ငါရိုးအသျှင် ယေသျှုခရစ်တော်အားဖြင့် ထာဝရအသက်ကို ရစီခြင်းငှာ ဖြောင့်မတ်ခြင်းတရားသည် ငါရိုးအား အုပ်စိုးလျက်ဟိ၏။ (aiōnios g166)

6 ထိုသို့ဖြစ်လျှင် ငါရိုးသည် ဇာပိုင်ပြောရပါမည်နည်း။ ငါရိုးသည် ဘုရားသခင်၏ကျေးဇူးတော် တိုးပွားခြင်းငှာ အပြစ်တရား၌ ဆက်လက်၍ အသက်ရှင်ရဖို့လား။ 2 ထိုသို့ မဆိုလို။ အပြစ်တရား၌ သီဆုံးပြီးသော ငါရိုးသည် ထိုအပြစ်တရား၌ ဇာပိုင်အသက် ရှင်နိုင်ပါမည်နည်း။ 3 ယေသျှုခရစ်တော်၌ ဗတ္တိဇံခံယူထားကြသော ငါရိုးအားလုံးသည် ထိုအသျှင်၏အသီခံခြင်း၌ ဗတ္တိဇံခံယူထားကြသည်ကို သင်ရိ မသိကြသလော။ 4 ထို့ကြောင့် ထိုအသျှင်၏အသီခံခြင်း၌ ဗတ္တိဇံကို ခံယူထားကြသည်ဖြစ်၍ ထိုအသျှင်နှင့် အတူ သင်္ဂြိုဟ်ခြင်းကို ခံထားပြီးဖြစ်ကြ၏။ သို့ဖြစ်၍ ခရစ်တော်သည် အဖ၏ဘုန်းတန်ခိုးတော်ဖြင့် သီခြင်းမှ ထမြောက်လာသကဲ့သို့၊ ငါရိုးသည်လည်း အသစ်သော အသက်တာတစ်ခုဖြင့် ရှင်သန်ရကြ၏။ 5 ငါရိုးသည် ထိုအသျှင်၏အသီခံခြင်း၌ ထိုအသျှင်နှင့် တစ်လုံးတစ်ဝတည်း ဟိသကဲ့သို့ ထိုအသျှင်သည် သီခြင်းမှ ထမြောက်သောအခါ၌လည်း ထိုအသျှင်နှင့် တစ်လုံးတစ်ဝတည်း ဟိကြရလိမ့်မည်။ 6 ထို့ပြင် ငါရိုးသည် အပြစ်၏ကျွန် မဖြစ်လိုသောကြောင့် ငါရိုး၏ခန္ဓာဟောင်းကို ဖျက်ဆီးခြင်းငှာ လက်ဝါးကပ်တိုင်မှာ ခရစ်တော်နှင့်အတူ အသီခံထားကြပြီဟု သိကြ၏။ 7 အကြောင်းမူကား သီလားပြီးသောသူမည်သည်ကား အပြစ်တရား၏လက်မှ လွတ်လေပြီ။ 8 ငါရိုးသည်လည်း ခရစ်တော်နှင့်အတူ အသီခံထားပြီးပြီဖြစ်၍ ထိုအသျှင်နှင့်အတူ အသက်ရှင်ကြလိမ့်မည်ဟု ယုံကြည်လျက်ဟိကြ၏။ 9 အကြောင်းမူကား ခရစ်တော်သည် သီခြင်းမှ ထမြောက်လာပြီးဖြစ်၍ ကိုယ်တော်သည် နောက်တဖန် မသီနိုင်ကြောင်းကိုလည်းကောင်း၊ သီခြင်းတရားသည်လည်း ကိုယ်တော်ကို မအုပ်စိုးနိုင်ကြောင်းကိုလည်းကောင်း ငါရိုးသိကြ၏။ 10 ထို့အပြင် ခရစ်တော်သည် အသီခံပြီးပြီဖြစ်၍ အပြစ်တရားသည် ကိုယ်တော်ကို မအုပ်စိုးနိုင်ယာ။ အဂုတွင် ကိုယ်တော်သည် ဘုရားသခင်နှင့် မိတ်သဟာယဖွဲ့ကာ အသက်ရှင် လျက်ဟိ၏။ 11 ထိုနည်းတူ သင်ရိုးသည်လည်း အပြစ်တရားနှင့် ဆိုင်သောအရာ၌ သီလျက်ဟိပြီး၊ ယေသျှု ခရစ်တော်အားဖြင့် ဘုရားသခင်နှင့် မိတ်သဟာယဖွဲ့ကာ အသက်ရှင်လျက်ဟိကြသည်ဟု ကိုယ့်ကိုယ်ကို ထင်မှတ်ကြလော့။ 12 ထို့ကြောင့် သင်ရိုးသည် သင်ရိုး၏ ဇာတိခန္ဓာအလို နောက်သို့ လိုက်ပါကြရသည့်တိုင်အောင်၊ သီတတ်သောသင်ရိုး၏ဇာတိခန္ဓာ၌ အပြစ်တရားကို အုပ်စိုးခွင့် မပီးကတ်ကေ။ 13

သင်ရိုး၏ကိုယ်အင်္ဂါတို့ကို ဒုစရိုက် လက်နက်များအဖြစ်ဖြင့် အပြစ်တရားအတွက် မဆက်သကြနှင့်။ သီခြင်းမှ ထမြောက်၍ အသက်ရှင်သောသူများဖြစ်သောကြောင့် သင်ရိုး၏ကိုယ်အင်္ဂါတို့ကို သုစရိုက်လက်နက်အဖြစ် ဖြောင့်မတ်ခြင်းတရားအတွက် ဘုရားသခင်အား ဆက်သကြလော့။ **14** အကြောင်းမူကား သင်ရိုးသည် ပညတ်တရားအောက်၌ အသက်ရှင်နိုင်ကြသည် မဟုတ်၊ ဘုရားသခင်၏ကျေးဇူးတရားအောက်၌ အသက်ရှင်နိုင်ကြသော သူများဖြစ်သောကြောင့် အပြစ်တရားသည် သင်ရိုးကို အုပ်စိုးပိုင်ခွင့်မဟိတ။ **15** ငါရိုးသည် ပညတ်တရားအောက်၌ မဟိ၊ ဘုရားသခင်၏ကျေးဇူးတရားအောက်၌ ဟိကြသည်ဖြစ်၍ အပြစ်ကို ပြသင့်သလော။ ထိုသို့ မပြုရ။ **16** သင်ရိုးသည် သီခြင်းတရားသို့ ပို့ဆောင်သော အပြစ်တရား၌ဖြစ်စီ၊ ဖြောင့်မတ်ခြင်းတရားသို့ ပို့ဆောင်သော နာခံခြင်းတရား၌ဖြစ်စီ ကျွန်အဖြစ်ဖြင့် အစီခံလျှင် ထိုသခင်၏အမိန့်ကို နာခံကြရမည်ကို မသိကြသလော။ **17** သင်ရိုးသည် တစ်ချိန်က အပြစ်တရား၏ ကျွန်တို့ ဖြစ်ခဲ့ဖူးသော်လည်း အဂုတွင် ခံယူထားသော ဩဝါဒစကား၌ တို့ရသော သမ္မာတရားများကို စိတ်နှလုံးအကြွင်းမဲ့ လိုက်နာကြသည်ဖြစ်၍ ဘုရားသခင်၏ကျေးဇူးတော်ကို ချီးမွမ်းပါ၏။ **18** သင်ရိုးသည် အပြစ်တရားမှ လွတ်မြောက်၍ ဖြောင့်မတ်ခြင်းတရား၏ကျွန်တို့ ဖြစ်လာကတိယ။ **19** ဤသို့ ငါဆိုသော်၊ သင်ရိုး၏ဇာတိခန္ဓာသည် ဉာဏ်နည်းသောကြောင့်၊ လောကီစကားအားဖြင့် ပြောဆိုခြင်းဖြစ်၏။ သင်ရိုးသည် မိမိ ကိုယ်အင်္ဂါတို့ကို ညစ်ညူးသောအမှု မတရားသောအမှု၌ ကျွန်ခံယူကြသည့်နည်းတူ အဂုတွင် သန့်ယှင်းခြင်းသို့ ရောက်စီခြင်းငှာ သင်ရိုး၏ ကိုယ်အင်္ဂါတို့ကို ဖြောင့်မတ်ခြင်းတရား၏ကျွန် ဖြစ်စီကြလော့။ **20** သင်ရိုးသည် အပြစ်တရား၏ကျွန် ဖြစ်စဉ်ကာလ၌ ဖြောင့်မတ်ခြင်းတရား၏ အုပ်ထိန်းမှုနှင့် ကင်းလွတ်လျက်ဟိကြ၏။ **21** အဂုတွင် သင်ရိုးအဖို့ ရှက်ကြောက်ဖွယ်ရာ ဖြစ်စီသော အရာများကို ပြုမူခြင်းအားဖြင့် ဇာအကျိုးကို ရခကြသနည်း။ ထိုသို့ ပြုမူခြင်း၏အကျိုးကား သီခြင်းဖြစ်၏။ **22** သို့သော်လည်း အဂုမူကား သင်ရိုးသည် အပြစ်တရား၏လက်မှ လွတ်မြောက်၍ ဘုရားသခင်၏ကျွန် ဖြစ်လာကြပြီး၊ သန့်ယှင်းခြင်းသို့ ရောက်စီသည့် အကျိုးကျေးဇူးကို ခံစားရကြ၏။ ၎င်း၏ ရလဒ်မူကား ထာဝရအသက်ဖြစ်၏။ (aiñnios g166) **23** အပြစ်တရား၏ အခကား သီခြင်းဖြစ်၏။ သို့ရာတွင် ဘုရားသခင်၏အခမဲ့လက်ဆောင်သည်ကား ငါရိုးအသျှင်ခရစ်တော် ယေသုအားဖြင့်ရသော ထာဝရအသက် ဖြစ်၏။

(aiñnios g166)

7 ငါ၏ညီအစ်ကို မောင်နှမရိုး၊ သင်ရိုးအားလုံးသည် ပညတ်တရားကို သိထားကြပြီးဖြစ်၍ ငါပြောသည့်စကားကို သေချာစွာ နားလည်ကြလိမ့်မည်။ ပညတ်တရားသည် အသက်ရှင်သည့် ကာလ၌သာ လူ၏အသက်တာကို အုပ်စိုးလျက်ဟိ၏။ **2** ဥပမာကား လက်ထပ်ထားသော မိန်းမတစ်ယောက်သည် ထိုမိန်းမ၏လင် အသက်ရှင်သမျှ ကာလပတ်လုံး ပညတ်တရားအားဖြင့် သူမ၏လင်နှင့် ချိုင့်နှောင်ထားလျက်ဟိ၏။ သို့ရာတွင် လင် သီဆုံးလားလျှင်မူကား ထိုမိန်းမသည် လင်နှင့် ချိုင့်နှောင်ထားသော ပညတ်တရားမှ လွတ်မြောက်လား၏။ **3** ထို့ကြောင့် မိမိလင် အသက်ရှင်နိုင်စဉ်ကာလတွင် တခြားယောက်ျားနှင့် နီထိုင်ပေါင်းသင်းလျှင် ထိုမိန်းမကို ဖောက်ပြန်သောမိန်းမ ဟု ခေါ်ထိုက်၏။ လင်သီဆုံးလားလျှင်မူကား၊ ထိုပညတ်မှ လွတ်မြောက်လားပြီဖြစ်၍ တခြားသော ယောက်ျားတစ်ယောက်နှင့် ထိမ်းမြားလက်ထပ်သော်လည်း ဖောက်ပြန်သော မိန်းမ မဟုတ်။ **4** ထို့ကြောင့် ငါ၏ညီအစ်ကို မောင်နှမရိုး၊ သင်ရိုးသည်လည်း ဘုရားသခင်အတွက် အသီးကို သီးစီရန် သီခြင်းမှ ထမြောက်တော်မူသော အခြားသောသူတည်းဟူသော ကိုယ်တော်နှင့် သက်ဆိုင်စီခြင်းငှာ ပညတ်တရား၏အလိုအတွက် ခရစ်တော်၏ကိုယ်ခန္ဓာအားဖြင့် အသိခံထားပြီးခယ။ **5** အကြောင်းမူကား ငါရိုးသည် လူ့ဇာတိသဘောဖြင့် အသက်ရှင်စဉ် ပညတ်တရားအားဖြင့် ပြင်းပြသည့် အပြစ်ပြုလိုသောစိတ်သည် ငါရိုး၏ကိုယ်ခန္ဓာထဲ၌ သီခြင်းတရားအတွက် အသီးကို သီးစီရန်ဖြစ်၏။ **6** သို့သော်လည်း ယခင်က ငါရိုးကို ချုပ်နှောင်ထားသော ပညတ်တရားလက်၌ ငါရိုးသည် အသိခံထားပြီးဖြစ်၍ အဂုမူကား ထိုပညတ်တရားမှ လွတ်မြောက်လျက်ဟိကြ၏။ သို့ ဖြစ်၍ ငါရိုးသည် ကျမ်းစာ၌ ရိုးထားသော ပညတ်ဟောင်းအတိုင်း မဟုတ်ဘဲ

ဝိညာဉ်တော်၏ နည်းလမ်းသစ်အတိုင်း လုပ်ဆောင်လျက်ဟိကြ၏။ 7 သို့ဖြစ်၍ ပညတ်တရားသည် အပြစ်ဟိသည်ဟု ငါရို့ ပြောရမည်လား။ ထိုသို့ မဆိုလို။ သို့ရာတွင် ပညတ်တရားကမဖော်ပြလျှင် အပြစ်သဘောကို ငါသိလိမ့်မည် မဟုတ်။ “သူတစ်ပါး ပိုင်ဆိုင်သောအရာကို လိုချင်တပ်မက်စိတ်မဟိရ” ဟု ပညတ်တရားက မပြောလျှင် ထိုတပ်မက်သော စိတ်သဘောကို ငါ သိလိမ့်မည် မဟုတ်။ 8 သို့သော်လည်း ပညတ်တော်အားဖြင့် အပြစ်တရားသည် ငါ့အထဲ၌ဟိသော တပ်မက်စိတ်အမျိုးမျိုး၌ ကျင်လည်စီခြင်းငှာ အခွင့်ရသည်ကို တွို့ရ၏။ ပညတ်တရားမဟိလျှင် အပြစ်တရားသည် အသိဖြစ်၏။ 9 ယခင်က ငါသည် ပညတ်တရားမဟိဘဲ အသက်ရှင်ခ၏။ သို့ရာတွင် ပညတ်တော်သည် ရောက်လာသောအခါ အပြစ်တရားသည် အသက်ရှင်လာသဖြင့် ငါသည် သီရိလေ၏။ 10 ထို့ကြောင့် အသက်ရှင်ခြင်းတရားကို ယူဆောင်လာဟန်ဟိသော ပညတ်တော်သည် သီခြင်းသို့ ရောက်စီသည်ကို ငါ တွို့ရလေ၏။ 11 အပြစ်တရားသည် ပညတ်တော်အားဖြင့် အခွင့်ရ၍ ထိုပညတ်တော်အားဖြင့် ငါ့ကို လှည့်ဖြားကာ သီခြင်းတရားသို့ ငါ့ကို ပို့ဆောင်လေ၏။ 12 ထို့နောက် ပညတ်တရား၏ပကတိသဘောသည် သန့်ယှင်း၏။ ပညတ်တော်သည်လည်း သန့်ယှင်း၊ ဖြောင့်မတ်၍ ကောင်းမြတ်တော်မူ၏။ 13 သို့ရာတွင် ကောင်းမြတ်သောအရာသည် ငါအား သီခြင်းတရားသို့ ပို့ဆောင်နိုင်သလား။ ထိုသို့ မဟုတ်။ အပြစ်တရားသည် မိမိ၏ပကတိသဘောကိ ထင်ရှားစီခြင်းငှာ ကောင်းမြတ်သောအရာကို အသုံးချကာ ငါအား သီခြင်းသို့ ပို့ဆောင်နိုင်၏။ ထို့ကြောင့် ပညတ်တော်သည် ဖော်ပြခြင်းအားဖြင့် အလွန်ကြောက်မက်ဖွယ်သော အပြစ်တရားများသည် ထင်ရှားလာရ၏။ 14 ပညတ်တရားသည် ဝိညာဉ်တော်တရားနှင့် ဆက်စပ်လျက်ဟိသည်ကို ငါရို့ သိကြ၏။ သို့သော်လည်း ငါသည် ဇာတိပကတိ၌ ဟိသည်ဖြစ်၍ အပြစ်တရား၏ ကျွန်အဖြစ်သို့ ရောက်နိုင်ရ၏။ 15 အကြောင်းမူကား၊ ငါသည် ကျင့်ချင်သော အကျင့်ကို မကျင့်၊ မကျင့်ချင်သော အကျင့်တို့ကို ကျင့်နိုင်ရသောကြောင့် ငါပြုသောအမှုကို ငါသည်ပင် နားမလည်နိုင်။ 16 ထိုသို့ ငါသည် မကျင့်ချင်သောအကျင့်ကို ကျင့်နိုင်ရသည်မှန်လျှင် ပညတ်တရား ကောင်းမြတ်ကြောင်းကို ငါ ဝန်ခံခြင်း ဖြစ်၏။ 17 ထို့ကြောင့် အမှန်အားဖြင့် ငါ မကျင့်ချင်သောအကျင့်ကို ငါ ကိုယ်တိုင် ကျင့်နိုင်သည် မဟုတ်။ ငါ့အထဲ၌ ဟိနိုင်သော အပြစ်တရားက ကျင့်နိုင်ခြင်းဖြစ်၏။ 18 ငါ့အထဲ၌ ငါ၏လူ့ဇာတိတွင် ကောင်းသောအရာ တစ်ခုမျှ မဟိသည်ကို ငါ သိ၏။ အကြောင်းမူကား၊ ငါသည် ကောင်းသောအကျင့်ကို ကျင့်ချင်စိတ် ဟိသော်လည်း ကျင့်နိုင်သောအစွမ်း ငါ၌ မဟိ။ 19 အကြောင်းမူကား ငါသည် ကျင့်ချင်သော အကျင့်ကောင်းကို မကျင့်ဘဲ၊ မကျင့်ချင်သောအကျင့်ဆိုးကို ကျင့်နိုင်ရ၏။ 20 ထိုသို့ ငါသည် မကျင့်ချင်သောအကျင့်ကို ကျင့်နိုင်လျှင် ငါ ကိုယ်တိုင် ကျင့်သည် မဟုတ်။ ငါ့အထဲ၌ ဟိနိုင်သော အပြစ်တရားက ကျင့်နိုင်ခြင်းဖြစ်၏။ 21 ထိုသို့ ငါသည် ကောင်းသောအကျင့်ကို ကျင့်ချင်သော်လည်း မကောင်းသောအကျင့်ကိုသာ ကျင့်စိတ်တတ်သော သဘောတရားသည် ငါ့အထဲ၌ ဟိနိုင်သည်ကို ငါတွို့ရ၏။ 22 ငါသည် အတွင်းလူအားဖြင့် ဘုရားသခင်၏ ပညတ်တရားတော်ကို နှစ်သက်၏။ 23 သို့သော်လည်း ငါ့ကိုယ်အင်္ဂါများ၌ဟိသော အခြားသော တရားတစ်ပါးသည် ငါ့စိတ်နှလုံး၏တရားနှင့် ဆန့်ကျင်တိုက်လှန်ကာ ငါ၏ကိုယ်အင်္ဂါများ၌ဟိသော အပြစ်တရားလက်သို့ ငါ့ကို အပ်နှံလျက်ဟိသည်ကို ငါတွို့ရ၏။ 24 ငါသည် အလွန် သောကရောက်နိုင်သော လူတစ်ယောက် ဖြစ်နိုင်ပါသည်တကား။ သီခြင်းတရားသို့ ပို့ဆောင်နိုင်သော ဤခန္ဓာမှ ဇာသူသည် ငါ့ကို ကယ်တင်ပါမည်နည်း။ 25 ငါရို့အသျှင် ယေသျှုခရစ်တော်အားဖြင့် ကယ်တင်တော်မူသော ဘုရားသခင်၏ ကျေးဇူးတော်ကို ချီးမွမ်းပါ၏။ ထိုသို့ ငါသည် မိမိ၏စိတ်နှလုံးအားဖြင့် ဘုရားသခင်၏ ပညတ်တရားအလိုသို့ လည်းကောင်း၊ လူ့ဇာတိသဘောအားဖြင့် အပြစ်တရား၏အလိုသို့လည်းကောင်း လိုက်တတ်၏။

8 ထို့ကြောင့် အဂုတွင် ခရစ်တော်ယေသျှု၌ဟိသော သူရို့အတွက် အပြစ်စီရင်ခြင်းဟူ၍ မဟိ။ 2 အကြောင်းမူကား ခရစ်တော်ယေသျှုအားဖြင့် အသက်ကို ပီးသော ဝိညာဉ်တော်၏တရားသည် အပြစ်တရားနှင့် သီခြင်းတရားမှ ငါ့ကို လွတ်မြောက်စီတော်မူ၏။ 3 လူ့ဇာတိသည် အားနည်းသောကြောင့် ပညတ်တရား မတတ်နိုင်သောအမှုကို

ဘုရားသခင် ပြုတော်မူခြင်းဖြစ်၏။ ဘုရားသခင်သည် မိမိ၏သားတော်ကို လူ့ဇာတိကိုဆောင်၍ စီစွဲလိုက်ကာ ထိုသားတော်အားဖြင့် အသွီးအသား၌ဟိသော အပြစ်ကို ဒဏ်ခတ်တော်မူလေ၏။ 4 အကြောင်းမူကား၊ လူ့ဇာတိအလိုအတိုင်းမကျင့်၊ ဝိညာဉ်တော်အလိုအတိုင်း ကျင့်သော ငါရို့သည် ပညတ်တရား၌ပါသော ပြောင့်မတ်ခြင်းတရား၏အလိုနှင့် ပြည့်စုံစီခြင်းငှာ ဘုရားသခင်က ဤသို့ လုပ်ဆောင်ပီးခြင်းဖြစ်၏။ 5 မိမိရို့လူ့ဇာတိအလိုအတိုင်း အသက်ရှင်သောသူရို့သည် လူ့ဇာတိအလိုကိုသာ စိတ်စွဲလမ်းကြ၏။ ဝိညာဉ်တော်အလိုအတိုင်း အသက်ရှင်သော သူရို့သည်ကား၊ ဝိညာဉ်တော်အလိုနှင့်ဆိုင်သော အရာများကိုသာ စိတ်စွဲလမ်းတတ်ကြ၏။ 6 ဇာတိပကတိသဘောသည် သီခြင်းတရားဖြစ်၏။ ဝိညာဉ်တော်၏အလိုကား အသက်ရှင်ခြင်းနှင့် ငြိမ်သက်ခြင်းဖြစ်၏။ 7 မိမိရို့၏ဇာတိပကတိစိတ်ဖြင့် အသက်ရှင်သောသူရို့သည် ဘုရားသခင်၏ ရန်သူများဖြစ်လာကြ၏။ အကြောင်းမူကား သူရို့သည် ဘုရားသခင်၏ပညတ်တော်အတိုင်း မလိုက်လျှောက်ကြ။ လိုက်လျှောက်ရန်လည်း မတတ်နိုင်ကြပေ။ 8 ဇာတိပကတိနောက်သို့ လိုက်သောသူရို့သည် ဘုရားသခင်၏စိတ်တော်နှင့် မတို့နိုင်။ 9 သို့သော်လည်း ဘုရားသခင်၏ ဝိညာဉ်တော်သည် သင်ရိုအထဲ၌ ကိန်းဝပ်တော်မူလျှင် သင်ရို့သည် ဇာတိပကတိ၏အလိုအတိုင်း အသက်ရှင်ကြသည် မဟုတ်။ ဝိညာဉ်တော်၏အလိုအတိုင်း အသက်ရှင်ကြ၏။ ခရစ်တော်၏ဝိညာဉ်တော်မဟိသော သူသည်ကား ခရစ်တော်နှင့် မဆိုင်။ 10 သို့ရာတွင် ခရစ်တော်သည် သင်ရို့အထဲ၌ ကိန်းဝပ်တော်မူလျှင် သင်ရို့၏ခန္ဓာကိုယ်သည် အပြစ်ကြောင့် သိန့်သော်လည်း သင်ရို့၏ဝိညာဉ်သည်ကား ပြောင့်မတ်ခြင်းတရားကြောင့် အသက်ရှင်လျက်ရှိ၏။ 11 ထိုမျှမက ယေသျှုကို သီခြင်းမှ ထမြောက်စီတော်မူသော ဘုရားသခင်၏ဝိညာဉ်တော်သည် သင်ရို့အထဲ၌ ကိန်းဝပ်တော်မူလျှင် ခရစ်တော်ကို သီခြင်းမှ ထမြောက်စီတော်မူသော ဘုရားသခင်သည် သင်ရို့အထဲ၌ ဟိသော မိမိ၏ဝိညာဉ်တော်အားဖြင့် သီတတ်သော သင်ရို့၏ကိုယ်ခန္ဓာကိုလည်း အသက်ရှင်ရသောအခွင့်ကို ပီးတော်မူလိမ့်မည်။ 12 သို့ ဖြစ်၍ ငါ၏ညီအစ်ကို မောင်နှမရို့၊ ငါရို့မှာ လူ့ဇာတိအလိုအတိုင်း အသက်ရှင်ကြရန် တာဝန်ဟိကြသည် မဟုတ်။ 13 အကြောင်းမူကား သင်ရို့သည် လူ့ဇာတိအလိုအတိုင်း အသက်ရှင်ကြလျှင် သီရကြလိမ့်မည်။ သို့သော် သင်ရို့သည် အပြစ်နှင့် သက်ဆိုင်သော အမှုအကျင့်တို့ကို ဝိညာဉ်တော်အားဖြင့် သီစီလျှင် အသက်ရှင်ကြရလိမ့်မည်။ 14 ဘုရားသခင်၏ဝိညာဉ်တော် ဆုံးမပုံပြင်မှုကို လိုက်နာသမျှသော သူရို့သည် ဘုရားသခင်၏သား၊ သမီးများ ဖြစ်ကြ၏။ 15 အကြောင်းမူကား၊ ဘုရားသခင်က သင်ရို့အား ပီးထားသော ဝိညာဉ်တော် တန်ခိုးတော်ကြောင့် သင်ရို့သည် ကြောက်ရွံ့တတ်သောကျွန်အဖြစ်သို့ ရောက်ကြရသည် မဟုတ်။ ထိုဝိညာဉ်တော်အားဖြင့် သင်ရို့သည် “အဗျ၊ အကျွန်၏အဖ” ဟု ခေါ်ခွင့်ရသော ဘုရားသခင်၏သား၊ သမီးများဖြစ်ရသော အကျိုးထူးကို ခံရကြ၏။ 16 ငါရို့သည် ဘုရားသခင်၏သား၊ သမီးများ ဖြစ်ကြသည်ဟု ဘုရားသခင်၏ ဝိညာဉ်တော်ကိုယ်တိုင် ငါရို့ဝိညာဉ်နှင့်အတူ သက်သီခံတော်မူ၏။ 17 ငါရို့သည် ဘုရားသခင်၏ သားသမီးတိဖြစ်ကြလျှင် အမှီခံတိလည်း ဖြစ်ကြ၏။ ငါရို့သည် ခရစ်တော်နှင့်အတူ ဘုန်းတော်ချီးမြှောက်ခြင်း ခံရရန် ဒုက္ခဆင်းရဲခြင်းကိုလည်း ကိုယ်တော်နှင့်အတူခံရကြလျှင် ဘုရားသခင်၏အမှီခံများဖြစ်ကြပြီး ခရစ်တော်နှင့်အတူ အမှီဆက်ခံသူများလည်း ဖြစ်ကြ၏။ 18 အဂုဗျက်မှောက်ကာလ၌ ငါရို့ ခံရသော ဆင်းရဲဒုက္ခသည်ကား ပေါ်ထွန်းလာမည့် ဘုန်းတန်ခိုးတော်နှင့် မနှိုင်းယှဉ်အံ့ဟု ငါသည် ဆင်ခြင်မိ၏။ 19 ဖန်ဆင်းထားသမျှသော အရာအားလုံးသည် ပေါ်ထွန်းလာကြမည့် ဘုရားသခင်၏ သားသမီးတို့ကို အလွန်တောင့်တလျက် စောင့်မျှော် နိန့်ကြ၏။ 20 အကြောင်းမူကား ဖန်ဆင်းခံလောကသည် ပျက်ဆီးခြင်းတရား၌ သူသဘောနှင့်သူ တည်ဟိနိန့်သည် မဟုတ်၊ ဘုရားသခင်၏ အလိုတော်အားဖြင့်သာ တည်ဟိနိန့်ရ၏။ သို့ရာတွင် မျှော်လင့်စရာအကြောင်းကား ဟိနိန့်၏။ 21 အကြောင်းမှာ ဖန်ဆင်းခံလောက ကိုယ်တိုင် ပျက်စီးခြင်း၏ကျွန်အဖြစ်မှ လွတ်မြောက်၍ ဘုရားသခင်သားသမီးရို့၏ ဘုန်းတန်ခိုးတော်နှင့် လွတ်မြောက်ခြင်းချမ်းသာသံသို့ ဝင်စားရမည်ဖြစ်သောကြောင့် ဖြစ်၏။ 22 ဖန်ဆင်းခံအားလုံးသည်

အဂုအချိန်ထိတိုင်အောင် အချေမတူခြင်းကဲ့သို့ နာကျင်ခြင်းဝေဒနာကို ခံစားလျက် ညည်းတွားနိုင်ကြသည်ကို ငါရဲ့ သိကြ၏။ 23 သို့ရာတွင် ဖန်ဆင်းခံများသည်သာမက ဘုရားသခင်၏ဝိညာဉ်တော် လက်ဆောင်ကို အဦးဆုံး ခံရသော ငါရဲ့သည်လည်း ကိုယ်တော်၏သားသမီးများအဖြစ် ချီးမြှောက်ခြင်းကို ခံရပြီးလျှင် ကိုယ်ခန္ဓာ လွတ်မြောက်ခြင်းကို မျှော်လင့်ကာ စိတ်နှလုံးထဲ၌ ညည်းတွားလျက် နိမ့်ကြ၏။ 24 အကြောင်းမူကား ငါရဲ့သည် မျှော်လင့်ခြင်းအားဖြင့် ကယ်တင်တော်မူခြင်းသို့ ရောက်ကြ၏။ သို့ရာတွင် ငါရဲ့သည် မျှော်လင့်သောအရာကို တို့မြင်ရလျှင် ထိုအရာသည် စစ်မှန်သောမျှော်လင့်ခြင်း မဟုတ်။ အကြောင်းမူကား ငါရဲ့၌ ဇာသူသည် တို့မြင်နိုင်ရသော အရာကို မျှော်လင့်နိုင်ကြသည်။ 25 သို့ရာတွင် ငါရဲ့သည် မမြင်ရသိမ့်သောအရာကို မျှော်လင့်နိုင်ကြလျှင် သည်းခံသောစိတ်နှင့် စောင့်မျှော်နိုင်ခြင်း ဖြစ်၏။ 26 တစ်နည်းအားဖြင့် ငါရဲ့၏ အားနည်းချက်ကို ကူညီမစခြင်းငှာ ဝိညာဉ်တော်သည် ဆင်းကြွလာတော်မူ၏။ ငါရဲ့သည် ဇာပိုင်ဆုတောင်း သင့်သည်ကိုပင် မသိကြ။ သို့သော်လည်း ဝိညာဉ်တော်သည် နှုတ်ဖြင့်မမြွက်ဆိုနိုင်သော အရာကို ညည်းတွားခြင်းနှင့် ငါရဲ့အတွက် ဘုရားသခင်ထံ ဆုတောင်းလျက်ဟိ၏။ 27 ထို့အပြင် ငါရဲ့၏စိတ်နှလုံးကို သိမြင်တော်မူသော ဘုရားသခင်သည် ဝိညာဉ်တော်၏သဘောကို သိတော်မူ၏။ အကြောင်းမူကား ဝိညာဉ်တော်သည် ဘုရားသခင်၏ အလိုတော်နှင့်အညီ သန့်ယှဉ်သုရို့အတွက် အသနားခံနိုင်ခြင်းဖြစ်၏။ 28 ဘုရားသခင်သည် မိမိ၏ အကြံအစည် ဟိတော်မူသည့်အတိုင်း ခေါ်တော်မူသောသူတည်းဟူသော ကိုယ်တော်ကို ချစ်သောသူရို့နှင့်အတူ အရာခပ်သိမ်း၌ ကောင်းသောအမှုကို လုပ်ဆောင်ပီးလျက် ဟိသည်ကို ငါရဲ့ သိကြ၏။ 29 များစွာသောညီအစ်ကို မောင်နှမရို့တွင် သားဦး ဖြစ်စီခြင်းငှာ ဘုရားသခင်သည် ရှိုးမဆွက သိထားတော်မူသောသူတို့ကို သားတော်၏ ပုံသဏ္ဌာန်နှင့် တစ်ညီတည်း ဖြစ်စီခြင်းငှာ ခွဲခန့်မှတ်သားထားတော်မူ၏။ 30 ထိုသို့ ခွဲခန့်မှတ်သားထားသော သူတို့ကို ခေါ်တော်မူ၏။ ထိုသို့ ခေါ်တော်မူသော သူတို့ကိုလည်း ပြောမတ်ရာ၌ တည်စီတော်မူ၏။ ထိုသို့ ပြောမတ်ရာ၌ တည်စီတော်မူသောသူတို့အား မိမိ၏ဘုန်းတန်ခိုးတော်ဖြင့် ချီးမြှောက်တော်မူ၏။ 31 သို့ဖြစ်၍ ငါရဲ့သည် ဤအရာတို့ကို ဇာပိုင် ပြောရပါမည်နည်း။ ဘုရားသခင်သည် ငါရဲ့ဘက်မှာ ဟိနိုင်လျှင် ဇာသူသည် ငါရဲ့ကို ဆန့်ကျင်နိုင်ပါမည်နည်း။ 32 မိမိသားတော်ရင်းကို တောင်မှ မနှုမောဘဲ ငါရဲ့အားလုံးအဖို့အလိုငှာ စွန့်တော်မူသော ဘုရားသခင်သည် ခပ်သိမ်းသောအရာတို့ကို မပီးဘဲ ဇာပိုင် နိမ့်ပါဖို့လဲ။ 33 ဇာသူသည် ဘုရားသခင် ရှိုးချယ်ထားသောသူတို့ကို အပြစ်ရှာမည်နည်း။ ပြောမတ်စီတော်မူသောသူသည်ကား ဘုရားသခင် ဖြစ်တော်မူ၏။ 34 အပြစ်စီရင်သောသူကား ဇာသူလဲ။ ငါရဲ့အတွက် အသိခံပီးသည်သာမက သိခြင်းက ထမြောက်၍ ဘုရားသခင်၏ လက်ယာဖက်မှာ နီတော်မူလျက်၊ ငါရဲ့ အတွက် ဆုတောင်းပီးနိုင်သောသူကား ခရစ်တော်ယေသျှုပင် မဟုတ်ပါလား။ 35 သို့ဖြစ်၍ ဇာသူသည် ခရစ်တော်၏ချစ်ခြင်းမေတ္တာမှ ငါရဲ့ကို ကွာဝေးစီနိုင်မည်နည်း။ ဒုက္ခနှင့် ကြုံတို့ရခြင်း၊ အကျပ်အတည်းနှင့် ရင်ဆိုင်ရခြင်း၊ ညှဉ်းခံခံရခြင်း၊ ဆာလောင်မွတ်သိပ်ခြင်း၊ ဆင်းရဲခြင်း၊ အန္တရာယ်နှင့် ကြုံတို့ရခြင်း၊ အသိသတ်ခံရခြင်း စသည့်အရာများသည် ခရစ်တော်၏ချစ်ခြင်းမေတ္တာမှ ငါရဲ့ကို ကွာဝေးစီနိုင်မည်လော။ 36 ကျမ်းစာ၌ “ကိုယ်တော်အတွက် အကျွန်ရို့သည် အချိန်တိုင်း၌ အသိသတ်ခြင်းကို ခံနိုင်ကြရ၏။ သတ်ဖို့ရန်ထားသော သိုးကဲ့သို့ အကျွန်ရို့ကို ထင်မှတ်ကြပါ၏” ဟု လာသတည်း။ 37 မကွာဝေးသည်သာမက၊ ငါရဲ့သည် ခပ်သိမ်းသောဤအမှုတို့ကို ကြုံတို့ရကြသောအခါ ငါရဲ့ကို ချစ်တော်မူသော အသျှင်အားဖြင့် လုံးဝ အောင်မြင်မှုကို ရဟိကြ၏။ 38 အကြောင်းမူကား၊ သိခြင်းဖြစ်စီ၊ အသက်ရှင်ခြင်းဖြစ်စီ၊ ကောင်းကင်တမန်ဖြစ်စီ၊ အကာသကို အစိုးရသောသူဖြစ်စီ၊ တန်ခိုးသျှင်ဖြစ်စီ၊ မျက်မှောက်အရာဖြစ်စီ၊ နောင်လာလတ္တံ့သောအရာဖြစ်စီ၊ 39 ဤလောက၏အမြင့်ဖြစ်စီ၊ အနိမ့်ဖြစ်စီ၊ ဖန်ဆင်းထားသမျှသောအရာ အားလုံးထဲက မည်သည့်အရာမျှ ငါရဲ့၏အသျှင် ယေသျှုခရစ်တော်အားဖြင့် ခံရသော ဘုရားသခင်၏ ချစ်ခြင်းမေတ္တာတော်နှင့် ငါရဲ့ကို မကွာဝေးနိုင်ဟု ငါသည် ယုံကြည်စိတ်ချလျက်ဟိ၏။

၉ ခရစ်တော်သည် ငါ့ကို ပိုင်တော်မူသည်ဖြစ်၍ သန့်ယုင်းသောဝိညာဉ်တော်သည်လည်း ငါ၏အသိစိတ်ကို လွှမ်းမိုးအုပ်စိုးနိုင်သောကြောင့် ငါသည် မုသာကို မပြော၊ အမှန်တရားကိုသာ ပြောနိုင်ခြင်း ဖြစ်သည်ကို ဝိညာဉ်တော်သည် ငါအား အာမခံ၏။ ၂ ငါသည် အလွန်ဝမ်းနည်းလျက် စိတ်နှလုံးထဲ၌ အတိုင်းမသိသော ပူပန်ခြင်းဝေဒနာကို ခံစားနိုင်ရ၏။ ၃ အကြောင်းမှာ ငါ့အသွီးအသားဖြစ်သော ငါ၏လူမျိုးတို့ အကျိုးအတွက် ငါ ကိုယ်တိုင် ခရစ်တော်နှင့် ကွဲကွာ၍ ဘုရားသခင်၏ကျိန်ခြင်းကိုပင် ခံလိုသော ဆန္ဒဟု၏။ ၄ ကုသရေလလူမျိုးရှိသည် ဘုရားသခင်၏လူမျိုးတော်ဖြစ်၏။ သို့ဖြစ်၍ ဘုရားသခင်သည် သူရိုက် မိမိ၏သားသမီးအရာ၌ ချီးမြှောက်ခြင်းဖြင့်လည်းကောင်း၊ ဘုရားသခင်၏ဘုန်းတန်ခိုးတော်တို့ကို ဖွင့်ပြခြင်းဖြင့်လည်းကောင်း၊ ပဋိညာဉ်များပြုခြင်းဖြင့်လည်းကောင်း၊ ပညတ်တရားကို ပီးထားခြင်းဖြင့် လည်းကောင်း ပြုတော်မူ၏။ သူရိုသည်လည်း မှန်သောဝတ်ပြုခြင်းကို ပြုလျက်၊ ဘုရားသခင်၏ကတိတော်များကို ခံရကြ၏။ ၅ သူရိုသည် ထင်ရှားသောဟေဗြဲမျိုးနွယ်မှ ဆင်းသက်လာကြ၏။ ခရစ်တော်သည်လည်း လူ့ဇာတိအားဖြင့် သူရိုထဲမှ ပေါ်ထွန်းလာတော်မူ၏။ ထိုအသျှင်သည် အရာခပ်သိမ်းကို အုပ်စိုးတော်မူ၍ ထာဝရချီးမွမ်းထိုက်တော်မူသော ဘုရားသခင် ဖြစ်တော်မူ၏။ အာမင်။ (aion g165) ၆ သို့ရာတွင် ဘုရားသခင်၏ ကတိတော် မတည်ဟု ငါဆိုလိုခြင်း မဟုတ်။ ကုသရေလ လူမျိုးအားလုံးသည် ဘုရားသခင်၏သားသမီးများ မဟုတ်။ ၇ ထိုနည်းတူ အာဗြဟံ၏ အမျိုးအနွယ်အားလုံးသည်လည်း ဘုရားသခင်၏သားသမီးများ မဟုတ်။ “ကုဇာကအားဖြင့်သာ သင်၏အမျိုးနွယ် တည်လိမ့်မည်” ဟု ဘုရားသခင်က အာဗြဟံအား ကတိတော်ပီးခ၏။ ၈ ထို့ကြောင့်၊ သမာရိယု ခွီးဖွားလာသော သားသမီး တို့သည် ဘုရားသခင်၏သားသမီးတို့ မဟုတ်။ ဘုရားသခင်၏ကတိတော်အားဖြင့် ခွီးဖွားလာသော သားသမီးတို့သာ မှန်သောအမျိုးအနွယ် ဖြစ်ကြသည်ဟု မှတ်တော်မူ၏။ ၉ ဘုရားသခင်သည် ကတိတော် ထားခဲ့သည်မှာ၊ “အခွင့်အခါသင့်သော အချိန်ကာလ ရောက်သောအခါ ငါသည် ကြွလာ၍ စာရာသည် သားကို ရလိမ့်မည်” ဟု လာသတည်း။ ၁၀ ထိုမျှမက ငါရိအဖ ကုဇာကအားဖြင့် ရေပုကွသည့် တစ်ချိန်တည်းမှာပင် သားနှစ်ယောက်ကို ပဋိသန္ဓေတည်လေ၏။ ၁၁ သို့ရာတွင် ဘုရားသခင် ရှိုးချယ်ထားသော သားတစ်ယောက်သာ ဘုရားသခင်၏ အလိုတော်နှင့် ဆိုင်၏။ “သားကြီးသည် သားငယ်၌ ကျွန်ခံရလိမ့်မည်” ဟု ထိုမိန်းမအား ဘုရားသခင် ဗျာဒိတ် ပီးထားတော်မူ၏။ သူရိုကို မမွီးဖွားခင်၊ ထိုသားတို့သည် ကောင်းသောအကျင့်၊ မကောင်းသောအကျင့်ကို မကျင့်ခင်ကပင် ဘုရားသခင်က ဤသို့ မိန့်တော်မူထားပြီး ဖြစ်၏။ ထို့ကြောင့် ဘုရားသခင် ရှိုးကောက်တော်မူခြင်းသည် ခေါ်တော်မူခြင်းနှင့်သာ ဆိုင်၏။ သူရို၏အကျင့်နှင့် မဆိုင်။ ၁၂ ယင်းပုံစံအတိုင်း “ယာကုပ်ကို ငါ ချစ်၏။ သို့ရာတွင် ဇေသကို ငါ မုန်း၏” ဟု ကျမ်းစာလာ၏။ ၁၃ ထိုသို့ဆိုလျှင် ဘုရားသခင်သည် မတရားသောအမှုကို ပြုတော်မူသည်ဟု ငါရို့ ပြောသင့်ပါလား။ လုံးဝ မပြောသင့်။ ၁၄ ဘုရားသခင်က “ငါသည် သနားလိုသော သူကို သနားမည်။ ကရုဏာထားလိုသော သူကိုလည်း ကရုဏာထားမည်” ဟု မောသျှအား မိန့်တော်မူ၏။ ၁၅ ထို့ကြောင့်၊ ဤသို့ပြုတော်မူခြင်းသည် လူ့အလိုဆန္ဒ သို့မဟုတ် လူ၏အကျင့် အားဖြင့် မဟုတ်။ ဘုရားသခင်၏ ကရုဏာတော်၌သာ တည်နိုင်၏။ ၁၆ ကျမ်းစာ၌ အဲဂုတ္တုဘုရင်အား ပြောဆိုထားသည်မှာ၊ “ငါ၏တန်ခိုးကို ပြခြင်းငှာလည်းကောင်း၊ ငါ၏နာမကို မြီကြီးတပြင်လုံးသို့ ကျော်စောခြင်းငှာလည်းကောင်း၊ သင့်ကို ဘုရင်အရာ၌ ငါ ချီးမြှောက်ပြီ” ဟု ဆိုထား၏။ ၁၇ ထို့ကြောင့် ဘုရားသခင်သည် သနားလိုသောသူကို သနားတော်မူ၏။ စိတ်ခိုင်မာစီလိုသော သူကိုလည်း စိတ်ခိုင်မာစီတော်မူ၏။ ၁၈ သင်ရို့ထဲက တစ်ယောက်က “သို့ဖြစ်လျှင် ဘုရားသခင်သည် လူတစ်ဦး တစ်ယောက်ကို ဇာကြောင့် အပြစ်ရှာနိုင်သိမ့်လဲ။ အကြောင်းမူကား ဇာသူသည် ဘုရားသခင်၏အလိုတော်ကို တားဆီးနိုင်ပါမို့လဲ” ဟု ငါ့ကို ဆိုလိမ့်မည်။ ၁၉ သို့သော်လည်း ငါ၏မိတ်ဆွီ၊ ဘုရားသခင်ကို ပြန်ပြောရဲလောက်အောင် သင်သည် ဇာပိုင်လူလဲ။ မြီအိုးတစ်လုံးက အိုးလုပ်သူအား သင်သည် ငါ့ကို “ဇာကြောင့် ဤပုံစံ လုပ်ရလဲ” ဟု ဆိုရမည်လော။ ၂၀ အိုးလုပ်သူသည် အိုးမြီကို သူ့စိတ်ကြိုက် လုပ်နိုင်၏။

အိုးမြီတစ်ပုံတည်းဖြင့် ကောင်းမြတ်သောအိုး၊ သာမန်အိုး စသည်ဖြင့် သူလုပ်ချင်ပိုင် လုပ်ခွင့်ဟိသည် မဟုတ်ပါလား။ 22 ဘုရားသခင်သည်လည်း ဤနည်းတူ ပြုတော်မူ၏။ ကိုယ်တော်သည် မိမိအမျက်တော်ကို ပြချင်၏။ မိမိတန်ခိုးတော်ကို သိမြင်စီချင်၏။ သို့သော်လည်း ပျက်စီးပစ်ရန် ပျင်ဆင်ထားသော အမျက်တော်ခံအိုးတို့ကို အလွန်စိတ်ရှည်လျက် သည်းခံတော်မူ၏။ 23 ထို့ပြင် ဘုရားသခင်သည် မိမိ၏ ဘုန်းတန်ခိုးတော်ကို ခံစားစီခြင်းငှာ ပျင်ဆင်ထားသည့် မိမိ၏ ကရုဏာတော်ကို ခံကြသော ငါရိုအား မိမိ၏အနှိုင်းမဲ့ ဘုန်းတန်ခိုးတော်ကို ဖော်ပြ လိုတော်မူ၏။ 24 အကြောင်းမူကား ငါရိုသည် ဘုရားသခင်ခေါ်ထားသောသူတို့ ဖြစ်ကြ၏။ ထိုသို့ ခေါ်တော်မူရာတွင် ယုဒလူမျိုးများထဲကသာ မဟုတ် တခြားလူမျိုးတို့ထဲကလည်း ပါကြ၏။ 25 ဟောသျှော၏ ကျမ်းစာက ဆိုထားသည်မှာ၊ “ငါ၏လူ မဟုတ်သော သူတို့ကို ‘ငါ၏လူ’ ဟူ၍ ငါခေါ်မည်။ ငါမချစ်သော လူမျိုးတို့ကိုလည်း ‘ငါ ချစ်သောသူ’ ဟူ၍ ငါခေါ်မည်။” 26 “သင်ရိုသည် ငါ၏လူ မဟုတ်” ဟု ပြောဖူးသောအရပ်၌ နီထိုင်ကြသောသူတို့သည်၊ အသက်ရှင်တော်မူသော ဘုရားသခင်၏သားသမီးများဟု ခေါ်ဝေါ်ခြင်းကို ခံကြရလိမ့်မည်” ဟု လာသတည်း။ 27 ထို့အပြင် ပရောဖက် ဟောသျှာယ ကလည်း ဣသရေလ အမျိုးကို ရည်မှတ်၍ ကြွေးကြော်သည်ကား “ဣသရေလလူမျိုးတို့သည် သမုဒ္ဒရာသလုံးနှင့် အမျှ များပြားသော်လည်း အနည်းငယ်သောသူတို့သာလျှင် ကယ်တင်ခြင်းကို ခံရကြလိမ့်မည်။ 28 အကြောင်းမူကား ဘုရားသခင်သည် မိမိ၏အလိုတော်ပြည့်စုံစီခြင်းငှာ လောကသားတို့ကို လျှင်မြန်စွာ တရားစီရင်တော်မူလိမ့်မည်” ဟု ဆိုသတည်း။ 29 ယင်းပုံစံအတိုင်း၊ ဟောသျှာယကလည်း ယခင်က ဆိုဖူးသည်မှာ၊ “တန်ခိုးတော်အသျှင် ထာဝရဘုရားသည် ငါရိုအဖို့ ငါရို၏မျိုးဆက်ကို မချန်ထားလျှင် ငါရိုသည် သောဒုံမြို့ကဲ့သို့ လည်းကောင်း၊ ဂေါမောရမြို့ကဲ့သို့ လည်းကောင်း ဖြစ်ရလိမ့်မည်” ဟူ၍ ဖြစ်၏။ 30 ထို့ကြောင့်၊ ဘုရားသခင်နှင့် မှန်ကန်ခြင်းငှာ မကြိုးစား၊ အားမထုတ်သော တခြားလူမျိုးရိုသည် ယုံကြည်ခြင်းအားဖြင့် ဘုရားသခင်နှင့် မှန်ကန်သောတရားကို ရကြ၏ဟု ငါရို ပြောဆိုခြင်းဖြစ်၏။ 31 ဘုရားသခင်နှင့် မှန်ကန်ရန်အတွက် ပညတ်တရားကို ရှာခိုက်ကြသော ဣသရေလလူမျိုးတို့မှာကား ဘုရားသခင်နှင့် မှန်ကန်သောတရားလမ်းကို မတို့ကြ။ 32 ဇာကြောင့်မတို့ကတ်စွာလဲ၊ အကြောင်းမူကား သူရိုသည် ယုံကြည်ခြင်းကို အမှီမပြု၊ သူရို၏အကျင့်တရားကိုသာ အမှီပြု၍ ဖြစ်၏။ တစ်နည်းဆိုသော် သူရိုသည် တားဆီးထားသော ကျောက်တုံးကို တိုက်မိကြ၏။ 33 ကျမ်းစာ၌ လာသည်ကား၊ “ကြည့်ရှုလော့၊ ငါသည် လူအများ တိုက်မိစီခြင်းငှာ ဇီအုန်တောင်ထက်၌ ကျောက်တုံးတစ်တုံးကို ချထား၏။ ထိုကျောက်တုံးသည် သူရိုကို လဲစီခြင်းငှာ ဖြစ်၏။ ကိုယ်တော်၌ ယုံကြည်သောသူ မည်သည်ကား၊ ရှက်ကြောက်ခြင်း မဟိစီရ” ဟူ၍ ဖြစ်၏။

10 ငါ၏ညီအစ်ကို မောင်နှံရို၊ ငါ၏ ဣသရေလလူမျိုးရိုသည် ကယ်တင်ခြင်းသို့ ရောက်ကြစီခြင်းငှာ ငါ၏စိတ်နှလုံးသည် လိုလားတောင်းတလျက် ဘုရားသခင်ကို ဆုတောင်းလျက်ဟိပါ၏။ 2 သူရိုသည် ဘုရားသခင်ကို အလွန်နက်ယိုင်းစွာ ကြည်ညိုကြသည်ကို ငါ အသေအချာ ပြောရပါ၏။ သို့ရာတွင် သူရို၏ ကိုးကွယ်ယုံကြည်မှုသည်ကား မှန်ကန်သော အသိတရား၌ အခြေပြုထားကြသည် မဟုတ်။ 3 သူရိုသည် ဘုရားသခင်၏ ဖြောင့်မတ်ခြင်းတရားလမ်းကို မသိကြပေ။ ထို့ကြောင့် သူရို၏ လူ့ဇာတိနည်းလမ်းကို တည်ဆောက်ရန် ကြိုးစားလျက် ဘုရားသခင်၏ ဖြောင့်မတ်ခြင်းတရားလမ်းကို လက်မခံဘဲ နှိန်ကြ၏။ 4 ခရစ်တော်သည်ကား ယုံကြည်သူတိုင်းကို ဖြောင့်မတ်သောသူတို့ ဖြစ်လာစီခြင်းငှာ ပညတ်တရားကို ပြည့်စုံစီသောသူဖြစ်၏။ 5 မောသျှောကလည်း ပညတ်တရားအားဖြင့် ရသော ဖြောင့်မတ်ခြင်းတရားအကြောင်းကို ရိုးထားခသည်မှာ “ပညတ်တရားကို ကျင့်သောသူသည် ပညတ်တရားအားဖြင့် အသက်ရှင်လိမ့်မည်” ဟူ၍ ဖြစ်၏။ 6 ယုံကြည်ခြင်းအားဖြင့် ရသော ဖြောင့်မတ်ခြင်းတရားအကြောင်းကို ကျမ်းစာက ဆိုထားသည်မှာ၊ “ဇာသူသည် ကောင်းကင်ဘုံသို့ တက်လိမ့်မည်နည်းဟု သင်၏စိတ်နှလုံးထဲမှာ မအောက်မိကတ်ကော့။” (ဤသည်ကား ခရစ်တော်ကို အောက်အရပ်သို့ ပို့ဆောင်ခြင်းကို ဆိုလို၏။) 7 “သို့တည်းမဟုတ်၊ ဇာသူသည် နက်နဲရာအရပ်သို့ ဆင်းသက်လိမ့်မည်နည်း”

(ဤသည်ကား ခရစ်တော်ကို သိခြင်းမှ ထမြောက်စီခြင်းကို ဆိုလို၏။)။ (Abyssos g12) 8 သို့ရာတွင် ကျမ်းစာက ဇာပြောထားလဲ ဆိုလျှင်။ “တရားတော်သည် သင်ရို့ အနားမှာ ဟိ၏။ သင်ရို့၏ နှုတ်ဌ်လည်းကောင်း၊ သင်ရို့၏ စိတ်နှလုံးသားထဲ၌လည်းကောင်း ဟိတော်မူ၏” ဟူ၍ ဖြစ်၏။ ထိုသို့ဆိုထားသည်မှာ ငါရို့ ဟောပြောနိုင်သော ယုံကြည်ခြင်းတရားကို ဆိုထားခြင်းဖြစ်၏။ 9 သင်ရို့သည်ကား “ယေသုသျှသည် အသျှင်သခင် ဖြစ်တော်မူ၏” ဟု မိမိ၏နှုတ်ဖြင့် မြှောက်ဆို၍ ဘုရားသခင်သည် ထိုအသျှင်ကို သိခြင်းမှ ထမြောက်စီတော်မူသည်ဟု မိမိ၏စိတ်နှလုံးထဲ၌ ယုံကြည်ကြလျှင် ကယ်တင်ခြင်းသို့ ရောက်လိမ့်မည်။ 10 အကြောင်းမူကား သင်ရို့သည် စိတ်နှလုံးဖြင့် ယုံကြည်လျှင် ပြောမတ်ရာသို့ ရောက်ကြလိမ့်မည်။ မိမိ၏ယုံကြည်ခြင်းကို မိမိ၏နှုတ်ဖြင့် ဝန်ခံကြလျှင် ကယ်တင်ခြင်းသို့ ရောက်ကြလိမ့်မည်။ 11 ကျမ်းစာလာသည်ကား၊ “ကိုယ်တော်ကို ယုံကြည်သောသူတိုင်းသည် ရှက်ကြောက်ခြင်း လုံးဝမဟိစီရ” ဟူ၍ ဖြစ်၏။ 12 ယုဒလူမျိုး၊ တခြားလူမျိုးဟူ၍ ခွဲခြားမှုမဟိ၊ ဘုရားသခင်သည် လူအားလုံး၏အသျှင်သခင် ဖြစ်တော်မူ၍ ကိုယ်တော်၌ ဆုတောင်းသမျှ သောသူတို့အား ကောင်းကြီးမင်္ဂလာများကို ကြွယ်ဝစွာ ချပီးတော်မူ၏။ 13 ကျမ်းစာလာသည်ကား၊ “ထာဝရဘုရားသည် ဆုတောင်းပတ္တနာ ပြုသောသူ မှန်သမျှကို ကယ်တင်တော်မူလိမ့်မည်” ဟူ၍ ဖြစ်၏။ 14 သို့ရာတွင် ကိုယ်တော်ကို ယုံကြည်မှုမဟိလျှင် ဇာပိုင် ဆုတောင်းပတ္တနာ ပြုနိုင်မည်နည်း။ သတင်းကောင်းတရားကို မကြားလျှင် ဇာပိုင် ယုံကြည်နိုင် ဖို့လဲ။ သတင်းကောင်းတရားကို မဟောပြောလျှင် ဇာပိုင်ကြားနိုင်ဖို့လဲ။ 15 ဟောပြောဖို့လူတို့ကို မပို့ပီးလျှင် သတင်းကောင်းတရားကို ဇာသူ ဟောပြောနိုင်ဖို့လဲ။ ကျမ်းစာက ဆိုထားသည်မှာ “သတင်းကောင်းတရားကို ယူဆောင်လာသောသူရို့သည် အလွန် ချီးမွမ်းအံ့ဩဖွယ် ကောင်းလိစွ” ဟူ၍ ဖြစ်၏။ 16 သို့ရာတွင် သတင်းကောင်းတရားကို လူတိုင်း လက်မခံကြ။ ပရောဖက်ဟောသျှာယက သူကိုယ်တိုင် ပြောခသည်မှာ “ထာဝရဘုရားသျှင်၊ အကျွန်ရို့၏သတင်းစကားကို ဇာသူ ယုံကြည်ပါသနည်း” ဟူ၍ ဖြစ်၏။ 17 သို့ဖြစ်၍ ယုံကြည်ခြင်းသည် သတင်းကောင်းတရားကို ကြားနာရခြင်းကြောင့် ဖြစ်၏။ ကြားနာခြင်းသည်ကား ခရစ်တော်အကြောင်းကို ဟောပြောခြင်းအားဖြင့် ဖြစ်၏။ 18 သို့ရာတွင် လူအပေါင်းရို့သည် သတင်းကောင်းတရားကို မကြားရသည့်မှာ အမှန်ပင်ဖြစ်သလားဟု ငါမိန်းလို၏။ သူရို့သည် ကြားနာခွင့်ကို အမှန်ပင် ရကြ၏ — ကျမ်းစာတော်က “သတင်းကောင်းတရားကို ဟောပြောသူရို့၏ အသံသည် မြီကြီးတပြင်လုံးသို့ ပြန့်နှံ့လား၏။ သူရို့၏တရားစကားများသည် ကမ္ဘာ အဆုံးတိုင်အောင် ရောက်လား၏” ဟု ဆိုထား၏။ 19 တဖန် ကုသရေလလူမျိုးရို့သည် နားမလည်ကတ်လားဟု ငါမိန်းလို၏။ မောသျှက “ငါသည် ငါ၏လူတို့ မနာလိုစိတ်ဝင်လာရန် မရေရာသောလူရို့ကို အသုံးပြုလိမ့်မည်။ ရူးသွပ်သောလူမျိုးအားဖြင့် ငါ့လူမျိုးတို့၏ အမျက်ကို နှိုးဆော်လိမ့်မည်” ဟု ဦးစွာပထမ ဖြေကြား၏။ 20 ဟောသျှာယက “ငါ့ကို မရှာသောသူရို့သည် ငါ့ကိုတို့ခကြ၏။ ငါ၏အကြောင်းကို မမိန်းသော သူရို့အား ငါ ကိုယ်တိုင် ဖော်ပြခ၏” ဟု ထင်ရှားစွာ ပြောဆိုခ၏။ 21 သို့ရာတွင် ကုသရေလလူမျိုးတို့နှင့် ပတ်သက်၍ မူကား “ငါ့ကို ဆန့်ကျင်ပုန်ကန်၍ ငါ့စကားကို မနာခံသောလူမျိုးအား ငါသည် တစ်ချိန်လုံး မိမိ၏လက်ကို ကမ်းလျက်ဟိ၏” ဟု ဟောသျှာယက ဆိုထားခ၏။

11 သို့ဖြစ်လျှင် ဘုရားသခင်သည် သူ၏လူမျိုးတို့ကို ထားပစ်ခယာလားဟု ငါ မိန်းသော်၊ ထိုသို့မဆိုလို။ ငါသည်လည်း ကုသရေလလူမျိုး၊ အာဗြဟံ၏မျိုးဆက်၊ ဗယ်ာမိန်မျိုးနွယ်ဖြစ်၏။ 2 ဘုရားသခင်သည် အစကတည်းက သိမှတ်တော်မူသော မိမိလူတို့ကို ထားပစ်ခသည် မဟုတ်။ ဧလိယက ကုသရေလလူမျိုး တစ်ဖက်၌ ဘုရားသခင်အား တောင်းဆိုထားသည့် ကျမ်းစကားကို သင်ရို့ သိကြ၏။ 3 ထိုကျမ်းစာ၌ “အို၊ ထာဝရဘုရား၊ သူရို့သည် ကိုယ်တော်၏ပရောဖက်တို့ကို သတ်ကြပြီးလျှင် ကိုယ်တော်၏ယမ်ပလွင်များကို ဖြိုဖျက်ကြပါ၏။ အကျွန် တစ်ယောက်တည်းသာ ကျန်နိုင်ခဲ့ပြီဖြစ်၍ အကျွန် အသက်ကိုပင် သတ်ဖို့ရန် ကြိုးစားနိုင်ကြပါ၏။” ဟူ၍ လျှောက်ထား၏။ 4 ထိုအခါ ဘုရားသခင်က ဧလိယကို ပြန်၍ မိန့်တော်မူသည်မှာ၊ “ဗာလနတ်ဘုရားကို မကိုးကွယ်သော လူ ၇,၀၀၀ သည် ငါ့အတွက် ကျန်နိုင်သိမ့်၏” ဟု မိန့်တော်မူ၏။ 5 ထိုနည်းတူ အဂုကာလ၌ ဘုရားသခင်၏ကျေးဇူးတော်အားဖြင့်

ရှိုးကောက်ထားသောသူ အနည်းချေရာ ကျန်ကြွင်းလျက်ဟိ၏။ 6 ကိုယ်တော်၏ရှိုးကောက်တော်မူခြင်းသည် လူ့အကျင့်ကို ထောက်၍ မဟုတ်၊ မိမိ၏ကျေးဇူးတော်အားဖြင့်သာဖြစ်၏။ အကြောင်းမူကား ဘုရားသခင်၏ရှိုးကောက်တော်မူခြင်းသည် လူ့အကျင့်အားဖြင့်သာ ဖြစ်လျှင် ကိုယ်တော်၏ကျေးဇူးတော်သည် စစ်မှန်သော ကျေးဇူးတော်ဖြစ်လိမ့်မည် မဟုတ်။ 7 ဧပိုင်လဲဆိုကော၊ ဣသရေလလူရို့သည် သူရို့ ရှာသောအရာကို သူရို့ မတို့ကြ။ ဘုရားသခင်ရှိုးကောက်ထားသည် လူ့အနည်းချေတိရာ တို့ကြရ၏။ ကျန်ကြွင်းသော သူရို့သည်ကား နားမကြားနိုင်ကတိယာ။ 8 ထိုသို့နှင့်အညီ ကျမ်းစာက ပြောထားသည်မှာ၊ “ဘုရားသခင်သည် သူရို့အား မမြင်နိုင်၊ မကြားနိုင်အောင် သူရို့၏စိတ်နှလုံးကို ယန့်တိုင်အောင် အမှိုက်တရားဖြင့် ဖုံးလွှမ်းထား၏” ဟူ၍ ဖြစ်၏။ 9 ပြီးနောက် ဒါဝိဒက ပြောထားသည်မှာ၊ “သူရို့၏စားပွဲသည် သူရို့အတွက် ကျော့ကွင်းသော်လည်းကောင်း ထောင်ချောက်သော်လည်းကောင်း တိုက်မိ၍ လဲစရာအဖြစ်သော်လည်းကောင်း၊ ခံထိုက်သောအပြစ်သော်လည်းကောင်း ဖြစ်ပါစီ။ 10 သူရို့၏မျက်စိသည်လည်း မမြင်နိုင်အောင် အမှောင်ဖုံး ပါစီ။ သူရို့နောက်ကုန်းသည် ထာဝရ ကုန်းနိုင်ပါစီ” ဟူ၍ ဖြစ်၏။ 11 သို့ဖြစ်လျှင် ဣသရေလလူရို့သည် ခြံလျှော်၍ လဲကျသောအခါ ပျက်စီးခြင်းသို့ ရောက်ကြရသလားဟု ငါ မိန်းသော်၊ ထိုသို့ လုံးဝ မဟုတ်။ သူရို့သည် အပြစ်လုပ်သောကြောင့် ကယ်တင်ခြင်းသည် တခြားလူမျိုးတိပါးသို့ ရောက်လားရ၏။ အကြောင်းမှာ သူရို့သည် တခြားလူမျိုးတို့ကို မနာလိုဖြစ်စီရန် ဖြစ်၏။ 12 ဣသရေလလူမျိုးတိ အပြစ်လုပ်ခြင်းသည် လောကထဲသို့ ကောင်းကြီးမင်္ဂလာများစွာကို ယူဆောင်ပီးကြ၏။ တဖန် သူရို့၏ ကျယွှမ်းခြင်းသည် တခြားလူမျိုးတို့၌ ကောင်းကြီးမင်္ဂလာ ကြွယ်ဝခြင်းကို ဖြစ်စီတော်မူ၏။ ဣသရေလလူမျိုးအားလုံး ကယ်တင်ခြင်းခံကြသောအခါ ထိုကောင်းကြီးမင်္ဂလာသည် သာ၍ ကြွယ်ဝလာလိမ့်မည်ဖြစ်၏။ 13 ငါသည် တခြားလူမျိုးတို့နှင့်ဆိုင်သော တမန်တော်တစ်ယောက် ဖြစ်သည့်အားလျော်စွာ ငါ၏အမှုတော်ဆောင်ခြင်းကို ငါသည် ဂုဏ်ယူလျက်ဟိကြောင်း လူမျိုးခြားဖြစ်သော သင်ရို့ကို အဂု ငါ ပြောလိုက်ပါ၏။ 14 ငါသည် ငါ၏လူမျိုးရို့ကို မနာလိုစိတ် ဖြစ်လာစီရန် တစ်နည်းနည်းဖြင့် လှုံ့ဆော်၍ တချို့ကို ကယ်တင်ခြင်းရစီခြင်းငှာ မျှော်လင့်၏။ 15 အကြောင်းမူကား သူရို့၏အပယ်ခံထားရခြင်းသည် လောကီသားတိအား ပြန်လည်သင့်မြတ်ခြင်းကို ဖြစ်စီလျှင်၊ သူရို့ကို ပြန်လည်လက်ခံခြင်းသည် ဧာဖြစ်လိမ့်မည်နည်း၊ သီခြင်းမှ ထမြောက်ခြင်းကို ဖြစ်စီလိမ့်မည် မဟုတ်ပါလား။ 16 အဦးဆုံးအသီးများအဖြစ်ဖြင့် ပူဇော်သကာပြုသော မုန့်ညက်သည် သန့်ယှင်းလျှင် မုန့်တစ်ပုံလုံးသည် သန့်ယှင်းလျက်ဟိ၏။ ထို့အပြင် အမြစ်သန့်ယှင်းလျှင် အကိုင်းအခက်တိလည်း သန့်ယှင်းကြ၏။ 17 တချို့သော အကိုင်းအခက်များကို ချိုးဖဲ့၍ ရိုင်းသောသံလွင်ပင်၏ အတက်ချေတစ်ခုဖြစ်သော သင့်ကို တခြားသောအကိုင်းအခက်များကြား၌ ကိုင်းကူးစိုက်ပျိုးထားခြင်းကို ခံရပြီးလျှင် အဂုအခါ၌ သံလွင်ပင်၏အမြစ်မှလာသော ဩဇာအဟာရဓာတ်များကို ခံစားနိုင်ရလျှင်၊ 18 သင်သည် တခြားသောအကိုင်းအခက်များထက် သာလွန်သည်ဟု မိမိကိုယ်ကို မထင်မှတ်နှင့်။ ထင်မှတ်လျှင်မူကား မိမိသည် အမြစ်ကို မထောက်ပံ့၊ အမြစ်သည် မိမိကို ထောက်ပံ့သည်ဟု ထင်မှတ်လော့။ 19 ထို့နောက် သင်က “ငါ့ကို ကိုင်းကူးစိုက်ခြင်းငှာ အကိုင်းအခက်များသည် ချိုးဖဲ့ခြင်းကို ခံရကြ၏” ဟု သင်ဆိုလိမ့်မည်။ 20 မှန်၏။ သို့ရာတွင် မယုံကြည်သောကြောင့် သူရို့သည် ချိုးဖဲ့ခြင်းကို ခံရကြပြီးလျှင် သင်သည် ယုံကြည်ခြင်းအားဖြင့် တည်၏။ မာနစိတ်မဝင်ကော။ ကြောက်စိတ်ဝင်လော့။ 21 အကြောင်းမူကား ဘုရားသခင်သည် မူလအကိုင်းအခက်များကို အခွင့်မပီးလျှင် သင်ကိုလည်း အခွင့်ပီးလိမ့်မည် မဟုတ်။ 22 ထို့ကြောင့် လဲသောသူရို့အား ပြင်းထန်စွာ စီရင်တော်မူတတ် သော်လည်း သင့်အား သနားတော်မူတတ်သောဘုရားသခင်၏ ပြင်းထန်သောစီရင်တော်မူခြင်းနှင့် သနားတော်မူခြင်းကို ဆင်ခြင်ထောက်ရှုလော့။ သင်သည် ကိုယ်တော်၌ ဆက်လက်၍ တည်နိုင်လျှင် သနားတော်မူခြင်းကို ခံရလိမ့်မည်။ ထိုသို့ မဟုတ်လျှင် သင်သည်လည်း ခွတ်ပစ်ခြင်းကို ခံရလိမ့်မည်။ 23 ထို့အပြင် ဣသရေလလူမျိုးရို့သည် မယုံကြည်မှုကို စွန့်ပယ်ကြလျှင် နဂိုမူလနီရာ၌ တဖန်ပြန်၍ စိုက်ပျိုးထားခြင်းကို ခံရကြလိမ့်မည်။ အကြောင်းမူကား ဘုရားသခင်သည် သူရို့အား တဖန်ပြန်၍ စိုက်ပျိုးခြင်းငှာ

တတ်စွမ်းနိုင်တော်မူ၏။ 24 နောက်ဆုံးပြောရလျှင် သင်ရိုးသည် ပကတိအားဖြင့် ရိုင်းသောသံလွင်ပင်မှ ဖွဲ့ယူ၍ အသီးသီးသောသံလွင်ပင်၌ မိမိ၏ပကတိကို ဆန့်ကျင်လျက် ကိုင်းဆက်စိုက်ပျိုးထားခြင်းကို ခံရကြလျှင် ပကတိအခက်များသည် မိမိရို၏မူလသံလွင်ပင်၌ ဆက်၍ စိုက်ရခြင်းအခွင့်ကို သာ၍ ခံကြရလိမ့်မည်။ 25 ညီအစ်ကို မောင်နှမရို့ သင်ရိုးသည် မိမိကို မိမိ ပညာဟိဟူ၍ မထင်မှတ်စီမည့်အကြောင်း ကုသရေလလူမျိုးရို၏ မာကျောခက်ထန်နိန့်ကြခြင်းသည် ဘုရားသခင်ထံတော်သို့ ဝင်ရောက်လာကြသော တခြားလူမျိုးတို့ အရေအတွက် ပြည့်စုံသည့်အချိန်ထိသာ ဖြစ်သည်ဟူသော ဤလျှို့ဝှက်ချက်ကို မသိဘဲနိန့်ကြခြင်းကို ငါသည် အလိုမဟိ။ 26 ဤသို့အားဖြင့် ကုသရေလလူမျိုးအားလုံး ကယ်တင်ခြင်း ခံရမည့် အကြောင်း ကျမ်းစာ လာသည်ကား။ “ကယ်တင်သျှင်သည် ဇီအုန်တောင်မှ ကြွလာတော်မူ၍ မတရားမှုတို့ကို ယာကုပ်၏အမျိုးမှ ဖယ်ပျားလိမ့်မည်။ 27 ငါသည် သူရို့အပြစ်ကို ဖယ်ပျားသောအခါ၊ ဤပဋိညာဉ်ကို သူရို့နှင့် ငါ ပြုလိမ့်မည်” ဟူ၍ ဖြစ်၏။ 28 ကုသရေလလူမျိုးရို့သည် သင်ရိုး တခြားလူမျိုးအကျိုးကို ထောက်ရှု၍ သတင်းကောင်းတရားကို ငြင်းပယ်လျက် ဘုရားသခင်၏ရန်သူများ ဖြစ်ကြရ၏။ သို့ရာတွင် ဘုရားသခင်ရှိုးကောက်ထားသော မိမိရို၏ဖိုးဖီးများကြောင့် သူရို့သည် ဘုရားသခင် ချစ်သောသူများ ဖြစ်ကြ၏။ 29 အကြောင်းမူကား ဘုရားသခင်၏ ကျေးဇူးတော်သည်လည်းကောင်း၊ ကိုယ်တော်၏ ခေါ်ထားတော်မူခြင်းသည်လည်းကောင်း ပြောင်းလဲတော်မမူ။ 30 သင်ရို့ တခြားလူမျိုးတို့သည် အယင်က ဘုရားသခင်၏စကားကို မနာခံကြသော်လည်း ကုသရေလလူမျိုးတို့ မနာခံခြင်းကြောင့် အဂုအခါမှာ သင်ရို့သည် ဘုရားသခင်၏ကရုဏာတော်ကို ခံစားကြရ၏။ 31 ထိုနည်းတူ သင်ရို့ ခံစားရသော ကရုဏာတော်ကို ထောက်ရှု၍ အဂုတွင် သူရို့သည်လည်း ဘုရားသခင်၏ကရုဏာတော်ကို ခံစားရစီခြင်းငှာ အဂုအခါတွင် သူရို့သည် ဘုရားသခင်၏စကားကို မနာခံဘဲ နိန့်ကြ၏။ 32 အကြောင်းမူကား ဘုရားသခင်သည် လူတိုင်းကို မိမိ၏ကရုဏာတော်သက်ရောက်စီခြင်းငှာ အမိန့်မနာခံခြင်း၌ ချုပ်ထားတော်မူ၏။ (eleēsē g1653) 33 ဘုရားသခင်သည် ဉာဏ်တော်အနန္တ၊ ပညာတော်အနန္တနှင့် ပြည့်စုံတော်မူပါ၏တကား။ ကိုယ်တော်၏တရားစီရင်တော်မူချက်တို့ကို ဇာသုသည် ရှင်းပြနိုင်အံ့နည်း။ ကိုယ်တော်ပြုတော်မူသောအရာများကို ဇာသုသည် နားလည်နိုင်အံ့နည်း။ 34 ကျမ်းစာလာသည်ကား။ “ထာဝရဘုရား၏စိတ်တော်ကို ဇာသု သိသနည်း။ ဘုရားသခင်ကို အကြံဉာဏ် ပီးခြင်းငှာ ဇာသု တတ်နိုင်ပါအံ့နည်း။ 35 ဇာသုသည် မိမိအား ကျေးဇူးတုံ့ပြန်စီခြင်းငှာ ဘုရားသခင်ကို ကျေးဇူးပြုဖူးသနည်း။” 36 အကြောင်းမူကား ခပ်သိမ်းသောအရာများသည် ကိုယ်တော်ထံမှ ဖြစ်၏။ ခပ်သိမ်းသောအရာများသည် ကိုယ်တော်၏တန်ခိုးတော်အားဖြင့်သာ တည်ကြ၏။ ခပ်သိမ်းသောအရာများသည် ကိုယ်တော်အဖို့အလိုငှာ ဖြစ်ကြ၏။ ဘုန်းတန်ခိုးတော်သည် ကိုယ်တော်၌ ထာဝရတည်ပါစီသောဝံ။ အာမင်။ (aiōn g165)

12 သို့ဖြစ်၍ ငါ၏ညီအစ်ကို မောင်နှမရို့၊ ဘုရားသခင် နှစ်သက်တော်မူခြင်းငှာ လည်းကောင်း၊ ဘုရားသခင်၏အမူတော်မြတ်ကို ဆောင်ရွက်ရာ၌လည်းကောင်း သင်ရို့၏ခန္ဓာကိုယ်ကို သန့်ယှင်း၍ ဘုရားသခင်နှစ်သက်တော်မူသော အသက်ရှင်သည့် ပူဇော်သကာအဖြစ် ဆက်ကပ်ပူဇော်ကြခြင်းငှာ ဘုရားသခင်၏ ကရုဏာတော်အားဖြင့် သင်ရို့ကို ငါ တောင်းပန်လိုက်ပါ၏။ ဤကား သင်ရို့ပြုရမည့် စစ်မှန်သော ကိုးကွယ်ဝတ်ပြုခြင်းဖြစ်၏။ 2 သင်ရို့သည် လောကီသားတို့ ပိုင်ပျောင့် အသက်မရှင်ကတ်ကျော။ သင်ရို့၏ အတွင်းစိတ်သဘော အပြည့်အဝ ပြောင်းလဲစီခြင်းငှာ ဘုရားသခင်ကို အခွင့်ပီးကြလော့။ သို့မှသာ ဇာအရာကား ကောင်းမြတ်၏။ ဇာအရာကို ဘုရားသခင် နှစ်သက်၏။ ဇာအရာသည် စုံလင်သောအရာဖြစ်၏ ဟူသော ဘုရားသခင်၏အလိုတော်ကို သင်ရို့ သိနိုင်ကြလိမ့်မည်။ (aiōn g165) 3 ဘုရားသခင်၏ကျေးဇူးတော်အားဖြင့် သင်ရို့ကို ငါ ပြောလိုသည်မှာ၊ သင်ရို့သည် မိမိကိုယ်ကို မိမိ ထင်သင့်သည်ထက် သာလွန်၍ မထင်ဘဲ ဘုရားသခင်ပီးထားသော ယုံကြည်ခြင်း ဟိကြသည့်အတိုင်း ကိုယ့်ကိုယ်ကို စစ်ကြောစီရင်ပြီးမှသာလျှင် မိမိထင်သင့်သလောက်သာ ထင်ကြလော့။ 4 လူတစ်ယောက်၏ခန္ဓာကိုယ်တွင် အင်္ဂါများစွာ

ဟိကြသည့်အခါ အင်္ဂါများ၌ ဆောင်ရွက်စရာ လုပ်ငန်းကိုယ်စီ ဟိကြသည့် 5 နည်းတူ များစွာသော ငါရီသည် ခရစ်တော်၌ ခန္ဓာတစ်ခုတည်းဖြစ်၍ အသီးသီးသောအင်္ဂါများ ဖြစ်ကြ၏။ 6 ထို့ကြောင့် ငါရီသည် ဘုရားသခင် ပီးထားသော ကျေးဇူးတော်နှင့်အညီ မတူညီသော ဆုကျေးဇူးများကို အသုံးပြုကြရမည်။ ငါရီ၏ ဆုကျေးဇူးသည် ဘုရားသခင်၏သတင်းကောင်းကို ဟောပြောဖို့ ဖြစ်လျှင် ငါရီမှာဟိသော ယုံကြည်ခြင်းအတိုင်း ထိုသတင်းကောင်းကို ပြောကြရမည်။ 7 အမှုတော်ဆောင်ဖို့ ဆုကျေးဇူးဟိလျှင် အမှုတော်ကို ဆောင်ရွက်စီ။ ဆုံးမဩဝါဒပီးဖို့ ဟိလျှင် ထိုအမှုကို ဆောင်ရွက်စီ။ 8 သူတစ်ပါးကို တိုက်တွန်းနှိုးဆော်တတ်သည့် ဆုကျေးဇူးဟိလျှင် ထိုအမှုကို ဆောင်ရွက်စီ။ ပီးကမ်းစွန့်ကြခြင်း ဆုကျေးဇူးဟိလျှင် ရက်ရောစွာဖြင့် ပီးကမ်းကြစီ။ အုပ်ချုပ်ဖို့ရန် ဆုကျေးဇူး ဟိသောသူသည် လုံ့လဝီရိယစိုက်၍ အုပ်ချုပ်စီ။ သူတစ်ပါးကို သနားကရုဏာထားခြင်းငှာ ဆုကျေးဇူး ဟိသောသူသည်လည်း ဝမ်းမြောက်သောစိတ်ဖြင့် ထိုအမှုကို ပြုကြစီ။ 9 ဟန်ဆောင်မှုကင်းမဲ့သောမေတ္တာနှင့် ချစ်ကြလော့။ မကောင်းမှုကို ရှုမှန်း၍ ကောင်းမှုကို လက်ကိုင်ထားကြလော့။ 10 ခရစ်ယာန်များ ဖြစ်ကြသည့်အလျှောက် တစ်ယောက်ကို တစ်ယောက် နှီးထွီးစွာ ချစ်ကြလော့။ သူတစ်ပါးကို ကိုယ့်ထက် ချီးမြှောက်ကြလော့။ 11 ပျင်းရိခြင်းမဟိဘဲ ကြိုးစားအားထုတ်ကြလော့။ စိတ်နှလုံးကို ဆက်ကပ်အပ်နှံ၍ သခင်ဘုရား၏အမှုတော်မြတ်ကို ဆောင်ရွက်ကြလော့။ 12 ဆင်းရဲဒုက္ခရောက်စဉ်ခါ သည်းခံလျက် ဝမ်းမြောက်စိတ်နှင့် မျှော်လင့်၍ နိန်ကြလော့။ အမြဲမပြတ်ဆုတောင်းပတ္တနာပြုလျက် နိန်ကြလော့။ 13 မိမိရီ၏ ဥစ္စာပစ္စည်းများကို လိုအပ်သောခရစ်ယာန်ညီအစ်ကိုများကို ဝီမျှကြလော့။ အာကန္တဝတ်ကို ကျေပွန်စွာ ပြုကြလော့။ 14 သင်ရီကို ညဉ့်ဆဲသောသူတိအား ကျိန်ဆဲခြင်းကို မပြုကြဘဲ၊ ကောင်းကြီးပီးကြလော့။ 15 ဝမ်းမြောက်သောသူတိနှင့် အတူ ဝမ်းမြောက်ကြလော့။ ငိုကြွေးနိန်ကြသောသူတိနှင့်အတူ ငိုကြွေးကြလော့။ 16 အချင်းချင်း စိတ်သဘောတစ်ညီတစ်ညွတ်တည်းဖြင့် နီထိုင်ကြလော့။ ကြားဝါခြင်း မဟိကြနှင့်။ နိမ့်ကျသော သူတိကို မိတ်ဆွီဖွဲ့ကြလော့။ ကိုယ့်ကိုကိုယ် ပညာဟိဟူ၍ မထင်ကတ်ကော့။ 17 သင်ရီကို ပြစ်မှားသောသူအား ပြန်၍ အပြစ်မပြုကတ်ကော့။ လူတိုင်းရှိမှာ ဖြောင့်မတ်သောအမှုကို ပြုခြင်းငှာ ဂရုစိုက်ကြလော့။ 18 သင်ရီသည် တတ်နိုင်သမျှ လူတိုင်းနှင့် ငြိမ်းချမ်းစွာ နီထိုင်ကြလော့။ 19 ငါ့မိတ်ဆွီရီ မည်သည့်အခါမျှ ရန်တုန်ပြန်ခြင်း မပြုကတ်ကော့။ ဘုရားသခင်၏အမျက်တော်ကို အခွင့်ပီးကြလော့။ ကျမ်းစာလာသည်ကား၊ “ငါသည် အပြစ်တရားကို စီရင်ပိုင်၏။ အပြစ်ဟိသည့်အလျောက် ငါ ပြန်၍ ပီးဆပ်လိမ့်မည်” ဟု ထာဝရဘုရားက မိန့်တော်မူ၏။ 20 ထို့ကြောင့် “သင်ရီ၏ရန်သူသည် ဆာလောင်မွတ်သိပ်၍ လာလျှင် လုပ်ကျွေးပြုစုကြလော့။ ရီသောက်ငတ်လာလျှင် သောက်ဖို့ရန် ရီကို ပီးကြလော့။ ထိုသို့ ပြုခြင်းအားဖြင့် သူရီသည် အရှက်ရလာကြလိမ့်မည်။” 21 အဆိုးအားဖြင့် အရှုံးမခံဘဲ၊ အကောင်းအားဖြင့် အဆိုးကို နိုင်လော့။

13 အုပ်ချုပ်သူများ၏အမိန့်အာဏာကို လူတိုင်း လိုက်နာကြရမည်။ အကြောင်းမူကား၊ ဘုရားသခင်အခွင့်မပီးလျှင် ထိုအုပ်ချုပ်သူရီ၌ အာဏာ မဟိ။ အုပ်ချုပ်သောသူရီ၌ ဟိသောအခွင့်အာဏာသည် ဘုရားသခင် ပီးထားသောကြောင့်သာ တည်ရ၏။ 2 ထို့ကြောင့်၊ အုပ်ချုပ်သူတိကို ဖီဆန်သူသည် ဘုရားသခင်ပီးထားသောအမိန့်ကို ဖီဆန်သောသူဖြစ်သဖြင့် ထိုသူသည် အပြစ်စီရင်ခြင်းကို ခံရလိမ့်မည်။ 3 ကောင်းသောအကျင့်ကို ကျင့်သောသူသည်ကား အုပ်ချုပ်သူများကို ကြောက်စရာမလို။ မကောင်းသောအကျင့်ကို ကျင့်သောသူရီသာလျှင် အုပ်ချုပ်သူများကို ကြောက်ကြရမည်။ သင်သည် အုပ်ချုပ်သူများကို မကြောက်ဘဲနိန်ချင်လား။ ထိုသို့ဆိုလျှင် ကောင်းသောအကျင့်ကို ကျင့်ရမည်။ အုပ်ချုပ်သူများကလည်း သင့်ကို ချီးမြှောက်လိမ့်မည်။ 4 အကြောင်းမူကား အုပ်ချုပ်သူများသည် သင်ရီ၏ကောင်းကျိုးအလိုငှာ ဘုရားသခင်၏ အစီခံဖြစ်ကြ၏။ သို့သော်လည်း သင်ရီသည် မကောင်းသောအကျင့်ကို ကျင့်လျှင် ထိုသူရီကို ကြောက်ကြရမည်။ အကြောင်းမူကား သူရီ၏အာဏာသည် မကောင်းသောအကျင့်ကို ကျင့်သောသူများကို အပြစ်စီရင်ခြင်းငှာ ဖြစ်၏။ သူရီသည် မကောင်းသောအကျင့်ကို

ကျင့်သူတို့ကို အပြစ်စီရင်ခြင်းငှာ ဘုရားသခင်၏ အစီခံဖြစ်ကြ၏။ 5 သို့ကြောင့် ဘုရားသခင်၏အပြစ်စီရင်ခြင်းကို ကြောက်ရွံ့သာ မဟုတ်ဘဲ၊ မိမိရဲ့၏အသိစိတ်ဖြင့် အုပ်ချုပ်သောသူရဲ့၏ အမိန့်အာဏာများကို နာခံကြရမည်။ 6 အုပ်ချုပ်သောသူရဲ့သည် ဘုရားသခင်၏အမှုတော်ကို ဆောင်ရွက်သောသူတို့ဖြစ်ကြသောကြောင့် သင်ရဲ့သည် သူရဲ့အား အကောက်ခွန်ကို ပီးကြလော့။ 7 ထို့ကြောင့်သင်ရဲ့သည် မိမိရဲ့ပီးစရာဟိသောအကြီးများကို ပီးဆပ်ကြလော့။ မိမိရဲ့ ပိုင်ဆိုင်ကြသည့်အလျှောက် အကောက်ခွန်ကို ပီးကြလော့။ ရိုသီထိုက်သောသူတို့ကို ရိုသီကြလော့၊ ဂုဏ်ပြုထိုက်သောသူတို့ကို ဂုဏ်ပြုကြလော့။ 8 သင်ရဲ့သည် အချင်းချင်း ချစ်ခြင်းမေတ္တာမှလွဲ၍ တခြား ဇာအကြီးကိုမျှ မတင်စီကတ်ကော့။ သူတစ်ပါးကို ချစ်သောသူသည် ပညတ်တရားကို နာခံလိုက်လျှောက်ပြီးဖြစ်၏။ 9 “ကိုယ်နှင့်စပ်ဆိုင်သောသူကို ကိုယ်နှင့်အမျှ ချစ်လော့” ဟူသော ပညတ်တစ်ပါးကို စောင့်ထိန်းလျှင် “သူမယားကို မပြစ်မှားနှင့်၊ လူအသက်ကို မသတ်နှင့်၊ သူ့ဥစ္စာကို မခိုးနှင့်၊ သူတစ်ပါးပိုင်သောပစ္စည်းဥစ္စာကို လိုချင်စိတ်မဟိကော့” ဟူသော ပညတ်တရားများနှင့် အခြားသောပညတ်အားလုံးကို စောင့်ထိန်းပြီးဖြစ်၏။ 10 ချစ်ခြင်းမေတ္တာသည် ကိုယ်နှင့်စပ်ဆိုင်သောသူ၏အကျိုးကို မမျက်ဆီးတတ်။ ထို့ကြောင့် ချစ်ခြင်းမေတ္တာသည် ပညတ်တရား၏ပြည့်စုံရာ ဖြစ်၏။ 11 ငါရဲ့၏ကယ်တင်ခြင်းတရားသည် ငါရဲ့အစဦးယုံကြည်ခသည့်အချိန်ထက် အဂုဏ်ချိန်ခါ သာ၍ နီးလာပြီဖြစ်သောကြောင့် အိပ်ပျော်နိုင်ရာမှ နိုးထကြရမည့်အချိန်ရောက်လာယာ။ ထို့ကြောင့် မျက်မှောက်ကာလကို ထောက်ရှု၍ ဤတရားတော်မြတ်ကို ကျင့်ကြလော့။ 12 ညဉ့်အချိန် ကုန်ခါနီး၍ နို့အချိန် ရောက်ခါနီးပြီဖြစ်သောကြောင့် မှောင်မိုက်ထဲမှာ ကျင့်သောအကျင့်တို့ကို ဖယ်ယှား၍ အလင်း၏လက်နက်စုံကို ဝတ်ဆင်ကြကုန်အံ့။ 13 ငါရဲ့သည် နို့အချိန်၌ ပြုမူသကဲ့သို့ လျောက်ပတ်စွာ ပြုမူကြကုန်အံ့။ ပျော်ပွဲလုပ်ခြင်း၊ လွန်ကြူးစွာ သောက်စားမူးယစ်ခြင်း၊ မတရားသော မေထုန်မှီဝဲခြင်း၊ ကိလေသာလွန်ကြူးခြင်း၊ ခိုက်ရန်ဖြစ်ပွားခြင်း၊ မနာလိုဝန်တုံ့ခြင်းအမှုတို့ကို ယောင်ကြည်ကြကုန်အံ့။ 14 အပြစ်နှင့် ယှက်နွယ်နိုင်သော ကိုယ်ကာယ၏ တပ်မက်စိတ်အလိုနောက်သို့ မလိုက်ကြဘဲ၊ အသျှင်ယေသျှုခရစ်တော်၏ လက်နက်စုံကို ယူဆောင်၍ ဝတ်ဆင်ထားကြလော့။

14 ယုံကြည်ခြင်း အားနည်းသော သူတို့ကို လက်ခံကြပါ။ သို့ရာတွင် သူရဲ့၏ပုဂ္ဂိုလ်ရေးရာ ထင်မြင်ယူဆချက်တို့ကို ထိုသူရဲ့နှင့် အငြင်းမပွားကတ်ကော့။ 2 လူတချို့က မည်သည့်အစာကိုမဆို စားအပ်သည်ဟု ယုံကြည်ကြ၏။ ယုံကြည်ခြင်း အားနည်းသောသူသည်ကား ဟင်းသီးဟင်းရွက်များကိုသာ စား၏။ 3 မည်သည့်အစာကိုမဆို စားသောသူသည် မစားသောသူကို မထီမဲ့မြင် မပြုကတ်ကော့။ ဟင်းသီးဟင်းရွက်ကိုသာ စားသောသူသည်လည်း မည်သည့်အစာကိုမဆို စားသောသူကို မစီရင်ကတ်ကော့။ အကြောင်းမူကား ဘုရားသခင်သည် သူရဲ့ကို လက်ခံတော်မူသောကြောင့်ဖြစ်၏။ 4 သူတစ်ပါး၏ အခိုင်းအစီတို့ကို တရားစီရင်သော သင်သည် ဇာသူ ဖြစ်သနည်း။ ထိုအခိုင်းအစီများသည် ကောင်းစွာ လုပ်ဆောင်သည်ဖြစ်စီ၊ မလုပ်ဆောင်သည်ဖြစ်စီ သူရဲ့၏သခင်နှင့် သာဆိုင်၏။ ထို့အပြင် ထာဝရဘုရားသည် သူရဲ့ကိုကောင်းစွာ လုပ်ဆောင်နိုင်ခြင်းငှာ တတ်စွမ်းနိုင်တော်မူသည်ဖြစ်၍ သူရဲ့သည် ကောင်းစွာ လုပ်ဆောင်နိုင်ကြလိမ့်မည်။ 5 လူတချို့က နို့ရက်တစ်ရက်သည် တခြားနို့ရက်ထက် သာ၍ မြတ်သည်ဟု ထင်မှတ်ကြ၏။ တခြားလူတို့က နို့ရက်အားလုံး အတူတူဖြစ်သည်ဟူ၍ ထင်မှတ်ကြ၏။ ငါရဲ့ တစ်ယောက်စီတိုင်း မိမိစိတ်သဘောအလျှောက် ခိုင်မာစွာ ထင်မှတ်ကတ်စီ။ 6 နို့ရက် တစ်ရက်သည် တခြားနို့ရက်ထက် သာ၍ မြတ်သည်ဟု ထင်မှတ်သောသူသည် အသျှင်ဘုရားကို ရိုသီသောအားဖြင့် ထင်မှတ်ကတ်။ မည်သည့်အစားအစာကိုမဆို စားမည့်သူရဲ့သည်လည်း အသျှင်ဘုရားကို ရိုသီသောအားဖြင့် စားကတ်။ အကြောင်းမူကား သူရဲ့သည် ထိုအစားအစာအတွက် ဘုရားသခင်အား ကျေးဇူးတော်ကို ချီးမွမ်းကြ၏။ မစားသောသူသည်လည်း အသျှင်ဘုရားကို ရိုသီသောစိတ်ဖြင့် မစားကတ်ကော့။ သူရဲ့သည်လည်း ဘုရားသခင်အား ကျေးဇူးတော်ကို ချီးမွမ်းကြ၏။ 7 ငါရဲ့သည် မိမိအတွက် အသက်ရှင်နိုင်ကြသည် မဟုတ်၊ မိမိအတွက် အသိခံနိုင်ကြသည်မဟုတ်။ 8

အသက်ရှင်လျှင် သခင်ဘုရားအတွက် ရှင်ကြ၏။ အသက်သီလျှင် သခင်ဘုရား အတွက် သီကြ၏။ ထို့ကြောင့် ငါရဲ့သည် အသက်ရှင်ခြင်းဖြစ်စီ၊ သီခြင်းဖြစ်စီ သခင်ဘုရားနှင့်သာ ဆိုင်တော်မူ၏။ 9 အကြောင်းမူကား ခရစ်တော်သည် သီခြင်းနှင့် အသက်ရှင်ခြင်းနှစ်ခုစလုံး၏ အသျှင်သခင် ဖြစ်စီခြင်းငှာ အသီခံပြီးမှ ရှင်ပြန်ထမြောက်တော်မူ၏။ 10 သင်သည် သင်၏ညီအစ်ကို မောင်နှမကို ဇာကြောင့် အပြစ်စီရင်နိုင်လဲ။ သူရဲ့ကို ဇာကြောင့် မထီမဲ့မြင်ပြုနိုင်လဲ။ အကြောင်းမူကား ငါရဲ့ အားလုံးသည် ဘုရားသခင်၏တရားပလ္လင်ရှိ၍ ရပ်ကြရလိမ့်မည်။ 11 ကျမ်းစာက မိန့်တော်မူထားသည်မှာ၊ “ငါသည် အမှန် အသက်ရှင်တော်မူသည်ဖြစ်၍ ငါရဲ့၌ လူတိုင်း ဒူးထောက်ဦးချလျက် ဘုရားသခင်ဖြစ်ကြောင်းကို နှုတ်ဖြင့် ဝန်ခံကြလိမ့်မည်” ဟူ၍ ဖြစ်၏။ 12 သို့ ဖြစ်၍ ငါရဲ့အယောက်စီတိုင်းရဲ့သည် မိမိရဲ့၏အကြောင်းကို ဘုရားသခင်အား ယှင်းပြကြရလိမ့်မည်။ 13 ထို့ကြောင့် ငါရဲ့သည် တစ်ယောက်ကို တစ်ယောက် အပြစ်မစီရင်ဘဲနိန်ကြကုန်အံ့။ သင်ရဲ့၏ ညီအစ်ကို မောင်နှမတစ်ယောက်ယောက်ကို တိုက်မိ၍ လဲစီခြင်းငှာ၊ သို့တည်းမဟုတ် လမ်းမှားစီခြင်းငှာ မည်သည့်အရာကိုမျှ မလုပ်ဆောင်ဘဲနိန်ကြကုန်အံ့။ 14 ပကတိသဘောအားဖြင့် မစင်ကြယ်သောအစားအစာဟူ၍ မဟိဟု အသျှင်ယေသျှုကို အမှီပြုလျက် ငါ အခိုင်အမာယုံကြည်ထား၏။ သို့သော်လည်း တစ်စုံတစ်ယောက်က ဤအစာသည် မစင်ကြယ်ဟု ယူဆလျှင် ထိုအစာသည် ထိုသူအတွက် မစင်ကြယ်။ 15 သင် စားသောအစာကြောင့် သင်၏ညီအစ်ကို သို့မဟုတ် ညီအစ်မ တစ်ယောက်ကို စိတ်နာလားမည်ဆိုလျှင် သင်သည် မေတ္တာတရားနှင့် လုပ်ဆောင်သောသူ မဟုတ်။ သင်စားသောအစာအားဖြင့် ခရစ်တော် အသီခံပီးထားသောသူတစ်ယောက်ကို မဖျက်ဆီးကျေ။ 16 ထို့ကြောင့် သင်ရဲ့အတွက် ကောင်းသောအရာ၌ အပြစ်ပြောစရာ မဟိစီကျေ။ 17 အကြောင်းမူကား ဘုရားသခင်၏ နိုင်ငံတော်သည် အစားအသောက်၌ မတည်။ ဖြောင့်မတ်ခြင်း၊ ငြိမ်သက်ခြင်း၊ သန့်ယှင်းသောဝိညာဉ်တော်ဖြင့် ဝမ်းမြောက်ခြင်း၌သာ တည်၏။ 18 ဤသို့ ဖြင့် ခရစ်တော်၏အမှုကို ဆောင်ရွက်သောသူအား ဘုရားသခင် နှစ်သက်တော်မူသည့်အပြင် လူတိလည်း သဘောကျကြ၏။ 19 ထို့ကြောင့် တစ်ယောက်ကို တစ်ယောက် ငြိမ်းချမ်းစီခြင်းငှာလည်းကောင်း၊ အချင်းချင်း တည်ဆောက်မြှင့်တင်ခြင်းငှာလည်းကောင်း ငါရဲ့သည် အသီးသီး အားထုတ်ကြကုန်အံ့။ 20 အစာအတွက်အလိုငှာ ဘုရားသခင်၏အမှုတော်ကို မဖျက်ဆီးကတ်ကျေ။ အစာအားလုံးသည် စင်ကြယ်ကြ၏။ သို့သော်လည်း တစ်စုံတစ်ယောက်အား အပြစ်ရောက်စီမည့်အစာကို စားသုံးခြင်းသည်ကား မှားယွင်းသောသူဖြစ်၏။ 21 အမဲသားစားခြင်း၊ ဝိုင်သောက်ခြင်းမှစ၍ သင်၏ညီအစ်ကို မောင်နှမတစ်ဦး တစ်ယောက်ကို အပြစ်ရောက်စီမည့် ဇာအရာကိုမျှ မပြုမူခြင်းသည် ကောင်း၏။ 22 ထို့ကြောင့် သင်သည် မိမိယုံကြည်သမျှသောဤအရာများကို မိမိနှင့် ဘုရားသခင်ကြား၌သာ ဟိစီလေ့။ မိမိသဘောဖြင့် မိမိကိုယ်ကို အပြစ်မစီရင်သောသူသည် မင်္ဂလာဟိ၏။ 23 သို့ရာတွင် သံသယစိတ်ဖြင့် စားသောသူသည် ယုံကြည်သောစိတ်မဟိဘဲ စားသောကြောင့် အပြစ်စီရင်ခြင်းကို ခံရ၏။ ယုံကြည်ခြင်းအားဖြင့် မဟုတ်သော အမှုအရာအားလုံးသည် အပြစ်ဖြစ်၏။

15 ယုံကြည်ခြင်းအားကြီးသော ငါရဲ့သည် အားနည်းသောသူရဲ့၏ ထမ်းရွက်စရာဝန်များကို ကူညီ၍ ထမ်းပီးကြရမည်။ မိမိရဲ့၏အလိုကို ငြင်းပယ်၍ 2 ငါရဲ့သည် တခြားယုံကြည်သူများကို ယုံကြည်ခြင်း၌ တည်စီခြင်းငှာ သူရဲ့၏ကောင်းကျိုးအတွက် သူရဲ့၏အလိုကို လိုက်ကြကုန်အံ့။ 3 အကြောင်းမူကား “ကိုယ်တော်ကို ပြောဆိုသောသူရဲ့၏ ကဲ့ရဲ့စကားသည် အကျွန်ုပ်ထက်မှာ ကျရောက်ပါ၏” ဟု ကျမ်းစာလာသည်အတိုင်း ခရစ်တော်သည် မိမိ၏အလိုကို ငြင်းပယ်တော်မူ၏။ 4 ကျမ်းစာ၌ အယင်က ရိုးထားသောအရာတိုင်းသည် ငါရဲ့ကို သွန်သင်ဖို့ရန် ရိုးထားခြင်းဖြစ်၏။ အကြောင်းမှာ ကျမ်းစာ၌ သွန်သင်ထားသော သည်းခံခြင်းနှင့် နှစ်သိမ့်ခြင်းအားဖြင့် ငါရဲ့၌ မျှော်လင့်စရာ ဟိစီရန်ဖြစ်၏။ 5 သို့ ဖြစ်၍ သည်းခံခြင်းနှင့် နှစ်သိမ့်ခြင်းကို ပီးတော်မူသော ဘုရားသခင်သည် ခရစ်တော်ယေသျှု၌ ဟိတော်မူသော အချင်းချင်း တစ်စိတ်တစ်သဘောတည်း ဟိရသောအခွင့်ကို သင်ရဲ့အား

ပီးတော်မူပါစီသော။ 6 အကြောင်းမူကား သင်ရိုးသည် ငါရိုးအသျှင် ယေသျှုခရစ်တော်၏ခမည်းတော် ဘုရားသခင်ကို စိတ်နှလုံးတညီတညွတ်တည်း။ တစ်သံတည်းဖြင့် ဘုန်းတော်ကို ချီးမွမ်းနိုင်ခြင်းငှာ ဖြစ်၏။ 7 ထို့အပြင် ခရစ်တော်သည် ဘုရားသခင်၏ဘုန်းတန်ခိုးတော်အတွက် သင်ရိုးကို လက်ခံသကဲ့သို့ သင်ရိုးသည်လည်း တစ်ယောက်ကိုတစ်ယောက် လက်ခံကြလော့။ 8 သင်ရိုးအား ငါဆိုသည်ကား ခရစ်တော်၏အမှုတော်ဆောင်ခြင်း အသက်တာသည် ယုဒလူမျိုးတို့ အကျိုးအတွက်ဖြစ်၏။ ထိုအကျိုးမူကား ဘုရားသခင်သည် သစ္စာနှင့်ပြည့်စုံတော်မူသည်ဖြစ်၍ သူရဲ၏ဖိုးဖိုးတိအား ပီးထားသော မိမိ၏ကတိတော် အမှန်ပင် ဖြစ်လာခြင်းကို ဖော်ပြရန်နှင့်၊ 9 တခြားလူမျိုးတို့ပင်လျှင် ကိုယ်တော်၏ကရုဏာတော်ကြောင့် ဘုရားသခင်အား ကျေးဇူးတော်ကို ချီးမွမ်းနိုင်ကြ၏။ ကျမ်းစာလာသည်ကား၊ “ထို့ကြောင့် အကျွန်ုပ်သည် တခြားလူမျိုးတို့ အလယ်၌ ကိုယ်တော်အား ချီးမွမ်း၍ ကိုယ်တော်၏နာမတော်ကို ချီးမွမ်းသိဆိုပါမည်” ဟူ၍ ဖြစ်၏။ 10 တဖန် “တခြားလူမျိုးတို့၊ သင်ရိုးသည် ဘုရားသခင်၏လူတို့နှင့်အတူ ဝမ်းမြောက်ကြလော့” ဟူ၍ ဆိုထား၏။ 11 နောက်တဖန်၊ “တခြားလူမျိုးတို့အားလုံး သခင်ဘုရားကို ချီးမွမ်းကြလော့။ ခပ်သိမ်းသောလူမျိုးအပေါင်းရိုး ကိုယ်တော်ကို ချီးမွမ်းကြလော့” ဟု ဆိုထား၏။ 12 တဖန်ဟေသျှုယကလည်း၊ “ယေသျှု၏မျိုးဆက်တစ်ဦးသည် ပေါ်ထွန်းလာလိမ့်မည်၊ သူသည် လူမျိုးခြားတို့ကို အုပ်စိုးရ၍ ထိုသူရဲ၏မျှော်လင့်ချက်သည် သူ၌ တည်ကြလိမ့်မည်” ဟူ၍ ဆိုထား၏။ 13 သန့်ယှင်းသောဝိညာဉ်တော်၏ တန်ခိုးတော်အားဖြင့် သင်ရိုး၏ မျှော်လင့်ခြင်းသည် ဆက်လက် ကြီးထွားပါမည်အကြောင်း မျှော်လင့်ခြင်း၏အသျှင် ဘုရားသခင်သည် ကိုယ်တော်၌ တည်သော သင်ရိုး၏ယုံကြည်ခြင်းအားဖြင့် သင်ရိုးသည် ငြိမ်သက်ခြင်း၊ ဝမ်းမြောက်ခြင်း အပေါင်းနှင့် ပြည့်စုံကြပါစီသော။ 14 ငါ၏ညီအစ်ကိုမောင်နှမရိုး သင်ရိုးသည် ကောင်းသောအကျင့်များနှင့်လည်းကောင်း၊ အသိပညာဗဟုသုတနှင့်လည်းကောင်း တစ်ဦးကို တစ်ဦး သင်ကြားပီးနိုင်သော အရည်အချင်းနှင့်လည်းကောင်း ပြည့်စုံကြသည်ဟု ငါ ကိုယ်တိုင် အမှန် ယုံကြည်၏။ 15 သို့သော်လည်း သင်ရိုးသည် တဖန် သတိရကြစီခြင်းငှာ ငါသည် တချို့သောအချက်အလက်များ၌ ရဲဝံ့ပွင့်လင်းစွာ ရီးသားထား၏။ အကြောင်းမူကား 16 တခြားလူမျိုးတို့အတွက် ယေသျှုခရစ်တော်၏အမှုတော်ဆောင် တစ်ယောက်ဖြစ်စီခြင်းငှာ ငါ့အား ဘုရားသခင်ပီးထားသော ဆုကျေးဇူးကြောင့် ဖြစ်၏။ တခြားလူမျိုးတို့သည် သန့်ယှင်းသောဝိညာဉ်တော်အားဖြင့် သန့်ယှင်းစင်ကြယ်လျက် ဘုရားသခင် လက်ခံတော်မူသော ပူဇော်သကာ ဖြစ်လာစီခြင်းငှာ ဘုရားသခင်သည် မိမိ၏သတင်းကောင်းကို ဟောပြောရန် ယဇ်ပုရောဟိတ်တာဝန်ကို ငါ့အား ပီးအပ်တော်မူ၏။ 17 ထို့ကြောင့် ငါသည် ဘုရားသခင်အတွက် အမှုတော်ဆောင်ခြင်းကို ခရစ်တော်ယေသျှု၌ ဂုဏ်ယူဝင့်ကြားလျက်ဟိ၏။ 18 ဘုရားသခင်အား တခြားလူမျိုးတို့ လိုက်နာလာရန် ခရစ်တော်သည် ငါ့အားဖြင့် ပြုတော်မူသမျှတို့ကိုသာ ငါသည် ရဲဝံ့စွာပြော၏။ ထိုသို့ လိုက်နာလာကြစီခြင်းငှာ ခရစ်တော်သည် ငါ့အား နှုတ်တော်ထွက် မိန့်တော်မူချက်များဖြင့်လည်းကောင်း၊ လက်တို့ လုပ်ဆောင်မှုများဖြင့်လည်းကောင်း၊ 19 ဘုရားသခင်၏ဝိညာဉ်တော် တန်ခိုးအားဖြင့် အံ့ဩဖွယ်သောအရာများနှင့် နှိမိတ်လက္ခဏာ တန်ခိုးတို့ကို ပြ၍ လည်းကောင်း ပြုတော်မူ၏။ ထိုသို့ ပြုတော်မူသောအားဖြင့် ငါသည် ယေရုဆလင်မြို့မှ ဣလုရိတ်ပြည်ထိ ခရီးလမ်းတလျှောက်လုံး၌ ခရစ်တော်၏သတင်းကောင်းကို ပြည့်စုံစွာ ဟောပြောပြီးဖြစ်၏။ 20 ငါ၏ပြင်းပြသောဆန္ဒမှာ ခရစ်တော်၏သတင်းကောင်းကို မကြားဖူးသော နီရာများ၌ ထိုသတင်းကောင်းကို ဟောပြောရန်ဖြစ်၏။ လူတစ်ဦး တစ်ယောက် ချထားသော အုတ်မြစ်တစ်ခုထက်မှာ တည်ဆောက်ခြင်းငှာ ငါသည် အလိုမဟိ။ 21 ကျမ်းစာက မိန့်မှာထားသည်မှာ၊ “ထိုသူအကြောင်းကို မပြောပြဖူးသော်လည်း သူရိုးသည် သိမြင်လာကြလိမ့်မည်။ ထိုသူအကြောင်းကို မကြားဖူးသော်လည်း သူရိုးသည် နားလည်လာကြလိမ့်မည်” ဟူ၍ ဖြစ်၏။ 22 ထို့ကြောင့် သင်ရိုးပီးသို့ လာလည်ဖို့ စီစဉ်လိုက်တိုင်း ထိုခရီးစဉ်တို့ကို အကြိမ်ကြိမ် တားဆီးခံရ၏။ 23 သို့သော်လည်း အဂုဏ်အချိန်မှာ ဤဒေသများ၌ ငါလုပ်ဆောင်စရာတို့ကို လုပ်ဆောင်ပြီးပြီဖြစ်၍ လွန်ခရေ နှစ်ပေါင်းများစွာကပင် သင်ရိုးကို တွေ့ရန် လာချင်သော

ဆန္ဒဟိန်နိသည့်အတိုင်း၊ 24 ငါသည် စပါနီပြည်သို့ လားသောအခါ သင်ရိုးပါးသို့ ဝင်ရောက်ကာ ခေတ္တမျှ တည်းခိုလည်ပတ်ပြီးနောက် သင်ရိုး၏အကူအညီဖြင့် ထိုပြည်သို့ ခရီးဆက်ရန် မျှော်လင့်ပါ၏။ 25 သို့ရာတွင် အဂုဏ်အချိန်တွင် ယေရုဆလင်မြို့၌ဟိသော သန့်ယုင်းသော လူစုတော်ရှိ၏ အမှုကို ဆောင်ရွက်ရန် ထိုမြို့သို့ လားရဦးမည်။ 26 အကြောင်းမူကား၊ မာကေဒေါနီပြည်နှင့် အခါယပြည်၌ ဟိသော အသင်းတော်များက ယေရုဆလင်မြို့၌ဟိသော သန့်ယုင်းသော လူစုတော်ရှိထဲက ဆင်းရဲသားတို့ကို အလှူဝတ္ထုတို ပီးကမ်း၍ ကူညီမစရန် ဆုံးဖြတ်ကြသောကြောင့် ထိုအမှုများကို ငါသည် ဆောင်ရွက်ရန် ဖြစ်၏။ 27 အမှန်အားဖြင့်ဆိုသော် ထိုသို့ သူရိုကို ကူညီရန် မိမိရိုး၏ တာဝန်ဖြစ်သည်ဟု မိမိရိုးကိုယ်တိုင် ဆုံးဖြတ်ကြခြင်း ဖြစ်၏။ အကြောင်းမူကား ယုဒလူမျိုးတို့က မိမိရိုးခံစားရသည့် ဝိညာဉ်ဆုကျေးဇူးများကို တခြားလူမျိုးတို့အား ဝီမျှပီးသည့်နည်းတူ တခြားလူမျိုးတို့ကလည်း မိမိရိုး၏လောကီ အသုံးအဆောင်ပစ္စည်းများကို ယုဒလူမျိုးတို့အား ကူညီကြခြင်း ဖြစ်၏။ 28 သို့ဖြစ်၍ ငါသည် ဆောင်ရွက်စရာကိစ္စတို့ကို ဆောင်ရွက်ပြီးနောက် ကောက်ခံ၍ ရသမျှသော အလှူငွေတို့ကို ထိုသူရိုအား ပီးအပ်ရန် စပါနီပြည်သို့ လားမည်။ လမ်းကြိုသည်ဖြစ်၍ သင်ရိုးပါးသို့လည်း ဝင်ရောက်လည်ပတ်လိမ့်မည်။ 29 သင်ရိုးပါးသို့ ငါလာသောအခါ ခရစ်တော်၏ ကောင်းကြီးမင်္ဂလာ စုံလင်စွာဖြင့် ရောက်လာလိမ့်မည်ဟု ငါ သိ၏။ 30 ညီအစ်ကို မောင်နှမရို့၊ ငါရိုး၏အသျှင် ယေသျှုခရစ်တော်အားဖြင့် လည်းကောင်း၊ သန့်ယုင်းသောဝိညာဉ်တော်က ပီးတော်မူသော ချစ်ခြင်းမေတ္တာအားဖြင့် လည်းကောင်း ငါ၏အဖို့အလိုတူ ငါနှင့်အတူ ဘုရားသခင်ကို စိတ်အားကြီးစွာဖြင့် ဆုတောင်းကူညီကြရန် သင်ရိုးကို ငါ တိုက်တွန်းနှိုးဆော်လိုက်ပါ၏။ 31 ငါသည် ယုဒပြည်၌ဟိသော မယုံကြည်သောသူရို၏ အန္တရာယ်ပြခြင်းမှ လွတ်မြောက်စီရန်နှင့် ငါ၏ကူညီဆောင်ရွက်မှုကို ယေရုဆလင်မြို့၌ဟိသော သန့်ယုင်းသော လူစုတော်တို့က လက်ခံဖို့ရန် လည်းကောင်း၊ 32 ထို့အပြင် ဘုရားသခင်အလိုဟိလျှင် ငါသည် ဝမ်းမြောက်သောစိတ်ဖြင့် သင်ရိုးပါးသို့ ရောက်လာပြီး သင်ရိုးနှင့်အတူ သက်သာခြင်းကို ခံစားရဟိရန် လည်းကောင်း ဆုတောင်းပီးကြပါ။ 33 ငြိမ်သက်ခြင်း၏အသျှင် ဘုရားသခင်သည် သင်ရိုးအားလုံးနှင့်အတူ ဟိပါစီသောပ်။ အာမင်။

16 ကင်ဗြေမြို့အသင်းတော်၌ အမှုတော်ကို ဆောင်ရွက်နိုင်သော ငါရိုး၏ ညီမ ဖိဗေ၊ ငါသည် သင့်ကို ထောက်ခံပါ၏။ 2 သင်ရိုးသည် ဘုရားသခင်၏ သန့်ယုင်းသောသူရို့ ပြုအပ်သည့်အတိုင်း သခင်ဘုရား၏ နာမတော်၌ သူမကို လက်ခံကြလော့။ ထို့နောက် သင်ရိုးပါးက သူမ လိုအပ်သော မည်သည့်အကူအညီကိုမဆို ပီးကြလော့။ အကြောင်းမူကား သူမသည် လူအများ၌ လည်းကောင်း၊ ငါ၌ လည်းကောင်း ကူညီမစသောသူ တစ်ယောက်ဖြစ်၏။ 3 ခရစ်တော်ယေသျှု၏ အမှုတော်ကို ဆောင်ရွက်ရာ၌ ငါ၏ လုပ်ဖော်ကိုင်ဖက်များ ဖြစ်ကြသော ပြစ်ကိလနှင့် အာကုလ ရို့ကိုလည်း ငါနှုတ်ဆက်လိုက်ပါ၏။ 4 သူရို့သည် ငါ့အတွက် မိမိရိုး၏အသက်ကို စွန့်ပီးကြ၏။ ငါတစ်ယောက်တည်းသာမက တခြားလူမျိုးအသင်းတော် အားလုံးကလည်း သူရို့ကို ကျေးဇူးတင်လျက်ဟိကြ၏။ 5 သူရို့အိမ်၌ ဟိသော အသင်းတော်ကိုလည်း ငါနှုတ်ဆက်လိုက်ပါ၏။ အာယိုပြည်တွင် ခရစ်တော်ကို ပထမဆုံး ယုံကြည်လာသောသူ တစ်ယောက်ဖြစ်သည့် ငါ၏ချစ်လှစွာသော မိတ်ဆွီ ဧပနက်ကိုလည်း နှုတ်ဆက်လိုက်ပါ၏။ 6 သင်ရိုးအတွက် ကြိုးစားလုပ်ဆောင်ပီးသူ တစ်ယောက်ဖြစ်သော မာရိုကိုလည်း နှုတ်ဆက်လိုက်ပါ၏။ 7 ငါနှင့်အတူ အကျဉ်းကျခံဖူးသော ငါ၏ လူမျိုးချင်းဖြစ်သော ယုဒအမျိုးသားများဖြစ်ကြသည့် အန္ဒြောနိတ်နှင့် ယုနီ ကိုလည်း နှုတ်ဆက်လိုက်ပါ၏။ သူရို့သည် တမန်တော်များထဲ၌ ထင်ပေါ်သောသူများ ဖြစ်ကြသည့်အပြင် ငါ့ထက်အလျင် ခရစ်တော်ကို ယုံကြည်သူများလည်း ဖြစ်ကြ၏။ 8 သခင်ဘုရား၏ အဖွဲ့ဝင်များထဲက ငါ၏ချစ်သောမိတ်ဆွီ အမွလိကိုလည်း နှုတ်ဆက်လိုက်ပါ၏။ 9 ခရစ်တော်၏အမှုတော်၌ ငါရိုး၏ လုပ်ဖော်ကိုင်ဖက်ဖြစ်သော ဥရဗန်နှင့် ငါချစ်သောမိတ်ဆွီ သတာခု ရို့ကိုလည်း နှုတ်ဆက်လိုက်ပါ၏။ 10 ခရစ်တော်၌ သစ္စာဟိကြောင်းကို သက်သီပြသသူဖြစ်သော အပေလေအား နှုတ်ဆက်လိုက်ပါ၏။ အာရိတ္တောဗုလု၏ အိမ်ထောင်မိသားစုထဲ၌ ပါဝင်ကြသောသူရို့ကိုလည်း ငါ နှုတ်ဆက်လိုက်ပါ၏။ 11 ငါ့ကဲ့သို့

ယုဒလူမျိုးတစ်ယောက်ဖြစ်သော ဟောရော့ဒျူန့် ကိုလည်း နှုတ်ဆက်လိုက်ပါ၏။ နာကီသု၏မိသားစုထဲ၌ ပါဝင်ကြသော ယုံကြည်သူတို့ကိုလည်း နှုတ်ဆက်လိုက်ပါ၏။ **12** သခင်ဘုရား၏အမှုတော်မြတ်၌ ကြိုးစားဆောင်ရွက်လျက်ဟိကြသော တရုဖ်နှင့် တရုဖောသကိုလည်း နှုတ်ဆက်လိုက်ပါ၏။ သခင်ဘုရားအတွက် အလုပ် ကြိုးစားလုပ်ဆောင်သောသူ ငါချစ်သော အခြားသော မိန်းမဖြစ်သည့် ပေရသိကိုလည်း နှုတ်ဆက်လိုက်ပါ၏။ **13** သခင်ဘုရား၏အမှုတော်မြတ်၌ ရှိုးချယ်ခြင်းခံရသော ရုဖ်နှင့် ငါ့ကို သားတစ်ယောက်ကဲ့သို့ ပြုစုလေ့ဟိသော သူ၏မိခင်ကိုလည်း နှုတ်ဆက်လိုက်ပါ၏။ **14** အသုံကြိတ်၊ ဖလေကုန်၊ ဟောရမ၊ ပတ်ရောဘ၊ ဟောရမေ နှင့်တကွ သူရိနှင့်အတူ ဟိကြသော အခြားသော ညီအစ်ကို၊ မောင်နှမ ရှိကိုလည်း နှုတ်ဆက်လိုက်ပါ၏။ **15** ဖိလောလုပ်၊ ယုလီ၊ နီရ၊ သူ၏နှမနှင့် ဩလုမ္မ မှစ၍ သူရိနှင့်အတူ ဟိကြသော ဘုရားသခင်၏ သန့်ယှင်းသောသူ အားလုံးကိုလည်း နှုတ်ဆက်လိုက်၏။ **16** သင်ရိုးသည်လည်း အချင်းချင်း တစ်ယောက်ကို တစ်ယောက် သန့်ယှင်းသော အနမ်းဖြင့် နှုတ်ဆက်ကြလော့။ ခရစ်တော်၏ အသင်းတော်အားလုံးကလည်း သင်ရိုးကို နှုတ်ဆက်လိုက်ပါ၏။ **17** ငါ၏ညီအစ်ကို မောင်နှမရိုး၊ သင်ရိုး ခံယူထားသော ဩဝါဒတိနှင့် ဆန့်ကျင်လျက် ယုံကြည်ခြင်းကို လွဲမှားစီပြီးလျှင် စိတ်ဝမ်းကွဲပြားအောင် လုပ်ဆောင်လျက်ဟိကြသော သူရိကို သတိထားကြလော့။ ထိုသို့သော သူရိကို ယောင်ယှားကြရန် သင်ရိုးကို ငါ တိုက်တွန်းနှိုးဆော်၏။ **18** အကြောင်းမူကား ဤကဲ့သို့သော အရာများကို လုပ်ဆောင်လျက်ဟိသော သူရိသည် ငါရိုး၏အသျှင် ခရစ်တော်၏အမှုတော်ကို ဆောင်ရွက်နိုင်ကြသူများ မဟုတ်ဘဲ၊ မိမိရိုး၏အလိုဆန္ဒ ပြည့်ဝစီခြင်းငှာ လုပ်ဆောင်နိုင်ကြသော သူများသာ ဖြစ်ကြ၏။ သူရိသည် ချိုသာသောစကား၊ မြှောက်ပင့်သောစကားဖြင့် ရိုးသားသောသူတို့ကို လှည့်စားတတ်ကြ၏။ **19** သင်ရိုးသည် သတင်းကောင်းတရား၌ သစ္စာဟိကြသည်ကို လူတိုင်း ကြားသိထားပြီးဖြစ်ကြ၏။ ဤအကြောင်းကြောင့် ငါသည် သင်ရိုးနှင့်ပတ်သက်၍ ဝမ်းမြောက်လျက်ဟိပါ၏။ သို့ရာတွင် သင်ရိုးသည် ကောင်းသောအမှု၌ ပညာဟိဖြစ်ကြပြီး မကောင်းသောအမှု၌ အပြစ်ကင်းသောသူဖြစ်ရန် ငါအလိုဟိ၏။ **20** မကြာခင်မှာ ငြိမ်သက်ခြင်း၏အသျှင် ဘုရားသခင်သည် စာတန်မာရ်နတ်အား သင်ရိုး၏ဦးဖဝါး အောက်၌ နင်းကြိတ်တော်မူလိုမည်။ ငါရိုးအသျှင် ယေသျှုခရစ်၏ကျေးဇူးတော်သည် သင်ရိုး၌ ဟိပါစီသောဝံ။ **21** ငါ၏လုပ်ဖော်ကိုင်ဖက် တိမောသေနှင့် ငါ၏ ယုဒလူမျိုးတို့ဖြစ်ကြသော လုကီ၊ ယာသုန်နှင့် သောသိပတရ ရိုးကလည်း သင်ရိုးကို နှုတ်ဆက်လိုက်ကြ၏။ **22** ဤစာကို ရိုးသားသူ အကျွန် တေရတိုသည်လည်း သခင်ဘုရား၌ သင်ရိုးကို နှုတ်ဆက်လိုက်ပါ၏။ **23** ငါမှစ၍ မိမိ၏အိမ်အသင်းတော်၌ လာရောက်စုဝေးကြသော အသင်းတော်တစ်ခုလုံးကို ဧည့်ဝတ်ကျေပွန်သူ ဂါယု ကလည်း သင်ရိုးကို နှုတ်ဆက်လိုက်၏။ မြို့တော်ဘဏ္ဍာထိန်း ဧရတ္တ၊ နှင့် ငါရိုး၏ညီအစ်ကို ကွာတု ရိုးကလည်း သင်ရိုးကို နှုတ်ဆက်လိုက်ကြ၏။ **25** ဘုရားသခင်၏ဘုန်းတန်ခိုးတော်ကို ငါရိုး ထောမနာပြုကြကုန်အံ့။ အကြောင်းမူကား ငါရိုး ဟောပြောသော ယေသျှုခရစ်တော်၏ သတင်းကောင်းအားဖြင့် လည်းကောင်း၊ လွန်ခဲ့သော အချိန်ကာလများစွာကပင် ကွယ်ဝှက်ထားခဲ့သည့် နက်နဲသော သမ္မာတရားကို ဖွင့်ပြခြင်းအားဖြင့် လည်းကောင်း ကိုယ်တော်သည် သင်ရိုးအား မိမိရိုး၏ယုံကြည်ခြင်း၌ ခိုင်မြဲစွာ ရပ်တည်ခြင်းငှာ မစနိုင်တော်မူ၏။ (aiōnios g166) **26** သို့ရာတွင် အဂုအခါ၌ ထိုသမ္မာတရားသည် ပရောဖက်များ ရိုးထားခဲ့သည်နှင့်အညီ ပေါ်ထွန်းခဲ့ပြီးဖြစ်၏။ လူသားအားလုံးသည် ဘုရားသခင်ကို ယုံကြည်၍ နှုတ်ကပတ်တော်ကို နာခံလာကြရန် ထာဝရဘုရားသခင်၏ အမိန့်တော်အားဖြင့် ထိုသမ္မာတရားကို လူမျိုးအပေါင်းရိုးအား ကြားသိစိတ်တော်မူလေပြီ။ (aiōnios g166) **27** အလုံးစုံသောဉာဏ်ပညာနှင့် ပြည့်စုံတော်မူသော တစ်ဆူတည်းသောဘုရားသခင်သည် ယေသျှုခရစ်တော်အားဖြင့် အစဉ်ထာဝရ ဘုန်းကြီးပါစီသောဝံ။ အာမင်။ (aiōn g165)

၁ ကောရိန္တု

1 ဘုရားသခင်၏ အလိုတော်နှင့်အညီ၊ ယေသျှုခရစ်တော်၏ တမန်တော်အဖြစ် ခေါ်ခြင်းခံရသောသူ ပေါလုနှင့် ငါရို၏ညီ သုသင်ပါးမှ — **2** ကောရိန္တုမြို့၌ဟိသော ဘုရားသခင်၏ အသင်းတော်သို့ လည်းကောင်း၊ အရပ်ရပ်မှ ငါရိုနှင့် သူရို၏အသျှင် ဖြစ်တော်မူသော အသျှင်ယေသျှုခရစ်တော်ကို ကိုးကွယ်သောသူ အပေါင်းရှိနှင့်တကွ ခရစ်တော်ယေသျှုအားဖြင့် ဘုရားသခင်၏ သန်ယှင်းသော လူများဟု ခေါ်ခြင်းကို ခံရကြသောသူ အပေါင်းရှိထံသို့ လည်းကောင်း စာရီးလိုက်ပါ၏။ **3** ငါရို၏ အဖဘုရားသခင်နှင့် အသျှင်ယေသျှုခရစ်တော်ပါးမှ ကျေးဇူးတော်နှင့် ငြိမ်သက်ခြင်းသည် သင်ရို့၌ သက်ရောက်ပါစီသော။ **4** ငါသည် ခရစ်တော်ယေသျှုအားဖြင့် သင်ရို့ကို ဘုရားသခင် ပီးတော်မူသော ကျေးဇူးတော်ကို ထောက်၍ သင်ရို့အဖို့အလိုငှာ ဘုရားသခင်၏ ကျေးဇူးတော်ကို အစဉ်ချီးမွမ်းပါ၏။ **5** အကြောင်းမူကား သင်ရို့သည် ခရစ်တော်၌ ဟိကြသဖြင့် နှုတ်သတ္တိ၊ ဉာဏ်သတ္တိနှင့်တကွ အစစအရာရာတွင် ကြွယ်ဝပြည့်စုံလျက် ဟိကြ၏။ **6** ငါရို့ သက်သီခံဟောပြောသော ခရစ်တော်၏အကြောင်း သတင်းကောင်းသည် သင်ရို့အထဲတွင် တည်ဆောက်လျက် ဟိ၏။ **7** သို့ဖြစ်၍ သင်ရို့သည် ငါရို၏အသျှင် ယေသျှုခရစ်တော် ပြန်ကြွလာတော်မူမည်ကို စောင့်မျှော်လျက်နိန်စဉ် သင်ရို့မခံရသော ကောင်းကြီးမင်္ဂလာဟူ၍ မဟိ။ **8** ငါရို့ အသျှင်ယေသျှုခရစ်တော်၏ တရားစီရင်တော်မူရာနို့တွင် သင်ရို့သည် အပြစ်တင်စရာအခွင့်နှင့် ကင်းလွတ်စီရန် ကိုယ်တော်သည် သင်ရို့အား အဆုံးတိုင်အောင် ခိုင်ခံ့စီတော်မူလိမ့်မည်။ **9** ဘုရားသခင်သည် သစ္စာနှင့်ပြည့်စုံတော်မူသည်ဖြစ်၍ သင်ရို့အား မိမိ၏သားတော်တည်းဟူသော ငါရို၏အသျှင် ယေသျှုခရစ်တော်နှင့် မိတ်သဟာယ ဖွဲ့စီခြင်းငှာ သင်ရို့ကို ရွီးကောက်တော်မူ၏။ **10** ညီအစ်ကိုမောင်နှမရို့၊ ငါရို၏အသျှင် ယေသျှုခရစ်တော်၏ နာမတော်ကို အမှီပြု၍ ငါသည် သင်ရို့အားလုံးကို တောင်းပန်ပါ၏။ စိတ်ဝမ်းကွဲပြားမှုမဟိစီခြင်းငှာ သင်ရို့၏စကားအပြောအဆို၌ ညီသွတ်မှုဟိကြလော့။ တစ်စိတ်တစ်ဝမ်းတည်းဖြင့် စည်းလုံးမှုဟိကြလော့။ **11** ငါ့ညီအစ်ကိုမောင်နှမရို့၊ သင်ရို့၌ အချင်းချင်းခိုက်ရန်ဖြစ်လျက် ဟိကြကြောင်းကို ကလော့ကု၏မိသားစုပါးမှ ငါ ကြားသိရ၏။ **12** သင်ရို့တွင်၊ “ငါကား ပေါလု၏တပည့်ဖြစ်၏။ ငါသည်ကား အာပေါလု၏တပည့်ဖြစ်၏။ ငါသည် ကောဖ၏တပည့်ဖြစ်၏။ ငါသည် ခရစ်တော်၏တပည့်ဖြစ်၏” ဟု တစ်ယောက်တစ်မျိုးစီ ပြောဆိုနိန်ကြသောကြောင့် ငါဆိုလို၏။ **13** ခရစ်တော်ကို ကွဲပြားစီသလော၊ ပေါလုသည် သင်ရို့အဖို့ လက်ဝါးကပ်တိုင်ထက်မှာ အသီခံပါသလော၊ ထိုသို့မဟုတ် သင်ရို့သည် ပေါလု၏နာမကို အမှီပြု၍ ဗတ္တိဇံကို ခံယူကြပါသလော။ **14** ငါသည် ဘုရားသခင်၏ကျေးဇူးတော်ကို ချီးမွမ်းပါ၏။ အကြောင်းမူကား ငါသည် ကရိပ္ပနှင့် ဂါယုမှ လွဲ၍ သင်ရို့အထဲမှ ဇာသူကိုမျှ ဗတ္တိဇံမပီးခပါ။ **15** သို့ဖြစ်၍ သင်ရို့သည် ငါ၏နာမကို အမှီပြု၍ ဗတ္တိဇံခံယူကြသည်ဟု ဇာသူမျှ မပြောနိုင်။ **16** ငါသည် သတေဖန်နှင့် သူ၏မိသားစုကိုလည်း ဗတ္တိဇံပီးခ၏။ ထိုသူရို့မှလွဲ၍ အခြားဇာသူကို ဗတ္တိဇံပီးခသည်ကို ငါ မမှတ်မိ။ **17** ခရစ်တော်သည် ငါ့အား စီရွတ်တော်မူသည်မှာ ဗတ္တိဇံပီးခြင်းငှာ မဟုတ်၊ လက်ဝါးကပ်တိုင်ထက်တွင် ခရစ်တော်၏ အသီခံခြင်းတန်ခိုးသည် အချည်းနှီးမဖြစ်စီခြင်းငှာ လူရို့၏ဉာဏ်ပညာနှင့် ယှဉ်သောစကားများကို အသုံးမပြုဘဲ သတင်းကောင်းတရားကို ဟောပြောရန်ပင် ဖြစ်၏။ **18** အကြောင်းမူကား၊ ပျက်စီးခြင်းသို့ ရောက်သောသူရို့ဖို့ လက်ဝါးကပ်တိုင်ထက်၌ ခရစ်တော်၏ အသီခံတော်မူခြင်းတရားသည် အဓိပ္ပာယ်မဟိသော တရားဖြစ်၏။ သို့ရာတွင် ကယ်တင်ခြင်းခံရသော ငါရို့အတွက်မူကား ဘုရားသခင်၏ တန်ခိုးတော်ဖြစ်၏။ **19** ဇာကြောင့်ဆိုသော် ကျမ်းစာ၌ လာသည်ကား၊ “ပညာဟိရို၏ ဉာဏ်ပညာကို ငါဖျက်ဆီးမည်။ ပညာတတ်ရို၏ အသိပညာကိုလည်း ငါပယ်ယှားမည်” ဟူ၍ ဖြစ်၏။ **20** ထို့ကြောင့် ပညာဟိကား ဇာမှာနည်း။ ကျမ်းတတ်ဆရာရိုကား ဇာမှာဟိသနည်း။ ဤလောက၌ ပညာအလိမ္မာဖြင့် စကားငြင်းခုံတတ်သောသူရို့ကား ဇာမှာဟိသနည်း။ ဘုရားသခင်သည် လောကီပညာကို အချည်းနှီး ဖြစ်စီတော်မူယာ။ (aiōn

g165) 21 အကြောင်းမူကား လူသည် မိမိကိုယ်ပိုင် ဉာဏ်ပညာဖြင့် ဘုရားသခင်အား မသိနိုင်စီခြင်းငှာ ဘုရားသခင်သည် မိမိ၏ဉာဏ်ပညာတော်ဖြင့် စီရင်တော်မူ၏။ “အချည်းနှီးသော” တရားဖြစ်သည်ဟု လူရှိထင်မှတ်ထားသော ငါရိဟောပြောသော သတင်းကောင်းတရားအားဖြင့် ဘုရားသခင်သည် မိမိအား ယုံကြည်သူရှိကို ကယ်တင်တော်မူခြင်းငှာ စိတ်ပိုင်းဖြတ်တော်မူလေ၏။ **22** ယုဒလူရှိသည် သက်သီအဖြစ် နိမိတ်လက္ခဏာများကို တောင်းကြ၏။ ဟေလသလူရှိမှုကား ဉာဏ်ပညာကို ရှာဖွေကြ၏။ **23** ငါရို့ ဟောပြောကြေငြာသော လက်ဝါးကပ်တိုင်ထက်တွင် အသီခံတော်မူသည့် ခရစ်တော်၏အကြောင်းသည် ယုဒလူရှိအဖို့ ထိမိ၍ လဲစရာဖြစ်ပြီး၊ တခြားလူမျိုးရှိအဖို့မူကား အချည်းနှီးသော တရားဖြစ်၏။ **24** သို့ရာတွင် ယုဒလူဖြစ်စီ၊ တခြားလူမျိုးဖြစ်စီ၊ ဘုရားသခင် ခေါ်ထားတော်မူခြင်းကို ခံရကြသော သူရှိ၌ကား ခရစ်တော်သည် ဘုရားသခင်၏ တန်ခိုးတော်နှင့် ဘုရားသခင်၏ ဉာဏ်ပညာတော်ဖြစ်ပေ၏။ **25** အကြောင်းမူကား ဘုရားသခင်၏ အချည်းနှီးဖြစ်သော ဉာဏ်ပညာသည် လူရှိ၏ဉာဏ်ပညာဟိခြင်းထက် သာ၍ ကောင်း၏။ ဘုရားသခင်၏အားနည်းခြင်းသည် လူရှိ၏ခွန်အားကြီးခြင်းထက် သာ၍ ကြီး၏။ **26** ညီအစ်ကိုမောင်နှမရို့၊ ဘုရားသခင်သည် သင်ရိုအား ခေါ်သောအခါ လူ့အမြင်အားဖြင့် သင်ရိုတွင် ပညာဟိသူ၊ တန်ခိုးအာဏာဟိသူ၊ မျိုးရိုးကြီးမြင့်သူဟူ၍ များစွာမပါသည်ကို အောက်မိကြလော့။ **27** ဘုရားသခင်သည် ပညာဟိရို့ကို အရှက်ရစီခြင်းငှာ လောက၌ မိုက်မဲသောသူရို့ကို ရှိုးကောက်တော်မူ၏။ လောက၌ ခွန်အားကြီးသောသူရို့ကို အရှက်ရစီခြင်းငှာ ခွန်အားနည်းသောသူရို့ကို ရှိုးကောက်တော်မူ၏။ **28** လောက၌ မြတ်သောသူရို့ကို အရှက်ရစီခြင်းငှာ ယုတ်သောသူ၊ အထင်သေးခံရသောသူနှင့် လူရာမဝင်သောသူရို့ကို ရှိုးကောက်တော်မူ၏။ **29** သို့ ဖြစ်၍ ဘုရားသခင်၏ ရှိတော်၌ ဇာသူမျှ ဝါကြွားစရာမဟိ။ **30** သို့ရာတွင် ဘုရားသခင်အားဖြင့် သင်ရို့သည် ခရစ်တော်ယေသျှ၌ တည်နိုင်ကြ၏။ ဘုရားသခင်သည် ခရစ်တော်အား ငါရို့အတွက် ဉာဏ်ပညာ ဖြစ်စီတော်မူ၏။ ထိုအရာကား ငါရို့အတွက် ပြောငဲ့မတ်ခြင်း၊ သန့်ယှင်းခြင်းနှင့် ရှိုးနုတ်ခြင်း ဖြစ်တော်မူ၏။ **31** ထို့ကြောင့် ကျမ်းစာလာသည်ကား၊ “ဝါကြွားလိုသောသူသည် သခင်ဘုရားပြုတော်မူပြီးသော အမှု၌သာ ဝါကြွားစီ” ဟု လာ၏။

2 ညီအစ်ကိုမောင်နှမရို့၊ ငါသည် သင်ရို့ထံပါးသို့ ရောက်လာ၍ ဘုရားသခင်၏ လျှို့ဝှက်နက်နဲသော သမ္မာတရား ကို ဟောပြောသောအခါ စကားလုံးကြီးများ၊ တတ်မြောက်ထားသော ပညာများနှင့် ယှဉ်၍ ဟောပြောသည်မဟုတ်။

2 အကြောင်းမူကား သင်ရို့နှင့်အတူ ဟိစဉ်က ငါသည် ယေသျှခရစ်တော်၏ အကြောင်းနှင့် အထူးသဖြင့် လက်ဝါးကပ်တိုင်၌ ကိုယ်တော် အသီခံတော်မူသည့် အကြောင်းမှတစ်ပါး အခြားသောအရာ မှန်သမျှကို မိပျောက်စီခြင်းငှာ စိတ်ပိုင်းဖြတ်ထား၏။ **3** ထို့ကြောင့် ငါသည် သင်ရို့ထံပါးသို့ လာသောအချိန်၌ အားနည်း၍ ကြောက်ရွံ့တုန်လှုပ်လျက်၊

4 ငါ၏ ဟောပြောခြင်းနှင့် သတင်းစကားတွင် လူရှိ၏ဉာဏ်ပညာဖြင့် ကျွမ်းကျင်သောစကားများကို အသုံးမပြုဘဲ ဘုရားသခင်၏ ဝိညာဉ်တော်တန်ခိုးဖြင့် နားလည်သဘောပေါက်စီသော စကားများကိုသာ အသုံးပြု၏။ **5** သို့ ဖြစ်၍ သင်ရို့၏ ယုံကြည်မှုသည် လူရှိ၏ ဉာဏ်ပညာ၌ အမှီမပြုဘဲ ဘုရားသခင်၏ တန်ခိုးတော်၌သာ အမှီပြုစီလို၏။ **6** ငါသည် ဉာဏ်ပညာနှင့် ယှဉ်သောစကားကို ဝိညာဉ်ရေးရာ ရင့်ကျက်သော သူရို့အား ပြောဆိုပါ၏။ သို့ရာတွင် ထိုဉာဏ်ပညာကား ဤလောကနှင့် သက်ဆိုင်သည် မဟုတ်။ လောကီမင်းများနှင့်လည်း မသက်ဆိုင်။ လောကီမင်းရို့၏ တန်ခိုးအာဏာသည်လည်း ပျက်ပြယ်တတ်၏။ **(aiōn g165)** **7** ငါဟောပြောသော ပညာသည်ကား ဘုရားသခင်၏ ကွယ်ဝှက်ထားသော အရာဖြစ်၏။ ဘုရားသခင်သည် ဤလောကကို ဖန်ဆင်းတော်မမူမီကပင် ထိုဉာဏ်ပညာကို ငါရို့၏ ဘုန်းတန်ခိုးအတွက် ကြိုတင်သတ်မှတ်ထားတော်မူ၏။ **(aiōn g165)** **8** လောကီမင်းတစ်ဦးတစ်ယောက်မျှ ဤဉာဏ်ပညာတော်အကြောင်းကို မသိနားမလည်ကတ်။ အကယ်၍ သိနားလည်ကြလျှင် သူရို့သည် ဘုန်းတန်ခိုးတော်၏ အသျှင်ကို လက်ဝါးကပ်တိုင်တွင် တင်၍ သတ်ကြလိမ့်မည် မဟုတ်။ **(aiōn g165)** **9** သို့ရာတွင် ကျမ်းစာ၌ လာသည်အတိုင်း၊ “ဇာသူမျှ မမြင်ဖူး၊ မကြားဖူး၊ ဇာသူမျှ မဖြစ်နိုင်ဟု ထင်မှတ်ထားသောအရာကို၊ ဘုရားသခင်သည် မိမိအား

ချစ်သောသူရိအဖို့ ပျင်ဆင်ထားတော်မူ၏။” 10 သို့သော် ထိုကွယ်ဝှက်ထားသော အမှုအရာကို ဘုရားသခင်သည် ငါရဲ့အား မိမိ၏ ဝိညာဉ်တော်အားဖြင့် ဖော်ပြတော်မူ၏။ ထိုဝိညာဉ်တော်သည် ခပ်သိမ်းသော အရာကို သာမက ဘုရားသခင်၏ ကွယ်ဝှက်ထားသည့် နက်နဲသော အကြံအစည်တော်များကိုပင်လျှင် ရှာဖွေတော်မူ၏။ 11 ငါရဲ့၏ အကြောင်းအလုံးစုံကို ငါရဲ့အထဲ၌ ဟိသော စိတ်ဝိညာဉ်ကသာလျှင် သိ၏။ ထိုနည်းတူ ဘုရားသခင်၏အကြောင်း အလုံးစုံကို ဘုရားသခင်၏ ဝိညာဉ်တော်ကသာလျှင် သိတော်မူ၏။ 12 ငါရဲ့သည် ဤလောကနှင့်ဆိုင်သော ဝိညာဉ်ကို ခံယူရဟိကြသည် မဟုတ်။ ငါရဲ့အား ဘုရားသခင် ပီးတော်မူသောအရာအားလုံးကို သိခြင်းငှာ ဘုရားသခင်ထံပါးမှ လာသော ဝိညာဉ်တော်ကိုသာ ခံယူရဟိကြ၏။ 13 ထို့ကြောင့် ငါရဲ့သည် လူ၏ဉာဏ်ပညာအားဖြင့် သွန်သင်ဟောပြောခြင်းကို မပြုဘဲ၊ ဝိညာဉ်တော်ကို ခံယူရဟိကြသော သူရဲ့ အား ဝိညာဉ်ရေးရာနှင့်ဆိုင်သော အရာများကို ယှဉ်းပြသောအခါ ဝိညာဉ်တော်၏ သွန်သင်ပီးသော စကားများကိုသာ အသုံးပြုကြ၏။ 14 ဇာတိပကတိလူသည် ဘုရားသခင်၏ ဝိညာဉ်တော် ချပီးသည့်ဆုကျေးဇူးများကို မခံယူနိုင်။ သို့သော် ထိုသူရဲ့သည် ထိုအရာများကို အချည်းနှီးသောအရာများဟု ထင်မှတ်တတ်ကြ၏။ အကြောင်းမူကား ဝိညာဉ်တော်အားဖြင့်သာလျှင် ထိုအရာများကို သိနိုင်သည်ဖြစ်သောကြောင့် သူရဲ့သည် နားမလည်နိုင်ကြပေ။ 15 ဝိညာဉ်တော်ကို ခံယူရဟိသောသူသည် အရာခပ်သိမ်းရဲ့ကို ပိုင်းခြား၍ သိနိုင်၏။ သို့ရာတွင် ထိုသူအား မည်သူမျှ ပိုင်းခြား၍ မသိနိုင်။ 16 ကျမ်းစာ၌ လာသည်ကား၊ “ဇာသူသည် သခင်ဘုရား၏ စိတ်တော်ကို သိပါသနည်း။ ဇာသူသည် ကိုယ်တော်ကို အကြံဉာဏ် ပီးနိုင်ပါမည်နည်း” ဟူ၍ ဖြစ်၏။ သို့ရာတွင် ငါရဲ့မူကား ခရစ်တော်၏ စိတ်သဘောကို ရဟိကြ၏။

3 ညီအစ်ကိုမောင်နှမရဲ့ အထက်က ငါသည် သင်ရဲ့အား ဝိညာဉ်တော်၌ အသက်ရှင်သော သူရဲ့ကို ဟောပြောသကဲ့သို့ ဟောပြော၍မဖြစ်။ လောကီသားရဲ့ ပြုမူကြသည့်အတိုင်း ပြုမူကြသော ခရစ်တော်၌ အသွေတိကို ဟောပြောသကဲ့သို့ ဟောပြောရ၏။ 2 ငါသည် သင်ရဲ့အား မာသောအစာကို ကျွေးသည် မဟုတ်။ နို့ကိုသာ တိုက်၏။ အကြောင်းမူကား အဂုတိုင်အောင် သင်ရဲ့သည် အစာမကြိုနိုင်ကတသိမ့်။ 3 ဇာကြောင့်ဆိုသော်၊ သင်ရဲ့သည် လောကီသားများကဲ့သို့ အသက်ရှင်ကြသိမ့်သောကြောင့် ဖြစ်၏။ အချင်းချင်း မနာလိုဖြစ်ကာ၊ တစ်ယောက်နှင့်တစ်ယောက် ရန်ဖြစ်နိုင်ကြသည်မှာ လောကီသားများ၏ အသက်ရှင်ပုံ မဟုတ်ပါလော။ လောကီသားများကဲ့သို့ ပြုမူနိုင်ကြသည်ပင် မဟုတ်ပါလော။ 4 သင်ရဲ့ အထဲက တစ်ယောက်က၊ “ငါသည် ပေါလု တပည့်ဖြစ်၏။ အခြားတစ်ယောက်က၊ ငါသည် အာပေါလု တပည့်ဖြစ်၏” ဟု ပြောနိုင်ကြလျှင် သင်ရဲ့သည် လောကီသားများကဲ့သို့ ပြုမူခြင်းပင် မဟုတ်ပါလော။ 5 အာပေါလုကား ဇာသူနည်း။ ထိုနည်းတူ ပေါလုကား ဇာသူနည်း။ ငါရဲ့သည် ဘုရားသခင်၏ အခိုင်းအစီများသာလျှင် ဖြစ်၍ သင်ရဲ့ ယုံကြည်လာစီခြင်းငှာ ပြုစုပီးကြသူတိသာ ဖြစ်၏။ ငါရဲ့ တစ်ယောက်စီတိုင်းသည် သခင်ဘုရား သတ်မှတ်ပီးတော်မူသော အလုပ်ကို ဆောင်ရွက်ကြ၏။ 6 ငါသည် မျိုးစုံကို စိုက်ပျိုး၏။ အာပေါလုကား ရီလောင်း၏။ အပင်ကို ကြီးထွားစီတော်မူသော သူကား ဘုရားသခင်ပေတည်း။ 7 မျိုးစုံကို စိုက်ပျိုးသောသူနှင့် ရီလောင်းသောသူသည် အဓိက မဟုတ်။ အပင်ကို ကြီးထွားစီတော်မူသော သူတည်းဟူသော ဘုရားသခင်သာလျှင် အဓိကဖြစ်တော်မူ၏။ 8 မျိုးစုံကို စိုက်ပျိုးသောသူနှင့် ရီလောင်းသောသူရဲ့သည် ခြားနားမှုမဟိ။ ဘုရားသခင်သည် လူအသီးသီးရဲ့၏ လုပ်ဆောင်သည့်အတိုင်း အကျိုးကို ပီးတော်မူလိမ့်မည်။ 9 ငါရဲ့သည် ဘုရားသခင်ထံတော်၌ အတူတကွ လုပ်ဆောင်ကြသော လုပ်ဖော်ကိုင်ဖက်များသာ ဖြစ်ကြ၏။ သင်ရဲ့သည်ကား ဘုရားသခင်၏ ဥယျာဉ် ဖြစ်ကြ၏။ သင်ရဲ့သည် ဘုရားသခင်၏ ဗိမာန်တော်လည်းဖြစ်ကြ၏။ 10 ငါသည် ဘုရားသခင်ပီးသနားတော်မူသော ဆုကျေးဇူးကို အသုံးပြုလျက် ကျွမ်းကျင်စွာ တည်ဆောက်သောသူကဲ့သို့ အုတ်မြစ်ကို ချခ၏။ တစ်စုံတစ်ယောက်ကလည်း ထိုအုတ်မြစ်ထက်တွင် တည်ဆောက်၏။ သို့သော် ထပ်ဆင့်၍ တည်ဆောက်သောသူတိုင်းသည် မိမိဇာပိုင် တည်ဆောက်သည်ကို သတိပြုရမည်။ 11 အကြောင်းမူကား ဘုရားသခင်သည် ယေသျှုခရစ်တော်ကို တစ်ခုတည်းသော အုတ်မြစ်အဖြစ် ချနှင့်ထားပြီးဖြစ်၏။ ထိုအုတ်မြစ်မှတစ်ပါး အခြားသော

အုတ်မြစ်ကို ဇာသုမူ မချနိုင်။ 12 လူတချို့သည် ထိုအုတ်မြစ်ထက်တွင် ရွှံ့၊ ငွီ၊ တန်ဖိုးဟိသောကျောက်များဖြင့် ထပ်ဆင့်၍ တည်ဆောက်ကြလိမ့်မည်။ လူတချို့မူကား သစ်သား၊ မြက်ခြောက်၊ ကောက်ရိုးဖြင့် ထပ်ဆင့်၍ တည်ဆောက်ကြလိမ့်မည်။

13 ထိုသူတို့ တစ်ယောက်ချင်းစီ၏ တည်ဆောက်မှု အရည်အသွေးသည် ခရစ်တော်ကြွလာတော်မူရာနှိ၌ ထင်ရှားလာလိမ့်မည်။ ထိုနှိ၌ လူတစ်ယောက်ချင်းစီတိုင်း၏ အလုပ်ကို မီးအားဖြင့် ထင်ရှားစီလိမ့်မည်။ ထိုမီးသည် လူအသီးသီးရှိ၏ အလုပ်ကို စစ်ဆီးပြီး၊ စစ်မှန်သော အရည်အသွေးကို ဖော်ပြလိမ့်မည်။ 14 ထိုအုတ်မြစ်ထက်တွင် တည်ဆောက်သည့်အရာသည် ၎င်းမီး၏ဒဏ်ကို ခံနိုင်လျှင် တည်ဆောက်သောသူသည် ဆုလာဘ်ကို ရလိမ့်မည်။ 15 သို့သော် ထိုသူတည်ဆောက်ထားသောအရာသည် လောင်ကျွမ်းလားလျှင် တည်ဆောက်သောသူသည် ဆုံးယှုံးမှုကို ခံစားရလိမ့်မည်။ သို့ရာတွင် ထိုသူမူကား မီးဘေးမှ လွတ်မြောက်သောသူကဲ့သို့ ကယ်တင်ခြင်းကို ခံရလိမ့်မည်။

16 သင်ရှိသည် ဘုရားသခင်၏ ဗိမာန်တော်ဖြစ်ကြသည်ကိုလည်းကောင်း၊ ဘုရားသခင်၏ဝိညာဉ်တော်သည် သင်ရှိအထဲ၌ ကျိန်းဝပ်တော်မူသည်ကိုလည်းကောင်း သိကြသည် မဟုတ်လော။ 17 ဘုရားသခင်၏ဗိမာန်တော်ကို ဖျက်ဆီးသောသူအား ဘုရားသခင်သည် ဖျက်ဆီးတော်မူလိမ့်မည်။ အကြောင်းမူကား ဘုရားသခင်၏ ဗိမာန်တော်သည် သန့်ယှင်းတော်မူ၏။ သင်ရှိကိုယ်တိုင် ထိုဗိမာန်တော် ဖြစ်၏။ 18 ဇာသုမူ မိမိကိုယ်ကို မလှည့်စားကတ်ကျော။ သင်ရှိအထဲမှ တစ်စုံတစ်ယောက်သောသူသည် ဤလောကတွင် မိမိကိုယ်ကို ပညာဟိသည်ဟု ထင်မှတ်လျှင်၊ ထိုသူသည် စစ်မှန်သောပညာဟိ ဖြစ်လာခြင်းငှာ မိုက်မဲသောသူဖြစ်ပါစီ။ (aiōn g165) 19 အကြောင်းမူကား လောကီသားရို့ ထင်မှတ်ကြသော ဉာဏ်ပညာသည် ဘုရားသခင်၏ရှိတော်၌ မိုက်မဲသောအရာပင်ဖြစ်၏။ ကျမ်းစာ၌လာသည်ကား “ဘုရားသခင်သည် ပညာဟိရို့အား မိမိရို့၏ ပရိယာယ်ထဲ၌ ထောင်ချောက်မိစိတော်မူ၏” ဟူ၍ ဖြစ်၏။ 20 တဖန် ကျမ်းစာ၌ လာသည်ကား “ပညာဟိရို့၏ အကြံအစည်သည် အချင်းနှီးဖြစ်ကြောင်းကို သခင်ဘုရားသိတော်မူ၏” ဟူ၍ ဖြစ်၏။ 21 သို့ ဖြစ်၍ လူသားရို့၏ ပြုနိုင်သော အမှုအရာ၌ ဇာသုမူ မကြွားဝါကတ်ကျော။ အကြောင်းမူကား ခပ်သိမ်းသောအရာတို့ကို သင်ရှိပိုင်ကြ၏။ 22 ပေါလု၊ အာပေါလု၊ ပေတရုရို့ကိုလည်းကောင်း၊ ဤလောကကြီးကိုလည်းကောင်း၊ အသက်ရှင်ခြင်းတရားနှင့် သီခြင်းတရားကိုလည်းကောင်း၊ မျက်မှောက်ကာလနှင့် အနာဂတ်ကာလကိုလည်းကောင်း — သင်ရှိပိုင်ကြ၏။ 23 သင်ရှိကို ခရစ်တော်ပိုင်တော်မူ၍ ခရစ်တော်ကို ဘုရားသခင် ပိုင်တော်မူ၏။

4 ငါရှိသည် ဘုရားသခင်၏ နက်နဲသော သမ္မာတရားတော်ကို စောင့်ထိန်းရသည့် ဘဏ္ဍာထိန်း ကဲ့သို့လည်းကောင်း၊ ခရစ်တော်၏ အခိုင်းအစီများကဲ့သို့လည်းကောင်း ဖြစ်သည်ဟု သင်ရှိမှတ်ယူသင့်ကြ၏။ 2 ထိုသို့သော သူရို့တွင် ဟိရမည့် အရည်အချင်းတစ်ခုကား မိမိသခင်၌ သစ္စာစောင့်ခြင်းပင် ဖြစ်ပေ၏။ 3 ငါသည် သင်ရှိအားဖြင့် ဖြစ်စီ၊ လူ၏စံနှုန်းအားဖြင့် ဖြစ်စီ အစစ်ခံရသော်လည်း ငါသည် အမှုမထား။ ငါသည် မိမိကိုယ်ကိုပင်လျှင် မစစ်ကြောမစီရင်။ 4 ငါ၏ ဩတ္တပ္ပစိတ်သည် ကြည်လင်လျက်ဟိပါ၏။ ထိုသို့ ဆိုသော် ငါ၌ အပြစ်မဟုတ် သက်သီပြသည် မဟုတ်။ ငါ့ကို စစ်ကြောစီရင်သောသူကား သခင်ဘုရားပေတည်း။ 5 သို့ ဖြစ်၍ ချိန်းချက်တော်မူသောအချိန် မရောက်မီ ဇာသုကိုမျှ စစ်ကြောစီရင်ခြင်း မပြုကျေ။ သင်ရှိသည် နောက်ဆုံး တရားစီရင်တော်မူခြင်းငှာ သခင်ဘုရား ကြွလာတော်မူထိတိုင်အောင် စောင့်၍ နိန့်ကြရမည်။ ကိုယ်တော်သည် မှောင်မိုက်ထဲ၌ ဝှက်ထားသောအရာများကို အလင်းတော်သို့ လည်းကောင်း၊ လူရို့၏စိတ်နုလုံး၌ ကွယ်ဝှက်ထားသော အကြံအစည်များကိုလည်းကောင်း ထုတ်ဖော်တော်မူလိမ့်မည်။ ထိုအခါ လူတစ်ဦးစီတိုင်း မိမိရို့ခံထိုက်သည့်အလျောက် ဘုရားသခင်ထံမှ ချီးမွမ်းခြင်းကို ခံရကြလိမ့်မည်။ 6 ညီအစ်ကိုမောင်နှမရို့၊ သင်ရှိအဖွဲ့အလိုငှာ ဤအကြောင်းအရာများတွင် အာပေါလုနှင့် ငါ့ကို ပုံဆောင်၍ ဖော်ပြထား၏။ ထိုသို့ ဖော်ပြရခြင်းမှာ “ကျမ်းစာကို မကျော်လွန်ကျေ” ဟု ပြောသောအရာများ၏ အနက်ကို ငါရို့ပါးမှ သင်ယူနိုင်ကြစီခြင်းငှာ ဖြစ်၏။ သင်ရှိသည် တစ်ဦးကို ချီးမွမ်းပြီး အခြားတစ်ဦးကို မထီလေးစားမပြုကတ်ကျေ။ 7 ဇာသုသည် သင်ရှိကို သူတစ်ပါးထက်

ထူးကဲစီပါသနည်း။ သင်ရိုး၌ ဟိသမျှသောအရာသည် ဘုရားသခင်ချပီးတော်မူသော အရာများပင် မဟုတ်ပါလော။ ယင်းသို့ ဖြစ်လျက်ပင် ဘုရားသခင် ချပီးတော်မူသော ဆုကျေးဇူးတိ မဟုတ်သကဲ့သို့ သင်ရိုးသည် ဇာကြောင့် ဝါကြားကြသနည်း။ 8 သင်ရိုးသည် လိုအပ်သမျှ ပြည့်စုံကြပြီလော။ ချမ်းသာကြွယ်ဝကြပြီလော။ ငါရိုးသည် ဘုရင်မဖြစ်ဘဲ သင်ရိုးသည် ဘုရင်ဖြစ်ကြပြီလော။ သင်ရိုးဘုရင် ဖြစ်မှသာလျှင် ငါရိုးလည်း သင်ရိုးနှင့်အတူ စိုးစံနိုင်ကြမည်ဖြစ်သောကြောင့် သင်ရိုးသည် အမှန်ပင် ဘုရင်များဖြစ်ကတိပါစီဟု ငါသည် ဆန္ဒပြု၏။ 9 လူထုရှိ၌ အသိသတ်ဖို့ ထားသောသူများကဲ့သို့ တမန်တော်တိဖြစ်ကြသော ငါရိုးကို ဘုရားသခင်သည် လောကီသားများနှင့် ကောင်းကင်တမန်တိ ရှုစားကြစီခြင်းငှာ နောက်ဆုံး၌ ထုတ်ပြရန် ဖြစ်သည်ဟု ငါထင်မှတ်၏။ 10 ငါရိုးသည် ခရစ်တော်အဖို့ ရူးသွပ်သောသူများဖြစ်ရ၏။ သို့သော် သင်ရိုးကား ခရစ်တော်၌ ပညာဟိများ ဖြစ်ကြ၏။ ငါရိုးသည် အားနည်းသော သူများဖြစ်ကာ၊ သင်ရိုးမူကား သန်စွမ်းသောသူများဖြစ်ကြ၏။ ငါရိုးမူကား အသရေမဲ့သောသူများဖြစ်ပြီး၊ သင်ရိုးမူကား အသရေဟိသောသူများ ဖြစ်ကြပါသည်တကား။ 11 အဂုအချိန်ထိ ငါရိုးသည် ငတ်မွတ်လျက်ဟိကြ၏။ ငါရိုး၏ အဝတ်အစားများလည်း နွမ်းပါးစုတ်ပြလျက်ဟိကြ၏။ ရိုက်ပုတ်ညှင်းဆဲခြင်းကိုလည်း ခံရကြ၏။ တစ်နီရာမှ တစ်နီရာသို့ လှည့်လည်နိုင်သော သူတိဖြစ်ကြ၏။ 12 ငါရိုးကိုယ်တိုင် ကိုယ့်လက်ဖြင့် ပင်ပန်းစွာလုပ်ဆောင်ကြရ၏။ ငါရိုးသည် ကျိန်ဆဲခြင်းကို ခံရသောအခါ ကောင်းကြီးပီးကြ၏။ ညှဉ်းဆဲခြင်းကို ခံရသောအခါ သည်းခံကြ၏။ 13 ရိုင်းပြစော်ကားခြင်းကို ခံရသောအခါ တောင်းပန် ကြ၏။ ငါရိုးသည် အဂုတိုင်အောင် ဤလောက၏အညစ်အကြေးများကဲ့သို့ လည်းကောင်း၊ မြီကြီးသားအပေါင်းရို့၏ လူညံလူဖျင်းကဲ့သို့ လည်းကောင်း ဖြစ်ကြ၏။ 14 ငါသည် ဤသို့ ရိုးပီးလိုက်ခြင်းမှာ သင်ရိုးအား အရှက်ခွဲလို၍ မဟုတ်။ ငါ၏ချစ်သော သားသမီးများကဲ့သို့ မှတ်၍ သင်ရိုးအား သွန်သင်ခြင်းဖြစ်၏။ 15 သင်ရိုး၏ယုံကြည်သူ အသက်တာ၌ သွန်သင်မည့်ဆရာ ၁၀,၀၀၀ ဟိသော်လည်း ဖခင် တစ်ဦးတည်းသာ ဟိ၏။ ငါသည် သတင်းကောင်းကို ယူဆောင်လာခြင်းအားဖြင့် သင်ရိုးအသက်တာတွင် ခရစ်တော်ယေသျှု၌ သင်ရိုး၏ဖခင် ဖြစ်လာ၏။ 16 ထို့ကြောင့် ငါ၏စံနမူနာကို လိုက်ကြရန် ငါတိုက်တွန်းနှိုးဆော်၏။ 17 ဤအကြောင်းကြောင့် ငါသည် တိမောသေအား သင်ရိုးပါးသို့ ရွတ်လိုက်၏။ သူသည် သခင်ဘုရား၌ ငါ နှစ်သက်မြတ်နိုးပြီးလျှင် သစ္စာဟိသော သားပင်ဖြစ်၏။ ခရစ်တော်ယေသျှုနောက်ကို ငါ ဇာပိုင်လိုက်လျှောက်သည် ကိုလည်းကောင်း၊ အရပ်ရပ်၌ဟိသော အသင်းတော်အပေါင်းရို့အား ငါဟောပြောသွန်သင်ခသော အရာတိကိုလည်းကောင်း သူသည် သင်ရိုးအား သတိရစီပါလိမ့်မည်။ 18 သင်ရိုးအထဲမှ အချို့သောသူရို့က ငါသည် သင်ရိုးပါးသို့ မလာယာ ဟု ထင်မှတ်၍ မာနထောင်လွှားလျက် ဟိကြ၏။ 19 သို့ရာတွင် သခင်ဘုရားအလိုတော်ဟိလျှင် ငါသည် သင်ရိုးပါးသို့ မကြာမီ လာမည်။ ထိုအခါ ယင်းသို့ မာနထောင်လွှားသော သူရို့၏နှုတ်စကားကိုမျှသာ မဟုတ်ဘဲ၊ သူရို့၌ဟိသော တန်ခိုးကိုပင် ငါကိုယ်တိုင် သိရလိမ့်မည်။ 20 ဘုရားသခင်၏ နိုင်ငံတော်သည် စကား၌ မတည်။ တန်ခိုး၌သာ တည်၏။ 21 သင်ရိုးသည် ဇာအရာကို အလိုဟိကြသနည်း။ ငါသည် ကြိမ်လုံးကိုကိုင်၍ သင်ရိုးပါးသို့ လာသည်ကို အလိုဟိကြသလော။ သို့တည်းမဟုတ် မေတ္တာနှင့်လည်းကောင်း၊ နူးညံ့သိမ်မွေ့သော စိတ်နှင့်လည်းကောင်း လာသည်ကို အလိုဟိကြသလော။

5 သာသနာပလူရို့ပင်လျှင် ကျင့်ကြမည့်အရာ မဟုတ်သော ကာမဂုဏ်လိုက်စားမှုသည် သင်ရိုးတွင် ဟိနိုင်ကြောင်းကို ငါ ကြားသိရ၏။ လူတစ်ယောက်သည် မိမိ၏ မိတ္တိုးနှင့် အိပ်လျက် ဟိသည်ဟု ငါအား ပြောကြ၏။ 2 သို့ ဖြစ်၍ သင်ရိုးသည် ဇာပိုင် ဝါကြားနိုင်ကြသနည်း။ သင်ရိုးသည် လွန်စွာဝမ်းနည်းပူဆွေး နိန့်သင့်ကြ၏။ ထိုအမှုကို ပြသောသူအား သင်ရိုးအထဲမှ နှင်ထုတ်သင့်၏။ 3 ငါ၏ခန္ဓာသည် သင်ရိုးနှင့် ကွာဝီးသော်လည်း စိတ်ဝိညာဉ်မူကား သင်ရိုးနှင့်အတူ ဟိ၏။ သင်ရိုးနှင့်အတူဟိနိုင်သကဲ့သို့ ထင်မှတ်လျက် ထိုကြောက်ရွံ့ဖွယ်သော အမှုကို ပြုသူအား ငါရိုး၏ အသျှင်ယေသျှု၏နာမဖြင့် အဂုပင် ငါတရားစီရင်၏။ 4 သင်ရိုးအတူတကွ စုဝေးကြစဉ် ငါသည် စိတ်ဝိညာဉ်အားဖြင့် သင်ရိုးနှင့်အတူ ဟိနိုင်၏။ ငါရိုး၏အသျှင် ယေသျှု၏တန်ခိုးတော်သည်လည်း ငါရိုးနှင့်အတူ ဟိ၏။ 5 သခင်ဘုရား၏ နိရက်၌ ထိုသူ၏ ဝိညာဉ်သည်

ကယ်တင်ခြင်းခံရမည့်အကြောင်း သူ၏ကိုယ်ခန္ဓာကို ဖျက်ဆီးစီခြင်းငှာ စာတန်မာရ်နတ်၏ လက်သို့ ပီးအပ်ကြလော့။ 6 သင်ရှိသည် မာန်မာနထောင်လွှားနိုင်ကြသည်မှာ မကောင်း။ “တဆီးအနည်းချေက မုန့်ညက် တစ်ပုံးလုံးကို ဖောင်းကြွစီ၏” ဟူသော ဆိုရိုးစကားကို သင်ရှိ မသိကတ်လား။ 7 သင်ရှိသည် စင်ကြယ်စီခြင်းငှာ တဆီးဟောင်းတည်းဟူသော အပြစ်ဒုစရိုက်ကို ပယ်ကြလော့။ သို့မှသာလျှင် သင်ရှိသည် တဆီးမပါသော အသစ်သောမုန့်ညက်ကဲ့သို့ ဖြစ်လိမ့်မည်။ ငါရှိ၏ ပသခါသိုးသူငယ်တည်းဟူသော ခရစ်တော်အား ယဇ်ပူဇော်ပြီးပြီ ဖြစ်သောကြောင့် ငါရှိအဖို့ ပသခါပွဲကျင်းပရန် အဆင့်သင့်ဟိ၏။ 8 ထို့ကြောင့် အပြစ်ဒုစရိုက်နှင့် ယုတ်ညံ့သောအကျင့်တည်းဟူသော တဆီးဟောင်းပါသည့်မုန့်ဖြင့် မဟုတ်၊ သန့်ယုင်းစင်ကြယ်ခြင်းနှင့် သမ္မာတရားတည်းဟူသော တဆီးမပါသောမုန့်ဖြင့် ပသခါပွဲတော်ကို ကျင်းပကြကုန်အံ့။ 9 သင်ရှိအား ကာမဂုဏ်လိုက်စားသော သူရှိနှင့် မပေါင်းဖော်စီခြင်းငှာ ယခင်က သင်ရှိပါးသို့ ရိုးလိုက်သောစာ၌ ငါမှာထားခ၏။ 10 ထိုသို့ မှာကြားရာ၌ ဤလောက၌ ဟိသော မေထုန်လိုက်စားသောသူတို့၊ လောဘလွန်ကျူးသောသူတို့၊ သူခိုးတို့၊ ရုပ်တုဆင်းထုကိုးကွယ်သောသူတို့နှင့် မပေါင်းဖော်ရဟု မဆိုလို။ ထိုသူရှိကို ယောင်ရမည်ဆိုလျှင် သင်ရှိသည် ဤလောကမှ လုံးဝထွက်ခွာလားရပေလိမ့်မည်။ 11 သင်ရှိ ယောင်ရမည့်လူများမှာ မိမိကိုယ်ကို ယုံကြည်သူဟုဆိုလျက် မေထုန်လိုက်စားသောသူတို့၊ လောဘလွန်ကျူးသောသူတို့၊ ရုပ်တုဆင်းထုကိုးကွယ်သောသူတို့၊ အတင်းပြောသောသူတို့၊ ယစ်မှုးမျိုးကိုသောက် ကြူးသောသူတို့၊ သူခိုးတို့ ကို ဆိုလို၏။ ထိုသို့သော လူရှိနှင့်အတူ စားသောက်ခြင်းကိုပင် မပြုကတ်ကေ။ 12 အသင်းတော်ပြင်ပ၌ ဟိသောသူရှိကို စစ်ကြောစီရင်ရန်မှာ ငါ၏ အလုပ် မဟုတ်။ ထိုသူရှိကို ဘုရားသခင်သာ စစ်ကြောစီရင်တော်မူလိမ့်မည်။ သို့ရာတွင် သင်ရှိ၏ မိတ်သာဟာယ၌ အသင်းဝင်ရှိကို စစ်ကြောစီရင်သင့်ကြသည် မဟုတ်ပါလော။ ထို့ကြောင့် ကျမ်းစာလာသည်အတိုင်း “သင်ရှိ အထဲမှ ဆိုးညစ်သောသူကို ပယ်ယှားကြလော့” ဟု ဖြစ်၏။

6 သင်ရှိအထဲမှ တစ်ယောက်ယောက်က အခြားသော ခရစ်ယာန်ညီအစ်ကိုနှင့် အမှုဖြစ်လျှင် ဘုရားသခင်၏လူများ၌ စီရင်ဆုံးဖြတ်ခြင်းကို မခံဘဲ ဇာကြောင့် ဘုရားတရားမဲ့သော တရားသူကြီးများပါးသို့ လားကြပါသနည်း။ 2 ဘုရားသခင်၏လူများသည် ဤလောကကို တရားစီရင်ရမည့်အကြောင်း သင်ရှိ မသိကြသလော။ သင်ရှိသည် ဤလောကကို တရားစီရင်မည့် သူများဖြစ်သည်ဆိုလျှင် ငယ်သောအမှုကိစ္စများကို မစီရင်နိုင်ပါသလော။ 3 ငါရှိသည် ကောင်းကင်တမန်တို့ကို တရားစီရင်ရမည့်အကြောင်း သင်ရှိမသိကြသလော။ သို့ဖြစ်၍ လောကီအမှုကို သာ၍ စီရင်ထိုက်သည် မဟုတ်လော။ 4 ထိုအမှုကိစ္စမျိုး ပေါ်ပေါက်လာသောအခါ အသင်းတော်နှင့် မသက်ဆိုင်သော သူရှိပါးသို့ လား၍ တရား စီရင်ဆုံးဖြတ်ခြင်းကို ခံယူမည်လော။ 5 သင်ရှိသည် ရှက်ဖွယ်ကောင်းလှ၏။ ခရစ်ယာန်ညီအစ်ကို အချင်းချင်း အမှုအခင်းဖြစ်ပွားကြသောအခါ သင်ရှိအသင်းတော်ထဲ၌ စီရင်ဆုံးဖြတ်နိုင်သည့် ပညာဟိသောသူ တစ်ယောက်မျှ မဟိသလော။ 6 သို့ရာတွင် သင်ရှိသည် မယုံကြည်သူ တရားသူကြီးတို့ ရှိ၌ ညီအစ်ကို အချင်းချင်း တရား စီရင်ကြပါသည်တကား။ 7 ထိုသို့ သင်ရှိ အချင်းချင်း တရားစွဲဆိုခြင်းသည် သင်ရှိအဖို့ ဆုံးယှုံးမှုဖြစ်စီ၏။ ထိုသို့တရားစွဲမည့်အစား မတရားပြုခြင်းကိုသာ ဇာကြောင့်မခံကြသနည်း။ လိမ်ညာလုယူခြင်းကိုသာ ဇာကြောင့်မခံကြသနည်း။ 8 အကယ်စင်စစ် သင်ရှိသည် ထိုသို့ ခံရမည့်အစား သင်ရှိကိုယ်တိုင် ညီအစ်ကိုမောင်နှမ အချင်းချင်း တစ်ယောက်ကိုတစ်ယောက် မတရားပြုခြင်း၊ လုယက်ခြင်းများကို ပြုကြ၏။ 9 ဆိုးညစ်သောသူရှိသည် ဘုရားသခင်၏ နိုင်ငံတော်သို့ မဝင်ရကြောင်း သင်ရှိသိကြ၏။ သင်ရှိကိုယ်တိုင် မရှူးမိုက်ကတ်ကေ။ မတရားသောကာမဂုဏ်လိုက်စားသောသူတို့၊ ရုပ်တုဆင်းထုကိုးကွယ်သောသူတို့၊ သူတစ်ပါး သားမယားကို ပြစ်မှားသောသူတို့၊ ယောက်ျားအချင်းချင်းသော်လည်းကောင်း မိန်းမအချင်းချင်းသော်လည်းကောင်း မှားယွင်းသောသူတို့၊ 10 သူတစ်ပါးဥစ္စာကို ခိုးသောသူတို့၊ လောဘလွန်ကျူးသောသူတို့၊ သီရည်သောက်ကြူးသော

သူတို့၊ အတင်းပြောသောသူတို့နှင့် လူယက်တိုက်ခိုက်သောသူရှိသည် ဘုရားသခင်၏ နိုင်ငံတော်သို့ မဝင်ရကြ။

11 အယင်က သင်ရိုးတွင် အချို့သောသူရှိသည် ထိုကဲ့သို့ ဆိုးယုတ်သောသူတို့ဖြစ်ကြ၏။ သို့သော် အဂုတွင် သင်ရိုးသည် အပြစ်မှ ဆီးကြောသန့်စင်ခြင်းကို ခံကြရသောသူများဖြစ်ပြီး၊ ဘုရားသခင်အား ဆက်ကပ်သောသူများ ဖြစ်ကြ၏။ အသျှင်ယေသုခရစ်တော်၏ နာမအားဖြင့် လည်းကောင်း၊ ငါရဲ့ဘုရားသခင်၏ ဝိညာဉ်တော်အားဖြင့် လည်းကောင်း သင်ရိုးသည် ဘုရားသခင်၏ ဖြောင့်မတ်ခြင်းသို့ ရောက်ကြယာ။

12 တစ်စုံတစ်ယောက်က “ငါသည် ဇာအမှုကိုမဆို ပြခွင့်ဟိ၏” ဟု ဆိုလိုမိမည်။ သင်ရိုးဆိုသည်အတိုင်း မှန်ပေ၏။ သို့ရာတွင် ခပ်သိမ်းသောအရာသည် သင်ရိုးအဖို့ အကျိုးမဟိနိုင်။ ငါသည် ဇာအမှုကိုမဆို ပြုပိုင်ခွင့် ဟိသည်ဟု ဆိုသော်လည်း ငါသည် ဇာအမှု၌မျှ ကျွန်ခံလိုမိမည် မဟုတ်။

13 “အစားအစာသည် ဝမ်းအတွက်ဖြစ်၏။ ဝမ်းသည်လည်း အစားအစာအတွက်ဖြစ်၏” ဟု သင်ရိုး ဆိုလိုမိမည်။ ထိုစကားသည် မှန်ပေ၏။ သို့ရာတွင် ဘုရားသခင်သည် ထိုနှစ်ခုလုံးကို ဖျက်ဆီးတော်မူလိုမိမည်။ ကိုယ်ခန္ဓာသည် မတရားသောမေထုန် လိုက်စားခြင်းငှာ မဟုတ်၊ သခင်ဘုရား၏ အမှုတော်ကို ဆောင်ရွက်ခြင်းငှာ ဖြစ်၏။ သခင်ဘုရားသည်လည်း ခန္ဓာကိုယ်အဖို့ ထောက်ပံ့တော်မူ၏။

14 ဘုရားသခင်သည် မိမိတန်းခိုးတော်အားဖြင့် သခင်ဘုရားကို သီခြင်းမှ ထမြောက်စီတော်မူ၏။ ငါရဲ့ကိုလည်း ဘုရားသခင်၏ တန်ခိုးတော်အားဖြင့် ရှင်ပြန်ထမြောက်စီတော် မူလိုမိမည်။

15 သင်ရိုး၏ ကိုယ်ခန္ဓာများသည် ခရစ်တော်၏ ကိုယ်အင်္ဂါများဖြစ်သည်ကို သင်ရိုးသိကြ၏။ ငါသည် ခရစ်တော်၏ကိုယ်အင်္ဂါကို ယူ၍ ပြည့်တန်ဆာ၏ ကိုယ်အင်္ဂါဖြစ်ရမည်မည်လော။ ထိုသို့ မဖြစ်စီမံနိုင်။

16 ပြည့်တန်ဆာနှင့် ဆက်ဆံသောသူသည် ထိုပြည့်တန်ဆာနှင့် တစ်သားတည်းတစ်ကိုယ်တည်း ဖြစ်သည်ကို သင်ရိုးမသိကြသလော။ ကျမ်းစာတော်၌ “ထိုသူနှစ်ယောက်ရှိသည် တစ်သားတစ်ကိုယ်တည်း ဖြစ်ကြလိမ့်မည်” ဟု လာ၏။

17 သို့ရာတွင် သခင်ဘုရားနှင့်ပေါင်းဖော်သော သူသည် ထိုသခင်နှင့် တစ်စိတ်တစ်ဝိညာဉ်တည်း ဖြစ်၏။

18 မတရားသောမေထုန် လိုက်စားခြင်းကို ယောင်ကြလော့။ လူပြုတတ်သော အခြားအပြစ်အားလုံးသည် ကိုယ်ခန္ဓာပြင်ပ၌ ဖြစ်သော်လည်း မတရားသောမေထုန် လိုက်စားခြင်းအပြစ်ကိုပြုသော လူတစ်ယောက်ကား မိမိ၏ခန္ဓာကိုယ်ကို ပြစ်မှားသောသူ ဖြစ်၏။

19 သင်ရိုး ကိုယ်ခန္ဓာသည် သန့်ယှဉ်သော ဝိညာဉ်တော်၏ ဗိမာန်တော်ဖြစ်ကြောင်းကိုလည်းကောင်း၊ ဘုရားသခင် ပီးသနားတော်မူ၍ ဝိညာဉ်တော်သည် ကိန်းအောင်းတော်မူကြောင်းကိုလည်းကောင်း မသိကြသလော။ သင်ရိုးသည် ကိုယ့်ကိုယ်ကို မပိုင်။ ဘုရားသခင်သာလျှင် ပိုင်တော်မူပြီး၊

20 ကိုယ်တော်သည် သင်ရိုးအား အဖိုးအခဖြင့် ဝယ်ထားတော်မူ၏။ ထို့ကြောင့် သင်ရိုး၏ ကိုယ်ခန္ဓာကို ဘုရားသခင်၏ဘုန်းတော် အဖို့ အသုံးပြုကြလော့။

7 အဂု သင်ရိုးရိုးသား၍ ပီးပို့လိုက်သော စာ၌ ပါဟိသော အကြောင်းအရာများနှင့် ပတ်သက်၍ ပြောရသောစကားမူကား၊

ယောကျ်ားတစ်ယောက်သည် အိမ်ထောင်မပြုဘဲ နီနိုင်လျှင် ကောင်း၏။

2 သို့သော် မတရားသောမေထုန်ပြုခြင်း များပြားနိုင်သောကြောင့် ယောကျ်ားတိုင်း၌ မယားဟိအပ်၏။ မိန်းမတိုင်း၌လည်း လင်ယောကျ်ား ဟိအပ်၏။

3 လင်ယောကျ်ားတစ်ယောက်သည် မိမိမယားအား ပြုအပ်သော ဝတ်ကိုလည်းကောင်း၊ မယားသည်လည်း မိမိလင်ယောကျ်ားအား ပြုအပ်သောဝတ်ကိုလည်းကောင်း ပြည့်ဝစွာ ပြုလျက် တစ်ဦး၏အလိုကို တစ်ဦးက ဖြည့်ဆည်းပီးရမည်။

4 မယားသည် မိမိ၏ကိုယ်ခန္ဓာကို မိမိမပိုင်၊ လင်ယောကျ်ားသာလျှင် ပိုင်၏။ ထိုနည်းတူ လင်ယောကျ်ားသည်လည်း မိမိ၏ကိုယ်ခန္ဓာကို မိမိမပိုင်၊ မယားသာလျှင် ပိုင်၏။

5 သင်ရိုးသည် ဆုတောင်းပတ္တနာပြုခြင်းငှာ သဘောတူညီစွာ ဆိုင်းငံ့ခြင်းမှတစ်ပါး မိမိရဲ့၏လင်မယားဝတ်ကို ပြုရန် မငြင်းပယ်ကတ်ကော့။ သို့ရာတွင် မိမိရဲ့၏စိတ်ကို ချုပ်တည်းခြင်းအားဖြင့် စာတန်မာရ်နတ်၏ သွီးဆောင်ခြင်းကို မခံရစီရန် ဆုတောင်းပတ္တနာပြုကြ ပြီးသောအခါ ပြန်၍ လင်မယားဝတ်ကို ပြုကြလော့။

6 ဤသို့ ဆိုရာ၌ ငါသည် သင်ရိုးအား အမိန့်ပီးခြင်း မဟုတ်။ သို့သော် အခွင့်ပီးထားခြင်းသာ ဖြစ်၏။

7 အကယ်စင်စစ် ငါသည် လူတိုင်းကို ငါကဲ့သို့ပင် ဖြစ်စီလို၏။ သို့သော် လူတစ်ဦးစီ၌ ဘုရားသခင်ထံမှ

မိမိရဟိသောဆုကျေးဇူး တစ်ယောက်တစ်မျိုးစီဟိ၏။ 8 အဂ္ဂ ငါပြောလိုသည်မှာ အိမ်ထောင်မပြုသောသူတို့နှင့် မုဆိုးမရို့သည် ငါကဲ့သို့ တစ်ကိုယ်တည်းဆက်လက်၍ နီထိုင်နိုင်လျှင် သာ၍ကောင်း၏။ 9 သို့သော် သင်ရို့၏စိတ်ဆန္ဒကို မချုပ်တည်းနိုင်လျှင် အိမ်ထောင်ပြုကြလော။ ကိလေသာစိတ်ပူလောင်ခြင်း ဟိသည်ထက် အိမ်ထောင်ပြုခြင်းက သာ၍ကောင်း၏။ 10 အိမ်ထောင်သျှင်ရို့အဖို့ ငါ၌ ပညတ်တစ်ခုဟိ၏။ ယင်း ပညတ်သည်ကား ငါ့ပညတ် မဟုတ်။ သခင်ဘုရား၏ ပညတ်သာ ဖြစ်၏။ ထိုအရာကား၊ မယားသည် မိမိ၏လင်ယောက်ျားကို မကွဲကွာရ။ 11 သို့သော် ကွဲကွာလျှင် တစ်ဦးတည်းနီထိုင်ရမည်။ ထိုသို့မဟုတ် မိမိလင်ယောက်ျားနှင့် ပြန်၍ ပေါင်းသင်းစီ။ လင်ယောက်ျားသည်လည်း မိမိမယားကို မကွာယှင်းရ။ 12 အခြားသူရို့အား သခင်ဘုရား ပညတ်တော်မမူသော်လည်း ငါပညတ်လိုသည်ကား၊ ခရစ်ယာန် ယောက်ျားတစ်ယောက်၌ ယုံကြည်သူ မဟုတ်သော မယားဟိ၍ ထိုမယားသည် မိမိလင်ယောက်ျားနှင့် ဆက်လက်ပေါင်းသင်းလိုလျှင် သူမအား မကွာယှင်းရ ဟူ၍ပင်ဖြစ်၏။ 13 ထိုနည်းတူ ခရစ်ယာန်မိန်းမတစ်ယောက်၌ ယုံကြည်သူ မဟုတ်သော လင်ယောက်ျားဟိ၍ ထိုယောက်ျားသည် မိမိမယားနှင့် ဆက်လက်ပေါင်းသင်းလိုလျှင် သူ့အား မကွာယှင်းရ။ 14 မယုံကြည်သော ယောက်ျားသည် ယုံကြည်သူဖြစ်သော မိမိ၏မယားနှင့် စုံဖက်သောအားဖြင့် လည်းကောင်း၊ ယုံကြည်သူ မဟုတ်သော မယားသည် ယုံကြည်သူဖြစ်သော မိမိ၏လင်ယောက်ျားနှင့် စုံဖက်သောအားဖြင့် လည်းကောင်း၊ ထိုသူရို့သည် ဘုရားသခင်အား လက်ခံသူတိဖြစ်လာနိုင်ပေ၏။ အကယ်၍ ထိုသို့မဖြစ်လျှင် သင်ရို့၏သားသမီးများသည် ဘုရားတရားမဲ့သော သူတို့ကဲ့သို့ ဖြစ်ကြပေလိမ့်မည်။ သို့သော် အဂ္ဂတွင် ထိုသားသမီးရို့သည် ဘုရားသခင်အား လက်ခံသူတိဖြစ်ကြ၏။ 15 သို့ရာတွင် မယုံကြည်သောသူသည် မိမိ၏ ယုံကြည်သူ အိမ်ထောင်ဖက်အား ကွာယှင်းလိုလျှင် ကွာယှင်းနိုင်၏။ ဤအမှုမျိုးတွင် ထိုယုံကြည်သူသည် လင်ယောက်ျားဖြစ်စီ၊ မယားဖြစ်စီ အနှောင်အဖွဲ့ကင်းကြစီ။ ဘုရားသခင်သည် သင်ရို့အား သင့်တင့်အီးချမ်းစွာ နီထိုင်ကြရန် ခေါ်ထားတော်မူ၏။ 16 ယုံကြည်သူဖြစ်သော အသင် အိမ်ထောင်သျှင်မ၊ သင်သည် မိမိ၏လင်ယောက်ျားဖြစ်သူကို ကယ်တင်နိုင်မည် မဟုတ်ဟု ဇာပိုင် သိနိုင်မည်နည်း။ ယုံကြည်သူဖြစ်သော အသင်အိမ်ထောင်သျှင်မ၊ သင်သည် မိမိ၏မယားကို ကယ်တင်နိုင်မည် မဟုတ်ဟု ဇာပိုင် သိနိုင်မည်နည်း။ 17 လူအသီးသီးရို့သည် သခင်ဘုရားပီးတော်မူသော ဆုကျေးဇူးနှင့်အညီ ဘုရားသခင်သည် သင်ရို့အား ရွီးကောက်တော်မူစဉ်က ဟိခသည့်အခြေအနေအတိုင်း ဆက်လက်၍ အသက်ရှင်အပ်၏။ ဤပညတ်သည် အသင်းတော်အားလုံး၌ ငါဟောပြောသွန်သင်ခသော ပညတ်ဖြစ်၏။ 18 အရီဖျားလီးခြင်းမင်္ဂလာကို ခံယူပြီးသောသူသည် ရွီးကောက်တော်မူခြင်းကို ခံရလျှင် အရီဖျားလီးခြင်း မင်္ဂလာနှင့်ဆိုင်သော အမှတ်အသားများကို မစွန့်ပယ်ကတ်ကေ။ ထိုနည်းတူ အရီဖျားလီးခြင်းမင်္ဂလာကို မခံယူသောသူသည် ရွီးကောက်တော်မူခြင်းကို ခံရလျှင် အရီဖျားလီးခြင်း မင်္ဂလာကို ခံယူရန်မလို။ 19 အရီဖျားလီးခြင်း ခံယူသည် မခံယူသည်မှာ အဓိက မဟုတ်ပေ။ ဘုရားသခင်၏ ပညတ်ချက်များကို နာခံလိုက်လျှောက်ခြင်းသာ အဓိကဖြစ်၏။ 20 လူတိုင်း ဘုရားသခင်၏ ခေါ်ယူတော်မူခြင်းကို ခံရသောအချိန်၌ မိမိလုပ်ဆောင်နိုင်သည့် အလုပ်ကို ဆက်လက်၍ လုပ်ကိုင် အပ်၏။ 21 ခေါ်ယူတော်မူခြင်းကို ခံရချိန်တွင် သင်သည် ကျွန်ုပ်တို့နိဗ္ဗာန်သော်လည်း စိုးရိမ်ခြင်း မဟိကေ။ သို့သော် သင်ရို့သည် ကျွန်ုပ်အဖြစ်မှ လွတ်ခွင့်ရမည်ဆိုလျှင် ထိုအခွင့်ကို အသုံးပြုကြလော့။ 22 အကြောင်းမူကား ကျွန်ုပ်တို့စဉ် သခင်ဘုရား၏ ခေါ်ယူတော်မူခြင်းကို ခံရသောသူသည် သခင်ဘုရား၏ လွတ်လပ်သောသူဖြစ်၏။ ထိုနည်းတူ၊ လွတ်လပ်သောသူသည် ခရစ်တော်၏ ခေါ်ယူတော်မူခြင်းကို ခံရသောအခါ ခရစ်တော်၏ ကျွန်ုပ်တို့ဖြစ်လာ၏။ 23 ဘုရားသခင်သည် သင်ရို့ကို အဖိုးအခပီး၍ ဝယ်ထားတော်မူသောကြောင့် လူတိကျွန် မဖြစ်လာကတ်ကေ။ 24 ရောင်းရင်းရို့ သင်ရို့သည် ခေါ်ယူတော်မူခြင်းကို ခံရစဉ်က ဟိခသောအခြေအနေ၌ပင် ဘုရားသခင်နှင့် မိတ်သဟာယဖွဲ့လျက် ဆက်လက်၍ နီထိုင်အပ်၏။ 25 အဂ္ဂတွင်ကား၊ အိမ်ထောင်မပြုဘဲ နိနိကြသောလူတိအကြောင်းကို သင်ရို့ ရိုးလိုက်သော စာနှင့် ပတ်သက်၍ သခင်ဘုရား၏ ပညတ်ချက်ကို ငါမရဟိပေ။ သို့သော် သခင်ဘုရား၏ ကရုဏာတော်ကြောင့် ယုံကြည်ထိုက်သူ တစ်ယောက်အဖြစ်

ငါ၏ထင်မြင်ချက်ကို ပြောလိုက်ပါ၏။ 26 မျက်မှောက် ကြုံတို့နိန်ရသော ခေတ်ဆိုးကာလ၌ ယောက်ျားတစ်ယောက်သည် ဟိမြ အခြေအနေအတိုင်း နီထိုင်သည်က သာ၍ ကောင်းသည်ဟု ငါထင်မှတ်၏။ 27 သင်သည် အိမ်ထောင်သျှင်ဖြစ်လျှင် သင်၏မယားကို စွန့်ပယ်ခြင်းငှာ မကြိုးစားကေ။ သင်သည် လူလွတ်ဖြစ်လျှင် မယားရှာခြင်းငှာ မကြံစည်ကေ။ 28 သို့သော် သင်သည် အိမ်ထောင်ပြုလျှင်လည်း အပြစ်ကို ပြုခြင်း မဟုတ်။ အိမ်ထောင်မပြုသော မိန်းမသည် အိမ်ထောင်ပြုသော်လည်း အပြစ်ကို ပြုခြင်း မဟုတ်။ သို့ပိုင်သျှင် ငါသည် သင်ရဲ့အား အိမ်ထောင်သျှင်များ နီတိုင်း ကြုံတို့ကြရမည့် ဆင်းရဲဒုက္ခများနှင့် ကင်းဝေးစီလို၍ ဤသို့ ပြောရခြင်းဖြစ်၏။ 29 ညီအစ်ကိုမောင်နှမရဲ့ ငါဆိုလိုသည်ကား၊ ကျန်ကြွင်းသော အချိန်ကာလသည် အလွန် တိုတောင်းလှ၏။ အဂုမ္မစ၍ အိမ်ထောင်သည် ယောက်ျားများသည် လူလွတ်ကဲ့သို့ နီထိုင်အပ်၏။ 30 ငိုကြွေးသောသူရဲ့သည် မငိုကြွေးသကဲ့သို့ လည်းကောင်း၊ ဝမ်းမြောက်သော သူများသည် ဝမ်းမြောက်ခြင်းမဟိသကဲ့သို့ လည်းကောင်း၊ ဥစ္စာပစ္စည်း ဝယ်ယူသော သူများသည် ထိုဥစ္စာပစ္စည်းကို မပိုင်ဆိုင်သကဲ့သို့ လည်းကောင်း၊ 31 ဤလောက၏ ဥစ္စာပစ္စည်းကို သုံးသောသူရဲ့သည် မသုံးသကဲ့သို့လည်းကောင်း နီထိုင်အပ်၏။ အကြောင်းမူကား ဤလောကကြီး၏ ပုံသဏ္ဌာန်သည် ရွှိလျားကွယ်ပျောက်နိန်၏။ 32 ငါသည် သင်ရဲ့အား ပူပန်သောကနှင့် ကင်းဝေးစီလို၏။ လူလွတ်ဖြစ်သော ယောက်ျားသည် သခင်ဘုရား နှစ်သက်တော်မူသော အမှုကို ပြုလိုသောကြောင့် သခင်ဘုရား၏ အမှုတော်ကို အလေးအနက် ထားတတ်၏။ 33 သို့သော် အိမ်ထောင်ဟိသော ယောက်ျားမူကား မိမိ၏မယား နှစ်သက်စီခြင်းငှာ လောကီအမှုကို အလေးအနက် ထားတတ်၏။ 34 ထို့ကြောင့် သူသည် စိတ်နှစ်ခွဲ ဖြစ်နိန်၏။ လူလွတ်ဖြစ်သော မိန်းမနှင့် အပျိုရဲ့သည် သခင်ဘုရားအား မိမိ၏ကိုယ်ခန္ဓာနှင့် စိတ်ဝိညာဉ်ကို ဆက်ကပ်လိုသဖြင့် သခင်ဘုရား၏ အမှုတော်ကို အလေးအနက်ထား တတ်၏။ သို့ရာတွင် အိမ်ထောင်ပြုသော မိန်းမမူကား မိမိ၏ လင်ယောက်ျား နှစ်သက်စီခြင်းငှာ လောကီအမှုကို အလေးအနက်ထားတတ်၏။ 35 ဤသို့ ငါပြောရခြင်းမှာ သင်ရဲ့၏ အကျိုးကို လိုလား၍ ပြောခြင်းဖြစ်၏။ သင်ရဲ့အား တင်းကြပ်လိုသောကြောင့် မဟုတ်။ သင်ရဲ့အား မှန်ကန်လျောက်ပတ်စွာ ကျင့်ကြံစီရန်နှင့် သခင်ဘုရား၏အမှုတော်ကို စိတ်ရှုပ်ထွေးခြင်း မဟိဘဲ အကြွင်းမဲ့ ဆောင်ရွက်ကြစီခြင်းငှာ လိုလားသောကြောင့်ဖြစ်၏။ 36 စုံစပ်ထားပြီးနောက် အိမ်ထောင်မပြုရန် ဆုံးဖြတ်ထားသော စုံတွဲတစ်တွဲ၌ ယောက်ျားသည် မိန်းမ၌ မိမိပြုမူပုံ မလျောက်ပတ်သည်ကို သိသောအခါ၌ သော်လည်းကောင်း၊ မိမိစိတ်ကို မထိန်းချုပ်နိုင်သောအခါ၌ သော်လည်းကောင်း ထိုသူပြုလိုသည့်အတိုင်း ထိန်းမြားမင်္ဂလာပြုရာ၏။ ဤသို့ ပြုခြင်း၌ ဇာအပြစ်မျှမဟိ။ 37 သို့ရာတွင် ယောက်ျားသည် အိမ်ထောင်မပြုဘဲ နိန်ခြင်းငှာ စိတ်ပိုင်းဖြတ်၍ မိမိ၏ စိတ်ကိုလည်း တည်ကြည်ခိုင်မာစွာ လုံးဝချုပ်ထိန်းနိုင်သဖြင့် အိမ်ထောင်မပြုဘဲနိန်လျှင် သာ၍ကောင်း၏။ ထိုသူသည် မိန်းမပျိုနှင့် အိမ်ထောင်မပြုဘဲ နိန်ခြင်းသည်ကား ကောင်းသောအမှုကို ပြုခြင်းဖြစ်၏။ 38 ထို့ကြောင့် အိမ်ထောင်ပြုသော ယောက်ျားသည် ကောင်းသောအမှုကို ပြု၏။ သို့ရာတွင် အိမ်ထောင်မပြုဘဲနီသောယောက်ျားသည် သာ၍ ကောင်းသောအမှုကို ပြုခြင်းဖြစ်၏။ 39 အိမ်ထောင်ပြုသော မိန်းမသည် မိမိ၏ လင်ယောက်ျား အသက်ရှင်သမျှ ကာလပတ်လုံး လွတ်လပ်မှုမဟိ။ သို့သော် လင်ယောက်ျား သီဆုံးလားသောအခါတွင်မူ မိမိဆန္ဒအလျောက် ကြိုက်နှစ်သက်သောသူနှင့် လွတ်လပ်စွာ အိမ်ထောင်ပြုနိုင်၏။ သို့ပိုင်သျှင် ထိုပေါင်းသင်းမှုသည် ယုံကြည်သူ အချင်းချင်း ပေါင်းသင်းမှုသာလျှင် ဖြစ်ရမည်။ 40 အကယ်၍ ထိုမိန်းမသည် အိမ်ထောင်မပြုဘဲ နီထိုင်သောအမှုကို နှစ်သက်လျှင် ထိုသို့ နီထိုင်စီ။ ဤသည်ကား ငါ၏ထင်မြင်ယူဆချက်ဖြစ်၏။ ငါသည်လည်း ဘုရားသခင်၏ ဝိညာဉ်တော်ကို ခံယူရဟိသူဖြစ်သည်ဟု ထင်မှတ်ပါ၏။

8 အဂ၊ သင်ရဲ့စာရီး၍ ပီးလိုက်သည့် ရုပ်တုများအား ပူဇော်ထားသော အစားအစာနှင့်ပတ်သက်၍ ငါပြောရသော စကားမူကား၊ ထိုသူရဲ့ ပြောသည့်အတိုင်း “ငါရဲ့အားလုံးသည်ပင် အသိပညာ ဟိကြ၏” ဟု ဆိုသောစကားသည် မှန်ပေ၏။ သို့ရာတွင် အသိပညာသည် လူတို့ကို မာန်မာနထောင်လွှားစိတ်တတ်၏။ မေတ္တာမူကား တည်ဆောက်ခြင်းကို ပြုတတ်၏။ 2 ဇာသူမဆို တစ်စုံတစ်ရာကို သိပြီဟုထင်မှတ်လျှင် ထိုသူသည် သိသည့်အတိုင်းပင် မသိသိမ့်။

3 သို့ပိုင်သော ဘုရားသခင်ကို ချစ်မြတ်နိုးသောသူအား ဘုရားသခင်သည် သိတော်မူ၏။ 4 ထို့ကြောင့် ရုပ်တုကို ပူဇော်ထားသောအစားအစာကို စားသောက်ခြင်းနှင့်ပတ်သက်၍ ပြောရသော်၊ ရုပ်တုသည် ဘုရားအစစ်အမှန် မဟုတ်သည်ကိုလည်းကောင်း၊ တစ်ဆူတည်းသော ဘုရားသခင်မှတစ်ပါး အခြားသောဘုရား မဟိကြောင်းကိုလည်းကောင်း ငါရို့ သိကြ၏။ 5 အကြောင်းမူကား ကောင်းကင်နှင့် မြီကြီးထက်၌ “ဘုရားများ” ဟု ခေါ်ဆိုကြသော “နတ်ဘုရားများ” နှင့် “အသျှင်သခင်များ” ဟိစိကာမူ၊ 6 ငါရို့အဖို့ ဘုရားသခင်တစ်ပါးတည်းသာလျှင် ဟိတော်မူ၏။ ထိုအသျှင်သည်ကား ခမည်းတော်ဖြစ်တော်မူ၏။ ထိုအသျှင်သည် ခပ်သိမ်းသောအရာများကို ဖန်ဆင်းတော်မူ၏။ ထိုအသျှင်အဖို့ ငါရို့သည် အသက်ရှင်ကြ၏။ ငါရို့အဖို့ အသျှင်သခင် တစ်ပါးတည်းသာလျှင် ဟိ၏။ ထိုအသျှင်သခင်ကား ယေသျှုခရစ်တော်ပင်ဖြစ်၏။ ထိုအသျှင်အားဖြင့် ခပ်သိမ်းသောအရာများသည် ဖန်ဆင်းခြင်းကို ခံကြရ၏။ ထိုအသျှင်အားဖြင့် ငါရို့သည် အသက်ရှင်ကြ၏။ 7 သို့ရာတွင် လူတိုင်း ဤအသိပညာကို ရကြသည် မဟုတ်။ အချို့သောသူရို့သည် ရုပ်တုကိုးကွယ်သည့်အလေ့အထဟိခသည်ဖြစ်၍ အဂုဏာလွှဲပင် ရုပ်တုကို ပူဇော်ထားပြီးသော အစားအစာကို စားသောအခါ ရုပ်တုနှင့်သက်ဆိုင်သော အစားအစာဟု မှတ်ယူလျက် စားနိုင်ကြ၏။ ထို့ကြောင့် သူရို့၏ အားနည်းသောအသိစိတ်သည် သူရို့ကို မသိုးမသန်ဖြစ်ရ၏။ 8 အစားအစာသည် ငါရို့အား ဘုရားသခင်နှင့် သာ၍ နီးကပ်စီသည် မဟုတ်။ ထိုအစားအစာကို မစားဘဲနိုင်လျှင် ငါရို့၌ ဆုံးယှုံးခြင်းသည် မဟိ၊ စားလျှင်လည်း အကျိုးမဟိ။ 9 သို့ရာတွင် ဤသို့ သင်ရို့၏ လွတ်လပ်စွာ စားသောက်ခြင်းသည် ယုံကြည်ခြင်း အားနည်းသောသူများအဖို့ လွဲမှားစရာ မဖြစ်စီခြင်းငှာ သတိပြုကြလော့။ 10 အကယ်၍ ဤကိစ္စရပ်၌ အသိစိတ် အားနည်းသောသူသည် အသိပညာ ဟိသောသင်ရို့အား နတ်ကွန်အတွင်း၌ ထိုင်လျက် စားသောက်နိုင်သည်ကို မြင်တို့ကြသောအခါ ရုပ်တုအား ဆက်သသည့် ပူဇော်သကာကို စားရဲလာမည် မဟုတ်လော။ 11 သို့ဖြစ်၍ အားနည်းသော ညီအစ်ကိုအဖို့ ခရစ်တော်အသိခံတော်မူသော်လည်း သင်၏ အသိပညာကြောင့် ထိုသူသည် ပျက်စီးရလိမ့်မည်။ 12 ဤနည်းအားဖြင့် သင်ရို့သည် ညီအစ်ကိုများအား ပြစ်မှား၍ သူရို့၏အသိစိတ်အားနည်းခြင်းကိုလည်း ထိခိုက်စီပြီး ခရစ်တော်ကို ပြစ်မှားရာရောက်၏။ 13 ထို့ကြောင့် အစားအသောက်အားဖြင့် ညီအစ်ကိုအား လွဲမှားစီမည်ဆိုပါက ငါသည် ငါ၏ညီအစ်ကိုအား မလွဲမှားစီခြင်းငှာ အသားကို မစားဘဲနိုင်မည်။ (aiōn g165)

9 ငါသည် လွတ်လပ်သောသူ မဟုတ်လား၊ တမန်တော်တစ်ပါးလည်း မဟုတ်လား၊ ငါရို့၏ အသျှင်ယေသျှုကို မြင်ရလှာ မဟုတ်လား၊ သင်ရို့သည် သခင်ဘုရားအဖို့အလိုငှာ ငါ၏လုပ်ဆောင်မှု အသီးအပွင့်တိ မဟုတ်လား။ 2 အခြားသောသူများသည် ငါ့ကို တမန်တော်အဖြစ် လက်မခံကြသော်လည်း သင်ရို့သည် လက်ခံကြ၏။ ငါသည် တမန်တော်ဖြစ်ကြောင်းကို ပြသောသက်သိမူကား သင်ရို့သည် သခင်ဘုရားနှင့် တစ်လုံးတစ်ဝတည်း အသက်ရှင်ကြသော သင်ရို့ကိုယ်တိုင်ပင် ဖြစ်ပေ၏။ 3 ငါအား ဝေဖန်ပြစ်တင်ကြသောသူရို့ကို ငါပြောသည်ကား၊ 4 ငါ၏ လုပ်ဆောင်မှုအဖို့ ငါ၌ စားသောက်ခွင့် မဟိလား။ 5 ငါသည် ခရီးလားရာ၌ ပေတရုမုစ၍ သခင်ဘုရား၏ညီတော်များနှင့် အခြားတမန်တော်များကဲ့သို့ ယုံကြည်သူဖြစ်သော မယားကို ခေါ်ဆောင်ပိုင်ခွင့် မဟိလား။ 6 ထိုသို့မဟုတ် ငါနှင့် ဗာနုဗသာလျှင် ငါရို့၏ စားဝတ်နေရေးအတွက် အလုပ်လုပ်ရမည်လော။ 7 ဇာစစ်သားသည် မိမိ၏စရိတ်ဖြင့် စစ်မှုထမ်းသနည်း။ ဇာဥယျာဉ်မှူးသည် မိမိစိုက်ပျိုးသော စပျစ်ဥယျာဉ်မှ စပျစ်သီးကို မစားဘဲ နှိပ်သနည်း။ ဇာသိုးထိန်းသည် မိမိထိန်းကျောင်းရသော သိုးများမှ နို့ကိုမသုံးဆောင်ဘဲ နှိပ်သနည်း။ 8 ငါသည် လူသဘောအားဖြင့်သာ ပြောသည် မဟုတ်၊ ပညတ်ကျမ်း၌လည်း ဤအတိုင်းပင် ပြောထားပေ၏။ 9 မောသျှု၏ ပညတ်ကျမ်းတွင် “တလင်းနယ်သည့် နွားကို နှာရုပ်တပ်၍ မထားရ” ဟု ရီးထား၏။ ဤသို့ မိန့်တော်မူသည်မှာ ဘုရားသခင်သည် နွား၏အကြောင်းကို မိန့်တော်မူသလော။ 10 အကယ်စင်စစ် ငါရို့အဖို့ မိန့်တော်မူသည် မဟုတ်လား၊ ငါရို့အဖို့ ရီးသားထားခြင်းဖြစ်၏။ လယ်ထွန်သောသူနှင့် ရိတ်သိမ်းသောသူရို့သည် မိမိရို့၏ ဝီစုကို ရခြင်းငှာ မျှော်လင့်လျက် လုပ်ကိုင်ကြ၏။ 11

ငါရဲ့သည် သင်ရဲ့ ဝိညာဉ်ရေးရာနှင့်ဆိုင်သော မျိုးစုံကို စိုက်ပျိုးခပြီးနောက် သင်ရဲ့ပါးမှ ရုပ်ဝတ္ထုနှင့်ဆိုင်သော အကျိုးကျေးဇူးများကို ရိတ်သိမ်းကြလျှင် ငါရဲ့လွန်ရာကျမည်လား။ 12 အခြားသူရဲ့သည် သင်ရဲ့ပါးမှ ဤသို့ရပိုင်ခွင့်ဟိလျှင် ငါရဲ့သည် သာ၍ပင် ရပိုင်ခွင့် ဟိသည် မဟုတ်လော။ သို့သော် ငါရဲ့သည် ထိုအခွင့်အရေးကို မသုံးခတ် ငါရဲ့သည် ခရစ်တော်၏ သတင်းကောင်းအဖို့ အတားအဆီး မဖြစ်စီခြင်းငှာ အရာခမ်းသိမ်း၌ သည်းခံခကြ၏။ 13 ဗိမာန်တော်၌ အလုပ်လုပ်သော သူရဲ့သည် မိမိရဲ့၏အစားအစာများကို ဗိမာန်တော်မှ ရကြသည်ကိုလည်းကောင်း၊ ယဇ်ပလ္လင်၌ ယဇ်ပူဇော်သော သူရဲ့သည်လည်း မိမိရဲ့၏စိုကို ယဇ်ကောင်မှ ရကြသည်ကိုလည်းကောင်း သင်ရဲ့ မသိကြသလော။ 14 ထိုနည်းတူစွာ သတင်းကောင်းကို ဟောပြောသက်သိခသောသူရဲ့သည်လည်း သတင်းကောင်းအားဖြင့် မိမိရဲ့၏ အသက်ဦးလောက်သောအစာကို ရသင့်၏ ဟူ၍ သခင်ဘုရား မိန့်မှာတော်မူ၏။ 15 သို့သော် ငါသည် ထိုအခွင့်အရေး တစ်စုံတစ်ခုကိုမျှ မယူခ။ ယင်းကဲ့သို့ အခွင့်အရေးများကို တောင်းဆိုလို၍ ဤစာကို ရီးလိုက်ခြင်းလည်းမဟုတ်။ ငါ၏ ဂုဏ်ယူဝင်ကြားခြင်းအခွင့်ကို တစ်စုံတစ်ယောက်အား ဖျက်ဆီးခွင့်ပြုလိုက်သည်ထက် အယင်သီရိခြင်းကို ငါနှစ်သက်၏။ 16 ငါသည် ဧဝဂေလိသတင်းကောင်းတရားကို ဟောပြောသောအခါ ဂုဏ်ယူဝင်ကြားခွင့်မဟိ။ အကြောင်းမူကား ဘုရားသခင်သည် ဧဝဂေလိသတင်းကောင်းတရားကို ဟောပြောရန် ငါ့အား တာဝန်ပီးထား၏။ ငါသည် မဟောဘဲနိန့်လျှင် ဇာလောက် အမင်္ဂလာ ဟိလိမ့်မည်နည်း။ 17 ငါသည် မိမိဆန္ဒအလျောက် အမှုတော်ကို ဆောင်ရွက်လျှင် အကျိုးဟိ၏။ သို့ရာတွင် မိမိဆန္ဒအလျောက် မဟုတ်လျှင် ဘုရားသခင်သည် ငါ့အား ဤအမှုတော်ကို လုပ်ဆောင်ရန် ပီးအပ်ထားခြင်းဖြစ်၏။ 18 သို့ ဖြစ်၍ ငါသည် ဇာအကျိုးကို ခံစားရသနည်း။ ငါသည် အမှုတော်၌ အခကြေးငွီမယူ၊ ရပိုင်ခွင့်များကို မတောင်းဆိုဘဲ သတင်းကောင်းတရားကို ဟောပြောရသော အခွင့်ထူးပင်လျှင် ငါ၏ ခံစားရသောအကျိုးဖြစ်၏။ 19 ငါသည် ဇာသူကျွန်လည်း မဟုတ်၊ လွတ်လပ်သောသူ တစ်ယောက်ဖြစ်၏။ သို့သော် ငါသည် များစွာသောလူတို့ကို ရစီခြင်းငှာ လူတိုင်း၏ ကျွန်ဖြစ်၏။ 20 ငါသည် ယုဒလူမျိုးရဲ့၌ အမှုတော်ဆောင်စဉ် သူရဲ့ကို ရစီခြင်းငှာ ယုဒလူမျိုးတစ်ယောက်ကဲ့သို့ နီထိုင်၏။ ငါသည် မောသျှ၏ ပညတ်တရားကို စောင့်သောသူ မဟုတ်သော်လည်း ပညတ်တရားကို စောင့်သောသူရဲ့အား ရစီခြင်းငှာ ငါသည် ပညတ်တရားကို စောင့်သောသူကဲ့သို့ နီထိုင်၏။ 21 ထိုနည်းတူ ပညတ်တရားကို မစောင့်သော တခြားလူမျိုးရဲ့၌ အမှုတော်ဆောင်ရွက်စဉ် သူရဲ့အား ရစီခြင်းငှာ ပညတ်တရားကို မစောင့်သောတခြားလူမျိုးကဲ့သို့ နီထိုင်၏။ ဤသို့ဆိုရာ၌ ငါသည် ဘုရားသခင်၏ ပညတ်တော်ကို မလိုက်နာဟုမဆို။ အကယ်စင်စစ် ငါသည် ခရစ်တော်၏တရားတော်ကို လိုက်နာကျင့်သုံးသောသူဖြစ်၏။ 22 ငါသည် ယုံကြည်ခြင်း အားနည်းသော သူရဲ့အထဲသို့ ရောက်သောအခါ ထိုသူရဲ့ကို ရခြင်းငှာ ယုံကြည်ခြင်းအားနည်းသူကဲ့သို့ နီထိုင်၏။ လူအမျိုးမျိုးထဲမှ အချို့သောသူရဲ့ကို တစ်နည်းနည်းအားဖြင့် ကယ်တင်နိုင်ခြင်းငှာ ငါသည် အမျိုးမျိုးနီထိုင်ခ၏။ 23 ငါသည် သတင်းကောင်းတရား၏ ကောင်းကြီးမင်္ဂလာကို မျှဝီးနိုင်ရန် ထိုသတင်းကောင်းတရားအကျိုးငှာ ထိုအရာအလုံးစုံကို ဆောင်ရွက်၏။ 24 အပြီးပြိုင်ပွဲ တစ်ပွဲ၌ အပြီးသမားများစွာ ဝင်ရောက်ယှဉ်ပြိုင်ကြသော်လည်း တစ်ယောက်တည်းသာလျှင် အောင်ဆု ရဟိသည့်အကြောင်းကို သင်ရဲ့သိကြ၏။ သို့ ဖြစ်၍ သင်ရဲ့သည် အောင်ဆုကို ရနိုင်ခြင်းငှာ ငြီးကြလော့။ 25 ပြိုင်ပွဲဝင်ခြင်းငှာ လေ့ကျင့်သော အားကစားသမားတိုင်းသည် တင်းကြပ်သော စည်းကမ်းများကို လိုက်နာရ၏။ ထိုသို့ လေ့ကျင့်ရသည့် အကြောင်းမှာ ညှိုးနွမ်းပျက်စီးနိုင်သော ပန်းဦးရစ်ကို ရခြင်းငှာ ပြုကြခြင်း ဖြစ်ပေ၏။ ငါရဲ့မူကား မညှိုးနွမ်းမပျက်စီးနိုင်သော ပန်းဦးရစ်ကို ရဟိခြင်းငှာ ပြုကြ၏။ 26 ထို့ကြောင့် ငါသည် ပန်းဝင်ရာသို့ တည့်မတ်စွာ ငြီး၏။ ငါသည် လက်ဝှေ့ထိုးသောအခါ လီကို ထိုးသတ်သော လက်ဝှေ့သမားတစ်ယောက်ကဲ့သို့ မဟုတ်။ 27 ငါသည် သူတစ်ပါးအား ပြိုင်ပွဲဝင်ရန် ခေါ်ခပြီးနောက် မိမိကိုယ်တိုင်ပြိုင်ပွဲ၌ မယှုံးစီခြင်းငှာ ငါ၏ကိုယ်ခန္ဓာကို မာကြောအောင် ထိုးကြိတ်ခြင်းကိုခံ၍ လေ့ကျင့်လေ့ဟိ၏။

10 ညီအစ်ကိုရဲ့ မောသျှ၏ နောက်သို့ လိုက်ကြသော ငါရဲ့ဘိုးဘေးတို့ ဇာပိုင် ဖြစ်ပျက်တို့ကြိုခသည်ကို သတိရစီလို၏။ သူရဲ့သည် မိုးတိမ်၏ အကွယ်အကာဖြင့် ပင်လယ်နီကို ဘေးကင်းလုံခြုံစွာ ဖြတ်သန်းခကြ၏။ **2** သူရဲ့သည် မိုးတိမ်နှင့် ပင်လယ်ထဲတွင် မောသျှ၏ တပည့်များအဖြစ် ဗတ္တိဇ်မင်္ဂလာကို ခံယူကြ၏။ **3** သူရဲ့အားလုံးသည် တူညီသော ဓမ္မမုန့်ကို စားကြရပြီး၊ **4** တူသော ဓမ္မရီကိုလည်း သောက်ကြရ၏။ သူရဲ့နှင့်အတူ လိုက်လာကြသော ဓမ္မကျောက်မှ ရီကို သူရဲ့သည် သောက်သုံးကြ၏။ ထိုကျောက်ကား ခရစ်တော်ကိုယ်တိုင်ပင် ဖြစ်၏။ **5** သို့သော် ထိုသူရဲ့အထဲမှ လူအများစုကို ဘုရားသခင် နှစ်သက်တော်မမူ။ ထို့ကြောင့် သူရဲ့၏ သီပြီးသော ခန္ဓာကိုယ်များသည် တောကန္တာရ၌ ပြန့်ကျဲနိုင်၏။ **6** ဤဖြစ်ပျက်သမျှသော အရာအားလုံးသည် ငါရဲ့အဖို့ ပုံဥပမာများ ဖြစ်၏။ ဤသည်ကား အဂုခါ ဆိုးညစ်သော ဆန္ဒအတိုင်း သူရဲ့ပြုလုပ်သကဲ့သို့ မပြုလုပ်စီခြင်းငှာ ငါရဲ့အား သတိပေးခြင်းပင် ဖြစ်၏။ **7** ကျမ်းစာ၌လာသည်ကား “လူရဲ့သည် ထိုင်၍ စားသောက်ကြပြီးနောက် အသောက်ကျူးလျက် မြူးတူးပျော်ပါးကြ၏” ဟု လာသည်နှင့်အညီ ထိုသူရဲ့ထဲမှ လူတချို့ ပြုသကဲ့သို့ ရပ်တုမကိုးကွယ်ကေ။ **8** ငါရဲ့သည် ထိုသူအချို့ပြုသကဲ့သို့ မတရားသောမေထုန်မလိုက်စားကတ်ကေ။ တစ်နိဉ် သူရဲ့အတွင်းမှ လူ ၂၃,၀၀၀ ရှိသည် သိဆုံးကြ၏။ **9** ငါရဲ့သည် ထိုသူအချို့ကဲ့သို့ သခင်ဘုရားအား မနှောင့်ယှက်ကတ်ကေ။ နောက်ယှက်သော သူရဲ့သည်ကား မြို့ကိုက်၍ သီကျလားကြ၏။ **10** သင်ရဲ့သည် အချို့သော ထိုသူရဲ့ကဲ့သို့ မပြီးတွားကတ်ကေ။ သူရဲ့သည် သီမင်းတမန်၏ လက်ချက်ဖြင့် ဆုံးပါးပျက်စီးရကြ၏။ **11** ထိုသူရဲ့၌ ဤဖြစ်ပျက်သောအရာများသည် တခြားသူရဲ့အဖို့ ပုံဥပမာ ဖြစ်စီခြင်းငှာပင် ဖြစ်၏။ ကပ်ကာလအဆုံးသောအချိန်၌ အသက်ရှင်ရန်ကြ သောသူရဲ့ဖြစ်သည့်ငါရဲ့အား သတိပေးသောအားဖြင့် ထိုအကြောင်းအရာများကို ကျမ်းစာတော်၌ ရိုးထားလျက်ဟိ၏။ (aiōn g165) **12** သင်သည် ခိုင်ခံ့စွာရပ်တည်လျက် နိန်သည်ဟု ထင်လျှင် မယိုင်မလဲစီခြင်းငှာ ကောင်းစွာသတိပြုလော။ **13** သင်ရဲ့တို့ကြိုရသော စုံစမ်းနှောင့်ယှက်ခြင်းများသည် လူ၌ဖြစ်တတ်သော သာမန်စုံစမ်းနှောင့်ယှက်ခြင်းများသာဖြစ်၏။ ဘုရားသခင်သည် ကတိတည်တော်မူသော အသျှင်ဖြစ်တော်မူသဖြင့် သင်ရဲ့အား မခန့်သော စုံစမ်းနှောင့်ယှက်ခြင်းကို ခံစိတော်မူလိမ့်မည်မဟုတ်။ စုံစမ်းနှောင့်ယှက်ခြင်း ခံရချိန်၌ ခံနိုင်သောခွန်အားကို ပီးတော်မူသဖြင့် ထိုစုံစမ်းနှောင့်ယှက်ခြင်းမှ လွတ်မြောက်ရာလမ်းကိုလည်း ပီးတော်မူလိမ့်မည်။ **14** ထို့ကြောင့် ချစ်စွာသောညီအစ်ကိုရဲ့ ရပ်တုကိုးကွယ်ခြင်းမှ ယောင်ကြည်ကြလော။ **15** ငါသည် သင်ရဲ့အား အသိအလိမ္မာ ဟိသောသူရဲ့ကဲ့သို့ ပြောနိုင်ခြင်းဖြစ်၏။ ငါစကားကို သင်ရဲ့ကိုယ်တိုင် စဉ်းစားဆင်ခြင်ကြလော။ **16** ငါရဲ့သည် ဘုရားသခင်၏ ကျေးဇူးတော်ကို ချီးမွမ်း၍ ပွဲတော်ခွက်ဖလားမှ စပျစ်ရည်ကို သောက်ကြသောအခါ ခရစ်တော်၏ အသွီးတော်ကို ဝိဌခံယူ၍ သောက်ကြသည် မဟုတ်လော။ မုန့်ကို ချိုးဖဲ့၍ စားသောအခါ၌လည်း ခရစ်တော်၏ ကိုယ်ခန္ဓာတော်ကို ဝိဌခံယူ၍ စားကြသည် မဟုတ်လော။ **17** အကြောင်းမူကား၊ မုန့်သည် တစ်လုံးတည်းဟိသည်ဖြစ်၍၊ ထိုမုန့်တစ်လုံးတည်းကို ဝိဌ၍ သုံးဆောင်ကြသောကြောင့် ငါရဲ့သည် အရီအတွက်အားဖြင့် များသော်လည်း ခန္ဓာကိုယ် တစ်ကိုယ်တည်းသာ ဖြစ်ကြ၏။ **18** ဣသရေလလူရဲ့ကို ကြည့်ရှုဆင်ခြင်ကြလော။ သူရဲ့သည် ပီးလူထားသော ယဇ်ကောင်၏အသားကို ဝိဌ၍ စားကြသဖြင့် ယဇ်ပလ္လင်၌ ပူဇော်ခြင်းတွင် ပါဝင်ကြ၏။ **19** ထိုသို့ဆိုသော် ငါသည် ရုပ်တု၊ သို့မဟုတ် ရုပ်တုအား ပူဇော်သော အစားအစာသည် အရေးပါသောအရာ တချို့ဟိသည်ဟု ဆိုလိုသလော။ **20** ထိုသို့ ငါ မဆိုလို။ ဘုရားသခင်အား မကိုးကွယ်သောသူရဲ့၏ ပူဇော်သောယဇ်သည် နတ်ဆိုးများကို ပူဇော်သောယဇ်သာလျှင် ဖြစ်ပြီး၊ ဘုရားသခင်အား ပူဇော်သောယဇ် မဟုတ်ကြောင်းကိုသာလျှင် ဆိုလို၏။ ငါသည် သင်ရဲ့အား နတ်ဆိုးများနှင့် ဆက်ဆံခြင်း မဟိစီလို။ **21** သင်ရဲ့သည် သခင်ဘုရား၏ခွက်ဖလားကို သော်လည်းကောင်း၊ နတ်ဆိုးရဲ့၏ ခွက်ဖလားကို သော်လည်းကောင်း မသောက်နိုင်။ သခင်ဘုရား၏စားပွဲနှင့် နတ်ဆိုးများ၏စားပွဲ နှစ်ခုလုံး၌ မစားနိုင်။ **22** ငါရဲ့သည် သခင်ဘုရားအား အမျက်တော်ကို ထွက်စီလိုကြသလော။ ငါရဲ့သည် သခင်ဘုရားထက် ပို၍တန်ခိုးကြီးကြသလော။ **23** “ငါရဲ့၌ ဇာအမှုကိုမဆို ပြုနိုင်ခွင့်ဟိ၏” ဟု သူရဲ့ဆိုကြသည်အတိုင်း မုန့်သော်လည်း အရာခပ်သိမ်းသည် ကောင်းမွန်သည်

မဟုတ်။ “ငါရဲ့တွင် ဇာအမှုကိုမဆို ပြုပိုင်ခွင့်ဟိ၏” ဟု ဆိုသော်လည်း အရာခပ်သိမ်းသည် ငါရဲ့၏ အကျိုးကို ပြုစုပီးသည် မဟုတ်။ 24 ဇာသူမျှ ကိုယ်ကျိုးကို မရှာစီကော။ သူတစ်ပါး၏ အကျိုးကိုသာလျှင် ရှာစီ။ 25 သင်ရဲ့၏ ဩတ္တပ္ပစိတ်ကိုထောက်၍ ဖျိုး၌ရောင်းသမျှကို မစစ်ကြောမမိန်းမြန်းဘဲ ဝယ်၍ စားကြလော့။ 26 အကြောင်းမူကား၊ “ဤမြီကြီးနှင့်တကွ မြီကြီးထက်တွင် ဟိသမျှသောအရာများကို သခင်ဘုရားသည် ပိုင်တော်မူ၏” ဟု ကျမ်းစာတော်၌ လာ၏။ 27 မယုံကြည်သော သူတစ်ယောက်သည် သင်ရဲ့အား ဧည့်ခံကျွေးမွေးခြင်းငှာ ခေါ်ဖိတ်လျှင် သင်ရဲ့လားလိုက လားကြလော။ သင်ရဲ့၏ ဩတ္တပ္ပစိတ်ကိုထောက်၍ သင်ရဲ့ရှိ၍ ချကျွေးသမျှတို့ကို မစစ်ကြောမမိန်းမြန်းဘဲ စားလော့။ 28 သို့သော် တစ်စုံတစ်ယောက်က “ဤအရာသည် ရုပ်တုအား ယဇ်ပူဇော်သော အသားဖြစ်၏” ဟု ဆိုလျှင် ထိုသို့ ပြောသူကိုလည်းကောင်း၊ ဩတ္တပ္ပစိတ်ကိုထောက်၍ လည်းကောင်း ထိုအသားကို မစားကတ်ကော။ 29 ဩတ္တပ္ပစိတ်ဆိုရာ၌ သင်ရဲ့၏ စိတ်ကို မဆိုလို။ တစ်ပါးသူ၏ စိတ်ကို ဆိုလို၏။ အကြောင်းမူကား “ငါ၏လွတ်လပ်မှုကို ဇာကြောင့် သူတစ်ပါး၏ ဩတ္တပ္ပစိတ်ဖြင့် ကန့်သန့်ထားရပါမည်နည်း။ 30 အကယ်၍ ငါသည် အစားအစာအဖို့ ဘုရားသခင်၏ကျေးဇူးတော်ကို ချီးမွမ်းပြီး သုံးဆောင်သော အစားအစာနှင့်ပတ်သက်၍ သူတစ်ပါးက အကျွန်ုပ်ကို ဇာကြောင့် ဝေဖန်ရပါမည်နည်း။” 31 သင်ရဲ့သည် စားသည်ဖြစ်စီ၊ သောက်သည် ဖြစ်စီ၊ ဇာအမှုအရာကို ပြုသည်ဖြစ်စီ ဘုရားသခင်၏ ဘုန်းတော်အဖို့ ပြုကြလော့။ 32 ယုဒလူတို့အတွက် ဖြစ်စီ၊ တခြားလူမျိုးတို့အတွက် ဖြစ်စီ၊ ဘုရားသခင်၏ အသင်းတော်တို့အတွက် ဖြစ်စီ ကဲ့ရဲ့စရာအကြောင်း မဖြစ်စီခြင်းငှာ နီထိုင်ကြလော့ — 33 သင်ရဲ့သည်လည်း ငါပြုသကဲ့သို့ ပြုကြလော့။ ငါသည် လူတိ ကယ်တင်ခံရမည့်အကြောင်း၊ ပြုသမျှသော အမှုတို့တွင် ကိုယ်ကျိုးကိုမရှာဘဲ လူတို့အကျိုးကို ငဲ့၍ သူရိန်နှစ်သက်အောင် ပြု၏။

11 သို့ ဖြစ်၍ ငါသည် ခရစ်တော်ထံမှ နည်းခံသကဲ့သို့ သင်ရဲ့သည်လည်း ငါထံ၌ နည်းခံကြလော့။ 2 သင်ရဲ့သည် ငါ့ကို အစဉ်အောက်မိသတိရ၍ ငါပီးအပ်သော သွန်သင်ချက်အတိုင်း လိုက်နာကြသောကြောင့် သင်ရဲ့ကို ငါချီးကျူး၏။ 3 သို့သော် လင်ယောက်ျား၏ဂေါင်းကား ခရစ်တော်ဖြစ်သည်ကိုလည်းကောင်း၊ မယား၏ဂေါင်းကား လင်ယောက်ျားဖြစ်သည်ကိုလည်းကောင်း၊ ခရစ်တော်၏ဂေါင်းကား ဘုရားသခင်ဖြစ်သည်ကိုလည်းကောင်း သင်ရဲ့အား သိစီလို၏။ 4 ထို့ကြောင့် ယောက်ျားသည် ဆုတောင်းခြင်းကို ပြုသော်လည်းကောင်း၊ လူထုဝတ်ပြုအစည်းအဝေး၌ ဘုရားသခင်၏ သတင်းစကားကို ဟောပြောသောအခါ၌ သော်လည်းကောင်း မိမိ၏ဦးဂေါင်းကို ဖုံးအုပ်၍ ပြုလျှင် ထိုသူသည် ခရစ်တော်၏ အသရေတော်ကို ရှုတ်ချသောသူဖြစ်၏။ 5 ထိုနည်းတူ မိန်းမသည် လူထုဝတ်ပြုစည်းဝေးခြင်းတွင် မိမိ၏ဦးဂေါင်းကို မဖုံးမအုပ်ဘဲ ဆုတောင်းပတ္တနာပြု သော်လည်းကောင်း၊ ဘုရားသခင်၏ သတင်းစကားကို ဟောပြောသော အခါ၌သော်လည်းကောင်း မိမိလင်ယောက်ျား၏ အသရေကို ရှုတ်ချသောသူဖြစ်၍ သူမသည် ဂတုံးရိတ်ထားသော မိန်းမနှင့် မခြားနားပေ။ 6 မိမိ၏ဦးဂေါင်းကို မဖုံးအုပ်ဘဲ ထားသောမိန်းမသည် မိမိ၏ဆံပင်ကို ဖြတ်ထားလျှင် သာ၍ကောင်း၏။ ဆံပင်ဖြတ်ခြင်း၊ ဂတုံးရိတ်ခြင်းရှိသည် မိန်းမတစ်ယောက်အဖို့ ရှက်ဖွယ်ကောင်းသော အရာများဖြစ်သောကြောင့် သူမသည် မိမိ၏ဦးဂေါင်းကို ဖုံးအုပ်စီ။ 7 ယောက်ျားမူကား မိမိ၏ ဦးဂေါင်းကို ဖုံးအုပ်ရန် မသင့်ပေ။ အကြောင်းမူကား သူသည် ဘုရားသခင်၏ ပုံသဏ္ဌာန်တော်နှင့် ဘုန်းတန်ခိုးတော်ပင် ဖြစ်သတည်း။ မိန်းမသည်ကား ယောက်ျား၏ ဘုန်းဖြစ်၏။ 8 ယောက်ျားသည် မိန်းမပါးမှ ဖန်ဆင်းထားသောသူ မဟုတ်။ မိန်းမသည်သာလျှင် ယောက်ျားပါးမှ ဖန်ဆင်းထားသောသူ ဖြစ်၏။ 9 ယောက်ျားကို မိန်းမအဖို့ ဖန်ဆင်းထားတော်မူသည် မဟုတ်။ မိန်းမကိုသာလျှင် ယောက်ျားအဖို့ ဖန်ဆင်းထားတော်မူ၏။ 10 သို့ ဖြစ်၍ ကောင်းကင်တမန်တို့ကို ထောက်သောအားဖြင့် မိန်းမကား မိမိသည် ယောက်ျား၏အုပ်စိုးခြင်းကို ဝန်ခံကြောင်းဖော်ပြရန် မိမိ၏ဦးဂေါင်းကို အုပ်ထားသင့်၏။ 11 သို့ရာတွင် သခင်ဘုရား၌ ယောက်ျားမပါဘဲ မိန်းမ မဖြစ်သည့်နည်းတူ၊ မိန်းမ မပါဘဲ ယောက်ျားဖြစ်သည် မဟုတ်ပေ။ 12 မိန်းမသည် ယောက်ျားမှ ဖန်ဆင်းသကဲ့သို့ ယောက်ျားသည်လည်း မိန်းမမှ မွီးဖွားခြင်းကို ခံယူသော သူဖြစ်၏။ ထိုနည်းတူ၊ အရာခပ်သိမ်းရှိသည်လည်း

ဘုရားသခင်ကြောင့် ဖြစ်လာပေ၏။ 13 မိန်းမသည် မိမိ၏ဦးခေါင်းကို မဖုံးမအုပ်ဘဲ ဝတ်ပြုစည်းဝေးခြင်းတွင် ဘုရားသခင်အား ဆုတောင်းပတ္တနာပြုခြင်းငှာ ပြုသင့်သည် မပြုသင့်သည်ကို သင်ရိုက်ယုံတိုင် စဉ်းစားဆင်ခြင် ကြလော့။ 14 ဆံပင်ရှည်သည့်ယောက်ျားသည် ရှက်ဖွယ်ဖြစ်သည်ဟု သဘာဝတရားက သင်ရိုက်အား သွန်သင်ပေးသည် မဟုတ်ပါလော့။ 15 သို့သော် ဆံပင်ရှည်သော မိန်းမမူကား ထိုဆံပင်သည် သူမ၏ ဘုန်းဖြစ်၏။ ထိုရှည်သောဆံပင်သည် မိန်းမအဖို့ ခြုံစရာအဖြစ် ပေးထားခြင်းဖြစ်၏။ 16 သို့သော် ဤကိစ္စနှင့်ပတ်သက်၍ ငြင်းခုံလိုသောသူအား ငါရှိ၍လည်းကောင်း၊ ဘုရားသခင်၏ အသင်းတော်များ၌ လည်းကောင်း ဝတ်ပြုကိုးကွယ်သောအခါ ယင်းသို့ ဂေါင်းဖုံးအုပ်သည်ထုံးစံမှတစ်ပါး အခြားသောထုံးစံ မဟိကြောင်းကို ငါဖြေဆိုအံ့။ 17 သို့ရာတွင် ဤညွှန်ကြားချက်များကို ပီးရာ၌ သင်ရိုက်အား ငါမချီးမွမ်း။ အကြောင်းမူကား သင်ရိုက်ဝတ်ပြုစည်းဝေးခြင်းများသည် ကောင်းကျိုးဟိသောအရာထက် ဆိုးကျိုးဟိသောအရာကိုသာ ပို၍လုပ်နိုင်၏။ 18 ပထမအကြောင်းအရာမူကား၊ သင်ရိုက်သည် အသင်းတော်၌ စည်းဝေးကြသောအခါ စိတ်ဝမ်းကွဲပြားမှုများ ဟိကြောင်းကို ငါ ကြားသိရ၏။ ကြားသိရသည်အတိုင်း တချို့တစ်ဝက်မှန်၏။ 19 သင်ရိုက်၌ စိတ်ဝမ်းကွဲပြားမှု ဟိရမည်။ ထိုသို့ ဟိမှသာလျှင် မှန်သောဘက်၌ ဟိသောသူတို့ကို ပေါ်လွင်ထင်ရှားမည်။ 20 သင်ရိုက်သည် စုရုံးကြသောအခါ သခင်ဘုရား၏ ပွဲတော်မင်္ဂလာဝင်ခြင်း မဟုတ်ဘဲ စားသောက်ဖို့ငှာ လာကြ၏။ 21 အကြောင်းမူကား သင်ရိုက်စားကြသောအခါ သင်ရိုက်တစ်ဦးချင်းစီက မိမိအစာကို အယင်စားကြသဖြင့်၊ သိရည်သောက်သောသူက သောက်နိုင်စဉ် ဆာလောင်သူက ဆာလောင်၍ ဟိနိုင်ကြ၏။ 22 သင်ရိုက်စားသောက်ခြင်းငှာ သင်ရိုက်၌ အိမ်မဟိကြသလော့။ ထိုသို့မဟုတ် ဘုရားသခင်၏ အသင်းတော်ကို ရှုတ်ချ၍ ဇာတစ်ခုမျှ မဟိသောသူကို အရှက်ရစီလိုသလော့။ ဤအကြောင်းအရာနှင့် ပတ်သက်၍ သင်ရိုက် ငါ ဇာပိုင်ပြောရမည်နည်း။ သင်ရိုက်အား ချီးကျူးရမည်လော့။ အကယ်စစ်စစ် ငါ မချီးကျူး။ 23 အကြောင်းမူကား သင်ရိုက်အား ငါပီးအပ်မည့် သွန်သင်ချက်ကို သခင်ဘုရားထံတော်မှ ငါရဟိခြင်းဖြစ်၏။ ထိုအရာကား၊ အသျှင်ယေသျှုသည် ရန်သူလက်သို့ အပ်နှံခြင်းကို ခံတော်မူသည့် ည၌ မှန်ကိုယူ၍၊ 24 ကျေးဇူးတော်ကို ချီးမွမ်းပြီးနောက် မှန်ကို ဖွဲ့တော်မူလျက် “ဤမှန်ကား သင်ရိုက်အဖို့ စွန့်သော ငါ၏ကိုယ်ခန္ဓာဖြစ်၏။ ငါ့ကို အောက်မီသတိရခြင်းငှာ ဤသို့ ပြုကြလော့” ဟု မိန့်တော်မူ၏။ 25 ထိုနည်းတူ၊ ညစာစားပြီးနောက် စပျစ်ရည်ခွက်ကို ယူလျက် “ဤ ခွက်ကား ငါ၏သွေးဖြင့် တံဆိပ်ခတ်သော ဘုရားသခင်၏ ပဋိညာဉ်သစ်ဖြစ်၏။ ဤခွက်ဖလားမှ စပျစ်ရည်ကို သောက်သည့်အခါတိုင်း ငါ့ကို သတိရအောက်မီခြင်းငှာ သောက်ကြလော့” ဟု မိန့်တော်မူ၏။ 26 သင်ရိုက်သည် ထိုမှန်ကို စား၍ ထိုခွက်ဖလားမှ စပျစ်ရည်ကို သောက်သည့်အခါတိုင်း သခင်ဘုရား အသိခံတော်မူကြောင်းကို ကိုယ်တော် ကြွလာတော်မူချိန်ထိတိုင် ကြေညာကြ၏။ 27 သို့ ဖြစ်၍ မရှိမသိဘဲ သခင်ဘုရား၏မှန်ကို စား၍ ကိုယ်တော်၏ခွက်ဖလားမှ စပျစ်ရည်ကို သောက်၏။ ထိုသူသည် သခင်ဘုရား၏ ကိုယ်ခန္ဓာတော်နှင့် အသွီးတော်ကို ပြစ်မှားရာရောက်၏။ 28 ထို့ကြောင့် လူတိုင်းမိမိကိုယ်ကို စစ်ဆီးပြီးမှ မှန်ကိုစား၍ ခွက်ဖလားမှ စပျစ်ရည်ကို သောက်စီလော့။ 29 မှန်ကိုစား၍ ခွက်ဖလားမှ စပျစ်ရည်ကို သောက်သောအခါ သခင်ဘုရား၏ ကိုယ်ခန္ဓာကို ပိုင်းခြား၍ နားမလည်သောသူသည် မိမိ၌ အပြစ်ဒဏ်ကျရောက်စီခြင်းငှာ စားသောက်သောသူဖြစ်၏။ 30 ထို့ကြောင့် သင်ရိုက်အထဲ၌ အားနည်းသောသူနှင့် မကျန်းမာသောသူ အများဟိပြီး သိသောသူများလည်း ဟိကြ၏။ 31 ငါရှိသည် ကိုယ့်ကိုယ်ကို အယင်ဦးစွာ စစ်ဆီးကြမည်ဆိုလျှင် ဤသို့ ဘုရားသခင်၏ တရားစီရင်တော်မူခြင်းကို ခံရကြလိမ့်မည် မဟုတ်ပေ။ 32 သို့သော် သခင်ဘုရားသည် ဤနည်းအားဖြင့် ငါရိုက် တရားစီရင်တော်မူပြီး ဆုံးမတော်မူသည်မှာ ငါရိုက်အား ဤလောကသားများနှင့်အတူ တရားစီရင်ခြင်းကို မခံရစီရန်ဖြစ်၏။ 33 ထို့ကြောင့် ညီအစ်ကို မောင်နှမရို့၊ သခင်ဘုရား၏ ပွဲတော်မင်္ဂလာကို စားသောက်ရန် စုဝေးကြသောအခါ တစ်ယောက်ကို တစ်ယောက် စောင့်ဆိုင်းကြလော့။ 34 သင်ရိုက်သည် စည်းဝေးကြသောအခါတွင် ဘုရားသခင်၏ ပြစ်ဒဏ်စီရင်တော်မူခြင်းနှင့် ကင်းလွတ်နိုင်စီခြင်းငှာ သင်ရိုက်ထံမှ ဆာမွတ်သောသူသည် မိမိအိမ်၌ စားသောက်စီ။ အခြားသော ကိစ္စများနှင့်ပတ်သက်၍ ငါလာသည့်အခါ တဖန် ငါ ညွှန်ကြားမည်။

12 ညီအစ်ကို မောင်နှမရို့ ငါသည် သင်ရို့ မိန်းမြန်းသော ဝိညာဉ်တော်၏ ဆုကျေးဇူးများနှင့် ပတ်သက်၍ အမှန်တရားကို သင်ရို့အား သိစိလို၏။ **2** သင်ရို့သည် သာသနာပလ္လအဖြစ် ဟိန်နီစဉ်က အခြားသောသူများ၏ သွီးဆောင်ရာသို့ လိုက်ပါလမ်းလွှဲကြပြီး အသက်မွဲသော ရုပ်တုများအား ကိုးကွယ်ခကြကြောင်းကို သင်ရို့သိကြ၏။ **3** ထို့ကြောင့် ငါသည် သင်ရို့ကို သိစိလိုသည်မှာ ဇာသူမျှ ဘုရားသခင်၏ ဝိညာဉ်တော်နှင့် ပြောဆိုခြင်းအားဖြင့် “ယေသုရှိကို မကျိန်ဆဲနိုင်” သည်ကိုလည်းကောင်း၊ သန့်ယုင်းသောဝိညာဉ်တော်၏ လမ်းပြမှုမပါလျှင် “ယေသုရှိသည် သခင်ဘုရား ဖြစ်ပါသည်” ဟု ဇာသူမျှ ဝန်မခံနိုင်ကြောင်းကိုလည်းကောင်း သင်ရို့အား သိစိလို၏။ **4** ဝိညာဉ်ဆုကျေးဇူးကား အမျိုးမျိုးဟိ၏။ သို့သော် ထိုဆုကျေးဇူးများကို ပီးတော်မူသော ဝိညာဉ်တော်သည် တစ်ပါးတည်းသာ ဟိတော်မူ၏။ **5** အမှုတော်ဆောင်ရန် နည်းအမျိုးမျိုးဟိသော်လည်း၊ အသျှင် တစ်ပါးတည်းသာ ဟိ၏။ **6** အမှုတော်ဆောင်ရန် စွမ်းရည်အမျိုးမျိုးဟိသော်လည်း လူအသီးသီး၌ ဟိသောစွမ်းရည်များကို ပီးတော်မူသော ဘုရားသခင် တစ်ပါးတည်းသာဟိ၏။ **7** လူအသီးသီးရို့ကို ကောင်းကျိုးဖြစ်စီခြင်းငှာ ဝိညာဉ်တော်က နည်းလမ်းတမျိုးကို ပီးတော်မူ၏။ **8** ဝိညာဉ်တော်သည် လူတစ်ယောက်အား ဉာဏ်ပညာစကားကိုလည်းကောင်း၊ ထိုဝိညာဉ်တော်အားဖြင့် အခြားတစ်ယောက်အား အသိပညာစကား ကိုလည်းကောင်း ပီးတော်မူ၏။ **9** ထိုဝိညာဉ်တော်အားဖြင့် တစ်ယောက်သောသူအား ယုံကြည်ခြင်းပါရမီကိုလည်းကောင်း၊ တစ်ယောက်သောသူအား အနာရောဂါ ပျောက်ကင်းစီနိုင်သော တန်ခိုးများကိုလည်းကောင်း ပီးတော်မူ၏။ **10** ထိုဝိညာဉ်တော်သည် တစ်ယောက်သောသူအား နိမိတ်လက္ခဏာများ ပြနိုင်သောတန်ခိုးကိုလည်းကောင်း၊ အခြားတစ်ယောက်သောသူအား ပရောဖက်ပြုနိုင်သော အခွင့်ကိုလည်းကောင်း၊ တစ်ယောက်သောသူအား စိတ်ဝိညာဉ်ကို ပိုင်းခြားသိနိုင်သော ဉာဏ်ပညာကိုလည်းကောင်း ပီးတော်မူ၏။ တစ်ယောက်သောသူအား အမျိုးမျိုးသော ဘာသာစကားကို ပြောဆိုနိုင်သော စွမ်းရည်ကိုလည်းကောင်း၊ တစ်ယောက်သောသူအား ထိုအမျိုးမျိုးသော ဘာသာစကားကို အနက်ပြန်ဆိုနိုင်သော စွမ်းရည်ကိုလည်းကောင်း ပီးတော်မူ၏။ **11** သို့ရာတွင် လူအသီးသီးအား တန်ခိုးစွမ်းရည် အားလုံးကို ပီးတော်မူသော ဝိညာဉ်တော် တစ်ပါးတည်းသာ ဟိ၏။ ထိုဝိညာဉ်တော်သည် မိမိအလိုတော်အတိုင်း လူတစ်ဦးစီအား ခြားနားသော ဆုကျေးဇူးတစ်ခုစီကို ချပီးတော်မူ၏။ **12** ခရစ်တော်သည် အင်္ဂါအစိတ်အပိုင်းများစွာဟိသော ကိုယ်ခန္ဓာတစ်ခုနှင့်တူ၏။ ကိုယ်ခန္ဓာသည် တစ်ခုတည်းသာဖြစ်သော်လည်း၊ မတူညီသော အင်္ဂါအစိတ်အပိုင်းများစွာ ဟိ၏။ **13** ထိုနည်းတူ ငါရို့အားလုံးသည် ယုဒလူမျိုးဖြစ်စီ၊ တခြားလူမျိုးဖြစ်စီ၊ ကျွန်ုပ်တို့ဖြစ်စီ၊ လွတ်လပ်သော သူဖြစ်စီ၊ ဝိညာဉ်တော်တစ်ပါးတည်းအားဖြင့် ကိုယ်ခန္ဓာတစ်ခုတည်းထဲ၌ ဗဟိဇံခံယူကြ၏။ ငါရို့ဟိသမျှသည် ဝိညာဉ်တော်တစ်ပါးတည်း၌ သောက်ကြရ၏။ **14** ကိုယ်ခန္ဓာတွင် အင်္ဂါအစိတ်အပိုင်း တစ်ခုတည်းသာ ဟိသည် မဟုတ်၊ အများပင်ဟိပေ၏။ **15** ခြံက၊ “ငါသည် လက် မဟုတ်သဖြင့် ကိုယ်ခန္ဓာနှင့် မစပ်ဆိုင်” ဟု ဆိုကေတောင်မှ၊ ခြံသည် ကိုယ်ခန္ဓာ၏အစိတ်အပိုင်းပင် ဖြစ်၏။ **16** ထိုနည်းတူ နားကလည်း “ငါသည် မျက်စိမဟုတ်သဖြင့် ကိုယ်ခန္ဓာနှင့်မစပ်ဆိုင်” ဟု ဆိုကေတောင်မှ၊ နားသည်လည်း ကိုယ်ခန္ဓာ၏ အစိတ်အပိုင်းပင် ဖြစ်၏။ **17** ကိုယ်ခန္ဓာတစ်ခုလုံးသည် မျက်စိသာဖြစ်ပါလျှင်၊ ဇာပိုင်ကြားနိုင်ပါမည်နည်း။ ကိုယ်ခန္ဓာတစ်ခုလုံး၌ နားသာဖြစ်လျှင်၊ ဇာပိုင်အနံ့ရနိုင်ပါမည်နည်း။ **18** ထို့ကြောင့် ဘုရားသခင်သည် အလိုတော်ဟိသည်အတိုင်း ကိုယ်ခန္ဓာတွင် အင်္ဂါအစိတ်အပိုင်း အသီးသီးများအား သူ့နီရာနှင့်သူ ဟိစိတော်မူ၏။ **19** အင်္ဂါအစိတ်အပိုင်းများသည် အင်္ဂါတစ်ခုတည်းသာ ဖြစ်ခလျှင်၊ ကိုယ်ခန္ဓာဟူ၍ ဖြစ်လာနိုင်မည် မဟုတ်။ **20** ထို့ကြောင့် အင်္ဂါအစိတ်အပိုင်းများစွာ ဟိသော်လည်း ကိုယ်ခန္ဓာတစ်ခုတည်းသာလျှင် ဟိသတည်း။ **21** ထို့ကြောင့် မျက်စိသည် လက်အား “သင့်ကို ငါ အလိုမဟိ” ဟု မဆိုနိုင် သကဲ့သို့ ဦးဂေါင်းကလည်း ခြံအား “သင့်ကို ငါ အလိုမဟိ” ဟု မဆိုနိုင်။ **22** ကိုယ်ခန္ဓာ၌ အားနည်းဟန်ဟိသော ကိုယ်အင်္ဂါများသည်လည်း ငါရို့၌ မဟိ၍မဖြစ်နိုင်ပေ။ **23** တန်ခိုးမဟိဟု ထင်ရသော အင်္ဂါအစိတ်အပိုင်းများကို ငါရို့သည် သာ၍ ဂရုစိုက်ကြရ၏။ တင့်တယ်ခြင်းမဟိသော အင်္ဂါအစိတ်အပိုင်းများကို

သာ၍တင့်တယ်စီရန် ပြုပြင်မွမ်းမံကြရ၏။ 24 လှပပြီးဖြစ်သော အင်္ဂါအစိတ်အပိုင်းများကိုမူ သာ၍ မွမ်းမံရန် မလို။ အသရေမဟိသော အင်္ဂါအစိတ်အပိုင်းကို ပို၍ အသရေမဟိခြင်းငှာ ဘုရားသခင်ကိုယ်တော်တိုင် ကိုယ်ခန္ဓာ၌ ထားတော်မူ၏။ 25 ထို့ကြောင့် ကိုယ်အင်္ဂါအစိတ်အပိုင်း စိတ်ဝမ်းကွဲပြားခြင်းမဟိဘဲ၊ မတူညီသော အင်္ဂါအသီးသီးရှိသည် တစ်ခု၏အကျိုးကို တစ်ခုက ပြုစုလျက်ဟိပေ၏။ 26 အကယ်၍ ကိုယ်အင်္ဂါအစိတ်အပိုင်းတစ်ခုသည် ဝေဒနာခံစားရလျှင်၊ အခြားအစိတ်အပိုင်းများသည်လည်း ထိုအင်္ဂါနှင့်အတူ ခံစားရကြ၏။ ကိုယ်အင်္ဂါအစိတ်အပိုင်းတစ်ခုသည် ချိုးမွမ်းခြင်းခံရလျှင်၊ အခြားအစိတ်အပိုင်းများသည်လည်း အတူဝမ်းမြောက်ကြ၏။ 27 သင်ရိုးအပေါင်းသည် ခရစ်တော်၏ ကိုယ်ခန္ဓာတော်ဖြစ်၏။ သင်ရိုးအသီးသီးသည်လည်း ထိုကိုယ်ခန္ဓာတော်၏ အင်္ဂါအစိတ်အပိုင်း တစ်ခုဖြစ်၏။ 28 ဘုရားသခင်သည် တမန်တော်တို့ကို ပထမအရာ၌ လည်းကောင်း၊ ပရောဖက်တို့ကို ဒုတိယအရာ၌ လည်းကောင်း၊ သွန်သင်ပီးသော ဆရာတို့ကို တတိယအရာ၌ လည်းကောင်း၊ ထို့နောက် နိမိတ်လက္ခဏာပြသော သူတို့ကိုလည်းကောင်း၊ အနာရောဂါများကို ပျောက်ကင်းစီနိုင်သော တန်ခိုးကို ရဟိသောသူတို့ကိုလည်းကောင်း၊ သူတစ်ပါးအား ကူညီသောသူတို့ကိုလည်းကောင်း၊ စီစဉ်ညွှန်ကြားနိုင်စွမ်းဟိသောသူတို့ကိုလည်းကောင်း၊ အမျိုးမျိုးသော ဘာသာ စကားများကို ပြောနိုင်သောသူတို့ကိုလည်းကောင်း အသင်းတော်တွင် ခန့်ထားတော်မူ၏။ 29 သူရိုးအားလုံးသည် တမန်တော်တို့ မဟုတ်။ သူရိုးအားလုံးသည် ပရောဖက်တို့လည်း မဟုတ်။ သူရိုးအားလုံးသည် သွန်သင်ပြသော ဆရာတို့လည်း မဟုတ်။ သူရိုးအားလုံးသည် နိမိတ်လက္ခဏာပြနိုင်သော သူတို့လည်း မဟုတ်။ 30 သူရိုးအားလုံးသည် အနာရောဂါများကို ပျောက်ကင်းစီနိုင်သောသူတို့လည်း မဟုတ်။ သူရိုးအားလုံးသည် အမျိုးမျိုးသောဘာသာစကားကို ပြောဆိုနိုင်သောသူ၊ အနက်ပြန်ဆိုနိုင်သောသူတို့လည်း မဟုတ်။ 31 သို့ဖြစ်၍ သင်ရိုးသည် သာ၍ မြတ်သောဆုကျေးဇူးများကို အလွန်လိုချင်သော စိတ်ဟိကြလော့။ သို့ရာတွင် အမြတ်ဆုံးသော လမ်းကို ငါဖော်ပြမည်။

13 ငါသည် လူ့ဘာသာစကားများနှင့် ကောင်းကင်တမန် ဘာသာစကားများကို ပြောနိုင်သော်လည်း မေတ္တာမဟိလျှင် ငါ၏စကားသည် ဆူညံသော မောင်းကဲ့သို့ လည်းကောင်း၊ အသံမြည်သော လင်းကွင်းကဲ့သို့လည်းကောင်း ဖြစ်၏။ 2 ငါသည် ပရောဖက်ပြုနိုင်သော ဆုကျေးဇူးကို ရ၍ နက်နဲသောအရာ ဟိသမျှကို နားလည်သိကျွမ်းခြင်း အတတ်ပညာကို တတ်ကျွမ်းသော်လည်းကောင်း၊ တောင်များကို ရွှီနိုင်သော ယုံကြည်ခြင်းဟိသော်လည်းကောင်း မေတ္တာမဟိလျှင် အချည်းနှီးပင်ဖြစ်၏။ 3 ငါ၏ဥစ္စာဟိသမျှကို ဆင်းရဲသားရိုးအား ပီးကမ်းစွန့်ကြဲပြီး ငါ၏ကိုယ်ခန္ဓာကို မီးဖြင့် ပူဇော်သော်လည်း မေတ္တာမဟိလျှင် ငါ၌ အကျိုးမဟိ။ 4 မေတ္တာသည် သည်းခံတတ်၏။ သနားကြင်နာတတ်၏။ မေတ္တာသည် မနာလိုစိတ်မဟိ။ ကြွားဝါမှု မဟိ။ မာန်မာန မဟိ။ 5 မလျောက်ပတ်သော အမှုကို မပြုတတ်။ တစ်ကိုယ်ကောင်းဆန်သောစိတ် မဟိတတ်။ အမျက်ဒေါသ မထွက်တတ်။ သူတစ်ပါး၏အပြစ်ကို မှတ်၍မထားတတ်။ 6 မကောင်းမှုဒုစရိုက်၌ မပျော်မွှိုတတ်။ သို့သော် သမ္မာတရား၌သာ ဝမ်းမြောက်တတ်၏။ 7 မေတ္တာသည် အစဉ်သဖြင့် ဖုံးအုပ်ပီးတတ်၏။ ယုံကြည်တတ်၏။ မျှော်လင့်တတ်၏။ သည်းခံတတ်၏။ 8 မေတ္တာသည် အမြဲတည်၏။ ပရောဖက်ပြုခြင်းသည်လည်း မတည်မြဲ။ အမျိုးမျိုးသော ဘာသာစကားကို ပြောနိုင်သော အခွင့်သည်လည်း ရပ်တန့်လိမ့်မည်။ အသိပညာလည်း ကွယ်ပျောက်လိမ့်မည်။ 9 ငါရိုး၏ အသိပညာဆုကျေးဇူးသည်လည်း မစုံလင်ဖြစ်ပြီး ပရောဖက်ဉာဏ်သည်လည်း မစုံမလင်သာ ဟိကြ၏။ 10 သို့သော် စုံလင်ခြင်းသို့ ရောက်သောအခါ မစုံလင်သော အရာဟူသမျှရှိသည် ကွယ်ပျောက်လိမ့်မည်။ 11 ငါသည် အသွေ့ဖြစ်စဉ်အခါက၊ အသွေ့ကဲ့သို့ စကားကို ပြော၏။ အသွေ့ကဲ့သို့ စဉ်းစားရ၏။ အသွေ့ကဲ့သို့ ဆင်ခြင်တိုးတော၏။ အဂ္ဂ ကြီးပြင်းလာသောအခါမှကား အသွေ့၏အလေ့များကို ငါသည် ပယ်ပွား၏။ 12 အဂ္ဂ ငါရိုးသည် မှန်သားပြင်၌ မထင်မရီမြင်ရသော ပုံကဲ့သို့ တို့မြင်ရကြ၏။ ထိုအချိန်၌ကား မျက်ဝါးထင်ထင် တို့မြင်ရလိမ့်မည်။ အဂ္ဂအခါ ငါသည် မစုံမလင်စွာသိမြင်ရ၏။ ဘုရားသခင်သည် ငါ့ကို စုံလင်စွာ သိမြင်တော်မူသကဲ့သို့ ထိုအခါ၌မူကား ငါသည်လည်း စုံလင်စွာ

သိမြင်ရလိမ့်မည်။ 13 အဂုတွင် ယုံကြည်ခြင်း၊ မျှော်လင့်ခြင်း၊ ချစ်ခြင်းတည်းဟူသော ဤသုံးပါးရှိသည် တည်တံ့လျက် ဟိ၏။ ဤသုံးပါးရှိတွင် ချစ်ခြင်း မေတ္တာသည် အမြတ်ဆုံးဖြစ်သတည်း။

14 ထို့ကြောင့် သင်ရှိသည် မေတ္တာတရားအားဖြင့် ကြိုးစားအားထုတ်ကြလော့။ ဝိညာဉ်ဆုကျေးဇူးများ၊ အထူးသဖြင့် ဘုရားသခင်ထံမှ လာသော သတင်းစကားကို ဟောပြောနိုင်သော ဆုကျေးဇူးကို အလွန်လိုချင်သောစိတ် ဟိကြလော့။ 2 အမျိုးမျိုးသော ဘာသာစကားဖြင့် ပြောဆိုသောသူသည် လူကို ပြောဆိုသည် မဟုတ်။ ဘုရားကိုသာ ပြောဆိုခြင်းဖြစ်၏။ အကြောင်းမူကား ထိုသူရှိ၏စကားကို ဇာသူမျှ နားမလည်။ ထိုသူရှိသည် ဝိညာဉ်တော်တန်ခိုးဖြင့် ကွယ်ဝှက်ထားသော သမ္မာတရားများကို ပြောဆိုခြင်းဖြစ်၏။ 3 သို့သော် ဘုရားသခင်၏ နှုတ်ကပတ်တော်ကို ဟောပြောသောသူသည်ကား တည်ဆောက်ခြင်း၊ အားပီးခြင်း၊ နှစ်သိမ့်ခြင်း ဖြစ်စီခြင်းငှာ လူတို့ကို ဟောပြော၏။ 4 အမျိုးမျိုးသော ဘာသာစကားဖြင့် ပြောဆိုသောသူရှိသည် မိမိရှိ၏အကျိုးကို ပြုစု၏။ နှုတ်ကပတ်တရားတော်ကို ဟောပြောသော သူရှိမူကား အသင်းတော် တစ်ခုလုံး၏အကျိုးကို ပြုစု၏။ 5 ငါသည် သင်ရှိအားလုံးကို အမျိုးမျိုးသော ဘာသာစကားကို ပြောဆိုခြင်းငှာ အလိုဟိ သော်လည်း၊ ဘုရားသခင်၏ သတင်းစကားကို ဟောပြောနိုင်သော ဆုကျေးဇူးအား သာ၍ ရစီလို၏။ အသင်းတော်တစ်ခုလုံး၏ အကျိုးကို ပြုစုစီခြင်းငှာ အမျိုးမျိုးသော ဘာသာစကား၏ အနက်ကို ဖော်ပြနိုင်သောသူ မဟိဘဲ ထိုဘာသာစကားများဖြင့် ပြောဆိုသောသူထက် ဘုရားသခင်၏ သတင်းစကားကို ဟောပြောသောသူသည် သာ၍ တန်ဖိုးဟိ၏။ 6 ထို့ကြောင့် ညီအစ်ကိုမောင်နှမရှိ၊ ငါသည် သင်ရှိပါးသို့ လာ၍ အမျိုးမျိုးသော ဘာသာစကားကို ပြောဆိုသော်လည်း ဘုရားသခင်၏ ဗျာဒိတ်တော်အားဖြင့် ဖြစ်စီ၊ အသိပညာအားဖြင့် ဖြစ်စီ၊ ပုရောဖက်ဟောပြောခြင်းအားဖြင့် ဖြစ်စီ၊ ဆုံးမသွန်သင်အားဖြင့် ဖြစ်စီ မဟောပြောလျှင် သင်ရှိ၌ ဇာအကျိုးဟိမည်နည်း။ 7 ပလွေ၊ စောင်းကောက်ကဲ့သို့သော အသက်မဲ့သော ဂီတတူရိယာများပင်လျှင် ပီပြင်သောတေးသံ မထွက်လျှင် ဇာသူသည် ထိုတူရိယာများ၏ တေးသွားကို သိနိုင်မည်နည်း။ 8 တဖန်၊ တံပိုးခရာမှုတ်သံသည် ယင်းလင်းပီပြင်ခြင်း မဟိလျှင် ဇာသူသည် စစ်တိုက်ခြင်းငှာ ပျင်ဆင်လိမ့်မည်နည်း။ 9 ထိုနည်းတူ အမျိုးမျိုးသော ဘာသာစကားဖြင့် သင်ရှိပြောသော စကား၏အနက်အဓိပ္ပာယ်သည် မယင်းလင်းလျှင် ဇာသူသည် နားလည်နိုင်မည်နည်း။ သင်ရှိ၏စကားများသည် လီထဲ၌ ပျောက်ကွယ်လားလိမ့်မည်။ 10 ဤလောက၌ ဟိသမျှသော ဘာသာစကားအမျိုးမျိုး၌ အဓိပ္ပာယ်ကင်းမဲ့သော ဘာသာစကားဟူ၍ မဟိ။ 11 သို့ရာတွင် ငါမသိသော ဘာသာစကားကို ပြောဆိုသောသူသည် ငါ့အဖို့ တခြားလူမျိုးဖြစ်၏။ ငါသည်လည်း ထိုသူအဖို့ တခြားလူမျိုးဖြစ်ပေမည်။ 12 သင်ရှိသည် ဝိညာဉ်တော်၏ ဆုကျေးဇူးများကို လိုလားတောင့်တကြသည့်အလျောက် အသင်းတော် တည်ဆောက်ခြင်းကို အထောက်အကူပြုခြင်းငှာ သာ၍ ကြိုးစားအားထုတ်ကြလော့။ 13 ထို့ကြောင့် အမျိုးမျိုးသော ဘာသာစကားဖြင့် ပြောသောသူသည် မိမိပြောသည့်စကား၏ အဓိပ္ပာယ်ကို ဖော်ပြနိုင်သော တန်ခိုးစွမ်းရည်ကို ရဟိခြင်းငှာ ဆုတောင်းပတ္တနာပြုရမည်။ 14 ငါသည် အမျိုးမျိုးသော ဘာသာစကားဖြင့် ဆုတောင်းပတ္တနာပြုသောအခါ ငါ၏ စိတ်ဝိညာဉ်သည် ဆုတောင်းခံနိုင်သော်လည်း ငါ၏စိတ်နှလုံး၌မူကား အကျိုးမဟိပေ။ 15 ငါသည် ဇာသို့ ပြုရအံ့နည်း။ ငါသည် ငါ၏စိတ်ဝိညာဉ်နှင့် သော်လည်းကောင်း၊ စိတ်နှလုံးနှင့် သော်လည်းကောင်း ဆုတောင်းပတ္တနာပြုမည်။ ငါ၏စိတ်ဝိညာဉ်အားဖြင့် တေးခြင်းဆိုသည်သာမက အသံဉာဏ်အားဖြင့်လည်း သီဆိုမည်။ 16 သင်ရှိသည် စိတ်ဝိညာဉ်အားဖြင့်သာ ဘုရားသခင်၏ ကျေးဇူးတော်ကို ချီးမွမ်းကြလျှင် ထိုစုဝေးခြင်း၌ နားမလည်သောသူရှိသည် သင်ရှိပြောဆိုသော စကားများကို နားမလည်နိုင်သဖြင့် သင်ရှိ၏ဆုတောင်းပတ္တနာ၌ “အာမင်” ဟု ဇာပိုင် ဝန်ခံနိုင်မည်နည်း။ 17 သင်ရှိ၏ ကျေးဇူးတော်ချီးမွမ်းခြင်းသည် အလွန်ကောင်းသော်လည်း သူတစ်ပါးအဖို့ မည်သို့မျှ အကျိုးမဟိ။ 18 ငါသည် အမျိုးမျိုးသော ဘာသာစကားကို သင်ရှိအားလုံးထက် ပို၍ပြောဆိုနိုင်သဖြင့်

ဘုရားသခင်၏ ကျေးဇူးတော်ကို ချီးမွမ်း၏။ 19 သို့သော် အသင်းတော်ဝတ်ပြုခြင်း၌ အမျိုးမျိုးသော ဘာသာစကားများဖြင့် စကားအခွန်း အထောင်အသောင်းကို ပြောဆိုနိုင်ခြင်းထက် သူတစ်ပါးကို သွန်သင်ခြင်းငှာ နားလည်နိုင်သော စကားအခွန်း ငါးခွန်းကို ငါသာ၍ ပြောလို၏။ 20 ညီအစ်ကိုမောင်နှမရဲ့ သင်ရိုးသည် စဉ်းစားဆင်ခြင်မှု၌ အသွေတိကဲ့သို့ မဖြစ်စီကတ်ကေ။ ဆိုးညစ်သောအမှု၌ အသွေတိကဲ့သို့ ဖြစ်ကြလော့။ သို့ရာတွင် သင်ရိုး၏ စဉ်းစားဆင်ခြင်မှုတွင်ကား ရင့်ကျက်သောသူရဲကဲ့သို့ ဖြစ်ကြလော့။ 21 ကျမ်းစာလာသည်ကား၊ “ဤလူရဲ့အား အမျိုးမျိုးသော ဘာသာစကားများဖြင့် ငါပြောမည်။ တိုင်းတစ်ပါးသားရဲ့အားဖြင့် ငါပြောမည်။ သို့သော်လည်း ဤလူရဲ့သည် ငါ့စကားကို နားထောင်ကြလိမ့်မည် မဟုတ်ဟု သခင်ဘုရားမိန့်တော်မူ၏” ဟူ၍ ဖြစ်၏။ 22 ထို့ကြောင့် အမျိုးမျိုးသော ဘာသာစကားကို ပြောဆိုနိုင်သော ဆုကျေးဇူးသည် မယုံကြည်သောသူရဲ့၌ကား နိမိတ်လက္ခဏာဖြစ်ပြီး ယုံကြည်သောသူရဲ့၌ကား ထိုသို့ မဖြစ်။ ဘုရားသခင်၏ သတင်းစကားကို ဟောပြောနိုင်သောဆုကျေးဇူးကား ယုံကြည်သောသူရဲ့၌ နိမိတ်လက္ခဏာဖြစ်၏။ မယုံကြည်သောသူရဲ့၌ကား ထိုသို့ မဖြစ်။ 23 သို့ ဖြစ်၍ အသင်းတော်၌ စုဝေးသော အသင်းဝင်သူတိုင်းသည် အမျိုးမျိုးသော ဘာသာစကားဖြင့် ဟောပြောနိုင်စွမ်းကို စုဝေးသောသူ တချို့နှင့် မယုံကြည်သောသူ တချို့ရောက်လာကြလျှင် သင်ရိုးအား ရှေးသွပ်သောများဖြစ်သည်ဟု ဆိုမည် မဟုတ်လော။ 24 သို့သော် သင်ရိုးသည် ဘုရားသခင်၏ သတင်းစကားကို ဟောပြောနိုင်စွမ်း မယုံကြည်သောသူရဲ့ သို့မဟုတ် နားမလည်သောသူရဲ့သည် ရောက်လာလျှင် သူရဲ့ကြားရသော တရားစကားအားဖြင့် သူရဲ့၏ အပြစ်ကို နားလည်သဘောပေါက်လာကာ သူရဲ့ကို သူရဲ့ စီရင်လိမ့်မည်။ 25 ထိုသူရဲ့၏ လျှို့ဝှက်သော စိတ်နှလုံးအကြံအစည်များသည် ထင်ရှားလာပြီး “ဘုရားသခင်သည် ဤအရပ်၌ သင်ရိုးနှင့်အတူ ဧကန်အမှန် ဟိတော်မူပါသည်တကား” ဟု သူရဲ့သည် ထုတ်ဖော်ဝန်ခံလျက် ဘုရားသခင်အား ပျပ်ဝပ်ကိုးကွယ်ကြလိမ့်မည်။ 26 ညီအစ်ကိုမောင်နှမရဲ့ ငါဆိုသည်ကား ကိုးကွယ်ဝတ်ပြုခြင်းငှာ သင်ရိုး စုဝေးကြသောအခါ တစ်ယောက်သောသူက တေးဆိုခြင်း၊ တစ်ယောက်သောသူက သွန်သင်ခြင်း၊ တစ်ယောက်သောသူကား ဘုရားသခင်ထံမှ ဗျာဒိတ်တော်ကို ပြန်ကြားခြင်း၊ တစ်ယောက်သောသူက အမျိုးမျိုးသော ဘာသာစကားဖြင့် ပြောဆိုခြင်း၊ တစ်ယောက်သောသူက ထိုဘာသာစကားများ၏ အနက်အဓိပ္ပာယ်ကို ဖော်ပြခြင်းတိပင် ဖြစ်၏။ သင်ရိုးဆောင်ရွက်သမျှသော အမှုအရာများသည် အသင်းတော်ကို တည်ဆောက်ခြင်းငှာ ဖြစ်ရမည်။ 27 တစ်စုံတစ်ယောက်သောသူသည် အမျိုးမျိုးသော ဘာသာစကားဖြင့် ပြောမည်ဆိုပါက နှစ်ယောက်ဖြစ်စီ၊ အများဆုံး သုံးယောက်ဖြစ်စီ တစ်ယောက်ပြီးမှ တစ်ယောက် ပြောစီပြီးလျှင် တစ်စုံတစ်ယောက်က အနက်ကို ပြန်ဆိုရမည်။ 28 အကယ်၍ အနက်ပြန်သူမဟုတ်လျှင် အမျိုးမျိုးသော ဘာသာစကားဖြင့် ပြောဆိုသောသူသည် အသင်းတော်၌ တိတ်ဆိတ်စွာနိမ့်၍ မိမိကိုယ်ကိုလည်းကောင်း၊ ဘုရားသခင်ကိုလည်းကောင်း ပြောစီ။ 29 ဘုရားသခင်၏ သတင်းစကားကို ဟောပြောသောသူ နှစ်ဦးဖြစ်စီ၊ သုံးဦးဖြစ်စီ၊ ထိုသူရဲ့ ဟောပြောသမျှကို ကျန်သောသူရဲ့က ဆင်ခြင်သုံးသပ်ကြစီ။ 30 သို့ရာတွင် ထိုင်နိုင်သောသူများအထဲမှ တစ်ယောက်သည် ဘုရားသခင်ထံမှ ဗျာဒိတ်တော်ကို ခံရသည်ဆိုလျှင် ထိုဟောပြောနိုင်သောသူသည် ရပ်နားစီ။ 31 လူတိုင်း သင်ယူနိုင်ခြင်းငှာ လည်းကောင်း၊ တိုက်တွန်းခြင်းငှာ လည်းကောင်း သင်ရိုးအားလုံးပင် တစ်ယောက်ပြီးတစ်ယောက် ဘုရားသခင်၏ သတင်းစကားကို ဟောပြောနိုင်၏။ 32 ထိုသတင်းစကားကို ဟောပြောနိုင်သော ဆုကျေးဇူးသည်လည်း ဟောပြောသောသူ၏ ထိန်းချုပ်မှုအောက်၌ ဟိရမည်။ 33 အကြောင်းမူကား ဘုရားသခင်သည် ငါရဲ့အား စည်းကမ်းမဲ့စွာ ပြုမူခြင်းကို အလိုတော်မဟုတ်။ သင့်တင့်လျောက်ပတ်မှုနှင့် ငြိမ်သက်မှုကို နှစ်သက်သောကြောင့်ဖြစ်၏။ ဘုရားသခင်လူရဲ့၏ အသင်းတော်အားလုံး၌၊ 34 မိန်းမရဲ့သည် စည်းဝေးခြင်းများ၌ တိတ်ဆိတ်စွာနိမ့်ကြစီ။ သူရဲ့၌ စကားပြောခွင့် မဟုတ်။ ပညတ်ကျမ်းတွင် ဖော်ပြထားသည့်အတိုင်း မိန်းမရဲ့သည် အုပ်စိုးခြင်းကို ဝန်ခံရမည်။ 35 သူရဲ့သည် တစ်စုံတစ်ခုသောအကြောင်းအရာကို သိလိုလျှင် အိမ်၌ မိမိရဲ့၏လင်ယောက်ျားများကို မိန်းမခြားကြစီ။ မိန်းမတစ်ယောက်သည် အသင်းတော်၏အစည်းအဝေး၌ စကားပြောခြင်းသည် ရှက်ဖွယ်သောအမှုဖြစ်၏။ 36

ဘုရားသခင်၏ နှုတ်ကပတ်တရားတော်သည် သင်ရိုးပါးမှ ထွက်လာသလော။ သို့တည်းမဟုတ် နှုတ်ကပတ်တရားသည် သင်ရိုးထံသို့သာ ရောက်လာသလော။ 37 မိမိကိုယ်ကို ဘုရားသခင်၏ သတင်းစကား ဟောပြောသောသူ ဖြစ်သည်ဟူ၍ လည်းကောင်း၊ ဝိညာဉ်ဆုကျေးဇူး ရဟိသောသူဖြစ်သည်ဟူ၍ လည်းကောင်း ထင်မှတ်သောသူသည်ကား အဂု ငါရိုးလိုက်သော စာသည် သခင်ဘုရား၏ ပညတ်ဖြစ်ကြောင်း သိမှတ်စီ။ 38 သို့သော် ထိုသူသည် ဤအရာကို အသိအမှတ် မပြုလျှင် ထိုသူကိုလည်း အသိအမှတ် မပြုကတ်ကော။ 39 သို့ဖြစ်၍ ညီအစ်ကိုမောင်နှမရို့၊ သင်ရိုးသည် ဘုရားသခင်၏ သတင်းစကားကို ဟောပြောခြင်းငှာ လိုလားတောင့်တကြလော့။ သို့ရာတွင် အမျိုးမျိုးသော ဘာသာစကားများဖြင့် ပြောဆိုခြင်းကို မတားမြစ်ကတ်ကော။ 40 ခပ်သိမ်းသောအမှုများကို အစီအစဉ်အတိုင်း လျှောက်ပတ်စွာ လုပ်ဆောင်ကြလော့။

15 ညီအစ်ကိုမောင်နှမရို့ ငါသည် သင်ရိုးအား ဟောပြောသည့် သတင်းကောင်းတရားကို လက်ခံ၍ ယင်းအထက်၌ သင်ရိုး၏ ယုံကြည်ခြင်းခိုင်မြဲစွာ ရပ်တည်လျက် ဟိကြောင်းကို အဂုတွင် ငါသည် သင်ရိုးအား ပြန်၍ ငါ သတိပီးလို၏။ 2 ထိုသတင်းကောင်းတရားကား သင်ရိုးကို ငါ ဟောပြောသည့် သတင်းကောင်းတရားပင် ဖြစ်၏။ သင်ရိုးသည် ထိုစေဂေလိတရားကို စွဲမြဲစွာယုံကြည်လက်ခံသောကြောင့် ကယ်တင်ခြင်းကို ခံကြရ၏။ ထိုသို့ မဟုတ်လျှင် သင်ရိုး ယုံကြည်သသည်မှာ အချည်းနှီးသက်သက် ဖြစ်၏။ 3 ငါသည် ကိုယ်တိုင် ခံယူရဟိသည့် အဓိကအကျဆုံးသောအရာကို သင်ရိုးအား ပီးအပ်သည့် အကြောင်းမှာ ကျမ်းစာလာသည့်အတိုင်း ခရစ်တော်သည် ငါရိုးအပြစ်ကြောင့် အသိခံတော်မူ၏။ 4 ကိုယ်တော်သည် သဂြိုဟ်ခြင်းကို ခံပြီးနောက် ကျမ်းစာလာသည်အတိုင်း သုံးရက်မြောက်သောနိဗ္ဗာန် သီခြင်းမှ ရှင်ပြန်ထမြောက်တော်မူ၏။ 5 ကိုယ်တော်သည် ပေတရုအား ထင်ရှားပြပြီးမှ တမန်တော်တစ်ကျိပ်နှစ်ပါးရို့အား ထင်ရှားပြတော်မူ၏။ 6 ထို့နောက် ကိုယ်တော်သည် မိမိ၏တပည့်တော် ၅၀၀ ကျော်ရို့အား တစ်ပြိုင်နက် ထင်ရှားပြတော်မူ၏။ ထိုသူရို့အထဲမှ အချို့သည် သီလွန်ပြီးဖြစ်သော်လည်း၊ လူအများစုမှာ အဂုတိုင်အောင် အသက်ရှင်လျက် ဟိကြ၏။ 7 ထို့နောက် ကိုယ်တော်သည် ယာကုပ်အား ထင်ရှားပြတော်မူပြီးမှ တမန်တော်အပေါင်းရို့ကိုလည်း ထင်ရှားပြတော်မူ၏။ 8 နောက်ဆုံး၌ ကိုယ်တော်သည် လမစို့ဘဲ ဦးသောသူ တစ်ယောက်ကဲ့သို့ ဖြစ်သော ငါ့ကိုလည်း ထင်ရှားပြတော်မူ၏။ 9 ငါသည် တမန်တော်ရို့တွင် အငယ်ဆုံးသောသူဖြစ်၏။ ဘုရားသခင်၏ အသင်းတော်ကို နှိပ်စက်ညှဉ်းဆဲခံသောသူ ဖြစ်သောကြောင့် တမန်တော်ဟူ၍ အခေါ်ခံခြင်းငှာ မထိုက်။ 10 သို့သော် ဘုရားသခင်၏ ကျေးဇူးတော်ကြောင့် ငါဖြစ်သည့်အတိုင်း ငါဖြစ်၏။ ငါ့ကို ကိုယ်တော် ပီးသနားတော်မူသော ကျေးဇူးတော်သည်လည်း အကျိုးမဲ့မဖြစ်။ ငါသည် အခြားသော တမန်တော်ရို့ထက် ပို၍ ကြိုးစားလုပ်ဆောင်၏။ ထိုသို့ လုပ်ဆောင်နိုင်ခြင်းမှာ ငါ၏ တတ်နိုင်မှုကြောင့် မဟုတ်ဘဲ၊ ငါနှင့်အတူ လုပ်ဆောင်သော ဘုရားသခင်၏ ကျေးဇူးတော်ကြောင့်သာ ဖြစ်၏။ 11 သို့ဖြစ်၍ ငါဖြစ်စီ၊ ထိုသူရို့ဖြစ်စီ ဤအတိုင်း ဟောပြောကြ၏။ သင်ရိုးသည်လည်း ဤအတိုင်းပင် ယုံကြည်ကြ၏။ 12 ခရစ်တော်သည် သီခြင်းတရားမှ ရှင်ပြန်ထမြောက်တော်မူကြောင်းကို ငါရိုးဟောပြောလျက် ဟိသည်ဖြစ်၍ သင်ရိုး အထဲမှ တချို့သောသူရို့က သီခြင်းတရားမှ ရှင်ပြန်ထမြောက်ခြင်းဟူ၍ မဟီဟု ဇာကြောင့် ပြောဆိုနိုင်ကြသနည်း။ 13 ရှင်ပြန်ထမြောက်ခြင်းမဟီလျှင် ခရစ်တော်သည်လည်း သီခြင်းတရားမှ ရှင်ပြန်ထမြောက်မည် မဟုတ်။ 14 ခရစ်တော်သည် သီခြင်းတရားမှ ထမြောက်တော် မမူခလျှင် ငါရိုး၏ဟောပြောခြင်းသည် အကျိုးမဟီ။ ထိုနည်းတူ သင်ရိုး၏ယုံကြည်ခြင်းသည်လည်း အကျိုးမဟီ။ 15 ထိုမျှမက ငါရိုးသည် ဘုရားသခင်၏အကြောင်းကို မှားယွင်းစွာ သက်သိခံသောသူဟိသာ ဖြစ်ကြ၏။ ဇာကြောင့်ဆိုသော် ဘုရားသခင်သည် ခရစ်တော်ကို သီလွန်ရာမှ ရှင်ပြန်ထမြောက်စီတော်မူ၏ဟု ငါရိုး သက်သိခံနိုင်သောကြောင့် ဖြစ်၏။ သို့သော် သီလွန်သောသူရို့ကို ထမြောက်စီတော်မူလျှင် ကိုယ်တော်သည် ခရစ်တော်ကို ထမြောက်စီတော်မမူ။ 16 အကြောင်းမူကား

သီလွန်သောသူရှိသည် ရှင်ပြန်ထမြောက်ခြင်းမဟိလျှင် ခရစ်တော်သည်လည်း ထမြောက်တော်မမူ။ 17 ခရစ်တော်သည် ရှင်ပြန်ထမြောက်တော်မမူလျှင် သင်ရှိ၏ယုံကြည်ခြင်းသည် လွဲမှား၍ သင်ရှိသည်လည်း အပြစ်ဒုစရိုက်၌ပင် ဟိန်နိကတ်သိမ့်၏။ 18 ခရစ်တော်၌ အိပ်ပျော်သော သူရှိသည်လည်း ဆုံးယှုံးခြင်းသို့သာ ရောက်ကြပေမည်။ 19 ခရစ်တော်၌ ငါရှိ၏မျှော်လင့်ချက်သည် အဂုဏ်အဖို့သာ ဖြစ်လျှင်၊ ဤလောက၌ ငါရှိထက် သနားစရာကောင်းသောသူဟူ၍ မဟိယာ။ 20 သို့သော် ခရစ်တော်သည် သီခြင်းတရားမှ အမှန်စင်စစ် ရှင်ပြန်ထမြောက်တော်မူပြီး သီလွန်သောသူရှိ၌ အဦးဆုံးသော အသီးဖြစ်တော်မူ၏။ 21 ဇာကြောင့်ဆိုသော် တစ်ယောက်သောသူအားဖြင့် သီခြင်းတရားသည် ဝင်ရောက်လာသည့်နည်းတူ တစ်ယောက်သောသူအားဖြင့် သီခြင်းတရားမှ ရှင်ပြန်ထမြောက်ခြင်းသည်လည်း ဝင်ရောက်လာ၏။ 22 အကြောင်းမူကား လူအပေါင်းရှိသည် အာဒံ၌ သီဆုံးကြရ၏။ သို့သော် ခရစ်တော်၌ ထမြောက်ရကြလိမ့်မည်။ 23 သို့ရာတွင် လူအသီးသီးရှိသည် အစဉ်အတိုင်းဖြင့် ရှင်ပြန်ထမြောက်ရကြမည်။ ခရစ်တော်ကား ဦးစွာ ရှင်ပြန်ထမြောက်တော်မူ၏။ ခရစ်တော်နှင့်ဆိုင်သော သူရှိသည် ကိုယ်တော်ကြွလာတော်မူသောအခါ ရှင်ပြန်ထမြောက်ကြလိမ့်မည်။ 24 ထို့နောက် ကပ်ကာလ ကုန်ဆုံးချိန် ရောက်လိမ့်မည်။ ထိုအခါ ခရစ်တော်သည် အလုံးစုံသော အုပ်စိုးခြင်းတိ၊ အခွင့်အာဏာတိနှင့် တန်ခိုးအာဏာတိကို ပယ်ဖျက်ပြီးနောက် နိုင်ငံတော်ကို ခမည်းတော်ဘုရားသခင်ထံသို့ ပီးအပ်တော်မူလိမ့်မည်။ 25 ခရစ်တော်သည် ရန်သူအပေါင်းကို မိမိ၏ဦးဝါးအောက်၌ ချထားတော်မူသည်အထိ အုပ်စိုးတော်မူရမည်။ 26 နောက်ဆုံးရန်သူဖြစ်သော သီမင်းကိုပင် အောင်နိုင်လိမ့်မည်။ 27 ကျမ်းစာ၌လာသည်ကား “ဘုရားသခင်သည် ခပ်သိမ်းသောအရာများကို ကိုယ်တော်၏ဦးဝါးအောက်သို့ ရောက်စီတော်မူ၏” ဟု လာသတည်း။ ထို “ခပ်သိမ်းသောအရာများ” ၌ ဘုရားသခင် မပါကြောင်း ထင်ရှား၏။ ဇာကြောင့်ဆိုသော် ခပ်သိမ်းသောအရာကို ခရစ်တော်၏ ဦးဝါးအောက်သို့ ရောက်စီတော်မူသော အသျှင်ကား ဘုရားသခင်ပင် ဖြစ်သောကြောင့်တည်း။ 28 သို့ရာတွင် ခပ်သိမ်းသောအရာများကို ခရစ်တော်၏ အုပ်စိုးခြင်းအောက်၌ ချထားသောအခါ၊ သားတော်ဖြစ်သော ခရစ်တော်ကိုယ်တိုင်ပင် ခပ်သိမ်းသောအရာကို မိမိဦးဝါးတော်အောက်၌ ချထားတော်မူသော ဘုရားသခင်၏ အုပ်စိုးခြင်းကို ခံယူတော်မူလိမ့်မည်။ ထိုအခါ ဘုရားသခင်သည် ခမ်းသိမ်းသောအရာများကို ပြည့်ဝစုံလင်စွာ အုပ်စိုးတော်မူလိမ့်မည်။ 29 အဂုဏ်တွင် ရှင်ပြန်ထမြောက်ခြင်းမဟိလျှင် သီလွန်သော သူရှိကိုယ်စား ဗတ္တိဇမင်္ဂလာကို ခံယူသောသူရှိသည် ဇာကြောင့် ထိုသို့ ပြုကြသနည်း။ သီခြင်းမှ ရှင်ပြန်ထမြောက်ခြင်း လုံးဝမဟိလျှင် သူရှိသည် သီလွန်သောသူရှိ၏ကိုယ်စား ဇာကြောင့် ဗတ္တိဇမင်္ဂလာကို ခံယူကြသနည်း။ 30 ဇာကြောင့် ငါရှိကိုယ်တိုင်ပင် ဘေးအန္တရာယ်နှင့် အချိန်တိုင်း ရင်ဆိုင်နိုင်ရကြသနည်း။ 31 ညီအစ်ကိုမောင်နှမရှိ ငါသည် နို့တိုင်း သီခြင်းတရားနှင့် ရင်ဆိုင်နိုင်ရသည်ဟု ငါရှိ၏အသျှင် ခရစ်တော်ယေသျှ၌ ဟိသော သင်ရှိကြောင့် ငါသည် အမှန်ပင် ဝါကြွားနိုင်၏။ 32 အကယ်၍ လူသဘောဖြင့်ဆိုလျှင် ငါသည် ဇေက်မြို့တွင် “သားရဲ တိရစ္ဆာန်တိ” နှင့် တိုက်ခိုက်ခသော်လည်း ငါအဖို့ ဇာအကျိုး ဟိမည်နည်း။ သီလွန်သောသူရှိသည် ရှင်ပြန်ထမြောက်ခြင်းမဟိလျှင် “နက်ဖြန်နိဉ် ငါရှိသည် သီဆုံးလားမည်ဖြစ်သောကြောင့် စားကြ၊ သောက်ကြကုန်အံ့။” 33 အလွဲမယူကတ်ကေ။ “အပေါင်းအသင်း မကောင်းလျှင် ကောင်းသောအကျင့်ပင် ပျက်စီးတတ်၏။” 34 အမြင်မှန် ရကြလော့။ ဒုစရိုက်အပြစ်ကို မပြုကတ်ကေ။ အကြောင်းမူကား သင်ရှိထဲမှ တချို့သောသူရှိသည် ဘုရားသခင်နှင့်ပတ်သက်၍ အသိဉာဏ်ကင်းမဲ့ကြ၏။ ဤသို့ ငါဆိုရာ၌ သင်ရှိကို အရှက်ရစီခြင်းငှာ ဖြစ်၏။ 35 လူတစ်စုံတစ်ယောက်က “သီလွန်သောသူရှိသည် ဇာပိုင် ထမြောက်ကြမည်နည်း။ ဇာပိုင် ခန္ဓာမျိုးနှင့် ပေါ်လာမည်နည်း” ဟု မိန်းလိမ့်မည်။ 36 အချင်းလူမိုက်၊ သင်သည် မျိုးစုံတစ်စုံကို မြီ၌ စိုက်ပျိုးသောအခါ ထိုမျိုးစုံသည် မပျက်စီးဘဲ အပင်မပေါက်တတ်။ 37 သင်သည် မြီ၌ ဂျုံစပါးမျိုးစုံဖြစ်စီ၊ အခြားမျိုးစုံ တစ်မျိုးမျိုးဖြစ်စီ စိုက်သောအခါ နောင်၌ ဖြစ်လာမည့်အပင်ကို စိုက်သည် မဟုတ်။ အစိုကိုသာ စိုက်တတ်၏။ 38 ဘုရားသခင်သည် အလိုတော်ဟိသည်အတိုင်း ထိုမျိုးစုံအား ကိုယ်ထည်ကို ပီးတော်မူ၏။ ကိုယ်တော်သည်

မျိုးစုံအသီးသီးအား သင့်လျော်သော ပင်စည်ကို ပီးတော်မူ၏။ 39 သက်ဟိသတ္တဝါအားလုံးရှိ၏ အသားသည် တစ်မျိုးတည်း မဟုတ်။ လူ၏အသားသည် တစ်မျိုး၊ တိရစ္ဆာန်ရှိ၏ အသားသည်ကား တစ်မျိုး၊ ငှက်တိကား တစ်မျိုး၊ ငါးတိမှာကား တစ်မျိုးဖြစ်၏။ 40 ကောင်းကင်နှင့်ဆိုင်သော ခန္ဓာများဟိပြီး မြီကြီးနှင့်ဆိုင်သော ခန္ဓာများလည်း ဟိ၏။ ကောင်းကင်နှင့်ဆိုင်သော ခန္ဓာများ၏ ဂုဏ်အသရေကား တစ်မျိုး၊ မြီကြီးနှင့်ဆိုင်သော ခန္ဓာများ၏ ဂုဏ်အသရေကား တစ်မျိုးပင်ဖြစ်၏။ 41 နီ၏ဂုဏ်အသရေကား တစ်မျိုး၊ လ၏ဂုဏ်အသရေသည်လည်း တစ်မျိုး၊ ကြယ်တာယာများ၏ ဂုဏ်အသရေသည်လည်း တစ်မျိုးပင်ဖြစ်၏။ ကြယ်တစ်လုံးနှင့် တစ်လုံး၏ ဂုဏ်အသရေသည် မတူကြပေ။ 42 ထိုနည်းတူ သီလွန်သောသူရှိ၏ ရှင်ပြန်ထမြောက်ခြင်းသည်လည်း ဤအတိုင်းပင်ဖြစ်၏။ ကိုယ်ခန္ဓာသည် မြီကြီး၌ စိုက်ပျိုးခြင်းကို ခံရသောအခါ ပုပ်ပျက်ခြင်းဟိ၏။ ရှင်ပြန်ထမြောက်သောအခါ၌ ပုပ်ပျက်ခြင်းနှင့် ကင်းလွတ်လိမ့်မည်။ 43 စိုက်ပျိုးခြင်းကို ခံရသောအခါ ဂုဏ်အသရေပျက်၍၊ ရှင်ပြန်ထမြောက်သောအခါ၌ ဂုဏ်အသရေနှင့် ပြည့်စုံလိမ့်မည်။ စိုက်သောအခါ အစွမ်းမဟိ။ ထမြောက်သောအခါ တန်ခိုးနှင့် ပြည့်စုံ၏။ 44 စိုက်ပျိုးခြင်းကို ခံရသောအခါ ဇာတိခန္ဓာဖြစ်၏။ ရှင်ပြန်ထမြောက်သောအခါ၌ကား ဝိညာဉ်ခန္ဓာဖြစ်လိမ့်မည်။ ဇာတိခန္ဓာဟိသောကြောင့် ဝိညာဉ်ခန္ဓာလည်းဟိ၏။ 45 ကျမ်းစာလာသည်ကား “ပထမလူအာဒံသည် အသက်ရှင်သော သတ္တဝါဖြစ်လာ၏” ဟု လာ၏။ နောက်ဆုံးဖြစ်သော အာဒံသည်ကား အသက်ရှင်စိတတ်သော ဝိညာဉ်ဖြစ်၏။ 46 ဝိညာဉ်ခန္ဓာသည် အယင်ဦးစွာ ဖြစ်လာသည် မဟုတ်။ ဇာတိခန္ဓာဖြစ်ပေါ်ပြီးမှ ဝိညာဉ်ခန္ဓာ ဖြစ်ပေါ်လာ၏။ 47 ပထမလူအာဒံသည် မြီကြီးမှ ဖန်ဆင်းထားသောသူဖြစ်၏။ ဒုတိယလူကား ကောင်းကင်ဘုံမှ လာသောသူဖြစ်၏။ 48 မြီကြီးသားရှိသည် မြီမှုန့်မှ ဖန်ဆင်းထားသောသူနှင့် တူကြ၏။ ကောင်းကင်ဘုံနှင့်ဆိုင်သော လူရှိသည် ကောင်းကင်ဘုံမှ လာသောသူနှင့် တူကြ၏။ 49 ငါရှိသည် မြီကြီးမှ ဖန်ဆင်းထားသူ၏ ပုံသဏ္ဌာန်၌ မွီးဖွားသကဲ့သို့ ကောင်းကင်ဘုံမှ ကြွလာတော်မူသော သူ၏ပုံသဏ္ဌာန်၌လည်း မွီးဖွားခြင်းကို ခံရကြလိမ့်မည်။ 50 ညီအစ်ကိုမောင်နှမရို့၊ သင်ရို့အား ငါပြောလိုသည်မှာ လူ့အသွီးအသားသည် ဘုရားသခင်၏နိုင်ငံတော်ကို အဓိခံ၍ မရနိုင်။ ပုပ်ပျက်တတ်သော အရာသည်လည်း မပုပ်မပျက်တတ်သော အဖြစ်ကို မခံမယူနိုင်။ 51 နားထောင်ကြလော့။ နက်နဲသော အရာကို သင်ရို့အား ငါပြောဦးမည်။ ငါရို့အားလုံးသည် အိပ်ပျော်ကြရမည် မဟုတ်။ 52 သို့သော် နောက်ဆုံး တံပိုးခရာမှုတ်သောအခါ မျက်စိတစ်မှိတ်လျှပ်တပြတ်၌ ပြောင်းလဲကြမည်။ အကြောင်းမူကား တံပိုးခရာမှုတ်သောအခါ အိပ်ပျော်သောသူရှိသည် ရှင်ပြန်ထမြောက်ကြ၍ သီခြင်းတရားနှင့် အစဉ် ကင်းလွတ်ကြ လိမ့်မည်။ ငါရို့အားလုံးသည်လည်း ပြောင်းလဲကြမည်။ 53 ဇာကြောင့်ဆိုသော် ပုပ်ပျက်တတ်သောအရာသည် မပုပ်မပျက်နိုင်သည့်အရာသို့ ပြောင်းလဲမည်။ သီဆုံးတတ်သောအရာသည် မသီဆုံးနိုင်သောအဖြစ်သို့ ပြောင်းလဲမည်။ 54 ပုပ်ပျက်တတ်သောအရာသည် မပုပ်မပျက်နိုင်သော အရာသို့လည်းကောင်း၊ သီတတ်သောအရာသည် မသီနိုင်သော အရာသို့လည်းကောင်း ပြောင်းလဲသောအခါ “သီခြင်းတရားကို ဖျက်ဆီးပစ်ယာ။ သီခြင်းတရားကို အောင်လီယာ” ဟူသော ကျမ်းစကားသည် မှန်ကန်လာပေလိမ့်မည်။ 55 “အို သီမင်း၊ သင်၏အောင်မြင်ခြင်းကား ဇာမှာနည်း။ အို သီမင်း၊ သင်၏အစွယ်ကား ဇာမှာနည်း။” (Hadēs g86) 56 သီမင်း၏အစွယ်ကား ဒုစရိုက်အပြစ်ဖြစ်၏။ ဒုစရိုက်အပြစ်သည် ပညတ်တရားမှ တန်ခိုးကို ရဟိ၏။ 57 သို့ရာတွင် ငါရို့၏ အသျှင်ယေသျှုခရစ်တော်အားဖြင့် ငါရို့အား သီခြင်းတရားနှင့် အပြစ်တရားကို အောင်နိုင်ရသောအခွင့်ကို ပီးတော်မူသော ဘုရားသခင်၏ ကျေးဇူးတော်ကို ချီးမွမ်းပါ၏။ 58 ထို့ကြောင့် ချစ်သောညီအစ်ကို မောင်နှမရို့၊ သင်ရို့၏ယုံကြည်ခြင်း၌ တည်တံ့ခိုင်ခန့်စွာ ရပ်ကြလော့။ သခင်ဘုရား၏ အမှုတော်ကို ဆောင်ရွက်ခြင်းသည် မည်သည့်အခါမျှ အချည်းနှီးမဖြစ်ကြောင်းကို သိမှတ်ကာ အမှုတော်ကို အစဉ်အမြဲ ဆောင်ရွက်ကြလော့။

16 ယုဒပြည်၌ဟိသော ဘုရားသခင်၏လူရို့အား ထောက်ပံ့ခြင်းငှာ အလှူငွီများနှင့် ပတ်သက်၍ ဂလာတိပြည်၌ဟိသော အသင်းတော်များကို ငါ မှာထားခသည်အတိုင်း သင်ရို့ပြုကြလော့။ 2 ငါ ရောက်လာသောအခါ အလှူငွီကောက်ခံဖို့

မလိုအပ်ရန် တလင်းကနီနီတိုင်း သင်ရိုးတစ်ယောက်ချင်းစီ၏ တတ်နိုင်သည့်အလျောက် ကောက်ခံ၍ စုဆောင်းထားကြလော့။

3 ငါ ရောက်လာသောအခါ ထိုအလှူငွေကို ယေရုဆလင်မြို့သို့ ယူဆောင်လားစီခြင်းငှာ သင်ရိုးထောက်ခံထားသော သူရိုးကို စာနှင့်တကွ ငါ စိစစ်တမည်။ **4** အကယ်၍ ငါ လားဖို့လိုအပ်လျှင် ထိုသူရိုးသည် ငါနှင့်အတူ လိုက်နိုင်ပါ၏။ **5** ငါသည် မာကေဒေါနိုပြည်လမ်းမှ လားရမည်ဖြစ်၍ ထိုပြည်ကို လွန်လျှင် သင်ရိုးပါးသို့ လာမည်။ **6** ငါသည် သင်ရိုးနှင့်အတူ ကာလအတန်ကြာ တည်းခိုနိုင်မည်။ ဆောင်းရာသီ တစ်ခုလုံးပင် သင်ရိုးနှင့်အတူ နီကောင်းနိုင်ပါမည်။ ထို့နောက်မှ ငါ ခရီးပြုလိုရာအရပ်သို့ ပြုနိုင်ရန် သင်ရိုး ကူညီနိုင်ကြလိမ့်မည်။ **7** ငါသည် သင်ရိုးထံ၌ ခဏတစ်ဖြုတ် တည်းခိုရုံမျှဖြင့် မလာချင်ပါ။ သခင်ဘုရား ခွင့်ပြုတော်မူလျှင် ကာလအတန်ကြာ သင်ရိုးနှင့် နီလိုပါ၏။ **8** ပင်တေကုတ္တော့ပွဲနီအထိ ဧဖက်မြို့၌ ငါတည်းခိုနိုင်ပါမည်။ **9** ထိုမြို့၌ ငါ့ကို ဆန့်ကျင်ဖက်ပြုသောသူတို့ ဟိသော်လည်း အကျိုးဟိသောအလုပ်ကို လုပ်ခြင်းငှာ ငါ့အဖို့ လွန်စွာကြီးသော တန်းခါးသည် ဖွင့်လျက်ဟိ၏။ **10** အကယ်၍ သင်ရိုးပါးသို့ တိမောသေ ရောက်လာလျှင် သူသည် စိုးရိမ်ခြင်းမဟိဘဲ သင်ရိုးနှင့်အတူ နီထိုင်နိုင်ရန် ဂရုစိုက်ကြလော့။ အကြောင်းမူကား၊ သူသည် ငါ့ကဲ့သို့ပင် သခင်ဘုရား၏ အမှုတော်ဆောင်ဖြစ်ပေ၏။ **11** သူ့ကို ဇာသူမျှ မလေးမစား မပြုစီကော့။ သူသည် ငါ့ပါးသို့ ငြိမ်ဝပ်စွာဖြင့် ပြန်လည်ရောက်လာစီခြင်းငှာ ကူညီကြလော့။ အကြောင်းမူကား ငါသည် သူ့အား ယုံကြည်သူ ညီအစ်ကိုများနှင့်အတူ ငါ့ပါးသို့ လာလိမ့်မည်ဟု စောင့်မျှော် နိုင်သောကြောင့် ဖြစ်၏။ **12** အဂုတွင် ငါရိုးညီ အာပေါလု၏အကြောင်းကို ပြောရမည်ဆိုလျှင်၊ သူသည် အခြားယုံကြည်သူများနှင့်အတူ သင်ရိုးပါးသို့ လားရောက်လည်ပတ်ရန် ငါသည် သူ့အား အထူးပင် အားပီးတိုက်တွန်းပါ၏။ သို့သော် အဂုအခါ သူသည် လာဖို့ရန် ဆန္ဒ အလျင်းမဟိ။ နောက်မှ အခွင့်ကောင်း ကြုံလာသည့်အခါ ရောက်လာလိမ့်မည်။ **13** နီးနီးကြားကြားဟိကြလော့၊ ယုံကြည်ခြင်း၌ ခိုင်မာစွာ ရပ်တည်ကြလော့၊ ရဲစွမ်းသတ္တိနှင့်တကွ ခိုင်ခံ့ကြလော့။ **14** ခပ်သိမ်းသောအမှုများ၌ မေတ္တာနှင့် လုပ်ဆောင်ကြလော့။ **15** သင်ရိုးသည် သတေဖန်နှင့် သူ၏အိမ်သူအိမ်သားရိုးအကြောင်းကို သိကြ၏။ သူရိုးသည် အခါယပြည်၌ အစိုးသီးသော ယုံကြည်သူများဖြစ်၍ ဘုရားသခင်၏လူရိုးအား အစီခံရန် သူရိုးကိုသူရိုး ဆက်ကပ်ထားသော သူများပင် ဖြစ်ကြ၏။ ငါ၏ ညီအစ်ကိုမောင်နှမရိုး၊ **16** ထိုသို့သောသူရိုး၏ ခေါင်းဆောင်မှုကိုလည်းကောင်း၊ သူရိုးနှင့်အတူ အမှုတော်ဆောင်ရွက်ကြသော သူရိုး၏ခေါင်းဆောင်မှုကိုလည်းကောင်း လက်ခံကြရန် သင်ရိုးအား ငါ တောင်းပန်ပါ၏။ **17** ငါသည် သတေဖန်၊ ဖော်တုနက်နှင့် အခါယကုရိုးရောက်လာကြသဖြင့် ဝမ်းမြောက်ပါ၏။ သူရိုးသည် သင်ရိုး၏ကိုယ်စား ငါ့ကို ပြုစုပီးကြ၏။ **18** သူရိုးသည် သင်ရိုး၏စိတ်ဝိညာဉ်ကို ရွှင်လန်းစီသကဲ့သို့ ငါ့ကိုလည်း ရွှင်လန်းစီ၏။ ထိုသို့သောသူရိုးသည် အသိအမှတ်ပြုခြင်းကို ခံထိုက်ပေ၏။ **19** အာယိုပြည်မှ အသင်းတော်များသည် သင်ရိုးအား နှုတ်ဆက်ကြ၏။ အာကုလ၊ ပြစ်ကိလနှင့် သူရိုးအိမ်၌ ဝတ်ပြုကိုးကွယ်ကြသည့် အသင်းဝင်များကလည်း သခင်ဘုရား၏နာမတော်ဖြင့် လိုက်လံစွာ နှုတ်ဆက်ကြ၏။ **20** ဤအရပ်၌ဟိသော ညီအစ်ကိုမောင်နှမ အပေါင်းကလည်း သင်ရိုးကို နှုတ်ဆက်ကြ၏။ သင်ရိုး အချင်းချင်းသည်လည်း သန့်ယွင်းသော အနမ်းဖြင့် နှုတ်ဆက်ကြလော့။ **21** ငါ ပေါလုသည် ဤနှုတ်ဆက်ခြင်းကို ငါ့လက်ဖြင့် ကိုယ်တိုင် ရိုးလိုက်ပါ၏။ **22** ဇာသူမဆို သခင်ဘုရားကို မချစ်လျှင် — ကျိန်စာသင့်စီသတည်း။ “မာရားနာထာ” သခင်ဘုရား ကြွလာတော်မူပါ။ **23** အသျှင်ယေသျှ၏ ကျေးဇူးတော်သည် သင်ရိုး၌ သက်ရောက်ပါစီသတည်း။ **24** ငါ၏မေတ္တာသည် ခရစ်တော်ယေသျှ၌ ဟိသော သင်ရိုးအားလုံးတွင် တည်ပါစီသတည်း။ အာမင်။

၂ ကောရိန္တ

၁ ဘုရားသခင်၏ အလိုတော်အားဖြင့် ခရစ်တော်ယေသုရှ်၏ တမန်တော်ဖြစ်သူ ငါ၊ ပေါလုနှင့် ငါရို၏ညီ တိမောသေပါးမှ
— **၂** ငါရိုအဖ ဘုရားသခင်နှင့် အသျှင်ယေသုရှ် ခရစ်တော်ထံပါးမှ ကျေးဇူးတော်နှင့် ငြိမ်သက်ခြင်းသည် သင်ရို့၌
သက်ရောက်ပါစိသတည်း။ **၃** ကရုဏာတော်၏ အဖ၊ နှစ်သိမ့်ခြင်း အလုံးစုံတို့ကို ပီးတော်မူသော ဘုရားသခင်၊
အသျှင်ယေသုရှ်ခရစ်တော်၏ ခမည်းတော်ကို ငါရို့ ချီးမွမ်းကြကုန်အံ့။ **၄** ငါရို့သည် ဆင်းရဲဒုက္ခအမျိုးမျိုးကို ခံကြရသောအခါ
ကိုယ်တော်သည် ငါရို့အား နှစ်သိမ့်ခြင်းကို ပီးတော်မူ၏။ သို့ဖြစ်၍ ငါရို့သည် ငါရို့ကိုယ်တိုင် ဘုရားသခင်ထံတော်မှ
ရဟိသော နှစ်သိမ့်ခြင်းအားဖြင့် ဆင်းရဲဒုက္ခအမျိုးမျိုး ခံစားရသူရို့အား နှစ်သိမ့်ပီးနိုင်ရန်ဖြစ်၏။ **၅** ခရစ်တော်၏
များစွာသောဒုက္ခဆင်းရဲကို ငါရို့ ခံစားရသည့်နည်းတူ ခရစ်တော်အားဖြင့် များစွာသော နှစ်သိမ့်ခြင်းကိုလည်း ခံစားရကြ၏။
၆ ငါရို့ ဆင်းရဲဒုက္ခခံရလျှင် ထိုအရာသည် သင်ရို့အတွက် နှစ်သိမ့်ခြင်းနှင့် ကယ်တင်ခြင်း ခံရစီရန် ဖြစ်၏။ သင်ရို့သည်လည်း
ငါရို့ကဲ့သို့ နှစ်သိမ့်ခြင်းကို ခံရကြလျှင် ငါရို့ ခံစားရသော ဆင်းရဲဒုက္ခတို့ကို သည်းခံသောစိတ်နှင့် ခံနိုင်သော ခွန်အားကို
ရကြလိမ့်မည်။ **၇** သို့ဖြစ်၍ ငါရို့၏ မျှော်လင့်ခြင်းသည် သင်ရို့အတွက် ခိုင်မြဲလျက်ဟိ၏။ သင်ရို့သည် ငါရို့၏ ဆင်းရဲဒုက္ခတို့၌
ခံစားရကြသည့်နည်းတူ ငါရို့၏ နှစ်သိမ့်ခြင်းကိုလည်း ခံစားရကြကြောင်းကို ငါရို့သိကြ၏။ **၈** ညီအစ်ကို မောင်နှမရို့၊
အာယိုပြည်တွင် ငါရို့ခံရသည့် ဆင်းရဲဒုက္ခအကြောင်းကို သင်ရို့ ပြန်လည်သတိရစီလို၏။ ငါရို့သည် မခံနိုင်လောက်အောင်
ဆင်းရဲဒုက္ခ ခံရ၍ အသက်ရှင်ဖို့ရန် မျှော်လင့်ချက် မဟိခပေ။ **၉** ငါရို့သည် သီဒဏ်ကျခြင်းကို ခံရသူများဟု
ကိုယ့်ကိုကိုယ် ထင်မှတ်ခကြ၏။ သို့ရာတွင် ဤသို့ ဖြစ်ပျက်ရခြင်းမှာ ငါရို့သည် မိမိကိုယ်ကို အားမကိုးဘဲ သိသောသူရို့အား
ရှင်ပြန်ထမြောက်စီတော်မူသော ဘုရားသခင်ကို အားကိုးကြစီရန်ဖြစ်၏။ **၁၀** ဘုရားသခင်သည် ဤမျှလောက်ကြီးစွာသော
သီဖီးမှ အကျွန်ုပ်ရို့အား ကယ်တင်တော်မူခ၏။ ဆက်လက်၍ ကယ်တင်တော်မူလိမ့်မည်။ နောင်တွင်လည်း
ကယ်တင်တော်မူလိမ့်မည်ဟု ကိုယ်တော်၌ မျှော်လင့်ကြပြီးလျှင်၊ **၁၁** သင်ရို့သည်လည်း ဆုတောင်းခြင်းအားဖြင့် ငါရို့ကို
ကူညီကြ၏။ သို့ဖြစ်၍ များစွာသော သင်ရို့၏ ဆုတောင်းခြင်းကိုလည်း နားညောင်းတော်မူပြီး ဘုရားသခင်သည်
ငါရို့အား ပီးတော်မူသော ဆုကျေးဇူးတော်များအတွက် များစွာသော သူရို့သည် ငါရို့အတွက် ကျေးဇူးတော်ကို
ချီးမွမ်းကြလိမ့်မည်။ **၁၂** ငါရို့၏ ဝါကြားစရာအကြောင်းမှာ ဤလောက၌ အသက်ရှင်စဉ်ကာလ အထူးသဖြင့် သင်ရို့နှင့်
ဆက်ဆံရာတွင် လောကနှင့်ဆိုင်သော အသိဉာဏ်ကို အမှီမပြုဘဲ ဘုရားသခင်၏ ကျေးဇူးတော်ကို အမှီပြုလျက်
ဟိသည်ကိုလည်းကောင်း ဘုရားသခင် ပီးသနားတော်မူသော ရိုးသားဖြူစင်ခြင်းနှင့် သန့်ယှင်းစင်ကြယ်ခြင်းဖြင့်
လည်းကောင်း ကျင့်ကြံပြုမူလျက်ဟိသည်ကို ကိုယ့်ကိုကိုယ်သိသောစိတ်က သက်သီခံလျက်ဟိ၏။ **၁၃** အကြောင်းမူကား
ငါရို့ ပီးပို့လိုက်သော စာများတွင် သင်ရို့ ဖတ်ရှုနားမလည်နိုင်သောအရာ တစ်ခုမျှ ငါ ရိုး၍မပီး။ ငါမျှော်လင့်သည်ကား၊ **၁၄**
ငါရို့၏ သခင်ယေသုရှ် ကြွလာတော်မူရာနိဉ် ငါရို့သည် သင်ရို့အတွက် ဝါကြားနိုင်သကဲ့သို့ သင်ရို့သည် ငါရို့အတွက်
ဝါကြားနိုင်ကြစီရန် သင်ရို့သည် အဂ္ဂ တစ်စိတ်တစ်ပိုင်းသာ နားလည်ကြသည့် အကြောင်းအရာများကို ပြည့်ဝစုံလင်စွာ
နားလည်ကြလိမ့်မည်ဟု ငါမျှော်လင့်၏။ **၁၅** ငါသည် ဤသို့ ယုံကြည်စိတ်ချခြင်းဟိသဖြင့် သင်ရို့သည် နှစ်ဆသော
ကောင်းကြီးကို ခံစားကြစီရန် ငါသည် သင်ရို့ပါးသို့ အယင်ဆုံးလာရန် အလိုဟိ၏။ **၁၆** မာကေဒေါနိပြည်သို့
လားပြီး ထိုပြည်မှ ပြန်လာ၍ ယုဒပြည်သို့ လားရန် လမ်းခရီးအတွက် သင်ရို့ပါးမှ အကူအညီ ရယူနိုင်ရန် ငါ၌
အကြံဟိ၏။ **၁၇** ထိုသို့ ကြံစည်ခခြင်းမှာ ငါသည် ပေါ့ဆီပေါ့ဆ လုပ်ခသလား။ ငါ၏ ကြံစည် ဆုံးဖြတ်သည့်အခါများ၌
တစ်ကိုယ်ကောင်းသဘောဆန်၍ ကြံစည်ဆုံးဖြတ်သလား။ တစ်ချိန်တည်းမှာပင် “ဟုတ်မှန်၏” “မဟုတ်မှန်၏”
ဟူ၍ စကားနှစ်ခွ ပြောခသလား။ **၁၈** ဘုရားသခင်သည် သစ္စာနှင့်ပြည့်စုံသကဲ့သို့ ငါရို့၏စကားသည်လည်း
“ဟုတ်မှန်၏” “မဟုတ်မှန်၏” ဟူ၍ မဆိုလို။ **၁၉** အကြောင်းမူကား၊ ငါမှစ၍ သိလွှာနှင့် တိမောသေရို့ သည်

သင်ရိုးအား ဟောပြောသော ဘုရားသခင်၏သားတော် ယေသျှုခရစ်တော်သည် “ဟုတ်မှန်၏” “မဟုတ်မှန်၏” ဟူ၍ ပြောသော သခင် မဟုတ်၊ အမြဲတမ်း ဟုတ်မှန်သော သခင်ဖြစ်တော်မူ၏။ 20 အကြောင်းမူကား ဘုရားသခင်၏ ကတိတော်အပေါင်းရှိသည် “ဟုတ်မှန်သည်” ဟု ဖော်ပြသော ခရစ်တော် ဖြစ်တော်မူ၏။ ထို့ကြောင့် ငါရိုးသည် ဘုရားသခင်၏ ဘုန်းတန်ခိုးတော်အဖို့အလိုငှာ ယေသျှုခရစ်တော်အားဖြင့် “အာမင်” ဟု ဆိုခြင်းဖြစ်၏။ 21 သင်ရိုးနှင့် ငါရိုးကို ခရစ်တော်၌ တည်စီတော်မူသော အသျှင်မှာ ဘုရားသခင် ဖြစ်တော်မူ၏။ ကိုယ်တော် ငါရိုးအား ဘိသိက်ပီးတော်မူ၍၊ 22 ကိုယ်တော်သည် ငါရိုး၏ ပိုင်သျှင်အဖြစ် ငါရိုးကို တံဆိပ်ခတ်နှိပ်တော်မူ၍ ငါရိုး၏ စိတ်နှလုံးထဲ၌ သန့်ယှဉ်သော ဝိညာဉ်တော်ကို ငါရိုးအတွက် သို့ထားတော်မူသော အရာအားလုံး၏ စရံအဖြစ်ဖြင့် ပီးထားတော်မူ၏။ 23 ငါသည် — ငါ့အသက်ဖြင့် အာမခံ၍ — ဘုရားသခင်ကို သက်သီအဖြစ် ထားလျက် ကောရိန္တမြို့သို့ ပြန်မလာခြင်းမှာ သင်ရိုးကို ငဲ့ညှာသနားသောကြောင့်ဖြစ်၏။ 24 သင်ရိုးသည် မည်သည့်အရာကို ယုံကြည်ရမည်ကို အမိန့်ပီးရန် ငါရိုး ကြိုးစားနိုင်ခြင်း မဟုတ်။ ငါရိုးကလည်း သင်ရိုးဝမ်းမြောက်ခြင်းအတွက် သင်ရိုးနှင့်အတူ လုပ်ဆောင်သောသူများသာဖြစ်၏။ အကြောင်းမူကား သင်ရိုး၏ ယုံကြည်ခြင်းသည် ခိုင်မာလျက်ဟိကြောင်းကို ငါရိုး သိကြသောကြောင့်ဖြစ်၏။

2 ထို့ကြောင့် သင်ရိုးပါးသို့ နောက်တစ်ခေါက် ငါလာလျှင် သင်ရိုးအား ဝမ်းနည်းစီမည်ဖြစ်၍ ငါမလာဖို့ရန် ဆုံးဖြတ်ထား၏။

2 အကြောင်းမူကား ငါသည် သင်ရိုးကို ဝမ်းနည်းအောင် ပြုပါလျှင်၊ ငါ့ကြောင့် ဝမ်းနည်းရသူကလွဲ၍ ဇာသူက ငါ့ကို ရွှင်လန်းစီနိုင်မည်နည်း။ 3 ငါလာသောအခါ ငါ့ကို စိတ်ရွှင်လန်းစီမည့်သူများက ငါ့အား ဝမ်းနည်းစီမည်ကို စိုးရိမ်၍ ဤစာကို ရိုး၍ ပီးလိုက်ခြင်းဖြစ်၏။ ငါပျော်ရွှင်လျှင် သင်ရိုးသည်လည်း ပျော်ရွှင်ကြမည်ကို ငါအမှန် ယုံကြည်၏။ 4 သင်ရိုးကို ဝမ်းနည်းစီဖို့ရန် မဟုတ်ဘဲ သင်ရိုးအား ငါဇာလောက် ချစ်ကြောင်းကို သိစိလို၍ ငါသည် ကြီးစွာသော ဒုက္ခ၊ စိတ်ပူပန်ခြင်းနှင့် မျက်ရည်များစွာကျပြီး ဤစာကို ရိုးလိုက်ခြင်းဖြစ်၏။ 5 တစ်စုံတစ်ယောက်က အခြားတစ်ယောက်ကို ဝမ်းနည်းစီသောအခါ ထိုသူသည် ငါ့ကိုသာ ဝမ်းနည်းစီသည် မဟုတ်ဘဲ သင်ရိုးအားလုံး မဟုတ်သည့်တိုင်အောင် တချို့ကို ဝမ်းနည်းစီခြင်း ဖြစ်၏။ (ထိုသူကို တင်းကျပ်စွာ မစီရင်လို၍ ဤသို့ ဆိုခြင်းဖြစ်၏။) 6 သင်ရိုးအထဲမှ လူအများစု၏ ပြစ်ဒဏ်ပီးခြင်းသည် သူ့အတွက် လုံလောက်ပေ၏။ 7 သို့ ဖြစ်၍ သူသည် ကြီးစွာသော ဝမ်းနည်းမှု မဖြစ်စီရန် ထိုသို့ ပြစ်ဒဏ်ပီးမည့်အစား အဂုတွင် သင်ရိုးသည် သူ့ကို ခွင့်ရွတ်၍ နှစ်သိမ့်အားပီးကြလော့။ 8 ထို့ကြောင့် သင်ရိုးသည် သူ့ကို စစ်မှန်သော မေတ္တာထားကြောင်းကို ထိုသူ သိစိခြင်းငှာ သင်ရိုးအား ငါတောင်းပန်၏။ 9 ထိုစာကို ရိုးသားခရသည့်အကြောင်းမှာ သင်ရိုးသည် စုံစမ်းခြင်းကို ခံနိုင်ရည်ဟိစိခြင်းငှာ လည်းကောင်း၊ ငါ၏ ညွှန်ကြားချက်များကို နာခံမှု ဟိစိခြင်းငှာ လည်းကောင်း သိလို၍ ဖြစ်၏။ 10 သင်ရိုးသည် တစ်စုံတစ်ယောက်ကို ခွင့်ရွတ်လျှင် ငါသည်လည်း ထိုသူကို ခွင့်ရွတ်၏။ ငါသည် တစ်စုံတစ်ယောက်ကို ခွင့်ရွတ်ရန် လိုအပ်လျှင် သင်ရိုး အကျိုးကိုထောက်၍ ခရစ်တော်၏ ရှိတော်၌ ထိုသူကို ခွင့်ရွတ်၏။ 11 ထိုသို့ပြုလျှင် စာတန်သည် ငါရိုးကို အနိုင်မရစီရန် တားဆီးနိုင်မည်။ ဇာကြောင့်ဆိုသော် ငါရိုးသည် စာတန်၏ အကြံအစည်များကို သိသောကြောင့်ဖြစ်၏။ 12 ခရစ်တော်၏အကြောင်း သတင်းကောင်းကို ဟောပြောရန် တရောမြို့သို့ ငါရောက်လာသောအခါ အမှုတော်ကို ထမ်းဆောင်နိုင်ရန်အတွက် သခင်ဘုရားသည် ငါ့အား တန်းခါးကို ဖွင့်ပီးတော်မူ၏။ 13 သို့သော် ငါရိုးညီအစ်ကို တိတုကို မတို့ရသဖြင့် ငါသည် အလွန် စိတ်ပူပန်ခြင်းဖြစ်၏။ ထို့ကြောင့် ငါသည် ထိုမြို့မှ လူတို့ကို နှုတ်ဆက်ပြီးလျှင် မာကေဒေါနီပြည်သို့ ထွက်လာလေ၏။ 14 သို့ရာတွင် ငါရိုးကို ခရစ်တော်၌ အစဉ်မပြတ် အောင်ပွဲခံစီ၍ ကိုယ်တော်ကို သိသောဉာဏ်၏ မွှီးကြိုင်သောရနံ့ကို နီရာတိုင်း၌ ငါရိုးအားဖြင့် ပြန့်နှံ့စီတော်မူသော ဘုရားသခင်၏ ကျေးဇူးတော်ကို ချီးမွမ်းကြလော့။ 15 ဇာကြောင့်ဆိုသော် ငါရိုးသည် ဘုရားသခင်အား ခရစ်တော်ပူဇော်သည့် မွှီးကြိုင်သောရနံ့ဖြစ်ကြပြီးလျှင် ထိုရနံ့သည် ကယ်တင်ခြင်း ခံရသော သူရိုးပါးသို့ လည်းကောင်း၊ ပျက်စီးခြင်းသို့ရောက်သော သူရိုးပါးသို့ လည်းကောင်း ပြန့်နှံ့လေ၏။ 16 ပျက်စီးခြင်းသို့ ရောက်သောသူရိုးအတွက်

ထိုရန်သည် သီခြင်းတရား၏ရန်ဖြစ်၍ ကယ်တင်ခြင်းခံရသော သူရိုအတွက် အသက်ရှင်ခြင်း၏ရန် ဖြစ်ပေ၏။ သို့ဖြစ်၍ ဇာသူသည် ဤကဲ့သို့သော အမှုကို ဆောင်ရွက်နိုင်မည်နည်း။ 17 ငါရိုသည် များစွာသောသူရိုပြုသကဲ့သို့ ဘုရားသခင်၏ နှုတ်ကပတ်တရားတော်ကို ကိုယ်ကျိုးအတွက် ဟောပြောခြင်း မဟုတ်ဘဲ ငါရိုအား ဘုရားသခင် စီစဉ်တော်မူသောကြောင့် ကိုယ်တော်၏ ရှိတော်၌ ဖြူစင်သောစိတ်ဖြင့် ခရစ်တော်၏ အခိုင်းအစီများကဲ့သို့ ငါရို ဟောပြောကြ၏။

3 ဤသို့ဆိုလျှင် ငါရိုသည် ကိုယ့်ကိုကိုယ် တဖန် ဝါကြားစရာအကြောင်း ဖြစ်သလော။ အခြားသော လူတချို့ကဲ့သို့ ငါရိုသည် ထောက်ခံချက်တို့ကို သင်ရိုအား ပီးရန် လိုအပ်သလော။ မဟုတ်လျှင် သင်ရိုပါးက ထောက်ခံချက်ကို ငါရို ယူရဦးမည်လော။ 2 သင်ရိုကိုယ်တိုင်ပင် ငါရို၏စာ ဖြစ်ကြ၏။ ထိုစာကို လူတိုင်းဖတ်ရှုပြီး သိစိန်ခံရန် ငါရို၏ နှလုံးသားတွင် ရိုးသားထား၏။ 3 ထိုစာကို ခရစ်တော်ကိုယ်တိုင်ရေး၍ ငါရိုအားဖြင့် ပီးပို့တော်မူသည်မှာ ထင်ရှား၏။ ထိုစာသည် မှင်နှင့် ရိုးသောစာ မဟုတ်ဘဲ အသက်ရှင်တော်မူသော ဘုရားသခင်၏ ဝိညာဉ်တော်ဖြင့် ရိုးသောစာဖြစ်၏။ ထိုစာသည် ကျောက်ပြားထက်တွင် ရိုးသားခြင်း မဟုတ်ဘဲ လူနှလုံးသားထက်တွင် ရိုးသားထားခြင်း ဖြစ်၏။ 4 ငါရိုသည် ဘုရားသခင်၏ ရှိတော်၌ ခရစ်တော်ကို အမှီပြု၍ ထိုသို့ ယုံကြည်စိတ်ချမှုကို ရကြ၏။ 5 မိမိရိုသည် ဤအမှုကို လုပ်ဆောင်နိုင်သည်ဟု ပြောဆိုနိုင်ရန် ငါရို၌ အစွမ်းအစမဟိ။ ငါရို၏ အစွမ်းအစသည် ဘုရားသခင်ထံပါးမှ လာခြင်းဖြစ်၏။ 6 ပဋိညာဉ်တရားအသစ်အတွက် ဆောင်ရွက်နိုင်ရန် ကိုယ်တော်သည် ငါရိုအား အစွမ်းအစကို ပီးတော်မူ၏။ ထိုပဋိညာဉ်တရားအသစ်ကား ပညတ်တရားတွင် ပါဝင်သည် မဟုတ်။ ဝိညာဉ်တော်၏ တရားဖြစ်၏။ ရိုးသားထားသော ပညတ်တရားသည် အသက်ကို သီစိတ်တော်သော်လည်း ဝိညာဉ်တော်မူကား အသက်ကို ရှင်စိတ်တော်၏။ 7 ကျောက်ပြားထက်၌ ပညတ်တရားကို ရိုးထွင်းစဉ်က ဘုရားသခင်၏ ဘုန်းတန်ခိုးတော် ထွန်းလင်းတောက်ပတော်မူ၏။ တဖြည်းဖြည်း မှေးမှိန်တတ်သော ရောင်ခြည်တည်းဟူသော မောသျှ၏ မျက်နှာမှထွက်သော ရောင်ခြည်ကြောင့် ဣသရေလအမျိုးသားရိုသည် သူ့ကို စိစိ မကြည့်နိုင်ကြ။ သီခြင်းတရားကို ဖြစ်ပေါ်စီသည့် ပညတ်တရားကို ဤသို့သော ဘုန်းတန်ခိုးတော်ဖြင့် တောက်ပတော်မူပါလျှင်၊ 8 ဝိညာဉ်တော်၏ လုပ်ဆောင်မှုနှင့်ဆိုင်သော ဘုန်းတန်ခိုးတော်သည် ဇာလောက် သာလွန် တောက်ပလိမ့်မည်နည်း။ 9 အပြစ်ဒဏ်စီရင်ခြင်းနှင့် သက်ဆိုင်သော တရားသည် ဘုန်းတန်ခိုးတော်နှင့်ပြည့်စုံပါလျှင် ဖြောင့်မတ်ခြင်းနှင့်သက်ဆိုင်သော လုပ်ဆောင်မှုသည် ဇာလောက် သာလွန်၍ ဘုန်းတန်ခိုးတော်နှင့် ပြည့်စုံလိမ့်မည်နည်း။ 10 အဂုအခါ၌ သာလွန်တောက်ပသော ဘုန်းတန်ခိုးတော်ကြောင့် အယင်က တောက်ပသော ဘုန်းတန်ခိုးတော်သည် ကွယ်ပျောက်လားရ၏။ 11 မတည်မြဲသောအရာ၌ ဘုန်းတန်ခိုးတော်သည် တည်ဟိပါလျှင် ထိုဘုန်းတန်တော်သည် ထာဝရ တည်မြဲသောအရာ၌ ဇာလောက်ထိ တည်ဟိလိမ့်မည်နည်း။ 12 ထို့ကြောင့် ငါရိုသည် ဤသို့သော မျှော်လင့်ခြင်း ဟိကြသဖြင့် အလွန်ရဲရင့်ကြ၏။ 13 ငါရိုသည် မောသျှကဲ့သို့ မဟုတ်။ သူသည် မိမိမျက်နှာမှ တောက်ပသောရောင်ခြည် မှေးမှိန်ကွယ်ပျောက်လားသည်ကို ဣသရေလအမျိုးသားရို မတွဲမမြင်နိုင်ကြစီရန် မျက်နှာကို ပုဝါပိုင်းဖြင့် ဖုံးအုပ်ထားရလေ၏။ 14 ထိုသူရို၏ စိတ်နှလုံးသည် ခိုင်မာလျက်ဟိ၍ ဤနို့တိုင်အောင် ပဋိညာဉ်တရားဟောင်းကို ဖတ်သောအခါ သူရို၏စိတ်နှလုံးသည် ထိုပုဝါပိုင်းဖြင့် ဖုံးအုပ်လျက်ဟိ၏။ ခရစ်တော်အားဖြင့်သာလျှင် ထိုပုဝါပိုင်းကို ဖယ်ယှားရ၏။ 15 ဤနို့တိုင်အောင်ပင် မောသျှ၏ ပညတ်ကျမ်းကို ဖတ်ကြသည့်အခါများ၌ သူရို၏ စိတ်နှလုံးသည် ပုဝါပိုင်းဖြင့် ဖုံးအုပ်လျက်ပင် ဟိသိမ့်၏။ 16 သို့ရာတွင် ဇာသူမဆို သခင်ဘုရားထံတော်သို့ ပြန်လှည့်လာသောအခါ ပုဝါပိုင်းကို ဖယ်ယှားကြရ၏။ 17 အဂုတွင် သခင်ဘုရား ဟူသည်မှာ ဝိညာဉ်တော်ဖြစ်၏။ သခင်ဘုရား၏ ဝိညာဉ်တော် ဟိရာအရပ်၌ လွတ်လပ်မှုဟိ၏။ 18 ငါရိုအားလုံးသည် မျက်နှာကို မဖုံးအုပ်ဘဲ ဘုရားသခင်၏ ဘုန်းတန်ခိုးတော်သည် ထင်ဟပ်လျက် ဟိကြ၏။ ထိုဘုန်းတန်ခိုးတော်သည် သခင်ဘုရားထံမှ လာသော ဝိညာဉ်တော်ဖြစ်၏။ ထိုဝိညာဉ်တော်သည် ကြီးစွာသော ဘုန်းတန်ခိုးတော်၌ ကိုယ်တော်၏ ပုံသဏ္ဌာန်တော်နှင့်အညီ ငါရိုကို ပြောင်းလဲစီတော်မူ၏။

4 ဘုရားသခင်သည် မိမိ၏ကရုဏာတော်နှင့်အညီ ငါရို့အား ဤအမှုတော်လုပ်ငန်းကို ပီးအပ်တော်မူသည်ဖြစ်ရာ ငါရို့သည် စိတ်ပျက်အားလျော့ခြင်း မဟီ။ **2** ငါရို့သည် ဖုံးအုပ်ထားသော အရာအားလုံးနှင့် ရှက်ဖွယ်ကောင်းသော အပြုအမူများကို စွန့်ပယ်၍ လိမ်လည်မှုကိုမပြုဘဲ ဘုရားသခင်၏ နှုတ်ကပတ်တော်ကို မှောက်လှန်၍ မဟောပြော။ ငါရို့သည် ဘုရားသခင်၏ မျက်မှောက်တော်၌ သမ္မာတရား၏အလင်းတွင် အသက်ရှင်လှုပ်ရှား၍ လူအပေါင်းရို့၏ အသိစိတ်ကို ကြည်လင်အောင် ပြုမူဆောင်ရွက်ကြ၏။ **3** အကယ်၍ ငါရို့ဟောပြောသည့် ဧဝံဂေလိတရားသည် ဖုံးအုပ်လျက်ဟိလျှင် ပျက်စီးဆုံးရှုံးခြင်းသို့ ရောက်သောသူတို့အတွက်သာ ဖြစ်၏။ **4** ထို့ကြောင့် ဤလောကကို အစိုးရသောဘုရားသည် မယုံကြည်သောသူရို့၏စိတ်ကို အမှောင်ဖုံးထားသဖြင့် ဘုရားသခင်၏ ပုံသဏ္ဌာန်တော်တည်းဟူသော ခရစ်တော်၏ ဘုန်းတန်ခိုးတော်အကြောင်း သတင်းကောင်း၏ အလင်းကို သူရို့သည် မမြင်ရကြ။ (aiōn g165) **5** အကြောင်းမူကား ငါရို့သည် မိမိအကြောင်းကို ဟောပြောကြသည် မဟုတ်။ ယေသျှုခရစ်တော်သည် သခင်ဘုရား ဖြစ်တော်မူကြောင်းကိုလည်းကောင်း၊ ငါရို့သည် ယေသျှုအတွက် သင်ရို့၏ အခိုင်းအစီများ ဖြစ်ကြောင်းကိုလည်းကောင်း ဟောပြောကြ၏။ **6** ခရစ်တော်၏ မျက်နှာတော်တွင် ထွန်းလင်းလျက်ဟိသော ဘုရားသခင်၏ ဘုန်းတန်ခိုးတော်အကြောင်းကို သိနိုင်စီခြင်းငှာ ငါရို့၏ စိတ်နှလုံး၌ အလင်းကို ထွန်းလင်းစီတော်မူသော ဘုရားသခင်ကား “အမှောင်ထဲမှ အလင်းပေါ်ထွန်းလိမ့်မည်” ဟု မိန့်တော်မူသော ဘုရားသခင်ပင် ဖြစ်သတည်း။ **7** သို့သော် အလွန်ထူးမြတ်သော တန်ခိုးသည် ငါရို့ပါးက မဟုတ်ဘဲ ဘုရားသခင်ထံမှ ဖြစ်ကြောင်းကို ထင်ရှားစီရန် မြီအိုးထဲ၌ ထည့်ထားသော ဤဝိညာဉ်ဘဏ္ဍာသည် ငါရို့၌ ဟိ၏။ **8** ငါရို့သည် မကြာခဏ ဆင်းရဲဒုက္ခ ရောက်ကြသော်လည်း နာလန်မထူနိုင်အောင် ဖြစ်သည် မဟုတ်။ တစ်ခါတရံ ဝေခွဲမရ ဖြစ်နိုင်သော်လည်း မည်သည့်အခါမျှ စိတ်မပျက်။ **9** ငါရို့၌ ရန်သူအများ ဟိသော်လည်း မိတ်ဆွီကင်းမဲ့သည် ဟူ၍မဟီ။ အလဲထိုး ခံရသော်လည်း ဆုံးရှုံးခြင်းသို့မရောက်။ **10** ငါရို့သည် ယေသျှု အသက်ရှင်တော်မူကြောင်းကို ငါရို့၏ခန္ဓာကိုယ်၌ ထင်ရှားစီရန် ယေသျှု အသိခံတော်မူခြင်းဆိုင်ရာ ဒုက္ခဝေဒနာကို ငါရို့၏ ကိုယ်ခန္ဓာ၌ အမြဲတမ်း ခံယူထားကြ၏။ **11** ယေသျှု အသက်ရှင်တော်မူခြင်းသည် သီတတ်သော ငါရို့ကိုယ်ခန္ဓာ၌ ထင်ရှားမည်အကြောင်း ငါရို့သည် အသက်ရှင်လျက် ဟိသမျှကာလပတ်လုံး ယေသျှုအတွက် သီဖီးနှင့် ရင်ဆိုင်လျက် နိန့်ကြရ၏။ **12** သို့ဖြစ်၍ ငါရို့ထံ၌ သီခြင်းတရားသည် ရှင်သန်လျက် ဟိသော်လည်း အသက်ရှင်ခြင်း တရားသည် သင်ရို့ထံ၌ ရှင်သန်လျက်ဟိ၏။ **13** ကျမ်းစာတော်မြတ်တွင် “ငါယုံကြည်သောကြောင့် ငါဟောပြောသည်” ဟု ပါဟိ၏။ ထိုယုံကြည်ခြင်းနှင့်ဆိုင်သော ဝိညာဉ်တော်ကို ငါရို့ရဟိကြသည်နှင့်အညီ ငါရို့သည်လည်း ယုံကြည်သောစိတ် ဟိသောကြောင့် ဟောပြောကြ၏။ **14** အသျှင်ယေသျှုအား သီခြင်းတရားမှ ရှင်ပြန်ထမြောက်စီသော ဘုရားသခင်သည် ငါရို့ကိုလည်း ယေသျှုနှင့်အတူ ရှင်ပြန်ထမြောက်စီတော်မူပြီးလျှင် သင်ရို့နှင့်အတူ ကိုယ်တော်၏ ရှိတော်မှောက်သို့ ခေါ်ဆောင်တော်မူမည့်အကြောင်းကို ငါရို့ သိကြ၏။ **15** ဤအမှုအရာအားလုံးသည် သင်ရို့၏ အကျိုးအလို့ငှာ ဖြစ်ကြ၏။ ဘုရားသခင်၏ ကျေးဇူးတော်ကို ခံစားရသူ ပို၍ပို၍ တိုးပွားလာသည်နှင့်အမျှ ဘုရားသခင်၏ ကျေးဇူးတော်ကို ချီးမွမ်းသောသူများသည်လည်း ပို၍ များပြားလာသောကြောင့် ဘုန်းတော် ထင်ရှားလာလိမ့်မည်။ **16** ဤအကြောင်းကြောင့် ငါရို့သည် မည်သည့်အခါမျှ စိတ်ပျက်အားလျော့ခြင်း မဟီကြ။ ငါရို့၏ ကိုယ်ခန္ဓာသည် တဖြည်းဖြည်း ယိုယွင်းပျက်စီးလာသော်လည်း ငါရို့၏ ဝိညာဉ်မူကား တစ်နိထက်တစ်နိ အသစ်ပြုပြင်ခြင်းကို ခံရကြ၏။ **17** အကြောင်းမူကား ငါရို့သည် ခဏတစ်ဖြုတ်သာ ခံစားရသော ပေါ့ပါးသည့် ဆင်းရဲဒုက္ခသည် အတိုင်းထက်အလွန် ကြီးမြတ်သော ထာဝရဘုန်းတန်ခိုးတော်ကို ငါရို့အား ခံစားစီလိမ့်မည်။ (aiōnios g166) **18** ထို့ကြောင့် ငါရို့သည် မြင်နိုင်သော အရာများကို အာရုံမစိုက်ဘဲ မမြင်နိုင်သော အရာများကို အာရုံစိုက်ကြ၏။ မြင်နိုင်သော အရာများသည် ခဏတစ်ဖြုတ်သာ တည်သော်လည်း မမြင်နိုင်သောအရာမူကား အမြဲထာဝရတည်သတည်း။ (aiōnios g166)

5 ယာယီတဲဖြစ်သော ငါရီ၏ မြီကြီးခန္ဓာသည် ပျက်စီးလားလျှင် ကောင်းကင်ဘုံ၌ လူ့လက်ဖြင့် မတည်ဆောက်ဘဲ ဘုရားသခင် တည်ဆောက်တော်မူသော ထာဝရအိမ် ဟိကြောင်းကို ငါရီ သိကြ၏။ (aiōnios g166) ၂ ဤယာယီတဲတွင် အဂု နီထိုင်စဉ် ကောင်းကင်မှ ငါရီ၏ အိမ်ကို အလွန်တောင်းတသဖြင့် ငါရီသည် ညည်းတွားကြ၏။ ၃ ထိုသို့ ကောင်းကင်အိမ်သို့ ဝင်စားသောအခါ ငါရီကို အဝတ်ဗလာနှင့် တို့ကြရလိမ့်မည် မဟုတ်။ ၄ ထိုမြီကြီးခန္ဓာ၌ နီရစဉ် ငါရီသည် ဒုက္ခကို ခံစားရ၍ ညည်းတွားကြ၏။ ထိုသို့ ညည်းတွားခြင်းမှာ ငါရီ၏ မြီကြီးခန္ဓာကို ဖယ်ယှားလို၍ မဟုတ်။ သီတတ်သောအရာကို အမြဲတမ်း အသက်ရှင်သည့်အရာသို့ ပြောင်းလဲစီရန် ကောင်းကင်ဘုံနှင့်ဆိုင်သော ခန္ဓာကို လိုချင်သောကြောင့်ဖြစ်၏။ ၅ ဤသို့ပြောင်းလဲရန် ငါရီကို ပြုပြင်ပီးသော အသျှင်သည် ဝိညာဉ်တော်ကို ငါရီအထဲ၌ သိုထား၍ ဇရံအဖြစ် ငါရီအား ပီးတော်မူသော ဘုရားသခင်ပင် ဖြစ်သတည်း။ ၆ ထို့ကြောင့် ငါရီသည် အမြဲတမ်း ယုံကြည်စိတ်ချမှုနှင့် ပြည့်ဝကြပေသည်။ ဤကိုယ်ခန္ဓာအိမ်၌ ဟိန်နိသမျှကာလပတ်လုံး ငါရီသည် သခင်ဘုရား၏ အိမ်တော်နှင့် ဝီးကွာလျက်ဟိကြသည်ဟု ငါရီသည် သိကြ၏။ ၇ အကြောင်းမူကား ငါရီသည် အမြင်အားဖြင့် မဟုတ်ဘဲ ယုံကြည်ခြင်းအားဖြင့် အသက်ရှင်ကြ၏။ ၈ ငါရီသည် ယုံကြည်စိတ်ချမှုနှင့် ပြည့်ဝကြပြီးလျှင် ဤခန္ဓာအိမ်ကို စွန့်ခွဲ၍ သခင်ဘုရားနှင့်အတူ အိမ်တော်၌ နီထိုင်ရန် ပို၍ အလိုဟိကြ၏။ ၉ ငါရီသည် ဤအရပ်၌ ဟိသည်ဖြစ်စီ၊ ထိုအရပ်၌ ဟိသည်ဖြစ်စီ ကိုယ်တော် နှစ်သက်စီခြင်းငှာ သာ၍ အလိုဟိကြ၏။ ၁၀ မည်သို့ပင်ဖြစ်စီ ငါရီအားလုံးသည် တရားစီရင်ခြင်းကိုခံရန် ခရစ်တော်၏ တရားပလ္လင်ရှိသို့ ရောက်ရမည် ဖြစ်၏။ ငါရီ၏ခန္ဓာ အသက်ရှင်နိုင်စဉ်က ပြုမူခသည့် ကောင်းမှု၊ မကောင်းမှုများအတွက် ထိုက်တန်သော အကျိုးအပြစ်ကို လူတိုင်း ခံရကြလိမ့်မည်။ ၁၁ သခင်ဘုရားကို ကြောက်ရွံ့ခြင်းနှင့် ပတ်သတ်၍ ငါရီသည် သိသဖြင့် တခြားလူတို့ကို ကြိုးစား၍ စည်းရုံးခြင်း ဖြစ်ကြ၏။ ဘုရားသခင်သည် ငါရီကို အကြွင်းမဲ့ သိတော်မူသည်ဖြစ်၍ သင်ရိုသည်လည်း သင်ရို၏ စိတ်ထဲ၌ ငါ့ကို ကောင်းစွာသိလိမ့်မည်ဟု မျှော်လင့်၏။ ၁၂ ငါရီသည် သင်ရိုရှိ၌ မိမိကိုယ်ကို ချီးမွမ်းခံလို၍ တဖန် ကြိုးစားခြင်း မဟုတ်။ သင်ရိုသည် ငါရီကြောင့် ဂုဏ်ယူနိုင်ကြစီရန် ကြိုးစားခြင်းသာ ဖြစ်၏။ ထို့မှသာ လူ၏ အတွင်းသဘောကို မထောက်ဘဲ ပြင်ပသဏ္ဌာန်ကိုသာ ထောက်၍ ဝါကြားတတ်သောသူရိုကို သင်ရိုသည် ပြန်လည် ချေပနိုင်ကြပေမည်။ ၁၃ ငါရီသည် အမှန်ပင် ရူးသွပ်လေပြီလား။ ရူးသွပ်လျှင်မူကား ဘုရားသခင်အဖို့ ဖြစ်၏။ အကယ်၍ မရူးသွပ်လျှင်လည်း သင်ရိုအဖို့ ဖြစ်၏။ ၁၄ ခရစ်တော်၏ မေတ္တာတော်သည် ငါရီကို လွှမ်းမိုးလျက်ဟိ၏။ အကြောင်းမူကား တစ်ယောက်သောသူသည် လူတိုင်းအတွက် အသိခံသည်ဖြစ်၍ လူအပေါင်းရိုသည် ထိုသူနှင့်အတူ သီလျက်ဟိကြောင်းကို အဂုအခါ ငါရီသည် သိကြ၏။ ၁၅ ကိုယ်တော်သည် လူအပေါင်းရိုအတွက် အသိခံတော်မူသည့်အကြောင်းမှာ အသက်ရှင်လျက်ဟိသော သူရိုသည် မိမိရိုအတွက် အသက်မရှင်ကြတော့ဘဲ မိမိရိုအတွက် အသက်ကို စွန့်တော်မူပြီး ရှင်ပြန်ထမြောက်တော်မူသော သခင်အဖို့ အသက်ရှင်ကြစီရန် ဖြစ်သတည်း။ ၁၆ သို့ဖြစ်၍ ငါရီသည် အဂုမှစ၍ မည်သူ့ကိုမျှ လူ့အမြင်အားဖြင့် မစီရင်ယာ။ အယင်က ခရစ်တော်အား လူ့အမြင်အားဖြင့် ငါရီ စီရင်ကြသော်လည်း အဂုကား ထိုသို့မပြုယာ။ ၁၇ မည်သူမဆို ခရစ်တော်၌ဟိလျှင် အသစ် ဖန်ဆင်းခံရသော သတ္တဝါဖြစ်၏။ ဟောင်းသောအရာများသည် ကွယ်ပျောက်လား၍ ခပ်သိမ်းသောအရာရိုသည် အသစ် ဖြစ်လာကြ၏။ ၁၈ ဤအမှုအရာ အားလုံးသည် ဘုရားသခင် ပြုတော်မူခြင်း ဖြစ်၏။ ဘုရားသခင်သည် ခရစ်တော်အားဖြင့် ငါရီကို မိမိနှင့် ပြန်လည်သင့်မြတ်စီ၍ ပြန်လည်သင့်မြတ်ခြင်းနှင့်ဆိုင်သော အမှုတော်ကို ငါရီအား ပီးအပ်တော်မူ၏။ ၁၉ ထိုအမှုတော်ကား ဘုရားသခင်သည် လောကလူသားအပေါင်းရိုအား ခရစ်တော်အားဖြင့် မိမိနှင့် သင့်မြတ်စီခြင်းဖြစ်၏။ ဘုရားသခင်သည် လောကီသားရို၏ အပြစ်ဒုစရိုက်များကို မှတ်ထားတော်မူမူ။ သူရိုအား ခရစ်တော်နှင့် ပြန်လည်သင့်မြတ်ခြင်းနှင့်ဆိုင်သော သတင်းစကားကို ငါရီ၌ အပ်ထားတော်မူပေသည်။ ၂၀ သို့ ဖြစ်၍ ငါရီသည် ခရစ်တော်၏ သံတမန်ဖြစ်ကြ၍ ဘုရားသခင်သည် ငါရီအားဖြင့် သင်ရိုကို တိုက်တွန်းတော်မူ၏။ သင်ရိုသည် ဘုရားသခင်နှင့် ပြန်လည်သင့်မြတ်ကြလော့ဟု ခရစ်တော်၏ကိုယ်စား ငါရီသည် တောင်းပန်၏။ ၂၁ ခရစ်တော်သည်

အပြစ်ကင်းသော်လည်း ဘုရားသခင်သည် ငါရဲ့အပြစ်အတွက်ကြောင့် ခရစ်တော်အား အပြစ်ဟိသောသူဟု မှတ်တော်မူ၏။ ဤသည်ကား ငါရဲ့သည် ထိုအသျှင်အားဖြင့် ဘုရားသခင်ရှိတော်၌ ဖြောင့်မတ်သောသူ ဖြစ်မည်အကြောင်းတည်း။

6 ငါရဲ့သည် ဘုရားသခင်၏ လုပ်ဖော်ဆောင်ဖက်များ ဖြစ်ကြသည်နှင့်အညီ သင်ရဲ့သည် ဘုရားသခင်၏ ကျေးဇူးတော်ကို ခံစားရသောသူများဖြစ်၍၊ ထိုကျေးဇူးတော်ကို အကျိုးမဲ့ မဖြစ်စီကြရန် သင်ရဲ့အား တောင်းပန်၏။ **2** အကြောင်းမူကား ဘုရားသခင်က “ငါသည် သင်ရဲ့အား ကျေးဇူးပြုရန် အချိန် ရောက်လာသောအခါ၊ သင်ရဲ့ စကားကို ငါနားထောင်ယာ။ ကယ်တင်ရာနို့ရက် ရောက်လာသောအခါ၊ သင်ရဲ့ကို ကူညီမစေယာ” ဟု မိန့်တော်မူ၏။ နားထောင်ကြလော့။ ဘုရားသခင်၏ ကျေးဇူးပြုခြင်းကို ခံရသောအချိန်ကား အဂုဏ် ဖြစ်၏။ ကယ်တင်ရာနို့ရက်သည်လည်း ဤနဲ့ပင် ဖြစ်၏။ **3** ငါရဲ့၏ အမှုတော်ဆောင်ခြင်းနှင့် ပတ်သတ်၍ ဇာသူလေ အပြစ်မရှာနိုင်စီရန် ငါရဲ့သည် သူတစ်ပါး၏လမ်းကို အတားအဆီး တစ်စုံတစ်ခုကိုမျှ မပြု။ **4** ငါရဲ့သည် ထိုသို့ပြုမည့်အစား ဆင်းရဲဒုက္ခများ၊ ပူပင်သောကများ၊ အခက်အခဲများကို အလွန် စိတ်ရှည်သည်းခံလျက် အရာရာတိုင်းတွင် ဘုရားသခင်၏ အခိုင်းအစီများဖြစ်ကြောင်း ထင်ရှားစီကြ၏။ **5** ငါရဲ့သည် ရိုက်ပုတ် ခံရခြင်း၊ ထောင်ကျခံရခြင်းနှင့် ရုန်းရင်းဆန်ခတ်ပြုခြင်းကို ခံရကြပြီးလျှင် အလုပ်ကို ပင်ပန်းစွာလုပ်ဆောင်ကြရပြီး အိပ်ရခြင်း၊ စားရခြင်း ဟူ၍ပင်မဟိ။ **6** စိတ်နှလုံးစင်ကြယ်ခြင်း၊ ပညာသတိဟိခြင်း၊ သည်းခံခြင်း၊ သနားကြင်နာခြင်းဖြင့် လည်းကောင်း၊ သန့်ယှင်းသော ဝိညာဉ်တော်အားဖြင့် လည်းကောင်း၊ ရိုးသားဖြူစင်သော မေတ္တာအားဖြင့်လည်းကောင်း၊ **7** သမ္မာတရားတော်ကို ဟောပြောခြင်းဖြင့် လည်းကောင်း၊ ဘုရားသခင်၏ တန်ခိုးတော်အားဖြင့် လည်းကောင်း ငါရဲ့သည် ဘုရားသခင်၏ အခိုင်းအစီများ ဖြစ်ကြောင်းကို ထင်ရှားစီကြ၏။ တိုက်ခိုက်ခြင်း၌ လည်းကောင်း၊ ကာကွယ်ခြင်း၌ လည်းကောင်း ငါရဲ့သည် ဖြောင့်မတ်ခြင်းတည်းဟူသော လက်နက်ကို အသုံးပြုကြ၏။ **8** ငါရဲ့သည် ချီးမြှောက်ခြင်းနှင့် ယှက်ချခြင်းကိုလည်းကောင်း၊ ကဲ့ရဲ့ခြင်းနှင့် ချီးမွမ်းခြင်းကိုလည်းကောင်း ခံရကြ၏။ လူလိမ်များဟု သတ်မှတ်ကြသော်လည်း ငါရဲ့သည် သစ္စာစကားကို ပြောဆိုကြ၏။ **9** လူသိနည်းသောသူများကဲ့သို့ ဖြစ်သော်ငြားလည်း အများကသိကြ၏။ သိသောသူများကဲ့သို့ ဖြစ်သော်လည်း အသက်ရှင်လျက် ဟိကြ၏။ သတ်ပတ်ခြင်းခံရသော်လည်း ငါရဲ့သည် အသိသတ်ခြင်းမခံရပေ။ **10** ဝမ်းနည်းရသော်လည်း အစဉ်မပြတ် ဝမ်းမြောက်ရ၏။ သူဆင်းရဲများ ဖြစ်သော်လည်း လူအများကို ချမ်းသာကြွယ်ဝစီ၏။ တစ်စုံတစ်ခုမျှ မဟိသော်လည်း အလုံးစုံတို့ကို ပိုင်ကြ၏။ **11** ကောရိန္နုမြို့၌ဟိသော မိတ်ဆွေရဲ့၊ သင်ရဲ့ကို ပွင့်လင်းစွာ ငါပြောဆို၍ ငါရဲ့၏စိတ်နှလုံးကို သင်ရဲ့အတွက် ကျယ်ကျယ် ဖွင့်ထားခယာ။ **12** ငါရဲ့သည် သင်ရဲ့အဖို့ ငါရဲ့၏ စိတ်နှလုံးကို ပိတ်၍ မထား။ သင်ရဲ့သောလျှင် ငါရဲ့အဖို့ သင်ရဲ့၏ စိတ်နှလုံးကို ပိတ်ထားကြ၏။ **13** ငါရဲ့ကို ကျေးဇူးတုံ့ ပြန်သောအားဖြင့် သင်ရဲ့စိတ်နှလုံးကို ကျယ်ကျယ် ဖွင့်ကြလော့ ဟု သင်ရဲ့အား ငါ၏ သားသမီးသဖွယ် ပြောဆို၏။ **14** မယုံကြည်သူများနှင့် တွဲဖက်၍ မညီသောထမ်းပိုးကို မထမ်းကတ်ကော့။ ဖြောင့်မတ်ခြင်းသည် မတရားမှုနှင့် မည်သို့ တွဲဖက်နိုင်မည်နည်း။ အလင်းသည်လည်း အမှောင်နှင့် မည်သို့ မိတ်ဖွဲ့နိုင်မည်နည်း။ **15** ခရစ်တော်သည် မိစ္ဆာနတ်ဆိုးနှင့် မည်သို့ သဘောတူနိုင်မည်နည်း။ ယုံကြည်သူသည် မယုံကြည်သူနှင့် မည်သို့ အကျိုးတူ ခံစားနိုင်မည်နည်း။ **16** ဘုရားသခင်၏ ဗိမာန်တော်သည် ရုပ်တုများနှင့် မည်သို့ စပ်ဆိုင်နိုင်မည်နည်း။ ငါရဲ့သည် အသက်ရှင်တော်မူသော ဘုရားသခင်၏ ဗိမာန်တော်ဖြစ်ကြ၏။ ဘုရားသခင်က “ငါသည် ငါ၏ လူစုတော်တွင် ကိန်းဝပ်၍၊ သူရဲ့နှင့်အတူ လားလာ နိန်မည်။ ငါသည် သူရဲ့၏ ဘုရားဖြစ်၍ သူရဲ့သည်လည်း ငါ၏လူစုတော် ဖြစ်လိမ့်မည်။” **17** သို့ ဖြစ်၍ သခင်ဘုရားက “ထိုသူရဲ့ပါးမှ ထွက်လာကြလော့။ သူရဲ့နှင့် မပေါင်းဖော်ကတ်ကော့။ မစင်ကြယ်သောအရာများကို မတို့မထိကတ်ကော့။ ထိုသို့ပြုလျှင် သင်ရဲ့ကို ငါလက်ခံမည်။” **18** ငါသည် သင်ရဲ့၏ အဖဖြစ်မည်။ သင်ရဲ့သည်လည်း ငါ့သားသမီးတို့ ဖြစ်ကြလိမ့်မည်ဟု၊ အနန္တတန်ခိုးသျှင် ဘုရားသခင် မိန့်တော်မူ၏” ဟု မြွက်ဆိုတော်မူ၏။

7 ချစ်သော မိတ်ဆွေရဲ့ ဤကတိတော် အားလုံးသည် ငါရဲ့အတွက်ပင် ဖြစ်၏။ ထို့ကြောင့် ငါရဲ့သည် မိမိကိုယ်ကို ကိုယ်ခန္ဓာနှင့် စိတ်ဝိညာဉ် ညစ်ညူးခြင်း အပေါင်းမှ ကင်းစင်စီ၍ ဘုရားသခင်ကို ကြောက်ရွံ့သိခြင်းအားဖြင့် သန့်ယှင်းခြင်းနှင့် ပြည့်ဝကြကုန်အံ့။ **2** သင်ရို၏စိတ်နှလုံးထဲ၌ ငါရဲ့ကို လက်ခံကြလော့။ ငါရဲ့သည် ဇာသူ့ကိုမျှ မပြစ်မှား၊ မဖျက်ဆီးခ။ ဇာသူပါးမှ အကျိုးကျေးဇူးကို ရခြင်းငှာ မကြိုးစားခ။ **3** သင်ရိုအား အပြစ်တင်လို၍ ဤသို့ ငါပြောသည် မဟုတ်။ အကြောင်းမူကား အယင်က ငါပြောသည့်အတိုင်း အသက်ရှင်သည်ဖြစ်စီ။ သီဆုံးသည်ဖြစ်စီ သင်ရိုသည် ငါရဲ့၏စိတ်နှလုံးထဲမှာ အမြဲတမ်း ဟိန်နိသောကြောင့် ဖြစ်၏။ **4** ငါသည် သင်ရိုအား ယုံကြည်စိတ်ချ၍ သင်ရိုအတွက် များစွာဂုဏ်ယူ၏။ ဆင်းရဲဒုက္ခအားလုံးကို ငါရဲ့ ခံစားရသောအခါ သင်ရိုသည် ငါအား အလွန် နှစ်သိမ့်စီသောကြောင့် ဝမ်းမြောက်ခြင်းနှင့်လည်း ပြည့်ဝလျက်ဟိ၏။ **5** မာကေဒေါနီပြည်သို့ ရောက်သည့်အခါ၌ပင်လျှင် ငါရဲ့သည် အနားမယူကြပေ။ ထိုအရပ်၌ အဖက်ဖက်မှ ဒုက္ခဆင်းရဲခြင်းများ၊ အချင်းချင်း အငြင်းပွားမှုများ ဟိကြသည်ဖြစ်၍ ငါရဲ့၏ စိတ်နှလုံး၌လည်း ကြောက်ရွံ့စိတ် ဟိကြ၏။ **6** သို့သော် အားငယ်သောသူကို နှစ်သိမ့်ပီးတော်မူသော ဘုရားသခင်သည် တိတု ရောက်လာခြင်းအားဖြင့် ငါရဲ့ကို နှစ်သိမ့်ပီးတော်မူ၏။ **7** တိတု ရောက်လာခြင်းကြောင့်သာမက၊ သင်ရိုသည် သူ့အား နှစ်သိမ့်ပီးကြသည့် သတင်းကို သူ့ပါးမှ ကြားသိရသည့်အတွက်ကြောင့်လည်း ငါရဲ့ကို အားတက်စီကြ၏။ သင်ရိုသည် ငါ့အား အလွန် တို့လိုသည်ကိုလည်းကောင်း၊ ဝမ်းနည်းလျက် ဟိကြောင်းနှင့် ငါ့အား စေတနာစိတ် အလွန် ဟိကြောင်းကိုလည်းကောင်း တိတု ပြောပြသဖြင့် ငါသည် သာ၍ပင် ဝမ်းမြောက်လျက်ဟိ၏။ **8** အကယ်၍ ငါရီးလိုက်သည့်စာကြောင့် သင်ရိုအား ဝမ်းနည်းစီသလျှင် ထိုစာအတွက် ငါသည် စိတ်မကောင်းမဖြစ်။ ထိုစာသည် သင်ရိုအား ဝမ်းနည်းစီသော်လည်း သင်ရို့၌ ခဏသာ ခံစားခရသည်ကို ငါမြင်ရသောကြောင့် ငါသည် ဝမ်းနည်းခြင်း မဖြစ်။ **9** သို့သော် အဂုဏ် ငါရဲ့ဝမ်းမြောက်၏။ သင်ရို့ကို ဝမ်းနည်းအောင် ပြုသည့်အတွက်ကြောင့် ငါဝမ်းမြောက်သည် မဟုတ်။ အကြောင်းမူကား သင်ရို့၏ ဝမ်းနည်းမှုသည် သင်ရို့အား နောင်တရစီသောကြောင့် ဖြစ်၏။ ဘုရားသခင်၏ အလိုတော်နှင့်အညီ ဝမ်းနည်းမှုဖြစ်၏။ ငါရဲ့သည် သင်ရို့အား ထိခိုက်နစ်နာမှု ဇာတစ်ခုကိုမျှ မပြုခ။ **10** အကြောင်းမူကား ဘုရားသခင် အလိုတော်နှင့်ညီသော ဝမ်းနည်းခြင်းသည် ကယ်တင်ခြင်းကို ရစီသည့် နောင်တစိတ်ကို ဖြစ်ပေါ်စီတတ်၏။ ထို့ကြောင့် ဝမ်းနည်းမိသည့်အတွက် စိတ်မကောင်းမဖြစ်သင့်။ သို့ရာတွင် လောကီ ဝမ်းနည်းခြင်းသည်ကား သီဆုံးခြင်းကို ဖြစ်စီတတ်၏။ **11** ဘုရားသခင်၏ အလိုတော်နှင့်ညီသော ဝမ်းနည်းမှုသည် သင်ရို့၌ ဇာပိုင် လုပ်ဆောင်ခသည်ကို ကြည့်ရှုလော့။ ထိုဝမ်းနည်းမှုသည် သင်ရို့အထဲ၌ ဇာပိုင် စိတ်အားထက်သန်ခြင်း၊ မိမိရို့၌ အပြစ်ကင်းကြောင်း ဖော်ပြရန် အလွန်လိုလားခြင်း၊ မခံမရပ်နိုင်ဖြစ်ခြင်း၊ သတိပီးခြင်း၊ အလွန်တောင့်တခြင်း၊ ဘုရားဖက်၌စိတ်အားကြီးခြင်း၊ ပြစ်မှားသောသူကို ပြစ်ဒဏ်ပီးရန် လိုလားခြင်းများကို လုပ်ဆောင်ခယာ။ သင်ရို့သည် ဤအမှုများတွင် မိမိရို့ အပြစ်ကင်းကြောင်းကို ထင်ရှားစီသယာ။ **12** သို့ ဖြစ်၍ အယင်က သင်ရို့ပါးသို့ ငါ စာရီးခရခြင်းမှာ ပြစ်မှားသော သူ၏ကိစ္စကြောင့် မဟုတ်။ ပြစ်မှားခြင်းကို ခံရသူ၏ ကိစ္စကြောင့်လည်း မဟုတ်။ ဘုရားသခင်၏ရှိတော်တွင် သင်ရို့သည် ငါရဲ့ကို ဇာလောက် စေတနာကြီးသည်ကို အမှန်ပင် သိသာထင်ရှားစီလို၍ ဖြစ်၏။ **13** ထို့ကြောင့် ငါရဲ့သည် နှစ်သိမ့်မှုကို ခံစားရ၏။ ငါရဲ့သည် နှစ်သိမ့်မှုကို ခံစားရသည် သာမက သာ၍ပင် ဝမ်းမြောက်ကြ၏။ အကြောင်းမူကား သင်ရို့အားလုံးသည် တိတုအား ပျော်ရွှင်စီသဖြင့် သူ၏စိတ်နှလုံးသည် အလွန် တက်ကြွလျက် ဟိသောကြောင့် ဖြစ်သည်။ **14** ငါသည် သင်ရို့အကြောင်းကို တိတုရှိ၌ ဝါကြားခသော်လည်း ငါ့ကို စိတ်မပျက်ခကတ်။ ငါရဲ့သည် သင်ရို့အား မှန်သောစကားကိုသာ အမြဲတမ်း ပြောကြားသည့်နည်းတူ တိတုအား ငါရဲ့ ဝါကြားပြောဆိုခသော အရာများသည်လည်း ဟုတ်မှန်ကြောင်း ထင်ရှားခယာ။ **15** သူ၏ညွှန်ကြားချက်များကို သင်ရို့အားလုံးသည် နာခံကြသည်ကိုလည်းကောင်း၊ သင်ရို့သည် သူ့အား ကြောက်ရွံ့တုန်လှုပ်စွာဖြင့် ကြိုဆိုလက်ခံကြသည်ကိုလည်းကောင်း သိသောအခါ သူ၏မေတ္တာသည် သင်ရို့၌ သာ၍ တိုးပွားလေ၏။ **16** ငါသည် သင်ရို့အား ပြည့်ဝစွာ ယုံကြည်စိတ်ချရသောကြောင့် ဝမ်းသာလျက်ဟိ၏။

၈ ညီအစ်ကိုမောင်နှမရဲ့ မာကေဒေါနီပြည်၌ဟိသော အသင်းတော်တို့အား ဘုရားသခင် ပီးသနားတော်မူသော ကျေးဇူးတော်အကြောင်းကို သင်ရဲ့ သိကြရန် ငါရဲ့သည် အလိုဟိကြ၏။ **၂** ထိုသူရဲ့သည် ကြီးစွာသော ဆင်းရဲဒုက္ခဖြင့် ပြင်းထန်သော စမ်းသပ်ခြင်းကို ခံစားရ၏။ သို့သော်လည်း သူရဲ့သည် အလွန် ဆင်းရဲကြလျက်ပင် ကြီးစွာသော ဝမ်းမြောက်သည့်စိတ်ဖြင့် ရက်ရောစွာ ပီးကမ်းစွန့်ကြကြ၏။ **၃** သူရဲ့သည် မိမိရဲ့၏ စေတနာစိတ်အလျောက် တတ်နိုင်သည်ထက်ပို၍ ပီးကမ်းကြသည်ကို ငါသက်သိခံ၏။ **၄** ထိုသူရဲ့သည် ယုဒပြည်၌ဟိသော သန့်ယုဒသူရဲ့အား ကူညီပီးကမ်းခြင်း အခွင့်ထူးကို ရလိုခြင်းငှာ ငါရဲ့အား အနူးအညွတ် တောင်းပန်ကြ၏။ **၅** ဤသို့ ပြုကြခြင်းသည် ငါရဲ့မျှော်လင့်သည်ထက် ပိုလေ၏။ သူရဲ့သည် မိမိရဲ့ကိုယ်ကို သခင်ဘုရားအား ဦးစွာ ဆက်ကပ် ပြီးနောက် ဘုရားသခင်၏ အလိုတော်နှင့်အညီ သူရဲ့ကိုယ်တိုင် ငါရဲ့အား ပီးကမ်းကြ၏။ **၆** သို့ ဖြစ်၍ တိတုသည် ဤကျေးဇူးပြုခြင်းအမှုကို စတင်သုတ္တံဖြင့် ပြီးပြည့်စုံသည့်တိုင်အောင် သင်ရဲ့အား ကူညီဆောင်ရွက်ပီးရန် သူ့ကိုလည်း ငါရဲ့ တိုက်တွန်းကြ၏။ **၇** သင်ရဲ့သည် ယုံကြည်ခြင်း၊ ဟောပြောခြင်းနှင့် အသိပညာ၌လည်းကောင်း၊ ကူညီမစခြင်းတွင် စိတ်အားထက်သန်ခြင်းနှင့် လည်းကောင်း၊ ငါရဲ့၌ထားသော သင်ရဲ့၏ ချစ်ခြင်းမေတ္တာ သည် လည်းကောင်း အလွန် ကြွယ်ဝကြပေ၏။ သို့ ဖြစ်၍ သင်ရဲ့၌ ထိုကျေးဇူးပြုခြင်း အမှုကိုလည်း ကြွယ်ဝခြင်းငှာ ငါရဲ့ အလိုဟိ၏။ **၈** ထိုသို့ဆိုသော် ပညတ်ချက်အားဖြင့် ငါဆိုသည် မဟုတ်။ သို့သော်လည်း အခြားသူရဲ့သည် ကူညီလိုသော စိတ်အားထက်သန်မှုကို ဖော်ပြနိုင်ခြင်းသည် သင်ရဲ့၏ ချစ်ခြင်းမေတ္တာ စစ်မှန်မှုကို စစ်ဆေးနိုင်ခြင်းသာဖြစ်၏။ **၉** အကြောင်းမူကား သင်ရဲ့သည် ငါရဲ့၏ အသျှင် ယေသျှု ခရစ်တော်၏ ကျေးဇူးတော်ကို သိကြ၏။ ကိုယ်တော်သည် ကြွယ်ဝသော်လည်း သင်ရဲ့၏အကျိုးကိုထောက်၍ ဆင်းရဲခြင်းကို ခံတော်မူ၏။ အကြောင်းမှာ ကိုယ်တော်၏ဆင်းရဲခံခြင်းအားဖြင့် သင်ရဲ့ကို ကြွယ်ဝကြစီခြင်းငှာ ဖြစ်၏။ **၁၀** လွန်ခဲ့သောနှစ်က အစပြုခဲ့သည့်အမှုကို အဂုအချိန်၌ အဆုံးသတ်ခြင်းသည် သင်ရဲ့အဖို့ သာ၍ ကောင်းမွန်သည်ဟု ငါထင်၏။ အကြောင်းမူကား၊ သင်ရဲ့သည် အပြုအမူအားဖြင့်သာ အစပြုခြင်း မဟုတ်ဘဲ စိတ်ဆန္ဒအလျောက် ဆောင်ရွက်ကြသောကြောင့် ဖြစ်၏။ **၁၁** သို့ ဖြစ်၍ သင်ရဲ့သည် ထိုအမှုကို ပြီးဆုံးအောင် ဆောင်ရွက်ကြလော့။ သင်ရဲ့သည် စီစဉ်ထားသည့်အတိုင်း သင်ရဲ့၌ အဂု ဟိသောအရာနှင့် ဤအမှုကို စိတ်အားထက်သန်စွာဖြင့် ပြီးဆုံးအောင် ဆောင်ရွက်ကြလော့။ **၁၂** သင်ရဲ့ ပီးကမ်းခြင်း၌ စေတနာစိတ်ဟိလျှင် ဘုရားသခင်သည် သင်ရဲ့၏ မတတ်နိုင်သည်ကို မထောက်ဘဲ တတ်နိုင်သည်ကိုသာ ထောက်၍ သင်ရဲ့၏ ပီးလူခြင်းကို လက်ခံတော်မူလိမ့်မည်။ **၁၃** ငါရဲ့သည် သင်ရဲ့အား ဒုက္ခရောက်စီပြီး အခြားသူရဲ့အား သက်သာစီရန် မဟုတ်ဘဲ ညီတူညီမျှ ဖြစ်စီရန်သာ လိုလားခြင်းဖြစ်၏။ **၁၄** အဂုအချိန်၌ သင်ရဲ့၏ ကြွယ်ဝမှုသည် သူရဲ့၏ လိုအပ်မှုကို ဖြည့်ဆည်းပီးသကဲ့သို့ နောင်တစ်ချိန်၌ သူရဲ့၏ ကြွယ်ဝမှုသည် သင်ရဲ့၏ လိုအပ်မှုကို ဖြည့်ဆည်းပီးလိမ့်မည်။ သို့ ဖြစ်၍ ညီတူညီမျှ ဖြစ်စီရန် ဖြစ်၏။ **၁၅** ကျမ်းစာတော်မြတ်က ဖော်ပြထားသည်အတိုင်း၊ “များများရသောသူလည်း မပို၊ နည်းနည်းရသောသူလည်း မလို” ဟူ၍ ဖြစ်၏။ **၁၆** ငါရဲ့သည် သင်ရဲ့အား ကူညီမစရန် စိတ်အားထက်သန် သကဲ့သို့ တိတု၏ စိတ်နှလုံးထဲ၌ ထည့်သွင်းတော်မူသော ဘုရားသခင်၏ ကျေးဇူးတော်ကို ချီးမွမ်းပါ၏။ **၁၇** တိတုသည် ငါရဲ့၏ အားပီးတိုက်တွန်းချက်ကို လက်မခံဘဲ၊ စေတနာစိတ်ဖြင့် မိမိဆန္ဒအလျောက် ကူညီရန် သင်ရဲ့ပါးသို့ လားဖို့ရန် စိတ်ဆုံးဖြတ်ထား၏။ **၁၈** ဧဝံဂေလိတရားကို ဟောပြော၍ အသင်းတော်များ၌ အလွန် ရိုသေခြင်းကို ခံရသော ညီအစ်ကို တစ်ယောက်ကိုလည်း တိတုနှင့်အတူ ငါရဲ့ စီရွတ်လိုက်၏။ **၁၉** ထိုမျှမက သူသည် အလှူကောက်ခံမှုအတွက် ငါရဲ့နှင့်အတူ ခရီးပြုရန် အသင်းတော်များက ရွီးချယ်ခန့်ထားသော သူလည်းဖြစ်၏။ သခင်ဘုရား၏ ဘုန်းတန်ခိုးတော်နှင့် ကူညီမစခြင်း၌ ငါရဲ့၏ စိတ်အားထက်သန်ခြင်းကို ပြသရန်၊ ဤအမှုကို ဆောင်ရွက်ကြခြင်းဖြစ်၏။ **၂၀** ဤသို့ စေတနာတရားထက်သန်စွာ ပီးကမ်းကြသော အလှူငွေကို သုံးစွဲရာ၌ အခြားသူများက အပြစ်ရှာခြင်းမှ ကင်းလွတ်စီရန် ငါရဲ့သည် သတိနှင့် ဆောင်ရွက်လျက်ဟိကြ၏။ **၂၁** ငါရဲ့သည် သခင်ဘုရား၏ ရှိတော်၌သာမက လူတိရှိ၌လည်း မှန်ကန်သည့် အမှုကိုသာပြုကြရန် ရည်ရွယ်ချက် ဟိကြ၏။

၂၂ သို့ဖြစ်၍ ငါရဲ့သည် ထိုသူရဲနှင့်အတူ အခြားညီအစ်ကိုတစ်ယောက်ကိုလည်း စီစွဲလိုက်ကြ၏။ ငါရဲ့သည် ထိုသူအား အကြိမ်ကြိမ် စစ်ဆေးကြည့်ရာ သူသည် အမြဲတမ်း ကူညီခြင်း၌ စိတ်အားထက်သန်သူဖြစ်ကြောင်း တွေ့ရ၏။ အဂုတွင် သူသည် သင်ရဲ့၌ ယုံကြည်စိတ်ချမှု များစွာဟိသဖြင့် ကူညီခြင်း၌ ပို၍ပင် စိတ်အားထက်သန်လျက် ဟိ၏။ ၂၃ တိတုနှင့်ပတ်သတ်၍ ဖော်ပြရမည်ဆိုသော် သူသည် သင်ရဲ့ကို ကူညီရာ၌ ငါနှင့်အတူ ဆောင်ရွက်သောသူ၊ ငါ၏ လုပ်ဖော်ဆောင်ဖက်ဖြစ်၏။ သူနှင့်အတူ လိုက်လာကြသည့် အခြားသော ညီအစ်ကိုများမှာ ခရစ်တော်၏ ဘုန်းတန်ခိုးတော်ကို သယ်ဆောင်လာသော အသင်းတော်များ၏ ကိုယ်စားလှယ်များ ဖြစ်ကြ၏။ ၂၄ ထို့ကြောင့် ငါရဲ့သည် သင်ရဲ့၏အကြောင်းကို ဂုဏ်ယူလျက်ဟိသည်မှာ မှန်ကန်ကြောင်းကို အသင်းတော်များက စိတ်ချမှတ်စီရန် သင်ရဲ့၏ ချစ်ခြင်းမေတ္တာကို သူရဲ့အား ပြသကြလော့။

၉ ယုဒပြည်၌ဟိသော ဘုရားသခင်၏လူစုတော်အား ကူညီထောက်ပံ့ခြင်း အမှုနှင့်ပတ်သတ်၍ သင်ရဲ့ပါးသို့ ရီးသားရန် အမှန်ပင် မလိုအပ်ပေ။ ၂ အကြောင်းမူကား သင်ရဲ့၏ ကူညီထောက်ပံ့လိုသော စေတနာစိတ်ကို ငါသိသည်ဖြစ်၍ သင်ရဲ့အကြောင်းကို မာကေဒေါနီပြည်သားတို့အား၊ “အခါယပြည်၌ဟိသော ညီအစ်ကိုမောင်နှမရဲ့သည်၊ မနှစ်ကပင် ကူညီရန် အသင့်ဟိကြသည်” ဟု ငါသည် ဂုဏ်ယူလျက် ပြော၏။ သင်ရဲ့၏ စေတနာစိတ်ထက်သန်မှုသည် များစွာသောသူတို့ကို နှိုးဆော်ပီး၏။ ၃ သို့ရာတွင် ငါရဲ့သည် သင်ရဲ့အကြောင်းကို ဂုဏ်ယူပြောဆိုသောစကားသည် အလကားမဖြစ်စိဘဲ ငါပြောထားသည့်အတိုင်း သင်ရဲ့သည် သူရဲ့အား ကူညီပီးရန် အသင့်ပျင်ဆင်ထားရန် ညီအစ်ကိုမောင်နှမတို့အား အဂုပင် ငါ စီစွဲလိုက်၏။ ၄ အကယ်၍ မာကေဒေါနီပြည်သားရဲ့သည် ငါနှင့်အတူ လိုက်လာကြလျှင် သင်ရဲ့၌ အသင့်ပျင်ဆင်မှု မဟိသည်ကို တွေ့ရပါက သင်ရဲ့သာလျှင် အရှက်ရကြလိမ့်မည် မဟုတ်။ သင်ရဲ့အား ယုံကြည်စိတ်ချမသည့်အတွက် ငါရဲ့ကိုလည်း အရှက်ရစိလိမ့်မည်။ ၅ သို့ ဖြစ်၍ သင်ရဲ့ကတိပြုထားသည့်အတိုင်း ဤအလှူကို အသင့်ပျင်ဆင်နိုင်ရေးအတွက် ဤညီအစ်ကို မောင်နှမတို့ကို တိုက်တွန်း၍ သင်ရဲ့ပါးသို့ ကြိုတင် စီစွဲနိုင်ရန် လိုအပ်သည်ဟု ငါထင်မှတ်၏။ ငါရောက်လာသောအခါ အလှူသည် အသင့်ပျင်ဆင်ထားပြီးဖြစ်၍ သင်ရဲ့သည် ဝတ္တရားအရ ပီးကမ်းခြင်း မဟုတ်ဘဲ စေတနာအလျောက် ပီးကမ်းခြင်း ဖြစ်ကြောင်းကို ပေါ်လွင်လိမ့်မည်။ ၆ အနည်းချေသော မျိုးစုံကို ကြသောသူသည် အနည်းချေသာ ရိတ်သိမ်းရလိမ့်မည်။ များစွာသော မျိုးစုံကို ကြသောသူမူကား များစွာ ရိတ်သိမ်းရလိမ့်မည် ဖြစ်ကြောင်း သိမှတ်ကြလော့။ ၇ လူတိုင်း မိမိစေတနာစိတ် ဟိသည်အတိုင်း ပီးကမ်းအပ်၏။ နှမြောသောစိတ် သို့မဟုတ် ပီးကမ်းရန် တာဝန်ဝတ္တရားဟိသည်ဟူသော စိတ်နှင့်လည်း မပီးကမ်းအပ်။ ဘုရားသခင်သည် ဝမ်းမြောက်ခြင်းနှင့် ပီးကမ်းတတ်သောသူကို နှစ်သက်တော်မူ၏။ ၈ သင်ရဲ့၏ လိုအပ်သမျှတို့ကို အစဉ်မပြတ် ရပြီးလျှင် ကောင်းသောအမှု အမျိုးမျိုး၌ ကူညီမစနိုင်ကြစီရန် ဘုရားသခင်သည် သင်ရဲ့အား လိုအပ်သည်ထက် ပို၍ ပီးနိုင်တော်မူ၏။ ၉ ကျမ်းစာတော်မြတ်၌ ဖော်ပြထားသည်မှာ၊ “သူသည် ဆင်းရဲသားရဲ့အား ရက်ရောစွာ ပီးကမ်း၏။ သူ၏ ဖြောင့်မတ်ခြင်းသည် ထာဝရတည်၏” ဟု ဖြစ်၏။ (aiōn g165) ၁၀ ပျိုးကြသောသူအား မျိုးစုံကိုလည်းကောင်း၊ အစာအတွက် မှန်ကိုလည်းကောင်း ပီးတော်မူသော ဘုရားသခင်သည် ငါရဲ့လိုသမျှ အလုံးစုံသော မျိုးစုံကိုလည်း ပီးတော်မူ၍ အပင်ကိုလည်း ကြီးထွားစီကာ သင်ရဲ့၏ ဖြောင့်မတ်ခြင်းဆိုင်ရာ အသီးအပွင့်များကို တိုးပွားစီတော်မူလိမ့်မည်။ ၁၁ သင်ရဲ့သည် အချိန်တိုင်း၌ ရက်ရောစွာ ပီးကမ်းနိုင်ကြစီရန် ကိုယ်တော်သည် သင်ရဲ့အား အစဉ် ချမ်းသာကြွယ်ဝ စီတော်မူလိမ့်မည်။ သင်ရဲ့ ပီးကမ်းသော အလှူများကို ငါရဲ့ပါးက ခံယူကြသော များစွာသော သူရဲ့သည်လည်း ဘုရားသခင်၏ ကျေးဇူးတော်ကို ချီးမွမ်းတော်မူကြလိမ့်မည်။ ၁၂ သင်ရဲ့၏ ဆောင်ရွက်မှုများသည် သန့်ယှင်းသူရဲ့၏ လိုအပ်သောအရာများကို ကူညီမစသည်သာမက၊ ဘုရားသခင်၏ ကျေးဇူးတော် ချီးမွမ်းခြင်းကိုလည်း များစွာ တိုးပွားစီတော်မူ၏။ ၁၃ အကြောင်းမူကား ဤသို့ သင်ရဲ့၏ လုပ်ဆောင်မှုကြောင့် လူအပေါင်းရဲ့သည် ခရစ်တော်၏

သတင်းကောင်းကို သစ္စာဟိစ္စာ သင်ရို့ ခံယူကြသည်ကိုလည်းကောင်း၊ သူရိုမ္မစ၍ တခြားသူအပေါင်းရို့အား ရက်ရောစွာ ဝီမျှပီးကမ်းကြသည်ကိုလည်းကောင်း လူအပေါင်းရို့သည် ဘုရားသခင်၏ ဘုန်းတန်ခိုးတော်ကို ချီးမွမ်းကြပေလိမ့်မည်။
14 ထို့အပြင် သင်ရို့အား ဘုရားသခင်ပီးသနားတော်မူသော ထူးမြတ်သော ကျေးဇူးတော်ကြောင့် သူရို့သည် အလွန် စိတ်နှလုံးပါလျက် သင်ရို့အတွက် ဆုတောင်းပီးကြလိမ့်မည်။ **15** ကိုယ်တော်၏ ဖော်ပြ၍မကုန်နိုင်သော ဆုကျေးဇူးတော်အတွက် ဘုရားသခင်အား ကျေးဇူးတော်ကို ချီးမွမ်းပါ၏။

10 ခရစ်တော်၏ နူးညံ့သိမ်မွေ့ခြင်းနှင့် သနားကြင်နာခြင်းအားဖြင့် ငါ ပေါလုသည် သင်ရို့အား တောင်းပန်ပါ၏။ ငါသည် သင်ရို့နှင့်အတူ ဟိသောအခါ ကြောက်တတ်သော်လည်း ဝီးကွာနိုင်သောအခါ ရဲဝံ့ပြတ်သားသောသူ ဖြစ်၏။ **2** ငါရို့ကို လောကီအလိုသို့လိုက်၍ ဆောင်ရွက်သူများဖြစ်သည်ဟု ဝေဖန်စွပ်စွဲကြသော သူရို့အား ပြတ်သားစွာ ပြုမူရမည်ဟု ငါ ခံယူထားသည်အတိုင်း ငါရောက်လာသောအခါ ထိုသို့ ပြတ်သားစွာ ပြောဆိုခြင်းငှာ ဖိအားမပီးကြရန် ငါတောင်းပန်၏။ **3** ငါရို့သည် လောက၌ အသက်ရှင်နိုင်ထိုင်လျက် ဟိကြသည် မှန်သော်လည်း လောကီအလိုသို့လိုက်၍ တိုက်ပွဲ ဝင်နိုင်ကြသည် မဟုတ်။ **4** ငါရို့ ကိုင်စွဲသော လက်နက်သည် လောကနှင့်ဆိုင်သော လက်နက်တိ မဟုတ်။ ခံတပ်တိုက် ဖြို့ဖျက်နိုင်သည့် ဘုရားသခင်၏ တန်ခိုးတော်နှင့်ပြည့်စုံသော လက်နက်တိဖြစ်ကြ၏။ ငါရို့သည် မှားယွင်းသော ငြင်းခုံမှုများကို ပယ်ဖျက်၍၊ **5** ဘုရားသခင်အား သိကျွမ်းသောဉာဏ်ပညာကို ဆန့်ကျင်တားဆီးတတ်သော မာန်မာနဟိသမျှကို ချိုးဖျက်ကာ ငါရို့သည် တွီးတောကြစည်မှု ဟိသမျှကို ချုပ်တည်းကာ ခရစ်တော်အား နာခံစိကြ၏။ **6** သင်ရို့သည် နာခံမှုနှင့် ပြည့်စုံကြသောအခါ မနာခံသောသူတို့ကို ပြစ်ဒဏ်ပီးခြင်းငှာ ငါရို့သည် အသင့်ဟိကြ၏။ **7** သင်ရို့သည် အပြင်ပန်းသဏ္ဌန်ကိုသာ ကြည့်ရှုတတ်ကြ၏။ ဇာသူမဆို ကိုယ့်ကိုကိုယ် ခရစ်တော်နှင့် သက်ဆိုင်သောသူဖြစ်သည်ဟု ယုံကြည်စိတ်ချမှတ်လျှင် ထိုသူရို့သည် ခရစ်တော်နှင့် သက်ဆိုင်သကဲ့သို့ ငါရို့သည်လည်း ခရစ်တော်နှင့် သက်ဆိုင်သောသူတိဖြစ်သည်ကို ပြန်လည်၍ စဉ်းစားဆင်ခြင်ကြလော့။ **8** အကြောင်းမူကား ငါသည် သခင်ဘုရား ပီးတော်မူသော အခွင့်အာဏာနှင့် ပတ်သတ်၍ အလွန်ပင် ဝါကြွားမိသော်လည်း မရှက်ပါ။ ထိုအခွင့်အာဏာသည် သင်ရို့အား ဖြို့ဖျက်ရန် မဟုတ်၊ တည်ဆောက်ပီးရန် အတွက်ဖြစ်၏။ **9** သို့ ဖြစ်၍ ငါသည် သင်ရို့အား စာရီး၍ ခြောက်လွန်နိုင်သည်ဟု မထင်စိလို။ **10** အကြောင်းမူကား၊ “ပေါလု၏ စာများသည် ပြင်းထန်၍ အာဏာပါသော စာဖြစ်၏။ သို့သော် သူကိုယ်တိုင် ငါရို့နှင့်အတူ ဟိသောအခါ အားနည်းသောသူဖြစ်၍ အဟောအပြောသည်လည်း အထင်ကြီးစရာမဟိ” ဟု လူတချို့က ပြောဆိုကြ၏။ **11** ငါရို့သည် အဝီဉ်၌ ဟိသောအခါက ရီးသားလိုက်သော စာ၌ ပါဟိသည့်အတိုင်း ငါရို့ရောက်လာချိန်၌ ထိုအမှုကိုပြုမည့် အကြောင်းကို ထိုသူရို့အား အသိပီးလိုက်ကတ်။ **12** အကြောင်းမူကား ငါရို့သည် ကိုယ့်ကိုကိုယ် ချီးမြှောက်တတ်သူရို့နှင့် တစ်တန်းတည်းဖြစ်စိခြင်းငှာ လည်းကောင်း၊ နှိုင်းယှဉ်ခြင်းငှာ လည်းကောင်း မပြုဝံ့ပါ။ သူရို့သည် မိမိရို့၏ စံအားဖြင့် မိမိကိုယ်ကို တိုင်းတာ၍ ဆုံးဖြတ်ကြ၏။ ထိုသူရို့သည် အလွန် မိုက်မဲလှပါ၏။ **13** ငါရို့သည်ကား အတိုင်းအတာကို ကျော်လွန်၍ ဝါကြွားလိမ့်မည် မဟုတ်။ သင်ရို့၌ ငါရို့ လုပ်ဆောင်သော လုပ်ငန်းအပါအဝင် ဘုရားသခင် သတ်မှတ်ပီးထားသော လုပ်ဆောင်မှု၌သာ ငါရို့ ဝါကြွားကြ၏။ **14** သင်ရို့သည်လည်း ထိုသို့ သတ်မှတ်ထားသော လုပ်ဆောင်မှု၌ ပါဝင်သဖြင့် ငါရို့သည် သင်ရို့ပါးသို့ လာသောအခါ ခရစ်တော်၏ သတင်းကောင်းကို ယူဆောင်လာခြင်းသည် နယ်ကျွံရာမကျပေ။ **15** သို့ ဖြစ်၍ ငါရို့သည် ဘုရားသခင်က သတ်မှတ်ပီးထားသည့် အလုပ်ကို ကျော်လွန်၍ သူတစ်ပါး၏ လုပ်ဆောင်ချက်များအတွက် ဂုဏ်ယူဝါကြွားခြင်း မဟိပေ။ သို့သော် သင်ရို့၏ ယုံကြည်ခြင်း ကြီးထွားလာသည်နှင့်အမျှ ငါရို့အတွက် ဘုရားသခင် သတ်မှတ်ပီးတော်မူသည့် နယ်ပယ်အတွင်း သင်ရို့ပါးတွင် အမှုတော်ကို ပိုမို ကျယ်ပြန့်စွာ ဆောင်ရွက်နိုင်ရန် ငါရို့ မျှော်လင့်၏။ **16** ထို့ကြောင့် ငါရို့သည် သင်ရို့၏ဒေသအပြင် အခြားဒေသများတွင် သတင်းကောင်းကို ဟောပြောနိုင်ခသဖြင့် အခြားသောသူတစ်ယောက်

လုပ်ဆောင်ထားသော လုပ်ငန်းနယ်ပယ်နှင့်ပတ်သတ်၍ ဂုဏ်ယူဝါကြွားစရာ မလို။ 17 သို့ရာတွင် ကျမ်းစာတော်မြတ်က “ဝါကြွားလိုသောသူသည် သခင်ဘုရား ပြုတော်မူသော အမှု၌သာ ဝါကြွားရမည်” ဟု ဆို၏။ 18 အကြောင်းမူကား သခင်ဘုရား နှစ်သက်တော်မူသောသူ ဟူသည်မှာ ကိုယ့်ကိုကိုယ် ချီးမြှောက်သောသူ မဟုတ်။ ကိုယ်တော်က ချီးမြှောက်သောသူ ဖြစ်ရမည်။

11 အနည်းချေမျှသော ငါ၏မိုက်မဲမှုကို သင်ရိုသည် သည်းခံကြလိမ့်မည်ဟု ငါမျှော်လင့်၏။ ကျေးဇူးပြု၍ သည်းခံကြလော့။ 2 ဘုရားသခင်သည် သင်ရိုအား သဝန်တိုစိတ် ဟိသကဲ့သို့ ငါသည်လည်း သင်ရိုအား သဝန်တိုစိတ် ဟိ၏။ ငါသည် အပြစ်ကင်းသော အပျိုစင်နှင့် တူကြသော သင်ရိုကို ခရစ်တော်တည်းဟူသော သူတစ်ယောက်နှင့် ထိမ်းမြားရန် ကတိပြုထား၏။ 3 မြို့သည် မိမိ၏ပရိယာယ်အားဖြင့် ဧဝံကို လှည့်ဖြားသည့်နည်းတူ သင်ရို၏စိတ်သည် ယိုယွင်းကာ ခရစ်တော်အား ဖြူစင်သန့်ယှင်းသော မေတ္တာစိတ် ပျောက်လားမည်ကို ငါ စိုးရိမ်မိ၏။ 4 အကြောင်းမူကား တစ်စုံတစ်ယောက်က သင်ရိုပါးသို့ ရောက်လာ၍ ငါရို့ မဟောပြောဖူးသော အခြားသော ယေသျှုအကြောင်းကိုလည်းကောင်း၊ ငါရို့ပါးမှ ကြားသိရသည့် သတင်းကောင်းနှင့် လုံးဝခြားနားသည့် သတင်းကောင်းကိုလည်းကောင်း၊ အယင်က ခံယူထားသည့် ဝိညာဉ်တော်နှင့် လုံးဝခြားနားသည့် ဝိညာဉ်ကိုလည်းကောင်း ဟောပြောသောအခါ၌ သင်ရိုသည် ဝမ်းမြောက်စွာ ခွင့်ပြုကြ၏။ 5 သင်ရို၌ ထင်ရှားသော “တမန်တော်ကြီးများ” ထက် အနည်းချေမျှ ငါသည် မနိမ့်ဟု ယူဆ၏။ 6 ငါသည် အဟောပြော၌ ညံ့သော်လည်း အသိပညာ၌မူကား မညံ့။ ငါရို့သည် ဤအကြောင်းအရာများကို အချိန်တိုင်း အခြေနေအမျိုးမျိုးတိုင်း၌ သင်ရိုပါးကို ယှင်းလင်းစွာ ပြခေ၏။ 7 သင်ရို ချီးမြှောက်ခြင်းခံရဖို့ရန် ငါသည် မိမိကိုယ်ကို နှိမ့်ချလျက် ဘုရားသခင်၏ သတင်းကောင်းကို သင်ရိုအား အခမဲ့ ဟောပြောခေ၏။ ထိုအရာသည် မှားယွင်းပါသလော။ 8 ငါသည် သင်ရို၌ အမှုတော်ဆောင်ရွက်စဉ်က ကုန်ကျစရိတ်တိကို တခြားသော အသင်းတော်များက ကျခံစီခေ၏။ ငါသည် သင်ရိုအား ထောက်ပံ့ ကူညီရန် ထိုအသင်းတော်တို့ကို လှူဒါန်းသကဲ့သို့ ဖြစ်၏။ 9 ထို့အပြင် မာကေဒေါနိုပြည်မှ လာကြသည့် ညီအစ်ကိုမောင်နှမရို့က ငါလိုသမျှကို ယူလာကြသည်ဖြစ်၍ ငါသည် သင်ရိုနှင့်အတူ ဟိန်နိုစဉ် ငွေကြေးလိုအပ်ချိန်၌ သင်ရိုအား ဒုက္ခမပီးခ။ ငါသည် သင်ရိုအတွက် အယင်ကဖြစ်စီ၊ နောင်အခါ၌ဖြစ်စီ ဝန်ထုပ်ဝန်ပိုး ဖြစ်စီလိမ့်မည် မဟုတ်။ 10 ဤသို့ ငါ၏ ဝါကြွားမှုသည် အခါယပြည် တလျှောက်လုံး ဇာသူမျှ ပိတ်ပင်၍ ရလိမ့်မည် မဟုတ်ကြောင်းကို ငါ၌ဟိသော ခရစ်တော်၏ သမ္မာတရားကို အမှီပြု၍ ငါဆို၏။ 11 ငါသည် ဤသို့ဆိုရသည့် အကြောင်းမှာ သင်ရိုအား မချစ်လို့လား။ သင်ရိုအား ငါချစ်သည်ကို ဘုရားသခင် သိတော်မူ၏။ 12 သို့ရာတွင် ငါရို့လုပ်သည့် နည်းတူ လုပ်ဆောင်နိုင်ကြသည်ဟု အခြားသော “တမန်တော်များ” ဝါကြွားပြောဆိုခွင့် မရနိုင်ကြစီရန် ငါသည် အဂ္ဂ လုပ်ဆောင်သည်အတိုင်း ဆက်လက် လုပ်ဆောင်လားလိမ့်မည်။ 13 ထိုသူရိုသည် စစ်မှန်သော တမန်တော်များ မဟုတ်။ မှားယွင်းသောတမန်တော်များသာ ဖြစ်ကြ၏။ မိမိကိုယ်ကို ခရစ်တော်၏ စစ်မှန်သော တမန်တော်တို့ ဖြစ်ယောင်ဆောင်လျက် လှည့်စားသောသူများဖြစ်၏။ 14 သူရိုသည် ဤသို့ ပြုကြသည်မှာ အံ့ဖွယ် မဟုတ်။ စာတန်သည်ပင် အလင်း၏ ကောင်းကင်တမန် ဖြစ်ယောင်ဆောင်တတ်၏။ 15 သို့ ဖြစ်၍ သူ၏အခိုင်းအစီများသည် ဖြောင့်မတ်ခြင်း၏ အခိုင်းအစီများ ဖြစ်ယောင်ဆောင်ကြသည်မှာ အံ့ဖွယ် မဟုတ်ပေ။ အဆုံး၌ သူရိုသည် မိမိရို့ ပြုမှုကြသည့်အတိုင်း ထိုက်တန်သည့် အကျိုးအပြစ်ကို ခံကြရလိမ့်မည်။ 16 တဖန် ငါဆိုသည်ကား၊ ငါ့ကို မိုက်မဲသောသူ ဖြစ်သည်ဟု ဇာသူလေ့ မထင်ကတိကော့။ သို့သော်လည်း သင်ရို ထိုသို့ ထင်မှတ်ကြလျှင်လည်း ငါ၌ ဝါကြွားစရာ အနည်းချေ ဟိစီခြင်းငှာ မိုက်မဲသောသူအဖြစ်နှင့်ပင် ငါ့ကို လက်ခံကြလော့။ 17 အဂ္ဂ ပြောဆိုနိုင်ခြင်းသည် သခင်ဘုရား၏ ပြောစီချင်သည့် စကား မဟုတ်ဘဲ မိုက်မဲသောသူ တစ်ယောက်ကဲ့သို့ ငါသည် ဝါကြွား ပြောဆိုနိုင်ခြင်းဖြစ်၏။ 18 သို့သော်လည်း များစွာသော လူရို့သည် လောကီအရာများ၌ ဝါကြွားကြသည်ဖြစ်၍ ငါသည်လည်း ဝါကြွားမည်။ 19 သင်ရိုသည် ပညာဟိများ ဖြစ်သောကြောင့် မိုက်မဲသောသူရို့အား ဝမ်းမြောက်စွာ

သည်းခံနိုင်ကြ၏။ 20 တစ်စုံတစ်ယောက်သောသူက သင်ရိုးအား ကျွန်ုပ်ပြုသည် ဖြစ်စီ၊ အခွင့်အရေးယူသည် ဖြစ်စီ၊ အသုံးချရသည် ဖြစ်စီ၊ အထင်အမြင်သေးသည် ဖြစ်စီ၊ ပါးကိုသတ်သည် ဖြစ်စီ ထိုသူကို သင်ရိုးသည် သည်းခံကြ၏။ 21 ငါရှိသည် ထိုသို့ ပြုရန် မစုံမရဲ ဖြစ်သောကြောင့် ဝန်ခံရန်ပင် ငါသည် ရှက်၏။ သို့ရာတွင် တစ်စုံတစ်ယောက်က တစ်စုံတစ်ယောက်အရာ၌ ဝါကြွားဝံ့သည်ဆိုလျှင် ငါသည်လည်း ဝါကြွားဝံ့သည်ဟု မိုက်မဲသောသူတစ်ယောက်ကဲ့သို့ ငါပြောဆို၏။ 22 သူရှိသည် ဟေဗြဲလူမျိုး ဖြစ်ကြသလော။ ငါသည်လည်း ဖြစ်၏။ သူရှိသည် ဣသရေလလူမျိုးများ ဖြစ်ကြသလော။ ငါသည်လည်း ဖြစ်၏။ သူရှိသည် အာဗြဟံ၏ အမျိုးအနွယ် ဖြစ်ကြသလော။ ငါသည်လည်း ဖြစ်၏။ 23 သူရှိသည် ခရစ်တော်၏ အခိုင်းအစီများ ဖြစ်ကြသလော။ ငါသည်လည်း သာဓ်ပင် ဖြစ်သည်ဟု အရူးတစ်ယောက်ကဲ့သို့ ငါဆို၏။ ငါသည် အလုပ်ကို ပို၍ အပင်ပန်းခံကာ လုပ်ဆောင်ခ၏။ ကြိမ်ဖန်များစွာ ထောင်ကျခံရ၏။ ကြိမ်ဒဏ်များစွာကိုလည်း ခံခရ၏။ သီဖီးနှင့်လည်း ကြိမ်ဖန်များစွာ ရင်ဆိုင်ခရ၏။ 24 ငါသည် ယုဒလူမျိုးရို၏ သုံးဆယ်ကိုးချက်သော ခိုက်နှက်ခြင်းကို ငါးကြိမ်တိုင်တိုင် ခံခရ၏။ 25 ငါသည် ရောမအမျိုးသားတိထံ၌ သုံးကြိမ်တိုင်တိုင် ကြိမ်ဒဏ်ခံရပြီး ကျောက်ခဲဖြင့် တစ်ကြိမ် အပစ်ခံရ၏။ သင်္ဘောပျက်သည်မှာ သုံးကြိမ်ဖြစ်ပြီး ပင်လယ်ပြင်တွင် တစ်နှိနှင့်တစ်ည မျောခရ၏။ 26 ငါသည် ခရီးအကြိမ်ကြိမ် လားရာတွင် မြစ်ရံကြီးသည့်ဖီး၊ ဒါးပြဖီး၊ ကိုယုံလူမျိုးဖြစ်သော ယုဒလူမျိုးရို၏ဖီး၊ လူမျိုးခြားတိ ပြုသောဖီး၊ မြို့ကြီးများတွင် တို့ရတတ်သည့်ဖီး၊ ကျေးလက်တောရွာ၌ တို့ရသောဖီး၊ ပင်လယ်ပြင်၌ တို့ရသောဖီး၊ မိတ်ဆွီအတုယောင်များ၏ဖီးများနှင့် ကြုံတို့ခရ၏။ 27 အလုပ်ကို ပင်ပန်းခက်ခဲစွာ လုပ်ကိုင်ရခြင်း၊ မကြာခဏ အိပ်ပျက်ခြင်း၊ ဆာလောင်မွတ်သိပ်ခြင်းနှင့် ခိုင်တခြင်း၊ မကြာခဏ အစာ ပြတ်လပ်ခြင်း၊ အအီးဒဏ်ခံရခြင်း၊ ဝတ်စရာ လုံလောက်စွာ မဟိခြင်းများကို ငါ ခံရ၏။ 28 ထိုမျှမက အသင်းတော် အားလုံးအတွက် ငါ၏ စိုးရိမ်ပူပန်ခြင်းသည် နှိပ်စဉ်းတိုင်း ငါ့ကို ဖိစီးလျက်ဟိ၏။ 29 တစ်စုံတစ်ယောက်သည် အားနည်းနိန်လျှင် ငါသည်လည်း အားနည်းရ၏။ တစ်စုံတစ်ယောက်သည် လမ်းလွန်နိန်လျှင် ငါသည် ပူပန်ခြင်းနှင့် ပြည့်နိန်၏။ 30 ငါသည် ဝါကြွားရမည်ဆိုလျှင် မိမိ၏ အားနည်းချက်ကိုသာ အကြောင်းပြု၍ ဝါကြွားရမည်။ 31 ငါသည် မုသာသုံး၍ မပြောကြောင်းကို အသျှင်ယေသျှု၏ ခမည်းတော်တည်းဟူသော ဘုရားသခင်သည် သိတော်မူ၏။ ထိုအသျှင်၏ နာမတော်သည် ကာလအစဉ်အဆက် မင်္ဂလာဟိတော်မူပါစီသတည်း။ (aiōn g165) 32 ဒမာသက်မြို့၌ အရေတဘုရင်၏ လက်အောက်ခံ မြို့ဝန်သည် ငါ့ကို ဖမ်းဆီးရန် မြို့တန်းခါးများတွင် တပ်သားတို့ကို အစောင့်ချထား၏။ 33 သို့ရာတွင် တပည့်တော်ရှိသည် ငါ့အား တောင်းထဲတွင်ထည့်၍ ပြုတင်းပေါက်မှတဆင့် မြို့ရိုးက လျှောချခသောကြောင့် ငါသည် ထိုသူ၏ လက်မှ လွတ်မြောက်ခရ၏။

12 ဝါကြွားခြင်းသည် အကျိုးမဟိသော်လည်း ငါသည် ဝါကြွားရဦးမည်။ သို့ဖြစ်၍ သခင်ဘုရားက ငါ့အား ပီးသနားတော်မူသော ရူပါရုံများနှင့် ဗျာဒိတ်တော်များအကြောင်းကို အဂ္ဂ ပြောပြမည်။ 2 လွန်သော တစ်ဆယ့်လေးနှစ်က ခရစ်တော်ကို ယုံကြည်သူတစ်ဦးသည် တတိယ ကောင်းကင်ဘုံတိုင်အောင် ဆောင်ယူခြင်းခံရသည်ကို ငါသိ၏။ ဤသို့ ဆောင်ယူခြင်းခံရသည်မှာ ခန္ဓာပါသည်၊ မပါသည်ကို ငါမသိ။ ဘုရားသခင်သာလျှင် သိတော်မူ၏။ 3 ငါဆိုသည်ကား၊ ထိုသူသည် ပရဒိုသုဘုံသို့ ဆောင်ယူခြင်းခံရသည်ကို ငါသိ၏။ တဖန် ဤသို့ ဖြစ်ပျက်ခြင်းသည် ခန္ဓာပါသည်၊ မပါသည်ကို ငါမသိ။ ဘုရားသခင်သာလျှင် သိတော်မူ၏။ ထိုအရာကို လူ၏နှုတ်ဖြင့် မမြတ်ဆိုနိုင်။ စကားလုံးအားဖြင့်လည်း မဖော်ပြနိုင်သောအရာများကို ထိုသူသည် ကြားခရ၏။ 5 သို့ ဖြစ်၍ ငါသည် ထိုသူ၏ အကြောင်းကို ငါ ဝါကြွားမည်။ သို့သော် ငါ၏ အားနည်းချက်မှလွဲ၍ ငါ၌ အခြားသော ဝါကြွားစရာမဟိ။ 6 ငါသည် ဝါကြွားရန် အလိုဟိလျှင်လည်း မိုက်မဲသောသူ ဖြစ်လိမ့်မည် မဟုတ်။ ဇာကြောင့်ဆိုသော် ငါသည် မှန်သောစကားကိုသာ ပြောခြင်းဖြစ်၏။ သို့သော် မည်သူမျှ ငါ့ကို မြင်ရ၊ ကြားရသည်ထက် ပို၍ အထင်မကြီးစီလိုသဖြင့် ငါသည် ဝါကြွားလိမ့်မည် မဟုတ်။ 7 ငါမြင်ရသည့် ဗျာဒိတ်တော်သည် အလွန် ထူးမြတ်သောကြောင့် ငါ့ကို

ထောင်လွှားခြင်း မပြုစီရန် ငါ၏ ခန္ဓာတွင် နာကြင်စီသော ဆူးတစ်ခုကို ပီး၏။ ထိုဆူးသည် စာတန်၏ စီတမန်သဖွယ် ငါ့ကို ဒဏ်ခတ်၍ ငါ၏မာနကို ချိုးနှိမ်၏။ 8 ထိုအရာကို ငါ့ပါးမှ ဖယ်ယှားပီးရန် သခင်ဘုရားထံ သုံးကြိမ်တိုင်တိုင် ငါ ဆုတောင်းခ၏။ 9 သို့သော် ကိုယ်တော်က “ငါ၏ ကျေးဇူးတော်သည် သင့်အတွက် လုံလောက်ပေသည်။ အကြောင်းမူကား ငါ၏တန်ခိုးသည် အားနည်းခြင်းကို ပြည့်စုံစီ၏” ဟု ဖြေကြားတော်မူ၏။ သို့ ဖြစ်၍ ခရစ်တော်၏ တန်ခိုးတော်သည် ငါ၌ တည်နိုင်သည်ဖြစ်၍ ငါ၏အားနည်းချက်များနှင့်ပတ်သက်၍ ငါသည် အလွန်ဝမ်းမြောက်စွာ ဝါကြွားလိမ့်မည်။ 10 ခရစ်တော်အဖို့အလိုငှာ ငါခံရသော အားနည်းခြင်း၊ စော်ကားခြင်း၊ ဒုက္ခခံရခြင်း၊ ညည်းဆံခံရခြင်း၊ ခက်ခဲခြင်းဝေဒနာများကို ငါနှစ်သက်၏။ အကြောင်းမူကား ငါသည် အားနည်းသောအခါ၌ သာ၍ ခွန်အားဟိတော်မူ၏။ 11 ငါသည် မိုက်မဲသောသူကဲ့သို့ ဖြစ်နိုင်ပါသည်။ သို့ရာတွင် သင်ရိုက် ငါ့အား ထိုသို့ဖြစ်အောင် ပြုနိုင်ခြင်းဖြစ်၏။ ငါသည် တစ်ခုမျှ မဟုတ်သော်လည်း သင်ရိုက်၏ အလွန် ကြီးမြတ်သော “တမန်တော်တံ” ထက် နိမ့်ကျသည် မဟုတ်။ သို့ ဖြစ်၍ သင်ရိုက်သည် ငါ့အား ထောက်ခံချီးကျူးသင့်ပေသည်။ 12 ငါသည် တမန်တော်တစ်ပါးဖြစ်ကြောင်းကို သင်ရိုက်တွင် များစွာသော သည်းခံခြင်းဖြင့် ပြုသော သက်သီသည်ကား နိမိတ်လက္ခဏာများ၊ အံ့ဩဖွယ်ရာများ ဖြစ်၏။ 13 သင်ရိုက်ကို ငွီရေးကြေးရေး ကူညီပီးရန်အတွက် ဝန်ထုပ်ဝန်ပိုး မဖြစ်စီသည့်မှတစ်ပါး ငါသည် သင်ရိုက်အား အခြားအသင်းတော်များထက် နှိမ့်ချ၍ ဆက်ဆံသလော။ ထိုသို့ ဖြစ်စီသလျှင် ငါ့အား ခွင့်ရွတ်ကြပါ။ 14 အဂု ငါသည် သင်ရိုက်သို့ တတိယအကြိမ် အလည်လာရန် အဆင်သင့်ဟိပြီ။ သို့သော် ငါသည် သင်ရိုက်အား ဝန်ထုပ်ဝန်ပိုး ဖြစ်စီမည်မဟုတ်။ သင်ရိုက်၏ ပိုင်ဆိုင်မှုတို့ကို ငါအလိုမဟိ။ ငါအလိုဟိသည်ကား သင်ရိုက်၏ ဥစ္စာများ မဟုတ်။ သင်ရိုက်သာ ဖြစ်၏။ သားသမီးတို့က သူရိုက်ဘဝအတွက် ဥစ္စာကို ဆည်းပူရသည် မဟုတ်ဘဲ၊ မိဘတို့ကသာလျှင် သားသမီးတို့အတွက် ဥစ္စာကို ဆည်းပူးရ၏။ 15 ငါသည် သင်ရိုက်အား ကူညီရန် ငါ၌ ဟိသမျှတို့ကိုလည်းကောင်း၊ ငါ့ကိုယ်ကိုလည်းကောင်း ဝမ်းမြောက်စွာ အသုံးပြုမည်။ ငါသည် သင်ရိုက်အား ဤမျှလောက်ချစ်လျက်ပင် သင်ရိုက်သည် ငါ့အား ချစ်ခြင်းမေတ္တာ လျော့နည်းကြမည်လား။ 16 ငါသည် သင်ရိုက်အား ဝန်ထုပ်ဝန်ပိုး မဖြစ်စီသောကြောင်းကို သင်ရိုက်သည် ဝန်ခံကြလိမ့်မည်။ သို့သော် ငါသည် သင်ရိုက်အား လိမ်လည်လှည့်စားလျက် ထောင်ချောက်ဆင်ခသည်ဟု တစ်စုံတစ်ယောက်က ပရိယာယ်ဖြင့် စွပ်စွဲလိမ့်မည်။ 17 ဇာပိုင် ငါလှည့်စားသနည်း။ ငါ စီရွတ်လိုက်သောသူ တစ်ဦးဦးအားဖြင့် ငါသည် သင်ရိုက်မှ အခွင့်အရေး ယူခဏလား။ 18 ငါသည် တိတုအား သင်ရိုက်သို့ လားရန် တောင်းပန်ပြောဆို၍ အခြားသော ယုံကြည်သူ ညီအစ်ကိုတစ်ဦးနှင့်အတူ စီရွတ်ခ၏။ တိတုသည် သင်ရိုက်က အခွင့်အရေး ယူသည့်ဟု ဆိုမည်လား။ သူနှင့်ငါသည် တူညီသော စိတ်သဘောဖြင့် တစ်လမ်းတည်း လျှောက်လှမ်းခကြသည် မဟုတ်လား။ 19 ငါရိုက်သည် တစ်ချိန်လုံး မိမိကိုယ်ကို ကာကွယ်ရန် ကြိုးစားနိုင်ကြသည်ဟု သင်ရိုက် ထင်ကောင်းထင်ကြလိမ့်မည်။ ထိုသို့ မဟုတ်။ ငါရိုက်သည် ခရစ်တော် ပြောလိုသည့်အတိုင်း ဘုရားသခင်၏ ရှိတော်မောက်တွင် ပြောဆိုနိုင်ကြခြင်းသာ ဖြစ်၏။ ချစ်သောအဆိုရိုက်၊ ငါရိုက်ပြုသမျှသည် သင်ရိုက်ကို တည်ဆောက်ရန်ပင် ဖြစ်ပေသည်။ 20 သင်ရိုက်သို့ ရောက်သောအခါ ငါတို့မြင်လိုသည်အတိုင်း သင်ရိုက်အား မတို့ရမည်ကိုလည်းကောင်း၊ သင်ရိုက် မြင်တို့လိုသည်အတိုင်း ငါရိုက်အား မတို့ရကြမည်ကိုလည်းကောင်း၊ ခိုက်ရန်ဖြစ်ခြင်း၊ မနာလိုခြင်း၊ ဒေါသထွက်ခြင်း၊ တစ်ကိုယ်ကောင်းဆန်ခြင်း၊ ဂုဏ်ပြိုင်ခြင်း၊ စော်ကားပြောဆိုခြင်း၊ အတင်းပြောခြင်း၊ မောက်မာခြင်းနှင့် ဝရန်သုန်ကားဖြစ်ခြင်းများ တို့ရမည်ကို ငါ စိုးရိမ်၏။ 21 နောက်တစ်ကြိမ် ငါလာသောအခါ ငါ၏ ဘုရားသခင်သည် သင်ရိုက်၌ ငါ့အား နှိမ့်ချတော်မူပြီး အယင်က အပြစ်ပြုသော သူများအတွက် လည်းကောင်း၊ သူတစ်ပါးမယားကို ပြစ်မှားခြင်း၊ ကိလေသာလွန်ကျူးခြင်းနှင့် ကာမဂုဏ်လိုက်စားခြင်း စသည့် အမှုအရာများကို ပြုလုပ်ခြင်းမှ နောင်တမရသောသူများအတွက် လည်းကောင်း မျက်ရည်ကျရမည်ကို ငါသည် စိုးရိမ်မိ၏။

13 အဂု ငါသည် သင်ရိုက်သို့ တတိယအကြိမ် လာလည်အံ့မည်။ “အမှုကိုစွန့်သမျှကို သက်သိနှစ်ဦး သို့မဟုတ် သုံးဦး၏ ထွက်ဆိုချက်အရ မှန်ကန်ကြောင်း အတည်ပြုရမည်” ဟု ကျမ်းစာ၌ ဖော်ပြထား၏။

2 အယင်က အပြစ်ကျူးလွန်သူများနှင့် တခြားသောသူ အားလုံးအား ဒုတိယအကြိမ် ရောက်သောအချိန်၌ သတိပီးသည့်အတိုင်း အဂ္ဂ တဖန် သင်ရိုးနှင့် ဝီနိနိစဉ် ငါသတိပီးသည်ကား၊ နောက်တစ်ကြိမ် ငါရောက်လာလျှင် သင်ရိုးသည် ပြစ်ဒဏ်မှ လွတ်လိမ့်မည် မဟုတ်။ 3 ခရစ်တော်သည် ငါ့အားဖြင့် မိန့်တော်မူကြောင်း သက်သီအားလုံးကို သင်ရိုးတောင်းဆိုကြသည့်အတိုင်း ရကြလိမ့်မည်။ ခရစ်တော်သည် သင်ရိုးနှင့်အတူ ဟိသောအခါ အားနည်းတော်မမူဘဲ မိမိ၏တန်ခိုးတော်ကို သင်ရိုး၌ ထင်ရှားစွာ ပြတော်မူ၏။ 4 ကိုယ်တော်သည် လက်ဝါးကပ်တိုင်ထက်တွင် အသီသတ်ခံရစဉ်က အားနည်းသည့် အခြေအနေ ဟိသောလည်း ဘုရားသခင်၏ တန်ခိုးတော်အားဖြင့် အသက်ရှင်တော်မူ၏။ ထို့ကြောင့် ငါရိုးသည်လည်း ကိုယ်တော်၌ အားနည်းကြသော်လည်း သင်ရိုး၌ ဘုရားသခင်၏ တန်ခိုးတော်အားဖြင့် ကိုယ်တော်နှင့်အတူ အသက်ရှင်ကြလိမ့်မည်။ 5 သင်ရိုးသည် ယုံကြည်ခြင်း၌ တည်သည်၊ မတည်သည်ကို မိမိကိုယ်ကို ဆန်းစစ် ဆုံးဖြတ်ကြလော့။ သင်ရိုးအထဲ၌ ယေသျှု ခရစ်တော်ဟိကြောင်းကို သေချာစွာ သိကြသလော။ သို့မဟုတ်လျှင် သင်ရိုးသည် စုံစမ်းစစ်ဆီးခြင်း၌ ယှဉ်နှိုင်းကြပြီလော။ 6 ငါရိုးသည် ယှဉ်နှိုင်းသောသူတို့ မဟုတ်ကြောင်းကို သင်ရိုး သိလိမ့်မည်ဟု ငါ ယုံကြည်၏။ 7 သင်ရိုးသည် မကောင်းသောအမှု တစ်စုံတစ်ခုကိုမျှ မပြုမည်အကြောင်း ဘုရားသခင်ထံ၌ ငါရိုးဆုတောင်းကြ၏။ ဤသို့ပြုရခြင်းမှာ ငါရိုးသည် အောင်မြင်သော သူတို့ဖြစ်ကြောင်း ထင်ပေါ်စီချင်၍ မဟုတ်။ ငါရိုးသည် ယှဉ်နှိုင်းသောသူများကဲ့သို့ ဖြစ်သော်ငြားလည်း သင်ရိုးသည် ကောင်းမြတ်သည့်အမှုကို ပြုနိုင်စီရန် ဖြစ်၏။ 8 အကြောင်းမူကား ငါရိုးသည် သမ္မာတရားကို ဆန့်ကျင်၍ ဇာအမှုကိုမျှ မပြုနိုင်ကြသော်လည်း သမ္မာတရားဖက်၌ နိမ္မိသာလျှင် ပြုနိုင်ကြ၏။ 9 ငါရိုးသည် အားနည်းသော်လည်း သင်ရိုးသည် အားကြီးသောအခါ ငါရိုး ဝမ်းမြောက်ကြ၏။ သို့ ဖြစ်၍ သင်ရိုးသည် ပြည့်ဝစုံလင်သူများ ဖြစ်ကြရန်အတွက်လည်း ငါရိုး ဆုတောင်းကြ၏။ 10 သင်ရိုးနှင့် ဝီးကွာသည့်ကာလ ဤစာကို ရိုးရခြင်းမှာ သခင်ဘုရားက ငါ့အား ပီးတော်မူသည့် အခွင့်အာဏာကို ပြင်းထန်စွာ အသုံးမချရန်ဖြစ်၏။ ထိုအခွင့်အာဏာသည် သင်ရိုးအား ဖြိုဖျက်ရန် အတွက် မဟုတ်ဘဲ တည်ဆောက်ရန် အတွက်ဖြစ်၏။ 11 ညီအစ်ကိုမောင်နှမရိုး ဝမ်းမြောက်ကြလော့။ ပြည့်စုံစီရန်အတွက် ကြိုးစားအားထုတ်လော့။ ငါ၏ တိုက်တွန်းချက်ကို နားထောင်ကြလော့။ အချင်းချင်း စိတ်သဘောတူညီလျက် သင့်မြတ်စွာ နီထိုင်ကြလော့။ သို့ပြုလျှင် ဘုရားသခင်၏ မေတ္တာတော်နှင့် ငြိမ်သက်ခြင်းသည် သင်ရိုးနှင့်အတူ ဟိတော်မူလိမ့်မည်။ 12 သင်ရိုးသည် တစ်ယောက်ကိုတစ်ယောက် သန့်ယှဉ်သော အနမ်းဖြင့် နှုတ်ဆက်ကြလော့။ 13 သန့်ယှဉ်သူအပေါင်းရိုးသည် သင်ရိုးအား နှုတ်ဆက်လိုက်ကြ၏။ 14 အသျှင်ယေသျှု၊ ခရစ်တော်၏ ကျေးဇူးတော်၊ ဘုရားသခင်၏ မေတ္တာတော်နှင့် သန့်ယှဉ်သော ဝိညာဉ်တော်၏ မိတ်သဟာယဖွဲ့ခြင်းသည် သင်ရိုးအားလုံးနှင့်အတူ ဟိပါစီသောဝံ။

1 လူတိပါးမှ မဟုတ်၊ လူ့အားဖြင့်လည်း မဟုတ်ဘဲ ယေသုရှုခရစ်တော်အားဖြင့် လည်းကောင်း၊ ကိုယ်တော်ကို သီခြင်းမှ ရှင်ပြန်ထမြောက်စီတော်မူသော အဖဘုရားသခင်အားဖြင့် လည်းကောင်း တမန်တော်ဖြစ်သော ငါပေါလုမှစ၍၊ **2** ငါနှင့်အတူတပါးသော ညီအစ်ကို၊ မောင်နှမအားလုံးသည်၊ **3** ငါရဲ့အဖ ဘုရားသခင်နှင့် အသွင်ယေသုရှု ခရစ်တော်ထံပါးမှ ကျေးဇူးတော်နှင့် ငြိမ်သက်ခြင်းသည် သင်ရဲ့၌ သက်ရောက်ပါစီ။ **4** ငါရဲ့အဖ ဘုရားသခင်၏ အလိုတော်နှင့်အညီ ခရစ်တော်သည် ငါရဲ့အား ဤဆိုးယုတ်သော မျက်မှောက်ကာလမှ ကယ်တင်နိုင်ရန် ငါရဲ့၏အပြစ်တိအတွက် မိမိကိုယ်ကို စွန့်တော်မူ၏။ (aiōn g165) **5** ဘုရားသခင်သည် ကာလအစဉ်အဆက် ဘုန်းကြီးတော်မူစီသတည်း။ အာမင်။ (aiōn g165) **6** ခရစ်တော်၏ ကျေးဇူးတော်အားဖြင့် သင်ရဲ့အား ခေါ်ယူတော်မူသော အသွင်ကို သင်ရဲ့သည် ဤမျှလောက် စောလျင်စွာ စွန့်ခွဲ၍ အခြားသော သတင်းကောင်းကို နာယူလျက်ဟိသဖြင့် ငါသည် အလွန်အံ့သြ၏။ **7** အမှန်ဆိုသော် “အခြားသော သတင်းကောင်း” ဟူ၍မဟိ။ သို့ရာတွင် လူတချို့သည် သင်ရဲ့ကို အနှောက်အယှက်ဖြစ်စီပြီး ခရစ်တော်၏ သတင်းကောင်းကို မှောက်လှန်လိုခြင်းငှာ ကြိုးစားနိုင်ခြင်းသာ ဖြစ်သည်ဟု ငါပြောဆို၏။ **8** သို့သော်လည်း ငါရဲ့ဖြစ်စီ၊ ကောင်းကင်ဘုံမှ ကောင်းကင်တမန်ဖြစ်စီ သင်ရဲ့အား ငါရဲ့ဟောပြောသည့် သတင်းကောင်းနှင့် ကွဲပြားခြားနားသည့် အခြားသော သတင်းကောင်းကို ဟောပြောလျှင် ထိုသူရဲ့သည် ဘုရားသခင်၏ ကျိန်ခြင်းကိုခံစီ။ **9** အယင်က ငါရဲ့ ပြောသည့်အတိုင်း အဂုလည်း ထပ်၍ ငါပြောဆို၏။ အကယ်၍ ဇာသူမဆို သင်ရဲ့လက်ခံခပြီးဖြစ်သည့် သတင်းကောင်းနှင့် ကွဲပြားခြားနားသည့်အရာကို ဟောပြောလျှင် ထိုသူသည် ဘုရားသခင်၏ ကျိန်ခြင်းကို ခံစီ။ **10** ဤသို့ ပြောဆိုရာတွင် ငါသည် လူ၏အလိုကို လိုက်ရန် ကြိုးစားနိုင်သလော။ သို့မဟုတ် ဘုရားသခင်၏ အလိုတော်ကို လိုက်ရန် ကြိုးစားနိုင်သလော။ ထိုသို့ မဟုတ်လျှင် ငါသည် လူတိစိတ်ကို ကြေနှပ်စီခြင်းငှာ ကြိုးစားနိုင်သလော။ အကယ်၍ ငါသည် လူတိစိတ်ကို ကြေနှပ်စီခြင်းငှာ ကြိုးစားနိုင်လျှင် ခရစ်တော်၏ အခိုင်းအစီ ဖြစ်နိုင်မည် မဟုတ်။ **11** ညီအစ်ကို မောင်နှမရဲ့ ငါဟောပြောသည့် သတင်းကောင်းသည် လူဖန်တီးထားသော တရား မဟုတ်ကြောင်းကို သင်ရဲ့အား ငါဖော်ပြမည်။ **12** ထိုသတင်းကောင်းသည် ဇာသူပါးကလေး ငါ ရသည် မဟုတ်။ ထိုသတင်းကောင်းကို ငါ့အား ဇာသူလေး မသင်ပီးခ၊ ယေသုရှုခရစ်ကိုယ်တော်တိုင် ဗျာဒိတ်တော်အားဖြင့် ငါ့အား ပီးအပ်တော်မူ၏။ **13** ငါသည် ယုဒဘာသာဝင်အဖြစ် အသက်ရှင်နီထိုင်ခစဉ်က ဇာပိုင် ကျင့်ကြံပြုမူသသည်ကို သင်ရဲ့ ကြားသိကြ၏။ ငါသည် ဘုရားသခင်၏ အသင်းတော်ကို ကရုဏာစိတ် မဟိဘဲ ညည်းပန်းနှိပ်စက်၍ ဖျက်ဆီးရန် အစွမ်းကုန် ကြိုးစား၏။ **14** ယုဒဘာသာတရားကို လက်တွဲကျင့်သုံးရာတွင် ငါသည် မိမိနှင့်သက်တူရွယ်တူ ယုဒလူမျိုးရဲ့ကို ဦးဆောင်ခပြီးလျှင် ငါရဲ့အဖိုးအဖိုးရဲ့၏ ထုံးတမ်းစဉ်လာတိကိုလည်း အလွန်စိတ်အားထက်သန်၏။ **15** သို့သော်လည်း ဘုရားသခင်သည် အမိဝမ်းထဲကပင် ကျေးဇူးတော်အားဖြင့် ငါ့အား ရှိုးချယ်ထား၍ အမှုတော်ဆောင်ရန် ခေါ်တော်မူပြီး၊ **16** ကိုယ်တော်၏သတင်းကောင်းကို လူမျိုးခြားတိအား ဟောပြောရန် မိမိ၏သားတော်ကို ငါ့အား ဖော်ပြတော်မူ၏။ ထိုအခါ ငါသည် ဇာသူပါးမှ အကြံဉာဏ်ကို တောင်းခံခြင်း မပြုခဲ့ပေ။ **17** ငါ့ထက် အယင်ဦးစွာ တမန်တော်အရာကို ရဟိထားသော သူရဲ့နှင့်တို့ဆုံရန် ယေရုဆလင်မြို့ကိုလည်း ငါမလားခ။ အာရပ်ပြည်သို့ အယင်လားပြီးနောက် ဒမာသက်မြို့သို့ ပြန်လာ၏။ **18** ထို့နောက် သုံးနှစ်ကြာပြီးမှ ပေတရုနှင့် တို့ဆုံရန် ယေရုဆလင်မြို့သို့ တက်လားပြီးလျှင် သူနှင့်အတူ တစ်ဆယ့်ငါးရက် နီထိုင်၏။ **19** သို့သော် သခင်ဘုရား၏ ညီတော်ဖြစ်သော ယာကုပ်မှလွဲ၍ အခြားတမန်တော် တစ်ယောက်လေ ငါ မတို့ခ။ **20** သင်ရဲ့ပါးသို့ ငါ ရီးသားခသော အကြောင်းအရာသည် မုသားမပါဘဲ မှန်ကန်ကြောင်းကို ဘုရားသခင် သိတော်မူ၏။ **21** ထို့နောက်တွင် ငါသည် ယှရိပြည်နှင့် ကိလိကီပြည်သို့ လား၏။ **22** သို့သော် ထိုအချိန်၌ ယုဒပြည်၌ဟိသော အသင်းတော်များမှ ယုံကြည်သူရဲ့သည် ငါနှင့်ပုဂ္ဂိုလ်ရေးအရ မသိကျွမ်းကြသိမ့်ပေ။ **23** “ငါရဲ့ကို ညည်းဆဲခသောသူသည်

အယင်က သူ ဖျက်ဆီးရန် ကြိုးစားသော ယုံကြည်ခြင်းတရားကို အဂုဏ်အခါတွင် ငါရိုးအား ဟောပြောနိုင်၏” ဟု အခြားသောသူတို့ ပြောဆိုသံကဲ့သို့ သူရိုး ကြားသိရကြ၏။ 24 သို့ဖြစ်၍ သူရိုးသည် ငါ့ကြောင့် ဘုရားသခင်ကို ချီးမွမ်းကြလေ၏။

2 တစ်ဆယ့်လေးနှစ် ကြာပြီးနောက် ငါသည် တိတုကို ခေါ်၍ ဗာနဗနှင့်အတူ ယေရုဆလင်မြို့သို့ ပြန်တက်လာကြ၏။ 2 အကြောင်းမူကား ငါသည် ဘုရားသခင်၏ ဗျာဒိတ်တော်အတိုင်း ဤသို့ လားရခြင်းဖြစ်၏။ ငါသည် ခေါင်းဆောင်တို့နှင့် သီးသန့် တို့ဆုံပြီး တခြားလူမျိုးရိုးအား ငါဟောပြောထားသည့် သတင်းကောင်းကို တင်ပြ၏။ ဤသို့ တင်ပြရခြင်းမှာ ငါသည် အယင်က လုပ်သည့် အရာများသည် လည်းကောင်း၊ အဂု လုပ်နိုင်သည့် အရာများသည် လည်းကောင်း အချည်းနှီး မဖြစ်စီလိုသောကြောင့် ဖြစ်၏။ 3 ငါ၏ အပေါင်းဖော်ဖြစ်သော တိတုသည် ဂရိလူမျိုးဖြစ်လျက်ပင် အရီဖျားလှီးခြင်းကိုခံရန် အတင်းအကြပ် မခံယူစီ။ 4 ဤသို့ ဆိုရခြင်းမှာ ယုံကြည်သူအဖြစ် အယောင်ဆောင်သူ တချို့သည် လျှို့ဝှက်စွာ ဝင်ရောက်လာသောကြောင့်ဖြစ်၏။ ထိုသူရိုးသည် ငါရိုးအား ကျွန်ုပ်ပြုလို၍ ခရစ်တော် ယေသျှုအားဖြင့် ငါရိုးရပါသော လွတ်လပ်မှုကို စုံစမ်းရန် ငါရိုးအသိုင်းအဝိုင်းထဲသို့ ဝင်ရောက်လာခြင်းဖြစ်၏။ 5 သို့သော်လည်း စစ်မှန်သော သတင်းကောင်းသည် သင်ရိုးအတွက် လုံခြုံစွာ တည်တံ့ခိုင်မာသောကြောင့် ငါရိုးသည် သူရိုးအား တစ်ခဏမျှပင် မလိုက်လျော့ပေ။ 6 ခေါင်းဆောင်တို့ဟု ထင်မှတ်ရသော သူရိုးသည် အယင်က ဇာပိုင်လူမျိုးပင် ဖြစ်ပါစီ ငါ့အတွက် ခြားနားခြင်းမဟုတ်။ ဘုရားသခင်သည် အပြင်ပန်းသဏ္ဌာန်အားဖြင့် လူတို့အား အကဲဖြတ်တော်မမူ။ ဇာကြောင့်ဆိုသော် သူရိုးသည် ငါဟောပြောသော သတင်းကောင်းတရား၌ ဇာတစ်ခဏလေ့ မဖြည့်စွက်ပေ။ 7 ထိုသို့ ဖြည့်စွက်ပီးမည့်အစား ဘုရားသခင်သည် ပေတရုအား သတင်းကောင်းကို ယုဒလူမျိုးရိုးကို ဟောပြောရန် ယုံကြည် အပ်နှံတော်မူသကဲ့သို့ ငါ့ကိုလည်း တခြားလူမျိုးတို့ပါးသို့ သတင်းကောင်းကို ဟောပြောရန် တာဝန်ပေးတော်မူကြောင်း သူရိုးသည် သိမြင်ကြလေ၏။ 8 ဇာကြောင့်ဆိုသော် ဘုရားသခင်သည် တန်ခိုးတော်အားဖြင့် ပေတရုအား ယုဒလူမျိုးတို့အတွက် တမန်တော်အဖြစ် ခန့်ထားတော်မူသကဲ့သို့ ငါ့ကိုလည်း အခြားလူမျိုးတို့အတွက် တမန်တော်အဖြစ် ခန့်ထားတော်မူသောကြောင့် ဖြစ်၏။ 9 ခေါင်းဆောင်တို့ဖြစ်ကြသည့် ယာကုပ်၊ ပေတရုနှင့် ယောဟန်ရိုက ငါ့အား ဘုရားသခင်ပေးတော်မူသော အခွင့်ထူးကို အသိမှတ်ပြုကြ၏။ ထို့ကြောင့် ငါရိုးအားလုံးသည် လုပ်ဖော်ဆောင်ဖက်များ ဖြစ်ကြသည့်အနိမ့်ဖြင့် သူရိုးသည် ဗာနဗနှင့် ငါ့အား လက်ဆွဲနုတ်ဆက်ကြ၏။ သူရိုးသည် ယုဒလူမျိုးကြား၌ လည်းကောင်း၊ ဗာနဗနှင့် ငါ့အား တခြားလူမျိုးတို့ကြား၌ လည်းကောင်း လုပ်ဆောင်ကြရန် ငါရိုးသဘောတူကြ၏။ 10 ငါရိုးသည် ဆင်းရဲသားရိုးကို အောက်မီစီခြင်းငှာ သူရိုးက မှာကြားခ၏။ ထိုအမှုကိုပြုရန် ငါလည်း စိတ်အားထက်သန်ခြင်း ဟိခ၏။ 11 သို့ရာတွင် အန္တီအုတ်မြို့သို့ ပေတရု ရောက်လာသောအခါ သူ၏အပြုအမူသည် ထင်ရှားစွာ မှားယွင်းနိုင်သောကြောင့် ငါသည် သူ့အား လူတိရိစ္ဆာန် ဖြစ်တင်ပြောဆို၏။ 12 ယာကုပ် စီရိုတ်လိုက်သော လူတချို့မရောက်ခင် ပေတရုသည် လူမျိုးခြား ယုံကြည်သူတို့နှင့်အတူ စားသောက်လျက်ရှိ၏။ ယေဒါလည်း ထိုသူရိုး ရောက်လာသောအခါကား လူမျိုးခြား ယုံကြည်သူတို့နှင့် ပေါင်းဖော်စားသောက်ခြင်းကို မပြုယူ။ ဇာကြောင့်ဆိုသော် သူသည် အရီဖျားလှီးခြင်းမရှိလာကုန်သော သူရိုးအား ကြောက်သောကြောင့် ဖြစ်၏။ 13 အခြားသော ယုဒလူမျိုး ယုံကြည်သူ ညီအစ်ကို မောင်နှမရှိသည်လည်း ပေတရုကဲ့သို့ သူတော်ကောင်းယောင်ဆောင်သော အပြုအမူတို့ကို ပြုလာသဖြင့် ဗာနဗသည်ပင်လျှင် သူရိုး၏ ပြုမူခြင်းသို့ လိုက်ပါလား၏။ 14 သို့ရာတွင် သူရိုးသည် မှန်သော ဧဝံဂေလိတရားနှင့်အညီ ဖြောင့်မတ်စွာ လျှောက်လှမ်းမှုမဟုတ်သည်ကို ငါမြင်သောအခါ သူရိုးအားလုံးရှိတွင် ပေတရုအား “သင်သည် ယုဒအမျိုးသားဖြစ်လျက်ပင် ယုဒလူမျိုးကဲ့သို့ မဟုတ်ဘဲ တခြားလူမျိုးကဲ့သို့ ပြုမူနိုင်လျက်ရှိ၏။ သို့သော်လည်း တခြားလူမျိုးရိုးအား ယုဒလူမျိုးကဲ့သို့ အသက်ရှင်နိုင်ရန် ဇာကြောင့် အတင်းအားဓမ္မပြုရပါသနည်း” ဟု မိန်း၏။ 15 ငါရိုးသည် ဇာတိအားဖြင့် ယုဒလူမျိုးဖြစ်ပြီး၊ “အပြစ်ကျူးလွန်သော တခြားလူမျိုးများ” မဟုတ်ကြပေ။ 16 သို့သော်လည်း လူသည် ပညတ်တရား၏ အကျင့်အားဖြင့် ဖြောင့်မတ်ရာသို့

မရောက်နိုင်၊ ယေသျှုခရစ်တော်ကို ယုံကြည်ခြင်းအားဖြင့်သာလျှင် ရနိုင်ကြောင်းကို ငါရိုသ်ကြ၏။ ငါရိုကလည်း ပညတ်တရား၏ အကျင့်အားဖြင့် မဟုတ်ဘဲ ခရစ်တော်ကို ယုံကြည်အားဖြင့် ဖြောင့်မတ်ရာသို့ရောက် ကြ၏။ ဇာကြောင့်ဆိုသော် ပညတ်တရား၏ အကျင့်အားဖြင့် တစ်ယောက်မျှ ဖြောင့်မတ်ရာသို့ မရောက်နိုင်သောကြောင့် ဖြစ်၏။ 17 သို့ရာတွင် ငါရိုသည် ခရစ်တော်၌ ဖြောင့်မတ်ရာသို့ ရောက်နိုင်ရန် ကြိုးစားကြရာတွင် တခြားလူမျိုးတို့နည်းတူ အပြစ်သားတို့ဖြစ်ကြောင်း တွိရ၏။ သို့ရာတွင် ခရစ်တော်သည် အပြစ်တရားကို ဖြစ်စီသောသူဟု ဆိုနိုင်သလော။ လုံးဝ မဆိုနိုင်။ 18 အကယ်၍ ငါကိုယ်တိုင် ဖြိုဖျက်ခသောအရာကို ပြန်လည် တည်ဆောက်မည်ဆိုလျှင် ငါသည် ပညတ်တရားကို ချိုးဖောက်သူဖြစ်ကြောင်း ပြသရာရောက်၏။ 19 ဇာကြောင့်ဆိုသော် ပညတ်တရားသည် ငါ့ကို သီဆုံးစီသည်ဖြစ်သောကြောင့် ပညတ်တရားနှင့်ပတ်သတ်လျှင် ငါသည် လူသီဖြစ်၏။ သို့မှသာ ဘုရားသခင်အတွက် အသက်ရှင်နိုင်မည်ဖြစ်၏။ 20 ငါသည် ခရစ်တော်နှင့်အတူ လက်ဝါးကပ်တိုင်ထက်မှာ အသီသတ်ခြင်းကို ခံပြီးယာ။ သို့ဖြစ်၍ ငါသည် ကိုယ်တိုင်အသက်မရှင်ဘဲ ခရစ်တော်သည် ငါ၌ အသက်ရှင်တော်မူ၏။ အဂ္ဂ ငါ၌ဟိသော အသက်သည် ဘုရားသခင်၏သားတော်ကို ယုံကြည်ခြင်းအားဖြင့် ဖြစ်၏။ ထိုသားတော်သည် ငါ့ကို ချစ်သောကြောင့် ငါ့အတွက် မိမိ၏အသက်ကို စွန့်တော်မူ၏။ 21 ဘုရားသခင်၏ ကျေးဇူးတော်ကို ငါသည် မငြင်းပယ်။ သို့သော်လည်း လူအပေါင်းရို့သည် ပညတ်တရားအားဖြင့် ဖြောင့်မတ်ခြင်းကို ရနိုင်ကြလျှင် ခရစ်တော်၏ အသီခံခြင်းသည် အချည်းနှီး ဖြစ်တော်မူ၏။

3 မိုက်မဲသော ဂလာတိအသင်းသားရို့၊ ဇာသူက သင်ရို့အား ပြုစားထားသနည်း။ လက်ဝါးကပ်တိုင်ထက်တွင် ယေသျှုခရစ်တော် အသီခံတော်မူပုံကို သင်ရို့မျက်စိရှိတွင် ထင်ရှားစွာ ဟိခ၏။ 2 ဘုရားသခင်၏ ဝိညာဉ်တော်ကို သင်ရို့ လက်ခံရခြင်းသည် ပညတ်တရားနှင့်ဆိုင်သော အကျင့်အားဖြင့်လော၊ သို့မဟုတ် သတင်းကောင်းကို ကြားနာရ၍ ယုံကြည်ခြင်းအားဖြင့်လော၊ ဤအချက်ကို ငါအား ပြောကြလော့။ 3 သင်ရို့သည် ယေလောကတောင် မိုက်မဲကြသလော။ သင်ရို့သည် ဘုရားသခင်၏ဝိညာဉ်တော်အားဖြင့် အစပြုခပြီးနောက် အဂ္ဂအခါ သင်ရို့၏ ဇာတိအားဖြင့် အဆုံးသတ်ဖို့ ကြိုးစားနိုင်ကြသလော။ 4 သင်ရို့၏ တို့ကြုံခံစားခသည့် အရာအားလုံးသည် အလကား ဖြစ်လားခယာလား။ အမှန်ပင် အလကား ဖြစ်လားခယာလား။ 5 ဘုရားသခင်သည် သင်ရို့အား ဝိညာဉ်တော်ကို ပီးသနားတော်မူပြီးလျှင် အံ့ဖွယ်နိမိတ်လက္ခဏာများကို ပြုတော်မူခြင်းမှာ ပညတ်တရားနှင့်ဆိုင်သော အကျင့်အားဖြင့်လော။ သို့မဟုတ် သတင်းကောင်းကို ကြားနာ၍ ယုံကြည်ခြင်းအားဖြင့်လော။ 6 ထိုနည်းတူ ကျမ်းစာတော်မြတ်က “အာဗြဟံသည် ဘုရားသခင်ကို ယုံကြည်၏။ သူ၏ယုံကြည်ခြင်းကို ဖြောင့်မတ်ခြင်းအဖြစ် ဘုရားသခင်သည် မှတ်တော်မူ၏” ဟု ဆို၏။ 7 သို့ဖြစ်၍ ဘုရားသခင်ကို ယုံကြည်သော သူအပေါင်းရို့သည် အာဗြဟံ၏ သားသမီး အစစ်အမှန် ဖြစ်ကြောင်းကို သင်ရို့သိမှတ်ကြလော့။ 8 ဘုရားသခင်သည် တခြားလူမျိုးရို့၏ ယုံကြည်ခြင်းကိုထောက်၍ ဖြောင့်မတ်သောသူ ဖြစ်မည်ဟု ကျမ်းစာတော်မြတ်က ကြိုတင်၍ ဖော်ပြထားပြီး “သင့်အားဖြင့် လူမျိုးအပေါင်းရို့သည် ဘုရားသခင်၏ ကောင်းကြီးမင်္ဂလာကို ခံစားရကြလိမ့်မည်” ဟု သတင်းကောင်းကို အာဗြဟံအား ကြေညာခ၏။ 9 အာဗြဟံသည် ယုံကြည်ခြင်းအားဖြင့် ကောင်းကြီးမင်္ဂလာကို ခံစားရခ၏။ ထို့ကြောင့် ယုံကြည်ခြင်းဟိသော သူရို့သည် အာဗြဟံနည်းတူ ကောင်းကြီးမင်္ဂလာကို ခံစားရကြ၏။ 10 ပညတ်တရားအောက်၌ အသက်ရှင်နိုင်သော သူတိုင်းသည် ကျိန်ခြင်းတရား၏ အောက်၌ ဟိ၏။ ကျမ်းစာတော်မြတ်၌ “ပညတ္တိကျမ်း၌ ရီးထားသမျှသောအရာကို မကျင့်နိုင်သောသူ ဟိသမျှသည် ဘုရားသခင်၏ ကျိန်ခြင်းအောက်၌ဟိသည်” ဟု ဖော်ပြထား၏။ 11 အဂ္ဂတွင် ကျမ်းစာတော်မြတ်၌ “ဖြောင့်မတ်သောသူသည် ယုံကြည်ခြင်းအားဖြင့် အသက်ရှင်လိမ့်မည်” ဟု ဆိုထားသဖြင့် ပညတ်တရားအားဖြင့် ဇာသူတစ်ယောက်လေ ဘုရားသခင်၏ ဖြောင့်မတ်ခြင်းကို မရနိုင်ကြောင်း ထင်ရှား၏။ 12 သို့သော်လည်း ကျမ်းစာတော်မြတ်၌ “ပညတ်တရားနှင့်ဆိုင်သော အရာအားလုံးကို လိုက်လျှောက်သောသူသည် ပညတ်တရားအားဖြင့် အသက်ရှင်လိမ့်မည်” ဟု ဆိုသဖြင့် ပညတ်တရားသည် ယုံကြည်ခြင်းနှင့် မသက်ဆိုင်။

13 သို့ရာတွင် “သစ်တိုင် ထက်တွင် ဆွဲထားခြင်းကို ခံရသောသူသည် ဘုရားသခင်၏ ကျိန်ခြင်းခံရသူဖြစ်၏” ဟု ကျမ်းစာတော်မြတ်၌ လာသည်နှင့်အညီ ခရစ်တော်သည် ငါရိုအတွက်ကြောင့် ကျိန်ခြင်းကို ခံရသောသူဖြစ်ပြီး ငါရိုအား ပညတ်တရား၏ ကျိန်ခြင်းမှ ရှိးနုတ်တော်မူ၏။ 14 ခရစ်တော်သည် ဤသို့ ပြုတော်မူခြင်းမှာ အာဗြဟံ ခံစားရသော ကောင်းကြီးမင်္ဂလာသည် ခရစ်တော်ယေသုရှုအားဖြင့် တခြားလူမျိုးများ၌ သက်ရောက်သဖြင့် ငါရိုသည် ဘုရားသခင် ကတိထားတော်မူသော ဝိညာဉ်တော်ကို ယုံကြည်ခြင်းအားဖြင့် ခံယူရဟိရန် ဖြစ်၏။ 15 ညီအစ်ကိုမောင်နှမို၊ ငါသည် နိစဉ် တို့ကြိုနှိန်ကြသည့် အဖြစ်အပျက်တို့မှ ဥပမာတစ်ခုကို ပြောပြမည်။ လူနှစ်ဦးသည် ကတိစာချုပ် ချုပ်ဆိုပြီးသောအခါ လူတို့ချုပ်ဆိုထားသော စာချုပ်ဖြစ်သော်လည်း ဇာသူတစ်ယောက်လေ ထိုစာချုပ်ကို ပယ်ဖျက်ခြင်း၊ ဖြည့်စွပ်ခြင်း မပြုနိုင်ယာ။ 16 အဂုတွင် ဘုရားသခင်ပြုတော်မူသော သူ၏ ကတိတော်သည် အာဗြဟံနှင့် သူ၏ သားစဉ်မြီးဆက်အတွက်သာ ဖြစ်၏။ သားသမီးဆိုသောစကားသည် လူအများကိုရည်စူး၍ “သားစဉ်မြီးဆက်များ” ဟု ကျမ်းစာ၌ ပြောလိုခြင်း မဟုတ်ဘဲ၊ တစ်ယောက်သောသူကိုသာ ရည်စူး၍ “သားစဉ်မြီးဆက်” ဟု ဆိုပေ၏။ ထိုသို့ ရည်စူးခြင်းကို ခံရသောသူကား ခရစ်တော်ပင် ဖြစ်၏။ 17 ငါဆိုလိုသည်ကား ဤသို့ ဖြစ်၏။ ဘုရားသခင်သည် အာဗြဟံနှင့် ပဋိညာဉ်ပြုတော်မူပြီးလျှင် ပဋိညာဉ်ကို စောင့်ထိန်းရန် ကတိထားတော်မူ၏။ အနှစ် ၄၃၀ လွန်ပြီးမှ ပေါ်ပေါက်လာသော ပညတ်တရားသည် ဘုရားသခင်၏ ကတိတော်ကို မပယ်ဖျက်နိုင်သကဲ့သို့ ပဋိညာဉ်တော်ကိုလည်း ချိုးဖျက်၍ မရနိုင်။ 18 အကယ်၍ ဘုရားသခင်၏ အဓ္မိတော်သည် ပညတ်တရား၌ တည်နိုင်လျှင် ထို အဓ္မိတော်သည် ဘုရားသခင်၏ ကတိတော်၌ မတည်တော့ပေ။ သို့ရာတွင် ဘုရားသခင်သည် အာဗြဟံအား ထို အဓ္မိတော်ကို ကတိတော်အားဖြင့် ပီးတော်မူ၏။ 19 သို့ ဖြစ်လျှင် ပညတ်တရား၏ ရည်ရွယ်ချက်ကား မည်သို့နည်း။ ပညတ်တရားကို ဘုရားသခင် ချပီးတော်မူသည့်မှာ အပြစ်ဒုစရိုက်၏သဘောကို ဖော်ပြရန်သာ ဖြစ်၏။ ထိုပညတ်တရားသည် ကတိတော်ကို ခံယူရဟိသူ အာဗြဟံ၏ သားစဉ်မြီးဆက် မပေါ်သိမ့်ခင် ကာလအတွင်း၌သာလျှင် တည်ဟိရန်သာ ဖြစ်၏။ ဘုရားသခင်သည် ထိုပညတ်တရားကို ကောင်းကင်တမန်များအားဖြင့် ကြားဝင်စုံစပ်ပြီးသူတစ်ဦးအား ပီးအပ်တော်မူ၏။ 20 သို့ရာတွင် ကြားဝင်စုံစပ်ပြီးသူသည် တစ်ဖက်နှင့်သာ ဆိုင်သည် မဟုတ်။ ဘုရားသခင်မူကား တစ်ပါးတည်း ဖြစ်တော်မူ၏။ 21 ဤသို့ဆိုရာတွင် ပညတ်တရားနှင့် ဘုရားသခင်၏ ကတိတော်များသည် ဆန့်ကျင်ဖက် ဖြစ်နိုင်သလော။ လုံးဝ မဟုတ်ပေ။ အကယ်၍ အသက်ရှင်စီနိုင်မည့် ပညတ်တရားကို လူသားတို့ ရဟိခလျှင် လူတိုင်းပင် ထိုပညတ်တရားကို စောင့်ထိန်းခြင်းဖြင့် ဖြောင့်မတ်ခြင်းကို ရဟိနိုင်ကြမည် ဖြစ်၏။ 22 သို့ရာတွင် ယေသု၊ခရစ်၌ ယုံကြည်ခြင်းအားဖြင့် ထိုယုံကြည်သူတိုင်းအား ကတိတော်ကို ရဟိခံစားစီခြင်းငှာ လောကတစ်ခုလုံးသည် အပြစ်တရား၏ လက်အောက်တွင် ကျရောက်နိုင်ကြောင်းကို ကျမ်းစာတော်မြတ်၌ ဖော်ပြထား၏။ 23 သို့သော် ယုံကြည်ခြင်းတရား ရောက်မလာခင် ငါရိုသည် ယုံကြည်ခြင်းတရား ထင်ရှားလာသည်အထိ ပညတ်တရားအောက်၌ အချုပ်သားတို့ကဲ့သို့ ချုပ်ထားခြင်းကို ခံရ၏။ 24 ငါရိုသည် ယုံကြည်ခြင်းအားဖြင့် ဘုရားသခင်၏ ဖြောင့်မတ်ခြင်းတရားကို ရနိုင်ကြစီရန် ပညတ်တရားသည် ခရစ်တော်ကြွလာချိန်ထိတိုင်အောင် ငါရိုကို အုပ်ထိန်းပီး၏။ 25 အဂုတွင် ယုံကြည်ခြင်းတရား ရောက်လာပြီဖြစ်၍ ငါရိုသည် ပညတ်တရား၏ အုပ်ထိန်းမှုအောက်၌ မဟိယာ။ 26 သင်ရိုအားလုံးသည် ခရစ်တော်ယေသုရှု၌ ယုံကြည်ခြင်းအားဖြင့် ဘုရားသခင်၏ သားသမီးများဖြစ်ကြ၏။ 27 ခရစ်တော်၌ ဗတ္တိဇံကို ခံယူထားပြီးသော သင်ရိုအားလုံးသည် ခရစ်တော်ကို ယူတင်ဝတ်ဆင် ထားကြပြီး ဖြစ်၏။ 28 သို့ ဖြစ်၍ ယုဒလူမျိုးနှင့် တခြားလူမျိုး ဟူ၍ မဟိ။ ကျွန်နှင့် လွတ်လပ်သူ ဟူ၍ မဟိ။ ယောက်ျားနှင့် မိန်းမ ဟူ၍ မဟိ။ သင်ရိုအားလုံးသည် ခရစ်တော်ယေသုရှု၌ တစ်လုံးတစ်ဝံတည်း ဖြစ်ကြ၏။ 29 သင်ရိုသည် ခရစ်တော်နှင့်စပ်ဆိုင်လျှင် အာဗြဟံ၏ သားစဉ်မြီးဆက်များဖြစ်ကြပြီး ဘုရားသခင်၏ ကတိတော်ကို ခံစားရကြလိမ့်မည်။

4 တဖန် ငါ ဆိုသည်ကား၊ သားသည် သူ့ဖခင်၏ ဥစ္စာဟိသမျှကို အမှန်ပင် အဓ္မိခံထိုက်သောသူ ဖြစ်သော်ငြားလည်း အရွယ်မရောက်ခင် ကာလအတွင်း ကျွန်တစ်ယောက်ကဲ့သို့ နီထိုင်ရ၏။ 2 သူသည် ဖခင်သတ်မှတ်ထားသော

အချိန်မရောက်ခင် ကာလပတ်လုံး မိမိ၏အမှုကိစ္စတို့ကို စီမံအုပ်ချုပ်သူများနှင့် အုပ်ထိန်းသူတို့၏ လက်အောက်၌ နီထိုင်ရ၏။ 3 ထိုနည်းတူ ငါရှိသည်လည်း ဝိညာဉ်ရေးရာ၌ မရင့်ကျက်ခင်အခါက လောကကိုအုပ်စိုးသော ဝိညာဉ်တရားအောက်တွင် ကျွန်ုပ်ဖြစ်ကြ၏။ 4 သို့ရာတွင် နောက်ဆုံး၌ အချိန်တန်သောအခါ ဘုရားသခင်သည် မိမိ၏သားတော်ကို စီးရွတ်တော်မူ၏။ ထိုသားတော်သည် လူမိခင်မှ မွီးဖွားလျက် ပညတ်တရားအောက်၌ ပေါ်ထွန်းတော်မူ၏။ 5 ထိုသူသည်ကား ပညတ်တရားအောက်၌ဟိသော ငါရိုက် ရှိုးနတ်တော်မူပြီး ဘုရားသခင်၏ သားသမီးများဖြစ်လာကြရန် ဖြစ်၏။ 6 သင်ရှိသည် ဘုရားသခင်၏ သား၊ သမီးတို့ဖြစ်ကြောင်း သက်သိပြရန် ဘုရားသခင်သည် “အဗျ ငါ့ အဖ” ဟု ခေါ်တတ်သော သားတော်၏ဝိညာဉ်ကို ငါရိုက် စိတ်နှလုံးထဲသို့ စီးရွတ်တော်မူ၏။ 7 သို့ဖြစ်၍ သင်ရှိသည် ကျွန် မဟုတ်ဘဲ သား၊ သမီးတို့ ဖြစ်ကြ၏။ ထိုသို့ သင်ရှိသည် ဘုရားသခင်၏ သား၊ သမီးတို့ဖြစ်သဖြင့် သင်ရှိခံစားထိုက်သော အဓိအားလုံးကို ဘုရားသခင်သည် သင်ရှိအား ပီးတော်မူလိမ့်မည်။ 8 အယင်က သင်ရှိသည် ဘုရားသခင်ကို မသိခင်ကသဖြင့် ဘုရား မဟုတ်သော အရာများ၌ ကျွန်ခံခံကြ၏။ 9 သို့သော် အဂမူကား သင်ရှိသည် ဘုရားသခင်ကို သိကြ၏။ တစ်နည်းဆိုသော် ဘုရားသခင်သည် သင်ရှိအား သိတော်မူယာဟု ငါဆို၏။ သို့ဖြစ်၍ အားနည်း၍ ချမ်းသာမပီးနိုင်သော လောကီတရားဖက်သို့ ဇာကြောင့် ပြန်လှည့်၍ ကျွန်ခံလိုကြသနည်း။ 10 သင်ရှိသည် အချို့သောနို့၊ လ၊ ရာသီများနှင့် နှစ်များကို အထူး ဂရုစိုက်နိုင်ကြ၏။ 11 ငါသည် သင်ရှိအတွက် လုပ်ဆောင်ခသမျှသော အရာများသည် အချည်းနှီး ဖြစ်ရမည်ကို စိုးရိမ်၏။ 12 ညီအစ်ကိုမောင်နှမရို့၊ သင်ရှိသည် ငါ့ကဲ့သို့ ဖြစ်ကြရန် ငါတောင်းပန်၏။ ထိုနည်းတူ ငါသည်လည်း သင်ရှိကဲ့သို့ ဖြစ်၏။ သင်ရှိသည် ငါ့အား တစ်စုံတစ်ခုမျှ ပြစ်မှားခြင်း မပြု။ 13 ငါသည် ပထမဆုံးအကြိမ် သင်ရှိအား သတင်းကောင်းကို ဟောပြောရခြင်းသည် ငါနာမကျန်းသောကြောင့် ဖြစ်သည်ကို သင်ရှိသိကြ၏။ 14 သို့ရာတွင် ငါ၏ ကိုယ်ကာယ အခြေအနေကြောင့် သင်ရှိအတွက် အနှောက်အယှက်ဖြစ်သော်လည်း သင်ရှိသည် ငါ့အား အထင်သေးခြင်း၊ ငြင်းပယ်ခြင်းများကို မပြုကတိ။ သင်ရှိသည် ငါ့အား ဘုရားသခင်၏ ကောင်းကင်တမန်ကဲ့သို့ လည်းကောင်း၊ ခရစ်တော်ယေသျှုကဲ့သို့ လည်းကောင်း လက်ခံကြ၏။ 15 သင်ရှိသည် အလွန်ဝမ်းမြောက်ခြင်းဟိလျက်ပင် မည်သို့ ဖြစ်ခသနည်း။ သင်ရှိသည် ဖြစ်နိုင်လျှင် မိမိရို့၏ မျက်စိများကိုပင် ထုတ်၍ ငါ့အား ပီးလူလိုသည်ကို ငါ သက်သိခံ၏။ 16 အဂ ငါသည် သင်ရှိအား သမ္မာတရားကို ပြောဆိုသည့်အတွက် သင်ရှိ၏ ရန်သူ ဖြစ်လိမ္မာလား။ 17 အခြားသောသူရို့သည် သင်ရှိအား အရေးတယူ ပြုကြ၏။ သို့ရာတွင် ထိုသို့ပြုခြင်းမှာ မကောင်းသော ရည်ရွယ်ချက်ဖြင့်သာ ဖြစ်၏။ သူရို့သည် သင်ရှိ၏ အလွန် အရေးတယူပြုမှုကို ခံစားရခြင်းငှာ သင်ရှိအား ငါနှင့် အဆက်အသွယ် ပြတ်စီလိုသောကြောင့် ဖြစ်၏။ 18 အဂတွင် ကောင်းသော ရည်ရွယ်ချက်ဖြင့် အရေးတယူပြုလျှင် ကောင်းပေ၏။ ထိုသို့ အရေးတယူပြုမှုသည် ငါ ဟိန်နီစဉ်သာ မဟုတ်ဘဲ အစဉ်အမြဲဟိရန် လိုအပ်၏။ 19 ငါချစ်သော သားသမီးရို့၊ ခရစ်တော်၏ သဏ္ဌာန်တော်ကို သင်ရှိသည် မရမချင်း ငါသည် အသွေ့မွီးသည့် မိခင်ကဲ့သို့ တဖန် ဝေဒနာခံစားလျက် နိန်ရ၏။ 20 ငါသည် ငါ၏ စကားသံကို ပြောင်းလို၍ အဂပင် ငါသည် သင်ရှိနှင့်အတူ ဟိလိုသော ဆန္ဒဟိ၏။ အကြောင်းမူကား သင်ရှိအတွက် အလွန် စိုးရိမ်မှုပန်လျက် ဟိသောကြောင့် ဖြစ်၏။ 21 ငါ့ကို ပြောလော၊ ပညတ်တရား၏ လက်အောက်တင် နီလိုသောသူရို့၊ သင်ရှိသည် ပညတ်တရား၏ မိန့်ဆိုထားသော အရာများကို နားမလည် ကြသလော။ 22 ထိုကျမ်းစာက အာဗြဟံ၌ သားနှစ်ယောက်ဟိပြီး တစ်ယောက်သည် ကျွန်မနှင့်ရသော သားဖြစ်၍ အခြားတစ်ယောက်မှာ ကျွန်မ မဟုတ်သော မိန်းမနှင့်ရသော သားဖြစ်သည်ဟု ဖော်ပြထား၏။ 23 ကျွန်မနှင့်ရသော သားသည် ဇာတိအားဖြင့် မွီးဖွားလာသူဖြစ်၏။ သို့သော် ကျွန် မဟုတ်သော မိန်းမနှင့်ရသော သားမူကား ဘုရားသခင်၏ ကတိတော်အားဖြင့် မွီးဖွားလာသူဖြစ်၏။ 24 ဤအကြောင်းအရာကား နားလည်နိုင်စီရန် ပုံဆောင်ခြင်းသာ ဖြစ်၏။ မိန်းမနှစ်ယောက်သည် ပဋိညာဉ်နှစ်ပါးကို ဆိုလို၏။ မိန်းမတစ်ယောက်၏ သားသမီးရှိသည် ကျွန်အဖြစ် မွီးဖွားလာ၏။ ထိုသူသည် ဟာဂရဖြစ်ပြီး သူမသည်

သိနာတောင်တွင်ပြုသည့် ပဋိညာဉ်တရားကို ကိုယ်စားပြု၏။ 25 ဟာဂရသည် အာရပ်ပြည်၌ဟိသော သိနာတောင်ကို ကိုယ်စားပြု၏။ အဂ္ဂ မျက်မှောက်တွင်လည်း မိမိ၏သားသမီးတို့နှင့်အတူ အလုပ်အကျွေးပြုပြီး ယေရုဆလင်မြို့ ကို ပုံဆောင်ခြင်းဖြစ်၏။ 26 သို့ရာတွင် အထက်အရပ်နှင့်ဆိုင်သော ယေရုဆလင်မြို့သည်ကား လွတ်လပ်သောမြို့ဖြစ်၍ ငါရို၏ မိခင်ဖြစ်၏။ 27 ကျမ်းစာတော်မြတ်၌ “အို၊ မြို့သောမိန်းမ၊ ဝမ်းမြောက်လော့။ အချေဦးခြင်း ဝေဒနာကို မခံဘူးသောမိန်းမ၊ ဝမ်းသာစွာဖြင့် အသံရွင့်၍ ကြီးကြော်လော့။ စွန့်ပစ်ခံထားရသော မိန်းမရှိသည် လင်ဟိသော မိန်းမတိထက်ပင် သားသမီးတို့ကို ရလိမ့်မည်” ဟု ဖော်ပြသောကြောင့်ဖြစ်၏။ 28 ညီအစ်ကိုမောင်နှမရို့၊ အဂ္ဂတွင် သင်ရိုသည် ဣဇာက်ကဲ့သို့ ဘုရားသခင်၏ ကတိတော်နှင့်ဆိုင်သော သားသမီးတို့ ဖြစ်ကြ၏။ 29 ထိုအချိန်၌ ဇာတိအားဖြင့် မွီးသောသားသည် ဘုရားသခင်၏ ဝိညာဉ်တော်အားဖြင့် မွီးဖွားသောသားအား ညည်းဆဲနှိပ်စက်ခ၏။ အဂ္ဂလည်း ထိုနည်းတူပင်ဖြစ်၏။ 30 သို့ရာတွင် ကျမ်းစာတော်မြတ်၌ မည်သို့ ဆိုထားသနည်း။ “ဤကျွန်မနှင့် သူမ၏သားကို နှင်ထုတ်လော့။ ကျွန်မ၏ သားသည် ကျွန် မဟုတ်သော မိန်းမ၏သားနှင့်အတူ ဖခင်၏အမွှာကို မခံရ” ဟု ဆို၏။ 31 သို့ ဖြစ်၍ ညီအစ်ကိုမောင်နှမရို့၊ ငါရိုကား ကျွန်မ၏သားသမီးတိ မဟုတ်။ ကျွန် မဟုတ်သော မိန်းမ၏ သားသမီးတိရာ ဖြစ်ကြ၏။

5 ငါရိုသည် လွတ်လပ်မှုကို ရစီခြင်းငှာ ခရစ်တော်သည် ငါရိုအား လွတ်မြောက်စီတော်မူပြီ။ သို့ ဖြစ်၍ လွတ်လပ်သော သူများအဖြစ် ရပ်တည်ကြလော့။ နောက်တဖန် သင်ရိုကိုယ်တိုင် ကျွန်ဖြစ်ခြင်းစီခြင်းငှာ အခွင့်မပီးကတ်ကော့။ 2 နားထောင်ကြလော့။ ငါ ပေါလု ဆိုသည်ကား၊ သင်ရိုသည် အရီဖျားလုံးခြင်းကို ကိုယ်တိုင် ခံယူမည်ဆိုလျှင် ခရစ်တော်အားဖြင့် ဇာအကျိုးကိုမျှ ရနိုင်လိမ့်မည် မဟုတ်။ 3 အရီဖျားလုံးခြင်းကို ခံယူသော သူတိုင်းအား ပညတ်တရား အလုံးစုံကို လိုက်လျှောက်ရန် တာဝန်ဟိသည်ဟု တဖန် ငါသတိပီး၏။ 4 ပညတ်တရားကို လိုက်လျှောက်ခြင်းအားဖြင့် ဖြောင့်မတ်ရာသို့ ရောက်စီခြင်းငှာ ကြိုးစားသောသူသည် ခရစ်တော်နှင့် ကွာလားသဖြင့် သင်ရိုသည် ဘုရားသခင်၏ ကျေးဇူးတရား အောက်၌ မဟိ။ 5 ငါရိုသည်ကား ဘုရားသခင်၏ ဝိညာဉ်တော်တန်ခိုးဖြင့် ဖြောင့်မတ်ရာသို့ ရောက်လိမ့်မည်ဟု ယုံကြည်ခြင်းအားဖြင့် မျှော်လင့်နိုင်ကြ၏။ 6 အကြောင်းမူကား ငါရိုသည် ခရစ်တော်ယေသုရှ်၌ အရီဖျားလုံးခြင်း ခံသည် မခံသည်မှာ အရေးမကြီးပေ။ အရေးကြီးသည့်အရာကား မေတ္တာတရားအားဖြင့် လုပ်ဆောင်သော ယုံကြည်ခြင်းပင် ဖြစ်၏။ 7 သင်ရိုသည် ကောင်းမွန်စွာ လုပ်ဆောင်နိုင်ခ၏။ သမ္မာတရားကို မလိုက်နာစီရန် သင်ရိုအား ဇာသူက တားဆီးသနည်း။ ထိုသူသည် သင်ရိုအား ဇာပိုင် ဖြားယောင်းသွီးဆောင်ခသနည်း။ 8 ထိုဖြားယောင်းသွီးဆောင်မှုသည် သင်ရိုအား ခေါ်တော်မူသော ဘုရားသခင်ထံတော်မှ လာသည် မဟုတ်။ 9 “အနည်းချေသော တဆီးသည် မှန်ညက် တစ်ပုံးလုံးကို ဖောင်းကြွစီတတ်၏” ဟူ၍ ဆိုရိုးစကားဟိ၏။ 10 သို့ရာတွင် ငါသည် သင်ရိုအား အဂ္ဂတိုင်အောင် ယုံကြည်စိတ်ချခြင်း ဟိ၏။ ငါရို၏ အသက်ရှင်မှုသည် သခင်ဘုရားနှင့် တစ်လုံးတစ်ဝတည်း ဖြစ်ကြသဖြင့် သင်ရိုသည် တခြားသောအယူကို လက်ခံကြလိမ့်မည် မဟုတ် ဟူ၍ ငါ့ကို ယုံကြည်စိတ်ချစီ၏။ သို့သော် သင်ရိုအား နှောက်ယှက်သူ ဇာသူမဆို ဘုရားသခင်၏ ပြစ်ဒဏ်စီရင်ခြင်းကို ခံရလိမ့်မည်။ 11 သို့ရာတွင် ညီအစ်ကိုမောင်နှမရို့၊ အကယ်၍ ငါသည် အရီဖျားလုံးခြင်းတရားကို ဆက်လက် ဟောပြောနိုင်သည်ဆိုလျှင် ဇာကြောင့် ညည်းဆဲနှိပ်စက်ခြင်းကို ခံနိုင်ရပါသနည်း။ အကယ်၍ ထိုသို့ ဟောပြောခြင်း မှန်သည်ဆိုလျှင် ခရစ်တော်၏ လက်ဝါးကပ်တိုင်နှင့်ဆိုင်သော ငါ၏ ဟောပြောခြင်းသည် ဒုက္ခရောက်စီလိမ့်မည် မဟုတ်။ 12 သင်ရိုကို နှောက်ယှက်နိုင်သော လူတို့ကို နှင်ထုတ်စီခြင်းငှာ ငါအလိုဟိ၏။ သူရိုသည် ကိုယ့်ကိုကိုယ် သင်းကွပ်လိုက်ကြလျှင် ကောင်းလိမ့်မည်။ 13 ညီအစ်ကိုမောင်နှမရို့၊ သင်ရိုသည် လွတ်လပ်မှုကို ရစီခြင်းငှာ ခေါ်တော်မူခြင်းကို ခံရကြ၏။ သို့ရာတွင် လွတ်မြောက်ခြင်းကို အကြောင်းပြု၍ ကိုယ်ကာယတပ်မက်ခြင်း အလိုသို့ မလိုက်ကြဘဲ ချစ်ခြင်းမေတ္တာအားဖြင့် တစ်ယောက်ကိုတစ်ယောက် အလုပ်အကျွေးပြုကြလော့။ 14 အကြောင်းမူကား

“ကိုယ်နှင့်စပ်ဆိုင်သောသူကို ကိုယ်နှင့်အမျှ ချစ်လော့” ဟူသော ပညတ်သည် ပညတ်ဟိသမျှ၏ အချုပ်ဖြစ်၏။ 15 သို့ရာတွင် အချင်းချင်း ကိုက်စားနိုင်ကြလျှင် တစ်ယောက်ကိုတစ်ယောက် ဖျက်ဆီးရာရောက်မည်ဖြစ်ကြောင်း သတိပြုကြလော့။ 16 ငါဆိုသည်ကား ဝိညာဉ်တော်အားဖြင့် အသက်ရှင်ကြလော့။ သို့ပြုလျှင် လူ့ဇာတိအလိုသို့ မလိုက်ဘဲနိဗ္ဗာန်လိမ့်မည်။ 17 အကြောင်းမူကား လူ့ဇာတိ၏အလိုသည် ဝိညာဉ်တော်၏အလိုနှင့် ဆန့်ကျင်လျက် ဟိ၏။ ထို့အပြင် ဝိညာဉ်တော်၏အလိုသည်လည်း လူ့ဇာတိ၏အလိုနှင့် ဆန့်ကျင်လျက် ဟိ၏။ ထိုနှစ်ပါးရှိသည် ရန်သူများဖြစ်သဖြင့် သင်ရှိသည် မိမိအလိုဆန္ဒ ဟိသည့်အတိုင်း မပြုနိုင်ကတော့။ 18 အကယ်၍ ဝိညာဉ်တော်သည် သင်ရှိအား ဦးဆောင်လမ်းပြတော်မူလျှင် သင်ရှိသည် ပညတ်တရား၏အောက်၌ ဟိကြသည် မဟုတ်။ 19 လူ့ဇာတိစိတ်နှင့်ဆိုင်သော အပြုအမူများမှာ သိသာထင်ရှား၏။ ထိုအရာများကား ကာမဂုဏ်လိုက်စားခြင်း၊ မစင်ကြယ်ခြင်း၊ အကျင့်ပျက်ခြင်း၊ 20 ရုပ်တုကိုးကွယ်ခြင်း၊ ပြုစားခြင်းများ၊ ရန်ငြိုးဖွဲ့ခြင်း၊ ရန်တွဲခြင်း၊ မနာလိုခြင်း၊ ဒေါသထွက်ခြင်း၊ တစ်ကိုယ်ကောင်းဆန်ခြင်း၊ စိတ်ဝမ်းကွဲခြင်း၊ ဂိုဏ်းခွဲခြင်း၊ 21 ငြူစုခြင်း၊ သောက်စားမူးယစ်ခြင်း၊ အပျော်ကြူခြင်း စသည့်အရာများကို လုပ်ဆောင်လာကြ၏။ ထိုသို့သော အရာများကို ပြုမူသောသူရှိသည် ဘုရားသခင်၏ နိုင်ငံတော်ကို ဝင်ရလိမ့်မည် မဟုတ်ဟု အယင်က သင်ရှိအား ငါသတိပီးသည့်အတိုင်း အဂုလည်း ငါသတိပီးလိုက်၏။ 22 သို့သော် ဝိညာဉ်တော်၏ အကျိုးကျေးဇူးများမှာ ချစ်ခြင်း၊ ဝမ်းမြောက်ခြင်း၊ ငြိမ်သက်ခြင်း၊ စိတ်ရှည်ခြင်း၊ သနားကြင်နာခြင်း၊ ကောင်းမြတ်ခြင်း၊ သစ္စာစောင့်ခြင်း၊ 23 နူးညံ့သိမ်မွေ့ခြင်း၊ မိမိကိုယ်ကိုချုပ်တည်းခြင်းပေတည်း။ ဤအရာများကို ဆန့်ကျင်သော တရားဟူ၍ မဟိ။ 24 ခရစ်တော် ယေသျှုနှင့်ဆိုင်သော သူရှိသည် လူ့ဇာတိစိတ်ကိုလည်းကောင်း၊ ဇာတိစိတ်၏အလိုဆန္ဒများကိုလည်းကောင်း လက်ဝါးကပ်တိုင်ထက်တွင် ရိုက်ထားကြပြီ။ 25 သို့ ဖြစ်၍ ငါရှိသည် ဝိညာဉ်တော်အားဖြင့် အသက်ရှင်ကြလျှင် ဝိညာဉ်တော်၏ လမ်းပြမှုအတိုင်း လိုက်လျှောက်ကြရမည်။ 26 ငါရှိသည် ဗာနကြီးခြင်း၊ တစ်ယောက်ကိုတစ်ယောက် ရန်လိုစိတ် ဟိခြင်း၊ မနာလိုစိတ် ဟိခြင်းများကို ယှောင့်ယှားကြကုန်အံ့။

6 ညီအစ်ကိုမောင်နှမရို့၊ လူတစ်ယောက်သည် မကောင်းမှု တစ်စုံတစ်ခု ပြုသည်ကို သင်ရှိတို့မိလျှင် ဝိညာဉ်သဘောဟိသော သင်ရို့က နူးညံ့သိမ်မွေ့စွာဖြင့် ထိုသူကို ပြုပျင်ပီးရမည်။ သင်ရို့ကိုယ်တိုင်လည်း စုံစမ်းသွီးဆောင်ရာသို့ မလိုက်ပါမိစီရန် သတိပြုကြလော့။ 2 သင်ရှိသည် အချင်းချင်း၏ ဝန်များကို ကူညီထမ်းရွက်သောအားဖြင့် ခရစ်တော်၏ ပညတ်တော်ကို နာခံကြလော့။ 3 အကယ်၍ သင်သည် အသုံးမရသောသူ ဖြစ်လျက်ပင် မိမိကိုယ်ကို အထင်ကြီးနိုင်သော သင်သည် မိမိကိုယ်ကို လှည့်ဖြားသောသူဖြစ်၏။ 4 လူတိုင်း မိမိပြုသောအမှုကို ဆန်းစစ်စီ။ ထိုသို့ပြုလျှင် သူတစ်ပါးပြုသောအမှု၌ နှိုင်းယှဉ်ခြင်းကိုမပြုဘဲ မိမိပြုသောအမှုသည် ကောင်းလျှင် ဂုဏ်ယူဝါကြွားစရာအကြောင်း ဟိလိမ့်မည်။ 5 အကြောင်းမူကား လူတိုင်း မိမိ၏ဝန်ကို ထမ်းရွက်ရမည်။ 6 ဇာသုမဆို နှုတ်ကပတ်တော်ကို သင်ယူသောသူသည် သင်ပီးသောသူအား ကောင်းသောအရာ ဟိသမျှကို ဝိမျှပီးရမည်။ 7 တလွဲမယူကတော့။ ဘုရားသခင်သည် မထီမဲ့မြင်ပြုခြင်းကို ခံတော်မမူ။ လူသည် မျိုးစုံကြသည့်အတိုင်း အသီးအနှံကို ရိတ်ရလိမ့်မည်။ 8 လူ့ဇာတိသဘော၌ မျိုးစုံကြသောသူသည် ဇာတိသဘောအားဖြင့် ပျက်စီးခြင်းကို ရိတ်ရလိမ့်မည်။ ဝိညာဉ်သဘော၌ မျိုးစုံကြသောသူသည် ဝိညာဉ်သဘောအားဖြင့် ထာဝရအသက်ကို ရိတ်သိမ်းရလိမ့်မည်။ (aiōnios g166) 9 သို့ ဖြစ်၍ ငါရှိသည် အားမလျော့စိတ်မပျက်ဘဲ ကောင်းသောအကျင့်ကို ကျင့်ကြကုန်အံ့။ ထိုသို့ပြုလျှင် ငါရှိသည် အချိန်တန်သောအခါ အသီးအနှံကို ရိတ်သိမ်းရလိမ့်မည်။ 10 သို့ ဖြစ်၍ ငါရှိသည် အခွင့်အရေးရတိုင်း လူအပေါင်းရို့၏အကျိုးကို ကောင်းစွာ ဆောင်ရွက်ကြကုန်အံ့။ အထူးသဖြင့် ယုံကြည်သူ အိမ်သူအိမ်သားရို့၏ အကျိုးကို ဆောင်ရွက်ကြကုန်အံ့။ 11 ငါသည် သင်ရို့ပါးသို့ စာလုံးကြီးဖြင့် ကိုယ်တိုင် ခီးပီးလိုက်သည့် စာကို သင်ရို့ ကြည့်ကြလော့။ 12 သင်ရို့အား အဓိရူးလှီးခြင်းကိုခံရန် အတင်းအားဓမ္မ တိုက်တွန်းကြသော သူရှိသည် ပြင်ပအမှတ်လက္ခဏာများကို ပြ၍ ဝါကြွားလိုသူများ ဖြစ်ကြ၏။ ဤသို့ပြုရခြင်းမှာ ခရစ်တော်၏ လက်ဝါးကပ်တိုင်ကြောင့်

ညည်းပမ်းနှိပ်စက်ခြင်း ခံရမည်ကို ယောင်ယှားလို၍ ဖြစ်၏။ **13** အရီဖျားလီးခြင်းကို ခံယူကြသော သူရိုတောင်မှ ပညတ်တရားကို မလိုက်နာကြပေ။ ထိုသူရိုသည် သင်ရို၏ ကိုယ်ကာယ၌ ဝါကြွားလိုသဖြင့် သင်ရိုအား အရီဖျားလီးခြင်းကို ခံယူစီလိုခြင်းဖြစ်၏။ **14** ငါ့အတွက်မူကား ငါရိုးအသျှင် ယေသျှုခရစ်တော်၏ လက်ဝါးကပ်တိုင်တော်မှတစ်ပါး အခြား မည်သည့်အရာအတွက်နှင့်မျှ ဝါကြွားစရာမဟီ။ ထိုလက်ဝါးကပ်တိုင်၌ ဤလောကသည် ငါ့အဖို့ ရိုက်ထားခြင်းကို ခံလျက်ဟိ၏။ ငါသည်လည်း ဤလောကအဖို့ ရိုက်ထားခြင်းကိုခံလျက် ဟိ၏။ **15** လူတစ်စုံတစ်ယောက်သည် အရီဖျားလီးခြင်း ခံသည် မခံသည်မှာ အရေးမကြီး။ အသစ်ဖန်ဆင်း ခံရခြင်းသာလျှင် အရေးကြီး၏။ **16** ဤနည်းဥပဒေကို လိုက်နာသူအပေါင်းရှိ၌ လည်းကောင်း၊ ဘုရားသခင်၏လူစုတော် အားလုံး၌ လည်းကောင်း၊ ဘုရားသခင်၏ ငြိမ်သက်ခြင်းနှင့် ကရုဏာတော် သက်ရောက်ပါစီသတည်း။ **17** နိဂုံးချုပ်ဆိုရသော် ငါ့အား ဇာသူလေ့ အနှောက်အယှက် မပီးပါစီကေ့။ ဇာကြောင့်ဆိုသော် ငါ၏ ကိုယ်ခန္ဓာ၌ဟိသော ဒဏ်ရာဒဏ်ချက်များသည် ယေသျှု၏ ကျွန်ုပ်တို့ကြောင်း သက်သိပြလျက် ဟိသောကြောင့်ဖြစ်၏။ **18** ညီအစ်ကိုမောင်နှမရို၊ ငါရို၏အသျှင် ယေသျှုခရစ်တော်၏ ကျေးဇူးတော်သည် သင်ရိုအားလုံးနှင့်အတူ ဟိပါစီသောဝ်။ အာမင်။

၁ ဘုရားသခင်၏ အလိုတော်အားဖြင့် ခရစ်တော်ယေသုရှု၏ တမန်တော် တစ်ပါးဖြစ်သော ပေါလုပါးမှ
— **၂** ငါရို၏ အဖဘုရားသခင်နှင့် အသျှင်ယေသုရှုခရစ်တော်ထံမှ ကျေးဇူးတော်နှင့် ငြိမ်သက်ခြင်းသည် သင်ရိုး၌ ဟိပါစီသော။ **၃** ငါရိုအသျှင်ယေသုရှုခရစ်တော်၏ ခမည်းတော် ဘုရားသခင်အား ချီးမွမ်းကြကုန်အံ့။ အကြောင်းမူကား ထိုအသျှင်သည် ငါရိုအား ကောင်းကင်ဘုံနှင့်ဆိုင်သော ဝိညာဉ်ရေးရာ ကောင်းကြီးမင်္ဂလာ ဟူသမျှကို ခရစ်တော်၌ ပီးသနားတော်မူသောကြောင့် ဖြစ်၏။ **၄** ခရစ်တော်အားဖြင့် ငါရိုသည် ကိုယ်တော်၏ ရှိတော်၌ အပြစ်ဆိုဖွယ်မဟုတ် သန့်ယှင်းသောသူများ ဖြစ်နိုင်စီခြင်းငှာ ကမ္ဘာမတည်ခင်ကပင် ဘုရားသခင်သည် ငါရိုအား ရှိုးချယ်ထားတော်မူ၏။ အကြောင်းမူကား မိမိမေတ္တာတော်ကြောင့်၊ **၅** ဘုရားသခင်သည် ယေသုရှုခရစ်တော်အားဖြင့် ငါရိုကို မိမိ၏သားသမီးများ ဖြစ်စီခြင်းငှာ ကြိုတင်သတ်မှတ်ထားတော်မူ၏။ ဤကား ကိုယ်တော်၏ အလိုတော်နှင့် အကြံအစည်တော်ပင်ဖြစ်၏။ **၆** ငါရိုသည် ဘုန်းတန်ခိုးနှင့် ပြည့်စုံတော်မူသော ဘုရားသခင်၏ ကျေးဇူးတော်ကို ချီးမွမ်းကြကုန်အံ့။ အကြောင်းမူကား ကိုယ်တော်သည် မိမိချစ်မြတ်နိုးတော်မူသော သားတော်အားဖြင့် ထိုကျေးဇူးတော်ကို ငါရိုအား အခမဲ့ ပီးသနားတော်မူသောကြောင့်ဖြစ်၏။ **၇** ဘုရားသခင်၏ ကျေးဇူးတော်သည် ကြီးမြတ်တော်မူသည်နှင့်အညီ ငါရိုသည် ခရစ်တော်၏ အသွီးတော်အားဖြင့် ရှိုးနုတ်ခြင်းတည်းဟူသော ဒုစရိုက်အပြစ်မှ ခွင့်ခွတ်ခြင်းကို ခံရကြ၏။ **၈** ဘုရားသခင်သည် ထိုကျေးဇူးတော်ကို ငါရိုအား ရက်ရောစွာပီးတော်မူ၏။ ခပ်သိမ်းသော ဉာဏ်ပညာနှင့် အသိပညာအားဖြင့်၊ **၉** မိမိရည်ရွယ်ချက်အတိုင်း ပြုတော်မူသည်ဖြစ်၍ ခရစ်တော်၌ နက်နဲသောအကြံအစည်တော်ကို ငါရိုအား သိစိတ်မူ၏။ **၁၀** ထိုအကြံအစည်တော်ကား၊ ကာလအချိန်တန်သောအခါ ဘုရားသခင်သည် ကောင်းကင်နှင့် မြီကြီးထက်တွင် ဟိသော ခပ်သိမ်းသော ဖန်ဆင်းခံအရာတို့ကို ခရစ်တော်အောက်၌ ပေါင်းစည်းစီခြင်းငှာ စီမံခန့်ခွဲတော်မူလိမ့်မည်။ **၁၁** ခပ်သိမ်းသောအရာများသည် ဘုရားသခင်၏ အကြံအစည်တော်နှင့်အညီ ကြိုတင်သတ်မှတ်ထားတော်မူသည်အတိုင်း ဖြစ်ပျက်ကြရ၏။ ဘုရားသခင်သည် မိမိအလိုတော်အတိုင်း ရှိုးမဆွကပင် ကြိုတင်သတ်မှတ်ထားတော်မူသည်နှင့်အညီ ငါရိုအား ခရစ်တော်နှင့် တစ်လုံးတစ်ဝတည်း ဖြစ်စီလျက် မိမိ၏ လူစုတော် ဖြစ်ခြင်းငှာ ရှိုးချယ်တော်မူ၏။ **၁၂** သို့ဖြစ်၍ ခရစ်တော်ကို ဦးစွာပထမ မျှော်လင့်သော ငါရိုသည် ဘုရားသခင်၏ ဘုန်းတော်ကို ချီးမွမ်းကြကုန်အံ့။ **၁၃** သင်ရိုသည်လည်း ကယ်တင်ခြင်းနှင့်ဆိုင်သော သတင်းကောင်းတည်းဟူသော သမ္မာတရားကို ကြားရသောအခါ ဘုရားသခင်၏ လူများဖြစ်လာကြ၏။ သင်ရိုသည် ခရစ်တော်ကို ယုံကြည်၍ ဘုရားသခင်သည် မိမိကတိပီးထားတော်မူသော သန့်ယှင်းသော ဝိညာဉ်တော်အားဖြင့် သင်ရိုအား မိမိပိုင်တော်မူကြောင်းကို တံဆိပ်ခတ်တော်မူ၏။ **၁၄** ဝိညာဉ်တော်သည် ဘုရားသခင်၏လူရိုအား ကတိပီးထားတော်မူသည် နှင့်အညီ ငါရိုခံစားရမည်ဖြစ်ကြောင်း အာမခံဖြစ် တော်မူ၏။ ထိုအာမခံချက်ဟူကား ဘုရားသခင်သည် မိမိပိုင်တော်မူသော လူရိုအား လွတ်မြောက်ခြင်းကို ရစိတော်မူမည်အကြောင်း ဖြစ်၏။ ထို့ကြောင့် ငါရိုသည် ကိုယ်တော်၏ ဘုန်းတန်ခိုးတော်ကို ချီးမွမ်းကြကုန်အံ့။ **၁၅** ထို့ကြောင့် သင်ရိုသည် အသျှင်ယေသုရှုကို ယုံကြည်ခြင်းနှင့် ဘုရားသခင်၏လူအပေါင်းရိုအား ချစ်ခြင်းမေတ္တာ ထားကြကြောင်းကို ကြားရကတည်းကပင်၊ **၁၆** ငါသည် သင်ရိုကို အကြောင်းပြု၍ အစဉ်မပြတ် ဘုရားသခင်၏ ကျေးဇူးတော်ကို ချီးမွမ်း၏။ ငါသည် ဆုတောင်းပတ္ထနာပြုသောအခါ၌ သင်ရိုကို အောက်မီသတိရ၍၊ **၁၇** သင်ရိုသည် ဘုရားသခင်ကို သိကျွမ်းခြင်းအလို့ငှာ သင်ရိုအား ဉာဏ်ပညာကိုပီး၍ ဗျာဒိတ်တော်ကို ဖွင့်ပြမည့် ဝိညာဉ်တော်အား ရဟိကြစီရန် ငါရိုအသျှင်ယေသုရှုခရစ်တော်၏ ဘုန်းကြီးသော အဖဘုရားသခင်ထံ၌ ငါတောင်းလျှောက်ထား၏။ **၁၈** ထိုသို့ ငါ တောင်းလျှောက်ထားသည်မှာ သင်ရို၏ ဉာဏ်မျက်စိကို ပွင့်လင်းစီခြင်းငှာ လည်းကောင်း၊ သင်ရိုအား ခေါ်ယူတော်မူခြင်းနှင့်ဆိုင်သော

မျှော်လင့်ခြင်းသည် မည်သည့်အရာဖြစ်သည်ကိုလည်းကောင်း၊ မိမိလူရိုအား ကတိထားတော်မူသော အံ့ဩဖွယ်သော ကောင်းကြီးမင်္ဂလာများသည် ဇာလောက် ကြွယ်ဝသည်ကိုလည်းကောင်း၊ **19** ယုံကြည်သောငါရို့၌ လုပ်ဆောင်လျက်ဟိသော ကိုယ်တော်၏ တန်ခိုးတော်သည် ဇာလောက် ကြီးမားသည်ကိုလည်းကောင်း သင်ရိုအား သိမြင်စီခြင်းငှာ ဖြစ်၏။ ငါရို့အတွင်း၌ လုပ်ဆောင်လျက်ဟိသော မဟာခွန်အားကဲ့သို့သော ထိုတန်ခိုးတော်သည်ကား၊ **20** ခရစ်တော်ကို သိခြင်းမှ ရှင်ပြန်ထမြောက်စီတော်မူ၍ ကောင်းကင်ဘုံတွင် မိမိ၏လက်ျာဖက်၌ ထိုင်စီတော်မူသောအခါ ကိုယ်တော်အသုံးပြုတော်မူသော တန်ခိုးတော်ပင်ဖြစ်၏။ **21** ခရစ်တော်သည် အလုံးစုံ၏ အုပ်ချုပ်မှု၊ အာဏာစက်၊ တန်ခိုးနှင့် အုပ်စိုးခြင်းမှစ၍ အဂုဘဝ၊ နောင်ဘဝ၌ ခေါ်ဝေါ်သမုတ်သော အလုံးစုံသော ဘွဲ့နာမထက် ကြီးမြတ်တော်မူ၏။ **(aiōn g165)** **22** ဘုရားသခင်သည် ခပ်သိမ်းသော အရာကို ခရစ်တော်၏ ခြံပေါ်တော်အောက်၌ ချထား၍ ကိုယ်တော်အား အသင်းတော်အဖို့ အထွဋ်အထိပ် အသျှင်အဖြစ် ခန့်ထားတော်မူ၏။ **23** ထိုအသင်းတော်ကား ခပ်သိမ်းသောနီရာ၌ အလုံးစုံတို့ကို ပြည့်စုံစီတော်မူသော ခရစ်တော်၏ ကိုယ်ခန္ဓာပင်ဖြစ်သတည်း။

2 အတိတ်က သင်ရို၏ မနာခံမှုနှင့် ဒုစရိုက်အပြစ်များကြောင့် ဝိညာဉ်ရေးရာ၌ သီးဆုံးလျက် ဟိကြ၏။ **2** ထိုကာလ၌ သင်ရိုသည် လောက၏ဆိုးညစ်သော လမ်းသို့ လိုက်ခကြ၏။ သင်ရိုသည် အာကာသကောင်းကင်၌ဟိသော ဝိညာဉ်တန်ခိုးများကို အစိုးရသောသူကို နာခံသောသူများဖြစ်ပြီး၊ ထိုသူသည်ကား အဂုအခါ ဘုရားသခင်၏ အလိုကို မနာခံသောသူရို့၌ လုပ်ဆောင်နိုင်သောသူဖြစ်၏။ **(aiōn g165)** **3** အမှန်စင်စစ် ငါရို့သည် ထိုသူရို့ကဲ့သို့ ဇာတိ၏အလိုသို့ လိုက်လျက်၊ ကိုယ်ကာယ၏ အလိုနှင့် စိတ်၏အလိုအတိုင်း ကျင့်ခကြ၏။ ငါရို့သည် ဇာတိသဘောအတိုင်း အခြားသူများနည်းတူ ဘုရားသခင်၏ အမျက်တော်ကို ခံထိုက်သောသူတို့ ဖြစ်ခကြ၏။ **4** သို့သော် ဘုရားသခင်၏ ကရုဏာတော်သည် အလွန်ကြွယ်ဝ၍၊ မေတ္တာတော်သည် ငါရို့အဖို့ အလွန် ကြီးမားလှသဖြင့်၊ **5** မနာခံမှုကြောင့် အပြစ်တရား၌ သီလျက်ဟိသော ငါရို့ကို ခရစ်တော်နှင့်အတူ အသက်ရှင်စီတော်မူ၏။ ထိုအရာကား သင်ရိုသည် ဘုရားသခင်၏ ကျေးဇူးတော်အားဖြင့် ကယ်တင်ခြင်း ခံထားရသောကြောင့် ဖြစ်၏။ **6** ဘုရားသခင်သည် ငါရို့အား ခရစ်တော်ယေသျှုနှင့်အတူ ရှင်ပြန်ထမြောက်စီတော်မူ၍ ထိုအသျှင်နှင့်အတူ ကောင်းကင်ဘုံ၌ စိုးစံခွင့်ကို ပီးတော်မူ၏။ **7** ဤသို့ပြုတော်မူခြင်းမှာ နောင်ကာလ၌ ခရစ်တော်ယေသျှုအားဖြင့် ငါရို့အဖို့ ထားတော်မူသော ကရုဏာတော်၌ တုန့်ခိုး၍ မမီသော ကိုယ်တော်၏ကျေးဇူးတော်ကို သိမြင်နိုင်ကြစီခြင်းငှာ ဖြစ်၏။ **(aiōn g165)** **8** သင်ရိုသည် ယုံကြည်ခြင်းအားဖြင့် ဘုရားသခင်၏ ကျေးဇူးတော်ကြောင့် ကယ်တင်ခြင်းကို ခံကြရ၏။ သင်ရို၏ ကြိုးစားအားထုတ်မှုကြောင့် မဟုတ်။ ဘုရားသခင်ပီးတော်မူသော ဆုလက်ဆောင်ဖြစ်၍ ဇာသုလေ့ ဝါကြွားစရာအခွင့် မဟိ။ **10** အကြောင်းမူကား ဘုရားသခင်သည် ရှိမဆွကပင် ကြိုတင် ပျဉ်ဆင်ထားတော်မူသည်နှင့်အညီ ငါရို့အား ကောင်းသောအကျင့်ကို ကျင့်စီခြင်းငှာ ခရစ်တော်ယေသျှု၌ ဖန်ဆင်းထားတော်မူ၏။ **11** ယုဒအမျိုးသားများက ဇာတိအားဖြင့် တစ်ပါးအမျိုးသားများဖြစ်ကြသော သင်ရိုအား “အရီဖျားလှီးခြင်းကို မခံသောသူများ” ဟု ခေါ်ကြပြီး၊ သူရို့သည် သူရို့ကိုသူရို့ “အရီဖျားလှီးခြင်းကို ခံယူကြသောသူရို့” ဟု ခေါ်ကြ၏။ အရီဖျားလှီးခြင်း ဟုဆိုရာ၌ ကိုယ်ကာယနှင့် သက်ဆိုင်သောအမှုဖြစ်၏။ အတိတ်က သင်ရို၏အခြေအနေကို အောက်မီသတိရကြလော့။ **12** ထိုအချိန်က သင်ရိုသည် ခရစ်တော်နှင့် ကွာဝေးလျက် ဟိခ၏။ သင်ရိုသည် တခြားလူမျိုးတို့ဖြစ်၍ ဘုရားသခင်၏လူစုတော်တွင် မဝင်ရခ။ ဘုရားသခင်သည် မိမိ၏ လူစုတော်အတွက် ထားတော်မူသော ကတိတော်နှင့်ဆိုင်သော ပဋိညာဉ်တရားများနှင့် မသက်ဆိုင်။ သင်ရိုသည် ဤလောက၌ မျှော်လင့်စရာမဟိ၊ ဘုရားမဟိဘဲ နီထိုင်ခကြ၏။ **13** သို့ရာတွင် အဂုအခါ သင်ရိုသည် ခရစ်တော်ယေသျှု၌ ဟိကြသည်ဖြစ်၍ တစ်ချိန်က ဝီးကွာလျက် ဟိခကြသော သင်ရိုသည် ခရစ်တော်၏ အသွီးတော်အားဖြင့် အပါးတော်သို့ ရောက်ကြရလေ၏။ **14** အကြောင်းမူကား ခရစ်တော်သည် ယုဒလူမျိုးနှင့် တခြားလူမျိုးတို့ကို လူမျိုးတစ်မျိုးတည်း ဖြစ်စီတော်မူလျက် ငါရို့အား ငြိမ်သက်ခြင်းကို ပီးတော်မူ၏။ ငါရို့ကို ရန်သူများအဖြစ် စည်းတားထားသည့် တံတိုင်းကို

မိမိ၏ကိုယ်ခန္ဓာတော်အားဖြင့် ဖြိုဖျက်တော်မူ၏။ 15 ကိုယ်တော်သည် ယုဒပညတ်တရားနှင့် စည်းမျဉ်းဥပဒေများကို ပယ်ဖျက်တော်မူသဖြင့် လူမျိုးနှစ်မျိုးကို မိမိ၌ အသစ်သော လူမျိုးတစ်မျိုးကို ဖြစ်စေတော်မူ၏။ ဤနည်း အားဖြင့် ရန်ကို ငြိမ်းစေတော်မူ၏။ 16 ခရစ်တော်သည် လက်ဝါးကပ်တိုင်ထက်တွင် အသိခံတော်မူခြင်းဖြင့် သူရို၏မှန်းတီးခြင်းကို ဖယ်ယှားပြီးလျှင် လက်ဝါးကပ်တိုင်အားဖြင့် လူမျိုးစုနှစ်စုကို ကိုယ်ခန္ဓာတစ်ခုတည်း၌ ပြန်လည်သင့်မြတ်စီလျက် ဘုရားသခင်၏အထံတော်သို့ ပြန်လည်ပို့ဆောင်တော်မူ၏။ 17 ထို့ကြောင့် ခရစ်တော်သည် ဘုရားသခင်နှင့် ဝီးကွာနိုင်ခဲ့သော သင်ရိုးကို တခြားလူမျိုးတိပါးသို့ လည်းကောင်း၊ ဘုရားသခင်၏ အနီးအပါး၌ ဟိခကြသော ယုဒလူမျိုးတိပါးသို့ လည်းကောင်း ကြွလာတော်မူ၍ ရန်ငြိမ်းခြင်းဆိုင်ရာ သတင်းကောင်းကို ဟောတော်မူ၏။ 18 တခြားလူမျိုးတိနှင့် ယုဒလူမျိုးတိ ဖြစ်ကြသော ငါရိုအားလုံးသည် ခရစ်တော်အားဖြင့် တစ်ပါးတည်းသော ဝိညာဉ်တော်ကို အမှီပြုလျက် ခမည်းတော်၏ ရှိတော်မောက်သို့ ဝင်ရောက်ခွင့် ရကြ၏။ 19 ထို့ကြောင့် သင်ရိုးသည် တခြားလူမျိုးတိ မဟုတ်၊ သူစိမ်းလည်း မဟုတ်။ သင်ရိုးသည် ဘုရားသခင်၏လူစုတော်နှင့်အတူ နိုင်ငံတော်သားများ၊ ကိုယ်တော်၏ အိမ်သူအိမ်သားများ ဖြစ်ကြ၏။ 20 သင်ရိုးသည်လည်း တမန်တော်ရှိနှင့် ပရောဖက်ရှိမှ ချမှတ်ခသော အုတ်မြစ်ထက်တွင် တည်ဆောက်ခြင်းကိုခံရကြ၍၊ ထိုအဆောက်အဦ၏ အရေးအကြီးဆုံးသော ထောင့်ချုပ်ကျောက်ကား ခရစ်တော်ယေသုပြင်ဖြစ်၏။ 21 ကိုယ်တော်သည် ထိုအဆောက်အဦတစ်ခုလုံးကို အတူတကွ ဆက်စပ်၍ ကြီးပွားစီပြီးလျှင် သခင်ဘုရားအား ဆက်ကပ်ထားသော သန့်ယုင်းသော ဗိမာန်တော်ဖြစ်လာစီ၏။ 22 သင်ရိုးသည်လည်း ကိုယ်တော်နှင့် တစ်လုံးတစ်ဝတည်းဖြစ်လျက် အခြားသောသူအပေါင်းရှိနှင့်အတူ တည်ဆောက်ခြင်းကို ခံရသဖြင့် ဝိညာဉ်တော်အားဖြင့် ဘုရားသခင်ကျိန်းဝပ်တော်မူရာ ဌာနတော် ဖြစ်လာ၏။

3 ဤအကြောင်းကြောင့် ခရစ်တော်ယေသုပြင်၏ အကျဉ်းသားဖြစ်သော ငါပေါလုသည် သင်ရိုးတခြားလူမျိုးတိ အဖို့အလိုငှာ ဘုရားသခင်ပါး၌ ဆုတောင်းပတ္တနာပြု၏။ 2 သင်ရိုးအကျိုးအတွက် ဘုရားသခင်သည် မိမိ၏ကျေးဇူးတော်၌ ဤအမှုကို ဆောင်ရွက်ခြင်းငှာ ငါ့အား ပီးအပ်တော်မူသည့် အကြောင်းကို သင်ရိုးသည် အမှန်ပင် ကြားသိကြပြီးဖြစ်၏။ 3 ဘုရားသခင်သည် မိမိ၏နက်နဲသော အကြံအစည်တော်ကို ဖွင့်ပြတော်မူခြင်းဖြင့် ငါ့ကို သိစိတ်မူ၏။ (ဤအကြောင်းအရာကို အကျဉ်းချုပ်အားဖြင့် ငါသည် အထက်၌ ဖော်ပြထားယာ။ 4 သင်ရိုးသည် ထိုဖော်ပြချက်ကို ဖတ်ရှုလျှင် ခရစ်တော်၏ နက်နဲသောအရာကို ငါ ဇာပိုင် သိနားလည်ထားသည်ကို သင်ရိုး သိနိုင်ကြလိမ့်မည်။) 5 အတိတ်ကာလ၌ ဘုရားသခင်သည် ထိုနက်နဲသောအရာကို လူသားရိုးအား ဖွင့်ပြတော်မမူခသော်လည်း အဂုဏာလ၌ မိမိ၏သန့်ယုင်းသော တမန်တော်တို့နှင့် ပရောဖက်တို့ကို ဝိညာဉ်တော်အားဖြင့် ဖွင့်ပြတော်မူ၏။ 6 ထိုနက်နဲသော အရာကား သတင်းကောင်းအားဖြင့် တခြားလူမျိုးရှိသည် ယုဒလူမျိုးရှိနှင့်အတူ ခန္ဓာတစ်ခုတည်း၏ အင်္ဂါများဖြစ်ကြ၍ ဘုရားသခင်၏ ကောင်းကြီးမင်္ဂလာကို အမွှိခံရ ပြီးလျှင် ခရစ်တော်ယေသုပြင်အားဖြင့် ကတိတော်ကို ဆက်ဆံခွင့်ရကြ၏။ 7 တန်ခိုးတော်၏ပြုပြင်ခြင်းအားဖြင့် ငါ့အား ဘုရားသခင်ပီးသနားတော်မူသော အထူးဆုကျေးဇူးတော်နှင့်အညီ ငါသည် သတင်းကောင်းနှင့်ဆိုင်သော အခိုင်းအစီတစ်ယောက်ဖြစ်လာ၏။ 8 ငါသည် ဘုရားသခင်၏လူရိုတွင် အငယ်ဆုံးဖြစ်ပေ၏။ သို့ရာတွင် ဘုရားသခင်သည် ခရစ်တော်၏ အဆုံးမဟိ ကြွယ်ဝတော်မူသော သတင်းကောင်းတရားကို တခြားလူမျိုးရိုးအား ဟောပြောကြေညာစီခြင်းငှာ လည်းကောင်း၊ 9 ဘုရားသခင်၏နက်နဲသော အကြံအစည်တော်သည် ဇာပိုင် အကောင်အထည်ပေါ် လာမည်ကို လူအပေါင်းရိုးအား ယုင်းလင်းဖော်ပြစီခြင်းငှာ အခွင့်ထူးကိုလည်းကောင်း ငါ့အား ပီးသနားတော်မူ၏။ ခပ်သိမ်းသောအရာတို့ကို ဖန်ဆင်းတော်မူသော ဘုရားသခင်သည် ရှိုးကာလ အဆက်ဆက်က ထိုအကြံအစည်တော်ကို ဝှက်ထားတော်မူ၏။ (aiōn g165) 10 ထိုသို့ ပြုတော်မူခြင်းမှာ ကောင်းကင်ဘုံ၌ဟိသော အစိုးရသောသူများနှင့် အာဏာပိုင်များသည် ဘုရားသခင်၏ထူးဆန်းသော ဉာဏ်ပညာတော်ကို အဂုဏ်အခြံ အသင်းတော်အားဖြင့် သိလာကြစီရန် ဖြစ်၏။ 11 ဘုရားသခင်သည် မိမိ၏ထာဝရ အကြံအစည်တော်နှင့်အညီ ငါရို၏

အသျှင် ခရစ်တော်ယေသုအားဖြင့် ပြီးမြောက်စီတော်မူ၏။ (aiōn g165) 12 ငါရို့သည် ထိုသခင်ကို ယုံကြည်ခြင်းဖြင့် ရဲ့ဝံခြင်းကိုလည်းကောင်း၊ ဘုရားသခင်၏ အပါးတော်သို့ ယုံကြည်စိတ်ချစွာဖြင့် လည်းကောင်း ချဉ်းကပ်ခွင့်ကို ရကြ၏။ 13 သို့ဖြစ်၍ သင်ရို့အတွက် ငါခံရသောဒုက္ခ ဆင်းရဲခြင်းကြောင့် သင်ရို့စိတ်မပျက်ကတ်ကေ။ သင်ရို့၏အကျိုးအတွက် ငါခံရခြင်း ဖြစ်၏။ 14 ဤအကြောင်းကြောင့် ငါသည် ကောင်းကင်ဘုံနှင့် မြီကြီးထက်၌ဟိသော မိသားစုတိုင်း၏ နာမ အရင်းအမြစ်ဖြစ်တော်ထမူသော အဖခမည်းတော်၏ ရှိတော်တွင် ဒူးထောက်လျက် ဆုတောင်းပတ္တနာပြု၏။ 16 ငါ၏ ဆုတောင်းသော အချက် ဟူမူကား၊ ကိုယ်တော်သည် ဘုန်းတော်နှင့် ကြွယ်ဝတော်မူသည်နှင့်အညီ သင်ရို့အား အတွင်းလူကို ခိုင်ခံ့လာစီခြင်းငှာ ဝိညာဉ်တော်အားဖြင့် တန်ခိုးကို ပီးသနားတော်မူရန် လည်းကောင်း၊ 17 ယုံကြည်ခြင်းအားဖြင့် ခရစ်တော်သည် သင်ရို့၏စိတ်နှလုံး၌ ကိန်းဝပ်တော်မူစီခြင်းငှာ လည်းကောင်း၊ ငါသည် ဆုတောင်း၏။ ထိုမျှမက သင်ရို့သည် မေတ္တာ၌ တိုက်မြစ်ချ၍ အမြစ်စွဲစီရန် လည်းကောင်း၊ 18 သင်ရို့သည် ခရစ်တော်၏မေတ္တာ အလျား၊ အနံ၊ အမြင့်၊ အနက်တို့ကို ဘုရားသခင်၏လူ အပေါင်းရို့နှင့်အတူ သိနားလည်ကြမည့်အကြောင်း ငါ ဆုတောင်း၏။ 19 ခရစ်တော်၏မေတ္တာတော်ကို ဇာခါလေ့ အပြည့်အဝ နားမလည်နိုင်သော်လည်း၊ ဘုရားသခင်၏ ပြည့်စုံတော်မူခြင်းဟိသမျှနှင့် ပြည့်ဝတော်မူပါမည့်အကြောင်း ငါဆုတောင်း၏။ 20 ကိုယ်တော်သည် ငါရို့၏ အထဲ၌ တန်ခိုးတော်အားဖြင့် လုပ်ဆောင်လျက် ဟိတော်မူသော၊ ငါရို့တောင်းလျှောက် ကြံစည်သမျှသောအရာတိထက် သာလွန်၍ ပြုနိုင်တော်မူသော၊ 21 ဘုရားသခင်၏ ဘုန်းတန်ခိုးတော်သည် အသင်းတော်အားဖြင့် လည်းကောင်း၊ ခရစ်တော်ယေသုအားဖြင့် လည်းကောင်း ကာလအစဉ်အဆက် ဘုန်းကြီးတော်မူပါစီသောဝံ။ အာမင်။ (aiōn g165)

4 သို့ဖြစ်၍ သင်ရို့သည် ဘုရားသခင်၏ ခေါ်တော်မူခြင်း နှင့်ထိုက်တန်သော အကျင့်ဖြင့် အသက်ရှင်နိုင်ထိုင်ကြရန် သခင်ဘုရားအတွက် အကျဉ်းခံရသော သူတစ်ယောက်အဖြစ်ဖြင့် ငါသည် သင်ရို့အား နှိုးဆော်တိုက်တွန်းပါ၏။ 2 စိတ်နှလုံးနိမ့်ချခြင်း၊ နူးညံ့သိမ်မွေ့ခြင်းနှင့် စိတ်ရှည်ခြင်းတို့ကို အစဉ်မပြတ်ဟိကြလော့။ အချင်းချင်း တစ်ယောက်ကိုတစ်ယောက် သည်းခံခြင်းအားဖြင့် မေတ္တာပြကြလော့။ 3 အသင့်အတင့် ပေါင်းဖော်စည်းလုံးခြင်းဖြင့် သင်ရို့အား ဝိညာဉ်တော်မှ ပီးသော တညီတညွတ်တည်း လုပ်ဆောင်ခြင်းကို တတ်နိုင်သမျှ ထိန်းသိမ်းကြလော့။ 4 ဘုရားသခင်သည် သင်ရို့အား မျှော်လင့်ခြင်းတစ်ခုတည်းသို့ ခေါ်တော်မူသကဲ့သို့ ကိုယ်ခန္ဓာ တစ်ပါး၊ ဝိညာဉ်တော် တစ်ပါးတည်း ဟိတော်မူ၏။ 5 ထို့အတူ သခင်ဘုရား တစ်ပါးတည်း၊ ယုံကြည်ခြင်း တစ်ပါးတည်း၊ ဗတ္တိဇံ တစ်ပါးတည်း၊ 6 လူသားအပေါင်းရို့၏ ဖခင်ဖြစ်တော်မူသော ဘုရားသခင် တစ်ပါးတည်း ဟိတော်မူ၏။ ထိုဘုရားသခင်သည် လူခပ်သိမ်းရို့၌ အသျှင်ဖြစ်တော်မူ၍ လူခပ်သိမ်းရို့အားဖြင့် လုပ်ဆောင်တော်မူလျက် လူခပ်သိမ်းရို့အထဲ၌ ဟိတော်မူ၏။ 7 သို့သော် ခရစ်တော် ချပီးတော်မူသည့်အတိုင်း ငါရို့ တစ်ယောက်စီတိုင်းသည် ထူးမြတ်သော ဆုကျေးဇူးကို ခံရကြပေသည်။ 8 ကျမ်းစာလာသည်ကား၊ “သူသည် မြင့်သောအရပ်သို့ တက်ကြွတော်မူသောအခါ မိမိနှင့်အတူ များစွာသော ချုပ်နှောင်ခံထားရသူ တို့ကို ခေါ်ဆောင်လားတော်မူ၏။ လူတို့ကိုလည်း ဆုကျေးဇူးများကို ပီးတော် မူ၏။” 9 အဂုတွင်၊ “သူတက်ကြွတော်မူသည်” ဟု ဆိုရာ၌ ဇာကို ဆိုလိုသနည်း ဟူမူကား မြီကြီး၏ အနိမ့်ဆုံးသောအရပ်သို့ ဦးစွာ ဆင်းသက်တော်မူသည်ဟု ဆိုလိုပေ၏။ 10 ထို့ကြောင့် ဆင်းသက်တော်မူသောသူသည်ကား စကြဝဠာတစ်ခုလုံးကို မိမိ၏မျက်မှောက်တော်၌ ဟိစီခြင်းငှာ ကောင်းကင်အထက်ရပ်သို့ ကြွတော်မူသော သူပင် ဖြစ်ပေ၏။ 11 “ဆုကျေးဇူးများကို ချပီးတော်မူသော” သူသည် ကိုယ်တော်ပင်ဖြစ်၏။ ကိုယ်တော်သည် လူတချို့ကို တမန်တော်အရာ၌ လည်းကောင်း၊ တချို့ကို ပရောဖက်အရာ၌လည်းကောင်း၊ တချို့ကို ဧဝံဂေလိဆရာ အရာ၌လည်းကောင်း၊ တချို့ကို သင်းအုပ်ဆရာနှင့် သင်ကြားပီးသောဆရာ အရာ၌လည်းကောင်း ခန့်ထားတော်မူ၏။ 12 ဤသို့ ကိုယ်တော်ပြုတော်မူခြင်းမှာ ခရစ်တော်၏ ကိုယ်ခန္ဓာတော်ကို တည်ဆောက်စီရန်နှင့် အမှုတော်ဆောင်ရွက်ခြင်းငှာ ဘုရားသခင်၏လူတို့ကို အသင့်ပျင်ဆင်ပီးရန် ဖြစ်၏။ 13 ငါရို့၏ ယုံကြည်ခြင်း၌လည်းကောင်း၊ ဘုရားသခင်၏သားတော်ကို သိကျွမ်းခြင်း၌လည်းကောင်း ငါရို့

ဟိသမျှသည် တညီတညွတ်တည်းဖြစ်ကြလျက် ခရစ်တော်၏ ပြည့်စုံခြင်းပမာဏအတိုင်း ရင့်ကျက်သောသူများအဖြစ်သို့ ရောက်ကြရန်ပင် ဖြစ်၏။ **14** ထို့နောက် ငါရိုသေသည့် ပရိုဖက်ရှင်လူရိုကို လမ်းလွဲအောင် လိမ်လည်ပြောဆိုတတ်သော သူရို၏ ဩဝါဒမှိုင်းများအထဲ၌ လွင့်ပါလားသော အသျှေတိုပိုင် ဖြစ်ရမည် မဟုတ်။ **15** ယင်းအစား၊ ငါရိုသည် မေတ္တာစိတ်နှင့် သမ္မာတရားကို ပြောကြားခြင်းအားဖြင့် အသင်းတော်၏ဦးဂေါင်း ဖြစ်တော်မူသော ခရစ်တော်၌ အရာရာတွင် ကြီးပွားတိုးတက် ကြရမည်။ **16** ထိုသူ၌ ကိုယ်အင်္ဂါဟိသမျှရိုသည် တစ်ခုနှင့်တစ်ခု အဆစ်အပိုင်းများဖြင့် ဆက်စပ်လျက် နိန့်ကြ၏။ ထို့ကြောင့် ကိုယ်အင်္ဂါအသီးသီးရိုသည် မိမိရိုသက်ဆိုင်သော အငန်းအတာကို ဆောင်ရွက်ကြသောအခါ ကိုယ်ခန္ဓာတစ်ခုလုံးသည် ကြီးထွားလျက် မိမိကိုယ်ကိုလည်း မေတ္တာတရား၌ တည်ဆောက်လေ၏။ **17** ထို့ကြောင့်၊ သင်ရိုသည် တခြားလူမျိုးရိုနည်းတူ ဆက်လက်၍ ပြုမူနီထိုင်ခြင်းမပြုကြရန် သခင်ဘုရား၏နာမတော်ကို အမှီပြု၍ ငါ သတိပီးလိုက်၏။ သူရို၏ အကြံအစည်များကား အလကားဖြစ်၏။ **18** ထိုသူရိုသည် ဉာဏ်အလင်းကွယ်၍ စိတ်နှလုံးသည်လည်း မိုက်မဲသောအားဖြင့် အသိတရားကင်းမဲ့သောကြောင့် ဘုရားသခင် ပီးသနားတော်မူသော အသက်နှင့် ကင်းကွာလျက် ဟိကြ၏။ **19** သူရိုသည် ရှက်ကြောက်ခြင်းစိတ် လုံးဝမဟိကြသဖြင့် ကာမဂုဏ်လိုက်စားကာ ညစ်ညူးသောအကျင့် အမျိုးမျိုးကို မိမိရိုအလိုဟိသည့်အတိုင်း ကျင့်ကြ၏။ **20** ထိုအရာသည်ကား သင်ရိုသင်ယူခကြသည့် ခရစ်တော်၏ လမ်းစဉ် မဟုတ်။ **21** သင်ရိုသည် ထိုအသျှင်၏ အကြောင်းကို သေချာစွာကြားနာ ရကြပြီး၊ ထိုအသျှင်၏ တပည့်တိအဖြစ်ဖြင့် ယေသျှုထံ၌ သမ္မာတရားတော်အကြောင်းကို သင်ယူခကြ၏။ **22** ထို့ကြောင့် အယင်က ကျင်လည်ခသော လူဟောင်းဘဝကို စွန့်ပစ်ကြလော့။ လိမ်လည်လှည့်ဖြားတတ်သော ဆန္ဒများကြောင့် ပျက်စီးယိုယွင်းတတ်သော လူဟောင်းကို စွန့်ပစ်ကြလော့။ **23** သင်ရိုသည် အသစ်သော စိတ်နှလုံးကို ခံယူပြီးလျှင်၊ **24** ဘုရားသခင်၏ ပုံသဏ္ဌာန်တော်နှင့်အညီ ဖန်ဆင်းခြင်းကို ခံရ၍ သန့်ယှင်းဖြောင့်မတ်ခြင်းတည်းဟူသော စစ်မှန်သော လူသစ်ဖြစ်ကြရမည်။ **25** ထို့ကြောင့် မုသားစကားကို ထပ်၍ မပြောကတ်ကေ။ သင်ရိုသည် မှန်သောစကားကိုသာ အချင်းချင်း ပြောကြလော့။ အကြောင်းမူကား ငါရိုအားလုံးသည် ခရစ်တော်၏ ကိုယ်အင်္ဂါအစိတ်အပိုင်းများ ဖြစ်ကြ၏။ **26** သင်ရိုသည် ဒေါသထွက်သော်လည်း ပြစ်မှားခွင့်ကို မပီးကတ်ကေ။ ဒေါသမပြေဘဲ နီမဝင်ကတ်စီကေ။ **27** မာရ်နတ်ကို အခွင့်မပီးကတ်ကေ။ **28** ခိုးဝှက်ဖူးသူသည် နောက်တဖန် မခိုးမဝှက်ဘဲ ဆင်းရဲသောသူရိုအား ပီးကမ်းနိုင်ရန် မိမိ လက်ဖြင့် ကောင်းသောအလုပ်ကို ကြိုးစားလုပ်ကိုင်ကြလော့။ **29** ညစ်ညမ်းသော စကားတစ်ခွန်းကိုမျှ သင်ရိုနှုတ်မှ မထွက်စီကေ။ သူတစ်ပါးအား အကျိုးဟိစီမည့် စကား၊ တည်ဆောက်စရာ ဖြစ်စီသည့် ကောင်းသော စကားကိုသာ ပြောကြလော့။ ထိုသို့ပြုမှသာ သင်ရို၏စကားကို ကြားရသောသူရိုသည် ကောင်းကျိုးကို ခံစားရလိမ့်မည်။ **30** ဘုရားသခင်၏သန့်ယှင်းသောဝိညာဉ်တော်ကို စိတ်မနာစီကတ်ကေ၊ အကြောင်းမူကား ဝိညာဉ်တော်သည် သင်ရိုအား ဘုရားသခင် ပိုင်တော်မူကြောင်း အမှတ်အသား ဖြစ်ပြီး၊ ဘုရားသခင်သည် သင်ရိုအား လွှတ်ခြင်းအခွင့်ကို ပီးသောနီရက်၌ သင်ရိုအဖို့ အာမခံချက် ဖြစ်သတည်း။ **31** ထို့ကြောင့် ခပ်သိမ်းသော ခါးသီးခြင်း၊ နာကြည်းခြင်း၊ ဒေါသထွက်ခြင်း၊ အော်ဟစ်ငေါက်ငမ်းခြင်း၊ သူ့အသရေဖျက်ခြင်း၊ ခပ်သိမ်းသောမုန်းတီးခြင်း ရိုကို ဖယ်ယှားကြလော့။ **32** ယင်းအစား၊ သင်ရိုသည် တစ်ဦးကိုတစ်ဦး သနားကြင်နာကြလော့။ ဘုရားသခင်သည် ခရစ်တော်ကြောင့် သင်ရိုအား ခွင့်ရွတ်တော်မူသည့်နည်းတူ သင်ရိုသည်လည်း တစ်ယောက်ကိုတစ်ယောက် ခွင့်ရွတ်ကြလော့။

5 သင်ရိုသည် ဘုရားသခင်ချစ်သော သားသမီးများဖြစ်ကြသည်နှင့်အညီ၊ ကိုယ်တော်ကဲ့သို့ ကြိုးစားရမည်။ **2** ခရစ်တော်သည် ငါရိုကို ချစ်တော်မူ၍ ငါရိုအတွက် မိမိကိုယ်ကို ဘုရားသခင် နှစ်သက်တော်မူရာ ဖွီးကြိုင်သော ပူဇော်သကာအဖြစ် ဆက်သတော်မူသကဲ့သို့ သင်ရိုသည်လည်း မေတ္တာတရား၌ ကျင်လည်ကြလော့။ **3** သင်ရိုသည် ဘုရားသခင်၏လူစုတော် ဖြစ်သဖြင့် ကာမဂုဏ်လိုက်စားမှု၊ မစင်ကြယ်မှုနှင့် လောဘလွန်ကြူးမှု အကြောင်းများကို သင်ရိုတွင် ပြောဆိုခြင်းပင် မဟိစီကေ။ **4** ညစ်ညူးသောစကား၊ မိုက်မဲသောစကား၊ မဖွယ်မရာသော စကားများကိုလည်း

မပြောဆိုအပ်။ ထိုအရာများထက် ကျေးဇူးတော်ကို ချီးမွမ်းသည့် စကားများကိုသာ ပြောဆိုကြလော့။ 5 ကာမဂုဏ်လိုက်စားသောသူ၊ မစင်ကြယ်သောသူ၊ လောဘလွန်ကျူးခြင်းတည်းဟူသော ရပ်တုကို ကိုးကွယ်သောသူရှိသည် ခရစ်တော်နှင့် ဘုရားသခင်၏ နိုင်ငံတော်သို့ တစ်ခါလေ့ ဝင်ရလိမ့်မည် မဟုတ်ကြောင်းကို သင်ရိသိကြ၏။ 6 အကျိုးမဟီသောစကားဖြင့် ဇာသူလေ့ သင်ရိုကို မလှည့်ဖျားစီကော့။ ထိုအမှုများဖြင့် ဘုရားသခင်ကို မနာခံသောသူရှိသည် ထိုအသျှင်၏ အမျက်တော် သင့်ခြင်းကို ခံရကြလိမ့်မည်။ 7 ထို့ကြောင့် သင်ရိုသည် ထိုသို့သော သူရိုနှင့် ပေါင်းဖော်ခြင်းကို မပြုကတ်ကော့။ 8 အယင်က သင်ရိုသည် မှောင်မိုက်၌ နီထိုင်ခကြ၏။ သို့သော် အဂုမူကား သခင်ဘုရား၏ လူတိ ဖြစ်လာကြသောကြောင့် အလင်းသို့ ရောက်ကြရ၏။ ထို့ကြောင့် အလင်း၏ သားသမီးကဲ့သို့ ကျင့်ကြံပြုမူကြလော့။ 9 အကြောင်းမူကား အလင်းသည် ကောင်းမြတ်ခြင်း၊ ဖြောင့်မတ်ခြင်းနှင့် မှန်ကန်ခြင်းတည်းဟူသော ကောင်းမြတ်သောအရာများကို ဖြစ်ပွားစီတော်မူ၏။ 10 သခင်ဘုရား နှစ်သက်တော်မူသောအရာသည် ဇာအရာဖြစ်သည်ကို ကြိုးစား၍ သင်ယူကြလော့။ 11 မှောင်မိုက်၌ ကျင်လည်သောသူရို့ ပြုမူကြသည့် အကျိုးမဟီသော အမှုများကို မပြုဘဲ၊ ယင်းအမှုကို အလင်း၌ ထင်ရှားစီကြလော့။ 12 (ဆိတ်ကွယ်ရာအရပ်၌ သူရို့ပြုသောအမှုတို့ကို ပြောခြင်းသည်ပင် လွန်စွာ ရှက်ဖွယ်ဖြစ်၏။) 13 ထင်ရှားသမျှသော အရာများသည် အလင်းဖြင့် ထင်ရှားကြ၏။ ထိုထင်ရှားသောအရာဟူသမျှသည် မိမိရို၏ ပင်ကိုယ်သဘောတို့ကို ပေါ်လွင်လာစီ၏။ 14 အကြောင်းမူကား အလင်းသည် ခပ်သိမ်းသောအရာတို့ကို ပေါ်လွင်ထင်ရှားစီသောကြောင့် ဖြစ်၏။ ထို့ကြောင့် ကျမ်းစာ၌ လာသည်ကား၊ “အိပ်ပျော်သူ၊ နိုးလော့။ သီခြင်းမှ ထမြောက်လော့၊ ခရစ်တော်သည် သင်၌ ထွန်းလင်းတော်မူလိမ့်မည်” ဟူ၍ ပါဟိသတည်း။ 15 သို့ဖြစ်၍ သင်ရိုသည် ဇာပိုင် ပြုမူကျင့်ကြရမည်ကို သတိပြုကြလော့။ ပညာမဲ့သောသူများကဲ့သို့ မကျင့်ကြဘဲ၊ ပညာဟီသောသူတို့ကဲ့သို့ ကျင့်ကြံကြလော့။ 16 ဤနိရက်သည် ဆိုးယုတ်သော ကာလဖြစ်သောကြောင့် သင်ရို၌ ဟီသော အခွင့်အရေးများကို အကျိုးဟီအောင် အသုံးပြုကြလော့။ 17 ထို့ကြောင့် သင်ရိုသည် မိုက်မဲ၍ မနီကြဘဲ၊ သခင်ဘုရား၏အလိုတော်ကို ကြိုးစား၍ ရှာကြလော့။ 18 ပျက်စီးစိတ်တော်သော အရက်သီစာ သောက်စားခြင်းများကို ယောင်၍ ဝိညာဉ်တော်နှင့် ပြည့်ဝစီကြလော့။ 19 ဆာလံတေးခြင်း၊ ဓမ္မတေးခြင်းနှင့် ဝိညာဉ်ရေးဆိုင်ရာ တေးခြင်းများကို အချင်းချင်း သီဆိုပြောဆိုကြ၍၊ စိတ်နှလုံးထဲ၌ သခင်ဘုရားအား ချီးမွမ်းထောမနာပြုလျက် ဓမ္မတေးခြင်းများနှင့် ဆာလံတေးခြင်းများကို သီဆိုကြလော့။ 20 ငါရို့ အသျှင်ယေသျှုခရစ်၏ နာမတော်ကို အမှီပြု၍ ခပ်သိမ်းသောအရာများအဖို့ အဖဘုရားသခင်၏ ကျေးဇူးတော်ကို အစဉ်မပြတ် ချီးမွမ်းကြလော့။ 21 ခရစ်တော်ကို ရိုသီလေးစားသောအားဖြင့် သင်ရိုအချင်းချင်း တစ်ယောက်နှင့်တစ်ယောက် နှိမ့်ချကြလော့။ 22 မယားဖြစ်သူရို့၊ သင်ရိုသည် သခင်ဘုရား၏ အုပ်စိုးခြင်းကို ခံယူသကဲ့သို့ မိမိ၏ လင်ယောက်ျားရို့ အုပ်စိုးခြင်းကို ခံယူကြလော့။ 23 အကြောင်းမူကား ခရစ်တော်သည် အသင်းတော်၏ ဦးဂေါင်းဖြစ်သကဲ့သို့ လင်ယောက်ျားသည် မိမိမယား၏ ဦးဂေါင်း ဖြစ်စီလော့။ ခရစ်တော်သည် မိမိ၏ကိုယ်ခန္ဓာဖြစ် သော အသင်းတော်ကို ကယ်တင်သောအသျှင် ဖြစ်တော်မူ၏။ 24 ထို့ကြောင့် အသင်းတော်သည် ခရစ်တော်၏ အုပ်စိုးခြင်းကို ခံယူသကဲ့သို့ မယားရို့သည်လည်း အရာရာ၌ မိမိရို့ လင်ယောက်ျားရို့၏ အုပ်စိုးခြင်းကို အပြည့်အဝ ခံယူရကြမည်။ 25 လင်ယောက်ျားရို့ ခရစ်တော်သည် အသင်းတော်ကို ချစ်တော်မူ၍ အသင်းတော်အဖို့ မိမိအသက်ကို စွန့်တော်မူသကဲ့သို့ သင်ရို၏ မယားတို့ကို ချစ်ကြလော့။ 26 ကိုယ်တော်သည် ဤသို့ မိမိအသက်ကို စွန့်တော်မူသည်မှာ ထိုအသင်းတော်ကို ရီ၌ ဆီးကြောခြင်းဖြင့် သန့်ယှင်းစီပြီးမှ နှုတ်ကပတ်တော်ဖြင့် ဘုရားသခင်အား ဆက်ကပ်တော်မူ၏။ 27 ထိုသို့ အသင်းတော်ကို မိမိအား ဆက်သတော်မူရာ၌ အညစ်အကြေး တင်ခြင်း၊ အစွန်းအကွက် ဖြစ်ခြင်း၊ အရိရုံခြင်း မဟီဘဲ သန့်ယှင်းပြီး အပြစ်ကင်းစင်လျက် ဘုန်းတန်ခိုးတော်နှင့် ပြည့်စုံစီရန် ဖြစ်၏။ 28 လင်ယောက်ျားရို့သည် မိမိရို့ကိုယ်ကို ချစ်သကဲ့သို့ မိမိရို့၏ မယားတို့ကို ချစ်ကြရမည်။ မယားကို ချစ်သောသူသည် မိမိကိုယ်ကို ချစ်သောသူဖြစ်၏။ (29 ဇာသူလေ့ မိမိကိုယ်ကို မုန်းသည်ဟူ၍ မဟီ။ ထိုသို့ပြုမည့်အစား၊ ခရစ်တော်သည် အသင်းတော်အား ကျွေးမွေးပြုစုတော်မူသကဲ့သို့

ငါရဲ့သည် မိမိကိုယ်ကို ကျွေးမွေး၍ ပြုစုစောင့်ရှောက်ကြ၏။ 30 အကြောင်းမူကား ငါရဲ့သည် ကိုယ်တော်ခန္ဓာ၏ အင်္ဂါအစိတ်အပိုင်းများ ဖြစ်ကြ၏။ 31 ကျမ်းစာ လာသည့်အတိုင်း “ထိုအကြောင်းကြောင့် ယောက်ျားသည် မိမိ၏မိဘကို ထားခဦး ကိုယ့်မယားနှင့် ပေါင်းသင်းသဖြင့် ထိုသူနှစ်ယောက်သည် တစ်သားတစ်ကိုယ်တည်း ဖြစ်လိမ့်မည်” ဟူ၍ ဖြစ်၏။ 32 ဤသည်ကား လျှို့ဝှက်နက်နဲသောအရာကို ဤကျမ်းစာ၌ ဖော်ပြထားခြင်းဖြစ်ပေ၏။ ထိုစကားသည် ခရစ်တော်နှင့် အသင်းတော်ကို ရည်ညွှန်းသည်ဟု ငါနားလည်၏။ 33 သို့ရာတွင် ထိုစကားသည် သင်ရဲ့ကိုလည်း ရည်ညွှန်း၍ ဆိုသတည်း။ ထို့ကြောင့် လင်ယောက်ျားတိုင်း မိမိကိုယ်ကိုချစ်သကဲ့သို့ မိမိ၏မယားကိုလည်း ချစ်ရမည်။ ထိုနည်းတူ မယားဖြစ်သောသူတိုင်းသည်လည်း မိမိ၏လင်ယောက်ျားကို ရိုသ်ခြင်း ဟိရမည်။

6 သားသမီးရဲ့ သခင်ဘုရား၏ အလိုတော်နှင့်အညီ သင်ရဲ့ မိဘရဲ့၏ စကားကို နားထောင်ကြလော့၊ ထိုသို့ ပြုခြင်းသည် သားသမီးများအဖို့ ပြုအပ်သည့်ဝတ် ဖြစ်၏။ 2 သမ္မာကျမ်းစာ၌ “သင်၏ မိဘကို ရိုသ်စွာပြုလော့” ဟူသော ပညတ်သည် ကတိတော်နှင့်ဆိုင်သော ပထမဆုံးသော ပညတ်ဖြစ်၏။ 3 ထိုသို့ပြုလျှင် “သင်သည် ကောင်းစားလျက် ခြံကြီးထက်တွင် အသက်ရှည်လိမ့်မည်” ဟု ဖော်ပြ၏။ 4 မိဘရဲ့ သားသမီးရဲ့ကို စိတ်ဆိုးစီခြင်းငှာ မပြုကတိကော့။ ထိုသို့ ပြုမည့်အစား၊ သူရဲ့အား သခင်ဘုရား၏ အလိုတော်နှင့်အညီ ပြုစုပျိုးထောင်ကြလော့။ 5 အချင်း ကျွန်ရဲ့ သင်ရဲ့သည် ခရစ်တော်ကို နာခံသကဲ့သို့ ကြောက်ရွံ့တုန်လှုပ်လျက် ပြုစင်သောစိတ်နှင့် သင်ရဲ့၏ လောကီနှင့်ဆိုင်သော သခင်ရဲ့စကားကို နာခံကြလော့။ 6 သူရဲ့ နှစ်သက်စီခြင်းငှာ သူရဲ့၏ ရှိမှောက်၌သာ နားထောင်ကြသည် မဟုတ်ဘဲ၊ ခရစ်တော်၏ ကျွန်တို့ကဲ့သို့ ဘုရားသခင်၏ အလိုတော်ဟိသည့်အတိုင်း စိတ်ရောကိုယ်ပါ အစီခံကြလော့။ 7 လူ၏အမှုကို ဆောင်ရွက်သကဲ့သို့ မဟုတ်ဘဲ၊ သခင်ဘုရား၏အမှုကို ဆောင်ရွက်သကဲ့သို့ ဝမ်းမြောက်စွာ လုပ်ဆောင်ကြလော့။ 8 ကျွန်ဖြစ်စီ၊ လွတ်လပ်သူဖြစ်စီ၊ ဇာသူမဆို မိမိပြုသည့် ကောင်းမှုအတွက် သခင်ဘုရားထံမှ ဆုလာဒ်ကို ရလိမ့်မည်ဟု သိမှတ်ကြလော့။ 9 ထိုနည်းတူ သခင်ရဲ့ သင်ရဲ့၏ကျွန်တို့ကို ခြိမ်းခြောက်မှု မပြုဘဲ၊ သင်ရဲ့နှင့် သင်ရဲ့၏ ကျွန်တို့၌ ကောင်းကင်ဘုံတွင် အသျှင်တစ်ပါးတည်းသာ ဟိကြောင်းကိုလည်းကောင်း၊ ထိုသခင်သည် မျက်နှာလိုက်တော်မမူကြောင်းကိုလည်းကောင်း သတိရကြလော့။ 10 နောက်ဆုံး စကားဟူမူကား၊ သင်ရဲ့သည် သခင်ဘုရားနှင့် တစ်လုံးတစ်ဝတည်းဖြစ်လျက် ကိုယ်တော်၏ တန်ခိုးတော်အားဖြင့် ခိုင်ခံ့စီကြလော့။ 11 မာရ်နတ်၏ ဆိုးညစ်သော ပရိယာယ်များကို ခုခံကာကွယ်နိုင်ခြင်းငှာ ဘုရားသခင်ပီးတော်မူသော လက်နက်စုံကို ဝတ်ဆင်ကြလော့။ 12 အကြောင်းမူကား ငါရဲ့သည် အသီးအသားဟိသော သူရဲ့နှင့် ဆိုင်ပြိုင်တိုက်ခိုက် ကြရသည် မဟုတ်။ ကောင်းကင်အရပ်မှလာသည့် ဆိုးယုတ်သော ဝိညာဉ်တန်ခိုးသျှင်နှင့် လည်းကောင်း၊ ဤမှောင်မိုက်သော လောကကို အုပ်စိုးသော သူတို့၊ တန်ခိုးသျှင်တို့နှင့် လည်းကောင်း၊ အာဏာစက်တို့နှင့် လည်းကောင်း ဆိုင်ပြိုင်တိုက်ခိုက်ကြရ၏။ (aiōn g165) 13 ထို့ကြောင့် ဘုရားသခင်ပီးသော လက်နက်စုံကို ဝတ်ဆင်ကြလော့။ သို့မှသာလျှင် ခဲယဉ်းဆိုးယုတ်သောကာလ ကျရောက်လာသောအခါ သင်ရဲ့သည် ရန်သူ၏တိုက်ခိုက်မှုကို ခုခံကာကွယ် နိုင်ကြလိမ့်မည်။ အဆုံးတိုင်အောင် တိုက်ခိုက်ပြီးသောအခါ သင်ရဲ့သည် ရပ်တည်နိုင်ကြလိမ့်မည်။ 14 ထို့ကြောင့် အသင့်ဟိန်နီစီခြင်းငှာ၊ သမ္မာတရားတည်းဟူသော ခါးပန်းကို ပတ်ကြလော့။ ပြောမတ်ခြင်းတည်းဟူသော ရင်အုပ်တန်ဆာကို ဝတ်ဆင်ကြလော့။ 15 ငြိမ်သက်ခြင်း၏ သတင်းကောင်းကို ဟောပြောရန် အသင့်ပျင်ဆင်ထားခြင်းတည်းဟူသော ခြံနင်းကို စီးကြလော့။ 16 ယုံကြည်ခြင်းတည်းဟူသော ဒိုင်းလွှားကို အမြဲ ဆွဲကိုင်ထားကြလော့။ သင်ရဲ့သည် ထိုဒိုင်းလွှားအားဖြင့် မာရ်နတ်ပစ်ခတ်သော မြားလက်နက်ဟူသမျှကို ကာကွယ်နိုင်ကြလိမ့်မည်။ 17 ကယ်တင်ခြင်းတည်းဟူသော သံခမောက်ကိုလည်းကောင်း၊ ဘုရားသခင်၏ နှုတ်ကပတ်တော်တည်းဟူသော ဝိညာဉ်တော်၏ ဒါးကိုလည်းကောင်း ယူဆောင်ကြလော့။ 18 သင်ရဲ့အား ကူညီမစတော်မူခြင်းငှာ ဘုရားသခင်အား တောင်းလျှောက်ကြလော့။ ဝိညာဉ်တော် ညွှန်ကြားသည့်အတိုင်း အရာရာ၌ ဆုတောင်းကြလော့။ ထို့ကြောင့် နိုးနိုးကြားကြားဖြင့် နီကြလော့။ ကာလအစဉ် အားမလျှော့ဘဲ၊ ဘုရားသခင်၏လူစုတော်အဖို့

ဆုတောင်းကြလော့။ 19 ငါသည် တရားစကားကို ဟောပြောသောအခါ ဘုရားသခင်သည် ထိုဇဝံဂေလိတရား၏ နက်နဲသောအရာကို သိနားလည်ပြီး ရဲရင့်စွာ ဟောပြောနိုင်ရန် ငါ့အဖို့လည်း ဆုတောင်းပီးကြလော့။ 20 ငါသည် အကျဉ်းကျခံနိုင်ရသောသူ ဖြစ်သော်လည်း၊ ထိုဇဝံဂေလိတရား၏ သံတမန်တစ်ယောက်ဖြစ်၏။ ငါသည် ထိုဇဝံဂေလိတရားကို ဟောပြောရမည်ဖြစ်၍ ရဲရင့်စွာ ဟောပြောနိုင်ခြင်းငှာ ဆုတောင်းပီးကြလော့။ 21 ငါနှင့်ပတ်သက်သော အကြောင်းအရာအလုံးစုံကို သင်ရို့ သိစိခြင်းငှာ၊ သခင်ဘုရား၏အမှုတော်ကို ဆောင်ရွက်ရာတွင် သစ္စာဟိသော အခိုင်းအစီဖြစ်သော ငါရို့၏ ချစ်သောညီတစ်ယောက်ဖြစ်သော တုခိတ်က ပြောပြလိမ့်မည်။ 22 ထို့ကြောင့် ငါရို့နှင့်ဆိုင်သော သတင်းအလုံးစုံကို ပြောပြရန်နှင့် သင်ရို့ကို အားပီးလှုံဆော်စီခြင်းငှာ ထိုသူအား သင်ရို့ပါးသို့ ငါ စီစွတ်လိုက်၏။ 23 အဖဘုရားသခင်နှင့် အသျှင်ယေသျှုခရစ်တော်သည် ညီအစ်ကိုမောင်နှမအပေါင်းရို့အား ငြိမ်သက်ခြင်း၊ ချစ်ခြင်း၊ ယုံကြည်ခြင်းကို ချပီးတော်မူပါစီသောဝံ။ 24 ဇာခါမျှ မပျက်ပြယ်နိုင်သော မေတ္တာဖြင့် ငါရို့ အသျှင်ယေသျှုခရစ်တော်ကို ချစ်ကြသော လူအပေါင်းရို့၌ ဘုရားသခင်၏ ကျေးဇူးတော်သည် သက်ရောက်ပါစီသောဝံ။

1 ခရစ်တော်ယေသုရှု၏ အခိုင်းအစီများဖြစ်သည့် ပေါလုနှင့် တိမောသေရိုပါးမှ — **2** သင်ရိုးသည် ငါရိုး၏အဖ ဘုရားသခင်နှင့် အသျှင်ယေသုခရစ်တော်ထံမှ ကျေးဇူးတော်နှင့် ငြိမ်သက်ခြင်းကို ခံစားရကြပါစီသောဝံ။

3 သင်ရိုးအကြောင်းကို သတိရသည့်အခါတိုင်း ငါသည် ဘုရားသခင်၏ ကျေးဇူးတော်ကို ချီးမွမ်းပါ၏။ **4** သင်ရိုးအဖို့ ဆုတောင်းသောအခါတိုင်း၌ ဝမ်းမြောက်စွာဖြင့် ငါ ဆုတောင်းပါ၏။ **5** အကြောင်းမူကား ငါသည် အမှုတော်ကို စတင်ဆောင်ရွက်ချိန်မှစ၍ ယနေ့ တိုင်အောင် သတင်းကောင်းကို ပြန့်နှံ့စီခြင်းငှာ သင်ရိုးသည် ငါနှင့်အတူ ဆောင်ရွက်ကြသောကြောင့် ဖြစ်၏။ **6** သို့ဖြစ်၍ သင်ရိုးတွင် ဤကောင်းမြတ်သည့်အမှုကို အစပြုပီးတော်မူသော ဘုရားသခင်သည် ခရစ်တော်ယေသု၏နိရက်တိုင်အောင် ထိုအမှုကို ပြီးစီးစီခြင်းငှာ ပြုတော်မူလိမ့်မည်ဟု ငါယုံကြည်၏။

7 သင်ရိုးကို ငါသည် အစဉ်အမြဲ အောက်မိ၏။ သို့ဖြစ်၍ ငါသည် သင်ရိုးနှင့်ပတ်သက်၍ ထိုသို့ သဘောထား၏။ ငါသည် အဂု အကျဉ်းခံရသော အရာ၌ လည်းကောင်း၊ ဧဝံဂေလိတရားကို လွတ်လပ်စွာ ကာကွယ်၍ ထိုတရားကို ခိုင်ခံ့စွာ တည်စီသော်လည်းကောင်း ငါနှင့်အတူ ကျေးဇူးတော်ကို မျှဝေခံစားသောသူများ ဖြစ်ကြသဖြင့် သင်ရိုးအားလုံးသည် ငါ၏စိတ်နှလုံး၌ ဟိကြ၏။ **8** ငါသည် ခရစ်တော်ယေသု၏ မေတ္တာဖြင့် သင်ရိုးအားလုံးကို လွန်စွာလွမ်းဆွတ်ကြောင်းကို ငါ့အတွက် သက်သိသောသူကား ဘုရားသခင်ဖြစ်တော်မူ၏။ **9** သင်ရိုးအဖို့ ငါ၏ဆုတောင်းသောအရာမူကား၊ သင်ရိုး၏ ချစ်ခြင်းမေတ္တာသည် မှန်သောအသိပညာ၊ ပိုင်းခြားဝေဖန်တတ်သော စွမ်းရည်တို့၌ တိုးလာကြစီရန်ပင်ဖြစ်၏။ **10** သို့မှသာ သင်ရိုးသည် ခရစ်တော်ကြွလာတော်မူသော နိရက်၌ အပြစ်ဆိုဖွယ်ရာ မဟုတ် မသန့်ယှဉ်းခြင်းနှင့် ကင်းစင်လိမ့်မည်။

11 ထို့နောက် ဘုရားသခင်၏ ဘုန်းတော် ထွန်းတောက်စီရန်နှင့် ချီးမွမ်းကြစီရန် ယေသုခရစ်တော်အားဖြင့်သာ ဖြောင့်မတ်ခြင်းအသီးနှင့် ပြည့်စုံလိမ့်မည်။ **12** ညီအစ်ကိုမောင်နှမရိုး ငါတို့ကြိုရသည့် အဖြစ်အပျက်များသည် သတင်းကောင်းကို ပြန့်ပွားစီရာတွင် ကောင်းစွာ အထောက်အကူဖြစ်ကြောင်းကို ငါသည် သင်ရိုးအား သိစိလို၏။ **13** ငါသည် ခရစ်တော်၏ အစီခံဖြစ်သောကြောင့် အကျဉ်းခံရလျက် နိန်ရကြောင်းကို နန်းတော်အစောင့်တပ် တစ်တပ်လုံးနှင့် အခြားသောသူအပေါင်းရှိသည် သိဟိကြပေ၏။ **14** ဤသို့ ငါအကျဉ်းခံရခြင်းကြောင့် ယုံကြည်သူအများပင် သခင်ဘုရား၌ ပို၍ ယုံကြည်စိတ်ချလာကြ၏။ သို့ဖြစ်၍ သူရိသသည် မကြောက်မရွံ့ဘဲ သတင်းကောင်းတရားတော်ကို ပိုမို၍ ဟောပြောပုံကြပေ၏။ **15** အချို့သောသူရိသည် မနာလိုသောစိတ်၊ ရန်တို့ချင်သောစိတ်ကြောင့် ခရစ်တော်အကြောင်းကို ဟောပြောကြသော်လည်း အချို့သောသူရိမူကား စေတနာစိတ်နှင့် ဟောပြောကြ၏။ **16** ဘုရားသခင်သည် ငါ့အား ခရစ်တော်၏ ဧဝံဂေလိတရားကို ကာကွယ်ဟောပြောရန် ခန့်ထားတော်မူကြောင်းကို ဤသူရိသည် သိသဖြင့် မေတ္တာစိတ်နှင့် ဟောပြောကြ၏။ **17** အခြားသောသူရိကား ခရစ်တော်၏ အကြောင်းကို ဖြူစင်သောစိတ်ဖြင့် မဟောပြောကြဘဲ၊ ကျော်ကြားလိုသောစိတ်ဖြင့် ဟောပြောကြ၏။ သူရိ၏အကြံသည်ကား အကျဉ်းခံနိုင်ရသော ငါ့အား ပို၍ စိတ်ဒုက္ခရောက်စီခြင်းပင်ဖြစ်၏။ **18** ထိုသို့ မှားယွင်းသော ရည်ရွယ်ချက်ဖြင့် ဖြစ်စီ၊ မှန်ကန်သောရည်ရွယ်ချက်ဖြင့် ဖြစ်စီ ဟောပြောသည်ကား ငါ့အဖို့ အရေးမကြီး။ အကြောင်းမူကား ခရစ်တော်အကြောင်းကို ဟောပြောခြင်းသာ ဖြစ်သဖြင့် ငါဝမ်းမြောက်၏။ ဆက်လက်၍ ဝမ်းမြောက်လျက် နိန်မည်။ **19** အကြောင်းမူကား သင်ရိုး၏ ဆုတောင်းပတ္တနာကြောင့် လည်းကောင်း၊ ယေသုခရစ်တော်၏ ဝိညာဉ်တော်ထံမှ ကူညီစောင့်မမှုကြောင့် လည်းကောင်း ငါသည် ဤအမှုမှ လွတ်မြောက်မည်ဟု သိသောကြောင့်ဖြစ်၏။ **20** ငါသည် ဇာခါ၌မျှ မိမိ၏တာဝန်ကို မပျက်မကွက်ဘဲ အခါခပ်သိမ်း၌ လည်းကောင်း၊ အထူးသဖြင့် အဂုအခါ၌လည်းကောင်း ရဲရင့်ခြင်းနှင့် ပြည့်စုံလျက် ငါသည် အသက်ရှင် သည်ဖြစ်စီ၊ သီကျလားသည်ဖြစ်စီ၊ ငါ့ အစွမ်းဟိသမျှနှင့် ခရစ်တော်၏ ဘုန်းတော် ထင်ရှားလာနိုင်စီရန် မျှော်လင့်တောင့်တ၏။

21 အကြောင်းမူကား ငါ့အဖို့မှာ အသက်ရှင်ခြင်းသည် ခရစ်တော်ပင် ဖြစ်၏။ သီလျှင်မူကား သာ၍ အကျိုးဟိ၏။ **22**

သို့ရာတွင် အကယ်၍ ငါသည် ဆက်လက်အသက်ရှင်ခြင်းအားဖြင့်၊ ပိုမို အကျိုးပြုနိုင်မည်ဆိုပါက၊ အသက်ရှင်ခြင်းနှင့် သီဆုံးခြင်းတွင် ဇာချင်ကို ရွေးချယ်ရမည်နည်း။ 23 ငါ၌ စိတ်နှစ်ခွဲဖြစ်လျက်နိန်ပေ၏။ ငါသည် ဤဘဝကို စွန့်၍ ခရစ်တော်နှင့်အတူ နိန်လိုပါ၏။ အကြောင်းမူကား ထိုသို့ပြုလျှင် ငါ့အဖို့ သာ၍ အကျိုးဟိ၏။ 24 သို့သော် သင်ရို၏အကျိုးကို ထောက်၍ ငါသည် အသက်ရှင်လျက် နိန်ခြင်းငှာ ပို၍ အရေးကြီး၏။ 25 ဤသို့ ယုံကြည်စိတ်ချသဖြင့် ငါသည် သင်ရိုနှင့်အတူနိမ့်မည်။ သင်ရိုအား တိုးပွားစီရန်နှင့် ယုံကြည်ခြင်း၌ ဝမ်းမြောက်စီရန် ငါသည် သင်ရိုနှင့်အတူ နိမ့်မည်ကို သိ၏။ 26 သို့ဖြစ်၍ ငါသည် သင်ရိုနှင့် တဖန် ဟိန်နိန်ခွင့်ရသောအခါ၌ ခရစ်တော်ယေသု၌ သင်ရိုသည် ငါ့အတွက်ကြောင့် ပို၍ပင် ဂုဏ်ယူဝါကြားနိုင်ကြလိမ့်မည်။ 27 အဂု သင်ရိုအဖို့ အရေးကြီးသည့်အရာမှာ ခရစ်တော်၏ ဧဝံဂေလိတရားတော်နှင့်အညီ သင်ရိုသည် ပြုမူနိုင်ကြလေ့။ ငါသည် သင်ရိုပါးသို့ လာပြီး တို့နိုင်သည်ဖြစ်စီ၊ တို့ဖို့ရန် ပျက်ကွက်သည်ဖြစ်စီ၊ ဧဝံဂေလိတရားနှင့်ဆိုင်သော ယုံကြည်ခြင်းအဖို့အလိုငှာ တစ်စိတ်တစ်ဝမ်းတည်း၊ ရည်ရွယ်ချက် တစ်ခုတည်းဖြင့် ရပ်တည်၍ သင်ရိုသည် တိုက်ပွဲဝင်လျက် ဟိကြကြောင်းကို ငါကြားရလို၏။ 28 သင်ရို၏ ရန်သူတို့ကို မကြောက်ကတ်ကော။ အစဉ်အမြဲ ရဲရင့်ကြလေ့။ ဤသည်ပင်လျှင် ရန်သူရို့၌ ပျက်စီးခြင်း လက္ခဏာဖြစ်၏။ သင်ရိုအဖို့မူကား ဘုရားသခင်ထံပါးမှ လာသော ကယ်တင်ခြင်း၏ လက္ခဏာဖြစ်၏။ 29 သင်ရိုသည် ခရစ်တော်ကို ယုံကြည်ခြင်းအားဖြင့် သာမက ကိုယ်တော့်အဖို့ ဆင်းရဲဒုက္ခကို ခံခြင်းအားဖြင့်လည်း ကိုယ်တော်၏အမှုတော်ကို ဆောင်ရွက်ရန် အခွင့်ထူးကို ရဟိကြ၏။ 30 အဂု သင်ရိုသည် ငါနှင့်အတူ တိုက်ပွဲကို ဝင်နိုင်ကြပြီ။ အယင်က ငါ တိုက်ခိုက်ခသည်ကို သင်ရိုတို့မြင်ခကြ၏။ သင်ရို ကြားသိသည့်အတိုင်း အဂုလည်း ငါသည် တိုက်ခိုက်လျက် နိန်သိမ့်၏။

2 ထို့ကြောင့် သင်ရိုသည် ခရစ်တော်၌ တိုက်တွန်းခွန်အားပီးခြင်း၊ ကိုယ်တော်၏ ချစ်ခြင်းမေတ္တာဖြင့် နှစ်သိမ့်ခြင်း၊ ဝိညာဉ်တော်နှင့် မိတ်သဟာယ ဖွဲ့ခြင်းကို ရဟိကြ၏။ သင်ရိုတွင် အချင်းချင်း သနားကြင်နာစိတ် ဟိကြ၏။ 2 သို့ဖြစ်၍ သင်ရိုသည် တစ်စိတ်တစ်ဝမ်းတည်း ဟိခြင်း၊ အချင်းချင်း ချစ်ခြင်း၊ စိတ်သဘောတညီတညွတ်တည်း ဟိခြင်းအားဖြင့် ငါ့အား ဝမ်းမြောက်စရာအကြောင်းကို စုံလင်စီကြလေ့။ 3 ဝါကြားလိုသောစိတ်၊ တစ်ကိုယ်ကောင်းဆန်သော စိတ်တို့ဖြင့် ဇာအမှုကိုမျှ မပြုကတ်ကော။ သူတစ်ပါးသည် မိမိထက်သာသည်ဟု အစဉ်ယူဆလျက် စိတ်နှိမ့်ချကြလေ့။ 4 မိမိ၏အကျိုးကိုသာ မရှာဘဲ သူတစ်ပါး၏အကျိုးကို ရှာကြလေ့။ 5 ခရစ်တော်ယေသု၌ ဟိသောစိတ်သဘောမျိုးကို သင်ရို၌လည်း ဟိစီကြလေ့။ 6 ကိုယ်တော်သည် ဘုရားဇာတိတော်နှင့် အစဉ်အမြဲ ပြည့်စုံတော်မူ၏။ သို့သော် အဓမ္မနည်းဖြင့် ဘုရားသခင်နှင့် တန်းတူဖြစ်စီခြင်းငှာ ကြိုးစားသင့်သည်ဟု ထင်မှတ်တော်မမူ။ 7 ထိုသို့ ပြုမည့်အစား မိမိ၌ ဟိသမျှသော ဘုန်းတော်ကို အလိုအလျောက် စွန့်၍ အခိုင်းအစိတ်စိတ်ယောက်၏ သဏ္ဌာန်ကို ခံယူတော်မူ၏။ ကိုယ်တော်သည် လူသဏ္ဌာန်ကို ဆောင်၍ လူကဲ့သို့သော အဖြစ်ကို ခံယူတော်မူ၏။ 8 မိမိကိုယ်ကို နှိမ့်ချပြီး လက်ဝါးကပ်တိုင်ထက်တွင် အသီခံသည့်တိုင်အောင် နာခံ၍ လိုက်လျှောက်တော်မူ၏။ 9 ဤအကြောင်းကြောင့် ဘုရားသခင်သည် ကိုယ်တော့်ကို အမြင့်ဆုံးသောအရာ၌ ချီးမြှောက်တော်မူ၍၊ ဘွဲ့နာမတကာရိုထက် ကြီးမြတ်သော ဘွဲ့နာမကို ပီးသနားတော်မူ၏။ 10 ထို့ကြောင့် ကောင်းကင်အရပ်၊ မြေကြီးအရပ်၊ မြေကြီးအောက်အရပ်၌ ဟိသော သက်ဟိအပေါင်းရှိသည် ယေသု၌၏ နာမတော်ကို ဒူးထောက်လျက်၊ 11 ယေသု၊ ခရစ်တော်သည် အသျှင်သခင်ဖြစ်တော်မူသည်ဟု နှုတ်ဖြင့်ဝန်ခံ၍၊ ခမည်းတော်ဘုရားသခင်၏ ဘုန်းတော်ကို ထင်ရှားစီကြလိမ့်မည်။ 12 သို့ဖြစ်၍ အဆိုရှိ၊ ငါသည် သင်ရိုနှင့်အတူ ဟိစဉ် သင်ရိုသည် ငါ့စကားကို အစဉ်အမြဲ နားထောင်ခကြသည်နည်းတူ အဂုလည်း ငါသည် သင်ရိုနှင့် ဝီးကွာလျက် ဟိသောအခါ၌လည်း ငါ့စကားကို နားထောင်ခြင်းငှာ ပို၍ပင် အရေးကြီးပေ၏။ သင်ရို၏ ကယ်တင်ခြင်း ပြည့်စုံစီခြင်းငှာ ကြောက်ရွံ့တုန်လှုပ်သောစိတ်နှင့် လုပ်ဆောင်လျက် နိန်ကြလေ့။ 13 အကြောင်းမူကား၊ မိမိ၏အကြံအစဉ်အတိုင်း သင်ရိုအထံ၌ နာခံလိုက်လျှောက်စီရန်နှင့် စိတ်ဆန္ဒဟိစီခြင်းငှာ အစဉ်လုပ်ဆောင်သော သူသည် ဘုရားသခင် ဖြစ်၏။ 14 သင်ရို လုပ်ဆောင်စရာဟိသမျှကို ငြီးငြူခြင်း၊ ငြင်းခုံခြင်းမဟိဘဲ

လုပ်ဆောင်ကြလော့။ 15 သို့မှသာ သင်ရိုးသည် ပျက်စီးယိုယွင်းပြီး ဒုစရိုက်အပြစ်နှင့် ပြည့်နှိန်သော လူများ နီထိုင်ရာ ဤလောကတွင် ဘုရားသခင်၏ ပြည့်စုံသော သာသနာသမီးများကဲ့သို့ သန့်ယွင်းလျက်၊ အပြစ်နှင့်ကင်းသူများ ဖြစ်ကြလိမ့်မည်။ သင်ရိုးသည် ထာဝရအသက်နှင့်ဆိုင်သော တရားတော်ကို ဟောပြောစဉ် 16 ထိုသူရိအလယ်တွင် ကြယ်များသဖွယ် ထွန်းလင်းတောက်ပ ကြရမည်။ ဤသို့ ပြုကြမည်ဆိုပါက ငါ၏ ကြိုးစားလုပ်ဆောင်ခသမျှသည် အချည်းနှီးမဖြစ်သဖြင့် ခရစ်တော်၏ နိရိုက်တွင် ငါ၌ ဂုဏ်ယူဝါကြွားစရာ အကြောင်းဟိလိမ့်မည်။ 17 သင်ရိုး၏ယုံကြည်ခြင်းကို ဘုရားသခင်အား ပူဇော်သော ယဇ်ထက်တွင် ငါ့ကို သွန်းလောင်းပူဇော်သော်လည်း ငါသည် ဝမ်းမြောက်၏။ ထိုသို့ ပြုလုပ်ရမည်ဆိုလျှင်လည်း ငါသည် သင်ရိုးနှင့်အတူ ဝမ်းမြောက်၏။ 18 ထိုနည်းတူ သင်ရိုးသည်လည်း ဝမ်းမြောက်ခြင်းဟိ၍၊ ငါနှင့်အတူ ဝမ်းမြောက်ကြလော့။ 19 ငါသည် သင်ရိုး၏အကြောင်းကို ကြားရသောအခါ စိတ်သက်သာခြင်းငှာ အသျှင်ယေသျှ အလိုတော်ဟိလျှင် တိမောသေကို သင်ရိုးပါးသို့ များမကြာခင် စိန္တဝံ့နိုင်လိမ့်မည်ဟု ငါ မျှော်လင့်ပါ၏။ 20 ထိုသူ တစ်ဦးတည်းသာလျှင် ငါနှင့်သဘောချင်းတူ၍ သင်ရိုး၏အကျိုးကို လိုလားသူ အမှန်ဖြစ်၏။ 21 အခြားသောသူ အပေါင်းရှိသည်ကား ယေသျှခရစ်တော်၏ အကျိုးကို မရှာ၊ ကိုယ့်အကျိုးကိုသာ ရှာကြ၏။ 22 တိမောသေနှင့် ငါသည် သားဖသဖွယ် သတင်းကောင်းပျံ့နှံ့ရေးအတွက် အမှုတော်ကို အတူတကွ ဇာပိုင် လုပ်ဆောင်ခကြကြောင်းကို သင်ရိုး သိကြ၏။ 23 ထို့ကြောင့် ငါ့အမှုကိစ္စသည် ဇာပိုင်ဖြစ်မည်ကို ငါ သိသောခါ သူ့အား ချက်ချင်း သင်ရိုးပါးသို့ စိန္တဝံ့နိုင် မည်ဟု ငါ မျှော်လင့်၏။ 24 သခင်ဘုရားကို ယုံကြည်ကိုးစားလျက် ငါ့ကိုယ်တိုင်ပင် မကြာမီ သင်ရိုးပါးသို့ လာနိုင်လိမ့်မည်။ 25 ငါ၏လုပ်ဖော်ဆောင်ဖက်၊ ငါနှင့်အတူ တိုက်ပွဲဝင်ခသူ၊ ငါ့အား ပြုစုခြင်းငှာ သင်ရိုး စိန္တဝံ့လိုက်သောသူ၊ ငါရိုး၏ညီ ဧပဖြောဒိတ်ကို သင်ရိုးပါးသို့ စိန္တဝံ့ရန် လိုအပ်သည်ဟု ငါယူဆ၏။ 26 သူသည် သင်ရိုးအပေါင်းကို လွမ်းဆွတ်လျက် နိန်၏။ သူ၏ဖျားနာနိန်သည့်သတင်းကို သင်ရိုးကြား သောကြောင့် သူသည် စိတ်မချမ်းမသာ ဖြစ်လျက်နိန်၏။ 27 သူသည် သီလုနီးပါး ဖျားနာခသည်မှာ အမှန်ပင်ဖြစ်၏။ သို့ရာတွင် ဘုရားသခင်သည် သူ့ကို သနားတော်မူလေယာ။ ထိုသူ့ကိုသာလျှင် သနားတော်မူသည် မဟုတ်၊ ငါ့ကိုလည်း ထပ်ဆင့်ဝမ်းနည်းမှုနှင့် မကြုံတို့စီခြင်းငှာ သနားတော်မူ၏။ 28 ထို့ကြောင့် သင်ရိုးသည် သူ့ကို တဖန် တို့မြင်ရသဖြင့် ဝမ်းမြောက်ကြစီခြင်းငှာ လည်းကောင်း၊ ငါ၏ ဝမ်းနည်းမှုကိုလည်း သက်သာစီခြင်းငှာ လည်းကောင်း သူ့အား သင်ရိုးပါးသို့ စိန္တဝံ့ရန် ငါသည် သာ၍ စိတ်အားထက်သန်လျက် ဟိ၏။ 29 သင်ရိုးသည် သခင်ဘုရား၌ သူ့အား ဝမ်းမြောက်စွာ ကြိုဆိုကြလော့။ ထိုသူကဲ့သို့ သူရို့ကိုလည်း ရိုသီးလေးစားကြလော့။ 30 သူသည် သင်ရိုးကိုယ်တိုင် မပီးနိုင်သည့် အကူအညီကို ငါ့အား ပီးနိုင်စီခြင်းငှာ ခရစ်တော်၏အမှုတော်ကို သီလုနီးသည်တိုင်အောင် အသက်စွန့်၍ လုပ်ဆောင်ခပေ၏။

3 ညီအစ်ကိုမောင်နှမရို့၊ ကျန်ဟိသောစကား ဟူမူကား သခင်ဘုရားနှင့် တစ်လုံးတစ်ဝတည်းဖြစ်လျက် ဝမ်းမြောက် ကြလော့။ အယင်က ငါ ရိုးသားဖော်ပြပြီးသော အကြောင်းအရာများကို အဂ္ဂ ထပ်မံ၍ ဖော်ပြရသော်လည်း ငါသည် မပင်ပန်း။ သင်ရိုး ပို၍ လုံခြုံစီရန် ဖြစ်၏။ 2 ဒွီးကဲ့သို့သောသူ၊ အကျင့်ဆိုးကို ကျင့်သောသူ၊ ကိုယ်အင်္ဂါကို လှီးဖြတ်ရမည်ဟု ဆိုသောသူရို့အား သတိနှင့် ယှောင်ကြလော့။ 3 စစ်မှန်သောအရီဖျားလှီးခြင်းကို ခံရသောသူရို့ကား ထိုသူရို့ မဟုတ်ဘဲ ငါရို့သာလျှင် ဖြစ်ကြပေ၏။ ဇာကြောင့်ဆိုသော် ငါရို့သည် ကိုယ်တော်၏ ဝိညာဉ်တော်အားဖြင့် ဘုရားသခင်အား ကိုးကွယ်၍ ခရစ်တော်ယေသျှ၌ ရွှင်လန်းဝမ်းမြောက်သောသူတို့ ဖြစ်ကြသောကြောင့်တည်း။ ငါရို့သည် ပြင်ပလက္ခဏာများကို မကိုးစား။ 4 သို့သော် ပြင်ပလက္ခဏာများကို ကိုးစားရန်လိုအပ်သည်ဟု ဆိုလျှင် ငါ၌ ဟိ၏။ အခြားသူတစ်စုံတစ်ယောက်က ထိုပြင်ပလက္ခဏာများကို ကိုးစားရန်လိုအပ်သည်ဟု ထင်မှတ်လျှင် ထိုအရာသည် ငါ၌ သာ၍ ဟိ၏။ 5 ငါသည် သျှစ်ရက်မြောက်သောနို့၌ အရီဖျားလှီးခြင်း မင်္ဂလာကိုခံယူလျက် ကုသရေလူမျိုးစစ်စစ် ဗဟိမိန်အနွယ်ဝင်၊ ဟေဗြဲလူမျိုးဖြစ်သော မိဘတို့မှ ပေါက်ဖွားလာသူဖြစ်၏။ ယုဒလူမျိုးတို့ စောင့်ထိန်းသော ပညတ်တရားနှင့် ပတ်သက်၍ ငါသည် ဖာရိယုဂ်ဏ်းဝင်ဖြစ်၏။ 6 စိတ်အားထက်သန်မှုကို

ဆိုရလျှင် အသင်းတော်ကို ညှဉ်းပန်းနှိပ်စက်ခံရလေ၏။ ပညတ်တရားကို လိုက်နာကျင့်သုံးမှုကိုဆိုသော် ငါသည် အပြစ်ဆိုဖွယ်မဟိသောသူ ဖြစ်သည်။ 7 သို့ရာတွင် ထိုအရာအားလုံးသည် ငါ့အဖို့ အမြတ်ဟု မှတ်ယူခသော်လည်း အဂုဏ်ခါ ခရစ်တော်အတွက်ကြောင့် ယုံးဆုံးခြင်းကဲ့သို့ မှတ်ယူ၏။ 8 ထိုမျှမက ငါ၏ အသျှင် ခရစ်တော်ယေသျှုကို သိကျွမ်းခြင်းသည် ခပ်သိမ်းသောအရာများထက် သာ၍ မြတ်သည်ဖြစ်၍ ထိုအရာများကို ငါ့အား ယုံးဆုံးစီသည့် အရာများဟူ၍ မှတ်ယူ၏။ ငါသည် ကိုယ်တော်အဖို့ ခပ်သိမ်းသောအရာများကို စွန့်ပယ်ခ၏။ ခရစ်တော်ကို အမြတ်ရနိုင်ရန် လည်းကောင်း၊ 9 ကိုယ်တော်နှင့် တစ်လုံးတစ်ဝတည်းဖြစ်နိုင်ရန် လည်းကောင်း ထိုအရာအားလုံးကို အမှိုက်ကဲ့သို့ ငါထင်မှတ်၏။ ငါသည် ပညတ်တရားကို စောင့်ထိန်းခြင်းအားဖြင့် ဖြောင့်မတ်ခြင်း မရဟိပေ။ ခရစ်တော်ကို ယုံကြည်ခြင်းအားဖြင့်သာလျှင် ဖြောင့်မတ်ခြင်းကို ရဟိ၏။ ထိုကဲ့သို့သော ဖြောင့်မတ်ခြင်းသည် ဘုရားသခင်ပီးသနားတော်မူသော ဖြောင့်မတ်ခြင်းဖြစ်၍ ယုံကြည်ခြင်း၌ အခြေခံ၏။ 10 ငါသည် ခရစ်တော်ကို သိကျွမ်းခြင်း၊ ကိုယ်တော်၏ရှင်ပြန်ထမြောက်တော်မူခြင်း၏ တန်ခိုးတော်ကို ခံစားရခြင်း၊ ခရစ်တော်နှင့်အတူ ဆင်းရဲဒုက္ခတိကို ခံရခြင်း၊ ကိုယ်တော် အသီခံတော်မူခြင်း၌ သဏ္ဌာန်တူလာရန်ကိုသာ လိုချင်တောင့်တ၏။ 11 သို့မှသာ ငါကိုယ်တိုင် သိခြင်းမှ ရှင်ပြန်ထမြောက်မည်ဟု မျှော်လင့်နိုင်ပေမည်။ 12 ငါသည် ထိုအခွင့်ကို ရဟိယာ၊ သို့မဟုတ် စုံလင်ခြင်းသို့ ရောက်ယာဟု ဆိုလိုသည် မဟုတ်ဘဲ ခရစ်တော်ယေသျှုသည် ထိုအခွင့်အတွက် ငါ့ကိုဖမ်းကိုင်ထားသည်ဖြစ်၍ ငါသည်လည်း ထိုအခွင့်ကို ဖမ်းကိုင်နိုင်ခြင်းငှာ ကြိုးစားလျက်ဟိ၏။ 13 ညီအစ်ကိုမောင်နှမရို့၊ ငါသည် ထိုဆုကို ရပြီဟု မထင်မှတ်။ ငါပြုသော တစ်ခုတည်းသောအရာကား ငါသည် နောက်၌ ဟိသောအရာတို့ကို မိမိစပြီးလျှင် ရှိ၌ဟိသောအရာသို့ ရောက်ခြင်းငှာ အစွမ်းကုန် ကြိုးစား၏။ 14 ထို့ကြောင့် ငါသည် ဆုကိုရရန် ပန်းတိုင်သို့ ရှေးရှုလျက် ပြီးနိုင်၏။ ထိုဆုကား အထက်အရပ်၌ အသက်ရှင်မည့်အကြောင်း ခရစ်တော်ယေသျှုအားဖြင့် ဘုရားသခင် ဖိတ်ခေါ်တော်မူခြင်းပင် ဖြစ်သတည်း။ 15 ငါရို့၌ ဝိညာဉ်ရေးရာ ရင့်ကျက်သောသူရို့သည် ဤစိတ်သဘောမျိုး ထားသင့်ကြသည်။ အကယ်၍ တချို့သည် ကွဲလွဲသော စိတ်သဘောဟိပါလျှင် ဘုရားသခင်သည် ထိုအရာတို့ကို ယှဉ်းလင်းဖော်ပြတော်မူလိမ့်မည်။ 16 သို့ရာတွင် ငါရို့သည် အဂုတိုင်အောင် လိုက်လျှောက်ခသည့် ထုံးစံအတိုင်း ကျင့်ကြကုန်အံ့။ 17 ညီအစ်ကိုမောင်နှမရို့၊ သင်ရို့သည် ငါ့ပါးမှ အတုယူကြလော့။ ငါရို့ပြသော စံနမူနာကောင်းကို လိုက်ကြသောသူရို့အား ရှုမှတ်ကြလော့။ 18 ဤအချက်ကို ကြိမ်ဖန်များစွာ ငါဖော်ပြဖူးယာ။ အဂုလည်း မျက်ရည်ဖြင့် ထပ်မံ၍ ဖော်ပြ၏။ ခရစ်တော်၏ လက်ဝါးကပ်တိုင်ထက်၌ အသီခံတော်မူခြင်း တရားတော်နှင့် ဆန့်ကျင်၍ ပြုမူသောသူ အများပင် ဟိကြပေ၏။ 19 ထိုသူရို့သည် ပျက်စီးခြင်း၌ လမ်းဆုံးကြလိမ့်မည်။ ထိုသူရို့၏ ဘုရားကား မိမိရို့၏ ဝမ်းပေတည်း။ သူရို့သည် ရှက်ဖွယ်သော အရာတို့၌ ဂုဏ်ယူဝါကြွားကြ၏။ လောကီအရာများကိုသာ စိတ်စွဲလမ်းတတ်ကြ၏။ 20 ငါရို့မူကား ကောင်းကင်နိုင်ငံသားများ ဖြစ်ကြသဖြင့် ကောင်းကင်ဘုံမှ ငါရို့၏ ကယ်တင်သျှင် အသျှင်ခရစ်တော်ယေသျှု ကြွလာတော်မူမည်ကို စောင့်မျှော်လျက်ဟိကြ၏။ 21 ကိုယ်တော်သည် အရာခပ်သိမ်းကို မိမိ၏ အာဏာစက်အောက်တွင် ရောက်စီတော်မူသော တန်ခိုးတော်အားဖြင့် ငါရို့၏ ဖောက်ပြန်ပျက်စီးတတ်သော ကိုယ်ခန္ဓာကို ဘုန်းတော်နှင့် ပြည့်စုံသော ကိုယ်ခန္ဓာနှင့်တူအောင် ပြောင်းလဲစီတော်မူလိမ့်မည်။

- 4** ငါ့ညီအစ်ကိုမောင်နှမရို့၊ သင်ရို့အား ငါ အလွန်ချစ်၍ လွမ်းဆွတ်ပါ၏။ ငါသည် သင်ရို့ကို အကြောင်းပြု၍ လွန်စွာဝမ်းမြောက်ကာ ဂုဏ်ယူဝါကြွားပါ၏။ ချစ်သောညီအစ်ကိုရို့၊ ငါရို့ဆိုခသည့်အတိုင်း ခိုင်မြဲစွာ ရပ်တည်ကြလော့။
- 2** ဧဝေါဒ်နှင့် သုန္တုတ်ရို့၊ သခင်ဘုရား၏ တပည့်တော်မတ် ပီသစွာ စိတ်သဘောညီညွတ်မှု ဟိကြရန် ငါ တောင်းပန်ပါ၏။
- 3** ငါ၏သစ္စာဟိသော လုပ်ဖော်ကိုင်ဖက်ဖြစ်သူ၊ သင်သည်လည်း ထိုမိန်းမရို့ကို ကူညီမစပါလော့။ ထိုမိန်းမရို့သည် သတင်းကောင်းကို ဟောပြောသက်သိခရာတွင် ငါနှင့်အတူ အထူးကြိုးစားအားထုတ်လုပ် ဆောင်သောသူတို့ ဖြစ်ကြ၏။ ထိုသို့ လုပ်ဆောင်ခသောသူများတွင် ကလေးနှင့်တကွ ဘုရားသခင်၏ အသက်စာစောင့်စာရင်းတွင် အခြားသော

ငါ၏ လုပ်ဖော်ဆောင်ဖက်များလည်း ပါဝင်၏။ 4 သင်ရို့သည် သခင်ဘုရား၌ ဝမ်းမြောက်ကြလော့။ တဖန် ငါဆိုသည်ကား၊ ဝမ်းမြောက်ကြလော့။ 5 သင်ရို့၏ နူးညံ့သိမ်မွေ့သော စိတ်သဘောကို လူအပေါင်းရို့အား ထင်ရှားစီကြလော့။ သခင်ဘုရားသည် အနီးအပါး၌ ဟိတော်မူ၏။ 6 ဇာအမှုကိုမျှ မစိုးရိမ်ဘဲ ခပ်သိမ်းသော အမှု၌ ကျေးဇူးတော်ကို ချီးမွမ်း၍ ဆုတောင်းပတ္တနာပြုလျက် သင်ရို့လိုအပ်သော အရာတို့ကို ဘုရားသခင်အား လျှောက်ထားကြလော့။ 7 ထိုသို့ပြုလျှင် လူ့ဉာဏ်ဖြင့် ကြံစည်၍ မမီနိုင်သော ဘုရားသခင်၏ ငြိမ်သက်ခြင်းသည် ခရစ်တော်ယေသုရှ်အားဖြင့် သင်ရို့၏ စိတ်နှလုံးနှင့် အကြံအစည်များကို ကွယ်ကာစောင့်မလိုမည်။ 8 ညီအစ်ကိုမောင်နှမရို့၊ နိဂုံးချုပ်ပြောရလျှင် သင်ရို့သည် မှန်ကန်သောအရာ၊ မွန်မြတ်သောအရာ၊ လျောက်ပတ်သောအရာ၊ ဖြူစင်သောအရာ၊ နှစ်သက်ဖွယ်သောအရာ၊ အသရေဟိသော အရာတည်းဟူသော ကောင်းမြတ်၍ ချီးမွမ်းဖွယ်သောအရာ ဟိသမျှရို့ကို နှလုံးသွင်းကြလော့။ 9 သင်ရို့သည် ငါ့ထံ၌ ကြားခံသမျှ၊ မြင်ခံသမျှ၊ သင်ယူခံသမျှတို့ကို ကျင့်ကြလော့။ ထိုသို့ပြုလျှင် ငါရို့အား ငြိမ်သက်ခြင်းကို ပီးတော်မူသော ဘုရားသခင်သည် သင်ရို့နှင့်အတူ ဟိတော်မူလိမ့်မည်။ 10 ဤမျှ ကာလအချိန်ကြာညောင်းပြီးမှ သင်ရို့သည် ငါ့အား မိမိရို့၏ မေတ္တာစေတနာကို တဖန် ပြသကြသည့်အတွက် ငါသည် သခင်ဘုရား၌ အလွန်ပင် ဝမ်းမြောက်ပါ၏။ အယင်အခါက သင်ရို့သည် ငါ၌ မေတ္တာမထားဘဲ နိန်ခကြသည်ဟု ငါမဆိုလို။ ထိုမေတ္တာစေတနာကို ပြသနိုင်ခွင့် မရခကြောင်းကိုသာ ဆိုလိုပါ၏။ 11 သင်ရို့သည် ငါ့အား လျစ်လျူရှုထားကြယာဟု ယူဆသဖြင့် ဤစကားကို ပြောဆိုရခြင်းလည်း မဟုတ်ပေ။ ငါသည် မိမိ၌ ဟိသမျှနှင့် ရောင့်ရဲတတ်ရန် သင်ယူထားပြီးဖြစ်၏။ 12 ငါသည် ငတ်မွတ်သည်ဖြစ်စီ၊ ဝစ္စာစားရသည်ဖြစ်စီ၊ ချိုတဲ့မှုဟိသည်ဖြစ်စီ၊ ပိုလျှံမှုဟိသည်ဖြစ်စီ၊ ဇာပိုင်အခြေအနေ၊ ဇာအရပ်၌မဆို ရောင့်ရဲစွာနီတတ်ရန် သင်ယူထားပြီးဖြစ်၏။ 13 ခရစ်တော်ထံမှ ရဟိသည့် စွမ်းရည်အားဖြင့် ငါသည် ဇာအခြေအနေမျိုးကိုမဆို ရင်ဆိုင်နိုင်၏။ 14 သို့ရာတွင် ငါသည် အခက်အခဲ ကြုံတို့ရချိန်၌ သင်ရို့သည် ငါ့အား ကူညီကြသောအားဖြင့် ကောင်းမွန်စွာ ပြုခယာ။ 15 အချင်း ဖိလိပ္ပိုအသင်းသားရို့၊ ငါသည် မာကေဒေါနီပြည်မှ ထွက်ခွာ၍ သတင်းကောင်းကို ဟောပြောခသောအချိန်က သင်ရို့ အသင်းတော် တစ်ပါးတည်းကသာလျှင် ငါ့အား ကူညီခကြောင်း၊ အမှုတော်ဆောင်လုပ်ငန်းတွင် သင်ရို့ကသာလျှင် ငါနှင့်အတူ အယှုံးအမြတ်ကို ခံယူ၍ လုပ်ဆောင်ခကြကြောင်းကို သင်ရို့ကိုယ်တိုင် ကောင်းစွာသိကြ၏။ 16 သက်သာလောနိတ်မြို့တွင် ဟိစဉ်အခါက ငါ လိုအပ်သောအကူအညီကို သင်ရို့သည် တစ်ကြိမ်တစ်ခါမက ပီးခကြ၏။ 17 ဤသို့ဆိုသော် ငါသည် အလှူခံလိုသောကြောင့် မဟုတ်။ သင်ရို့၏စာရင်း၌ အမြတ်တိုးလာစီခြင်းငှာ ငါ အလိုဟိ၏။ 18 သင်ရို့ ပို့လိုက်သော အလှူပစ္စည်းအားလုံးကို ဧပဖြောဒိတ်သည် ယူလာသဖြင့် ငါလိုသမျှကို ရဟိခ၍ ကြွယ်ဝလျက်ဟိ၏။ ထိုအရာများသည် မွီးကြိုင်သော ပူဇော်သကား၊ ဘုရားသခင် နှစ်သက်တော်မူသော ယဇ်ကဲ့သို့ ဖြစ်၏။ 19 ငါ၏ဘုရားသခင်သည် မိမိ၏ဘုန်းစည်းစိမ်ချမ်းသာ ကြွယ်ဝတော်မူသည်နှင့်အညီ သင်ရို့အား ခရစ်တော်ယေသုရှ်အားဖြင့် သင်ရို့လိုအပ်သမျှသော အရာတို့ကို ပီးသနားတော်မူပါစီသော်။ 20 ငါရို့၏အဖဘုရားသခင်သည် ကမ္ဘာအဆက်ဆက် ဘုန်းတော် ထွန်းတောက်မှုပါစီ သတည်း။ အာမင်။ (aiōn g165) 21 ယေသုရှ်ခရစ်တော်၌ ဘုရားသခင်၏လူအပေါင်းရို့အား နှုတ်ဆက်လိုက်ပါ၏။ ငါနှင့်အတူ ဟိကြသည့် ညီအစ်ကို မောင်နှမများက သင်ရို့အား နှုတ်ဆက်လိုက်ပါ၏။ 22 ဘုရားသခင်၏လူအပေါင်းရို့က နှုတ်ဆက်လိုက်ကြပါ၏။ အထူးသဖြင့် ကဲသာဘုရင်၏ နန်းတော်၌ ဟိကြသော ညီအစ်ကိုများက နှုတ်ဆက်လိုက်ကြပါ၏။ 23 အသျှင်ယေသုရှ်ခရစ်၏ ကျေးဇူးတော်သည် သင်ရို့၏ စိတ်ဝိညာဉ်နှင့်အတူ ဟိပါစီသော်။

၁ ဘုရားသခင်၏ အလိုတော်နှင့်အညီ ခရစ်တော်ယေသုရှု၏ တမန်တော်ဖြစ်သော ငါပေါလုနှင့် ငါရို၏ညီ တိမောသေပါးက — **၂** ကောလောသံမြို့၌ဟိသော သန့်ယုင်းသူများတည်းဟူသော ခရစ်တော်၌ သစ္စာဟိသော ညီအစ်ကိုမောင်နှမရိုပါးသို့ စာရီးလိုက်ပါ၏။ **၃** ငါရိုသည် သင်ရိုအတွက် ဆုတောင်းပီးသည့်အခါတိုင်း ငါရိုအသျှင် ယေသုခရစ်တော်၏ ခမည်းတော်တည်းဟူသော ဘုရားသခင်၏ ကျေးဇူးတော်ကို အမြဲတမ်း ချီးမွမ်း၏။ **၄** ဇာကြောင့်ဆိုသော် သင်ရိုသည် ခရစ်တော်ယေသုရှု သင်ရို၏ ယုံကြည်ခြင်းကိုလည်းကောင်း ဘုရားသခင်၏ လူစုတော်အား ချစ်ကြောင်းကိုလည်းကောင်း ငါရို ကြားသိရသောကြောင့်ဖြစ်၏။ **၅** သမ္မာတရားတည်းဟူသော သတင်းကောင်းသည် သင်ရိုပါးသို့ ပထမဆုံးအကြိမ် ရောက်လာသောအခါ မျှော်လင့်ခြင်းအကြောင်းကို သင်ရိုကြားသိရကြ၏။ သို့ဖြစ်၍ သင်ရို၏ယုံကြည်ခြင်းနှင့် ချစ်ခြင်းမေတ္တာသည် ကောင်းကင်ဘုံ၌ သင်ရိုအဖို့ လုံခြုံစွာသိုထားသော မျှော်လင့်ခြင်း၌ တည်လျက်နိန်၏။ **၆** သင်ရိုသည် ဘုရားသခင်၏ ကျေးဇူးတော်အကြောင်းကို ပထမဆုံး ကြားရပြီးသည့်နိမ့်မှစ၍ ထိုကျေးဇူးတော်ကို အမှန်သိမြင်လာသည်နှင့်အမျှ သင်ရိုပါးသို့ ရောက်လာ၏။ ထိုနည်းတူ ထိုသတင်းကောင်းသည် ကောင်းကြီးမင်္ဂလာကို ယူဆောင်၍ ကမ္ဘာမြီတစ်ခုလုံးသို့ ပျံ့နှံ့လျက်ဟိ၏။ **၇** ဘုရားသခင်၏ ကျေးဇူးတော်အကြောင်းကို သင်ရိုအား သင်ကြားပီးသူမှာ ငါရို ချစ်ရသော လုပ်ဖော်ဆောင်ဖက်ဖြစ်သည့် ဧပဖြဖြစ်၏။ ထိုသူသည် ခရစ်တော်၏ သစ္စာဟိသော အမှုတော်ဆောင်လည်းဖြစ်၍ ငါရို၏ကိုယ်စား ဖြစ်၏။ **၈** ဝိညာဉ်တော်အားဖြင့် သင်ရိုရဟိသော ချစ်ခြင်းမေတ္တာအကြောင်းကို ထိုသူသည် ငါရိုအား ပြောပြ၏။ **၉** ထို့ကြောင့် ငါရိုသည် သင်ရို၏အကြောင်းကို ကြားရသောနိမ့်မှစ၍ သင်ရိုအတွက် အစဉ်အပြတ် ဆုတောင်းလျက်နိန်၏။ သင်ရိုသည် ဝိညာဉ်တော်ကပီးသည့် ဉာဏ်ပညာ၊ တတ်သိနားလည်မှုနှင့် ပြည့်စုံသဖြင့် ဘုရားသခင်၏ အလိုတော်ကို ကောင်းစွာသိကြစီရန် ငါရိုသည် ဘုရားသခင်ထံ၌ တောင်းလျှောက်လျက် ဟိကြ၏။ **၁၀** သို့မှသာ အစဉ်မလပ် သခင်ဘုရား နှစ်သက်စီရန်နှင့် အလိုတော်အတိုင်း အသက်ရှင်နိုင်ကြစီရန် သင်ရို ပြုမူကျင့်ကြံ နိုင်ကြလိမ့်မည်။ ထိုသို့ပြုမူကျင့်ကြံခြင်းအားဖြင့် သင်ရိုသည် ကောင်းမြတ်သည့် အကျင့်အမျိုးမျိုးတည်းဟူသော အသီးများကိုသီးကာ ဘုရားသခင်ကို သိကျွမ်းခြင်း၌ တိုးပွားလာလိမ့်မည်။ **၁၁** သင်ရိုသည် အရာခပ်သိမ်းကို စိတ်ရှည် သည်းခံနိုင်ခြင်း ဟိကြစီရန် ဘုရားသခင်၏ ဘုန်းတန်ခိုးတော်မှ ရဟိသည့် စွမ်းရည်အမျိုးမျိုးဖြင့် ရပ်တည်နိုင်ကြပါစီ။ **၁၂** ထိုမှတစ်ပါး အလင်းထဲ၌ဟိကြသော သန့်ယုင်းသူရို ပိုင်ထိုက်သည့် အဓိမ္မာများကို သင်ရိုအား ခံစားစိတ်တော်မူသော အဖဘုရားသခင်၏ ကျေးဇူးတော်ကို ဝမ်းမြောက်စွာဖြင့် ချီးမွမ်းနိုင်ကတိပါစီ။ **၁၃** ကိုယ်တော်သည် ငါရိုအား မှောင်မိုက်တန်ခိုးမှ ကယ်နှုတ်တော်မူ၍ ချစ်တော်မူသော သားတော်၏ နိုင်ငံတော်ထဲသို့ ခေါ်သွင်းတော်မူ၏။ **၁၄** ထိုသားတော်အားဖြင့် ငါရိုကို လွတ်မြောက်စိတ်တော်မူပြီး ငါရို၏ အပြစ်များကို ခွင့်ရွတ်တော်မူပြီ။ **၁၅** ခရစ်တော်သည် မျက်စိဖြင့်မမြင်နိုင်သော ဘုရားသခင်၏ပုံသဏ္ဌာန်တော် ဖြစ်တော်မူ၏။ ကိုယ်တော်သည် သားဦးဖြစ်တော်မူသဖြင့် ဖန်ဆင်းခံအရာ အားလုံးထက် ကြီးမြတ်တော်မူ၏။ **၁၆** အကြောင်းမူကား ကောင်းကင်ဘုံနှင့် မြီကြီးထက်တွင် ဟိသမျှသော မြင်ရသည့်အရာနှင့် မမြင်ရသည့်အရာများဖြစ်စီ၊ ရာဇပလ္လင်များဖြစ်စီ၊ အသျှင်သခင်များဖြစ်စီ၊ အုပ်ချုပ်သူများနှင့် အာဏာပိုင်များဖြစ်စီ စသည့် ခပ်သိမ်းသောအရာများကို သားတော်အားဖြင့် ဖန်ဆင်းတော်မူ၏။ ဘုရားသခင်သည် ထိုသားတော်အားဖြင့် လည်းကောင်း၊ ထိုသားတော်အတွက် လည်းကောင်း စကြဝဠာတစ်ခုလုံးကို ဖန်ဆင်းတော်မူ၏။ **၁၇** ခရစ်တော်သည် ခပ်သိမ်းသောအရာတိ မပေါ် ပေါက်ခင်ကပင် ဟိနိန်တော်မူပြီး ခပ်သိမ်းသောအရာရှိသည် ကိုယ်တော်၌ အတူတကွ တည်လျက်ဟိကြ၏။ **၁၈** ကိုယ်တော်သည် အသင်းတော်တည်းဟူသော ကိုယ်ခန္ဓာတော်၏ ဦးဂေါင်းဖြစ်တော်မူပြီး အသက်ရှင်ခြင်း၏ မူလအရင်းအမြစ်ဖြစ်၏။ ကိုယ်တော်သည် သီခြင်းတရားမှ အဦးဆုံး ထမြောက်တော်မူသဖြင့်

ခပ်သိမ်းသောအရာရှိ၏ အထွဋ်အထိပ်အဖြစ်ကို ခံယူတော်မူ၏။ 19 သို့ဖြစ်၍ ဘုရားသခင်၏ အလိုတော်အားဖြင့် သားတော်သည် ဘုရားဇာတိကို အပြည့်အဝခံယူတော်မူ၏။ 20 သို့ဖြစ်၍ ဘုရားသခင်သည် သားတော်အားဖြင့် စကြဝဠာတစ်ခုလုံးကို မိမိထံသို့ ပြန်လာစီရန် အလိုတော် ဟိတော်မူ၏။ ထို့ကြောင့် လက်ဝါးကပ်တိုင်ထက်၌ သွန်းသော သားတော်၏ အသွီးတော် အားဖြင့် ရန်ကိုငြိမ်းစိတော်မူ၍ ကောင်းကင်နှင့် မြို့ကြီးထက်တွင် ဟိသမျှသော အရာတိအား မိမိနှင့် ပြန်လည်သင့်မြတ်စိတော်မူ၏။ 21 အယင်က သင်ရိုး၏ ဆိုးညစ်သော အကြံအစည် အပြုအမူများကြောင့် ဘုရားသခင်နှင့် ဝေးကွာခွာပြီး ကိုယ်တော်၏ ရန်သူတို့ ဖြစ်ခကြ၏။ 22 သို့ရာတွင် အဂုအခါတွင် ကိုယ်ခန္ဓာ၌ သားတော်ကို အသိခံစိခြင်းအားဖြင့် ဘုရားသခင်သည် သင်ရိုးကို မိမိနှင့် ပြန်လည်သင့်မြတ်စိတော်မူ၏။ ထိုသို့ ပြုတော်မူခြင်းမှာ သန့်ယှင်းစင်ကြယ်စီလျက် အပြစ်ကင်းစီပြီး သင်ရိုးအား မိမိ၏ရှုတော်မောက်သို့ ဝင်ရောက်နိုင်ကြစီရန်ဖြစ်သည်။ 23 သို့ရာတွင် သင်ရိုး ကြားသိရသည့် သတင်းကောင်း၏ မျှော်လင့်ခြင်းမှ သင်ရိုးသည် မယိမ်းမယိုင်စီဘဲ ခိုင်မြဲစွာ အုတ်မြစ်ချထားသည့် ယုံကြည်ခြင်း၌ ဆက်၍ တည်နိုင်ကြရမည်။ ထိုသတင်းကောင်းကို မြို့ကြီးထက်၌ဟိသော လောကီသားတိုင်းအား ဟောပြောနိုင်သည်ဖြစ်၍ ငါပေါလုသည် ထိုသတင်းကောင်းအတွက် အခိုင်းအစီ ဖြစ်လာ၏။ 24 အဂုတွင် သင်ရိုးအတွက် ငါခံရသော ဒုက္ခဆင်းရဲကြောင့် ငါဝမ်းမြောက်၏။ ခရစ်တော်သည် မိမိကိုယ်ခန္ဓာတည်းဟူသော အသင်းတော်အတွက် ဒုက္ခဆင်းရဲ ခံရရန် ကျန်ခဲ့သည့် အရာများကို ငါ၏ကိုယ်ခန္ဓာ၌ ဖြည့်စွက်ပီးလျက်ဟိ၏။ 25 သင်ရိုး၏ အကျိုးအတွက် ဘုရားသခင်သည် ငါ့အား အသင်းတော်၏ အမှုတော်ဆောင်အဖြစ် ခန့်ထားတော်မူ၏။ ငါ့အား ပီးအပ်တော်မူသော တာဝန်မှာ ကိုယ်တော်၏ နှုတ်ကပတ်တရားတော်ကို အကုန်အစင် ဟောပြောရန်ဖြစ်၏။ 26 ကိုယ်တော်သည် လူအပေါင်းရိုးအား ထိုလျှို့ဝှက်နက်နဲသောအရာကို ရှိုးကာလများ၌ ဂုဏ်ထားခသော်လည်း အဂုအခါ မိမိ၏ လူတိအား ဖော်ပြတော်မူလိမ္မာ။ (aiñ g165) 27 ဘုရားသခင်သည် လူမျိုးအပေါင်းရိုးအတွက် ဘုန်းတော်နှင့် ပြည့်စုံသည့် လျှို့ဝှက်နက်နဲသောအရာကို မိမိလူတော်အား သိစီရန် အလိုတော် ဟိတော်မူ၏။ ထိုလျှို့ဝှက်နက်နဲသောအရာကား ခရစ်တော်သည် သင်ရိုးအထဲ၌ ကျိန်းဝပ်နိုင်ခြင်းပင်ဖြစ်၏။ တစ်နည်းအားဖြင့်ဆိုသော် သင်ရိုးသည် ဘုရားသခင်၏ ဘုန်းတော်ကို မျှော်လင့်ရမည် အကြောင်းဖြစ်၏။ 28 သို့ ဖြစ်၍ ငါရိုးသည် လူတိုင်းကို ခရစ်တော်၌ ရင့်ကျက်သောသူအဖြစ် ဘုရားသခင်၏ မျက်မှောက်တော်သို့ ရောက်စီနိုင်ရန် ဉာဏ်ပညာဟိသမျှဖြင့် လူတိုင်းကို သတိပီးဆုံးမကာ ခရစ်တော်၏အကြောင်းကို ဟောပြောကြ၏။ 29 ငါသည် ဤတာဝန်လုပ်ငန်းကို ကြိုးစားလုပ်ဆောင်နိုင်ရန် ခရစ်တော်သည် ငါ့အထဲ၌ ကြီးမားသော တန်ခိုးစွမ်းရည်ကို ထည့်ပီးတော်မူ၏။ ထိုတန်ခိုးစွမ်းရည်သည် ငါ့အထဲ၌ လုပ်ဆောင်လျက် ဟိ၏။

2 ငါသည် သင်ရိုးအတွက် လည်းကောင်း၊ လောဒိကိမြို့သားတို့နှင့် ငါ့ကို မတို့ဖူးကြသော တခြားလူတိအတွက် လည်းကောင်း ဇာလောက်ထိ ကြိုးစားလုပ်ဆောင်ခသည်ကို သင်ရိုးအား သိစီလို၏။ 2 ငါ၏ရည်ရွယ်ချက်မှာ သူရိ၏စိတ်နှလုံးကို အားပီးတိုက်တွန်းရန်နှင့် သူရိုးကို ချစ်ခြင်းမေတ္တာ၌ တည်စီခြင်းငှာ ဖြစ်၏။ အကြောင်းမူကား ခရစ်တော်ကိုယ်တိုင်ပင် ဘုရားသခင်၏ လျှို့ဝှက်နက်နဲသောအရာ ဖြစ်သည်ကို သူရိုးသိမြင်လာကြရန် ကြွယ်ဝပြည့်စုံသော ဉာဏ်ပညာနှင့် ပြည့်ဝစုံလင်စီခြင်းငှာ ဖြစ်၏။ 3 ထိုအသျှင်သည် ဂုဏ်ထားသမျှသော ဘုရားသခင်၏ ဘဏ္ဍာဖြစ်သည့် ဉာဏ်ပညာနှင့် အသိပညာကို ဖွင့်ပြသော သော့ဖြစ်၏။ 4 မည်သူမျှ သင်ရိုးအား ဖြားယောင်းသောစကားဖြင့် မလှည့်ဖြားစီခြင်းငှာ ငါသည် ဤသို့ ပြောဆိုခြင်းဖြစ်၏။ 5 အကြောင်းမူကား ငါသည် ခန္ဓာအားဖြင့် သင်ရိုးနှင့် ကွဲကွာသော်လည်း စိတ်ဝိညာဉ်အားဖြင့် သင်ရိုးနှင့်အတူ ဟိ၏။ သင်ရိုးသည် ခရစ်တော်၌ ယုံကြည်ခြင်းအားဖြင့် အတူတကွ ခိုင်မြဲစွာ ရပ်တည်လျက်ဟိကြသည်ကို တို့မြင်ရသဖြင့် ငါ ဝမ်းမြောက်၏။ 6 ထို့ကြောင့် သင်ရိုးသည် ခရစ်တော်ယေသျှုအား အသျှင်သခင်အဖြစ် လက်ခံထားပြီးဖြစ်သောကြောင့် ကိုယ်တော်၌ အသက်ရှင်ကြလော့။ 7 သင်ရိုးသည် သင်ယူခသည့်အတိုင်း ကိုယ်တော်၌ အမြစ်စွဲ၍ တည်ဆောက်ကာ သင်ရိုး၏ ယုံကြည်ခြင်းကို ပို၍

ခိုင်မြစ်ကြလော့။ ကျေးဇူးတော် ချီးမွမ်းခြင်းနှင့်လည်း ပြည့်စုံကြလော့။ 8 သင်ရိုးသည် လှည့်ဖြားတတ်သည့် အချည်းနှီးသော လူပညာအားဖြင့် လွှမ်းမိုးခြင်းကို မခံရစိခြင်းငှာ သတိပြုကြလော့။ ထိုပညာများသည် ခရစ်တော်ထံပါးက လာသည် မဟုတ်။ စကြာဝဠာကို အစိုးရသည့် ဝိညာဉ်များထံက လည်းကောင်း၊ လူတိ လက်ဆင့်ကမ်း သယ်ဆောင်လာကြသည့် ဩဝါဒတရားပါးက လည်းကောင်း လာ၏။ 9 အကြောင်းမူကား ဘုရားဇာတိတော်၏ ပြည့်စုံခြင်းအပေါင်းသည် ခရစ်တော်၌ ခန္ဓာအသွင်အားဖြင့် ကိန်းဝပ်တော်မူ၏။ 10 သင်ရိုးသည် ခရစ်တော်၌ ပြည့်စုံသောအသက်ကို ရဟိကြ၏။ ထိုအသျှင်သည် ဝိညာဉ်ပိုင်းဆိုင်ရာ ခပ်သိမ်းသော တန်ခိုးသျှင်များနှင့် အာဏာပိုင်များကို အစိုးရတော်မူ၏။ 11 သင်ရိုးသည် ခရစ်တော်၌ အရီဖျားလှီးခြင်းကို ခံယူခြင်းမှာ လူ့လက်ဖြင့် လုပ်ဆောင်ခြင်း မဟုတ်။ ဇာတိအပြစ်၏တန်ခိုးမှ လွတ်မြောက်စီသော ခရစ်တော်အားဖြင့် အရီဖျားလှီးခြင်းကို ခံယူခြင်းဖြစ်၏။ 12 အကြောင်းမူကား သင်ရိုးသည် ဗတ္တိဇံကို ခံယူကြသောအခါ ခရစ်တော်နှင့်အတူ သင်္ဂြိုဟ်ခြင်းကို ခံရကြ၏။ ခရစ်တော်ကို သီခြင်းတရားမှ ထမြောက်စီတော်မူသော ဘုရားသခင်၏ တန်ခိုးတော်ကို ယုံကြည်လျက် ဗတ္တိဇံခံခြင်းအားဖြင့် သင်ရိုးသည်လည်း ထိုအသျှင်နှင့်အတူ ထမြောက်ခြင်းကို ခံရကြ၏။ 13 သင်ရိုးသည် တစ်ချိန်က သင်ရိုး၏အပြစ်များကြောင့် လည်းကောင်း၊ ပညတ်တရားကို မခံယူသော တစ်ပါးအမျိုးသားများ ဖြစ်ခြင်းကြောင့် လည်းကောင်း ဝိညာဉ်ရေးရာ၌ သီဆုံးနိုင်သောသူများ ဖြစ်ကြ၏။ သို့သော် အဂုတွင် ဘုရားသခင်သည် သင်ရိုးအား ခရစ်တော်နှင့်အတူ အသက်ရှင်စီတော်မူ၏။ ဘုရားသခင်သည် ငါရိုး၏ အပြစ်အားလုံးကို ခွင့်ရွတ်တော်မူ၍၊ 14 ငါရိုး၏ အပြစ်ကြီးစာရင်းကိုလည်းကောင်း၊ အပြစ်နှင့်ဆိုင်သော ပညတ်တရား၏ ချည်နှောင်မှုများကိုလည်းကောင်း လက်ဝါးကပ်တိုင်တွင် ရိုက်ထားခြင်းအားဖြင့် ပယ်ဖျက်တော်မူ၏။ 15 ထိုလက်ဝါးကပ်တိုင်တွင် ခရစ်တော်သည် ဝိညာဉ်ပိုင်းဆိုင်ရာ တန်ခိုးသျှင်များနှင့် အာဏာပိုင်ရိုး၏ တန်ခိုးအာဏာစက်များမှ လွတ်မြောက်တော်မူပြီးနောက် အောင်ပွဲခံကာ လူအပေါင်းရိရှိ၍ ထိုသူရိုးကို အရှက်ရစီတော်မူ၏။ 16 ထို့ကြောင့် အစားအသောက်နှင့်ပတ်သတ်၍ ဖြစ်စီ၊ ဘာသာရေးပွဲနံ၊ လဆန်းပွဲနံ၊ ဥပုသ်နံနှင့် ပတ်သတ်၍ဖြစ်စီ သင်ရိုးကို ဇာသူမျှ မစီရင်စီကော။ 17 ထိုအရာများသည် နောင်အခါ ဖြစ်ပေါ်လာမည့် အရိပ်မျှသာဖြစ်ပြီး စစ်မှန်သောအရာကား ခရစ်တော်သာ ဖြစ်၏။ 18 မိမိကိုယ်ကို ချိုးနှိမ်ခြင်း၊ ကောင်းကင်တမန်တိအား ဝတ်ပြုကိုးကွယ်ခြင်းဆိုင်ရာများကို အခိုင်အမာပြောဆို၍ မိမိရို့ တို့မြင်ရသည့် ဗျာဒိတ်ရူပါရုံကို အကြောင်းပြုကာ မိမိရို့က အခြားသူတိထက် သာသည်ဟု ပြောဆိုတတ်သော သူရို့က သင်ရိုးကို အပြစ်တင်ခွင့် မပီးကတ်ကော။ သူရို့သည် လူသဘောဖြင့် စဉ်းစားဆင်ခြင်လျက် အကြောင်းမဲ့ ဘဝင်မြင့်လျက်ဟိကြပြီး၊ 19 ခန္ဓာကိုယ်၏ ဦးဂေါင်းတည်းဟူသော ခရစ်တော်ကို မှီခိုအားကိုးခြင်း မဟိကြပေ။ ခရစ်တော်၏ ထိန်းချုပ်မှုအောက်တွင် ကိုယ်ခန္ဓာတစ်ခုလုံးသည် အကြောအဆစ်များဖြင့် ထောက်ပံ့ခြင်းနှင့် ပေါင်းစည်းခြင်းကိုခံရကာ ဘုရားသခင် ဖြစ်ပွားစီတော်မူသည့်အတိုင်း ကြီးပွားလျက်ဟိ၏။ 20 သင်ရိုးသည် ခရစ်တော်နှင့်အတူ သီဆုံးလားပြီဖြစ်၍ ဤစကြာဝဠာဆိုင်ရာ ဝိညာဉ်များ၏ အုပ်စိုးခြင်းမှ လွတ်မြောက်လျက်ဟိ၏။ သို့ ဖြစ်ပါလျက် သင်ရိုးသည် လောကီသားတိကဲ့သို့ ဇာကြောင့် အသက်ရှင်နိုင်ကြသနည်း။ 21 “ဤအရာကို မကိုင်ကော၊ မမြည်းကော၊ မတို့ မထိကော” အစဟိသော ပညတ်များကို ဇာကြောင့် လိုက်လျှောက်နိုင်ကြသနည်း။ 22 ထိုပညတ်များသည် လူပညတ်ချက်များနှင့် သွန်သင်ချက်များဖြစ်သည်နှင့်အညီ သင်ရိုး လိုက်လျှောက်စဉ်ပင် ပျက်စီးလားမည့် အရာများပင် ဖြစ်ကြ၏။ 23 မိမိ၏ စိတ်ထင်ရာကို ကိုးကွယ်ခြင်း၊ မိမိကိုယ်ကို ချိုးနှိမ်ခြင်း၊ အလွန်အမင်း ကိုယ်ခန္ဓာကို နှိပ်စက်ခြင်းတည်းဟူသော ပညတ်များသည် ဉာဏ်ပညာနှင့် နှိုင်းယှဉ်သော ပညတ်များ ဖြစ်ဟန်တူသော်လည်း ထိုအရာများသည် ကိုယ်ကာယ၏ တပ်မက်မှုများကို ထိန်းချုပ်ရာတွင် မည်သည့်အကျိုးကိုမျှ မပြု။

3 သို့ ဖြစ်၍ သင်ရိုးသည် ခရစ်တော်နှင့်အတူ ထမြောက်ကြပြီးဖြစ်သောကြောင့် ဘုရားသခင်၏ လက်ယာတော်ဖက်၌ ခရစ်တော် ထိုင်တော်မူရာ အထက်အရပ်၌ဟိသော အရာတိကိုသာ စိတ်စွဲလမ်းကြလော့။ 2 မြီကြီး၌ ဟိသောအရာတိကို စိတ်စွဲလမ်းခြင်း မဟိဘဲ အထက်အရပ်၌ဟိသော အရာတိကို စိတ်စွဲလမ်းကြလော့။ 3

အကြောင်းမူကား သင်ရိုးသည် သီဆုံးခပြီး ဖြစ်သောကြောင့် အဂုတွင် သင်ရိုး၏အသက်သည် ခရစ်တော်နှင့်အတူ ဘုရားသခင်၌ ဝှက်ထားလျက် ဟိ၏။ 4 သင်ရိုး၏ စစ်မှန်သောအသက်သည် ခရစ်တော်ဖြစ်၍ ကိုယ်တော် ထင်ရှားတော်မူသောအခါ သင်ရိုးသည်လည်း ကိုယ်တော်နှင့်အတူ ဘုန်းတန်ခိုးတော်၌ ထင်ရှားကြလိမ့်မည်။ 5 ထို့ကြောင့် ကာမဂုဏ်လိုက်စားခြင်း၊ ညစ်ညူးစွာကျင့်ခြင်း၊ ကိလေသာပြင်းပြခြင်း၊ မကောင်းမှုကို ပြုလုပ်လိုသောဆန္ဒပြင်းပြခြင်းနှင့် ရုပ်တုကိုးကွယ်ခြင်း ပုံစံတစ်မျိုးဖြစ်သော လောဘလွန်ကျူးခြင်းများ စသည့် မြီကြီးနှင့်ဆိုင်သော လုပ်ဆောင်ချက်များကို သီဆုံးစီကြလော့။ 6 အကြောင်းမူကား ထိုသို့သော လုပ်ဆောင်ချက်များကြောင့် ဘုရားသခင်၏ အမျက်တော်သည် နာခံမှုမဟိသော သူရိုးအထက်၌ သက်ရောက်လာလိမ့်မည်။ 7 သင်ရိုးသည်လည်း အယင်က အသက်ရှင်နီထိုင်ခစဉ် ထိုအရာများထဲတွင် ကျင်လည်ခကြ၏။ 8 သို့ရာတွင် အဂုအခါ၌ သင်ရိုးသည် ဒေါသထွက်ခြင်း၊ စိတ်ဆိုးခြင်း၊ မုန်းတီးခြင်း၊ လိမ်လည်ပြောဆိုခြင်း၊ ညစ်ညမ်းသောစကားကို ပြောဆိုခြင်း စသည့် အမှုအရာအားလုံးကို ဖယ်ပွားကြလော့။ 9 အချင်းချင်း လိမ်လည်၍ မပြောဆိုကတ်ကော့။ အကြောင်းမူကား သင်ရိုးသည် လူဟောင်းနှင့်အတူ လူဟောင်း၏အကျင့်တိကို ချွတ်ပယ်ကာ။ 10 ဖန်ဆင်းတော်မူသောအသျှင်၏ ပုံသဏ္ဌာန်တော်နှင့်အညီ အသိပညာအားဖြင့် အသစ်ပျင်ဆင်ထားသော လူသစ်ကို ဝတ်ဆင်ထားသောသူ ဖြစ်ကြ၏။ 11 ထိုသို့ ဖန်ဆင်းပြုပျင်ရာ၌ တခြားလူမျိုးတို့နှင့် ယုဒလူမျိုးတို့၊ အရီဖျားလှီးထားသောသူနှင့် အရီဖျားမလှီးထားသောသူ၊ မယဉ်ကျေးသောသူ၊ လူရိုင်းများ၊ ကျွန်များနှင့် ကျွန် မဟုတ်သောသူ ဟူ၍မဟိ။ ခရစ်တော်သည် အလုံးစုံ၌ ဟိတော်မူ၍ အလုံးစုံ ဖြစ်တော်မူ၏။ 12 သင်ရိုးသည် ဘုရားသခင်၏ ရှိုးကောက်ထားသောသူ၊ သန့်ယှင်းသောသူနှင့် ချစ်တော်မူသောသူတို့ ဖြစ်ကြသောကြောင့် ကိုယ်ချင်းစာခြင်း၊ သနားကြင်နာခြင်း၊ စိတ်နှိမ့်ချခြင်း၊ နူးညံ့သိမ်မွေ့ခြင်း၊ စိတ်ရှည်သီးခံခြင်းများကို ဝတ်ဆင်ကြလော့။ 13 သင်ရိုးအချင်းချင်း အပြစ်တင်စရာဟိလျှင် သည်းခံလျက် ခွင့်ရွတ်ကြလော့။ သခင်ဘုရားသည် သင်ရိုးကို ခွင့်ရွတ်ပီးသည့်နည်းတူ သင်ရိုးသည်လည်း အချင်းချင်း ခွင့်ရွတ်ကြလော့။ 14 ဤသူတော်ကောင်းတရားများ၌ ချစ်ခြင်းမေတ္တာကို ထပ်ဆင့်၍ ဝတ်ဆင်ကြလော့။ ချစ်ခြင်းမေတ္တာသည် ထိုတရားတော်မြတ်များကို တစ်လုံးတစ်ဝတ်ည်း ပြည့်ဝစုံလင်စီ၏။ 15 သင်ရိုး၏ စိတ်နှလုံးထဲ၌ ခရစ်တော်၏ ငြိမ်သက်ခြင်း အုပ်စိုးပါစီ။ အကြောင်းမူကား ဤငြိမ်သက်ခြင်းအတွက် ခန္ဓာတစ်ခုထဲသို့ သင်ရိုးကို ခေါ်ယူထားတော်မူ၏။ သို့ဖြစ်၍ ကျေးဇူးတော်ကို ချီးမွမ်းကြလော့။ 16 ခရစ်တော်၏ နှုတ်ကပတ်တရားတော်ကို သင်ရိုး၏ စိတ်နှလုံးထဲ၌ ကြွယ်ဝစွာ တည်စီကြလော့။ အမျိုးမျိုးသော ဉာဏ်ပညာဖြင့် တစ်ဦးကို တစ်ဦး သွန်သင်၍ ဆုံးမပျင်ကြလော့။ ဆာလံတေးခြင်း၊ ဓမ္မတေးခြင်းနှင့် ဝိညာဉ်ရေးဆိုင်ရာ တေးခြင်းများကို စိတ်နှလုံးထဲ၌ ကျေးဇူးတင်သောစိတ်ဖြင့် ဘုရားသခင်အား သီဆိုကြလော့။ 17 စကားပြောဆိုရာ၌ လည်းကောင်း၊ ဆောင်ရွက်ရာ၌ လည်းကောင်း သင်ရိုးပြုမူသမျှ၌ အသျှင်ယေသျှ၏ နာမတော်ကို ထောက်၍ ခပ်သိမ်းသောအမှုကို ပြုကြလော့။ ထိုအသျှင်ကို အမှီပြုလျက် အဖုဘုရားသခင်၏ ကျေးဇူးတော်ကို ချီးမွမ်းကြလော့။ 18 အိမ်ထောင်သျှင်မရို့ သင်ရိုးသည် သခင်ဘုရား၌ ဟိကြသည့်အတွက် လင်ယောက်ျားရို့၏ အုပ်စိုးမှုကို ဝန်ခံကြလော့။ 19 အိမ်ထောင်သျှင်မရို့ သင်ရိုး၏ မယားကို ချစ်ကြလော့။ ကြမ်းတမ်းစွာ မပြုမူကတ်ကော့။ 20 သားသမီးရို့ အရာရာ၌ မိဘစကားကို နားထောင်ကြလော့။ အကြောင်းမူကား ဤအမှုသည် ဘုရားသခင် နှစ်သက်သောအမှု ဖြစ်၏။ 21 မိဘရို့ သင်ရိုးသားသမီးတို့ကို စိတ်ဆိုးအောင် မပြုမူကတ်ကော့။ ထိုသို့ပြုလျှင် သူရိသည် အားလျော့စိတ်ပျက်ကြလိမ့်မည်။ 22 ကျွန်ဖြစ်သောသူရို့ သင်ရိုး၏ လောကီသခင်ရို့ကို အရာရာ၌ နာခံကြလော့။ သူရိ၏ မျက်နှာသာပီးခြင်းကို ခံရစီရန် သူရိရှိ၍ သာ လုပ်ဆောင်ခြင်း မဟုတ်ဘဲ၊ သခင်ဘုရားကို ကြောက်ရွံ့ရိုသီလျက် ရိုးသားသောစိတ်နှလုံးဖြင့် လုပ်ဆောင်ကြလော့။ 23 မည်သည့်အမှုကိုမဆို လုပ်ဆောင်ကြရာ၌ လူသခင်ရို့အတွက် မဟုတ်ဘဲ သခင်ဘုရားအတွက် ဆောင်ရွက်သကဲ့သို့ စိတ်နှလုံးပါလျက် လုပ်ဆောင်ကြလော့။ 24 သင်ရိုးသည် ဆုလာဘ်အဖြစ် သခင်ဘုရားထံပါးက အဓိတော်ကို ရမည်ဖြစ်ကြောင်း သိမှတ်ကြလော့။ အကြောင်းမူကား သင်ရိုးသည် ခရစ်တော်၏ အမှုတော်ကို

ဆောင်ရွက် နိဗ္ဗာန်သောကြောင့် ဖြစ်၏။ 25 မတရားသောအမှုကို ပြုသောသူသည် မိမိပြုသော မတရားမှု၏အကျိုးကို ခံစားကြရလိမ့်မည်။ သို့ဖြစ်၍ မျက်နှာသာ ပီးခြင်းကို ဇာသူလေ့ မခံရ။

4 သခင်ရို့၊ သင်ရို့သည်လည်း ကောင်းကင်ဘုံ၌ သခင်တစ်ပါးတည်းသာ ဟိကြောင်းကို သိမှတ်လျက် မိမိရို့၏ ကျွန်တို့ကို တရားမျှတစွာ ပြုမူဆက်ဆံကြလော့။ **2** ဆုတောင်းခြင်းအမှုကို အစဉ်တစိုက် ပြုကြလော့။ ထိုသို့ပြုရာတွင် ဘုရားသခင်အား ကျေးဇူးတော်ချီးမွမ်းလျက် သတိဟိကြလော့။ **3** ခရစ်တော်၏ နက်နဲသည့်အရာနှင့် စပ်ဆိုင်သော နှုတ်ကပတ်တရားတော်ကို ဟောပြောနိုင်ရန် အခွင့်အလမ်းကောင်းကို ဘုရားသခင်သည် ငါရို့အား ပီးတော်မူခြင်းငှာ ငါရို့အတွက်လည်း ဆုတောင်းပီးကြလော့။ ထိုတရားတော်ကြောင့် ငါသည် အခု ထောင်ကျနိုင်၏။ **4** သို့ဖြစ်၍ တရားတော်ကို ဟောပြောသင့်သည့်အတိုင်း ယင်းလင်းပြတ်သားစွာ ငါဟောပြောနိုင်ရန် ဆုတောင်းပီးကြလော့။ **5** သင်ရို့ရဟိသော အခွင့်ကောင်းမှန်သမျှကို အသုံးပြု၍ အပြင်လူတို့အား ပညာသတိနှင့် ပေါင်းသင်းဆက်ဆံကြလော့။ **6** သင်ရို့ပြောသောစကားသည် နားဝင်ချို၍ စိတ်ဝင်စားဖွယ် ဖြစ်စီကြလော့။ လူအသီးသီးအား မည်ကဲ့သို့ မှန်ကန်စွာ ပြန်ဖြေရမည်ကို သင်ရို့ နားလည်ထားကြလော့။ **7** သခင်ဘုရား၏ အမှုတော်မြတ်၌ လုပ်ဖော်ဆောင်ဖက်များဖြစ်ကြပြီး သစ္စာဟိသော အမှုတော်ဆောင်ဖြစ်သူ ငါရို့ ချစ်သောညီ တုခိတ်သည် ငါနှင့်ပတ်သတ်သည့် အကြောင်းအရာဟိသမျှကို သင်ရို့အား ပြောပြလိမ့်မည်။ **8** ငါရို့၏ အခြေအနေကို သင်ရို့အား ပြောပြခြင်းအားဖြင့် သင်ရို့၏ စိတ်နှလုံးသည် သက်သာခြင်းရစီရန် ငါသည် သူ့ကို သင်ရို့ပါးသို့ စီရွတ်လိုက်ခြင်းဖြစ်၏။ **9** သင်ရို့ အထဲက တစ်ယောက်ဖြစ်သော၊ သစ္စာဟိသည့် ငါရို့၏ ချစ်ရသောညီ ဩနေသိမ်လည်း သူနှင့်အတူ လိုက်လာလိမ့်မည်။ သူရို့သည် ဤအရပ်၌ ဖြစ်ပျက်နိုင်သော အကြောင်းအရာအားလုံးကို သင်ရို့အား ပြောပြလိမ့်မည်။ **10** ငါနှင့်အတူ ထောင်ကျခံနိုင်ရသူ အာရိတ္တာခုနှင့် ဗာနဗ၏ ညီအစ်ကိုဝမ်းကွဲဖြစ်သောသူ မာကုသည် သင်ရို့ကို နှုတ်ဆက်လိုက်ပါ၏။ (မာကုသည် သင်ရို့ပါးသို့ ရောက်လာသောအခါ သူ့အား ကြိုဆိုလက်ခံကြရန် ညွှန်ကြားချက်များကို သင်ရို့ ရဟိထားပြီးဖြစ်၏။) **11** ယုတ္တုဟုခေါ်သော ယောသျှုကလည်း သင်ရို့ကို နှုတ်ဆက်လိုက်ပါ၏။ ဘုရားသခင်၏ နိုင်ငံတော်အတွက် ငါနှင့်အတူ လုပ်ဆောင်လျက်ဟိသော ယုဒလူမျိုး ယုံကြည်သူတို့ထဲမှ သူရို့သုံးဦးသာလျှင် ဖြစ်ကြ၏။ ဤသူရို့သည် ငါ့ကို များစွာ ကူညီပြီးကြသောသူတို့ ဖြစ်ကြ၏။ **12** ခရစ်တော်ယောသျှု၏ အခိုင်းအစီဖြစ်၍ သင်ရို့အထဲက တစ်ဦးဖြစ်သော ဧပဖြကလည်း နှုတ်ဆက်လိုက်ပါ၏။ သင်ရို့သည် ဘုရားသခင်၏ အလိုတော်ကို ပြည့်ဝစွာလိုက်နာကာ ရင့်ကျက်၍ ယုံကြည်ခြင်းပြည့်ဝသော ခရစ်ယာန်များအဖြစ် ခိုင်မြဲစွာ ရပ်တည်နိုင်ကြစီရန် သူသည် သင်ရို့အတွက် စိတ်အားထက်သန်စွာ အမြဲတစီ ဘုရားသခင်ထံတော်၌ ဆုတောင်းပီးလျက်ဟိ၏။ **13** သင်ရို့အတွက် လည်းကောင်း၊ လောဒိကိမြို့နှင့် ဟောရပေါလိမြို့၌ ဟိသောသူရို့အတွက် လည်းကောင်း အလွန်ကြိုးစား လုပ်ဆောင်သောသူဖြစ်ကြောင်း ငါ့ကိုယ်တိုင် သက်သီခံပါ၏။ **14** ငါရို့ချစ်သော ဆရာဝန်လုကာနှင့် ဒေမသည် သင်ရို့အား နှုတ်ဆက်လိုက်ကြ၏။ **15** လောဒိကိမြို့၌ဟိသော ညီအစ်ကိုမောင်နှမရို့ကိုလည်းကောင်း၊ နံဖနှင့် သူမ၏အိမ်၌ စုဝေးကြသည့် အသင်းတော်ကိုလည်းကောင်း ငါနှုတ်ဆက်လိုက်ကြောင်းကို ပြောပြကြလော့။ **16** ဤစာကို သင်ရို့ဖတ်ပြီးသောအခါ လောဒိကိမြို့၌ဟိသော အသင်းတော်ကိုလည်း ဖတ်စီကြလော့။ ထို့အတူ လောဒိကိမြို့၌ဟိသော ညီအစ်ကိုမောင်နှမတို့မှ ပို့ပီးသည့်စာကိုလည်း သင်ရို့ဖတ်ရှုကြလော့။ **17** ပြီးလျှင် “သခင်ဘုရား ပီးအပ်ထားသော အမှုတော်ကို ပြီးမြောက်အောင် ဆောင်ရွက်ပါ” ဟု အာခိပျအား ပြောပြကြလော့။ **18** ဤနှုတ်ဆက်စကားကို ငါ ပေါလုသည် ငါ့လက်ဖြင့် ရီးလိုက်ပါ၏။ ငါခံရသော ချုပ်နှောင်ခြင်းကို သတိရကြလော့။ ဘုရားသခင်၏ ကျေးဇူးတော်သည် သင်ရို့နှင့်အတူ ဟိပါစီသော။

၁ သက်သာလောနိတ်

1 ပေါလု၊ သိလ္လာနနှင့် တိမောသေရိသည် — **2** ငါရိုသည် ဆုတောင်းသည့်အခါတိုင်း သင်ရိုကို သတိရလျက် သင်ရိုအားလုံးအတွက် ဘုရားသခင်အား အစဉ်မလပ် ကျေးဇူးတော်ကို ချီးမွမ်းလျက်ဟိ၏။ **3** ယုံကြည်ခြင်းအားဖြင့် သင်ရို၏လက်တို့ လုပ်ဆောင်မှု၊ ချစ်ခြင်းမေတ္တာအားဖြင့် သင်ရို၏ ကြိုးစားအားထုတ်မှုနှင့် ငါရို၏ အသျှင် ယေသျှုခရစ်တော်၌ မျှော်လင့်ခြင်းအားဖြင့် သင်ရို၏ သည်းခံမှုတို့ကို ငါရို၏အဖ ဘုရားသခင်ရိုတော်၌ ငါရိုသည် အမြဲမပြတ် အောက်မိုလျက်ဟိကြ၏။ **4** ညီအစ်ကိုမောင်နှမရို၊ ဘုရားသခင်သည် သင်ရိုကို ချစ်တော်မူ၍ ရှိုးကောက်တော်မူကြောင်းကို ငါရို သိကြ၏။ **5** အကြောင်းမူကား ငါရိုသည် သတင်းကောင်းကို စကားအားဖြင့်သာ ဟောပြောခြင်း မဟုတ်ဘဲ၊ တန်ခိုးအားဖြင့် လည်းကောင်း၊ သန့်ယှင်းသော ဝိညာဉ်တော်အားဖြင့် လည်းကောင်း၊ တိကျခိုင်မာသော ယုံကြည်ခြင်းအားဖြင့် လည်းကောင်း သင်ရိုအား ဟောပြောကြ၏။ ငါရိုသည် သင်ရိုနှင့်အတူဟိစဉ် သင်ရိုအကျိုးအတွက် ငါရို ဇာပိုင်ပြုမှုနီထိုင်ခသည်ကို သင်ရို သိကြ၏။ **6** သင်ရိုသည် သခင်ဘုရားကိုလည်းကောင်း ငါရိုကိုလည်းကောင်း၊ အတုယူကြသောသူတို့ ဖြစ်ကြ၏။ အကြောင်းမူကား သင်ရိုသည် ကြီးစွာသောဆင်းရဲဒုက္ခထဲ၌ သန့်ယှင်းသော ဝိညာဉ်တော်ကစီးသော ဝမ်းမြောက်ခြင်းဖြင့် တရားတော်ကို ခံယူကြ၏။ **7** သို့ ဖြစ်၍ သင်ရိုသည် မာကေဒေါနိုပြည်နှင့် အခါယပြည်၌ဟိသော ယုံကြည်သူအားလုံးအတွက် စံနမူနာတစ်ခု ဖြစ်ကြ၏။ **8** ဇာကြောင့်ဆိုသော် သခင်ဘုရား၏ နှုတ်ကပတ်တရားသည် မာကေဒေါနိုပြည်နှင့် အခါယပြည်၌ ပြန့်နှံ့သည်သာမက ဘုရားသခင်၌ သင်ရို၏ ယုံကြည်ခြင်း သတင်းသည်လည်း အရပ်ရပ်သို့ ရောက်လားလေ၏။ သို့ ဖြစ်၍ ထိုအကြောင်းအရာနှင့်ပတ်သတ်၍ ငါရိုသည် ပြောစရာမလိုဟူ။ **9** အကြောင်းမူကား သင်ရိုသည် ငါရိုကို မည်သို့ လက်ခံကြသည်ကိုလည်းကောင်း၊ အသက်ရှင်တော်မူ၍ စစ်မှန်သော ဘုရားသခင်၏အမှုတော်ကို ဆောင်ရွက်ရန် ရုပ်တုများကို စွန့်ပစ်၍ ဘုရားသခင်ထံတော်သို့ မည်သို့ ပြန်လှည့်လာကြသည်ကိုလည်းကောင်း၊ သူရိုကိုယ်တိုင် ပြောကြားကြ၏။ **10** ထို့အပြင် သီဆုံးခြင်းမှ ထမြောက်တော်မူ၍ ကျရောက်လာမည့် ဘုရားသခင်၏အမျက်တော်မှ ငါရိုကို ကယ်နှုတ်တော်မူသော သားတော်ယေသျှုသည် ကောင်းကင်ဘုံမှ ကြွလာတော်မူမည်ကို စောင့်မျှော်ကြသည့်အကြောင်း ထိုသူအပေါင်းရိုသည် ပြောဆိုလျက်ဟိကြ၏။

2 ညီအစ်ကိုမောင်နှမရို၊ သင်ရိုပါးသို့ ငါရိုရောက်လာခြင်းသည် အချည်းနှီးမဖြစ်ကြောင်းကို သင်ရိုကိုယ်တိုင် သိကြ၏။ **2** ငါရိုသည် သင်ရိုဟိရာ သက်သာလောနိကမြို့သို့ မလာခင် ဖိလိပိုမြို့တွင် ကဲ့ရဲ့ပြောဆိုမှုနှင့် နှိပ်စက်မှုတို့ကို ခံရကြောင်း သင်ရိုသိကြ၏။ ထိုသို့ ဆန့်ကျင်ခြင်းကို ခံရသော်လည်း သတင်းကောင်းကို သင်ရိုအား ဟောပြောရန် ဘုရားသခင်သည် ငါရိုကို ရဲရင့်စီတော်မူ၏။ **3** ငါရိုသည် မှားယွင်းခြင်း၊ ညစ်ညူးခြင်းနှင့် လှည့်ဖျားခြင်းအားဖြင့် သင်ရိုအား တိုက်တွန်းနှိုးဆော်နိုင်ကြသည် မဟုတ်။ **4** ထိုသို့ပြုမည့်အစား ဘုရားသခင်သည် ငါရိုကို အသိအမှတ်ပြုသဖြင့် သတင်းကောင်းတရားကို ယုံကြည်အပ်နှံထားတော်မူသည်နှင့်အညီ ငါရိုသည် ဘုရားသခင်၏ အလိုတော်အတိုင်း ဟောပြောကြ၏။ ငါရိုသည် လူရို၏ နှစ်သက်မှုကို ရစီရန် မဟုတ်ဘဲ ငါရို၏ စိတ်နှလုံးကို စစ်ဆေးတော်မူသော ဘုရားသခင်၏ နှစ်သက်မှုကိုရစီရန် ကြိုးစားကြ၏။ **5** သင်ရိုသိကြသည့်အတိုင်း ငါရိုသည် ချောမွော့မြောက်ပင့်သောစကားကို တစ်ခါလေ့ မသုံးခ။ ဝှက်ထားသော လောဘစိတ်လည်း လုံးဝ မဟိကြောင်းကို ဘုရားသခင်သည် ငါရို၏သက်သီ ဖြစ်တော်မူ၏။ **6** ငါရိုသည် ခရစ်တော်၏ တမန်တော်တိအနေဖြင့် ဩဇာအာဏာကို အသုံးပြုနိုင်သော်လည်း သင်ရိုပါးမှဖြစ်စီ၊ အခြားသူရိုပါးမှဖြစ်စီ လူတိချီးမွမ်းခြင်းကို ခံရစီခြင်းငှာ မကြိုးစားခ။ **7** ငါရိုသည် သင်ရိုနှင့်အတူ ဟိစဉ်အခါက မိမိ၏သားသမီးတို့ကို တယုတယပြုစုသည့် မိခင်ကဲ့သို့ သင်ရိုအား ပြုစုကြ၏။ **8** အကြောင်းမူကား ငါရိုသည် သင်ရိုအား အလွန် ချစ်မြတ်နိုးကြသည်ဖြစ်၍ ငါရိုသည် ဘုရားသခင်၏ သတင်းကောင်းကိုသာမက ငါရို၏အသက်ကိုပင် သင်ရိုအား ပီးလိုသောဆန္ဒ ဟိကြ၏။ **9** ညီအစ်ကိုမောင်နှမရို၊

ငါရဲ့၏ ကြိုးပမ်းအားထုတ်မှုနှင့် ပင်ပန်းခက်ခဲမှုများကို သင်ရဲ့သည် အမှန်ပင် မှတ်မိကြ၏။ ငါရဲ့သည် သင်ရဲ့အတွက် ဝန်ထုပ်ဝန်ပိုးမဖြစ်စီရန် နဲ့ရော၊ ညပါ အလုပ်လုပ်လျက် ဘုရားသခင်၏ သတင်းကောင်းကို သင်ရဲ့အား ဟောပြောကြ၏။

10 ငါရဲ့သည် ယုံကြည်သူ သင်ရဲ့နှင့် ဟိစဉ်တွင် သန့်ယှင်း ဖြောင့်မတ်၍ အပြစ်ဆိုဖွယ်မဟုတ်အောင် နီထိုင်ခကြောင်းကို သင်ရဲ့နှင့် ဘုရားသခင်သည် ငါရဲ့၏ သက်သိဖြစ်ကြ၏။ **11** ဖခင်သည် မိမိ၏ သားသမီးတို့၌ ပြုမူသကဲ့သို့ ငါရဲ့သည် သင်ရဲ့တစ်ဦးချင်းစီ၌ ပြုမူခကြောင်းကို သင်ရဲ့သိကြ၏။ **12** မိမိ၏နိုင်ငံတော်နှင့် ဘုန်းတန်ခိုးတော်ထဲသို့ သင်ရဲ့အား ခေါ်တော်မူသော ဘုရားသခင် နှစ်သက်တော်မူသည့် အသက်ရှင်နီထိုင်မှုဖြင့် အသက်ရှင်ကြစီရန် ငါရဲ့သည် သင်ရဲ့အား တိုက်တွန်းနှိုးဆော်၍ နှစ်သိမ့်အားပီးကာ တောင်းဆိုခကြ၏။ **13** ငါရဲ့သည် ဘုရားသခင်ကို အမြဲတစီ ကျေးဇူးတင်ရခြင်း အကြောင်းမှာ သင်ရဲ့သည် ငါရဲ့ပါးက ကြားရသော ဘုရားသခင်၏ နှုတ်ကပတ်တော်ကို ခံယူကြသောအခါ လူ့စကားအဖြစ် မဟုတ်ဘဲ ဘုရားသခင်၏နှုတ်ကပတ်တော် အမှန်ဖြစ်သည်ဟု သင်ရဲ့သည် လက်ခံကြသောကြောင့် ဖြစ်၏။ အကြောင်းမူကား ထိုနှုတ်ကပတ်တော်သည် ယုံကြည်သော သင်ရဲ့၏စိတ်နှလုံးထဲ၌ အမှန်ပင် လုပ်ဆောင်လျက်ဟိ၏။ **14** ညီအစ်ကိုမောင်နှမရဲ့ သင်ရဲ့သည် ယေသျှုခရစ်တော်၌တည်သော ယုဒပြည်ဟိ ဘုရားသခင်၏ အသင်းတော်များ၌ ဖြစ်ပျက်ခသည့်နည်းတူ သင်ရဲ့၌လည်း ဖြစ်ပျက်ခ၏။ ထိုသူရဲ့သည် ယုဒလူမျိုးရဲ့လက်၌ ညည်းဆဲခြင်းကို ခံရသကဲ့သို့ သင်ရဲ့သည်လည်း မိမိလူမျိုး၏လက်တွင် ညည်းဆဲခြင်းကို ခံခကြ၏။ **15** အသျှင်ယေသျှုနှင့် ပရောဖက်တို့ကို အသိသတ်ခသော ထိုသူရဲ့သည် ငါရဲ့ကိုလည်း ညည်းဆဲခကြ၏။ သူရဲ့သည် ဘုရားသခင်ကို မနှစ်သက်သောသူ၊ လူတိုင်းကို ဆန့်ကျင်သောသူတို့ ဖြစ်ကြ၏။ **16** တခြားလူမျိုးတို့ ကယ်တင်ခြင်းရခြင်းငှာ ငါရဲ့ဟောပြောသည်ကိုပင် တားဆီးရန် ကြိုးစားကြ၏။ ထိုနည်းအတိုင်း သူရဲ့သည် မိမိရဲ့၏အပြစ်များ ပြည့်စုံစီခြင်းငှာ အစဉ်မလပ် ကျူးလွန်လျက်ဟိကြ၏။ သို့ဖြစ်၍ နောက်ဆုံး၌ ဘုရားသခင်၏ အမျက်တော်သည် သူရဲ့၌ ကျရောက်လေ၏။

17 ညီအစ်ကိုမောင်နှမရဲ့ ငါရဲ့သည် စိတ်နှလုံးအားဖြင့် မဟုတ်ဘဲ ခန္ဓာအားဖြင့် ခေတ္တမျှ သင်ရဲ့နှင့် ခွဲခွာနိုင်ရသော်လည်း တဖန် ပြန်တို့နိုင်ရန် အလွန်လိုလားတောင်းတကြသည်ဖြစ်၍ သာ၍ ကြိုးစားအားထုတ်ကြ၏။ **18** အကြောင်းမူကား ငါရဲ့သည် သင်ရဲ့ပါးသို့ တဖန် လာလိုကြသောကြောင့် ဖြစ်၏။ ငါ ပေါလုကိုယ်တိုင် သင်ရဲ့ပါးသို့လာရန် အဖန်ဖန်အလီလီ ကြိုးစားခသော်လည်း စာတန်က ငါရဲ့၏လမ်းခရီးကို ဆီးတားထား၏။ **19** ငါရဲ့၏အသျှင်ယေသျှု ကြွလာတော်မူသောအခါ ငါရဲ့သည် ကိုယ်တော်၏ရှိ၌ မျှော်လင့်စရာအကြောင်း၊ ဝမ်းမြောက်စရာအကြောင်းနှင့် ဝင့်ကြားစရာ အကြောင်းမှာ ဇာအတွက်ကြောင့်လဲ။ သင်ရဲ့ အတွက်ကြောင့် မဟုတ်ပါလော။ **20** အမှန်ဆိုရလျှင် သင်ရဲ့သည် ငါရဲ့၏ ဂုဏ်ယူဝင့်ကြားစရာ၊ ငါရဲ့၏ ဝမ်းမြောက်စရာအကြောင်း ဖြစ်၏။

3 နောက်ဆုံး၌ ငါရဲ့သည် စောင့်မနိန်နိုင်ကြသောကြောင့် ငါရဲ့သည် အေသင်မြို့၌ ကျန်ခဖို့ ဆုံးဖြတ်ကြ၏။ **2** ငါရဲ့သည် ခရစ်တော်၏ သတင်းကောင်းကို ဟောပြောရာတွင် ဘုရားသခင်၏အမှုတော်မြတ်၌ အတူတကွ ဆောင်ရွက်သူဖြစ်သော ငါရဲ့၏ညီ တိမောသေအား သင်ရဲ့ပါးသို့ စီရွတ်လိုက်ကြ၏။ ထိုသူကို စီရွတ်လိုက်ခြင်းမှာ သင်ရဲ့၏ ယုံကြည်ခြင်း ခိုင်ခန့်စီခြင်းငှာ တိုက်တွန်းနှိုးဆော်ရန်နှင့်၊ **3** ဤညည်းပန်းနှိပ်စက်ခြင်းကြောင့် သင်ရဲ့တွင် ဇာသမျှ မယိမ်းမယိုင် စီရန်ဖြစ်၏။ အကြောင်းမူကား ဤ ညည်းပန်းနှိပ်စက်ခြင်းကို ငါရဲ့ခံရခြင်းမှာ ဘုရားသခင်၏ အလိုတော်ဖြစ်ကြောင်း သင်ရဲ့ကိုယ်တိုင် သိကြ၏။ **4** သင်ရဲ့နှင့်အတူ ဟိစဉ်အခါက ညည်းပန်းနှိပ်စက်ခြင်း ခံရမည်ကို ကြိုတင်၍ ငါရဲ့ပြောခပြီး ဖြစ်၏။ ငါရဲ့ပြောခသည့်အတိုင်း ဖြစ်လာသည်ကိုလည်း သင်ရဲ့သိကြ၏။ **5** ထို့ကြောင့် သင်ရဲ့သည် စာတန်မာရ်နတ်၏ စုံစမ်းသွီးဆောင်ရာသို့ လိုက်ပါသဖြင့် ငါရဲ့၏ လုပ်ဆောင်ခသမျှသည် အချည်းနှီးဖြစ်မည်ကို ငါသည် စိုးရိမ်ကြောင့်ကြသောကြောင့် သင်ရဲ့၏ ယုံကြည်ခြင်းကို သိလိုသဖြင့် ငါသည် တိမောသေကို ရွတ်လိုက်ခြင်းဖြစ်၏။ **6** အဂုအခါ တိမောသေသည် ပြန်လည်ရောက်လာ၍ သင်ရဲ့၏မေတ္တာနှင့် ယုံကြည်ခြင်းအကြောင်း သတင်းကောင်းကို ငါရဲ့ပါးသို့ ယူဆောင်လာခ၏။ သင်ရဲ့သည် ငါရဲ့အား အစဉ်မပြတ် သတိရကြောင်းကိုလည်းကောင်း၊ သင်ရဲ့ကို

ငါရဲ့ တို့မြင်လိုသကဲ့သို့ သင်ရဲ့သည် ငါရဲ့အား တို့မြင်လိုကြောင်းကိုလည်းကောင်း တိမောသောက ပြောပြ၏။
7 သို့ဖြစ်၍ ညီအစ်ကိုမောင်နှမရဲ့ ငါရဲ့သည် အရာရာ၌ အခက်အခဲနှင့် ဆင်းရဲဒုက္ခခံရသော်လည်း သင်ရဲ့၏ ယုံကြည်ခြင်းကြောင့် နှစ်သိမ့်မှုကို ခံစားရကြ၏။ 8 အကြောင်းမူကား သင်ရဲ့သည် သခင်ဘုရား၌ ခိုင်ခံ့စွာ ရပ်တည်နိုင်ကြသဖြင့် အဂုတွင် ငါရဲ့သည် အမှန်ပင် အသက်ရှင်နိုင်ကြ၏။ 9 အဂုတွင် ငါရဲ့သည် သင်ရဲ့အတွက်ကြောင့် ငါရဲ့၏ဘုရားသခင်အား ကျေးဇူးတော်ကို ချီးမွမ်းနိုင်ကြ၏။ သင်ရဲ့အကြောင်းကြောင့် ငါရဲ့သည် ကိုယ်တော်၏ ရှိမှောက်၌ ဝမ်းမြောက်ရွှင်လန်းမှုကို ခံစားကြရသည့်အတွက် အသျှင်ဘုရားအား ကျေးဇူးတော်ကို ချီးမွမ်းကြ၏။ 10 သင်ရဲ့ကို တဖန် ပြန်တို့နိုင်ရန်နှင့် သင်ရဲ့၏ယုံကြည်ခြင်း၌ လိုအပ်သမျှ စုံလင်စီမံညီအကြောင်း ငါရဲ့သည် နို့ညမပြတ် အလွန်စိတ်အားထက်သန်စွာ ဆုတောင်းလျက်ဟိကြ၏။ 11 ငါရဲ့၏အဖ ဘုရားသခင်နှင့် ငါရဲ့၏အသျှင်ယေသျှုသည် သင်ရဲ့ပါးသို့ ငါရဲ့လာမည့်လမ်းခရီးကို ပျင်ဆင်ပီးပါစီသော။ 12 သင်ရဲ့၌ ငါရဲ့၏ချစ်ခြင်းမေတ္တာသည် ကြီးမားလာသကဲ့သို့ သင်ရဲ့အချင်းချင်း၌ ချစ်ခြင်းမေတ္တာသည် လည်းကောင်း၊ လူအပေါင်းရဲ့၌ သင်ရဲ့ထားသော ချစ်ခြင်းမေတ္တာသည် လည်းကောင်း သာ၍ တိုးပွားလာမည့်အကြောင်း သင်ရဲ့အား သခင်ဘုရား မစတော်မူပါစီသော။ 13 ငါရဲ့၏အသျှင် ယေသျှုသည် မိမိ၏သန့်ယှင်းသူ အပေါင်းရဲ့နှင့်အတူ ကြွလာတော်မူသောအခါ သင်ရဲ့သည် ငါရဲ့၏အဖ ဘုရားသခင် ရှိတော်၌ အပြစ်ကင်း၍ သန့်ယှင်းမြင့်မြတ်စီခြင်းငှာ ကိုယ်တော်သည် သင်ရဲ့ကို ခိုင်ခံ့မြဲမြံတော်မူပါစီသော။

4 နောက်ဆုံးအနေဖြင့်ဆိုရလျှင် ညီအစ်ကိုမောင်နှမရဲ့ သင်ရဲ့ကို ဘုရားသခင် နှစ်သက်တော်မူစီရန် မည်သို့ အသက်ရှင်နိုင်ထိုင်ရမည်ကို သင်ရဲ့အား ငါရဲ့ သွန်သင်ပြီး ဖြစ်၏။ သင်ရဲ့သည် ငါရဲ့ သွန်သင်ခသည်အတိုင်း အသက်ရှင်နိုင်ထိုင်ကြ၏။ အဂုတွင် ပို၍ ကြိုးစားအားထုတ်ကြရန် ငါရဲ့သည် အသျှင်ယေသျှု၏ နာမတော်၌ သင်ရဲ့အား တိုက်တွန်းနှိုးဆော်လျက် တောင်းပန်ကြ၏။ 2 ထို့အတွက်ကြောင့် အသျှင်ယေသျှု၏ အခွင့်အာဏာဖြင့် ငါရဲ့သည် သင်ရဲ့အား ပီးအပ်ထားသည့် ညွှန်ကြားချက်များကို သင်ရဲ့သိကြ၏။ 3 ဘုရားသခင်သည် သင်ရဲ့ကို သန့်ယှင်းစီရန်နှင့် ကာမဂုဏ်လိုက်စားခြင်းမှ လုံးဝ လွတ်ကင်းစီရန် အလိုဟိတော်မူ၏။ 4 သင်ရဲ့တစ်ဦးစီတိုင်းသည် သန့်ယှင်းခြင်းနှင့် ဂုဏ်သရေပါခြင်းဖြင့် မိမိ၏မယားနှင့် မည်သို့ ပေါင်းသင်းနိုင်ထိုင်သင့်သည်ကို သိကြသည်ဖြစ်၍၊ 5 ဘုရားသခင်ကို မသိသော တခြားလူမျိုးတို့ကဲ့သို့ ကိလေသာတပ်မက်ခြင်း စိတ်၏အလိုသို့ မလိုက်ကတ်ကေ။ 6 ဤကိစ္စတွင် သင်ရဲ့သည် ညီအစ်ကိုမောင်နှမအချင်းချင်း၌ ပြစ်မှားခြင်း၊ အခွင့်ကောင်းယူခြင်းကို မပြုကတ်ကေ။ ငါရဲ့သည် သင်ရဲ့အား အယင်က ပြောဆိုခသည်အတိုင်း သခင်ဘုရားသည် ထိုသို့ ပြစ်မှားသောသူရဲ့အား အပြစ်ဒဏ် စီရင်တော်မူမည်ဖြစ်ကြောင်း သင်ရဲ့အား ပြင်းထန်စွာ သတိပီးလိုက်၏။ 7 ဘုရားသခင်သည် ငါရဲ့အား ညစ်ညူးခြင်းထဲသို့ ခေါ်တော်မူခြင်း မဟုတ်ဘဲ သန့်ယှင်းစွာ အသက်ရှင်နိုင်ထိုင်ကြရန် ခေါ်တော်မူခြင်းဖြစ်၏။ 8 သို့ဖြစ်၍ ဤသွန်သင်ချက်ကို ငြင်းပယ်သောသူသည် လူကိုသာ ငြင်းပယ်သည် မဟုတ်ဘဲ သင်ရဲ့အား မိမိ၏ သန့်ယှင်းသောဝိညာဉ်တော်ကို ပီးတော်မူသော ဘုရားသခင်ကို ငြင်းပယ်ခြင်း ဖြစ်၏။ 9 အဂုတွင် ညီအစ်ကိုမောင်နှမ ချစ်ခြင်းမေတ္တာနှင့် ပတ်သက်၍ သင်ရဲ့ထံ ရီးသားရန် မလိုအပ်ပေ။ အကြောင်းမူကား အချင်းချင်းချစ်ကြရန် ဘုရားသခင်က သင်ရဲ့ကို သင်ကြားထားပြီး ဖြစ်၏။ 10 အမှန်စင်စစ် သင်ရဲ့သည် မာကေဒေါနိုပြည် တစ်ပြည်လုံး၌ဟိသော ညီအစ်ကိုမောင်နှမရဲ့အား ထိုမေတ္တာကို ပြခလေပြီ။ သို့ရာတွင် ညီအစ်ကိုမောင်နှမရဲ့ သင်ရဲ့သည် ထိုထက်မက ပို၍ ထိုမေတ္တာကို ပြကြရန် ငါရဲ့ တိုက်တွန်းလိုက်၏။ 11 သင်ရဲ့သည် အယင်က ငါရဲ့ မှာကြားခသည်အတိုင်း ငြိမ်ဝပ်စွာနီ၍၊ မိမိရဲ့၏အရေးကိစ္စကို မိမိရဲ့ကိုယ်တိုင် ဆောင်ရွက်ကြရန် ကြိုးစားအားထုတ်ကြလော့။ 12 ဤနည်းအားဖြင့် သင်ရဲ့သည် မယုံကြည်သောသူရဲ့၏ ကြည်ညိုခြင်းကို ခံရကြပြီးလျှင် သင်ရဲ့၏ လိုအပ်ချက်အတွက် ဇာသူကိုမျှ မှီခိုလိမ့်မည် မဟုတ်။ 13 အစ်ကိုမောင်နှမရဲ့ သင်ရဲ့သည် မျှော်လင့်ခြင်း ကင်းမဲ့သူများကဲ့သို့ ဝမ်းနည်းကြိုက်မှု မဖြစ်ကြစီရန် ငါရဲ့သည် သီလွန်သူများနှင့်ပတ်သက်၍ အမှန်တရားကို သင်ရဲ့အား သိစီလို၏။ 14 အကြောင်းမူကား ယေသျှုသည် အသိခံတော်မူပြီးနောက် တဖန် ထမြောက်တော်မူသည်ဟု ငါရဲ့

ယုံကြည်ကြလျှင် ဘုရားသခင်သည် ထိုအသျှင်ကို ယုံကြည်လျက် သီလွန်ပြီးသောသူရီးအား ယေသျှုနှင့်အတူ ပြန်၍ ခေါ်ထုတ်တော်မူလိမ့်မည်။ 15 အဂ္ဂ ငါရီသည် သင်ရိုးအား သခင်ဘုရား၏ သွန်သင်တော်မူချက်ကို ဖော်ပြလိုသည်မှာ သခင်ဘုရား ကြွလာတော်မူသောနိဗ္ဗာန် အသက်ရှင်လျက်ဟိကြသော ငါရီသည် သီလွန်ပြီးသောသူတို့ထက် အလျင် ရောက်ကြလိမ့်မည် မဟုတ်။ 16 အကြောင်းမူကား ကြွေးကြော်ခြင်းနှင့်တကွ ကောင်းကင်တမန်မင်း၏ အသံ၊ ဘုရားသခင်၏ တံပိုးမှုတ်သံတို့ကို ကြားရသောအခါ သခင်ဘုရားကိုယ်တော်တိုင် ကောင်းကင်ဘုံမှ ဆင်းသက် ကြွလာတော်မူလိမ့်မည်။ ခရစ်တော်ကို ယုံကြည်၍ သီလွန်ပြီးသောသူများသည် ဦးစွာ ထမြောက်ကြလိမ့်မည်။ 17 ထို့နောက် အသက်ရှင်လျက် ကျန်ခသော ငါရီသည် အာကာသ၌ သခင်ဘုရားနှင့် တွဲဆုံရန် ထိုသူရီးနှင့်အတူ မိုးတိမ်အားဖြင့် ချီဆောင်ခြင်းကို ခံရကြလိမ့်မည်။ ဤသို့ဖြင့် ငါရီသည် သခင်ဘုရားနှင့်အတူ အစဉ်မပြတ် ဟိကြလိမ့်မည်။ 18 သို့ဖြစ်၍ ဤစကားများဖြင့် တစ်ယောက်ကို တစ်ယောက် အားပီးတိုက်တွန်းကြလော့။

5 ညီအစ်ကိုမောင်နှမရဲ့ ဤအမှုအရာများ ဖြစ်ပျက်လာမည့် အချိန်ကာလများအကြောင်းကို သင်ရိုးအား ရီးသားရန် မလိုအပ်။ 2 အကြောင်းမူကား သခင်ဘုရား၏ နိရုဏ်သည် ညဉ့်အခါ၌ သူခိုးလာသကဲ့သို့ ရောက်လာလိမ့်မည်ဖြစ်ကြောင်းကို သင်ရိုးကိုယ်တိုင် ကောင်းစွာ သိကြ၏။ 3 “အရာရာတိုင်းသည် ငြိမ်ပိခြင်းနှင့် လုံခြုံမှုဟိ၏” ဟု လူတိပြောဆိုနိုင်စဉ်တွင် ကိုယ်ဝန်ဆောင်မိန်းမ၌ သားဖွားခြင်း ဝေဒနာ ရောက်လာသကဲ့သို့ ပျက်စီးခြင်းသည် သူရီးပါးသို့ ရုတ်ကနဲ ရောက်လာ၍ သူရီးသည် လွတ်မြောက်ကြလိမ့်မည် မဟုတ်။ 4 သို့ရာတွင် ညီအစ်ကိုမောင်နှမရဲ့ သင်ရိုးမူကား မှောင်မိုက်ထဲ၌ မဟိသောကြောင့် ထိုနိရုဏ်သည် သင်ရီးပါးသို့ သူခိုးကဲ့သို့ အထိတ်တလန့် ရောက်လာမည် မဟုတ်။ 5 သင်ရိုးအားလုံးသည် အလင်း၏ သားသမီးတိ၊ နို့၏ သားသမီးတိ ဖြစ်ကြ၏။ ငါရီသည် ညတွင်လည်းကောင်း၊ မှောင်မိုက်တွင်လည်းကောင်း ကျင်လည်သောသူတိ မဟုတ်။ 6 သို့ဖြစ်၍ ငါရီသည် အခြားသူတို့ကဲ့သို့ အိပ်ပျော်လျက်မခိုနိုင်ကြဘဲ၊ သမ္မာသတိဖြင့် နိုးကြားလျက် နိန်ကြရမည်။ 7 အကြောင်းမူကား အိပ်ပျော်တတ်သောသူရီးသည် ညအချိန်၌ အိပ်တတ်ကြ၏။ သီရည်သီရက်နှင့် မူးယစ်တတ်သော သူရီးသည် ညအချိန်၌ မူးယစ်တတ်ကြ၏။ 8 သို့ရာတွင် ငါရီသည် နို့အချိန်၌ ကျင်လည်သောသူတိ ဖြစ်ကြသောကြောင့် ယုံကြည်ခြင်းနှင့် ချစ်ခြင်းမေတ္တာတည်းဟူသော ရင်အုပ်တန်ဆာကို ဝတ်ဆင်လျက်၊ ကယ်တင်ခြင်းခံရရန် မျှော်လင့်ခြင်းတည်းဟူသော သံခမောက်ကို ဆောင်းကာ သမ္မာသတိဟိကြကုန်အံ့။ 9 အကြောင်းမူကား ဘုရားသခင်သည် ငါရီးအား အမျက်တော်သင့်စီရန် ရွီးကောက်တော်မူသည် မဟုတ်။ ငါရီး၏ အသျှင် ယေသျှု၊ခရစ်အားဖြင့် ကယ်တင်ခြင်း ခံရကြစီရန် ရွီးကောက်တော်မူ၏။ 10 ငါရီသည် အိပ်ပျော်လျက်ဟိသည်ဖြစ်စီ၊ နိုးလျက်ဟိသည်ဖြစ်စီ ထိုအသျှင်နှင့်အတူ အသက်ရှင်ခြင်းငှာ ကိုယ်တော်သည် ငါရီးအတွက် အသိခံတော်မူ၏။ 11 သို့ဖြစ်၍ သင်ရီးသည် အဂ္ဂပြုသည့်နည်းတူ အချင်းချင်း တိုက်တွန်းနှိုးဆော်၍ တစ်ယောက်ကိုတစ်ယောက် ကူညီမစ ကြလော့။ 12 ညီအစ်ကိုမောင်နှမရဲ့ သခင်ဘုရား၌ သင်ရီးကို ဂရုတစိုက် ဆုံးမပဲ့ပျင်လျက် သင်ရီး၌ အမှုတော်ကို ဆောင်ရွက်နိုင်ကြသော သူများကို ကြည်ညိုလေးစားကြရန် ငါရီးတောင်းပန်၏။ 13 သူရီး ဆောင်ရွက်ကြသည့် အမှုတော်ကို ထောက်၍ သူရီးအား မေတ္တာစိတ်ဖြင့် အထူး ရိုသ်ကြလော့။ သင်ရီးအချင်းချင်း သင့်မြတ်စွာ နီထိုင်ကြလော့။ 14 ညီအစ်ကိုမောင်နှမရဲ့ အပျင်းကြီး၍ အလုပ်မလုပ်သောသူတို့ကို သတိပီးကြလော့၊ ကြောက်တတ်သောသူတို့ကို နှစ်သိမ့်ပီးကြလော့၊ အားနည်းသောသူရီးကို ကူညီကြလော့၊ ခပ်သိမ်းသောသူရီး၌ စိတ်ရှည်ကြလော့ ဟု သင်ရီးအား ငါတိုက်တွန်း၏။ 15 မည်သူတစ်ယောက်ကိုမျှ အဆိုးကို အဆိုးအားဖြင့် မတုံ့ပြန်ကတ်ကော့၊ သို့ရာတွင် အခြားသောသူတစ်ယောက် အဖို့ငှာလည်းကောင်း၊ လူအားလုံး အဖို့ငှာလည်းကောင်း ကောင်းသောအမှုကို ဆောင်ရွက်ရန် အစဉ်မပြတ် ကြိုးစားအားထုတ်ကြလော့။ 16 အစဉ်မပြတ် ဝမ်းမြောက်ခြင်း ဟိကြလော့။ 17 မခြားမလပ် ဆုတောင်းကြလော့။ 18 အရာရာ၌ ကျေးဇူးတော်ကို ချီးမွမ်းကြလော့။ ဤသည်ကား သင်ရီးအဖို့အလိုငှာ ခရစ်တော်ယေသျှု၌ ဘုရားသခင်

အလိုတော် ဖြစ်၏။ **19** ဝိညာဉ်တော်၏အရှိန်ကို မငြိမ်းစိကတ်ကော။ **20** ပရောဖက်ရှိ၏ဖော်ပြချက်များကို မထိမဲ့မြင် မပြုကတ်ကော။ **21** သို့ရာတွင် ထိုပရောဖက်ပြုချက်များကို စစ်ဆေးပြီးလျှင် ကောင်းသောအရာများကို ဆုပ်ကိုင်၍၊ **22** မကောင်းသောအရာ မှန်သမျှကို ယောင်ကြဉ်ကြလော့။ **23** ငြိမ်သက်ခြင်း၏အသျှင် ဘုရားသခင်သည် သင်ရိုးအား အကုန်အစင် သန့်ယှင်းတော်မူပါစီသောဝ်။ ငါရိုး၏ အသျှင်ယေသျှုခရစ် ကြွလာတော်မူသောအခါ၌ သင်ရိုးသည် အပြစ်ဆိုဖွယ်မဟုတ်စီရန် ဘုရားသခင်သည် သင်ရိုး၏ ခန္ဓာ၊ စိတ်၊ ဝိညာဉ်ကို ထိန်းသိမ်းစောင့်ရှောက်တော်မူပါစီသောဝ်။ **24** သင်ရိုးကို ခေါ်ယူတော်မူသော အသျှင်သည် သစ္စာနုနု ပြည့်စုံတော်မူသည်ဖြစ်၍ ထိုသို့ ပြုတော်မူလိမ့်မည်။ **25** ညီအစ်ကိုမောင်နှမရိုး ငါရိုးအတွက်လည်း ဆုတောင်းပီးကြလော့။ **26** ယုံကြည်သူအပေါင်းရိုးအား သန့်ယှင်းသော အနမ်းဖြင့် နှုတ်ဆက်ကြလော့။ **27** ဤစာကို ယုံကြည်သူအပေါင်းရိုးအား ဖတ်ပြကြရန် သခင်ဘုရား၏ အခွင့်အာဏာအရ သင်ရိုးအား ငါတိုက်တွန်းလိုက်၏။ **28** ငါရိုး၏ အသျှင်ယေသျှုခရစ်တော်၏ ကျေးဇူးတော်သည် သင်ရိုးနှင့်အတူ ဟိပါစီသောဝ်။

၂ သက်သာလောနိတ်

1 ပေါလု၊ သိလ္လာနနှင့် တိမောသေရိပါးမှ — **2** ငါရို၏အဖ ဘုရားသခင်နှင့် အသျှင်ယေသျှုခရစ်တော်ထံမှ ကျေးဇူးတော်နှင့် ငြိမ်သက်ခြင်းသည် သင်ရို့၌ ဟိပါစီသောဝ်။ **3** ညီအစ်ကိုမောင်နှမရို့၊ သင်ရို့ကို အကြောင်းပြု၍ ငါရို့သည် ဘုရားသခင်အား ကျေးဇူးတော်ကို အစဉ်မလတ် ချီးမွမ်းကြရ၏။ ထိုသို့ ကျေးဇူးတော်ချီးမွမ်းခြင်းသည် ငါရို့အတွက် အလွန်သင့်မြတ်၏။ အကြောင်းမူကား သင်ရို့၏ ယုံကြည်ခြင်းသည် အလွန် ကြီးထွားလျက် သင်ရို့သည် အချင်းချင်း တစ်ယောက်ကိုတစ်ယောက် ချစ်သော မေတ္တာသည်လည်း သာ၍ တိုးပွား လာသောကြောင့် ဖြစ်၏။ **4** သင်ရို့သည် ညည်းဆဲခြင်း၊ ဒုက္ခဆင်းရဲခြင်း ခံရသမျှ၌ ယုံကြည်ခြင်း၊ သည်းခံခြင်း ဟိကြသည်ကို ထောက်၍ ငါရို့သည် ဘုရားသခင်၏ အသင်းတော်များတွင် ဂုဏ်ယူဝင်ကြွားလျက် ဟိကြ၏။ **5** သင်ရို့သည် ဆင်းရဲဒုက္ခ ခံနေရကြသည်ဖြစ်၍ ဘုရားသခင်၏ နိုင်ငံတော်နှင့် ထိုက်တန်သောသူတို့ ဖြစ်ကြသည်ကိုလည်းကောင်း၊ ဘုရားသခင်၏ တရားစီရင်တော်မူချက်သည် ဖြောင့်မတ်သည်ကိုလည်းကောင်း ဤအရာအားလုံးသည် သက်သီပြလျက်ဟိ၏။ **6** ဘုရားသခင်သည် ဖြောင့်မတ်စွာ စီရင်တော်မူသောအသျှင် ဖြစ်တော်မူသည့်အတိုင်း သင်ရို့ကို ဒုက္ခရောက်စီသော သူရို့အား ဒုက္ခ ရောက်စီတော်မူလိမ့်မည်။ **7** ဆင်းရဲဒုက္ခ ရောက်လျက်ဟိသော သင်ရို့သည်လည်း ငါရို့နည်းတူ သက်သာခြင်း ရစိတော်မူလိမ့်မည်။ အသျှင်ယေသျှုသည် မိမိ၏ တန်ခိုးကြီးသော ကောင်းကင်တမန်တို့ ခြံရံလျက် မီးလျှံနံနံတကွ ကောင်းကင်မှ ထင်ရှားလာသောအခါ ဤအမှုအရာများသည် ဖြစ်လာလိမ့်မည်။ **8** ဘုရားသခင်ကို ငြင်းပယ်သောသူရို့နှင့် ငါရို့၏အသျှင် ယေသျှုအကြောင်း သတင်းကောင်းကို မနာခံသောသူရို့အား အပြစ်စီရင်တော်မူလိမ့်မည်။ **9** ထိုသူရို့သည် သခင်ဘုရား ကြွလာတော်မူသောအခါ ကိုယ်တော်၏ ရှိတော်မူ လည်းကောင်း၊ ကိုယ်တော်၏ အစွမ်းသတ္တိနှင့် ပြည့်စုံသော ဘုန်းတော်မှ လည်းကောင်း ဖယ်ပွားခြင်းခံရလျက် ထာဝရပျက်စီးခြင်း ပြစ်ဒဏ်ကို ခံကြရလိမ့်မည်။ (aiōnios g166) **10** ထိုနို့၌ ကိုယ်တော်သည် မိမိ၏ သန့်ယှင်းသောသူများအားဖြင့် ဘုန်းတော် ထင်ရှားရန်နှင့် ယုံကြည်သောသူအပေါင်းရို့၏ အံ့ဩချီးမွမ်းခြင်းကို ခံယူရန် ကြွလာတော်မူလိမ့်မည်။ ငါရို့ ဟောပြော သက်သီခံချက်ကို သင်ရို့သည်လည်း ယုံကြည်ကြသောကြောင့် ထိုသူရို့၌ အပါအဝင်ဖြစ်ကြ၏။ **11** ထို့ကြောင့် ငါရို့၏ ဘုရားသခင်သည် သင်ရို့ကို ခေါ်ထားတော်မူခြင်းနှင့် ထိုက်တန်သောသူများ ဖြစ်စီခြင်းငှာလည်းကောင်း၊ သင်ရို့၏ ကောင်းမြတ်သောစိတ်ဆန္ဒနှင့် ယုံကြည်ခြင်းဖြင့် လုပ်ဆောင်မှုဟူသမျှ၌ မိမိ၏ တန်ခိုးတော်ဖြင့် ပြည့်ဝစီခြင်းငှာလည်းကောင်း ငါရို့သည် သင်ရို့အတွက် အစဉ်မပြတ် ဆုတောင်းလျက်ဟိကြ၏။ **12** ဤနည်းအားဖြင့် ငါရို့၏ အသျှင် ယေသျှု၏နာမတော်သည် သင်ရို့၌လည်းကောင်း၊ ငါရို့၏ ဘုရားသခင်နှင့် အသျှင်ယေသျှုခရစ်တော်၏ ကျေးဇူးတော်အားဖြင့် သင်ရို့သည်လည်း ကိုယ်တော်၌လည်းကောင်း ဘုန်းတော်ထင်ရှားစီခြင်းငှာ ငါရို့သည် ဆုတောင်းလျက်ဟိကြ၏။

2 ညီအစ်ကိုမောင်နှမရို့၊ ငါရို့၏အသျှင် ယေသျှုခရစ်တော် ကြွလာတော်မူခြင်းအကြောင်းနှင့်ပတ်သက်၍ လည်းကောင်း၊ ကိုယ်တော်နှင့်အတူဟိရန် ငါရို့စုရုံးရခြင်း အကြောင်းနှင့်ပတ်သက်၍ လည်းကောင်း၊ **2** ငါရို့၏ ပရောဖက်ပြုခြင်းအားဖြင့် ဖြစ်စီ။ တရားဟောခြင်းအားဖြင့် ဖြစ်စီ။ ငါရို့၏စာတွင် ရိုးထားခြင်းအားဖြင့်ဖြစ်စီ။ သခင်ဘုရား၏နိရုဏ် ရောက်လာပြီဟု ပြောဆိုခြင်းကို လျှပ်တစ်ပြတ် စိတ်ရှုပ်ထွေးကာ စိုးရိမ်တုန်လှုပ်ခြင်း မဟိကတ်ကောဟု သင်ရို့အား ငါတောင်းပန်၏။ **3** ဇာသူသည် ဇာနည်းနှင့်မျှ သင်ရို့ကို မလှည့်ဖြားစီကော။ အကြောင်းမူကား နောက်ဆုံးသော ပုန်ကန်မှုကြီးမဖြစ်ခင်နှင့် ပျက်စီးခြင်းခံရမည့် သူတည်းဟူသော မတရားသောသူ မပေါ်ထွန်းခင် ထိုနိရုဏ်သည် ရောက်လာလိမ့်မည် မဟုတ်။ **4** ထိုသူသည် ဘုရားဟု ခေါ်သော အရာ သို့မဟုတ် ဝတ်ပြုကိုးကွယ်သောအရာ မှန်သမျှကို ဆန့်ကျင်၍ ခပ်သိမ်းသောအရာထက်၌ မိမိကိုယ်ကို ချီးမြှောက်လိမ့်မည်။ သူသည် ဘုရားသခင်၏ ဗိမာန်တော်ထဲသို့ ဝင်၍ ထိုင်ကာ မိမိကိုယ်ကို ဘုရားဟု ကြေညာလိမ့်မည်။ **5** ငါသည် သင်ရို့နှင့်အတူ ဟိခစဉ်က ဤအကြောင်းအရာများကို

သင်ရဲ့အား ပြောပြသည့်ကို မမှတ်မိကြသလော။ 6 သင့်လျော်သောအချိန်၌ ထိုသူကို ဖော်ပြခြင်းငှာ ဟန့်တားထားသည်ကို သင်ရဲ့သည် အခု သိကြ၏။ 7 အကြောင်းမူကား လျှို့ဝှက်ထားသည့် ထိုမတရားသောအရာသည် လှုပ်ယှားလျက်ဟိ၏။ သို့သော်လည်း ထိုအမှုကို အခု ဟန့်တားထားသောသူသည် မိမိဖယ်ယှားခြင်းကို ခံရသည်အချိန် ရောက်သည့်တိုင်အောင် ဆီးတားနိုင်လိမ့်မည်။ 8 ထိုအခါ မတရားသောသူသည် ထင်ရှားလာလိမ့်မည်။ အသျှင်ယေသျှုသည် ထိုသူအား မိမိ၏ နှုတ်မှထွက်သော လီအားဖြင့် ကွက်မျက်ကာ၊ မိမိကြွလာတော်မူသော ဘုန်းရောင်ခြည်တော်ဖြင့် ဖျက်ဆီးတော်မူလိမ့်မည်။ 9 ထိုမတရားသောသူသည် စာတန်မာန်နတ်၏တန်ခိုးနှင့် ရောက်လာ၍ မုသာနှင့်ဆိုင်သော နိမိတ်လက္ခဏာနှင့် အံ့သြဖွယ်ရာအမျိုးမျိုးကို ပြလိမ့်မည်။ 10 ပျက်စီးခြင်းသို့ ရောက်မည့် သူရဲ့အား မတရားသောအမှုအမျိုးမျိုးဖြင့် လှည့်ဖြားလိမ့်မည်။ ထိုသူရဲ့သည် ကယ်တင်ခြင်းသို့ ရောက်အံ့သောငှာ သမ္မာတရားအားနှစ်သက်မှုကို ငြင်းဆန်ကြသောကြောင့် ပျက်စီးခြင်းသို့ ရောက်ရကြ၏။ 11 ထိုသို့အလိုငှာ ဘုရားသခင်က သူရဲ့သည် မုသာကို ယုံကြည်ကြစီရန် သူရဲ့ပါးသို့ လှည့်ဖြားတတ်သောတန်ခိုးကို စီရွတ်တော်မူ၏။ 12 ဤသည်ကား သမ္မာတရားကို မယုံကြည်ဘဲ အပြစ်တရားကို နှစ်သက်ကြသောသူရဲ့သည် စီရင်တော်မူခြင်းကို ခံရစီခြင်းငှာ ဖြစ်၏။ 13 သခင်ဘုရား ချစ်တော်မူသော ညီအစ်ကိုမောင်နှမရဲ့ ငါရဲ့သည် သင်ရဲ့အတွက် အစဉ်မပြတ် ဘုရားသခင်ကို ချီးမွမ်းကြရ၏။ အကြောင်းမူကား ဝိညာဉ်တော်၏ တန်ခိုးအားဖြင့် သန့်ယှင်းခြင်းကို ခံရ၍ သမ္မာတရား၌ ယုံကြည်ခြင်းအားဖြင့် ကယ်တင်ခြင်းရဟိရန်အတွက် ဘုရားသခင်သည် သင်ရဲ့အား ဦးစွာပထမ ရွီးကောက်တော်မူ၏။ 14 သင်ရဲ့သည် ငါရဲ့၏အသျှင် ယေသျှုခရစ်တော်၏ ဘုန်းတော်ကို ပိုင်ဆိုင်ကြစီရန် ဘုရားသခင်သည် ငါရဲ့ဟောပြောသည့် သတင်းကောင်းအားဖြင့် သင်ရဲ့ကို ခေါ်ထားတော်မူ၏။ 15 သို့ ဖြစ်၍ ညီအစ်ကိုမောင်နှမရဲ့ ငါရဲ့၏ဟောပြောခြင်းအားဖြင့် လည်းကောင်း၊ ငါရဲ့၏ ပီးစာအားဖြင့် လည်းကောင်း သင်ရဲ့အား သွန်သင်သည့် သမ္မာတရားများကို သင်ရဲ့သည် စွဲကိုင်၍ ခိုင်ခံ့စွာ ရပ်တည်ကြလော့။ 16 ငါရဲ့၏အသျှင် ယေသျှုခရစ် ကိုယ်တော်တိုင်နှင့် ငါရဲ့ကို ချစ်တော်မူ၍ ကောင်းမြတ်သည့် မျှော်လင့်ခြင်းနှင့် ထာဝရနှစ်သိမ့်ခြင်းကို မိမိ၏ကျေးဇူးတော်အားဖြင့် ပီးသနားတော်မူသော ငါရဲ့၏အဖ ဘုရားသခင်သည်၊ (aiōnios g166) 17 သင်ရဲ့၏စိတ်နှလုံးကို နှစ်သိမ့်မှုနှင့် ပြည့်ဝစီပြီးလျှင် ကောင်းသောစကားနှင့် ကောင်းသောအမှုအလုံးစုံ၌ သင်ရဲ့ကို အစဉ်မပြတ် ခိုင်ခံ့မြဲမြံတော်မူပါစီသတည်း။

3 နောက်ဆုံးအနေဖြင့် ဆိုရလျှင် ညီအစ်ကိုမောင်နှမရဲ့ သခင်ဘုရား၏ တရားတော်သည် သင်ရဲ့နှင့်အတူ ဟိသကဲ့သို့ လျင်မြန်စွာ ပျံ့နှံ့၍ ထိုတရားတော်မြတ်ကို ရိုသီးလေးမြတ်သောစိတ်ထားဖြင့် ခံယူကြစီခြင်းငှာ ငါရဲ့အတွက် ဆုတောင်းပီးကြလော့။ 2 ဘုရားသခင်သည် ငါရဲ့အား မတရားသောသူရဲ့နှင့် ဆိုးယုတ်သောသူရဲ့၏ အန္တရာယ်မှ ကယ်မတော်မူရန်ကိုလည်း ဆုတောင်းပီးကြလော့။ အကြောင်းမူကား တရားတော်ကို လူတိုင်း မယုံကြည်သောကြောင့် ဖြစ်၏။ 3 သို့ရာတွင် သခင်ဘုရားသည် သစ္စာနှင့်ပြည့်စုံတော်မူသည်နှင့်အညီ သင်ရဲ့အား ခိုင်ခန့်စီ၍ မကောင်းသောအမှုအရာမှ ကွယ်ကာတော်မူလိမ့်မည်။ 4 သင်ရဲ့သည် ငါရဲ့ မှာကြားသည့်အရာများကို ဆောင်ရွက်လျက်နိုင်ကြသည့် အပြင် ဆက်လက်၍လည်း ဆောင်ရွက်ကြလိမ့်မည်ဟု သခင်ဘုရားကို အမှီပြု၍ ငါရဲ့သည် သင်ရဲ့အား ယုံကြည်စိတ်ချလျက် ဟိကြ၏။ 5 သင်ရဲ့သည် ခရစ်တော်အားဖြင့် ပီးသနားတော်မူသော သည်းခံခြင်းနှင့် ဘုရားသခင်၏ ချစ်ခြင်းမေတ္တာတော်ကို သာ၍ နားလည်သဘောပေါက်စီခြင်းငှာ သခင်ဘုရား လမ်းပြတော်မူပါစီသောပ်။ 6 ညီအစ်ကိုမောင်နှမရဲ့ ငါရဲ့ပီးသော သွန်သင်ချက်များကို မလိုက်လျှောက်ဘဲ ပျင်းရိစွာ အသက်ရှင်နိုင်ကြသော ယုံကြည်သူအားလုံးကို ယောင်ယှားကြရန် ငါရဲ့အသျှင် ယေသျှုခရစ်တော်၏ နာမတော်၌ သင်ရဲ့ကို ငါရဲ့ မိန့်မှာလိုက်၏။ 7 သင်ရဲ့သည် ငါရဲ့ လုပ်ဆောင်သည့်အတိုင်း လုပ်ဆောင်သင့်သည်ကို သင်ရဲ့ကိုယ်တိုင် သိကြ၏။ သင်ရဲ့နှင့်အတူ ဟိစေ့က ငါရဲ့သည် ပျင်းရိစွာ မနီထိုင်ခကြ။ 8 ငါရဲ့သည် အဖိုးအခမပီးဘဲ ဇာသူ၏ အထောက်ပံ့ကိုမျှ အလကားမယူခကတ်။ သင်ရဲ့ တစ်ဦးတစ်ယောက်ကိုမျှ ငါရဲ့အတွက် ဝန်ထုပ်ဝန်ပိုး မဖြစ်စီရန်

ငါရဲ့သည် အလုပ်ကို ပင်ပန်းစွာ နို့ညမပြတ် လုပ်ကိုင်ခဲ၏။ 9 ငါရဲ့သည် ထိုသို့သော အကူအညီကို တောင်းပိုင်ခွင့် မဟိ၍ မဟုတ်။ သင်ရဲ့ လိုက်လျှောက်ကြရန် ပုံသက်သေကို လုပ်ပြခဲကြ၏။ 10 သင်ရဲ့နှင့်အတူ ဟိခစဉ်က ငါရဲ့သည် “အလုပ် မလုပ်ချင်သောသူအား အစာကိုလည်း မစားစီကတ်ကေ” ဟူ၍ သင်ရဲ့ကို သွန်သင်လေ့ဟိ၏။ 11 သင်ရဲ့အထံ၌ အပျင်းထူပြီး အလုပ်မလုပ်ဘဲ တခြားလူတိ ကိစ္စများတွင် ဝင်ရောက်စွက်ဖက်တတ်သောသူ တချို့ ဟိကြောင်းကို ငါရဲ့ ကြားသိခဲ၏။ 12 ထိုသို့သော လူတိအား ငြိမ်ဝပ်စွာဖြင့် နီထိုင်၍ မိမိရဲ့၏အသက်မွီးဝမ်းကျောင်းအတွက် မိမိရဲ့ကိုယ်တိုင် လုပ်ဆောင်ကြရန် အသျှင်ယေသျှ ခရစ်တော်၏ နာမတော်မြတ်၌ ငါရဲ့ တိုက်တွန်းလိုက်၏။ 13 သို့ရာတွင် ညီအစ်ကိုမောင်နှမရဲ့ သင်ရဲ့သည် စိတ်ပျက်အားလျော့ခြင်း မဟိဘဲ ကောင်းသောအလုပ်ကို လုပ်ဆောင်ကြလော့။ 14 အကယ်၍ တစ်စုံတစ်ယောက်သည် ငါရဲ့ ပို့လိုက်သည့် ဤစာ၌ ပါဟိသည့် မှာကြားချက်များကို မလိုက်နာသော် ထိုသူအား အရှက်ရစီခြင်းငှာ သင်ရဲ့သည် ထိုသူကို မှတ်ထား၍ အပေါင်းအဖော် မလုပ်ကတ်ကေ။ 15 သို့ရာတွင် ထိုသူအား ရန်သူကဲ့သို့ မမှတ်ဘဲ ညီအစ်ကိုကဲ့သို့ သတိပီးကြလော့။ 16 ငြိမ်သက်ခြင်း၏အသျှင် သခင်ဘုရား ကိုယ်တော်တိုင် မည်သည့်အခြေအနေ၌မဆို သင်ရဲ့အား ငြိမ်သက်ခြင်းကို အစဉ်မပြတ် ပီးသနားတော် မူပါစီသောဝ်။ သခင်ဘုရားသည် သင်ရဲ့အားလုံးနှင့်အတူ ဟိတော်မူပါစီသောဝ်။ 17 ဤနှုတ်ဆက်ခြင်းစာကို ငါ ပေါလုကိုယ်တိုင် လက်ဖြင့် ရီးလိုက်၏။ ဤသည်ကား ငါရီးသော စာတိုင်းတွင် အမှတ်လက္ခဏာဖြစ်၏။ ငါသည် ဤသို့ ရီးလေ့ဟိ၏။ 18 ငါရဲ့၏အသျှင် ယေသျှ ခရစ်တော်၏ ကျေးဇူးတော်သည် သင်ရဲ့အားလုံးနှင့်အတူ ဟိပါစီသောဝ်။

၁ တိမောသေ

1 ငါရဲ့၏ ကယ်တင်သျှင် ဘုရားသခင်နှင့် ငါရဲ့၏မျှော်လင့်ရာဖြစ်သော ခရစ်တော်ယေသုရှု၏ အမိန့်တော်အားဖြင့် ခန့်အပ်ခြင်းခံရသော ခရစ်တော်ယေသုရှု၏တမန်တော် တစ်ပါးဖြစ်သည့် ငါ ပေါလု ပါးမှ — **2** ယုံကြည်ခြင်းအားဖြင့် ငါ၏စစ်မှန်သော သားဖြစ်သူ တိမောသေထံပါးသို့ စာရီးလိုက်ပါ၏။ **3** ငါသည် မာကေဒေါနီပြည်သို့ လားစဉ်အခါက သင့်ကို ငါ တိုက်တွန်းသည့်အတိုင်း ဇဖက်မြို့၌ ကျန်နိန့်ခရစ် အလိုဟိ၏။ အကြောင်းမူကား လူတချို့သည် မှားယွင်းသော အယူဝါဒများကို ဟောပြောသွန်သင်နိန့်ကြသည်ဖြစ်၍ သင်သည် ထိုအရာများကို ရပ်တန့်ရန် ပြောကြားရမည်။ **4** ဤသို့သော ဒဏ္ဍာရီပုံပြင်များနှင့် ရှည်လျားသော ဆွဲစဉ်မျိုးဆက်များ အကြောင်း ပြောကြားခြင်းများကို ရပ်တန့်စီလော့။ ထိုအရာများသည် ယုံကြည်ခြင်းဖြင့်သာ သိနိုင်သော ဘုရားသခင်၏အမှုတော်ကို မဆောင်ရွက်နိုင်၊ အငြင်းပွားမှုကိုသာ ဖြစ်စေတတ်၏။ **5** ဤသို့ မိန့်မှာရခြင်း၏ ရည်ရွယ်ချက်သည်ကား သန့်ယွင်းသောနှလုံးသား၊ ကြည်လင်သောအသိစိတ်နှင့် စစ်မှန်သော ယုံကြည်ခြင်းမှ လာသော ချစ်ခြင်းမေတ္တာ တိုးပွားလာစီရန်ဖြစ်၏။ **6** လူတချို့သည် ထိုအရာများမှ လွဲလျော်၍ အကျိုးမဟီသောစကားကို ပြောဆိုခြင်းသို့ လှည့်လားကြပြီ။ **7** သူရို့သည် ဘုရားသခင်၏ကျမ်းတတ်ဆရာများ ဖြစ်ချင်ကြသော်လည်း မိမိရို့ပြောဆိုနိန့်ကြသော စကားများကိုဖြစ်စီ၊ မိမိရို့ အလွန်အမင်း ယုံကြည်စိတ်ချစွာ ပြောဆိုနိန့်ကြသည့် အကြောင်းအရာများကိုဖြစ်စီ သူရို့ကိုယ်တိုင်ပင် နားမလည်ကြပေ။ **8** ပညတ်တရားသည် သုံးသင့်သည့်အတိုင်း သုံးလျှင် ကောင်းမြတ်သည်ကို ငါရို့ သိကြ၏။ **9** ထိုပညတ်တရားများကို လူကောင်းတိအတွက် ပြဋ္ဌာန်းထားသည် မဟုတ်၊ ပညတ်တရားကို မစောင့်သောသူ၊ ပြစ်မှုကျူးလွန်သောသူ၊ ဘုရားကို မကြည်ညိုသောသူ၊ အပြစ်ကျူးလွန်သောသူ၊ တရားမဲ့သောသူများ၊ မိမိရို့၏အဖ သို့မဟုတ် အမိကို သတ်သောသူ၊ လူအသက်ကို သတ်သောသူ၊ **10** အကျင့်စာရိတ္တပျက်သောသူ၊ လိင်တူဆက်ဆံသောသူ၊ လူကုန်ကူးသောသူ၊ လိမ်လည်ပြောဆိုတတ်သောသူ၊ မမှန်သောသက်သီကို ခံတတ်သောသူနှင့် မှန်ကန်သောအယူဝါဒကို ဆန့်ကျင်သောသူရို့အတွက်သာလျှင် ပြဋ္ဌာန်းထားခြင်းဖြစ်ကြောင်း ငါရို့သိကြ၏။ **11** ဟောပြောရန် ငါ့ကို ပီးအပ်ထားသော သတင်းကောင်းတရား၌ ထိုသွန်သင်ချက်ကို တို့ရ၏။ ထိုသတင်းကောင်းတရားသည်ကား ဘုန်းတန်ခိုးတော် မင်္ဂလာအပေါင်းနှင့် ပြည့်စုံတော်မူသော ဘုရားသခင်ထံမှ လာခြင်းဖြစ်၏။ **12** ငါသည် ငါ၏လုပ်ဆောင်မှုအတွက် ငါ့ကို ခွန်အား ပီးတော်မူသော ငါရို့အသျှင် ခရစ်တော်ယေသုရှု၏ ကျေးဇူးတော်ကို ချီးမွမ်းပါ၏။ အကြောင်းမူကား ကိုယ်တော်သည် ငါ့ကို ထိုက်တန်သည်ဟု ထင်မှတ်တော်မူ၍ ကိုယ်တော်အဖို့ အမှုတော်ကို ဆောင်ရွက်ရန် ခန့်အပ်ထားသောကြောင့် ဖြစ်၏။ **13** ငါသည် အယင်က ကိုယ်တော်ကို ကဲ့ရဲ့ပြောဆိုခသူ၊ ညှဉ်းပန်းနှိပ်စက်ခသူ၊ စော်ကားခသူ တစ်ယောက် ဖြစ်သော်လည်း ကိုယ်တော်ကို မယုံကြည်သဖြင့် မိမိလုပ်နိန့်သည့် အလုပ်ကို မိမိကိုယ်တိုင် မသိသည်ဖြစ်၍ ထိုသို့ ပြုမူလျက်ပင် ဘုရားသခင်သည် ငါ့ကို သနားတော်မူ၏။ **14** ထို့အပြင် ငါရဲ့၏ သခင်ဘုရားသည် မိမိ၏ အတိုင်းမသိကြွယ်ဝတော်မူသော ကျေးဇူးတော်ကို ငါ၌ သွန်းလောင်းပီးတော်မူသည့်အပြင် ခရစ်တော်ယေသုရှု၌ဟိသော ယုံကြည်ခြင်းနှင့် ချစ်ခြင်းမေတ္တာကို ငါ့အား ပီးတော်မူ၏။ **15** ခရစ်တော်ယေသုရှုသည် အပြစ်သားရို့ကို ကယ်တင်ရန် ဤလောကထဲသို့ ကြွဆင်းလာတော်မူ၏ဟူသော စကားသည် မှန်သောစကားဖြစ်၍ လုံးဝ လက်ခံ ယုံကြည်ရမည့်စကားလည်း ဖြစ်၏။ ထိုအပြစ်သားများထဲတွင် ငါသည် အဆိုးဆုံးသောသူ တစ်ယောက်ဖြစ်၏။ **16** သို့ရာတွင် ဘုရားသခင်သည် ငါ့အား သနားကရုဏာထားတော်မူ၏။ အကြောင်းမူကား နောင်အခါ၌ ခရစ်တော်ယေသုရှုကို ယုံကြည်၍ ထာဝရအသက်ရကြမည့်သူ အားလုံးကို မိမိ၏ပြီးပြည့်စုံသော သည်းခံတော်မူခြင်းကို ဖော်ပြခြင်းငှာ အပြစ်သားထဲတွင် အဆိုးဆုံးဖြစ်သော ငါ့အား စံပြတစ်ယောက်အဖြစ်ဖြင့် ထိုသို့ သနားကရုဏာ ထားတော်မူခြင်းဖြစ်၏။

(aiōnios g166) **17** ထာဝရ သျှင်ဘုရင် ဖြစ်တော်မူသော၊ ထာဝရတည်တံ့တော်မူသော၊ လူတို့ မျက်စိဖြင့် မမြင်နိုင်သော၊

တစ်ဆူတည်းဟိတော်မူသော ဘုရားသခင်၌ ဂုဏ်အသရေနှင့် ဘုန်းတန်ခိုးတော်သည် ထာဝရ တည်ဟိတော်မူပါစီသောဝံ။ အာမင်။ (aiṭh g165) 18 ငါသား တိမောသေ၊ သင့်ကို အကြောင်းပြု၍ အယင်က ပရောဖက်တိ ဟောပြောသည့် စကားနှင့်အညီ ငါသည် ဤညွှန်ကြားချက်ကို သင့်အား ပီးအပ်လိုက်၏။ သင်သည် ကောင်းစွာ တိုက်ခိုက်ခြင်းအလို့ငှာ ထိုပရောဖက်ရို့ ဟောပြောသည့်စကားကို လက်နက်သဖွယ် အသုံးပြုလော့။ 19 သင်၏ယုံကြည်ခြင်းကိုလည်းကောင်း၊ ကြည်လင်သော အသိစိတ်ကိုလည်းကောင်း စွဲကိုင်ထားလော့။ လူတချို့သည် ကြည်လင်သော အသိစိတ်ကို ငြင်းပယ်၍ မိမိရို့၏ယုံကြည်ခြင်းကို ဖျက်ဆီးပစ်ကြလေ၏။ 20 ထိုသူရို့အထဲတွင် ဟုမေနနှင့် အာလေဇန္ဒြလည်း ပါ၏။ သူရို့သည် ဘုရားသခင်ကို ပြစ်မှားပြောဆိုခြင်း မပြုမည်အကြောင်း ဆုံးမခြင်းကို ခံရကြစီခြင်းငှာ ငါသည် ထိုသူရို့အား စာတန်မာရ်နတ်၏ လက်သို့ အပ်ပီးလိုက်၏။

2 သို့ဖြစ်၍ လူအပေါင်းရို့အတွက် ဘုရားသခင်အား အသနားခံခြင်း၊ ဆုတောင်းခြင်း၊ တောင်းပန်ခြင်းနှင့် ကျေးဇူးတော်ချီးမွမ်းခြင်းကို ပူဇော်ကြရန် ပထမဦးဆုံးအနေဖြင့် ငါ တိုက်တွန်းလိုက်၏။ 2 ငါရို့သည် သန့်ယှင်းခြင်း၊ ဘုရားဝတ်၌ မွိုလျော်ခြင်းအားဖြင့် အီးချမ်းသာယာစွာ နီထိုင်နိုင်ကြရန် သျှင်ဘုရင်ရို့နှင့် အာဏာပိုင်ရို့အားလုံးအတွက်လည်း ထိုသို့ ပြုကြလော့။ 3 ဤအမှုသည် ကောင်းမြတ်၍ ငါရို့၏ ကယ်တင်သျှင် ဘုရားသခင် နှစ်သက်တော်မူသောအမှုလည်း ဖြစ်၏။ 4 လူအပေါင်းရို့သည် သမ္မာတရားကို သိ၍ ကယ်တင်ခြင်းခံရစီခြင်းငှာ ဘုရားသခင် အလိုဟိတော်မူ၏။ 5 ဘုရားသခင် တစ်ဆူတည်း ဟိတော်မူ၏။ ဘုရားသခင်နှင့် လူတိကြားတွင် စုံစပ်ပီးသောသူတည်းဟူသော လူသားဖြစ်သော ခရစ်တော်ယေသျှု တစ်ပါးတည်းသာ ဟိတော်မူ၏။ 6 ကိုယ်တော်သည် လူတိုင်းကို ရှိုးနတ်တော်မူရန် မိမိကိုယ်ကို စွန့်ပီးတော်မူ၏။ ဤသည်ကား ကာလအချိန်ရောက်သောအခါ ဘုရားသခင်သည် လူတိုင်းကို ကယ်တင်ရန် အလိုဟိကြောင်း သက်သီပြတော်မူခြင်းပင် ဖြစ်၏။ 7 သို့ ဖြစ်၍ ယုံကြည်ခြင်းတရားနှင့် သမ္မာတရားကို ဟောပြောရန် တမန်တော် တစ်ယောက်အဖြစ်ဖြင့် လည်းကောင်း၊ တခြားလူမျိုးတို့ကို သွန်သင်သောဆရာ အဖြစ်ဖြင့် လည်းကောင်း ငါ့အား စီရွတ်ရသည့်အကြောင်း ဖြစ်၏။ ငါသည် မမှန်သောစကားကို ပြောနိုင်သည် မဟုတ်၊ မှန်သောစကားကိုသာ ပြောနိုင်ခြင်းဖြစ်၏။ 8 အသင်းတော် ဝတ်ပြုစည်းဝေးခြင်းတိုင်းတွင် ဘုရားသခင်၌ ဆက်ကပ်ထားသော ယောက်ျားရို့သည် အမျက်ဒေါသထွက်ခြင်း၊ ငြင်းခုံခြင်းကို မပြုဘဲ မိမိရို့၏သန့်ယှင်းသောလက်ကို မြှောက်၍ ဆုတောင်းပီးခြင်းငှာ ငါသည် အလိုဟိ၏။ 9 မိန်းမရို့သည် တင့်တယ်လျောက်ပတ်စွာ ဝတ်စားဆင်ယင်ခြင်း၊ ဣန္ဒြေစောင့်ခြင်း၊ ယဉ်ကျေးသိမ်မွေ့ခြင်းနှင့် ပြည့်စုံကြစီခြင်းငှာ ငါသည် အလိုဟိ၏။ သို့ရာတွင် ဆံပင်အလှပျင်ခြင်း၊ ရှို့၊ ပုလဲ သို့မဟုတ် အဖိုးတန်သည့် အဝတ်တန်ဆာများ ဝတ်ဆင်ခြင်းတို့ကို ပြုလုပ်ခြင်းငှာ မလိုအပ်ပေ။ 10 သို့ရာတွင် မိန်းမရို့သည် ဘုရားဝတ်၌ မွိုလျော်၍ ကောင်းမြတ်သောအကျင့်ဖြင့် မိမိကိုယ်ကို တန်ဆာဆင်အပ်၏။ 11 မိန်းမရို့သည် အရာရာ၌ နှိမ့်ချလျက် တိတ်ဆိတ်စွာ သင်ယူအပ်၏။ 12 ငါသည် သူရို့အား သွန်သင်မှုကိုလည်းကောင်း၊ ယောက်ျားတို့အား ဩဇာလွှမ်းမိုးမှုကိုလည်းကောင်း ခွင့်မပြု။ သူရို့သည် တိတ်ဆိတ်စွာ နီကြရမည်။ 13 အကြောင်းမူကား အာဒံကို ပထမဦးစွာ ဖန်ဆင်းပြီးမှ ဧဝ ကို ဖန်ဆင်းတော်မူ၏။ 14 ထို့အပြင် လှည့်စားခြင်းကို ခံရသူမှာလည်း အာဒံ မဟုတ်၊ လှည့်စားခြင်းကို ခံရ၍ ဘုရားသခင်၏ပညတ်တော်ကို ချိုးဖောက်သူမှာ မိန်းမသာလျှင် ဖြစ်၏။ 15 သို့ရာတွင် မိန်းမရို့သည် ဣန္ဒြေနှင့်တကွ ယုံကြည်ခြင်း၊ ချစ်ခြင်း၊ သန့်ယှင်းခြင်းပါရမီ၌ ကြိုးစားအားထုတ်လျှင် ထိုမိန်းမသည် သားသမီးများမွီးဖွားပီးခြင်းဖြင့် ကယ်တင်ခြင်းကို ခံရကြလိမ့်မည်။

3 သင်းအုပ် တစ်ယောက်ဖြစ်လိုသောသူသည် အလွန်ကောင်းမြတ်သည့် အလုပ်တစ်ခုကို လိုလားတောင့်တသောသူ တစ်ယောက်ဖြစ်၏ဟူသော စကားသည် မှန်သောစကား ဖြစ်၏။ 2 သင်းအုပ်သည် အပြစ်ကင်းသောသူ၊ မယားတစ်ယောက်သာ ဟိသောသူ၊ သမ္မာသတိ ဟိသောသူ၊ ဣန္ဒြေစောင့်သောသူ၊ လျောက်ပတ်စွာ

နီထိုင်ကျင့်ကြံသောသူ၊ ဧည့်ဝတ်ကျေပွန်သောသူ၊ သွန်သင်ဆုံးမ ဩဝါဒပီးတတ်သောသူ ဖြစ်ရမည်။ 3 သင်းအုပ်သည် သီရည်အရက်သောက်ကြူးသောသူ၊ ကြမ်းတမ်းသောသူ မဖြစ်စီရ၊ နူးညံ့သိမ်မွေ့ပြီး ငြိမ်းချမ်းရေးကို လိုလားသောသူ ဖြစ်ရမည်။ ဇွဲကို တပ်မက်သောသူ မဖြစ်ရ။ 4 သူသည် မိမိ၏မိသားစုကို ကောင်းစွာ စီမံအုပ်ထိန်းနိုင်ပြီး၊ မိမိသားသမီးတိက ရိုသီးလေးစား၍ နာခံကြသောသူ ဖြစ်ရမည်။ 5 အကြောင်းမူကား မိမိ၏မိသားစုကို စီမံအုပ်ထိန်းနိုင်စွမ်း မဟိသောသူသည် ဘုရားသခင်၏အသင်းတော်ကို ဇာပိုင် အုပ်ထိန်းနိုင်ပါဖို့လဲ။ 6 မိမိကိုယ်ကို အထင်ကြီး၍ ပြစ်ဒဏ်စီရင်ခြင်း ခံရသော မာရ်နတ်ကဲ့သို့ မဖြစ်စီခြင်းငှာ သင်းအုပ်သည် ယုံကြည်ခြင်း၌ ရင့်ကျက်သောသူ ဖြစ်ရမည်။ 7 ကဲ့ရဲ့ပြစ်တင်ခြင်း မခံရစီခြင်းငှာ လည်းကောင်း၊ မာရ်နတ်၏ကျော့ကွင်းထဲသို့ မကျရောက်စီခြင်းငှာ လည်းကောင်း သင်းအုပ်သည် အသင်းတော်ပြင်ပလူတို့ ရိုသီးလေးစားခြင်းကို ခံရသောသူဖြစ်ရမည်။ 8 သင်းထောက်လူကြီးရှိသည် စာရိတ္တကောင်းမွန်၍ ရိုးသားသောသူတို့ ဖြစ်ရမည်။ သူရှိသည် သီရည်သောက်ကြူးသောသူ၊ ဇွဲကို တပ်မက်သောသူရဲ့ မဖြစ်စီရ။ 9 သူရှိသည် ကြည်လင်သန့်ယှဉ်သော အသိစိတ်ဖြင့် ယုံကြည်မှုဆိုင်ရာ နက်နဲသော သမ္မာတရားများကို လက်ခံထားသောသူတို့ ဖြစ်ရမည်။ 10 သူရှိကို ဦးစွာ စစ်ဆေး၍ အပြစ်တင်ခွင့် မဟိမှသာလျှင် အမှုတော်ဆောင်ခွင့်ကို ပြုသင့်၏။ 11 သူရှိမယားတိသည်လည်း စာရိတ္တကောင်းသူ၊ ဣန္ဒြေဟိသူ၊ အရာရာ၌ ရိုးသားသူတို့ ဖြစ်ရမည်။ အခြင်းပြောသောသူတို့ မဖြစ်စီရ။ 12 သင်းထောက်လူကြီးသည် မယားတစ်ယောက်သာ ဟိရမည်။ သူသည် မိမိ၏ အိမ်သူအိမ်သားတို့ကို ကောင်းစွာ စီမံခန့်ခွဲနိုင်စွမ်းဟိသူ ဖြစ်ရမည်။ 13 မိမိရှိ၏ အလုပ်ကို ကောင်းစွာ ဆောင်ရွက်ကြသော သင်းထောက်လူကြီးတို့သည် ဂုဏ်သိက္ခာဟိကြပြီးလျှင် ခရစ်တော်ယေသု၌ မိမိရှိ၏ ယုံကြည်ခြင်း အကြောင်းကို ရဲရင့်စွာ ဟောပြောနိုင်စွမ်း ဟိသောသူများဖြစ်ရမည်။ 14 ဤစာကို ရိုးသားနီနီသောအချိန်၌ ငါသည် သင့်ပါးသို့ မကြာခင် လာတို့မည်ဟု မျှော်လင့်လျက်ဟိ၏။ 15 သို့သော်လည်း ငါလာရောက်ရန် နှောင့်နှေးကြန့်ကြာနီနီလျှင် အသက်ရှင်တော်မူသော ဘုရားသခင်၏အသင်းတော်ဖြစ်သော ဘုရားသခင်၏အိမ်ထောင်စု၌ မည်သို့ စီမံခန့်ခွဲသင့်သည်ကို သင်သည် ဤစာအားဖြင့် သိခွင့်ရလိမ့်မည်။ အသင်းတော်သည်ကား သမ္မာတရား၏ အုတ်မြစ်ဖြစ်သည့်အပြင် မဏ္ဍိုင်လည်း ဖြစ်၏။ 16 ငါရှိ၏ဘာသာတရားသည် ဇာလောက်ထိ နက်နဲသည်ကို ဇာသူမျှ မငြင်းနိုင်ပေ၊ ကိုယ်တော်သည် လူသား၏ ပုံသဏ္ဌာန်အားဖြင့် ပေါ်ထွန်းတော်မူသည်မှာ ဟုတ်မှန်တော်မူကြောင်းကို ဝိညာဉ်တော်အားဖြင့် ဖော်ပြတော်မူပြီ၊ ကောင်းကင်တမန်များသည် ကိုယ်တော်ကို မြင်ရကြပြီ၊ ကိုယ်တော်၏အကြောင်းကို လူမျိုးအပေါင်းရို့အား ဟောပြောကြပြီ၊ လောကီသားရို့သည်လည်း ယုံကြည်ကြပြီ၊ ကောင်းကင်ဘုံသို့ ဆောင်ယူခြင်းကို ခံတော်မူပြီ။

4 နောင်ကာလ၌ တချို့သောလူရို့သည် လိမ်လည်လှည့်ဖျားသော ဝိညာဉ်များနှင့် နတ်ဆိုးများ၏သွန်သင်မှုများ နောက်သို့ လိုက်ပါလျက် မိမိရှိ၏ယုံကြည်ခြင်းကို စွန့်ကြလိမ့်မည်ဟု ဝိညာဉ်တော်က အတိအလင်း မိန့်တော်မူ၏။
2 ဤသို့သော သွန်သင်မှုများကို သူတော်ကောင်းယောင်ဆောင်လျက်ဟိသော လူလိမ်တိအားဖြင့် ပြန့်နှံ့စီကြ၏။ ထိုသူရှိသည်ကား သံပူခတ်ခြင်း ခံထားရသကဲ့သို့ ခွဲခြားသိမြင်တတ်သော အသိစိတ် ကင်းမဲ့လျက် ဟိကြ၏။ **3** ထိုသို့သောသူရို့က အိမ်ထောင်ပြုခြင်းနှင့် အချို့သော အစားအစာများကို စားသုံးခြင်းသည် မှားယွင်းသည်ဟု သွန်သင်ကြ၏။ သို့ရာတွင် ယုံကြည်၍ သမ္မာတရားကို သိသောသူတို့သည် ကျေးဇူးတော်ကို ချီးမွမ်းခြင်းဖြင့် ဤအစာများကို စားသောက်ကြရန် ဘုရားသခင် ဖန်ဆင်းထားတော်မူ၏။ **4** ဘုရားသခင် ဖန်ဆင်းထားသောအရာအားလုံးသည် ကောင်းမြတ်သည်ဖြစ်၍ ကျေးဇူးတော်ချီးမွမ်းခြင်းဖြင့် ခံယူကြလျှင် ငြင်းပယ်စရာဟူ၍ တစ်ခုမျှ မဟိ။ **5** အကြောင်းမူကား ဘုရားသခင်၏နှုတ်ကပတ်တော်အားဖြင့် လည်းကောင်း၊ ဆုတောင်းခြင်းအားဖြင့် လည်းကောင်း ထိုအရာများသည် သန့်ယှဉ်စင်ကြယ်လျက် ဟိသောကြောင့်ဖြစ်၏။ **6** သင်သည် မိမိလိုက်နာသည့် ယုံကြည်ခြင်းတရားတော်နှင့် မှန်ကန်သည့် ဩဝါဒကို သင်ကိုယ်တိုင် စိတ်နှလုံးသွင်း၍ ကျင့်သုံးသကဲ့သို့ ဤညွှန်ကြားချက်များကို ယုံကြည်သူရို့အား

ပီးအပ်မည်ဆိုပါက သင်သည် ခရစ်တော်ယေသုရှု၏ အစီခံကောင်းတစ်ယောက် ဖြစ်လိမ့်မည်။ 7 တန်ဖိုးမဟီ၊ ဘုရားမဲ့ တရားမဲ့ အနှစ်သာရကင်းမဲ့သော ဒဏ္ဍာရီပြောဆိုခြင်းကို ယောင်ကြည်လော့။ ဘုရားဝတ်၌ မွီးလျော်တတ်ရန် မိမိကိုယ်ကို လေ့ကျင့်ပီးလော့။ 8 ကာယနှင့်ဆိုင်သော လေ့ကျင့်မှုသည် အကျိုးကျေးဇူးအချို့ကို ပီးတတ်၏။ သို့ရာတွင် ဘုရားဝတ်၌ မွီးလျော်ခြင်းငှာ လေ့ကျင့်မှုသည်ကား အဂုဏ်၊ နောင်ဘဝအတွက် ကတိတော်ကို ရထားသည်ဖြစ်၍ အရာရာ၌ အကျိုးကျေးဇူးကို ပီးတတ်၏။ 9 ဤစကားသည် မှန်သောစကားဖြစ်၍ အကြွင်းမဲ့ လက်ခံယုံကြည်ရမည့် စကားလည်း ဖြစ်၏။ 10 ငါရှိသည် ကြိုးစားအားထုတ်၍ ရုန်းကန်ကြရ၏။ အကြောင်းမူကား လူသားအားလုံး၏ကယ်တင်သျှင်၊ အထူးသဖြင့် ယုံကြည်သောသူရို၏ကယ်တင်သျှင် ဖြစ်တော်မူသည့် အသက်ရှင်တော်မူသော ဘုရားသခင်၌ မျှော်လင့်ထားသောကြောင့် ဖြစ်၏။ 11 ဤညွှန်ကြားချက်များနှင့် ဩဝါဒများကို သူရိုအား သွန်သင်ပီးလော့။ 12 သင်သည် အသက်ငယ်ရွယ်သူ ဖြစ်သော်လည်း မည်သူမျှ သင့်ကို အထင်မသေးစီကော့။ သင်၏ ပြောဆိုခြင်းသည်လည်းကောင်း၊ အပြုအမူသည် လည်းကောင်း၊ ချစ်ခြင်းမေတ္တာသည် လည်းကောင်း၊ ယုံကြည်ခြင်းသည် လည်းကောင်း၊ စိတ်နှလုံးစင်ကြယ်ခြင်းသည် လည်းကောင်း၊ ယုံကြည်သူရိုအတွက် စံနမူနာ ဖြစ်စီလော့။ 13 ငါ ရောက်လာသည့်တိုင်အောင် လူအပေါင်းရို၏ရှိ၌ ကျမ်းစာဖတ်ခြင်း၊ တရားဟောခြင်း၊ သွန်သင်ဆုံးမခြင်းများကို အားထုတ်၍ ဆောင်ရွက်လော့။ 14 ပရောဖက်များ ဟောကြားသောအခါ၌ လည်းကောင်း၊ အသင်းတော်လူကြီးရိုက လက်ကိုတင်၍ ဆုတောင်းပီးသောအခါ၌ လည်းကောင်း၊ သင်ခံယူထားသော ဝိညာဉ်ဆုကျေးဇူးကို လျစ်လျူမရှုကော့။ 15 လူအပေါင်းရိုက သင်၏တိုးတက်မှုကို တို့မြင်ကြစီရန် မိမိကိုယ်ကို ထိုအရာများ၌ ဆက်ကပ်အပ်နှံ၍ ဤတာဝန်များကို လုံ့လစိုက်လော့။ 16 မိမိကိုယ်ကိုလည်းကောင်း၊ မိမိ၏ဆုံးမဩဝါဒကိုလည်းကောင်း သတိပြုလော့။ ထိုသို့ပြုလျှင် သင်သည် မိမိကိုလည်းကောင်း၊ မိမိ၏တရားကို ကြားနာကြသော သူအပေါင်းရိုကိုလည်းကောင်း ကယ်တင်လိမ့်မည်။

5 အသက်ကြီးသူ တစ်ယောက်ကို အပြစ်တင်ဆုံးမခြင်း မပြုကော့၊ သင်၏ဖခင်ကဲ့သို့ တောင်းပန်ပြောဆိုလော့။ ငယ်ရွယ်သောသူရိုကို သင်၏ညီတိကဲ့သို့ လည်းကောင်း၊ 2 အသက်ကြီးသောမိန်းမတိကို သင်၏ မိခင်ကဲ့သို့ လည်းကောင်း၊ ငယ်ရွယ်သော မိန်းမတိကို သန့်ယှင်းစင်ကြယ်သောစိတ်နှင့် သင်၏ညီမချေရို့ ကဲ့သို့လည်းကောင်း ပြုမူပြောဆိုလော့။ 3 သင်သည် ကူညီမည့်သူမဟီသော မုဆိုးမအမှန်ဖြစ်သူရိုကို ကူညီမစကြလော့။ 4 သို့ရာတွင် မုဆိုးမတစ်ယောက်၌ သားသမီး သို့မဟုတ် မြီးဟီလျှင် မိမိရို၏ဘာသာရေးဆိုင်ရာ တာဝန်ဝတ္တရားများကို မိမိရို၏မိသားစု၌ ဆောင်ရွက်ပီးစီခြင်းငှာလည်းကောင်း၊ မိမိရိုငယ်စဉ်က ပြုစုစသော မိဖုနှင့် အဖိုး အဘောင်တိကို ကျေးဇူးဆပ်ခြင်းဆိုင်ရာများကိုလည်းကောင်း ထိုသူရိုအား ဦးစွာ သင်ပီးရမည်။ ဤကား ဘုရားသခင် နှစ်သက်တော်မူရာဖြစ်၏။ 5 ပြုစုမည့်သူမဟီသဖြင့် လုံးချင်းတည်း နီထိုင်ရသော မုဆိုးမ တစ်ယောက်သည် ဘုရားသခင်၌ မျှော်လင့်လျက် နီညမပြတ် ဆုတောင်းပတ္တနာပြု၍ ကိုယ်တော်၏ကူညီမစခြင်းကို တောင်းခံလျက်ဟီ၏။ 6 သို့ရာတွင် အပျော်အပါးတပ်မက်သော မုဆိုးမသည်ကား အသက်ရှင်လျက်ဟီသော်လည်း အသီဖြစ်၏။ 7 မုဆိုးမတိ၌ အပြစ်တင်ခွင့် မဟီကြစီခြင်းငှာ ဤညွှန်ကြားချက်တိကို သူရိုအား ပီးလော့။ 8 သို့ရာတွင် မိမိ၏ဆွီမျိုးသားချင်းများ၊ အထူးသဖြင့် မိမိ၏မိသားစုဝင်များကို မပြုစ၊ မထောက်ပံ့သောသူသည် ယုံကြည်ခြင်းတရားကို ငြင်းပယ်သောသူ ဖြစ်၍ မယုံကြည်သောသူ တစ်ယောက်ထက်ပင် သာ၍ ဆိုးရွား၏။ 9 ဇာပိုင် မုဆိုးမပင်ဖြစ်စီ အသက်ခြောက်ဆယ် မကျော်လျှင် မုဆိုးမ စာရင်းတွင် မသွင်းရ။ သူမသည် တစ်ကြိမ်တည်းသာ ထိမ်းမြားလက်ထပ်ဖူးသူ ဖြစ်ရမည်။ 10 ထို့အပြင် ကောင်းသောအမှုကို ဆောင်ရွက်ခြင်းအားဖြင့် ကျော်ကြားသောသူတစ်ယောက် ဖြစ်ရမည်။ မိမိ၏သားသမီးများကို ကောင်းမွန်စွာ ပြုစုစောင့်ရှောက်ခသောသူ၊ အာဂန္တုဝတ်ကို ကျေပွန်သောသူ၊ ယုံကြည်သူညီအစ်ကိုမောင်နှမ များ၌ နှိမ့်ချစွာ အစီခံပီးခဖူးသောသူ၊ ဒုက္ခရောက်သောသူတိကို ကူညီမစသောသူ၊ ကောင်းသောအမှုကို ပြုခြင်းငှာ မိမိကိုယ်ကို

ဆက်ကပ်အပ်နှံထားသောသူ ဖြစ်ရမည်။ 11 သို့ရာတွင် အသက်အရွယ်ငယ်သောသူရို့ကို မုဆိုးမစာရင်း မသွင်းကော။ အကြောင်းမူကား သူရို့သည် အိမ်ထောင်ပြုလိုသည့်ဆန္ဒ ပြင်းပြလာလျှင် ခရစ်တော်ကို ပစ်ပယ်တတ်ကြ၏။ 12 သို့ဖြစ်၍ သူရို့သည် မိမိရို့ ပထမ ပီးထားသော ကတိသစ္စာကို ဖောက်ဖျက်သောကြောင့် အပြစ်စီရင်ခြင်းကို ခံရတတ်၏။ 13 ထို့အပြင် သူရို့သည် အပျင်းထူလေ့ဟိကြပြီး တစ်အိမ်မှ တစ်အိမ်သို့ လားလာတတ်ကြ၏။ အပျင်းထူရုံမက မပြောအပ်သော စကားများကို ပြောဆိုလျက် သူတစ်ပါးကိုစွဉ် ဝင်ရောက်စွက်ဖက်တတ်ကြ၏။ 14 သို့ဖြစ်၍ ရန်သူတို့သည် ငါရို့ကို အပြစ်ပြောခွင့် မဟိစီခြင်းငှာ အသက်အရွယ်ငယ်သော မုဆိုးမရို့သည် အိမ်ထောင်ပြု၍ သားသမီး မွီးဖွားကာ မိမိရို့၏အိမ်မှကိစ္စများကို စောင့်ထိန်းနိုင်ကြရန် ငါ လိုလား၏။ 15 အကြောင်းမူကား အချို့သော မုဆိုးမရို့သည် လမ်းလွဲလျက် စာတန်နောက်သို့ လိုက်ပါနိုင်ကြသောကြောင့်ဖြစ်၏။ 16 သို့ရာတွင် ယုံကြည်သူမိန်းမတစ်ယောက်သည် မိမိ၏မိသားစု၌ မုဆိုးမတိ ဟိနိုင်လျှင် အသင်းတော်၌ ဝန်ထုပ်ဝန်ပိုး မဖြစ်စီခြင်းငှာ ထိုမိန်းမသည် ၎င်းမုဆိုးမတို့ကို ပြုစုစောင့်ရှောက်ရမည်။ သို့မှသာလျှင် အသင်းတော်သည် အကူအညီအမှန်လိုအပ်သော မုဆိုးမတို့ကို ပြုစုစောင့်ရှောက်နိုင်လိမ့်မည်။ 17 အသင်းတော်ကိစ္စများကို ကောင်းမွန်စွာ စီမံဆောင်ရွက်သော အသင်းတော်အကြီးအကဲရို့သည် နှစ်ဆသောဂုဏ်ပြုခြင်းကို ခံထိုက်၏။ အထူးသဖြင့် တရားဟောခြင်း၊ ဆုံးမသွန်သင်ခြင်း၌ ကြိုးစား၍ လုပ်ဆောင်သောသူများသည် ယင်းသို့ ခံစားထိုက်ပေ၏။ 18 အကြောင်းမူကား “တလင်းနယ်သော နွားကို နှာရုပ် မတပ်ရ။” “အလုပ်လုပ်သော သူရို့သည်လည်း မိမိရို့၏လုပ်ခကို ခံထိုက်၏” ဟူ၍ ကျမ်းစာက မိန့်မှားထား၏။ 19 သက်သီခံ နှစ်ဦး သို့မဟုတ် သုံးဦးမဟိလျှင် အသင်းတော်အကြီးအကဲအား ပြစ်တင်စွပ်စွဲချက်ကို လက်မခံကော။ 20 တခြားသောသူရို့ ကြောက်ရွံ့ခြင်းဟိကြစီရန် အပြစ်ကျူးလွန်သူအားလုံးကို လူအပေါင်းရို့ ရှိမှ ဆုံးမကြလော့။ 21 သင် ပြုသမျှ၌ ဇာသူကိုမျှ ဘက်လိုက်ခြင်း၊ မျက်နှာသာပီးခြင်း မဟိဘဲ ဤညွှန်ကြားချက်တို့ကို လိုက်နာဆောင်ရွက်ရန် ဘုရားသခင်နှင့် ခရစ်တော်ယေသုရို့ ရှိတော်၌ လည်းကောင်း၊ သန့်ယှဉ်သော ကောင်းကင်တမန်တို့ ရှိ၌ လည်းကောင်း၊ ငါသည် သင့်အား အလေးအနက် တိုက်တွန်းလိုက်၏။ 22 သခင်ဘုရား၏အမှုတော်ဆောင်အဖြစ် လက်တင်ဆုတောင်းပီးခြင်းအမှု၌ အလျင်စလို မလုပ်ကော။ တခြားသူတို့ အပြစ်မှာ ဝင်မပါကော။ မိမိကိုယ်ကို သန့်ယှဉ်စင်ကြယ်ခြင်းဟိလော့။ 23 သင်သည် မကြာခဏ မကျန်းမမာ ဖြစ်တတ်သည်ဖြစ်၍ ရီကိုချည်း မသောက်ဘဲ အစာကြီဖို့ရန်အတွက် စပျစ်ရည် အနည်းငယ်ကို သုံးဆောင်လော့။ 24 တချို့သောသူရို့၏ ဒုစရိုက်အပြစ်များသည် သိသာထင်ရှားလျက် သူရို့ထက်ဦးစွာ အပြစ်စီရင်ခြင်းသို့ ရောက်တတ်ကြ၏။ တချို့သောသူရို့၏ ဒုစရိုက် အပြစ်များသည်ကား သူရို့၏ နောက်သို့ လိုက်ပါတတ်၏။ 25 ထိုနည်းတူစွာ တချို့သော သုစရိုက်များသည် ထင်ရှားလျက်ဟိ၏။ မထင်ရှားသိမ့်သော အရာများကိုလည်း အစဉ်အမြဲ ဖုံးကွယ်၍ မထားနိုင်။

6 ကျွန်ုပ်တို့သောသူရို့သည် မိမိရို့၏သခင်ကို ရိုသီလေးစားထိုက်သူတို့ ဟူ၍ သိမှတ်ကြရမည်။ သို့မှသာလျှင် ငါရို့၏ဩဝါဒတရားကိုလည်းကောင်း၊ ဘုရားသခင်၏နာမတော်ကိုလည်းကောင်း ကဲ့ရဲ့ပြောဆိုသောသူ ဟိကြမည် မဟုတ်ပေ။ 2 သခင်ရို့သည် ယုံကြည်သူတို့ဖြစ်လျှင် ညီအစ်ကို မောင်နှမတို့သာ ဖြစ်သည်ဟူ၍ မထီလေးစား မလုပ်ကတ်ကော။ မိမိရို့၏လုပ်ဆောင်ခြင်းမှ အကျိုးကျေးဇူး ခံစားကြရသောသူရို့သည် မိမိရို့ချစ်သော ယုံကြည်သူတို့ဖြစ်ကြသောကြောင့် ကောင်းသည်ထက်ကောင်းအောင် အစီခံအပ်၏။ သင်သည် ဤအရာများကို သွန်သင်၍ တိုက်တွန်းနှိုးဆော်လော့။ 3 ကွဲပြားသော ဩဝါဒကို သွန်သင်၍ ငါရို့အသျှင် ယေသုရို့ခရစ်တော်၏ညွှန်ကြားချက်နှင့် ဘုရားဝတ်၌ မွို့လျော်ခြင်းဆိုင်ရာ သွန်သင်ချက်ကို ငြင်းပယ်သောသူသည်ကား၊ 4 မာနနှင့် ယဇ်မူးကာ အသိဉာဏ်မဟိသောသူ ဖြစ်၏။ ထိုသူသည် စကားအားဖြင့် ငြင်းခုံ၍ ရန်တို့တတ်သော စိတ်မမှန်သောသူဖြစ်၏။ ထိုသို့အကျိုးကား မနာလိုခြင်း၊ ပဋိပက္ခဖြစ်ပွားခြင်း၊ ဆဲဆိုခြင်း၊ ဆိုးရွားသောသံသယပွားခြင်း၊ 5 စိတ်နှလုံး ယိုယွင်းပျက်စီး၍ သမ္မာတရားကင်းမဲ့ကာ ငြင်းခုံခြင်းသက်သက်ကိုသာ ဖြစ်ပွားစိတတ်၏။ သူရို့က

ဘုရားတရားရှိသီခြင်းသည် ငွီရပေါက်နည်းလမ်းတစ်ခုဟု ထင်မှတ်ကြ၏။ 6 သို့ရာတွင် ရောင့်ရဲသောစိတ်ဖြင့် ဘုရားဝတ်၌ မွို့လျော်ခြင်းသည် ကြီးစွာသောအကျိုးကို ဖြစ်စေတတ်၏။ 7 အကြောင်းမူကား ငါရို့သည် လောကထဲသို့ မည်သည့်အရာကိုမျှ ယူဆောင်၍ မလာကတ်။ ထိုနည်းတူ လောကထဲမှ မည်သည့်အရာကိုမျှလည်း ယူဆောင်၍ မလာနိုင်။ 8 သို့ဖြစ်၍ ငါရို့မှာ အဝတ် အစား ဟိလျှပ်ပင် ထိုအရာများနှင့် ရောင့်ရဲသင့်ပေ၏။ 9 သို့ရာတွင် ချမ်းသာလိုသောသူရို့သည် အပြစ်သွီးဆောင်ခြင်းသို့ လည်းကောင်း၊ ထောင်ချောက်ထဲသို့ လည်းကောင်း၊ လူတို့ကို ပျက်စီးဆုံးယှုံးစီတတ်သော မိုက်မဲ၍ အန္တရယ်ဟိသည့် တပ်မက်မှုအမျိုးမျိုးထဲသို့ လည်းကောင်း ကျရောက်တတ်၏။ 10 ထို့ကြောင့် ငွီကို တတ်မက်ခြင်းသည် ဒုစရိုက်အမျိုးမျိုး၏ အရင်းအမြစ်ဖြစ်၏။ တချို့လူရို့သည် ငွီရလိုစိတ် အားကြီးမှုကြောင့် ယုံကြည်ခြင်းတရားမှ လွဲလျော်၍ ပူနံခြင်းဝေဒနာများသည် ထိုသူရို့၏စိတ်နှလုံးကို ထုတ်ချင်းပေါက်အောင် ထိုးကြလေ၏။ 11 သို့သော်လည်း ဘုရားသခင်၏လူဖြစ်သော သင်သည် ဤအရာအားလုံးကို ယှောင်ယှားလော့။ ဖြောင့်မတ်ခြင်း၊ ဘုရားဝတ်၌ မွို့လျော်ခြင်း၊ ယုံကြည်ခြင်း၊ ချစ်ခြင်း၊ သည်းခံခြင်း၊ နူးညံ့သိမ်မွေ့ခြင်းနှင့် ပြည့်စုံစီခြင်းငှာ ကြိုးစားအားထုတ်လော့။ 12 ယုံကြည်ခြင်းနှင့်ဆိုင်သော အပြီးပြိုင်ပွဲ၌ အစွမ်းကုန် ဗြီး၍ မိမိကိုယ်တိုင်အဖို့အလိုငှာ ထာဝရအသက်တည်းဟူသော အောင်ဆုကို ရယူလော့။ အကြောင်းမူကား သင်သည် များစွာသောသက်သီရို့ရို့မှာ မိမိ၏ယုံကြည်ချက်ကို အခိုင်အမာ ဝန်ခံသည့်အတိုင်း ဤထာဝရအသက်ကို ရမည်အကြောင်း သင့်ကို ဘုရားသခင် ခေါ်ထားတော်မူခြင်းဖြစ်၏။ (aiōnios g166) 13 အရာခပ်သိမ်းအား အသက်ကို ပီးတော်မူသော ဘုရားသခင် ရှိ၌ လည်းကောင်း၊ ပုစ္ဆိပိလတ်မင်း ရှိ၌ မိမိ၏ယုံကြည်ချက်ကို အခိုင်အမာ ဝန်ခံသော ခရစ်တော်ယေသု၊ ရှိ၌ လည်းကောင်း ငါသည် သင့်အား မိန့်မှာလိုက်၏။ 14 သင်သည် ငါရို့အသျှင် ယေသု၊ ခရစ်တော် ကြွလာသည့် နို့ရက်တိုင်အောင် ဤမိန့်မှာချက်များကို လိုက်နာ၍ သစ္စာဟိစ္စာ စောင့်ထိန်းလော့။ 15 မင်္ဂလာအပေါင်းနှင့် ပြည့်စုံတော်မူသော၊ အရာခပ်သိမ်းကို အုပ်စိုးတော်မူထသော၊ ဘုရင်တကာရို့၏ဘုရင်၊ အသျှင်တကာရို့၏အသျှင်ဖြစ်တော်မူထသော ဘုရားသခင်သည် ကာလအချိန် ရောက်သောအခါ ကိုယ်တော်ကို ထင်ရှားစွာ ပေါ်ထွန်းစီတော်မူလိမ့်မည်။ 16 ကိုယ်တော်သည် ထာဝရတည်ဟိတော်မူသောအသျှင် ဖြစ်တော်မူ၏။ ကိုယ်တော်သည် မည်သူတစ်ဦးတစ်ယောက်မျှ မချဉ်းကပ်နိုင်သော အလင်းထဲ၌ စိုးစံတော်မူ၏။ ကိုယ်တော်ကို မည်သူမျှ မမြင်ဖူးကြ၊ မည်သူမျှ မမြင်နိုင်ကြ။ ထာဝရတန်ခိုးတော်နှင့် ဂုဏ်အသရေတော်သည် ကိုယ်တော်၌ တည်လျက် ဟိတော်မူ၏။ အာမင်။ (aiōnios g166) 17 ဤမျက်မှောက်ကာလ၌ လောကီစည်းစိမ် ချမ်းသာကြွယ်ဝသောသူရို့ကို မာန မထောင်လွှားရန် သတိပီးလော့။ စည်းစိမ်ချမ်းသာတည်းဟူသော မတည်မြဲသောအရာ၌ မိမိရို့၏မျှော်လင့်ခြင်းကို မအပ်နှံဘဲ၊ ငါရို့စားဖို့အတွက် အရာခပ်သိမ်းကို ကြွယ်ဝစွာ ပီးတော်မူသော ဘုရားသခင်ကိုသာ မျှော်လင့်ကြရန် သတိပီးလော့။ (aiōn g165) 18 ကောင်းသောအမှုကို ပြု၍ ကောင်းသောအကျင့်များနှင့် ပြည့်စုံစီခြင်းငှာ လည်းကောင်း၊ စွန့်ကြဲလိုသော စေတနာစိတ် ဟိကြစီခြင်းငှာလည်းကောင်း သင့်အား ငါ မိန့်မှာလိုက်၏။ 19 ဤနည်းအားဖြင့် သူရို့သည် အနာဂတ်အတွက် ခိုင်ခံ့သော အခြေခံအုတ်မြစ်တည်းဟူသော ဘဏ္ဍာကို မိမိရို့အဖို့ စုဆောင်းထားနိုင်ကြလိမ့်မည်။ ထို့အပြင် သူရို့သည် စစ်မှန်သော အသက်ကိုလည်း ရနိုင်ကြလိမ့်မည်။ 20 တိမောသေ၊ သင့်အား ပီးအပ်ထားသော အရာများကို စောင့်ထိန်းလော့။ ဘုရားတရားမဲ့ အကျိုးမဟိသောစကား ပြောဆိုခြင်းကိုလည်းကောင်း၊ အသိပညာဟု မှားယွင်းစွာ ခေါ်ဆိုကြသည့် ဆန့်ကျင်ဖက် အတွေးအခေါ် အယူအဆများကိုလည်းကောင်း ယှောင်ယှားလော့။ 21 အကြောင်းမူကား လူတချို့သည် အသိပညာနောက်သို့ လိုက်ပါ၍ ယုံကြည်ခြင်းလမ်းမှ လွဲလားကြ၏။ ဘုရားသခင်၏ ကျေးဇူးတော်သည် သင်ရို့အားလုံး၌ ဟိပါစီသောဝ်။

၂ တိမောသေ

၁ ခရစ်တော်ယေသုရှ် တည်သော အသက်တာနှင့်ပတ်သက်၍ ကတိတော်ဟိသည့်အတိုင်း ဘုရားသခင်၏အလိုတော်အားဖြင့် ခရစ်တော်ယေသု၏ တမန်တော်ဖြစ်သော ငါ ပေါလုပါးမှ — **၂** ငါ၏ချစ်သား တိမောသေပါးသို့ စာရီးလိုက်ပါ၏။ **၃** ငါ၏အဖိုး အဖိုးရိုးပြုခသည့်နည်းတူ ငါသည် စင်ကြယ်သောစိတ်နှင့် အမှုတော်မြတ်ကို ဆောင်ရွက်လျက် ဘုရားသခင်အား ကျေးဇူးတော်ကို ချီးမွမ်းပါ၏။ ငါသည် နို့ညမပြတ် ဆုတောင်းရာ၌ သင့်ကို အမြဲတမ်း အောက်မွဲသတိရလျက် ကိုယ်တော့်အား ကျေးဇူးတော်ကို ချီးမွမ်းလျက်ဟိ၏။ **၄** သင်၏မျက်ရည်ကို အောက်မွဲသတိရလျက်ဟိသော ငါအား ဝမ်းမြောက်ရွှင်လန်း စီခြင်းငှာ သင့်ကို အလွန် တို့ချင်ပါ၏။ **၅** သင်၏အဘောင်မ လောကူနှင့် သင်၏အမိ ဥန်တရို့၌ဟိသော ယုံကြည်ခြင်းကဲ့သို့ သင်၌ဟိသော အပြစ်ကင်းသည့် ယုံကြည်ခြင်းကို ငါသည် သတိရအောက်မွဲလျက်ဟိပါ၏။ သင်၌လည်း ထိုယုံကြည်ခြင်းဟိသည်ကို ငါစိတ်ချပါ၏။ **၆** သို့ ဖြစ်၍ ငါသည် သင်၌ လက်တင်ဆုတောင်းပီးသောအခါ သင့်အား ဘုရားသခင်ပီးသော ဆုကျေးဇူးကို ဆက်လက် ရှင်သန်စီခြင်းငှာ သင့်အား သတိပီးလိုက်ခြင်းဖြစ်၏။ **၇** အကြောင်းမူကား ဘုရားသခင် ပီးတော်မူသော ဝိညာဉ်တော်သည် ငါရိုးအား ကြောက်တတ်သောစိတ်ကို ဖြစ်စီတော်မမူ။ ကိုယ်တော်၏ဝိညာဉ်တော်သည် တန်ခိုးနှင့် လည်းကောင်း၊ ချစ်ခြင်းမေတ္တာနှင့် လည်းကောင်း၊ မိမိကိုယ်ကို မိမိချုပ်တည်းနိုင်စီရန် လည်းကောင်း ငါရိုးကို ပြည့်စုံစီတော်မူ၏။ **၈** ထို့ကြောင့် ငါရိုး၏သခင်ဘုရားအကြောင်း သက်သိခံခြင်းကို ရှက်ကြောက်ခြင်း မဟိကေ။ ကိုယ်တော်၏အကျိုးအလို့ငှာ ထောင်ကျခံရသော်လည်း ငါသည် မရှက်။ ဘုရားသခင်၏တန်ခိုးကို ရထားသည်ဖြစ်၍ သတင်းကောင်းတရားအတွက် ငါနှင့်အတူ ဆင်းရဲဒုက္ခ ခံလော့။ **၉** ကိုယ်တော်သည် ငါရိုးကို ကယ်တင်တော်မူ၍ မိမိ၏လူစုထဲသို့ ခေါ်သွင်းတော်မူ၏။ ငါရိုး၏လုပ်ဆောင်ခြင်းကြောင့်မဟုတ်၊ ကိုယ်တော်၏ရည်ရွယ်ချက်နှင့် ကျေးဇူးတော်ကြောင့်ဖြစ်၏။ ကိုယ်တော်သည် ရှိကာလ မတည်မှီကပင် ဤကျေးဇူးတော်ကို ခရစ်တော်ယေသုအားဖြင့် ငါရိုးအား ပီးထားတော်၏။ (aiōnios g166) **၁၀** သို့သော်လည်း ငါရိုး၏ကယ်တင်သျှင် ခရစ်တော်ယေသု ကြွလာတော်မူခြင်းအားဖြင့် ထိုကျေးဇူးတော်ကို ငါရိုးအား အဂုဏ်ချိန်၌ ဖော်ပြတော်မူပြီ။ ကိုယ်တော်သည် သီခြင်းတရားကို အဆုံးသတ်လိုက်ပြီးနောက် သီခြင်းတရားကင်းသော အသက်တာကို သတင်းကောင်းတရားအားဖြင့် ဖော်ပြတော်မူပြီ။ **၁၁** ဘုရားသခင်သည် သတင်းကောင်းတရားကို ဟောပြောရန် တမန်တော်တစ်ယောက်အဖြစ် လည်းကောင်း၊ ဆရာတစ်ယောက်အဖြစ်လည်းကောင်း၊ ငါ့အား ခန့်ထားတော်မူ၏။ **၁၂** သို့ ဖြစ်၍ ထိုအမှုကို ပြုသောကြောင့် ငါသည် ဤဒုက္ခများကို ခံစားနိုင်ရ၏။ သို့သော်လည်း ငါယုံကြည်ကိုးစားသော အသျှင်ကို ငါသိသောကြောင့် ငါ၌ ယုံကြည်မှု အပြည့်ဟိ၏။ ထို့နောက် ကိုယ်တော်သည် ငါ့ကို အပ်နှံသည့် နို့ရက်တိုင်အောင် လုံခြုံစွာ ကွယ်ကာထားနိုင်စွမ်းဟိသည်ကို ငါသည် လုံးဝ ယုံကြည်စိတ်ချလျက်ဟိ၏။ **၁၃** ခရစ်တော်ယေသုရှ်ဟိသော ယုံကြည်ခြင်းနှင့် ချစ်ခြင်းမေတ္တာရို့ဖြင့် ငါ့ပါးက ကြားရသမျှသော စစ်မှန်သည့် ဩဝါဒကို စံနမူနာအဖြစ် ဆုပ်ကိုင်ထားလော့။ **၁၄** ငါရိုးအထဲမှာ ဟိသော သန့်ယှင်းသောဝိညာဉ်တော် တန်ခိုးအားဖြင့် သင့်အား ပီးအပ်ထားသည့် ကောင်းမြတ်သောအရာတို့ကို ထိန်းသိမ်းစောင့်ရှောက်လော့။ **၁၅** သင်သိသည့်အတိုင်း ဖုဂေလုနှင့် ဟေရမောဂင်ရို့ အပါအဝင် အာယုန်ယှ်၌ ဟိသောလူတို့သည် ငါ့အား စွန့်ခွဲလားကြလေပြီ။ **၁၆** ဘုရားသခင်၏ကရုဏာတော်သည် ဩနေသိဖော်၏မိသားစု၌ သက်ရောက်ပါစီသော်။ အကြောင်းမူကား သူသည် ငါ့အား ကြိမ်ဖန်များစွာ စိတ်သက်သာရစီ၏။ ငါသည် အကျဉ်းကျခံနိုင်ရသော်လည်း သူသည် မရှက်မကြောက်ဘဲ။ **၁၇** ရောမမြို့သို့ ရောက်လျှင်ရောက်ချင်း ငါ့ကို မတို့မချင်း လိုက်ရှာ၏။ **၁၈** ထိုနို့ရက်၌ သခင်ဘုရား၏ကရုဏာတော်ကို ခံစားရပါစီသော်။ ထို့နောက် သူသည် ဇဖက်မြို့၌ ငါ့ကို နည်းမျိုးစုံဖြင့် အလုပ်အကျွေးပြုခသည်ကို သင်သည် ကောင်းစွာသိ၏။

၂ ငါးသား သင်သည် ခရစ်တော်ယေသုရှ် ဟိသော ကျေးဇူးတော်ဖြင့် ခိုင်ခံ့စွာ ရပ်တည်လော့။ **၂** ထို့ပြင် များစွာသော အသိသက်သိတိရှိမှာ ငါ ပြောကြားသော ဩဝါဒများကို မှတ်သားပြီးလျှင် သစ္စာနှင့်ပြည့်စုံ၍ အခြားသူတို့ကို သင်ပြနိုင်သောသူရိအား ပီးအပ်လော့။ **၃** ယေသုရှ်ခရစ်၏ သစ္စာဟိသော စစ်သူရဲကောင်းတစ်ယောက် အဖြစ်ဖြင့် ဆင်းရဲဒုက္ခထဲ၌ ငါနှင့်အတူ ကြံ့ကြံ့ခံလော့။ **၄** စစ်သားတစ်ယောက်သည် အရပ်သားကိစ္စများ၌ ဝင်မပါဘဲ၊ မိမိတပ်မှူး၏စိတ်ကို ကြေနှပ်စီခြင်းငှာသာ ကြိုးစားလုပ်ဆောင်တတ်၏။ **၅** ထို့အတူ ပြိုင်ပွဲဝင် အားကစားသမားတစ်ယောက်သည် ပြိုင်ပွဲစည်းကမ်းချက်များကို မလိုက်နာလျှင် အောင်မြင်ခြင်းဆုသရဖူကို မရနိုင်။ **၆** ကြိုးစား၍ လုပ်ဆောင်သော လယ်သမားသည် အဦးဆုံး သီးနှံဝေစုကို ခံယူအပ်၏။ **၇** ငါပြောသမျှသော အကြောင်းအရာများကို စဉ်းစား ဆင်ခြင်လော့။ အကြောင်းမူကား သခင်ဘုရားသည် ထိုအရာအားလုံး၌ နားလည်နိုင်သောဉာဏ်ပညာကို သင့်အား ပီးတော်မူလိမ့်မည်။ **၈** ဒါဝိဒ်အမျိုးမှ ဆင်းသက်လာသူတစ်ယောက်ဖြစ်သည့် သီခြင်းမှ ထမြောက်လာသော ယေသုရှ်ခရစ်တော်ကို အောက်မီလော့။ ဤကား ငါ၏ သတင်းကောင်းတရားဖြစ်၏။ **၉** ငါသည် သတင်းကောင်းတရားတော်ကို ဟောပြောသောကြောင့် ရာဇဝတ်သား တစ်ယောက်ကဲ့သို့ သံကြိုးနှင့် ချိုင့်နှောင်ခြင်းကို ခံရသည်ထိ ဒုက္ခခံရ၏။ သို့ရာတွင် ဘုရားသခင်၏ နှုတ်ကပတ်တော်သည်ကား ချိုင့်နှောင်ခြင်းကို မခံရ။ **၁၀** ထို့အပြင် ငါသည် ဘုရားသခင်ရှိုးချယ်ထားသော သူရိုအကျိုးငှာ အရာရာ၌ သည်းခံရ၏။ အကြောင်းမူကား သူရိုသည် ထာဝရဘုန်းတန်ခိုးတော်နှင့် ပြည့်စုံသည့် ယေသုရှ်ခရစ်တော်၌ဟိသော ကယ်တင်ခြင်းကို ရကြစီခြင်းငှာ ဖြစ်၏။ (aiōnios g166) **၁၁** မှန်သောစကားဟူမူကား၊ “ငါရှိသည် ကိုယ်တော်နှင့်အတူ သီလျှင် ကိုယ်တော်နှင့်အတူ အသက်ရှင်ကြလိမ့်မည်။ **၁၂** ငါရှိသည် သည်းခံကြလျှင် ကိုယ်တော်နှင့်အတူ အုပ်စိုးကြလိမ့်မည်။ ငါရှိသည် ကိုယ်တော်ကို ငြင်းပယ်လျှင် ကိုယ်တော်သည်လည်း ငါရှိကို ငြင်းပယ်လိမ့်မည်။ **၁၃** ငါရှိသည် မယုံကြည်သော်လည်း ကိုယ်တော်သည် သစ္စာဟိတော်မူ၏။ အကြောင်းမူကား ကိုယ်တော်သည် မိမိကိုယ်ကို ငြင်းပယ်တော်မမူ။” **၁၄** ဤအကြောင်းအရာများကို ဘုရားသခင်၏လူတိအား သိကြားစီလော့။ ထို့နောက် ဘုရားသခင်ရှိမောက်၌ စကားအားဖြင့် မငြင်းခုံကြရန် သူရိုအား လေးနက်စွာ သတိပီးလော့။ ထိုသို့ပြုမူခြင်းသည် ကောင်းကျိုးမဟိသည့်အပြင် နားထောင်သောသူရိုကိုလည်း ပျက်စီးတတ်လေ၏။ **၁၅** သင်မူကား ရှက်ကြောက်စရာမဟိဘဲ သမ္မာတရားနှင့်ဆိုင်သော နှုတ်ကပတ်တော်ကို မှန်ကန်စွာ သွန်သင်တတ်သောသူ၊ ဘုရားသခင်နှစ်သက်တော်မူသောသူ တစ်ယောက်အဖြစ်ဖြင့် မိမိကိုယ်ကို ဆက်ကပ်အပ်နှံခြင်းငှာ အစွမ်းကုန် ကြိုးစား အားထုတ်လော့။ **၁၆** မထီမဲ့မြင်ပြုလျက် အကျိုးမဟိသော ဆွေးနွေးပြောဆိုခြင်းကို ယောင်ယှားလော့။ ထိုသို့ ပြောဆိုခြင်းများသည် လူတို့ကို ဘုရားသခင်နှင့် သာ၍ ဝီးကွာစီတတ်၏။ **၁၇** သူရို၏သွန်သင်ချက်သည် အသားကို ပုပ်ပျက်ဆွီးမြေတတ်သော မြစ်ပွားနာနှင့် တူ၏။ ဟုမေနဲ့နှင့် ဖိလက် သည် ဤကဲ့သို့ သွန်သင်တတ်ကြသော သူနှစ်ယောက်ဖြစ်ကြ၏။ **၁၈** သူရိုသည် သမ္မာတရားမှ လမ်းလွဲလျက် သီလွန်သောသူရိုသည် ရှင်ပြန်တမြောက်ကြလေပြီဟု ဆိုကာ တချို့သောယုံကြည်သူရို၏ ယုံကြည်ခြင်းကို ဖျက်ဆီးခိုန်ကြ၏။ **၁၉** သို့သော်လည်း ဘုရားသခင် တည်ဆောက်ထားသော အုတ်မြစ်သည် ခိုင်ခန့်စွာ ရပ်တည်လျက်ဟိ၏။ ထိုအုတ်မြစ်ထက်တွင် “သခင်ဘုရားသည် မိမိ၏ လူတို့ကို သိတော်မူ၏” ဟူ၍ လည်းကောင်း၊ “ဘုရားသခင်၏နာမတော်ကို ဝန်ခံသောသူတိုင်းသည် မတရားသောအမှုကို ယောင်ရမည်” ဟူ၍လည်းကောင်း ကမ္မည်းစာ ရီးထား၏။ **၂၀** အိမ်ကြီးတစ်ဆောင်၌ ရွှံ့၊ ငွီဖြင့် ပြုလုပ်ထားသော ပစ္စည်းများသာ ဟိသည် မဟုတ်၊ သစ်သားဖြင့်လည်းကောင်း၊ မြီးဖြင့်လည်းကောင်း ပြုလုပ်ထားသော ပစ္စည်းများလည်း ဟိကြ၏။ တချို့မှာ အထူးရည်ရွယ်ချက်အတွက် ဖြစ်၏။ တချို့မှာ သာမန်အတွက် ဖြစ်ကြ၏။ **၂၁** မိမိကိုယ်ကို သန့်ယှင်းစင်ကြယ်လျက် မိမိသခင်အဖို့ ကောင်းသောအမှု၌ အသုံးတော်ခံခြင်းငှာ ဆက်ကပ်ထားသောသူရိုသည် အထူးရည်ရွယ်ချက်အတွက် လုပ်ထားသောပစ္စည်းများ ဖြစ်ကြလိမ့်မည်။ **၂၂** လူပျိုရို၏ ကိလေသာတပ်မက်ခြင်း ကို ယောင်ကြဉ်လော့။ စင်ကြယ်သောစိတ်နှင့် သခင်ဘုရား၌ ဆုတောင်း ပတ္တနာပြုသောသူများနှင့်အတူ ဖြောင့်မတ်ခြင်း။

သစ္စာဟိခြင်း၊ ချစ်ခြင်း၊ ငြိမ်သက်ခြင်း ဟိစီခြင်းငှာ ကြိုးစားအားထုတ်လော့။ 23 သို့ရာတွင် မိုက်မဲ၍ အသိဉာဏ်ကင်းမဲ့သော အငြင်းပွားမှုတို့ကို ယောင်ယွားလော့။ အကြောင်းမူကား ထိုအရာများသည် ခိုက်ရန်ဖြစ်ပွားခြင်းကို ဖြစ်စေတတ်သည်ကို သင်သိပေ၏။ 24 ထို့အပြင် သခင်ဘုရား၏ အစီခံဟူသည် ရန်မဖြစ်ရ။ လူတိုင်းကို သနားကြင်နာတတ်ပြီး စိတ်ရှည်၍ သွန်သင်ဆုံးမနိုင်စွမ်းဟိရမည်။ 25 ဆန့်ကျင်ဖက်ပြုသော သူရှိသည် နောင်တရပြီး သမ္မာတရားကို သိလာရန် ဘုရားသခင် အခွင့်ပီးတော်မူလိမ့်မည်ဟု မျှော်လင့်လျက် သူရှိကို နူးညံ့သိမ်မွေ့စွာ သွန်သင်တတ်သူ ဖြစ်ရမည်။ 26 ထိုအခါ မာရ်နတ်သည် မိမိ၏အလိုအတိုင်းပြုမှုရန် သူရှိအား ဖမ်းဆီးထားသော်လည်း သူရှိသည် ထိုထောင်ချောက်မှ လွတ်မြောက်ပြီး အမြင်မှန် ရလာကြလိမ့်မည်။

3 နောက်ဆုံးသော နိရုဏ်များသည် ခဲယဉ်းသော ကာလများဖြစ်လာမည် ကို သိမှတ်လော့။ 2 တစ်ကိုယ်ကောင်းဆန်သူ၊ ဇွဲကို တပ်မက်သောသူ၊ ကြွားဝါသောသူ၊ မာနထောင်လွှားသောသူ၊ ကျိန်ဆဲတတ်သောသူ၊ မိဖုရားစကားကို နားမထောင်သောသူ၊ ကျေးဇူးမသိတတ်သောသူ၊ မသန့်ယဉ်းသောသူ၊ 3 မေတ္တာတရားကင်းမဲ့သောသူ၊ ခွင့်မလွှတ်တတ်သောသူ၊ အခြင်းပြောတတ်သောသူ၊ ကိုယ့်ကုန်၍ကို မချုပ်တည်းနိုင်သောသူ၊ အကြမ်းဖက်သောသူ၊ ကောင်းမြတ်သည့်အရာကို မုန်းသောသူ၊ 4 သစ္စာဖောက်သောသူ၊ ဆင်ခြင်တုံတရားကင်းမဲ့သောသူ၊ မိမိကိုယ်ကို အထင်ကြီးသောသူများနှင့် ဘုရားဝတ်၌ မွို့ပျော်ခြင်းထက် လောကီပျော်မွို့ခြင်းကို သာ၍ နှစ်သက်သောသူတို့ ပေါ်လာကြလိမ့်မည်။ 5 ထိုသူရှိသည် ဘုရားဝတ်၌ မွို့လျော်ယောင် ဆောင်ကြသော်လည်း ဘုရားသျှင်၏တန်ခိုးတော်ကို ငြင်းပယ်ကြ၏။ ထိုကဲ့သို့သော သူတို့ကို ယောင်ယွားလော့။ 6 ထိုသူရှိသည် အိမ်များထဲသို့ ဝင်ရောက်ကာ၊ ဒုစရိုက်အပြစ်ဝန်ကို ထမ်း၍ အမျိုးမျိုးသော လောကီတပ်မက်မှုနောက်သို့ လိုက်ပါလျက်၊ ယုံလွယ်သော မိန်းမရို့ကို သိမ်းသွင်းကြ၏။ 7 ထိုမိန်းမရို့သည် အစဉ်မလတ် သင်ယူကြသော်လည်း သမ္မာတရားကို သိကျွမ်းခြင်းသို့ မရောက်နိုင်ကြပေ။ 8 ယနေ့နှင့် ယံဗြေရို့သည် မောသျှေကို ဆန့်ကျင်ခကြသည့်နည်းတူ ဤသူရှိသည်လည်း သမ္မာတရားကို ဆန့်ကျင်လျက်ဟိကြ၏။ သူရှိ၏စိတ်နှလုံးသည် ပျက်စီးယိုယွင်းလျက် ဟိသောကြောင့် ယုံကြည်ခြင်းတရားကို ငြင်းပယ်ကြ၏။ 9 သို့သော်လည်း သူရှိသည် ကြာရှည်စွာ ရပ်တည်နိုင်ကြလိမ့်မည် မဟုတ်ပေ။ အကြောင်းမူကား သူရှိ၏မိုက်မဲခြင်းများကို လူတိုင်း မြင်လာကြလိမ့်မည်။ 10 သို့သော်လည်း သင်သည် ငါ၏ဩဝါဒတရား၊ ငါ၏အပြုအမူ၊ ငါ၏ရည်ရွယ်ချက်ကို သိနားလည်ပြီးဖြစ်၏။ သင်သည် ငါ၏ယုံကြည်ချက်၊ ငါ၏စိတ်ရှည်ခြင်း၊ ငါ၏မေတ္တာတရား၊ ငါ၏သည်းခံခြင်း၊ 11 ငါခံရသည့် ညှဉ်းပန်းနှိပ်စက်ခြင်းနှင့် ဒုက္ခဆင်းရဲခြင်းများကို လေ့လာသိမှတ်ထားပြီးဖြစ်ပေ၏။ အန္တိအုတ်မြို့၊ ကုကောနိမြို့နှင့် လုတ္တိရမြို့များတွင် ငါ၌ ဖြစ်ခဲ့သမျှအားလုံးကို သင်သိပေ၏။ ထို့အပြင် လုတ္တရမြို့၌ ငါ ကြံကြံခံသည့် ကြောက်မက်ဖွယ်ရာ ညှဉ်းပန်းနှိပ်စက်ခြင်းကိုလည်း သင်သိပေ၏။ ဤသို့ ခံရသော်လည်း သခင်ဘုရားသည် ထိုဒုက္ခအားလုံးမှ ငါ့ကို ကယ်နှုတ်တော်မူခဲ့၏။ 12 အမှန်စင်စစ် ခရစ်တော်ယေသျှု၌ တည်လျက် ဘုရားဝတ်၌ မွို့လျော်ခြင်းအသက်တာကို လိုလားတောင့်တသော သူတိုင်းသည် ညှဉ်းပန်းနှိပ်စက်ခြင်းကို ခံရလိမ့်မည်။ 13 ဆိုးယုတ်သောသူနှင့် အယောင်ဆောင်လှည့်စားတတ်သော သူရှိသည် ဆိုးသည်ထက် ဆိုးလာကြလိမ့်မည်၊ သူရှိသည် သူတစ်ပါးကို လှည့်စားကြသည့်အပြင် မိမိကိုယ်တိုင်လည်း လှည့်စားခြင်းကို ခံရကြလိမ့်မည်။ 14 သို့ရာတွင် သင်သည်ကား မိမိ သင်ယူထားသော သမ္မာတရား၌ မြဲမြံ၍ ခိုင်မာသော ယုံကြည်ခြင်း ဟိလော့။ အကြောင်းမူကား သင်သည် ဇာသူပါးက သင်ယူခဲ့သည်ကို သင် သိ၏။ 15 ထို့အပြင် သင်သည် ခရစ်တော်ယေသျှု၌ ယုံကြည်ခြင်းအားဖြင့် ကယ်တင်ခြင်းနှင့်ဆိုင်သော အသိဉာဏ်ကို ပီးနိုင်သည့် သန့်ယဉ်းသော ကျမ်းစာတော်မြတ်ကို ငယ်ရွယ်စဉ်ကတည်းကပင် သိထားပြီးဖြစ်သည်ကို သိမှတ်လော့။ 16 ကျမ်းစာတော်မြတ် အားလုံးသည် ဘုရားသခင် မှတ်သွင်းထားတော်မူသည်ဖြစ်၍ ထိုကျမ်းစာတော်မြတ်သည် သမ္မာတရားကို သွန်သင်ခြင်း၊ အပြစ်ကို ဖော်ပြ၍ ဆုံးမခြင်း၊ အမှားကို ပြုပြင်ခြင်း၊ မှန်သောအသက်လမ်းကို ညွှန်ပြပေးခြင်း၌ အသုံးဝင်တော်မူ၏။ 17

ထို့ကြောင့် ကျမ်းစာတော်မြတ်သည် ဘုရားသခင်၏အစီခံတစ်ယောက်၌ ကောင်းသောအမှု အမျိုးမျိုးကို ဆောင်ရွက်နိုင်ရန် အရည်အချင်းများနှင့် ပြည့်ဝ စီတော်မူ၏။

4 ကိုယ်တော်သည် ပေါ်ထွန်း၍ နိုင်ငံတော်ထင်ရှားသောကာလ၊ သီလွန်သောသူနှင့် အသက်ရှင်သောသူရှိကို တရားစီရင်မည့် ခရစ်တော်ယေသုရှိ၏။ ရှိတော်၌ လည်းကောင်း၊ ဘုရားသခင်၏ ရှိတော်၌ လည်းကောင်း သင့်အား အလေးအနက် တိုက်တွန်းလိုက်သည်မှာ၊ **2** အခွင့်အခါ ကောင်းသည်ဖြစ်စီ၊ မကောင်းသည်ဖြစ်စီ နှုတ်ကပတ်တရားတော်ကို ဟောပြောခြင်း၊ နှိုးဆော်တိုက်တွန်းခြင်းကို ပြုလော့၊ စည်ရုံးသိမ်းသွင်းခြင်း၊ အပြစ်ကို ဖော်ပြ၍ သွန်သင်ခြင်း၊ တိုက်တွန်းခြင်း၊ စိတ်ရှည်စွာဖြင့် ဩဝါဒ ပီးခြင်းကို ပြုလော့။ **3** လူရှိသည် မှန်ကန်သည့် ဩဝါဒတရားများကို နားမထောင်ဘဲ၊ မိမိရှိ၏အလိုဆန္ဒနှင့်အညီ၊ မိမိရှိနားထောင်လိုသော စကားများကို ပြောကြားပီးမည့် ဆရာသမားရှိကို လိုက်ရှာမည့် အချိန်ကာလသည် ရောက်လာလိမ့်မည်။ **4** သူရှိသည် သမ္မာတရားကို ကြားနာခြင်းငှာ ငြင်းပယ်၍ ဒဏ္ဍာရီစကားများကိုသာ အာရုံစိုက် နားထောင်ကြလိမ့်မည်။ **5** သို့ရာတွင် သင်သည် အရာရာ၌ သမ္မာသတိဟိလော့။ ဆင်းရဲဒုက္ခ၌ သည်းခံလော့။ သတင်းကောင်းတရား ဟောပြောခြင်း အမှုကို ဆောင်ရွက်လော့။ ဘုရားသခင်၏ အစီခံတစ်ယောက်အဖြစ်ဖြင့် မိမိ၏တာဝန်အားလုံးကို ဆောင်ရွက်လော့။ **6** ငါအတွက်မူကား၊ မိမိအသက်ကို ပူဇော်ဆက်ကပ်ရမည့် အချိန်တည်းဟူသော ဤဘဝမှ စွန့်ခွာရမည့် အချိန်သည် ရောက်လာလေပြီ။ **7** ငါသည် အပြီးပြိုင်ပွဲ၌ အစွမ်းကုန် ကြိုးစားပြီး အဆုံးတိုင်အောင် ငြီးငြိမ်းယာ၊ ငါသည် ယုံကြည်ခြင်းတရားကို စောင့်ထိန်းခယာ။ **8** သို့ ဖြစ်၍ အဂုဏ်ချိန်၌ ဘုရားသခင်၏ ဖြောင့်မတ်ခြင်းတရားနှင့် စပ်ဆိုင်သော ဆုသရဖူသည် ငါအတွက် အဆင်သင့် ဟိန်နီ၏။ ဖြောင့်မတ်သော တရားသူကြီးဖြစ်တော်မူသော သခင်ဘုရားသည် ထိုဆုသရဖူကို ထိုမှီ၌ ငါ့အား ပီးတော်မူလိမ့်မည်။ ငါ့ကိုသာမက ကိုယ်တော်ကြွလာခြင်းကို လိုလားတောင့်တန်သူအားလုံးကိုလည်း ပီးအပ်တော်မူလိမ့်မည်။ **9** သင်သည် ငါ့ပါးသို့ အလျှင်အမြန် ရောက်လာရန် အစွမ်းကုန် ကြိုးစားလော့။ **10** ဒေမသည် လောကကို ချစ်သောကြောင့် ငါ့ကို စွန့်ခွဲ၍ သက်သာလောနိတိမြို့သို့ ထွက်ခွာလားခယာ။ ကရုဏေသည် ဂလာတိပြည်သို့ လည်းကောင်း၊ တိတုသည် ဒါလမာတိပြည်သို့ လည်းကောင်း ထွက်လားခကတ်ယာ။ (aiōn g165) **11** လုကာ လုံးချင်းတည်းသာ ငါနှင့် အတူဟိ၏။ မာကုကို ရှာပြီး သင်နှင့်အတူ ခေါ်လာခ။ အကြောင်းမူကား သူသည် ငါ၏ အမှုတော်မြတ်၌ ကူညီနိုင်သူ ဖြစ်၏။ **12** ငါသည် တုခိတ်ကို ဖောက်မြို့သို့ ပို့လိုက်ပြီ။ **13** သင်လာသောအခါ တရောမြို့၌ ကာပုပီးတွင် ထားခသော ငါ၏ဝတ်ရုံကို ယူလာခ။ စာအုပ်တိကိုပါ ယူလာခ။ အထူးသဖြင့် သားရီ စာစောင်တိကို ယူလာခ။ **14** ကြီးထည်သွန်းလုပ်သူ အာလေစန္ဒြသည် ငါ့ကို အလွန် ဒုက္ခပီးခ၏။ သူလုပ်ခသည့်အတိုင်း သခင်ဘုရားသည် သူအား ပြန်၍ ပီးဆပ်လိမ့်မည်။ **15** သင်ကိုယ်တိုင် သူ့ကို သတိပြုလော့၊ အကြောင်းမူကား သူသည် ငါရို၏တရားတော်ကို ပြင်းထန်စွာ ဆန့်ကျင်သောသူ ဖြစ်၏။ **16** ပထမအကြိမ် ငါ့အမှုအတွက် ငါ ကိုယ်တိုင် ချေပပြောဆိုရာ၌ ငါဖက်က ရပ်တည်သူ တစ်ယောက်လေ မဟိခ။ လူတိအားလုံး ငါ့ကို စွန့်ခွဲလာကတ်ယာ။ ဘုရားသခင်သည် သူရိုအား ထိုအမှုကို မှတ်တော်မမူပါစီကေ။ **17** သို့သော်လည်း တခြားလူမျိုးတိ အားလုံး သတင်းကောင်းတရားကို ကြားနာခြင်းအတွက် ထိုတရားကို အကုန်အစင်ဟောပြော စီခြင်းငှာ သခင်ဘုရားသည် ငါ့ဖက်၌ ဟိတော်မူ၍ ငါ့အား အစွမ်းသတ္တိကို ပီးတော်မူ၏။ ထိုမျှမက သီမင်း၏ခံတွင်းထဲက ငါ့ကို ကယ်တင်တော်မူ၏။ **18** တဖန် သခင်ဘုရားသည် ဘေးအန္တရာယ်အပေါင်းမှ ငါ့ကို ရွှီးနှုတ်ပြီး မိမိ၏ ကောင်းကင်နိုင်ငံတော်ထဲသို့ ဖီးကင်းစွာ ပို့ဆောင်တော်မူလိမ့်မည်။ ဘုန်းတန်ခိုးတော်သည် ကိုယ်တော်၌ ထာဝရတည်ပါစီသောဝံ။ အာမင်။ (aiōn g165) **19** ပြစ်ကံလ၊ အာကုလ နှင့်တကွ ဩဇာသိဖော်၏ အိမ်သူအိမ်သားရှိကိုလည်း ငါ နှုတ်ဆက်လိုက်ပါ၏။ **20** ဧရုဏ္ဏသည် ကောရိန္ဒမြို့၌ ကျန်ခ၏။ တရောဖိမ်သည် ဖျားနိန်သောကြောင့် သူ့ကို မိလက်မြို့၌ ထားခ၏။ **21** သင်သည် ဆောင်းရာသီ မတိုင်ခင် အတတ်နိုင်ဆုံး ကြိုးစား၍ အရောက်လာလော့။ ဥဗုလု၊ ပုဒေ၊ လိနု၊ ကလောဒီ နှင့်တကွ အခြားသော

ညီအစ်ကို မောင်နှမအားလုံးကလည်း သင့်ကို နှုတ်ဆက်လိုက်ကြ၏။ 22 သခင်ဘုရားသည် သင်၏စိတ်ဝိညာဉ်နှင့်အတူ တည်ပါစီသော်။ ဘုရားသခင်၏ကျေးဇူးတော်သည် သင်ရဲ့အားလုံး၌ တည်ပါစီသော်။

တိတု

1 ယေသုခရစ်၏ တမန်တော်တစ်ယောက် ဖြစ်သည့်အပြင် ဘုရားသခင်၏ အစီခံတစ်ယောက်ဖြစ်သော ငါ ပေါလုပါးမှ စာရီးလိုက်ပါ၏။ **2** ထိုဘုရားဝတ်၌ မွို့ပျော်ခြင်းသည်ကား ထာဝရအသက်ကို မျှော်လင့်ခြင်း၌ တည်၏။ မုသာနှင့် ကင်းစင်တော်မူသော ဘုရားသခင်သည် ရှိကာလမတိုင်ခင်ကပင် ထိုထာဝရအသက်ကို ငါရိုအား ကတိ ပီးထားတော်မူ၏။ (aiōnios g166) **3** ထို့နောက် သတ်မှတ်ထားသော အချိန်ရောက်လာသောအခါ ကိုယ်တော်၏ နှုတ်ကပတ်တရား၌ ထိုထာဝရအသက်ကို ဖော်ပြတော်မူ၏။ ဤအမှုကို လုပ်ဆောင်ရန် ငါ့အား ပီးအပ်ထားသည်ဖြစ်၍ ငါရို၏ ကယ်တင်သည့် ဘုရားသခင်၏အမိန့်တော်အားဖြင့် ထိုနှုတ်ကပတ်တရားကို ငါ ဟောပြောခြင်းဖြစ်၏။ **4** ငါရိုနှင့်အတူ ယုံကြည်ခြင်း၌ တည်နိုင်ခြင်းအားဖြင့် စစ်မှန်သောငါ၏သားဖြစ်သူ တိတုပါးသို့ ငါ စာရီးလိုက်ပါ၏။ **5** ငါသည် ကရေတကျွန်း၌ သင့်ကို ထားသည့်မှာ လိုအပ်လျက်ဟိသည့်အရာများကို စီမံဆောင်ရွက်ရန်နှင့် မြို့တိုင်းတွင် အသင်းတော်အကြီးအကဲရှိကို ခန့်ထားရန် ဖြစ်၏။ **6** အသင်းတော်အကြီးအကဲ တစ်ယောက်သည် အပြစ်ကင်းစင်သောသူ၊ မယားတစ်ယောက်တည်း ဟိသောသူ ဖြစ်ရမည်။ သူ၏သားသမီးရှိသည်လည်း ယုံကြည်သူတိ ဖြစ်ရမည့်အပြင် ရိုင်းစိုင်းသောသူများ၊ နာခံမှုမဟိသောသူများ မဖြစ်စီရ။ **7** အကြောင်းမူကား အသင်းတော်အကြီးအကဲတစ်ယောက်သည် ဘုရားသခင်၏ ဘဏ္ဍာထိန်းဖြစ်သည်နှင့်အညီ အပြစ်ကင်းစင်သောသူ ဖြစ်ရမည်။ သူသည် စိတ်နီမြင့်သူ၊ စိတ်တိုတတ်သောသူ၊ သီရည် သောက်ကြူးသောသူ၊ ကြမ်းကြုတ်သောသူ၊ ငွီကို တပ်မက်သောသူမဖြစ်စီရ။ **8** သို့ရာတွင် ဧည့်ဝတ်ကျေပွန်သောသူ၊ ကောင်းမြတ်သောအရာကို နှစ်သက်သောသူ၊ ဣန္ဒြေစောင့်သောသူ၊ ဖြောင့်မတ်သောသူ၊ သန့်ယှင်းသောသူ၊ စည်းကမ်းဟိသောသူဖြစ်ရမည်။ **9** သူသည် အခြားသူတိအား မှန်ကန်ပြည့်စုံသော ဩဝါဒစကားဖြင့် အားပီးတိုက်တွန်းနိုင်ရန်နှင့် ဆန့်ကျင်ပြောဆိုသောသူတိကို ချေပပြောဆိုနိုင်ရန် မိမိသင်ယူထားသည့် သစ္စာနှင့်ပြည့်စုံသော နှုတ်ကပတ်တရားကို ခိုင်မြဲစွာ စွဲကိုင်ထားရမည်။ **10** အကြောင်းမူကား ဆန့်ကျင်ဘက်ပြုသောသူရို့ အကျိုးမဲ့စကားကို ပြောဆိုသောသူရို့နှင့် လိမ်လည်လှည့်ဖျားသူများစွာရှိသည် ဟိကြသောကြောင့်ဖြစ်၏။ အထူးသဖြင့် ထိုသူရို့သည် အရိုဖျားလှီးခြင်းကို ခံယူထားသော သူရို့ထဲမှ ဖြစ်ကြ၏။ **11** သူရို့သည် မစင်ကြယ်သော အကျိုးစီးပွားအတွက် မသွန်သင်အပ်သောအရာများကို သွန်သင်လျက် မိသားစုများအားလုံးကို ပျက်စီးစီခြင်းငှာ လုပ်ဆောင်နိုင်ကြသောကြောင့် ထိုသူရို့၏နှုတ်ကို ပိတ်စီရမည်။ **12** ကုရေတေ ကျွန်းသား ပရောဖက်တိထဲမှ တစ်ဦးက “ကရေတေကျွန်းသား လူလိမ်များသည်၊ ဆိုးရွား ရိုင်းပျ၊ ပျင်းရိကြ၏၊ လောဘလွန်မူး၊ အစားကြူး၏” ဟု စပ်ဆိုထားခလေ၏။ **13** ဤဆိုရိုးစကားသည် မှန်ပေ၏။ ထို့ကြောင့် ယုံကြည်ခြင်း၌ အပြစ်ကင်းကြစီခြင်းငှာ ထိုသူရို့၏ အပြစ်ကို ဖော်ပြ၍ ပြတ်သားစွာ ဆုံးမရမည်။ **14** ထို့ပြင် ယုဒလူမျိုးများ၏ဒဏ္ဍာရီပုံပြင်များ သို့မဟုတ် သမ္မာတရားကို စွန့်ပယ်သောသူရို့၏ ပညတ်ချက်များကို စိတ်မဝင်စားကြရန် တားမြစ်ရမည်။ **15** စင်ကြယ်သောသူရို့အတွက် အရာခပ်သိမ်းသည် စင်ကြယ်၏။ သို့ရာတွင် ညစ်ညူးသောသူရို့နှင့် မယုံကြည်သောသူရို့အတွက် စင်ကြယ်သောအရာဟူ၍ မဟိ။ အကြောင်းမူကား သူရို့၏စိတ်နှလုံးနှင့် အသိစိတ်များသည် မစင်ကြယ်သောကြောင့် ဖြစ်ကြ၏။ **16** သူရို့သည် ဘုရားသခင်ကို သိသည်ဟု ဆိုကြသော်လည်း သူရို့၏အပြုအမူများအားဖြင့် ဘုရားသခင်ကို ငြင်းပယ်လျက်ဟိကြ၏။ ထိုသူရို့သည် ရွံစရာကောင်းသောသူ၊ နာခံခြင်း မဟိသောသူ၊ ကောင်းသောအမှု မှန်သမျှနှင့် မထိုက်တန်သောသူတိ ဖြစ်ကြ၏။

2 သို့ရာတွင် သင်သည် မှန်သော ဩဝါဒတရားကို သွန်သင်ဟောပြောရမည်။ **2** အသက်ကြီးသောသူရို့အား သမ္မာသမိ ဟိသောသူ၊ ရိုသီးလေးစားအပ်သောသူ၊ ဣန္ဒြေစောင့်သောသူတိ ဖြစ်လာကြရန်လည်းကောင်း၊ မှန်ကန်သော ယုံကြည်ခြင်း၊ ချစ်ခြင်းနှင့် သည်းခံခြင်း ဟိလာကြရန် လည်းကောင်း၊ သွန်သင် ဟောပြောလော့။ **3** ထိုနည်းတူ အသက်ကြီးသော မိန်းမရိုအား ကုန်းတိုက်တတ်သောသူ၊ သီရည်သောက်ကြူးသောသူ မဖြစ်စီဘဲ ဘုရားဝတ်၌

မိုးပျော်စီခြင်းငှာလည်းကောင်း၊ ကောင်းသောအမှုကို ဆောင်ရွက်ကြစီခြင်းငှာလည်းကောင်း သွန်သင်လော့။ **4** ထိုအခါ သူရိသည့် ငယ်ရွယ်သောမိန်းမရဲ့အား မိမိရဲ့၏လင်ယောက်ျားများနှင့် သားသမီးရဲ့ကို ချစ်သောသူ၊
5 ကုဋေစောင့်သောသူ၊ စင်ကြယ်သောသူ၊ အိမ်မှုကိစ္စများကို ဆောင်ရွက်သောသူ၊ ကြင်နာတတ်သောသူ၊ မိမိလင်ယောက်ျားရဲ့ကို နာခံတတ်သည့် ကောင်းမြတ်သော အိမ်သျှင်မတိ ဖြစ်လာကြစီရန် သွန်သင်နိုင်ကြမည် ဖြစ်သည့်အပြင် ဘုရားသခင်၏နှုတ်ကပတ်တော်ကိုလည်း ကဲ့ရဲ့ပြောဆိုခြင်းမှ ကင်းလွတ်ကြပေလိမ့်မည်။ **6** ထိုနည်းတူ လူပျိုရဲ့အား မိမိကိုယ်ကို ထိန်းချုပ်နိုင်ကြစီရန် အားပီးတိုက်တွန်းကြလော့။ **7** အရာရာ၌ ကောင်းသောအမှုကို ပြုခြင်းအားဖြင့် သူရဲ့ ရှိ၌ သင်ကိုယ်တိုင် စံနမူနာ ဖြစ်စီလော့။ သင်၏ဩဝါဒတရားသည် မှန်ကန်ခြင်း၊ တည်ကြည်လေးနက်ခြင်း ဟိစီလော့။ **8** အပြစ်တင်ခြင်းနှင့် ကင်းသည့် မှန်သောစကားကိုသာ ပြောဆိုလော့။ သို့မှသာလျှင် သင်အား ဆန့်ကျင်ဘက်ပြုသောသူသည် ငါရဲ့နှင့်ပတ်သက်၍ မကောင်းသောစကား တစ်ခွန်းကိုမျှ မပြောနိုင်ကြဘဲ အရှက်ရကြလိမ့်မည်။ **9** ကျွန်ုပ်တို့သုရဲ့အား မိမိရဲ့၏သခင် ကြေနပ်စီခြင်းငှာ ဆန့်ကျင်ပြောဆိုခြင်းကို မပြုဘဲ၊ အရာရာ၌ နာခံကြရန် သွန်သင်လော့။ **10** မိမိရဲ့သခင်ပါးက ခိုးယူခြင်းကို မပြုဘဲ၊ အစဉ် ကောင်းမြတ်၍ သစ္စာဟိကြောင်းကို ပြသကြရန် သွန်သင်လော့။ ထိုသို့ပြုခြင်းဖြင့် သူရဲ့သည် အရာရာ၌ ငါရဲ့၏ ကယ်တင်သျှင် ဘုရားသခင်အကြောင်း သွန်သင်ချက်ကို ပို၍ ယုံကြည်လက်ခံလာကြလိမ့်မည်။ **11** အကြောင်းမူကား လူအပေါင်းရဲ့အား ကယ်တင်တော်မူသော ဘုရားသခင်၏ကျေးဇူးတော်သည် ပေါ်ထွန်းတော်မူပြီ။ **12** ဘုရားမဲ့ တရားမဲ့ နီထိုင်ခြင်းနှင့် လောကီတပ်မက်ခြင်းများကို စွန့်ပယ်၍ အဂုဗျာဏ်မောက်ကာလ၌ ကုဋေသိက္ခာဟိစွာဖြင့် ဖြောင့်မတ်မှန်ကန်ပြီး ဘုရားဝတ်၌ ပျော်ပွဲသော အသက်တာဖြင့် အသက်ရှင်ကြရန်လည်းကောင်း၊ (aiñ g165) **13** ငါရဲ့၏ ကြီးမြတ်တော်မူသော ဘုရားသခင်နှင့် ကယ်တင်သျှင် ယေသျှုခရစ်တော်၏ဘုန်းတန်ခိုးတော် ပေါ်ထွန်းခြင်းတည်းဟူသော ကောင်းကြီးမင်္ဂလာနှင့် သက်ဆိုင်သော မျှော်လင့်ခြင်းကို စောင့်မျှော်လျက်နိန်ကြရန် လည်းကောင်း ဘုရားသခင်သည် ငါရဲ့အား ဆုံးမသွန်သင်လျက် ဟိ၏။ **14** ကယ်တင်သျှင် ယေသျှုခရစ်တော်သည် ငါရဲ့ကို ခပ်သိမ်းသော မတရားမှုထဲမှ ရှိုးနုတ်ကယ်တင်ပြီး မိမိပိုင်သောသူအပေါင်းရဲ့သည် မိမိအတွက် သန့်ယှင်းစင်ကြယ်၍ ကောင်းသောအမှုကို ပြုခြင်းငှာ စိတ်အားထက်သန်သောသူတိ ဖြစ်လာကြစီရန် ငါရဲ့အတွက် မိမိကိုယ်ကို စွန့်တော်မူ၏။ **15** ဤသည်ကား သင် ဆုံးမသွန်သင်အပ်သော အရာများဖြစ်၏။ သင်သည် အားပီးတိုက်တွန်းသောအခါ၌ ဖြစ်စီ၊ အပြစ်ကို ဖော်ပြ၍ ဆုံးမပဲ့ပြင်သောအခါ၌ ဖြစ်စီ အမိန့်အာဏာအပြည့်ဖြင့် ဟောပြောလော့။ မည်သူမျှ သင့်ကို မထီလေးစား မပြုစီကော့။

3 အုပ်ချုပ်သောသူရဲ့နှင့် အာဏာပိုင်ရဲ့ကို နာခံလျက် ကောင်းသောအမှု ဟိသမျှကို လုပ်ဆောင်ခြင်းငှာ အဆင်သင့်ဟိနိန်ကြရန် လည်းကောင်း၊ **2** စာသူကိုမျှ ကဲ့ရဲ့ပြောဆိုခြင်းကို မပြုဘဲ လူအပေါင်းရဲ့အား ယဉ်ကျေးသိမ်မွေ့စွာ ပြုမူလျက် ထောက်ထားညှာတာ၍ အီးချမ်းစွာ နီထိုင်ကြရန် မိမိလူတိအား တိုက်တွန်းပြောဆိုလော့။ **3** အကြောင်းမူကား တစ်ချိန်က ငါရဲ့သည်လည်း မိုက်မဲသောသူ၊ နာခံခြင်းမဟိသောသူ၊ လှည့်ဖြားသောသူတိ ဖြစ်ကြပြီး၊ အမျိုးမျိုးသော တပ်မက်ခြင်းနှင့် ကာမဂုဏ်ခံစားခြင်းတို့၌ ကျွန်ခံ၍ မနာလိုမှု၊ ရန်ငြိုးထားမှုများ၌ ကျင်လည်ကာ တစ်ယောက်ကို တစ်ယောက် မုန်းတီးလျက် အသက်ရှင်ခကြ၏။ **4** သို့သော် ငါရဲ့ ကယ်တင်သျှင် ဘုရားသခင်၏ ချစ်ခြင်းမေတ္တာနှင့် ကရုဏာတရားတိ ပေါ်ထွန်းလာသောအခါ **5** ကိုယ်တော်သည် ငါရဲ့၏ကောင်းသောအကျင့်အားဖြင့် မဟုတ်ဘဲ မိမိ၏ကရုဏာတော်အားဖြင့် ကယ်တင်တော် မူခလေ၏။ ကိုယ်တော်သည် ဒုတိယမ္ဘိမ္ဘာခြင်းနှင့်ဆိုင်သော ဆီးကြောခြင်းနှင့် သန့်ယှင်းသောဝိညာဉ်တော်၏ အသစ်ပြုပျင်ခြင်းအားဖြင့် အကျွန်ရဲ့ကို ကယ်တင်တော် မူခလေ၏။ **6** ဘုရားသခင်သည် ထိုဝိညာဉ်တော်ကို ငါရဲ့၏ ကယ်တင်သျှင် ယေသျှုခရစ်တော်အားဖြင့် ငါရဲ့၌ ကြွယ်ဝစွာ သွန်းလောင်းတော်မူ၏။ **7** ဤသည်ကား ဘုရားသခင်သည် မိမိ၏ကျေးဇူးတော်အားဖြင့် ငါရဲ့ကို ဖြောင့်မတ်ခြင်းတရား၌

ဤစကားသည် မှန်သောစကား ဖြစ်၏။ သို့ဖြစ်၍ ဘုရားသခင်ကို ယုံကြည်အားကိုး သောသူရိသည် မိမိရဲ့ကိုယ်တိုင် ကောင်းသောအမှုများကို လုပ်ဆောင်ကြရန် အမြဲ ဂရုစိုက်ကြရမည့်အကြောင်း ငါသည် သင့်အား ဤအရာများကို အလေးအနက် ထားစီလို၏။ ဤအရာများသည်ကား လူတိုင်းအတွက် အလွန်ကောင်းမြတ်၍ အကျိုးဟိပေ၏။

9 သို့သော်လည်း အသိဉာဏ်ကင်းမဲ့သော အငြင်းပွားမှုများ၊ ဆွဲစဉ်မျိုးဆက်စာရင်းများ၊ ပဋိပက္ခဖြစ်ခြင်းများနှင့် ပညတ်တရားကို အကြောင်းပြု၍ ခိုက်ရန်ဖြစ်ပွားခြင်းများကို ယှောင်ကြည်ကြလော့။ အကြောင်းမူကား ထိုအရာများသည် အကျိုးမဟိသည့်အပြင် အလကားသက်သက် ဖြစ်ကြ၏။

10 အချင်းချင်း ကွဲပြားမှု ဖြစ်စီသောသူရိကို တစ်ကြိမ်၊ နှစ်ကြိမ် သတိပီးပြီးလျှင် သူရိနှင့် အပေါင်းအဖော် မလုပ်ကတ်ကေ။

11 ထိုသို့သောသူများသည် ဖောက်ပြန်သောသူတိ ဖြစ်ကြပြီး၊ သူရိ မှားယွင်းနိုင်ကြောင်းကို သူရိ၏ဒုစရိုက်အပြစ်က သက်သိပြလျက်ဟိသည်ကို သင်ရဲ့ သိမှတ်ကြလော့။

12 ငါသည် အာတေမကို သော်လည်းကောင်း၊ တုခိတ်ကို သော်လည်းကောင်း သင့်ပါးသို့ စီရွတ်လိုက်သောအခါ နိကောပလိမြို့၌ ငါနှင့် တို့ဖို့ လာရောက်ရန် ကြိုးစားလော့။ အကြောင်းမူကား ငါသည် ဆောင်းကာလအတွင်း ထိုမြို့၌ နီထိုင်ရန် ငါ ဆုံးဖြတ်ထား၏။

13 ရှိနီဖြစ်သော ဇေနနှင့် အာပေါလုရိအား သူရိခရီးကို အစပြုနိုင်ရန်အတွက် လိုအပ်သမျှကို ကူညီလိုက်ကြပါ။

14 ငါရဲ့၏လူများသည်လည်း အမှန်အကန် လိုအပ်မှုများကို ထောက်ပံ့ပီးရန်အတွက် မိမိရဲ့ကိုယ်တိုင် ကောင်းသောအမှု၌ ပါဝင်လုပ်ဆောင်ရန် သင်ယူကြရမည်။

15 ငါနှင့် အတူဟိသော သူအားလုံးက သင့်ကို နှုတ်ဆက်လိုက်ကြ၏။ ယုံကြည်ခြင်း၌ ငါရဲ့ကို ချစ်ခင်ကြသောသူများကိုလည်း နှုတ်ဆက်ကြောင်း ပြောလိုက်ပါ။ ဘုရားသခင်၏ကျေးဇူးတော်သည် သင်ရဲ့အားလုံး၌ တည်ပါစီသောဝံ။

ဖိလေမုန်

1 ခရစ်တော်ယေသုရှုအတွက်ကြောင့် အကျဉ်းကျခံနိုင်ရသောသူ ငါပေါလုနှင့် ငါရို၏ညီ တိမောသေပါးမှ —
2 ငါရိုနှစ်မ အပွို၊ ငါရို၏ ရဲဖော်ရဲဖက်ဖြစ်သော အာခိပူနှင့် သင်၏အိမ်တွင် စုဝေးသည့် အသင်းတော်ပါးသို့ လည်းကောင်း စာရီးလိုက်ပါ၏။ **3** ငါရို၏အဖ ဘုရားသခင်နှင့် အသျှင်ယေသုရှုခရစ်၏ထံတော်မှ ကျေးဇူးတော်နှင့် ငြိမ်သက်ခြင်းသည် သင်ရို့၌ ဟိပါစီသော။ **4** ငါ့ညီ ဖိလေမုန်၊ ငါသည် ဆုတောင်းသည့်အခါတိုင်း သင့်ကို အောက်မှီလျက် ဘုရားသခင်၏ကျေးဇူးတော်ကို ချီးမွမ်းပါ၏။ **5** အကြောင်းမူကား သင်သည် ဘုရားသခင်၏လူစုတော်အား ချစ်ခင်သည်ကိုလည်းကောင်း၊ အသျှင်ယေသုရှုအား ယုံကြည်သည်ကိုလည်းကောင်း ကြားသိရသောကြောင့်ဖြစ်၏။ **6** ယုံကြည်သူအချင်းချင်း မိတ်သဟာယ ဖွဲ့ခြင်းအားဖြင့် ခရစ်တော်နှင့် တစ်လုံးတစ်ဝတည်းဖြစ်လျက် ငါရိုခံစားရသည့် ကောင်းကြီးမင်္ဂလာအပေါင်းကို သာ၍နက်နဲစွာ သိနားလည်နိုင်ကြရန် ငါဆုတောင်း၏။ **7** ငါ့ညီ၊ သင်သည် ဘုရားသခင်လူရို၏ စိတ်နှလုံးကို ရွှင်လန်းစီစဉ် သင်၏မေတ္တာသည် ငါ့အား အလွန် ဝမ်းမြောက်လျက် နှစ်သိမ့်ခြင်းကို ဖြစ်စေ၏။ **8** ဤအကြောင်းကြောင့် ငါသည် ပြုသင့်သည့် အမှုကို ပြုရန် သင့်အား ခရစ်တော်အားဖြင့် အမိန့်ပီးခွင့် ဟိသော်လည်း၊ **9** အသက်ကြီးသော ငါပေါလုသည် အဂုအခါ ခရစ်တော်ယေသုရှုအတွက် အကျဉ်းကျခံနိုင်ရသောသူ ဖြစ်လျက်ပင် သင့်ကို ချစ်သောကြောင့် တောင်းပန်ခြင်းဖြင့်သာ ပြောဆို၏။ **10** ငါသည် အကျဉ်းကျခံနိုင်စဉ် ခရစ်တော်၌ ငါ၏သားဖြစ်လာသော ဩနေသိမ်အတွက်လည်း တောင်းပန်ပါ၏။ **11** သူသည် အယင်က သင့်အတွက် အသုံးမရသောသူ ဖြစ်သော်လည်း အဂုအခါ သင်နှင့် ငါ့အတွက် အသုံးမရသောသူ ဖြစ်လာယာ။ **12** သူ့ကို သင်ပါးသို့ ငါ ပြန်ရွှတ်လိုက်၏။ သူ့ကို ငါ၏ရင်သွီးကဲ့သို့ မှတ်လော့။ **13** ငါသည် ဧဝဂေလိတရားကြောင့် အကျဉ်းကျခံနိုင်ရစဉ် သင်၏ကိုယ်စား ငါ့ကို ကူညီဆောင်ရွက်ပီးရန် သူ့ကို ခေါ်ထားလို၏။ **14** သို့ရာတွင် သင်၏ သဘောတူညီချက်မဟိဘဲ ဇာအမှုကိုမျှ ငါ မပြုလိုပါ။ ငါ့ကို ကူညီရန် သင့်အား အနိုင်အထက် မပြုလိုပါ။ သင်၏ စေတနာအလျောက်သာ ပြုစီလိုပါ၏။ **15** ဩနေသိမ်သည် သင်နှင့် တအောင်ချေ ဝီးကွာခြင်းမှာ အမြဲတမ်း ပြန်လည် နီထိုင်နိုင်ခြင်းငှာ ဖြစ်လိမ့်မည်။ (aiōnios g166) **16** ယခုအခါ သူသည် ကျွန်ကဲ့သို့ မဟုတ်ဘဲ ကျွန် ထက်သာ၍ မြတ်သော ခရစ်တော်၌ ချစ်ရသောညီအစ်ကို တစ်ယောက် ဖြစ်လာယာ။ သူသည် ငါ့အတွက် အလွန်တန်ဖိုး ဟိပေ၏။ သို့ရာတွင် သင့်အတွက်ကား ကျွန်အဖြစ်နန့် လည်းကောင်း၊ သခင်ဘုရား၌ ညီအစ်ကိုအဖြစ်နန့် လည်းကောင်း သာ၍ပင် တန်ဖိုးဟိလိမ့်မည်။ **17** ထို့ကြောင့် သင်သည် မိမိ၏လုပ်ဖော်ဆောင်ဖက်အဖြစ်နန့် ငါ့ကို ကြိုဆိုလက်ခံသကဲ့သို့ သူ့ကိုလည်း ကြိုဆိုလက်ခံလော့။ **18** အကယ်၍ သူသည် သင့်အား တစ်စုံတစ်ရာ ပြစ်မှားမိသော်လည်းကောင်း၊ တစ်စုံတစ်ရာ အကြီးပီးစရာ ဟိသော်လည်းကောင်း ငါသည် တာဝန်ယူ၏။ **19** ငါပေါလုသည် ထိုအကြီးကို ပီးပါမည်ဟု ငါကိုယ်တိုင် လက်ဖြင့် ရီးလိုက်၏။ သင်ကိုယ်တိုင် ငါ့အား ပီးစရာဟိကြောင်း ဖော်ပြရန် မလိုပါ။ **20** ထို့ကြောင့် ငါ့ညီ၊ သခင်ဘုရား၏ မျက်နှာတော်ကိုထောက်၍ ငါ့အား ကျေးဇူးပြုပါလော့။ ခရစ်တော်၌ ညီအစ်ကိုအနီနန့် ငါ့အား စိတ်ရွှင်လန်းစီပါလော့။ **21** သင်သည် ငါပြောသည့်အတိုင်း လုပ်ဆောင်လိမ့်မည်ဟု စိတ်ချယုံကြည်လျက် ဤစာကို ရီးလိုက်၏။ အမှန်စင်စစ် ထိုထက်ပင် ပို၍ လုပ်ဆောင်နိုင်လိမ့်မည်ကို ငါသိပါ၏။ **22** ထို့အပြင် ငါတည်းခိုရန် အခန်းတစ်ခုကို အဆင်သင့် ပျင်ထားပါလော့။ ဇာကြောင့်ဆိုသော် ဘုရားသခင်သည် သင်ရို၏ ဆုတောင်းခြင်းကို နားညောင်းတော်မူသည်ဖြစ်၍ ငါ့အား သင်ရိုပါးသို့ ပြန်လည်ပို့ဆောင်တော်မူလိမ့်မည်ဟု ငါသည် ငါမျှော်လင့်လျက်ဟိ၏။ **23** ခရစ်တော်ယေသုရှုအတွက်ကြောင့် ငါနှင့်အတူ အကျဉ်းကျခံနိုင်ရသူ ဧပဖြက လည်းကောင်း၊ **24** ငါ၏ လုပ်ဖော်ဆောင်ဖက်ရို့ ဖြစ်ကြသည့် မာကု၊ အာရိတ္တာခူ၊ ဒေမနှင့် လုကာရိကလည်းကောင်း သင့်ကို နှုတ်ဆက်ကြ၏။ **25** အသျှင်ယေသုရှုခရစ်၏ ကျေးဇူးတော်သည် သင်ရို၏စိတ်ဝိညာဉ်နှင့်အတူ ဟိကြပါစီသော။

1 ဘုရားသခင်သည် အတိတ်ကာလ၌ ပရောဖက်တိမှတစ်ဆင့် ငါရဲ့ အဖိုး အဖိုးတို့ကို နည်းလမ်းအမျိုးမျိုးဖြင့် အကြိမ်ကြိမ် မိန့်မှာတော်မူ၏။ **2** သို့ရာတွင် ဤနောက်ဆုံးသောကာလ၌ ကိုယ်တော်သည် မိမိ၏သားတော်အားဖြင့် ငါရဲ့အား မိန့်တော်မူ၏။ ဘုရားသခင်သည် ထိုသားတော်အားဖြင့် စကြဝဠာကို ဖန်းဆင်းတော်မူပြီး အဆုံး၌ ခပ်သိမ်းသောအရာအားလုံးကို ထိုသားတော်အား အဓိခံအဖြစ် ခန့်ထားတော်မူ၏။ (aiōn g165) **3** သားတော်သည် ဘုရားသခင်၏ဘုန်းတော်ကို ထွန်းတောက်စီတော်မူပြီး တိကျမှန်ကန်သော ဘုရားသခင်၏ဇာတိတော် ဖြစ်၏။ မိမိ၏တန်ခိုးနှင့် ပြည့်စုံတော်မူသော နှုတ်ကပတ်တော်အားဖြင့် စကြဝဠာကို တည်စီတော်မူ၏။ လူသားတို့ကို အပြစ်မှ လွတ်မြောက်ရန် ဆောင်ရွက်ပီးပြီးနောက် ကောင်းကင်ဘုံ၌ အနန္တတန်ခိုးသျှင် ဘုရားသခင်၏ လက်ယာတော်ဖက်တွင် ထိုင်တော်မူ၏။ **4** ဘုရားသခင်သည် ထိုသားတော်အား ကောင်းကင်တမန်ရိရသော ဘွဲ့နာမထက် သာ၍ ကြီးမြတ်တော်မူသော ဘွဲ့နာမတော်ကို ချီးမြှောက်တော်မူသည်နှင့်အညီ ကိုယ်တော်သည် ထိုကောင်းကင်တမန်တိထက် သာ၍ ကြီးမြတ်တော်မူ၏။ **5** အကြောင်းမူကား ဘုရားသခင်က “သင်သည် ငါ့သား ဖြစ်၏။ အေခို၌ ငါသည် သင်၏အဖ ဖြစ်၏” ဟူ၍လည်းကောင်း၊ “ငါသည် သူ၏အဖ ဖြစ်လိမ့်မည်၊ သူသည်လည်း ငါ့သား ဖြစ်လိမ့်မည်” ဟူ၍ လည်းကောင်း မိမိ၏ မည်သည့် ကောင်းကင်တမန်ကိုမျှ မပြောဖူးပေ။ **6** သို့ရာတွင် ဘုရားသခင်က မိမိ၏ သားဦးကို ဤလောကထဲသို့ စီစွတ်တော်မူသောအခါ၌၊ “ဘုရားသခင်၏ ကောင်းကင်တမန်အပေါင်းရှိသည် ကိုယ်တော်ကို ကိုးကွယ်ရမည်” ဟု မိန့်တော်မူ၏။ **7** သို့ရာတွင် ဘုရားသခင်က ကောင်းကင်တမန်တို့ အကြောင်းကို မိန့်တော်မူသည်ကား၊ “ဘုရားသခင်သည် မိမိ၏ကောင်းကင်တမန်ရဲ့ကို လီကဲ့သို့ လည်းကောင်း၊ မိမိ၏အခိုင်းအစီများကို မီးတောက် မီးလျှံကဲ့သို့ လည်းကောင်း ဖြစ်စီတော်မူ၏” ဟူ၍ ဖြစ်သည်။ **8** သို့သော်လည်း သားတော်အကြောင်းနှင့်ပတ်သတ်၍ မိန့်တော်မူသည်မှာ၊ “အို ဘုရားသခင် ကိုယ်တော်၏ နိုင်ငံတော်သည် အစဉ်ထာဝရ တည်လိမ့်မည်။ ကိုယ်တော်သည် မိမိ၏ လူတို့ကို တရားမျှတစွာ အုပ်စိုးတော်မူ၏။ (aiōn g165) **9** ကိုယ်တော်သည် ဖြောင့်မတ်ခြင်းတရားကို နှစ်သက်တော်မူ၍ မတရားသောအမှုကို မုန်းတော်မူ၏။ ထို့ကြောင့် ကိုယ်တော်၏ ဘုရားသခင်တည်းဟူသော ဘုရားသခင်သည် ကိုယ်တော်ကို ရွီးချယ်၍ မိမိ၏ အပေါင်းအဖော်ရဲ့ထက် ပို၍ ချီးမြှောက်ကာ ဝမ်းမြောက်ခြင်းကို ပီးတော်မူသည်” ဟု မိန့်တော်မူ၏။ **10** ထို့နောက် ကိုယ်တော်ကို တဖန် မိန့်တော်မူသည်မှာ၊ “သခင်ဘုရား ကိုယ်တော်သည် အစဦး၌ မြီးကြီးကို ဖန်ဆင်းတော်မူပြီး၊ မိမိလက်တော်ဖြင့် ကောင်းကင်ကို ဖန်ဆင်းတော်မူ၏။ **11** ထိုအရာများသည် ပျောက်ကွယ်လားကြသော်လည်း ကိုယ်တော်သည် အမြဲ တည်တော်မူ၏။ ထိုအရာအားလုံးသည် အဝတ်များကဲ့သို့ ဟောင်းနွမ်းလားကြလိမ့်မည်။ **12** ကိုယ်တော်သည် ထိုအရာများကို ဝတ်ရုံကဲ့သို့ လိပ်တော်မူလိမ့်မည်ဖြစ်၍ ထိုအရာများသည် အဝတ်ကဲ့သို့ ပြောင်းလဲလားသော်လည်း၊ ကိုယ်တော်သည် ထာဝရ တည်တော်မူလိမ့်မည်။ ကိုယ်တော်၏ အသက်တော်သည် မည်သည့်အခါမျှ ကုန်ဆုံးလိမ့်မည် မဟုတ်” ဟု မိန့်တော်မူ၏။ **13** ဘုရားသခင်သည်၊ “သင်၏ရန်သူတို့ကို သင်၏ ခြံအောက်၌ သင်၏ ခြံတင်ရာခုံ အဖြစ် ငါ ချထားသည့်တိုင်အောင် ငါ၏ လက်ယာဖက်၌ ထိုင်နိုင်လော့” ဟု ဇာကောင်းကင်တမန်ကိုမျှ မပြောဖူးပေ။ **14** သို့ ဖြစ်၍ ကောင်းကင်တမန်တိကား ဇာသူတိလဲ၊ ထိုသူရဲ့သည် ကယ်တင်ခြင်းကို အဓိခံရမည့်သူရဲ့အား ကူညီရန် ဘုရားသခင် စီစွတ်တော်မူသော ကိုယ်တော်၏အစီခံ ဝိညာဉ်များ ဖြစ်ကြ၏။

2 ထို့ကြောင့် ငါရဲ့သည် လမ်းမလွဲစီခြင်းငှာ ငါရဲ့ကြားနာပြီးသော သမ္မာတရားကို သာ၍ ခိုင်မြဲစွာ ဆုပ်ကိုင်ထားကြရမည်။ **2** ကောင်းကင်တမန်ရဲ့က ငါရဲ့အဖိုး အဖိုးရဲ့အား ပီးသော ဗျာဒိတ်တော်သည် မှန်ကန်သည်ဖြစ်၍ ထိုဗျာဒိတ်တော်ကို ငြင်းပယ်သောသူ သို့မဟုတ် မလိုက်နာသောသူရဲ့သည် ထိုက်တန်သော အပြစ်စီရင်ခြင်းကို ခံကြရသည်ဖြစ်၍ **3**

ဤသို့သော ကြီးမြတ်သော ကယ်တင်ခြင်းတရားကို ဂရုစိုက်ဘဲ နီကြလျှင် ငါရဲ့သည် ပြစ်ဒဏ်စီရင်ခြင်းက ဇာပိုင် လွတ်မြောက်နိုင်ပါဖို့လဲ။ သခင်ဘုရား ကိုယ်တိုင် ပထမဦးစွာ ဤကယ်တင်ခြင်းတရားကို ဟောကြားတော်မူခဲ့သည်ဖြစ်၍ ကြားနာရသောသူရိုက်က ထိုတရားတော်သည် မှန်ကန်ကြောင်းကို ငါရဲ့အား သက်သီပြုခေါ်၏။ 4 ထိုနည်းတူ ဘုရားသခင်သည် အမှတ်လက္ခဏာများ၊ အံ့သြဖွယ်သောရာများနှင့် အမျိုးမျိုးသော နိမိတ်လက္ခဏာများကို ဖော်ပြတော်မူခြင်းဖြင့်လည်းကောင်း မိမိအလိုတော်အတိုင်း သန့်ယှင်းသောဝိညာဉ်တော်၏ဆုကျေးဇူးများကို ဝိဂုဏ်တော်မူခြင်းအားဖြင့်လည်းကောင်း သက်သီပြုတော်မူခေါ်၏။ 5 ဘုရားသခင်သည် ငါရဲ့ ပြောဆိုနိုင်ကြသော ပေါ်ထွန်းလာမည့် လောကသစ်ကို အုပ်စိုးသောသူတို့ အဖြစ် ကောင်းကင်တမန်တို့အား ခန့်အပ်တော်မူ။ 6 ကျမ်းချက် တစ်ချက်၌ ဆိုထားသည်မှာ၊ “အို၊ ဘုရားသခင် လူသားသည် ဇာပိုင်သူတို့ဖြစ်လို့ ကိုယ်တော်သည် သူ့အကြောင်းကို စဉ်းစားနိုင်ပါလဲ။ သူ့ကို ဂရုစိုက်နိုင်ရပါလဲ။” 7 ကိုယ်တော်သည် သူ့ကို ကောင်းကင်တမန်ရဲ့အောက် ခေတ္တမျှ နှိမ်ကျ စီတော်မူပြီ။ ကိုယ်တော်သည် ဘုန်းတန်ခိုးတော်နှင့် ဂုဏ်အသရေတော်အားဖြင့် သူ့ကို သရဖူ ဆောင်းစီတော်မူပြီး၊ 8 သူ့အား အရာခပ်သိမ်းကို အုပ်စိုးသူအဖြစ် ခန့်အပ်တော်မူပြီ” ဟု ဆိုထားသည်မှာ လူသားအား “အရာခပ်သိမ်းကို အုပ်စိုးပိုင်ခွင့် ပီးထားသည်” ဟူ၍ ဖြစ်၏။ သို့သော်လည်း အဂုတွင် လူသားသည် အရာခပ်သိမ်းကို အုပ်စိုးသောသူအဖြစ် မတို့မြင်ရသိမ့်ပေ။ 9 သို့ရာတွင် ဘုရားသခင်၏ကျေးဇူးတော်အားဖြင့် လူတိုင်းအတွက် အသိခံခြင်းငှာ ကောင်းကင်တမန်တို့အောက် ခေတ္တမျှ နှိမ်ချထားခြင်းကို ခံရသော ယေသျှုကို ငါရဲ့သည် မြင်ကြရပြီ။ ထိုအသျှင်သည် မိမိအသိခံတော်မူခြင်းကြောင့် ဘုန်းတန်ခိုးတော်ဖြင့်လည်းကောင်း၊ ဂုဏ်အသရေဖြင့်လည်းကောင်း ချီးမြှောက်ခြင်းခံရသည်ကို ငါရဲ့မြင်တို့ကြရ၏။ 10 များစွာသော သားသမီးတို့ကို မိမိ၏ဘုန်းစည်းစိမ်၌ ခံစားစီခြင်းငှာ အရာခပ်သိမ်းကို ဖန်ဆင်းတော်မူပြီး ထိန်းသိမ်းစောင့်ရှောက်လျက် ဟိတော်မူသော ဘုရားသခင်သည် ယေသျှုအား စုံလင်တော်မူစီရန် ဆင်းရဲဒုက္ခကို ခံယူစီတော်မူခြင်းသည် ဖြောင့်မတ်မှန်ကန်တော်မူ၏။ အကြောင်းမူကား ယေသျှုသည် ထိုသူရိုက် ကယ်တင်ခြင်းသို့ ပို့ဆောင်ပီးသောသူတစ်ယောက် ဖြစ်သောကြောင့်တည်း။ 11 ကိုယ်တော်သည် လူတို့ကို အပြစ်မှ သန့်ယှင်းစင်ကြယ်တော်မူ၏။ ကိုယ်တော်နှင့် သန့်ယှင်းစင်ကြယ်ခြင်းကို ခံရသောသူအားလုံး၏ အဖသည် တစ်ဦးတည်း ဖြစ်သောကြောင့် ယေသျှုသည် သူရိုက် မိမိ၏ညီအစ်ကို မောင်နှမတို့ဟု ခေါ်ရန် ရှက်တော်မူ။ 12 အသျှင်ယေသျှုက ဘုရားသခင်အား လျှောက်ထားသည်မှာ “အကျွန်ုပ်သည် ကိုယ်တော် ပြုတော်မူသောအမှုကို အကျွန်ုပ်၏ ညီအစ်ကို မောင်နှမတို့ကို ပြောကြားပါမည်။ သူရိုက်၏ ဝတ်ပြုစည်းဝေးပွဲ၌ ကိုယ်တော်ကို ချီးမွမ်းပါမည်” ဟု ဖြစ်၏။ 13 တဖန် အသျှင်ယေသျှုက “ငါသည် ဘုရားသခင်ကို ကိုးစားပါမည်။ ဤအရပ်၌ ဘုရားသခင်သည် ငါ့အား ပီးအပ်ထားသော သားသမီးတို့နှင့်အတူ ဟိပါ၏” ဟု လျှောက်ထားတော်မူ၏။ 14 အသျှင်ယေသျှုက သားသမီးတို့ဟု ခေါ်သော သူရိုက်သည် အသွီးအသားနှင့် တည်ဆောက်ထားသော လူသားတို့ဖြစ်သောကြောင့် ယေသျှုကိုယ်တိုင် ထိုသူရိုက်သို့ လူ့ဇာတိကို ခံယူတော်မူ၏။ ထိုသို့ပြုခြင်းမှာ သီခြင်းတရားကို အစိုးရသောသူတည်းဟူသော မာရ်နတ်အား မိမိ၏အသိခံခြင်းအားဖြင့် ဖျက်ဆီးပစ်ရန် ဖြစ်၏။ 15 ထို့အပြင် ဤနည်းအားဖြင့် သီခြင်းတရားကို ကြောက်၍ ဘဝတလျှောက်လုံး ကျွန်ုပ်ခန့်ကြရသော သူတို့ကို လွတ်မြောက်စီတော်မူ၏။ 16 အကယ်စင်စစ် ကိုယ်တော်သည် ကောင်းကင်တမန်တို့ကို ကူညီမစ တော်မူသည် မဟုတ်။ အာဗြဟံ၏ အမျိုးအနွယ်တို့ကို ကူညီ မစ တော်မူ၏။ 17 အကြောင်းမှာ လူတို့ အပြစ်မှ ခွင့်ရွတ်ခြင်း ရစီခြင်းငှာ ကိုယ်တော်သည် ဘုရားသခင်၏အမှုတော်ကို ဆောင်ရွက်ရာ၌ သစ္စာနှင့်လည်းကောင်း ကရုဏာနှင့်လည်းကောင်း ပြည့်စုံသော ယဇ်ပုရောဟိတ်မင်း ဖြစ်လာစီရန်နှင့် အရာရာ၌ မိမိ၏ညီအစ်ကို မောင်နှမကဲ့သို့ ဖြစ်လာစီရန် ဖြစ်၏။ 18 ထို့အပြင် ကိုယ်တော်သည် မိမိကိုယ်တိုင် စုံစမ်းသွီးဆောင်ခြင်းနှင့် ဆင်းရဲဒုက္ခကို ခံရသည်ဖြစ်၍ အဂုတွင် စုံစမ်းသွီးဆောင်ခြင်းခံရသော သူတို့ကို ကူညီနိုင်တော်မူ၏။

3 ဘုရားသခင် ခေါ်ထားတော်မူသော ငါ၏ခရစ်ယာန်ညီအစ်ကို မောင်နှမရဲ့ ငါရဲ့ ဝန်ခံထားသော ယုံကြည်ခြင်းတရားနှင့်ဆိုင်သော ယဇ်ပုရောဟိတ်မင်း ဖြစ်တော်မူခြင်းငှာ ဘုရားသခင် စီစဉ်တော်မူသော ယေသျှုအကြောင်းကို စဉ်းစားဆင်ခြင်ကြလော့။ **2** မောသျှုသည် ဘုရားသခင်၏အိမ်တော်၌ လုပ်ဆောင်ရသည့် အလုပ်တွင် သစ္စာဟိသကဲ့သို့ ကိုယ်တော်သည် ဤအမှုတော်ကို ဆောင်ရွက်ရန် ခန့်အပ်တော်မူသော ဘုရားသခင်ကို သစ္စာဟိတော်မူ၏။ **3** အိမ်ကို ဆောက်သောသူသည် အိမ်ထက် သာ၍ ချီးမြှောက်ခြင်းကို ခံထိုက်သကဲ့သို့ ယေသျှုသည် မောသျှုထက်သာ၍ ဂုဏ်ပြုခြင်းကို ခံထိုက်ပေ၏။ **4** အိမ်မည်သည်ကား တည်ဆောက်သောသူ တစ်ဦး ကြောင့်ဖြစ်၏။ သို့ရာတွင် အရာခပ်သိမ်းကို တည်ဆောက်သောသူသည် ဘုရားသခင်ဖြစ်၏။ **5** မောသျှုသည် နောင်အခါ၌ ဘုရားသခင်ဟောကြားမည့် အရာများကို သက်သီခံလျက် ဘုရားသခင်၏အိမ်တော်၌ အစီခံတစ်ယောက်အဖြစ်ဖြင့် သစ္စာဟိတော်မူ၏။ **6** သို့ရာတွင် ယေသျှုသည် ဘုရားသခင်၏အိမ်တော်ကို အုပ်စိုးရသော သားတော်အဖြစ်ဖြင့် သစ္စာဟိတော်မူ၏။ ငါရဲ့သည် ရဲစွမ်းသတ္တိနှင့် ပြည့်စုံလျက်၊ ငါရဲ့၏မျှော်လင့်သောအရာ၌ တည်နိုင်ကြလျှင် ကိုယ်တော်၏အိမ်တော်ပင်ဖြစ်ကြ၏။ **7** သို့ ဖြစ်၍ သန့်ယုင်းသော ဝိညာဉ်တော်က မိန့်တော်မူသည်မှာ၊ “ဤနို့တွင် သင်ရဲ့သည် ဘုရားသခင်၏အသံတော်ကို ကြားလျှင်၊ **8** သင်ရဲ့၏ အဖိုးအဖိုးရဲ့သည် သဲကန္တာရ၌ ဘုရားသခင်ကို ပုန်ကန်၍ စုံစမ်းကြသကဲ့သို့ သင်ရဲ့သည် စိတ်နှလုံးမကြောခြင်း မဟိတကတော့။ **9** ထိုအရပ်၌ သူရဲ့သည် အနှစ်လေးဆယ်ကြာ ငါပြုသောအမှုကို မြင်ကြရသော်လည်း ငါ့ကို စုံစမ်းရန် ကြိုးစားကြလေ၏။ **10** ထို့ကြောင့် ငါသည် သူရဲ့ကို အမျက်တော်ထွက်၍ ကျိန်ဆိုတော်မူသည်မှာ၊ ‘သူရဲ့သည် အမြဲတမ်း သစ္စာဖောက်ကြပြီးလျှင်၊ ငါ့ပညတ်တော်များကို လိုက်နာရန် ငြင်းဆန်ကြ၏။’ **11** ငါသည် အမျက်တော်ထွက်၍ ကျိန်ဆိုတော်မူသည်မှာ၊ ‘သူရဲ့သည် ငါပီးမည့် ငြိမ်ဝပ်ချမ်းသာသော ပြည်တော်သို့ လုံးဝ ဝင်ကြရလိမ့်မည် မဟုတ်’” ဟူ၍ ဖြစ်၏။ **12** ငါ၏ညီအစ်ကို မောင်နှမရဲ့ အလွန်ဆိုးယုတ်ပြီး ယုံကြည်မှုကင်းမဲ့သည့် စိတ်နှလုံးဟိသောသူသည် အသက်ရှင်တော်မူသော ဘုရားသခင်မှ ဝေးကွာလားတတ်၏။ ထိုသို့သောသူ တစ်ဦးတစ်ယောက်မျှ သင်ရဲ့၌ မဟိစီခြင်းငှာ သတိထားကြလော့။ **13** သင်ရဲ့သည် အပြစ်၏လှည့်စားခြင်းအားဖြင့် ဂေါင်းမာသောသူတို့ ဖြစ်မလာစီခြင်းငှာ ကျမ်းစာ၌ ပါသော “ဤနို့” တည်းဟူသော နို့ရက် ဟိသမျှကာလပတ်လုံး သင်ရဲ့သည် နို့တိုင်း တစ်ယောက်ကို တစ်ယောက် အားပီးတိုက်တွန်းကြလော့။ **14** ငါရဲ့သည် အစဦးကပင် ရထားပြီးသော ယုံကြည်ခြင်းကို အဆုံးတိုင်အောင် ဆုပ်ကိုင်ထားကြလျှင် ခရစ်တော်နှင့်အတူ လုပ်ဖော်ကိုင်ဖက်များကြ၏။ **15** ကျမ်းစာလာသည်ကား၊ “ဤနို့တွင် သင်ရဲ့သည် ဘုရားသခင်၏ အသံတော်ကို ကြားကြလျှင် သင်ရဲ့၏အဖိုး အဖိုးတို့ကဲ့သို့ ဂေါင်းမမာကတော့၊ အကြောင်းမူကား သူရဲ့သည် ဘုရားသခင်ကို ဆန့်ကျင်ခကြလေ၏” ဟူ၍ ဖြစ်၏။ **16** ဘုရားသခင်၏ အသံတော်ကို ကြားသောသူတို့ကား ဇာသူတို့လဲ။ ထိုသူရဲ့သည်ကား အဲဂုတ္တုပြည်မှ မောသျှု ခေါ်ထုတ်လာသောသူများ ဖြစ်ကြ၏။ **17** ဘုရားသခင်သည် နှစ်ပေါင်းလေးဆယ်ကာလပတ်လုံး ဇာသူရဲ့ကို အမျက်တော်ထွက်ခလဲ။ ထိုသူရဲ့ကား ဒုစရိုက်အပြစ်ကို ပြု၍ တောကန္တာရ၌ လဲကျ၍ သီဆုံးလားကြသောသူရဲ့ ဖြစ်ကြ၏။ **18** ဘုရားသခင်က ကျိန်ဆိုတော်မူသောအခါ “သူရဲ့သည် ငါ၏ ငြိမ်ဝပ်ချမ်းသာခြင်းထဲသို့ လုံးဝ ဝင်ရကြလိမ့်မည် မဟုတ်” ဟု ဇာသူရဲ့ကို ပြောခဖူးလဲ။ ထိုသူရဲ့သည်ကား ဘုရားသခင်ကို ဆန့်ကျင်သောသူရဲ့ ဖြစ်၏။ **19** သူရဲ့သည် ထိုသို့ မဝင်နိုင်ခကြသည်မှာ မယုံကြည်ကြသောကြောင့် ဖြစ်သည်ဟု ငါရဲ့ သိကြရ၏။

4 အဂုတွင် ကိုယ်တော်၏ကတိတော်နှင့် ဆိုင်သော ငြိမ်ဝပ်ချမ်းသာခြင်းသည် ငါရဲ့တွင် တည်လျက်ဟိ၏။ ထို့ကြောင့် သင်ရဲ့တစ်ဦးတစ်ယောက်မျှ ထိုချမ်းသာခြင်းထဲသို့ မဝင်လိုက်ရဘဲ မနိန်ကြစီခြင်းငှာ ဂရုစိုက်ကြလော့။ **2** အကြောင်းမူကား သူရဲ့ကြားခသည့်အတိုင်း ငါရဲ့သည်လည်း ထိုသတင်းကောင်းတရားတော်ကို ကြားပြီးဖြစ်ကြ၏။ သို့ရာတွင် ထိုသတင်းကောင်းတရားသည် သူရဲ့အဖို့ ကောင်းကျိုး မဟိခပေ။ အကြောင်းမှာ သူရဲ့သည် ထိုသတင်းကောင်းတရားကို ကြားကြသော်လည်း ယုံကြည်ခြင်းဖြင့် လက်မခံကြသောကြောင့်ဖြစ်၏။ **3** ငါရဲ့မူကား

ယုံကြည်ကြသောကြောင့် ဘုရားသခင် ကတိပီးထားခသော ထိုချမ်းသာခြင်းကို ခံစားကြရ၏။ ဤသည်ကား၊ “ငါသည် အမျက်ထွက်၍ ကျိန်ဆိုခြင်းကို ပြုလေ၏။ ‘သူရိသည် ငါ၏ ငြိမ်ဝပ်ချမ်းသာခြင်းထဲသို့ လုံးဝ ဝင်ကြရလိမ့်မည် မဟုတ်’ ဟု ဘုရားသခင်မိန့်တော်မူခဲ့သည့်အတိုင်းဖြစ်၏။” ကိုယ်တော်သည် လောကကို ဖန်ဆင်းသည့်အချိန်မှစ၍ မိမိ၏လုပ်ဆောင်မှုတိ ပြီးဆုံးလားသော်ငြားလည်း ဤစကားကို မိန့်တော်မူ၏။ **4** သတ္တမနိရက်နှင့် ပတ်သက်၍ ကျမ်းစာလာသည်ကား “ဘုရားသခင်သည် သတ္တမနိရက်တွင် မိမိ၏လုပ်ဆောင်မှုအားလုံးကို ရပ်တန့်ပြီး ငြိမ်ဝပ်စွာအနားယူနိုင်လေ၏” ဟူ၍ ဖြစ်၏။ **5** ထို့နောက် ဘုရားသခင်က တဖန် မိန့်တော်မူခဲ့သည်မှာ “သူရိသည် ငါ၏ငြိမ်ဝပ်ချမ်းသာထဲသို့ မည်သည့်အခါမျှ ဝင်ရကြလိမ့်မည် မဟုတ်” ဟူ၍ ဖြစ်၏။ **6** သတင်းကောင်းတရားကို အဦးဆုံး ကြားနာရသောသူရိသည် မယုံကြည်ကြသောကြောင့် ထိုငြိမ်ဝပ်ချမ်းသာကို မခံစားရကြပေ။ သို့သော် အခြားသူရိသည်ကား ထိုငြိမ်ဝပ်ချမ်းသာကို ခံစားကြရ၏။ **7** ဤသည်ကား ဘုရားသခင်က “ဤနဲ့” ဟု ခေါ်သော တခြားသော နှိတ်စံနိရက်ကို သတ်မှတ်ထားသည်မှာ မှန်ကန်ကြောင်းကို သက်သိပြလျက်ဟိ၏။ လွန်ခဲ့သော နှစ်ပေါင်းများစွာ အကြာက ဘုရားသခင်သည် ဤနဲ့ အကြောင်းကို ဒါဝိဒ်အားဖြင့် ပြောခဲ့သည်ကို ကျမ်းစာ၌ ဖော်ပြထားသည်မှာ၊ “သင်ရိသည် ဘုရားသခင်၏အသံတော်ကို ဤနဲ့ ကြားရလျှင် စိတ်နှလုံး ခိုင်မာခြင်း မဟိကတ်ကေ။” **8** ယောသျှုသည် ဘုရားသခင် ကတိပီးခသော ငြိမ်ဝပ်ချမ်းသာခြင်းအကြောင်းကို လူတိအား ပြောထားခလျှင် ဘုရားသခင်သည် တခြားသောနိရက်ကို တဖန်ထပ်၍ မိန့်တော်မူလိမ့်မည် မဟုတ်ပေ။ **9** သို့ ဖြစ်၍ ဘုရားသခင်၏လူတိအတွက် ငြိမ်ဝပ်ချမ်းသာခြင်းနှင့်ဆိုင်သော ဥပုသ်နို့ သည် ကျန်နိုင်သိမ့်၏။ **10** ဘုရားသခင်သည် မိမိလုပ်ဆောင်ခြင်းမှ ငြိမ်ဝပ်စွာ အနားယူသကဲ့သို့ ဘုရားသခင် ကတိပီးထားသော ငြိမ်ဝပ်ချမ်းသာခြင်းကို ခံစားကြရသောသူရိသည် မိမိရိ၏အလုပ်မှ အနားယူကြရမည်။ **11** သူရိသည် ယုံကြည်ခြင်း မဟိသောကြောင့် ထိုငြိမ်ဝပ်ချမ်းသာခြင်းကို ဆုံးယုံးကြသည့်နည်းတူ ငါရိသည် ထိုသို့ မဆုံးယုံးကြစီခြင်းငှာ အကောင်းဆုံး ကြိုးစားအားထုတ်ကြလော့။ **12** ဘုရားသခင်၏နှုတ်ကပတ်တော်သည် အသက်ရှင်၍ လူပ်ယားလျက်ဟိ၏။ ထိုနှုတ်ကပတ်တော်သည် အသွားနှစ်ဖက်ပါသော သံလျက်ဒါးထက် ပြတ်၏။ ထိုနှုတ်ကပတ်တော်သည် အသက်နှင့် ဝိညာဉ်ကိုလည်းကောင်း၊ အရိုးအဆစ်နှင့် ခြင်ဆီများကိုလည်းကောင်း ထိုးထွင်းပိုင်းခြားတတ်၏။ ထိုနှုတ်ကပတ်တော်သည် စိတ်နှလုံးအကြံအစည်နှင့် တပ်မက်မှုကို ခွဲခြားသိမြင်တတ်၏။ **13** ဘုရားသခင်၏ မျက်မှောက်တော်မှ ကွယ်ဝှက်ထားနိုင်သော အရာဟူ၍ မဟိ။ ဖန်ဆင်းထားသမျှသော အရာအားလုံးသည် ကိုယ်တော်၏မျက်မှောက်တော်၌ ထင်ရှားလျက်ဟိကြ၏။ သို့ ဖြစ်၍ ငါရိအားလုံးသည် မိမိရိ ပြုသမျှအတိုင်း ပီးဆပ်ကြရလိမ့်မည်။ **14** သို့ ဖြစ်၍ ငါရိ ခံယူထားသော ယုံကြည်ခြင်းတရားကို ခိုင်ခံ့စွာ ဆုပ်ကိုင်ထားကြလော့။ အကြောင်းမူကား ဘုရားသခင်၏သားတော် ယောသျှုတည်းဟူသော ကောင်းကင်ဘုံသို့ ဝင်ရောက်တော်မူသော ကြီးမြတ်တော်မူသည့် ယဇ်ပုရောဟိတ်မင်းတစ်ပါးသည် ငါရိ၌ ဟိတော်မူသောကြောင့် ဖြစ်၏။ **15** ငါရိ၏ယဇ်ပုရောဟိတ်မင်းသည် ငါရိ၏အားနည်းချက်များကြောင့် ငါရိကို သနားကြင်နာစိတ် မဟိနိုင်သောသူ မဟုတ်ပေ။ တစ်နည်းဆိုသော် ငါရိ ခံရသည့်နည်းတူ အမျိုးမျိုးသော စုံစမ်းနှောင့်ယှက်ခြင်းကို ခံယူတော်မူသော ယဇ်ပုရောဟိတ်မင်း တစ်ပါးသည် ငါရိ၌ ဟိတော်မူ၏။ သို့ရာတွင် ထိုအသျှင်သည် ဒုစရိုက်အပြစ်နှင့် ကင်းလွတ်တော်မူ၏။ **16** သို့ ဖြစ်၍ ငါရိသည် ယုံကြည်သောစိတ်ဖြင့် ဘုရားသခင်၏ကျေးဇူးတော်ပလ္လင်သို့ ချဉ်းကပ်ကြကုန်အံ့။ အကြောင်းမူကား ထိုအရပ်၌ ငါရိသည် အကူအညီလိုအပ်သည့်အချိန်၌ ကျေးဇူးတော်ကို တွေ့မြင်၍ ကရုဏာတော်ကို ခံစားကြရလိမ့်မည်။

5 ယဇ်ပုရောဟိတ်မင်းဟူသည်မှာ အပြစ်ဖြေရန်အတွက် ယဇ်ပုဇော်မှုများကို ဆောင်ရွက်ခြင်းနှင့် ပူဇော်သကာများကို ဆက်သခြင်းဖြင့် ဘုရားသခင်၏အမှုတော်မြတ်ကို မိမိရိ၏ကိုယ်စား ဆောင်ရွက်စီခြင်းငှာ လူတိက ရှိုးချယ်ခန့်ထားသောသူ ဖြစ်၏။ **2** သူသည် မိမိကိုယ်တိုင်လည်း အားနည်းချက် များစွာဟိသောကြောင့် အသိပညာခေါင်းပါးသောသူတို့နှင့် မှားယွင်းသောသူတို့ကို သည်းခံနိုင်၏။ **3** ထို့အပြင် သူသည် မိမိကိုယ်တိုင်

အားနည်းချက်ဟိသည်ဖြစ်၍ လူရို၏အပြစ်အတွက်သာမက မိမိအပြစ်အတွက်ပါ ပူဇော်သကာများကို ဆက်သရ၏။ 4 မည်သူမျှ မိမိကိုယ်ကို ယဇ်ပုရောဟိတ်မင်းအဖြစ် မချီးမြှောက်နိုင်။ လူတစ်ယောက်သည် အာရန်ကဲ့သို့ ယဇ်ပုရောဟိတ်မင်း ဖြစ်ခြင်းငှာ ဘုရားသခင်၏ ခေါ်တော်မူခြင်းအားဖြင့်သာ ဖြစ်နိုင်ပေ၏။ 5 တစ်နည်းအားဖြင့်ဆိုသော် ခရစ်တော်သည် ယဇ်ပုရောဟိတ်မင်းအဖြစ် မိမိကိုယ်ကို ချီးမြှောက်သည် မဟုတ်ပေ။ “သင်သည် ငါ့သားဖြစ်၏။ ဤနှိုတွင် ငါသည် သင်၏အဖ ဖြစ်လေပြီ” ဟူ၍ ဘုရားသခင်က ကိုယ်တော်ကို မိန့်တော်မူလေ၏။ 6 ဘုရားသခင်က အခြားသောကျမ်းချက်၌ မိန့်တော်မူသည်မှာ၊ “သင်သည် မေလခိဇေဒက် ယဇ်ပုရောဟိတ်မင်း အရာ၌ ထာဝရယဇ်ပုရောဟိတ်မင်း တစ်ပါးဖြစ်လိမ့်မည်” ဟူ၍ ဖြစ်၏။ (aiōn g165) 7 ယေသျှုသည် လောကတွင် အသက်ရှင်စဉ်ကာလ၌ မိမိအား သီခြင်းတရားမှ ကယ်တင်နိုင်သော ဘုရားသခင်၌ ငိုယို၍ မျက်ရည်ကျလျက် တောင်းပန်၍ ဆုတောင်းပတ္တနာ ပြုခ၏။ ကိုယ်တော်သည် စိတ်နှလုံးနှိမ့်ချလျက် အလိုတော်ကို ဝန်ခံတော်မူသောကြောင့် ဘုရားသခင်သည် ကိုယ်တော်၏ ဆုတောင်းပတ္တနာကို နားညောင်းတော်မူလေ၏။ 8 ကိုယ်တော်သည် ဘုရားသခင်၏သားဖြစ်သော်လည်း ဆင်းရဲဒုက္ခကို ခံယူ၍ နာခံတတ်ရန် သင်ယူတော်မူခ၏။ 9 ထို့ကြောင့် ကိုယ်တော်သည် စုံလင်ခြင်းသို့ ရောက်သောအခါ မိမိကို နာခံသောသူအပေါင်းရို့အား ထာဝရကယ်တင်ခြင်းကို ပီးသောအသျှင် ဖြစ်လာတော်မူ၏။ (aiōnios g166) 10 ထိုသို့ဖြင့် ဘုရားသခင်က ကိုယ်တော်ကို မေလခိဇေဒက် ယဇ်ပုရောဟိတ်မင်း အရာ၌ ခန့်အပ်တော်မူ၏။ 11 ဤအကြောင်းအရာနှင့်ပတ်သတ်၍ ငါရို့သည် ပြောစရာ များစွာဟိသော်လည်း သင်ရို့သည် ဉာဏ်နုသောကြောင့် နားလည်ဖို့ရန် ခဲယဉ်း၏။ 12 အကြောင်းမူကား အဂုအချိန်၌ သင်ရို့သည် ဆရာ အဖြစ်သို့ ရောက်သင့်ကြပြီ။ သို့သော်လည်း တစ်ဦးတစ်ယောက်က သင်ရို့အား ဘုရားသခင်၏ နှုတ်ကပတ်တော်နှင့်ဆိုင်သော အခြေခံသမ္မာတရားကို တဖန်ပြန်၍ သင်ကြားပီးဖို့ရန် လိုနိန်သိမ့်၏။ သင်ရို့သည် ကြေခဲသောအစာကို မစားနိုင်သိမ့်။ နို့ကိုသာ သောက်၍ နိန်သင့်၏။ 13 နို့နှင့် အသက်ရှင်သောသူသည် နို့စို့သူငယ် တစ်ယောက်သာ ဖြစ်သိမ့်သောကြောင့် ထိုသူသည် ဖြောင့်မတ်ခြင်းတရားအကြောင်းကို သင်ကြားရာ၌ နားမလည်နိုင်။ 14 တစ်နည်းဆိုသော် ကြေခဲသောအစာသည် အရွယ်ရောက်ပြီးသော သူရို့အတွက်သာ ဖြစ်၏။ ထိုသူရို့သည် လေ့ကျင့် ထားပြီးဖြစ်သောကြောင့် အကောင်းအဆိုးကို ပိုင်းခြားသိမြင်နိုင်စွမ်း ဟိကြ၏။

6 သို့ဖြစ်၍ ငါရို့သည် ခရစ်ယာန်တရားတော်၏ အခြေခံသွန်သင်ချက်များကို ကျော်လွန်၍ ရင့်ကျက်သောဩဝါဒတရားတို့ကို ကျင့်ကြကုန်အံ့။ သီခြင်းတရားသို့ ပို့ဆောင်သော အကျင့်များမှ နောင်တရခြင်း၊ ဘုရားသခင်ကို ယုံကြည်ခြင်း၊ 2 ဗတ္တိဇံတရား ကို သွန်သင်ခြင်း၊ လက်တင်ဆုတောင်းပီးခြင်း၊ သီခြင်းမှ ထမြောက်ခြင်းနှင့် ထာဝရ တရားစီရင်ခြင်း စသည့် အခြေခံတရားများကို ငါရို့သည် တဖန်ပြန်၍ မသင်အပ်ယာ။ (aiōnios g166) 3 ဘုရားသခင် အခွင့်ပီးတော်လျှင် ငါရို့သည် ထိုအရာများကို ဆက်လက်၍ လုပ်ဆောင်ကြကုန်အံ့။ 4 မိမိရို့၏ယုံကြည်ခြင်းကို စွန့်ပစ်သောသူရို့သည် နောက်တဖန် ဇာပိုင် နောင်တရနိုင်ပါအံ့နည်း။ အကြောင်းမူကား သူရို့သည် တစ်ခါက ဘုရားသခင်၏အလင်းအောက်၌ ကောင်းကင်ဆုကျေးဇူးကို မြည်းစမ်းဖူးသောသူ၊ သန့်ယှင်းသောဝိညာဉ်တော်ကို ခံယူဖူးသောသူ၊ 5 ဘုရားသခင်၏နှုတ်ကပတ်တော် ကောင်းမြတ်တော်မူကြောင်းကို လက်တို့ ခံစားဖူးသောသူ၊ နောင်ကာလ၏တန်ခိုးတော်တို့ကိုလည်း ခံစားဖူးကြသောသူများဖြစ်ကြ၏။ (aiōn g165) 6 သို့သော်လည်း သူရို့သည် မိမိရို့၏ယုံကြည်ခြင်းကို စွန့်ကြလေပြီတကား။ သူရို့သည် ဘုရားသခင်၏သားတော်ကို လက်ဝါးကပ်တိုင်မှာ တဖန် တင်၍ သတ်လျက် လူအများတို့ရှိမှာ အရှက်ခွဲနိန်ကြသည်ဖြစ်၍ သူရို့အတွက် နောင်တတရားဟူ၍ မဟိယာ။ 7 အကြိမ်ကြိမ် ရွာသွန်းသည့် မိုးရီကို သောက်လျက် ထွန်ယက်စိုက်ပျိုးသောသူတို့ သုံးဆောင်အံ့သောငှာ သီးပင်စားပင်များကို ဖြစ်ထွန်းစီသော မြကြီးကို ဘုရားသခင်သည် ကောင်းကြီးပီးတော်မူ၏။ 8 သို့ရာတွင် ဆူးပင် ပေါင်းပင်တို့ကို ဖြစ်ထွန်းစီသော မြကြီးသည် အသုံးမဝင်။ ထိုမြကြီးသည် ဘုရားသခင်၏ ကျိန်ခြင်းကို ခံရသောမြဖြစ်၍ မီးဖြင့်

ဖျက်ဆီးခြင်းကို ခံရလိမ့်မည်။ 9 သို့ရာတွင် ချစ်သော မိတ်ဆွေရဲ့ ငါရဲ့သည် ဤကဲ့သို့ ပြောဆိုကြသော်လည်း သင်ရဲ့နှင့်ပတ်သက်၍ အမှန်ပင် ခံစားရပါ၏။ သင်ရဲ့မှာ သာ၍ ကောင်းမွန်သော ကယ်တင်ခြင်းဆိုင်ရာ ကောင်းကြီးများ ပိုင်ဆိုင်ထားကြကြောင်းကို ငါရဲ့ သိကြ၏။ 10 ဘုရားသခင်သည် တရားမျှတမှုမဟိသော အသျှင် မဟုတ်ပေ။ သင်ရဲ့ဆောင်ရွက်ခသောအမှုကိုလည်းကောင်း၊ အခြားသော ခရစ်ယာန်ညီအစ်ကိုများ ကူညီမစခြင်းအားဖြင့် ကိုယ်တော်သျှင်အား ပြသသော သင်ရဲ့၏ချစ်ခြင်းမေတ္တာကိုလည်းကောင်း ဘုရားသခင်သည် မို့လျော့လိမ့်မည် မဟုတ်ပေ။ 11 ငါရဲ့၏ ကြီးမားသော ဆန္ဒသည် သင်ရဲ့တစ်ယောက်စီတိုင်း၏မျှော်လင့်ချက်များ ပြည့်စုံလာစီရန် သင်ရဲ့၏စိတ်အားထက်သန်မှုကို အဆုံးတိုင်အောင် ခိုင်မြဲစီခြင်းငှာ ဖြစ်၏။ 12 ငါရဲ့သည် သင်ရဲ့အား ပျင်းရိသောသူများ ဖြစ်လာစီခြင်းငှာ အလိုမဟိ။ သို့ရာတွင် ယုံကြည်ခြင်းအားဖြင့် သော်လည်းကောင်း၊ စိတ်ရှည် သည်းခံသောအားဖြင့် သော်လည်းကောင်း၊ ဘုရားသခင်၏ကတိတော်ကို အမှီခံရသောသူတို့ကဲ့သို့ ပြုမူကျင့်ကြံစီခြင်းငှာ အလိုမဟိကြ၏။ 13 ဘုရားသခင်သည် အာဗြဟံကို ကတိပီးတော်မူသောအခါ မိမိထက် ကြီးမြတ်သောသူ မဟိသောကြောင့် မိမိ၏နာမကို တိုင်တည်၍ ကျိန်ဆိုတော်မူခ၏။ 14 ကိုယ်တော်က “ငါသည် သင့်အား ကောင်းကြီးပီးမည်၊ သင်၏ အမျိုးအနွယ်ကို ပွားများစီမည်” ဟု မိန့်တော်မူခ၏။ 15 အာဗြဟံသည် စိတ်ရှည်သည်းခံသောကြောင့် ဘုရားသခင်၏ကတိတော်ကို ရဟိခ၏။ 16 လူအပေါင်းရဲ့သည် ကျိန်ဆိုခြင်းကို ပြုသောအခါ မိမိရဲ့ထက်သာ၍ ကြီးမြတ်သော ပုဂ္ဂိုလ်တစ်ဦး တစ်ယောက်ကို တိုင်တည်၍ ကျိန်ဆိုလေဟိကြ၏။ ထိုသို့ ကျိန်ဆိုခြင်းသည် အချင်းချင်း အငြင်းပွားမှုများကို ပြေငြိမ်းစီ၏။ 17 ဘုရားသခင်က မိမိ၏ အကြံအစည်တော်သည် ဇာခါမျှ ပြောင်းလဲတော်မမူကြောင်းကို မိမိ၏ကတိတော်ကို အမှီခံကြရမည့်သူတို့အား ယှင်းလင်းစွာ သိစီလိုသည်ဖြစ်၍ ကျိန်ဆိုခြင်းဖြင့် ကတိတော်ကို ခိုင်မြဲစီ၏။ 18 ဘုရားသခင်သည် မုသာကို ပြောဆိုတော်မမူသောကြောင့် ကတိတော်နှင့် ကျိန်ဆိုခြင်းသည် မပြောင်းလဲနိုင်သော အရာနှစ်ပါး ဖြစ်၏။ မိမိရဲ့၌ ချထားသော မျှော်လင့်ခြင်းကို ခိုင်မြဲစွာ ဆုပ်ကိုင်ထားကြရန် ဘုရားသခင်၌ ခိုလှုံနိုင်ကြသောငါရဲ့အား ထိုသို့ တိုက်တွန်းထားခြင်းဖြစ်၏။ 19 ငါရဲ့၏အသက်အတွက် အာမခံ၍ စိတ်ချရသော ကျောက်ဆူးတစ်ခု ကဲ့သို့ ဤမျှော်လင့်ခြင်းကို ငါရဲ့၌ ချထားလျက်ဟိ၏။ ဤမျှော်လင့်ခြင်းသည်ကား ကောင်းကင်ဗိမာန်တော်၏ကန့်လန့်ကာအတွင်း သန့်ယှင်းရာဌာနတော်သို့ ဝင်ရောက်တော်မူ၏။ 20 မေလခိဇေဒက် အရာကို ဆက်ခံတော်မူသော ထာဝရ ယဇ်ပုရောဟိတ်မင်းတစ်ပါး ဖြစ်လာတော်မူသော ယေသျှုသည် ငါရဲ့၏ ရှိတော်ပြီးတစ်ယောက်အဖြစ်ဖြင့် ထိုဌာနတော်ထဲသို့ ဝင်ရောက်တော်မူ၏။ (aion g165)

7 ဤမေလခိဇေဒက်သည်ကား ယှာလင်မြို့၏ဘုရင် ဖြစ်သည့်အပြင် အမြင့်ဆုံးသော ဘုရားသခင်၏ယဇ်ပုရောဟိတ်မင်း တစ်ပါးဖြစ်လေ၏။ အာဗြဟံသည် သျှင်ဘုရင်လေးပါးနှင့် တိုက်ခိုက်သော တိုက်ပွဲကို အောင်မြင်၍ ပြန်လာစဉ်တွင် မေလခိဇေဒက်သည် သူ့အား ခရီးဦးကြိုဆို၍ ကောင်းကြီးပီးလေ၏။ 2 ထိုအခါ အာဗြဟံသည်လည်း မိမိသိမ်းယူလာသော ပစ္စည်းဥစ္စာအားလုံး၏ ဆယ်ဖို့တစ်ဖို့ကို သူ့အား ပီးလှူလေ၏။ မေလခိဇေဒက်ဟူသောနာမည်၏ ပထမ အနက်အဓိပ္ပာယ်မှာ “ဖြောင့်မတ်ခြင်း၏ဘုရင်” ဟူ၍ ဖြစ်၏။ သူသည် ယှာလင်မြို့၏ဘုရင်ဖြစ်၍ “ငြိမ်သက်ခြင်း၏ဘုရင်” ဟူ၍လည်း အဓိပ္ပာယ်ရ၏။ 3 မေလခိဇေဒက်သည် အမိ အဖ၊ ဆွေမျိုး ဟူ၍ မဟိပေ။ ဘဝ၏အစ အဆုံးဟူ၍လည်း မဟိပေ။ သူသည် ဘုရားသခင်၏သားတော်နှင့်တူ၍ ယဇ်ပုရောဟိတ်တစ်ပါးအဖြစ် ထာဝရ တည်တော်မူ၏။ 4 ငါရဲ့အမျိုး၏ ထင်ရှားသော အဖိုးဖြစ်သူ အာဗြဟံသည် တိုက်ပွဲမှ မိမိသိမ်းယူလာသော ပစ္စည်းဥစ္စာအားလုံး၏ ဆယ်ဖို့တစ်ဖို့ကို သူ့အား ပီးလှူခရသည်ဆိုသော် ထိုသူသည် ဇာလောက် ကြီးမြတ်တော်မူသည်ကို သင်ရဲ့ သဘောပေါက်ကြလော့။ 5 ယဇ်ပုရောဟိတ်တိဖြစ်သော လေဝိမျိုးနွယ်များသည် အာဗြဟံမှ ဆင်းသက်လာသော မိမိရဲ့၏ကုသရေလလူများ ဖြစ်ကြသော်လည်း ကုသရေလလူမျိုးများက ဆယ်ဖို့တစ်ဖို့ကို စုဆောင်း၍ ပီးလှူကြရန် ပညတ်ထားတော်မူ၏။ 6

မေလခိဇေဒကံသည် လေဝိမျိုးနွယ်မှ ဆင်းသက်လာသောသူ မဟုတ်သော်လည်း အာဗြဟံပါးက ဆယ်ဖို့တစ်ဖို့ကို ခံယူ၍ ဘုရားသခင်၏ကတိတော်များကို ရဟိတားသော အာဗြဟံအား ကောင်းကြီးပီးလေ၏။ 7 ကောင်းကြီးပီးသောသူသည် ကောင်းကြီးပီးခြင်းကို ခံရသောသူထက် သာ၍ ကြီးမြတ်သည်မှာ သံသယဖြစ်ဖွယ်မဟိပေ။ 8 ဤနိရာဇ် ဆယ်ဖို့တစ်ဖို့ကို ကောက်ခံကြသော ယဇ်ပုရောဟိတ်ရှိသည် သီဆုံးတတ်သော လူသားတိဖြစ်ကြ၏။ သို့သော်လည်း ဆယ်ဖို့တစ်ဖို့ကို ကောက်ခံသော မာလခိဇေဒကံသည်ကား အသက်ရှင်သောသူ ဖြစ်သည်ဟု ကျမ်းစာက ဆိုထား၏။ 9 ထို့ကြောင့် ဆယ်ဖို့တစ်ဖို့ကို ခံယူကြသော လေဝိရှိသည်လည်း အာဗြဟံအားဖြင့် ဆယ်ဖို့တစ်ဖို့ကို ပီးလျှုခကြသည်ဟု ဆိုနိုင်၏။ 10 အကြောင်းမူကား မေလခိဇေဒကံသည် အာဗြဟံအား တို့ဆုံသောအခါ လေဝိသည်လည်း သူ၏အဖိုး ခန္ဓာကိုယ်ထဲ၌ ဟိန်နိခံသောကြောင့် ဖြစ်၏။ 11 ပညတ်တရားကို ဣသရေလလူမျိုးတို့အား ပီးအပ်ထားသည်မှာ လေဝိမျိုးနွယ် ယဇ်ပုရောဟိတ်တို့၌ အခြေခံထားခြင်းဖြစ်၏။ အဂုအခါ လေဝိမျိုးနွယ် ယဇ်ပုရောဟိတ်တို့၏လုပ်ဆောင်မှုသည် ပြည့်စုံလျှင် အာရန်ကဲ့သို့ မဟုတ်ဘဲ မေလခိဇေဒကံ အရာကို ဆက်ခံတော်မူသော ယဇ်ပုရောဟိတ်တစ်ပါး ပေါ်ထွန်းလာဖို့ မလိုအပ်ယာ။ 12 ထို့ကြောင့် ယဇ်ပုရောဟိတ်အမျိုး ပြောင်းလျှင် ပညတ်တရားလည်း ပြောင်းရမည်။ 13 ဤအကြောင်းအရာများကို မိန့်တော်မူသော ငါရို၏အသျှင်ဘုရားသည် ယဇ်ပလ္လင်၌ ဆောင်ရွက်ရသော ယဇ်ပုရောဟိတ်အနွယ်ဝင်မဟုတ်၊ အခြားတစ်ပါးသော အမျိုးအနွယ်မှ ဆင်းသက်လာသော သူဖြစ်၏။ 14 အကျွန်ုပ်ရို၏ သခင်ဘုရားသည် ယုဒလူမျိုးထဲ၌ မွီးဖွားခသည်မှာ ထင်ရှား၏။ မောသျှေသည် ယဇ်ပုရောဟိတ်အကြောင်းကို ပြောခသည့်အချိန်မှာ ဤယုဒလူမျိုးနှင့် ပတ်သက်၍ တစ်ခုမျှ မပြောခပါ။ 15 ထို့အပြင် မေလခိဇေဒကံကဲ့သို့ အခြားသော ယဇ်ပုရောဟိတ်တစ်ပါး ပေါ်ထွန်းလာခြင်းသည် ငါရိုပြောခသည့် အရာများ သာ၍ ထင်ရှားလာခြင်းဖြစ်၏။ 16 ထိုအသျှင်ကို ယဇ်ပုရောဟိတ်တစ်ပါးအဖြစ် ခန့်အပ်ထားသည်မှာ လူရို၏ စည်းမျဉ်းဥပဒေ၊ အမိန့်အာဏာဖြင့် ခန့်အပ်ထားခြင်း မဟုတ်၊ မပျက်စီးနိုင်သော အသက်တာ၏ တန်ခိုးအာနုဘော်အားဖြင့် ခန့်အပ်ထားခြင်းဖြစ်၏။ 17 အကြောင်းမူကား “သင်သည် မေလခိဇေဒကံ အရာကို ဆက်ခံတော်မူသော ထာဝရ ယဇ်ပုရောဟိတ်မင်း ဖြစ်လိမ့်မည်” ဟု ကျမ်းစာက မိန့်တော်မူထားသောကြောင့် ဖြစ်၏။ (aiṯn g165) 18 ယခင်ပညတ်တရားသည် အားနည်း၍ အသုံးမဝင်သောကြောင့် ဖယ်ထားကြ၏။ 19 မောသျှေ၏ပညတ်တရားသည် ပြည့်စုံခြင်းသို့ မရောက်နိုင်၊ အဂုအခါ သာ၍ကောင်းမြတ်သော မျှော်လင့်ခြင်းတစ်ခုကို ရထားကြသည်ဖြစ်၍ ငါရိုသည် ထိုမျှော်လင့်ခြင်းအားဖြင့် ဘုရားသခင်ထံတော်ပါးသို့ ရောက်လာကြ၏။ 20 တဖန် ဘုရားသခင် ကျိန်ဆိုတော်မူခြင်းသည်လည်း ဟိ၏။ လေဝိမျိုးနွယ်များကို ယဇ်ပုရောဟိတ် ခန့်အပ်သောအခါ ထိုကျိန်ဆိုတော်မူခြင်း မဟိပေ။ 21 သို့ရာတွင် ထိုသို့ ဘုရားသခင် ကျိန်ဆိုတော်မူခြင်းအားဖြင့် ယေသျှေသည် ယဇ်ပုရောဟိတ်တစ်ပါး ဖြစ်လာ၏။ “ဘုရားသခင်က ကတိ ပီးတော်မူ၏ ထို့နောက် ထိုကတိတော်ကို ပြန်၍ ရုတ်သိမ်းတော်မူလိမ့်မည် မဟုတ်၊ ‘သင်သည် ထာဝရ ယဇ်ပုရောဟိတ်တစ်ပါး ဖြစ်လိမ့်မည်။’” (aiṯn g165) 22 ဤသို့ ကျိန်ဆိုတော်မူခြင်းကြောင့် ယေသျှေသည် သာ၍မြတ်သော ပဋိညာဉ်တရားတော်၏ အာမခံ ဖြစ်တော်မူ၏။ 23 အဂုအခါ ထိုသို့သော ယဇ်ပုရောဟိတ် များစွာဟိကြလေ၏။ အကြောင်းမူကား သူရိသည် သီဆုံးလားကြသည်ဖြစ်၍ မိမိရိုအလုပ်ကို ဆက်လက်၍ မလုပ်နိုင်ကြပေ။ 24 သို့ရာတွင် ယေသျှေသည် ထာဝရအသက်ရှင်တော်မူသည်ဖြစ်၍ သူသည် ပြောင်းလဲခြင်း မဟိသော ယဇ်ပုရောဟိတ်ဖြစ်တော်မူ၏။ (aiṯn g165) 25 ထို့ကြောင့် အဂုတွင် ကိုယ်တော်သည် မိမိအားဖြင့် ဘုရားသခင်ထံပါးသို့ ရောက်လာကြသောသူရိအား ကယ်တင်ခြင်းငှာ အစဉ်သဖြင့် တတိနိုင်တော်မူ၏။ အကြောင်းမူကား ကိုယ်တော်သည် ထိုသူရိအတွက် ဘုရားသခင်ကို အသနားခံရန် ထာဝရအသက်ရှင်တော်မူသောကြောင့်ဖြစ်၏။ 26 ထို့ကြောင့် ယေသျှေသည် ငါရိုလိုအပ်သော ယဇ်ပုရောဟိတ်မင်း အမှန်ပင် ဖြစ်တော်မူ၏။ ကိုယ်တော်သည် မြင့်မြတ်သန့်ယုင်း၍ အပြစ်ကင်းစင်တော်မူ၏။ ကိုယ်တော်သည် အပြစ်သားတိနှင့် ခြားထားခြင်းကို ခံရပြီးလျှင် ကောင်းကင်ဘဝဂံတိုင်အောင် ချီးမြှောက်ခြင်းကို

ခံတော်မူ၏။ 27 ကိုယ်တော်သည် အခြားသော ယဇ်ပုရောဟိတ်မင်းရိုးကဲ့သို့ နိစဉ်နိတိုင်း ယဇ်ပူဇော်ရန် မလိုအပ်ပေ။ အခြားသော ယဇ်ပုရောဟိတ်တို့မှာကား မိမိရိုးအပြစ်အတွက် ပထမဦးစွာ ပူဇော်သကာကို ပူဇော်ပြီးနောက် လူတို့အပြစ်အတွက် တဖန် ပူဇော်သကာကို ပူဇော်ကြရ၏။ သို့ရာတွင် ယေသျှုသည် မိမိကိုယ်ကို ပူဇော်သောအခါ လူသားအားလုံး၏ အပြစ်အတွက် တစ်ခါတည်း အပြီးပူဇော်ထားပြီးဖြစ်၏။ 28 မောသျှု၏ပညတ်တရားက ပြီးပြည့်စုံလင်ခြင်းမဟိသော လူတို့ကို ယဇ်ပုရောဟိတ်မင်းတို့အဖြစ် ခန့်ထား၏။ သို့သော် ပညတ်တရား၏ နောက်မှရောက်လာသော ဘုရားသခင် ကျိန်ဆိုတော်မူသည့် ကတိတော်သည် ထာဝရပြည့်စုံတော်မူသော သားတော်ကို ယဇ်ပုရောဟိတ်မင်းအဖြစ် ခန့်ထားလေ၏။ (aiōn g165)

8 ငါရို့ ပြောဆိုနိုင်ကြသည့် အဓိကအချက်မှာ ကောင်းကင်ဘုံ၌ အနန္တတန်ခိုးသျှင် ဘုရားသခင်၏ ပလ္လင်တော် လက်ယာဖက်တွင် ထိုင်နိုင်တော်မူသော ယဇ်ပုရောဟိတ်မင်း တစ်ပါးသည် ငါရို့၌ ဟိန်နီသည်ဟူသော အကြောင်းပင် ဖြစ်၏။ 2 ထိုယဇ်ပုရောဟိတ်သည်ကား လူလက်ဖြင့် မလုပ်၊ သခင်ဘုရား တည်ဆောက်တော်မူသော စစ်မှန်သော တံတော်ဖြစ်သည့် သန့်ယုင်းရာ ဌာနတော်၌ အမှုတော်ကို ဆောင်ရွက်လျက် ဟိတော်မူ၏။ 3 ယဇ်ပုရောဟိတ်မည်သည်ကား ပူဇော်သကာများနှင့် ယဇ်ကောင်များကို ဘုရားသခင်အား ပူဇော်ဆက်ကပ်ရန် ခန့်ထားခြင်းဖြစ်၏။ ထို့ကြောင့် ငါရို့၏ယဇ်ပုရောဟိတ်မင်း၌လည်း ထိုသို့ပူဇော်ခြင်းငှာ တစ်စုံတစ်ခု ဟိရမည် ဖြစ်၏။ 4 ကိုယ်တော်သည် မြီကြီးထက်တွင် ဟိတော်မူမည်ဆိုလျှင် ယုဒလူမျိုးရိနှိုင်းဆိုင်သော ပညတ်တရားအရ ပူဇော်သကာများကို ပူဇော်ကြသော ယဇ်ပုရောဟိတ်တို့ ဟိန်နီကြပြီးဖြစ်သောကြောင့် ကိုယ်တော်သည် ယဇ်ပုရောဟိတ်တစ်ပါး ဖြစ်လိမ့်မည် မဟုတ်ပေ။ 5 မောသျှုသည် ဝတ်ပြုရန် တံတော်ကို တည်ဆောက်မည်ပြုသောအခါ ဘုရားသခင်က “တောင်ပေါ်တွင် သင့်ကို ငါ ပြသသည့် ပုံစံအတိုင်း အရာရာကို သေချာစွာ လုပ်ဆောင်လော့” ဟု သူ့အား မိန့်မှာသည့်အတိုင်း ယဇ်ပုရောဟိတ်ရို့ လုပ်ဆောင်နိုင်ကြသော အလုပ်သည် ကောင်းကင်ဘုံ၌ဟိသော အမှုအရာ၏ပုံရိပ်တစ်ခုမျှသာ ဖြစ်ပြီး မောသျှု၏လုပ်ဆောင်မှုနှင့် အတူတူပင် ဖြစ်၏။ 6 သို့ရာတွင် ယေသျှုသည် ဘုရားသခင်နှင့် မိမိ၏လူရိုကြားမှာ ပျင်ဆင်ထားတော်မူသော ပဋိညာဉ်တရားသည် ကတိတော်၌ တည်သောကြောင့် သာ၍ ကောင်းမြတ် သည်ဖြစ်၍ အဂုဏ်အခါ ကိုယ်တော်အား ယဇ်ပုရောဟိတ်တိထက် သာ၍ မြင့်မြတ်သော ယဇ်ပုရောဟိတ်တာဝန်ကို ပီးအပ်ထားတော်မူ၏။ 7 အကြောင်းမူကား ပထမ ပဋိညာဉ်တရား၌ အပြစ်မဟိသောလျှင် ဒုတိယ ပဋိညာဉ်တရား ဖြစ်တည်ရန် မလိုအပ်ပေ။ 8 သို့ရာတွင် ဘုရားသခင်သည် မိမိလူတို့၌ အပြစ်တို့တော်မူသည်ဖြစ်၍ “ထာဝရဘုရား မိန့်တော်မူသည်မှာ၊ ငါသည် ဣသရေလလူမျိုးတို့နှင့် သော်လည်းကောင်း၊ ယုဒလူမျိုးတို့နှင့် သော်လည်းကောင်း ပဋိညာဉ်တရားသစ်ကို ပြုတော်မူမည့် နို့ရက် ရောက်လာလိမ့်မည်။ 9 ထိုပဋိညာဉ်တရားသည်ကား ငါသည် အဲဂုတ္တုပြည်မှ သူရို့ကို ခေါ်ဆောင်လာစဉ်က သူရို့၏အဖိုး အဖီးရိနှင့် ပြုသော ပဋိညာဉ်တရားနှင့် တူလိမ့်မည် မဟုတ်ပေ။ သူရို့သည် ထိုပဋိညာဉ်တရားကို ချိုးဖောက်ကြသည် ဖြစ်၍ ငါသည် သူရို့ကို ဂရုမစိုက်ဘဲ နိန့်ခေါ်၏။ 10 နောင်ကာလတွင် ဣသရေလလူမျိုးတို့နှင့် ငါပြုမည့် ပဋိညာဉ်တရားဟူမူကား၊ ငါသည် ငါ၏ပညတ်တရားကို သူရို့၏စိတ်ဝိညာဉ်ထဲသို့ သွင်းပြီးလျှင်၊ ထိုပညတ်တရားများကို သူရို့၏ စိတ်နှလုံးတွင် ရိုးထားမည်။ ငါသည် သူရို့၏ဘုရားသခင် ဖြစ်ပြီး သူရို့သည်လည်း ငါ၏လူတို့ ဖြစ်ကြလိမ့်မည်ဟူ၍ မိန့်တော်မူ၏။ 11 သူရို့သည် မိမိရို့၏အမျိုးသားချင်းကို သော်လည်းကောင်း၊ ညီအစ်ကိုချင်းကို သော်လည်းကောင်း ‘ထာဝရဘုရားကို သိကြလော့’ ဟု သင်ကြားပီးရ လိမ့်မည် မဟုတ်၊ အကြောင်းမူကား သူရို့အားလုံးသည် အငယ်ဆုံးမှ အကြီးဆုံးတိုင်အောင် ငါ့ကို သိကြလိမ့်မည်။ 12 ငါသည် သူရို့၏ အပြစ်တို့ကို ခွင့်ရွတ်လိမ့်မည်။ သူရို့၏ ပြစ်မှားခြင်းတို့ကိုလည်း မအောင့်မိုဘဲ နိန့်လိမ့်မည်” ဟု မိန့်တော်မူ၏။ 13 ပဋိညာဉ်တရားသစ်ဟူ၍ မိန့်တော်မူရာ၌ ဘုရားသခင်သည် ပထမ ပဋိညာဉ်တရားကို ဟောင်းနွမ်းစီတော်မူသည်ဖြစ်၍ ထိုဟောင်းနွမ်းလားသောအရာဟူသမျှသည် မကြာခင် ကွယ်ပျောက်လားလိမ့်မည်။

၉ ပထမပညတ်တော်၌ ဝတ်ပြုခြင်းဆိုင်ရာ စည်းမျဉ်းများနှင့် မြီကြီးနှင့်ဆိုင်သော ဝတ်ပြုရာ နီရာတစ်ခုလည်း ဟိလေ၏။ **၂** တဲတော်၌ သန့်ယှင်းသောနီရာ ဟုခေါ်သော ပထမအခန်း၌ ဆီမီးခွက်တင်ခုံ၊ စားပွဲနှင့် ဘုရားသခင်ကို ပူဇော်ထားသောမုန့် ဟူ၍ ဟိကြ၏။ **၃** ဒုတိယ ကန့်လန့်ကာ၏နောက်တွင် အသန့်ယှင်းဆုံးသောနီရာဟု ခေါ်သောအခန်း ဟိ၏။ **၄** ထိုအခန်းထဲတွင် အစွီးနံ့သာများကို ထွန်းညှိပူဇော်ထားသည့် ရွှံ့ပလ္လင်တော်၊ ရွှံ့ဖြင့်ပြုလုပ်ထားသော ပဋိညာဉ်သတ္တတော်၊ မန္တမုန့်ကို ထည့်ထားသော ရွှံ့အိုး၊ အဖူးအညွန့်များ ထွက်လျက်ဟိသော အာရုဏ်၏တောင်မှီနှင့် ပညတ်တရားတော်များကို ရိုးထားသော ကျောက်ပြားနှစ်ချပ် စသည့်အရာများသည် ဟိကြ၏။ **၅** သတ္တ၏အထက်တွင် ခေရုဗိမံရီသည် ဘုရားသခင်၏ဘုန်းတော်ကို ဖော်ညွှန်းလျက်ဟိကြ၏။ ထိုခေရုဗိမံရီသည် အပြစ်ဖြေရာနီရာ အထက်က သူရို့၏အတောင်များကို ဖြန့်မိုးထားကြ၏။ သို့ရာတွင် ဤအရာများကို အဂ္ဂ အသေးစိပ်ပြောပြ၍ မရနိုင်ပေ။ **၆** ဤသို့သောအရာများကို ပျင်ဆင်ထားပြီးနောက် ယဇ်ပုရောဟိတ်တို့သည် မိမိရို့၏တာဝန်များကို ဆောင်ရွက်ရန် နှိတိုင်း တဲတော်၏ပထမခန်းထဲသို့ ဝင်ကြရ၏။ **၇** သို့ရာတွင် ယဇ်ပုရောဟိတ်မင်း တစ်ပါးတည်းသာ တဲတော်၏ ဒုတိယခန်းထဲသို့ ဝင်ရ၏။ ထိုသို့ ဝင်ရသည်မှာလည်း တစ်နှစ်လျှင် တစ်ကြိမ်သာ ဝင်ရ၏။ သူသည် မိမိအတွက်လည်းကောင်း၊ မသိ၍ ပြစ်မှားမိသော လူတို့အပြစ်အတွက်လည်းကောင်း ကိုယ်စားပြု၍ ဘုရားသခင်အား ပူဇော်ရန် အသွီးကို မိမိနှင့်တပါးတည်း ယူဆောင်လားရ၏။ **၈** တဲတော်၏ပထမအခန်း တည်ဟိန်နံသမျှ ကာလပတ်လုံး အသန့်ယှင်းဆုံးနီရာသို့ ဝင်ရောက်ရန် လမ်းဖွင့်ထားခြင်း မဟိသ်မိကြောင်းကို ဤပျင်ဆင်ထားသောအရာများအားဖြင့် သန့်ယှင်းသောဝိညာဉ်တော်က ယှင်းလင်းစွာ ဖော်ပြလျက်ဟိ၏။ **၉** ဤအရာများသည် အဂ္ဂမျက်မှောက်ကာလအတွက် ညွှန်ပြထားသော ပုံဆောင်ထားခြင်းသာ ဖြစ်ကြ၏။ ဘုရားသခင်အား ဆက်ကပ်ထားသော ပူဇော်သကာများနှင့် ယဇ်ကောင်များသည် ဝတ်ပြုသူများ၏စိတ်ကို ပြည့်စုံစီခြင်းငှာ ဆောင်ရွက်မပီးနိုင်ဟု အဓိပ္ပာယ်ရ၏။ **၁၀** အကြောင်းမူကား ထိုအရာများသည် စားသောက်ဖွယ်ရာများနှင့် အမျိုးမျိုးသော သန့်ယှင်း စင်ကြယ်ခြင်းဝတ်နှင့်သာ ဆိုင်ကြ၏။ ဤအရာများသည် ပြင်ပလက္ခဏာများဆိုင်ရာ စည်းမျဉ်းများသာဖြစ်ကြ၏။ ဘုရားသခင်သည် အသစ်သော ပညတ်တော်ကို ချပီးသောအချိန်ကာလ ရောက်လာသည့်တိုင်အောင်အထိသာလျှင် ထိုအရာများသည် အထောက်အပံ့ပြုကြ၏။ **၁၁** သို့ရာတွင် ခရစ်တော်သည် ကောင်းသောအရာအားလုံး၏ ယဇ်ပုရောဟိတ်မင်းအဖြစ်ဖြင့် ကြွလာတော်မူ၏။ ကိုယ်တော် အမှုတော်ဆောင်သည့် တဲတော်သည် သာ၍ ကြီးမြတ်ပြည့်စုံတော်မူ၏။ အကြောင်းမူကား ထိုတဲတော်သည် လူလက်ဖြင့် တည်ဆောက်ထားသောအရာ မဟုတ်သည့်အပြင် ဖန်ဆင်းခံဖြစ်သော ဤလောက၏အရာများနှင့်လည်း မသက်ဆိုင်ပေ။ **၁၂** ခရစ်တော်သည် လူသားအားလုံးအတွက် ပူဇော်သကာဆက်ကပ်ခြင်းငှာ တဲတော်၏အသန့်ယှင်းဆုံးသော နီရာသို့ ဝင်သောအခါ ဆိတ်၏အသွီး၊ နွား၏အသွီးများကို ယူဆောင်၍ ဝင်တော်မူခြင်း မဟုတ်၊ မိမိ၏အသွီးတော်ကို ယူဆောင်၍ ဝင်တော်မူခြင်းအားဖြင့် ငါရို့အား ထာဝရ ကယ်တင်ခြင်းကို ပီးတော်မူ၏။ (aiōnios g166) **၁၃** ဆိတ်၏အသွီး၊ နွား၏အသွီးနှင့် နွားမတမ်း၏ပြာများကို မစင်ကြယ်သောသူတို့ကို ဖြန့်ခြင်းအားဖြင့် သူရို့သည် မိမိရို့၏ဘာသာတရားဆိုင်ရာ စင်ကြယ်ခြင်းသို့ ရောက်ကြသည်။ **၁၄** မှန်လျှင် ခရစ်တော်၏အသွီးတော်သည် မည်မျှလောက်ထိ စင်ကြယ်ခြင်းသို့ ရောက်ကြပါမည်နည်း။ ခရစ်တော်သည် ထာဝရဝိညာဉ်တော်အားဖြင့် ပြည့်စုံသော ပူဇော်သကာအဖြစ် မိမိကိုယ်ကို ဘုရားသခင်အား ပူဇော်ပီးအ၏။ ကိုယ်တော်၏အသွီးတော်သည် သီခြင်းတရားနှင့်ဆိုင်သော အကျင့်များမှ ငါရို့၏စိတ်ဝိညာဉ်ကို သန့်ယှင်းစီလိမ့်မည်။ အကြောင်းမူကား ငါရို့သည် အသက်ရှင်တော်မူသော ဘုရားသခင်၏အမှုတော်မြတ်ကို ဆောင်ရွက်နိုင်ကြစီရန် ဖြစ်၏။ (aiōnios g166) **၁၅** ထို့ကြောင့် ခရစ်တော်သည် အသစ်သောပဋိညာဉ်ကို ပျင်ဆင်တော်မူသော ကြားဝင်စုံစပ်ပီးသူ ဖြစ်၏။ အကြောင်းမူကား ဘုရားသခင်သည် မိမိခေါ်ထားတော်မူသော သူရို့အား ကတိပီးထားတော်မူသည့် ထာဝရကောင်းကြီးမင်္ဂလာများကို ရကြစီခြင်းငှာ ဖြစ်၏။ ပထမပဋိညာဉ်တရား အောက်၌ ပြစ်မှားမိသော လူတို့ကို အပြစ်မှ လွတ်မြောက်ရန်

ကိုယ်တော်သည် အသိခံ ပီးတော်မူ၏။ (aiōnios g166) 16 သီတမ်းစာတစ်စောင် တရားဝင်ဖြစ်လာစီခြင်းငှာ ထိုသီတမ်းစာကို ရိုးသားထားသောသူသည် သီဆုံးလားပြီဖြစ်ကြောင်းကို သက်သိပြုဖို့ရန် လိုအပ်၏။ 17 ထိုသီတမ်းစာကို ရိုးသားထားသောသူသည် အသက်မသိသိရှိလျှင် ထိုသီတမ်းစာသည် တရားမဝင်သိမ့်၊ ထိုသူ သိပြီးမှသာ တရားဝင်လာ၏။ 18 ထို့ကြောင့် ပထမပဋိညာဉ်တရားပင်လျှင် အသွီးအားဖြင့်သာ တည်၏။ 19 အစဦးကပင် မောသျှေသည် ပညတ်တော်၌ ပါသော တရားအားလုံးကို လူတိအား ကြော်ငြာပြီးသောအခါ ရှိနှင့်ရောထားသော နွား၏အသွီး၊ ဆိတ်၏အသွီးများကို ယူ၍ အနီရောင်သိုးမွှီးနှင့် ဟုသုပ်ပင်ညွန့်ကို အသုံးပြုကာ ကျမ်းစာလိပ်ကိုလည်းကောင်း၊ လူတိအားလုံးကိုလည်းကောင်း ဖြန့်လေ၏။ 20 ထို့နောက် မောသျှေက “ဤအသွီးသည်ကား သင်ရို့ နာခံကြစီခြင်းငှာ ဘုရားသခင် ပညတ်တော်မူသော ပဋိညာဉ်တရား၏ သက်သိဖြစ်၏” ဟု မိန့်တော်မူ၏။ 21 ထိုနည်းအတိုင်း မောသျှေသည် တဲတော်နှင့်တကွ ဝတ်ပြုရာ၌ အသုံးပြုသော အရာအားလုံးကို အသွီးနှင့် ဖြန့်လေ၏။ 22 အကယ်စင်စစ် ပညတ်တရားအရ အရာအားလုံးနီးပါးသည် အသွီးအားဖြင့်သာလျှင် သန့်ယှင်းစင်ကြယ်ခြင်းသို့ ရောက်ကြရ၏။ အကြောင်းမူကား အသွီး သွန်းလောင်းခြင်း မဟိလျှင် အပြစ်လွှတ်ခြင်း မဟိ။ 23 ထိုနည်းအားဖြင့် ကောင်းကင်ဘုံနှင့် သက်ဆိုင်သောပြယုဂ်များကိုသာ သန့်ယှင်းစင်ကြယ်ရန် ဖြစ်၏။ သို့ရာတွင် ကောင်းကင်ဘုံနှင့်ဆိုင်သော အရာများကို သန့်ယှင်းစင်ကြယ်ရန် သာ၍ မြင့်မြတ်သောယဇ်ကို ပူဇော်ရန်လိုအပ်၏။ 24 အကြောင်းမူကား ခရစ်တော်သည် စစ်မှန်သောအရာ၏ပြယုဂ်ဖြစ်သည့် လူ့လက်ဖြင့် လုပ်ထားသော သန့်ယှင်းသောနီရာသို့ ဝင်တော်မမူခဲ့ပေ။ သို့သော် အဂုတွင် ဘုရားသခင်၏မျက်မှောက်တော်၌ ငါရို့အတွက် ထင်ရှားစီရန် ကောင်းကင်ဘုံသို့ ဝင်ရောက်တော်မူ၏။ 25 ယဇ်ပုရောဟိတ်မင်းသည် မိမိ၏အသွီး မဟုတ်သော အသွီးဖြင့် နှစ်စဉ်နှစ်တိုင်း အသန့်ယှင်းဆုံးသောနီရာသို့ ဝင်ရောက်သကဲ့သို့ ကိုယ်တော်သည် မိမိကိုယ်ကို အကြိမ်ကြိမ် ပူဇော်ရန် ကောင်းကင်ဘုံသို့ ဝင်ရောက်တော်မမူ။ 26 ထိုသို့ပူဇော်ရလျှင် ကမ္ဘာတည်သည့်အချိန်မှစ၍ ခရစ်တော်သည် ဒုက္ခဝေဒနာကို အကြိမ်ကြိမ် ခံစားရပေလိမ့်မည်။ အဂုမူကား မိမိကိုယ်ကို ပူဇော်ခြင်းအားဖြင့် အပြစ်တရားကို ဖယ်ပွားရန် ကပ်ကာလ၏အဆုံး၌ ကိုယ်တော်သည် တစ်ကြိမ်တည်းသာ ပေါ်ထွန်းတော်မူ၏။ (aiōn g165) 27 လူသည် တစ်ခါတည်းသာ သီဆုံး၍၊ တရားစီရင်ခြင်းကို ခံရသကဲ့သို့ 28 ခရစ်တော်သည်လည်း များစွာသောသူရို့၏အပြစ်များကို ဖယ်ပွားရန် မိမိကိုယ်ကို တစ်ကြိမ်တည်း ပူဇော်ပြီးမှ ဒုတိယအကြိမ်၌ကား အပြစ်အတွက် မဟုတ်ဘဲ မိမိအား စောင့်မျှော်နိုင်ကြသောသူရို့ကို ကယ်တင်ရန် ပေါ်ထွန်းလာတော်မူလိမ့်မည်။

10 ပညတ်တရားသည် နောင်ဖြစ်လာမည့် ကောင်းသောအရာများ၏ ပုံရိပ်မျှသာဖြစ်ပြီး စစ်မှန်သောအရာများ မဟုတ်ကြပေ။ ထို့ကြောင့် ဝတ်ပြုသူတို့ကို ပြည့်စုံစီခြင်းငှာ ဆောင်ရွက်မပီးနိုင်သောကြောင့် တူညီသောယဇ်များကို နှစ်စဉ် ပူဇော်ကြရ၏။ 2 အကယ်၍ ပြည့်စုံနိုင်လျှင် ဝတ်ပြုသူရို့သည် တစ်ခါတည်းဖြင့် စင်ကြယ်ခြင်းသို့ ရောက်ကြသည်ဖြစ်၍ အပြစ်ဟိသည်ဟု မခံစားရသောကြောင့် သူရို့သည် ယဇ်ပူဇော်ခြင်းကို မပြုလုပ်ဘဲနိန့်ကြလိမ့်မည် မဟုတ်ပါလော။ 3 သို့ရာတွင် ထိုသို့ ယဇ်ပူဇော်ခြင်းများသည် သူရို့၏အပြစ်များကို နှစ်စဉ် ဖော်ပြနိုင်ခြင်းဖြစ်၏။ 4 အကြောင်းမူကား နွားနှင့် ဆိတ်များ၏အသွီးသည် အပြစ်များကို လုံးဝ ဖယ်ပွားမပီးနိုင်သောကြောင့်ဖြစ်၏။ 5 ထို့ကြောင့် ခရစ်တော်သည် လောကထဲသို့ ကြွလာသောအခါ ဘုရားသခင်အား လျှောက်ထားတော်မူသည်မှာ “ယဇ်ကောင်နှင့် ပူဇော်သကာများကို ကိုယ်တော်သည် အလိုမဟိသည်ဖြစ်၍ အကျွန်ုပ်အတွက် ကိုယ်ခန္ဓာကို ပျင်ဆင်ထားတော်မူ၏။ 6 ကိုယ်တော်သည် ယဇ်ပလ္လင်ထက်၌ မီးတိုက်ထားသောယဇ်ကောင်များကိုလည်းကောင်း၊ အပြစ်ဖြေရာ ပူဇော်သကာများကိုလည်းကောင်း နှစ်သက်တော်မမူ။ 7 သို့ဖြစ်၍ ပညတ္တိကျမ်း၌ အကျွန်ုပ်ကို ရည်ညွှန်း၍ ရိုးသားထားသည့်အတိုင်း၊ ‘အို ဘုရားသခင်၊ အသျှင်ဘုရား၏အလိုတော်ကို ဆောင်ရွက်ရန် အကျွန်ုပ်သည် ဤနီရာ၌ ဟိပါ၏။’” ဟု လျှောက်လေ၏။ 8 ကိုယ်တော်သည် ပထမဦးစွာ လျှောက်တော်မူသည်မှာ “အသျှင်ဘုရားသည် ယဇ်ပလ္လင်ထက်၌ ယဇ်ကောင်များနှင့် ပူဇော်သကာများကို သော်လည်းကောင်း၊ မီးယို့ထားသော ယဇ်ကောင်များနှင့်

အပြစ်ဖြေရာပူဇော်သကာများကို သော်လည်းကောင်း ပညတ်တရားအရ ပူဇော်ကြသော်လည်း ကိုယ်တော်သည် နှစ်သက်တော်မမူ” ဟူ၍ ဖြစ်၏။ 9 တဖန် ကိုယ်တော်က လျှောက်တော်မူသည်မှာ “အကျွန်ုပ်သည် ဤနီရု၌ ဟိပါ၏။ အသျှင်ဘုရား၏ အလိုတော်ကို ဆောင်ရွက်ရန် ရောက်လာခြင်းဖြစ်ပါ၏” ဟု ဖြစ်၏။ ထို့ကြောင့် ဘုရားသခင်သည် ဒုတိယပူဇော်ခြင်းကို တည်စီခြင်းငှာ ပထမပူဇော်ခြင်းကို ပယ်တော်မူ၏။ 10 ထိုသို့ အလိုတော်နှင့်အညီ ငါရိုအားလုံးအတွက် ယေသျှုခရစ်တော်၏ ကိုယ်ခန္ဓာကို တစ်ကြိမ်တည်း ပူဇော်ခြင်းအားဖြင့် ငါရိုကို သန့်ယှင်းစီခြင်းငှာ ဆောင်ရွက်ပီးတော်မူ၏။ 11 ယဇ်ပုရောဟိတ်သည် နိစဉ်နီတိုင်း မတ်တပ်ရပ်ကာ မိမိ၏ဘာသာရေးဆိုင်ရာ ဝတ္တရားများကို ဆောင်ရွက်ရ၏။ သူသည် တူညီသော ပူဇော်သကာယဇ်ကို အကြိမ်ကြိမ် ပူဇော်ရ၏။ သို့သော်လည်း ထိုသို့ လုပ်ဆောင်ခြင်းသည် အပြစ်များကို လုံးဝ မဖယ်ပျားနိုင်။ 12 သို့ရာတွင် ခရစ်တော်သည်ကား ထာဝရအတွက် တစ်ခုတည်းသော အပြစ်ဖြေရာယဇ်ကို တစ်ကြိမ်တည်း ပူဇော်ပြီးလျှင် ဘုရားသခင်၏လက်ယာဖက်၌ ထိုင်နိမ့်တော်မူ၏။ 13 အဂုအခါ ကိုယ်တော်သည် မိမိ၏ရန်သူတို့ကို မိမိ၏ဒြီတင်ခုံ ဖြစ်စီသည့်တိုင်အောင် စောင့်ဆိုင်းလျက် ဟိတော်မူ၏။ 14 အကြောင်းမူကား ကိုယ်တော်သည် မိမိကိုယ်ကို တစ်ကြိမ်တည်း ပူဇော်ခြင်းအားဖြင့် အပြစ်များမှ စင်ကြယ်ခြင်းခံရပြီးသော သူရိုအား ထာဝရစုံလင်စီခြင်းငှာ ဆောင်ရွက်ပီးတော်မူ၏။ 15 သန့်ယှင်းသော ဝိညာဉ်တော်သည်လည်း ဤအကြောင်းနှင့် ပတ်သက်၍ ငါရိုကို သက်သီခံတော်မူ၏။ ထိုသန့်ယှင်းသော ဝိညာဉ်တော်က ပထမဦးစွာ မိန့်တော်မူသည်မှာ 16 “ထာဝရဘုရားက နောင်ကာလ၌၊ သူရိုနှင့် ငါပြုမည့်ပဋိညာဉ်မှာ၊ ငါသည် ငါ၏ပညတ်တရားများကို သူရို၏နှလုံးထဲ၌ ထည့်သွင်း၍ သူရို၏စိတ်ဝိညာဉ်မှာ ရိုးမှတ်ထားမည်ဟု မိန့်တော်မူ၏” ဟူ၍ ဖြစ်၏။ 17 တဖန် “ငါသည် သူရို၏အပြစ်များနှင့် တရားမဲ့ပြုမှုခြင်းများကို လုံးဝ မှတ်ယူလိမ့်မည် မဟုတ်” ဟု မိန့်တော်မူ၏။ 18 ထို့ကြောင့် အပြစ်များကို ခွင့်ရွတ်ပြီးပြီဖြစ်သောကြောင့် အပြစ်ဖြေရာယဇ်ကို ပူဇော်ရန် မလိုယာ။ 19 ထို့ကြောင့် ညီအစ်ကို မောင်နှမရို၊ ငါရိုသည် ယေသျှု၏အသွီးတော်အားဖြင့် အသန့်ယှင်းဆုံးသောနီရာသို့ ယုံကြည်စိတ်ချစွာ ဝင်ရောက်ခွင့်ရကြ၏။ 20 ထို့ကြောင့် ကိုယ်တော်သည် မိမိခန္ဓာကိုယ်တည်းဟူသော ကန့်လန့်ကာမှ တစ်ဆင့် ငါရိုအတွက် အသက်ရှင်သော လမ်းသစ်ကို ဖွင့်ပီးခံတော်မူ၏။ 21 ထိုမျှမက ငါရို၌ ဘုရားသခင်၏အိမ်တော်ကို အုပ်စိုးသည့် ကြီးမြတ်သော ယဇ်ပုရောဟိတ်တစ်ပါး ဟိတော်မူ၏။ 22 ငါရိုသည် သန့်စင်သောရီဖြင့် ဆီးကြောထားသော ကိုယ်ခန္ဓာဖြင့် လည်းကောင်း၊ ဖြောင့်မန်သော နှလုံးသား၊ စစ်မှန်သောယုံကြည်ခြင်း၊ ဆိုးညစ်သောစိတ်နှလုံးကို သန့်ယှင်းစင်ကြယ်၍ လည်းကောင်း၊ ဘုရားသခင် ထံတော်ပါးသို့ တိုးဝင်ချဉ်းကပ်ကြကုန်အံ့။ 23 ကတိပီးထားတော်မူသော အသျှင်သည် သစ္စာနှင့် ပြည့်စုံတော်မူသည်ဖြစ်၍ ငါရို ဝန်ခံထားသော မျှော်လင့်ခြင်းကို ခိုင်မြဲစွာ ဆုပ်ကိုင်ထားကြကုန်အံ့။ 24 ထို့အပြင် မေတ္တာထားခြင်းငှာလည်းကောင်း၊ ကောင်းသောအမှုကို ပြုခြင်းငှာလည်းကောင်း၊ တစ်ယောက်ကို တစ်ယောက် မည်သို့ တိုက်တွန်းကြရမည်ကိုလည်းကောင်း၊ စဉ်းစားဆင်ခြင်ကြကုန်အံ့။ 25 တချို့သောသူရို ပြုမူကြသည့်အတိုင်း အတူတကွ စုဝေးသည့် အလေ့အထကို လက်မလျှော့ဘဲ၊ အချင်းချင်း တစ်ယောက်ကို တစ်ယောက် တိုက်တွန်းနှိုးဆော်ကြကုန်အံ့။ အကြောင်းမှာ သင်ရိုသည် သခင်ဘုရား ကြွလာမည့်နီရက်သည် သာ၍ နီးလာသည်ကို သိမြင်လျက်ဟိကြ၏။ 26 အကြောင်းမူကား ငါရိုအား သမ္မာတရားကို သိခြင်းငှာ ဆောင်ရွက်ပီးထားပြီးမှ အပြစ်ကို တမင်တကာ ဆက်လက်၍ လုပ်နိမ့်ကြလျှင် အပြစ်ဖြေမည့်ယဇ်ဟူ၍ မဟိယာ။ 27 သို့ရာတွင် တရားစီရင်ခြင်းကိုလည်းကောင်း၊ ဘုရားသခင်ကို ဆန့်ကျင်သော သူရိုကို လောင်ကျွမ်းမည့် အမျက်တော်မီးကိုလည်းကောင်း ကြောက်ရွံ့လျက် စောင့်နိမ့်ကြရုံမျှသာဟိ၏။ 28 မောသျှု၏ပညတ်တရားကို ငြင်းပယ်သောသူမည်သည်ကား သက်သီနှစ်ဦး သို့မဟုတ် သုံးဦးဟိလျှင် သက်ညှာခြင်းကို မခံရဘဲ သီအဏ်ပီးခြင်းကို ခံရ၏။ 29 သို့ဖြစ်လျှင် ဘုရားသခင်၏သားတော်ကို ခြံဖြင့် နင်းလျက် အပြစ်ကို သန့်ယှင်းစင်ကြယ်စီသော ဘုရားသခင်၏ပဋိညာဉ်နှင့်ဆိုင်သောအသွီးတော်ကို မထိမဲ့မြင် ပြုမူကာ ကျေးဇူးတော်နှင့်ဆိုင်သော ဝိညာဉ်တော်ကို

ကဲ့ရဲ့သောသူရှိသည်။ ဇာလောက်ကြီးမားသော ပြစ်ဒဏ်နှင့် ထိုက်တန်သည်ကို သင်ရဲ့ စဉ်းစားကြလော့။ **30** အကြောင်းမူကား “ပြစ်ဒဏ်ပီးခြင်းသည် ငါနှင့် ဆိုင်၏။ ငါ ကိုယ်တိုင် ပြစ်ဒဏ်ပီးမည်” ဟူ၍လည်းကောင်း၊ တဖန် “ထာဝရဘုရားသည် မိမိ၏လူမျိုးကို တရားစီရင်မည်” ဟူ၍လည်းကောင်း မိန့်တော်မူသောအချင်းကို ငါရဲ့ သိကြ၏။

31 အသက်ရှင်တော်မူသော ဘုရားသခင်၏ လက်တော်၌ ကျရောက်ရခြင်းသည် ကြောက်မက်ဖွယ်ကောင်း၏။ **32** သင်ရဲ့သည် အယင်က နို့ရက်များကို သတိရကြလော့။ ထိုနို့ရက်များ၌ ဘုရားသခင်၏အလင်းသည် သင်ရဲ့၌ ထွန်းလင်းပြီး သင်ရဲ့ကြိုတို့ခရသော ဒုက္ခများစွာကို ရုန်းကန်၍ အနိုင်ရခကြ၏။ **33** သင်ရဲ့သည် တစ်ခါတရံ လူတိရိ၌ ကဲ့ရဲ့ပြစ်တင်ခြင်း၊ နှိပ်စက်ခြင်းကို ခံရကြ၍ တခြားသောအချိန်၌ ထိုသို့ ပြုခြင်းကိုခံရသော သူရဲ့၏အပေါင်းအသင်းများ ဖြစ်ကြ၏။

34 သင်ရဲ့သည် အကျဉ်းကျခံနိုင်ရသော သူရဲ့ကို စာနာစိတ်ဟိကြ၏။ မိမိရဲ့၏ဥစ္စာပစ္စည်းများကို မတရား လုယူခြင်း ခံရသောအခါ ဝမ်းမြောက်စွာ သည်းခံကြ၏။ အကြောင်းမူကား သင်ရဲ့သည် သာ၍ကောင်းမြတ်ပြီး တည်မြဲသောဥစ္စာကို ပိုင်ဆိုင်ထားကြသည်ကို သင်ရဲ့ကိုယ်တိုင်သိကြသောကြောင့်ဖြစ်၏။ **35** ထို့ကြောင့် သင်ရဲ့၏ရဲရင့်ခြင်းကို မဆုံးယုံးစီကတ်ကော့။ ထိုရဲရင့်ခြင်းသည်ကား ကြီးမြတ်သောအကျိုးကျေးဇူးကို ပီးတတ်၏။ **36** သင်ရဲ့သည် ဘုရားသခင်၏ အလိုတော်ကို ဆောင်ရွက်ပြီးသောအခါ ကိုယ်တော်၏ကတိတော်အတိုင်း အကျိုးကို ခံစားရခြင်းငှာ မဆုတ်မနစ် ကြိုးစားအားထုတ်ရန် လိုအပ်၏။ **37** အကြောင်းမူကား၊ “ကြွလာတော်မူမည့် အသျှင်သည် ကြန့်ကြာခြင်းမဟိဘဲ ကြွလာတော်မူလိမ့်မည်။ **38** ငါ၏ဖြောင့်မတ်သောသူသည် ယုံကြည်ခြင်းအားဖြင့် အသက်ရှင်လိမ့်မည်။ သို့ရာတွင် ထိုသူသည် နောက်သို့ ပြန်လှည့်လျှင် ငါသည် သူ့ကို နှစ်သက်လိမ့်မည် မဟုတ်” ဟူ၍ ဖော်ပြထား၏။ **39** သို့သော် ငါရဲ့သည် နောက်သို့ ပြန်လှည့်သူတိ၊ ဖျက်ဆီးခြင်းကို ခံသော သူတိမဟုတ်ဘဲ၊ ယုံကြည်ခြင်းအားဖြင့် ကယ်တင်ခြင်း ခံထားရသောသူတိ ဖြစ်ကြ၏။

11 ယုံကြည်ခြင်း ဆိုသည်မှာ မျှော်လင့်ထားသောအရာများသည် အမှန် ဖြစ်လာလိမ့်မည်ဟု ယုံကြည်စိတ်ချမှုဟိခြင်း၊ မမြင်နိုင်သောအရာများသည် အမှန်ဟိသည်ဟူ၍ ခံယူထားခြင်း ဖြစ်၏။ **2** ရိုးလူရဲ့သည် ဘုရားသခင်၏ နှစ်သက်ခြင်းကို ခံရကြသည်မှာ သူရဲ့၏ယုံကြည်ခြင်းကြောင့် ဖြစ်၏။ **3** မမြင်နိုင်သောအရာကို မြင်နိုင်စီခြင်းငှာ ဘုရားသခင်သည် နှုတ်ကပတ်တော်အားဖြင့် စကြဝဠာကို ဖန်ဆင်းထားတော်မူကြောင်းကို ငါရဲ့သည် ယုံကြည်ခြင်းအားဖြင့်သာ သိကြရ၏။ (aiōn g165) **4** ယုံကြည်ခြင်းအားဖြင့် အာဗေလသည် ကာကူနထက် သာ၍မြတ်သော ပူဇော်သကာယစ်ကို ဘုရားသခင်အား ပူဇော်ခ၏။ သူသည် ယုံကြည်ခြင်းအားဖြင့် ဖြောင့်မတ်သောသူ တစ်ယောက်အဖြစ် ဘုရားသခင်၏အသိအမှတ်ပြုခြင်းကို ခံရလေ၏။ အကြောင်းမှာ ဘုရားသခင်သည် သူ၏ပူဇော်သကာများကို လက်ခံတော်မူသောကြောင့် ဖြစ်၏။ သို့ ဖြစ်၍ သူသည် သီလွန်သော်လည်း ယုံကြည်ခြင်းအားဖြင့် အဂုတိုင်အောင် စကားပြောလျက် ဟိ၏။ **5** ယုံကြည်ခြင်းအားဖြင့် ဧနောက်သည် သီခြင်းတရားကို မကြုံရစီခြင်းငှာ မျက်မှောက်ဘဝမှ ခေါ်ဆောင်လာခြင်းကို ခံရ၏။ ဘုရားသခင်သည် သူ့အား ချီဆောင်လာတော်မူသောကြောင့် သူ့ကို မတို့ကြရယာ။ အကြောင်းမူကား သူ့ကို မချီဆောင်ခင်က ဘုရားသခင် နှစ်သက်တော်မူသောသူအဖြစ် ချီးမွမ်းခြင်းကို ခံရသောကြောင့်ဖြစ်၏။ **6** ယုံကြည်ခြင်းမဟိလျှင် ဘုရားသခင် နှစ်သက်ခြင်းကို မရနိုင်။ အကြောင်းမူကား ဘုရားသခင်ထံပါးသို့ လာသောသူသည် ဘုရားသခင်ဟိတော်မူသည်ကိုလည်းကောင်း၊ ဘုရားသခင်သည် မိမိကို စိတ်အားကြီးစွာ ရှာသောသူတိအား အကျိုး ပီးတော်မူသည်ကိုလည်းကောင်း ယုံကြည်ရသောကြောင့်ဖြစ်၏။ **7** နောဇသည် နောင်ကာလ၌ ဖြစ်လာမည့် မမြင်နိုင်သည့်အရာများနှင့်ပတ်သက်၍ ဘုရားသခင်၏သတိပီးခြင်းကို ကြားရသည်မှာ ယုံကြည်ခြင်းကြောင့် ဖြစ်၏။ သူသည် ဘုရားသခင်၏စကားကို နာခံ၍ မိမိနှင့်တကွ မိမိ၏မိသားစုကို ကယ်တင်ရန် သင်္ဘောကို တည်ဆောက်ခ၏။ လောကကို အပြစ်စီရင်ပြီးနောက် နောဇသည် ယုံကြည်ခြင်းအားဖြင့် ဘုရားသခင်ထံမှ

မြောင့်မတ်ခြင်းနှင့်ဆိုင်သောအဖို့ကို ရသောသူတစ်ယောက် ဖြစ်လာ၏။ 8 အာဗြဟံသည် မိမိအား ပီးမည်ဟု ဘုရားသခင် ကတိပြုထားသောပြည်သို့ ထွက်ခွာရန် ဘုရားသခင်က သူ့အား ခေါ်တော်မူသောအခါ သူသည်ယုံကြည်ခြင်းအားဖြင့် နာခံလျက် မိမိမည်သည့်အရပ်သို့ လားရမည်ကို မသိသော်လည်း ဇာတိပြည်မှ ထွက်လားလေ၏။ 9 သူသည် မိမိအား ဘုရားသခင် ကတိပီးထားသောပြည်၌ အာဂန္တုတစ်ယောက်အဖြစ် ယုံကြည်ခြင်းဖြင့် နီထိုင်ခလေ၏။ ဘုရားသခင်ထံမှ ထိုသို့သော ကတိတော်ကို ရဟိတကြသော ဣဇာက၊ ယာကုပ်ရဲ့နှင့်အတူ တဲများတွင် နီထိုင်ခလေ၏။ 10 အကြောင်းမူကား အာဗြဟံသည် ခိုင်ခံ့သည့် အုတ်မြစ်နှင့် ဘုရားသခင် တည်ဆောက်တော်မူသော မြို့တော်ကို မျှော်လင့်နိုင်ခဲ့၏။ 11 အာဗြဟံလည်း အိုမင်းနိန်ယာ။ စာရာသည်လည်း သားသမီးမရနိုင်ယာ။ သို့သော်လည်း ဖခင်တစ်ယောက် ဖြစ်လာရသည်မှာ ယုံကြည်ခြင်းကြောင့် ဖြစ်၏။ အကြောင်းမူကား ကတိပီးတော်မူသော အသျှင်သည် သစ္စာဟိတော်မူသည်ဟု သူသည် မှတ်ယူသောကြောင့် ဖြစ်၏။ 12 အမှန်အားဖြင့် အာဗြဟံသည် သီဆုံးလားပြီဖြစ်သော်လည်း ဤတစ်ယောက်သောသူထံပါးမှ သားသမီးများသည် ကောင်းကင်ကြယ်များကဲ့သို့ လည်းကောင်း၊ မရီတွက်နိုင်သော သမုဒ္ဒရာသဲလုံးများကဲ့သို့ လည်းကောင်း များပြားစွာ မွီးဖွားလာကြ၏။ 13 ဤသူရိအားလုံးသည် ယုံကြည်ခြင်းဖြင့် သီလားကတ်ယာ။ သူရိသည် ဘုရားသခင် ကတိပီးထားသော အရာများကို မခံစားရသော်လည်း ထိုအရာများကို အစီးမှ လှမ်းမြင်၍ လက်ခံကာ မိမိရိသည့် မြီကြီးထက်၌ အာဂန္တုများ၊ သူစိမ်းများသာဖြစ်ကြောင်း ဝန်ခံကြလေ၏။ 14 ထိုသို့ ဝန်ခံသောသူရိသည် မိမိရိ၏နီရင်းပြည်တစ်ခုကို ရှာဖွေနိုင်ကြကြောင်းကို ဖော်ပြလျက်ဟိ၏။ 15 သူရိသည် မိမိရိ စွန့်ခွာလာသောပြည်နှင့်ပတ်သက်၍ မအောင်မိကတ်ယာ။ သူရိသည် အောက်မီလျှင် ပြန်လားရသောအခွင့်ကို ရဟိတကြပေလိမ့်မည်။ 16 အမှန်အားဖြင့် သူရိသည် ကောင်းကင်အရပ်၌တည်ဟိသော သာ၍မြင့်မြတ်သော ပြည်ကို အလွန် လိုချင်တောင့်တန်ခံကြ၏။ ထို့ကြောင့် ဘုရားသခင်က သူရိ၏ဘုရားဟု ခေါ်ဝေါ်ခြင်းခံရသည်ကို ရှက်တော်မမူ။ အကြောင်းမူကား ကိုယ်တော်သည် သူရိအတွက် မြို့တော်တစ်မြို့ကို ပျင်ဆင်ထားတော်မူ၏။ 17 အာဗြဟံသည် မိမိအား ဘုရားသခင် စမ်းသပ်စစ်ဆေးသောအခါ မိမိ၏သား ဣဇာကို ယစ်ကောင်အဖြစ် ပူဇော်ခသည်မှာ ယုံကြည်ခြင်းကြောင့် ဖြစ်၏။ အာဗြဟံသည်ကား မိမိ၏တစ်ဦးတည်းသောသားကို ယစ်ကောင်အဖြစ် ပူဇော်ရန် ပျင်ဆင်နိုင်သည်အထိ ဘုရားသခင်၏ကတိတော်များကို ရထားသောသူ ဖြစ်၏။ 18 “သင်၏အမျိုးအနွယ်တို့ကို ပွားများစီမံည့်သူမှာ ဣဇာကဖြစ်၏” ဟု ဘုရားသခင်က သူ့အား မိန့်တော်မူသော်လည်း၊ 19 အာဗြဟံက ဘုရားသခင်သည် ဣဇာကကို သီခြင်းမှ ထမြောက်နိုင်သည်ဟု မှတ်ယူလျက် ထိုသို့ ပူဇော်ခ၏။ ၂၀ ပမာအားဖြင့်ဆိုရလျှင် အာဗြဟံသည် ဣဇာကကို သီရာမှ ပြန်ရခြင်းဖြစ်၏။ 20 ဣဇာကသည် ယာကုပ်နှင့် ဧသောကို အနာဂတ်အတွက် ကောင်းကြီးပီးခသည်မှာ ယုံကြည်ခြင်းအားဖြင့် ဖြစ်၏။ 21 ယာကုပ်သည် ကွယ်လွန်ခါနီးအချိန်တွင် ယောသပ်၏သားတစ်ယောက်ချင်းစီကို ကောင်းကြီးပီးပြီးလျှင် မိမိ၏တောင်မှိုထိပ်ကို မှီလျက် ဘုရားသခင်အား ပျပ်ဝပ်ကိုးကွယ်ခသည်မှာ ယုံကြည်ခြင်းအားဖြင့် ဖြစ်၏။ 22 ယောသပ်သည် ကွယ်လွန်ခါနီးအချိန်တွင် ဣသရေလလူမျိုးတို့ အဲဂုတ္တုပြည်မှ ထွက်ခွာလာခြင်းအကြောင်းကို ပြောပြလျက် မိမိ၏အရိုးများနှင့် ပတ်သက်၍ မိန့်မှာထားခသည်မှာလည်း ယုံကြည်ခြင်းအားဖြင့် ဖြစ်၏။ 23 မောသျှေ၏မိဖရိုသည် မောသျှေကို ဖွားမြင်ပြီးနောက် အဆင်းလှသည်ကို သိမြင်၍ သျှင်ဘုရင်၏အမိန့်တော်ကိုပင် မကြောက်ဘဲ မိမိရိ၏သားကို သုံးလတာ ကာလပတ်လုံး ဝှက်ထားခသည်မှာ ယုံကြည်ခြင်းအားဖြင့် ဖြစ်၏။ 24 မောသျှေသည် ကြီးပြင်းလာသောအခါ အဲဂုတ္တုဘုရင်သမီးတော်၏သားဟု အခေါ်ခံရခြင်းကို ငြင်းပယ်ခသည်မှာ ယုံကြည်ခြင်းအားဖြင့် ဖြစ်၏။ 25 အပြစ်တရား၌ တဒင်္ဂပျော်ရွှင်မှုကိုသာ ခံစားရခြင်းထက် ဘုရားသခင်၏လူတို့နှင့်အတူ ဆင်းရဲဒုက္ခခံရခြင်းကိုသာ ရွိုးချယ်ခ၏။ 26 သူသည် မိမိ၏အနာဂတ် အကျိုးကျေးဇူးကို မျှော်မှန်းလျက် ခရစ်တော်အတွက် ကဲ့ရဲ့ပြစ်တင်ခံရခြင်းသည် အဲဂုတ္တုပြည်၏ဥစ္စာဘဏ္ဍာများထက် သာ၍ကြီးမြတ်သည်ဟု မှတ်ယူခ၏။ 27 မောသျှေသည် မမြင်နိုင်သောဘုရားသခင်ကို မြင်သောကြောင့် သျှင်ဘုရင်၏အမျက်တော်ကို မကြောက်ဘဲ အဲဂုတ္တုပြည်သို့ ပြန်လားရန်

ငြင်းဆန်လျက် ထိုပြည်ကို စွန့်ခွာလာသည်မှာ ယုံကြည်ခြင်းအားဖြင့် ဖြစ်၏။ 28 သားဦးတို့ကို ဖျက်ဆီးသောသူသည် ကုသရေလသားဦးတို့ကို မထိခိုက်စီရန် မောသျှေသည် ပသခါပွဲတော်နှင့် အသွီးဖျန်းခြင်းကို စီမံဆောင်ရွက်သည်မှာ ယုံကြည်ခြင်းအားဖြင့် ဖြစ်၏။ 29 ကုသရေလလူမျိုးရှိသည် ပင်လယ်နီကို ခြောက်သွေ့သောကုန်းလမ်းကဲ့သို့ ကျော်ဖြတ်ခကြသည်မှာ ယုံကြည်ခြင်းအားဖြင့် ဖြစ်၏။ သူရိနည်းတူ ကျော်ဖြတ်ခြင်းငှာ ကြိုးစားအားထုတ်ကြသော အဲဂုတ္တုအမျိုးသားရှိသည် ရီထဲ၌ နစ်မြုပ်ကြကုန်၏။ 30 ကုသရေလလူမျိုးရှိသည် ယေရိခေါမြို့ကို ခုနစ်ရက်ကြာ ဝိုင်းရံလှည့်ပတ်ကြရာ မြို့ရှိသည် ပြုလဲကျလားသည်မှာလည်း ယုံကြည်ခြင်းအားဖြင့် ဖြစ်၏။ 31 ပြည်တန်းဆာမ ရာခပ်သည် သူလျှိုတို့ကို ရင်းနှီးစွာ ကြိုဆို လက်ခံသောကြောင့် မယုံကြည်သောသူတို့နှင့်အတူ ပျက်စီးခြင်းသို့ မရောက်သည်မှာလည်း ယုံကြည်ခြင်းအားဖြင့် ဖြစ်၏။ 32 ထို့အပြင် ထပ်၍ မည်သည့်အကြောင်းကို ပြောရဦးမည်နည်း။ ဂိဒေါင်၊ ဗာရက်၊ သျှဆုန်၊ ယေဖဿ၊ ဒါဝိဒ၊ သျှမွေလနှင့် ပရောဖက်ရှိ၏အကြောင်းများကိုပါ ပြောရလျှင် အချိန်လောက်မည် မဟုတ်ပေ။ 33 ထိုသူရှိသည် တိုင်းနိုင်ငံများကို အောင်နိုင်ခြင်း၊ ဖြောင့်မတ်စွာ အုပ်ချုပ်ခြင်း၊ ကတိတော်များကို ခံစားရခြင်း၊ ခြင်္သေ့ပါးစပ်ကို ပိတ်စီခြင်း၊ 34 မီးတောက် မီးလျှိုကို ငြိမ်းစီခြင်း၊ ဓားဘေးမှ လွတ်မြောက်စီခြင်း၊ အားနည်းရာမှ အားကြီးလာစီခြင်း၊ စစ်ပွဲ၌ ခွန်အားနှင့် ပြည့်စုံလာ၍ တိုင်းတစ်ပါး ရန်သူရှိကို အောင်နိုင်ခြင်း စသည့်အမှုများကို ပြုနိုင်ခကြသည်မှာလည်း ယုံကြည်ခြင်းအားဖြင့် ဖြစ်၏။ 35 မိန်းမရှိသည်လည်း သီဆုံးလားပြီးသော မိမိရဲ့၏ဆွဲမျိုးတိအား တဖန်ပြန်၍ အသက်ရှင်ခြင်းကို ရကြ၏။ တချို့သောလူရှိသည် သာ၍မြတ်သောအသက်တာဖြင့် ရှင်ပြန်ထမြောက်ခြင်းကို ရစီရန် လွတ်မြောက်ခြင်းကို ငြင်းဆန်၍ နှိပ်စက်ခြင်း၌ အသိခံကြသည်မှာလည်း ယုံကြည်ခြင်းအားဖြင့် ဖြစ်ကြ၏။ 36 တချို့သောသူရှိသည် ကဲ့ရဲ့ခြင်း၊ ကြိမ်ဒဏ်ပီးခြင်းကိုလည်းကောင်း၊ တခြားလူတို့သည် သံကြိုးနှင့်ချိုင့်ထားခြင်း၊ ထောင်ထဲ၌ ချုပ်ထားခြင်းကိုလည်းကောင်း ခံရကြ၏။ 37 သူရှိသည် ကျောက်ခဲနှင့် ပစ်သတ်ခြင်း၊ လွှနှင့်ပိုင်းဖြတ်ခြင်း၊ ဓားဖြင့် အသိသတ်ခြင်းကို ခံရကြပြီးလျှင် သိုးသားရီ၊ ဆိတ်သားရီတို့ကို ဝတ်လျက် ဆင်းရဲနွမ်းပါးစွာဖြင့် လည်းကောင်း၊ နှိပ်စက်ခြင်းနှင့် မတရားပြုမှုခြင်းများကိုလည်းကောင်း ခံ၍ လှည့်လည် နီထိုင်ခရကြ၏။ 38 ဤလောကသည် ထိုသူရိနှင့် မထိုက်တန်။ သူရှိသည် တောကန္တာရများနှင့် တောင်တန်းများ၌ လည်းကောင်း၊ လိုဏ်ဂူများနှင့် မြီတွင်းများ၌ လည်းကောင်း လှည့်လည်၍ နီထိုင်ခကြရ၏။ 39 ဤသူရိအားလုံးသည် မိမိရဲ့၏ယုံကြည်ခြင်းကြောင့် ချီးမွမ်းခြင်းကို ခံရကြသော်လည်း ပီးထားသောကတိတော်ကို မခံစားခကြပေ။ 40 အကြောင်းမူကား သူရှိသည် ငါရဲ့နှင့်အတူ ပြည့်စုံခြင်းသို့ ရောက်ကြစီခြင်းငှာ ငါရဲ့အတွက် သာ၍ ကောင်းမြတ်သောအရာကို ဘုရားသခင် စီမံထားသောကြောင့် ဖြစ်၏။

12 ထို့ကြောင့် ဤလောက်များသော သက်သီများသည် ငါရဲ့အား ဝိုင်းရံလျက်ဟိကြသည်ဖြစ်၍ ငါရဲ့၌ အနှောင့်အယှက်ဖြစ်စီသော အရာဟူသမျှကိုလည်းကောင်း၊ မိမိရဲ့၌ ငြိတွယ်နိန်သည့် အပြစ်များကိုလည်းကောင်း ဖယ်ယှား၍ ငါရဲ့၌ ထားသောပန်းဖူးတိုင်သို့ ရောက်ခြင်းငှာ လုံ့လစိုက်၍ ငြီးကြကုန်အံ့။ 2 ငါရဲ့၏ယုံကြည်ခြင်းကို စတင်ဖြစ်တည်စီ၍ အဆုံးတိုင်အောင် စုံလင်စီတော်မူသော အသျှင်ယေသျှုကို စုံစိုထောက်၍ကြကုန်အံ့။ အကြောင်းမူကား ကိုယ်တော်သည် မိမိအဖို့ ပျင်ဆင်ထားသော ဝမ်းမြောက်ဖွယ်ရာအကြောင်းကြောင့် ရှက်ကြောက်ဖွယ်အမှုကို မှတ်တော်မမူဘဲ လက်ဝါးကပ်တိုင်၌ အသိခံတော်မူပြီးလျှင် ဘုရားသခင်ပလ္လင်တော်၏ လက်ယာဖက်၌ ထိုင်တော်မူလေ၏။ 3 ထို့ကြောင့် သင်ရှိသည် ပင်ပန်းနွမ်းနယ်၍ စိတ်ဓါတ်ကျခြင်း မဟိကြစီခြင်းငှာ အပြစ်သားရဲ့၏ ဆန့်ကျင်မှုကို သည်းခံတော်မူသော ကိုယ်တော်ကို ဆင်ခြင်အောက်မဲ့ကြလော့။ 4 သင်ရှိသည် အပြစ်တရားကို ဆန့်ကျင်တွန်းလှန်ကြရာ၌ သွီးမြီကျသည့်တိုင်အောင် မခံကြရသိမ့်။ 5 ထို့အပြင် သင်ရှိသည် မိမိ၏သားကဲ့သို့ သင်ရှိအား မိန့်တော်မူသော အားပီးတိုက်တွန်းထားသည့် စကားကို မိုလားကြလေပြီ။ “ငါ့သား၊ သခင်ဘုရား၏ ဆုံးမပဲ့ပြင်တော်မူခြင်းကို အလေးမထားဘဲမနိန်ကော့။ ကိုယ်တော်သည် သင့်အား အပြစ်ကို ဖော်ပြ၍ ဆုံးမ

သောအခါ စိတ်ဓါတ်မကျကေ။ 6 အကြောင်းမူကား သခင်ဘုရားသည် ချစ်တော်မူသောသူကို ဆုံးမပဲ့ပြင်တတ်၏။ မိမိ၏သားအဖြစ် လက်ခံတော်မူသောသူတိုင်းကို ပြစ်ဒဏ်ပီးတော်မူတတ်၏” 7 ဘုရားသခင်သည် သင်ရိုးကို မိမိ၏သားကဲ့သို့ ပြုမူဆက်ဆံတော်မူသည်ဖြစ်၍ ထိုကဲ့သို့ ဆုံးမပဲ့ပြင်တော်မူခြင်းကြောင့် ခံရသောဒုက္ခဆင်းရဲခြင်းကို သည်းခံကြလော့။ အကြောင်းမူကား ဖခင်၏ ဆုံးမပဲ့ပြင်ခြင်းကို မခံရသော သားဟူ၍ ဟိသလော။ 8 သားသမီးရိုးခံရသော ဆုံးမပဲ့ပြင်ခြင်းကို သင်ရိုး မခံရလျှင် သင်ရိုးသည် သားအရင်း မဟုတ်။ သျှောက်သားတိသာ ဖြစ်ကြ၏။ 9 ထို့အပြင် ငါရိုးကို ဆုံးမပဲ့ပြင်သော အသွီးအသားနှင့် စပ်ဆိုင်သော ဖခင်များသည် ငါရိုးအားလုံးမှာ ဟိကြ၏။ ငါရိုးသည် ထိုသို့ ဆုံးမပဲ့ပြင်ခြင်းကြောင့် ထိုဖခင်ရိုးကို ရိသီလေးစားကြ၏။ သို့ဖြစ်လျှင် ငါရိုးစိတ်ဝိညာဉ်များ၏ဖခင်ကို သာ၍ပင် နာခံ၍ အသက်ရှင်ကြရမည် မဟုတ်ပါလော။ 10 အကြောင်းမူကား ငါရိုး၏အသွီးအသားနှင့် စပ်ဆိုင်သော ဖခင်များသည် အကောင်းဆုံးဟု ထင်မှတ်၍ တစ်ဒင်္ဂကာလအတွက် ဆုံးမပဲ့ပြင်တတ်ကြ၏။ ဘုရားသခင်သည်ကား မိမိ၏သန့်ယှင်းခြင်းပါရမီ၌ ငါရိုးကို ဝင်စားစီခြင်းငှာ ငါရိုး၏ကောင်းကျိုးချမ်းသာအတွက် ဆုံးမပဲ့ပြင်တော်မူ၏။ 11 နှစ်သက်ဖွယ်ကောင်းသော ဆုံးမပဲ့ပြင်ခြင်းဟူ၍ မဟိ။ နာကြင်စီသော ဆုံးမပဲ့ပြင်ခြင်း ဟူ၍သာ ဟိ၏။ သို့သော် ထိုဆုံးမပဲ့ပြင်ခြင်းကို ခံယူသူများအား ဖြောင့်မတ်ခြင်းနှင့် ငြိမ်းချမ်းခြင်းတည်းဟူသော အကျိုးကျေးဇူးများကို ပွားများစီတတ်၏။ 12 ထို့ကြောင့် အားအင်ကုန်ခမ်းနိန်သောလက်တိနှင့် ချိန်နိန်သောဒူးတိကို ခိုင်ခံ့စီကြလော့။ 13 ခြံသန်စွမ်းသောသူတိလည်း ခြံဆစ် လွဲခြင်းမဟိစီရဘဲ သာ၍ ကျန်းမာလာစီရန် သင်ရိုး၏ခြံထောက်အတွက် ညီညာပြန်ဖြူးသောလမ်းများကို ပျင်ဆင်ကြလော့။ 14 လူတိုင်းနှင့် ငြိမ်းချမ်းစွာ နီထိုင်ရန်လည်းကောင်း၊ သန့်ယှင်းသော အသက်တာဖြင့် အသက်ရှင်နိုင်ရန်လည်းကောင်း ကြိုးစားကြလော့။ အကြောင်းမူကား သန့်ယှင်းသော အသက်တာမဟိလျှင် ဇာသုမျှ ဘုရားသခင်ကို မြင်ကြလိမ့်မည် မဟုတ်။ 15 ဇာသုမျှ ဘုရားသခင်၏ကျေးဇူးတော်နှင့် မကင်းကွာစီခြင်းငှာ လည်းကောင်း၊ လူအပေါင်းရိုးကို အနှောင့်အယှက်ဖြစ်စီတတ်သည့်အပြင် ညစ်ညူးခြင်းကို ဖြစ်စီတတ်သည့် ခါးသီးသောအမြစ် ထွက်မလာစီခြင်းငှာ လည်းကောင်း သတိပြုကြကုန်အံ့။ 16 သားဦးတစ်ယောက်၏ အရိုက်အရာကို အစားတစ်လုပ်နှင့် လှဲစားခသည့် ဧသောကဲ့သို့ မတရားသောမေထုန်ကို ပြုသောသူ သို့မဟုတ် ဘုရားတရားကို မထီမဲ့မြင်ပြုသောသူ တစ်စုံတစ်ယောက်မျှ မဟိစီခြင်းငှာ သတိပြုကြလော့။ 17 အကြောင်းမူကား သင်ရိုးသိကြသည့်အတိုင်း သူသည် နောက်မှကောင်းကြီးမင်္ဂလာကို အဓိခံလိုသောအခါ၌ ငြင်းပယ်ခြင်းကို ခံရလေ၏။ သူသည် မျက်ရည်ကျလျက် ထိုကောင်းကြီးမင်္ဂလာကို ပြန်တောင်းသော်လည်း မိမိအဖ၏ စိတ်ပြောင်းလဲခြင်းအခွင့်ကို ပြန်၍ မရနိုင်ပေ။ 18 သင်ရိုးသည် ဣသရေလလူမျိုးရိုးကဲ့သို့ လက်ဖြင့်ထိတို့နိုင်သော သိနာတောင်သို့ ရောက်လာကြသည် မဟုတ်။ ထိုတောင်သည်ကား မီးလောင်လျက်၊ မဲမှောင်ညိုမှိုင်းကာ မုန်တိုင်းကျလျက် 19 တံပိုးခရာမှုတ်သံနှင့် နှုတ်ကပတ်တော်အသံများ ထွက်ပေါ်လာသည့် တောင်ဖြစ်၏။ ဣသရေလလူမျိုးရိုးသည် နှုတ်ကပတ်တော်အသံကို ကြားရပြီး နောက်တဖန် ထိုအသံကို မကြားရစီခြင်းငှာ တောင်းပန်ကြ၏။ 20 အကြောင်းမူကား “တိရစ္ဆာန်တစ်ကောင်တောင်မှ ထိုတောင်ကို ထိမိလျှင် ကျောက်ခဲနှင့် ပစ်သတ်ရမည်” ဟူသော အမိန့်တော်ကို သူရိုးသည် မခံနိုင်ကြသောကြောင့် ဖြစ်၏။ 21 ထိုမြင်ကွင်းသည် အလွန် ကြောက်စရာကောင်းသည်ဖြစ်၍ မောသျှေက “ငါသည် အလွန်ကြောက်ရွံ့တုန်လှုပ်ရ၏” ဟု ဆို၏။ 22 သို့သော် သင်ရိုးသည် ဇီအုန်တောင်သို့ လည်းကောင်း၊ အသက်ရှင်တော်မူသော ဘုရားသခင်၏မြို့တော် တည်းဟူသော ကောင်းကင်အရပ်၌ ဟိသော ယေရုဆလင်မြို့သို့ လည်းကောင်း၊ ထောင်ပေါင်းများစွာသော ကောင်းကင်တမန်တိ ရွှင်လန်းဝမ်းမြောက်စွာ စုဝေးရာအရပ်သို့ လည်းကောင်း၊ 23 ကောင်းကင်ဘုံ၌ နာမည်စာရင်းဝင်လျက်ဟိကြသော အဦးဆုံးသောသားများ၏အသင်းတော်သို့ လည်းကောင်း၊ လူသားအားလုံးကို တရားစီရင်တော်မူသော ဘုရားသခင်ထံပါးသို့ လည်းကောင်း၊ စုံလင်ခြင်းသို့ ရောက်ကြကုန်သော ဖြောင့်မတ်သူရိုး၏ ဝိညာဉ်များသို့ လည်းကောင်း၊ 24 ပဋိညာဉ်သစ်၏ ကြားဝင် စုံစပ်ပီးသို့ ဖြစ်သော ယေသျှုထံပါးသို့

လည်းကောင်း၊ အာဗေလ၏အသွီးထက် သာ၍ မြတ်သော နှုတ်ကပတ်တော်ကို မြွက်ဆိုခြင်းဖြင့် ပက်ဖြန်းထားသော အသွီးတော် ထံပါးသို့ လည်းကောင်း ရောက်လာကြ၏။ 25 သင်ရိုသည် မိန့်တော်မူသော အသျှင်ကို မငြင်းပယ်မိကြစီရန် သတိပြုကြလော့။ အကြောင်းမူကား မြို့ကြီး၌ ဗျာဒိတ်ပီးသောသူကို ငြင်းပယ်သောသူသည် ပြစ်ဒဏ်မှ မလွတ်နိုင်ကြလျှင် ကောင်းကင်ဘုံမှ ဗျာဒိတ်ပီးတော်မူသောအသျှင်ကို ငြင်းပယ်လျှင် ဇာပိုင် အပြစ်က လွတ်နိုင်ပါအံ့နည်း။ 26 သို့သော် ထိုစဉ်က ကိုယ်တော်၏အသံတော်သည် မြို့ကြီးကို တုန်လှုပ်စီ၏။ အဂုမူကား ကိုယ်တော်က “ငါသည် နောက်တဖန် မြို့ကြီးကိုသာမက ကောင်းကင်ကိုပါ တုန်လှုပ်စီလိမ့်မည်” ဟု ကတိပီးထားတော်မူ၏။ 27 “နောက်တဖန်” ဟူသော စကားသည်ကား မတုန်လှုပ်နိုင်သောအရာကို တည်မြဲစီခြင်းငှာ တုန်လှုပ်တတ်သော ဖန်ဆင်းခံအရာကို ဖယ်ယှားမည်ဟု ဆိုလိုသတည်း။ 28 ထို့ကြောင့် ငါရိုသည် မတုန်မလှုပ်နိုင်သော နိုင်ငံတော်ကို ရထားကြသည်ဖြစ်၍ ကျေးဇူးတော်ကို ချီးမွမ်းကြကုန်အံ့။ ထိုသို့ ကျေးဇူးတော်ချီးမွမ်းလျက် ကြောက်ရွံ့ရိုသ်သောစိတ်ဖြင့် ဘုရားသခင် နှစ်သက်တော်မူသောဝတ်ပြုခြင်းကို ဆောင်ရွက်ကြကုန်အံ့။ 29 အကြောင်းမူကား ငါရို၏ဘုရားသခင်သည် လောင်ကျွမ်းသောမီး ဖြစ်တော်မူ၏။

13 ခရစ်ယာန်ညီအစ်ကို မောင်နှမတို့ ဖြစ်ကြသောကြောင့် တစ်ယောက်ကို တစ်ယောက် ချစ်ခြင်းမေတ္တာ ထားကြလော့။

2 အာဂန္တရိုကိုလည်း ဧည့်ဝတ်ပြုခြင်းငှာ မမိုက်ကော့။ အကြောင်းမူကား တချို့သောသူရိုသည် ထိုသို့ ပြုခြင်းအားဖြင့် မိမိရို မသိကျွမ်းသော ကောင်းကင်တမန်များတို့ ဧည့်ဝတ်ပြုကြလေ၏။ 3 အကျဉ်းသားတို့ကိုလည်း သူရိုနှင့်အတူ အချုပ်အနှောင် ခံနိုင်ကြရသကဲ့သို့ သတိရကြလော့။ မတရားပြုမှုခြင်းကို ခံနိုင်ကြရသော သူရိုကိုလည်း မိမိရို ကိုယ်တိုင် ထိုသို့ ခံနိုင်ကြရသကဲ့သို့ အောက်မိကြလော့။ 4 ထိမ်းမြားလက်ထပ်ခြင်းအမှုကိုလည်း လူတိုင်း လေးစားကြရမည်။ လင်ယောက်ျားနှင့် ဇနီးမယားသည် တစ်ဦးကို တစ်ဦး သစ္စာတိကြရမည်။ အကြောင်းမူကား မတရားသောမေထုန်ပြုသောသူနှင့် အိမ်ထောင်ရေးဖောက်ပြန်သော သူရိုကို ဘုရားသခင် စီရင်တော်မူလိမ့်မည်။ 5 သင်၏အသက်ရှင်နီထိုင်မှုတွင် ဦးကို တပ်မက်ခြင်းမဟိဘဲ မိမိ၌ ဟိသောအရာနှင့် ရောင်ရဲခြင်း ဟိလော့။ အကြောင်းမူကား ဘုရားသခင်က “ငါသည် မည်သည့်အခါမျှ သင့်ကို မစွန့်၊ မည်သည့်အခါမျှ သင့်ကို မပစ်ပယ်” ဟု မိန့်တော်မူထားပြီးဖြစ်၏။ 6 ထို့ကြောင့် ငါရိုသည်ကား “ဘုရားသခင်သည် ငါ့ကို ကူညီစေတော်မူသော အသျှင်ဖြစ်၍ ငါသည် ကြောက်ရွံ့ လိမ့်မည် မဟုတ်။ လူသည် ငါ့ကို ဇာပိုင် ပြုနိုင်ပါအံ့နည်း” ဟု ယုံကြည်စိတ်ချစွာဖြင့် ပြောဆိုကြကုန်အံ့။ 7 သင်ရိုအား ဘုရားသခင်၏ နှုတ်ကပတ်တော်ကို ဟောပြောသော သင်ရို၏ခေါင်းဆောင်တို့ကို သတိရကြလော့။ ထိုခေါင်းဆောင်ရို၏ အသက်ရှင်နီထိုင်မှုမှ ထွက်ပေါ်လာသည့် အကျိုးတရားကို ကြည့်ရှုဆင်ခြင်လျက် သူရို၏ ယုံကြည်ခြင်းကို အတုယူကြလော့။ 8 ယေသျှုခရစ်တော်သည် အတိတ်၊ ပစ္စုပ္ပန်၊ အနာဂတ် ကာလအစဉ် ဟိတော်မူသောအသျှင် ဖြစ်တော်မူ၏။ (aiōn g165) 9 အသစ်အဆန်းသော ဩဝါဒအမျိုးမျိုးနောက်သို့ မလိုက်ကတ်ကော့။ အစားအစာနှင့် ပတ်သက်၍ စည်းမျဉ်းများကို လိုက်နာခြင်းအားဖြင့် မဟုတ်ဘဲ၊ ဘုရားသခင်၏ ကျေးဇူးတော်အားဖြင့် အတွင်းလူကို ခွန်အားနှင့် ပြည့်စုံစီခြင်းသည် ကောင်းမြတ်ပေ၏။ ထိုစည်းမျဉ်းများသည် လိုက်နာသောသူအား အထောက်အပံ့ မပြုနိုင်။ 10 ငါရို၌ ယစ်ပလ္လင်တစ်ခု ဟိ၏။ တဲတော်၌ ဝတ်ပြုသောသူရိုသည် ထိုယစ်ပလ္လင်ထက်မှ ပူဇော်သကာကို စားခွင့်မဟိ။ 11 အကြောင်းမူကား ယစ်ပုရောဟိတ်မင်းသည် ယစ်ကောင်များ၏အသွီးကို အပြစ်ဖြေရာယစ်အဖြစ် ပူဇော်ရန် အသန့်ယှင်းဆုံးသောဌာနတော်သို့ ယူဆောင်လားသော်လည်း ယစ်ကောင်များကိုမူကား တပ်ပြင်၌ မီးယှို့ရ၏။ 12 ထိုနည်းတူ ယေသျှုသည်လည်း မိမိ၏အသွီးတော်အားဖြင့် လူတို့ကို သန့်ယှင်းစီခြင်းငှာ မြို့တန်းခါးအပြင်ဖက်၌ အသီးတော်မူ၏။ 13 သို့ဖြစ်၍ ငါရိုသည် ကိုယ်တော်ခံရသော ကဲ့ရဲ့ပြစ်တင်ခြင်းကို ခံယူလျက် တပ်၏ အပြင်ဖက်၌ဟိသော ကိုယ်တော့်ထံပါးသို့ လားကြကုန်အံ့။ 14 ဤလောက၌ ငါရို အတွက်

တည်မြဲသောမြို့ မဟိသောကြောင့် ငါရို့သည် နောင်ဖြစ်လာမည့် မြို့တော်ကို မျှော်လင့်နိုင်ကြ၏။ **15** ထို့ကြောင့် ငါရို့သည် ကိုယ်တော်၏နာမတော်ကို ဝန်ခံသောနှုတ်၏အသီးတည်းဟူသော ချီးမွမ်းခြင်းယဇ်ကို ကိုယ်တော်အားဖြင့် ဘုရားသခင်အား အစဉ်မပြတ် ပူဇော်ကြကုန်အံ့။ **16** ထို့ကြောင့် ကောင်းသောအမှုကို ပြုခြင်းငှာ လည်းကောင်း၊ သူတစ်ပါးကို ပီးကမ်းခြင်းငှာ လည်းကောင်း မမိုကတ်ကော။ အကြောင်းမူကား ထိုသို့သော ပူဇော်သကာယဇ်များကို ဘုရားသခင်သည် နှစ်သက်တော်မူ၏။ **17** သင်ရို့ ခေါင်းဆောင်တိ၏စကားကို နာခံ၍ သူရို့၏ မိန့်မှာချက်များကို လိုက်လျှောက်ကြလော့။ အကြောင်းမူကား မိမိရို့၏ မှတ်တမ်းများကို တင်ပြပီးရမည့် သူရို့ကဲ့သို့ သူရို့သည် သင်ရို့အား မျက်ခြံမပြတ် စောင့်ကြည့်နိုင်ကြသောကြောင့်ဖြစ်၏။ သင်ရို့သည် ထိုခေါင်းဆောင်ရို့၏စကားကို နာခံကြလျှင် သူရို့သည်လည်း မိမိရို့အလုပ်ကို ဝမ်းမြောက်စွာ လုပ်ဆောင်ကြလိမ့်မည်။ ထိုသို့ မဟုတ်ဘဲ သူရို့သည် စိတ်မကောင်းစွာဖြင့် လုပ်ဆောင်ကြလျှင် သင်ရို့အတွက် အကျိုးဟိလိမ့်မည် မဟုတ်ပေ။ **18** ငါရို့သည် အရာရာ၌ ကြည်လင်သော အသိစိတ်ဖြင့် ကောင်းမွန်စွာ အသက်ရှင်နိုင်ထိုင်ခြင်းငှာ အလိုဟိကြသည်ဖြစ်၍ ငါရို့အတွက်လည်း ဆုတောင်းပီးကြလော့။ **19** ဘုရားသခင်သည် ငါ့အား သင်ရို့ပါးသို့ မကြာခင် ပို့ဆောင်ပီးခြင်းငှာ ဆုတောင်းပီးကြရန် အထူးမေတ္တာရပ်ခံအပ်ပါ၏။

20 ထာဝရပဋိညာဉ် အသွီးတော်ဖြင့် သိုးများ၏ကြီးမြတ်သော သိုးထိန်းဖြစ်တော်မူသော ငါရို့၏ အသျှင်ယေသျှုကို သီဆုံးခြင်းမှ ထမြောက်စီတော်မူသော ငြိမ်သက်ခြင်း၏အသျှင် ဘုရားသခင်သည်၊ (aiōnios g166) **21** မိမိ၏အလိုတော်ကို ဆောင်ရွက်နိုင်ကြစီရန် ကောင်းသောအမှုအမျိုးမျိုးဖြင့် သင်ရို့ကို ပြည့်စုံတော်မူပါစီသော။ ထို့အပြင် ကိုယ်တော်သည် မိမိ၏နှစ်သက်ဖွယ်သောအမှုကို ယေသျှုခရစ်တော်အားဖြင့် ငါရို့၌ လုပ်ဆောင်တော်မူပါစီသော။ ထိုခရစ်တော်၏ ဘုန်းတန်ခိုးတော်သည် ကမ္ဘာအဆက်ဆက် တည်ဟိပါစီသော။ အာမင်။ (aiōn g165) **22** ညီအစ်ကို မောင်နှမရို့၊ ငါသည် သင်ရို့ကို အကျဉ်းချုပ် ရီးပီးလိုက်ခြင်းဖြစ်၍ ငါ၏ အားပီးတိုက်တွန်းစကားကို လက်ခံကြရန် သင်ရို့အား ငါ တောင်းပန်၏။ **23** ငါရို့၏ညီ တိမောသေသည် လွတ်မြောက်လာပြီဖြစ်ကြောင်း သင်ရို့အား ငါ သိစီလို၏။ မကြာခင် သူ ရောက်လာသောခါ ငါသည်လည်း သူနှင့်အတူ သင်ရို့ကို တို့ရန် လာလိမ့်မည်။ **24** သင်ရို့၏ခေါင်းဆောင်အားလုံးနှင့် ဘုရားသခင်၏သားသမီးအားလုံးကိုလည်း နှုတ်ဆက်လိုက်ပါ၏။ ဣတလီပြည်မှ ရောက်လာကြသောသူတိကလည်း သင်ရို့ကို နှုတ်ဆက်လိုက်ကြ၏။ **25** ကျေးဇူးတော်သည် သင်ရို့အားလုံးနှင့်အတူ ဟိပါစီသော။

1 ဘုရားသခင်နှင့် ငါရို၏အသျှင် ယေသျှုခရစ်တော်၏ အခိုင်းအစီတစ်ယောက်ဖြစ်သော ငါ ယာကုပ်သည်။ **2** ငါ့ညီအစ်ကို မောင်နှမရို့ သင်ရို့သည် အမျိုးမျိုးသော စုံစမ်းနှောင့်ယှက်ခြင်းကို ရင်ဆိုင်ကြုံကြရသောအခါ ကေန်အမှန် ဝမ်းမြောက်စရာ ဖြစ်သည်ဟု မှတ်ယူကြလော့။ **3** အကြောင်းမူကား သင်ရို့၏ယုံကြည်ခြင်းကို စမ်းသပ်ခြင်းသည် သည်းခံခြင်းကို တိုးပွားစိတ်တည်သည့်ကို သင်ရို့ သိကြ၏။ **4** သင်ရို့သည် အလျှင်း မချီတဲ့ဘဲ ရင့်ကျက်၍ ပြည့်စုံသောသူတစ်ယောက် ဖြစ်လာစီခြင်းငှာ အရာရာ၌ သည်းခံခြင်း ဟိကြလော့။ **5** သင်ရို့၌ မည်သူမဆို ဉာဏ်ပညာ မဟီလျှင် အပြစ်မမြင်ဘဲ အရာခပ်သိမ်းကို စေတနာစိတ်ထက်သန်စွာ ပီးတော်မူသော ဘုရားသခင်ထံ ဆုတောင်းကြလော့။ ကိုယ်တော်သည် ထိုသူအား ဉာဏ်ပညာကို ပီးတော်မူလိမ့်မည်။ **6** သို့ရာတွင် သူသည် သံသယမဟိဘဲ ယုံကြည်ခြင်းဖြင့် တောင်းရမည်။ အကြောင်းမူကား သံသယဟိသောသူသည် လီတိုက်ရာသို့ ရွှိတတ်သော ပင်လယ်လှိုင်းနှင့် တူ၏။ **7** ထိုသူသည် ဘုရားသခင်ထံပါးမှ တစ်စုံတစ်ခုကိုမျှ ရလိမ့်မည်ဟု ထင်မှတ်စရာ မဟိပေ။ **8** ထိုသို့သောသူသည် စိတ်နှစ်ခွဲ ဟိသောသူ၊ မိမိပြုလေသမျှ၌ ဂနာမငြိမ်သောသူ ဖြစ်၏။ **9** နှိမ့်ချတတ်သော ညီအစ်ကို မောင်နှမရို့ ဘုရားသခင်သည် သင်ရို့အား ချီးမြှောက်သောအခါ ဂုဏ်ယူဝမ်းမြောက်ကြလော့။ **10** သို့ရာတွင် ချမ်းသာသော ညီအစ်ကို မောင်နှမရို့ ဘုရားသခင်သည် သင်ရို့အား နှိမ့်ချသောအခါ၌လည်း ဂုဏ်ယူသင့်ပေ၏။ အကြောင်းမူကား ထိုချမ်းသာခြင်းသည် မြက်ပွင့်ကဲ့သို့ ကွယ်ပျောက်လားတတ်၏။ **11** နီသည် မိမိ၏အပူဟိန်နှင့် ထွက်လာသောအခါ ထိုမြက်ပင်သည် ညှိုးနွမ်းခြောက်သွေ့လားပြီးလျှင် ၎င်း၏အပွင့်သည်လည်း ကြို့ကျ၍ ထိုအပွင့်၏ အလှတရားများသည်လည်း ပျက်စီးလားတတ်၏။ ထိုနည်းတူ ချမ်းသာသောသူရို့သည်လည်း မိမိရို့၏စီးပွားကို လုပ်ကိုင်လျက်နိန့်စဉ်၌ပင် ဖျက်ဆီးခြင်းကို ခံရကြ၏။ **12** စုံစမ်းစစ်ဆေးခြင်း၌ သည်းခံတတ်သောသူသည် မင်္ဂလာဟိ၏။ အကြောင်းမူကား ထိုသို့သော စုံစမ်းစစ်ကြောခြင်းကို အောင်မြင်သောသူသည် ဘုရားသခင်က မိမိကို ချစ်သောသူတို့အား ကတိပီးထားတော်မူသည့် အသက်သရဖူကို ရလိမ့်မည်။ **13** ဇာသူမဆို ဖျားယောင်းသွီးဆောင်ခြင်းကို ခံရသည့်အခါ “ဘုရားသခင်က မိမိအား သွီးဆောင်သည်” ဟု မပြောကတ်ကေ။ အကြောင်းမူကား မကောင်းသောအမှုအရာအားဖြင့် ဘုရားသခင်ကို မသွီးဆောင်နိုင်။ ကိုယ်တော်သည်လည်း ဇာသူကိုမျှ သွီးဆောင်တော်မမူ။ **14** သို့ရာတွင် စုံစမ်းသွီးဆောင်ခြင်းကို ခံရသောသူသည် မိမိတပ်မက်စိတ်၏ဆွဲဆောင်ရာသို့ လိုက်ပါခြင်းဖြစ်၏။ **15** တဖန် တပ်မက်သောစိတ်သည် ပဋိသန္ဓေ တည်၍ အပြစ်ကို မွီးဖွားတတ်၏။ အပြစ်သည်လည်း ကြီးပြင်းလာသောအခါ သီခြင်းတရားကို မွီးဖွားတတ်၏။ **16** ငါချစ်သော ညီအစ်ကို မောင်နှမရို့ လှည့်ဖျားခြင်းကို မခံကတ်ကေ။ **17** ကောင်းမြတ်၍ ပြီးပြည့်စုံသော လက်ဆောင်ဟူသည်ကား ကောင်းကင်ဘုံနှင့်ဆိုင်သော အလင်းကို ဖန်ဆင်းတော်မူသော ဘုရားသခင် ထံတော်ပါးမှ ဆင်းသက်လာခြင်းဖြစ်၏။ ထိုအဖ သည်ကား ရွှံ့လျားတတ်သော အရိပ်ကဲ့သို့ ပြောင်းလဲနိန့်သည်မဟုတ်။ **18** ကိုယ်တော်သည် မိမိဖန်ဆင်းတော်မူသော အရာအားလုံးတွင် အဦးသီးသောအသီးများ ဖြစ်လာစီရန် သမ္မာတရားနှင့်ဆိုင်သော နှုတ်ကပတ်တော်အားဖြင့် ငါရို့ကို မွီးဖွားစီခြင်းငှာ ရွှီးချယ်တော်မူ၏။ **19** ငါချစ်သော ညီအစ်ကို မောင်နှမရို့ ဤအချက်ကို သိမှတ်ကြလော့။ လူတိုင်း နားထောင်ခြင်းကို ယင်ကတ်စီ။ စကားပြောခြင်းနှင့် အမျက်ထွက်ခြင်းကို နှေးကတ်စီ။ **20** အကြောင်းမူကား လူ၏ဒေါသအမျက်သည် ဘုရားသခင်နှစ်သက်သော ပြောင့်မတ်ခြင်းတရားကို မရနိုင်။ **21** ထို့ကြောင့် ညစ်ညူးသောအကျင့်များနှင့် မကောင်းသောအမှု မှန်သမျှကို ဖယ်ယှား၍ သင်ရို့အထဲ၌ ထည့်သွင်းသော နှုတ်ကပတ်တော်ကို နူးညံ့သိမ်မွေ့သော စိတ်ဖြင့် ခံယူကြလော့။ ထိုနှုတ်ကပတ်တော်သည် သင်ရို့ကို ကယ်တင်နိုင်၏။ **22** နှုတ်ကပတ်တော်ကို နားထောင်ရုံ မျှဖြင့် မိမိကိုယ်ကို လှည့်ဖျားသောသူများ မဖြစ်စီကြဘဲ၊ လက်တို့ ကျင့်သုံးသောသူတို့ ဖြစ်စီကြလော့။ **23** မည်သူမဆို နှုတ်ကပတ်တော်ကို

နားထောင်သော်လည်း လက်တို့မကျင့်သုံးသောသူသည် မိမိ၏ပကတိမျက်နှာကို မှန်၌ ကြည့်သော သူတစ်ယောက်နှင့် တူ၏။ 24 အကြောင်းမူကား ထိုသူသည် မိမိ၏ပုံပန်းသဏ္ဌာန်ကို ကြည့်ပြီးနောက် အဝီးသို့ ထွက်လားသည်နှင့် ချက်ချင်း မိုးလျှောလားတတ်၏။ 25 သို့ရာတွင် လွတ်မြောက်ခြင်းကို ပီးတတ်သော စုံလင်သည့် ပညတ်တော်ကို စိုးစံကြည့်ရှုလျက် ထိုပညတ်တော်အတိုင်း ကျင့်သောသူသည် ကြားနာထားပြီးသော အရာများကို မိုးလျှောခြင်းမဟိဘဲ၊ လက်တို့ လိုက်နာကျင့်သုံးသောသူဖြစ်၏။ ထိုသူသည် မိမိပြုသောအမှု၌ ကောင်းကြီးမင်္ဂလာကို ခံစားရလိမ့်မည်။ 26 တစ်စုံတစ်ယောက်သည် မိမိကိုယ်ကို ဘာသာတရားကြည်ညိုသည်ဟု ထင်မှတ်လျက်၊ မိမိ၏လျှာကို မချုပ်တည်းလျှင် ထိုသူသည် မိမိကိုယ်မိမိ လှည့်ဖျားသောသူဖြစ်ပြီး သူ၏ ဘာသာတရားကြည်ညိုခြင်းသည်လည်း အချည်းနီးသာဖြစ်၏။ 27 ငါရို၏အဖ ဘုရားသခင် လက်ခံတော်မူသော ဘာသာတရားကြည်ညိုခြင်း ဟူသည်မှာ သန့်ယင်းစင်ကြယ်၍ အပြစ်ကင်းခြင်း၊ ဆင်းရဲဒုက္ခရောက်နိုင်ကြသည့် မိဖမဟိသော အသျှေတိနှင့် မုဆိုးမတိကို ကြည့်ရှုစောင့်ရှောက်ခြင်း၊ ကိုယ်တိုင်လည်း လောကီအညစ်အကြေးများနှင့် ကင်းစင်စီခြင်းပင် ဖြစ်၏။

2 ငါ၏ညီအစ်ကို မောင်နှမရို၊ သင်ရိုသည် ငါရို၏ဘုန်းတန်ခိုးတော်အသျှင် ဖြစ်တော်မူသော ယေသျှုခရစ်တော်၌ ယုံကြည်သောသူတို့ ဖြစ်ကြသောကြောင့် သင်ရိုသည် လူ၏အပြင်ပန်းကို ကြည့်၍ မျက်နှာလိုက်ခြင်း မဟိကတ်ကေ။ 2 သင်ရို၏ဝတ်ပြုစည်းဝေးပွဲထဲသို့ ရွှိလက်စွပ်နှင့်တကွ တောက်ပြောင်သောအဝတ်ကို ဝတ်ဆင်ထားသော လူချမ်းသာတစ်ယောက်နှင့် ဟောင်းနွန်းသော အဝတ်ကို ဝတ်ထားသော သူဆင်းရဲတစ်ယောက် ဝင်လာကြသောအခါ၊ 3 သင်ရိုသည် တောက်ပြောင်သောအဝတ်ကို ဝတ်ဆင်ထားသောသူအား အရိုအသိပီးလျက် “သင်သည် ဤကောင်းသောနီရာ၌ ထိုင်ပါလော” ဟု ဆို၍ ထိုသူဆင်းရဲကို မူကား “သင်သည်ကား ထိုနီရာ၌ ရပ်နိုင်လော၊ သို့မဟုတ်လျှင် ငါ၏ဦးရင်း ကြမ်းပြင်၌ ထိုင်နိုင်လော” ဟု ဆိုလျှင် 4 သင်ရိုသည် အချင်းချင်း လူတန်းစား ခွဲခြားကာ ဆိုးညစ်သော အကြံအစည်ဖြင့် တရားစီရင်သောသူတို့ ဖြစ်ကြသည် မဟုတ်လော။ 5 ငါ ချစ်သော ညီအစ်ကို မောင်နှမရို၊ နားထောင်ကြလော့။ ဘုရားသခင်သည် ဤလောက၌ ဆင်းရဲသားသူရိုကို ယုံကြည်ခြင်း အားကြီးသောသူများ ဖြစ်စီခြင်းငှာ လည်းကောင်း၊ ကိုယ်တော်ကို ချစ်သောသူတို့အား ကတိထားတော်မူခဲ့သော နိုင်ငံတော်ကို အမွှိခံကြစီခြင်းငှာ လည်းကောင်း ရွှီးကောက်တော်မူသည် မဟုတ်လော။ 6 သို့ရာတွင် သင်ရိုသည် ဆင်းရဲသောသူတို့ကို မထီလေးစား ပြုကြသည်တကား။ သင်ရိုကို ဖိနှိပ်ကြသောသူ၊ တရားရုံးသို့ ဆွဲခေါ် လားသောသူရိုသည်ကား ဇာသရိုလဲ။ ချမ်းသာသောသူရိုပင် မဟုတ်ပါလော။ 7 သူရိုသည် သင်ရိုအဖို့ ပီးထားသော ကိုယ်တော်၏ ကောင်းမြတ်သော နာမတော်ကို ကဲ့ရဲ့ပြောဆိုကြသည် မဟုတ်လော။ 8 သင်ရိုသည် ကျမ်းစာ၌ တို့ရသော “ကိုယ်နှင့်စပ်ဆိုင်သောသူကို ကိုယ်နှင့်အမျှချစ်ကြလော့” ဟူသော နိုင်ငံတော်၏ပညတ်တရားကို လိုက်နာကြလျှင် ကောင်းသောအမှုကို ပြုနိုင်ကြခြင်းဖြစ်၏။ 9 သို့ရာတွင် အပြင်ပန်းသဏ္ဌာန်ကို ကြည့်ပြီး မျက်နှာလိုက်နိုင်ကြလျှင် သင်ရိုသည် အပြစ်ကို ကျူးလွန်ကြသည်ဖြစ်၍ ပညတ်တရားကို ကျူးလွန်သောသူ တစ်ယောက်ကဲ့သို့ သင်ရိုသည် ပညတ်တရားအားဖြင့် အပြစ်စီရင်ခြင်းကို ခံရလိမ့်မည်။ 10 အကြောင်းမူကား မည်သူမဆို ပညတ်တစ်ပါးကို ကျူးလွန်သောသူသည် ပညတ်တရားအားလုံးကို ကျူးလွန်သောသူ ဖြစ်၏။ 11 အကြောင်းမူကား “အိမ်ထောင်ရေး မဖောက်ပြန်ရ” ဟု ပညတ်တော်မူသော အသျှင်သည် “လူအသက်ကို မသတ်ရ” ဟူ၍လည်း ပညတ်တော်မူ၏။ သို့ ဖြစ်၍ သင်သည် အိမ်ထောင်ရေးဖောက်ပြန်မှုကို မပြုသော်လည်း လူအသက်ကို သတ်လျှင် ပညတ်တရားကို ကျူးလွန်သူဖြစ်၏။ 12 ထို့ကြောင့် လွတ်မြောက်ခွင့်ကို ပီးသော ပညတ်တရားအားဖြင့် စီရင်ခြင်းကို ခံရမည့်သူများကဲ့သို့ ပြောဆို၍ ကျင့်ကြံကြလော့။ 13 အကြောင်းမူကား ကရုဏာတရားမဟိသောသူသည် ဘုရားသခင်၏တရားစီရင်ခြင်းကို ခံရသောအခါ ကိုယ်တော်၏ကရုဏာကို ခံရလိမ့်မည် မဟုတ်ပေ။ သို့သော်လည်း ကရုဏာတရားသည် တရားစီရင်ခြင်းကို အောင်မြင်တတ်၏။ 14 ငါ့ညီအစ်ကို မောင်နှမရို၊ တစ်စုံတစ်ယောက်သောသူက ငါ၌ ယုံကြည်ခြင်းဟိ၏ဟု ဆိုသော်လည်း အကျင့်မဟိလျှင် မည်သို့ အကျိုးဟိမည်နည်း။ ထိုသို့သော ယုံကြည်ခြင်းသည်

ထိုသူကို ကယ်တင်နိုင်မည်လော။ 15 သင်ရဲ့ ဘေးရန် ဝတ်ရန် မဟိသော ညီအစ်ကို မောင်နှမရဲ့ ဟိကြသောအခါ၊ 16 တစ်စုံတစ်ယောက်က “ဘုရားသခင်သည် သင့်အား ကောင်းကြီးပီးပါစီ၊ နွီးထွီးစွာ နီရပါစီ၊ ဝလင့်စွာ စားရပါစီ” ဟု သူရဲ့အား ဆိုလျက် — သူရဲ့၏အသက်ရှင်မှုအတွက် လိုအပ်ချက်များကို မပီးဘဲနိန်လျှင် ဇာပိုင် ကောင်းကျိုး ဟိပါအံ့နည်း။ 17 ထို့ကြောင့် အကျင့်မပါသော ယုံကြည်ခြင်းသည် တစ်ခုတည်းဖြစ်သောကြောင့် အသိဖြစ်၏။ 18 သို့ရာတွင် “သင်၌ ယုံကြည်ခြင်းဟိ၏၊ ငါ၌ အကျင့်ဟိ၏” ဟု တစ်ဦး တစ်ယောက်က ပြောဆိုအံ့။ ငါ ဆိုသည်ကား “အကျင့်မပါသော သင်၏ယုံကြည်ခြင်းကို ငါ့အား ပြလော့။ ငါသည်လည်း ငါ၏အကျင့်အားဖြင့် ငါ၏ယုံကြည်ခြင်းကို သင့်အား ပြမည်” ဟူ၍ ဖြစ်၏။ 19 သင်သည် ဘုရားသခင် တစ်ပါးတည်း ဟိကြောင်းကို ယုံကြည်သည်မှာ ကောင်းပေ၏။ နတ်ဆိုးများပင် ထိုသို့ ယုံကြည်၍ ကြောက်ရွံ့တုန်လှုပ်ကြ၏။ 20 အို၊ ပညာမဲ့သောသူရဲ့ အကျင့်မပါသော ယုံကြည်ခြင်းသည် အကျိုးမဟိကြောင်းကို သင် သိလိုသလော။ 21 ငါရဲ့အဖ အာဗြဟံသည် မိမိ၏သား ဣဇာက်ကို ယဇ်ပလ္လင်ပေါ်၌ ပူဇော်သောအခါ သူ၏အကျင့်ကို ဖြောင့်မတ်သည်ဟု အသိအမှတ်ပြုခြင်းခံရသည့် မဟုတ်လော။ 22 သူ၏ယုံကြည်ခြင်းသည် သူ၏အကျင့်နှင့်အတူ လုပ်ဆောင်ခသည်ဖြစ်၍ ယုံကြည်ခြင်းကို အကျင့်အားဖြင့် ပြည့်စုံခြင်းသို့ ရောက်သည်ကို သင်ရဲ့ သိမြင်ကြလော့။ 23 ထိုအခါ “အာဗြဟံသည် ဘုရားသခင်ကို ယုံကြည်၏။ ထိုယုံကြည်ခြင်းကို သူ၏ဖြောင့်မတ်ခြင်းအဖြစ် မှတ်တော်မူ၏” ဟူသော ကျမ်းချက်သည် ပြည့်စုံခြင်းသို့ ရောက်လေ၏။ အာဗြဟံသည်လည်း ဘုရားသခင်၏ အဆွီဟု ခေါ်ဝေါ်ခြင်းကို ခံရလေ၏။ 24 ငါရဲ့သည် ယုံကြည်ခြင်း တစ်ခုတည်းဖြင့် ဖြောင့်မတ်ရာသို့ မရောက်၊ အကျင့်အားဖြင့်သာ ဖြောင့်မတ်ရာသို့ ရောက်သည်ကို သင်ရဲ့ သိမှတ်ကြလော့။ 25 ထိုနည်းတူ ပြည်တန်းဆာ ရာခပ်သည်လည်း သူလျှို့တို့ကို လက်ခံ၍ အခြားသောလမ်းဖြင့် ပို့ဆောင်လိုက်သောအခါ သူမ၏လုပ်ဆောင်မှု အကျင့်အားဖြင့် ဘုရားသခင်နှင့် ဖြောင့်မတ်ရာသို့ ရောက်သည် မဟုတ်လော။ 26 အကြောင်းမူကား ဝိညာဉ်နှင့်ကင်းသော ခန္ဓာသည် အသိဖြစ်သကဲ့သို့ အကျင့်နှင့်ကင်းသော ယုံကြည်ခြင်းသည်လည်း အသိဖြစ်၏။

3 ငါ့ ညီအစ်ကို မောင်နှမရဲ့ ဆရာဖြစ်ကြသော ငါရဲ့သည် သာ၍ တင်းကြပ်သော တရားစီရင်ခြင်းကို ခံရလိမ့်မည်ဟု သိမှတ်လျက် ဆရာဖြစ်ချင်သောသူ မများစီကတိကော။ 2 အကြောင်းမူကား ငါရဲ့ အားလုံးသည် နည်းအမျိုးမျိုးဖြင့် မှားယွင်းတတ်ကြ၏။ စကားအားဖြင့် မှားယွင်းခြင်းမဟိသောသူမူကား မိမိကိုယ်ခန္ဓာတစ်ခုလုံးကို ထိန်းချုပ်နိုင်သည့် စုံလင်သောသူ တစ်ယောက်ဖြစ်၏။ 3 ငါရဲ့သည် မြင်းကို နိုင်စီခြင်းငှာ ပါးစပ်၌ ဇက်ကြိုးတပ်ကြ၏။ ထိုသို့ပြု၍ ငါရဲ့သည် ထိုမြင်းတစ်ကိုယ်လုံးကို လိုရာသို့ မောင်းနိုင်ကြ၏။ 4 သို့တည်းမဟုတ် သင်္ဘောတစ်စီးကို ကြည့်လော့။ ထိုသင်္ဘောသည် အလွန်ကြီးမား၍ လီပြင်းတိုက်ရာသို့ လွင့်ပါတတ်သော်လည်း တက်မချေတစ်ချောင်းဖြင့် တက်မကိုင်၏လိုရာသို့ လှည့်နိုင်၏။ 5 ထိုနည်းတူ လျှာသည် ခန္ဓာကိုယ်၏ သေးငယ်သောအင်္ဂါအစိတ်အပိုင်း တစ်ခုဖြစ်သော်လည်း အလွန် ဝါကြွားတတ်၏။ မီးစချေ တစ်ခုဖြင့် တစ်တောလုံးကို လောင်ကျွမ်းစီနိုင်သည်ကို ဆင်ခြင်ကြလော့။ 6 လျှာသည် မီးဖြစ်၏။ ကိုယ်အင်္ဂါအစိတ်အပိုင်းများ၏ ဒုစရိုက် လောကလည်း ဖြစ်၏။ ထိုလျှာသည်ကား လူတစ်ကိုယ်လုံးကို ညစ်ညူးစီပြီး ဘဝတစ်ခုလုံးကို လောင်ကျွမ်းစီကာ မိမိကိုယ်တိုင် ငရဲ၌ လောင်ကျွမ်းခြင်းကို ခံရ၏။ (Geenna g1067) 7 လူသည် ကျေးငှက်မျိုးမှစ၍ တွားလားသတ္တဝါနှင့် ငါးစသည့် တောရိုင်းတိရစ္ဆာန်အားလုံးကို ယဉ်ပါးအောင် လုပ်နိုင်ကြ၏။ 8 သို့ရာတွင် ထိုလျှာကို ယဉ်ပါးအောင် လုပ်နိုင်သောသူဟူ၍ မဟိ။ လျှာသည် ထိန်းချုပ်၍ မနိုင်သော ဒုစရိုက်လည်း ဖြစ်၏။ သီစီနိုင်သော အဆိပ်အတောက်နှင့် ပြည့်လျက်ဟိ၏။ 9 ငါရဲ့သည် လျှာဖြင့် ငါရဲ့၏သခင်ဘုရားနှင့် ခမည်းတော်အား ကျေးဇူးတော်ကို ချီးမွမ်းလျက်၊ ဘုရားသခင်၏သဏ္ဌာန်တော်နှင့်အညီ ဖန်ဆင်းထားသော လူတို့ကို ထိုလျှာဖြင့်ပင် ကျိန်ဆဲတတ်ကြ၏။ 10 နှုတ်တစ်ခုထဲမှ ကျေးဇူးတော်ချီးမွမ်းခြင်းနှင့် ကျိန်ဆဲခြင်းတို့ ထွက်တတ်ပါ၏တကား။ ညီအစ်ကိုမောင်နှမရဲ့ သင်ရဲ့သည်ကား ဤသို့ မဖြစ်စီကတိကော။ 11 ရီမျက်တွင်း တစ်တွင်းထဲမှ ရေချိုနှင့် ရီငန် နှစ်မျိုးစလုံး ထွက်တတ်သလော။ 12 ညီအစ်ကို မောင်နှမရဲ့ သဖန်းပင်သည် သံလွင်သီးကို သီးနိုင်သလော။

စပျစ်ပင်သည် သဖန်းသီးကို သီးနိုင်သလော။ ထို့အတူ ရီငန့် ရီမျက်တွင်းမှ ရီချို မထွက်နိုင်ပေ။ 13 သင်ရို့တွင်
ဇာသူသည် ပညာဟိ၍ နားလည်နိုင်ကြမည်နည်း။ ထိုသူရို့သည် ကောင်းသောအကျင့်အားဖြင့် ထိုအရာကို ပြကြရမည်။
ထိုသူရို့သည် နူးညံ့သိမ်မွေ့ခြင်းနှင့် ပညာဟိခြင်းကို မိမိရို့၏ ကောင်းသောအကျင့်ဖြင့် သက်သီပြကြရမည်။ 14 သို့ရာတွင်
သင်ရို့၏စိတ်နှလုံးထဲ၌ မနာလိုခြင်း၊ မုန်းတီးခြင်းနှင့် တစ်ကိုယ်ကောင်းဆန်ခြင်းများဟိလျှင်၊ သင်ရို့သည် မိမိရို့၏
ဉာဏ်ပညာနှင့်ပတ်သက်၍ ကြွားဝါခြင်းအားဖြင့် သမ္မာတရားကို ဆန့်ကျင်၍ ပြစ်မှားခြင်းသို့ မရောက်စီကတိကေ။ 15
ထိုသို့သော ဉာဏ်ပညာသည် ကောင်းကင်မှ လာသည် မဟုတ်ဘဲ လောကနှင့်လည်းကောင်း၊ ဇာတိပကတိနှင့်လည်းကောင်း၊
နတ်ဆိုးများနှင့်လည်းကောင်း စပ်ဆိုင်ပေ၏။ 16 အကြောင်းမူကား မနာလိုခြင်းနှင့် တစ်ကိုယ်ကောင်းဆန်ခြင်းများ
ဟိသောနီရာ၌ ရုန်းရင်းဆန်ခတ်ဖြစ်ခြင်းနှင့် အမျိုးမျိုးသော ဒုစရိုက်ပြုခြင်းများသာ ဟိတတ်၏။ 17 သို့သော်
အထက်အရပ်မှ လာသော ဉာဏ်ပညာသည် သန့်ယှင်းစင်ကြယ်ခြင်းနှင့်ဆိုင်သော အရာအားလုံးတွင် ပထမဖြစ်၏။
ထို့နောက် ငြိမ်းချမ်းသောသဘော၊ ထောက်ထားညှာတာတတ်သောသဘော၊ နူးညံ့သိမ်မွေ့သောသဘော ဟိသည်ဖြစ်၍
ကရုဏာနှင့် ပြည့်ဝကာ ကောင်းမြတ်သော လုပ်ဆောင်မှု၏ အသီးအပွင့်ကို တိုးပွားစီတတ်၏။ ထိုဉာဏ်ပညာ၌
မျက်နှာလိုက်ခြင်း၊ ဟန်ဆောင်ခြင်းဟူ၍ မဟိပေ။ 18 ရန်ကို ငြိမ်းစီသောသူရို့သည် ဖြောင့်မတ်ခြင်းအသီးအနှံကို
ရိတ်သိမ်းကြရ၏။

4 သင်ရို့၌ ဇာအကြောင်းတရားတိက စကားများ ရန်တို့ခြင်းကို ဖြစ်စီကြသနည်း။ ထိုအကြောင်းတရားများသည်
သင်ရို့အတွင်း၌ တိုက်ခိုက်လျက်ဟိသော သင်ရို့၏ တပ်မက်စိတ်များကြောင့် ဖြစ်လာရသည် မဟုတ်လော။ 2
သင်ရို့သည် တစ်စုံတစ်ခုကို လိုချင်ကြသော်လည်း ထိုအရာကို မရနိုင်ကြ။ သင်ရို့သည် လိုချင်စိတ် ပြင်းပြကြသော်လည်း
ထိုအရာများကို မရနိုင်သောကြောင့် ရန်ဖြစ်၍ တိုက်ခိုက်ကြ၏။ လူသတ်မှုကို ကျူးလွန်တတ်ကြ၏။ သို့ရာတွင်
သင်ရို့သည် အလိုမပြည့်စုံရခြင်းမှာ ဘုရားသခင်ကို မတောင်းလျှောက်ကြသောကြောင့်ဖြစ်၏။ 3 သင်ရို့သည်
တောင်းလျှောက်သော်လည်း မရကြပေ။ အကြောင်းမူကား သင်ရို့သည် လောကီပျော်မွှိုခြင်းကို ခံစားဖို့ရန် လွဲမှားစွာဖြင့်
တောင်းလျှောက်ကြသောကြောင့် ဖြစ်၏။ 4 ဖောက်ပြန်တတ်သောသူရို့၊ လောကနှင့် မိတ်ဆွေဖွဲ့ခြင်းသည်
ဘုရားသခင်ကို ရန်ဘက်ပြုခြင်းဖြစ်သည်ကို သင်ရို့ မသိကြသလော။ ထို့ကြောင့် လောက၏မိတ်ဆွေ ဖြစ်လိုသောသူသည်
ဘုရားသခင်၏ရန်သူဖြစ်လာ၏။ 5 ကျမ်းစာက “ကိုယ်တော်သည် ငါရို့အထဲ၌ တည်စီတော်မူသော ဝိညာဉ်အား
အလွန်နှမြောတော်မူ၏” ဟု ဆိုထားခြင်းသည် အကြောင်းမဲ့ ဆိုထားသည်ဟု သင်ရို့ ထင်မှတ်ကြသလော။ 6
သို့သော်လည်း ကိုယ်တော်သည် သာ၍ မြတ်သော ကျေးဇူးတော်ကို ငါရို့အား ပီးတော်မူ၏။ ထို့ကြောင့် ကျမ်းစာ
လာသည်ကား “ဘုရားသခင်သည် မာနထောင်လွှားသောသူရို့ကို ဆန့်ကျင်တော်မူ၏။ သို့ရာတွင် နှိမ့်ချသောသူရို့အား
ကျေးဇူးပြုတော်မူ၏” ဟူ၍ ဖြစ်၏။ 7 ထို့ကြောင့် သင်ရို့ကိုယ်တိုင် ဘုရားသခင်ကို နာခံကြလော့။ မာရ်နတ်ကို
ခုခံတွန်းလှန်ကြလော့။ ထိုသို့ပြုလျှင် သူသည် သင်ရို့ပါးမှ ထွက်ပြီးလားလိမ့်မည်။ 8 ဘုရားသခင်ထံပါးသို့ ချဉ်းကပ်ကြလော့။
သို့ပြုလျှင် ကိုယ်တော်သည် သင်ရို့ထံပါးသို့ ချဉ်းကပ် တော်မူလိမ့်မည်။ အပြစ်ကျူးလွန်သောသူရို့၊ သင်ရို့၏လက်ကို
စင်ကြယ်စီကြလော့။ စိတ်နှစ်ခွဟိသောသူရို့၊ သင်ရို့၏စိတ်နှလုံးကို သန့်ယှင်းစီကြလော့။ 9 ဝမ်းနည်းပက်လက်ဖြစ်ခြင်းနှင့်
ငိုကြွေးမြည်တမ်းခြင်း စိတ်မသာငြိမ်းတွားခြင်း ဟိကြလော့။ သင်ရို့၏ရယ်မောခြင်းကို စိတ်မသာငြိမ်းတွားခြင်းသို့
လည်းကောင်း၊ သင်ရို့၏ဝမ်းမြောက်ခြင်းကို ဝမ်းနည်းကြီးကွဲခြင်းသို့ လည်းကောင်း ပြောင်းလဲစီကြလော့။ 10
သခင်ဘုရားရှိတော်၌ မိမိကိုယ်ကို နှိမ့်ချကြလော့။ ထိုသို့ပြုလျှင် ကိုယ်တော်သည် သင်ရို့ကို မစ တော်မူလိမ့်မည်။ 11
ညီအစ်ကို မောင်နှမရို့၊ သင်ရို့သည် တစ်ယောက်ကို တစ်ယောက် ပုတ်ခတ်ပြောဆိုခြင်း မပြုကတိကေ။ မိမိ၏ညီအစ်ကိုကို
ပုတ်ခတ်ပြောဆိုသောသူဖြစ်စီ၊ မိမိညီအစ်ကိုကို စီရင်သောသူဖြစ်စီ ထိုသူသည် ပညတ်တရားကို ဆန့်ကျင်ပြောဆို၍
ထိုပညတ်တော်ကို တရားစီရင်သောသူ ဖြစ်၏။ ထိုသို့ ပညတ်တော်ကို တရားစီရင်သော သင်သည် ပညတ်တရားကို

လိုက်နာသောသူ မဟုတ်ဘဲ တရားစီရင်သောသူဖြစ်၏။ 12 ပညတ်တရားကို ပီးသောသူ၊ တရားစီရင်သောသူသည် တစ်ပါးတည်းသာ ဟိတော်မူပြီး၊ ထိုအသျှင်သည် ကယ်တင်ခြင်းငှာ လည်းကောင်း၊ ဖျက်ဆီးခြင်းငှာ လည်းကောင်း တတ်စွမ်းနိုင်သော အသျှင် ဖြစ်တော်မူ၏။ သို့ရာတွင် သင်သည် ဇာပိုင်လူဖြစ်၍ မိမိ၏ညီအစ်ကိုအား တရားစီရင်ရသနည်း။ 13 အဂုအချိန်တွင် “အေနိုဖြစ်စီ၊ နက်ဖြန်ခါဖြစ်စီ၊ ငါရှိသည် မြို့တစ်မြို့သို့လား၍ ထိုအရပ်၌ တစ်နှစ်ပတ်လုံး နီထိုင်လျက် စီးပွားရှာကာ ငွီရအောင် စီးပွားရှာကြကုန်အံ့” ဟု ပြောဆိုတတ်သောသူရှိ နားထောင်ကြလော့။ 14 သင်ရှိသည် နက်ဖြန်ခါ မည်သို့ ဖြစ်လာမည်ကိုပင် မသိကြ။ သင်ရှိ၏အသက်သည် မည်သို့သောအရာဖြစ်သနည်း။ သင်ရှိသည် တဒင်္ဂသာ ပေါ်လာ၍ ပျောက်ကွယ်လားတတ်သော အခိုးအငွီ ဖြစ်ကြ၏။ 15 ထို့ကြောင့် သင်ရှိ ပြောသင့်သည်မှာ “သခင်ဘုရား၏အလိုတော်ဟိလျှင် ငါရှိသည် အသက်ရှင်၍ ဤအမှုဖြစ်စီ၊ ထိုအမှုဖြစ်စီ ပြုကြကုန်အံ့” ဟူ၍ ဖြစ်၏။ 16 သို့ရာတွင် သင်ရှိသည် မာနထောင်လွှားကာ ဝါကြွားလျက်ဟိကြ၏။ ထိုသို့သော ဝါကြွားခြင်းဟူသမျှသည် မကောင်းသောအမှု ဖြစ်ပေ၏။ 17 သို့ ဖြစ်၍ မည်သူမဆို ကောင်းသောအမှုကို လုပ်သင့်သည်ဟု သိသော်လည်း၊ မလုပ်သောသူသည် အပြစ်ဖြစ်၏။

5 အဂုတွင် ချမ်းသာသောသူရှိ၊ ငါစကားကို နားထောင်ကြလော့။ သင်ရှိပါးသို့ ရောက်လာမည့် ဒုက္ခဆင်းရဲခြင်းများအတွက် ငိုကြွေးမြည်တမ်းကြလော့။ 2 သင်ရှိ၏ ဓနဥစ္စာများသည် ဆွီးလားခပြီးလျှင်၊ သင်ရှိ၏အဝတ်များကိုလည်း ပိုးများက ကိုက်စားလေပြီ။ 3 သင်ရှိ၏နှိငွီများသည်လည်း အညှိတက်ကြလေပြီ။ ထိုအညှိများသည် သင်ရှိ၏တစ်ဖက်၌ သက်သီဖြစ်လျက် သင်ရှိ၏အသားကို စီးကဲ့သို့ စားလိမ့်မည်။ ဤနောက်ဆုံးသောကာလ၌ သင်ရှိသည် ဓနဥစ္စာများကို သို့လှောင်ထားကြပေ၏။ 4 သင်ရှိသည် သင်ရှိ၏လယ်ယာ၌ လုပ်ကိုင်ကြသော အလုပ်သမားတို့ကို လုပ်ခမပီးဘဲ နိန်ကြ၏။ ထို့ကြောင့် သူရှိ၏ တိုင်ကြားခြင်းကို နားထောင်ကြလော့။ ကောက်ပဲသီးနှံရိတ်သိမ်းကြသောသူရှိ၏ ငိုကြွေးသံများသည် အနန္တတန်ခိုးသျှင် ဘုရားသခင်၏ နားတော်သို့ ရောက်လေပြီ။ 5 သင်ရှိ၏ဘဝသည် မြီကြီးထက်၌ ပျော်ပါးမှု၊ ဇိမ်ခံမှုတို့နှင့် ပြည့်ဝကြပေ၏။ သင်ရှိသည် အသတ်ခံရမည့်နှို့အတွက် မိမိကိုယ်ကို ဆူဖျိုးအောင် လုပ်ထားကြ၏။ 6 သင်ရှိသည် အပြစ်ကင်းသောသူကို အပြစ်စီရင်၍ သတ်ကြ၏။ သို့သော်လည်း သူရှိသည် သင်ရှိကို ဆန့်ကျင်ခြင်း မပြုကြပေ။ 7 သို့ ဖြစ်၍ ညီအစ်ကို မောင်နှမရှိ၊ အသျှင်ဘုရား ကြွလာတော်မူသည့်တိုင်အောင် စိတ်ရှည်သည်းခံကြလော့။ လယ်သမားသည် မိမိမြီမှ အဖိုးတန်သော အသီးအနှံကို မိုးရာသီ၊ ဆောင်းရာသီ ကာလတိုင်အောင် ဇာပိုင် စိတ်ရှည်စွာဖြင့် စောင့်မျှော်ကြရသည်ကို ကြည့်ရှုကြလော့။ 8 သင်ရှိသည်လည်း စိတ်ရှည်သည်းခံ၍ ခိုင်မြဲစွာ ရပ်တည်ကြလော့။ အကြောင်းမူကား သခင်ဘုရား ကြွလာတော်မူခြင်းသည် နီးလာပြီဖြစ်၏။ 9 ညီအစ်ကို မောင်နှမရှိ၊ သင်ရှိသည် တစ်ဦးကို တစ်ဦး ပြစ်တင်ပြောဆိုခြင်းကို မပြုကတိကော့။ ထိုသို့ ပြစ်တင်ခြင်းကို ပြုလျှင် တရားစီရင်ခြင်းကို ခံကြရလိမ့်မည်။ တရားစီရင်သော အသျှင်သည် တန်းခါးဝ၌ ရပ်နိန်တော်မူ၏။ 10 ညီအစ်ကို မောင်နှမရှိ၊ ဆင်းရဲဒုက္ခနှင့် ရင်ဆိုင်ကြုံတို့ရသောအခါ၌ သခင်ဘုရား၏ နာမတော်မြတ်၌ ဟောပြောသော ပရောဖက်ရှိကို စံနမူနာယူ၍ စိတ်ရှည်သည်းခံကြလော့။ 11 သည်းခံတတ်သောသူရှိသည် မင်္ဂလာဟိကြ၏ဟု ငါရှိ၊ သိကြ၏။ ယောဘ၏သည်းခံခြင်းကို သင်ရှိ ကြားဖူးကြပြီ။ နောက်ဆုံး၌ ထာဝရဘုရားသည် ပြုစုတော်မူသည်ဖြစ်၍ ကိုယ်တော်သည် သနားခြင်း ကရုဏာတော်နှင့် ပြည့်စုံတော်မူသော အသျှင်ဖြစ်ကြောင်းကို သင်ရှိ မြင်တို့ရကြ၏။ 12 ညီအစ်ကို မောင်နှမရှိ၊ အထူးသဖြင့် ကျိန်ဆိုခြင်းကို မပြုကတိကော့။ ကောင်းကင်ကိုဖြစ်စီ၊ မြီကြီးကိုဖြစ်စီ၊ အခြားသော ကတိသစ္စာတစ်စုံတစ်ခုကို ပြုလျက်ဖြစ်စီ၊ ကျိန်၍ ပြောဆိုခြင်းကို မပြုကြနှင့်။ သင်ရှိသည် ဟုတ်သည်ကို “အဟုတ်” ဟူ၍ လည်းကောင်း၊ မဟုတ်သည်ကိုလည်း “မဟုတ်” ဟူ၍ လည်းကောင်း ပြောဆိုကြလော့။ သို့မဟုတ်လျှင် တရားစီရင်ခြင်းကို ခံရကြလိမ့်မည်။ 13 သင်ရှိ၌ ဒုက္ခရောက်နိန်သောသူ ဟိလျှင် ထိုသူသည် ဆုတောင်းပါစီ။ သင်ရှိ၌

ဝမ်းမြောက်ရွှင်လန်းသောသူဟိလျှင်၊ ထိုသူသည် ချီးမွမ်းတေးခြင်းကို သီဆိုပါစီ။ **14** သင်ရို့၌ မကျန်းမမာသောသူ ဟိလျှင်၊ ထိုသူသည် အသင်းတော် အကြီးအကဲရို့ကို ခေါ်၍ သူရို့သည် သူ့ကို ဆီလူးကာ သခင်ဘုရား၏နာမတော်၌ ဆုတောင်းပီးကြစီ။ **15** ယုံကြည်ခြင်းဖြင့် ဆုတောင်းခြင်းသည် လူနာကို ကျန်းမာစီလိမ့်မည်။ သခင်ဘုရားသည်လည်း သူ့ကို ထူမတော်မူလိမ့်မည်။ သူရို့သည် အပြစ်ကို ပြုမှားမိခလျှင်လည်း ထိုသူရို့ကို ခွင့်ရွတ်တော်မူလိမ့်မည်။ **16** သို့ဖြစ်၍ သင်ရို့သည် ကျန်းမာခြင်းကို ရစီမည့်အကြောင်း တစ်ယောက်ကို တစ်ယောက် မိမိရို့၏ အပြစ်များကို ဖော်ပြဝန်ခံလျက် တစ်ယောက်ကို တစ်ယောက် ဆုတောင်းပီးကြလော့။ ဖြောင့်မတ်သောသူတစ်ယောက်၏ ဆုတောင်းပတ္တနာသည် အလွန်တန်ခိုးပါ၍ အကျိုးဟိ၏။ **17** ဧလိယသည် ငါရို့ကဲ့သို့ လူ တစ်ယောက်ဖြစ်သော်လည်း မိုးမရွာမည့်အကြောင်း စိတ်အားထက်သန်စွာ ဆုတောင်းသောအခါ သုံးနှစ်နှင့် ခြောက်လတိုင်တိုင် မြီကြီး၌ မိုးမရွာဘဲ နိန်လေ၏။ **18** ထို့နောက် သူသည် နောက်တဖန် ဆုတောင်းသောအခါ အာကာပြင်မှ မိုးရွာသွန်း၍ မြီကြီးသည် အသီးအနှံများကို ဖြစ်ထွန်းလေ၏။ **19** ညီအစ်ကို မောင်နှမရို့၊ သင်ရို့၌ တစ်စုံတစ်ယောက်သောသူသည် သမ္မာတရားမှ လွဲလားသောအခါ တစ်စုံတစ်ယောက်က သူ့ကို ပြန်လည်၍ ခေါ်ဆောင်ပီးလော့။ **20** အပြစ်သားကို သူ၏ လွဲမှားနိုင်သောလမ်းမှ ပြန်လည်ခေါ်ဆောင်ပီးသော သူသည် ထိုအပြစ်သား၏ စိတ်ဝိညာဉ်ကို သီခြင်းတရားမှ ကယ်တင်၍ များစွာသော အပြစ်များကို ခွင့်ရွတ်ခြင်းရစီရန် ပို့ဆောင်ပီးသောသူဖြစ်ကြောင်း သိမှတ်ကြလော့။

1 ယေသုခရစ်၏တမန်တော် ပေတရုပါးမှ — **2** ခမည်းတော်ဘုရားသခင်သည် မိမိ၏ အကြံအစည်တော်အတိုင်း ယေသုခရစ်တော်ကို နာခံရန်နှင့် ကိုယ်တော်၏ အသွီးတော်အားဖြင့် စင်ကြယ်ကြစီရန်လည်းကောင်း၊ မိမိ၏ဝိညာဉ်တော်အားဖြင့် သန့်ယှင်းသောလူစု ဖြစ်စီခြင်းငှာ လည်းကောင်း သင်ရိုက် ချီးချယ်တော်မူ၏။

3 ငါရိုသည့် ငါရို၏အသျှင် ယေသုခရစ်၏ခမည်းတော် တည်းဟူသော ဘုရားသခင်၏ ကျေးဇူးတော်ကို ချီးမွမ်းကြကုန်အံ့။ အကြောင်းမူကား ကိုယ်တော်၏ မဟာကရုဏာတော်ကြောင့် ယေသုခရစ်ကို သီခြင်းတရားမှ ရှင်ပြန်ထမြောက်စီတော်မူခြင်းအားဖြင့် ငါရိုအား အသစ်သောဘဝကို ပီးတော်မူ၏။ သို့ဖြစ်၍ အသက်ရှင်သော မျှော်လင့်ခြင်းနှင့် ငါရိုအား ပြည့်ဝစီပြီးလျှင်၊ **4** ကိုယ်တော်၏ လူစုတော်အတွက် ဘုရားသခင် လျာထားတော်မူသော ချမ်းသာခြင်း ကောင်းကြီးမင်္ဂလာများကို ခံစားနိုင်ရန် ငါရို မျှော်မှန်းလျက် ဟိကြ၏။ ကိုယ်တော်သည် ထိုချမ်းသာခြင်း ကောင်းကြီးမင်္ဂလာများကို ယုံယွင်း ပျက်စီး မှေးမှိန်၍ မလားနိုင်သော ကောင်းကင်ဘုံတွင် သင်ရိုအဖို့ သိုထားလျက်ဟိ၏။

5 ထိုအရာသည်ကား နောက်ဆုံးသောကာလ၌ ထင်ရှားရန် အသင့်ပျင်ဆင်ထားသည့် ကယ်တင်ခြင်းအတွက် ဘုရားသခင်၏ တန်ခိုးတော်၌ ယုံကြည်ခြင်းအားဖြင့် စောင့်ရှောက်ခြင်းကို ခံထားရသော သင်ရိုအတွက် ဖြစ်၏။ **6** ဤအကြောင်းကြောင့် ဝမ်းမြောက်ကြလော့။ အကြောင်းမူကား သင်ရိုခံစားရသော စုံစမ်းနှောင့်ယှက်ခြင်းများသည် အရု တအောင့်ချေပျာသော ဖြစ်၏။ **7** ထိုစုံစမ်းနှောင့်ယှက်ခြင်းများကို ခံရသည်မှာ သင်ရို၏ ယုံကြည်ခြင်းသည် စစ်မှန်ကြောင်းကို သက်သေပြရန် ဖြစ်၏။ ပျက်စီးတတ်သော ရွှံ့ကိုပင်လျှင် မီးဖြင့် စစ်ရသည်ဖြစ်ရာ ရွှံ့ထက်များစွာ အဖိုးထိုက်သည့် သင်ရို၏ ယုံကြည်ခြင်းကို ခိုင်ခံ့စီရန် စစ်ဆေးရမည်။ ထို့ပြင် သင်ရိုသည် အသွင်ယေသုခရစ်တော် ပေါ်ထွန်းတော်မူသော နို့၌ ချီးမွမ်းခြင်း၊ ဘုန်းကြီးခြင်းနှင့် ဂုဏ်ပြုခြင်းကို ခံရကြလိမ့်မည်။ **8** သင်ရိုသည် ကိုယ်တော်ကို မမြင်ဖူးသော်လည်း ချစ်ကြ၏။ သင်ရိုသည် ကိုယ်တော်ကို အရ မမြင်ရသော်လည်း ယုံကြည်ကြပြီး နှုတ်ဖြင့် မဖော်ပြနိုင်သော ဝမ်းမြောက်ခြင်းနှင့် ရွှင်မြူးလျက် ဘုန်းတော်ကို ချီးမွမ်းကြ၏။ **9** အကြောင်းမူကား သင်ရိုသည် ထိုအသွင်အား ယုံကြည်ခြင်း၏ အကျိုးတည်းဟူသော စိတ်ဝိညာဉ်၏ ကယ်တင်ခြင်းကို ရဟိသောကြောင့်ဖြစ်၏။

10 သင်ရိုအား ဘုရားသခင်ပီးတော်မူသော ဆုကျေးဇူးနှင့်ပတ်သတ်၍ ဟောပြောသည့် ပရောဖက်ရိုသည် ထိုကယ်တင်ခြင်းအကြောင်းကို သေချာစွာ စုံစမ်းမိန်းမြန်းခကြ၏။ **11** မည်သည့်အချိန်၌ မည်သို့ ပေါ်ပေါက်လာမည်ကို သူရိုသည် ကြိုးစား၍ ရှာဖွေခကြ၏။ သူရိုအထံ၌ဟိသော ခရစ်တော်၏ ဝိညာဉ်တော်က ဤကာလတွင် ခရစ်တော်ခံရမည့် ဝေဒနာနှင့် ထိုသို့ ခံတော်မူပြီးနောက် ပေါ်ထွန်းလာမည့် ဘုန်းတော်ကို ကြိုတင်၍ ဖော်ပြခ၏။ **12** ထိုပရောဖက်ရိုပြုသည့် အရာများသည် သူရိုကိုယ်ကျိုးအတွက် မဟုတ်ဘဲ သင်ရိုအဖို့ ဆောင်ရွက်ခြင်း ဖြစ်ကြောင်းကို သင်ရိုအား ဘုရားသခင် ဖော်ပြတော်မူပေ၏။ အရု ထိုအရာများသည် ကောင်းကင်ဘုံမှ စီရွတ်ခြင်းခံရသော သန့်ယှင်းသော ဝိညာဉ်တော်၏ တန်ခိုးတော်အားဖြင့် ဟောပြောသောသူတို့မှတစ်ဆင့် သင်ရိုကြားရသော သတင်းကောင်းတရားပင် ဖြစ်၏။ ထိုအကြောင်းအရာများကို ကောင်းကင်တမန်တို့ပင်လျှင် နားလည်ရန် အလိုဟိကြ၏။ **13** ထို့ကြောင့် သင်ရို၏ စိတ်နှလုံးကို အသင့်ပျင်ဆင်၍ မဗ္ဗာသတိ ဟိကြလော့။ ယေသုခရစ် ပေါ်ထွန်းတော်မူသောအခါ သင်ရိုခံစားရမည့် ကျေးဇူးတော်ကို လုံးဝ မျှော်လင့်ကြလော့။ **14** မသိနားမလည်စဉ်အခါက မိမိရို၏ စိတ်ဆန္ဒဟိသည့်အတိုင်း ပြုမူသကဲ့သို့ ဆက်လက်မပြုမူဘဲ ဘုရားသခင်၏စကားကို နားထောင်ကြလော့။ **15** သင်ရိုအား ခေါ်တော်မူသော ဘုရားသခင်သည် သန့်ယှင်းတော်မူသည့်နည်းတူ သင်ရိုပြုမူသမျှ၌ သန့်ယှင်းကြလော့။ **16** အကြောင်းမူကား “ငါသည် သန့်ယှင်းသည်ဖြစ်၍ သင်ရိုသည်လည်း သန့်ယှင်းရမည်” ဟု ကျမ်းစာ၌ ဆိုထား၏။ **17** လူအပေါင်းရိုအား မျက်နှာမလိုက်ဘဲ မိမိရို၏ ကျင့်အတိုင်း တရားစီရင်တော်မူတတ်သော ဘုရားသခင်ထံသို့ ဆုတောင်းကြသောအခါ သင်ရိုသည် ကိုယ်တော်ကို အဖဟု ခေါ်လျက်

ဆုတောင်းကြ၏။ သို့ဖြစ်၍ ဤလောကတွင် အသက်ရှင်သမျှကာလပတ်လုံး ထိုဘုရားသခင်အား ကြောက်ရွံ့ခိုသိကြလော့။
18 သင်ရိုးသည် အဖိုးအဖိုးတိပါးမှ လက်ဆင့်ကမ်း ယူဆောင်လာသော တန်ဖိုးမဟိသောဘဝမှ အဖိုးအခပီး၍ သင်ရိုးအား
 ဇာပိုင် ရွီးနုတ်ခရသည်ကို သင်ရိုးသိကြ၏။ ထိုအဖိုးအခသည် ရွှံ့ ငွီကဲ့သို့သော ပျက်စီးနိုင်သည့်အရာ မဟုတ်။ **19**
 အပြစ်အနာအဆာကင်းစင်သည့် သိုးသငယ်နှင့်တူသော ခရစ်တော်၏ အဖိုးထိုက်သော အသွီးတော်အားဖြင့် ဖြစ်၏။ **20**
 ဤကမ္ဘာ မတည်မဟိခင်ကပင် ကိုယ်တော်ကို ဘုရားသခင် ရွီးချယ်တော်မူပြီးလျှင်၊ ဤနောက်ဆုံးသော အချိန်ကာလများ၌
 သင်ရိုး၏ အကျိုးအလို့ငှာ ပေါ်ထွန်းစီတော်မူ၏။ **21** ကိုယ်တော်ကို သီခြင်းတရားမှ ရှင်ပြန်ထမြောက်စီ၍ ဘုန်းတော်
 ထွန်းတောက်စီတော်မူသော ဘုရားသခင်ကို ကိုယ်တော်အားဖြင့် သင်ရိုးသည် ယုံကြည်ကြ၏။ သို့ဖြစ်၍ သင်ရိုးသည်
 ဘုရားသခင်ကို အမှီပြုလျက် ယုံကြည်ခြင်းနှင့် မျှော်လင့်ခြင်း ဟိကြ၏။ **22** အဂုတွင် သင်ရိုးသည် သမ္မာတရားကို
 လိုက်လျှောက်ခြင်းအားဖြင့် မိမိရိုး၏ စိတ်နှလုံးအား စင်ကြယ်စီကြပြီး အခြားသော ယုံကြည်သူအချင်းချင်းကို
 ဟန်ဆောင်မှုကင်းလျက် ချစ်ကြသည်ဖြစ်၍ သင်ရိုး တစ်ယောက်ကိုတစ်ယောက် စိတ်နှလုံးအကြွင်းမဲ့ ချစ်ကြလော့။
23 အကြောင်းမူကား သင်ရိုးသည် သီခြင်းတရားနှင့်ကင်းလွတ်၍ ထာဝရ အသက်ရှင်တော်မူသော ဘုရားသခင်၏
 နှုတ်ကပတ်တော်အားဖြင့် တဖန် မွီးဖွားလာသော သားသမီးများ ဖြစ်ကတိယာ။ (aiōn g165) **24** ကျမ်းစာတော်မြတ်၌၊
 “လူအပေါင်းရိုးသည် မြက်ပင်ကဲ့သို့ ဖြစ်၍၊ သူရိုး၏ ဘုန်းတန်ခိုးတော်သည် မြက်ပွင့် ကဲ့သို့ ဖြစ်၏။ မြက်ပင်သည်
 ညှိုးနွမ်းခြောက်သွေ့၍ အပွင့်သည်လည်း ကြွီကျတတ်၏။ **25** ထာဝရဘုရား၏ နှုတ်ကပတ်တော်မူကား ကာလအစဉ်အဆက်
 တည်၏” ဟူ၍ ဖော်ပြထားသည့်အတိုင်း ဖြစ်၏။ ထိုနှုတ်ကပတ်တော်သည်ကား သင်ရိုးအား ကြေညာသည့်
 သတင်းကောင်းဖြစ်ပေ၏။ (aiōn g165)

2 ထို့ကြောင့် သင်ရိုးသည် လှည့်ဖျားမှု၊ ဟန်ဆောင်မှု၊ မနာလိုမှုနှင့် ပုတ်ခတ်ပြောဆိုမှုတည်းဟူသော
 မကောင်းမှုအမျိုးမျိုးကို ဖယ်ယှားကြလော့။ **2** မွီးစသော ကဲ့သို့ ဝိညာဉ်ရေးရာနှင့်ဆိုင်သော သန့်ယှင်းသော နို့ရည်ကို အမြဲ
 လိုလားတောင့်တကြလော့။ အကြောင်းမူကား ထိုအရာကို သုံးဆောင်မှသာလျှင် သင်ရိုးသည် ကြီးထွား၍ ကယ်တင်ခြင်းကို
 ခံရလိမ့်မည်။ **3** ကျမ်းစာတော်မြတ်က၊ “သခင်ဘုရားသည် အလွန် သနားကြင်နာတော်မူကြောင်းကို သင်ရိုးကိုယ်တိုင်
 သိကြပြီး ဖြစ်၏” ဟု ဆိုထား၏။ **4** တန်ဖိုးမဟိသကဲ့သို့ လူတိ ပယ်ထားခြင်းကို ခံရသော်လည်း ဘုရားသခင်၏
 ရွီးချယ်ခြင်းကိုခံရ၍ အဖိုးထိုက်သည့် အသက်ရှင်သောကျောက်တည်းဟူသော သခင်ဘုရားထံတော်သို့ လာကြလော့။ **5**
 ဝိညာဉ်ဆိုင်ရာ ဗိမာန်တော် တည်ဆောက်ခြင်း၌ သင်ရိုးကိုယ်တိုင်သည်လည်း အသက်ရှင်သော ကျောက်အဖြစ်နှင့်
 အသုံးတော် ခံကြလော့။ ထိုဗိမာန်တော်တွင် သင်ရိုးသည် ယေသုရှုခရစ်အားဖြင့် ဘုရားသခင် နှစ်သက်တော်မူသော
 ဝိညာဉ်ဆိုင်ရာ ယဇ်ကို ပူဇော်ခြင်းငှာ သန့်ယှင်းသော ယဇ်ပုရောဟိတ်များကဲ့သို့ ဆောင်ရွက်ကြလိမ့်မည်။ **6**
 အကြောင်းမူကား ကျမ်းစာတော်မြတ်၌၊ “ကြည့်ရှုလော့၊ ငါသည် ကျောက်တစ်လုံးကို ဇီအန်တောင်ထက်၌
 ချထား၏။ ထိုကျောက်သည် ငါရွီးချယ်၍ အဖိုးထိုက်သော ထောင့်ချပ်ကျောက် ဖြစ်လာ၏။ ဇာသုမဆို ထိုအသျှင်ကို
 ယုံကြည်သောသူသည် လုံးဝ စိတ်ပျက်ရလိမ့်မည် မဟုတ်” ဟု ဆိုထား၏။ **7** ယုံကြည်သောသူရိုးအဖို့ ထိုကျောက်သည်
 အလွန် တန်ဖိုးဟိ၏။ သို့ရာတွင် မယုံကြည်သော သူရိုးအဖို့မူကား၊ “တိုက်ကိုတည်ဆောက်သူရိုး တန်ဖိုးမဟိ၍
 ပယ်ထားသောကျောက်သည် အရေးအကြီးဆုံးသော ထောင့်ချပ်ကျောက် ဖြစ်လာ၏” ဟု ဖော်ပြထား၏။ **8**
 တခြားသော ကျမ်းစာတော်မြတ်တွင်၊ “ထိုကျောက်သည် လူတိအတွက် ခလုံးတိုက်စရာ ဖြစ်စီ၍၊ တိုက်မိ၍လဲစရာ
 ကျောက်ဖြစ်လိမ့်မည်” ဟု ဆို၏။ သူရိုးသည် နှုတ်ကပတ်တော်ကို မယုံကြည်ကြသဖြင့် ခလုံးတိုက်စရာ ဖြစ်ရကြ၏။
 ဤကား ထိုသူရိုးအတွက် ဘုရားသခင်၏ အလိုတော်ပင် ဖြစ်သတည်း။ **9** သင်ရိုးမူကား ရွီးကောက်ခံရသောအမျိုး၊ တော်ဝင်
 ယဇ်ပုရောဟိတ်အမျိုး၊ သန့်ယှင်းသော လူမျိုး၊ ဘုရားသခင် ပိုင်တော်မူသော လူမျိုးတော် ဖြစ်ကြ၏။ ထိုသို့ ရွီးကောက်ခြင်း
 ခံရသည်မှာ ဘုရားသခင် ပြုတော်မူသော အံ့ဩဖွယ် အမှုအရာများကို ကြေညာနိုင်စီခြင်းငှာ၊ ဘုရားသခင်သည် သင်ရိုးအား

မှောင်မိုက်ထဲမှ အံ့ဖွယ်သော အလင်းထဲသို့ ခေါ်ယူတော်မူခြင်းဖြစ်၏။ 10 သင်ရိုးသည် တစ်ခါက ဘုရားသခင်၏ လူစုတော် မဟုတ်သော်လည်း အဂုဏ်အာဇာနည်တော်၏ လူစုတော် ဖြစ်ကြပြီ။ သင်ရိုးသည် တစ်ခါက ဘုရားသခင်၏ ကရုဏာတော်ကို မခံရကြသော်လည်း အဂုဏ်ကား ကိုယ်တော်၏ ကရုဏာတော်ကို ခံစားရကြပြီ။ 11 အဆိုရှိ သင်ရိုးသည် ဤလောကတွင် အာဂန္တုများဖြစ်ကြသဖြင့် စိတ်ဝိညာဉ်ကို အစဉ်သဖြင့် ဆန့်ကျင်တိုက်ခိုက်လျက်ရှိသော ကိုယ်ကာယတပ်မက်မှုများကို အယှုံးမပီးကြရန် ငါ တိုက်တွန်းနှိုးဆော်ပါ၏။ 12 သာသနာပလူရိုးသည် သင်ရိုးအား မကောင်းမှုပြုသူများဟု ပြစ်တင်စွပ်စွဲလျက် နိဗ္ဗာန်ကြံစဉ် သင်ရိုး၏ ကောင်းသောအကျင့်များကို မြင်သဖြင့် သခင်ဘုရား ကြွလာတော်မူသောနိဗ္ဗာန် ဘုရားသခင်အား ချီးမွမ်းကြစီရန် သင်ရိုးသည် ထိုသူရှိရှိတွင် တင့်တယ်လျောက်ပတ်စွာ ပြုမူလျက် နီထိုင်ကြလေ့။ 13 သခင်ဘုရား၏ မျက်နှာတော်ကိုထောက်၍ လူသားနှင့်စပ်ဆိုင်၍ စီရင်အုပ်စိုးခြင်းတည်းဟူသော အထွတ်အမြတ်ဖြစ်သော ဧကရာဇ်မင်းကိုလည်းကောင်း၊ 14 လူဆိုးတို့ကို အပြစ်ပီးရန်နှင့်၊ ကောင်းသောအမှုကို ပြုသောသူတို့ကို ဂုဏ်ပြုချီးမွမ်းရန် ခန့်ထားသော အစိုးရမင်းများကိုလည်းကောင်း နာခံကြလေ့။ 15 သင်ရိုးသည် ကောင်းသောအမှုကို ပြုခြင်းအားဖြင့် လူမိုက်ရိုး၏ အသိဉာဏ်ကင်းမဲ့စွာ ပြောဆိုမှုကို ရပ်တန့်စီရန် ဘုရားသခင် အလိုဟိတော်မူ၏။ 16 လွတ်လပ်သောသူများကဲ့သို့ အသက်ရှင်နီထိုင်ကြလေ့။ သို့သော်လည်း မကောင်းမှုများကို ဖုံးကွယ်ရန်အတွက် သင်ရိုး၏ လွတ်လပ်မှုကို အသုံးမပြုကြဘဲ ဘုရားသခင်၏ ကျွန်များကဲ့သို့ အသက်ရှင်နီထိုင်ကြလေ့။ 17 ခပ်သိမ်းသောလူတို့ကို ရိုသီကြလေ့။ ယုံကြည်သူတို့ကို ချစ်ကြလေ့။ ဘုရားသခင်ကို ကြောက်ရွံ့ရိုသီ ကြလေ့။ ဧကရာဇ်မင်းအား ရိုသီလေးမြတ်ကြလေ့။ 18 အခိုင်းအစီရိုး ရိုသီတတ်သောစိတ် အပြည့်အဝနှင့် သင်ရိုးသခင်၏ အုပ်စိုးခြင်းကို ဝန်ခံရမည်။ စိတ်သဘောကောင်း၍ ညှာတာထောက်ထားတတ်သော သခင်များကိုသာ မဟုတ်၊ ကြမ်းတမ်းသော သခင်တို့ကိုလည်း နာခံကြလေ့။ 19 အကြောင်းမူကား သင်ရိုးသည် ဘုရားသခင်၏ အလိုတော်ကိုသိသဖြင့် မိမိရိုးမခံထိုက်သော ဒုက္ခဝေဒနာများကို သည်းခံကြလျှင် ဘုရားသခင်သည် သင်ရိုးအား နှစ်သက်တော်မူလိမ့်မည်။ 20 သင်ရိုးသည် ပြုမိသည့် အမှားများအတွက် ရိုက်နှက်ခံရသောအခါ သည်းခံကြလျှင် မည်သို့ ချီးမွမ်းစရာ ဟိကြမည်နည်း။ သို့ရာတွင် ကောင်းသောအမှုကိုပြု၍ ဒုက္ခဝေဒနာကို ခံရကြသောအခါ သည်းခံကြလျှင်မူကား ဘုရားသခင်သည် သင်ရိုးအား ကျေးဇူးပြုတော်မူလိမ့်မည်။ 21 ထိုသို့အလိုငှာ ဘုရားသခင်သည် သင်ရိုးအား ခေါ်တော်မူခြင်းဖြစ်၏။ ခရစ်တော်ကိုယ်တိုင်ပင်လျှင် သင်ရိုးအတွက် ဒုက္ခဝေဒနာကို ခံတော်မူ၍ ခြံရာတော်အတိုင်း သင်ရိုးလိုက်လျှောက်နိုင်ကြစီရန် ပုံဥပမာကို ထားပီးတော်မူခဲ့၏။ 22 ကိုယ်တော်သည် အပြစ်ကို မပြု ကိုယ်တော်၏ နှုတ်တော်၌ မှသားကို မတို့ရ။ 23 ပုတ်ခတ်ပြောဆိုခြင်း ခံရသောအခါ ပြန်၍ မတို့ ပြန်။ ဒုက္ခဝေဒနာ ခံတော်မူရသောအခါ ခြိမ်းခြောက်တော်မူဘဲ ပြောဆိုမတ်စွာ တရားစီရင်တော်မူသော ဘုရားသခင်၏ လက်တော်သို့ မိမိကိုယ်ကို အပ်နှံတော်မူ၏။ 24 ငါရိုးသည် အပြစ်တရား၌ သိဆုံး၍ ပြောဆိုမတ်ခြင်းတရား၌ အသက်ရှင်စီမည်အကြောင်း ခရစ်တော်သည် ငါရိုး၏ အပြစ်များကို မိမိ၏ကိုယ်ခန္ဓာ၌ ယူဆောင်ကာ ကိုယ်တော်တိုင် လက်ဝါးကပ်တိုင်ထက်၌ အသိခံတော်မူ၏။ သင်ရိုးသည် ကိုယ်တော်၏ ဒဏ်ရာဒဏ်ချက်တော်အားဖြင့် အနာပျောက်ကင်းခြင်း အခွင့်ကို ရကြ၏။ 25 သင်ရိုးသည် သိုးများကဲ့သို့ လမ်းလွဲခွာကြသော်လည်း အဂုဏ်အာဇာနည်သိုးထိန်းဖြစ်တော်မူပြီး သင်ရိုး၏စိတ်ဝိညာဉ်တို့ကို ကြည့်ရှုစောင့်ရှောက်တော်မူသော အသျှင်ထံသို့ ပြန်လည်၍ ရောက်ကြပြီ။

3 ထိုနည်းတူစွာ အိမ်ထောင်သျှင်မရိုး သင်ရိုး အိမ်ထောင်သျှင်၏ အုပ်စိုးခြင်းကို ဝန်ခံကြလေ့။ ထိုသို့ပြုလျှင် သင်ရိုး၌ ဘုရားသခင်၏ နှုတ်ကပတ်တော်ကို မယုံကြည်သော အိမ်ထောင်သျှင်တိ ဟိပါက သူရိုးသည် သင်ရိုး၏ အပြုအမူကိုထောက်၍ ယုံကြည်လာကြလိမ့်မည်။ ထိုသို့ပြုလျှင် သင်ရိုး၏ နှုတ်အားဖြင့် ပြောရန်ပင် မလိုပေ။ 2 ဇာကြောင့်ဆိုသော် သင်ရိုး၏ စိတ်ထားစင်ကြယ်ခြင်းနှင့် ရိုသီလေးစားစွာ ကျင့်ကြံပြုမူခြင်းများကို သူရိုး တို့မြင်ကြမည် ဖြစ်သောကြောင့်ဖြစ်၏။ 3 သင်ရိုးသည် ဆံပင်ကျစ်ခြင်း၊ အဆင်တန်ဆာ ဆင်ခြင်း၊

အဝတ်အစား ဝတ်ဆင်ခြင်းတည်းဟူသော အပြင်ပန်းကို ဆင်ယင်ခြင်း မဖြစ်စီဘဲ။ 4 ဘုရားသခင်၏ ရှိတော်မောက်၍၊ အလွန် အဖိုးတန်သည့် တည်ငြိမ်သော စိတ်သဘောနှင့် နူးညံ့သိမ်မွေ့သော စိတ်သဘောတည်းဟူသော မဖေါက်ပြန်မပျက်စီးတတ်သော အတွင်းစိတ်နှလုံးကို တန်ဆာဆင်ကြလော့။ 5 ရှိုးအခါက ဘုရားသခင်ကို ရိုသီးကိုင်းယှိုင်းသော မိန်းမရို့သည် မိမိရို့၏ အိမ်ထောင်သျှင်စကားကို နားထောင်ခြင်းအားဖြင့် လှပစီခြင်းငှာ တန်ဆာဆင်ကြ၏။ 6 စာရာသည် အာဗြဟံ၏စကားကို နားထောင်၍ သူ့ကိုလည်း သခင်ဟု ခေါ်သကဲ့သို့ သင်ရို့သည် မည်သည့်အရာကိုမျှ ကြောက်ရွံ့ခြင်းမဟဲဘဲ ကောင်းသောအမှုကို ပြုကြလျှင် စာရာ၏သမီးများ ဖြစ်ကြ၏။ 7 ထိုနည်းတူ အိမ်ထောင်သျှင်ရို့ သင်ရို့၏ အိမ်ထောင်သျှင်မရို့သည် အားနွဲ့သူတို့ဖြစ်ကြောင်းကို သိမှတ်ကာ အတူတကွ နီထိုင်ကြလော့။ အကြောင်းမူကား သူရို့သည် အသက်နှင့်ဆိုင်သော ဘုရားသခင်၏ ဆုကျေးဇူးကို သင်ရို့နှင့်အတူ ခံစားရကြမည့်သူများ ဖြစ်သောကြောင့် သူရို့အား လေးစားစွာ ဆက်ဆံကြလော့။ ထိုသို့ ပြုလျှင် သင်ရို့၏ ဆုတောင်းခြင်းကို ဆီးတား ခံရလိမ့်မည် မဟုတ်ပေ။ 8 အချုပ်ဆိုရသော် သင်ရို့သည် တစ်ယောက်နှင့်တစ်ယောက် တစ်စိတ်တစ်ဝမ်းတည်းဟိလျက် ကြင်နာတတ်သောသဘော၊ ချစ်တတ်သောသဘော၊ သနားတတ်သောသဘော၊ နှိမ့်ချတတ်သောသဘော ဟိကြလော့။ 9 အဆိုးကို အဆိုးအားဖြင့်လည်းကောင်း၊ ကျိန်ဆဲခြင်းကို ကျိန်ဆဲခြင်း အားဖြင့်လည်းကောင်း၊ မတုံ့ပြန်ကတ်ကျော့။ ထိုသို့ ပြုမည့်အစား ကောင်းကြီးပီးကြလော့။ ၈ကြောင့်ဆိုသော် သင်ရို့သည် ဘုရားသခင် ကတိထားတော်မူသည့် ကောင်းကြီးမင်္ဂလာကို အမွှီးခံစီရန် ခေါ်တော်မူသောကြောင့်ဖြစ်၏။ 10 ကျမ်းစာတော်မြတ်၌ “အသက်ရှင်ခြင်းကို နှစ်သက်၍၊ ကောင်းသောနိရန်ကို တို့မြင်လိုသောသူသည်၊ မိမိ၏လျှာကို မကောင်းသောစကားနှင့် ကင်းစီလော့။ မိမိနှုတ်သည်လည်း မုသားစကားနှင့် ကင်းစီလော့။ 11 သင်ရို့သည် ဆိုးသောအမှုကို ယောင့်ယှားလျက် ကောင်းသောအမှုကို ပြုရမည်။ ငြိမ်းသက်ခြင်းကိုရှာ၍ မှီအောင်လိုက်လော့။ 12 အကြောင်းမူကား သခင်ဘုရားသည် ဖြောင့်မတ်သောသူရို့အား ကြည့်ရှုစောင့်ရှောက်တော်မူ၍၊ သူရို့၏ ဆုတောင်းခြင်းကို နားညောင်းတော်မူသောကြောင့် ဖြစ်၏။ သို့ရာတွင် မကောင်းသောအမှုကိုပြုသော သူရို့ပါးမှ မျက်နှာလွှဲတော်မူ၏” ဟူ၍ ဆိုထား၏။ 13 သို့ဖြစ်၍ ကောင်းသောအမှု၌ သင်ရို့သည် စိတ်အားထက်သန်ကြပါမူ မည်သူသည် သင်ရို့အား ထိခိုက်နိုင်မည်နည်း။ 14 သို့သော် သင်ရို့သည် ဖြောင့်မတ်ခြင်းတရားကြောင့် ဒုက္ခဆင်းရဲ ခံရလျှင် မင်္ဂလာဟိကြ၏။ ဇာသူ့ကိုမျှ မကြောက်ကတ်ကျော့၊ မစိုးရိမ်ကတ်ကျော့။ 15 သို့သော် သင်ရို့၏ စိတ်နှလုံးတွင် ခရစ်တော်ကို သခင်ဘုရားအဖြစ် ရိုသီးလေးမြတ်စွာ ခံယူကြလော့။ သင်ရို့ ခံယူထားသော မျှော်လင့်ချက်အကြောင်းကို မိန်းမြန်းလာသောသူအား အစဉ်မပြတ် ယှဉ်းလင်းဖော်ပြရန် အသင့် ဟိကြလော့။ 16 သို့ရာတွင် နူးညံ့သိမ်မွေ့ပြီး ရိုသီးစွာဖြင့် ထိုအရာများကို လုပ်ဆောင်ကြလော့။ သင်ရို့သည် မိမိကိုယ်ကိုသိသောစိတ် ကြည်လင်လျက် ဟိသောကြောင့် ခရစ်တော်၌ သင်ရို့၏ ကောင်းသော ကျင့်ကြံပြုမူပုံကို သင်ရို့အား ကြမ်းတမ်းစွာ ဖော်ကားပြောဆိုသော သူရို့သည် မြင်သောအခါ အရှက် ရကြလိမ့်မည်။ 17 အကြောင်းမူကား ဘုရားသခင် အလိုတော်ဟိလျှင် မကောင်းသောအမှုကို ပြု၍ ဆင်းရဲဒုက္ခရောက်သည်ထက် ကောင်းသောအမှုကို ပြု၍ ဆင်းရဲဒုက္ခရောက်သည်ကား သာ၍ ကောင်း၏။ 18 ၈ကြောင့်ဆိုသော် မဖြောင့်မတ်သောသူတည်းဟူသော သင်ရို့အားလုံးကို ဘုရားသခင်ထံတော်သို့ ပို့ဆောင်ပီးခြင်းငှာ ဖြောင့်မတ်သောသူတည်းဟူသော ခရစ်တော်သည် ငါရို့အပြစ်တိအတွက် တစ်ကြိမ်တည်းနှင့်အပြီး အသိခံတော်မူခ သောကြောင့် ဖြစ်၏။ ကိုယ်တော်သည် ကိုယ်ကာယအားဖြင့် အသိသတ်ခြင်းကို ခံရသော်လည်း ဝိညာဉ်တော်အားဖြင့် အသက်ရှင်လျက် ဟိတော်မူ၏။ 19 ကိုယ်တော်သည် အကျဉ်းကျခံနိုင်ရသော ဝိညာဉ်များပါးသို့ လား၍ ဝိညာဉ်တော်အားဖြင့် တရားဟောခတော်မူ၏။ 20 ထိုဝိညာဉ်တိကား နောဇေသည် သင်္ဘောကို တည်ဆောက်လျက် နိန်စဉ် ဘုရားသခင်သည် စိတ်ရှည်စွာဖြင့် စောင့်ဆိုင်းသော်လည်း စကားကို နားမထောင်ခသူရို့၏ ဝိညာဉ်များပင် ဖြစ်သတည်း။ သို့ရာတွင် သင်္ဘောထဲတွင် သျှစ်ယောက်မျှသော လူအနည်းငယ်သာ ရှိအားဖြင့် ကယ်တင်ခြင်းကို ခံရ၏။

၂၁ ဤအရာသည် အဂ္ဂ သင်ရိုးကို ကယ်တင်သော ဗတ္တိဇ္ဇမင်္ဂလာကို ပုံဆောင်ပေးသည်။ ဗတ္တိဇ္ဇမင်္ဂလာ ခံယူခြင်းသည် ကိုယ်ကာယ အညစ်အကြေးများကို ဆီးကြောခြင်း မဟုတ်။ ကြည်လင်သောအသိစိတ်ဖြင့် ဘုရားသခင်၏ ရှိတော်၌ ကတိသစ္စာပြုခြင်း ဖြစ်ပေသည်။ ထိုဗတ္တိဇ္ဇတရားသည်ကား ယေသျှု ခရစ်တော်၏ ရှင်ပြန်ထမြောက်တော်မူခြင်းအားဖြင့် သင်ရိုးအား ကယ်တင်ရာအကြောင်း ဖြစ်၏။ ၂၂ ထိုအသွင်သည် ကောင်းကင်ဘုံသို့ ကြွတော်မူသည်ဖြစ်၍ ဘုရားသခင်၏ လက်ယာတော်ဖက်၌ ဟိတော်မူပြီးလျှင် ကောင်းကင်တမန်များ၊ အာဏာစက်များနှင့် တန်ခိုးသျှင်များကို အုပ်စိုး၍ နိဗ္ဗိတော်မူ၏။

၄ ခရစ်တော်သည် ကိုယ်ကာယ၌ ဝေဒနာကို ခံတော်မူသည်ဖြစ်၍ သင်ရိုးသည်လည်း ထိုသို့သော သဘောကို ခံယူကြရမည်။ အကြောင်းမူကား ကိုယ်ကာယ၌ ဝေဒနာကို ခံပြီးသောသူသည် ဒုစရိုက်အပြစ်နှင့် ပြတ်စဲပြီ ဖြစ်သောကြောင့်ဖြစ်၏။ ၂ သို့ဖြစ်၍ ဤလောကတွင် သင်ရိုး အသက်ရှင်ရန် ကျန်နိဗ္ဗိသိမ့်သော အချိန်ကာလ၌ လူ့စိတ်အလိုသို့ မလိုက်ဘဲ ဘုရားသခင်၏ အလိုတော်ကို လိုက်၍ အသက်ရှင်နိုင်ရန် ဖြစ်သည်။ ၃ လွန်ခဲ့သည့်ကာလက သင်ရိုးသည် သာသနာပလ္လများ ပြုသကဲ့သို့ ပြုမူခကြ၏။ သင်ရိုးသည် ညစ်ညမ်းစွာပြုမူခြင်း၊ ကာမဂုဏ် တပ်မက်ခြင်း၊ သီရည်သောက်ကြူးခြင်း၊ အပျော်ကြူးခြင်း၊ စားသောက်ပွဲများ ကျင်းပခြင်းနှင့် စက်ဆုပ်ဖွယ်ဖြစ်သော ရုပ်တုကိုးကွယ်ခြင်းများဖြင့် အသက်ရှင်လျက် အချိန်ကုန်ခကြ၏။ ၄ အဂ္ဂမူကား သင်ရိုးသည် သာသနာပလ္လများနှင့်အတူ ထိုသို့ အပျော်ကြူး၍ စည်းမဲ့ကမ်းမဲ့ သက်ရှင်မှုများတွင် မပါဝင်သောကြောင့် သူရိုးသည် အံ့ဩလျက် ကဲ့ရဲ့ပြောဆိုကြ၏။ ၅ သို့ဖြစ်၍ သူရိုးသည် အသက်ရှင်သောသူနှင့် သီသောသူတို့အား တရားစီရင်ရန် အသင့် ဟိတော်မူသော ဘုရားသခင်၏ အထံတော်၌ စစ်ဆေးစီရင်ခြင်းကို ခံရလိမ့်မည်။ ၆ ဤအကြောင်းကြောင့် သီလွန်သော သူရိုးကိုလည်း သတင်းကောင်းကို ဟောပြောရခြင်းဖြစ်၏။ ဤသည်ကား ထိုသူရိုးသည် ကိုယ်ကာယအားဖြင့် အသက်ရှင်စဉ်အခါက လူတိုင်းနည်းတူ အပြစ်စီရင်ခြင်းကို ခံရသော်လည်း ဝိညာဉ်မူကား ဘုရားသခင်အားဖြင့် အသက်ရှင်ရန် ဖြစ်၏။ ၇ အားလုံးသော အမှုအရာများအတွက် နောက်ဆုံးသောအချိန် နီးကပ်လာပြီဖြစ်၏။ သို့ဖြစ်၍ သင်ရိုးသည် ဆုတောင်းခြင်းအမှုကို ပြုနိုင်ရန် စိတ်ကို ထိန်းချုပ်လျက် နိုးနိုးကြားကြား ဟိကြရမည်။ ၈ မေတ္တာသည် များစွာသော အပြစ်တို့ကို ဖုံးအုပ်နိုင်သောကြောင့် အရာအားလုံး၌ တစ်ယောက်ကိုတစ်ယောက် အလေးအနက်ထား၍ ချစ်ရကြမည်။ ၉ သင်ရိုးသည် မညည်းမညွှဘဲ တစ်ယောက်ကိုတစ်ယောက် အာဂန္တုဝတ်ကို ကျေပွန်စွာ ပြုကြလော့။ ၁၀ သင်ရိုးတစ်ယောက်စီတိုင်းသည် ဘုရားသခင်၏ ခြားနားသော ဆုကျေးဇူးများကို ရဟိတသင်ဖြစ်၍ ကောင်းသော စီမံခန့်ခွဲသူတစ်ယောက်ကဲ့သို့ ဘုရားသခင်ထံမှ မိမိရရှိဟိတသော အထူး ဆုကျေးဇူးများကို တခြားလူများ၏ အကျိုးအတွက် အသုံးပြုကြလော့။ ၁၁ ဟောပြောသူသည် ဘုရားသခင်၏ ဗျာဒိတ်တော်ကို ဟောပြောစီ။ လုပ်ဆောင်သောသူသည် ဘုရားသခင်ပီးတော်မူသော အစွမ်းသတ္တိအတိုင်း လုပ်ဆောင်စီ။ သို့မှသာ ပြုလေသမျှသော အမှုများတွင် ယေသျှု ခရစ်အားဖြင့် ဘုရားသခင်၏ ဘုန်းတော်ကို ချီးမွမ်းကြလိမ့်မည်။ ထိုအသွင်၏ ဘုန်းတန်ခိုးတော်သည် ကမ္ဘာအဆက်ဆက် ထွန်းတောက်တော်မူပါစီသတည်း။ အာမင်။ (aiṭh g165) ၁၂ အဆိုရှိ သင်ရိုးသည် ပြင်းစွာသော စုံစမ်းစစ်ဆေးခြင်းကို ခံရသောအခါ ထူးဆန်းသည်ဟု ထင်မှတ်လျက် မအံ့ဩကတ်ကော့။ ၁၃ သင်ရိုးသည် ခရစ်တော်၏ ဒုက္ခဆင်းရဲထဲ၌ အတူပါဝင် ခံစားရကြသည်ကို ဝမ်းမြောက်ကြလော့။ သို့မှသာ ကိုယ်တော်၏ ဘုန်းတော် ပေါ်ထွန်းလာသောအခါ သင်ရိုးသည် ဝမ်းမြောက်ခြင်းနှင့် ပြည့်ဝကြလိမ့်မည်။ ၁၄ သင်ရိုးသည် ခရစ်တော်၏ နာမတော်ကြောင့် စော်ကားခြင်းကို ခံရသောအခါ မင်္ဂလာဟိကြ၏။ ဇာကြောင့်ဆိုသော် ထိုသို့ ခံရသောအချိန်၌ ဘုန်းတော်နှင့် ပြည့်စုံသော ဘုရားသခင်၏ ဝိညာဉ်တော်သည် သင်ရိုးအထက်၌ ကိန်းဝပ်တော်မူ၏။ ၁၅ သင်ရိုးတွင် လူသတ်မှု၊ ခိုးမှု၊ ရာဇဝတ်မှု၊ သူတစ်ပါး၏ကိစ္စတွင် စွက်ဖက်မှုစသည့် တစ်ခုခုသော အပြစ်များကြောင့် မည်သူတစ်ယောက်မျှ ဆင်းရဲဒုက္ခကို မခံရစီကော့။ ၁၆ သို့သော်လည်း ခရစ်ယာန်ဖြစ်သောကြောင့် ဆင်းရဲဒုက္ခခံရပါက ရှက်စရာအကြောင်းမဟိ။ ခရစ်တော်၏ နာမကြောင့်ခံရလျှင် ဘုရားသခင်ကို ချီးမွမ်းလော့။ ၁၇

အကြောင်းမူကား တရားစီရင်ခြင်းကို အစပြုမည့် အချိန်သည် ရောက်လာလေပြီ။ ဘုရားသခင်၏ လူစုတော်သည် တရားစီရင်တော်မူခြင်းကို ဦးစွာ ခံရကြမည်။ ငါရို့သည် ဦးစွာ တရားစီရင်တော်မူခြင်း ခံရကြလျှင် ဘုရားသခင်၏ သတင်းကောင်းကို မယုံကြည်သောသူတို့ကား မည်သို့ ဖြစ်လိမ့်မည်နည်း။ **18** ကျမ်းစာတော်မြတ်၌ “အကယ်၍ သူတော်ကောင်းများပင်လျှင် ကယ်တင်ခြင်းခံရရန် ခက်ခဲပါမူ ဘုရားတရားကို မသိသော အပြစ်သားတို့အဖို့ မည်သို့ ဖြစ်လိမ့်မည်နည်း” ဟူ၍ ဆိုထား၏။ **19** သို့ဖြစ်၍ ဘုရားသခင်၏ အလိုတော်နှင့်အညီ ဆင်းရဲဒုက္ခခံရသော သူရို့သည် ကောင်းသောအမှုကို ပြုလျက် သစ္စာနှင့် ပြည့်စုံတော်မူသော ဖန်ဆင်းသျှင်၏ လက်တော်သို့ မိမိရို့အား အပ်နှံထားကြလော့။

5 ခရစ်တော်၏ ဆင်းရဲဒုက္ခကို သက်သိခံသောသူ တစ်ဦးအဖြစ် လည်းကောင်း၊ ထင်ရှားလာမည့် ကိုယ်တော်၏ ဘုန်းတော်ကို မျှဝေခံစားသောသူတစ်ဦးအဖြစ် လည်းကောင်း ငါ့နည်းတူ အသင်းတော်၌ အကြီးအကဲတို့ဖြစ်ကြသော သင်ရို့အား ငါတိုက်တွန်းလိုက်ပါ၏။ **2** သင်ရို့၌ အပ်ထားသော ဘုရားသခင်၏ သိုးစုကို စောင့်ရှောက်ကြလော့။ တာဝန်အရ စောင့်ရှောက်ခြင်း မဟုတ်ဘဲ ဘုရားသခင်၏ အလိုတော်နှင့်အညီ စိတ်အားထက်သန်စွာဖြင့် စောင့်ရှောက်ကြလော့။ သင်ရို့ လုပ်ဆောင်သည့်အခါ၌လည်း အဖိုးအခ ရရှိမှုသာ လုပ်ဆောင်ခြင်း မဟုတ်ဘဲ စစ်မှန်သော စေတနာစိတ်နှင့် လုပ်ဆောင်ကြလော့။ **3** စောင့်ရှောက်ရန် သင်ရို့အား အပ်ထားသော သူရို့အပေါ်၌ အာဏာဖြင့်အုပ်စိုးခြင်း မဟုတ်ဘဲ သိုးစု၌ စံနမူနာကောင်းကို ဖြစ်စေလော့။ **4** သို့ဖြစ်လျှင် သိုးထိန်းကြီး ပေါ်ထွန်းတော်မူသောအခါ သင်ရို့သည် မည်သည့်အခါမျှ မညှိုးနွမ်းသော ဘုန်းတော်နှင့် ပြည့်စုံသည့် သရဖူကို ရကြလိမ့်မည်။ **5** ထိုနည်းတူ ငယ်ရွယ်သောသူရို့ အသက်ကြီးသောသူရို့၏ စကားကို နားထောင်ကြလော့။ သင်ရို့အားလုံးသည် နှိမ့်ချခြင်း တန်ဆာကိုဆင်လျက် တစ်ဦးကိုတစ်ဦး အလုပ်အကျွေး ပြုကြရမည်။ ဇာကြောင့်ဆိုသော် ကျမ်းစာတော်၌ “ဘုရားသခင်သည် မာနကြီးသောသူကို ဆီးတားတော်မူ၍ စိတ်နှိမ့်ချသောသူကိုမူကား ကျေးဇူးပြုတော်မူ၏” ဟု ဖော်ပြထား၏။ **6** သို့ဖြစ်၍ အချိန်တန်သောအခါ သင်ရို့အား ချီးမြှောက်တော်မူစီခြင်းငှာ ဘုရားသခင်၏ တန်ခိုးကြီးသော လက်တော်အောက်၌ မိမိကိုယ်ကို နှိမ့်ချကြလော့။ **7** သင်ရို့ကို ဂရုစိုက်တော်မူသောကြောင့် သင်ရို့၏ စိုးရိမ်ပူပန်ခြင်း ဟိသမျှတို့ကို ကိုယ်တော်၌ အပ်နှံကြလော့။ **8** သမ္မာသတိဟိလျက် နိုးကြားစွာ စောင့်နိုင်ကြလော့။ သင်ရို့၏ ရန်သူဖြစ်သော မာရ်နတ်သည် ဟောက်သောခြသေံကဲ့သို့ မွားမျိုရမည့်သူကို လှည့်လည် ရှာဖွေလျက်ဟိ၏။ **9** သင်ရို့၏ ယုံကြည်ခြင်း၌ ခိုင်ခံ့စွာရပ်တည်လျက် မာရ်နတ်ကို ဆီးတားကြလော့။ ဇာကြောင့်ဆိုသော် သင်ရို့ သိကြသည့်အတိုင်း ကမ္ဘာတစ်ဝန်းလုံး၌ ဟိကြသော သင်ရို့၏ ညီအစ်ကိုများသည်လည်း ဤသို့သော ဆင်းရဲဒုက္ခနှင့် ကြုံတို့နိုင်သောကြောင့်ဖြစ်၏။ **10** သို့ရာတွင် သင်ရို့သည် ဆင်းရဲဒုက္ခကို အနည်းငယ်မျှသာ ခံစားပြီးသောအခါ ခရစ်တော်နှင့် တစ်လုံးတစ်ဝတ်ည်း ဖြစ်စေလျက် ထာဝရဘုန်းတော်ကို ဝင်စားခွင့်ပီးရန် ခေါ်တော်မူသောအသျှင်၊ ကျေးဇူးတော်အပေါင်းနှင့် ပြည့်စုံတော်မူသော ဘုရားသခင်ကိုယ်တော်တိုင်သည် သင်ရို့ကို စုံလင်စီ၍ ခွန်အားနှင့် ပြည့်ဝစီကာ ခိုင်ခံ့စွာ ရပ်တည်စီတော်မူလိမ့်မည်။ (aiōnios g166) **11** ထိုဘုရားသခင်သည် ကာလအစဉ်အဆက် တည်ဟိတော် မူပါစီသတည်း။ အာမင်။ (aiōn g165) **12** သစ္စာဟိသော ညီအစ်ကိုအဖြစ် ငါမှတ်ယူထားသော သိလွှာန၏ အကူအညီဖြင့် သင်ရို့ပါးသို့ ဤစာကို ရီးသားလိုက်၏။ ငါသည် သင်ရို့ကို အားပီးတိုက်တွန်းရန်နှင့် သင်ရို့ ခံစားရသော ကျေးဇူးတော်သည် ဘုရားသခင်၏ ကျေးဇူးတော် အစစ်အမှန်ဖြစ်ကြောင်းကို သက်သိခံလို၏။ ထိုကျေးဇူးတော်တွင် ခိုင်ခံ့စွာ ရပ်တည်ကြလော့။ **13** သင်ရို့နည်းတူ ဘုရားသခင်၏ ရွီးချယ်တော်မူခြင်းကို ခံရသည့် ဗာဗုလုန်မြို့ အသင်းတော်နှင့် ငါ့သား မာကုကလည်း နှုတ်ဆက်လိုက်ပါ၏။ **14** ခရစ်ယာန်မေတ္တာဖြင့် အချင်းချင်း နှုတ်ဆက်ကြလော့။ ခရစ်တော်၌ဟိသော သင်ရို့အားလုံး၌ ငြိမ်သက်ခြင်း ဟိပါစီသောဝံ။

1 ယေသုခရစ်တော်၏ အခိုင်းအစီနှင့် တမန်တော်ဖြစ်သူ ငါ သျှိုမုန်ပေတရပါးမှ — **2** ဘုရားသခင်နှင့်

ငါရို့၏ အသျှင်ယေသုခကို သိကျွမ်းရခြင်းအားဖြင့် သင်ရို့သည် ကျေးဇူးတော်နှင့် ငြိမ်သက်ခြင်းကို အပြည့်အဝ ခံစားရကြပါစီသော။ **3** ငါရို့ကို မိမိ၏ဘုန်းတော်နှင့် ကောင်းမြတ်ခြင်းထဲသို့ ခေါ်ယူတော်မူသော အသျှင်အား ငါရို့သိခြင်းအားဖြင့် ဘုရားသခင်၏ တန်ခိုးတော်သည် ဘုရားဝတ်၌ မှန်ကန်စွာ မွီးလျော် အသက်ရှင်နိုင်ကြစီရန် ငါရို့လိုအပ်သော အရာဟိသမျှကို ချပီးတော်မူ၏။ **4** ဤနည်းအားဖြင့် ကတိထားတော်မူသော အလွန်ကြီးမြတ်၍ အဖိုးထိုက်သည့် ဆုကျေးဇူးများကို ကိုယ်တော်သည် ငါရို့အား ပီးတော်မူ၏။ ထို ဆုကျေးဇူးအားဖြင့် သင်ရို့သည် ဤလောက၌ဟိသော ပျက်စီးတတ်သည့် ကိလေသာတပ်မက်ခြင်းမှ လွတ်မြောက်၍ ဘုရားပကတိအဖြစ်တော်ကို မျှဝီခံစားကြရ၏။ **5** ဤအကြောင်းကြောင့် သင်ရို့သည် မိမိရို့၏ ယုံကြည်ခြင်းကို ကောင်းမြတ်ခြင်းဖြင့် လည်းကောင်း၊ ကောင်းမြတ်ခြင်းကို အသိပညာဖြင့် လည်းကောင်း၊ **6** အသိပညာကို ကာမဂုဏ်ချုပ်တည်းခြင်းဖြင့်လည်းကောင်း၊ ကာမဂုဏ်ချုပ်တည်းခြင်းကို သည်းခံနိုင်ခြင်းဖြင့် လည်းကောင်း၊ သည်းခံနိုင်ခြင်းကို ဘုရားဝတ်၌မွီးလျော်ခြင်းဖြင့် လည်းကောင်း၊ **7** ဘုရားဝတ်၌မွီးပျော်ခြင်းကို ယုံကြည်သူအချင်းချင်း ခင်မင်ရင်းနှီးခြင်း အားဖြင့် လည်းကောင်း၊ ယုံကြည်သူအချင်းချင်း ခင်မင်ရင်းနှီးခြင်းကို ချစ်မေတ္တာဖြင့် လည်းကောင်း ထပ်လောင်း၍ ဖြည့်စွက်ပီးရန် အစွမ်းကုန် ကြိုးစား ကြလော့။ **8** ထိုပါရမီများသည် သင်ရို့၌ ကြွယ်ဝစွာဟိနိုင်လျှင် ငါရို့၏အသျှင် ယေသုခရစ်တော်ကို သိကျွမ်းခြင်း၌ သင်ရို့သည် အကျိုးမဟိ ဖြစ်ကြလိမ့်မည် မဟုတ်။ **9** သို့ရာတွင် ထိုပါရမီများနှင့် ကင်းသောသူသည် အမြင်တိမ်၍ မျက်စိမမြင်သောသူ ဖြစ်ပြီး သူသည် အယင်က မိမိ၏အပြစ်များမှ စင်ကြယ်ခြင်း ခံရသည်ကို မွီးလျော့တတ်သောသူ ဖြစ်၏။ **10** သို့ ဖြစ်၍ ညီအစ်ကိုမောင်နှမရို့ သင်ရို့သည် ဘုရားသခင်၏ ခေါ်ယူတော်မူခြင်းနှင့် ချီးကောက်တော်မူခြင်းကို တည်မြဲစီရန် သာ၍ကြိုးစားကြပါက သင်ရို့သည် မည်သည့်အခါမျှ သင်ရို့၏ ယုံကြည်ခြင်းကို စွန့်လွှတ်ကြလိမ့်မည် မဟုတ်။ **11** ဤနည်းအားဖြင့် သင်ရို့သည် ကယ်တင်သျှင်ဖြစ်တော်မူသော ငါရို့၏ အသျှင် ယေသုခရစ်တော်၏ ထာဝရနိုင်ငံတော်သို့ ဝင်နိုင်မည့် အခွင့်ကို ပြည့်ဝစွာ ရကြလိမ့်မည်။ (aiōnios g166) **12** ထို့ကြောင့် သင်ရို့သည် ဤအကြောင်းအရာများကို သိနားလည်လျက် မိမိရို့ ရထားသည့် သမ္မာတရားတွင် အခြေခံ၍ ခိုင်ခံ့ပြီးဖြစ်သော်လည်း ငါသည် သင်ရို့အား ထိုအကြောင်းအရာများကို အစဉ် သတိပီးလို၏။ **13** ငါသည် အသက်ရှင်လျက် ဟိနိုင်သမျှ ကာလပတ်လုံး ထိုအကြောင်းအရာများကို သင်ရို့အား နှိုးဆော်လျက်ဟိသည်မှာ ငါအတွက် မှန်ကန်သည်ဟု မှတ်ယူထား၏။ **14** ဇာကြောင့်ဆိုသော် ငါရို့၏အသျှင် ယေသုခရစ်တော်ကလည်း ထိုသို့ ဖြစ်မည်ဟု ငါအား ဖော်ပြထားသည်အတိုင်း ငါသည် ဤပျက်စီးတတ်သော ကိုယ်ခန္ဓာကို မကြာခင် စွန့်ပစ်ရလိမ့်မည်ဟု သိသောကြောင့် ဖြစ်ပေ၏။ **15** သို့ ဖြစ်၍ ငါ သီဆုံးလားပြီးနောက် သင်ရို့သည် ဤအကြောင်းအရာများကို အစဉ် မှတ်မိစီရန် ငါ အကောင်းဆုံး လုပ်ဆောင်လားလိမ့်မည်။ **16** ငါရို့၏အသျှင် ယေသုခရစ်တော်သည် တန်ခိုးတော်နှင့် ကြွလာတော်မူခြင်းကို သင်ရို့အား ဖော်ပြရာ၌ ငါရို့သည် ပရိယာယ်နှင့် ပျင်ဆင်ထားသော ပုံပြင်များကို ပြောကြားနိုင်ခြင်း မဟုတ်။ ငါရို့ကိုယ်တိုင် ထိုအသျှင်၏ ကြီးမြတ်သောဘုန်းတန်ခိုးတော်ကို ဖူးမြင်ရကြသောသူများ ဖြစ်ကြ၏။ **17** ခမည်းတော် ဘုရားသခင်ထံတော်မှ ဂုဏ်အသရေတော်နှင့် ဘုန်းတော်ကို ကိုယ်တော်သည် ခံယူတော်မူစဉ် အကြီးမြတ်ဆုံးသော ဘုန်းတန်ခိုးတော်အသျှင်ထံမှ “ဤသူကား ငါ နှစ်သက်မြတ်နိုးသော ငါ၏ ချစ်သားဖြစ်သည်” ဟူသော အသံတော်သည် ကိုယ်တော်ထံသို့ ရောက်လာ၏။ **18** ထိုအခါက ငါရို့ကိုယ်တိုင်ပင်လျှင် ကိုယ်တော်နှင့်အတူ သန့်ယှင်းသော တောင်ထက်တွင်ဟိ၍ ကောင်းကင်မှ ထွက်ပေါ်လာသော ထိုအသံတော်ကို ကြားရကြ၏။ **19** ထို့အပြင် ပို၍ စိတ်ချရသော ပရောဖက်များ ဟောပြောထားသည့် ဗျာဒိတ်စကားလည်း ငါရို့၌ ဟိ၏။ ထိုဗျာဒိတ်စကားသည် အရုဏ်တက်သည့်တိုင်အောင် အမှောင်ထဲ၌ ထွန်းလင်းနိုင်သည့်

ဆီမီးခွက်ကဲ့သို့ ဖြစ်ပြီး မိုးသောက်ကြယ်၏ အလင်းသည်လည်း သင်ရိုစိတ်နှလုံးထဲ၌ ထွန်းလင်းလျက်ဟိသောကြောင့် သင်ရိုသည် ထိုဗျာဒိတ်စကားကို ကြားခြင်းငှာ ဂရုစိုက်ကြလော့။ **20** ကျမ်းစာ၌ဖော်ပြသော ပရောဖက်ပြုချက်များကို မည်သူတစ်ယောက်မျှ မယှင်းပြနိုင်ကြောင်း သင်ရို အထူး သိမှတ်ကြလော့။ **21** အကြောင်းမူကား မည်သည့် ပရောဖက်ပြုချက်မျှ လူ့အလိုဆန္ဒအရ ပေါ်လာသည် မဟုတ်။ သန့်ယှင်းသော ဝိညာဉ်တော်၏ နှိုးဆော်ခြင်းကို ခံရသောသူရိုသည် ဘုရားသခင် ထံတော်ပါးမှ လာသော ဗျာဒိတ်တော်ကို ဟောပြောခြင်းသာဖြစ်၏။

2 ဣသရေလလူမျိုးထဲတွင် မှားယွင်းသော ပရောဖက်များ အယင်က ပေါ်ပေါက်ခဲ့သည့်နည်းတူ သင်ရိုထဲ၌လည်း မှားယွင်းသောဆရာများ ပေါ်ပေါက်လာကြလိမ့်မည်။ သူရိုသည် ပျက်စီးခြင်းသို့ ရောက်စီမည့် မှားယွင်းသော အယူဝါဒများကို ယူဆောင်လာပြီးလျှင် သင်ရိုကို ရှိုးနှုတ်တော်မူသော အသျှင်ကိုပင် ငြင်းပယ်ကာ သူရို၌ ပျက်စီးခြင်းဘေးကို ရုတ်တရက် ကျရောက်စီကြလိမ့်မည်။ **2** များစွာသောသူရိုသည် ကာမဂုဏ်လိုက်စားခြင်းနောက်သို့ လိုက်ကြပြီး သမ္မာတရားကို ကဲ့ရဲ့ပြောဆို ကြလိမ့်မည်။ **3** ဤမှားယွင်းသောဆရာရိုသည် လောဘစိတ်နှင့် လုပ်ကြံဖန်တီးပြောဆိုကာ သင်ရို၌ အမြတ် ထုတ်ကြလိမ့်မည်။ ရှိုးကာလကပင် သူရိုအား တရားစီရင်ရန် အဂု အသင့် ဟိန်နီပြီး၊ ဖျက်ဆီးမည့်သူသည် ငိုက်မျိုင်းခြင်း အလျှင်းမဟုတ်။ **4** အကြောင်းမူကား အပြစ်ကျူးလွန်ကြသော ကောင်းကင်တမန်များကို ဘုရားသခင်သည် ချမ်းသာပီးတော်မမူဘဲ ငရဲထဲသို့ ပစ်ချတော်မူပြီး၊ ထိုနိရာတွင် သူရိုကို မှောင်မိုက်ထဲ၌ သံကြိုးများဖြင့် ချိုင့်ထားကာ တရားစီရင်တော်မူရာနိရာကို စောင့်နိုင်စီတော်မူ၏။ (Tartarog 5020) **5** ဘုရားသခင်သည် ဘုရားတရားမဲ့သော သူရိုကို ရီလွှမ်းမိုးစီတော်မူသောအခါ ရှိုးကမ္ဘာကိုလည်း ချမ်းသာပီးတော်မမူ။ သို့ရာတွင် ဖြောင့်မတ်ခြင်းတရားကို ဟောပြောသောသူ နောဇကိုမူကား အခြားသောလူ ခုနစ်ယောက်နှင့်အတူ ကွယ်ကာပီးတော်မူ၏။ **6** ဘုရားသခင်သည် သောဒုံနှင့် ဂေါမောရမြို့ကို မီးနှင့်ဖျက်ဆီးခြင်းအားဖြင့် အပြစ်ဒဏ်စီရင်တော်မူပြီး ဘုရားတရားမဲ့သောသူရိုအတွက် ဖြစ်ပျက်လာမည့် နမူနာကို ပြုတော်မူ၏။ **7** သို့ရာတွင် ကိုယ်တော်သည် မတရားသော သူရို၏ ကိုယ်ကျင့်တရားပျက်ပြားစွာ နီထိုင်မှုများကြောင့် အလွန်စိတ်ပျက်လျက် ဟိသည့် ဖြောင့်မတ်သောသူ လောတကိုမူကား ကယ်နှုတ်တော်မူ၏။ **8** ထိုဖြောင့်မတ်သောသူသည် သူရိုနှင့်အတူ နီထိုင်စဉ် သူရို၏ ဆိုးညစ်မှုများကို နို့စဉ်ရက်ဆက် တို့မြင် ကြားသိသဖြင့် လွန်စွာ စိတ်ဒုက္ခ ရောက်ခရပေ၏။ **9** သို့ဖြစ်၍ သခင်ဘုရားသည် ဘုရားဝတ်၌ မွို့ပျော်သောသူရိုအား စုံစမ်းနှောင့်ယှက်ခြင်းထဲမှ ကယ်နှုတ်တော်မူရန် လည်းကောင်း၊ မဖြောင့်မတ်သောသူရိုကို တရားစီရင်တော်မူရာနိရာ၌ ပြစ်ဒဏ်စီရင်ရန် ထိန်းသိမ်းထားရမည်ကိုလည်းကောင်း သိတော်မူ၏။ **10** အထူးသဖြင့် ထိုသူရို၏ ကိုယ်ခန္ဓာသည် ကိလေသာစိတ် ဆွဲဆောင်ရာသို့လိုက်၍ ဘုရားသခင်၏ အခွင့်အာဏာတော်ကို မထိမ့်မြင်ပြုသောသူတို့ ဖြစ်ကြ၏။ ထိုမှားယွင်းသောဆရာရိုသည် အတင့်ရဲသောသူ၊ မာနထောင်လွှားသောသူ ဖြစ်ကြ၍ အထက်အရပ်နှင့်ဆိုင်သော ဘုန်းတော်ကို ရိုသီးခြင်း မဟိဘဲ ကဲ့ရဲ့ပြောဆိုကြ၏။ **11** ဤမှားယွင်းသောဆရာရိုထက် များစွာတန်ခိုးကြီးသော ကောင်းကင်တမန်များပင်လျှင် ထာဝရဘုရား၏ ရှိတော်မောက်၌ သူရိုအား ကဲ့ရဲ့ပြစ်တင်ခြင်းကို မပြုကြပေ။ **12** သို့ရာတွင် ထိုသူရိုသည် ဖမ်းဆီးသတ်ဖြတ်ခြင်းကို ခံရခြင်းငှာ ပေါက်ဖွားလာကြသည့် အသိဉာဏ်ကင်းမဲ့သော သားရဲ တိရစ္ဆာန်များနှင့် တူကြပြီး မိမိရိုမသိနားမလည်သည့် အရာဟူသမျှကို ကဲ့ရဲ့ပြောဆိုတတ်ကြ၏။ သူရိုသည် အသိဉာဏ်ကင်းမဲ့သည့် သားရဲတိရစ္ဆာန်များကဲ့သို့ ပျက်စီးရကြလိမ့်မည်။ **13** သူရိုသည် သူတစ်ပါးကို ဒုက္ခရောက်စီသည့်နည်းတူ မိမိရိုကိုယ်တိုင်လည်း ဆင်းရဲဒုက္ခကို ခံစားရကြလိမ့်မည်။ သူရိုသည် နီအချိန်၌ သောက်စားပျော်ပါးခြင်းကို ပြုကြ၏။ သူရိုသည် သင်ရိုနှင့်အတူ စားပွဲ၌ထိုင်၍ သောက်စားပျော်ပါးကြပြီး သင်ရိုအား ရှက်စရာနှင့် ဂုဏ်သိက္ခာကျစရာများကို ဖြစ်စီကြ၏။ သူရိုသည် လှည့်စားမှုကိုလည်း နှစ်သက်ကြ၏။ **14** သူရို၏ မျက်စိသည် ဖောက်ပြန်လိုသောဆန္ဒနှင့် ပြည့်ဝလျက်

အပြစ်ကျူးလွန်ရာ၌ မရောင့်ရဲနိုင်ကြ။ သူရိုသည် အားနည်းသော သူရိုကို လှည့်ဖြားကြ၏။ သူရို၏ စိတ်နှလုံးသည်လည်း လောဘလွန်ကျူးခြင်း၌ ကျင်လည်ကြ၏။ သူရိုသည် ဘုရားသခင်၏ ကျိန်စာသင့်သောသူတို့ ဖြစ်ကြ၏။ 15 သူရိုသည် ပြောင့်တန်းသော လမ်းကိုစွန့်၍ လမ်းလွဲကာ မတရားမှုကြောင့် ရဟိတသော အဖိုးခံကို နှစ်သက်သည့် ဗောဓော၏သား ဗာလမ်၏လမ်းကို လိုက်ကြ၏။ 16 သို့သော် ဗာလမ်သည် အပြစ်အတွက် ဆုံးမခြင်းကို ခံရသောသူ ဖြစ်၏။ သူ၏ မြည်းသည် လူ့ဘာသာစကားကို ပြော၍ ထိုပရောဖက်၏ မိုက်မဲမှုကို တားမြစ်လေ၏။ 17 ထိုသူရိုသည် ရီခန်းလားသည့် စမ်းချောင်းများ၊ လီမုန်တိုင်းတွင် ရွှင်လားသည့် မြူခိုးများကဲ့သို့ ဖြစ်ကြ၏။ ဘုရားသခင်သည် သူရိုအတွက် အလွန် မှောင်မိုက်သော နီရာကို သီးသန့်ထားတော်မူ၏။ 18 အကြောင်းမူကား သူရိုသည် မှားယွင်းစွာ အသက်ရှင်နိုင်သော လူစုအထဲမှ လွတ်မြောက်ခါစဖြစ်သော သူရိုအား ကြွားဝါ၍ အချည်းနှီးသော စကားများကိုသုံးကာ အသွီးအသားတပ်မက်ခြင်းနှင့် ကာမဂုဏ်လိုက်စားခြင်းများဖြင့် လှည့်ဖြားဆွဲဆောင်ကြ၏။ 19 သူရိုသည် ထိုသူရိုအား လွတ်လပ်မှုကိုပီးမည်ဟု ကတိပီးခသော်လည်း သူရိုကိုယ်တိုင်ပင် ပျက်စီးခြင်း၏ကျွန် ဖြစ်နိုင်ကြ၏။ အကြောင်းမူကား လူကိုစိုးမိုးသောအရာသည် လူ၏သခင် ဖြစ်၏။ 20 အကယ်၍ လူသည် ငါရို၏အသျှင်နှင့် ကယ်တင်သျှင် ဖြစ်တော်မူသော ယေသျှုခရစ်တော်ကို သိကျွမ်းရခြင်းအားဖြင့် လောကီ ညစ်ညူးခြင်းများမှ လွတ်မြောက်ကြပြီးနောက်၊ တဖန် ထိုညစ်ညူးခြင်းများ၏ ကျွန်ဖြစ်ကြလျှင် ထိုသူရို၏ နောက်ဖြစ်ဟန်သည် ရှိဖြစ်ဟန်ထက် ဆိုးရွားလေ၏။ 21 ပြောင့်မတ်သောလမ်းကို သိပြီးနောက် မိမိရိုခံယူထားသည့် မြင့်မြတ်သော ပညတ်တော်ကို စွန့်ခွတ်လိုက်ကြသည်ထက် ထိုတရားလမ်းကို မသိဘဲနိန်ခြင်းက သူရိုအတွက် ပို၍ ကောင်း၏။ 22 “ခွီးသည် မိမိအန်ဖတ်ကို ပြန်၍စားတတ်၏။ ရီချိုးထားသောဝက်သည်လည်း ဗွက်အိုင်ထဲတွင် ပြန်၍ လူးတတ်၏” ဟူသော မှန်သော ဆိုရိုးစကားသည်လည်း ထိုသူရို၌ မှန်ပေ၏။

3 အဆိုရို၊ ဤစာသည် သင်ရိုးပါးသို့ ဒုတိယအကြိမ် ငါရိုးလိုက်သော စာဖြစ်၏။ ငါသည် ဤပီးစာ နှစ်စောင်လုံးတွင် သင်ရိုကို ပြန်လည်သတိပီးခြင်းအားဖြင့် သင်ရို၏ ဖြူစင်သော စိတ်နှလုံးကို နိုးဆော်ရန် ကြိုးစားခ၏။ 2 သန့်ယုင်းသော ပရောဖက်ရို အယင်က ဟောပြောသည့် စကားများကိုလည်းကောင်း၊ သင်ရို၏ တမန်တော်ရိုမှတစ်ဆင့် ပီးအပ်သည့် သခင်ဘုရားဟူသော ကယ်တင်သျှင်၏ ပညတ်တော်ကိုလည်းကောင်း သင်ရိုကို ပြန်လည်သတိရစီရန် ဖြစ်၏။ 3 ပထမဦးစွာ သိထားရမည့်အချက်မှာ နောက်ဆုံးသောကာလ၌ မိမိရို၏ ကိလေသာစိတ်အလိုသို့ လိုက်၍ အသက်ရှင်သောသူတို့ ပေါ်ပေါက်လာမည့် အကြောင်းပင်ဖြစ်၏။ ထိုသူရိုသည် သင်ရိုအား ပြက်ရယ်ပြုလျက်၊ 4 “ကိုယ်တော်၏ ကြွလာတော်မူခြင်းနှင့်ဆိုင်သော ကတိတော်သည် ဇာမာဟိသနည်း။ ငါရို၊ အဖိုးအဖီးရိုသည် သီလွန်သည့် အချိန်မှစ၍ ခပ်သိမ်းသောအမှုအရာများသည် ကမ္ဘာလောကကို ဖန်ဆင်းတော်မူချိန်က ဟိခသည့်အတိုင်းပင် မဟုတ်လော” ဟု ဆိုကြလိမ့်မည်။ 5 ဘုရားသခင်သည် ရှီးကာလ၌ မိုးကောင်းကင်နှင့် မြီကြီးကို အမိန့်တော်အားဖြင့် ဖန်ဆင်းတော်မူကြောင်းကိုလည်းကောင်း၊ ကိုယ်တော်သည် မြီကြီးကို ရီထဲမှ ပေါ်ထွန်းစီတော်မူပြီး ရီအားဖြင့် ပတ်လည်ဝိုင်းထားတော်မူကြောင်းကိုလည်းကောင်း၊ 6 ထိုကမ္ဘာမြီကြီးကို ရီအားဖြင့်ပင် လွှမ်းမိုး ဖျက်ဆီးတော်မူကြောင်းကိုလည်းကောင်း သူရိုသည် တမင်တကာ မှီထားကြ၏။ 7 သို့သော်လည်း ဘုရားသခင်သည် အဂုဟိသော မိုးကောင်းကင်နှင့် မြီကြီးကို မီးအားဖြင့် ဖျက်ဆီးသည့် နိတိုင်အောင် ဘုရားသခင်၏ အမိန့်တော်အားဖြင့် ဆက်လက် တည်စီတော်မူပေ၏။ ဘုရားတရားမဲ့သော သူရိုအား တရားစီရင်၍ ဖျက်ဆီးခြင်းကို ခံရမည့်နိတိုင်အောင် ထိုအရာများကို ထိန်းသိမ်းလျက်ဟိ၏။ 8 သို့သော်လည်း ငါ အဆိုရို၊ သခင်ဘုရားအတွက် တစ်ရက်သည် နှစ်တစ်ထောင်ကဲ့သို့ လည်းကောင်း၊ နှစ်တစ်ထောင်သည် တစ်ရက်ကဲ့သို့ လည်းကောင်း ဖြစ်သည်ကို မမီးလျော့ကတ်ကေ။ 9 လူတချို့ထင်မှတ်ထားသည့်အတိုင်း သခင်ဘုရားသည် မိမိ၏ ကတိတော်အရာ၌ ကြန့်ကြာတော် မူသည်မဟုတ်။

မည်သူတစ်ယောက်မျှ မပျက်စီးနိုင်ဘဲ လူတိုင်း အပြစ်မှ နောင်တရစီရန် အလိုတော်ဟိသောကြောင့် သင်ရို့ကို စိတ်ရှည်သည်းခံတော်မူ၏။ **10** သို့ရာတွင် သူ့ခိုးလာသကဲ့သို့ သခင်ဘုရား၏ နှိရက်သည် ရောက်လာလိမ့်မည်။ ထိုနှိရက်၌ မိုးကောင်းကင်သည် အသံမြည်ဟီးလျက် ကွယ်ပျောက်လားလိမ့်မည်။ ကောင်းကင်နှင့်ဆိုင်သော အရာများသည်လည်း လောင်ကျွမ်းကြလိမ့်မည်။ ထိုအခါ မြို့ကြီးနှင့်တကွ ဟိသမျှသောအရာအားလုံးသည် ပျောက်ကွယ်လားလိမ့်မည်။ **11** ဤအရာ အားလုံးသည် ဤသို့ ပျက်စီးလားရမည် ဖြစ်သောကြောင့် သင်ရို့သည် မည်သို့သောသူတို့ ဖြစ်သင့်ကြသနည်း။ သင်ရို့သည် သန့်ယှင်းစွာ အသက်ရှင်လျက် ဘုရားသခင်ထံ ဆက်ကပ်အပ်နှံခြင်းအားဖြင့်၊ **12** ဘုရားသခင်၏နှိရက်ကို စောင့်မျှော်၍ ထိုနှိရက် အယင် ရောက်လာစီရန် အကောင်းဆုံး ကြိုးစားအားထုတ်လျက်နိန်ကြလော။ ထိုနှိရက်၌ မိုးကောင်းကင်သည် မီးလောင်ကျွမ်း၍ ဖျက်ဆီးခံရပြီးလျှင် မိုးကောင်းကင်နှင့်ဆိုင်သော အရာများသည်လည်း အပူကြောင့် အရည်ပျော် ကြလိမ့်မည်။ **13** သို့ရာတွင် ငါရို့သည် ဘုရားသခင်၏ ကတိထားတော်မူသော ဖြောင့်မတ်ခြင်းတရား ကိန်းဝပ်ရာ ကောင်းကင်သစ်နှင့် မြို့ကြီးသစ်ကို စောင့်မျှော်လျက် နိန်ကြ၏။ **14** သို့ ဖြစ်၍ အဆွံ့ရို့ သင်ရို့သည် ထိုနှိရက်ကို စောင့်မျှော်နိန်ကြစဉ် သန့်ယှင်းစင်ကြယ်ခြင်းငှာ လည်းကောင်း၊ ဘုရားသခင်၏ရှိတော်၌ အပြစ်ကင်းစင်စီခြင်းငှာ လည်းကောင်း ကိုယ်တော်နှင့် ငြိမ်းချမ်းမှုရစီခြင်းငှာ လည်းကောင်း အကောင်းဆုံး ကြိုးစားကြလော။ **15** ငါရို့ချစ်သော ညီအစ်ကို ပေါလုသည် ဘုရားသခင် ပီးသနားတော်မူသည့် ဉာဏ်ပညာအားဖြင့် သင်ရို့အား ရီးသားဖော်ပြသည့်အတိုင်း သင်ရို့သည် ကယ်တင်ခြင်း ခံရရန်အတွက် အခွင့်ပီးထားခြင်း ဖြစ်၍ ငါရို့ သခင်ဘုရား၏ စိတ်ရှည်သည်းခံတော်မူခြင်းကို သိမှတ်ကြလော။ **16** သူသည် ဤအကြောင်းအရာနှင့်ပတ်သက်၍ ရီးထားသမျှသောစာများတွင် ဤသို့ ဖော်ပြထား၏။ သူ၏စာများတွင် ပါဟိသော အကြောင်းအရာအချို့မှာ နားလည်ရန်ခက်သဖြင့် အသိပညာမဲ့၍ မတည်ကြည်သော သူရို့သည် အဓိပ္ပာယ်လွဲမှားစွာ ကောက်ယူတတ်ကြ၏။ ထိုသူရို့သည် အခြားသော ကျမ်းများ၏ အဓိပ္ပာယ်ကိုလည်း ထိုနည်းတူ ကောက်ယူသဖြင့် မိမိကိုယ်ကို ပျက်စီးခြင်းသို့ ရောက်စီကြ၏။ **17** သို့သော်လည်း အဆွံ့ရို့ သင်ရို့သည် ဤအကြောင်းအရာများကို သိပြီးဖြစ်၏။ ထို့ကြောင့် သင်ရို့သည် မတရားသောသူရို့၏ မှားယွင်းသောလမ်းသို့ မလိုက်မကြစီရန်နှင့် သင်ရို့၏ ရပ်တည်မှုကို မလဲကျစီရန် စောင့်ထိန်းကြလော။ **18** သို့ရာတွင် သင်ရို့သည် ငါရို့၏အသျှင်နှင့် ကယ်တင်သျှင်ဖြစ်သော ယေသျှုခရစ်တော်၌ လည်းကောင်း၊ ကိုယ်တော်၏ ကျေးဇူးတော်နှင့် သိကျွမ်းခြင်း၌ လည်းကောင်း ကြီးထွားကြလော။ အဂုမုစ၍ ထာဝရကာလတိုင်အောင် ထိုအသျှင်သည် ဘုန်းကြီးပါစီသတည်း။ အာမင်။ (aiōn g165)

၁ ယောဟန်

1 အစအဦးကပင် ဟိတော်မူသည့် အသက်ရှင်သော နှုတ်ကပတ်တော်အကြောင်းကို ငါရဲ့ စာရီးလိုက်၏။ ထိုနှုတ်ကပတ်တော်ကို ငါရဲ့ ကြားခံရ၏။ ကိုယ်တိုင်မျက်စိနှင့် မြင်ခကြ၏။ ငါရဲ့ ကြည့်ရှုလျက် လက်နှင့်လည်း တို့ခကြ၏။ **2** ထိုအသက် ထင်ရှားသည်ကို ငါရဲ့သည် မြင်ခရ၏။ ထို့ကြောင့် ခမည်းတော်နှင့်အတူ ဟိတော်မူသည့် ထာဝရအသက်အကြောင်းကို ငါရဲ့အား ဖော်ပြတော်မူသည်ဖြစ်၍ ငါရဲ့သည် သင်ရဲ့အား သက်သိခံလျက် ဟောပြောကြ၏။

(aiōnios g166) **3** ငါရဲ့သည် ခမည်းတော်နှင့် လည်းကောင်း၊ သားတော် ယေသျှုခရစ်တော်နှင့် လည်းကောင်း၊ မိတ်ဖွဲ့ရကြသည်ဖြစ်၍ သင်ရဲ့သည်လည်း ငါရဲ့နှင့်အတူ ထိုမိတ်ဖွဲ့ခြင်းတွင် ပါဝင်ခွင့်ရကြစီရန် ငါရဲ့ မြင်ရ၊ ကြားရသည့် အကြောင်းအရာများကို သင်ရဲ့အား ဖော်ပြ၏။ **4** ငါရဲ့၏ ဝမ်းမြောက်ခြင်း ပြည့်ဝစုံလင်စီမည့်အကြောင်း ဤအကြောင်းအရာများကို ငါရဲ့ စာရီးလိုက်၏။ **5** ဘုရားသခင်သည် အလင်းဖြစ်တော်မူ၍ ကိုယ်တော်၌ မှောင်မိုက် လုံးဝမဟုတ် ဟူသော ဤသတင်းစကားသည် ကိုယ်တော်၏ သားတော်ထံမှ ငါရဲ့သည် ကြားသိရသဖြင့် သင်ရဲ့အား ဟောပြောကြေညာခြင်းဖြစ်၏။ **6** သို့ဖြစ်၍ ငါရဲ့သည် ကိုယ်တော်နှင့် မိတ်ဖွဲ့ရကြပြီဟု ဆိုလျက် မှောင်မိုက်ထဲ၌ အသက်ရှင်လျှောက်လှမ်းနိုင်ပါက နှုတ်အားဖြင့် လည်းကောင်း၊ အပြုအမူအားဖြင့် လည်းကောင်း ငါရဲ့သည် မုသားသုံးသောသူများဖြစ်ကြ၏။ **7** သို့ရာတွင် ကိုယ်တော်သည် အလင်း၌ ဟိတော်မူသကဲ့သို့ ငါရဲ့သည်လည်း အလင်း၌ အသက်ရှင်လျှောက်လှမ်းကြလျှင် ငါရဲ့သည် တစ်ယောက်နှင့်တစ်ယောက် မိတ်ဖွဲ့ခြင်း ဟိကြသည်ဖြစ်၍ ဘုရားသခင်၏သားတော် ယေသျှု၏ အသွီးတော်သည်လည်း ငါရဲ့၏ ခပ်သိမ်းသော အပြစ်များကို စင်ကြယ်စီတော်မူ၏။ **8** ငါရဲ့၌ အပြစ်မဟုတ် ဆိုလျှင် ငါရဲ့သည် ကိုယ့်ကိုကိုယ် လှည့်စားသည်သာမက သမ္မာတရားသည်လည်း ငါရဲ့၌ မဟိ။ **9** သို့သော် ငါရဲ့၏အပြစ်ကို ဝန်ချတောင်းပန်ကြလျှင် ဘုရားသခင်သည် သစ္စာနှင့်ပြည့်စုံပြီး ဖြောင့်မတ်တော်မူသောအသွင် ဖြစ်တော်မူသောကြောင့် ငါရဲ့၏အပြစ်များကို ခွင့်ရွတ်တော်မူ၍ ငါရဲ့အား ဒုစရိုက်ဟိသမျှတိမှ စင်ကြယ်စီတော်မူလိမ့်မည်။ **10** အကယ်၍ ငါရဲ့သည် အပြစ်ကျူးလွန်သူတို့ မဟုတ်ဟု ဆိုပါက ဘုရားသခင်ကို လိမ်လည်သောသူဟု ဆိုရာရောက်သည်ဖြစ်၍ နှုတ်ကပတ်တော်သည်လည်း ငါရဲ့၌ မဟိ။

2 သားသမီးရဲ့ သင်ရဲ့သည် အပြစ်မကျူးလွန်ကြစီရန် ဤစာကို ငါရီးလိုက်၏။ သို့ရာတွင် တစ်စုံတစ်ယောက်သည် အပြစ်ကျူးလွန်မိပါက ခမည်းတော်ကို ကူညီဖြေယုင်းပီးသောသူတည်းဟူသော ဖြောင့်မတ်တော်မူသော ယေသျှုခရစ်တော်သည် ငါရဲ့အတွက်ဟိ၏။ **2** ခရစ်တော်သည် ငါရဲ့၏ အပြစ်များကို ခွင့်ရွတ်တော်မူပြီး ငါရဲ့၏ အပြစ်များသာမက လောကီသားအပေါင်းရဲ့၏ အပြစ် ဖြေစရာအကြောင်း ဖြစ်တော်မူ၏။ **3** ငါရဲ့သည် ဘုရားသခင်၏ ပညတ်တော်တိကို လိုက်နာစောင့်ထိန်းလျှင် ကိုယ်တော်ကို သိကျွမ်းသူများဖြစ်ကြောင်း သေချာစွာ သိကြ၏။ **4** ကိုယ်တော်ကို ငါရဲ့သိပါ၏ဟု ဆိုသော်လည်း ကိုယ်တော်၏ ပညတ်တော်တိကို မစောင့်ထိန်းလျှင် ထိုသူသည် လိမ်လည်သောသူဖြစ်၍ သမ္မာတရားသည် ထိုသူ၌ မဟိ။ **5** သို့ရာတွင် ကိုယ်တော်၏ နှုတ်ကပတ်တော်ကို နာခံလိုက်လျှောက်သောသူသည် ဘုရားသခင်၏ ချစ်ခြင်းမေတ္တာနှင့် အမှန်ပင် ပြည့်စုံ၏။ ဤသို့ ဖြင့် ငါရဲ့သည် ဘုရားသခင်နှင့် တစ်လုံးတစ်ဝတည်း ဖြစ်ကြောင်းကို သေချာစွာ သိကြ၏။ **6** ဘုရားသခင်နှင့် တစ်လုံးတစ်ဝတည်းဖြစ်သည်ဟု ပြောသောသူသည် ယေသျှုခရစ်တော်ကဲ့သို့ အသက်ရှင်နိုင်သောသူ ဖြစ်ရမည်။ **7** အဆွီရဲ့ သင်ရဲ့ပါးသို့ ငါရီးသားလိုက်သည့် ဤပညတ်သည် ပညတ်အသစ် မဟုတ်။ အစဦးကတည်းက သင်ရဲ့ရထားသည် ပညတ်ဟောင်းသာ ဖြစ်၏။ ထိုပညတ်ဟောင်းသည် သင်ရဲ့ကြားနာရသည့် တရားစကားပင် ဖြစ်၏။ **8** သို့သော်လည်း သင်ရဲ့ပါးသို့ အဂ္ဂ ငါရီးလိုက်သောစာသည် အသစ်သော ပညတ်တော်ဖြစ်၏။ ထိုသို့မှန်ကန်သည့် အသစ်သော ပညတ်တော် ဖြစ်ကြောင်းကို ခရစ်တော်၌ လည်းကောင်း၊ သင်ရဲ့၌ လည်းကောင်း မြင်တို့ရ၏။ ဇာကြောင့်ဆိုသော်

မှောင်မိုက်သည် ရွှိလားကွယ်ပျောက်၍ စစ်မှန်သော အလင်းသည် ထွန်းတောက်လျက် ဟိ၏။ 9 ငါရဲ့သည် အလင်း၌ဟိသည်ဟု ဆိုလျက် မိမိ၏ ညီအစ်ကို မောင်နှမကို မုန်းသောသူသည် အဂု တိုင်အောင် မှောင်မိုက်၌ ဟိသိမ့်၏။ 10 ညီအစ်ကိုမောင်နှမကို ချစ်သောသူသည် အလင်း၌ နီထိုင်သောသူ ဖြစ်၏။ ထို့အပြင် သူသည် အခြားသူ တစ်ဦးတစ်ယောက်ကိုမျှ အပြစ်ပြုလိမ့်မည် မဟုတ်။ 11 သို့ရာတွင် ညီအစ်ကိုမောင်နှမကို မုန်းသောသူသည်ကား မှောင်မိုက်၌ ဟိ၏။ ထိုသူသည် မှောင်မိုက်၌ လျှောက်လှမ်းလျက် ဟိသည်ဖြစ်၍ မှောင်မိုက်သည် ထိုသူ၏ မျက်စိကို ကွယ်စီသဖြင့် သူသည် မိမိ မည်သည့်အရပ်သို့ လားနိန်သည်ကို မသိ။ 12 သားသမီးရဲ့ သင်ရဲ့သည် ခရစ်တော်အားဖြင့် အပြစ်လွှတ်ခြင်း ခံရပြီးသောသူတို့ ဖြစ်သောကြောင့် သင်ရဲ့ပါးသို့ ငါစာရီးလိုက်၏။ 13 ဖခင်ရဲ့ သင်ရဲ့သည် အစအဦးကပင် ဟိတော်မူသောအသျှင်ကို သိသောသူများဖြစ်သောကြောင့် သင်ရဲ့ပါးသို့ ငါစာရီးလိုက်၏။ အပျိုလူပျိုရဲ့ သင်ရဲ့သည် မာရ်နတ်ကို အောင်နိုင်သောကြောင့် သင်ရဲ့ပါးသို့ ငါစာရီးလိုက်၏။ 14 သားသမီးရဲ့ သင်ရဲ့သည် ခမည်းတော်ကို သိကြသောကြောင့် သင်ရဲ့ပါးသို့ ငါစာရီးလိုက်၏။ ဖခင်ရဲ့ သင်ရဲ့သည် အစအဦးကပင် ဟိတော်မူသောအသျှင်ကို သိကြသောကြောင့် သင်ရဲ့ပါးသို့ ငါစာရီးလိုက်၏။ အပျိုလူပျိုရဲ့ သင်ရဲ့သည် ခွန်အားဟိ၍ ဘုရားသခင်၏ နှုတ်ကပတ်တော်သည် သင်ရဲ့၌ တည်သဖြင့် မာရ်နတ်ကို အောင်နိုင်သောကြောင့် သင်ရဲ့ပါးသို့ ငါစာရီးလိုက်၏။ 15 သင်ရဲ့သည် လောကကိုလည်းကောင်း၊ လောကီအရာများကိုလည်းကောင်း မချစ်ကတ်ကေ။ လောကကို ချစ်သောသူသည် ခမည်းတော်ကို မချစ်။ 16 အကြောင်းမူကား လောက၌ ဟိသမျှအရာတည်းဟူသော ကိုယ်ကာယ၏ တပ်မက်ခြင်း၊ မျက်စိတပ်မက်ခြင်း၊ ဥစ္စာပစ္စည်း၌ ဝါကြွားခြင်း စသည့်အရာများသည် ခမည်းတော်ထံမှ လာသည် မဟုတ်။ လောကထဲမှ လာခြင်းသာဖြစ်၏။ 17 လောကနှင့်တကွ လူတို့ တပ်မက်သောအရာများသည် ကွယ်ပျောက်လားတတ်၏။ သို့သော်လည်း ဘုရားသခင်၏ အလိုတော်နှင့်အညီ ဆောင်ရွက်သောသူမူကား ကာလအစဉ် တည်လိမ့်မည်။ (aiōn g165) 18 သားသမီးရဲ့ နောက်ဆုံးသောကာလသည် နီးလာယာ။ ခရစ်တော်ကို ဆန့်ကျင်သောသူသည် ပေါ်ပေါက်လာကြောင်းကို သင်ရဲ့ကြားသိရသည်အတိုင်း အဂုပင်လျှင် ခရစ်တော်ကို ဆန့်ကျင်သောသူ အများအပြား ပေါ်ပေါက်လာလီယာ။ ထို့ကြောင့် အဂုကာလသည် နောက်ဆုံးသောကာလ ဖြစ်ကြောင်းကို ငါရဲ့ သိရကြ၏။ 19 ထိုသူရဲ့သည် အမှန်စင်စစ် ငါရဲ့၏ မိတ်သဟာယတွင် ပါဝင်ခြင်းမဟိသဖြင့် ငါရဲ့ပါးမှ ထွက်လားကြ၏။ ထိုသူရဲ့သည် ငါရဲ့နှင့် မိတ်သဟာယဖွဲ့ခြင်း ဟိပါက ငါရဲ့နှင့်အတူ ဟိနိန်ကြမည်ဖြစ်၏။ သို့သော်လည်း သူရဲ့ ထွက်လားကြခြင်းမှာ ငါရဲ့မိတ်သဟာယတွင် သူရဲ့ အမှန်ပင် မပါဝင်ကြောင်းကို ပေါ်လွင်ထင်ရှားစီရန် ဖြစ်၏။ 20 သို့ရာတွင် ခရစ်တော်သည် သင်ရဲ့အထက်၌ သန့်ယှင်းသောဝိညာဉ်တော်ကို သွန်းလောင်းတော်မူသည်ဖြစ်၍ သင်ရဲ့အားလုံးသည် သမ္မာတရားကို သိကြ၏။ 21 သင်ရဲ့သည် သမ္မာတရားကို မသိကြသောကြောင့် စာရီးရခြင်း မဟုတ်။ သမ္မာတရားကိုလည်းကောင်း၊ မုသားသည် သမ္မာတရားနှင့် မည်သို့မျှ မသက်ဆိုင်ကြောင်းကိုလည်းကောင်း သင်ရဲ့ သိကြသောကြောင့် ဖြစ်၏။ 22 ထို့ကြောင့် လိမ်လည်သောသူကား မည်သူနည်း။ ယေသျှုသည် မေသျှိုယ မဟုတ်ဟု ပြောဆိုသောသူသည် လိမ်လည်သောသူဖြစ်၏။ ထိုသို့သောသူသည် ခရစ်တော်ကို ဆန့်ကျင်သော သူဖြစ်၏။ ထိုသူသည် ခမည်းတော်ကိုလည်းကောင်း၊ သားတော်ကိုလည်းကောင်း ငြင်းပယ်သောသူ ဖြစ်၏။ 23 သားတော်ကို ငြင်းပယ်သောသူသည် ခမည်းတော်ကိုလည်း ငြင်းပယ်သောသူဖြစ်၏။ သားတော်ကို လက်ခံသောသူသည် ခမည်းတော်ကိုလည်း လက်ခံသောသူ ဖြစ်၏။ 24 ထို့ကြောင့် သင်ရဲ့သည် အစအဦးကပင် ကြားခရသည့် တရားတော်ကို သင်ရဲ့၏ စိတ်နှလုံးထဲတွင် ထိန်းသိမ်းထားကြလော့။ ထိုသို့ပြုလျှင် သင်ရဲ့သည် သားတော်နှင့် လည်းကောင်း၊ ခမည်းတော်နှင့် လည်းကောင်း အမြဲတမ်း တစ်လုံးတစ်ဝဲတည်း တည်ကြလိမ့်မည်။ 25 ဤသည်ကား ခရစ်တော်ကိုယ်တော်တိုင် ငါရဲ့ကို ကတိပီးထားတော်မူသော ထာဝရအသက်ဖြစ်၏။ (aiōnios g166) 26 သင်ရဲ့အား လှည့်ဖျားခြင်းငှာ ကြိုးစားနိန်ကြသော သူရဲ့၏ အကြောင်းနှင့်ပတ်သက်၍ ဤစာကို သင်ရဲ့ပါးသို့ ငါရီးပီးလိုက်၏။

၂၇ သို့ရာတွင် သင်ရိုးအတွက်ကား ခရစ်တော်သည် မိမိ၏ ဝိညာဉ်တော်ကို သင်ရိုး၌ သွန်းလောင်းတော်မူဟူ။ ကိုယ်တော်၏ ဝိညာဉ်တော်သည် သင်ရိုးအထဲ၌ ကိန်းဝပ်တော်မူသမျှကာလပတ်လုံး သင်ရိုးအား မည်သူကမျှ သွန်သင်ပီးစရာ မလို။ အကြောင်းမူကား ကိုယ်တော်၏ ဝိညာဉ်တော်သည် သင်ရိုးအား ခပ်သိမ်းသောအမှုအရာတို့ကို သွန်သင်ပီးတော်မူသောကြောင့် ဖြစ်၏။ ဝိညာဉ်တော်၏ သွန်သင်တော်မူချက်သည် မှန်ကန်သည်ဖြစ်၍ အမှားဟူ၍ မဟိ။ ထို့ကြောင့် သင်ရိုးသည် ဝိညာဉ်တော်၏ သွန်သင်မှုအတိုင်း နာခံလိုက်လျှောက်၍ ခရစ်တော်နှင့် တစ်လုံးတစ်ဝတည်း တည်နိုင်ကြလော့။ ၂၈ သားသမီးရိုး ကိုယ်တော် ကြွလာတော်မူသောနို့၌ ငါရိုးသည် ရှက်ကြောက်ခြင်း မဟိကြစိတ်၊ ရှိတော်၌ ရဲရင့်ခြင်းနှင့် ပြည့်ဝစီခြင်းငှာ ကိုယ်တော်နှင့် တစ်လုံးတစ်ဝတည်း တည်နိုင်ကြလော့။ ၂၉ ခရစ်တော်သည် ဖြောင့်မတ်တော်မူသည်ဖြစ်၍ ဖြောင့်မတ်ခြင်းတရားကို ကျင့်သောသူသည် ဘုရားသခင်၏ သားသမီးဖြစ်ကြောင်းကို သင်ရိုး သိကြ၏။

၃ ငါရိုးသည် ဘုရားသခင်၏ သားသမီးတိဟု အခေါ်ခံရကြသဖြင့် ခမည်းတော်သည် ငါရိုးအား မည်မျှလောက် ချစ်တော်မူသည်ကို ဆင်ခြင်ကြလော့။ ငါရိုးသည် အမှန်ပင် ဘုရားသခင်၏ သားသမီးတိဖြစ်ကြ၏။ ဤအကြောင်းကြောင့် ဤလောကီသားရိုးသည် ဘုရားသခင်ကို မသိသောကြောင့် ငါရိုးကိုလည်း မသိကတ်။ ၂ အဆွီရိုး၊ အဂုအခါ ငါရိုးသည် ဘုရားသခင်၏ သားသမီးတိ ဖြစ်ကြသော်လည်း နှောင်အခါ၌ မည်သို့သောသူတိ ဖြစ်လာမည်ကို ယှဉ်းလင်းစွာ မသိရကတ်သိမ့်။ သို့ရာတွင် ခရစ်တော် ပေါ်ထွန်းတော်မူသောအခါ ကိုယ်တော်၏ ပကတိအဖြစ်တော်အတိုင်း မြင်ရကြမည်ဖြစ်၍ ငါရိုးသည် ကိုယ်တော်နှင့် တူကြမည်ကို ငါရိုးသိကြ၏။ ၃ ခရစ်တော်သည် သန့်ယှဉ်းစင်ကြယ်တော်မူသည့် နည်းတူ ခရစ်တော်ကို မျှော်လင့်ကြသော သူတိုင်းသည်လည်း မိမိကိုယ်ကို သန့်ယှဉ်းစင်ကြယ် စီတတ်၏။ ၄ အပြစ်တရားသည် ပညတ်တော်ကို ချိုးဖောက်ခြင်း ဖြစ်သောကြောင့် အပြစ်ပြုသော သူတိုင်းသည် ဘုရားသခင်၏ ပညတ်တော်ကို ချိုးဖောက်ခြင်း ဖြစ်၏။ ၅ ခရစ်တော်သည် ငါရိုး၏ အပြစ်များကို ယူဆောင်လားရန် ပေါ်ထွန်းတော်မူကြောင်းကို သင်ရိုး သိကြ၏။ ကိုယ်တော်၌ကား မည်သည့် အပြစ်မျှမဟိ။ ၆ ထို့ကြောင့် ခရစ်တော်၌ အသက်ရှင်သော သူတိုင်းသည် အပြစ်ကို မပြုတတ်။ သို့သော်လည်း အပြစ်ပြုတတ်သော သူသည်ကား ကိုယ်တော်ကို လုံးဝ မသိမမြင်သောသူ ဖြစ်၏။ ၇ သားသမီးရိုး သင်ရိုးအား မည်သူမျှ မလှည့်ဖြားစီကော့။ ခရစ်တော်သည် ဖြောင့်မတ်တော်မူသည့် နည်းတူ ဖြောင့်မတ်ခြင်းတရားကို ကျင့်သော သူတိုင်းသည်လည်း ဖြောင့်မတ်၏။ ၈ မာရ်နတ်သည် အစကတည်းကပင် အပြစ်ပြုသောသူ ဖြစ်သောကြောင့် အပြစ်ကိုပြုသောသူသည် မာရ်နတ်နှင့် သက်ဆိုင်သောသူ ဖြစ်၏။ ဘုရားသခင်၏သားတော် ပေါ်ထွန်းတော်မူရသည့် အကြောင်းမှာ မာရ်နတ်ပြုသည့်အမှုကို ဖျက်ဆီးခြင်းငှာ ဖြစ်၏။ ၉ ဘုရားသခင် ဖြစ်ပွားစီသောသူသည် အပြစ်ကို မပြုတတ်။ အကြောင်းမူကား ဘုရားသခင်၏ ဇာတိသဘောတော်သည် ထိုသို့ တည်နိုင်သောကြောင့်ဖြစ်၏။ ထိုသူသည် ဘုရားသခင် ဖြစ်ပွားစီသောသူ ဖြစ်သောကြောင့် အပြစ်ကို ဆက်၍ မပြုနိုင်။ ၁၀ ဤသို့ဖြင့် ဘုရားသခင်၏ သားသမီးတို့နှင့် မာရ်နတ်၏ သားသမီးတိ ကွာခြားပုံကို သိရ၏။ ဖြောင့်မတ်ခြင်းတရားကို မကျင့်သောသူ၊ မိမိ၏ ညီအစ်ကိုမောင်နှမကို မချစ်သောသူသည် ဘုရားသခင်၏ သားသမီး မဟုတ်ပေ။ ၁၁ ငါရိုးသည် အချင်းချင်းချစ်ကြမည် ဟူသော ဤတရားစကားကို ရိုးဦးစွာကပင် သင်ရိုး ကြားရပြီး ဖြစ်၏။ ၁၂ မာရ်နတ်နှင့်သက်ဆိုင်သောသူဖြစ်၍ မိမိ၏ညီ အာဗေလကို သတ်သောသူ ကာကုန်ကဲ့သို့ ငါရိုး မဖြစ်စိကတ်ကော့။ ကာကုန်သည် မိမိ၏ညီကို သတ်ရသည့်အကြောင်းမှာ သူ၏အကျင့်သည် ဆိုးညစ်ပြီး သူ့ညီ၏ အကျင့်မူကား ဖြောင့်မတ်သောကြောင့် ဖြစ်၏။ ၁၃ ထို့ကြောင့် ညီအစ်ကိုမောင်နှမရိုး လောကီသားရိုးသည် သင်ရိုးကို မုန်းကြလျှင် မအံ့၍ ကတ်ကော့။ ၁၄ ငါရိုး၏ ညီအစ်ကိုမောင်နှမတို့ကို ချစ်သည့်အတွက်ကြောင့် သီခြင်းတရားမှ အသက်ရှင်ခြင်းသို့ ကူးပြောင်းပြီး ဖြစ်ကြောင်းကို ငါရိုး သိကြ၏။ မိမိ၏ ညီအစ်ကိုမောင်နှမကို မချစ်သောသူသည် သီခြင်းတရား၏ တန်ခိုးအောက်၌သာ ဟိန်နီသိမ့်၏။ ၁၅ မိမိ၏ညီအစ်ကို မောင်နှမကို မုန်းသောသူသည် လူ့အသက်ကို

သတ်သောသူ ဖြစ်၏။ ထိုလူ့အသက်ကို သတ်သောသူသည် ထာဝရအသက်ကို မရနိုင်ကြောင်း သင်ရုံ သိကြ၏။

(aiōnios g166) 16 ခရစ်တော်သည် ငါရဲ့အတွက် မိမိ၏အသက်ကို စွန့်တော်မူသည်ကို ထောက်၍ ငါရဲ့သည် မေတ္တာအကြောင်းကို သိရကြ၏။ ငါရဲ့သည်လည်း မိမိရဲ့၏ ညီအစ်ကို မောင်နှမတို့အတွက် အသက်ကို စွန့်သင့်ပေ၏။ **17** တစ်စုံတစ်ယောက်သောသူသည် ကြွယ်ဝချမ်းသာသောသူ ဖြစ်ပါလျက် မိမိ၏ ညီအစ်ကိုမောင်နှမ ဆင်းရဲသည်ကို မြင်သောအခါ သနားကရုဏာစိတ်ကို ချုပ်တည်းလျှင် ဘုရားသခင်၏ မေတ္တာတော်သည် ထိုသူ၌ မတည်နိုင်။ **18** သားသမီးရဲ့ ငါရဲ့၏ မေတ္တာသည် အပြော၌သာ မတည်ဘဲ လက်တို့လုပ်ဆောင်ခြင်းအားဖြင့် စစ်မှန်သောမေတ္တာကို ဖော်ပြကြကုန်အံ့။ **19** ဤသို့ ဖြင့် ငါရဲ့သည် သမ္မာတရားနှင့် သက်ဆိုင်သောသူတို့ဖြစ်ကြောင်းကို သိကြ၍ ဘုရားသခင်၏ မျက်မှောက်တော်၌ စိတ်ချမှုကို ရဟိတလိုမိမိမည်။ **20** ငါရဲ့၏ စိတ်နှလုံးသည် ငါရဲ့ကို အပြစ်တင်လျှင် ဘုရားသခင်သည် ငါရဲ့၏ စိတ်နှလုံးထက် ကြီးမြတ်တော်မူသည်ဖြစ်၍ အရာခပ်သိမ်းကို သိတော်မူကြောင်း ငါရဲ့သိကြ၏။ **21** သို့ဖြစ်၍ အဆွီရဲ့ ငါရဲ့၏ စိတ်နှလုံးက ငါရဲ့ကို အပြစ်တင်ခြင်း မဟိလျှင် ငါရဲ့သည် ဘုရားသခင်၏ မျက်မှောက်တော်၌ ရဲရင့်ခြင်း ဟိကြ၏။ **22** ငါရဲ့သည် ကိုယ်တော်ထံ၌ တောင်းလျှောက်သမျှကို ရကြ၏။ အကြောင်းမူကား ငါရဲ့သည် ကိုယ်တော်၏ ပညတ်တော်များကို စောင့်ထိန်းသောသူတို့၊ ကိုယ်တော်နှစ်သက်တော်မူသော အရာများကို ပြုကြသောသူတို့ ဖြစ်သောကြောင့် ဖြစ်၏။ **23** ကိုယ်တော်၏ ပညတ်တော်ဟူမူကား ငါရဲ့သည် မိမိ၏သားတော် ယေသျှု ခရစ်တော်ကို ယုံကြည်၍ ခရစ်တော်သည် ငါရဲ့အား ပညတ်ထားသည့်အတိုင်း အချင်းချင်း ချစ်ရကြမည် ဟူ၍ ဖြစ်၏။ **24** ဘုရားသခင်၏ ပညတ်တော်များကို စောင့်ထိန်းသောသူသည် ဘုရားသခင်နှင့် တစ်လုံးတစ်ဝတည်းဖြစ်၍ ဘုရားသခင်သည်လည်း ထိုသူနှင့် တစ်လုံးတစ်ဝတည်း ဖြစ်တော်မူ၏။ ထိုသို့ ဘုရားသခင်သည် ငါရဲ့နှင့် တစ်လုံးတစ်ဝတည်း ဖြစ်တော်မူကြောင်းကို ဘုရားသခင် ပီးသနားတော်မူသော ဝိညာဉ်တော်အားဖြင့် ငါရဲ့ သိရကြ၏။

4 အဆွီရဲ့ ဝိညာဉ်တော်ကို ခံယူရဟိသည်ဟု ပြောဆိုသောသူတိုင်းကို မယုံကြည်ကတ်ကေ။ သူရဲ့ ခံယူရဟိသည်ဆိုသော ဝိညာဉ်တော်သည် ဘုရားသခင်ထံတော်မှ ဆင်းသက်လာသည့် ဝိညာဉ်တော် ဟုတ်မဟုတ် စစ်ဆေးကြလော့။ ဇာကြောင့်ဆိုသော် မိစ္ဆာပရောဖက်များသည် ဤလောကသို့ ရောက်နိုင်ကြသောကြောင့် ဖြစ်၏။ **2** ဘုရားသခင်၏ ဝိညာဉ်တော်ဖြစ်ကြောင်းကို သင်ရဲ့သည် မည်သို့သိနိုင်မည့်နည်း ဟူမူကား ယေသျှု ခရစ်တော်သည် လူ့ဇာတိကို ခံယူကာ ကြွလာတော်မူသည်ဟု ဝန်ခံသောသူသည် ဘုရားသခင်ထံတော်မှ ဆင်းသက်လာသည့် ဝိညာဉ်တော်ကို ခံယူရဟိသောသူ ဖြစ်၏။ **3** ယေသျှုကို ငြင်းပယ်သောသူတိုင်းသည် ဘုရားသခင်ထံတော်မှ ဆင်းသက်လာသည့် ဝိညာဉ်တော်ကို ခံယူရဟိသောသူ မဟုတ်။ ထိုဝိညာဉ် ကိန်းဝပ်သောသူသည် ခရစ်တော်ကို ဆန့်ကျင်သောသူ ဖြစ်၏။ ထိုဝိညာဉ်သည် ဤလောကသို့ ရောက်လာမည်ဟု သင်ရဲ့ကြားသိသည့်အတိုင်း သူသည် အရုပ် ရောက်နိုင်ပြီး ဖြစ်၏။ **4** သားသမီးရဲ့ သင်ရဲ့သည် ဘုရားသခင် ပိုင်ဆိုင်သောသူများဖြစ်ကြ၍ မှားယွင်းသောပရောဖက်တို့ကို အနိုင်ရထားပြီး ဖြစ်၏။ ဇာကြောင့်ဆိုသော် သင်ရဲ့ထံ၌ ကိန်းဝပ်တော်မူသော ဝိညာဉ်တော်သည် လောကီသားများထံ၌ ကိန်းဝပ်သောဝိညာဉ်ထက် ကြီးမြတ်တော်မူသောကြောင့် ဖြစ်၏။ **5** ထိုမှားယွင်းသော ပရောဖက်ရဲ့သည် လောကီနှင့်ဆိုင်သော သူများဖြစ်သောကြောင့် လောကီ အကြောင်းအရာများကိုသာ ပြောဆိုတတ်ကြ၏။ လောကီသားရဲ့သည်လည်း သူရဲ့၏ စကားကို နားထောင်တတ်ကြ၏။ **6** သို့ရာတွင် ဘုရားသခင်သည် ငါရဲ့ကို ပိုင်တော်မူ၏။ ဘုရားသခင်ကို သိသောသူသည် ငါရဲ့စကားကို နားထောင်တတ်၏။ ဘုရားသခင်နှင့် မဆိုင်သောသူသည်ကား ငါရဲ့စကားကို နားမထောင်တတ်။ ဤသို့သောအားဖြင့် ငါရဲ့သည် စစ်မှန်သော ဝိညာဉ်နှင့် မှားယွင်းသော ဝိညာဉ်ကို ခွဲခြား၍ သိနိုင်ကြ၏။ **7** အဆွီရဲ့ ချစ်ခြင်းမေတ္တာသည် ဘုရားသခင်ထံတော်မှ သက်ရောက်လာသည်ဖြစ်၍ ငါရဲ့သည် အချင်းချင်း ချစ်ကြကုန်အံ့။ ချစ်ခြင်းမေတ္တာ ဟိသောသူတိုင်းသည် ဘုရားသခင်၏ သားသမီးများဖြစ်ပြီး ဘုရားသခင်ကို သိသောသူလည်း ဖြစ်၏။

8 ဘုရားသခင်သည် ချစ်ခြင်းမေတ္တာ ဖြစ်တော်မူသောကြောင့် ချစ်ခြင်းမေတ္တာ မဟိသောသူသည် ဘုရားသခင်ကို မသိ။ 9 ငါရို့သည် သားတော်အားဖြင့် အသက်ရှင်ကြစီရန် ဘုရားသခင်သည် မိမိ၏ တစ်ပါးတည်းသော သားတော်ကို ဤလောကသို့ စီရင်တော်မူခြင်းအားဖြင့် ဘုရားသခင်၏ မေတ္တာတော်ကို ငါရို့၌ ထင်ရှားစိတော်မူ၏။ 10 ချစ်ခြင်းမေတ္တာဟုဆိုရာ၌ ငါရို့သည် ဘုရားသခင်အား ချစ်သည့်မေတ္တာကို မဆိုလို။ ကိုယ်တော်သည် ငါရို့ကိုချစ်၍ ငါရို့၏ အပြစ်အတွက် အပြစ်ဖြေစရာယခင်ဖြစ်စီခြင်းငှာ မိမိ၏သားတော်ကို စီရင်တော်မူခြင်းအားဖြင့် ပြတော်မူသော မေတ္တာတော်ကို ဆိုလို၏။ 11 အဆိုရှိ၊ ဘုရားသခင်သည် ငါရို့အား ဤမျှလောက် ချစ်တော်မူလျှင် ငါရို့သည်လည်း အချင်းချင်း ချစ်သင့်၏။ 12 မည်သူမျှ ဘုရားသခင်ကို မတို့မမြင်ဖူးသော်လည်း ငါရို့သည် အချင်းချင်းချစ်ကြလျှင် ဘုရားသခင်သည် ငါရို့နှင့် တစ်လုံးတစ်ဝတည်း ဖြစ်တော်မူလျက် ကိုယ်တော်၏ မေတ္တာတော်သည် ငါရို့အထဲ၌ ပြည့်စုံလျက် ဟိ၏။ 13 ဘုရားသခင်သည် ငါရို့အား မိမိ၏ဝိညာဉ်တော်ကို ပီးတော်မူသောကြောင့် ငါရို့သည် ကိုယ်တော်နှင့် တစ်လုံးတစ်ဝတည်းဟူ၍ ကိုယ်တော်သည်လည်း ငါရို့နှင့် တစ်လုံးတစ်ဝတည်း ဟိတော်မူကြောင်းကို သေချာစွာသိကြ၏။ 14 ခမည်းတော်သည် မိမိ၏သားတော်အား လောကကို ကယ်တင်သောအသျှင်အဖြစ် စီရင်တော်မူကြောင်းကို ငါရို့ မြင်ရ၍ သက်သေခံကြ၏။ 15 ယေသျှုသည် ဘုရားသခင်၏ သားတော်ဖြစ်ကြောင်း ဝန်ခံသောသူသည် ဘုရားသခင်နှင့် တစ်လုံးတစ်ဝတည်းဟူ၍ ဘုရားသခင်သည်လည်း ထိုသူနှင့် တစ်လုံးတစ်ဝတည်း ဟိတော်မူ၏။ 16 ထို့အပြင် ငါရို့၌ ဘုရားသခင် ထားတော်မူသော ချစ်ခြင်းမေတ္တာကို ငါရို့ကိုယ်တိုင် သိ၍ ယုံကြည်ကြ၏။ ဘုရားသခင်သည် ချစ်ခြင်းမေတ္တာ ဖြစ်တော်မူ၏။ ချစ်ခြင်းမေတ္တာဟိသောသူသည် ဘုရားသခင်နှင့် တစ်လုံးတစ်ဝတည်းဖြစ်၍ ဘုရားသခင်သည်လည်း ထိုသူနှင့် တစ်လုံးတစ်ဝတည်း ဖြစ်တော်မူ၏။ 17 ချစ်ခြင်းမေတ္တာသည် ငါရို့၌ ပြည့်စုံစီခြင်းအားဖြင့် တရားစီရင်တော်မူရာနိ၌ ငါရို့သည် ယုံကြည်စိတ်ချမှု ဟိကြလိမ့်မည်။ အကြောင်းမူကား လောက၌ ငါရို့သည် ခရစ်တော်နည်းတူ အသက်ရှင်ကြသောကြောင့် ဖြစ်၏။ 18 ချစ်ခြင်းမေတ္တာ၌ ကြောက်ရွံ့ခြင်း မဟိ။ စုံလင်သည့်မေတ္တာသည် ကြောက်ရွံ့ခြင်းကို ဖယ်ပွားတတ်၏။ ကြောက်စိတ်သည် အပြစ်ဒဏ်ခံရခြင်းနှင့်အတူ ဟိသဖြင့် ကြောက်စိတ်ဟိသူသည် ချစ်ခြင်းမေတ္တာနှင့် မပြည့်စုံ။ 19 ဘုရားသခင်သည် ငါရို့အား ဦးစွာ ချစ်တော်မူသောကြောင့် ငါရို့သည် ကိုယ်တော်ကို ချစ်ကြ၏။ 20 ဘုရားသခင်ကို ချစ်သည်ဟု ဆိုလျက် ညီအစ်ကိုမောင်နှမကို မုန်းသောသူသည် လိမ်လည်သောသူ ဖြစ်၏။ ၈ကြောင့်ဆိုသော် မျက်စိဖြင့်မြင်ရသော ညီအစ်ကိုမောင်နှမကို မချစ်နိုင်သောသူသည် မျက်စိဖြင့်မမြင်ရသည့် ဘုရားသခင်ကို မည်သို့ ချစ်နိုင်ပါမည်နည်း။ 21 ငါရို့အား ခရစ်တော်ပီးတော်မူသော ပညတ်တော်သည်ကား ဘုရားသခင်ကို ချစ်သောသူသည် ညီအစ်ကိုမောင်နှမကိုလည်း ချစ်ရမည် ဟူ၍ ဖြစ်၏။

5 ယေသျှုသည် မေသျှိယဖြစ်တော်မူသည်ဟု ယုံကြည်သောသူတိုင်းသည် ဘုရားသခင်၏သားသမီးများ ဖြစ်ကြ၏။ ဖခင်ကို ချစ်သောသူတိုင်းသည် ထိုဖခင်၏ သားသမီးကိုလည်း ချစ်တတ်၏။ 2 ငါရို့သည် ဘုရားသခင်ကိုချစ်၍ ကိုယ်တော်၏ ပညတ်တော်များကို စောင့်ထိန်းခြင်းအားဖြင့် ဘုရားသခင်၏ သားသမီးတို့ကို ချစ်ကြောင်း ငါရို့ သိကြ၏။ 3 အကြောင်းမူကား ဘုရားသခင်ကို ချစ်ခြင်းဆိုသည်မှာ ကိုယ်တော်၏ ပညတ်တော်များကို စောင့်ထိန်းခြင်းပင် ဖြစ်၏။ ထို့ကြောင့် ကိုယ်တော်၏ ပညတ်တော်များကို စောင့်ထိန်းရန် ငါရို့အတွက် မခဲယဉ်းပေ။ 4 အကြောင်းမူကား ဘုရားသခင်၏ သားသမီးရို့သည် လောကကို အောင်နိုင်၏။ ထိုသို့ လောကကို အောင်ခြင်းမှာ ငါရို့၏ ယုံကြည်ခြင်းအားဖြင့် ဖြစ်၏။ 5 ယေသျှုသည် ဘုရားသခင်၏ သားတော်ဖြစ်ကြောင်း ယုံကြည်သောသူမှတစ်ပါး မည်သူသည် လောကကို အောင်နိုင်သနည်း။ 6 ယေသျှုခရစ်တော်သည် ရီအားဖြင့် ဗတ္တိဇံကို ခံတော်မူ၍ အသွီးတော်ကို သွန်းခြင်းဖြင့် အသိခံတော်မူလျက် ကြွလာတော်မူသောအသျှင် ဖြစ်၏။ ကိုယ်တော်သည် ရီအားဖြင့်သာ ကြွလာတော်မူသည် မဟုတ်။ ရီနှင့် အသွီးအားဖြင့် ကြွလာတော်မူ၏။ ဝိညာဉ်တော်သည် သမ္မာတရား ဖြစ်ကြောင်းကို ဝိညာဉ်တော်ကိုယ်တိုင် သက်သေခံတော်မူ၏။ 7 သက်သေခံသုံးပါး ဟိ၏။ 8 ထိုသက်သေခံသုံးပါးမှာ ဝိညာဉ်တော်၊ ရီနှင့် သွီးပင်ဖြစ်ပြီး သူရို့၏

သက်သိခံချက်သည် အတူတူပင်ဖြစ်၏။ 9 ငါရိုသည် လူ၏ သက်သိခံချက်ကို လက်ခံတတ်ကြ၏။ သို့သော်လည်း ဘုရားသခင်၏ သက်သိခံတော်မူချက်သည် လူ၏ သက်သိခံချက်ထက် ပို၍ပင် ခိုင်လုံ၏။ သို့ ဖြစ်၍ ကိုယ်တော်သည် သားတော်၏အကြောင်းကို သက်သေခံတော်မူခြင်း ဖြစ်၏။ 10 ဘုရားသခင်၏ သားတော်ကို ယုံကြည်သောသူသည် ထိုသက်သိခံချက်ကို မိမိ၏ စိတ်နှလုံးထဲ၌ ရဟိထား၏။ သို့ရာတွင် ဘုရားသခင်ကို မယုံကြည်သောသူသည် ကိုယ်တော်ကို လိမ်လည်သောသူဟု ဆိုရာရောက်၏။ အကြောင်းမူကား ဘုရားသခင် သက်သိခံတော်မူသော သားတော်၏အကြောင်းကို သူရိုသည် မယုံကြည်ကြသောကြောင့်ဖြစ်၏။ 11 ထို သက်သိခံချက်သည်ကား၊ ဘုရားသခင်သည် ငါရိုအား ထာဝရအသက်ကို ပီးတော်မူပြီး ထိုအသက်သည် မိမိသားတော်၌ ဟိ၏ ဟူ၍ ဖြစ်၏။ (aiōnios g166) 12 သားတော်ကို ရသောသူသည် ထိုအသက်ကိုရ၏။ ဘုရားသခင်၏ သားတော်ကို မရသောသူမူကား အသက်ကိုမရ။ 13 ဘုရားသခင်၏ သားတော်ကို ယုံကြည်သော သင်ရိုသည် ထာဝရအသက်ရဟိကြောင်းကို သိကြစီရန် ဤအကြောင်းအရာများကို ငါရို လိုက်ခြင်း ဖြစ်၏။ (aiōnios g166) 14 ငါရိုသည် ဘုရားသခင်၏ ရှိတော်၌ ရဲရင့်ခြင်း အကြောင်းမှာ၊ ငါရိုသည် ကိုယ်တော်၏ အလိုတော်နှင့်အညီ တောင်းလျှောက်လျှင် နားညောင်းတော်မူကြောင်းကို ယုံကြည်စိတ်ချ နိုင်သောကြောင့် ဖြစ်၏။ 15 ထို့အပြင် ငါရို တောင်းလျှောက်သည့်အရာများကို ကိုယ်တော် နားညောင်းတော်မူသည်မှာ အမှန်ပင်ဖြစ်ကြောင်းကို ငါရိုသည် သိကြလျှင် ကိုယ်တော်သည် ငါရိုတောင်းလျှောက်သမျှကို ပီးတော်မူကြောင်းကိုလည်း ငါရိုသည် သိကြ၏။ 16 သင်ရို၏ ညီအစ်ကိုမောင်နှမသည် မသီထိုက်သောအပြစ် ကျူးလွန်နိုင်သည်ကို တစ်စုံတစ်ယောက်သည် မြင်လျှင် ထိုသူသည် ဘုရားသခင်ထံ ဆုတောင်းရမည်။ ဘုရားသခင်သည် သူရိုအား အသက်ကို ပီးတော်မူလိမ့်မည်။ မသီထိုက်သောအပြစ် ကျူးလွန်သူများအတွက်သာ ဤသို့ ဆုတောင်းပီးရန် ဖြစ်သည်။ သို့ရာတွင် သီထိုက်သောအပြစ် ဟိသည်။ ထိုအပြစ်မျိုးကို ကျူးလွန်သူအတွက် ဆုတောင်းပီးရမည်ဟု ငါမဆို။ 17 ဒုစရိုက်ဟူသမျှသည် အပြစ်ဖြစ်၏။ သို့ရာတွင် အပြစ်ဟူသမျှသည် သီထိုက်သော အပြစ်များ မဟုတ်ပေ။ 18 ဘုရားသခင်၏ သားသမီးရိုသည် အပြစ် မကျူးလွန်တတ်သည်ကို ငါရို သိကြ၏။ အကြောင်းမူကား ဘုရားသခင်၏ သားတော်သည် သူရိုကို ကယ်တင်သောကြောင့် မာရ်နတ်သည် သူရိုကို မထိခိုက်နိုင်။ 19 ငါရိုသည် ဘုရားသခင်၏ သားသမီးတိ ဖြစ်ကြသည်ကိုလည်းကောင်း၊ လောကတစ်ခုလုံးသည် မာရ်နတ်၏ အုပ်ချုပ်မှုအောက်၌ ဟိကြသည်ကိုလည်းကောင်း ငါရို သိကြ၏။ 20 စစ်မှန်သော ဘုရားသခင်ကို သိနိုင်စီခြင်းငှာ ဘုရားသခင်၏ သားတော်သည် ကြွလာတော်မူ၍ ငါရိုအား နားလည်နိုင်သောဉာဏ်ပညာကို ပီးတော်မူကြောင်းကို ငါရို သိကြ၏။ ငါရိုသည် ကိုယ်တော်၏သားတော် ယေသျှုခရစ်နှင့် လည်းကောင်း၊ စစ်မှန်သော ဘုရားသခင်နှင့် လည်းကောင်း တစ်လုံးတစ်ဝတည်း အသက်ရှင်လျက် ဟိကြ၏။ ဤသည်ကား စစ်မှန်သော ဘုရားသခင် ဖြစ်တော်မူပြီး ထာဝရအသက်လည်း ဖြစ်တော်မူ၏။ (aiōnios g166) 21 သားသမီးရို သင်ရိုသည် ရုပ်တုဆင်းတုကို ယှောင်ကြည့်ကြလော့။

၁ အသက်ကြီးသောသူပါးမှ — **၂** အကြောင်းမူကား သမ္မာတရားသည် ငါရဲ့၌ တည်နိုင်၍ ငါရဲ့နှင့်အတူ ကာလအစဉ်အဆက် ဟိန်နိလိမ့်မည် ဖြစ်သောကြောင့် ဖြစ်၏။ (aiōn g165) **၃** ခမည်းတော်ဘုရားသခင်နှင့် သားတော် ယေသျှုခရစ်တော်ထံပါးမှ ကျေးဇူးတော်။ ကရုဏာတော်နှင့် ငြိမ်သက်ခြင်းသည် သမ္မာတရားနှင့် ချစ်ခြင်းမေတ္တာကို အမှီပြုလျက် ငါရဲ့နှင့်အတူ တည်ပါစီသော်။ **၄** သင်၏ သားသမီးတချို့သည် ငါရဲ့အား ခမည်းတော် ပညတ်တော်မူသည့် အတိုင်း သမ္မာတရား၌ အသက်ရှင်လိုက်လျှောက်နိုင်ကြကြောင်း တို့ရသဖြင့် ငါ အလွန်ဝမ်းမြောက်၏။ **၅** သို့ ဖြစ်၍ ချစ်လှစွာသော ဂုဏ်အသရေဟိ မိန်းမ၊ ငါရဲ့ အားလုံး တစ်ယောက်ကိုတစ်ယောက် ချစ်ကြရန် သင့်အား ငါတောင်းပန်၏။ ဤသည်ကား ပညတ်အသစ် မဟုတ်။ အစအဦးကပင်လျှင် ငါရဲ့၌ဟိသော ပညတ်ဖြစ်၏။ **၆** ငါပြောသည့် ချစ်ခြင်းမေတ္တာဆိုသည်မှာ ဘုရားသခင်၏ ပညတ်တော်များကို နှာခံခြင်းဖြင့် အသက်ရှင်ကြရမည် ဟူ၍ ဖြစ်၏။ ထိုပညတ်သည်ကား အစအဦးကပင်လျှင် သင်ရဲ့အားလုံး ကြားနာရသည့်အတိုင်း သင်ရဲ့အားလုံးသည် ချစ်ခြင်းမေတ္တာ၌ အသက်ရှင်ကြရမည် ဟူ၍ ဖြစ်၏။ **၇** လူ့ဇာတိကိုခံယူ၍ ယေသျှု ခရစ်တော် ကြွလာတော်မူသည်ကို လက်မခံသောသူဖြစ်သည့် များစွာသော လှည့်ဖြားသောသူရို့သည် ဤလောကထဲသို့ ရောက်နိုင်ယာ။ ထိုသို့သောသူသည် လှည့်ဖြားသောသူ၊ ခရစ်တော်ကို ဆန့်ကျင်သောသူဖြစ်၏။ **၈** သို့ ဖြစ်၍ သင်ရို့သည် ငါရဲ့ လုပ်ဆောင်ခသော အရာများကို မဆုံးယှုံးစီဘဲ သင်ရို့သည် အကျိုးကို အပြည့်အဝ ခံစားရကြရန် သတိပြုကြလော့။ **၉** ခရစ်တော်၏ သွန်သင်ချက်၌ မတည်ဘဲ ၎င်းကို ကျော်လွန်သောသူတိုင်းသည် ဘုရားသခင်ကို မရကြပေ။ ထိုသွန်သင်ချက်၌ တည်သောသူမူကား ခမည်းတော်ကိုလည်းကောင်း၊ သားတော်ကိုလည်းကောင်း ရကြ၏။ **၁၀** ထိုတရားတော်ကို မသွန်သင်သောသူသည် သင်ရို့ပါးသို့ ရောက်လာလျှင် သင်ရို့အိမ်တွင် လက်မခံကတ်ကျေ။ သင်ရို့၌ “ငြိမ်သက်ခြင်း ဟိပါစီ” ဟု နှုတ်မဆက်ကတ်ကျေ။ **၁၁** အကြောင်းမူကား ထိုသူရို့ကို နှုတ်ဆက်သောသူသည် သူရို့၏ ဆိုးယုတ်မှု၌ အပေါင်းအပါဖြစ်၏။ **၁၂** သင်ရို့အား ပြောစရာ များစွာဟိသော်လည်း ငါသည် စက္ကူနှင့် မှင်အားဖြင့် မရီးဘဲ ငါရို့၏ ဝမ်းမြောက်ခြင်း ပြည့်စုံလင်စီရန် ငါသည် သင်ရို့ထံပါးသို့ အလည်အပတ်လာ၍ သင်ရို့နှင့် ကိုယ်တိုင်တို့ဆုံ ပြောဆိုရန် မျှော်လင့်လျက် ဟိ၏။ **၁၃** သင်၏ ချစ်လှစွာသော နှမ၏ သားသမီးတို့ က သင့်အား နှုတ်ဆက်လိုက်ကြ၏။

၃ ယောဟန်

1 အသက်ကြီးသူဖြစ်သော ငါသည် — **2** အဆွီ၊ သင်၏ စိတ်ဝိညာဉ် တိုးတက်ကြီးပွားသကဲ့သို့ အရာရာ၌ တိုးတက်ကြီးပွား၍ ကျန်းမာစီရန် ငါဆုတောင်း၏။ **3** သင်သည် သမ္မာတရားကို အမြဲတစီ လိုက်လျှောက်ခသည့်အတိုင်း သမ္မာတရားကို သစ္စာနှင့် လိုက်လျှောက်လျက် ဟိကြောင်းကို ညီအစ်ကို မောင်နှမ တချို့သည် ငါ့ပါးသို့ ရောက်လာ၍ ပြောပြကြသဖြင့် ငါသည် အလွန်ဝမ်းသာ၏။ **4** ငါ့သားသမီးရဲ့သည် သမ္မာတရားအတိုင်း လိုက်လျှောက်ကြသည့် အကြောင်းကို ကြားရသည်ထက် သာ၍ ငါ့ကို ဝမ်းသာစိသောအရာ မဟိ။ **5** အဆွီ၊ သင်သည် ညီအစ်ကို မောင်နှမရဲ့သာမက လူစိမ်းတို့ကိုပင် သင်ပြုရမည့်ဝတ်ကို သစ္စာနှင့် ပြုတတ်၏။ **6** ထိုသူရဲ့သည် သင်၏ ချစ်ခြင်းမေတ္တာအကြောင်းကို အသင်းတော်ရှိ၌ သက်သိခံကြ၏။ သူရဲ့သည် ဆက်လက် ခရီးဆက်နိုင်ကြစီရန် သူရဲ့အား ဘုရားသခင် နှစ်သက်တော်မူသည့်အတိုင်း ကူညီမစလော့။ **7** အကြောင်းမူကား သူရဲ့သည် တစ်ပါးအမျိုးသားတိပါးမှ အကူအညီကိုမယူဘဲ ခရစ်တော်၏ နာမတော်ဖို့အလိုငှာ ခရီးထွက်ကြသောသူတို့ ဖြစ်ပေ၏။ **8** ထို့ကြောင့် ငါရဲ့သည် ခရစ်ယာန်တို့ဖြစ်ကြ၍ သမ္မာတရားအတွက် ထိုသူရဲ့၏ လုပ်ဖော်ဆောင်ဖက်တို့ ဖြစ်နိုင်ရန် သူရဲ့အား ကူညီမစကြရမည်။ **9** ငါသည် အသင်းတော်သို့ စာတိုရီးခသော်လည်း အသင်းတော်၏ ခေါင်းဆောင်ဖြစ်ချင်သောသူ ဒယောတရပ်သည် ငါ့စကားကို နားမထောင်။ **10** ထို့ကြောင့် ငါလာသောအခါမှ သူပြုသမျှသောအမှုတို့ကို ထောက်ပြမည်။ သူသည် ငါရဲ့အား မကောင်းသောအရာများနှင့် စွပ်စွဲပြောဆိုပြီး ဤမျှလောက်နှင့် မကြေနပ်ဘဲ သူ့ကိုယ်တိုင်ပင် အခြားသော ယုံကြည်သူတို့ကို လက်မခံ၊ လက်ခံလိုသူတို့ကိုလည်း တားမြစ်ပိတ်ပင်လျက် အသင်းတော်မှ နှင်ထုတ်ရန် ကြိုးစား၏။ **11** အဆွီ၊ မကောင်းသောအမှုကို အတုမယူဘဲ ကောင်းသောအမှုကို အတုယူလော့။ ကောင်းသောအမှုကို ပြုသောသူသည် ဘုရားသခင်နှင့် စပ်ဆိုင်သောသူဖြစ်၏။ ဆိုးသောအကျင့်ကို ပြုသောသူမူကား ဘုရားသခင်ကို မသိမမြင်ဖူးသောသူ ဖြစ်၏။ **12** ဒေမေတရ်ကို လူတိုင်းက ချီးကျူးပြောဆို ကြ၏။ သမ္မာတရားသည် သူ့ဖက်၌ သက်သိခံ၏။ ငါရဲ့သည် ထပ်၍ သက်သိခံကြ၏။ ငါရဲ့၏ သက်သိခံချက်သည် မှန်ကန်ကြောင်းကိုလည်း သင်သိ၏။ **13** သင်အား ငါသည် ပြောစရာအကြောင်းအရာ များစွာဟိသော်လည်း ကလောင်နှင့် မှင်ဆီအားဖြင့် မရီးလို။ **14** ငါသည် သင့်ပါးသို့ မကြာခင် ရောက်လာ၍ သင်နှင့် မျက်နှာချင်းဆိုင် တွဲဆုံကာ စကားပြောဆိုနိုင်လိမ့်မည်ဟု မျှော်လင့်၏။ သင်၌ ငြိမ်သက်ခြင်း ဟိပါစီ။ သင်၏ အဆွီတိလည်း သင့်အား နှုတ်ဆက်ကြ၏။ ငါရဲ့၏ အဆွီအားလုံးကိုလည်း နှုတ်ဆက်ပီးလော့။

1 ယေသုခရစ်၏ အခိုင်းအစီနှင့် ယာကုပ်၏ ညီဖြစ်သောသူ ယုဒပါးမှ — **2** သင်ရိုးသည် ကရုဏာတော်၊

ငြိမ်သက်ခြင်းနှင့် ချစ်ခြင်းမေတ္တာတော်ကို အပြည့်အဝ ခံစားရကြပါစီသောဝံ။ **3** ချစ်ခင်ရသော အဆွေရီး၊ ငါရိုးနှင့်ဆိုင်သော ကယ်တင်ခြင်းအကြောင်းကို ငါသည် သင်ရိုးပါးသို့ စာရီးရန် ကြိုးစားခ၏။ သို့ရာတွင် ကိုယ်တော်၏ လူစုအား ဘုရားသခင် အပြီးအပိုင် ပီးအပ်တော်မူသည့် ယုံကြည်ခြင်းအတွက် ကြိုးစားတိုက်လှန်ကြရန် သင်ရိုးပါးသို့ ချက်ချင်းပင် စာရီး၍ အားပီးတိုက်တွန်းရန် လိုအပ်လာသည်ဟု ငါ ခံစားရ၏။ **4** အကြောင်းမူကား ဘုရားဝတ်၌ မွီးပျော်ခြင်းမဟိသော လူတချို့သည် သင်ရိုးအထဲသို့ တိတ်တဆိတ် ဝင်ရောက်လျက် ဟိန်နိကြသောကြောင့် ဖြစ်၏။ သူရိုးသည် ငါရိုး ဘုရားသခင်၏ ကျေးဇူးတော်ကို သူရိုး၏ ကာမဂုဏ်လိုက်စားခြင်းအဖြစ် မှောက်လှန်ကြလျက် ငါရိုး၏ တစ်ပါးတည်းသောအသျှင်နှင့် သခင် ဖြစ်တော်မူသော ယေသုခရစ်တော်ကို ငြင်းပယ်ကြ၏။ ထိုသူရိုးကား ရိုးမဆွကပင်လျှင် ပြစ်ဒဏ်စီရင်ရန် သမ္မာကျမ်းစာ၌ ဖော်ပြထားပြီးဖြစ်ကြ၏။ **5** သင်ရိုးသည် ဤအရာအားလုံးကို သိကြပြီးဖြစ်သော်လည်း ငါသည် သင်ရိုးအား ပြန်လည်သတိရစီလိုသည်မှာ သခင်ဘုရားသည် ဣသရေလလူတို့အား အဲဂုတ္တုပြည်မှ ကယ်ထုတ်လာတော်မူပြီးနောက် မယုံကြည်သောသူတို့ကို တဖန် ဖျက်ဆီးတော်မူ၏။ **6** သူရိုး၌

ဟိထားသော အခွင့်အာဏာကို မထိန်းသိမ်းဘဲ နီရာအရပ်ကို စွန့်လားကြသည့် ကောင်းကင်တမန်တို့အား ဘုရားသခင်သည် တရားစီရင်တော်မူရာ ကြီးစွာသောနှိ၌ သူရိုးအား အပြစ်ဒဏ်ပီးရန် မှောင်မိုက်သော အောက်အရပ်တွင် ထာဝရ ချုပ်နှောင်ထားတော်မူ၏။ (aidios g126) **7** သောဒုံမြို့၊ ဂေါမောရမြို့နှင့် ထိုမြို့များ၏ ပတ်ဝန်းကျင်၌ဟိသော မြို့များကို သတိရကြလော့။ ထိုမြို့များမှ မြို့သူမြို့သားရိုးသည် အဆိုပါ ကောင်းကင်တမန်တို့ကဲ့သို့ ကာမဂုဏ်လိုက်စား၍ သဘာဝနှင့်ဆန့်ကျင်သည့် အပျော်အပါးကို လိုက်စားကြ၏။ သူရိုးအား ယင်းလင်းပြတ်သားစွာ သတိပီးသည့်အနိန်ဖြင့် သူရိုးအားလုံးသည် ထာဝရမီးထဲတွင် အပြစ်ဒဏ်ကို ခံရကြ၏။ (aiōnios g166) **8** ဤနည်းတူ ထိုလူအပေါင်းရိုးသည် မိမိမြင်မက်သောရူပါရုံများကြောင့် မိမိရိုး၏ ကိုယ်ခန္ဓာများကို ညစ်ညူးစီကြပြီး ဘုရားသခင်၏ အခွင့်အာဏာကို မထိလေးစားပြုလျက် အထက်အရပ်မှ ဘုန်းတန်ခိုးတော်အသျှင်ကို ကဲ့ရဲ့ကြ၏။ **9** ကောင်းကင်တမန်မင်း မိကွေ့လပင်လျှင် ဤအမှုမျိုးကို မပြေပေ။ မောသျှေ၏ ကိုယ်ခန္ဓာကို မည်သူက ယူသင့်သည် ဟူသော အချက်နှင့်ပတ်သက်၍ မာရ်နတ်နှင့် အငြင်းပွားရာတွင် သူသည် မာရ်နတ်အား အပြစ်တင် ကဲ့ရဲ့မှုကို မပြုဝံဘဲ “သင့်အား ထာဝရဘုရား ဆုံးမတော်မူပါစီ” ဟူ၍သာ ပြောဆိုလေ၏။ **10** သို့သော် ဤလူအပေါင်းရိုးသည် သူရိုးနားမလည်သည့် အရာဟူသမျှကို အပြစ်တင်၍ ကဲ့ရဲ့တတ်ကြ၏။ သားရဲတိရစ္ဆာန်များနည်းတူ ပင်ကိုယ်ဇာတိစိတ်ဖြင့် သိဟိနားလည်သည့် အရာများသည်လည်း သူရိုးအား ပျက်စီးခြင်းသို့ ရောက်တတ်ကြ၏။ **11** သူရိုးသည် အမင်္ဂလာဟိကြ၏။ သူရိုးသည် ကာကုန်၏ လမ်းစဉ်ကို လိုက်ကြလေပြီ။ ဇွီကိုတပ်မက်သဖြင့် ဗာလမိ၏ အမှားမျိုးကို ကျူးလွန်ကြလေ၏။ ကောရကဲ့သို့ ပုန်ကန်ကြသဖြင့် ဆုံးယှုံးပျက်စီးကြကုန်၏။ **12** သူရိုးသည် မိတ်ဖွဲ့စားသောက်ပွဲ၌ အရှက်အကြောက်မဟိဘဲ စားသောက်လျက် သင်ရိုး၏ ဂုဏ်သိက္ခာကို ညစ်နွမ်းစီကြ၏။ ထိုသူရိုးကား ကိုယ်ကျိုးကိုသာ ကြည့်တတ်သူများဖြစ်၏။ သူရိုးသည် လီတိုက်ရာသို့ လွင့်ပါလားတတ်သော မိုးရီမပါသည့် မိုးတိမ်နှင့် လည်းကောင်း၊ ဆောင်းဦးပေါက်တွင် အသီးမသီး၊ အမြစ်မှ ဆွနွတ်ခံရ၍ နှစ်ခါသီရသည့် သစ်ပင်နှင့် လည်းကောင်း တူကြ၏။ **13** သူရိုး၏ ရှက်ဖွယ်ကောင်းသည့်အရာကို ရီမြှုပ်များကဲ့သို့ ပေါ်လွင်စီသည့် ကြမ်းတမ်းသော ပင်လယ် လှိုင်းတံပိုးများနှင့် တူကြ၏။ သူရိုးသည် လမ်းကြောင်း အတည်တကျမဟိသည့် ကြယ်များနှင့်လည်း တူကြ၏။ သူရိုးအတွက် ဘုရားသခင်သည် အမှောင်မှိုက်ဆုံးဖြစ်သည့် အောက်အရပ်တွင် ထာဝရနီရာကို သတ်မှတ်၍ ထားတော်မူ၏။

(aiōn g165) **14** အာဒံမှ ခုနစ်ဆက်မြောက် မျိုးဆက်ဖြစ်သည့် ဧနောက်က သူရိုးနှင့်ပတ်သက်၍ ရိုးမဆွကပင် ပရောဖက်တိက၊ “ထာဝရဘုရားသည် အတိုင်းမသိ များစွာသော ကိုယ်တော်၏ သန့်ယှင်းသော ကောင်းကင်တမန်တို့နှင့်

ကြွလာ၍၊ **15** လူအပေါင်းရှိအား တရားစီရင်ရန်နှင့် ဘုရားတရားမဲ့စွာ အပြစ်တင် ပြုမှုများအတွက် လည်းကောင်း၊ ဘုရားတရားမဲ့သော အပြစ်သားရှိသည် ဘုရားသခင်အား ရိုင်းပြော ဆန့်ကျင်ပြောဆိုကြသည့် စကားများအတွက် လည်းကောင်း အပြစ်ဒဏ်စီရင်တော် မူလိမ့်မည်” ဟု ကြိုတင် ဟောပြောခလေ၏။ **16** ဤလူအပေါင်းရှိသည် အစဉ်မလပ် ညည်းတွားတတ်သောသူ၊ သူတစ်ပါးအား အပြစ်တင်တတ်သောသူတို့ ဖြစ်ကြပြီး၊ မိမိရဲ့ ဆိုးညစ်သော စိတ်ဆန္ဒအတိုင်း လျှောက်လှမ်း တတ်ကြ၏။ မိမိရဲ့အကြောင်းကိုလည်း ကြွားဝါတတ်ကြပြီး မိမိကိုယ်ကျိုးအတွက် သူတစ်ပါးရဲ့အား မြှောက်ပင့်ပြောဆို တတ်ကြ၏။ **17** သို့သော်လည်း အဆွီရဲ့ ငါရဲ့အသျှင် ယေသျှုခရစ်တော်၏ တမန်တော်တိ အယင်က ပြောခသော စကားကို သတိရကြလော့။ **18** သူရို့က “နောက်ဆုံးသော ကာလ၌ သင်ရို့ကို ပျက်ရည်ပြသောသူတိ၊ မိမိရို့၏ ဆန္ဒဟိသည့်အတိုင်း ဘုရားတရားမဲ့ ပြုမှုသောသူတိ ပေါ်လာလိမ့်မည်” ဟု သင်ရို့အား ပြောခကြ၏။ **19** ထိုသူရို့သည် ကွဲပြားမှုကို ဖြစ်စီသောသူ၊ ဇာတိစိတ်အလိုသို့ လိုက်သောသူ၊ ဝိညာဉ်တော်ကို မရသောသူရို့ ဖြစ်ကြ၏။ **20** သို့ရာတွင် အဆွီရဲ့ သင်ရို့သည် မိမိရို့၏ အလွန်သန့်ယှင်းသော ယုံကြည်ခြင်း၌ မိမိကိုယ်ကို တည်ဆောက်လျက်၊ သန့်ယှင်းသော ဝိညာဉ်တော်၏ တန်ခိုးတော်အားဖြင့် ဆုတောင်းကြလော့။ **21** ဘုရားသခင်၏ ချစ်ခြင်းမေတ္တာတော်၌ မိမိကိုယ်ကို စောင့်ထိန်း၍ ထာဝရအသက်ကို ပီးတော်မူမည့် ငါရို့၏အသျှင် ယေသျှုခရစ်တော်၏ ကရုဏာတော်ကို စောင့်မျှော်နိုင်ကြလော့။ (aiōnios g166) **22** ယုံမှားသံသယဟိသော သူရို့အား ကရုဏာ ထားကြလော့။ **23** တချို့သောသူရို့ကို မီးထဲမှ ဆွဲထုတ်ကယ်တင်ကြလော့။ တချို့သောသူရို့အား ကြောက်ရွံ့သောစိတ်ဖြင့် သနားကရုဏာကို ပြကြလော့။ သို့သော်လည်း အသွီးအသားဇာတိဖြင့် စွန်းကွက်နိုင်သည့် သူရို့၏ အဝတ်အစားကို ရွံ့မုန်းကြလော့။ **24** သင်ရို့ပြုလဲမကျစီရန် စောင့်ရှောက်တော်မူနိုင်၍၊ သင်ရို့ကို အပြစ်ကင်းစီလျက် ဘုန်းတန်ခိုးတော် ထွန်းတောက်ရာ ရှိတော်မောက်သို့ ဝမ်းမြောက်စွာ ဝင်ရောက်ခွင့်ကို ပီးတော်မူနိုင်သော၊ **25** ငါရို့၏ ကယ်တင်သျှင်၊ တစ်ဆူတည်းသော ဘုရားသခင်၏ ဘုန်းတန်ခိုး၊ အာနုဘော်တော်၊ အစွမ်းသတ္တိနှင့် အာဏာစက်များသည် ငါရို့၏အသျှင် ယေသျှု ခရစ်တော်အားဖြင့် ရှီးကပ်ကာလမှစ၍ အဂုဏာလနှင့် နောင်လာမည့် ကာလအစဉ်အဆက် တည်တော်မူစီသတည်း။ အာမင်။ (aiōn g165)

ဗျာဒိတ်တော်

၁ ဤစာအုပ်သည် ယေသျှုခရစ်တော် ဖွင့်ပြတော်မူသည့်အကြောင်းကို မှတ်တမ်းတင်ထားသောစာအုပ် ဖြစ်၏။
မကြာခင် ဖြစ်ပျက်ရမည့် အမှုအရာများကို မိမိ၏အခိုင်းအစီရိုအား သိစိခြင်းငှာ ဘုရားသခင်သည် ကိုယ်တော်အား ဤဗျာဒိတ်တော်ကို ပီးရခြင်း ဖြစ်ပေ၏။ ခရစ်တော်သည် မိမိ၏ အခိုင်းအစီဖြစ်သော ယောဟန်ပါးသို့ မိမိ၏ကောင်းကင်တမန်ကို စီစွတ်၍ ဤဗျာဒိတ်တော်ကို ဖွင့်ပြတော်မူ၏။ **၂** ယောဟန်သည်လည်း ဘုရားသခင်၏ နှုတ်ကပတ်တော်နှင့် ယေသျှုခရစ်တော်၏ သက်သီခံတော်မူချက်တို့ကို မိမိမြင်တို့ရသည်အတိုင်း သက်သီခံလေ၏။ **၃** ကာလအချိန် နီးကပ်ပြီဖြစ်၍ ဤ ပရောဖက်ပြုဟောပြောထားသော စကားတို့ကို ဖတ်ရှုသောသူနှင့် ဤစကားတို့ကို ကြား၍ လိုက်နာကျင့်သုံးသောသူရှိသည် မင်္ဂလာဟိကြ၏။ **၄** ငါ ယောဟန်ပါးမှ၊ **၅** သစ္စာဟိသော သက်သီခံ၊ သီခြင်းမှ ဦးစွာပထမ ရှင်ပြန်ထမြောက်တော်မူသော၊ လောကီသျှင်ဘုရင်တို့ကို အစိုးရတော်မူသော ယေသျှုခရစ်တော်ထံပါးမှ လည်းကောင်း၊ ကျေးဇူးတော်နှင့် ငြိမ်သက်ခြင်းသည် သင်ရိုး၌ ဟိပါစီသော။ ထိုသူသည် ငါရိုက် ချစ်တော်မူ၍ မိမိ၏အသွီးတော်အားဖြင့် ငါရို၏ အပြစ်တရားမှ ငါရိုအား လွတ်မြောက်စီတော်မူပြီးလျှင်၊ **၆** မိမိ၏ခမည်းတော် ဘုရားသခင်၏ အမှုတော်ကို ဆောင်ရွက်နိုင်စီရန် ငါရိုအား နိုင်ငံတော်သားအရာ၌ လည်းကောင်း၊ ယဇ်ပုရောဟိတ်အရာ၌ လည်းကောင်း ခန့်ထားတော်မူသော ယေသျှုခရစ်တော်သည် ကမ္ဘာအဆက်ဆက် ဘုန်းတန်ခိုး ကြီးတော်မူပါစီသတည်း။ အာမင်။ (aiōn g165) **၇** ကြည့်ရှုလော့။ ကိုယ်တော်သည် မိုးတိမ်စီး၍ ကြွလာတော်မူလိမ့်မည်။ ကိုယ်တော်ကို လုံဖြင့် ထိုးခသော သူတိပါမကျန် လူအပေါင်းရှိသည် ကိုယ်တော်ကို မြင်ကြရလိမ့်မည်။ မြီကြီး၌ ဟိသော လူအပေါင်းရှိသည် ကိုယ်တော်ကြောင့် ရင်စည်တီးလျက် ငိုကြွေးကြလိမ့်မည်။ ထိုသို့ ဖြစ်ပါစီသော။ အာမင်။ **၈** အတိတ်၊ ပစ္စုပ္ပန်၊ အနာဂတ်ကာလ၌ ဟိတော်မူသော အနန္တတန်ခိုးသျှင် ဘုရားသခင်က “ငါသည် အစနှင့်အဆုံး ဖြစ်၏” ဟု မိန့်တော်မူ၏။ **၉** ငါ ယောဟန်သည်ကား သင်ရို၏ အစ်ကိုဖြစ်ပြီး ယေသျှု၏နောက်လိုက် တစ်ယောက်ဖြစ်သည့်နည်းတူ နိုင်ငံတော်နှင့် စပ်ဆိုင်သောကြောင့် ခံရသည့် ဒုက္ခဆင်းရဲကို သင်ရိုနှင့်အတူ သည်းခံနိုင်ရသောသူလည်း ဖြစ်၏။ ငါသည် ဘုရားသခင်၏ နှုတ်ကပတ်တော်နှင့် ယေသျှု ဖော်ပြသော သမ္မာတရားကို ဟောပြောကြေညာသည့်အတွက် ပတ်မူကျွန်းသို့ အပို့ခံရ၏။ **၁၀** သခင်ဘုရား၏ နို့တွင် ငါသည် ဝိညာဉ်တော်ကို ခံရ၍ တံပိုးခရာသံနှင့်တူသော အသံကြီး တစ်ခုကို ငါ့နောက်၌ ကြားရ၏။ **၁၁** ထိုအသံက “သင် မြင်ရသည့်အရာကို စာစောင်တွင် ရိုးသား၍ ဇေယျမြို့၊ စမုရန်မြို့၊ ပေရုမြို့၊ သွာတိရမြို့၊ သာဒိမြို့၊ ဖိလဒေလဖိမြို့၊ လောဒိကိမြို့များ၌ဟိသော အသင်းတော်ခန့်စပ်ပါးသို့ ပီးပို့လော့” ဟု ဆို၏။ **၁၂** ထိုသို့ ငါ့အား ပြောနိုင်သောအသံသည် ဇာသူ၏အသံ ဖြစ်ပါသနည်းဟု လှည့်၍ ငါ ကြည့်လိုက်သောအခါ ရှိမီးခွက်ခန့်စပ်လုံးကိုလည်းကောင်း၊ **၁၃** ထိုမီးခွက်တိအလယ်၌ လူသားနှင့်တူသော သူတစ်ဦးကိုလည်းကောင်း ငါတို့ရ၏။ ထိုသူသည် ဝတ်ရုံကို ခြီဖျားတိုင်အောင် ခြုံ၍ ရှိရင်စည်းကို ဝတ်ဆင်ထား၏။ **၁၄** သူ၏ဆံပင်သည် မိုးပွင့်ကဲ့သို့ လည်းကောင်း၊ သိုးမွီးကဲ့သို့ လည်းကောင်း ဖြူ၏။ သူ၏မျက်လုံးများသည်လည်း မီးလျှံကဲ့သို့ တောက်ပလျက် နိန်၏။ **၁၅** သူ၏ဒီသည် မီးဖြင့် ချွတ်ထားသည့် တောက်ပသော ကြီးဝါနှင့် တူ၏။ သူ၏အသံမှာ ကြီးမားသော ရီတံခွန်၏ အသံနှင့် တူ၏။ **၁၆** သူသည် လက်ယာလက်ဖြင့် ကြယ်ခန့်စပ်လုံးကို ကိုင်ထား၏။ သူ၏ခံတွင်းမှ ပြတ်သောသန်လျက် ထွက်လာ၏။ သူ၏မျက်နှာသည်လည်း တန်ခိုးနှင့် ထွန်းတောက်သည့် မွန်းတည့်နီ၏ အလင်းကဲ့သို့ ဖြစ်၏။ **၁၇** ထိုသူကို တို့သောအခါ ငါသည် သူ၏ခြံတော်ရင်း၌ လဲကျလာပြီး လူသီကဲ့သို့ ဖြစ်လေ၏။ ထိုသူသည် ငါ့အထက်၌ လက်ယာလက်တော်ကို တင်တော်မူပြီးလျှင် “မကြောက်ကေ့၊ ငါသည် အစနှင့် အဆုံးဖြစ်၏။ **၁၈** ငါသည် အသက်ရှင်တော်မူသော သူဖြစ်၏။ ငါသည် သီခသော်လည်း အဂုတွင် ထာဝရအသက်ရှင်လျက် ဟိ၏။ ငါသည် သီခြင်းတရားနှင့် မရဏာနိုင်ငံကို အစိုးရ၏။ (aiōn g165, Hades g86) **၁၉** သင် မြင်တို့ရသည့် အမှုအရာများမှာ အဂု ဖြစ်ပျက်နိုင်သော အမှုအရာများနှင့် နောင်အခါ၌

ဖြစ်ပျက်မည့် အမှုအရာများသာ ဖြစ်၏။ ထိုအကြောင်းအရာများကို ရိုးထားလော့။ 20 ငါ၏ လက်ယာလက်တော်တွင် သင် မြင်တို့ရသည့် ကြယ်ခုနစ်လုံးနှင့် ရွှံ့မီးခွက် ခုနစ်လုံး၏ လျှိုဝှက်သည့် အနက်အဓိပ္ပာယ်မှာ မီးခွက် ခုနစ်လုံးသည် အသင်းတော် ခုနစ်ပါး ဖြစ်၍၊ ကြယ်ခုနစ်လုံးသည် ထိုအသင်းတော် ခုနစ်ပါး၏ ကောင်းကင်တမန်တို့ ဖြစ်သတည်း” ဟု မိန့်တော်မူ၏။

2 “ဇဖက်မြို့၌ ဟိသောအသင်းတော်၏ ကောင်းကင်တမန်ပါးသို့ ဤသို့ စာရီးပီးလိုက်လော့။ “ဤသတင်းစကားသည် ကြယ်ခုနစ်လုံးကို လက်ယာလက်ဖြင့် ကိုင်ကာ ရွှံ့မီးခွက်ခုနစ်ခွက်အကြားတွင် လားလာနိုင်သော သူ၏ထံမှ ဖြစ်၏။ 2 သင်ပြုသော အမှုများကို ငါသိ၏။ ထိုအရာများမှာ သင်သည် ဇာပိုင် ကြိုးပမ်းလုပ်ဆောင်ကြောင်း၊ ဇာမျှလောက် သည်းခံကြောင်းကို ငါသိ၏။ သင်သည် ဆိုးညစ်သောသူရိုက်ကို သည်းမခံနိုင်ကြောင်း၊ တမန်တော် မဟုတ်ဘဲ မိမိကိုယ်ကိုမိမိ တမန်တော်ဟု ခေါ်ဆိုကြသော သူရိုအား စစ်ဆီး၍ လှည့်ဖြားသောသူတို့ ဖြစ်ကြောင်းကို သိကြောင်းပင် ဖြစ်၏။ 3 သင်သည် စိတ်ရှည်သည်းခံလျက် ငါ၏ နာမအတွက် များစွာဒုက္ခဆင်းရဲခံ၍ အားလျော့ခြင်း မဟိပေ။ 4 သို့သော် သင်သည် အယင်ကကဲ့သို့ အဂုအခါ ငါ့ကို မချစ်သဖြင့် သင့်အား အပြစ် ဆိုစရာဟိ၏။ 5 သို့ ဖြစ်၍ သင်သည် ဇာမျှလောက် ကျဆင်းလာသည်ကို ဆင်ခြင်လော့။ နောင်တရ၍ အယင်က ပြုသည့်အတိုင်း ပြုလော့။ သင်သည် နောင်တ မရလျှင် သင်ဟိရာသို့ ငါလာ၍ သင်၏မီးခွက်ကို နီရာမှ ငါ ရွှံ့ပစ်မည်။ 6 သို့ရာတွင် နိကောလ၏တပည့်ရိုကျင့်ကြံပုံကို ငါ မုန်းသကဲ့သို့ သင်သည်လည်း မုန်းသဖြင့် သင့်အား ချီးမွမ်းစရာဟိ၏။ 7 “ဝိညာဉ်တော်သည် အသင်းတော်များအား မိန့်တော်မူသော စကားများကို ကြားတတ်သောနား ဟိသောသူသည်ကား ကြားပါစီ။ “ငါသည် အောင်မြင်သောသူအား ဘုရားသခင်၏ဥယျာဉ်တော်၌ ဟိသော အသက်ပင်၏အသီးကို စားရသောအခွင့်ကို ပီးမည်။ 8 “စမုရနအသင်းတော်၏ ကောင်းကင်တမန်ပါးသို့ ဤသို့ စာရီး၍ ပီးလိုက်လော့။ “ဤသတင်းစကားသည် အစနှင့် အဆုံးဖြစ်သောသူ၊ သီပြီးမှ အသက်ပြန်၍ ရှင်လာသောသူ၏ထံမှ ဖြစ်၏။ 9 သင်သည် ဒုက္ခဆင်းရဲခံရ၍ ဒုက္ခရောက်သည်ကို ငါသိ၏ — သို့ရာတွင် အမှန်စင်စစ် သင်သည် ကြွယ်ဝသူဖြစ်၏။ မိမိရိုက်ကိုယ်ကို ယုဒလူမျိုးတို့ဟု ဆိုကြသောသူရိုသည် သင့်အား ကဲ့ရဲ့သည့် စကားများအားဖြင့် ပြောဆိုကြကြောင်းကို ငါသိ၏။ သို့ရာတွင် သူရိုသည် ယုဒလူမျိုးတို့ မဟုတ်၊ စာတန်မာရ်နတ်၏ အဖွဲ့ဝင်များဖြစ်ကြ၏။ 10 သင်ခံရမည့် ဆင်းရဲဒုက္ခများအတွက် မစိုးရိမ်ကေ့။ မာရ်နတ်သည် သင်ရိုထံမှ တချို့ကို ထောင်ထဲ၌ အကျဉ်းချထားခြင်းအားဖြင့် စစ်ဆီးလိမ့်မည်။ သင်သည် ဆယ်ရက်တိုင်တိုင် ဒုက္ခခံရလိမ့်မည်။ သီဆုံးသည်ထိတိုင်အောင် သစ္စာစောင့်လော့။ သို့မှသာ သင့်အား အသက်သရဖူကို ငါပီးမည်။ 11 “အသင်းတော်များအား ဝိညာဉ်တော်မိန့်တော်မူသော စကားများကို ကြားတတ်သော နားဟိသောသူရို ကြားကတ်စီ။ “အောင်မြင်သောသူသည် ဒုတိယသီခြင်းဘေးနှင့် ကင်းလွတ်လိမ့်မည်။ 12 “ပေရပ်မြို့အသင်းတော်၏ ကောင်းကင်တမန်ပါးသို့ ဤသို့ စာရီးလိုက်လော့။ “ဤသတင်းစကားသည် အသွားနှစ်ဖက်ဟိသည့် ပြတ်သောသန်လျက်ကို ဆောင်ထားသော သူထံမှ ဖြစ်၏။ 13 သင်သည် ဇာအရပ်၌ နီထိုင်သည်ကို ငါသိ၏။ သင်သည် စာတန်၏ ပလ္လင်ဟိရာအရပ်တွင် နီထိုင်၏။ ငါ့ဖက်၌ သစ္စာဟိစွာ သက်သီခံသောသူ အနွှံ့ပသည့် စာတန်မာရ်နတ် နီထိုင်ရာတွင် အသတ်ခံရသောအချိန်၌ပင် သင်သည် ငါ၌ သစ္စာစောင့်၍ သင်၏ယုံကြည်ခြင်းကို မစွန့်။ 14 သို့ရာတွင် သင်ရိုအထဲတွင် ဗာလမ်၏အယူဝါဒကို လိုက်လျှောက်သောသူများ ဟိနိုင်သဖြင့် သင့်အား အပြစ်ဆိုစရာ အနည်းချေဟိ၏။ ဣသရေလလူမျိုးရိုသည် ရုပ်တုအား ပူဇော်သော အစားအစာများကို စားကြစီရန်နှင့် မတရားသောမေထုန်ကို လိုက်စားကြစီရန် ဗာလမ်သည် ဗာလက်မင်းအား သင်ကြားပီးခ၏။ 15 ထိုနည်းတူစွာ သင်ရိုအထဲတွင်လည်း နိကောလ၏တပည့်တို့ သင်ကြားပို့ချသည့် အယူဝါဒများကို လိုက်လျှောက်နိုင်သူများ ဟိပေ၏။ 16 ထို့ကြောင့် နောင်တရလော့။ နောင်တ မရလျှင် ငါလာ၍ ထိုသူရိုအား ငါ၏ ခံတွင်းမှ ထွက်သောသန်လျက်နှင့် တိုက်ခိုက်မည်။ 17 “ဝိညာဉ်တော်က အသင်းတော်ရိုအား မိန့်တော်မူသော စကားများကို ကြားတတ်သောနား ဟိသောသူရို ကြားပါစီ။ “အောင်မြင်သောသူအား ဝှက်ထားသောမန္တမုန်ကို ငါ ပီးမည်။

ကျောက်ဖြူတစ်လုံးကိုလည်း ငါးမည်။ ထိုကျောက်ဖြူအထက်တွင် အက္ခရာတင်ထားသည့် နာမည်သစ်ကို ဇာသုမ္မာ မသိနိုင်ရာ။ ထိုကျောက်ကို ခံယူရဟိ သူသာလျှင် သိဟိနိုင်ပေ၏။ 18 “သွာတိရမ္မိ အသင်းတော်၏ ကောင်းကင်တမန်ပါးသို့ ဤသို့ စာရီးလိုက်လော့။ “ဤသတင်းစကားသည် ဘုရားသခင်၏ သားတော်ထံမှ ဖြစ်၏။ ထိုအသျှင်၏ မျက်စိများသည် မီးလျှံကဲ့သို့ တောက်ပလျက်၊ ခြုံတော်သည်လည်း တောက်ပြောင်သော ကြိုးဝါကဲ့သို့ ဖြစ်၏။ 19 ငါသည် သင်ပြုသောအမှုကို သိ၏။ သင်၏ မေတ္တာနှင့် သစ္စာဟိမှုကိုလည်းကောင်း၊ သင်၏ အမှုတော်ဆောင်ခြင်းနှင့် သည်းခံခြင်းကိုလည်းကောင်း ငါသိ၏။ သင်သည် အယင်က လုပ်ဆောင်ခသည်ထက် အဂ္ဂ သာ၍ လုပ်ဆောင်ကြောင်းကိုလည်း ငါ သိ၏။ 20 သို့သော် သင့်အား အပြစ်တင်စရာဟိသည်မှာ ယေဇဗေလဟုခေါ်သော မိန်းမကို သင်သည် လက်ခံထားခြင်းပင် ဖြစ်၏။ ထိုမိန်းမသည် မိမိကိုယ်ကို ပရောဖက်မတစ်ယောက် ဖြစ်သည်ဟု ဆို၏။ ထိုမိန်းမသည် ငါ၏ အစီခံရိုးအား မတရားသောမေထုန် လိုက်စားစီရန်နှင့် ရုပ်တုတိအား ပူဇော်သည့်အစားအစာများကို စားစီရန် သွန်သင်သဖြင့် လမ်းလွဲစီလေ၏။ 21 ငါသည် ထိုမိန်းမအား မိမိ၏ ကာမဂုဏ်အပြစ်မှ နောင်တရစီခြင်းငှာ အချိန်ပီးယော။ သို့ရာတွင် သူမသည် မိမိ၏အကျင့်ပျက်မှုမှ နောင်တရလိုစိတ်မဟိ။ 22 ယင်းကြောင့် ငါသည် သူမအား အိပ်ရာ၌ ပစ်ထားမည်။ သူမနှင့် ဖောက်ပြန်သော သူရိ၌လည်း မိမိရိပြုသောအမှုမှ နောင်တမရပါက ပြင်းစွာသော ဒုက္ခဝေဒနာကို ခံရစီမည်။ 23 ငါသည် သူမ၏ နောက်လိုက်ရိုက် သီမင်းလက်သို့ အပ်မည်။ ထိုအခါ၌ ငါသည် လူရို၏စိတ်နှလုံးနှင့် အကြံအစည်တို့ကို သိမြင်တော်မူသောသူဖြစ်ကြောင်း အသင်းတော်အပေါင်းရှိသည် သိကြလိမ့်မည်။ သင်ရို့ အသီးသီး၏အကျင့်အတိုင်း အကျိုးအပြစ်ကို ငါးမည်။ 24 “သို့ရာတွင် အခြားသော သွာတိရမ္မိ ယုံကြည်သူရှိသည်ကား ဤဆိုးညစ်သည့် အယူဝါဒကို မလိုက်နာကြ။ ‘စာတန်မာန်နတ်၏ နက်နဲသည့် လျှို့ဝှက်ချက်များ’ ဟု သူရို့ ခေါ်ဆိုကြသည့် အရာများကိုလည်း မခံမယူကြ။ သင်ရို့ အထက်၌ အခြားဝန်ထုပ်ဝန်ပိုး တစ်စုံတစ်ခုကိုမျှ ငါမတင်။ 25 သင်ရို့သည် မိမိရို့၌ ဟိသည့်အရာကို ငါလာသည်တိုင်အောင် စွဲမြဲစွာကိုင် ထားကြလော့။ 26 အကြင်သူသည် အောင်မြင်၍ အဆုံးတိုင်အောင် ငါ၏အမှုကို စောင့်ထိန်း၏။ ငါခမည်းတော်သည် ငါအား အခွင့် ပီးတော်မူသကဲ့သို့ လူမျိုးတို့ကို အုပ်စိုးစီခြင်းငှာ ထိုသူအား ငါသည် အခွင့်ပီးမည်။ 27 ထိုသူသည် သူရို့ကို သံလုံတံနှင့် အုပ်စိုး၍၊ မြို့အိုးကို အစိတ်စိတ်အမြွှာမြွှာ ရိုက်ခွဲသကဲ့သို့ ရိုက်ခွဲလိမ့်မည်။ 28 မိုးသောက်ကြယ်ကိုလည်း ထိုသူအား ငါ ပီးမည်။ 29 “အသင်းတော်ရိုးအား ဝိညာဉ်တော်မိန့်တော်မူသော စကားများကို ကြားတတ်သော နားဟိသောသူရို့ ကြားပါစီ။

3 “သာဒိမြို့အသင်းတော်၏ ကောင်းကင်တမန်ပါးသို့ ဤသို့ စာရီးပီးလိုက်လော့။ “ဤသတင်းစကားသည် ဘုရားသခင်၏ ဝိညာဉ်ခုနစ်ပါးနှင့် ကြယ်ခုနစ်လုံးဟိသော သူထံမှ ဖြစ်၏။ သင်ပြုသောအမှုကို ငါသိ၏။ သင်သည် အသက်ရှင်ဟန် ဟိသော်လည်း သီလျက်နိန်၏။ 2 သို့ ဖြစ်၍ နီးထလော့။ သင်၏ အသက်မချုပ်ငြိမ်းသိမ့်ခင် ကျန်ဟိနိန်သိမ့်သောအရာကို ပြုစုလော့။ သင်၏အပြုအမူသည် ငါ၏ဘုရားသခင်ရှိတော်၌ ပြည့်စုံခြင်း မဟိသိမ့်သည်ကို ငါတို့ရ၏။ 3 ထို့ကြောင့် သင်သည် ကြားနာသမျှ၊ ခံယူထားသမျှ တရားကို အောက်မီသတိရလျက် နာခံလိုက်လျှောက်လော၊ နောင်တရလော့။ သင်သည် မနီးထလျှင် သူရိုးလာသကဲ့သို့ ငါသည် သင့်ပါးသို့ လာမည်။ ငါလာမည့်အချိန်ကို သင် သိရလိမ့်မည် မဟုတ်။ 4 သို့ရာတွင် သာဒိမြို့၌ မိမိရို့အဝတ်ကို အညစ်အကြေးနှင့် ကင်းစင်စီသောလူ အနည်းချေဟိသိမ့်၏။ ထိုသူရို့သည် ထိုက်တန်သူများဖြစ်သဖြင့် ဝတ်ဖြူစင်ကြယ်ကို ဝတ်၍ ငါနှင့်အတူ လားလာကြလိမ့်မည်။ 5 အောင်မြင်သော သူရို့သည် ဝတ်ဖြူစင်ကြယ်ကို ဝတ်ရလိမ့်မည်။ ငါသည် သူရို့၏နာမည်ကို အသက်စာစောင့်မှ ဖျက်ပယ်မည် မဟုတ်။ ငါသည် သူရို့နာမည်ကို ငါ၏ခမည်းတော်နှင့် ကိုယ်တော်၏ ကောင်းကင်တမန်တို့ရှိတွင် ထုတ်ဖော်ဝန်ခံမည်။ 6 “ဝိညာဉ်တော်သည် အသင်းတော်များအား မိန့်တော်မူသမျှသောစကားများကို ကြားတတ်သော နားဟိသောသူရို့သည် ကြားကတ်စီ။ 7 “ဖိလဒေလဖိမြို့ အသင်းတော်၏ ကောင်းကင်တမန်သို့ ဤသို့ စာရီးပီးလိုက်လော့။ “ဤသတင်းစကားသည် မြင့်မြတ်သန့်ယှဉ်းပြီး ဖြောင့်မန်သောသူထံပါးမှ ဖြစ်၏။ ကိုယ်တော်သည်

ဒါဝိဒ်မင်း၏ တန်းခါးသော့ကို ပိုင်တော်မူ၏။ ထိုတန်းခါးကို ကိုယ်တော်ဖွင့်တော်မူသောအခါ ဇာသူမျှ မပိတ်နိုင်ပေ။ ပိတ်တော်မူသောအခါလည်း ဇာသူမျှ မဖွင့်နိုင်ပေ။ 8 သင် ပြုသည့်အမှုကို ငါသိ၏။ သင်သည် ခွန်အား အနည်းချေသာ ဟိသော်လည်း ငါ့နာမကို မငြင်းပယ်ဘဲ ငါ့ဩဝါဒကို လိုက်နာစောင့်ထိန်းခကြောင်းကို ငါသိ၏။ သင်ရှိအတွက် တန်းခါးကို ငါဖွင့်ထားယာ။ ထိုတန်းခါးကို ဇာသူမျှ မပိတ်နိုင်ပေ။ 9 နားထောင်လော့။ ကိုယ်တိုင် ယုဒလူမျိုး မဟုတ်ဘဲ ယုဒလူမျိုးဖြစ်သည်ဟု လိမ်လည်ပြောဆိုနိုင်သောသူတည်းဟူသော စာတန်မာရ်နတ်၏ အဖွဲ့ဝင်ရှိအား သင်၏ခြံရံသို့ လာရောက်ပျပ်ဝပ်စီမံမည်။ သင့်အား ငါချစ်ကြောင်းကို သူ့ရဲ့ သိကြလိမ့်မည်။ 10 သင်သည် ငါမှာထားသည့်အတိုင်း စိတ်ရှည်သည်းခံလျက် နိန့်ခ၏။ သို့ဖြစ်၍ လောကတစ်ခုလုံးကို စစ်ဆီးရန် ဒုက္ခဆင်းရဲ ကျရောက်လာချိန်၌ သင့်အား ငါ ကာကွယ်စောင့်ရှောက်မည်။ 11 ငါသည် မကြာခင် ကြွလာမည်။ သင်၏ ဆုသရဖူကို ဇာသူမျှ မလုမယူနိုင်စီခြင်းငှာ သင် ရဟိထားသောအရာကို ခွဲကိုင်လော့။ 12 အောင်မြင်သော သူကို ငါ၏ဘုရားသခင်ဗိမာန်တော်တွင် တိုင်ဖြစ်စီမည်။ ထိုသူရှိသည် နောင်ဇာအခါမျှ ဗိမာန်တော်အပြင်သို့ မရောက်ရ။ ငါ၏ဘုရားသခင်ထံတော်မှ ထွက်၍ ကောင်းကင်ဘုံမှ ဆင်းသက်လာသော ယေရုဆလင်မြို့ သစ်တည်းဟူသော ငါ့ဘုရားသခင်၏ မြို့တော်နာမကိုလည်းကောင်း၊ ငါ၏ဘုရားသခင် နာမတော်ကိုလည်းကောင်း ငါသည် ထိုသူ၌ ကမ္ပည်းရိုးထိုးမည်။ ငါ၏အသစ်သော နာမတော်ကိုလည်း ထိုသူ၌ ငါရိုးထိုးမည်။ 13 “ဝိညာဉ်တော်သည် အသင်းတော်များအား မိန့်တော်မူသော စကားများကို ကြားတတ်သောနားဟိသောသူရဲ့ ကြားပါစီ။ 14 “လောဒိကအသင်းတော်၏ ကောင်းကင်တမန်ပါးသို့ ဤသို့ စာရီးပီးလိုက်လော့။ “ဤသတင်းစကားသည် ဘုရားသခင်ဖန်ဆင်းတော်မူသော အရာအပေါင်းရို့၏ အစမူလ ဖြစ်တော်မူသော၊ သစ္စာဟိ၍ ဖြောင့်မန်သော သက်သီခဖြစ်တော်မူသော အာမင်၏ ထံပါးမှ ဖြစ်၏။ 15 သင် ပြုသည့်အမှုကို ငါသိ၏။ သင်သည် အပူလည်း မဟုတ်၊ အအီးလည်း မဟုတ်သည်ကို ငါသိ၏။ သင်သည် အပူဖြစ်စီ၊ အအီးဖြစ်စီ တစ်ခုခုဖြစ်ရန် ငါ အလိုဟိ၏။ 16 သို့ရာတွင် သင်သည် မပူမအီးဘဲ နွီးရုံမျှသာ ဟိသဖြင့် သင့်အား ငါ၏ခံတွင်းမှ ထိုးထုတ်မည်။ 17 ‘ငါသည် ချမ်းသာကြွယ်ဝ၏။ ငါလိုသမျှအားလုံး ငါ၌ ဟိ၏’ ဟု သင်ဆို၏။ သို့ရာတွင် မိမိ၌ ဇာလောက် အတိဒုက္ခဖြစ်ခြင်း၊ သနားစရာကောင်းခြင်း၊ ဆင်းရဲခြင်း၊ မျက်စိကန်းခြင်း၊ အဝတ်အချည်းစည်းဖြစ်ခြင်း ဟိနိုင်သည်ကို သင်သည် မသိပါတကား။ 18 သို့ဖြစ်၍ သင်သည် ချမ်းသာကြွယ်ဝခြင်းငှာ ရှိစင်ကို ငါ့ထံမှ ဝယ်ယူရန် ငါအကြံပီး၏။ ထို့အပြင် သင်၏ ရှက်စရာကောင်းသော အဝတ်ဗလာဖြစ်မှုကို ဝတ်ဖြူစင်ကြယ်ကိုလည်းကောင်း၊ မျက်စိအလင်းရစီရန် မျက်စဉ်းခတ်ဆီးကိုလည်းကောင်း ငါ့ထံမှ ဝယ်ယူလော့။ 19 ငါသည် ငါချစ်သော သူအပေါင်းရို့အား ဆုံးမ၍ အပြစ်ဒဏ်ပီးတတ်၏။ ထို့ကြောင့် စိတ်အားထက်သန်မှု ဟိလော့။ နောင်တ ရလော့။ 20 နားထောင်လော့။ ငါသည် တန်းခါးရှိတွင် ရပ်၍ တန်းခါးခေါက်လျက် နိန့်၏။ ငါ၏အသံကို ကြား၍ တန်းခါးကို ဖွင့်၏။ ထိုသူ၏ အိမ်သို့ ငါဝင်ပြီးလျှင် သူနှင့်အတူ စားသောက်မည်။ သူသည်လည်း ငါနှင့်အတူ စားသောက်ရလိမ့်မည်။ 21 ငါသည် အောင်မြင်၍ ငါ့ခမည်းတော်၏ ပလ္လင်ထက်တွင် ခမည်းတော်နှင့်အတူ ထိုင်နိုင်သကဲ့သို့ အောင်မြင်သောသူအား ငါ၏ ပလ္လင်ထက်တွင် ငါနှင့်အတူ ထိုင်ရသောအခွင့်ကို ငါပီးမည်။ 22 “အသင်းတော်ရို့အား ဝိညာဉ်တော် မိန့်တော်မူသော စကားများကို ကြားတတ်သော နားဟိသောသူရဲ့ ကြားပါစီ။”

4 ထို့နောက် ငါကြည့်လျှင်၊ ကောင်းကင်တန်းခါးပွင့်လျက် ဟိသည်ကို ငါမြင်ရ၏။ အယင်ဦးစွာ ငါကြားရသော တံပိုးခရာသံနှင့် တူသည့် အသံကား၊ “ဤအရပ်သို့ တက်လာလော့။ နောင်အခါ၌ ဖြစ်လာမည့် အမှုအရာတို့ကို ငါပြမည်” ဟု ငါအား ဆို၏။ 2 ထိုအခါ ငါ့ထံ၌ ဝိညာဉ်တော်သည် ချက်ချင်း သက်ရောက်လေ၏။ ကောင်းကင်ဘုံ၌ ပလ္လင်တစ်ခုဟိ၏။ ထိုပလ္လင်ထက်တွင် ထိုင်နိုင်တော်မူသော သူလည်း ဟိ၏။ 3 ထိုသူ၏ မျက်နှာတော်သည် နဂါးသွေ့ကျောက်၊ ပတ္တမြားကျောက်ကဲ့သို့ တောက်ပ၏။ ပလ္လင်၏ ပတ်လည်တွင် မြရောင်တောက်နိန်သော သက်တန်းသည် တည်လျက်ဟိ၏။ 4 ထိုပလ္လင်၏ ပတ်လည်တွင် အခြားပလ္လင်နှစ်ဆယ့်လေးခုကိုလည်း ငါတို့မြင်ရ၏။ ထိုပလ္လင်တို့ထက်တွင် အသက်ကြီးသူ နှစ်ဆယ့်လေးပါးရှိသည် ထိုင်လျက် နိန့်ကြ၏။ သူရို့သည် ဝတ်ဖြူစင်ကြယ်များကို ဝတ်လျက် ရှိသရဖူများကို

ဆင်ယင်ထားကြ၏။ 5 ပလ္လင်တော်ထဲမှ လျှပ်စစ်လက်သည့် အရောင်များ၊ မြည်ဟီးသော အသံများနှင့် မိုးကြိုးခြိမ်းသံများ ထွက်ပေါ်လာ၏။ ပလ္လင်တော်၏ ရှိတွင် ဘုရားသခင်၏ ဝိညာဉ်ခုနစ်ပါးတည်းဟူသော မီးတိုင်ခုနစ်တိုင်သည် ထွန်းလင်းလျက် ဟိ၏။ 6 ပလ္လင်တော်၏ရှိတွင် သလင်းကျောက် ကဲ့သို့ ကြည်လင်သော ဖန်ရီကန်ဟု ထင်ရသော ကန်ဟိ၏။ ထို့ပြင် ပလ္လင်တော်၏ပတ်လည် တစ်ဖက်တစ်ချက်တွင် သက်ဟိသတ္တဝါ လေးပါးဟိ၏။ သူရိရိုကိုယ် ခန္ဓာရှိပိုင်းနှင့် နောက်ပိုင်းတွင် မျက်စိများဖြင့် ပြည့်နှက်လျက်ဟိ၏။ 7 ပထမသတ္တဝါသည် ခြင်္သေ့နှင့် တူ၏။ ဒုတိယသတ္တဝါသည် နွားပေါက်ချေနှင့် တူ၏။ တတိယသတ္တဝါ၏ မျက်နှာသည် လူမျက်နှာနှင့် တူ၏။ စတုတ္ထသတ္တဝါသည် ပျံလျက်နိန်သော လင်းယုန်နှင့် တူ၏။ 8 ထိုသတ္တဝါ လေးပါးစလုံးတွင် အတောင်ခြောက်ခုစီ ဟိကြ၏။ သူရိ၏ကိုယ် အတွင်းအပြင်၌ မျက်စိများနှင့် ပြည့်နှက်လျက် ဟိကြ၏။ သူရိသည် နိနှင့်ညပါ မနားဘဲ၊ “အနန္တတန်ခိုးသျှင် ဘုရားသခင်သည် သန့်ယှင်းတော်မူ၏၊ သန့်ယှင်းတော်မူ၏၊ သန့်ယှင်းတော်မူ၏။ ကိုယ်တော်သည် အတိတ်၊ ပစ္စုပ္ပန်၊ အနာဂတ် ကာလအစဉ် ဟိနိန်တော်မူ၏” ဟု မြွက်ဆိုကြ၏။ 9 ပလ္လင်ထက်တွင် စံတော်မူ၍ ကမ္ဘာအဆက်ဆက် အသက်ရှင်တော်မူသော အသျှင်၏ကျေးဇူးတော်၊ ဂုဏ်တော်၊ ဘုန်းတန်ခိုးတော်များကို ထိုသတ္တဝါရှိသည် ချီးမွမ်းကြသည်အခါတိုင်း၊ (aīñ g165) 10 အကြီးအကဲ နှစ်ဆယ့်လေးပါးရှိသည် ပလ္လင်ထက်တွင် စံတော်မူလျက် ကမ္ဘာအဆက်ဆက်အသက် ရှင်တော်မူသော အသျှင်၏ရှိတော်၌ ပျပ်ပပ်လျက် ကိုးကွယ်ကြကုန်၏။ သူရိသည် ပလ္လင်တော်ရှိတွင် မိမိရှိ၏ သရဖူများကို ချလျက်၊ (aīñ g165) 11 “အကျွန်ရို၏အသျှင် ဘုရားသခင်၊ ကိုယ်တော်သည် ခပ်သိမ်းသောအရာတိကို ဖန်ဆင်းတော်မူ၏။ ထိုအရာခပ်သိမ်းရှိသည် ကိုယ်တော်၏ အလိုတော်အားဖြင့် ဖန်ဆင်းခြင်းကို ခံရပြီး တည်ဟိကြပါ၏။ ထို့ကြောင့် ကိုယ်တော်သည် ဘုန်းတော်၊ ဂုဏ်တော်၊ တန်ခိုးတော်တိကို ခံယူထိုက်တော်မူပါ၏” ဟု မြွက်ဆိုကြ၏။

5 ပလ္လင်တော်ထက်တွင် စံတော်မူသော အသျှင်၏ လက်ယာလက်တော်တွင် စာလိပ်တစ်လိပ်ကို ငါမြင်၏။ ထိုစာလိပ်သည် စာမျက်နှာနှစ်ဖက်လုံး၌ စာများရီးသားထားပြီး တံဆိပ်ခုနစ်ခုဖြင့် ခတ်နှိပ်ထား၏။ 2 ထို့နောက် ခွန်အားကြီးသော ကောင်းကင်တမန်တစ်ပါးက “ဇာသူသည် တံဆိပ်များကို ခွာ၍ ဤစာလိပ်ကို ဖွင့်နိုင်ပါမည်နည်း” ဟု အသံကျယ်စွာ ကြွေးကြော်နိန်သည်ကို ငါမြင်၏။ 3 သို့ရာတွင် ကောင်းကင်၊ မြီကြီး၊ မြီကြီးအောက်၌ ထိုစာလိပ်ကို ဖွင့်နိုင်သောသူ၊ ဖတ်နိုင်သောသူ တစ်ယောက်မျှမဟိ။ 4 ဤစာလိပ်ကို ဖွင့်ထိုက်သောသူ၊ ကြည့်ထိုက်သောသူ တစ်ယောက်မျှ ရှာ၍ မတွေ့ရသဖြင့် ငါသည် လွန်စွာ ငိုကြွေး၏။ 5 ထိုအခါ အကြီးအကဲတစ်ပါးက ငါ့ကို “မငို ကေ့။ ကြည့်ရှု လော့။ ယုဒအနွယ်ဝင် ခြင်္သေ့တည်း ဟူသော ဒါဝိဒ်မှ ဆင်းသက်သော သူသည် အောင်မြင်ယာ။ ထိုသူသည် တံဆိပ်ခုနစ်ခုနှင့် ဤစာလိပ်ကို ဖွင့်ထိုက်တော်မူ၏” ဟု ပြောလေ၏။ 6 ထို့နောက် သိုးသူငယ်သည် သက်ဟိသတ္တဝါလေးပါးရှိနှင့် အကြီးအကဲရို့ ဝန်းရံလျက်ဟိသည့် ပလ္လင်တော်အလယ်၌ ရပ်လျက်နိန်သည်ကို ငါမြင်၏။ သူသည် ယဇ်ပူဇော်ခြင်းငှာ သတ်ရန်ထားသည့် သိုးနှင့်တူ၏။ ထိုသူ၌ ဦးပြိုခုနစ်ချောင်းနှင့် မျက်စိခုနစ်လုံး ဟိ၏။ ထိုအရာများသည် မြီကြီးတစ်ပြင်လုံးသို့ ဘုရားသခင် စီရွတ်တော်မူသော ဝိညာဉ်ခုနစ်ပါး ဖြစ်၏။ 7 ထိုသိုးသူငယ်သည် လာ၍ ပလ္လင်ထက်တွင် ထိုင်လျက်နိန်သော အသျှင်၏လက်ယာလက်တော်မှ စာလိပ်ကို ယူ၏။ 8 ထိုသို့ ယူလိုက်သောအခါ သတ္တဝါလေးပါးနှင့် အကြီးအကဲနှစ်ဆယ့်လေးပါးရှိသည် သိုးသူငယ်တော်၏ ရှိတော်၌ ပျပ်ပပ်လျက် နိန်ကြ၏။ ထိုသူအသီးသီးရှိသည် စောင်းများကိုလည်းကောင်း၊ ဘုရားသခင် လူစုတော်၏ ဆုတောင်းပတ္တနာတည်းဟူသော နံ့သာပေါင်းနှင့်ပြည့်လျက်ဟိသည့် ချီဖလားများကိုလည်းကောင်း တစ်ခုစီ ကိုင်ဆောင်လျက် ဟိကြ၏။ 9 ထို့နောက် သူရိက၊ “ကိုယ်တော်သျှင်သည် ဤစာလိပ်တော်ကို ယူ၍၊ ခြိပ်တံဆိပ်များကို ဖွင့်ထိုက်သောသူ ဖြစ်ပါ၏။ အကြောင်းမူကား ကိုယ်တော်သျှင်သည် အသိသတ်ခြင်းကို ခံတော်မူသောအားဖြင့်၊ ခပ်သိမ်းသော မျိုးနွယ်စုနှင့် ဘာသာစကားအမျိုးမျိုး၊ ခပ်သိမ်းသော လူမျိုးနှင့် တိုင်းနိုင်ငံအသီးသီးထဲမှ လူတိကို ဘုရားသခင်အဖို့ ရွီးနုတ်တော်မူပါ၏။ 10 ကိုယ်တော်သည် သူရိအား အကျွန်ရိုဘုရားသခင်၏ အမူတော်ကို အစီခံကြစီရန် နိုင်ငံတော်၏ ယဇ်ပူရောဟိတ်အရာကို ပီးအပ်တော်မူပြီး၊

ကမ္ဘာမြီကြီးတွင်လည်း စိုးစံရသောအခွင့်ကို ရဟိတလိမ့်မည်” ဟု သီချင်းသစ်ကို သီဆိုကြ၏။ **11** တဖန် ငါ ကြည့်လိုက်သောအခါ ပလ္လင်တော်၌ လည်းကောင်း၊ သတ္တဝါလေးပါးနှင့် အကြီးအကဲရှိ၏ ပတ်လည်၌ လည်းကောင်း ရပ်နိန်သော ကောင်းကင်တမန်ရှိ၏ အသံကို ကြားရ၏။ ထိုကောင်းကင်တမန်ရှိ၏ အရီအတွက်ကား ကုဋေသင်္ချေမက အတိုင်းမသိ များပြား၏။ **12** သူရိုက “အသီသတ်ခြင်းကို ခံရသော သိုးသူငယ်တော်သည် တန်ခိုး၊ စည်းစိမ်၊ ဉာဏ်ပညာ၊ ခွန်အား၊ ဂုဏ်ပြုခြင်း၊ ဘုန်းကြီးခြင်း၊ ချီးမွမ်းခြင်းများကို ခံထိုက်တော်မူပါ၏” ဟု ကျယ်သောအသံဖြင့် မြွက်ဆိုကြ၏။ **13** ထို့ပြင် ကောင်းကင်၊ မြီကြီးအထက်၊ မြီကြီးအောက်၊ ပင်လယ်အရပ်ရပ်၌ ဟိသမျှသော သတ္တဝါအပေါင်းရှိကား “ပလ္လင်ထက်တွင် ထိုင်နိန်တော်မူသော သူနှင့် သိုးသူငယ်တော်သည် ကမ္ဘာအဆက်ဆက် ချီးမွမ်းခြင်းကို ခံရပါစီသတည်း။ ဂုဏ်ပြုခြင်း၊ ဘုန်းကြီးခြင်း၊ တန်ခိုးကြီးခြင်းများဖြင့် ပြည့်စုံတော်မူပါစီသတည်း” ဟု ကြွေးကြော်ကြသည်ကို ငါကြားရ၏။ (aīn g165) **14** ထိုအခါ သတ္တဝါလေးပါးရှိကား “အာမင်” ဟု မြွက်ဆိုကြ၏။ အကြီးအကဲရှိသည်လည်း ပျပ်ဝပ်လျက် ကိုးကွယ်ကြ၏။

6 ထို့နောက် သိုးသူငယ်တော်သည် တံဆိပ်ခွန်ခွအနက် ပထမတံဆိပ်အား ဖွင့်သည်ကို ငါမြင်၏။ သက်ဟိသတ္တဝါလေးပါးအနက် တစ်ပါးသည် မိုးကြိုးခြိမ်းသံနှင့်တူသော အသံဖြင့် “လာလော့” ဟု ဆိုသည်ကို ငါ ကြားရ၏။ **2** ငါ ကြည့်လိုက်သောအခါ မြင်းဖြူတစ်ကောင်ကို တွေ့ရ၏။ မြင်းစီးသူသည် လေးကို ကိုင်ထား၏။ သူသည် သရဖူတစ်ခုကို ပီးအပ်ခြင်း ခံထားရ၏။ သူသည် အောင်နိုင်သောသူ တစ်ယောက်ကဲ့သို့ အောင်ပွဲခံခြင်းငှာ ထွက်လာလေ၏။ **3** ထို့နောက် သိုးသူငယ်တော်သည် ဒုတိယတံဆိပ်ကို ဖွင့်လိုက်သောအခါ ဒုတိယသတ္တဝါက “လာလော့” ဟု ဆိုသည်ကို ငါကြားရ၏။ **4** ထိုအခါ မြင်းနီတစ်ကောင် ထွက်လာ၏။ လူရိုသည် အချင်းချင်း တစ်ယောက်ကိုတစ်ယောက် သတ်ဖြတ်ကြစီခြင်းငှာ မြင်းစီးသူအား ဤလောကတွင် စစ်မက်ဖြစ်ပွားစီနိုင်သည့် တန်ခိုးကို ပီးအပ်ထား၏။ ဒါးကြီးတစ်လက်ကိုလည်း သူ့အား ပီးထား၏။ **5** ထို့နောက် သိုးသူငယ်တော်သည် တတိယတံဆိပ်ကို ဖွင့်လိုက်သောအခါ တတိယသတ္တဝါက “လာလော့” ဟု ဆိုသည်ကို ငါကြားရ၏။ ငါ ကြည့်လိုက်သောအခါ မြင်းနက်တစ်ကောင်ကို တွေ့ရ၏။ မြင်းစီးသူသည် မိမိလက်တွင် ချိန်ခွင်ကို ကိုင်ထား၏။ **6** သတ္တဝါလေးပါးရှိအလယ်မှ ထွက်ပေါ်လာသည်ဟု ထင်ရသော အသံတစ်ခုကို ငါကြားရ၏။ ထိုအသံက “တစ်နို့လုပ်အားခအတွက် ဂျုံဆန်တစ်ခွက်ရပြီး တစ်နို့လုပ်အားခ အတွက် မုယောဆန် သုံးခွက်ရ၏။ သို့ရာတွင် သံလွင်ပင်များနှင့် စပျစ်ဥယျာဉ်များကို မဖျက်ဆီးကတ်ကေ” ဟု ဆို၏။ **7** ထို့နောက် သိုးသူငယ်တော်သည် စတုတ္ထတံဆိပ်ကို ဖွင့်လိုက်သောအခါ စတုတ္ထသတ္တဝါ၏ အသံကို ငါ ကြားရ၏။ ထိုသတ္တဝါက “လာလော့” ဟု ဆို၏။ **8** ငါ ကြည့်လိုက်သောအခါ မြင်းမဲ့တစ်ကောင်ကို တွေ့ရ၏။ မြင်းစီးသူရဲ၏ နာမည်ကား သီမင်း ဖြစ်၏။ သူ၏နောက်မှ မရဏာနိုင်ငံ လိုက်ပါလာ၏။ သူရိုသည် ကမ္ဘာမြီကြီး၏ လေးပုံတစ်ပုံတွင် ဟိသောလူရိုအား ဒါးဘေး၊ ငတ်မွတ်ခေါင်းပါးခြင်းဘေး၊ ရောဂါကပ်ဘေး၊ သားရဲတိရစ္ဆာန်များ၏ ဘေးများဖြင့် သီစီနိုင်သည့် အခွင့်အာဏာကို ပီးအပ်ခြင်း ခံထားရကြ၏။ (Hadēs g86) **9** ထို့နောက် သိုးသူငယ်တော်သည် ပဉ္စမ တံဆိပ်ကို ဖွင့်လိုက်သောအခါ ဘုရားသခင်၏ နှုတ်ကပတ်တော်ကို ဟောပြောသည့် အတွက်ကြောင့်လည်းကောင်း၊ သစ္စာနှင့်သက်သီခံသည့် အတွက်ကြောင့် လည်းကောင်း အသတ်ခံကြရသောသူရို၏ ဝိညာဉ်များကို ယမံပလ္လင်အောက်တွင် ငါ မြင်ရ၏။ **10** ထိုဝိညာဉ်များက “သန့်ယှင်းဖြောင့်မှန်တော်မူသော အနန္တတန်ခိုးသူ၊ အကျွန်ုပ်ရိုအား သတ်ဖြတ်ခသည့် အပြစ်အတွက် လောကီသားရိုအား ဇာကာလတိုင်အောင် တရားမစီရင်၊ အပြစ်ဒဏ်မပီးဘဲ နိန်တော်မူမည်နည်း” ဟု ကျယ်သောအသံဖြင့် ဟစ်အော်ကြ၏။ **11** ထိုသူရိုသည် ဝတ်လုံဖြူတစ်ထည်စီ ရပြီးလျှင် မိမိရိုနည်းတူ အသတ်ခံရကြမည့် အစီခံရိုနှင့် ညီအစ်ကိုမောင်နှမရို အရီအတွက် ပြည့်စုံသည့်တိုင်အောင် တအောင်ချေ စောင့်နိန်ကြရန် အမိန့်ကို ခံရကြ၏။ **12** ထို့နောက် သိုးသူငယ်တော်သည် ဆဋ္ဌမတံဆိပ်ကို ဖွင့်သောအခါ မြိုင်လျင်ပြင်းစွာ လှုပ်လေ၏။ နီသည် အဓ္မိဖြင့်ရက်ထားသော လျှော်တေအဝတ်ကဲ့သို့ မည်းနက်လာ၏။ လတစ်ခုလုံးသည်လည်း သွီးကဲ့သို့ နီလာ၏။ **13**

အာကာပြင်၌ဟိသော ကြယ်များသည် လီပြင်းဒဏ်ကြောင့် သင်္ဘောသဖန်းပင်မှ ကြွီကျလားသော သင်္ဘောသဖန်းသီး အစိမ်းများကဲ့သို့ မြီကြီးထက်သို့ ကျကြကုန်၏။ 14 မိုးကောင်းကင်သည် စာစောင်ကို လိပ်သကဲ့သို့ ပျောက်ကွယ်လား၏။ တောင်များနှင့် ဟိသမျှသောကျွန်းများသည် မိမိရဲ့နီရာမှ ရွှံ့လားကြကုန်၏။ 15 ထိုအခါ လောကီဘုရင်၊ အာဏာပိုင်၊ စစ်သူကြီး၊ သူဌေးသူကြွယ်၊ တန်ခိုးအာဏာဟိသူမှစ၍ ကျွန်နှင့် ကျွန် မဟုတ်သောသူ အပေါင်းရှိသည် လိုက်ဂူများ၌ လည်းကောင်း၊ တောင်ထက် ကျောက်ဆောင်များ၌ လည်းကောင်း ပုန်းအောင်းနိုင်ကြကုန်၏။ 16 ထိုသူရိက တောင်များ၊ ကျောက်ဆောင်များ အား “ငါရဲ့အထက်သို့ ပြိုကျလျက် ပလ္လင်တော် ထက်တွင် စံတော်မူသောသူ၏ မျက်နှာတော်ကို မမြင်ရစီရန်နှင့် သိုးသူငယ်တော်၏ အမျက်တော် မသင့်ကြစီရန် ငါရဲ့အား ဖုံးကွယ်ထားကြပါ။ 17 ထိုအသျှင်ရဲ့၏ အမျက်တော်သင့်မည့် နို့ရက်ကာလ ရောက်လာဟာ။ ထိုအမျက်တော်ကို ဇာသူသည် ခံရပ်နိုင်ပါမည်နည်း” ဟု ဆိုကြ၏။

7 ထို့နောက်မှ ကောင်းကင်တမန် လေးပါးရှိသည် ကမ္ဘာမြီကြီးအစွန်း အရပ်လေးမျက်နှာတွင် ရပ်နိုင်သည်ကို ငါမြင်ရ၏။ သူရဲ့သည် ကုန်းမြီထက်သို့ လည်းကောင်း၊ ပင်လယ်ပြင်၌ လည်းကောင်း၊ သစ်ပင်များကိလည်းကောင်း လီမတိုက်ခတ်နိုင်စီခြင်းငှာ အရပ်လေးမျက်နှာမှ လီများကို ဆွဲကိုင်ထားကြ၏။ 2 ထို့နောက် အသက်ရှင်တော်မူသော ဘုရားသခင်၏ တံဆိပ်တော်ကို ကိုင်ဆောင်လာသော ကောင်းကင်တမန်တစ်ပါးသည် အရှိအရပ်မှ တက်လာသည်ကို ငါမြင်ရ၏။ ထိုသူသည် မြီကြီးနှင့် ပင်လယ်ကို ဘေးဥပါဒ်သင့်စီနိုင်သော တန်ခိုးကို ရဟိထားသည် ကောင်းကင်တမန်လေးပါးရဲ့အား ကျယ်သောအသံဖြင့် ခေါ်လေ၏။ 3 ထို့နောက် ထိုကောင်းကင်တမန်က၊ “ငါရဲ့ဘုရားသခင် အခိုင်းအစီရဲ့၏ နဖူးတွင် ငါရဲ့တိ တံဆိပ် ခတ်နိုင်သည်ထိတိုင်အောင် သင်ရဲ့သည် မြီကြီး၊ ပင်လယ်၊ သစ်ပင်တို့ကို မည်သို့မျှ ဘေးဥပါဒ် မသက်ရောက်စီကတ်ကော့” ဟု ကျယ်လောင်စွာဟစ်အော်၍ ပြော၏။ 4 ထို့နောက် တံဆိပ်ခတ်နိုင်ထားသော သူရဲ့၏ ဦးရေကို ငါ ကြားသိရ၏။ ဣသရေလလူမျိုးရဲ့၏ မျိုးနွယ်စုအားလုံးထဲမှ ၁၄၄,၀၀၀၊ 5 ယုဒအနွယ်ထဲမှ ၁၂,၀၀၀၊ ရုဗင်အနွယ်မှ ၁၂,၀၀၀၊ ဂဒ်အနွယ်မှ ၁၂,၀၀၀၊ 6 အာသျှာအနွယ်မှ ၁၂,၀၀၀၊ နဿလီအနွယ်မှ ၁၂,၀၀၀၊ မနာသျှောအနွယ်မှ ၁၂,၀၀၀၊ 7 သျှိုမောင်အနွယ်မှ ၁၂,၀၀၀၊ လေဝီအနွယ်မှ ၁၂,၀၀၀၊ ဣသခါအနွယ်မှ ၁၂,၀၀၀၊ 8 ဇာဗုလုန်အနွယ်မှ ၁၂,၀၀၀၊ ယောသပ်အနွယ်မှ ၁၂,၀၀၀၊ ဗယံမိန်အနွယ်မှ ၁၂,၀၀၀ တို့သည် တံဆိပ်ခတ်နိုင်ခြင်းကို ခံရကြ၏။ 9 ထို့နောက် ငါ ကြည့်လိုက်သောအခါ ဇာသူမျှ မရှိတွက်နိုင်သော လူအုပ်ကြီးကို တွံ့ရ၏။ သူရဲ့သည် ဘာသာစကား အမျိုးမျိုးကို ပြောဆိုသော တိုင်းနိုင်ငံအသီးသီး၊ ခပ်သိမ်းသော လူမျိုးအနွယ်အသီးသီးမှ လာကြသောသူတို့ ဖြစ်ကြ၏။ သူရဲ့သည် ဝတ်လုံဖြူတိကို ဝတ်ပြီး စွန်ပလုံခက်တိကို ကိုင်ကာ ပလ္လင်တော်နှင့် သိုးသူငယ်တော်၏ ရှိ၌ ရပ်နိုင်ကြ၏။ 10 သူရဲ့က “ကယ်တင်ခြင်းသည် ပလ္လင်တော်ထက်မှာ စံတော်မူသော ငါရဲ့၏ ဘုရားသခင်နှင့် သိုးသူငယ်တော်ထံမှ ဆင်းသက်လာ၏” ဟု ကြီးသောအသံနှင့် ကြွေးကြော်ကြ၏။ 11 အားလုံးသော ကောင်းကင်တမန်ရဲ့သည် ပလ္လင်တော်ကိုလည်းကောင်း၊ အကြီးအကဲများနှင့် သက်ဟိသတ္တဝါ လေးပါးရဲ့ကိုလည်းကောင်း ဝိုင်းရံလျက် ရပ်နိုင်ကြ၏။ ထို့နောက် သူရဲ့သည် ပလ္လင်တော်ရှိ၌ ပျပ်ဝပ်ကာ ဘုရားသခင်အား ကိုးကွယ်ကြပြီး၊ 12 သူရဲ့က “အာမင်၊ ငါရဲ့၏ ဘုရားသခင်သည် ချီးမွမ်းခြင်း၊ ဘုန်းကြီးခြင်း၊ ဉာဏ်ပညာဟိခြင်း၊ ဂုဏ်ကြီးခြင်းနှင့် ကျေးဇူးတရားပွားများခြင်း၊ တန်ခိုးကြီးခြင်း၊ ခွန်အားကြီးခြင်းနှင့် ကမ္ဘာအဆက်ဆက် ပြည့်စုံတော်မူပါစီသတည်း။ အာမင်။” ဟု မြွက်ဆိုကြ၏။ (aiōn g165) 13 အသက်ကြီးသူရဲ့ထံမှ တစ်ပါးက “ဝတ်ဖြူစင်ကြယ် ဝတ်ဆင်ထားသူရဲ့သည် မည်သူရဲ့နည်း။ ထိုသူရဲ့သည် ဇာအရပ်က လာကြသနည်း” ဟု ငါ့အား မိန်း၏။ 14 ငါက “အကျွန် မသိပါ ဆရာ။ သင်သာ သိပါ၏” ဟု ပြန်၍ ဖြေ၏။ ထိုသူက “သူရဲ့သည် ဆင်းရဲဒုက္ခကြီးထဲမှ လွတ်မြောက်လာသောသူများဖြစ်၏။ သူရဲ့သည် မိမိရဲ့ ဝတ်လုံများကို သိုးသူငယ်တော်၏ သွီးဖြင့် ဖြူစင်အောင် ဖွပ်ခပြီးယာ။ 15 ထို့ကြောင့် “သူရဲ့သည် ဘုရားသခင်၏ ပလ္လင်တော်ရှိသို့ ရောက်ဟိ၍ ကိုယ်တော်၏

ဗိမာန်တော်တွင် နို့ညမပြတ် ဝတ်ပြုနိုင်ကြခြင်း ဖြစ်၏။ ပလ္လင်တော်ထက်၌ စံနိန်တော်မူသော အသျှင်သည်လည်း သူရိနှင့်အတူ ဟိတော်မူ၍ ကာကွယ်စောင့်ရှောက်တော်မူလိမ့်မည်။ 16 သူရိသည် နောက်တဖန် အစာရီစာ မဝတ်မွတ်ရ။ နီရောင်ခြည်သည် လည်းကောင်း၊ ပြင်းထန်သော အပူဟိန်သည် လည်းကောင်း သူရိအထက်သို့ မကျရောက်ရ။ 17 အကြောင်းမူကား ပလ္လင်တော်အလယ်တွင် ဟိတော်မူသော သိုးသူငယ်တော်သည် သူရိ၏ သိုးထိန်းဖြစ်ကာ အသက်စမ်းရီ ဟိရာအရပ်သို့ ပို့ဆောင်တော်မူမည် ဖြစ်သောကြောင့်တည်း။ ဘုရားသခင်သည်လည်း သူရိ၏ မျက်ရည်ဟိသမျှကို သုတ်ပီးတော်မူလိမ့်မည်” ဟု ဆို၏။

8 သိုးသူငယ်တော်သည် သတ္တမတံဆိပ်ကို ဖွင့်လိုက်သောအခါ ကောင်းကင်ဘုံတွင် နာရီဝက်ခန့် တိန်းဆိတ်လားလေ၏။ 2 ထို့နောက် ဘုရားသခင်၏ ရှိတော်တွင် ရပ်လျက်နိန်သည့် ကောင်းကင်တမန် ခုနစ်ပါးကို ငါမြင်ရ၏။ သူရိအား တံပိုးခရာ ခုနစ်လုံးကို ပီးအပ်ထားလေ၏။ 3 ထို့နောက် အခြားသောကောင်းကင်တမန်တစ်ပါးသည် ပလ္လင်တော်အနားသို့ လာ၍ ရပ်၏။ သူသည် နံ့သာပေါင်းကို ထည့်၍ပူဇော်သည့် ရွှံ့ခွက်ကို ကိုင်ထား၏။ ပလ္လင်တော်ရှိ၌ ဟိသော ရွှံ့ယာမပလ္လင်ထက်မှာ ဘုရားသခင်လူအပေါင်းရှိ၏ ဆုတောင်းပတ္တနာများနှင့်အတူ ပူဇော်ရန် များစွာသော နံ့သာပေါင်းကို သူ့အား ပီးအပ်ထား၏။ 4 ဘုရားသခင်၏ ရှိတော်တွင် ရပ်နိန်သော ကောင်းကင်တမန်၏လက်၌ ဟိသော နံ့သာပေါင်းမှ ထွက်လာသောမီးခိုးသည် ဘုရားသခင်လူရိ၏ ဆုတောင်းပတ္တနာများနှင့်အတူ အထက်သို့ တက်လေ၏။ 5 ထို့နောက် ကောင်းကင်တမန်သည် နံ့သာပေါင်းကို ထည့်ပူဇော်သည့် ရွှံ့ခွက်ကို ယူပြီးလျှင် ယဇ်ပလ္လင်မှ မီးကိုထည့်၍ မြီကြီးထက်သို့ ပစ်ချလိုက်၏။ ထိုအခါ မိုးခြိမ်းခြင်း၊ အသံမြည်ခြင်း၊ လျှပ်ပြက်ခြင်း၊ မြီလျင်လျှပ်ခြင်းများ ဖြစ်ပေါ်လာလေ၏။ 6 ထို့နောက် တံပိုးခရာခုနစ်လုံးကို ကိုင်ထားသော ကောင်းကင်တမန်ခုနစ်ပါးရှိသည် တံပိုးခရာမှုတ်ရန် အသင့်ပျင်ဆင်ကြ၏။ 7 ပထမကောင်းကင်တမန်သည် မိမိကိုင်ထားသောတံပိုးခရာကို မှုတ်လိုက်သောအခါ သွီးနှင့်ရောနိန်သော မီးနှင့် မိုးသီးများသည် မြီကြီးထက်သို့ ကျလာ၏။ မြီကြီး၏ သုံးပုံတစ်ပုံ၊ သစ်ပင် သုံးပုံတစ်ပုံ စိမ်းစိုသောမြက် ဟိသမျှရှိသည် လောင်ကျွမ်းလေ၏။ 8 ဒုတိယကောင်းကင်တမန်သည် မိမိကိုင်ထားသော တံပိုးခရာကို မှုတ်လိုက်သောအခါ မီးတောက်နိန်သော တောင်ကြီးတစ်တောင် ကဲ့သို့သော အရာတစ်ခုကို ပင်လယ်ထဲသို့ ပစ်ချလိုက်လေ၏။ ထိုအခါ ပင်လယ်ရှိ သုံးပုံတစ်ပုံသည် သွီးအဖြစ်သို့ ပြောင်းလားလေ၏။ 9 ပင်လယ်သတ္တဝါ သုံးပုံတစ်ပုံရှိသည် သီဆုံးလားကြ၏။ သုံးပုံတစ်ပုံမျှသော သင်္ဘောတိလည်း ပျက်စီးလားကြ၏။ 10 တတိယကောင်းကင်တမန်သည် မိမိကိုင်ထားသော တံပိုးခရာကို မှုတ်လိုက်သောအခါ မီးရှူးတိုင်ကဲ့သို့ တောက်လောင်နိန်သော ကြယ်ကြီးတစ်လုံးသည် အကာပြင်မှ ကြွီဆင်းလာကာ မြစ်သုံးပုံတစ်ပုံနှင့် စမ်းပေါက်များ၌ ကျလေ၏။ 11 ယင်းကြယ်ကို “ခါးသီးခြင်း” ဟု ခေါ်၏။ သုံးပုံတစ်ပုံသော ရီသည် ရီခါးအဖြစ်သို့ ပြောင်းလားကြ၏။ များစွာသော လူရိသည် ထိုရီခါးကို သောက်သဖြင့် သီဆုံးကြကုန်၏။ 12 စတုတ္ထကောင်းကင်တမန်သည် မိမိကိုင်ထားသော တံပိုးခရာကို မှုတ်လိုက်သောအခါ နီ၏ သုံးပုံတစ်ပုံ၊ လ၏ သုံးပုံတစ်ပုံ၊ ကြယ်တာယာများ၏ သုံးပုံတစ်ပုံသည် ကြတ်၍ ၎င်းရီ၏ အလင်းသည် သုံးပုံတစ်ပုံ မိုက်လားလေ၏။ နီ၏ သုံးပုံတစ်ပုံ၊ ည၏ သုံးပုံတစ်ပုံသည်လည်း အလင်း မရကြ။ 13 ထို့နောက် ငါ ကြည့်လိုက်သောအခါ ကောင်းကင်အလယ်၌ ပျံဝဲလျက်နိန်သော လင်းယုန်ငှက်တစ်ကောင်ကို မြင်ရ၏။ ထိုငှက်က “အခြားသော ကောင်းကင်တမန်သုံးပါး မှုတ်ကြမည့် တံပိုးခရာအသံကြောင့် မြီကြီးထက်၌ ဟိသော သတ္တဝါရှိသည် အမင်္ဂလာ ဟိကြလိမ့်မည်၊ အမင်္ဂလာ ဟိကြ လိမ့်မည်၊ အမင်္ဂလာ ဟိကြလိမ့်မည်” ဟု အသံကျယ်လောင်စွာ ပြောဆိုနိန်သည်ကို ငါကြားရ၏။

9 ထို့နောက် ပဉ္စမကောင်းကင်တမန်သည် မိမိကိုင်ထားသော တံပိုးခရာကို မှုတ်လိုက်သောအခါ ကောင်းကင်မှ မြီကြီးထက်သို့ ကြယ်တစ်လုံးကြွီကျလာသည်ကို ငါမြင်ရ၏။ ထိုပဉ္စမကောင်းကင်တမန်သည် အနက်ဆုံးသောတွင်း၏ သော့ကို ထိုကြယ်အား ပီးအပ်လေ၏။ (Abyssos g12) 2 သူသည် ထိုတွင်းကို ဖွင့်လိုက်သောအခါ မီးခိုးသည်

မီးဖိုကြီးတစ်ခုမှ ထွက်သည့် ထွက်လာလေ၏။ ထိုမီးခိုးကြောင့် နီ၏အလင်းနှင့် အာကာသကောင်းကင်သည် မှောင်မိုက်လားလေ၏။ (Abyssos g12) 3 ထိုမီးခိုးထဲမှ ကျိုင်းကောင်တိထွက်လာပြီးလျှင် မြိုကြီးထက်သို့ ကျကြကုန်၏။ သူရိသည် ကင်းမီးကောက်တိကဲ့သို့ အစွမ်းဟိကြ၏။ 4 သူရိအား မြက်ပင်၊ သစ်ပင်များနှင့် အခြားသော ဇာအပင်ကိုမဆို ဘေးဥပါဒ်ပြုရန် မှာထားတော်မူ၏။ သို့ရာတွင် နဖူးတွင် ဘုရားသခင်၏ တံဆိပ်တော် မပါသည့် လူရိုကိုသာလျှင် ဘေးဥပါဒ်ပြုရန် မှာထား၏။ 5 ထိုသူရိုကို အသိသတ်ရန် ထိုကျိုင်းကောင်ရိုအား ခွင့်မပြုထား။ သို့ပင်သျှောင်လည်း ငါးလမျှသာ ညဉ့်ဆဲပိုင်ခွင့် ဟိ၏။ ကျိုင်းကောင်အကိုက် ခံရသူရိုသည် ကင်းမီးကောက် အထိုးခံရသကဲ့သို့ နာကျင်စွာ ဝေဒနာခံရကြ၏။ 6 ထိုငါးလအတွင်း လူရိုသည် သီခြင်းတရားကို ရှာကြလိမ့်မည်။ ရှာသော်လည်း မတို့ရကြ။ ထိုသူရိုသည် သီဖို့ရန် တောင့်တကြသော်လည်း သီမင်းသည် သူရိုပါးမှ တိမ်းယောင်နိုင် လိမ့်မည်။ 7 ထိုကျိုင်းကောင်များသည် စစ်ပွဲဝင်ရန် အသင့်ပျင်နိုင်သော မြင်းတိနှင့်တူ ကြ၏။ သူရို၏ ဦးဂေါင်းထက်မှာ ရွှံ့သရဖူဆောင်းထားသည်နှင့် တူ၏။ သူရို၏ မျက်နှာသည်လည်း လူမျက်နှာနှင့် တူ၏။ 8 သူရို၏အမွှီးသည် မိန်းမရို၏ ဆံပင်နှင့်တူ၏။ သူရို၏သွားသည် ခြင်္သေ့သွားနှင့် တူ၏။ 9 သူရို၏ ရင်၌ သံရင်အုပ်တန်ဆာ ကဲ့သို့သော ရင်အုပ်တန်ဆာ တပ်ဆင်ထားသည်နှင့် တူ၏။ သူရို၏ အတောင်ခပ်သံသည် စစ်ပွဲဝင်ရန် မောင်းနှင်လာသော မြင်းများနှင့်လည်းကောင်း၊ မြင်းရထားများ၏ အသံနှင့်လည်းကောင်း တူ၏။ 10 သူရို၏ မတုံးသည် ကင်းမီးကောက်၏ မတုံးနှင့် တူ၍ ဆူးဟိ၏။ သူရိုမတုံး၌ လူရိုအား ငါးလတိုင်တိုင် ဘေးဥပါဒ်ရောက်စီနိုင်သော အစွမ်းဟိ၏။ 11 သူရို၏ ဘုရင်ကား တွင်းနက်ကြီးကို အုပ်စိုးသော ကောင်းကင်တမန်ဖြစ်၏။ သူ၏နာမည်ကား ဟေဗြဘာသာ စကားအားဖြင့် အဗဒျန်ဟူ၍ လည်းကောင်း၊ ဟေလသဘာသာအားဖြင့် အပေါလျန်ဟူ၍ လည်းကောင်းဖြစ်၏။ အပေါလျန်၏ အနက်မှာ “ဖျက်ဆီးသူ” ဟူ၍ ဖြစ်သတည်း။ (Abyssos g12) 12 အမင်္ဂလာတစ်ပါး ကုန်လွန်လားပြီးနောက် အခြားသော အမင်္ဂလာနှစ်ပါး လာဦးမည်။ 13 ထို့နောက် ဆဋ္ဌမကောင်းကင်တမန်သည် မိမိ၏တံပိုးခရာကို မူတ်လိုက်သောအခါ ဘုရားသခင်၏ရှ်တော်၌ ဟိသော ရွှံ့ယဇ်ပလ္လင်၏ ထောင့်လေးထောင့်မှ ထွက်လာသောအသံကို ငါသည် ကြားရ၏။ 14 ထိုအသံက “ဥဖရတ်မြစ်ကြီးအနားမှာ ချိုင့်ထားသော ကောင်းကင်တမန်လေးပါးကို ဖြိုခွတ်လော့” ဟု ဆဋ္ဌမကောင်းကင်တမန်အား ဆို၏။ 15 ထိုကောင်းကင်တမန် လေးပါးရှိသည် လွတ်မြောက်ကြ၏။ သူရိုသည် ဤမည်သော အချိန်နာရီ၊ နံရက်၊ လ၊ နှစ်အဖို့ လူသားမျိုးနွယ်၏ လူဦးရေသုံးပုံတစ်ပုံကို သုတ်သင်ပစ်ရန် အတွက် အသင့်ဟိနိုင်သူများ ဖြစ်ကြ၏။ 16 မြင်းစီးသူရို၏ အရီအတွက်မှာ သန်းပေါင်း ၂၀၀ ဟိကြောင်းကို ငါသည် ကြားသိရ၏။ 17 ထို့အတူ ငါ၏ဗျာဒိတ်ရူပါရုံ၌ မြင်းစီးသူရိုသည် ကုန်ကဲ့သို့သော အဝါရောင်၊ နက်ပြာရောင်၊ မီးလျှံကဲ့သို့သော အနီရောင်ဟိသော ရင်အုပ်တန်ဆာတိကို ဝတ်ဆင်ထားကြသည်ကို ငါ မြင်ရ၏။ မြင်းများ၏ ဦးဂေါင်းများသည် ခြင်္သေ့ဦးဂေါင်းများနှင့် တူ၏။ သူရို၏ခံတွင်းမှ မီးလျှံ၊ မီးခိုး၊ ကန့်များ ထွက်လာ၏။ 18 ထိုသို့ သူရို၏ခံတွင်းမှ ထွက်လာသည့် မီးလျှံ၊ မီးခိုး၊ ကန့်တည်းဟူသော ကပ်သုံးပါးကြောင့် လူသားမျိုးနွယ်၏ လူဦးရေ သုံးပုံတစ်ပုံသည် သီဆိုးကြကုန်၏။ 19 မြင်းများ၏ အစွမ်းသည် သူရို၏ခံတွင်းနှင့် မတုံးများတွင် ဟိ၏။ သူရို၏ မတုံးများသည် မြွေများ၏ ဦးဂေါင်းတိနှင့်တူ၏။ ထိုမတုံးများဖြင့် လူရိုအား အန္တရာယ်ပြုကြ၏။ 20 ဤဘေးဒဏ်ဖြင့် မသိဘဲ ကျန်ဟိနိုင်သော သူရိုသည် မိမိရို၏ ဆိုးညစ်သော အကျင့်များမှ နောင်တရရန်နှင့် ဘုရားသခင်ထံသို့ ပြန်လှည့်ရန် ငြင်းပယ်ကြ၏။ ထိုသူရိုသည် နတ်မိစ္ဆာများကိုလည်းကောင်း၊ မျက်စိမမြင်၊ နားမကြား၊ မလှုပ်မယှားနိုင်သော ရွှံ့၊ ငွီ၊ ကြေး၊ ကျောက်၊ သစ်သားစသည်ဖြင့် ပြုလုပ်ထားသော ရုပ်တုများကိုလည်းကောင်း ကိုးကွယ်လျက်ပင် ဟိနိုင်ကြသိမ့်၏။ 21 သူရိုသည် လူ့အသက်ကို သတ်ခြင်း၊ ပြုစားခြင်း၊ ကာမဂုဏ်လိုက်စားခြင်း၊ သူ့ဥစ္စာခိုးခြင်း အပြစ်များကို ပြုကြသော်လည်း နောင်တမရကြပေ။

10 ထို့နောက် ခွန်အားကြီးသော ကောင်းကင်တမန်တစ်ပါးသည် ကောင်းကင်မှ ဆင်းသက်လာသည်ကို ငါမြင်ရ၏။ သူသည် မိုးတိမ်ကို ဝတ်ဆင်၍ သူ၏ဦးဂေါင်းပတ်လည်တွင် သက်တန့်တစ်ခု ဟိ၏။ သူ၏မျက်နှာသည် နီနှင့်တူ၏။

သူ၏ဦးထောက်သည် မီးတိုင်များ နှင့်တူ၏။ 2 သူသည် ဖွင့်ထားသော စာစောင်ငယ်ကို ကိုင်ထား၏။ ထိုသူ၏ ညာဖက်၌သည် ပင်လယ်ထက်၌လည်းကောင်း၊ ဘယ်ဖက်၌သည် ကုန်းမြီထက်၌လည်းကောင်း ရပ်လျက်လည်းကောင်း၊ 3 ခြင်္သေ့ဟောက်သကဲ့သို့ ကျယ်သောအသံဖြင့် ကြွေးကြော်၏။ ယင်းသို့ ကြွေးကြော်လိုက်သောအခါ မိုးကြိုးခြိမ်းသံခုနစ်ချက် မြည်လေ၏။ 4 ထိုသို့ မိုးကြိုးခြိမ်းသံခုနစ်ချက် မိန့်မြောက်သည်နှင့်ချက်ချင်း ငါသည် ထိုအရာများကို ရိုးမှတ်မည်ပြုစဉ်၊ “ရိုးမှတ်မထားကေ့။ မိုးကြိုးခြိမ်းသံ ခုနစ်ချက်က မိန့်မြောက်သည့် စကားကို တံဆိပ်ခပ်ထားလော့” ဟု ကောင်းကင်မှ ထွက်သောအသံကို ငါကြားရ၏။ 5 ထို့နောက် ပင်လယ်နှင့် ကုန်းမြီထက်တွင် ရပ်နိန်သော ကောင်းကင်တမန်သည် မိမိ၏ညာဖက်လက်ကို ကောင်းကင်သို့ မြှောက်၍၊ 6 ကမ္ဘာအဆက်ဆက် အသက်ရှင်တော်မူ၍ ကောင်းကင်၊ မြေကြီး၊ ပင်လယ်မှ စ၍ အရာခပ်သိမ်းကို ဖန်ဆင်းတော်မူသော ဘုရားသခင်၏ နာမတော်ကို တိုင်တည်လျက် “ထပ်၍ ကြန့်ကြာမှု ဟိလိမ့်မည် မဟုတ်။ (aiōn g165) 7 သို့ရာတွင် ဘုရားသခင်သည် မိမိ၏အစီခံ ပရောဖက်ရိုအား ဗျာဒိတ်ပီးတော်မူသည်နှင့်အညီ၊ သတ္တမကောင်းကင်တမန်သည် မိမိ၏ တံပိုးခရာကို မှတ်သောအခါ ကိုယ်တော်သည် မိမိ၏နက်နဲသော အကြံအစည်တော်များကို ပြီးမြောက်စီတော်မူမည်” ဟု ဆိုလေသည်။ 8 တဖန် ကောင်းကင်မှ ငါ ကြားရသောအသံကား “လားလော့။ ပင်လယ်နှင့် ကုန်းမြီထက်တွင် ရပ်နိန်သော ကောင်းကင်တမန်၏ လက်၌ ဖွင့်ထားသောစာလိပ်ကို ယူလော့” ဟု ငါ့အား ဆို၏။ 9 သို့ဖြစ်၍ ငါသည် ထိုကောင်းကင်တမန်ပါးသို့ လားပြီးလျှင် စာလိပ်ငယ်ကို ပီးရန် တောင်း၏။ ထိုကောင်းကင်တမန်ကလည်း “ဤစာလိပ်ငယ်ကို ယူ၍ စားလော့။ သင်၏ဝမ်း၌ ခါးလိမ့်မည်။ သို့ရာတွင် သင်၏ခံတွင်း၌မူကား ပျားရည်ကဲ့သို့ ချိုလိမ့်မည်” ဟု ဆို၏။ 10 ငါသည် ထိုကောင်းကင်တမန်၏လက်မှ စာလိပ်ငယ်ကို ယူ၍ စား၏။ ထိုစာလိပ်သည် ငါ၏ခံတွင်း၌ ပျားရည်ကဲ့သို့ ချို၏။ သို့ရာတွင် စားပြီးသောအခါ ဝမ်းထဲ၌ ခါးလေ၏။ 11 ထို့နောက် ကောင်းကင်တမန်က “သင်သည် များစွာသော လူ၊ တိုင်းနိုင်ငံ၊ ဘာသာစကား၊ သျှင်ဘုရင်ရိုနှင့် ပတ်သက်၍ ဘုရားသခင်၏ ဗျာဒိတ်တော်ကို နောက်တဖန် ဟောပြောရမည်” ဟု ငါ့အား ဆို၏။

11 ထို့နောက် ကောင်းကင်တမန်သည် ငါ့အား တိုင်းတာရန် ကျူရီးတစ်ချောင်းကို ပီးပြီးလျှင် “လား၍ ဘုရားသခင်၏ ဗိမာန်တော်နှင့် ယဇ်ပလ္လင်ကို တိုင်းလော့။ ထိုအရပ်တွင် ဝတ်ပြုကိုးကွယ်နိုင်သော သူရိုကိုလည်း ရှိတွက်လော့။ 2 သို့ရာတွင် ဗိမာန်တော်ဝင်းကို မတိုင်းကေ့။ အကြောင်းမူကား ထိုအရာကို အခြားလူမျိုးရိုအား ပီးထားသောကြောင့်ဖြစ်၏။ သူရိုသည် သန်ယှင်းသောမြို့တော်ကို လေးဆယ့်နှစ်လတိုင်တိုင် ခြံမြို့ နင်းကြလိမ့်မည်။ 3 ငါ၏ သက်သီခံနှစ်ပါးအား လျှော်တေအဝတ်ကို ဝတ်၍ ငါစီရွတ်မည်။ သူရိုသည် ရက်ပေါင်း ၁,၂၆၀ တိုင်တိုင် ပရောဖက်ပြု၍ ဟောပြောကြလိမ့်မည်” ဟု ဆို၏။ 4 ထိုသက်သီခံနှစ်ပါးကား မြေကြီးကို အစိုးပိုင်တော်မူသော အသျှင်၏ ရှိတော်၌ ဟိသော သံလွင်ပင်နှစ်ပင်နှင့် မီးခွက်နှစ်လုံးဖြစ်၏။ 5 တစ်စုံတစ်ယောက်သောသူက ထိုသက်သီခံနှစ်ပါးအား အန္တရာယ်ပြုလျှင် သူရို၏ခံတွင်းမှ မီးလျှံများထွက်၍ ထိုရန်ပြုသောသူကို ကျွမ်းလောင်စီလေ၏။ သူရိုအား အန္တရာယ်ပြုရန် ကြိုးစားသူ မှန်သမျှသည် ဤနည်းအတိုင်း သီကြရလိမ့်မည်။ 6 ထိုသူရိုသည် ဗျာဒိတ်တော်ကို ဟောပြောသည့် အချိန်ကာလအတွင်း မိုးမရွာစီရန် မိုးကောင်းကင်ကို ပိတ်နိုင်သော တန်ခိုးဟိကြ၏။ ရိုကို သွီးအဖြစ်သို့ ပြောင်းလဲစီနိုင်သော တန်ခိုးလည်း ဟိကြ၏။ သူရိုသည် မိမိရို့ အလိုဟိသည့်အခါတိုင်း ကမ္ဘာမြေကြီးကို ဘေးဒဏ်အမျိုးမျိုး သင့်စီနိုင်ကြ၏။ 7 သူရို၏ သက်သီခံဟောပြောသည့်အလုပ် ပြီးစီးသောအခါ၌ တွင်းနက်ကြီးထဲမှ သားရဲသည် တက်လာ၍ သူရိုအား တိုက်ခိုက်လိမ့်မည်။ ထို့နောက် သူသည် ထိုသူရိုကို အောင်နိုင်၍ အသိသတ်လိမ့်မည်။ (Abyssos g12) 8 သူရို၏ အလောင်းများသည် မြို့ကြီးများ၏ လမ်းမထက်၌ ဟိကြလိမ့်မည်။ ထိုမြို့ကား သူရို၏သခင်ဘုရားသည် လက်ဝါးကပ်တိုင်တွင် တင်၍အသတ်ခံရာ မြို့ဖြစ်၏။ ယင်းမြို့သည် သောဒုံမြို့ကို ဖြစ်စီ၊ အဲဂုတ္တာပြည်ကို ဖြစ်စီ ပုံဆောင်သောမြို့ဖြစ်သတည်း။ 9 တိုင်းနိုင်ငံအသီးသီး၌ ဟိသောဘာသာစကား အမျိုးမျိုးပြောကြသော လူမျိုးအနွယ်

အပေါင်းရှိသည် သူရို၏ အလောင်းများကို သင်္ဂြိုဟ်ရန် ခွင့်မပြုဘဲ သုံးရက်ခွဲတိုင်အောင် ကြည့်နိုင်ကြလိမ့်မည်။

10 မြီကြီးသားရှိသည် ပရောဖက်နှစ်ပါး သီဆုံးလားသည့်အတွက် ပွဲခံလျက် အချင်းချင်းလက်ဆောင်များကို ပီးကာ အောင်ပွဲခံကြလိမ့်မည်။ ဇာကြောင့်ဆိုသော် ထိုပရောဖက်နှစ်ပါးသည် မြီကြီးသားရှိအား ဒုက္ခများစွာကို ရောက်စီခကြသောကြောင့်ဖြစ်၏။ **11** သို့ရာတွင် သုံးရက်ခွဲကြာပြီနောက် ဘုရားသခင်သည် အသက်ဝိညာဉ်ကို ထိုသူရိုအထဲသို့ တဖန်မှုတ်သွင်းသဖြင့် သူရိုသည် ထ၍ မတ်တတ်ရပ်ကြ၏။ ဤအမှုအရာကို တို့မြင်သူ မြီကြီးသားရှိသည်လည်း ကြောက်ရွံ့ကြ၏။ **12** ထို့နောက် ပရောဖက်နှစ်ပါးရှိသည် “ဤအရပ်သို့ တက်လော့” ဟု မိမိရှိအား ကောင်းကင်မှ ကျယ်လောင်စွာပြောသော အသံကို ကြားရကြ၏။ ထိုသူရိုသည် သူရို၏ရန်သူတိ စောင့်ကြည့်နိုင်စဉ် မိုးတိမ်တိုက်ကို စီး၍ ကောင်းကင်သို့ တက်လားကြ၏။ **13** ထိုခဏ၌ ငလျင်ပြင်းထန်စွာ လှုပ်သဖြင့် မြို့၏ ဆယ်ပုံတစ်ပုံ ပျက်စီး၍ လူပေါင်း ၇,၀၀၀ သီဆုံးကြကုန်၏။ ကြွင်းကျန်သော သူရိုသည် ထိတ်လန့်လျက် ကောင်းကင်ဘုံသျှင် ဘုရားသခင်၏ ဘုန်းတော်ကို ချီးကျူးကြကုန်၏။ **14** ဒုတိယအမင်္ဂလာကား ကုန်လွန်လားသော်လည်း တတိယအမင်္ဂလာသည် မကြာခင် လာလိမ့်မည်။ **15** ထို့နောက် သတ္တမကောင်းကင်တမန်သည် မိမိ၏တံပိုးခရာကို မှုတ်လိုက်သောအခါ “အဂုတွင် လောကကို အုပ်စိုးမည့် အာဏာသည် ငါရို၏ သခင်ဘုရားနှင့် ကိုယ်တော်၏ မေသျှိယလက်ထဲသို့ ရောက်လာယာ။ ထိုသူသည် ကမ္ဘာအဆက်ဆက်စိုးစံတော် မူလိမ့်မည်” ဟု ကောင်းကင်မှ ကျယ်လောင်စွာပြောသော အသံများကို ကြားရ၏။ (aiōn g165) **16** ထိုအခါ ဘုရားသခင်၏ ရှိတော်၌ဟိသော ပလ္လင်ထက်တွင် ထိုင်လျက်နိုင်ကြသော အကြီးအကဲ ၂၄ ပါးရှိသည် ဘုရားသခင်အား ပျပ်ဝပ်ကိုးကွယ်လျက်၊ **17** “အတိတ်၊ ပစ္စုပ္ပန်ကာလရှိ၌ ဟိတော်မူသော အနန္တတန်ခိုးနှင့် ပြည့်စုံတော်မူသော အသျှင်ဘုရားသခင်၊ ကိုယ်တော်သည် မိမိ၏ မဟာတန်ခိုးတော်ကို ယူဆောင်တော်မူလျက် လောကကို စတင်အုပ်စိုးတော်မူပြီဖြစ်၍ ကျေးဇူးတော်ကို ချီးမွမ်းပါ၏။ **18** ကိုယ်တော်၏ အမျက်တော်သက်ရောက်ရာ ကာလသည် လည်းကောင်း၊ သီလွန်သောသူရိုကို တရားစီရင်တော်မူရာ ကာလသည် လည်းကောင်း အဂုအခါ ကျရောက်လာသည်ဖြစ်၍ မယုံကြည်သောသူအပေါင်းရှိသည် အမျက်ထွက်ကြပါ၏။ ကိုယ်တော်၏ အစီခံများဖြစ်ကြသော ပရောဖက်ရို၊ ဘုရားသခင်၏လူရို၊ ကိုယ်တော်ကို ကြောက်ရွံ့ရိုသိသောသူရို၊ အကြီးအငယ်ရိုကို ဆုလာဘ်ပီးရန် အချိန်ရောက်လာပြီဖြစ်၏။ ကမ္ဘာမြီကြီးကို ဖျက်ဆီးသောသူရိုအား ဖျက်ဆီးခြင်းငှာ အချိန်ကာလသည်လည်း ရောက်ဟိလာယာ” ဟု လျှောက်ထားကြ၏။ **19** ထိုအခါ ကောင်းကင်ဘုံ၌ ဘုရားသခင်၏ ဗိမာန်တော်တံခါးသည် ပွင့်လာသဖြင့် ဗိမာန်တော်ထဲ၌ ပဋိညာဉ်သေတ္တာတော်ကို ငါမြင်ရ၏။ ထို့နောက် လျှပ်စစ်များ ပြက်ခြင်း၊ မိုးခြိမ်ခြင်း၊ ငလျင်လှုပ်ခြင်း၊ ကြီးစွာသောမိုးသီးမုန်တိုင်း ကျရောက်ခြင်းများ ဖြစ်လေ၏။

12 ထို့နောက် ကောင်းကင်တွင် အတိတ်နိမိတ်ကြီးတစ်ရပ် ပေါ်လာသည်ကို ငါမြင်ရ၏။ မိန်းမတစ်ယောက်သည် နီကို ဝတ်ကာ၊ လက်၌ ခြံဖြင့်နင်းလျက် ကြယ်တစ်ဆယ်နှစ်လုံးပါသည့် သရဖူကို ဆောင်းထား၏။ **2** သူမသည် မကြာမီ မွီးဖွားမည်ဖြစ်၍ မွီးဖွားခြင်း ဝေဒနာကိုခံကာ အော်ခိုက်၏။ **3** အာကာပြင်တွင် အခြားသော အတိတ်နိမိတ်တစ်ခု ပေါ်လာ၏။ ဦးဂေါင်း ခုနစ်လုံး၊ ဦးဂြို ဆယ်ချောင်းဟိသော နဂါးနီကြီးတစ်ကောင်သည် မိမိ၏ဦးဂေါင်းများတင် သရဖူ ခုနစ်လုံးကို ဆောင်းထား၏။ **4** သူသည် အာကာပြင်၏ ကြယ်တာယာသုံးပုံ တစ်ပုံကို မိမိ၏မတုံးဖြင့် ဆွဲငင်၍ မြီကြီးထက်သို့ ပစ်ချလိုက်၏။ နဂါးကြီးသည် မွီးဖွားအံ့ဆဲဆဲဖြစ်သော မိန်းမ၏ရှိတွင် ရပ်လျက် မွီးဖွားသည်နှင့် တစ်ပြိုင်နက် သူမ၏သားငယ်ကို စားရန် စောင့်ခိုက်၏။ **5** ထို့နောက် ထိုမိန်းမသည် လူမျိုးတကာရိုကို သံလှံတံဖြင့် အုပ်စိုးမည့် သားယောက်ျားကို ဖွားမြင်လေ၏။ သို့သော် ထိုသားငယ်သည် ဘုရားသခင်ထံပါးသို့လည်းကောင်း၊ ကိုယ်တော်၏ ပလ္လင်တော်သို့လည်းကောင်း ချီဆောင်ခြင်းကို ခံရ၏။ **6** မိန်းမသည် တောကန္တာရ၌ ဘုရားသခင် ပျင်ဆင်ထားတော်မူသော အရပ်သို့ ထွက်ပြီးလေ၏။ ထိုအရပ်တွင် သူမသည် ရက်ပေါင်း ၁,၂၆၀ အထိ ပြုစုစောင့်ရှောက်ခြင်းကို ခံရ၏။ **7** ထို့နောက် ကောင်းကင်၌ စစ်ဖြစ်လေသည်။ မိကျွေလနှင့် သူ၏ကောင်းကင်တမန်ရှိသည်

နဂါးကို တိုက်ခိုက်ကြ၏။ နဂါးနှင့် သူ၏ ကောင်းကင်တမန်ရှိသည် ပြန်လှန်တိုက်ခိုက် ကြ၏။ 8 သို့သော် နဂါးသည် စစ်ယှုံးလေ၏။ သူနှင့် သူ၏ကောင်းကင်တမန်ရှိသည် ကောင်းကင်၌ နိန်ရန် အခွင့်မရကြပေ။ 9 မြို့ကြီးသားရဲအား လှည့်ဖြားသော နတ်မိစ္ဆာဟူ၍ လည်းကောင်း၊ စာတန်မာရ်နတ်ဟူ၍ လည်းကောင်း ခေါ်ဝေါ်ခြင်းကို ခံရသူ ရှိဟောင်း မြို့နဂါးကြီးသည် မိမိ၏ ကောင်းကင်တမန်တို့နှင့်အတူ မြို့ကြီးထက်သို့ ပစ်ချခြင်းကို ခံရလေ၏။ 10 ထို့နောက် ငါသည် ကောင်းကင်မှ ကျယ်လောင်သောအသံကို ကြားရသည်ကား၊ “အဂုအခါ ဘုရားသခင်၏ ကယ်တင်ခြင်းနှင့် တန်ခိုးတော်သည် သက်ရောက်လာလေယာ။ မေသျှိယသည်လည်း မိမိ၏အခွင့်အာဏာကို ပြတော်မူယာ။ ဇာကြောင့်ဆိုသော် ယုံကြည်သောသူရဲအား နို့ညမပြတ် ငါရို၏ဘုရားသခင် ရှိတော်၌ ပြစ်တင်စွပ်စွဲလျက် နိန်သောသူကို ကောင်းကင်ဘုံမှ နှင်ချလိုက်ပြီဖြစ်သောကြောင့်တည်း။ 11 ထိုသူရှိသည် သိုးသူငယ်တော်၏ အသွီးအားဖြင့် လည်းကောင်း၊ မိမိရှိဟောပြောကြေညာသည့် နှုတ်ကပတ်တရားတော်အားဖြင့် လည်းကောင်း စာတန်မာရ်နတ်ကို အောင်မြင်ခကြ၏။ သူရှိသည် အသိခံသည့်တိုင်အောင် မိမိရှိအသက်ကို မနုမိုးကြပေ။ 12 သို့ ဖြစ်၍ အချင်း ကောင်းကင်နှင့် ကောင်းကင်သားရဲ၊ ဝမ်းမြောက်ရွှင်မြူးကြလော့။ သို့ရာတွင် ကုန်းမြို့နှင့် ပင်လယ်ရိအတွက် အမင်္ဂလာဖြစ်ပါသည် တကား။ အကြောင်းမူကား မာရ်နတ်သည် မိမိ၏နိရိုက်ကာလသည် အနည်းချေသာ ကျန်ဟိသည်ကို သိသဖြင့် ပြင်းစွာအမျက်ထွက်လျက် သင်ရိုးပါးသို့ ရောက်လာပြီ ဖြစ်သောကြောင့်တည်း” ဟူ၍ ဖြစ်၏။ 13 ထိုနဂါးက မိမိသည် မြို့ကြီးသို့ ပစ်ချခြင်းခံရသည်ကို သိသောအခါ သားယောကျာ်းကို ဖွားမြင်သော မိန်းမအား လိုက်၍ဖမ်းလေ၏။ 14 ထိုမိန်းမသည် တောကန္တာရဟိသော မိမိအရပ်သို့ ပျံလားနိုင်ရန် လင်းယုန်ကြီးတစ်ကောင်၏ အတောင် နှစ်ခုကို ရဟိထား၏။ သူမသည် ထိုအရပ်တွင် သုံးနှစ်ခွဲတိုင်တိုင် နဂါး၏ ဘေးအန္တရာယ်မှ လွတ်ကင်းလျက် ပြုစုစောင့်ရှောက်ခြင်းကို ခံရလိမ့်မည်ဖြစ်၏။ 15 ထို့နောက် နဂါးသည် မိန်းမအား ရီအဟုန်ဖြင့် ပျော့ပါစီရန် မိမိ၏ ခံတွင်းမှ ရိုက် မြစ်ရီစီးသကဲ့သို့ မှုတ်ထုတ်လိုက်၏။ 16 သို့သော် မြို့ကြီးသည် မိမိ၏ခံတွင်းကို ဖွင့်၍ နဂါး မှုတ်ထုတ်လိုက်သော မြစ်ရီကို မျိုချကာ မိန်းမအား ကူညီလေ၏။ 17 ထိုအခါ နဂါးသည် ထိုမိန်းမကို ဒေါသထွက်သဖြင့် သူမ၏ ကျန်ကြွင်းသော သားမြီးများတည်းဟူသော ဘုရားသခင်၏ ပညတ်တော်များကို နာခံလိုက်လျှောက်ပြီး ယေသျှု ဖော်ပြတော်မူသော သမ္မာတရားတော်ကို စွဲလမ်းသောသူရဲအား တိုက်ခိုက်ရန် ထွက်ခွာလားလေ၏။

13 နဂါးသည် ပင်လယ်ကမ်းဦးတွင် ရပ်နိန်၏။ ထို့နောက် ပင်လယ်ထဲမှ ဦးဂြိုဆယ်ချောင်းနှင့် ဦးဂေါင်းခုနစ်လုံးဟိသော သားရဲတစ်ကောင် တက်လာသည်ကို ငါမြင်ရ၏။ သူ၏ ဦးဂြိုတစ်ချောင်းစီ၌ သရဖူဆောင်းထား၏။ သူ၏ ဦးဂေါင်းတစ်လုံးစီ၌လည်း ဘုရားသခင်၏ဘုန်းတော်ကို ယှုတ်ချသည့်အမည် ပါဟိ၏။ 2 ငါမြင်ရသည့် သားရဲသည် ကျားသစ်နှင့်တူ၏။ သူ၏ခြံသည် ဝက်ဝံခြံနှင့်တူ၍ သူ၏နှုတ်သည် ခြင်္သေ့၏နှုတ်နှင့် တူ၏။ နဂါးသည် မိမိ၏ တန်ခိုးနှင့် မိမိ၏ ပလ္လင်ကိုလည်းကောင်း၊ ကြီးမားသောအာဏာစက်ကိုလည်းကောင်း ထိုသားရဲအား ပီးအပ်လေ၏။ 3 သူ၏ဦးဂေါင်းတစ်လုံးမှာ သီလောက်သည့် ဒဏ်ရာရထားသကဲ့သို့ ဟိသော်လည်း ထိုဒဏ်ရာသည် ပျောက်ကင်းလျက် ဟိ၏။ မြို့ကြီးသားအပေါင်းရှိသည် ထိုသားရဲအား အံ့သြလျက် သူ၏နောက်သို့ လိုက်ကြကုန်၏။ 4 နဂါးသည် မိမိ၏အာဏာကို သားရဲအား အပ်နှင်းပီးသူဖြစ်သဖြင့် လူရှိသည် နဂါးကို ကိုးကွယ်ကြ၏။ လူရိုက “ဤသားရဲနှင့် ဇာသူတူပါသနည်း။ သူ့အား ဇာသူ ဆိုင်ပြိုင်တိုက်ခိုက်နိုင်ပါသနည်း” ဟု ဆိုလျက် သားရဲကိုလည်း ကိုးကွယ်ကြ၏။ 5 ထိုသားရဲသည် ကြားဝါ၍ ဘုရားသခင်အား ပြစ်မှားပြောဆိုခွင့်ကိုလည်းကောင်း၊ လေးဆယ့် နှစ်လပတ်လုံး အုပ်စိုးပိုင်သောအခွင့်ကိုလည်းကောင်း ရဟိထား၏။ 6 သူသည် ဘုရားသခင်နှင့် ကိုယ်တော်၏ နာမတော်ကိုလည်းကောင်း၊ ကိုယ်တော် ကိန်းဝပ်တော်မူရာကိုလည်းကောင်း၊ ကောင်းကင်ဘုံ၌ စံစားသောသူရဲကိုလည်းကောင်း ပြစ်မှားပြောဆိုရန် မိမိ၏နှုတ်ကို ဖွင့်လေ၏။ 7 သူသည် ဘုရားသခင်၏လူရဲအား တိုက်ခိုက်၍ အနိုင်ရသောအခွင့်နှင့် တိုင်းနိုင်ငံအသီးသီး၌ဟိသော ဘာသာစကားအမျိုးမျိုးကို ပြောဆိုသော

လူအမျိုးအနွယ်ခပ်သိမ်းအား အုပ်စိုးပိုင်သောအခွင့်ကိုလည်း ရဟိတထား၏။ 8 အသီသတ်ခြင်းကို ခံရသည့် သိုးသူငယ်တော်၏ အသက်စာစောင်တွင် လောကကို ဖန်ဆင်းတော်မမူခင်ကပင် စာရင်းဝင်သောသူရိယတစ်ပါး မြီကြီးသားအပေါင်းရှိသည် ထိုသားရဲအား ကိုးကွယ်ကြလိမ့်မည်။ 9 “ကြားစရာနား ဟိသောသူရှိသည်ကား ကြားကတ်ပါစီ။ 10 အဖမ်းခံရမည့်သူသည် အဖမ်းခံရမည်ဖြစ်၏။ ဒါးဘေးနှင့် သီရမည့်သူသည်လည်း ဒါးဘေးနှင့် သီရမည် ဖြစ်၏။ ဤအကြောင်းကား ဘုရားသခင်၏လူရှိသည် သည်းခံခြင်း၊ ယုံကြည်ခြင်း ဟိစီရန်ပင်ဖြစ်၏။” 11 ထို့နောက် အခြားသားရဲတစ်ကောင်ကို ငါ မြင်ရ၏။ သူသည် မြီကြီးထဲမှ ထွက်လာ၏။ သူ၌ သိုးဂြိုနှင့်တူသော ဦးဂြိုနှစ်ချောင်းဟိ၏။ သူသည် နဂါးကဲ့သို့ စကားပြော၏။ 12 သူသည် ပထမသားရဲ၏ အာဏာဟိသမျှကို ထိုသားရဲ၏ ရှိ၌ သုံးစွဲ၏။ သူသည် သီလောကသည့်ဒဏ်ရာမှ ပျောက်ကင်းသည့် ပထမသားရဲကို မြီကြီးသားရဲအား ကိုးကွယ်စီ၏။ 13 ဒုတိယသားရဲသည် အံ့ဩဖွယ်သော နိမိတ်လက္ခဏာများကို ပြ၏။ လူအပေါင်းရို့၏ မျက်မှောက်၌ ကောင်းကင်မှ မြီကြီးထက်သို့ မီးများကျလာစီ၏။ 14 သူသည် ပထမသားရဲ၏ ရှိ၌ ပြပိုင်ခွင့်ဟိသည့် နိမိတ်လက္ခဏာများကို ပြ၍ မြီကြီးသားရဲအား လှည့်ဖြားလေ၏။ ဒါးဒဏ်ရာကို ရဟိသော်လည်း အသက်ရှင်နိုင်သူ ထိုသားရဲအား ရှိသီဂုဏ်ပြုသည့် အနိန်ဖြင့် သူ၏ရုပ်တုကို ပြုလုပ်ရန် မြီကြီးသားရဲအား စီခိုင်း၏။ 15 ဒုတိယ သားရဲသည် ထိုရုပ်တုအား စကားပြောနိုင်ရန် လည်းကောင်း၊ ထိုရုပ်တုအား မကိုးကွယ်သောသူ အပေါင်းရို့ကို သီစီနိုင်ရန် လည်းကောင်း၊ ရုပ်တု၌ အသက်ကို သွင်းပီးရသောအခွင့်ကိုလည်းကောင်း ရ၏။ 16 ထိုသားရဲသည် ကြီးမြတ်သူနှင့် သိမ်ငယ်သူ၊ ချမ်းသာသူနှင့် ဆင်းရဲသူ၊ ကျွန်နှင့် ကျွန် မဟုတ်သောသူ၊ ဟိသမျှသောလူရို့အား လက်ယာလက်တွင်ဖြစ်စီ၊ နဖူးတွင်ဖြစ်စီ အမှတ်တံဆိပ်ရိုက်နှိပ်ထားစီ၏။ 17 ထိုအမှတ်တံဆိပ်တည်းဟူသော သားရဲ၏ နာမည် ဖြစ်စီ၊ ထိုနာမည်ကို ကိုယ်စားပြုသော ကိန်းဂဏန်းဖြစ်စီ တစ်ခုခုကို ရိုက်နှိပ်မထားသောသူသည် ရောင်းဝယ်ခွင့်မရ။ 18 ဤသည်ကား ဉာဏ်ပညာ ဟိစီရန်ပင် ဖြစ်၏။ ဉာဏ်ပညာဟိသောသူသည် သားရဲ၏ ကိန်းဂဏန်းအနက်ကို တွက်ချက်နိုင်၏။ ထိုကိန်းဂဏန်းသည် လူတစ်ယောက်၏ နာမည်ကို ကိုယ်စားပြု၏။ အကြောင်းမူကား ထိုကိန်းဂဏန်းသည် ၆၆၆ ဖြစ်သတည်း။

14 ထို့နောက် ငါ ကြည့်လိုက်သောအခါ ဇီအုန်တောင်ထက်တွင် သိုးသူငယ်တော် ရပ်နိုင်သည်ကို မြင်ရ၏။ သူ၏နာမနှင့် ခမည်းတော်၏နာမ တော်ကို နဖူးထက်တွင် ရီးမှတ်ထားသော လူပေါင်း ၁၄၄,၀၀၀ ရှိသည် သိုးသူငယ်တော်နှင့်အတူ ဟိကြ၏။ 2 ကောင်းကင်မှ သမုဒ္ဒရာဟုန်းသံနှင့် မိုးကြိမ်းသံကဲ့သို့သော အသံကို ငါကြားရ၏။ ထိုအသံသည် စောင်းသမားရို့တီးသည့် စောင်းသံနှင့်တူ၏။ 3 ထိုလူ ၁၄၄,၀၀၀ ရှိသည် ပလ္လင်တော်ရှိ၌ လည်းကောင်း၊ သက်ဟိသတ္တဝါလေးပါးနှင့် အကြီးအကဲရို့၏ ရှိ၌ လည်းကောင်း ရပ်လျက် တေးခြင်းသစ်ကို သီဆိုကြ၏။ လူသားအပေါင်းရို့အထဲမှ ရှိုးနုတ်ကယ်တင်ခြင်းခံရသောလူ ၁၄၄,၀၀၀ မှတစ်ပါး အခြားစာသူမျှ ထိုတေးခြင်းကို မသီဆိုတတ်ကြ။ 4 ထိုသူရို့သည် ကာမဂုဏ်ခံစားမှုနှင့် ကင်းလွတ်သော သူတိဖြစ်၍ သိုးသူငယ်တော် လားလေရာ အရပ်သို့ လိုက်ကြ၏။ သူရို့သည် လူတိအထဲက ရှိုးနုတ်ကယ်တင်ခြင်းကို ခံရသဖြင့် ဘုရားသခင်နှင့် သိုးသူငယ်တော်၏ အဦးသီးသော အသီးများဖြစ်ကြ၏။ 5 သူရို့နှုတ်၌ မုသားမဟိ။ အပြစ်ကင်းစင်သော သူတိဖြစ်ကြ၏။ 6 ထို့နောက် ကောင်းကင်အလယ်တွင် တခြားသော ကောင်းကင်တမန်တစ်ပါး ပျံလျက်နိုင်သည်ကို ငါ မြင်ရ၏။ သူသည် တိုင်းနိုင်ငံအသီးသီး၌ဟိသော ဘာသာစကား အမျိုးမျိုးကိုပြောဆိုသော လူအမျိုးအနွယ်ခပ်သိမ်းရို့အား ဟောပြောရန် ထာဝရနှင့်ဆိုင်သော သတင်းကောင်းကို ယူဆောင်လာ၏။ (aiōnios g166) 7 ထိုကောင်းကင်တမန်က “ဘုရားသခင်ကို ကြောက်ရွံ့ရှိသီ၍ ဂုဏ်တော်ကို ချီးမွမ်းကြလော့။ အကြောင်းမူကား ကိုယ်တော်၏ တရားစီရင်တော်မူရာ နို့ရက်သည် ရောက်လာယာ။ ကောင်းကင်နှင့် မြီကြီးကိုလည်းကောင်း၊ ပင်လယ်နှင့် စမ်းရီပေါက်များကိုလည်းကောင်း ဖန်ဆင်းတော်မူသော အသျှင်ကို ကိုးကွယ်ကြလော့” ဟု ကျယ်လောင်သောအသံဖြင့် ကြွေးကြော်လေ၏။ 8 ထို့နောက် ဒုတိယ ကောင်းကင်တမန်သည် လာပြီး “ဗာဗုလုန်မြို့ကြီး ပြိုကျလားယာ၊ ပြိုကျလားယာ။ ထိုမြို့သည်

ကာမဂုဏ်လိုက်စားမှုတည်းဟူသော စပျစ်ရည်ကို လူမျိုးတကာရိုအား တိုက်လေယာ” ဟု ကြွေးကြော်၏။ 9 ထို့နောက် တတိယ ကောင်းကင်တမန်သည် လာ၍ “သားရဲနှင့် ထိုသားရဲ၏ရုပ်တုကို ကိုးကွယ်ကာ ထိုသားရဲ၏ အမှတ်တံဆိပ်ကို နုပွဲ၍ ဖြစ်စီ၊ လက်၌ ဖြစ်စီ ရိုက်နှိပ်ထားသောသူသည်။ 10 ဘုရားသခင်၏ အမျက်တော်ဖလားမှ ပြင်းထန်သော ဒေါသတည်းဟူသော စပျစ်ရည်ကို သောက်ရလိမ့်မည်။ ထိုသူသည် သန့်ယှင်းသောကောင်းကင်တမန်တို့နှင့် သိုးသူငယ်တော်၏ ရှိ၍ ကန်နှင့်ရောသော မီးထဲတွင် နှိပ်စက်ညှဉ်းဆဲခြင်းကို ခံရလိမ့်မည်။ 11 ထို ညှဉ်းဆဲခြင်း၏ မီးခိုးသည် ထာဝရကာလပတ်လုံး အထက်သို့ တက်လျက်နိန်၏။ သားရဲနှင့် ၎င်း၏ရုပ်တုကို ကိုးကွယ်၍ ၎င်း၏နာမည် တံဆိပ်ခတ်နှိပ်ခြင်းကို ခံရသောသူ အပေါင်းရှိသည် နို့ညမပြတ် သက်သာရာရလိမ့်မည် မဟုတ်” ဟု အသံကျယ်လောင်စွာ ကြွေးကြော်လေ၏။ (aiōn g165) 12 ဤကား ဘုရားသခင်၏ပညတ်တော်ကို နာခံလိုက်လျှောက်၍ ယေသျှု၌ သစ္စာဟိကြသော ဘုရားသခင်၏လူရိုအဖို့ သည်းခံနိုင်ခြင်း ဟိစီရန်ပင် ဖြစ်၏။ 13 တဖန် “ရိုးမှတ်ထားလော့။ အဂ္ဂအချိန်မှစ၍ သခင်ဘုရား၌ သီလူန်သောသူရှိသည် မင်္ဂလာဟိကြ၏” ဟု ဆိုသော ကောင်းကင်မှ အသံကို ငါကြားရ၏။ ဝိညာဉ်တော်ကလည်း “အမှန်ပင်ဖြစ်၏။ သူရှိသည် ဆင်းရဲပင်ပန်းစွာ လုပ်ဆောင်ခြင်းမှ အနားယူခွင့်ကို ရဟိကြလိမ့်မည်။ အကြောင်းမူကား သူရို၏ လုပ်ဆောင်သောအကျိုးသည် သူရိုနှင့်အတူ လိုက်ပါလျက် ဟိသောကြောင့်ဖြစ်၏” ဟု မိန့်တော်မူ၏။ 14 ထို့နောက် ငါ ကြည့်လိုက်သောအခါ ဖြူသောမိုးတိမ်တစ်ခုကို မြင်ရ၏။ ထိုမိုးတိမ်ထက်တွင် လူသားနှင့်တူသော သူတစ်ဦးသည် ထိုင်နိန်၏။ သူ၏ ဦးဂေါင်း၌ ရွှံသရဖူကို ဆောင်းထား၏။ လက်ထဲတွင် ပြတ်သောတန်းစဉ်ကို ကိုင်ထား၏။ 15 ထို့နောက် တခြားသော ကောင်းကင်တမန်တစ်ပါးသည် ဗိမာန်တော်မှ ထွက်လာ၍ မိုးတိမ်ထက်တွင် ထိုင်နိန်သောသူအား “မြီကြီးထက်၌ စပါးရိတ်သိမ်းရန် အချိန်ရောက်လာပြီ ဖြစ်သောကြောင့်၊ ကိုယ်တော်၏ တန်းစဉ်ကို ယူ၍ ရိတ်သိမ်းတော်မူပါ” ဟု အသံကျယ်လောင်စွာပြောဆို၏။ 16 ထို့ကြောင့် မိုးတိမ်ထက်တွင် ထိုင်နိန်သောသူက မိမိ၏တန်းစဉ်ကို မြီကြီးထက်သို့ ဝှေ့ယမ်းကာ မြီကြီးမှ စပါးများကို ရိတ်တော်မူ၏။ 17 ထို့နောက် တခြားသော ကောင်းကင်တမန်တစ်ပါးသည် ကောင်းကင်ဘုံ၌ ဟိသော ဗိမာန်တော်မှ ထွက်လာ၏။ ထိုသူသည်လည်း ပြတ်သော တန်းစဉ်ကို ကိုင်ထား၏။ 18 ထို့နောက် မီးကို အစိုးရသော ကောင်းကင်တမန်သည် ယဇ်ပလ္လင်တော်မှ ထွက်လာ၏။ သူသည် တန်းစဉ်ကို ကိုင်ထားသည့် ကောင်းကင်တမန်အား “မြီကြီးထက်၌ စပျစ်သီး မှည့်နိန်ယာဖြစ်သောကြောင့် သင်၏ တန်းစဉ်ကို ယူ၍ စပျစ်သီးများကို ရိတ်သိမ်းလော့” ဟု ကျယ်လောင်သောအသံဖြင့် ပြော၏။ 19 သို့ဖြစ်၍ ထိုကောင်းကင်တမန်သည် မိမိတန်းစဉ်ကို ယူ၍ မြီကြီးထက်က စပျစ်သီးများကို ရိတ်သိမ်းလေ၏။ ထို့နောက် စပျစ်သီးများကို ဘုရားသခင်၏ အမျက်တော်တည်းဟူသော စပျစ်သီးနယ်ရာ ကျင်းထဲသို့ သွန်ချလိုက်၏။ 20 ထိုစပျစ်သီးများကို မြို့ပြင်တွင် နယ်၍ စပျစ်သီးနယ်ရာ တွင်းမှ မြင်းဇက်ကြိုးထိတိုင်အောင် သွီးချောင်းစီးထွက် လာ၏။ ထိုသွီးချောင်းသည် အလျားမိုင် ၂၀၀၊ အနက် ငါးပေခန့် ဟိသတည်း။

15 ထို့နောက် ငါသည် ကောင်းကင်တွင် အံ့သြဖွယ်ကောင်းသည့် အတိတ်နိမိတ်ကြီးတစ်ရပ်ကို မြင်ရပြန်၏။ ထိုအတိတ်နိမိတ်ကား ကပ်ဘေးခုနစ်ပါးကို ယူဆောင်လာသော ကောင်းကင်တမန် ခုနစ်ပါးဖြစ်၏။ ထိုကပ်ရောဂါများသည် ဘုရားသခင်၏ အမျက်တော်ကို အဆုံးသတ် အကောင်အထည် ဖော်ခြင်းပင်ဖြစ်၍ နောက်ဆုံးကျရောက်လာမည့် ကပ်ဘေးများဖြစ်ပေ၏။ 2 ထို့နောက် မီးနှင့်ရောသည့် ဖန်ရိုက်နှင့်တူသော အရာတစ်ခုကို ငါမြင်ရ၏။ သားရဲနှင့် သူ၏ရုပ်တုအား လည်းကောင်း၊ ကိန်းဂဏန်း၏ နာမည်ကို ပိုင်ဆိုင်သူအား လည်းကောင်း အောင်နိုင်သောသူရိုကို ငါမြင်ရ၏။ သူရှိသည် ဘုရားသခင် ပီးတော်မူသော စောင်းများကို ကိုင်လျက် ဖန်ရိုက်အနားတွင် ရပ်လျက်နိန်ကြ၏။ 3 သူရှိသည် ဘုရားသခင်၏ အစီခံ မောသျှု၏ တေးခြင်းနှင့် သိုးသူငယ်တော်၏ တေးခြင်းကို သီဆိုကြသည်ကား၊ “အနန္တတန်ခိုးသျှင် ဘုရားသခင်၊ ကိုယ်တော်ပြုတော်မူသော အမှုများသည် အလွန်ကြီးမြတ်၍

အံ့သြဖွယ်ကောင်းလှပါသည်တကား။ လူမျိုးတကာရှိ၏ ဘုရင်၊ ကိုယ်တော်သျှင်၏ နည်းလမ်းတော်များသည် အလွန်မျှတ မှန်ကန်လှပါသည်တကား။ 4 အို ဘုရားသခင်၊ ကိုယ်တော်ကို မကြောက်ရွံ့ မရိုသေ၊ မချီးမွမ်းဘဲ ဇာသုန်နိုင်ပါမည်နည်း။ ကိုယ်တော်တစ်ပါးတည်းသာလျှင် သန့်ယှင်းမြင့်မြတ်တော်မူပါ၏။ ကိုယ်တော်ပြုတော်မူသော အမှုများသည် ဖြောင့်မတ်မှန်ကန်ကြောင်း ပေါ်လွင်ထင်ရှားသဖြင့် လူမျိုးတကာရှိသည် ရှိတော်သို့ လာ၍ ပျပ်ဝပ်လျက် ချီးမွမ်းကိုးကွယ်ကြပါလိမ့်မည်” ဟူ၍ ဖြစ်၏။ 5 ထို့နောက် ကောင်းကင်ဘုံ၌ ပဋိညာဉ်တော်ဟိရာ ဗိမာန်တော်သည် ပွင့်လာသည်ကို ငါ မြင်ရ၏။ 6 ထိုအခါ ကပ်ဘေးခုနစ်ပါးကို သယ်ဆောင်လာသော ကောင်းကင်တမန် ခုနစ်ပါးသည် ဗိမာန်တော်ထဲမှ ထွက်လာကြ၏။ သူရိသည် ကြည်လင်တောက်ပသော ပိတ်ချောထည်ကို ဝတ်ဆင်၍ ရွှံ့ရင်စည်းကို ပတ်ထားကြ၏။ 7 ထို့နောက် သက်တိသတ္တဝါ လေးပါးအနက် တစ်ပါးသည် ကာလအစဉ်အမြဲ အသက်ရှင်တော်မူသော ဘုရားသခင်၏ အမျက်တော်ပြည့်လျက်ဟိသည့် ရွှံ့ဖလားခုနစ်လုံးကို ကောင်းကင်တမန်ခုနစ်ပါးရို့အား ပီးလေ၏။

(aiñ g165) 8 ဘုရားသခင်၏ ဘုန်းတန်ခိုးတော်ကြောင့် ဗိမာန်တော်သည် မီးခိုးနှင့်ပြည့်လျက်ဟိ၏။ သို့ဖြစ်၍ ကောင်းကင်တမန် ခုနစ်ပါးသယ်ဆောင်လာသည့် ကပ်ဘေးခုနစ်ပါး ပြီးဆုံးသည်ထိ ဇာသုမျှ ဗိမာန်တော်ထဲသို့ မဝင်နိုင်။

16 ထို့နောက် ဗိမာန်တော်ထဲမှ ကျယ်လောင်သောအသံထွက်ပေါ်လာသည်ကို ငါ ကြားရ၏။ ထိုအသံသည်ကား ကောင်းကင်တမန် ခုနစ်ပါးရို့အား “ဘုရားသခင်၏ အမျက်တော်ခွက်ဖလား ခုနစ်လုံးကို မြီကြီးသို့ သွန်းလောင်းလော့” ဟူ၍ ဖြစ်၏။ 2 ပထမကောင်းကင်တမန်သည် လား၍ မိမိ ခွက်ဖလားမှ အမျက်တော်ကို မြီကြီးထက်သို့ သွန်ချလိုက်၏။ ထိုအခါ သားရဲ၏ အမှတ်တံဆိပ်ခတ်နိုင်ခြင်း ခံရသောသူရိနှင့် သူ၏ ရပ်တုကို ကိုးကွယ်ကြသော သူရိတွင် အလွန်ဆိုးရွားသော အနာစိမ်းများ ပေါက်ကြလေ၏။ 3 ထို့နောက် ဒုတိယကောင်းကင်တမန်သည် မိမိခွက်ဖလားမှ အမျက်တော်ကို မြီကြီးသို့ သွန်ချလေ၏။ ထိုအခါ ပင်လယ်ရီသည် လူအသီကောင်၏ သွီးကဲ့သို့ ဖြစ်လေ၏။ ပင်လယ်ထဲ၌ အသက်ရှင်ကြကုန်သော သတ္တဝါဟူသမျှသည် သီဆုံးကြ၏။ 4 ထို့နောက် တတိယကောင်းကင်တမန်သည် မိမိခွက်ဖလားမှ အမျက်တော်ကို မြစ်များ၊ စမ်းပေါက်များ အထက်၌ သွန်ချလေ၏။ ထိုအခါ ရီများသည် သွီးအတိဖြစ်လေ၏။ 5 ရီကိုစောင့်သည့် ကောင်းကင်တမန်က “အတိတ် ပစ္စုပ္ပန်ကာလ၌ ဟိတော်မူ၍ သန့်ယှင်းမြင့်မြတ်တော်မူသော အသျှင်၊ ကိုယ်တော်၏ စီရင်တော်မူချက်သည် ဖြောင့်မတ်ပါ၏။ 6 ထိုသူရိသည် ဘုရားသခင်၏လူရိနှင့် ပရောဖက်ရို့၏ သွီးကို လောင်းခကြသဖြင့် ကိုယ်တော်သည် သူရိသောက်ရန် သွီးကို ပီးတော်မူထားယာ။ ထိုသူရိသည်လည်း ခံထိုက်သော ပြစ်ဒဏ်ကို ခံရကြပါ၏” ဟု လျှောက်ထား၏။ 7 ထို့နောက် ယဇ်ပလ္လင်မှ အသံတော်သည်ကား “အနန္တတန်ခိုးသျှင် ဘုရားသခင်၊ ကိုယ်တော် စီရင်တော်မူချက်ရှိသည် မှန်ကန်၍ တရားမျှတပါ၏” ဟု လျှောက်ထားသည်ကို ငါကြားရ၏။ 8 ထို့နောက် စတုတ္ထ ကောင်းကင်တမန်သည် မိမိခွက်ဖလားကို နီထက်သို့ သွန်ချလိုက်၏။ ထိုအခါ နီသည် လူတိအား အပူဟိန်ဖြင့် လောင်ကျွမ်းစီနိုင်သောအခွင့်ကို ရလေ၏။ 9 လူရိသည် အားကြီးသော အပူဟိန်ဖြင့် လောင်ကျွမ်းခြင်းကို ခံရသဖြင့် ကပ်ဘေးများကို အစိုးရသော ဘုရားသခင်၏နာမတော်ကို ကျိန်ဆဲကြ၏။ သို့သော် သူရိသည် နောင်တရရန်နှင့် ကိုယ်တော်၏ ဂုဏ်တော်ကို ချီးမွမ်းဖို့ရန် ငြင်းပယ်ကြ၏။ 10 ထို့နောက် ပဉ္စမကောင်းကင်တမန်သည် မိမိခွက်ဖလားကို သားရဲ၏ပလ္လင်ထက်သို့ သွန်းလောင်းလေ၏။ ထိုအခါ သားရဲ၏ နိုင်ငံသည် မှောင်မိုက် အတိဖြစ်လေ၏။ ထိုနိုင်ငံသားရို့သည် ဝေဒနာခံရသောကြောင့် မိမိရို့၏ လျှာကို ကိုက်ကြလေ၏။ 11 မိမိရို့၏ ဝေဒနာနှင့် အနာစိမ်းများကြောင့် ကောင်းကင်ဘုံသျှင် ဘုရားသခင်ကို ကျိန်ဆဲကြ၏။ သို့ရာတွင် မိမိရို့၏ ဆိုးညစ်သောအကျင့်များမှ နောင်တမရကြ။ 12 ထို့နောက် ဆဋ္ဌမ ကောင်းကင်တမန်သည် မိမိ၏ ဖလားကို ဥပရတ်မြစ်ကြီးထက်သို့ သွန်ချလိုက်၏။ ထိုအခါ အရှိအရပ်မှ လာသော သျှင်ဘုရင်ရို့အတွက် လမ်းဖြစ်စီခြင်းငှာ မြစ်ရီသည် ခန်းခြောက်လားလေ၏။ 13 ထို့နောက် ဖားနှင့်တူသည့် ညစ်ညူးသော ဝိညာဉ်သုံးပါးကို ငါ မြင်၏။

သူရိသည့် နဂါး၊ သားရဲ၊ မိစ္ဆာပရောဖက်ရို၏ ခံတွင်းအသီးသီးမှ ထွက်လာကြ၏။ 14 သူရိသည့် နိမိတ်လက္ခဏာများကို ပြနိုင်သော နတ်မိစ္ဆာများ၏ ဝိညာဉ်များဖြစ်ကြ၏။ အနန္တတန်ခိုးသျှင် ဘုရားသခင်၏ နိရက်ကြီး၌ စစ်ပွဲဝင်ရန် တစ်လောကလုံးတွင်ဟိသော သျှင်ဘုရင်တို့ကို စုရုံးခြင်းငှာ သူရိသည့် ထွက်လားကြ၏။ 15 “နားထောင်ကြလော့၊ ငါသည် သူရိုးကဲ့သို့ လာမည်။ သို့ဖြစ်၍ မိမိ၏အဝတ်များကို သတိနှင့်စောင့်ကြပ်သောသူသည် မင်္ဂလာဟိ၏။ အကြောင်းမူကား လူရို၏ရှိ၌ အဝတ်မပါဘဲ သွားလာ၍ အရှက်မရစီရန် ဖြစ်၏။” 16 ထို့နောက် ဝိညာဉ်ရိသည့် သျှင်ဘုရင်ရိုအား ဟေဗြာသာအားဖြင့် အာမဂေဒုန်ဟု နာမည်တွင်သော အရပ်သို့ ခေါ်ဆောင်စုရုံးစီကြ၏။ 17 သတ္တမကောင်းကင်တမန်သည် မိမိခွက်ဖလားကို လီထဲသို့ သွန်ချလိုက်၏။ ထိုအခါ ဗိမာန်တော်၏ အတွင်း၌ဟိသော ပလ္လင်တော်မှ “အမှု ပြီးယာ” ဟု ကျယ်လောင်သော အသံထွက်ပေါ်လာ၏။ 18 ထို့နောက် လျှပ်စစ်ပြက်ခြင်း၊ အသံမြည်ခြင်း၊ မိုးကြိမ်းခြင်း၊ ငလျင်ပြင်းစွာလှုပ်ခြင်းများ ဖြစ်လေ၏။ လူသားမျိုးနွယ်ကို ဖန်ဆင်းကတည်းမှစ၍ ဤမျှလောက် ပြင်းထန်သော ငလျင်လှုပ်ခြင်း မဟိဖူးခပေ။ 19 မြို့ကြီးသည် သုံးပိုင်းကွဲလေ၏။ အလုံးစုံသော တိုင်းနိုင်ငံ၌ ဟိသော မြို့များသည်လည်း ပြိုပျက်ကုန်၏။ ဘုရားသခင်သည် ဗာဗုလုံမြို့ကြီးကို သတိရတော်မူလျက် မိမိ၏ခွက်ဖလားမှ ပြင်းထန်သော အမျက်တော်တည်းဟူသော စပျစ်ရည်ကို သောက်စီတော်မူ၏။ 20 ကျွန်းဟိသမျှသည် ပျောက်လားကုန်၏။ တောင်များသည် ကွယ်ပျောက်လား၏။ 21 အာကာပြင်မှ ပိသသာတစ်ရာမျှ အလီးချိန်ဟိသော မိုးသီးကြီးများသည် လူရိုအထက်သို့ ကျကြကုန်၏။ ထိုဆိုးရွားလှသော မိုးသီးဘေးဒဏ်ကြောင့် လူရိသည့် ဘုရားသခင်ကို ကျိန်ဆဲကြ၏။

17 ထို့နောက် ဖလားခုနစ်လုံးကို ကိုင်ထားသော ကောင်းကင်တမန် ခုနစ်ပါးအနက် တစ်ပါးသည် ငါးပါးသို့ လာ၍ “လာလော့၊ မြစ်များအနားတွင် တည်ဟိသော မြို့ကြီးတည်းဟူသော ပြည့်တန်ဆာမကြီး ခံရသည့် အပြစ်ဒဏ်ကို သင့်အား ငါပြမည်။ 2 မြို့ကြီးထက်၌ဟိသော သျှင်ဘုရင်များသည် ထိုမိန်းမနှင့် ကာမဂုဏ်ခံစားခဲ့ကြ၏။ လောကီသားရိုသည်လည်း သူမ၏ ကာမဂုဏ်ခံစားမှုတည်းဟူသော စပျစ်ရည်နှင့် မူးယစ်ခဲ့ကြ၏” ဟု ဆို၏။ 3 ထို့နောက် ကောင်းကင်တမန်သည် ဝိညာဉ်တော်အားဖြင့် ငါ့အား တောကန္တာရသို့ ဆောင်ယူလေ၏။ ထိုအရပ်တွင် နီရဲသောသားရဲထက်၌ ထိုင်နိုင်သော မိန်းမတစ်ယောက်ကို ငါမြင်ရ၏။ သားရဲ၏ ကိုယ်တစ်ခုလုံးတွင် ဘုရားသခင်၏ ဘုန်းတော်ကို ယှဉ်ချသည့် အမည်နာမများကို ရိုးသားထား၏။ ထိုသည့် ဦးဂေါင်းခုနစ်လုံးနှင့် ဂြိုဟ်ဆယ်ချောင်း ဟိ၏။ 4 ထိုမိန်းမသည် အနီနှင့် မရမ်းစိုရောင် အဝတ်များကို ဝတ်လျက် ရွှံ့၊ ကျောက်မျက်ရတနာ၊ ပုလဲ စသောတန်းဆာများကို ဆင်ယင်ထား၏။ သူမသည် ကာမဂုဏ်လိုက်စားမှုဆိုင်ရာ စက်ဆုပ်ရွံရှာဖွယ်ကောင်းသော ညစ်ညမ်းမှုများနှင့် ပြည့်နိုင်သည့် ရွှံ့ဖလားကို ကိုင်ထား၏။ 5 သူမ၏ နဖူးထက်တွင် “ပြည့်တန်ဆာအပေါင်းနှင့် လောက၌ စက်ဆုပ်ဖွယ်ရာများ၏ မိခင်၊ ဗာဗုလုံမြို့ကြီး” ဟူ၍ အနက်ဟိသော နာမကို ရိုးထိုးထား၏။ 6 ထိုမိန်းမသည် ဘုရားသခင်လူရို၏ အသွီးကိုလည်းကောင်း၊ ယေသျှုအကြောင်းကို သက်သိခံသောကြောင့် အသတ်ခံရသောသူရို၏ အသွီးကိုလည်းကောင်း သောက်၍ ယစ်မူးလျက် ဟိသည်ကို ငါ တွိမြင်ရ၏။ သူမကို မြင်ရသောအခါ ငါသည် လွန်စွာအံ့ဩ၍ နိန်၏။ 7 ကောင်းကင်တမန်က “ဇာကြောင့် အံ့ဩသနည်း” ဟု ငါ့ကို မိန်းမလေ၏။ “ထိုမိန်းမ၏ လျှို့ဝှက်သည့် အနက်အဓိပ္ပာယ်ကိုလည်းကောင်း၊ သူမစီးနိုင်သော ဦးဂေါင်းခုနစ်လုံးနှင့် ဂြိုဟ်ဆယ်ချောင်းဟိသည့် သားရဲ၏လျှို့ဝှက်သည့် အနက်အဓိပ္ပာယ်ကိုလည်းကောင်း ငါပြောပြမည်။ 8 သင်မြင်ရသည့် သားရဲသည် တစ်ခါက အသက်ရှင်ခသော်လည်း အဂု အသက်မရှင်ယာ။ သူသည် တွင်းနက်ကြီးထဲမှ တက်လာပြီးလျှင် ဖျက်ဆီးခြင်းကို ခံရလိမ့်မည်။ လောကကို မဖန်ဆင်းခင်ကပင် အသက်စာစောင်စာရင်းတွင် မပါသူ မြို့ကြီးသားရိုသည် ထိုသားရဲကို မြင်သောအခါ အံ့ဩကြလိမ့်မည်။ သူသည် အယင်က အသက်ရှင်ခ၏။ အဂု အသက်မရှင်သော်လည်း နောက်တဖန် အသက်ရှင်လာဦးမည်။ (Abyssos g12) 9 “ဤအမှုအရာနှင့် ပတ်သက်၍ ဉာဏ်ပညာနှင့် အသိတရားဟိရန် လိုပေသည်။ ဦးဂေါင်းခုနစ်လုံးသည် မိန်းမထိုင်နိုင်သည့်

တောင်ခုနစ်လုံးကို ဆိုလို၏။ သျှင်ဘုရင်ခုနစ်ပါးကိုလည်း ဆိုလို၏။ 10 ထိုသျှင်ဘုရင်ရို့ထဲမှ ငါးပါးကား သီကျလားခယာ။ တစ်ပါးသည် အသက်ရှင်လျက် ဟိ၏။ အခြားတစ်ပါးကား မပေါ်ထွန်းသိမ့်ပေ။ ပေါ်ထွန်းလာလျှင်လည်း တဒင်္ဂမျှသာ အုပ်စိုးရလိမ့်မည်။ 11 အယင်က အသက်ရှင်ခ၍ အဂုအသက်မရှင်သည့် သားရဲသည် အဋ္ဌမမြောက် ဘုရင်ဖြစ်၏။ သူသည် ဘုရင်ခုနစ်ပါးထဲက တစ်ပါးဖြစ်ပြီး ဖျက်ဆီးခံရလိမ့်မည်။ 12 “သင်မြင်ရသည့် ပြုဆယ်ချောင်းတိကား မင်းအာဏာစက်ကို မရသိမ့်သော သျှင်ဘုရင် ဆယ်ပါးဖြစ်၏။ သူရို့သည် သားရဲနှင့်အတူ တစ်နာရီစီ သျှင်ဘုရင်အဖြစ် အုပ်စိုးခွင့်ရမည် သူတို့ဖြစ်၏။ 13 ထိုဘုရင်ရို့တွင် ရည်ရွယ်ချက်တစ်ခုတည်း ဟိကြ၏။ သူရို့သည် မိမိရို့၏ တန်ခိုးအာဏာတိကို သားရဲအား ပီးအပ်ကြ၏။ 14 သူရို့သည် သိုးသူငယ်တော်ကို စစ်တိုက်ကြလိမ့်မည်။ ထိုသူသည် အသျှင်တကာရို့၏ အသျှင်၊ ဘုရင်တကာရို့၏ ဘုရင်ဖြစ်တော်မူသောကြောင့် သူရို့ကို နှိမ်နင်းတော်မူလိမ့်မည်။ ကိုယ်တော်နှင့်အတူ ဟိသောသူရို့သည်လည်း ခေါ်ယူတော်မူခြင်း ခံရသောသူ၊ ချီးကျူးတော်မူခြင်း ခံရတော်မူသောသူ၊ သစ္စာဟိသောသူရို့ ဖြစ်ကြ၏” ဟု ဆို၏။ 15 ထို့နောက် ကောင်းကင်တမန်က ငါ့အား “ပြည့်တန်ဆာမ ထိုင်နိုင်သောရီသည် တိုင်းနိုင်ငံများ၊ ဘာသာစကားအမျိုးမျိုးကိုပြောသော လူမျိုးနွယ်များဖြစ်ကြ၏။ 16 သင်မြင်ရသော သားရဲနှင့် ပြုဆယ်ချောင်းရီသည် ပြည့်တန်ဆာမကို မုန်းကြလိမ့်မည်။ သူရို့သည် သူမပါးမှ ဟိသမျှကို ချွတ်ယူလျက် အဝတ်မဟိဘဲ ဖြစ်စီကြလိမ့်မည်။ သူမ၏အသားကို စား၍ သူမကို မီးတိုက်ကြလိမ့်မည်။ 17 အကြောင်းမူကား ဘုရားသခင် မိန့်တော်မူသောစကားများ အကောင်အထည်ပေါ်လာသည့်တိုင်အောင် သူရို့သည် မိမိရို့၏ အခွင့်အာဏာများကို သားရဲအား တညီတညွတ်တည်း အပ်ပီးကြစီရန် ကိုယ်တော်သည် သူရို့၏စိတ်နှလုံးထဲ၌ မိမိ၏အကြံအစည်တော်ကို ထည့်ထားတော်မူ၏။ 18 “သင်မြင်ရသည့် မိန်းမကား မြီကြီးထက်၌ဟိသော သျှင်ဘုရင်ရို့ကို အုပ်စိုးသော မြို့ကြီးဖြစ်သတည်း” ဟု ဆို၏။

18 ထို့နောက် ကောင်းကင်မှ ဆင်းသက်လာသော အခြား ကောင်းကင်တမန်တစ်ပါးကို ငါ မြင်ရ၏။ ထိုသူသည် ကြီးစွာသောအခွင့်အာဏာ ဟိသောသူဖြစ်၏။ သူ၏အရောင်အဝါသည် မြီကြီးတစ်ပြင်လုံးကို ထွန်းလင်းတောက်ပစီ၏။ 2 သူသည် အသံကျယ်လောင်စွာဖြင့် “ဗာဗုလုန်မြို့ကြီးသည် ပျက်သုဉ်းလားယာ။ ဗာဗုလုန်မြို့ကြီး ပျက်သုဉ်းလားယာ။ အဂု ထိုမြို့သည် နတ်ဆိုးတို့နှင့် ညစ်ညမ်းသော ဝိညာဉ်ဆိုးတို့ နီထိုင်ရာ၊ စက်ဆုပ်ဖွယ်ကောင်းသော ငှက်ဆိုးတို့ မှီခိုရာအရပ် ဖြစ်လေယာ။ 3 အကြောင်းမူကား လူမျိုးအပေါင်းရို့သည် ထိုမြို့၏ ကာမဂုဏ်လိုက်စားမှုတည်းဟူသော စပျစ်ရည်နှင့် မူးယစ်နှိန်ခသောကြောင့်ဖြစ်၏။ မြီကြီးထက်၌ဟိသော သျှင်ဘုရင်အပေါင်းရို့သည် ဗာဗုလုန်မြို့နှင့်အတူ ကာမဂုဏ်လိုက်စားကြ၏။ လောက၌ဟိသော ကုန်သည်ရို့သည်လည်း ထိုမြို့၏ ကာမဂုဏ်စည်းစိမ်ခံစားမှုကို အကြောင်းပြု၍ ချမ်းသာကြွယ်ဝ ကြလေ၏” ဟု ကြွေးကြော်လေ၏။ 4 ထို့နောက် ကောင်းကင်ဘုံက အခြားသောအသံကို ငါကြားရ၏။ ထိုအသံကား၊ “ငါ၏လူရို့ ထွက်လာကြလော့။ သူမပြုသော အပြစ်တို့၌ မပါစီခြင်းငှာ လည်းကောင်း၊ သူမနှင့်အတူ အပြစ်ဒဏ်ကို မခံရစီခြင်းငှာ လည်းကောင်း သူမပါးမှ ထွက်လာကြလော့။ 5 အကြောင်းမူကား သူမ၏အပြစ်သည် မိုးကောင်းကင်တိုင်အောင် မြင့်မား၍ သူမ၏ မတရားသောအမှုများကို ဘုရားသခင် မှတ်မိတော်မူသောကြောင့်တည်း။ 6 သူမသည် သင်ရို့အား ပြုသည့်အတိုင်း သူမအား ပြုကြလော့။ သူမပြုသော အရာအားလုံးအတွက် နှစ်ဆပီးဆပ်ကြလော့။ သင်ရို့အဖို့ သူမပျင်ဆင်ပီးသော ဖလား၌ နှစ်ဆပြင်းစွာသော သောက်စရာကို သူမအဖို့ ပျင်ဆင်ပီးကြလော့။ 7 သူမသည် မိမိကိုယ်ကို ချီးမြှောက်၍ စည်းစိမ်ခံစားသည့်နှင့်အမျှ သူမအား ဝမ်းနည်းပူဆွီး ဆင်းရဲဒုက္ခ ရောက်စီကြလော့။ အကြောင်းမူကား သူမက ‘ငါသည် မိဖုရားဖြစ်၏။ မုဆိုးမ မဟုတ်။ ငါသည် ဇာခါမျှ ဝမ်းနည်းပူဆွီးရလိမ့်မည် မဟုတ်’ ဟု ပြောဆိုနိုင်သောကြောင့် ဖြစ်၏။ 8 ဤအကြောင်းကြောင့် ရောဂါဘေး၊ ဝမ်းနည်းပူဆွီးခြင်းဘေး၊ အစာငတ်မွတ်ခေါင်းပါးခြင်းဘေးများသည် သူမ ပါး၌ တစ်ရက်အတွင်း ကျရောက်လာလိမ့်မည်။ သူမသည် မီးယွှိုခြင်းကို ခံရလိမ့်မည်။ အကြောင်းမူကား သူမအား တရားစီရင်တော်မူသော ထာဝရအသျှင် ဘုရားသခင်သည် တန်ခိုးကြီးတော်မူသောကြောင့် ဖြစ်သတည်း”

ဟု ဆို၏။ 9 သူမနှင့် ကာမဂုဏ်စည်းစိမ် ခံစားခကြသော မြို့ကြီးတစ်ပြင်လုံး၌ ဟိသော ဘုရင်ရှိသည် သူမ၌ လောင်ကျွမ်းလျက်ဟိသည့် မီးမှ မီးခိုးများကို မြင်သောအခါ ငိုကြွေးမြည်တမ်းကြလိမ့်မည်။ 10 သူရှိသည် သူမခံရသည့် ဝေဒနာကို ကြောက်ရွံ့၍ အစိုးမှရပ်လျက် “တန်ခိုး ကြီးသောမြို့၊ ကြီးမြတ်သော ဗာဗုလုန်မြို့၊ ဖြစ်ရလေခြင်း၊ ဖြစ်ရလေခြင်း။ သင်သည် တစ်နာရီအတွင်း၌ ပြစ်ဒဏ်စီရင်ခြင်းကို ခံရလေပြီတကား” ဟု ဆိုကြ၏။ 11 မြို့ကြီး၌ဟိသော ကုန်သည်ကြီးရှိသည်လည်း မိမိရှိ၏၊ ကုန်ပစ္စည်းများကို ဝယ်ယူမည့် သူတစ်ယောက်မျှ မဟိသဖြင့် ငိုကြွေးမြည်တမ်းကြ၏။ 12 သူရှိ၏ ကုန်ပစ္စည်းများကား ရွှံ့၊ ငွေ၊ ကျောက်မျက် ရတနာ၊ ပုလဲ၊ ပိတ်ချောထည်၊ နီမောင်းသောအထည်၊ ဖဲနီထည်၊ ကတ္တီပါ၊ နံ့သာသစ်သားအမျိုးမျိုး၊ ဆင်စွယ်၊ အဖိုးတန်သစ်သား၊ ကြိုး၊ သံနှင့် ကျောက်ဖြူများဖြင့် ပြုလုပ်ထားသော ပစ္စည်းအမျိုးမျိုး။ 13 သစ်ကြံပိုးပင်၊ ဟင်းခပ်အမွှီးအကြိုင်၊ နံ့သာပေါင်း၊ မုရုန်၊ ဆီမွှီး၊ လောဗန်၊ စပျစ်ရည်၊ ဆီ၊ ဂျုံဆန်နှင့် ဂျုံမှုန့်၊ ကျွဲနှင့် သိုး၊ မြင်းနှင့် ရထား၊ ကျွန်နှင့် လူ၏စိတ်ဝိညာဉ်များပင် ဖြစ်ကြလေ၏။ 14 ကုန်သည်ကြီးရှိက ထိုမြို့အား “သင် လိုချင်တောင့်တသော ကောင်းသောအရာများသည် မဟိယာ။ သင်၏ စည်းစိမ်ချမ်းသာနှင့် ဂုဏ်အသရေများသည်လည်း ကွယ်ပျောက်လားခယာ။ ထိုအရာများကို သင်သည် နောက်တဖန် ရလိမ့်မည် မဟုတ်” ဟု ဆိုကြ၏။ 15 ဗာဗုလုန်မြို့ကို အမှီပြု၍ ထိုကုန်ပစ္စည်းများကို ရောင်းဝယ်ခြင်းအားဖြင့် ချမ်းသာကြွယ်ဝလာသော ကုန်သည်ကြီးရှိသည် ထိုမြို့ ခံရသည့်ဘေးဒဏ်ကြောင့် ကြောက်ရွံ့တုန်လှုပ်ကာ အစိုးမှ ရပ်လျက်။ 16 “ဖြစ်ရလေခြင်း၊ ဖြစ်ရလေခြင်း။ ပိတ်ချောထည်၊ နီမောင်းသောပိတ်ထည်၊ အနီရောင် အဝတ်အထည်၊ ရွှံ့တန်ဆာ၊ ကျောက်မျက်ရတနာတန်ဆာ၊ ပုလဲတန်ဆာများကို ဝတ်ဆင်ထားသော မြို့ကြီးသည်။ 17 ဤစည်းစိမ်ဟိသမျှကို တစ်နာရီအတွင်း၌ ဆုံးယှုံးရပါသည်တကား” ဟု ငိုကြွေးကြလိမ့်မည်။ ခပ်သိမ်းသော သင်္ဘောသူကြီးများနှင့် ခရီးသည် အပေါင်းရှိသည် လည်းကောင်း၊ သင်္ဘောသားများနှင့် ရီကြောင်းကုန်သွယ်မှုကို ပြုကြသူအပေါင်းရှိသည် လည်းကောင်း အစိုးက ရပ်နံ့ကြ၏။ 18 ထိုမြို့ကို ကျွမ်းလောင်စီသော မီးလျှံများမှ မီးခိုးများကို သူရဲ့မြင်သောအခါ “ဇာခါဌမျှ ဤမြို့ကြီးကဲ့သို့ ကြီးကျယ်ခမ်းနားသော မြို့မဟိခဖူးပါ” ဟု အော်ဟစ်ကြ၏။ 19 သူရှိသည် မြို့မှုန်များကို မိမိရီဂေါင်းထက်၌ ကြံဖွန့်လျက် “မဟာမြို့ကြီးသည်ကား ဖြစ်ရလေခြင်း၊ ဖြစ်ရလေခြင်း။ ပင်လယ်ကူး သင်္ဘောပိုင်သျှင် အပေါင်းကို ကြွယ်ဝချမ်းသာစီသော မြို့ကြီးသည် တစ်နာရီအတွင်း ဟိသမျှ ဆုံးယှုံးပါသည်တကား” ဟု ငိုကြွေးမြည်တမ်း ကြ၏။ 20 ကောင်းကင်ဘုံသားရဲ့ ထိုမြို့ ပျက်စီးသည့်အတွက် ဝမ်းမြောက်ကြလော့။ ဘုရားသခင်၏လူများ၊ တမန်တော်များ၊ ပရောဖက်များ ဝမ်းမြောက်ကြလော့။ အကြောင်းမူကား ထိုမြို့သည် သင်ရီအား ပြုခသမျှအတွက် ဘုရားသခင်သည် ထိုမြို့ကို ပြစ်ဒဏ်စီရင်တော်မူယာ။ 21 ထို့နောက် ခွန်အားကြီးသော ကောင်းကင်တမန် တစ်ပါးသည် ကြိတ်ဆုံကျောက်ကြီးတစ်ခုလောက်ဟိသော ကျောက်တုံးတစ်တုံးကို ယူ၍ ပင်လယ်ထဲသို့ ပစ်ချလိုက်ပြီးလျှင် “ဗာဗုလုန်မြို့ကြီးသည် ဤသို့ ပစ်ချခြင်းကို ခံရလိမ့်မည်။ နောက်တဖန် ထိုမြို့ကို ပြန်၍ တို့မြင်ကြရလိမ့်မည် မဟုတ်။ 22 သင်၌ စောင်းသမား၊ တေးဂီတသမား၊ ပလွေသမား၊ တံပိုးခရာသမားရဲ့၏ တီးမှုတ်သောအသံကို နောက်တဖန် ကြားရလိမ့်မည် မဟုတ်။ သင့်ထံ၌ ဇာအလုပ်သမားကိုမျှ တို့ရလိမ့်မည် မဟုတ်။ ကြိတ်ဆုံ အသံကိုလည်း ကြားရလိမ့်မည် မဟုတ်။ 23 သင်သည် ဇာခါမျှ ဆီမီး၏ အလင်းရောင်ကို မြင်ရလိမ့်မည် မဟုတ်။ မင်္ဂလာဆောင်သတို့သားနှင့် သတို့သမီး၏ အသံကိုလည်း ဇာခါမျှ ကြားရလိမ့်မည် မဟုတ်။ အကြောင်းမူကား သင်၏ကုန်သည်ကြီးရှိကား တစ်လောကလုံး၌ ဩဇာအာဏာကြီးမားသော သူရဲ့ဖြစ်ကြ၏။ သင်သည် လူမျိုးတကာရဲ့ကို စုန်းအတတ်ဖြင့် ပြုစားကာ မှောက်မှားလမ်းလွဲ စီပြီးဖြစ်ယာ” ဟု ဆိုလေ၏။ 24 ဗာဗုလုန်မြို့ အပြစ်ဒဏ်ခံရသည်မှာ ထိုမြို့တွင် ပရောဖက်ရဲ့၏ အသွီး၊ ဘုရားသခင်၏လူရဲ့၏ အသွီး၊ မြို့ကြီးထက်တွင် အသတ်ခံရသော သူအပေါင်းရဲ့၏ အသွီးများကို တို့ဟိရသော ကြောင့်ဖြစ်၏။

19 ထို့နောက် ကောင်းကင်၌ များစွာသောလူအုပ်ကြီး၏ အသံနှင့်တူသည့်အသံကို ငါ ကြားရ၏။ ထိုသူရိက “ဘုရားသခင်၏ ဂုဏ်တော်ကိုချီးမွမ်းကြလော့။ ငါရဲ့ဘုရားသခင်သည် ကယ်တင်ခြင်း၊ ဘုန်းတော်၊ တန်ခိုးတော်နှင့်

ပြည့်စုံတော်မူသော အသျှင်ဖြစ်တော်မူပါ၏။ 2 ကိုယ်တော်၏ တရားစီရင်တော်မူချက်ရှိသည် မှန်ကန်ပြီး ဖြောင့်မတ်ပါ၏။ မိမိ၏ ကာမဂုဏ်ဖြင့် မြီကြီးသားရဲ့အား ဖောက်ပြန်ပျက်စီးစီသော ပြည့်တန်ဆာမကြီးကို ကိုယ်တော်သည် ပြစ်ဒဏ်ပီးတော်မူ၏။ ကိုယ်တော်၏ အစီခံရို့ကို သတ်ခသောကြောင့် ကိုယ်တော်သည် ထိုမိန်းမအား ဒဏ်ခတ်တော်မူဟူ” ဟု ကြွေးကြော်ကြ၏။ 3 တဖန် ထိုသူရို့က “ဘုရားသခင်၏ ဂုဏ်တော်ကို ချီးမွမ်းကြလော့။ ထိုမြို့မှ မီးခိုးများသည် ထာဝရအစဉ်အဆက် လွင့်တက်လျက် ဟိ၏” ဟု ကြွေးကြော်၏။ (aiōn g165) 4 ထိုအခါ အသက်ကြီးသူ ၂၄ ပါးနှင့် သက်ဟိသတ္တဝါလေးပါးရို့က “အာမင်၊ ဘုရားသခင်၏ဂုဏ်တော်ကို ချီးမွမ်းကြလော့” ဟု ဆိုကာ ပလ္လင်တော်ထက်တွင် စံနိန်တော်မူသော ဘုရားသခင်အား ပျပ်ဝပ် ကိုးကွယ်ကြ၏။ 5 “ဘုရားသခင်၏ အစီခံအပေါင်းရို့နှင့် လူအားလုံးရို့ ကိုယ်တော်ကို ကြောက်ရွံ့ရို့သိသောသူ အကြီးအငယ်အပေါင်းရို့ ငါရို့ ဘုရားသခင်၏ဂုဏ်တော်ကို ချီးမွမ်းကြလော့” ဟု ပလ္လင်တော်မှ အသံထွက်ပေါ်လာ၏။ 6 ထို့နောက် လူပရိသတ်ကြီး၏ အသံကဲ့သို့ လည်းကောင်း၊ အဟုန်ဖြင့် စီးသောရီသံကဲ့သို့ လည်းကောင်း၊ မိုးခြိမ်းသံကဲ့သို့ လည်းကောင်း ထွက်ပေါ်လာသော အသံကို ငါကြားရ၏။ ထိုအသံကြီးက “ဘုရားသခင်၏ ဂုဏ်တော်ကို ချီးမွမ်းကြလော့။ အနန္တတန်ခိုးသျှင် ငါရို့၏ဘုရားသခင်သည် အုပ်စိုးတော်မူဟူ။ 7 သိုးသူငယ်တော်၏ မင်္ဂလာပွဲ အချိန် ကျရောက်ပြီဖြစ်သောကြောင့် ငါရို့သည် ဝမ်းမြောက်ရွှင်လန်းလျက် ဘုန်းတော်ကို ချီးမွမ်းကြကုန်အံ့။ ကိုယ်တော်၏ သတို့သမီးသည် မိမိကိုယ်ကို အသင့်ပျင်ဆင် ထားယာ။ 8 သူမသည် ဝတ်ဆင်ရန် စင်ကြယ်သောပိတ်ချောထည်ကို ရထားယာ” ဟု ဆို၏။ (ထိုပိတ်ချောထည်ကား ဘုရားသခင်လူရို့၏ ကောင်းသောအကျင့်တို့ကို ဆိုလိုသတည်း။) 9 ထို့နောက် ကောင်းကင်တမန်က “သိုးသူငယ်တော်၏ မင်္ဂလာပွဲသို့ ဖိတ်ခေါ်ခြင်း ခံရသောသူရို့သည် မင်္ဂလာဟိကြ၏ဟု ရီးမှတ်ထားလော့” ဟူ၍ လည်းကောင်း “ဤစကားသည် ဘုရားသခင်၏နှုတ်တော်ထွက် စကားအမှန်ပင် ဖြစ်၏” ဟူ၍ လည်းကောင်း ငါ့အား ပြောဆို၏။ 10 ထိုအခါ ငါသည် ထိုသူကို ကိုးကွယ်ခြင်းငှာ သူ၏ခြံရံတွင် ပျပ်ဝပ်၏။ သို့ရာတွင် ကောင်းကင်တမန်က “ဤသို့ မပြုကျေ၊ ငါသည် အသျှင်ယေသျှု၏အကြောင်းကို သက်သီခံသော သင်နှင့် သင်၏ညီအစ်ကိုမောင်နှမရို့နှင့်အတူ လုပ်ဆောင်သူ တစ်ဦးသာ ဖြစ်၏။ ဘုရားသခင်ကိုသာ ကိုးကွယ်လော့” ဟု ဆို၏။ အကြောင်းမူကား အသျှင်ယေသျှု ဖော်ပြတော်မူသော သမ္မာတရားသည် ပရောဖက်ရို့အား လှုံ့ဆော်သောအရာဖြစ်၏။ 11 ထို့နောက် ကောင်းကင်ဘုံ ပွင့်လျက်နိန်သည်ကို ငါ မြင်ရ၏။ ထိုအရပ်တွင် မြင်းဖြူတစ်ကောင် ဟိ၏။ ထိုမြင်းကို စီးသောသူသည် သစ္စာဟိသောသူနှင့် သမ္မာတရားဟိသောသူ ဟူ၍ နာမည်ဟိ၏။ ထိုအသျှင်သည် ဖြောင့်မတ်စွာ တရားစီရင်တတ်၏။ တရားသဖြင့် စစ်တိုက်တတ်၏။ 12 သူ၏ မျက်လုံးများသည် မီးလျှံကဲ့သို့ တောက်ပလျက် ဟိ၏။ သူ၏ ဦးဂေါင်းတွင် သရဖူများကို ဆောင်းထား၏။ သို့သော် မိမိမှတစ်ပါး အခြားမည်သူမျှ မသိသော နာမည်ကို သူ၏အထက်မှာ ရီးမှတ်ထား၏။ 13 ထိုအသျှင်သည် အသွီး၌ နှိုက်ထားသော အဝတ်ကို ဝတ်ဆင်ထား၏။ သူ၏နာမည်ကား “ဘုရားသခင်၏ နှုတ်ကပတ်တော်” ဟူ၍ ဖြစ်၏။ 14 ကောင်းကင်ဗိုလ်ခြေရို့သည် စင်ကြယ်သည့် ပိတ်ချောဖြူထည်ကို ဝတ်ဆင်ကာ မြင်းဖြူများစီးလျက် ထိုအသျှင်၏ နောက်တော်မှ လိုက်ကြ၏။ 15 လူအမျိုးမျိုးရို့ကို နှိမ်နင်းရန်အတွက် ကိုယ်တော်၏ ခံတွင်းမှ ထက်သောသန်လျက် ထွက်တော်မူ၏။ ကိုယ်တော်သည် ထိုသူရို့ကို သံလှံတံဖြင့် အုပ်စိုးတော်မူလိမ့်မည်။ သူသည်အနန္တတန်ခိုးသျှင် ဘုရားသခင်၏ ပြင်းစွာသော အမျက်တော်တည်းဟူသော စပျစ်သီးနယ်ရာကျင်းကို နင်းတော်မူလိမ့်မည်။ 16 ကိုယ်တော်၏ ဝတ်လုံတော်နှင့် ပေါင်တော်တွင် “ဘုရင်တကာရို့၏ ဘုရင်၊ အသျှင်တကာရို့၏ အသျှင်” ဟူသော နာမကို ရီးထားလျက် ဟိ၏။ 17 ထို့နောက် နီထက်တွင် ကောင်းကင်တမန်တစ်ပါး ရပ်လျက်နိန်သည်ကို ငါမြင်ရ၏။ သူသည် ကောင်းကင်အလယ်တွင် ပျံသန်းနိုင်သော ငှက်အပေါင်းရို့အား “လာကြ၊ ဘုရားသခင်၏ စားပွဲတော်ကြီးသို့ စုဝေးကြလော့။ 18 သင်ရို့သည် သျှင်ဘုရင်ရို့၊ ဗိုလ်ချုပ်ကြီးရို့၊ စစ်သူရဲရို့၊ မြင်းစီးသူရဲရို့၊ မြင်းများ၊ လူကြီးလူငယ်ရို့၊ ကျွန်နှင့် ကျွန် မဟုတ်သော သူရို့၏အသားကို စားကြရလိမ့်မည်” ဟု အသံကျယ်စွာ ကြွေးကြော်လေ၏။ 19 ထို့နောက် သားရဲနှင့် မြီကြီးထက်၌ဟိသော

သျှင်ဘုရင်ရှိနှင့် သူရို၏စစ်သည် ဗိုလ်ပါရီသည် မြင်းစီးတော်မူသော အသျှင်နှင့် တိုက်ခိုက်ရန် စုရုံးကြသည်ကို ငါမြင်ရ၏။ 20 သားရဲနှင့်တကွ သူ၏ရှိတွင် နိမိတ်လက္ခဏာများကိုပြသော မိစ္ဆာပရောဖက်သည် အဖမ်းခံရ၏။ ထိုမိစ္ဆာပရောဖက်သည်ကား သားရဲ၏အမှတ်တံဆိပ်ကို ခံယူ၍ သူ၏ရုပ်တုကို ခြိမ်းသူရိုအား နိမိတ်လက္ခဏာများကို ပြခြင်းအားဖြင့် လိမ်လည်လှည့်ဖျားသောသူ ဖြစ်သတည်း။ ထိုသူနှစ်ယောက်စလုံးသည် အသက်ရှင်လျက်ပင် တောက်လောင်နိုင်သော ကန်နှင့်ရောသော မီးအိုင်ထဲသို့ ပစ်ချခြင်းကို ခံရကြ၏။ (Limnē Pyr g3041 g4442) 21 ကျန်ကြွင်းသောသူရှိသည်ကား မြင်းဖြူကို စီးတော်မူသော အသျှင်၏ခံတွင်းမှ ထွက်လာသော သန်လျက်ဖြင့် ကွပ်မျက်ခြင်းကို ခံရကြ၏။ ငှက်အပေါင်းရှိသည် သူရို၏အသားကို ဝစွာ စားကြ၏။

20 ထို့နောက် ကောင်းကင်တမန်တစ်ပါးသည် တွင်းနက်ကြီး၏ သော့ကိုလည်းကောင်း၊ သံကြိုးကြီးတစ်ချောင်းကိုလည်းကောင်း မိမိ၏လက်၌ ကိုင်လျက် ကောင်းကင်မှ ဆင်းလာသည်ကို ငါမြင်ရ၏။ (Abyssos g12) 2 သူသည် ရှိမြို့နဂါးကြီးကို ဖမ်းဆီးပြီးလျှင် သံကြိုးဖြင့် အနှစ်တစ်ထောင်တိုင်တိုင် ချိုင်ထား၏။ ထိုနဂါးကား နတ်မိစ္ဆာ၏ဘုရင် စာတန်မာရ်နတ်ပင်ဖြစ်၏။ 3 ကောင်းကင်တမန်သည် နဂါးကို တွင်းနက်ကြီးထဲသို့ ပစ်ချကာ တွင်းကို ပိတ်ပြီး အနှစ်တစ်ထောင်ကုန်ဆုံးသည့်တိုင်အောင် လူမျိုးတကာရိုအား မလှည့်ဖျားနိုင်စီခြင်းငှာ တံဆိပ်ခတ်နှိပ်၍ ထား၏။ ထိုကာလပြီးနောက် သူ့အား ခေတ္တခဏ လွှတ်ပီးရမည်။ (Abyssos g12) 4 ထို့နောက် ငါသည် ပလ္လင်များကို မြင်ရ၏။ ယင်းပလ္လင်များထက်တွင် ထိုင်နိုင်သူများမှာ တရားစီရင်ရန် အခွင့်အာဏာဟိသောသူများ ဖြစ်၏။ ထို့ပြင် ယေသျှု ဖော်ပြတော်မူသော သမ္မာတရားနှင့် ဘုရားသခင်၏ နှုတ်ကပတ်တော်ကို ဟောပြောကြေငြာခသည့်အတွက် ကွပ်မျက်ခြင်းကို ခံရကြသောသူရို၏ ဝိညာဉ်များကိုလည်းကောင်း ငါမြင်ရ၏။ သူရိုသည် သားရဲနှင့် သားရဲ၏ ရုပ်တုကို ရှိမခိုးခကြ။ မိမိရို၏နဖူးနှင့် လက်များတွင်လည်း သားရဲ၏အမှတ်တံဆိပ်ကို မခံယူခကြ။ သူရိုသည် အသက် ပြန်ရှင်လာကြပြီးလျှင် ခရစ်တော်နှင့်အတူ ဘုရင်များအဖြစ်ဖြင့် အနှစ်တစ်ထောင်အုပ်စိုးကြရ၏။ 5 (သီလွန်သောသူရိုထံမှ ကျန်ကြွင်းသော အနှစ်တစ်ထောင် ကုန်လွန်ပြီးမှ အသက်ပြန်ရှင်ကြရ၏။) ဤသည်ကား သီဆုံးလားသောသူရိုအား ဘုရားသခင်သည် ပထမအကြိမ် ရှင်ပြန်ထမြောက်စီတော်မူခြင်း ဖြစ်သတည်း။ 6 ယင်းသို့ ပထမအကြိမ် ရှင်ပြန်ထမြောက်ခြင်းတွင် ပါဝင်သောသူရိုသည် မင်္ဂလာဟိသောသူ၊ သန်ယှင်းသောသူများ ဖြစ်ကြ၏။ ဒုတိယသီခြင်းသည် သူရိုအား အစိုးမရနိုင်ယာ။ သူရိုသည် ဘုရားသခင်နှင့် ခရစ်တော်၏ အပူပရောဟိတ်များဖြစ်၍ ခရစ်တော်နှင့်အတူ အနှစ်တစ်ထောင်တိုင်တိုင် အုပ်စိုးကြရလိမ့်မည်။ 7 ထို့နောက် အနှစ်တစ်ထောင်ကုန်လွန်သောအခါ စာတန်သည် အကျဉ်းကျရာမှ လွတ်လာပြီးလျှင်၊ 8 ဂေါဂနှင့် မာဂေါဂ ဟု ခေါ်သော ကမ္ဘာအရပ်လေးမျက်နှာ၌ဟိသော လူမျိုးအပေါင်းရိုအား လှည့်ဖျားလျက် စစ်တိုက်ရန် စုဝေးစီလိမ့်မည်။ သူရိုသည် အရီအတွက်အားဖြင့် သမုဒ္ဒရာထဲလုံးနှင့်အမျှ များသတည်း။ 9 သူရိုသည် မြို့ကြီးမျက်နှာပြင်သို့ တက်လာပြီးလျှင် ဘုရားသခင်လူရို၏တပ်စခန်းနှင့် ကိုယ်တော် နှစ်သက်တော်မူသော မြို့ကို ဝိုင်းထားကြ၏။ သို့ရာတွင် ကောင်းကင်မှ မီးကျသဖြင့် သူရိုကို လောင်ကျွမ်းလေ၏။ 10 ထို့နောက် သူရိုအား လမ်းလွှဲစီသောသူ မာရ်နတ်သည်လည်း ကန်နှင့်ရောသော မီးအိုင်ထဲသို့ ပစ်ချခြင်းကို ခံရလေ၏။ မှားယွင်းသော ပရောဖက်ရှိသည် သားရဲနှင့်တကွ ထိုအိုင်ထဲသို့ ပစ်ချခြင်းကို ခံရပြီးဖြစ်၏။ သူရိုသည် ကမ္ဘာအဆက်ဆက် နိဗ္ဗာန်ပြတ် ညှဉ်းပန်းနိုင်စက်ခြင်းကို ခံရကြလတ္တံ့။ (aiōn g165, Limnē Pyr g3041 g4442) 11 ထို့နောက် ပလ္လင်ဖြူကြီးကိုလည်းကောင်း၊ ယင်းပလ္လင်ပေါ်တွင် စံနိုင်တော်မူသော အသျှင်ကိုလည်းကောင်း ငါမြင်ရ၏။ ကမ္ဘာမြို့ကြီးနှင့် မိုးကောင်းကင်သည် ထိုအသျှင်၏ ရှိတော်မောက်မှ ရွှံ့လျားပျောက်ကွယ် လားကြကုန်၏။ 12 သီလွန်လားသော လူကြီးလူငယ်ရှိသည် ပလ္လင်တော်ရှိ၌ ရပ်လျက်နိဗ္ဗာန်ကြသည်ကိုလည်းကောင်း၊ စာစောင်များကို ဖွင့်သည်ကိုလည်းကောင်း ငါမြင်ရ၏။ ထို့နောက် အသက်စာစောင်တည်းဟူသော အခြားစာစောင်ကို ဖွင့်လိုက်၏။ သီလွန်လားသောသူရိုသည် ထိုစာစောင်များတွင်


မှတ်တမ်းတင်ထားသည့် မိမိရို၏ အကျင့်များနှင့်အညီ တရားစီရင်ခြင်းကို ခံရကြ၏။ **13** သမုဒ္ဒရာသည် မိမိ၌ သီလွန်သောသူရိုကို ပီးအပ်လေ၏။ သီမင်းနှင့် မရဏာနိုင်ငံသည်လည်း မိမိရို၌ဟိသော သီလွန်သောသူရိုကို ပီးအပ်ကြ၏။ လူအပေါင်းရှိသည် မိမိရို အကျင့်အလျောက် တရားစီရင်ခြင်းကို ခံရကြ၏။ (Hadēs g86) **14** ထို့နောက် သီမင်းနှင့် မရဏာနိုင်ငံသည် မီးအိုင်ထဲသို့ ပစ်ချခြင်းကို ခံရကြ၏။ ဤမီးအိုင်သည် ဒုတိယသေခြင်း ဖြစ်သည်။ (Hadēs g86, Limnē Pyr g3041 g4442) **15** အသက်စာစောင်တွင် စာရင်းမဝင်သောသူ ဟိသမျှရှိသည် မီးအိုင်ထဲသို့ ပစ်ချခြင်းကို ခံရကြ၏။ (Limnē Pyr g3041 g4442)

21 ထို့နောက် ကောင်းကင်သစ်နှင့် မြီကြီးသစ်ကို ငါ မြင်ရ၏။ ယခင်က ကောင်းကင်နှင့် မြီကြီးကား ပျောက်ကွယ်လားလေယာ။ ပင်လယ်သမုဒ္ဒရာသည်လည်း မဟိယာ။ **2** ဘုရားသခင်၏ သန့်ယှင်းသောမြို့တည်းဟူသော ယေရုဆလင်မြို့သစ်ကို ငါမြင်၏။ ထိုမြို့သည် သတို့သားအဖို့ လှပစွာ ဆင်ယင်ထားသည့် သတို့သမီးကဲ့သို့ အဆင်သင့် ပျင်ဆင်လျက်၊ ဘုရားသခင်ထံတော် ကောင်းကင်ဘုံမှ ဆင်းသက်လာသည်ကို ငါမြင်ရ၏။ **3** ငါသည် ပလ္လင်တော်မှ ကျယ်လောင်သော အသံတစ်သံကို ကြားရ၏။ ထိုအသံကား “အဂုအခါ ဘုရားသခင်သည် လူသားရှိ၌ ကိန်းဝပ်တော်မူယာ။ ကိုယ်တော်သည် သူရိုနှင့်အတူ ကိန်းဝပ်တော်မူလိမ့်မည်။ ထိုသူရိုသည် ကိုယ်တော်၏လူတို့ ဖြစ်ကြလိမ့်မည်။ ဘုရားသခင် ကိုယ်တော်တိုင်ပင်လျှင် သူရိုနှင့်အတူ ဟိန်တော်မူပြီး သူရို၏ဘုရားဖြစ်လိမ့်မည်။ **4** ကိုယ်တော်သည် သူရို၏ မျက်ရည်ဟိသမျှကို သုတ်တော်မူလိမ့်မည်။ နောက်တဖန် သီဆုံးခြင်း၊ ဝမ်းနည်းပူဆွဲခြင်း၊ ငိုကြွေးခြင်းနှင့် နာကျင်ခြင်းများသည် မဟိရ။ ရှိဖြစ်ဖူးသော အရာများသည် ပျောက်ကွယ်လားယာ” ဟု ဆို၏။ **5** ပလ္လင်တော်ထက်တွင် စံတော်မူသောအသျှင်က “အဂုအခါ၌ ခပ်သိမ်းသော အရာများကို ငါ အသစ်ဖန်ဆင်းယာ” ဟု မိန့်တော်မူ၏။ ကိုယ်တော်က “ဤစကားများသည် သစ္စာစကား၊ ဟုတ်မှန်သောစကား ဖြစ်၏။ ရိုးမှတ်၍ ထားလော့” ဟု ငါ့အား မိန့်တော်မူ၏။ **6** ထို့နောက် ကိုယ်တော်က “အမူပြီးယာ။ ငါသည် အာလဖနှင့် ဩမေယဖြစ်ပြီး အစနှင့် အဆုံးလည်းဖြစ်၏။ ရီငတ်သောသူအား အသက်စမ်းရိုကို အဖိုးအခ မပီးရဘဲ သောက်ရသောအခွင့်ကို ငါပီးမည်။ **7** အောင်မြင်သောသူသည် ဤကောင်းကြီးမင်္ဂလာ အားလုံးကို ခံစားရလိမ့်မည်။ ငါသည် သူရို၏ဘုရားဖြစ်မည်။ သူရိုသည်လည်း ငါ၏ သားသမီးတို့ ဖြစ်လိမ့်မည်။ **8** သို့ရာတွင် ကြောက်တတ်သောသူ၊ မယုံကြည်သောသူ၊ စက်ဆုပ်ရွံ့ဖွယ်ကောင်းသောသူ၊ လူအသက်ကို သတ်သောသူ၊ အကျင့်ပျက်သောသူ၊ ပြုစားတတ်သောသူ၊ ရုပ်တုကိုးကွယ်သောသူရိုနှင့် လိမ်လည်ပြောဆိုသော သူရိုသည် ကန်နှင့်ရောသော မီးအိုင်ထဲ၌ ကျရကြလိမ့်မည်။ ဤကား ဒုတိယသီဆုံးခြင်း ဖြစ်သတည်း” ဟု မိန့်တော်မူ၏။ (Limnē Pyr g3041 g4442) **9** ထို့နောက် နောက်ဆုံးသော ဘေးဒဏ်ခုနစ်ပါးနှင့် ပြည့်သော ခွက်ဖလား ခုနစ်လုံးကို ကိုင်ထားသည့် ကောင်းကင်တမန် ခုနစ်ပါးအနက် တစ်ပါးသည် ငါ့ပါးသို့ လာ၍ “လာကတ်။ သိုးသူငယ်တော်၏ မယားတည်းဟူသော မင်္ဂလာဆောင်သတို့သမီးကို သင့်အား ငါပြမည်” ဟု ဆို၏။ **10** ကောင်းကင်တမန်သည် ငါ့ကို ဝိညာဉ်တော်အားဖြင့် အလွန်မြင့်သော တောင်ထိပ် တစ်ခုထက်သို့ ခေါ်ဆောင်လားပြီးလျှင် ဘုရားသခင်စံတော်မူရာ ကောင်းကင်ဘုံမှ သန့်ယှင်းသော ယေရုဆလင်မြို့သည် ဆင်းသက်လာသည်ကို ပြ၏။ **11** ထိုမြို့သည် ဘုရားသခင်၏ ဘုန်းတော်နှင့် ထွန်းတောက်၍ သလင်းကျောက်သဖွယ် ကြည်လင်သည့် နဂါးသွဲ့ကျောက်မျက်ကဲ့သို့ အရောင်အဝါတောက်ပလျက် ဟိ၏။ **12** ထိုမြို့တွင် တန်းခါးပေါက် တစ်ဆယ့်နှစ်ပေါက်နှင့် မြင့်မားသောမြို့ရိုးကြီး ဟိ၏။ ထိုတန်းခါးပေါက်များ၌ ကောင်းကင်တမန် တစ်ဆယ့်နှစ်ပါး စောင့်ရှောက်ထား၏။ ဣသရေလအမျိုး တစ်ဆယ့်နှစ်ပါးရို၏ နာမည်များကို တံခါးများထက်၌ ရိုးထားလျက် ဟိ၏။ **13** အရှိဖက်တွင် တန်းခါးပေါက်သုံးပေါက်၊ မြောက်ဖက်တွင် သုံးပေါက်၊ တောင်ဖက်တွင် သုံးပေါက်၊ အနောက်ဖက်တွင် သုံးပေါက် ဟိ၏။ **14** မြို့ရိုးတွင် အုတ်မြစ်ကျောက် တစ်ဆယ့်နှစ်ခုဟိ၏။ ထိုကျောက်များအထက်တွင် သိုးသူငယ်တော်၏ တမန်တော် တစ်ဆယ့်နှစ်ပါးရို၏ နာမည်များကို ရိုးထားလျက်

ဟိ၏။ 15 ငါနှင့်စကားပြောသော ကောင်းကင်တမန်တွင် မြို့ကိုလည်းကောင်း၊ မြို့တန်းခါးများကိုလည်းကောင်း၊ မြို့ရိုးကိုလည်းကောင်း တိုင်းထွာရန် ရွှံ့ကျူလုံး တစ်ချောင်း ဟိ၏။ 16 ထိုမြို့သည် စတုရန်း ပုံဟိပြီး အလျားနှင့်အနံ တူညီ၏။ ကောင်းကင်တမန်သည် ကျူလုံးဖြင့် မြို့ကို တိုင်းထွာရာ အလျား၊ အနံ၊ အမြင့်မှာ ၁,၅၀၀ မိုင်စီ ဟိကြောင်းကို တွဲရ၏။ 17 ထို့နောက် မြို့ရိုးကို တိုင်းထွာရာ ကောင်းကင်တမန် အသုံးပြုသည့် လူရို့၏ အတိုင်းအထွာအရ၊ အမြင့် ၂၁၆ ပေ ဟိသတည်း။ 18 မြို့ရိုးကို နဂါးသွဲ့ကျောက်ဖြင့် ဆောက်လုပ်ထား၏။ မြို့သည်လည်း ဖန်ရောင်တောက်နီနီသော ရွှံ့စပ်ဖြစ်၏။ 19 မြို့ရိုးအုတ်မြစ်များကို ကျောက်မျက်ရတနာ အမျိုးမျိုးများဖြင့် ခြယ်လှယ်ထား၏။ ပထမအုတ်မြစ်၌ နဂါးသွဲ့ကျောက်၊ ဒုတိယအုတ်မြစ်၌ နီလာ၊ တတိယအုတ်မြစ်၌ မဟူရာ၊ စတုတ္ထအုတ်မြစ်၌ မြ၊ 20 ပဉ္စမအုတ်မြစ်၌ ကြောင်၊ ဆဌမအုတ်မြစ်၌ ပတ္တမြား၊ သတ္တမအုတ်မြစ်၌ ဂေါဒန်ကျောက်၊ အဌမအုတ်မြစ်၌ မျက်ရွဲ၊ နဝမအုတ်မြစ်၌ ဥဿဖရား၊ ဒသမအုတ်မြစ်၌ မဟူရာစိမ်း၊ ဧကဒသမအုတ်မြစ်၌ စိမ်းပြာကျောက်၊ ဒွါဒသမအုတ်မြစ်၌ ဂေါမိတ် ဖြစ်သတည်း။ 21 မြို့တန်းခါး တစ်ခုလျှင် ပုလဲတစ်လုံးဖြင့် ပြုလုပ်ထားသောကြောင့် မြို့တံခါးတစ်ဆယ့်နှစ်ခုရှိသည် ပုလဲတစ်ဆယ့်နှစ်လုံး ဖြစ်ကြ၏။ မြို့၏လမ်းရိုးကိုလည်း ကြည့်လင်သည့် ဖန်ကဲ့သို့ ရွှံ့စပ်ဖြင့် ပြုလုပ်ထားလေ၏။ 22 ထိုမြို့တော်ထဲတွင် ဗိမာန်တော်ကို ငါမတွဲရ။ အကြောင်းမူကား ထိုမြို့၏ ဗိမာန်တော်သည် အနန္တတန်ခိုးသျှင် ဘုရားသခင်နှင့် သိုးသူငယ်တိပင် ဖြစ်သောကြောင့်တည်း။ 23 ဘုရားသခင်၏ ဘုန်းတန်ခိုးတော်သည် ထိုမြို့၌ ထွန်းလင်း၍ သိုးသူငယ်တော်သည် ထိုမြို့၏ဆီမီးဖြစ်သဖြင့် ထိုမြို့သည် နီ၏ အလင်းရောင်၊ လ၏ အလင်းရောင်ကို မလို။ 24 လူမျိုးတကာရှိသည် ထိုမြို့၏ အလင်းရောင်ကို အမှီပြု၍ လားလာကြလိမ့်မည်။ မြို့ကြီးထက်၌ဟိသော သျှင်ဘုရင်ရှိသည်လည်း မိမိရို့၏ ဘုန်းစည်းစိမ်ဥစ္စာများကို ထိုမြို့သို့ ယူဆောင်လာကြလိမ့်မည်။ 25 မြို့တန်းခါးများကို တစ်နီလုံး ဖွင့်ထားလိမ့်မည်။ ထိုမြို့၌ ညအချိန် မဟိသဖြင့် မြို့တန်းခါးများကို ဇာခါ၌မျှ ပိတ်ထားလိမ့်မည် မဟုတ်။ 26 လူမျိုးတကာရှိသည် မိမိရို့၏ ဘုန်းအသရ်နှင့် စည်းစိမ်ဥစ္စာများကို ထိုမြို့သို့ ယူဆောင်လာကြလိမ့်မည်။ 27 သို့ရာတွင် မစင်ကြယ်သည့်ဇာအရာမျှ ထိုမြို့တွင်းသို့ ဝင်ရလိမ့်မည် မဟုတ်။ စက်ဆုပ်ရွံ့ဖွယ်ကောင်းသော အမှုကို ပြုသောသူ၊ လိမ်လည်ပြောဆိုသောသူ မှန်သမျှသည်လည်း ဝင်ခွင့်ရလိမ့်မည် မဟုတ်။ သိုးသူငယ်တော်၏ အသက်စာစောင် စာရင်း၌ ပါသောသူများသာလျှင် ဝင်ရကြလိမ့်မည်။

22 ထို့နောက် ကောင်းကင်တမန်သည် ငါအား အသက်ရီစီးရာ မြစ်ကိုလည်း ပြ၏။ ထိုမြစ်သည် သလင်းကျောက်ကဲ့သို့ ကြည်လင်တောက်ပကာ ဘုရားသခင်နှင့် သိုးသူငယ်တော်၏ပလ္လင်မှ ထွက်၍၊ 2 မြို့တော်၏အလယ် လမ်းမတလျှောက် စီးဆင်းလေ၏။ ထိုမြစ်၏တစ်ဖက်စီ၌ အသီးတစ်ဆယ့်နှစ်မျိုးသီး၍ မိမိအသီးကို လစဉ်ပီးတတ်သည့် အသက်ပင်ဟိ၏။ ထိုအပင်၏ အရွက်များသည် လူမျိုးတကာရှိ၏ အနာရောဂါများကို ပျောက်ကင်းစီရန်အတွက် ဖြစ်၏။ 3 ထိုမြို့တွင် ဘုရားသခင်၏ ကျိန်ခြင်းကို ခံရသည့်အရာဟူ၍ မတွဲရ။ ဘုရားသခင်နှင့် သိုးသူငယ်တော်၏ ပလ္လင်တော်သည် ထိုမြို့တွင် ဟိ၍ ကိုယ်တော်၏ အစီခံရှိသည် ကိုယ်တော်ကို ဝတ်ပြုကိုးကွယ်ကြလိမ့်မည်။ 4 သူရို့သည် ကိုယ်တော်၏ မျက်နှာတော်ကို ဖူးမြင်ရကြလိမ့်မည်။ နာမတော်ကို သူရို့၏ နဖူးတွင် ရီးထားလျက် ဟိလိမ့်မည်။ 5 ထိုမြို့တွင် ညမဟိရ။ သူရို့သည် ဆီမီး၏အလင်းရောင်၊ နီ၏အလင်းရောင်ကို လိုအပ်ကြလိမ့်မည် မဟုတ်။ အကြောင်းမူကား အသျှင်ဘုရားသခင်သည် သူရို့အား အလင်းကို ပီးတော်မူမည်ဖြစ်၍၊ သူရို့သည် ထာဝရ အုပ်စိုးရကြလိမ့်မည်။ (aiōn g165) 6 ထို့နောက် ကောင်းကင်တမန်က ငါအား “ဤစကားသည် သစ္စာစကား၊ ဟုတ်မှန်သော စကားဖြစ်၏။ ပရောဖက်ရို့အား ဝိညာဉ်တော်နှင့် ပြည့်ဝစီတော်မူသော အသျှင်ဘုရားသခင်သည် မကြာမီဖြစ်ပျက်ရမည့် အမှုအရာများကို မိမိ၏အခိုင်းအစီရို့အား ဖော်ပြရန် ကောင်းကင်တမန်ကို စီခွတ်တော်မူယာ” ဟု ပြော၏။ 7 ယေသျှုကလည်း “နားထောင်လော့၊ ငါသည် မကြာမီ ကြွလာမည်။ ဤကျမ်းစောင်တွင် ပါဟိသည့် ပရောဖက်ပြုထားသော စကားများကို လိုက်လျှောက်သော သူရို့သည် မင်္ဂလာဟိ၏” ဟု မိန့်တော်မူ၏။ 8

ဤအမှုအရာများကို တို့မြင်ကြားသိရသောသူကား ငါ ယောဟန်ပင် ဖြစ်၏။ ထိုအရာများကို တို့မြင်ကြားသိရပြီးသောအခါ ငါသည် ကောင်းကင်တမန်အား ကိုးကွယ်ခြင်းငှာ သူ၏ဦးရင်း၌ ပျပ်ဝပ်လိုက်၏။ 9 ကောင်းကင်တမန်က “ဤသို့ မလုပ်ကေ။ ငါသည် သင်နှင့်တကွ သင်၏ညီအစ်ကို ပရောဖက်တိနှင့် ဤကျမ်းစောင်၏ စကားကို လိုက်နာစောင့်ထိန်းသောသူရို၏ လုပ်ဖော်ဆောင်ဖက် အစီခံတစ်ယောက်သာလျှင် ဖြစ်၏။ ဘုရားသခင်ကိုသာလျှင် ကိုးကွယ်လော့” ဟု ဆို၏။ 10 ထို့နောက် ကောင်းကင်တမန်က “ဤအမှုအရာ အားလုံးဖြစ်ပျက်မည့် အချိန်သည် နီးကပ်လာယာ ဖြစ်သောကြောင့် ဤကျမ်းစောင်တွင် ဖော်ပြပါဟိသော ပရောဖက်စကားများကို တံဆိပ်ခတ်၍ မထားကေ။ 11 မတရားသောအမှုကို ပြသောသူသည် ပြုမြဲ ပြုပါစီ။ ညစ်ညမ်းသောသူသည် ဆက်လက်၍ ညစ်ညမ်းလျက် နိန်ပါစီ။ ဖြောင့်မတ်သောသူသည် ဆက်လက်၍ ဖြောင့်မတ်ပါစီ။ သန့်ယှဉ်သောသူသည် ဆက်လက်၍ သန့်ယှဉ်ပါစီ” ဟု ငါ့အား ဆို၏။ 12 ယေသျှုက “နားထောင်လော့၊ မကြာမီ ငါ ကြွလာမည်။ ငါသည် အကျိုးအပြစ်ကို ယူဆောင်လာသည်ဖြစ်၍ လူအသီးသီးရဲ့အား မိမိရဲ့၏ အကျင့်အလျောက် ပီးအပ်ရမည်။ 13 ငါသည် အာလဖနှင့် ဩမေယဖြစ်ပြီး အစနှင့်အဆုံး ဖြစ်၏” ဟု မိန့်တော်မူ၏။ 14 မိမိရဲ့၏အဝတ်ကို သန့်ယှဉ်အောင် လျှော်ဖွတ်သော သူရိုသည် မင်္ဂလာဟိကြ၏။ ထိုသူရိုသည် အသက်ပင်၏ အသီးကို စားသုံးနိုင်သောအခွင့်နှင့် မြို့တန်းခါးဖြင့် မြို့တွင်းသို့ ဝင်နိုင်ရသောအခွင့်ကိုလည်း ရကြလိမ့်မည်။ 15 သို့ရာတွင် ခွီးတိ၊ ပြုစားတတ်သော သူတိ၊ ကာမဂုဏ်လိုက်စားသော သူတိ၊ လူ့အသက်ကို သတ်သောသူတိ၊ ရုပ်တုကိုးကွယ်သော သူတိနှင့် လိမ်လည်ပြောဆို၍ ကျင့်ကြံသော သူရိုသည် မြို့ပြင်တွင် နိန်ရကြလိမ့်မည်။ 16 “ငါ ယေသျှုသည် အသင်းတော်များ၌ ဟိကြသော သင်ရဲ့အား ဤအကြောင်းအရာများကို ကြေညာရန် ငါ၏ကောင်းကင်တမန်ကို စီစွပ်လိုက်၏။ ငါသည် ဒါဝိဒ်၏အနွယ်ဝင်ဖြစ်၏။ တောက်ပသော မိုးသောက်ကြယ်လည်း ဖြစ်၏။” 17 ဝိညာဉ်တော်နှင့် မင်္ဂလာဆောင်သတို့သမီးက “ကြွလာတော်မူပါ” ဟု ဆိုကြ၏။ ဤရာကို ကြားသောသူမှန်သမျှသည်လည်း “ကြွလာတော်မူပါ” ဟု ဆိုကပ်ပါစီ။ ရီငတ်သောသူသည် လာပါစီ။ အသက်ရိုကို အလိုဟိသောသူသည် အခမဲ့ ယူပါစီ။ 18 ဤစာစောင်ပါ ဗျာဒိတ်တော်များကို ကြားရသောသူ အပေါင်းရဲ့အား ငါ ယောဟန်သည် ကြပ်တည်းစွာ သတိပီးလိုက်၏။ ဇာသူမဆို ဤစာအုပ်တွင် တစ်စုံတစ်ရာ ထပ်လောင်း၍ ဖြည့်စွက်ပါက ဘုရားသခင်သည် ထိုသူ၌ ဤစာစောင်တွင် ဖော်ပြသော ဘေးဒဏ်များကို ကျရောက်စီတော်မူလိမ့်မည်။ 19 ဇာသူမဆို ဤစာစောင်တွင် ပရောဖက်ပြုထားသော စကားများမှ တစ်စုံတစ်ရာကို နုတ်ပယ်ပါက ဘုရားသခင်သည် ဤစာစောင်၌ ဖော်ပြသော အသက်ပင်၏အသီးကို စားသုံးခွင့်နှင့် မြင့်မြတ်သန့်ယှဉ်သော မြို့တော်သို့ ဝင်စားခွင့်ကို ထိုသူပါးမှ နုတ်ပယ်တော်မူလိမ့်မည်။ 20 ဤအကြောင်းအရာများကို သက်သိခံတော်မူသော အသျှင်က “မုချ၊ ငါသည် မကြာခင် ကြွလာမည်” ဟု မိန့်တော်မူ၏။ ဤအတိုင်းပင် ဖြစ်ပါစီသောဝံ။ အသျှင်ယေသျှု ကြွလာတော်မူပါ။ 21 အသျှင်ယေသျှု၏ ကျေးဇူးတော်ကို လူတိုင်း ခံစားရကြပါစီသောဝံ။ အာမင်။



ဘုရားသခင်၏ သန့်ယှင်းသောမြို့တည်းဟူသော ယေရုဆလင်မြို့သစ်ကို ငါမြင်၏။ ထိုမြို့သည် သတို့သားအဖို့ လှပစွာ ဆင်ယင်ထားသည့် သတို့သမီးကဲ့သို့ အဆင်သင့် ပျင်ဆင်လျက်၊ ဘုရားသခင်ထံတော် ကောင်းကင်ဘုံမှ ဆင်းသက်လာသည်ကို ငါမြင်ရ၏။ ငါသည် ပလ္လင်တော်မှ ကျယ်လောင်သော အသံတစ်သံကို ကြားရ၏။ ထိုအသံကား “အဂုအခါ ဘုရားသခင်သည် လူသားရှိ၌ ကိန်းဝပ်တော်မူယာ။ ကိုယ်တော်သည် သူရိနှင့်အတူ ကိန်းဝပ်တော်မူလိမ့်မည်။ ထိုသူရိသည် ကိုယ်တော်၏လူတို့ ဖြစ်ကြလိမ့်မည်။ ဘုရားသခင် ကိုယ်တော်တိုင်ပင်လျှင် သူရိနှင့်အတူ ဟိနိန်တော်မူပြီး သူရိ၏ဘုရားဖြစ်လိမ့်မည်။

Revelation 21:2-3

Reader's Guide

ရခိုင်ဘာသာ at AionianBible.org/Readers-Guide

The Aionian Bible republishes public domain and Creative Common Bible texts that are 100% free to copy and print. The original translation is unaltered and notes are added to help your study. The notes show the location of eleven special Greek and Hebrew Aionian Glossary words to help us better understand God's love for individuals and for all mankind, and the nature of afterlife destinies.

Who has the authority to interpret the Bible and examine the underlying Hebrew and Greek words? That is a good question! We read in 1 John 2:27, *"As for you, the anointing which you received from him remains in you, and you do not need for anyone to teach you. But as his anointing teaches you concerning all things, and is true, and is no lie, and even as it taught you, you remain in him."* Every Christian is qualified to interpret the Bible! Now that does not mean we will all agree. Each of us is still growing in our understanding of the truth. However, it does mean that there is no infallible human or tradition to answer all our questions. Instead the Holy Spirit helps each of us to know the truth and grow closer to God and each other.

The Bible is a library with 66 books in the Protestant Canon. The best way to learn God's word is to read entire books. Read the book of Genesis. Read the book of John. Read the entire Bible library. Topical studies and cross-referencing can be good. However, the safest way to understand context and meaning is to read whole Bible books. Chapter and verse numbers were added for convenience in the 16th century, but unfortunately they can cause the Bible to seem like an encyclopedia. The Aionian Bible is formatted with simple verse numbering, minimal notes, and no cross-referencing in order to encourage the reading of Bible books.

Bible reading must also begin with prayer. Any Christian is qualified to interpret the Bible with God's help. However, this freedom is also a responsibility because without the Holy Spirit we cannot interpret accurately. We read in 1 Corinthians 2:13-14, *"And we speak of these things, not with words taught by human wisdom, but with those taught by the Spirit, comparing spiritual things with spiritual things. Now the natural person does not receive the things of the Spirit of God, for they are foolishness to him, and he cannot understand them, because they are spiritually discerned."* So we cannot understand in our natural self, but we can with God's help through prayer.

The Holy Spirit is the best writer and he uses literary devices such as introductions, conclusions, paragraphs, and metaphors. He also writes various genres including historical narrative, prose, and poetry. So Bible study must spiritually discern and understand literature. Pray, read, observe, interpret, and apply. Finally, *"Do your best to present yourself approved by God, a worker who does not need to be ashamed, properly handling the word of truth."* 2 Timothy 2:15. *"God has granted to us his precious and exceedingly great promises; that through these you may become partakers of the divine nature, having escaped from the corruption that is in the world by lust. Yes, and for this very cause adding on your part all diligence, in your faith supply moral excellence; and in moral excellence, knowledge; and in knowledge, self-control; and in self-control patience; and in patience godliness; and in godliness brotherly affection; and in brotherly affection, love. For if these things are yours and abound, they make you to be not idle nor unfruitful to the knowledge of our Lord Jesus Christ,"* 2 Peter 1:4-8.

Glossary

ရခိုင်ဘာသာ at AionianBible.org/Glossary

The Aionian Bible un-translates and instead transliterates eleven special words to help us better understand the extent of God's love for individuals and all mankind, and the nature of afterlife destinies. The original translation is unaltered and a note is added to 64 Old Testament and 200 New Testament verses. Compare the meanings below to the Strong's Concordance and Glossary definitions.

Abyssos g12

Greek: proper noun, place

Usage: 9 times in 3 books, 6 chapters, and 9 verses

Meaning:

Temporary prison for special fallen angels such as Apollyon, the Beast, and Satan.

aidios g126

Greek: adjective

Usage: 2 times in Romans 1:20 and Jude 6

Meaning:

Lasting, enduring forever, eternal.

aiōn g165

Greek: noun

Usage: 127 times in 22 books, 75 chapters, and 102 verses

Meaning:

A lifetime or time period with a beginning and end, an era, an age, the completion of which is beyond human perception, but known only to God the creator of the aiōns, Hebrews 1:2. Never meaning simple endless or infinite chronological time in Greek usage. Read Dr. Heleen Keizer and Ramelli and Konstan for proofs.

aiōnios g166

Greek: adjective

Usage: 71 times in 19 books, 44 chapters, and 69 verses

Meaning:

From start to finish, pertaining to the age, lifetime, entirety, complete, or even consummate. Never meaning simple endless or infinite chronological time in Koine Greek usage. Read Dr. Heleen Keizer and Ramelli and Konstan for proofs.

eleēsē g1653

Greek: verb, aorist tense, active voice, subjunctive mood, 3rd person singular

Usage: 1 time in this conjugation, Romans 11:32

Meaning:

To have pity on, to show mercy. Typically, the subjunctive mood indicates possibility, not certainty. However, a subjunctive in a purpose clause is a resulting action as certain as the causal action. The subjunctive in a purpose clause functions as an indicative, not an optative. Thus, the grand conclusion of grace theology in Romans 11:32 must be clarified. God's mercy on all is not a possibility, but a certainty. See ntgreek.org.

Geenna g1067

Greek: proper noun, place

Usage: 12 times in 4 books, 7 chapters, and 12 verses

Meaning:

Valley of Hinnom, Jerusalem's trash dump, a place of ruin, destruction, and judgment in this life, or the next, though not eternal to Jesus' audience.

Hadēs g86

Greek: proper noun, place

Usage: 11 times in 5 books, 9 chapters, and 11 verses

Meaning:

Synonymous with Sheol, though in New Testament usage Hades is the temporal place of punishment for deceased unbelieving mankind, distinct from Paradise for deceased believers.

Limnē Pyr g3041 g4442

Greek: proper noun, place

Usage: Phrase 5 times in the New Testament

Meaning:

Lake of Fire, final punishment for those not named in the Book of Life, prepared for the Devil and his angels, Matthew 25:41.

Sheol h7585

Hebrew: proper noun, place

Usage: 66 times in 17 books, 50 chapters, and 64 verses

Meaning:

The grave or temporal afterlife world of both the righteous and unrighteous, believing and unbelieving, until the general resurrection.

Tartaroō g5020

Greek: proper noun, place

Usage: 1 time in 2 Peter 2:4

Meaning:

Temporary prison for particular fallen angels awaiting final judgment.

Glossary +

AionianBible.org/Bibles/Rakhine---Rakhine-Bible/Noted

Aionian Glossary references are below. Strong's Hebrew and Greek number notes are added to 64 Old Testament and 200 New Testament verses. Questioned verse translations do not contain Aionian Glossary words but may wrongly imply *eternal* or *Hell*. Note placement is skipped or adjusted for verses with non-standard numbering.

Abyssos

လုကာ 8:31
ရောမ 10:7
ဗျာဒိတ်တော် 9:1
ဗျာဒိတ်တော် 9:2
ဗျာဒိတ်တော် 9:11
ဗျာဒိတ်တော် 11:7
ဗျာဒိတ်တော် 17:8
ဗျာဒိတ်တော် 20:1
ဗျာဒိတ်တော် 20:3

aidios

ရောမ 1:20
ယုဒ 1:6

aiōn

မသဲ 12:32
မသဲ 13:22
မသဲ 13:39
မသဲ 13:40
မသဲ 13:49
မသဲ 21:19
မသဲ 24:3
မသဲ 28:20
မာကု 3:29
မာကု 4:19
မာကု 10:30
မာကု 11:14
လုကာ 1:33
လုကာ 1:55
လုကာ 1:70
လုကာ 16:8
လုကာ 18:30
လုကာ 20:34
လုကာ 20:35
ယောဟန် 4:14
ယောဟန် 6:51
ယောဟန် 6:58
ယောဟန် 8:35
ယောဟန် 8:51
ယောဟန် 8:52
ယောဟန် 9:32
ယောဟန် 10:28
ယောဟန် 11:26
ယောဟန် 12:34
ယောဟန် 13:8
ယောဟန် 14:16

တမန်တော် 3:21
တမန်တော် 15:18
ရောမ 1:25
ရောမ 9:5
ရောမ 11:36
ရောမ 12:2
ရောမ 16:27
၁ ကောရိန္တု 1:20
၁ ကောရိန္တု 2:6
၁ ကောရိန္တု 2:7
၁ ကောရိန္တု 2:8
၁ ကောရိန္တု 3:18
၁ ကောရိန္တု 8:13
၁ ကောရိန္တု 10:11
၂ ကောရိန္တု 4:4
၂ ကောရိန္တု 9:9
၂ ကောရိန္တု 11:31
ဂလာတီ 1:4
ဂလာတီ 1:5
ဧဖက် 1:21
ဧဖက် 2:2
ဧဖက် 2:7
ဧဖက် 3:9
ဧဖက် 3:11
ဧဖက် 3:21
ဧဖက် 6:12
ဖိလိပ္ပို 4:20
ကောလောသဲ 1:26
၁ တိမောသေ 1:17
၁ တိမောသေ 6:17
၂ တိမောသေ 4:10
၂ တိမောသေ 4:18
တိတု 2:12
ဟေဗြဲ 1:2
ဟေဗြဲ 1:8
ဟေဗြဲ 5:6
ဟေဗြဲ 6:5
ဟေဗြဲ 6:20
ဟေဗြဲ 7:17
ဟေဗြဲ 7:21
ဟေဗြဲ 7:24
ဟေဗြဲ 7:28
ဟေဗြဲ 9:26
ဟေဗြဲ 11:3
ဟေဗြဲ 13:8
ဟေဗြဲ 13:21
၁ ပေတရု 1:23

၁ ပေတရု 1:25
၁ ပေတရု 4:11
၁ ပေတရု 5:11
၂ ပေတရု 3:18
၁ ယောဟန် 2:17
၂ ယောဟန် 1:2
ယုဒ 1:13
ယုဒ 1:25
ဗျာဒိတ်တော် 1:6
ဗျာဒိတ်တော် 1:18
ဗျာဒိတ်တော် 4:9
ဗျာဒိတ်တော် 4:10
ဗျာဒိတ်တော် 5:13
ဗျာဒိတ်တော် 7:12
ဗျာဒိတ်တော် 10:6
ဗျာဒိတ်တော် 11:15
ဗျာဒိတ်တော် 14:11
ဗျာဒိတ်တော် 15:7
ဗျာဒိတ်တော် 19:3
ဗျာဒိတ်တော် 20:10
ဗျာဒိတ်တော် 22:5

aiōnios

မသဲ 18:8
မသဲ 19:16
မသဲ 19:29
မသဲ 25:41
မသဲ 25:46
မာကု 3:29
မာကု 10:17
မာကု 10:30
လုကာ 10:25
လုကာ 16:9
လုကာ 18:18
လုကာ 18:30
ယောဟန် 3:15
ယောဟန် 3:16
ယောဟန် 3:36
ယောဟန် 4:14
ယောဟန် 4:36
ယောဟန် 5:24
ယောဟန် 5:39
ယောဟန် 6:27
ယောဟန် 6:40
ယောဟန် 6:47
ယောဟန် 6:54
ယောဟန် 6:68

ယောဟန် 10:28
ယောဟန် 12:25
ယောဟန် 12:50
ယောဟန် 17:2
ယောဟန် 17:3
တမန်တော် 13:46
တမန်တော် 13:48
ရောမ 2:7
ရောမ 5:21
ရောမ 6:22
ရောမ 6:23
ရောမ 16:25
ရောမ 16:26
၂ ကောရိန္ဒါ 4:17
၂ ကောရိန္ဒါ 4:18
၂ ကောရိန္ဒါ 5:1
ဂလာတီ 6:8
၂ သက်သာလောနိတ် 1:9
၂ သက်သာလောနိတ် 2:16
၁ တိမောသေ 1:16
၁ တိမောသေ 6:12
၁ တိမောသေ 6:16
၂ တိမောသေ 1:9
၂ တိမောသေ 2:10
တီတု 1:2
တီတု 3:7
ဖိလေမုန် 1:15
ဟေဗြဲ 5:9
ဟေဗြဲ 6:2
ဟေဗြဲ 9:12
ဟေဗြဲ 9:14
ဟေဗြဲ 9:15
ဟေဗြဲ 13:20
၁ ပေတရု 5:10
၂ ပေတရု 1:11
၁ ယောဟန် 1:2
၁ ယောဟန် 2:25
၁ ယောဟန် 3:15
၁ ယောဟန် 5:11
၁ ယောဟန် 5:13
၁ ယောဟန် 5:20
ယုဒ 1:7
ယုဒ 1:21
ဗျာဒိတ်တော် 14:6

eleēse

ရောမ 11:32

Geenna

မသဲ 5:22
မသဲ 5:29
မသဲ 5:30
မသဲ 10:28
မသဲ 18:9
မသဲ 23:15
မသဲ 23:33
မာကု 9:43

မာကု 9:45
မာကု 9:47
လုကာ 12:5
ယာကုပ် 3:6

Hadēs

မသဲ 11:23
မသဲ 16:18
လုကာ 10:15
လုကာ 16:23
တမန်တော် 2:27
တမန်တော် 2:31
၁ ကောရိန္ဒါ 15:55
ဗျာဒိတ်တော် 1:18
ဗျာဒိတ်တော် 6:8
ဗျာဒိတ်တော် 20:13
ဗျာဒိတ်တော် 20:14

Limnē Pyr

ဗျာဒိတ်တော် 19:20
ဗျာဒိတ်တော် 20:10
ဗျာဒိတ်တော် 20:14
ဗျာဒိတ်တော် 20:15
ဗျာဒိတ်တော် 21:8

Sheol

Genesis 37:35
Genesis 42:38
Genesis 44:29
Genesis 44:31
Numbers 16:30
Numbers 16:33
Deuteronomy 32:22
1 Samuel 2:6
2 Samuel 22:6
1 Kings 2:6
1 Kings 2:9
Job 7:9
Job 11:8
Job 14:13
Job 17:13
Job 17:16
Job 21:13
Job 24:19
Job 26:6
Psalms 6:5
Psalms 9:17
Psalms 16:10
Psalms 18:5
Psalms 30:3
Psalms 31:17
Psalms 49:14
Psalms 49:15
Psalms 55:15
Psalms 86:13
Psalms 88:3
Psalms 89:48

Psalms 116:3
Psalms 139:8
Psalms 141:7
Proverbs 1:12
Proverbs 5:5
Proverbs 7:27
Proverbs 9:18
Proverbs 15:11
Proverbs 15:24
Proverbs 23:14
Proverbs 27:20
Proverbs 30:16
Ecclesiastes 9:10
Song of Solomon 8:6

Isaiah 5:14
Isaiah 7:11
Isaiah 14:9
Isaiah 14:11
Isaiah 14:15
Isaiah 28:15
Isaiah 28:18
Isaiah 38:10
Isaiah 38:18
Isaiah 57:9


Ezekiel 31:15
Ezekiel 31:16
Ezekiel 31:17
Ezekiel 32:21
Ezekiel 32:27
Hosea 13:14
Amos 9:2
Jonah 2:2
Habakkuk 2:5

Tartaroō

၂ ပေတရု 2:4


Questioned

None yet noted




အာဗြဟံသည် မိမိအား ပီမည်ဟု ဘုရားသခင် ကတိပြုထားသောပြည်သို့ ထွက်ခွာရန် ဘုရားသခင်က သူ့အား ခေါ်တော်မူသောအခါ သူသည်ပုံကြည့်ခြင်းအားဖြင့် နာခံလျက် မိမိမည်သည့်အရပ်သို့ လားရမည်ကို မသိသော်လည်း အတိပြည်မှ ထွက်လာလေ၏။


- Hebrews 11:8



"When Pharaoh had let the people go, God didn't lead them by the way of the land of the Philistines, although that was near; for God said, 'Lest perhaps the people change their minds when they see war, and they return to Egypt'" Exodus 13:17



“အကြောင်းများကား လူသားပင်လျှင် သူတစ်ပါးကို ခိုင်စွမ်းရန် လာသည့် မဟုတ်၊ သူတစ်ပါး၏ အခိုင်အမာကို ခြိမ်းခြောက်ခြင်းသာလည်းကောင်း၊ မိမိအသက်ကို စွန့်၍ လူတို့ကို ရွှံ့နှံ့ခြင်းသာလည်းကောင်း၊ ကြွလာခြင်းဖြစ်၏။” - Mark 10:45



Creation 4004 B.C.

Adam and Eve created	4004
Tubal-cain forges metal	3300
Enoch walks with God	3017
Methuselah dies at age 969	2349
God floods the Earth	2349
Tower of Babel thwarted	2247
Abraham sojourns to Canaan	1922
Jacob moves to Egypt	1706
Moses leads Exodus from Egypt	1491
Gideon judges Israel	1245
Ruth embraces the God of Israel	1168
David installed as King	1055
King Solomon builds the Temple	1018
Elijah defeats Baal's prophets	896
Jonah preaches to Nineveh	800
Assyrians conquer Israelites	721
King Josiah reforms Judah	630
Babylonians capture Judah	605
Persians conquer Babylonians	539
Cyrus frees Jews, rebuilds Temple	537
Nehemiah rebuilds the wall	454
Malachi prophecies the Messiah	416
Greeks conquer Persians	331
Seleucids conquer Greeks	312
Hebrew Bible translated to Greek	250
Maccabees defeat Seleucids	165
Romans subject Judea	63
Herod the Great rules Judea	37

(The Annals of the World, James Uusher)

Jesus Christ born 4 B.C.

New Heavens and Earth



- Christ returns for his people**
- 1956** Jim Elliot martyrd in Ecuador
- 1830** John Williams reaches Polynesia
- 1731** Zinzendorf leads Moravian mission
- 1614** Japanese kill 40,000 Christians
- 1572** Jesuits reach Mexico
- 1517** Martin Luther leads Reformation
- 1455** Gutenberg prints first Bible
- 1323** Franciscans reach Sumatra
- 1276** Ramon Llull trains missionaries
- 1100** Crusades tarnish the church
- 1054** The Great Schism
- 997** Adalbert martyrd in Prussia
- 864** Bulgarian Prince Boris converts
- 716** Boniface reaches Germany
- 635** Alopen reaches China
- 569** Longinus reaches Alodia / Sudan
- 432** Saint Patrick reaches Ireland
- 397** Carthage ratifies Bible Canon
- 341** Ulfilas reaches Goth / Romania
- 325** Niceae proclaims God is Trinity
- 250** Denis reaches Paris, France
- 197** Tertullian writes Christian literature
- 70** Titus destroys the Jewish Temple
- 61** Paul imprisoned in Rome, Italy
- 52** Thomas reaches Malabar, India
- 39** Peter reaches Gentile Cornelius
- 33** Holy Spirit empowers the Church

(Wikipedia, Timeline of Christian missions)

Resurrected 33 A.D.

What are we?			▶		Genesis 1:26 - 2:3	
How are we sinful?			▶		Romans 5:12-19	
Where are we?			▶			
					Innocence	
			Eternity Past		Creation 4004 B.C.	
▶ Who are we?	God	Father		John 10:30	Genesis 1:31 God's perfect fellowship with Adam in The Garden of Eden	
		Son		God's perfect fellowship		
		Holy Spirit				
	Mankind	Living				
		Deceased believing				
		Deceased unbelieving				
	Angels	Holy		Genesis 1:1 No Creation No people	Genesis 1:31 No Fall No unholy Angels	
		Imprisoned				
		Fugitive				
		First Beast				
		False Prophet				
		Satan				
Why are we?			▶		Romans 11:25-36, Ephesian 2:7	

Mankind is created in God’s image, male and female He created us

Sin entered the world through Adam and then death through sin

When are we?						
Fallen				Glory		
Fall to sin No Law	Moses' Law 1500 B.C.	Christ 33 A.D.	Church Age Kingdom Age		New Heavens and Earth	
1 Timothy 6:16 Living in unapproachable light				Acts 3:21 Philippians 2:11 Revelation 20:3 God's perfectly restored fellowship with all Mankind praising Christ as Lord in the Holy City		
John 8:58 Pre-incarnate		John 1:14 Incarnate	Luke 23:43 Paradise			
Psalm 139:7 Everywhere		John 14:17 Living in believers				
Ephesians 2:1-5 Serving the Savior or Satan on Earth						
Luke 16:22 Blessed in Paradise						
Luke 16:23, Revelation 20:5,13 Punished in Hades until the final judgment						
Hebrews 1:14 Serving mankind at God's command						
2 Peter 2:4, Jude 6 Imprisoned in Tartarus				Matthew 25:41 Revelation 20:10		
1 Peter 5:8, Revelation 12:10 Rebelling against Christ Accusing mankind			Revelation 20:13 Thalaasa		Lake of Fire prepared for the Devil and his Angels	
			Revelation 19:20 Lake of Fire			
			Revelation 20:2 Abyss			

For God has bound all over to disobedience in order to show mercy to all

Destiny

ရခိုင်ဘာသာ at AionianBible.org/Destiny

The Aionian Bible shows the location of eleven special Greek and Hebrew Aionian Glossary words to help us better understand God's love for individuals and for all mankind, and the nature of after-life destinies. The underlying Hebrew and Greek words typically translated as *Hell* show us that there are not just two after-life destinies, Heaven or Hell. Instead, there are a number of different locations, each with different purposes, different durations, and different inhabitants. Locations include 1) Old Testament *Sheol* and New Testament *Hadēs*, 2) *Geenna*, 3) *Tartaroō*, 4) *Abyssos*, 5) *Limnē Pyr*, 6) *Paradise*, 7) *The New Heaven*, and 8) *The New Earth*. So there is reason to review our conclusions about the destinies of redeemed mankind and fallen angels.

The key observation is that fallen angels will be present at the final judgment, 2 Peter 2:4 and Jude 6. Traditionally, we understand the separation of the Sheep and the Goats at the final judgment to divide believing from unbelieving mankind, Matthew 25:31-46 and Revelation 20:11-15. However, the presence of fallen angels alternatively suggests that Jesus is separating redeemed mankind from the fallen angels. We do know that Jesus is the helper of mankind and not the helper of the Devil, Hebrews 2. We also know that Jesus has atoned for the sins of all mankind, both believer and unbeliever alike, 1 John 2:1-2. Deceased believers are rewarded in Paradise, Luke 23:43, while unbelievers are punished in Hades as the story of Lazarus makes plain, Luke 16:19-31. Yet less commonly known, the punishment of this selfish man and all unbelievers is before the final judgment, is temporal, and is punctuated when Hades is evacuated, Revelation 20:13. So is there hope beyond Hades for unbelieving mankind? Jesus promised, *"the gates of Hades will not prevail,"* Matthew 16:18. Paul asks, *"Hades where is your victory?"* 1 Corinthians 15:55. John wrote, *"Hades gives up,"* Revelation 20:13.

Jesus comforts us saying, *"Do not be afraid,"* because he holds the keys to *unlock* death and Hades, Revelation 1:18. Yet too often our *Good News* sounds like a warning to *"be afraid"* because Jesus holds the keys to *lock* Hades! Wow, we have it backwards! Hades will be evacuated! And to guarantee hope, once emptied, Hades is thrown into the Lake of Fire, never needed again, Revelation 20:14.

Finally, we read that anyone whose name is not written in the Book of Life is thrown into the Lake of Fire, the second death, with no exit ever mentioned or promised, Revelation 21:1-8. So are those evacuated from Hades then, *"out of the frying pan, into the fire?"* Certainly, the Lake of Fire is the destiny of the Goats. But, do not be afraid. Instead, read the Bible's explicit mention of the purpose of the Lake of Fire and the identity of the Goats, *"Then he will say also to those on the left hand, 'Depart from me, you cursed, into the consummate fire which is prepared for... the devil and his angels,'"* Matthew 25:41. Bad news for the Devil. Good news for all mankind!

Faith is not a pen to write your own name in the Book of Life. Instead, faith is the glasses to see that the love of Christ for all mankind has already written our names in Heaven. *"If the first fruit is holy, so is the whole,"* Romans 11:16. Though unbelievers will suffer regrettable punishment in Hades, redeemed mankind will never enter the Lake of Fire, prepared for the devil and his angels. And as God promised, all mankind will worship Christ together forever, Philippians 2:9-11.



Disciple All Nations

ထို့ကြောင့် သင်္ချိန်သည် လာ၍ လူမျိုးအားလုံးကို ငါတို့သည် မြစ်စီးလျက်၊ ခမည်းတော်၊ သားတော်၊ သန့်ယုမ်းသောသိညာဉ်တော်၏ နာမည် ဗဟိုခံကို ပင့်ကြွလော့။ - Matthew 28:19

